


Cohamacu Yare Yahari
Tjuel



New Testament in Guanano

Cohamacu Yare Yahari Tjuel

New Testament in Guanano

copyright © 2007 Wycliffe Bible Translators, Inc.

Language: Guanano

Translation by: Wycliffe Bible Translators, Inc.

Copyright Information

© 2007, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Guanano

© 2007, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 11 Nov 2022 from source files dated 29 Jan 2022

1f3a4366-edba-553b-a17f-bc47c9049c98

Contents

SAN MATEO	1
SAN MARCOS . . .	91
SAN LUCAS	144
SAN JUAN	236
HECHOS	303
ROMANOS	385
1 CORINTIOS . . .	426
2 CORINTIOS . . .	465
GÁLATAS	490
EFESIOS	504
FILIPENSES	519
COLOSENSES . . .	528
1 TESALONI- CENSES	537
2 TESALONI- CENSES	545
1 TIMOTEO	549
2 TIMOTEO	560
TITO	567
FILEMÓN	571
HEBREOS	574
SANTIAGO	607
1 SAN PEDRO . . .	617
2 SAN PEDRO . . .	628
1 SAN JUAN	635
2 SAN JUAN	644
3 SAN JUAN	645
SAN JUDAS	647
APOCALIPSIS . . .	651

San Mateo

*Jesucristo Cohamacu
macano to coyea panopu
macaina jira*

(Lc 3.23-38)

1 Jesucristo coyeare
panopu macainare õ sehe
ni yahuihtja yuhñ. Jesu-
cristo ñuchuno cjiro panopu
macariro Davi wama tiri-
ro jia tiha. To jihto pano ti
ñuchuno cjiro Abrahã wama
tiri-ro jia tiha.

2 Abrahã Isaa pucuro jiaha.

Isaa Jacobo pucuro jiaha.

Jacobo Juda cãhu pucuro jiaha.

3 Juda pohna puaro jiaha.

Fares, Zara jiaha. Ti

pocoro Tamar wama
tiricoro jiaha.

Fares Esrom pucuro jiaha.

Esrom Aram pucuro jiaha.

4 Aram Aminadab pucuro
jiaha.

Aminadab Naasón pucuro
jiaha.

Naasón Salmón pucuro jiaha.

5 Salmón Booz pucuro jiaha.

Booz pocoro Rahab
jiaha.

Booz Obed pucuro jiaha. To
pocoro Rut jiaha.

Obed Jesé pucuro jiaha.

6 Jesé Davi pucuro jiaha.

Davi sehe Israe masa bui
puhtoro jiaha. Tiro

Uria wama tiri-ro cjiro
namonore to nuoari
baharo Salomo wama
tiri-rore pohna tiha.

7 Salomo Roboã pucuro jiaha.

Roboã Abías pucuro jiaha.

Abías Asa pucuro jiaha.

8 Asa Josafat pucuro jiaha.

Josafat Joram pucuro jiaha.

Joram Uzías pucuro jiaha.

9 Uzías Jotam pucuro jiaha.

Jotam Acáz pucuro jiaha.

Acáz Ezequia pucuro jiaha.

10 Ezequia Manase pucuro
jiaha.

Manase Amón pucuro jiaha.

Amón Josia pucuro jiaha.

11 Josia Jeconia cãhu pucuro
jiaha. Tina ti jiri

pjare Israe yahpa

macainare Babilonia

macaina sehe ñaha

wahcãha ti ya yah-
pau.

12 ã yoa Babilonia yahpai ti
suri baharo,

Jeconia Salatiere pohna tiha.

Salatie Zorobabe pucuro jiaha.

13 Zorobabe Abiud pucuro
jiaha.

Abiud Eliaquim pucuro jiaha.

Eliaquim Azor pucuro jiaha.

14 Azor Zadoc pucuro jiaha.

Zadoc Aquim pucuro jiaha.

Aquim Eliud pucuro jiaha.

15 Eliud Eleazar pucuro jiaha.

Eleazar Matán pucuro jiaha.

Matán Jacobo pucuro jiaha.

16 Jacobo José pucuro jiaha.

José María manano

jiaha. María sehe Jesu

pocoro jire. Jesu sehe

masare yuhdohtiro

jiro Cristo ti ni pisuriro

jire.

17 Tó sehe jiro Abrahãre

mari quihõ mñhtachu, pu

Davipure mari quihõ ba-

toachu ahrina jipihtina ti

panamana ji turiaina mehne

jia, catorce curuari waro

jiaha. Pari turi Davire mari

quihõ mæhtach_u, p_u Babiloniap_u Israe masare ti naahto pano mari quihõ batoach_u jipihtina ti panamana ji turiana mehne jia, catorce curuari waro pari turi jiha. Æ yoa tuhs_u Babiloniap_u ti s_uri baharo mari quihõ mæhtach_u, p_u Cristo to masa bajuach_up_u mari quihõ batoach_u jipihtina ti panamana ji turiana mehne jia, catorce curuari waro jiha tjoa.

Jesucristo to masa bajuarire yahuha
(Lc 2.1-7)

¹⁸ Æ yoa õ sehe Jesucristo masa bajuari jire. To pocoro María sehe José namono cjihto jiri jire. Wiho mejeta ti p_uaro ji d_ucahto pano Espíritu Santo to tuaa mehne wahma nijinocãre bocaro masiha ticoro to basi. ¹⁹ Æ yoa José to man_uno cjihto quihõno yoiri jiro, tíre masino, ticorore cohãno taro nimaha. Masa ti ñ_urocaroi ticorore buhiri tich_u yoa duaeraro, masa ti t_uhoerasinich_uta yaroca ticorore cohãno taro nimaha. ²⁰ Tíre to t_uhoturo watoí Cohamac_u anjo sehe cahãnop_u Josére bajuaro, õ sehe niha:

—José, Davi cjiro panamino, Mariare b_uo tiro marieno namo tiga. Ticoro Espíritu Santo to yoadohoro mehne wahma nijinocãre bocaricoro jira. Æ jic_u b_uo tiro marieno namo tiga ticorore. ²¹ Ticoro pohna tirohca. Tirota to mac_unota to masare, pichacap_u waha-borinare y_uhdohtiro jirohca.

To ã y_uhdohtiro jich_u ñ_ucs_u, Jesu ni wama pisuihca m_uh_u —niha anjo Josére.

²² Panop_u macariro Cohamac_u yare yahu mæhtariro cjiro “Æ waharohca”, to ni joariro seheta ahri jipihtia ã wahaa tiha. Ahri ã wahah-tore õ sehe ni joa dutia tiha Cohamac_u tirore:

²³ “Cãcoro nuhmino, ne m_uno mehne jieraricoro, nijinocãre bocaro pohna tirohca to mac_unocãre.

Tirocã Emanuel wama tirohca”,

ni joaa tiha Cohamac_u yare. (Emanuel nino: “Cohamac_u mari mehneti jira”, nino nica.)

²⁴ Cohamac_u anjo Josére to ã ni yahuri baharo José sehe wahcã, anjo to dutiriro seheta tiro María mehne wamomaca d_uhtehe. ²⁵ To mac_unocãre to pohna tihto pano José sehe ticoro mehne jiera tiha. Baharo ticoro sehe pohna tia wahaha. Tiro sehe wihãrirocãre Jesu wamoaha.

2

Sã m_uja taro macaina Jesucãre ñ_uua s_uha

¹ Herode Judea yahpa macaina ti bui p_uhtoro to jiri pja tí yahpai jiri macai Belëi Jesu masa bajuaha. To ã masa bajuari baharo ñahpichohare buheina ñahpichohare noano masiina s_u m_uja taro macaina ta, Jerusalëp_u wihia. ² Æ wihia, masare tó macainare sinituha:

—¿Judio masa ti bui p_uhtoro jihtiro cjihto mip_ure

nohopu masa bajuacari tiro? Sũ mũa taropu jina, ñahpichohaca to wahma bajua wahã suchu ñuna, “Puhtoro masa bajuaro nica”, ni masihi sã. ã to bajuachu ñuna, sã cãno mehne tirore ño payona tana tahi õpu —ni yahuha buheina masare.

³ ã yoa paina Herodere tíre yahua tiha. Ti ã yahuchu tuhoro Herode sehe soro tuhoutuha. ã jia jipihtina Jerusalẽ macaina cãhu to yoro seheta soro tuhoutuha tina cãhu. ⁴ ã jiro Herode sehe jipihtina sacerdotea puhtoare, mari judio masare buheina cãhure to pjirocari baharo ti cahmachu pichtichu ñuno, tinare sinituha tiro:

—¿Nohopu masa bajuaro-hcari Cristo sehe mũa tuhoutuçu? —ni sinitu ñuha tiro.

⁵ Õ sehe ni yahuha tirore:

—Belẽi, Judea yahpai jiri macai Cristo masa bajuaro-hca. Õ sehe ni joaa tiha Cohamacu yare yahu mũhtariro cjiro:

⁶ “Belẽi yu yainare Israe masare dutihtiro tarohca.

ã jiro paye macari Judea yahpai jia macari yuhdoro jira Belẽ”,

ni joaa tiha Cohamacu yare —ni yahuha tina Herodere.

⁷ Ti ã ni yahuri baharo Herode masa ti marieno watoi sũ mũa taropu tarinare pjirocaha. To cahapu tina ti suchu ñuno, tinare sinitu ñuha. To ã sinitu ñuchu tuhoa, ñahpichohacare ti ñuri dachore

yahuha tina. ⁸ Ti ã yahuri baharo Herode sehe tinare Belẽpu warocarõ õ sehe niha tinare:

—Tirocãre noano macaga. Tirocãre bocana tjuahna yuhure yahu tjuahga. Yuhu cãhu tirocãre ño payoi wahai tai nija —nimaha tinare Herode.

⁹ To ã niri baharo, tina wahaa wahaha. Ti ã wahachu sũ mũa taroi ti ñuria ñahpichohaca sehe mu tãrucuha. ã yoa wihãrirocã to jiro bui waroi tjua wahã suha tia sehe. ¹⁰ ã jia ñahpichohacare ñua, tuaro wahcheha tina. ¹¹ Wihãrirocã to jiri wuhupu su, sãa wahaha tina. ã sãa sua, wihãrirocãre to pocoro mehne jirocãre ñuha tina. ã ñua tina na tuhcuca caha su, tirocãre ño payoha. Ño payo tuhsu ti caa pocare naroca pjõoroca, urure, inciensore, mirra wama tia me sitia cãhure na wio, tíre tirocãre wapa marieno waa tiha. ¹² Tíre wa tuhsu caria wahaha tina. Ti ã carichu cahãnopu Cohamacu yahuha tinare: “Herode cahai tjuaena tjiga”, ni yahuha Cohamacu tinare cahãnopure. To ã ni yahuri baharo, tina sehe wahcãha. Ti ã wahcãri baharo pa mahapu ti ya dihtapu tjuaa wahaa tiha.

José cãhu Jesucãre Egiptopu na duhti wahcãa wahaha

¹³ Ti ã wahari baharo Cohamacu anjo cahãnopu Josere bajuaro, õ sehe niha:

—Wahcãga. Herode sehe maharirocãre wajãno taro,

macano nina mipare. Ñ
yoa maharirocãre, to pocoro
cãhure Egiptopu cjero na
duhti wahcãa wahaga.
Tõpurre yu niriro purota jiga
—ni yahuha anjo Josére.

14 To ã nichu tuhoro, José
sehe ñamihta wahcã, ma-
harirocãre to pocoro cãhure
Egiptopu na duhti wahcãa
wahaha. 15 Egiptopu sua,
Herode to catiro puro tõpurre
jiha tina. Ñ yoaha panopu
macariro Cohamacu yare
yahu muhtariro cjiro to ni
joariro seheta. Tíre tireore
Cohamacu joa dutia tiha. Õ
sehe ni joaa tiha Cohamacu
yare: “Egiptopu jirirore yu
macure pjirocahi”, ni joaa
tiha Cohamacu yare.

Herode macanacãre wajã dutiri jire

16 Ñ yoa ñahpichohare
buheina ti duhti yuhduachu
tuhoro Herode sehe sua
yuhduaha. Ñ suaro, Belẽ
macainare, tí maca duhtu
caha macaina cãhure ti
pohnare mua pohnare pu
cuhma cjuainacãre wajã
batoa dutiha tiro. Wah-
manore ñahpichoha buheina
ñahpichohacare ti ñari da-
chore yahuha Herodere.
Ti ã nichu tuhoro tiro to
wajã duarirocã to masa
bajuari dachore masino,
“Õpe cuhmari cjuara” nino,
pu cuhma cjuainare wajã
batoa dutiha. 17 Panopu
macariro Jeremía Cohamacu
yare yahu muhtariro cjiro to
ni joariro seheta ã wahaha. Õ
sehe ni joaa tiha tiro:

18 “Ramá wama tiropu bisiro
coa tarohca.

Tuaro cahyaa mehne tiiro
coa tarohca.

Raquel panamana numia ji
turia numiapu Israe
masa namosãnumia ti
pohnare tuaro tiiahca.

Ti pohnare ti wajachu ñua, ne
cahya duhusi”,

ni joaa tiha panopu.

19 Ñ yoa Herode to yari-
ari baharo Egiptoi jirirore
Josére Cohamacu yairo anjo
cahãnopu bajuaha. Ñ bajuaro
õ sehe niha Josére:

20 —Maharirocãre wajã du-
aina cjiri yariaa wahahre. Ñ
jicu tirocãre to pocoro mehne
Israe yahpapu na tjuaa wa-
haga mahu —ni yahuha anjo
Josére.

21 To ã niri baharo tiro
wahcã, maharirocãre to
pocoro mehneta Israe yah-
papu na tjuaa wahaha.

22 Wiho mejeta Arquelaio
Herode macano sehe to
puuro cohtotariro to jichu
tuhoro José sehe Judea yah-
pai cuuro, tjueraha. Ñ jiro
pari turita cahãnopu tireore
yahu namoha tjoa. Tireore
pari turi Judea yahpare ji
dutieraha. To ã ni yahuri
baharo, tina Galilea yahpapu
wahaa wahaha. 23 Tí yah-
papure Nazare wama tiri
macai jiha tina. Ñ yoaha
tina Cohamacu yare yahu
muhtaina cjiri ti joariro
seheta. Õ sehe ni joaa tiha:
“ ‘Cristo Nazare macariro
tjira’, niahca masa”, ni joaa
tiha Cohamacu yare yahu
muhtaina panopu macaina.

3

João masare bautisariro masare yahuha

(Mr 1.1-8; Lc 3.1-9, 15-17; Jn 1.19-28)

¹ ã yoa baharopu João masare bautisariro jiha. Judea yahpai masa marienopu tiro Cohamacu yare yahu ducaha masare.

² Õ sehe ni yahuha tinare:

—Mũano macariro Cohamacu mũasa puhtoro to sũho jihto mahanocã duhsara. ã jina “Ñano yoaeraja”, mũasa ni tuhotumari cjirire duhuga. Mũasa ñaa buhirire cahya, Cohamacu sehere cahmaga mũasa —ni yahuha tiro tinare.

³ Panopu macariro Isaia Cohamacu yare yahu muhtariro cjiro João to buhehtore ò sehe ni joaa tiha:

“Masa marienopu cãiro sañurucu, ò sehe ni buherohca:

‘Mari puhtoro to tahto pano tirore cahmaeraina cjiri mũasa tuhotuare cohtota, tirore cahmaina jiga mũasa’, ni sañurucu buherohca”, ni joaa tiha Isaia cjiro João cjihtore.

⁴ Tiro João camello pjoari suhtirore sãariro, wahiquiro cahsaroreta tuã dihoriro jiha. Poreroare, macaroca macaina miquina mi cãhure chũa tiha. ⁵ Jerusalẽ macaina, jipihtiro Judea yahpai jiina, Jordão wama tiri ma cahai jiina cãhu tirore tuhoa taha.

⁶ Wihi, tirore tuho, ti ñaa yoarire Cohamacure yahuha

tina. Ti ã ni yahuchũ tuhoru Jordão wama tiri mai João tinare bautisaha.

⁷ ã jiro payũ fariseo curua macaina, saduceo curua macaina cãhu João ti bautisa dutia tachũ ñũno tiro tinare ò sehe ni yahuha:

—¿Mũasa cãhu agãa ñima tina yoaro sehe mũasa mahñoa buhea mehne masare dojomehneina jina, Cohamacu mũasa to buhiri dahrehto pano tirore cui, duhti masierara mũasa? ⁸ ã jina potocãta mũasa ñaa buhirire bujũna witi, Cohamacure cahmana jiihna, noaa yoa ñoga.

⁹ Õ sehe ni tuhotuena tjiga: “Panopu macariro Abrahã mari ñuchũ cjiro jia tiha. ã jina to panamana jina mari Cohamacu yaina jija”, ni tuhotuena tjiga mũasa. Mũasa niita nija. Abrahã panamana jiina jimana mũasa. Mũasa ã jipachuta tí mũasa ã jia yaba cjihti jierara. Cohamacu sehe ahri tãa mehne Abrahã coyeare dahre masina. ã jiro Abrahã coyea mũasa jia wiho waro jira tãa ti wiho waro jiro seheta.

¹⁰ Õ sehe jira: Masa yucuri yoaro seheta jira. Cohamacu sehe coma mehne yucurire cãã cohãriro yoaro sehe jira. ã jiro noaa dicha maria yucure nuhcõri mehneputa cãã cohãnohca tiro. Tíre to cãã cohãri baharo, pichacapu jũ cohãnohca tiro. ãta yoaro taro nina masa cãhure tirore cahmaerainare. ¹¹ Yu baharo yũ bui tuariro tarohca. Noa yũhdũariro jira tiro. Tiro

yoaro sehe jieraja yuhu sehe. Ā jicu tirore tuhotucu, “Wiho jiro jija yuhu”, ni tuhoutuja yuhu. Yuhu sehe masa ñaare tuhotumari cjirore tuhoutu cohtotainare diapu bautisacu, co mehne yoamahi. Tiro sehe yu yuhdoro yoarohca. Espiritu Santore masa mehne ā jirucuhu yoarohca tiro. Wiho mejeta paina sehere ñaare ti tuhotumari cjirore duhu duaeraina sehere tiro pichaca mehne buhiri dahrerohca. ¹² Yu baharo tariro cahsari cohāriro yoaro sehe jira. Cahsari cohāriro to batiro mehne jipihtia to trigo yapari cahsarire putiwera. To ā putiwera baharo trigo sehere to wihbori wuhui wihborohca. Tō seheta yoarohca tirore cahmainare yu baharo tariro. To putiwea cahsari sehere tiro jānohca. Tí pichaca ne yatisi. Āta yoarohca tiro yu baharo tariro tirore cahmaerainare —ni yahuha João.

João Jesure bautisaha
(Mr 1.9-11; Lc 3.21-22)

¹³ Baharo Jesu Galileapu jirore cjirore waha, Jordão wama tiri mapu buhu saha Joãoire bautisa dutiro. ¹⁴ Wahmanore João tirore bautisa duaeramaha.

—Nehō, muhu sehe yu yuhdoro tuariro yuhu sehere mu bautisachu noaboa. Muhare bautisaboriro jieraja yuhu —ni yuhtimaha João Jesure.

¹⁵ Jesu sehe ō sehe ni yuhtiha tirore:

—Yuhare bautisasiniga. Ō sehe yoana, Cohamacu to dutiro seheta sohtori tina nija mari —niha Jesu.

To ā nichu tuhoro:

—Jai —ni yuhtiha João.

¹⁶ Ā ni tuhsu, Jesure bautisaha. To bautisa tuhsucu Jesu diapu ducuriro maja surucu saha. To maja surucu suchuta, mano parī maha. Cohamacu to Espiritu buja yoaro sehe tiro bui to duji tachu ñaha. ¹⁷ To ā duji tachu manopu durucuro coa taha:

—Ahriro yu macu yu cahriro jira. Tiro mehne tuaro wahcheja —nino coa taha manopu.

4

Watino ñaare yoa dutimaha Jesure

(Mr 1.12-13; Lc 4.1-13)

¹ Ā yoa Espiritu Santo sehe Jesure masa marienopu naaha, tōpu watino tirore ñaare to yoa duti ñuhto sehe.

² Tōpu saro cuarenta dachori waro churo marieno jiha Jesu. Ā jiro juca baaha. ³ Juca to baachu ñuno watino sehe tiro cahapu saro, ō sehe niha:

—Muhu Cohamacu macno jicu, ahri taa pocare chu dojomehnega —nimaha tiro Jesure.

⁴ Jesu ō sehe ni yuhtiha:

—Yoaeraja. Cohamacu yare ti joari pui ō sehe nina: “Masare chu mehne dihta catieraro cahmana. Jipihtia Cohamacu to ya yaha mehne jiro cahmana”,

nina Cohamacu —ni yuhtiha Jesu watĩnore.

⁵ To ã ni yuhtiri baharo watĩno sehe Jerusalẽpu “Cohamacu ya maca”, ti niri macapu Jesure naaha. Tõpu na sũro, Cohamacu ya wahu bui Jesure na sũha tiro. ⁶ Na su tuhsu, tirore õ sehe nimaha:

—Cohamacu yare ti joari pũ õ sehe nina:

“Cohamacu to anjoare mũhare ñu wihbo dutirohca. ã jia tina sehe mũhare ñu wihboahca, ‘Tãcapu pũha tu mũari’ nia”, nina ti joari pũ. To ã niri potocã jichu mũhu Cohamacu macano jicu yahpapu pju bora ñoñjũta yũhare. Mũhare tina ti yoadohochu ñoñjũta yũhare —nimaha watĩno.

⁷ Jesu pju bora ño duaeraro õ sehe ni yuhtiha:

—Cohamacu yare ti joari pũ õ sehe nina: “Musa puhtoro Cohamacu to niri cjirire ‘¿Potocã tjijari?’ ni masi duana Cohamacure yoa ño duti macaena tjiga”, nina Cohamacu yare ti joari pũi —niha Jesu.

⁸ To ã ni yuhtiri baharo mũa yũhdũdu tũcupu Jesure na mũjaha watĩno tjoa. Tu buipũ mũja pja su, jipihtia macarine ñoroca boroha Jesure. Ti cjũaa cũhare ñoha. ⁹ ã ñono Jesure õ sehe nimaha:

—Yũhare na tuhcuca caha su, ño payoga mũhu. Mũ ã yoachu jipihtia ahri macarine mũhare waihtja —ni yahumaha watĩno.

¹⁰ To ã nichu Jesu õ sehe ni yuhtiha:

—Satana, wahaga mũhu. Õ sehe nina Cohamacu yare ti joari pũi: “Mu puhtoro Cohamacu dihtare ño payoga. To ya dutia dihtare yoaga”, nina Cohamacu yare ti joari pũi —niha Jesu watĩnore.

¹¹ To ã nichu tũhoro watĩno wahaa wahaha. To wahari baharo anjoa sehe wihi, Jesure yoadohoa tirore chũa waha.

Galilea yahpai Jesu buhe dũcaha
(Mr 1.14-15; Lc 4.14-15)

¹² ã yoa Joãore peresu ti yoachu tũhoro, wahaa wahaha Jesu. Waha, Galilea yahpapu sũha. ¹³ Tõi jiri macapu Nazarepu waha, yũhdu wahcã, Capernau wama tiri macapu sũha. Galilea wama tiri bũcupariro dũhtu cahai jira Capernau. Tĩ maca Zebulõ yahpa cahai, Neftalĩ yahpa cahai jire Capernau. Tõpu su, jiha Jesu.

¹⁴ ãta yoaha Jesu panopu macariro Cohamacu yare yahu mũhtariro Isaia cjiro to ni joariro seheta. Õ sehe ni joaa tiha:

¹⁵ “Zebulõ yahpa cahai, Neftalĩ yahpa cahai, bũcupariropu waharoi, Jordão pa bũhũsehe coapu Galilea yahpa jira.

Tĩ yahpa judio masa jieraina ya yahpa jira.

¹⁶ Tõ macaina Cohamacu yare noaare masierara.

Ã masierapahta noarirore
ñuapɯ masiahca.

Tina sehe Cohamacɯre ne
masierara.

Ã jia pichacapɯ wahaborina
jimaha.

Ã jiro cãiro tinare Cohamacɯ
yare masichɯ yoarohca",

ni joaha Isaia cjiro.

¹⁷ Tóɯ jiro, Cohamacɯ yare
yahu dɯcaha Jesu:

—Mɯsa ñaare tɯhotumari
cjiɯre duhu, noaa se-
here tɯhotu cohtota, Co-
hamacɯreta macaga mɯsa.
Mɯano macariro Cohamacɯ
jipihtina bui pɯhtoro to sɯho
jihto mahanocã dɯhsara —ni
yahu dɯcaha tiro.

*Pititiaro wahi wajãinare
tiro mehne macaina cjihtire
pjiha Jesu*

(Mr 1.16-20; Lc 5.1-11)

¹⁸ Ã yoa Galilea wama
tiri bɯɯpariro dɯhtɯ cahapɯ
Jesu sito wahcãmahno ñɯha
Simore, to bahɯro Andre
mehne. Simota Pedro
ti ni pisuriro jiha. Tina
sehe wahi wajãina jia, ti
wañɯyucɯre doca ño mɯjaa
niha bɯɯpariropɯ.

¹⁹ —Yɯhɯ mehne macaina
cjihti taga mɯsa. Yɯhɯ
mehne mɯsa tachɯ, mɯsa
wahire ñaha cahmachuina
mɯsa jiro seheta, Cohamacɯ
yaina cjihtire masare pji cah-
machuina cjihtire yoaihtja
mɯsare. Yɯhɯ mehne mɯsa
tachɯ ã yoahtina cjihtire
cũihtja mɯsare —niha tiro
tinare.

²⁰ To ã nichɯ tɯhoata ti
wañɯyucɯre cɯnoca, tiro
mehne wahaa wahaha.

²¹ Ã yoa Jesu tina mehne
yɯhdɯ wahcã, Santiagore
to bahɯro João mehne boca
sɯha tjoa. Tina Zebedeo
pohna jiha. Ti yaria dohoriai
ti pɯɯro mehne tina cɯhɯ ti
wañɯyucɯre cahnoa niha.
Tina pɯarore tiro pjirocaha.

²² To ã pjirocachɯ tɯhoa,
tina sehe dóihta ti pɯɯrore,
dohoria cɯhɯre cɯ, Jesu
mehne wahaha.

*Payɯ masare buheha Jesu
(Lc 6.17-19)*

²³ Ã yoa jipihtiro Galilea
yahpare Jesu buhe tiniha.
Judio masa mari buhea
wɯhɯsepɯ noaa buheare,
mɯano macariro pɯhtoro
to sɯho jia tiare buheha.
Tinare buhe, dohatiinare
noaina wahachɯ yoaro jip-
ihtia dohatiare cohãha tiro.

²⁴ To ã yoaare tɯhoa Siria
yahpa macaina jipihtiropɯ
tí yahpai jiina tirore masi
dɯcaha. Á masia, soro jia
dohatia cɯainare, tuaro
purãre cɯainare, watã ti
sãanohrinare, ñama yaria
mɯnare dohatiinare, tini
masieraina cɯhɯre na sɯha.
Ti ã na sɯchɯ ñɯno jipi-
htina tinare noaina wa-
hachɯ yoaha Jesu. ²⁵ To ã
yoachɯ ñha, Galilea yahpa
macaina, Decapoli wama
tiropɯ jia macari macaina,
Jerusalê macaina, Judea
yahpa macaina, Jordão pa
bɯhɯsehe coa macaina payɯ
masa tiro mehne wahaha.

5

*Tɯɯpɯ mɯja, tói buheha
Jesu masare*

1 Masa payu to cahai ti sũchũ ñano Jesu tũcũpũ mũjaha. Mũja sũ, tói dujiha. Tói to dujichũ to buheina sehe tiro cahapũ sũha. 2 Ti sũchũ ñano õ sehe ni buhe dũcaha:

Õ sehe jiina jira wahcheina (Lc 6.20-23)

3 —Ti ñaa tũhotumari cjirire duhu, noaa sehere tũhotu cohtotaina Cohamacũre cahmaina wahcheina jira. Mũano macariro pũtoro to sũho jiropũre wahaahca tina. Mũano macaa ti ya jira.

4 'Yahco tiina cũhũ wahcheina jira. Tinare wahchechũ yoarohca mari Pũcũ.

5 'Painare yũhdũrũca duaeraina ã jica nieraina wahcheina jira. Cohamacũ "Waihtja", tinare to nirire cjũaahca tina.

6 'Cohamacũ to dutiro sehe yoa duaina, noaare yoa duaina wahcheina jira. Cohamacũ to yoadohochũ tina noaare yoa sohtori tiaha.

7 'Painare pja ñũina wahcheina jira. Ti ã pja ñũchũ Cohamacũ tina cũhũre pja ñũnohca.

8 'Ti ñaa buhirire cosanohrina wahcheina jira. Cohamacũre ñũahca tina.

9 'Masare bosaina wahcheina jira. Tinare "Yũ pohna jira", ninohca Cohamacũ.

10 'Cohamacũ dutiare ti yoari buhiri ti ñano yoanohrina sehe wahcheina jira. Mũano macariro pũtoro to sũho jiropũ to yare cjũaahca tina.

11 'Yũ yare mũsa yoari buhiri paina mũsare ti tuhtipachũta wahcheina jira mũsa. Mũsare ti ñano yoapachũta wahcheina jira mũsa. Yũ yaina mũsa jiri buhiri mũsare jipihtia ñaa ti quti dojomehnepachũta ti mahñopachũta wahcheina jira mũsa. 12 Cohamacũ yare yahu mũhtainare mũsa pano jiinare tinapũreta ñano yoa mũhtaha. Mũsa cũhũre ti yoariro sehe ti yoachũ wahchega. Noano yajeripohna tiga. ã jiro mũanopũ mũsa sũchũ pjĩro noano yoarohca mũsare Cohamacũ —ni yahuha Jesu.

Moa yoaro sehe, buhriaro yoaro sehe jira Jesu yaina (Mr 9.50; Lc 14.34-35)

13 ã yoa Jesu õ sehe ni buhe namoha:

—Moa wahiquiro dihire to ñano wahaerachũ yoaro seheta mũsa sehe yũ yaina sehe jipihtina painare ñaare ti yoa duaerachũ yoara. Wiho mejeta moa sehe ti ñaa wahachũ pari turi noaa yoahito basioerara. Tí moa ne noaerara. Ti ã wahachũ tí moare cohãno cahmana. Ti ã cohãri baharo tí bui masa tũ cũna. Ne yaba cjihti jierara tí moa ti cohõa. (Ti yaba cjihti jieraro seheta jiena tjiga mũsa. Cohamacũ ya

sehene cohãena tjiga) —ni yahuha Jesu.

¹⁴ Æ yoa tiro õ sehe ni buhe namoha:

—Buhriaro marine to ñuch_u yoaro seheta m_usa sehe y_u yaina sehe ahri yahpa macainare Cohamac_ure masich_u yoara. Tũc_u bui jiri macare n_uohto basioerara. ¹⁵ Æ yoa sihãriare masa sihãa, biato docap_u n_uoerara. Tiare sihãriare m_uanoi duhu payora tí w_uh_u macaina jipihtina ti ñ_uhtiare. ¹⁶ Õ seheta m_usa cãh_u buhriaro yoaro sehe jiina jina, noaare yoaga. M_usa ã yoach_u ñ_ua masa mari P_uc_u m_uano macarirore ño payo, “Tuariro, noariro jira”, niahca —ni yahuha Jesu.

Cohamac_u to dutiare to joari cjirire yahuha Jesu

¹⁷ Æ ni tuhs_u, tinare õ sehe ni yahu namoha:

—Ahrire m_usa masich_u cahmaja y_uh_u. Cohamac_u to dutiare Moise cjirore to cãriire, to yare yahu m_uhtaina cjiri ti joari cjiri cãh_ure cohãi tai nierahi. Tí dutiare m_usare noano yahu potoi tai nii. Tí dutiare ti quihõno jich_u ñoi tai. Ti niriro seheta yoa sohtori tii tai nii. ¹⁸ Potocã m_usare nii nija. Pihtiri dacho pano jisinch_u Cohamac_u dutia Moise cjirore to cãriire ne mahanocã baro cohãsi mari. Ahri yahpa, m_uano cãh_u ti jisino puro to dutia cãh_u jirucuahca. Æ jirucua ti niriro seheta sohtori tirohca. ¹⁹ Æ jia tí dutiare

cãina y_uhd_uruca, painare tó sehe y_uhd_uruca dutia, m_uano macariro p_uhtoro to s_uho jirop_u cahamaca yoaro sehe jiahca. Cãno dutiacã to jipach_uta tina y_uhd_uruca, cahamaca yoaro sehe jiahca tina. Paina tí dutiare noano yoa, painare tí yoaro sehe yoa dutia, m_uano macariro p_uhtoro to s_uho jirop_u p_uhtoa yoaro sehe jiahca tina sehe. ²⁰ M_usare niita nija y_uh_u. Judio masare buheina, fariseo curua macaina cãh_u Cohamac_u cahmaare quihõno yoaerara. Tina ti yoariro y_uh_udo Cohamac_u cahmaare yoaga m_usa sehe. M_usa ã yoaerana, p_uhtoro Cohamac_u to s_uho jirop_ure ne s_usi m_usa —ni yahuha Jesu.

Susiniare yahuha Jesu

(Lc 12.57-59)

²¹ Æ ni tuhs_u, tinare õ sehe ni yahu namoha:

—Panop_u macaina õ sehe ni ti yahuri cjirire tãhori jimare m_usa: “Masare wajãena tjiga. Masare wajãriro ti buhiri dahrehtiro jira”, ti niri cjirire tãhori jimare m_usa. ²² Ahri ti yahuri y_uh_udo curero m_usare ahri sehene yahu namoihtja. To coyero mehne susiniriro sehe ti buhiri dahrehtiro jira masanore wajãriro yoaro seheta. To coyero tuhtiriro, “Ne tãho masia maerariro jira m_uh_u”, niriro buhiri dahre dutiina cahai ti nahtiro jira. “Tãho masierariro jira m_uh_u”, to coyero nirirore pichacap_u wahahto cua y_uhd_uara tirore.

23 MUSA coyeiro masare to ñu tuhtichu õ sehe yoaga. Cohamacu wuhuru Cohamacure musa ño payohto pano, wahiquirore ju muo, musa wahto pano õ sehe yoaga. 24 MUSA wahtire duhu cu, musa coyeiro caharu waha, "Pari turi cahmachena tjijihna. To purota duhujihna tire", niga tirore. MUSA a niri baharo Cohamacure wa, ño payona wahaga to wuhuru.

25 Pairo mure to yahusa duachu, puhtoro masare beseriro caharu mure to naa duachu, tiro mehne suaro marieno wahaga. Masare beseriro caharu to na suhto pano tiro mehne noano jiga. Mu a yoachu ñu tiro mure yahusaeraboca. Mu a yoerachu toru musa sachu tiro sehe mure masare beserirore yahusanohca. To a yahusachu, beseriro sehe peresu yoainare mure warohca. A jia tina mure peresu yoahca. 26 Potocã nii nija mure. Toru jisinihca mu. Pu ti wapa dutirire mu wapa pahnoiru wijaahca mu —ni yahuha Jesu.

Paio namono mehne ñano yoaaare yahuha Jesu

27 O sehe ni yahu namoha Jesu:

—Panoru ahri curre õ sehe ti ni yahuri cjirire tuhori jimare musa: "Paio namono mehne ñano yoaena tjiga", ti niri cjirire tuhori jimare musa. 28 Ahri ti yahuri yuho curero masare ahri sehene yahu namoihtja. Numinore ñahaeraparota, cuiro ticorore

ñano goa pjaro, ñano wacu tuhoturo ñano yoa tuhsaha ticoro mehne.

29 A jicu mu capariaca poto buhuseheji jiriaca mehne ñano yoacu, tiare orewe na mu cohaboriro seheta ti ñaa yoaaare duhuga. Tire duhueracu pichacaru wahaiha. Mu capariacare mu cohachu tia capariaca dihta butira. Mure sehene pichacaru mu wahachu ña yuhura. A jicu ti ñaa yoaaare duhuga. 30 A jicu mu wamomaca poto buhuseheji jiri wamomaca mehne ñano yoacu, ti wamomacare mu dute cohaboriro seheta ti ñaa yoaaare duhuga. Tire duhueracu pichacaru wahaiha. Mu wamomacare mu cohachu ti wamomaca dihta butira. Mure sehene pichacaru mu wahachu ña yuhura. A jicu ti ñaa yoaaare duhuga —ni yahuha Jesu.

To namonore cohãare yahuha Jesu

(Mt 19.9; Mr 10.11-12; Lc 16.18)

31 O sehe ni yahu namoha Jesu:

—Panoru ahri curre niha: "To namonore cohã duariro to cohãhtore yahuri pu mehne ticorore cohã masina", nimaha panoru. 32 Ahri ti yahuri yuho curero masare ahri sehene yahu namoihtja. To namono paio mehne ñano yoeraricoro to jipachata to manano ticorore cohãoca. To a cohã daporicoro paiore manano tiro ñano yoaro nica ticoro paio mehne jiro. To manano

ticorore ã cohãno ticorore paio mehne ñano yoachũ yoara. To baharo namo tiriro cũhũ ticoro mehne ñano yoaro nina —ni yahuha Jesu.

Wama payo niare yahuha Jesu

³³ Õ sehe ni yahu namoha Jesu:

—Panopũ macaina ò sehe ti ni yahuri cjirire tũhori jimare mũsa: “Mũsa niriro seheta yoaga. ‘Cohamacũ mehne potocã ã yoaihtja’, mũsa niriro seheta yoaga”, ti ni yahuri cjirire tũhori jimare mũsa. ³⁴ Ahri ti yahuri yũhdo curero mũsare ahri sehere yahu namoihtja. “Mũano mehne potocã nii nija”, ni mũano mehne wama payo niena tjiga. Mũano sehe Cohamacũ mari pũhtoro to sũho jiro jira. Wiho jiro jierara. To ã jichũ ñũna mũano mehne ã niena tjiga. ³⁵ Ahri yahpa mehne ne wama payo “Potocã nii nija”, niena tjiga. Ahri yahpa Cohamacũ ya yahpa jira. To ã jichũ ñũna ã niena tjiga. “Jerusalẽ mehne potocã nii nija”, ne wama payo niena tjiga. Tuariro mari pũhtoro ya maca jira Jerusalẽ. Wiho jiri maca jierara. To ã jichũ ñũna ã niena tjiga. ³⁶ “Yũ dapu mehne potocã nii nija”, ni wama payo niena tjiga. Mũsa pjoari ti yehsea wahachũ yoa masierara mũsa. Ti ñia wahachũ cũhũre yoa masierara mũsa. Å yoa masieraina jina “Yũ dapu mehne potocã nii nija”, ni wama payo niena tjiga.

³⁷ “Yoanahtja”, nina wama payoro marieno ò sehe dihta tíre nirucuga. “Yoasi”, nina cũhũ wama payoro marieno nirucuga. Mũsa wama payo nina, watĩno ñariro to dutiriro seheta yoana nica mũsa —ni yahuha Jesu.

Ti cahma suaare yahuha Jesu

(Lc 6.29-30)

³⁸ Õ sehe ni yahu namoha Jesu:

—Panopũ ò sehe ti ni yahuri cjirire tũhori jimare mũsa. “Mũhũre paio mũ capariacare to cjã tihãriro seheta mũhũ cũhũ tirore cjã tihã cahmaga. Mũ piriacare to cjã nuhariro seheta mũhũ cũhũ cjã nuha cahmaga”, ti niri cjirire tũhori jimare mũsa. ³⁹ Ti yahuri yũhdo curero ahri sehere yahu namoihtja mũsare. Mũhũre ñano yoarirore ã ñũnocahga. Cũ bũhũsehe mũ wahsupure to cjãchũ, pa bũhũsehe cũhũre cjã dutiga tirore. ⁴⁰ Pairo buhiri dahre dutirirore mũhũre to yahusãchũ, dutiriro sehe mũ camisare mũhũre yahusãrirore wa dutiboca. To ã wa dutichũ, tirore waga. Mũ bui macari suhtiro cũhũre wa namoga tirore. ⁴¹ Pairo surara paye barore cũ kilómetro mũhũre to naabasa dutichũ, pa kilómetrore waha namoga tjoa. ⁴² Mũhũre sinirirore waga. Tuhsũ, paio mũhũre to waso dutichũ wasoga tirore —ni yahuha Jesu.

Musare ñu tuhtiinare cahīga

(Lc 6.27-28, 32-36)

43 Õ sehe ni yahu namoha Jesu:

—Masa õ sehe nina: “Musare mehne macainare cahīga. Å yoa musare ñu tuhtiinare ñu tuhti cahmaga tjoa”, ti niri cjiire tuho muhtari jimare musa. 44 Ti yahuri cjiri yuho curero ahri sehere yahu namoihtja musare: Musare ñu tuhtiinare cahīga. Å cahīna tinare noano yoaga. Musare ñano yoainare ti ya cjihtire Cohamacure sini payoga.

45 Musa ã yoana mari Pucu muano macariro pohna jira musa. Cohamacu sehe cãno potori yoara masare. Naina cãhure, noaina cãhure sũ sichu yoara tiro. Tuhsu, Cohamacu dutiare yoaina cãhure, yoaeraina cãhure coro tachu yoara tiro. Masare cãno potori to yoariro seheta musa cãhu yoaga. 46 Musare cahīna dihtare musa cahīchu ti ne yaba cjihti jierara paina sehere musa cahīrachu. Puhto ya cjihtire wapa na cohtaina cãhu tó seheta yoara. Å jina jipihtinare cahīga. 47 Musa coyera dihtare musa noano piti bocachu ti cãhu ne yaba cjihti jierara paina sehere musa noano piti bocaerachu. Cohamacure masieraina cãhu tó seheta yoara. Å jina jipihtinare noano piti bocaga. 48 Naa marieina jiga musa. Musa Pucu muano macariro to ñaa marieriro to jiro seheta musa cãhu ñaa marieina jiga

—ni yahuha Jesu.

6

Noaa yoaaare yahuha Jesu

1 Pari turi tiro õ sehe ni yahu namoha:

—Cohamacu ya cjihtire noaare yoana, “Cohamacu yare yoa pahñoina jija sã”, ni yahuaena tjiga painare. Musa ã ni yahuri buhiri noaare musa yoari cjiri ne yaba cjihti jierara. Å jiro Cohamacu muano macariro noaare musa yoari wapa musare ne wasi. 2 Å jina pjacuoinare yoadohona, tíre masare yoa ñoena tjiga. Masa ti ñuenoi yoadohoga tinare. Cãina noaa ti yoaaare yoa ñohna mahapu jiiinare, judio masa mari buhea wãhusepu jiina cãhure. Tina mari baharo buhusehei ñano yoa cohtaina jira. Å yoa ñohna tina, “Noaina jira”, masare ni ñu dutia. Ti ã ni ñuchu ã yoa ñoina sehe wahche tuhsure. “Noaina jira” ni, masa ti ño payochu wahche tuhsure tina. Å jiro Cohamacu sehe ne wahche namochu yoasi tinare. 3 Å jina pjacuoinare yoadohona, masa ti ñuenoi yoadohoga tinare. Musa mehne macaina mehne jina ti ñuenoi pjacuoinare yoadohoga. 4 Masa ti ñueraropu musa yoadohopachuta Cohamacu sehe ñuna. Å ñuno musa ã yoari wapa warohca musare —ni yahuha Jesu.

Cohamacure siniare yahuha Jesu
(Lc 11.2-4)

5 Pari turi tiro õ sehe ni yahu namoha:

—Cohamacure sinina, mari baharo buhusehei ñano yoa cohtaina yoaro sehe yoaena tjiga musa. Judio masa mari buhea wuhusepu ducu, mahapu cūhure ducu, Cohamacure sini ñohna tina masare. ã sini ñoa potocã masa tinare ti ño payochu ti mehne tina wahche tuhsure. ⁶ Cohamacure sinichu tachu, mu ya tahtiapu biha sãaga. Biha sãa, musa Puchu ñumahnocerarirore siniga. MUSA ã yoachu masa marienoi mUSA sinipachuta mUSA Puchu musare tuhrohca. ã tuhoro musare noano yoarohca tiro.

7 ã jina Cohamacure sinina, tuhuro marieno mUSA sinirireta pari turi sini majare tjua mjaena tjiga. Õ sehetu yoara Cohamacure masieraina. “Payu durucua mehne Cohamacure sã sinichu tiro sãre tuhrohca”, ni tuhutumana tina. ⁸ Tina yoaro sehe yoaena tjiga. MUSA sinihto pano mUSA Puchu mUSA cahmaare masi tuhsura. ⁹ ã jina õ sehe ni sininahca Cohamacure:

“Sã Puchu, muano macariro muhu ñaa marieriro ã jirucura.

¹⁰ Mipure jipihtina bui puhtoro jiga.

Muanoru mu dutiro sehetu ti yoariro sehetu ahri yahpa macaina cūhu yoajaro.

¹¹ ã jichu dachoripe sã chũhtire warucuga sãre.

¹² Paina sãre ti ñano yoarire sã boja.

ã jichu muhu cūhu sã ñano yoarire boga.

¹³ ã jichu sã ñaare yoa duana sã goa pjachu ñuchu tíre yoa dutii tjiga.

ã jichu sãre ñaare yoerachu yoaga.

[Muhu sã puhtoro tuariro ã jirucuihca. Jipihtina muhare ã ño payoru-cuahca]”,

ni siniga Cohamacure.

¹⁴ Paina musare ti ñaa yoarire mUSA bochu ñno, mUSA Puchu muano macariro cūhu mUSA ñaa yoarire borohca. ¹⁵ Wiho mejeta paina musare ti ñaa yoarire mUSA boaerachu mUSA Puchu cūhu mUSA ñaa yoarire ne bosu — ni yahuha Jesu.

Chu duhuare buheha Jesu

¹⁶ ã jiro tiro tinare õ sehe ni yahu namoha:

—Cohamacure ño payona tana chu duhuna bujua witiina yoaro sehe yoa ñoena tjiga. Tó sehe yoara mari baharo buhusehei ñano yoa cohtaina. Tina ti wuhduu poca cahyaina yoaro sehe jira. Ti ã jiina jichu ti chu duhuchu ñu masina masa. Potocãta musare nii nija. Tinare masa ño payochu cahmana tina. ã jia tinare ti ño payochu ñua tina wahche tuhsure. (Cohamacu sehe tirore ti ño payori wapa tinare wahchecu yoasi. ã jina tina yoaro sehe yoa ñoena tjiga mUSA.) ¹⁷ MUSA chu duhuna, mUSA pjoarire co mehne wa payo waha majare

payoga. Ā jina m̄sa w̄h̄d̄na pocare cosaga. ¹⁸ M̄sa ā yoach̄ m̄sa ch̄ duhuch̄ ñ̄ masisi masa. Mari ñ̄ mahnoerariro Cohamac̄ dihta m̄sa ch̄ duhuare ñ̄ masinohca. M̄sa sahsero m̄sa jich̄ tiro m̄sa mehne ā jirucura. Ā ñ̄no tiro m̄sare noano yoarohca tirore m̄sa ñ̄o payori wapa —ni yahuha Jesu.

M̄sano macaare c̄na dutiha Jesu

(Lc 12.33-34)

¹⁹ Ā jiro tiro õ sehe ni yahu namoha:

—Ahri yahpa macaare na cahmachuena tjiga. Õ macaa baa wahaboca. Ti baaerach̄ yacariro naboca t̄re. To yacaerach̄ mach̄ t̄aboca. Ā jia ahri yahpa macaa nu butihto cuara. Ā jina ahri yahpa macaare tuaro cahmaena tjiga. ²⁰ M̄sano macaa sehere cahmaga m̄sa. M̄sano macaare mach̄ t̄a masierara. Tórc̄ m̄sa c̄naa ne baaerara. Tórc̄re yacariro na masierara. Ā jina m̄sano macaare cahmaga m̄sa. ²¹ Tórc̄ m̄sa c̄naa ti jich̄, m̄sano macaare Cohamac̄ yare tuaro wac̄na m̄sa —ni yahuha Jesu.

Masa ti t̄hoturo seheta yoara

(Lc 11.34-36)

²² Ā jiro õ sehe ni yahu namoha tinare:

—Sih̄ria to noano buhriach̄ mari ñ̄ masino seheta Cohamac̄ yare t̄hotuna to yare noano yoa masinahca m̄sa. M̄sa t̄hoturo seheta yoara m̄sa. Cohamac̄

yare t̄hotuna noaare yoara m̄sa. ²³ To yare t̄hotuerana ñ̄aare yoara m̄sa. M̄sa ñ̄a dihtare m̄sa t̄hoturucuch̄ ti ñ̄a sehe ñ̄abaa jira —ni yahuha Jesu.

Niñerure cah̄na, Cohamac̄ sehere cah̄erara
(Lc 16.13)

²⁴ Ā jiro tiro õ sehe ni yahu namoha tinare:

—C̄iro Cohamac̄ sehere wac̄no, tuabiaro niñeru sehere wac̄erara. Niñeru sehere tuabiaro wac̄no Cohamac̄ sehere wac̄erara. Niñeru dihtare cahmariro jiro Cohamac̄re wahchech̄ yoaerara. Cohamac̄ c̄h̄re, niñeru c̄h̄re p̄arore cahma ȳh̄d̄cahto basioerara m̄sare —ni yahuha Jesu.

Cohamac̄ to poh̄nare ñ̄ wih̄bora

(Lc 12.22-31)

²⁵ Ā jiro tinare õ sehe ni yahu namoha:

—Ā jic̄ m̄sare nii nija: M̄sa ch̄are, sih̄niare, suhti c̄h̄re p̄iro cahya t̄hotuena tjiga. M̄sare bajuamehneno ch̄are ch̄htina c̄ihtti dihtare suhti s̄ahtina c̄ihtti dihtare Cohamac̄ yoaeraha m̄sare. ²⁶ Minichahca perire Cohamac̄ to ñ̄ wih̄boare masiga m̄sa. Tina weseri maeraina jira. Ā yoa ch̄are ti wih̄boa w̄h̄use tinare mariahna. M̄sa P̄c̄ m̄sano macariro sehe tinare ti ch̄htire wara. Minichahca ȳh̄d̄oro m̄sa sehere cah̄na Cohamac̄. Ā jiro m̄sa c̄h̄re ñ̄ wih̄borohca tiro. ²⁷ P̄iro m̄sa t̄hotua mehne c̄ hora m̄sare cati namoch̄

yoa masierara m_{usa}. ²⁸ Ā jiro m_{usa} p_{jiro} t_{uhotua} yaba c_{jihti} jierara.

²⁸ Ā jina m_{usa} suhti s_{aahtire} p_{jiro} cahya t_{uhotuena} t_{jiga}. Macaroca macaa coho_{ri} ti cohoare t_{uhotuga}. Ti coho_{ri} ti basi suhtire yoaerara. Wiho mejeta ti coho_{ri} noaa suhti yoaro sehe noaa coho_{ri} bajura. ²⁹ Salomo c_{jiro} noaa suhtire s_{aa}riro to jipach_{uta} ti coho_{ri} sehe tiro y_{uhdoro} noabia coho_{ri} waro jira. ³⁰ Coho_{ri}re noaa coho_{ri} yoara Cohamac_u sehe. Ti coho_{ri} sehe mahaa dachoric_a jirucuma _{ñai} boraa wahara. Mahanoc_a ji, pa dachoi pichacap_u j_{ua} wahara. Ti _ã jipach_{uta} coho_{ri}re noaa coho_{ri} jich_u yoara Cohamac_u. Ā jiro Cohamac_u coho_{ri}re to noaa coho_{ri} to yoariro y_{uhdoro} m_{usa} c_{uhure} noano yoarohca. Suhtire warohca. Cohamac_ure mahanoc_a wac_u tuara m_{usa}. ³¹ Ā jina m_{usa} ch_{uhtire}, m_{usa} sihnihtire, m_{usa} suhti s_{aahtire} p_{jiro} cahya t_{uhotuena} t_{jiga}. ³² Cohamac_ure cahmaeraina sehe t_{ire} _ã macarucua nina. M_{usa} P_{uch} m_{uano} macariro jipihtia m_{usa} cahmaare masina. To _ã masich_u p_{jiro} cahya t_{uhotuena} t_{jiga}. ³³ Cohamac_u m_{usa} p_{uhtoro} to jihto c_{jihtore} cahma m_{uhtaga} m_{usa}. Jipihtia paye baro y_{uhdoro} t_{irore} cahmaga m_{usa}. Noaare to yoa dutia c_{uhure} cahmaga. M_{usa} _ã yoari baharo Cohamac_u sehe m_{usa} cahmaa duhsach_u warohca. ³⁴ Ā jina _{ñamichacap_{ure}} m_{usa}

dohse wahahtore p_{jiro} cahya t_{uhotuena} t_{jiga}. M_{usa} _ã p_{jiro} cahya t_{uhotuna} pay_{ubiaa} jahca m_{usa} t_{uhotuhto} sehe. Micha macaa dihtare m_{usa} t_{uhotuch_u} t_o purota m_u sarohca —ni yahuha Jesu.

7

Painare “Ñaina jira”, niena t_{jiga}

(Lc 6.37-38, 41-42)

¹ Ā jiro tiro tinare _õ sehe ni yahu namoha:

—Painare “Ñaina jira”, niena t_{jiga} m_{usa}. M_{usa} _ã nierach_u Cohamac_u m_{usare} “Ñaina jira”, nisi. ² Painare “Noano yoaerara”, m_{usa} ni _{ñu}riro seheta Cohamac_u sehe m_{usa} c_{uhure} _ãta ni _{ñu}nohca. ³ Mari piti dahre buhech_u _õ sehe yoaina jira m_{usa}. M_{usa} coyeiro to capariacap_u mahari pohcaroc_a to s_{aa}ch_u ti pohcaroc_are noano _{ñu}na m_{usa}. M_{usa} ya capariaca sehere p_{jiro} p_{ji} to jipach_{uta} ti p_{ji}ne ne _{ñu}erara m_{usa}. Mahari pohcaroc_are m_{usa} _{ñu}no seheta m_{usa} coyeiro to _{ñu}no yoaa sehere noano _{ñu}na m_{usa}. M_{usa} basi m_{usa} _{ñu}are tuaro yoapanah_{ta} t_{ire} masierara m_{usa}, p_{jiro} p_{ji}ne m_{usa} _{ñu}eraro seheta. ¿Dohse jiro baro _ã j_ijari m_{usa}? ⁴ _õ sehe niina jira m_{usa}: “Coyeiro, _{ñu}are yoai nica m_{uh_u}. _ã jic_u t_{ire} duhuga”, niina jira m_{usa}. _ã niina jipanahta p_{jiro} _{ñu}are yoara m_{usa} sehe. ¿Dohseana m_{usa} _{ñu}are yoapanah_{ta} t_{ire} masierajari m_{usa}? ⁵ Masa ti baharo buh_usehei _{ñu}no yoa cohtaina

jira m̄sa ã yoaina. Pjiri pj̄ne m̄sa capariacai jiri pj̄ne m̄sa na m̄htaboriro seheta m̄sa ñano yoaa sehere duhu m̄htaga. M̄sa ã yoari baharo m̄sa coyeiro to ñano yoaaare duhuch̄ yoa masiboca, mahari pohcarocãre m̄sa naboro seheta.

⁶ 'Dieya yoaro sehe jiina, yesea yoaro sehe jiina c̄h̄ ñabiainare Cohamac̄ ya noa ȳhd̄are ti ño payoeraare yahuena tjiga tinare. "Tinap̄ b̄j̄pe, ñano ni, m̄sare ñabiario yoari", nina yahuena tjiga tinare —ni yahuha Jesu.

Cohamac̄re mari siniare yahuha Jesu

(Lc 11.9-13; 6.31)

⁷ ã jiro tiro õ sehe ni yahu namoha:

—Cohamac̄re siniga m̄sa. M̄sa sinina m̄sa sinirire ñahanahca. M̄sa sinirire bocanahca. Tirore ã sinirucuga m̄sa. M̄sa ã yoach̄ tiro m̄sare warohca. ⁸ Jipihtina Cohamac̄re siniina naahca. ã yoa ti sinirire bocaahca. Jipihtina Cohamac̄re ã sinirucuinare tiro tinare warohca.

⁹ '¿M̄sa pohna p̄o curire m̄sare ti sinich̄ tãca sehere wabocari m̄sa tinare? Ne wasi m̄sa. ¹⁰ ¿M̄sa pohna wahire m̄sare ti sinich̄ agã sehere wabocari m̄sa tinare? Ne wasi. ¹¹ M̄sa ñaina jipanahta m̄sa pohname noare waa tíre m̄sa. ã jiro Cohamac̄ sehe m̄sa ȳhdoro noare wara m̄sare to pohname tirore siniinare. M̄sa pohname

m̄sa wariro ȳhdoro Cohamac̄ sehe to pohname wara.

¹² 'Paina m̄sare ti noano yoach̄ cahmana m̄sa. Tinare m̄sa noano yoach̄ cahmano seheta m̄sa c̄h̄ noano yoaga tinare. Ti noano yoerapach̄ta m̄sa sehe tinare noano yoaga. ãta yoa dutira Cohamac̄ dutia Moise c̄j̄rore to c̄riř̄ Cohamac̄ yare yahu m̄htaina c̄j̄ri ti joari c̄j̄ri c̄h̄ —ni yahuha Jesu.

Mahari sopacacã quitire yahuha Jesu

(Lc 13.24)

¹³ ã jiro tiro õ sehe ni yahu namoha tinare:

—M̄anop̄ Cohamac̄ cahap̄ waha duana to yare yoaro cahmana m̄sare. ã jina to yare ã yoamacanocaeraro cahmana. Mahari sopacacãř̄ m̄sa sã duach̄ mijo curera. Tó seheta mijo nina Cohamac̄ cahap̄ m̄sa waha duach̄. Pichacap̄ masa ti wahach̄ mijoerara. Pjiri sopacap̄ mari sãach̄ mijoerara. Tí sopacap̄ masa ti sãaboro seheta pichacap̄ masa ti wahach̄ mijoerara. ã jia paȳ masa tóř̄ waha nina. ¹⁴ Cohamac̄ cahap̄ m̄sa waha duach̄ mijo nina. Mahainacã masa tóř̄ wahaahca. Tóř̄ wahaina jipihtia dachoripe Cohamac̄ mehne jirucuahca —ni yahuha Jesu.

Masa ti yoarire ñ̄na ti jia tiare masija mari

(Lc 6.43-44)

¹⁵ Æ jiro tiro õ sehe ni yahu namoha tinare:

—Noano yoaga. “Cohamacu yare yahu mæhtaina jija”, ni mahñoinare tæhoena tjiga mæsa. Tina oveja yoaro sehe suaeraina sehe baju-mana. Ti tæhotuapæ ñaina jira tina. ¹⁶ Ti ñano yoachæ ñæna, ñaina ti jichæ masinahca mæsa. Ti noano yoachæ ñæna noaina ti jichæ masinahca mæsa. Agã potacæ se tõhorine dicha tierara. Pota tidæ cæhæ higuera pocare dicha tierara. ¹⁷ Noadæ yucæcu noaare dicha tira. Ñadæ sehe ñaare dicha tira. ¹⁸ Noadæ yucæcu ñaare ne dicha tierara. Æ yoa ñadæ noaare dicha tierara. ¹⁹ Noaare dicha tiera yucære dæte cohænoca, pichacapæ jænohca. Æta yoarohca Cohamacu to cahmaare yoaerainare. ²⁰ Æ jina “Cohamacu yare yahu mæhtaina jija”, ni mahñoinare õ sehe masinahca. Ti yoarire ñæna, mahñoina ti jiare masinahca —ni yahuha Jesu.

*“Mæ sare ne masieraja”,
ninohca Cohamacu payæ
masare*
(Lc 13.25-27)

²¹ Æ jiro tiro õ sehe ni yahu namoha tinare:

—Payæ yæhære “Pæhtoro”, niina jipahta mæano macariro pæhtoro Cohamacu to sæho jiropære wahasi tina. Yæ Pæcu mæano macariro to cahmaare yoaina dihta pæhtoro to sæho jiropære wahaahca. ²² Pihtiri dacho jichæ payæ masa õ sehe niahca yæhære: “Pæhtoro, mæ

yare sæ buhehi. Mæ wama mehne watære cohæ wiohi. Æ yoa mæ tuaa mehne payæ yoa ñohi sæ”, yæhære niina jiahca. ²³ Æ sehe ni yæhtiihca tinare: “Mæ sare ne masieraja. Ñæa buhiri tiina jira mæsa. Æ jina yæ cahai taena tjiga”, ni yæhtiihca tinare.

*Pæa wæhæ yoaina quitire
yahuha Jesu*
(Lc 6.47-49; Mr 1.22)

²⁴ Æ yoa jipihtina ahri yæ buherire tæhorina yæ dutiare yoaina, noano tæho masiriro wæhæ dahreriro yoaro sehe jira tina. Tiro sehe cæãa copari tæa wapapæ saha, wæhære noano dapõ dæcaha. ²⁵ Tí wæhære to tuhsæri baharo coro tuaro ta, dia mini yæhdæa waha, tuaro wihnono wæha. Æ to tuaro wæpachæta tí wæhæ cæãno tæa wapa bui to dapõri wæhæ jiro ne waha sæ cahaerara. ²⁶ Æ jia jipihtina yæ buherire tæhopahta yæ dutiare yoaeraina, tæho masierariro wæhæ dahreriro yoaro sehe jira. Tiro sehe to wæhære padæro buicæ dapõ, noano yoa dæcaeraha. ²⁷ Tí wæhære to tuhsæri baharo, coro tuaro ta, dia mini yæhdæa waha, wihnono tuaro wæha. Æ tuaro wæno tí wæhæ sehere wæroca cænoca. Æ jiro tí wæhæ tuaro bora sæ cahaa wahaha —ni yahuha Jesu.

²⁸ To æ ni buhechæ tæhoa, sæaa wahaha masa. ²⁹ “Tiro potocæta pæhtoro jira. Æ jiro noano masi pahñoriro marine buhera tiro. Mari judio

masare buheina yoaro sehe buherara”, ni tũhotuha tina.

8

Jesu cami baarirore noariro wahachũ yoaha

(Mr 1.40-45; Lc 5.12-16)

¹ Jesu tũcũpũ buhe dujiriro cjiro dujia wahaha. To ã dujiachũ ñũa masa payũ tiro baharo wahaha. ² To ã wahachũ cãiro cami bũcũ baariro tirore piti boca, na tuhcuca caha sũ, tirore siniha:

—Pũhtoro, mũhũ yũhũre noariro yoa duacu yoaga — niha.

³ To ã nichũ tũhoro to wamomaca mehne Jesu tirore ña payoha.

—Jai, mũhũre noariro wahachũ yoaja —niha Jesu tirore.

To ã nichũta tí to cami baari cjiro yati mũa wahaha. ⁴ Æ ni tuhsũ Jesu tirore õ sehe niha tjoa:

—Yũ mũhũre õ sehe yoarire ne painare yahui tjia. Mũ pjacũre noari pjacũ to waharire sacerdotere ñoi wahaga. Moiserere Cohamacũ to cũriro seheta sacerdotere minichahcare waga mũ yũhdũrĩre ti noano masihto sehe —niha Jesu.

Surara pũhtoro to mũno to dohatichũ Jesu noariro wahachũ yoaha tirore

(Lc 7.1-10)

⁵ Tó baharo Jesu Capernau wama tiri macapũ to sũchũ cien surara pũhtoro to cahai sũ, tirore tuaro õ sehe ni siniha:

⁶ —Pũhtoro, yũhũre dahra cohtariro pjacũ bũhariro jiro

waha masieratjiãhno tirore tuaro purĩchũ yũ wũhũpũ coãhre tiro —niha tiro Jesure.

⁷ To ã nichũ, Jesu “Jai”, ni yũhtiha:

—Tirore to dohatiare yũhdũchũ yoai wahaihtja — niha Jesu.

⁸⁻⁹ To ã nichũ õ sehe niha surara pũhtoro:

—Pũhtoro, noanohca. Tai tjia. Yũ yũhũdoro noa yũhdũariro jira mũhũ. Ya wũhũi mũhũre sãa ta dutiboriro jieraja yũhũ. Mũ masia mehne noariro wahachũ yoaga tirore. Mũ ã yoachũ yũ yũhũre dahra cohtariro noariro waharohca. Yũhũre yũ bui jiina paina pũhtoã dutira. Yũhũ cãhũ surarare dutija. Cãirore “Wahaga”, yũ nichũ tiro wahara. Pairore “Taga”, yũ nichũ tiro tara. Yũhũre dahra cohtarirore “Ahrĩre yoaga”, yũ nichũ tĩre yoara. (Mũhũ cãhũ dutirirota jira. Æ jiro mũ dutiro seheta tiro dohatiriro yũhdũrohca) —niha tiro.

¹⁰ To ã nichũ tũho cũaa waharo payũ masa tiro mehne jĩinare õ sehe niha Jesu:

—Potocãta mũsare niita nija. Ahrĩro surara pũhtoro Israe masũno jierariro Cohamacũre tuaro wacũ tuara. Tirore dahra cohtarirore yũ noariro wahachũ yoahĩre masi tuhsũha. Ne Israe masare ahrĩro yoaro sehe jĩinare ñũerasinija. ¹¹ Mũsare niita nija. Payũ ahrĩro yoaro sehe Cohamacũre wacũ tuaina jĩpihtiro macaina mũano macariro pũhtoro to sũho jĩropũ sũa, tópũ jiina mehne chũahca. Abrahã,

Isaa, Jacobo mehne chahca tina. ¹² Masa paina sehe puhtoro Cohamacu to suho jiropu wahaborina ti jipachuta ñanopu nahitianopu cohānocanohca tinare. Tōpu to cohārīna tuaro tii, cahyaa mehne bahca dihoahca —ni yahuha Jesu.

¹³ Tīre ā ni tuhsu, surara puhtorore ō sehe niha:

—Tjuahga m̄ ya wuhuru. M̄hure dahra cohtariro yuhdurohca. “Potocāta yuhdurohca”, ni m̄ tuhoturiro seheta yuhdurohca —niha Jesu.

To ā nino watoih̄ta tirore dahra cohtariro sehe noa tuhsaha.

Pedro marechonore dohatiricorore yuhdoha Jesu

(Mr 1.29-31; Lc 4.38-39)

¹⁴ Baharo Jesu Pedro ya wuhuru su, Pedro marechono dohatichu ñuha tiro. Juaro tichu cama bui coāha ticoro.

¹⁵ To ā jichu ñutjiāhno to wamomacare ña payoha. To ā ña payochuta juaro surua wahaha. Suruchu tuhuturo ticoro sehe wahcārūca, tinare chure payoha.

Jesu payu dohatiinare yuhdoha

(Mr 1.32-34; Lc 4.40-41)

¹⁶ Ā yoa ñamichahapu payu watia ti sāanohrinare masa na wih̄ha Jesu cahapu. Ti ā na wih̄ichu ñuno cū tahata to waha dutichu watia wahaa wahaha. Tuhsu, jipihtina dohatiina ti na surinare ti dohatiare cohā pahñoha Jesu.

Ā jia noaa wahaha tina.

¹⁷ Āta yoaha tiro panopu macariro Cohamacu yare

yahu mahtariro Isaia cjiro to niriro seheta. Ō sehe ni joaa tiha: “Mari dohatiare yuhdonocanohca tiro. Mari duti tiare cohānocanohca”, ni joaa tiha Isaia cjiro Jesure.

Cāina Jesu mehne waha duamaha

(Lc 9.57-62)

¹⁸ Jesu payu masa to cahai ti jichu ñuno:

—Sie coapu basa pahājihna —niha.

¹⁹ Ti pahāhto pano judio masare buheriro Jesu cahapu su, ō sehe niha:

—Buheriro, m̄hu mehne waha duaja nohoi m̄ waharoi —niha.

²⁰ Jesu ō sehe ni yuhtiha:

—Cāina macaroca macaina wahiquina ti copari c̄nara. Minichahca c̄hu ti suhti c̄nara. Yuh̄u mas̄no Cohamacu warocariro sehe yu car̄ri wahu maeraja. (Ā jina yuh̄u mehne tana ñano yuhduhahca masa) —ni yuhtiha Jesu.

²¹ Ā yoa paio Jesu buheriro ō sehe niha:

—Puhtoro, yu p̄cu to yariachu yasinii wahihtja. Ā ya tuhsu pinihta m̄hu mehne wahihtja —niha tiro Jesure.

²² Jesu ō sehe ni yuhtiha:

—Yuh̄ure cahmaeraina yariaina yoaro seheta jira. Tina sehe yariainare yajaro. Ā jicu m̄hu sehe yuh̄u mehne macariro cjihto taga —niha tiro.

Jesu wihnonore yusu dutiha

(Mr 4.35-41; Lc 8.22-25)

23 Æ ni tuhsu Jesu to jiriapu dohoriapu samuha. Æ jia to buheina cūhu tiro mehne waha, samuha. 24 Tí bũcũpariropu ti pahāchũ waro wihnono tuaro taha. Æ jia pahcōri dohoriare mionocamaha. Æ wihnono wāpachũta Jesu sehe carĩno niha. 25 To ã wahachũ ñũa tina tirore wahcōha. Wahcō õ sehe niha:

—Pũtoro, yũhdoga. Mari mini yariana tana nija —niha tina.

26 Ti ã nichũ Jesu õ sehe ni yũhtiha:

—¿Dohse jiro baro cuimacanocana nijari mũsa? Yũhũre wacũ tuaeraina jira mũsa —niha Jesu tinare. Æ ninota wahcāũcũ sũ, wihnonore pahcōri cūhũre “Yũsũa wahaga”, niha. To ã nichũ wihnono yũhdũa wahaha. Æ jia pahcōri cūhũ yũsũ boraah wahaha. 27 To ã yoachũ ñũ cũaa, õ sehe niha tina:

—¿Cue, dohse jiro baro masũno jijari ahriro? Ahri wihnono, pahcōri cūhũ to dutichũ yũhdũũcaerara tirore —niha tina.

*Watĩare cohã wioha Jesu
(Mr 5.1-20; Lc 8.26-39)*

28 Tinare ã wahari baharo pahã sũ, Gadara macaina ya yahparũ sũha. Tópu ti sũchũ pũaro mũa masa copari watopũ jiina Jesure piti boca. Tina watĩa ti sãanohorina cuaina jiha. Æ jiro tópu masa ti wahamahnoeno jiha. 29 Tirore piti boca, õ sehe ni sañurucuha:

—¿Mũhu Cohamacũ macũno dohse yoai tai tajari mũhu sã cahapũre? ¿Sãre Cohamacũ to buhiri dahrehti pja to jierapachũta sãre buhiri dahrei tai nijari mũhu? —ni sañurucuha tina.

30 Tó cahai payũ yesea maca chũa niha. 31 Tinare ñũa, watĩa õ sehe niha Jesure:

—Sãre cohã wiocũ sina yesea cahapũ yeseare sãa dutiga sãre —ni siniha watĩa Jesure.

32 —Jai, wahaga —niha Jesu.

To ã nichũ watĩa pũaro masa mehne jirina cjiri waha, yesea ti pjacũripũ sãaha. Æ yoa tinare ti sãari baharo, yesea pari cũnũpũ mũroca buha, bũcũpariropũ bora ñoja, mini yaria pihtia wahaha.

33 Ti ã wahachũ ñũa yeseare ñũ wihboina sehe cui, mũrocaa wahaha. Macapũ sũ, yesea ti minirire yahu site pahñoha. Watĩa ti sãanohrinare Jesu to cohã wiori cūhũre yahu pahñoha tina. 34 Æ ti yahu siteri baharo tí maca macaina jipihtina Jesure ñũa taha. Æ jia tirore ñũa, tuaro mehne waha dutiha tirore.

9

*Pjacũ bũharirore noariro
wahachũ yoaha Jesu
(Mr 2.1-12; Lc 5.17-26)*

1 Æ ti waha dutiri baharo Jesu dohoriapu samu, bũcũpariropũ pahã, to bũcũari macapũ sũha. 2 Tópu paina pjacũ bũharirore to coãri cahsaro mehne yo

w_ha wihaha Jesu cahai: “Jesu ahriroro to dohatiare y_hd_hch_h yoarohca”, ni t_hhotuha tina. Ti *ã* ni t_hhotuch_h masino dohatiriroro *õ* sehe ni yahuha Jesu:

—Mac_h, wahchega m_hh. Ñano m_h buhiri tiare cohã tuhs_hja y_hh —niha tiro.

³ To *ã* nich_h t_hhoa cãina mari judio masare buheina *õ* sehe ni t_hhotumaha: “Ahriroro wiho jiriro *ã* nino, ‘Cohamac_h jija’, nino nina. *ã* nino Cohamac_hre ñano nino nina”, ni t_hhotumaha tina. ⁴ Ti *ã* ni t_hhotuch_h masino, *õ* sehe niha Jesu:

—¿Dohseana *ã* ñano t_hhotujari m_hsa? ⁵ “Ñano m_h buhiri tiare cohã tuhs_hja”, y_h nich_h, “Mahñoriro jira”, nina m_hsa noano masierapanahta. “Wahcãr_hca, wahaga”, y_h nich_h y_h niri potocã jia jich_h dóihta m_hsa masinahca. ⁶ Y_hh mas_hno Cohamac_h warocariro ahri yahpai masa ti ñano buhiri tiare cohã masija y_hh. Masa ti ñano buhiri tiare cohãhtiro cjihtore c_hre Cohamac_h y_hhure. Y_h *ã* cohãrire m_hsa masihto sehe *õ* seheta yoa ñoihtja m_hsa ñ_hhti cjihtire —niha Jesu.

Tinare *ã* ninota, pjac_h buhariroro *õ* sehe niha:

—Wahcãr_hcaga. M_h coãri cahsarore na wahcãga m_h ya w_hh_hp_h —niha tiroro.

⁷ To *ã* nich_h t_hhoro pjac_h buhariro wahcãr_hca s_h, to ya w_hh_hp_h tjuaa wahaha. ⁸ Masa to *ã* wahach_h ñ_ha

cuiha. *ã* yoa Jesure Cohamac_h to tuare to wach_h ñ_ha masa Cohamac_hre ño payo, noano durucuha.

Jesu Mateore pjija
(Mr 2.13-17; Lc 5.27-32)

⁹ Ti *ã* yoari baharo Jesu tórp_h jiriro ta, y_hhure Mateore boca wihire. P_hhtoa ya cjihtire masare wapa na cohtariro jimai. *ã* jic_h tí pjare y_h dahrari tahtiap_h dujii. Tóí y_h dujich_h ñ_hno *õ* sehe nire y_hhure:

—Y_hh mehne macariro cjihto taga m_hh —nire Jesu y_hhure.

To *ã* nich_h t_hhoc_h wahcãr_hca tiro mehne wah_h.

¹⁰ Baharo ya w_hh_hp_h Jesu c_hh_h ch_ha tare. Pay_h p_hhtoa ya cjihtire wapa na cohtaina, “Ñano yoaina”, ti niina c_hh_h sã mehneta ch_hre. ¹¹ Tina mehne sã ch_hch_h ñ_ha, fariseo curua macaina sãre Jesu buheinare *õ* sehe nire:

—¿Dohsearo m_hsare buheriro wapa na cohtaina mehne, ñano yoaina mehne ch_hhari? —nire tina sãre to buheinare.

¹²⁻¹³ Ti *ã* nich_h t_hhoro Jesu sehe piti dahre buhea mehne y_hhtire:

—Dohatieraina duhturure macaerara. Dohatiina dihta duhturure maçana. Ñaare yoaina dohatiina yoaro sehe jira. *ã* jic_h ñaare yoaina dihtare ti ñaare ti t_hhotumari cjihtire duhu, noaa sehere ti t_hhotu cohtotach_h yoai tai nii y_hh. Ti basi “Noaina jija sã”, ni t_hhotuina barore yahui tai nierahi. Cohamac_h to

nirire ti joarire masiga m_{usa}. “Wahiquinare m_{usa} wajã, jũ m_{hoa} mehne y_{uhure} m_{usa} ño payoch_u cahmaeraja. Painare m_{usa} pja ñ_{ch} mehne sehere cahmaja”, ni joaha. Ahri to joari to dohse niare masiga m_{usa}. Tíre noano buhe namona wahaga — nire Jesu fariseo curua macainare.

Ch_u duhuare sinituha João buheina Jesure

(Mr 2.18-22; Lc 5.33-39)

14 Baharo João masare bautisariro to buheina Jesu cahap_u s_u, õ sehe ni siniture:

—Sã João buheina sehe Cohamac_ure ño payona tana, ch_u duhuja. Fariseo curua macaina c_{uh}u ãta ch_u duhura. ¿Dohse yoaa m_u buheina sehe ch_u duhuerajari? —nire tina Jesure.

15 Jesu to t_{uh}otua mehne piti dahre buhero taro tinare õ sehe ni y_{uh}tire:

—Õ sehe jira tí: Wamomaca d_{uh}terop_u ti pjirocaina wamomaca d_{uh}teriro mehne jia, ch_u duhu masierara. Tó seheta y_u buheina c_{uh}u y_{uh}u mehne jia, ch_u duhu masierara. Y_{uh}u wamomaca d_{uh}teriro yoaro sehe jija. Wamomaca d_{uh}teriro bose n_{um}u to yoach_u tiro mehne macaina cahyaa mehne jierara. ã jia ch_u duhuina jierara. Y_u P_uc_u Cohamac_u y_{uh}ure to naari baharo pinihtare y_u buheina mehne jisi y_{uh}u. ã jia tí pjar_uta y_u buheina c_{uh}u ch_u duhuahca —ni y_{uh}tire Jesu.

16 Panop_u macaa buhea wahma buhea mehne ti buhe more duach_u ñ_uno õ sehe ni namore Jesu tinare piti dahre buhero:

—Ne wahma cahsaro suhtiro cahsaro mehne m_unano suhtirore sere õno cahmaerara. ã yoach_u wahma cahsaro mari cosari baharo m_unano suhtirore waja cahmachu, p_ujibiaro t_{uh}n_uch_u yoara. (Ahri yoaro sehe ni, m_una buhea wahma buhea mehne piti dahre buheraro cahmana.) 17 ã jina ne se co bisia core wahiquiro cahsaro wajuru mehne m_una wajuru mehne posaeraro cahmana. ã yoach_u se co bisia pahmoap_u m_una wajurure t_{uh}r_enocahna. To t_{uh}n_uch_u se co c_{uh}u, wajuru c_{uh}u cohõa wahara. ã jina se co wahma core wahma wajurup_u posaro cahmana. ã yoach_u se co cohõeraa, wajuru c_{uh}u cohõerara. (Tó seheta wahma buhea m_una buhea mehne buhe moreraro cahmana) —ni yahure Jesu tinare.

Jairo maconore noaricoro yoa, cahã ñ_uricoro c_{uh}ure noaricoro yoaha Jesu

(Mr 5.21-43; Lc 8.40-56)

18 To ã ni yahuro watoi judio masa mari buheri w_{uh}u p_uh_utoro Jesu cahap_u wihire. Wihi, na tuhcuca caha s_u, õ sehe nire:

—Y_u maco yoatap_u yariaa wahahre. Ticorore m_u wamomacare duhu payoi taga. M_u ã yoach_u masanohca —nire tiro Jesure.

19 To ã nichu tuhoro Jesu wahcãruca tiro mehne wahare. Sã to buheina cãhu wahai. 20 Sã mahai waharucuchu tói numino ã cahã ñurucuricoro Jesu baharo buhusehei ta, to suhtiro sohtoare ñaha ñuha. Doce cãhmari waro dachoripe cahã ñurucuricoro jiha. 21 Õ sehe ni tuhoutuha ticoro ã yoaro: “To suhtirore ñaha ñuco, noaricoro wahacohca”, ni tuhoutuha ticoro. 22 To ã yoachu masino Jesu majarẽcu su, ticorore õ sehe nire:

—Maco, wahchega muhu. Mu yuhure wacũ tuaa mehne noaricoro tjuara muhu mipure —nire tiro.

To ã nichuta noaa wahare ticoro.

23 Æ yoa tuhsu Jesu puhtoro ya wuhuru sure. Sãa sũro, ñahacaha tiinare teneniaca yoaro sehe jiriare putiinare ñure. Payu masa ti ñano bisichu cãhure tuhore tiro. 24 Ti ã nichu tuhoro masare õ sehe nire:

—Wijaahga musa. Yariaerari jira ticoro. Carĩno nina — nire tinare.

To ã nichu tũhoa, “Æ nimacanocano nina ahriro”, nia masa bujũre tirore. 25 Æ jiro wuhu puhichapure masare to wio pahñori baharo yariaricoro caharu su, to wamomacare ñahaha. To ã ñahachu masa caha su, wahcãruca suha ticoro. 26 To ã yoirere tũhoa, tó macaina masa jipihtina yahu sitere.

Pũaro capari bajuerainare ñuchu yoaha Jesu

27 Æ yoaro Jesu tói jiro to wahachu, puaro capari bajueraina tirore pisu nanu tire:

—Davi panamino masare yũdohtiro, sãre pja ñuga muhu —ni sañurucure tina.

28 Ti ã nichuta Jesu pa wuhuru sãare. To ã sãachu masia capari bajueraina to caharu sãa wahare. Ti ã sãa sũchu ñano tiro sehe siniture tinare:

—“Marine ñuchu yoarohca tiro”, ¿ni tuhoutjari musa yuhure? —nire tiro.

—Puhtoro, ãta ni tuhoutuja sã —ni yũhtire tina.

29 Ti ã nichuta ti caparire ña payore. Æ ña payorota õ sehe nire:

—Yuhure “Æ yoarohca”, musa ni tuhoturiro seheta ã yoaja —nire Jesu.

30 To ã nichuta ti capari sehe noaa wahare. Æ yoa Jesu õ sehe nire tinare:

—Ahri yu õ sehe yoirere painare ne yahuena tjiga — nire.

31 To ã nipachuta waha, tói jiinare yahu sitere tina to ã yoirere.

Durucuerarirore durucuchu yoaha Jesu

32 Tí wuhure ti wijaachu waro cãiro durucuerarirore na tare masa. Watĩno tiro mehne jiro tirore durucuerachu yoaha. 33 Ti na sũchu ñano watĩnore Jesu cohã wiore. To ã cohã wiochu watĩno to sãanohriro cjiro sehe durucua wahare. To ã yoachu ñua jipihtina cãa pihtiare.

—Ne, ahri yahpa Israe yahpũre õ sehe yoare ñura

tihimari — ni durucure tina ti basi.

³⁴ Fariseo curua macaina sehe soro ni durucure:

—Watia puhtoro to tuaa mehne watiare cohāna ahriro — ni durucure tina.

Masare pja ñaha Jesu

³⁵ Ñ yoa jipihtia macari tói jia macaricāre, bujma macari cūhure buhe tinino wahare Jesu. Noaa buheare judio masa mari buhea wuhusepu buhero wahare tiro. Ñ jiro puhtoro Cohamacu to suho jihtore yahure. Jipihtia dohatia cūhure tó macainare yuhdore tiro. ³⁶ Masa payu ñano yuhdaina, pjacuro wahaina ti jichu ñano Jesu tinare pja ñure. Tina oveja pu marieina yoaro sehe ti jichu ñano Jesu tuaro pja ñure tinare. ³⁷ Ñ jiro ñ sehe nire tiro säre to buheinare, piti dahre buhero:

—Yo payu ti bucha tuhschu payu jichu dahraa pjíro jira. Wiho mejeta dahraina sehe mahainacã jira. (Tó seheta noaa buheare tuhohina payu jichu pjíro jira mari dahraa. To ã jipachuta mahainacã dahrari masa yoaro seheta noaa buheare buhehtina cūhu mahainacã jira.) ³⁸ Ñ jina noaa buheare buhehtinare painare to warocah-tore siniga Cohamacure — nire Jesu.

10

Jesu doce waro bese dapoha to warocahtinare
(Mr 3.13-19; Lc 6.12-16)

¹ Baharo doce säre to buheinare Jesu pjiroca,

tuaare cūre säre. Watiare sã cohā masihti cjihtire jipihtia dohatiare sã cohā masihti cjihtire cūre säre.

² Ñ sehe wama tii sã Jesu to bese cūrina: Simo jire. Tioreta Pedro ni pisure Jesu. Simo bahuro Andre cūhu jire. Santiago cūhu to bahuro João mehne jire. Tina Santiago cūhu pucuro Zebedeo wama tire. ³ Felipe, Bartolomé, Toma, yuhu Mateo jii sã. Yuhu sehe puhtoa ya cjihtire masare wapa na cohtariro jimai. Sã mehne pairo Santiago jire. Tiro sehe Alfeo macano jire. Ñ jiro Tadeo cūhu jire. ⁴ Simo cananeo ya curua macariro cjiro, Juda Iscariote cūhu jire. Juda sehe Jesure ñ tuhtiinare ñohtiro jire.

Jesu to buheinare buhe du-tiro warocaha

(Mr 6.7-13; Lc 9.1-6)

⁵ Ñ yoa säre doce to buheinare warocaro, “Ñ sehe masa yoanahca”, ni yahu quihōre säre Jesu:

—Judio masa jieraina cahapure wahaena tjiga. Ne Samaria yahpai jia macaripu cūhure wahaena tjiga. ⁶ Israe yahpa macaina cahapu sehere wahaga. Tina oveja peri wisia wahaina yoaro sehe Cohamacure masieraina jira. ⁷ “Mhano macariro to suho jihto mahanocã dūhsara”, ni buhega tinare. ⁸ Ñ jina cami bucu baainare, paye payu soro jia dohatiare cūhaina cūhure noaina yoaga. Yariainare masoga. Watia

masare ti sãanohorinare cohã wioga tinare. M̄sare ã wanocai nija ahri tuaare. ã jina m̄sa c̄h̄u yu ã wanocariro seheta masare noaina ã yoanocahga.

⁹ M̄sa wahana niñerure ne naaena tjiga. ¹⁰ Ne m̄sa wajure, p̄h̄aro camisare, p̄h̄a wahpa dahpo suhtire, m̄sa tjua yuc̄h̄u c̄h̄ure naaena tjiga. M̄sa sãano dihtare sãa wahcãga. Paye suhtire naaena tjiga. M̄sa buhena waharop̄u jiina tina sehe m̄sare m̄sa puh̄i cjihtire waahca. ãta waro cahmana tinare.

¹¹ Tí macarip̄u s̄na, ji coaro mehne carĩnore warirore macaga. ã jina tí w̄h̄uhta tjuasiniga. P̄h̄, coã wahanap̄u wijaahga tí w̄h̄ure. ¹² ã jina w̄h̄up̄u sãahna, “¿Jimajari m̄sa?” niga tí w̄h̄u macainare. ¹³ M̄sare noano tí cahmach̄u “Cohamac̄u mehne noano jiga m̄sa”, niga tinare. M̄sare tí cahmaerach̄u, m̄sa ã niborire niena tjiga. ¹⁴ ã jina m̄sare tí cahmaerach̄u, tí t̄ho duaerach̄u tí w̄h̄ure wijaahga. Wijaana, dahpo suhti macaa dihta pohcarire wajã site c̄uga m̄sa tinare tí ya buhirire masich̄u yoana. Tí maca macaina m̄sare tí cahmaerach̄u ãta yoaga tina c̄h̄ure. ¹⁵ Potocã m̄sare niita nija. Ahri dacho p̄htich̄up̄are Sodoma macaina, Gomorra macaina c̄h̄u tuaro buhiri tihtinata jira. Tí ã jipach̄uta tina ȳhdoro m̄sare cahmaeraina buhiri tihtina jahca —ni yahure

Jesu.

Jesu yainare paina ti ñano yoahstore yahuha Jesu

¹⁶ ã ni tuhs̄u õ sehe ni namore:

—Yuh̄ure t̄hoga m̄sa. Oveja yoaro sehe j̄inare m̄sare ñaina watoĩ warocai nija. Tina ñaina macaroca macaina yaya suaina yoaro sehe jira. ã jina m̄sa sehe paina wahiquina wac̄u masiina yoaro sehe jiga. ã jiina jipanahta buja yoaro sehe ne suaeraina jiga m̄sa. ¹⁷ Noano yoaga m̄sa. Masa m̄sare p̄h̄toare waahca. Tuhs̄u Judio masa mari buhea w̄h̄usep̄u c̄jãpeahca m̄sare. ¹⁸ ã jia yu yaina m̄sa jiri buhiri macari macaina p̄h̄toa cahap̄u tí bui jiina p̄h̄toa cahap̄u c̄h̄ure naahca m̄sare. ã jina m̄sare t̄op̄u tí naach̄u tinare judio masa jieraina p̄h̄toa c̄h̄ure noaa buheare buhenahca m̄sa. ¹⁹⁻²⁰ M̄sare p̄h̄toare tí wach̄u tinare m̄sa nihtire “Cue, masieraboca”, ni t̄hotuena tjiga. M̄sare tí sinituch̄uta m̄sa nihtire masinahca. ã masina tinare yahuna m̄sa tíre m̄sa m̄ s̄ro durucuna nisi. Cohamac̄u sehe m̄sa P̄uc̄u to Esp̄iritu mehne m̄sare durucuch̄u yoarohca.

²¹ Tí pjare tí wahmis̄uma tí bahanare wajã dutia waahca p̄h̄toare yu yaina tí jiri buhiri. Tí p̄c̄us̄uma tí poh̄nare wajã dutia waahca p̄h̄toare. Tí poh̄na sehe tí p̄c̄us̄umare wajã

dutia waahca pũhtoare.
 22 Jipihtina masa sehe yũ
 yaina mũsa jiri buhiri mũsare
 ñũ tuhtiahca. Ti ã yoa-
 pachũta ahri yahpai mũsa
 catisinino puro mũsare ti
 ñano yoarire cãno pjana
 yũhũre, yũ buhea cãhũre
 duhuerana, yũhdũnahca
 mũsa. 23 Cãmacai mũsare ti
 ñano yoachũ pa macapũ duhti
 wahcãga. Potocã mũsare
 niita nija. Israe yahpai jia
 macarine jipihtia tí macaripũ
 mũsa duhti wahcãhto pano,
 yũhũ masũno Cohamacũ
 warocariro ahri yahpapũ
 tjua taihtja.

24 'Ne cãiro buheriro
 tirore yahuriro buipũ jier-
 ara. Cahamacũno cãhũ to
 pũhtoro bui cure jierara. 25 Æ
 jiro õ sehe tũhoturo cah-
 mana buherirore: "Yũhũre
 buheriro yoaro seheta ji-
 ihtja", ni tũhoturo cahmana.
 Cahamacũno cãhũre ãta ni
 tũhoturo cahmana. "Yũ
 pũhtoro yoaro seheta jiihtja",
 ni tũhoturo cahmana. ("To
 bui jiihtja. Æ jicũ yũ pũhtoro
 to ñano yũhdũriro seheta
 ñano yũhdũsi yũhũ sehe",
 ni tũhotuero cahmana.)
 Yũhũ sehe wũhũ pũro yoaro
 sehe jija. Mũsa sehe tí
 wũhũ dahraina yoaro sehe
 jira. Æ jia masa yũhũre
 "Beelzebú jira", ni yahusã,
 mũsa cãhũre yũ yainare ñano
 ni durucuahca tina —ni
 yahure Jesu.

*"¿Diro barore cuichũ noa-
 jari?" ni yahuha Jesu
 (Lc 12.2-7)*

26 Æ ni tuhsũ õ sehe ni
 namore:

—Æ jina mũsare ñano
 yoainare cuiena tjiga. Masa ti
 ya sãari cjirire baharo paina
 masiahca. Æ jia ti nũori
 cjiri cãhũre paina masiahca.
 27 Mũsare yaroca yũ yahuri
 cjirire payũ masa watoi buhe
 turiaga mũsa. 28 Masũnore
 wajãina to pjacũ dihtare
 wajãna. To yajeripohna
 yariaerara. Æ jina mũsare
 wajã duainare cuiena tjiga.
 Cohamacũ sehere cuiga.
 Tiro mũsa pjacũrre, mũsa
 yajeripohnari cãhũre picha-
 capũ cohã masina. Æ jina tiro
 sehere cui, yũhtiga mũsa.

29 'Pũaro siripia wapa
 mariahna. Ti ã wapa maria-
 pachũta cãirocãre Cohamacũ
 ne boerara. Cohamacũ to du-
 tierachũ ne yarierara tirocã.
 30 Æ jiro mũsa pjoarire ne
 cũ pjoada dũhsaro marieno
 masi pahñona Cohamacũ. Tó
 seheta mũsa jia tia cãhũre
 masi pahñona Cohamacũ.
 Æ masino mũsare ñũ wih-
 borucura. 31 Siripiare to
 cahñno yũhdoro, mũsa sehere
 cahña Cohamacũ. Æ jina pjíro
 tũhotuena tjiga mũsa —ni
 yahure Jesu.

*Jesure mũsa wacũ tuari
 cjirire yahuga masare
 (Lc 12.8-9)*

32 Æ jiro tinare õ sehe ni
 yahu namore:

—Cãiro "Jesu yairo jija",
 masare to ni yahuchũ yũhũ
 cãhũ tirore "Yũ yairo jira", ni
 yahuihtja yũ Pũcũre mũano
 macarirore. 33 Wiho mejeta

cãiro “Jesu yairo jieraja”, masare to nichu yuhu cãhu “Yu yairo jierara tiro”, ni yahuihtja yu Pucure —ni yahure Jesu.

Jesu masare tju wachu yoara

(Lc 12.51-53; 14.26-27)

³⁴ ã ni tuhsu õ sehe ni yahu namore:

—¿Dohse ni tuhhotujari musa yuhure? “Tiro masare to buheri baharo paina tinare ñu tuhtisi”, ¿ni tuhhotujari musa? ã jierara. Masare yu buheri baharo cãina yu yare tũhoahca. Paina sehe tinare ñu tuhtiahca. Cũno potori waro jisi masa.

³⁵ Bucuna yu buheare ti tuhori buhiri ti pohna yu buheare cahmaeraa, tinare ñu tuhtiahca. Bucu numia yu buheare ti tuhori buhiri ti pohna numia yu buheare cahmaeraa, tinare ñu tuhtiahca. Ti marechosanumia yu buheare ti tuhori buhiri ti macu namosãnumia yu buheare cahmaeraa, tinare ñu tuhtiahca. ³⁶ ã jia masa ti coyeare ñu tuhtiina jiahca.

³⁷ Yuhure ti cahĩboriro yuhdoro ti pucũsuma sehere cahĩ yuhdũgca yu yaina jisi tina. Yuhure ti cahĩboriro yuhdoro ti pohna sehere cahĩ yuhdũgca yu yaina jisi tina.

³⁸ ã jia paina crusaru yu yariahto sehetu yu yaina ti jiri buhiri ñano yuhdahca tina cãhu. Tó sehe ñano yuhdu duaeraina yu yaina jisi tina. ³⁹ Masa yuhure wacũno marieno ti mu sũro yoaa, pichacaru wahaahca

tina. ã jia yu yare ã yoarucua jipihtia dachoripe yuhu mehne jirucuahca tina —ni yahure Jesu.

Mari wapatahtore yahuha Jesu

(Mr 9.41)

⁴⁰ ã ni tuhsu õ sehe ni yahu namore:

—Musare yu yainare cãiro noano cahmano, yuhu cãhure cahmano nina tiro. ã yoa tiro yuhure noano cahmariro yuhure warocariro cãhure cahmano nina. ⁴¹ ã jiro Cohamacu yare yahiriro wapatarohca. Tirore noano yoarohca Cohamacu. ã jiro to yare yahiriro to jichu ñũno paio tirore noano cahmano, yahiriro yoaro sehetu wapatarohca tiro cãhu. ã yoa paio noano yoariro wapatarohca. Tuhsu, noano yoariro to jichu ñũno paio sehe tirore noano cahmano noano yoariro yoaro sehe wapatarohca tiro cãhu. ⁴² Yu yairo cãiro to jichu ñua, wiho jiriro to jipachuta dohse jiina tirore core ti sihõchu mahanoçã ti wapachuta potocãta tinare noano yoarohca Cohamacu —ni yahure Jesu.

11

João masare bautisariro to buheinare Jesure sinitu ñu dutiro warocaha

(Lc 7.18-35)

¹ Sãre to buheinare to ã ni yahuri baharo tó cahai jia macaripu buhero wahare Jesu.

² Æ yoa to yoarire João peresui jiro to tãhorocaha. Æ tãhoro João to buheinare Jesure sinitu ñu dutiro warocaha. ³ Æ jia Jesu cahapu su, sinitu ñure tina João buheina.

—¿João “Yu baharo pairo tarohca”, to niriro tjijari mahu? ¿To niriro mu jierachu pairore cohtanahcari sa? —ni sinitu ñure tina sehe Jesure.

⁴ Ti ã nichu tãhoro Jesu õ sehe ni yãhtire:

—Mipure musa tãhorire, musa ñure João yahuna wahaga: ⁵ “Capari bajúeraina ñuna. Tini masieraina tinina. Cami bucú baina noaina wahara. Tuho bocaeraina tuhoa wahara. Yariaina masaa wahara. Tina jipihtinare noaina wahachu yoahi yuh. Tuhsu, pjacúoinare noaa buheare yahuja. ⁶ Yuhure tãhoro ‘Potocã tjira’, niriro tiro wahcheriro jira” ni, João yahuna wahaga —nire Jesu.

⁷ João buheina ti wahari baharo, Jesu sehe João to jia tiare yahu ducare payu masare:

—Masa marienopu João cahapu suna, tjare wihnono to wãroca cohtotachu yoiriro seheta to buheare cohtota mujarirore ñuna snerare musa. ⁸ “Noaa suhti tirirore ñuna wahajihna”, nierare musa João cahapu masa marienopu wahana. Noaa suhti tiina wapa bujare cjuaina puhto ya wuhusepu jira. ⁹ Masa marienopu suna Cohamacu yare yahu

muhtarirore ñuna sure musa. Potocã tjira. João Cohamacu yare yahu muhtariro jira. Paina Cohamacu yare yahu muhtaina yuhdoro jiro jira tiro. ¹⁰ Panopu Cohamacu yare ti joari pu João õ sehe ni yahu joaa tiha:

“Cohamacu to macunore õ sehe niha: ‘Mu pano mahure yahuyuhtirore warocai nija’, niha”,

ni joaa tiha panopure João. ¹¹ Musare potocã niita nija. Paina jipihtina bui jira João bautisariro. Ahri turupure to ã jipachuta mano macariro puhtoro to suho jiropure jipihhtina docapu jiro pinihta João bui jira.

¹² João masare bautisariro to buhe, bautisa ducachu payu masa mano macariro puhtoro to suho jirore pihhtichu yoa duaa, ti mu suro cahmache, tãre yoa duamana.

¹³ Cohamacu yare yahu muhtaina ti joari cjirire, Cohamacu Moise cjirore to cãri cjiripu cãhure buhena puhtoro Cohamacu to suho jihore masija mari. João cãhu tíreta yahure. ¹⁴ “Elia tarohca”, panopu ti niriro cjirota jira João sehe. Panopu macaina ti nirire “Potocã tjira”, ni duana João ti ã niriro cjiro to jichu masinahca musa. ¹⁵ Noano tãhoga musa ahrire.

¹⁶ ¿Mipu macaina masa yabaina yoaro sehe jijari tina, musa tãhotuchu? Tina macanacã yoaro sehe jira. Paina ti cahmano sehe ti yoerachu tó wahaerara

tinacãre. Pache duaropu pape dujia, õ sehe ni pisurucura tinacã ti basi: 17 “Musa basahti cjihtire sã putipemahi. ¿Dohseana musa basaerari sã tíre putipechu? Sã tuaro ñahacaha tiipe, sañurucumahi. ¿Musa sehe dohseana sã mehne tiiperari?” nirucuina yoaro seheta jira mipu macaina cãhu. Mipu macaina ti cahmano seheta sã yoerachu ñua tó wahaerara tinare. 18 Tina yoaro sehe yoana õ sehe yoara musa mipu macaina. João bautisariro Cohamacu ño payoro taro chu duhuro vinore sihnierare. To ã sihnierachu ñuna “Watino to sãanohriro, tuho masierariro jira”, nimare musa tiro sehere. 19 Yuhu masuno Cohamacu warocariro jicu yuhu chu, sihnija. Yu ã yoachu ñuna õ sehe nina musa yuhu sehere: “Ñuga. Ahriri pjiro cheriro, cahariro jira. Wapa na cohtaina, ñano yoaina cãhu ti piti tiri jira ahriri”, nina musa yuhure. (Ñ nina macanacã yoaro sehe durucuina jira musa. Musa cahmano sehe sã yoerachu tó wahaerara musare. Ne sahsaerara musa.) Ñ masierapanahta sã yoarire ñuna, Cohamacu masiare sã cjuachu masinahca musa — nire Jesu tinare.

Ti ñaare cahyaeraina ya macari macainare tuhtiha Jesu

(Lc 10.13-15)

20 Baharo macari macainare tuhtire Jesu. Tí macarine

paye macari yuhdoro Cohamacu tuua mehne yoa ñomare tiro. To ã yoa ñopachuta ti ñaare tuhotumarire duhuerasinire tina. Ñ jiro õ sehe ni tuhtire tinare tiro:

21 —Corazí macaina, musa ñano yuhdunahca. Betsaida macaina, musa cãhu ñano yuhdunahca. Musa ya macaripure Cohamacu tuua mehne yoa ñomahi. Tiro wama tiri macare, Sidõ wama tiri maca cãhure to tuua mehne yu yoa ñochu ñua panopu tó macaina sehe ti ñaare cahyaboa. Ñ yoaa ti ñaare tuhotumari cjiire tuhotu cohtotaboa. Cahyaa suhtire sãa, niti pohcare tina bui dahra site payoboa ti ñaa cahyaare ñoa. 22 Musare niita nija. Buhiri dahrehti dacho jichu Cohamacu Tiro macaina, Sidõ macaina yuhdoro ñaina musa jiri buhiri musare ñano waro buhiri dahrerohca tiro. 23 Capernau macaina, musa musuro manopu waha duamana. Musare Cohamacu pichacapu cohãnohca. Musa ya macaru Cohamacu tuua mehne yoa ñomahi. Musa yuhure tuhoerare. Sodoma wama tiri macare Cohamacu tuua mehne yu yoa ñochu ti maca sehe mipu jisniboa. 24 Musare niita nija. Buhiri dahrehti dacho jichu Cohamacu Sodoma macainare to yoariro yuhdoro, musa sehere musa ñaa buhiri ñabiario buhiri dahrerohca — nire Jesu tí macari macainare.

“Yu cahapu sona taga”,

*nihá Jesu**(Lc 10.21-22)*

²⁵ Tí pjare õ sehe nire Jesu to Pꝛꝛꝛo mehne durucuro:

—Yꝛ Pꝛꝛꝛ, mꝛꝛꝛ mꝛꝛano macaina bui pꝛꝛꝛo, ahri yahpa macaina bui pꝛꝛꝛo jira. Ahri mꝛ buheare “Noano masiina jija sã”, niinare masichꝛ yoaerare mꝛꝛꝛ. Buhe pahñoeraina sehere mꝛ yare masichꝛ yoare mꝛꝛꝛ. Mꝛ ã yoachꝛ, “Noana”, nija yꝛꝛ mꝛꝛꝛe.

²⁶ Æ tjira. Tina sehere ti masichꝛ cahmare mꝛꝛꝛ — nire Jesu to Pꝛꝛꝛore.

²⁷ Æ ni tuhsꝛ, masare õ sehe ni yahu namore:

—Yꝛ Pꝛꝛꝛ jipihtiare yahure ware. Tiro dihta yahure noano masina. Æ jina sã dihta yꝛꝛ yꝛ masi dutiina mehne yꝛ Pꝛꝛꝛe masija sã.

²⁸ Mꝛsa ñano buhiri tia pꝛꝛꝛa yoaro sehe jira. Nꝛꝛꝛe mꝛna mꝛsa tahrĩno seheta ñano buhiri tiare pumea wahara mꝛsa. Æ pumeina jina yꝛꝛe cahmaga mꝛsa. Mꝛsare sochꝛ yoaihtja. Mꝛsa ñaa yoaare duhuchꝛ yoaihtja.

²⁹ Yꝛ dutiare yoaga. Yꝛ yare noano masiga. Yꝛꝛ niiji siaro yoariro jija. Yꝛ ã jiriro jichꝛ yꝛ yare noano masiga mꝛsa. Æ yoa yꝛꝛ mehne sogá mꝛsa. Æ sona noano yajeripohna tinahca mꝛsa. ³⁰ Yꝛ yare mꝛsa yoachꝛ mijoerara. Æ yoa mꝛsa mꝛi cjiiri ti nꝛꝛeraro seheta yꝛꝛ sehe mꝛsa bihoró purota yoa dutija mꝛsare — nire Jesu.

12

Judio masa ti sori dachoi trigo parorire pahaha Jesu buheina

(Mr 2.23-28; Lc 6.1-5)

¹ Mahanocã to ã ni buheri baharo Sabado jichꝛ sã Jesu mehne trigo wesepꝛ sꝛi. Sã to buheina jꝛca baana, trigo parorire paha, chꝛ tuhsꝛ yꝛhdꝛ wahcãi sã. ² Sã ã yoachꝛ ñꝛa, fariseo curua macaina Jesure õ sehe nire:

—Tꝛhosiniga sãre. ¿Dohse yoa tina Sabado mari sori nꝛꝛꝛ to jipachꝛta dahrajari, trigo parorire ã pahaa? Mari dutiare yꝛhdꝛꝛca nina — nire tina.

³⁻⁴ Jesu yꝛhtire. “Yꝛ buheina yꝛhdꝛꝛca nierare”, ni yahuro taro õ sehe ni yꝛhtire:

—Davi cjiro tiro mehne macaina mehne jꝛca baaro Cohamacꝛ wꝛꝛꝛ sãa, Cohamacꝛ ya pãore chꝛha. Tí pãore sacerdotia dihtare chꝛ dutira. Cohamacꝛ dutiare ti joari pꝛ painare tí pãore chꝛ dutierara. ¿Davi cꝛꝛ tíre ti yoari cjiire Cohamacꝛ joari pꝛꝛ buherari mꝛsa? (Tí pãore chꝛo Cohamacꝛre yꝛhdꝛꝛcaro nieraha. Michare ahri yaparire chꝛa yꝛ buheina cꝛꝛ Cohamacꝛre yꝛhdꝛꝛca nierara.) ⁵ Æ yoa Cohamacꝛ wꝛꝛi dahraina sacerdotia ne soerara mari soa nꝛꝛꝛine. Æ soerapahta Cohamacꝛ dutiare yꝛhdꝛꝛcaina jierara. ¿Tíre buherari mꝛsa Cohamacꝛ Moise cjirore to cꝛi pꝛi? ⁶ Mꝛsare niita nija.

Cohamacu wuhure ño payona tí wuhui dahraina ti soerachu ñupanahta “Noanohca”, nina m̄sa. Tí wuhu yuhdoro yuhu sehere ño payoro cahmana. ⁷ Cohamacu yare ti joari pũ ò sehe nina: “Wahiquinare wajã, jã m̄oa mehne yuhure m̄sa ño payochu cahmaer-aja. Painare m̄sa pja ñichu sehere cahmaja yuhu”, nina to yare ti joari pũ. To ã nire m̄sa noano tãhona yu buheinare tuhtieraboa m̄sa. Tina tĩre chuã yuhdurũcaã nierare. ã jina tinare tuhtieraboa m̄sa. ⁸ Yuhu masũno Cohamacu warocariro ahri dacho Sabado dachore masa ti yohtire yahurirota jicu puhtoro tjija —nire Jesu fariseo curua macainare.

Wamomaca buhariro quitijira

(Mr 3.1-6; Lc 6.6-11)

⁹ To ã niri baharo waha, judio masa mari buheri wuhupu sui sã Jesu mehne. ¹⁰ Tóí wamomaca buhariro jire. ã jia fariseo curua macaina sehe Jesure yahusãã taa, tirore ò sehe ni siniture:

—Sabado dachoi mari sori dachoi masũno noariro yoa dutierara Cohamacu. ¿ã tjijari m̄ tãhotuchu? —ni siniture tina.

¹¹ Jesu ò sehe ni yuhtire tinare:

—¿M̄sa yairo oveja Sabado jichu copapu to bora sãachu tirore na wioerabocari m̄sa? Na wionahca m̄sa. ¹² Oveja yuhdoro jira masũno sehe, Cohamacu to ñichu. ã jiro Sabado jichu

masũno yuhdochu noa nina —ni yuhtire Jesu tinare.

¹³ ã ni tuhsu, wamomaca buharirore ò sehe nire:

—M̄ wamomacare siõroca —nire tiro.

To ã nichu buhariro sehe siõroca, noari wamomaca wahare. ¹⁴ Ti sori namui to ã yoachu ñua, fariseo curua macaina waha, ti basi ò sehe niha:

—¿Dohse yoa Jesure wajãnahcari mari? —niha tina ti basi.

Cohamacu yare yahu muhtariro panopu macariro Jesure yahuha

¹⁵ Jesu ti ã nire masino, wahaa wahare. To ã wahachu payu masa tirore nunu tire. Ti ã nunu tichu ñũno tiro sehe jipihtina tina mehne macainare dohatinare noaina wahachu yoare. ¹⁶ ã yoaro dohatiina cjirire tinare to yuhdorire painare yahu dutierare tiro. ¹⁷ ã dohatiinare noaina wahachu yoaro Cohamacu yare yahu muhtariro Isaia cjiro panopu to ni joariro seheta yoaro nire Jesu. Ò sehe ni joaa tiha Isaia:

¹⁸ “Ò sehe nina Cohamacu: ‘Ahiro yu cahamacũno jira. Tiro yu beseriro jira.

Tirore cahãja.

ã jicu tiro mehne wahcheja.

Yu Espĩrigure tirore waihtja.

ã jiro yu tuaa mehne jip-
ihtina masare yu bu-
heare yahurohca tiro.

¹⁹ ã yahuro tiro ne purĩno mehne yahusi.

Ã yoa ni siaroca yahuriro
jiro sañurucusi.

Tuhsu, maca macari mahai
payu masa watoi tiro
tuaro sañurucu yahusi.

20 Wujuhu o muquearucu
suhu to nuhnuerachu
yoaro seheta masa
cãhare ni siaro dero
yoarohca tiro.

Pjiroca jãri pichacare to
yaeraro seheta masa
cãhare noano yoaro-
hca tiro.

Ãta yoarucurohca tiro
watĩnore to yuhduꝛucahto
pano.

21 Ã jia payu masa tirore
wacũ tuaahca', nina
Cohamacu",
ni joaa tiha Isaia.

*"Jesu watĩno tuaare
cjũara", ni yahusãha masa
(Mr 3.19-30; Lc 11.14-23;
12.10)*

22 Cã dachoi watĩno to
cohtotarirore masa na tare
Jesu caharu. Tiro sehe watĩno
cjũaro durucu masierare.
Tuhsu, capari ne ñuerare. Ti
ã na wihichu ñu, noariro wa-
hachu yoare Jesu tirore. To ã
yoachu watĩno to cohtotariro
cjiro ñu, durucure. 23 To ã
wahachu ñua, masa ñu caa
wahare.

—¿Ahriro Davi cjiro
panamino masare yuhdohtiro
jijari? —nire tina ti basi.

24 Jesu watĩare to cohãrire
tũhoa fariseo curua macaina
õ sehe ni tũhoture:

—Beelzebú watĩa puhtoro
to tuaa mehne watĩare cohãna
Jesu —ni tũhoture tina.

25 Ti ã ni tũhotuchu masino,
Jesu quti mehne piti dahre
yahure tinare:

—Watĩno ya tuaa mehne
watĩare cohãni nieraja. Cũ
yahpa macaina ti basi cahma
wajãa, tí yahpa macaina
yaria pihtia wahaboa. Cũ
maca macaina ti basi cah-
machea tí maca macaina
waha pihtia wahaboa. Cũ
wuhu macaina cãhu ãta
wahaboa. 26 Ã jia Beelzebú
watĩa puhtoro sehe watĩare
cohãno, tina watĩa ti basi
cahmachea nibo. Ã jia tina
cãhu waha pihtia wahaboa.

27 Õ sehe ni yahusãna msa
yuhure: "Tiro Beelzebú
yoadohoa mehne watĩare
cohãna", ni yahusãna msa.
Msa mehne macaina cãhu
watĩare cohãna. ¿Watĩno to
tuaa mehne watĩare cohãjari
tina cãhu, msa ñuchu? Ã
cohãerara. Tíre masina msa.
Yuhu cãhu watĩno tuaa mehne
watĩare cohãeraja. 28 Ã jicu
yuhu sehe watĩare cohãcu
Cohamacu to Espĩritu tuaa
mehne tinare cohãja. Yu ã
cohãchu ñuna õ sehe masiga
msa: Cohamacu masa bui
puhtoro ahri yahpãre ji
tuhsura mipure.

29 'Õ seheta jira mari piti
dahre buhechu: Tuariro
ya wuhuru paio sãa su
yaca masierara. Tuarirore
duhteraro to ya wuhuru sãa
su yaca masierara. Tirore
to duhteri baharo sãa su
yaca masina —ni yahure
Jesu. (Ã ni yahure watĩnore
to yuhduꝛucarire yahuro.
Watĩno tuariro to jipachata

Jesu tirore yuhdurucara watĩare cohãno.)

Ã ni tuhsu õ sehe ni yahu namore Jesu:

³⁰—Cãiro yuhure cahmaeraro, yuhure ñu tuhtiri jira. Cãiro yuhure yoadoheraro, yuhure wapu tichu yoaro nina.

³¹ Ã jicu msare potocã niita nija yuhu. Jipihtia ñaare masa ti yoachu ti durucuchu cãhure Cohamacu bo masina. Ã boparota

Espĩritu Santore ti ñano ni durucuchu ti pinine ne bosu.

³² Yuhure masũno Cohamacu warocaritore yuhure ti ñano ni durucurire bo masina Cohamacu. Espĩritu Santo sehere ti ñano ni durucurire ne bosu Cohamacu. Mipure, pihtiri dacho baharopu cãhure ti ã niri cjiire bosu tiro —ni buhere Jesu tinare.

Masa ti durucuaru tuhona ti jia tiare masija mari

(Lc 6.43-45)

³³ Ã ni buhe tuhsu, piti dahre buhero õ sehe ni yahu namore tinare:

—Noadu yucucu noaare dica tira. Ñaadu yucucu ñaare dica tira. Yucucu dichare masina “Tu dichata jira”, ni masija mari. (Mari ã masino seheta masa ti durucuaru tuhona ti jia tiare masija mari.) ³⁴ Agãa ñima tiina yoaro sehe ñaina jira msa. Msa ñaina jina, noaare ni masierara msa. Mari wacũaru mari tuhoturiro seheta mari dũseroi wijara. ³⁵ Noariro noaare tuhutura. Ã jiro noaare

durucura. Ñariro ñaare tuhutura. Ã jiro ñaare durucura. ³⁶ Msare niita nija. Noano tuhutu durucuina jiga msa. Noano durucuerana, buhiri dahrehti dacho jichu msa ã nimacanocarire Cohamacure yahu yuhdunahca. ³⁷ Quihõno msa durucurire masino “Noaina jira”, ninohca Cohamacu. Tuhsu, ñano msa durucurire masino “Ñaina jira”, ninohca tiro —nire Jesu tinare.

Masa ñaina Jesure Cohamacu tuua mehne yoa ño dutiha

(Mr 8.12; Lc 11.29-32)

³⁸ To ã niri baharo mari judio masare buheina, fariseo curua macaina cãhu tirore õ sehe nire:

—Buheriro, Cohamacu warocariro jicu Cohamacu tuua mehne yoa ñoga sãre —nimare tina.

³⁹ Jesu õ sehe ni yuhtire:

—Mipu macaina ñaina, Cohamacure cahmaeraina Cohamacu tuua mehne yu yoa ñochu ñu duamana. Ti ã ñu duapachuta Cohamacu yare yahu mũhtaritore Jona cjiro panopu macaritore Cohamacu to tuua mehne to yoari dihtare yoa ñonohca masare. ⁴⁰ Jona tia dacho waro pjiriro wahi pjaro puhichapu jiha. To ã wahariro seheta yuhu cãhu masũno Cohamacu warocariro tia dacho waro masa copapu jiihca. ⁴¹ Nĩnive macaina sehe Jona Cohamacu yare to yahurire tuhõa ti ñaa yoarire cahya, Cohamacu mehne macaina

tjuaha. Æ tjuaina jia buhiri dahrehti dacho jichu tina mipu macainare ti ñaare tūhotumari cjirire duhuerainare “Ñaina jira”, ni yahusāahca. Jona cjiro tinare Cohamacu yare to yahuchu tūhoa noaare cahmaha tina sehe. Æ cahmaa noano yoaa niha mipu macaina yūhdoro. Æ jia tina mipu macainare “Ñaina jira”, ni yahusāahca. Mūsare niita nija. Mipu mūsare yu buhea Jona cjiro to buheri yūhdoro jira. ⁴² Æ yoa buhiri dahrehti dacho jichu pūhtorocoro sur macaricoro panopu macaricoro ducu, mipu macainare “Ñaina jira”, ni yahusānohca ticoro cūhu. Ticoro Salomo panopu macariro to masiare tūho duaro yoaropu ahri yahpa pa buhusehepu jiricoro Salomoro tūhoro taha. Æ yoaro noano yoaro niha mipu macaina yūhdoro. Æ jiro ticoro “Ñaina jira”, ni yahusānohca mipu macainare. Mūsare niita nija. Mipu mūsare yu buhea to buheri yūhdoro jira —nire Jesu tinare.

Watīno pari turi masunore to sāari quitire yahuha Jesu (Lc 11.24-26)

⁴³ Æ ni tuhsu, pari turi Jesu to tūhotua mehne ō sehe ni piti dahre buhere tinare:

—Watīno masunore cohtotariro cjiro waha, tiro co marieni yahpai tini, to jihto cjihtore macamaha. ⁴⁴ Æ bo-caeraro, ō sehe ni tūhotuha tiro. “Masuno yu cohāriro

cjiro mehmeta pari turi jii wahaihtja”, ni tūhotuha tiro. Æ ni tūhoturo tiro tjuaa waha, to cohāriro cjiroreta bocaha. Æ to bocachu masuno sehe noariro jimaha. ⁴⁵ Æ jiro watīno paina siete watīare to yūhdoro ñainare pjiro wahaha. To ã pjichu tina jipihtina tiro mehne jiha. Masuno sehe tó pano cūiro watīno to cohtotariro jiro, ñariro jimaha. Mipu sehene payu watīa ti cohtotariro jiro, tó pano to jiriro yūhdoro ña yūhdūariro jiha. Mipu macaina Cohamacure masimarina tirore cohāa, tina cūhu ñaa yūhdūina warota wahaahca —nire Jesu tinare.

Jesu coyea tiro mehne sūhūdu duaha (Mr 3.31-35; Lc 8.19-21)

⁴⁶ Masare to ã ni durucuro watoi to pocoro to bahana mehne sopacai ducu, tiro mehne sūhūdu duare. ⁴⁷ Æ jiro cūiro Jesure ō sehe ni yahure:

—Mū poco mū bahana mehne sopacai ducura, mūhure sūhūdu duaa —nire.

⁴⁸ To ã nichu tūhoro tirore yahurirore ō sehe nire Jesu tinare buhero taro:

—¿Noa jijari yu poco, yu bahana cūhu, mūsa ñūchu? —nire.

⁴⁹ Æ nino, sāre to buheinare ñuipuro, ō sehe nire:

—Ahrina jira yu poco yu bahana yoaro sehe jiina. ⁵⁰ Tina yu Pūcu mūano macariro to cahmaare yoara. Tó sehe yoaina yu bahu, yu baho, yu

poco yoaro seheta jira —nire Jesu tinare.

13

Jesu wesere toari masano quitire yahuha

(Mr 4.1-9; Lc 8.4-8)

¹ Tí dachoihta Jesu wuhni jiro wijaare. Wijaa, bucupariropu waha, bucupariro duhtu cahai dujire. ² To ã dujichu ñua payu masa tiro cahapu cahmachu wahpata yuhdua, bihsaro yoare Jesure. ã bihsachu ñuno dohoriai samu, tiapu dujire tiro. Masa sehe paduroi ducure. ³ ã jiro payu to tuhota mehne piti dahre yahure tinare buhero taro. Õ sehe nire tiro:

—Toari masano toaro, to toaa yaparire doca site cño wahaha. ⁴ To ã doca site cñ wahcächu paye yapari maha duhtu cahai bora caha suha. ã bora caha suare tí yaparire minichahca duji ta, chunocaha.

⁵ ã yoa paye yapari sehe tãa wapa buicã bora caha suha. Tãa wapa buicã dihta mariea cureroi dóihta dumaha. ⁶ ã duri jipahta, sũ to tuaro sichu, nuhcori mariaa, ñaia wahaha. ⁷ Paye yapari sehe tja watoi bora caha suha. Tja sehe dia yuhdua waha, toaa sehere wajãnocaha. ⁸ Paye yapari sehe noari yahpai bora caha suha. Noano dua jia noano dicha tiha. Paye yucu cien yapari, paye yucu sesenta yapari, paye yucu treinta yapari dicha tiha. ⁹ Ahrire

taho duaina noano tuhoga masa —nire Jesu.

Jesu quiti mehne to buherire yahuha

(Mr 4.10-12; Lc 8.9-10)

¹⁰ To ã niri baharo sã to buheina tiro cahai su, sinitui sã tirore:

—¿Ne, dohseacu masare quiti mehne piti dahre buhejari mahu? —ni sinitui sã.

¹¹ Jesu õ sehe ni yuhtire:

—Mhano macariro masa bui puhtoro masare to noano suho jiare panopu macaina ti masierari cjirire musare yu buheinare masichu yoara Cohamacu. Paina sehere ã yoerara tiro. ¹² ã jiro masiinare masi namochu yoarohca tiro. ã jia tina sehe noano masiahca. Masieraina sehe mahanocã ti masipachuta tina sehere masierachu yoarohca tiro. ¹³ ã jicu quiti mehne buheja. Õ sehe jira. Mipu macaina ñupahta, ñueraina cjiri yoaro sehe tjuara. ã jia tuhopahta masierara. Tíre tuhoeraina yoaro sehe jira tina. ¹⁴ ã jiina jia Isaia cjiro panopu macariro to ni joariro seheta yoara tina. Õ sehe ni joaa tiha:

“Õ sehe nina Cohamacu: ‘Yu yare tuhonahca masa.

ã tuhopanahta, ne masisi masa.

¹⁵ Mhisa dapu butiina tjuara.

Tuhsu, mhisa cahmo coparire bihara masa, “Tuhori”, nina.

Mhisa caparire wihmitjiahna mhisa, “Ñuri”, nina.

Ã yoaerana noano ñuna masibo m̄sa.

Ã yoa t̄hona, masibo m̄sa. M̄sa wac̄ar̄ noano masibo.

Ã masiina baro jina, m̄sa t̄hotumari cjirire t̄hotu cohtota, yah̄re macaboa.

M̄sa ã macachu ñuno, yah̄ sehe m̄sa buhiri tiare coh̄boa', nina Cohamac̄", ni joaha Isaia cjiro.

¹⁶ 'M̄sa sehe m̄sa capari mehne ñuna, masina. M̄sa cahmo mehne t̄hona, masina. Ã jina wahcheina jira m̄sa. ¹⁷ M̄sare niita nija. Mip̄ m̄sa ñ̄are m̄sa t̄hoare panop̄ macaina Cohamac̄ yaina cjiri tuaro ñ̄ duamaha. Cohamac̄ yare yahu mahtaina cjiri c̄h̄ t̄re tuaro ñ̄ duamaha. Wiho mejeta ne ñ̄eraha. Mip̄ m̄sa t̄hoa c̄h̄re tuaro t̄ho duamaha tina. Ã masi duapahta t̄re masieraha —ni yahure Jesu s̄re to buheinare.

Jesu wesere toari mas̄no quitire yahu pah̄oha

(Mr 4.13-20; Lc 8.11-15)

¹⁸ Baharo Jesu s̄re õ sehe ni yahu namore:

—T̄hoga m̄sa. Wesere toari mas̄no quitire m̄sare yahuihtja. Yah̄re t̄hona, noano masiga. ¹⁹ Doca site c̄a yapari noaa buhea yoaro sehe jira. Ã jia maha d̄ht̄ cahai bora yapari noaa buhea yoaro sehe jira. Masa noaa buheare t̄hopahta ne masierara. Noaa buheare masa ti t̄hoch̄ ñ̄no wat̄no

sehe ta, tí buheare noaa buheare masi dutierara masare. Minichahca tí yaparire ti dota nariro seheta yoara wat̄no. ²⁰ Ã yoa t̄a wapa buic̄a bora yapari noaa buhea yoaro sehe jira. Ã jia masa noaa buheare t̄ho, wahchea mehne dóiht̄a t̄re t̄ho nana. ²¹ Ã t̄ho napahta t̄a wapa buic̄a jia yuc̄ nahcori mariea yuc̄ yoaro seheta ahrina masa c̄h̄ tuaerara. Ã tuaeraa ñ̄no yah̄d̄a, ȳ yaina ti jiri buhiri paina tinare ti ñ̄no yoach̄ ñ̄a ȳ ya sehere duhunocahna. Paina tinare ti ñ̄no yoach̄ t̄re c̄no pjaeraa, ȳ yare duhunocahna. ²² Ã yoa tja watoi bora yapari noaa buhea yoaro sehe jira. Ã jia masa noaa buheare t̄ho, ahri yahpa macaare pj̄ro cahya t̄hotua, niñerure cah̄na. Ti ã yoach̄ tí sehe noaa buheare d̄catara. Ti ã d̄cattach̄ masa noaa sehere yoaerara. ²³ Ã yoa noari yahpai bora yapari noaa buhea yoaro sehe jira. Masa noaa buheare t̄hoa, t̄re noano masina. Ã masiina jia, Cohamac̄ to cahmano seheta noare yoara tina. C̄ina pj̄ro noare yoara cien yapari dicha tiro seheta. Paina doca curero noare yoara sesenta yapari dicha tiro seheta. Paina mahanoc̄a noare yoara treinta yapari dicha tiro seheta —ni yahure Jesu s̄re.

Trigo watoi tja diari quitire yahuha

²⁴ Æ yoa pari turi to tãhotua mehne piti dahre buhere Jesu:

—M_Hano macariro masa bui p_Htoro to s_Hho jiro õ sehe jira. Wese p_Hro to wesep_H noaa yaparire to toariro seheta jira m_Hano macariro masa bui p_Htoro to s_Hho jiro. ²⁵ Wese p_Hro jipihtina tiro mehne macaina cãh_H ti carĩno watoi tirore ñ_H tuhtiriro tara. Æ taro trigore ti toariroi tjare toaha. Toa tuhs_H wahaa wahaha. ²⁶ Baharo trigo duha. Æ jiro ti dicha tia cahach_H waro diaa wahaha. ²⁷ Æ jia wese p_Hrore dahra cohtaina tiro cahap_H s_H, yahua: “¿P_Htoro, noaa yapari dihtare m_H wesere m_H toapach_Hta, dohse yoa tja cãh_H diajari tí wesere?”, niha tina. ²⁸ “Y_Hh_Hre ñ_H tuhtiriro jia tí tjare toaro”, niha wese p_Hro. “¿Tjare sã curech_H cahmajari m_Hh_H?” nimaha tirore dahra cohtaina. ²⁹ “Tjare curena tjiga, tjare curemahna ‘Trigo sehere cureri’, nina. ³⁰ Trigo tja mehneta b_Hc_Hawahnosinijaro. Dicha ñaini pja jich_H, trigo dicha nainare õ sehe nihtja: ‘Tjare cure m_Hhtaga. Tuhs_H m_Hsa curerire jãga. Baharo trigore pahaga. Paha pahño, tíre y_H wihbori w_Hh_Hp_H cãga’, nihtja tinare”, niha wese p_Hro —nire Jesu, quti mehne yahuro.

Mostaza yapa quitire yahuha Jesu
(Mr 4.30-32; Lc 13.18-19)

³¹ Æ yoa paye quti mehne sãre õ sehe ni buhere tjao:

—M_Hano macariro masa bui p_Htoro to s_Hho jiro mostaza yapacã yoaro sehe jira. Tí yapacã mahabiari yapacã jira. ³² Tí yapacãre wesep_H to toari baharo, noano dura. Æ jiro pji cured_H wahara. Æ wahach_H minichahca peri t_H d_Hp_Hrip_H suhti suhara. (Tó seheta m_Hano macarirore mari p_Htorore masiina mahainacã ti ji m_Hhtapach_Hta baharop_H tina pay_H wahahca) —ni yahure Jesu.

Pão b_Hc_Haro quitire yahuha Jesu
(Lc 13.20-21)

³³ Æ yoa paye quti mehne sãre õ sehe ni buhere tjao:

—M_Hano macariro masa bui p_Htoro to s_Hho jiro pão b_Hc_Haro yoaro sehe jira. Tíre numino cã wajuru trigo pohcare co mehne noano tíre dahra morena pão b_Hc_Hah_Hto. To ã yoach_H pão b_Hc_Haro sehe trigore noano sahser_Hc_H s_Hra. (Tó seheta pão b_Hc_Haro to sahser_Hc_H s_Hro seheta m_Hano macarirore mari p_Htorore pay_H masa jipihtiro macaina masiahca) —nire Jesu.

Quti mehne Jesu to buherire yahuha
(Mr 4.33-34)

³⁴ Ahri jipihtiare buhero, quti mehne yahure Jesu. Quti marieno yahuerare tiro tinare. ³⁵ Æta yoare tiro Cohamac_H yare yahu m_Hhtariro cjiro to ni joariro

seheta. Õ sehe ni joaa tiha panopu:

“Quititi mehne yahuihtja.

Cohamacu ahri yahpare to bajuamehneri baharo ne masare to yahuerari cjiire yahuihtja”, ni joaa tiha Cohamacu yare yahu mæhtariro cjiro.

Trigo watoi tja diari quitire yahu pahñoha

³⁶ Æ yoa masare coha siti, wuhupu sãa wahare Jesu. Æ jina sãa to buheina tiro cahapu su, sinitui sã:

—Trigo watoi tja diari quitire yahu pahñoga sãre — nii sã tirore.

³⁷ Jesu õ sehe ni yæhtire sãre:

—Wese puro noaa yaparire toariro yoaro sehe jija yuhu. Yuhu masano Cohamacu warocariro jija. ³⁸ Wese sehe ahri yahpa yoaro sehe jira. Noaa yapari dua mæano macariro pæhtoro to suho jiropu jihtina cjihti yoaro sehe jira. Tja sehe watino yaina yoaro sehe jira. ³⁹ Wese pærore ñu tuhtiriro tjare toariro watino yoaro sehe jira. Tí ñaini pja sehe pihtiri dacho yoaro sehe jira. Æ jia trigore naina anjoa yoaro sehe jira. ⁴⁰ Tjare ti cure jæriro seheta pihtiri dacho jichu watino yainare, pichacapu jũ cohãahca tinare.

⁴¹ Yuhu masano Cohamacu warocariro yu anjoare warocaihtja. Yu ã warocachu anjoa sehe ñaare yoa dutiinare, ñaare yoainare pæhtoro yu suho jiropure jimarinare na wioahca. ⁴² Na wio tuhsu

pichacapu cohãahca tinare. Tõpu tina tuaro tii, cahyaa mehne bahca dihoahca. ⁴³ Æ jia Cohamacu yaina ti Pucuro pæhtoro to suho jiropu jahca. Tõi jia, sã dacho macariro yoaro sehe noano buhriaahca tina. Ahrire noano tæhoga mæsa —ni yahure Jesu.

Noa yuhdæare to næorire to bocari quitire yahuha

⁴⁴ Æ yoa paye quititi mehne õ sehe ni yahure tjoa:

—Mæano macariro masa bui pæhtoro to suho jiro niñeru to næori yoaro sehe jira. Masano tære wesepu wacũeno boca, pari turi tære næo namona. Æ yoaro tuaro wahcheha tiro. Æ jiro to bocari cjiire nano taro, tí wesere nuchu duaha. Æ nuchu duaro to yare dua pahño, tí wesere nuchuha. Mæano macariro pæhtoro to suho jiro to bocari cjiri yoaro sehe jija. (To bocarire to cahma yuhdæariro seheta mæano macarirore masa bui pæhtoro noano tí masini baharo masa tuaro cahmana tirore) —ni yahure Jesu.

Wapa bujæri yapa quitire yahuha

⁴⁵ Æ yoa paye quititi mehne õ sehe ni yahure tjoa:

—Mæano macariro masa bui pæhtoro to suho jiro wapa bujæa yaparire perla wamatia yaparire nuchariro yoaro sehe jira. ⁴⁶ Tí yaparire macano noa yuhdæri yapare bocaaha. Æ bocaro, tí yapare nuchu duaro, jipihtia to yare

dua pahñoño wahaha. ã dua tuhsu tí yapare wapa bujuri yapare nuchura. (Tí yapare tuaro to cahmariro seheta mñano macarirore masa bui puhtoro noano ti masini baharo masa tuaro cahmana tirore) —nire Jesu.

Wañño quitire yahuha

47 ã yoa paye quti mehne Jesu õ sehe ni yahure tjoa:

—Mñano macariro masa bui puhtoro to suho jiro wañño ti docañodu yoaro sehe jira. Tu wañño mehne payu wahi soro jinare ñahana. 48 Tu to wahpaa wahachu wahi wajaina sehe ture paduropu waja maja, noaina wahire besera. Noainare ti puhusepu bese sãana. Ñaina wahire cohãnocahna. 49 Pihtiri dacho jichu õ sehe jirohca. Anjoa sehe masare beseahca. Ñainare na wioahca noaina cahapu jimarinare. 50 Na wio, tinare pichacapu cohãahca. Tói tina tii, tuaro cahyaa mehne bahca dihoahca ñaina sehe —ni yahure Jesu.

Mña buheare, wahma buhea cãhure yahuha

51 To ã ni yahuri baharo tiro õ sehe ni siniture sãre:

—¿Ahri jipihtiare tuhojari masa? —ni siniture tiro.

—Tuhoja sã —ni yuhtii sã.

52 Sã ã nichu tiro yahure sãre:

—Judio masare buheina mñano macariro masa bui puhtoro to suho jirore buhea, puaro buheare yahura. (Panopu ti buhea cãhure mipu ti buhea cãhure yahura.) Tina, Judio masare

buheina wahu puaro yoaro sehe jira. Tiro to wuhai jiare noare na wioro, wahmaare, mñana cãhure na wiora tiro —nire Jesu sãre.

Jesu Nazarepu wahaha

(Mr 6.1-6; Lc 4.16-30)

53 Tí quitire to buheri baharo, wahi sã tiro mehne. 54 Waha, to buchuri macapu suhi. Tópu su, judio masa mari buhea wuhusepu buhere tiro. To ã buhechu tuhoa, tuho cãaa wahare tina.

—Cuenah, ¿ahriro nohopu tuhoari ahri buheare? ¿Dohsearo noano masi pahñojari ahriro? Cohamacu tuaa mehne yoa ñona tiro to basi. 55 Ahriro taboa dahrari masuno macuno jimanaro. ã yoa to pocoro María jimanaro. ã yoa Santiago, José, Simo, Juda, to bahana jimanabu. 56 Mipure to bahana numia ahri macai jira. ã jiro tiro mari yoaro sehe jirore tjira. ¿ã jiparota nohopu tuhoari tiro ahri buheare? —ni durucure tina ti basi.

57 ã jia tina tirore cahmaerare. Ti ã cahmaerachu ñño õ sehe nire Jesu tinare:

—Cohamacu yare yahu mahtarirore paina ño payora. Ti ã ño payopachata to ya maca macaina, to coyera tirore ño payoerara. ã jina yuhure ño payoerara masa õi yu buchuriro jichu —nire tiro tinare.

58 ã jiro tirore ti wacũ tuaerachu ñño “Cohamacu macuno jira”, ti ni duaerachu ñño, tí macai Cohamacu

tuaa mehne payu tahari yoa ñoerare Jesu.

14

João bautisariro cjiro to yariarire yahuha

(Mr 6.14-29; Lc 9.7-9)

¹ Tí pjare Herode Galilea macariro puhtoro Jesu to yoarire tuhoro caha. ² ã tuhoro ò sehe nimaha:

—João masare bautisariro yariariro cjiro pari turi bajuaro nica. ã jiro mipure to bajuari baharo ahri tuaare cjuara tiro bajuamehneare yoaro —nimaha Herode to cahamacare. (Jesure “Joãota jira”, ni tuhutumaha tiro Joãore ti wajãri baharo.)

³⁻⁵ Joãore to wajã dutihto pano Herode to bahuro Felipe namonore namo tiha. To ã yoachu ñuno João bautisariro Herode sehere ò sehe nia timaha:

—Mu bahu namonore namo ticu Cohamacu dutiare yuhducaí nina muhu —nia timaha João.

To ã niri buhiri Herode tireore wajã duamaha. “João Cohamacu yare yahu mahariro jira”, ni tuhutura judio masa” nino, tina sehere cuiha Herode. “Joãore yu wajãchu tina suaboca” nino, tinare cuiha. ã cuiro Joãore wajã duaeramaha. ã wajã duaeraparota Herode tireore ñaha duhte duti, peresu yoaha. To namono Herodia to dutiro mehne ã yoaha.

⁶ ã yoa Herode to masa bajuari dacho jichu bose numu yoaha tiro. Tóí Herodia

macono bose numu wihiina ti ñurocaroi basa ñoha. To ã basa ñochu ñuno Herode wahcheha. ã wahchero ticorore ò sehe niha:

⁷ —Cohamacu mehne potocã niita nija. Yuhure mu sinino purota waittja yuhu mahure —niha juna Herode sehe Herodia maconore.

⁸ To ã nichu tuhoro Herodia to maconore to sinihtore yahuha ticorore. To ã yahuchu to macono sehe ò sehe ni siniha Herodere:

—João masare bautisariro dapure cã ta dutiga. ã yoacu waparo mehne tí dapure waga yuhure —niha ticoro.

⁹ To ã nichu tuhoro Herode tuaro cahyaha. Masa ti ñurocaroi “Waittja mahure”, niha tiro. ã jiro tiro buo tiro “Muhure to dapure waeraja”, ni masieraha ticorore. ã jiro ticoro to dutiriro seheta Herode sehe to cahamacare Joãore wajã dutiha. ¹⁰ João dapure cã taroca dutiha juna. ¹¹ ã cã ta tuhsu, waparo mehne to dapure na taha tina. Herodia maconore to dapure ti wachu, ticoro sehe to pocorore yuhdoha tjoa.

¹² Ti ã yoari baharo João buheina ta, to pjacure masa copapu na cüha. ã cü tuhsu, tina tíre Jesure yahua tare.

Cinco mil bui masare chua waha Jesu

(Mr 6.30-44; Lc 9.10-17; Jn 6.1-14)

¹³ Ti ã ni yahuchu tuhoro, Jesu sã mehne dohoriai samu, masa marienopu suho wahare. Jesu tópu to wahachu tuhoha, masa ti ya

macaripũ jirina ta, mahapũ tirore nũnũ ti wahcãre. ¹⁴Tuhsũ, sã wahã sũri baharo tiro payũ masare ñũno, pja ñũre tinare. Ā pja ñũno tina mehne macaina dohatiinare noaina wahachũ yoare. ¹⁵Ñamichahapũ sã to buheina tirore õ sehe nii:

—Ñamichahapũ jira. Õ masa marienopũ jira. Ā jicu macaripũ masare ti chũhtire nuchũ dutiga ti puhi tihti cijhtire —nimai sã tirore.

¹⁶Jesu yũhtire sãre:

—Wahaea tjijaro tina. Mũsa basita chũare waga tinare —nire sãre.

¹⁷—Cũ wamomaca pihtia pão curi, pũaro wahi mehne jira sãre. Tĩ dihtare cjũaja sã —ni yũhtii sã.

¹⁸—Tĩre yũhũre na tahga mũsa —nire sãre.

¹⁹To ã nichũ tuhona na wahcãhi sã to cahai. Sã na sũri baharo tja bui masare tiro duji dutire jũna. Tĩ dujichũ cinco pão curire, pũaro wahire na, mũanopũ ñũ mũo, Cohamacũre “Noana”, nire. Ā ninota pão curire nuha, sãre to buheinare ware. To ã wachũ sã sehe tĩre masare witi. ²⁰Ā jia jipihtina noano chũ, yapi yũhdũa wahare. Tĩ yapi wahyorire doce pũhũse waro na cahmachu, wahpo dapoi sã to buheina. ²¹Tĩ tĩre chũrina mũa dihtare mari quihõchũ cinco mil mũa jire. Numia, macanacã cãhũ jire.

*Jesu co bui ducu wahcãha
(Mr 6.45-52; Jn 6.16-21)*

²²Baharo sãre to buheinare Jesu bũcũpariro pa bũhũsehe

coopũ pahãyu dutire masare to coha sitirowatoui. ²³Coha siti tuhsũ, tũcũpũ mũja, Cohamacũre sinino wahaha. Ñamine tĩro cãirota jiha. ²⁴Tĩ pjaihta bũcũpariro dacho macai dohoria mehne pahãrucuna nimai sã. Wihnono tuaro ta, pahcõri bũjũa wahcã, dohoriare cjã sãare. ²⁵Wihnono tuaro to wãchũ bohrea mũja tahto pano Jesu co bui ducu tare sã cahapũ jũna. ²⁶Sã cahapũ to tachũ ñũna cui nii sã. Ā cuina sañurucumai sã:

—Yariariro cjiro pjacũ jira —ni sañurucumai sã.

²⁷Sã ã cuichũ ñũno Jesu õ sehe nire:

—Ne yũhũre ñũ cãaena tjiga. Yũhũta jija —nire sãre.

²⁸To ã nichũ tuhoro Pedro õ sehe nire tirore:

—Pũhtoro, potocãta mahũta jicũ, co bui yũhũre mũ cahapũ ducu wahcã dutiga —nire tiro.

²⁹—Taga —ni yũhtire tiro sehe.

To ã nichũ Pedro dohoriapũ jiro co bui ducũ sũ Jesu cahapũ ducu wahcãmare. ³⁰Wihnono tuaro to tachũ ñũno cuire tiro. Ā cuiro diha boraa wahamare.

—Yũhũre yoadohoga pũhtoro —ni sañurucure tiro Jesure.

³¹To ã nichũta to wamomacare ñaha:

—Mahanocã wacũ tuara mahũ yũhũre. ¿Dohseacũ yũhũre wacũ tuaerajari mahũ? —nire tiro Pedore.

³²To ã niri baharo dohoriapũ samu tare tina. Tĩ ã samu tari baharo wihnono yũsũ borare. ³³Ā jina sã to

buheina dohoriapu jina na tuhucua caha su, Jesure ño payoi:

—Potocãta mahu Cohamacu macunota jira —nii sã tirore.

Genesare macaina dohatiinare yuhdoha Jesu
(Mr 6.53-56)

³⁴ ã yoarina cjiri pahã, Genesare wama tiri yahpapu sui. ³⁵ Tó macaina Jesure ñu masire. ã masia tó cahai jinare Jesu to wihirire yahu site pahñore. ã ti yahu sitechu tuhoina payu dohatiinare tiro cahapu na tare.

³⁶ —Mu suhtiro duhtu caha dihtare sãre ñaha ñu dutiga —ni sinire tina Jesure. ã jia to suhtirore ñaha ñuinape tópeinata noaina wahare.

15

Masa ñaina wahachu yoaare yahuha Jesu
(Mr 7.1-23)

¹ ã yoa Jerusalẽ macaina, fariseo curua macaina, marine judio masare buheina mehne Jesu cahapu wihia, õ sehe ni siniture tirore:

² —¿Dohse yoa mari ñuchusuma cjiripu ti yoa dutiroro seheta yoaerajari mu buheina sehe? Tina ti chuhto pano ti dutiroro seheta wamo cosaerara —nire tina Jesure.

³ Jesu õ sehe ni yuhtire tinare:

—¿Musa sehe dohse yoana Cohamacu dutia sehere yoaerajari musa? ¿Dohse yoana mari ñuchusuma cjiri panopu macaina ya dutia dihtare yojari musa

sehe? ⁴ Õ sehe nina Cohamacu: “Musa puchusumare ño payoga”, nina. “Cãiro to puchusumare ñaare quiti dahreriro jiro ti buhiri paina ti wajãhtiro cjihto jirohca”, nina Cohamacu. ⁵ To ã nipachuta õ sehe ni dutira musa sehe ti puchusumare yoadoho dutierana: Ti puchusumare ti waborire Cohamacu sehere wa dutira musa. ã ni buhemana musa. ⁶ ã buhena ti puchusumare ño payochu yoaerara musa. Musa ã yoana Cohamacu dutiare yuhdugucana nina musa, mari ñuchusuma cjiri panopu macaina ya dutia dihtare yoana. ⁷ Masa ti baharo buhusehei ñano yoa cohtaina jira musa. Cohamacu yare yahu muhtariro Isaia cjiro musare potocãta yahu joaa tiha panopure:

⁸ “Ahrina masa yuhure noano durucupahta ti tuhotuare yuhure ne ño payoerara.

⁹ ã jia yuhure ti ño payoa ne yaba cjihti jierara.

‘Cohamacu ya dutia jira ahri’, ni mahño buhera ti ya buhea sehere”,

ni joaa tiha Isaia cjiro — nire Jesu fariseo curua macainare, mari coyea judio masare buheina cuhure.

¹⁰ ã ni tuhsu to cahapu paina cuhure pjiroca, õ sehe nire:

¹¹ —Yuhure tuhona taga. Tuhsu, yu niare noano tuho ñahaga musa. Musa duserihi sãa sehe musa chuha sehe musare buhiri tichu yoaerara. Musa ñaa durucua

sehe m̄sa d̄seri wijaa sehe m̄sare buhiri tich̄u yoara — nire Jesu.

¹² To ă ni buheri baharo sã to buheina sehe tirore yahui:

—M̄u ă nich̄u t̄hoa fariseo curua macaina suaa nire —ni yahui sã tirore.

¹³ T̄ire t̄horo, ă sehe ni ȳhtire sãre:

—Tina fariseo curua macaina toaa yuc̄u yoaro sehe jira. Ȳu P̄uch̄u m̄hano macariro jipihtia toaa yuc̄ure to toaerari cjirire n̄hcori mehneta cure, cohãnohca. ăta yoarohca tinare. ¹⁴ Tinare ă n̄nocahga m̄sa. Tina capari n̄heraina ti n̄h masieraro seheta ne Cohamac̄u yare masierara. ă jia pichacap̄u waahaahca. ă masierapahta paina masierainare buhe duamana. ă jia tina, ti buheina c̄h̄u soro jia buheare cahmaahca, capari n̄heraina painare t̄hã wahcã, jipihtina copap̄u ti borariro seheta —nire Jesu.

¹⁵ To ă nich̄u t̄horo Pedro ă sehe nire:

—Ahri quitire masa ti d̄seri wijaa quitire yahu namoga sãre tjoa —nire tiro Jesure.

¹⁶ Jesu ă sehe ni ȳhtire:

—¿Ne, t̄hoerasinijari m̄sa? ¹⁷ Masa ti ch̄uare ch̄uch̄u t̄i ti d̄seroi sãahna. ă jia ti pjarop̄u sãa su, ȳhd̄u wijaa wahara. Wiho waro jira. Mari ch̄u marine buhiri tich̄u yoaerara, Cohamac̄u to n̄uch̄u. ¿Ahrire masierajari m̄sa? ¹⁸ Masa ti d̄seroi wijaa, ti durucua sehe ti

t̄hotuap̄u tara. Ti durucua sehe n̄aa jia masare buhiri tich̄u yoara. ¹⁹ N̄aa t̄hotua, masare wajãa, paio namono mehne n̄ano yoaa, n̄ano yoaa numia mehne n̄ano yoaa, yacaa, mah̄noa, masare n̄ano quiti dahrea masa ti t̄hotuap̄u tara. ²⁰ T̄i n̄aa sehe masare buhiri tich̄u yoara. Wiho mejeta mari n̄uch̄us̄uma cjiri ti yoaa tiriro cjiro seheta masa wamo cosaerapahta ti ch̄uch̄u t̄i masare buhiri tich̄u yoaerara —nire Jesu.

Judio masono jieraricoro Jesure wac̄u tuaha

(Mr 7.24-30)

²¹ ă ni buhe tuhs̄u, sãre s̄ho wahare tjoa. Tiro wama tiri maca cahap̄u Sidõ wama tiri maca cahap̄u s̄i sã. ²² Sã t̄op̄u s̄uch̄u Canaa yahpa macaricoro t̄oi jiricoro Jesu cahap̄u wihiro, sañurucure:

—P̄h̄toro, Davi panamino masare ȳhd̄uch̄u yoah̄tiro, ȳh̄ure pja n̄uga m̄h̄u. Ȳu macore ȳhd̄uch̄u yoabasaga m̄h̄u. Ȳu maco wat̄ino to cohtotaricoro, n̄abiaro ȳhd̄ura ticoro —ni sañurucure to pocoro.

²³ To ă nipach̄ata Jesu ticorore ȳhtierare. To ă yoach̄u n̄una sã to buheina sehe tirore ă sehe nimai:

—Waha dutiga ticorore. Nu cariboro bisica —nimai sã.

²⁴ Sã ă nich̄u t̄horo Jesu ă sehe ni ȳhtire ticorore:

—Israe masare Cohamacure masieraina dihtare yoadoho dutiro warocare yu Pucy yuhure —nire tiro.

²⁵ To ã nipachuta Jesu dahpori cahai na tuhcu caha sare ticoro tirore ño payoro.

—Puhtoro, yoadohoga yuhure —nire ticoro.

²⁶ Jesu õ sehe ni yuhtire ticorore:

—Õ sehe jira ahri: Wahmanore wuhu puro pohna ya chure dieyacare yu wa muhtachy tó wahaerara. (Israe masa yare pa yahpa macainare yu wa muhtachy tó wahaerara) —nire Jesu ticorore piti dahre yahuro.

²⁷ —Ã tjira puhtoro. ã jipachuta dieyacã cūhy wuhu puro mesa docai ti chy site boroare chy cohtara tinacã cūhy. (Pa yahpa macaricoro yu jipachuta yuhy cūhure yoadoho masina muhy) —ni yuhtire ticoro.

²⁸ To ã nichy tiro õ sehe ni yuhtire:

—Ne numino, muhy yuhure tuaro wacū tuara. My cahmano seheta ã waharohca —nire Jesu ticorore.

To ã nichuta dóihta noaricoro wahare to macono.

Payu dohatiinare noaina wahachy yoaha Jesu

²⁹ Æ ni tuhsy sare suho waha, Galilea wama tiri bucpariro duhty cahapy suho sare tjoa. Sy, mahaducã tūcyre mūja, ty buipy dujire.

³⁰ Tói to jichy payy masa tini masierainare, capari ñuerainare, cū bhūsehe ñano dahporo tiinare, durucu

masierainare, payy paina dohatiinare tiro cahapy na wihire masa. Na wihi tuhsy Jesu dahpori cahai duhu cūre tina.

Ti ã duhu cūri baharo noaina wahachy yoare Jesu tinare.

³¹ To ã yoachy ñya masa ñy cūaa wahare. Durucu masieraina ti durucuchy ñya, cū bhūsehe ñano dahporo tiina noaina ti wahachy ñya, tini masieraina ti tinichy ñya, capari ñueraina ti ñuchy ñya, cūaa wahare tina. Æ jia õ sehe nire:

—Israe masa mari puhtoro, Cohamacy tuariro, noariro jira —ni ño payore tina Cohamacure.

Cuatro mil masare chure waha Jesu

(Mr 8.1-10)

³² To ã yoari baharo Jesu sare to buheinare to cahapy pjiroca, õ sehe nire:

—Ahrina masa yuhy mehne tia dacho waro ji tuhsy. Æ yoa tinare ti puhi mariahna. Ti puhi mariachy ñcy tinare pja ñya. “Tinapy jūca baaina, mahai borari”, nicy tinare chy marieno ti wūsepy waha duti duaeraja. Æ jicy tinare puhi wa duaja —nire tiro.

³³ To ã nichy sã to buheina tirore sinitu ñy:

—¿Dohse yoa mari õre masa marienopure pãore boca wabocari mari? —nii sã tirore.

³⁴ —¿Nohope curi pão curire cūajari mūsa? —nire Jesu.

—Siete curi, wahi cūhure mahainacã cūaja —ni yuhtii sã.

³⁵ Sã ã nichu tiro masare yahpai duji dutire. ³⁶ Tuhsu siete pão curire, wahicã cãhure na, Cohamacure “Noana”, nire. ã ninota pão curire nuha, sãre to buheinare ware. ã jina sã sehe tí chure masare witii. ³⁷ ã jia masa tíre chu, yapi yuhduha wahare. Ti yapi wahyorire siete puhuse waro wahpo dapoi sã. ³⁸ Tói churinare mua dihtare mari quihõchu cuatro mil waro mua jire. Numia, macanacã cãhu jire. ³⁹ Ti ã chu tuhsuchu Jesu masare waha dutire. ã ni tuhsu dohoriapu samu, Magadán wama tiri yahpapu sãre suho sure.

16

Fariseo curua macaina, saduceo curua macaina cãhu Cohamacu tuaa mehne Jesu to yoa ñochu ñu duamaha
(Mr 8.11-13; Lc 12.54-56)

¹ ã yoa fariseo curua macaina, saduceo curua macaina mehne Jesu cahapu wihire. To ñano yoachu ñu duamare tirore yahusã duaa. ã jia tina tirore Cohamacu tuaa mehne yoa ño dutimare to masierachu ñu duaa, “Cohamacu warocariro jierara”, nia taa. ² Ti ã yoa dutichu Jesu õ sehe ni yuhtire tinare:

—Ñamichahapu sũ sãachu to noano sohãchu ñuna “Noari ñami jirohca”, nina musa. ³ Tuhsu, bohrearo ñichuri dacho to jichu ñuna “Coro tarohca”, nina musa. ã noano masiina jipanahta Cohamacu tuaa mehne musare

yu yoa ñochu ñu panahta ne tíre noano masierara musa. ⁴ Mipu macaina ña yuhduina Cohamacure cahmaeraina Cohamacu tuaa mehne yu yoa ñochu ñu duamana. Yoa ñosi yuhu. Cohamacu yare yahu muhtariro cjiro Jona cjiro to dohse waharitore masi tuhsure musa. Tí dihtare ñoihtja musare —ni yuhtire Jesu.

ã ni yahu tuhsu suho waha wahare tjao.

Fariseo curua macaina, saduceo curua macaina ti ñaa buheare yahuha Jesu

(Mr 8.14-21)

⁵ Bucuparitore sã pahãna, pãore bo pahã tari jhti sã. ⁶ ã jiro Jesu sãre õ sehe ni yahure:

—Noano yoanohbu. Fariseo curua macaina, saduceo curua macaina ti pão bucharore ñuna noano yoaga. Cua nina tí —ni yahure.

⁷ To ã nichu tuhona tãho wisia wahana, sã basi tíre õ sehe ni durucui:

—Mari pãore mari na taerachu ñuno ã nipucu tiro —nimai sã, sã basi.

⁸ Sã ã nirire masino, sãre õ sehe ni siniture:

—¿Dohse yoana pão sehere wacũjari musa? Mahanocã waro yuhure wacũ tuara musa. ⁹ ¿Masierasinjari musa? ¿Cinco mil mure cinco pão curire yu nuha warire numia cãhure yu warire wacũerajari musa? ¿Ti yapi wahyorire doce puhuse waro musa wahpo daporire wacũerajari musa? ¹⁰ ¿ã jicu siete pão

curire nuha, cuatro mil m̄are yu warire numia c̄hure yu warire wac̄erajari m̄sa? ¿Nohope puh̄se waro m̄sa wahpo daporire wac̄erajari m̄sa? 11 ¿Ã jina p̄o b̄ucarore yu yahuch̄ dohse yoana noano t̄hoerari m̄sa? Ã nic̄u p̄o warore nic̄u nieraja. Fariseo curua macaina, saduceo curua macaina ti p̄o b̄ucarore ñ̄na noano yoaga. Cua nina tí—ni yahure s̄are tiro.

12 To ã ni yahuch̄p̄u s̄a masii. “P̄o b̄ucaro” nino, p̄o warore nino nierare. Ã nino fariseo curua macaina, saduceo curua macaina ti buheare nino niri jimare s̄are. “Ti ya buheare t̄hoena tjiga”, nino nire.

Jesu potocã Cristo to jiare Cohamacu warocariro to jiare yahuha Pedro

(Mr 8.27-30; Lc 9.18-21)

13 Ã yoa Jesu mehne wahaana, Cesarea Filipino wama tiri maca cahi jia macarip̄u s̄i s̄a. Tuhs̄u, macap̄u s̄a s̄ri baharo Jesu s̄are to buheinare siniture:

—¿Diro baro jicari yuh̄u masa yuh̄ure ti t̄hotuch̄u? —ni siniture tiro.

14 —“João masare bautisariro jira”, nina m̄hure. Paina “Elia jira”, nina. Ã yoa paina sehe tjoa, “Jeremía jiboca o paio Cohamacu yare yahu m̄htariro cjiro jiboca”, nina—ni yuh̄tii s̄a tirore.

15 —¿M̄sa sehe m̄sa t̄hotuch̄u diro baro jicari yuh̄u? —ni sinitu ñ̄re tjoa.

16 Simo Pedro õ sehe ni yuh̄tire:

—M̄h̄u Cristo Cohamacu warocariro jira. Cohamacu catiro waro mac̄nota jira m̄h̄u —ni yuh̄tire Simo Pedro.

17 To ã nich̄u t̄horo Jesu tirore õ sehe nire:

—Simo Jona mac̄no m̄h̄u wahcheriro jira. Õ sehe ni yuh̄ure m̄ yuh̄tich̄u masa ti ni yahuri jierara. Yu P̄uc̄u m̄ano macariro sehe t̄re m̄h̄ure masich̄u yoare.

18 M̄h̄ure niita nija. M̄h̄u Pedro wama tiro jira. (Pedro nino, “t̄ca”, nino nina.) Ahri t̄a wapa bui pjiri wuh̄ure yu yoaboriro seheta yu yaina sehene pjiri curua jich̄u yoaihca yuh̄u. Ã jia waf̄ino to yaina mehne ne yu yainare yuh̄d̄ucasi. Ã jia yu yaina ne pichacap̄u wahasi. 19 M̄ano macariro mari p̄h̄oro to s̄ho jiro macari sawire m̄h̄ure waittja. Ã jic̄u ahri yahpare ñ̄are m̄ yoa dutierach̄u m̄anop̄u c̄hure yoa dutisi. Ahri yahpare noare m̄ yoa dutich̄u m̄anop̄u c̄hure yoa dutia jahca—nire Jesu.

20 To ã niri baharo s̄are to buheinare õ sehe nire:

—Yuh̄ure “Cristo jira tiro”, ni yahu sitesiniena tjiga painare—ni dutire s̄are.

Jesu to yariahtore, to masa wijaah̄to c̄hure yahuha

(Mr 8.31–9.1; Lc 9.22–27)

21 Tí pjata Jesu s̄are to buheinare noano yahu pah̄no d̄care:

—Jerusalēpu yuhure waharo cahmana mipure. Tópu mari coyea judio masa bucuna, sacerdotea puhto, marine judio masare buheina cūhu yuhure ñano yoaa hca. Yuhure wajāahca. Āta ñano yuhuro cahmana yuhure. Ā jicu tia dacho wahaboroi masa wijaa hca —ni yahure sāre tiro. ²² To ā nichu tuhoro Pedro sehe pa sehe curerocā Jesure narucu su, tirore ō sehe nire:

—Puhtoro, mu nino sehe ā wahaero tjjaro. Muhure tina wajāea tjjaro —nimare tiro Jesure.

²³ To ā nichu tuhoro Jesu majareruca, tirore ō sehe nire:

—Satana yoaro sehe durucui nina mahu. Ā nii tjiga. Mu tuhota masa ya jira. Cohamacu ya jierara. Ā jicu yu yoahore ducata duara mahu —nire Jesu Pedore.

²⁴ To ā niri baharo sāre yahure:

—Cūiro yu yairo ji duaro, to cahmano yoa duamarine duhunocano hca. Crusapu yu ñano yuhduhtiro seheta yu yairo to jiri buhiri ñano yuhduparota yuhure duhusi. Ā jiro yu yare yoarucuriro jiro hca. ²⁵ Masuno yuhure wacūno marieno to mu saro to cahmano seheta yoaruro pichacapu waharo hca. Tuhsu, masuno yu yare ā yoarucuriro jipih-tia dachoripe yuhu mehne manopu jirucuro hca tiro. ²⁶ ¿Cūiro masuno ahri yahpa macaare jipih-tiare cjaruro

Cohamacu cahmaeraro pichacapu waharo, yabare wapatajari tiro? Ā jiro ne wapataerara. Pichacapu to wahachu ne dohse wapa wiohto basioerara. ²⁷ Yuhu masuno Cohamacu warocaruro yu yaina anjoa mehne ahri yahpapu tjua tacu yu puca to si sitea mehne tjua tacu jipih-tina masare ti ñaa yoari buhiri buhiri dahrehtja. Noaa sehere ti yoachu noano yoaihtja tinare. ²⁸ Potocā musare yahuihtja. Cāina musa opure jiina musa yariahto pano yuhure yu tachu yu puhto sāachu cūhure ñunahca —ni yahure Jesu.

17

Jesu to pjacure cohtotaha
(Mr 9.2-13; Lc 9.28-36)

¹ Ā yoa seis dachori baharo Jesu Pedore, Santiagore to baharo João cūhure madu tucuru tina dihtare pji mujare. ² Manopu ti sari baharo ti ñurocaroi to pjacure cohtotaha. To wuhdu sū dacho macaruro yoaro sehe si siteha. Tuhsu, to suhtiro buhriaro yoaro seheta yehsea tiha. ³ To ā cohtotachu Jesu Moise cjiro, Elia cjiro mehne ti sūhduchu ñuha tina tiaro Jesu buheina. ⁴ Ā jiro Pedro Jesure ō sehe nimaha:

—Puhtoro, mari ōi jichu noa duara. Mu cahmachu tia wuhcā yoaihtja. Mu ya wuhcā, Moise ya wuhcā, Elia ya wuhcā yoaihtja —nimaha tiro.

⁵ To ã nino watoi me curua noano si sitea me ti bui duji pja wihichuta, me curua watoi õ sehe nino coa taha:

—Ahriri yu macu yu cahĩro jira. Tiro mehne wahcheja. Tirore tãhoga — nino coa taha.

⁶ ã nino coa tachu tãhoa to buheina cãaa waha, yahpai doca caha sãha. ⁷ Ti ã wahari baharo Jesu tina cahapu sã, tinare bua carerota, õ sehe niha:

—Wahcãrucaga mãsa. Mipure mãsa ñurire, mãsa tãhori cãhure cuiena tjiga — niha tiro tinare.

⁸ To ã nichu tina ñuroca, Jesu dihtare ñãha. Ti ñurina cjiri sehe marieraha juna.

⁹ ã jia tãcãpu ti duji tachu Jesu tinare tuaro mehne õ sehe niha:

—Michapucacã yu ã waharire painare yahuena tjiga. Yũhũ masũno Cohamacu warocariro yu yaria masa wijaari baharo tíre painare yahuga mãsa —niha Jesu.

¹⁰ To ã niri baharo Pedro cãhũ tirore õ sehe ni sinituha:

—“Cristo masare yũhdohtiro to tahto pano Eliare ta mũhtano cahmana”, nina marine judio masa buheina. ¿Dohse jiro baro ã nijari tina? —ni sinituha tina tirore.

¹¹ Jesu õ sehe ni yũhtiha:

—Potocã tjira. Eliare ta mũhta dutire Cohamacu, jipihĩare cahno mũhtahtirore.

¹² Õ sehe nicu mũsare nii nija. Elia wihi tuhsure. To ã wihipachuta tina tirore ne ñũ masierare. ã jia ti dohse yoa duaro ñano yoari

jire tirore. ãta yoaahca yũhũ cãhure. Yũhũ masũno Cohamacu warocariro jija. Ti ã yoachũ ñano yũhdũihca yũhũ —niha Jesu.

¹³ To ã ni yahuchũ tina noano tãhoha. “Elia” nino, João bautisarirore nino niha. Tíre masiha tina.

Jesu ñama yaria mũnare dohatirore yũhdoha

(Mr 9.14-29; Lc 9.37-43)

¹⁴ ã yoa payu masa cahapu ti duji tachu ñũno cãiro mũno Jesu cahapu sã, na tuhcuca caha sure.

¹⁵ —Puhtoro, yu macucãre pja ñũga. Tiro ñama yaria mũnare dohatirore jira. ã jiro tiro ñabiario yũhdũra. Payu tahari pichacapu bora sã caha mũjana tiro. Cãa tahari diaru bora ñoja mũjana.

¹⁶ ã jicu mu buheina cahapu tirore na samahi. Tina tirore noariro wahachu yoa masierare —nire tiro Jesure.

¹⁷ Jesu õ sehe ni yũhtire:

—Mipũ macaina, mãsa ñaa buhiri tiina jira. Yũhũre ne wacũ tuaerara. Yoabiari pja mũsare buhemaja yũhũ. ¿Noho puro yoari pja yũhũre mãsa caribobocari? Tirore na tahga yũhũre —nire Jesu.

¹⁸ ã jiro watĩnore to tuhtichuta watĩno sehe masũnocãre sãariro cjiro wahaa wahare. To ã wahari baharocãta noariro wahare tiro.

¹⁹ Baharo sã to buheina sã sahsero jina Jesure õ sehe ni sinitui:

—¿Dohse yoana sã sehe ahriri sehere watĩnore cohã

masierari, m_u t_uhotuch_u? — ni sinitui sã.

²⁰ Jesu õ sehe ni y_uhtire:

—Y_uh_ure mahanocã wac_u tuara m_usa. Potocã m_usare yahuita nija. Mostaza yapacã mahari yapacã jiparota durop_u pjid_u wahara. To ã wahariro seheta Cohamac_ure wac_u tuana õ sehe wahach_u yoa masinahca m_usa. Ahd_u t_uc_ure “Sohõp_u wahaga”, m_usa nich_u, waharohca. Cohamac_ure tó seheta wac_u tuana, jipihitiare yoa masina m_usa.

²¹ [Wiho mejeta ahriro baro wat_uno_ure m_usa cohã duana Cohamac_ure tuaro sinino cahmana m_usare. Æ yoa duana ch_u duhuro cahmana m_usare Cohamac_ure sinina tana] —nire Jesu sãre.

Pari turi Jesu to yariahtore, to masah_ure yahuha
(Mr 9.30-32; Lc 9.43-45)

²² Æ yoa Galilea yahpap_u sã tinich_u, Jesu sãre õ sehe ni yahure:

—Y_uh_u mas_uno Cohamac_u warocariro jija. Masa y_uh_ure ñaha, painap_ure y_uh_ure waahca. ²³ Æ ti wari baharo y_uh_ure wajãahca tina. Æ ti wajãric_u tia dacho wahaboroi masa wijaa_uhca —ni yahure tiro sãre.

To ã ni yahuch_u t_uhona tuaro cahyai sã.

Cohamac_u w_uh_u macaa wapa cjihtire sinituha paina

²⁴ Æ jina Capernaup_u sã s_uch_u, Cohamac_u w_uh_u macaa cjihtire wapa na cohtaina Pedro cahap_u s_u, tirore õ sehe ni sinitu ñ_ure:

—¿M_usare buheriro Cohamac_u w_uh_u macaa wapa cjihtire wapajari tiro? —ni siniture tina.

²⁵ —Wapara tiro —ni y_uhtire Pedro.

To ã niri baharo w_uh_up_u to sãach_u Jesu õ sehe ni sinitu mahtare Pedrose:

—¿Simo, dohse ni t_uhotujari m_uh_u? ¿Ahri yahpa macaina p_uh_utoa yabaina sehere wapa cahmajari, m_u t_uhotuch_u? ¿Tina mehne macainare wapa cahmajari? ¿O pa yahpa macaina sehere wapa cahmajari, m_u t_uhotuch_u? —ni siniture tiro Pedrose.

²⁶ —Pa yahpa macaina sehere wapa cahmana —ni y_uhtire Pedro.

To ã nich_u Jesu õ sehe ni yahure:

—Æ jiro p_uh_utoro to ya yahpa macainare wapa cahmaerara. ²⁷ Æ jipach_uta wapa na cohtainare suach_u yoa duaeraja mari. Æ jina wapanahca tinare. B_uc_uparirop_u wahaga. Tóp_u s_u, yohgari canore doca ñoga. Æ yoac_u wahi m_uh_ure ch_urirore t_uãga. To d_userop_u niñeru t_ure bocaihca m_uh_u. Tí t_u quihõno wapa tiri t_u jirohca. Y_uh_ure, m_uh_u c_uh_ure Cohamac_u w_uh_u macaina tí wapa cahmach_u noano quihõno m_u s_urohca tí t_u. Tí t_ure bocac_u mari wapa-monore wapai wahaga —nire Jesu Pedrose.

18

Jesu buheina tina mehne macarirore p_uh_utoro sã dua

nimaha

(Mr 9.33-37; Lc 9.46-48)

¹ Tí pjare sã to buheina Jesu cahapũ sũ, õ sehe ni sinitui tirore:

—¿Mũano macariro pũhoro to sũho jiropũre sã mehne macariro diro baro sehe wahabocari pũhoro? — ni sinitui sã.

² Sã ã nichũ Jesu nijinocãre pjiroca, tirocãre sã panoi duhu dapore. Duhu dapoto tuhsũ, sãre õ sehe nire:

³ —Potocã mũsare yahu bahrañoihtja. Ahrina

macanacã Cohamacũre ti pũhoro waro tũhotura.

Ã jina mũsa cũhũ pano mũsa tũhotumari cjirire cohtotaerana, tinacã yoaro sehe tũhotuerana mũano macariro pũhoro to sũho jiropũre wahasi mũsa.

⁴ Ã jiro mũano macariro pũhoro to sũho jiropũre niji siaroca yoariro painare yũhdũraca duaerariro ahiro nijinocã yoaro sehe tũhoturirota paina bui pũhoro wahara.

⁵ Ã jina yũ yare yoana tana õ sehe jiiacãre cahmana, yũhũ cũhũre cahmana mũsa —ni yahure Jesu.

Ñaare yoachũ cua nina

(Mr 9.42-48; Lc 17.1-2)

⁶ Ã ni yahu tuhsũ, tinare õ sehe ni yahu namore:

—Ahrirocã sehe jiriro yũhũre wacũ tuarirocãre yahuihtja mũsare. Pairo ahrirocã sehe jirirore ñaare yoa dutiro tiro ñabiaro yũhdũrohca. Cũirore to wamũare pjiria tãcare dũhte yo, pjiri mapũ tirore ti

cohãchũ ñano wahaboa tiro. Ã jiro ahrirocã sehe jirirore ñaare yoa dutiro tiro sehe pjiri mapũ ti cohãiro yũhoro ñano yũhdũrohca.

⁷ Masare ñaare yoachũ yoaa jira. Tíre yoaa ahri yahpa macaina ñano yũhdũra. Ñaare yoarucura masa. Ti ã yoachũ tinare ñaare yoachũ yoaina sehe ñabiaro yũhdũhca.

⁸ 'Mũ wamomaca mehne ñano yoacũ tí wamomacare mũ dũte cohãboro seheta tí mũ ñaa yoaa sehene duhuga.

Tíre duhueracũ pichacapũ wahaihca. Tórpũre ne pichaca yatierara. Mũ wamomacare mũ cohãchũ tí si dihta butiboa. Tuhsũ, mũhũ sehe ã si jipaihta baharo Cohamacũ mehne jiihca. Pũa wamomaca mehne pichacapũ wahacũ mũ ã wahachũ ñaa yũhdũhaboa mũhũre. Ã jicũ tí mũ ñaa yoaa sehene duhuga.

'Mũ dahporo mehne ñano yoacũ tí dahporo cũhũre mũ dũte cohãboro seheta tí mũ ñaa yoaa sehene duhuga. Tíre duhueracũ pichacapũ wahaihca. Tórpũre ne pichaca yatierara. Mũ dahporore mũ cohãchũ tí si dihta butiboa. Tuhsũ, ã si jipaihta baharo Cohamacũ mehne jiihca. Pũa dahporo mehne pichacapũ wahacũ mũ ã wahachũ ñaa yũhdũhaboa mũhũre. Ã jicũ tí mũ ñaa yoaa sehene duhuga.

⁹ 'Mũ capariaca mehne ñano yoacũ tiare orewe mũ cohãboro seheta tí mũ ñaa yoaa sehene duhuga. Tíre duhueracũ pichacapũ wahaihca. Tórpũre ne pichaca yatierara. Tiare mũ cohãchũ

tia dihta butiboa. Cũ bũhũsehe capariaca mari-apaihta baharo Cohamacũ mehne jiihca. Pũa capariaca mehne pichacapurũ wahacũ mũã wahachũ ñaa yũhdũaboa mũhũre. ã jicũ tí mũ ñaa yoaa sehere duhuga —ni yahure Jesu.

Oveja butiriro quitire yahuha Jesu
(Lc 15.3-7)

¹⁰ ã ni tuhsũ, tinare õ sehe ni yahu namore:

—Ne, ahrinacãre macanacãre ñũ yabiena tjiga. Mũsare niita nija yũhũ. Tinacãre ñũ wihboina anjoa mũanopũ jiina sehe yũ Pũcũ cahapurũ ã jirucura. ¹¹ [Yũhũ masũno Cohamacũ warocariro ahri yahrapũ pichacapurũ waha-borinare yũhdũchũ yoai tai nii yũhũ] —ni yahure Jesu.

¹² ã ni tuhsũ to tũhotua mehne õ sehe ni quiti dahre buhere sãre:

—Ovejare ñũ wihboriro cien ovejare cjuariro cãiro oveja butia wahachũ õ sehe yoarohca tinare ñũ wihboriro sehe. Paina ovejare noventa y nueve ovejare ti chũri campopũ duhu dapo, butirirore macano waharohca. ¹³ Potocã niita nija mũsare. Tirore bocaro wahcherohca tiro. Paina noventa y nueve duhsaina mehne wahchera tiro. Tinare to wahcheriro yũdoro butiriro sehere bocaro tuaro wahcherohca. ¹⁴ Tó seheta ñũ wihboriro oveja to butichũ cahmaeraro seheta mũsa Pũcũ mũano macariro ahrina wiho jiina

cũhũre pichacapurũ ti wahachũ cahmaerara —ni yahure Jesu.

Mũ coyeyiro mũhũre ñano to yoachũ õ sehe yoa dutiha Jesu
(Lc 17.3)

¹⁵ ã ni tuhsũ õ sehe ni yahu namore:

—Mũ coyeyiro mũhũre ñano to yoachũ tiro mehne sũhũdui wahaga. Mũsa sahsero tíre sũhũduga. Mũ ã yoachũ tiro mũhũre tũhoboca. To tũhochũ “Mũhũre ne pari turi õ sehe yoasi yũhũ”, to nichũ mũ coyeyirore pari turi piti tii nica mũhũ. ¹⁶ Mũhũre to tũho duaerachũ pinihta cãiro mehne waha duacũ o pũaro mehne waha duacũ tinare piti ti wahcã, pari turi tirore sũhũduna wahaga. Mũsa ã yoachũ mũsare pũaro o tiarore to tũhoeraputiachũ ñũna paina Jesu yainare tirore yahusãga, Cohamacũ yare ti joari pũ to niriro seheta. ¹⁷ ã jina mũsa mehne macaina cũhũre to tũho duaerachũ jipihtina Jesu yaina cahmachuinare yahusãna wahaga. ã jina Jesu yaina cahmachuinare to tũho duaerasinichũ ñũna Cohamacũre cahmaerarirore mũsa yoaboriro sehe yoaga tirore. Wapa na cohtarirore mũsa yoaboriro sehe yoaga tirore.

¹⁸ Potocã mũsare niita nija. Ahri yahpai mũsa Jesu yaina ñaare mũsa yoa dutierachũ mũanopũ cũhũre yoa dutisi. Ahri yahpai mũsa noaare yoa dutichũ mũanopũ cũhũre yoa dutia jiahca.

19 'Pari turi masare yahuihtja ahrire: Musa p̄aro Cohamac̄are sinich̄a, m̄asa p̄aro m̄asa sinirire c̄ano potori m̄asa tuh̄otuch̄a ȳu P̄uc̄a m̄ano macariro t̄ire yoarohca. 20 P̄aro o tiaro ȳu yaina ȳu yare yoah̄tina c̄ijhti ti cahmachuch̄a ȳuh̄a tina mehne jija —ni yahure Jesu.

Cahamac̄ano paio to wapamonore to bo duaerari quitire yahuha Jesu

21 Baharo Pedro Jesu cahap̄a s̄a, ò sehe ni siniture:

—¿P̄ah̄toro, ȳu coyeiro m̄a yairo paȳa tahari ȳuh̄are ñano to yoach̄a ñ̄uc̄a nohope tahari t̄ire boihcari ȳuh̄a? ¿Siete tahari boihcari ȳuh̄a? —ni siniture Pedro.

22 Jesu ò sehe ni ȳuh̄tire:

—Siete tahari dihta m̄uh̄are paio to ñano yoarire m̄a boch̄a tó wahaerara. Paȳa tahari m̄uh̄are ñano to yoach̄a c̄ah̄are boga.

23 'M̄ano macariro masa bui p̄ah̄toro to s̄aho jiro ahri q̄uiti yoaro sehe jira. Jipihtina masa bui p̄ah̄toro jiro tirore dahra cohtainare tirore wapamoinare wapa pah̄ño duti dutimaha. 24 Ti wapamori c̄jirire to quih̄o d̄ucach̄a, tirore dahra cohtaina sehe p̄j̄iro wapamorirore tiro cahap̄a na taha. Wapamoriro p̄j̄ibiaro wapamoha to p̄ah̄torore. 25 ã jiro tiro to wapa masierach̄a ñ̄ano to p̄ah̄toro tirore, to namonore, to pohnare cahamaca s̄o, tinare painare

dua dutimaha. ã yoa jip̄ihtia to c̄j̄aa c̄ah̄are dua duamaha, to wapamonore wapa dutiro. 26 To ã dua dutich̄a p̄j̄iro wapamoriro sehe na tuh̄cua caha s̄a, to p̄ah̄torore tuaro siniha: “P̄ah̄toro, ȳuh̄are p̄ja ñ̄uc̄a cohtasiniga. M̄uh̄are wapa pah̄ñoihca”, niha tiro to p̄ah̄torore. 27 To ã nich̄a tuhoro, tirore p̄ja ñ̄ano to wapamorirore ãta bonocaha.

28 To ã yoari baharo p̄j̄iro wapamoriro c̄j̄iro sehe waha, paio dahra cohtariorore tirore mahanoc̄a wapamorirore boca s̄aha. ã boca s̄aro wam̄a ñ̄ahaha tirore. “Ȳuh̄are m̄a wapamonore wapa bahrañoga”, niha tiro tó mehne macariorore to yoaro sehe dahra cohtariorore. 29 To ã nich̄a paio dahra cohtariorore sehe na tuh̄cua caha s̄a, tirore tuaro sinimaha. “Ȳuh̄are p̄ja ñ̄uc̄a mahanoc̄a cohtasiniga. M̄uh̄are wapa pah̄ñoihca”, nimaha paio dahra cohtariorore tirore. 30 To ã ni sinipach̄ata tó mehne macariorore tirore ȳuh̄tieraha. Tuhs̄a, tiro paio dahra cohtariorore peresu yoa dutiha. P̄a to wapa pah̄ñoich̄ap̄a wiorohca tirore. 31 P̄j̄iro wapamoriro c̄j̄iro mahanoc̄a wapamorirore to ñano yoach̄a ñ̄a, susini, paina dahra cohtaina sehe ti p̄ah̄torore yahus̄a wahaha. 32 Ti ã ni yahus̄ach̄a tuhoro ti p̄ah̄toro ti yahus̄ariorore p̄jiroca, ò sehe niha: “M̄uh̄a ñ̄abiariro jira. M̄a ȳuh̄are tuaro sinich̄a m̄a wapamorirore bo pah̄nomahi

yuhũ. ³³ Mũhũre yũ ã yoapachũta mũhũ sehe mũhũre wapamorirore boerayuhti. Mũ wapamoriro sehere yũ boriro seheta tiro mũhũre to wapamoriro cũhũre mũ bochũ noabiaboa. ¿Dohseacu tirore pja ñũerari mũhũ ã yoacu?” niha to pũhtoro tirore. ³⁴ ã nino tuaro sua, peresu yoaha tirore dahra cohtarirore. Pũ to wapa pahñochũpũ wiorohca —ni yahure Jesu.

³⁵ ã ni tuhsũ, õ sehe ni ahri quitire yahu batoare:

—Tó seheta yoarohca yũ Pũcũ mũano macariro mũsare. Mũsa jipihtina mũsa coyea mũsare ti ñano yoarire noano mũsa bo pahñoerachũ tiro mũsare buhiri dahrerohca —nire Jesu.

19

Ti namosãnumiare cohãare yahuha Jesu

(Mr 10.1-12; Lc 16.18)

¹ Tíre to ã ni yahuri baharo tiro Galileai jiro Judea yahpapũ sãre sũho wahare. Jordão pa buhũsehe coopũ sũi sã. ² Tórpũ sã wahachũ payũ masa sãre nũnũ ti wahcãre. Tina mehne macainare dohatiinare noaina wahachũ yoare tiro.

³ ã yoa cãina fariseo curua macaina Jesure yahusã duaa, ñano to durucuchũ tũho duaa, tirore õ sehe ni sinitu ñũre:

—¿Mari cahmano seheta mari namore cohãchũ noabocari? ¿Mari dutia sehe tó seheta yoa dutijari, mũ

tũhotuchũ? —ni sinitu ñũre tina.

⁴ Jesu õ sehe ni yũhtire:

—¿Cohamacũ yare ti joari pũi ne ahrire buherasiniri mũsa? Õ sehe ni joaa tiha: “Wahmanopũre ahri yahpare bajuamehneriro mũno, numino cũhũre yoaha”, ni joaha. ⁵ Tuhsũ õ sehe ni joa namoha: “Mũno to pũcũsumare cohã wija, to namono mehne jirohca. ã jia tina pũaro jipahta cũ pjacũ yoaro seheta jira”, ni joa namoa tiha. ⁶ ã jia tina pũaro yoaro sehe jierara. Cũ pjacũ yoaro sehe jia nina. Cohamacũ to wamomaca dũhte dutiina jira. ã jia tinare duhueraro cahmana —nire Jesu tinare.

⁷ To ã nichũ fariseo curua macaina õ sehe ni siniture tjoa:

—Mũ ã ni yahupachũta õ sehe ni joaa tiha Moise cjiro sehe: “Mũ namore cohã duacu papera pũi tíre joaga. ã joacu tí pũre mũ namore mũ wari baharo ticorore cohã masina mũhũ”, ni joaa tiha Moise cjiro. ¿Mũ nino sehe jipachũta Moise cjiro sehe dohsearo õ sehe ni joari? —ni sinitu namore tina tirore.

⁸ Jesu õ sehe ni yũhtire tinare:

—Cohamacũre mũsa ñũchũsũma ti tũho duaerachũ ñũno ti namosãnumiare ti cohãchũ, “ãta yoawahnojaro”, ninocaa tiha Moise. To ã nipachũta wahmanopũre ahri yahpare ã jierare. ⁹ Mũsare niita nija. Masũno

to namono to ñano yoaer-apachuta ticorore cohãno, pacorore namo tiro, tiro pacoro mehne ñano yoaro nina. [Tuhsu, ahriro to cohãricorore namo tirirow cãhu ticoro mehne ñano yoariro jira] —nire Jesu.

¹⁰ To ã nichu tuhona, sã to buheina sehe tirore õ sehe nii:

—Tó sehe muno to namono mehne ti cahma cohãerachu mari sehere mari namo tierachu noaboca —nii sã.

¹¹ Jesu õ sehe ni yãhtire:

—Musa nino sehetã jira. ã jiro cãinare namo ti dutierara Cohamacu. ¹² Mũare namo ti dutierã cãã jira. Cãina mũa numiare cahmaeraina masa bajuara. Paina mũa masa ti wapãri tãhoca ti warina sehe namo ti masierara. Paina mũa mũano macariro ti puhtoro yare yoadoho duaa, namo tierara. ã jia ahrina namo ti duaeraina ãta tuhhotunocaina, tó sehetã ti ji sohtori tichu noana —nire Jesu sãre.

Macanacã ya cjihtire Cohamacure sini payoha Jesu

(Mr 10.13-16; Lc 18.15-17)

¹³ ã yoa masa macanacãre Jesu cahapu na wihire. ã na wihia, tina Jesure to wamomacare tinacã bui ña payo duti duamare. ã yoa tinacãre Cohamacure sini payo duti duamare Jesure. Ti ã yoachu ñuna sã to buheina tinare tuhtimahi. ¹⁴ Sã ã tuhtichu ñuno, sãre Jesu õ sehe nire:

—Macanacã yu cahapu tajaro. “To cahai wahæna tjiga”, niena tjiga

tinacãre. Tinacã Cohamacure ti puhtoro tuhutura. puhtoro Cohamacu to sũho jiina ahri-nacã yoaro sehe tuhutuina baro dihta jira —nire Jesu sãre.

¹⁵ ã ninota to wamomacare tinacã bui ña payo tuhsu, wahæa wahare.

Pache purow Jesure sinitu ñuha

(Mr 10.17-31; Lc 18.18-30)

¹⁶ To ã yoari baharo cãiro masano Jesu cahapu wih, siniture tirore:

—¿Ne, buheriro, jipihtia dachoripe Cohamacu mehne ã jirucu duacu, noaare yoa duacu di baro sehere yoabocari yãhu? —nire tiro.

¹⁷ —¿Dohse jiro baro yãhure noaa barore ni sinitujari mũhu? Cohamacu dihta noariro jira. Jipihtia dachoripe Cohamacu mehne ã jirucu duacu to dutiare yoaga —nire Jesu.

¹⁸ —¿Di baro dutia sehere nii nijari? —ni sinitu namore tiro.

Jesu õ sehe ni yãhtire:

—Masare wajãecu tjiga. Namu tiriropu paye numia manu tia numia mehne jiecũ tjiga. Yacaecu tjiga. Mahñoa mehne painare yahusãecu tjiga. ¹⁹ Mũ pũcũsumare ño payoga. Mũ basi mũ cahño sehetã mũ cahai jiriro cãhure cahĩga. Ahri dutiare yoaihca mũhu —nire Jesu.

²⁰ —Ahri dutiare ne yãhdũgũcaera tihi yãhu. ¿Dohse yoa namoihcari yãhu jipihtia dachoripe Cohamacu mehne jirucu duacu? —nire tiro Jesure.

21 To ã nichu tuhoro Jesu õ sehe ni yahu namore:

—Muhu ñaa buhiri mari-eriro ji duachu mu ya jipihtiare duai wahaga. Æ duachu jipihitia mu wapataru niñerure pjachoinare waga. Mu ã yoachu payu mu wapataa manopu, Cohamacu cahapu jiyuahca. Mu ã yoari baharo yuhu mehne macariro cjihto taga —ni yahure Jesu.

22 To ã nichu tuhoro tuaro cahyare. Tiro payu pache cjaru jiro, tíre pjachoinare wa duaeraro, cahya, wahaa wahare.

23 To ã wahari baharo Jesu sãre to buheinare õ sehe ni yahu namore:

—Potocã musare niita nija. Pache puo puhtoro Cohamacu to suho jipopure to waha duachu mijobiara.

24 Musare yahu namoihtja: Camello sehe awicã copapu to sãa nuhri wijaa duachu basioerara tirore. To ã jiro yuhdoro pache puo puhtoro Cohamacu to suho jihtoru to waha duachu mijobiara — nire tiro.

25 To ã nichu tuhona sã cuaa waha, sã basi õ sehe nii:

—Cue, to nino seheta jichu, ne cuo masano Cohamacu cahapu waha masieraboca — nii sã basi.

26 Sã ã nichu Jesu sãre ñuroca õ, õ sehe ni yahure:

—Masa ti basi ti mu suro yuhdu masierara. Wiho mejeta Cohamacu sehe masare pichacapu waha borinare yuhdo masina. Tiro jipihtiare noano yoa masi pahñoriro jira —nire tiro sãre.

27 To ã nichu Pedro tirore õ sehe nire:

—Tuhosiniga. Sã sehe sã ya jipihtiare cunocaa tii muhu mehne wahana tana. ¿Sã õ sehe yoana, dohse jiare wap-atanahcari sã? —nire tiro.

28 To ã nichu tuhoro õ sehe nire Jesu:

—Musare niita nija: Pihitiri dacho jichu jipihitia wahma dihta cohtotaahca. Tí pjapure yuhu masano Cohamacu warocariro yuhu puhtoro yu dujiro si siteroi dujiuhca yuhu. Tóí yu dujichu musa cūhu doce dujia pahtarihi puhtoa tí dujia pahtarihi dujinahca. Æ jina Israe masare doce curuari macainare besenahca musa noaina, ñainare. 29 Æ yoa yu yare yoana tana musa wuhusere, musa bahanare, musa puchumare, musa pohnare, musa weserire cūnocarina jina, pjíro wap-atanahca. Tuhsu, jipihitia dachoripe Cohamacu mehne jirucunahca. 30 Wiho mejeta mipure payu puhtoa jirina cjiri tí pjapure wiho jiina tjuanocaahca. Tuhsu, mipure payu wiho jiina jirina cjiri tí pjapure puhtoa cohtotaahca tjoa —ni yahure Jesu sãre to buheinare.

20

Se wesere dahraina quitire yahuha Jesu

1 Æ yoa Jesu pari turi to tuhota mehne piti dahre õ sehe ni yahu namore tjoa:

—Muhano macariro masa bui puhtoro jira. Wese puo quiti mehne puhtoro

Cohamacu to suho jirore yahuihtja musare. Tiro wese puro bohrea paricaroi to wesere dahrahtinare pjiro wahaha. ² “Cũ tu niñeru tu wapaihtja cũ dachore”, niha tinare. “Jai”, niha dahrahtina. Ti ã nichu wese-puru dahra dutiro warocaha tiro tinare. ³ ã yoa dachopu nueve hora jichu pache duaropu wahaha tiro. Tõpu saro, paina dahraerainare ñuha. ⁴ ã ñuno tinare õ sehe niha: “Musa cũhu yu wesere dahrana wahaga. Noano wapaihtja”, niha tiro tinare. ⁵ To ã nichu tuhoa, tina cũhu wesepu dahraa wahaha. ã yoa wese puro cohari pja jichu, ñamichahapu tres hora jichu cũhure painare dahra dutiha. ⁶ ã yoa ñamichahapu cinco hora jichu pache duaropu tiro wahaha tjoa. Tõpu su, paina dahraerainare ñuno, tinare õ sehe niha: “¿Ne yaba barore yoerapanahta cũ dacho ñurucu nahñoajari musa?” ni sinitu ñuha tinare. ⁷ “Ne, sãre dahraa mariahna”, ni yuhtiha tina. “Musa cũhu yu wesere dahrana wahaga”, niha tinare. ã jia to niriro seheta to wesere dahraa wahaha. ⁸ ã yoa ñamichahapu dahra duhuri pja jichu wese puro to yaina dahrainare cohtarirore õ sehe niha: “Dahrainare pjiga. Ti wihichu tinare wapaga. Ti baharopu yu dahra dutirinare wapa muhtaga. Tinare wapa tuhsu, paina cũhure wapa tuhsu, yu dahra duti muhtainare wapa batoaga

juna”, niha tiro. ⁹ ã yoa cinco hora jichu dahra ducainare cũ tu niñeru tu wapaha. ¹⁰ To ã wapachu ñua, “Sãre bui curero waparohca”, ni tuhotumaha to duti muhtaina cjiri sehe. Tina cũhure cũno potori wapanocaha. ¹¹ ã jia niñerure to wapachu ti puhtoro mehne susinia ti basi õ sehe cahma niha: ¹² “Ahrina sã baharopu to dahra dutirina sehe cũ horata dahrahe. Sã sehe cũ dacho noano dahra nahñoamahi. Ñano sũ sihre sãre. Sã ã yoari pja dahrapachuta sã baharopu dahra ducaina cũhure cũno potorita wapanocahre tiro”, ni suaha tina ti basi. ¹³ Cũiro tina mehne macariro to ã nichu tuhoro, wese puro yuhtiha tirore: “Ne coyeyro, ‘Cũ tu niñeru tare wapaihtja’, nimahicu musare. Yu ã nichu yuhtihre musa. ã jicu yu niriro seheta musare wapahi yuhu. Quihõno wapahi musare. Ne yacaerahi musare. ¹⁴ ã jicu yu waparire na, mu wuhuru tjuahga. Ahrirore baharo yu dahra dutiriro cũhure musare yu wapariro purota wapaihtja. ¹⁵ Yu ya niñeru jira ahri. ã jicu yu cahmano seheta ahri mehne wapaihtja. ¿Painare yu noano wapachu ñu tuhtijari muhu?” niha tiro wese puro —ni yahure tí quitire Jesu.

¹⁶ ã nino, õ sehe ni yahu namore tiro:

—Ahri quiti ti nino seheta baharo macari curua wiho jina yoaro sehe ya curua ji muhtari curua puhtoia ya cu-

rua jirohca muanopu. Ā yoa ji mahtari curua puhto ya curua cjiro sehe ti baharopu macari curua wiho jiina ya curua tjuarohca muanopu — ni yahure Jesu.

Pari turi Jesu to yariah-tore, to masa wijaah-tore yahuha

(Mr 10.32-34; Lc 18.31-34)

¹⁷ Ā yoa Jerusalēpu wahana cānoihta waharucuma, sāre doce to buheinare pjiroca tuhsu, pa sehepu sã dihtare naahre Jesu. Sã sahsero sã jichu sãre õ sehe ni yahure:

¹⁸ —Tuhoga yuhure. Mipure Jerusalēpu wahana nija mari. Tõpu yuhure masunore Cohamacu warocarigore ñaha, painapure yuhure waahca. Sacerdotea puhtoare, mari coyea judio masare buheina cūhure yuhure waahca. Ā jia yuhure wajã dutiahca tina. ¹⁹ Ā wajã dutia, judio masa jieraina sehere yuhure waahca. Ti ã wari baharo tina sehe yuhure bujipe, tjana, crusapu cã puhaahca yuhure. Ā jii yu yariari baharo tia numu wahaboroi masa wijaaihca —ni yahure Jesu sãre.

Santiago, João mehne ti pocoro tinare sinibasaha Jesure

(Mr 10.35-45)

²⁰ Ā yoa Zebedeo namono puaro to pohna mehne Jesu cahapu su, na tuhcuca caha suha tirore sinino taro:

²¹ —¿Dohse yu yoachu cahmajari mahu? —niha Jesu ticorore.

—Mahu puhtoro sãacu yu pohmare dutiina sõga. Ā yoacu ma pju buhuseheri batoï dapoga tinare —ni siniha ticoro.

²² Jesu õ sehe ni yuhtiha:

—Musa ñano yuhduhtore masierapanahta ã sinina musa. ¿Mipure yu ñano yuhduhto seheta musa cūhu ñano yuhduna cāno pjabocari musa? —niha Jesu ticoro pohmare.

—Cūno pjanahca —ni yuhtiha Santiago, João mehne.

²³ —Potocã tjira. Yu ñano yuhduhto seheta ñano yuhduhahca musa cūhu. Wiho mejeta yuhu mehne dutihtinare, yuhu mehne dujhtinare bese masieraja yuhu. Yu Pucu sehe cahno tuhsure tíre. Ā jia to besehtina dihta yu poto buhusehei yu cõ buhusehei dujiahca —niha Jesu tinare.

²⁴ Ā jina sã paina diez to buheina sehe Santiago, João ahrina puaro mehne susinii sã. Jesure ti pocoro to sinibasarire tuhona susinii tina mehne. ²⁵ Sã ã susinichu ñano, Jesu sãre jipihtina to buheinare pji cahmachu, õ sehe ni yahure sãre:

—Cohamacure masieraina puhto sehe ti masare dutia, purino mehne dutira.

²⁶ Musa sehe ne ã yoasi musa basi. Musa mehne macariro puhtoro ji duaro, jipihtina tiro mehne macaina cahamacuno jiro cahmana tirore. ²⁷ Ā yoa jipihtinare dutiroro ji duariro paina

cahamacuno jiro cahmana tirore. ²⁸ Tó seheta jiriro jija yuhũ cũhu. Yuhũ masuno Cohamacũ warocariro ahri yahpapare masare yoadohocũ tacũ tai. Tuhsũ, payũ masa ya buhirire yariai tai nii. Ā yoa masare pichacapũ wahaborinare yuhdũchũ yoai tai nii —nire Jesu sãre.

Puaro capari bajuerainare ñũchũ yoaha Jesu

(Mr 10.46-52; Lc 18.35-43)

²⁹ Ā yoa Jericóru jirina sã wahachũ payũ masa Jesure nũnũ tire. ³⁰ Ti ã nũnũ tichũ Jesu to yuhdũchũ puaro capari ñueraina maha duhtũ cahai dujiina tũhore. Ā tũhoa, õ sehe ni sañurucure:

—Sã puhtoro, Davi cjiro panamino masare yuhdohtiro, sãre pja ñũga —ni sañurucure.

³¹ Ti ã ni sañurucuchũ masa sehe tinare tuhtire:

—Dihta mariahga —nire masa tinare.

Ti ã tuhtichũ tũhoa, ti pano sañurucuriro yuhdo curero sañurucu namore tjoa:

—Sã puhtoro, Davi cjiro panamino, sãre pja ñũga —ni sañurucure.

³² Ti ã nichũ tũhoro Jesu sũrũca, tinare pjiroca, õ sehe ni sinitu ñũre:

—¿Dohse mũsare yũ yoachũ cahmajari mũsa? —ni sinitu ñũre.

³³ —Sã puhtoro, sãre ñũchũ yoaga —ni yũhtire tina.

³⁴ Ti ã nichũ Jesu tinare pja ñũre. Ā pja ñũno ti caparire ña payore. To ã ña payochũta

tina sehe ñũa wahare. Ā ñũa, tirore nũnũ ti wahcãre.

21

Jerusalẽru sũha Jesu
(Mr 11.1-11; Lc 19.28-40;
Jn 12.12-19)

¹ Ā yoa Jerusalẽru sã suhto pano Betfagé wama tiri macapũ sũ muhtasinii sã Jesu mehne. Betfagé tũcũ Olivo wama tidũ cahai jire. Tóru sũro, sã mehne macainare puaro to buheinare Jesu to pano waroca muhtare. ² Ā sehe ni yahure tinare:

—Sí macapũ burroare nana wahaga. Tóru sũna, dóihta burrore to macũnocã mehne ti duhte daporicorore boca sũnahca. Tinare boca, yuta dare pjã, na tabasaga yũhũre. ³ Mũsa pjãchũ ñũno, cũiro dohse jiriro, “¿Dohseana tana burroare pjãjari mũsa?” to nichũ tũhona õ sehe ni yũhtiga: “Mari puhtoro burroare cahmarocasinire. Michapucacã tinare wiarohca tiro”, ni yũhtiga tirore —ni duti warocare Jesu to buheina puarore.

⁴ Ā yoare Cohamacũ yare yahu muhtariro cjiro to ni joariro seheta. Ā seheta ni joaa tiha panoru:

⁵ “Jerusalẽ macainare õ sehe ni yahuga: ‘Ñũga mũsa.

Mũsa puhtoro mũsa cahapũ tara.

Tiro masa noariro jira.

Burro macũnocã bui pisariro tarohca’, ni yahuga

Jerusalẽ macainare”, ni joaa tiha panoru.

⁶ Jesu to dutirocaina p̄aro tí macap̄u s̄u, to dutiriro se-heta yoaha tina. ⁷ Burrore, to mac̄nocã c̄uh̄re na ta, ti bui s̄ãa suhtire tjuwe na, burrocã bui p̄j̄upaha payore tina. Ti ã yoari baharo Jesu tirocã bui m̄ja p̄jare waharo taro. ⁸ M̄ja p̄ja tuhs̄u, tirocã bui Jerusal̄ep̄u wahare. To tach̄u ñ̄ua masa paȳu ti bui macaa suhtire tjuwe na, saño c̄u m̄htare to wahahti mahai, Jesure ño payoa. Paina sehe p̄uri tia d̄up̄urire mahai duhu c̄u m̄hta wahcãre tirore ño payoa. ⁹ Æ yoa to pano wahaina, to baharo n̄n̄u tiina mehne õ sehe ni sañurucure:

—Davi cjiro panaminore marine ȳhdohtirore wahche payojihna. Ahriro Cohamac̄u to warocariro noano jijaro. M̄ano macarirore “Tuariro jira”, ni wahche payojihna —ni sañurucure masa.

¹⁰ Æ jia Jerusal̄ep̄u ti s̄uch̄u tó macaina sehe ñ̄u c̄uaa wahare.

—¿Cue, diro baro jijari ahriro? —ni cahma siniture tina.

¹¹ Paina masa õ sehe ni ȳhtire:

—Ahriro Cohamac̄u yare yahu m̄htariro Nazare Galilea yahpai jiri maca macariro Jesu wama tiroro jira —ni yahure tina masare.

Cohamac̄u w̄h̄up̄u s̄uha Jesu

(Mr 11.15-19; Lc 19.45-48; Jn 2.13-22)

¹² Baharo Cohamac̄u w̄h̄up̄u s̄ure Jesu. Tí w̄h̄up̄u s̄u, s̄ãa wahare. Tí w̄h̄up̄u

duainare, nuch̄aina c̄uh̄re cohã wiore tiro. Æ yoaro niñeru cohtotaa mesarire na majareroca doca c̄u m̄jare. Bujaare duaina ti dujia pahtari c̄uh̄re ãta yoare. ¹³ Æ yoaro tinare õ sehe nire:

—Cohamac̄u yare ti joari p̄ui õ sehe nina: “Ȳu w̄h̄u Cohamac̄u mehne durucuri w̄h̄u wama tirohca”, nimare to joari p̄ui. M̄usa sehe ahri w̄h̄u duana m̄usa basi cahma yacara m̄usa —nire tiro tinare.

¹⁴ To ã yoari baharo capari ñ̄eraina, tini masieraina c̄uh̄u Cohamac̄u w̄h̄up̄u tiro cahap̄u wihire. Ti ã wihich̄u tinare noaina wahach̄u yoare tiro. ¹⁵ Æ noaare to yoach̄u ñ̄ua, sacerdotea p̄h̄toa, marine judio masare buheina c̄uh̄u suare tiro mehne. Æ yoa macanacã Jesure “Davi cjiro panamino masare ȳhdohtiro, tuariro jira m̄h̄u”, ti ni ño payoch̄u t̄h̄oa tó c̄uh̄re tina suare. ¹⁶ Æ suaa õ sehe nire Jesure:

—¿Ti ã nich̄u t̄hoerajari m̄h̄u? Æ niea t̄jijaro —ni tuhtire tina Jesure.

Ti ã tuhtich̄u t̄horo Jesu tinare õ sehe ni ȳhtire:

—Tina ti ã nich̄u t̄hoja. ¿Cohamac̄u yare ti joari p̄ui ahrire ne buherari m̄usa?

“Macanacãre, wihãinacãre Cohamac̄u noano ño payoch̄u yoare m̄h̄u”, nina Cohamac̄u yare ti joari p̄ui —nire Jesu (“Macanacã ȳh̄re ti ño payoch̄u noana”, nino).

¹⁷ Æ ni tuhsu tinare cohã wahcã, Betania wama tiri macapu su, tí ñamine tói jire.

Jesu higueracure yaria dutiha

(Mr 11.12-14, 20-26)

¹⁸ Pa dachoi bohrearopu Jerusalēpu tjuaaro, juca baare Jesu. ¹⁹ Æ juca baaro, maha duhtu cahai jidu higueracu wama tidure ñuno, tu dichare macano wahamare. Dicha mariahere tu sehe. Pūri dihta jire. Tu ã jichu ñuno Jesu tare õ sehe nire:

—Ahdū ne pari turi dicha tisi —nire tiro.

To ã nichuta dóihta tu sehe ñaia wahare. ²⁰ Tu ã wahachu ñuna sã to buheina ñu cūa wahai.

—Cue, ¿dohsearo ahdū dóihta ñaia wahajari? —ni sinitui sã.

²¹ Jesu õ sehe ni yuhtire:

—Potocã nii nija musare. Cohamacure noano wacū tuaga. “Potocã ã yoarohca tiro”, nina ahdure yu yoariro seheta yoa masinahca musa cūhu. Tuhsu, ahdure yu yaria dutiriro yuhdoro yoa masinahca musa. Ahdū tūcure “Duha na, pjiri mapu cohãdu jijaro”, musa nichu duha cohãdu jirohca. ²² Cohamacure musa wacū tuachu, “Yu siniriro seheta ã waharohca”, musa ni wacūchu musa siniriro seheta ã waharohca —nire Jesu sãre.

Jesure dutirirore sinituha paina

(Mr 11.27-33; Lc 20.1-8)

²³ Æ yoa Cohamacu wuhapu tju su, buhere tiro. To ã

buhechu sacerdotea puhto, mari coyea judio masa bucuna mehne tiro cahapu wihi, õ sehe ni siniture:

—¿Dohseacu canure ã yoari muhu? ¿Noa muhare tīre ã yoa dutiri? —ni siniture tina.

²⁴ Ti ã nichu Jesu õ sehe ni yuhtire:

—Musa sehene sinitu mahtaihtja. Noano yuhure musa quihõno yuhtichu musare yahuhtja yuhū cūhu.

²⁵ ¿João masare to bautisachu diro baro sehe tirore bautisa dutia tiari, musa tuhotuchū? ¿O Cohamacu dutiera tiari? ¿O masa sehe dutia tiari, musa tuhotuchū? —ni siniture Jesu tinare.

To ã nichu tina sehe ti basi õ sehe nire:

—¿Dohse ni yuhtinahcari mari? “Cohamacu Joãore dutia tiri jire”, mari nichu, “¿Dohseana Cohamacu Joãore to dutipachuta tirore tuho duaerari musa?” niboca Jesu marine. Æ jina “Cohamacu Joãore dutia tiri jire”, ni yuhti masieraja mari. ²⁶ Ahrina masa sehe “Potocãta João Cohamacu yare yahu mahtariro jire”, ni tuhotura tina. Æ ni tuhotua “João to bautisachu Cohamacu sehe tirore dutierari jire”, mari nichu tuhoa masa suaboca mari mehne. Æ jina tí cūhare yahu masieraja mari —nire tina ti basi.

²⁷ Ti ã niri baharo Jesure õ sehe ni yuhtire tina:

—Joãore bautisa dutirirore sã masieraja —nire tina.

Ti ã nichu tuhoro õ sehe nire Jesu:

—Tí pja pinihta yahu cãhu mûsa sinitu mãhtarire yahueraja mûsare. Yu yoarire dutirirore yahueraja mûsare —nire tiro tinare.

Pûaro pûcuro quitire yahuha Jesu

²⁸ To ã niri baharo Jesu to tãhotua mehne paye quitu mehne piti dahre buhe namore tinare:

—¿Ne, dohse ni tãhotujari mûsa ahri quitire? Pûaro pûcuro jiha. Wahmino sehere õ sehe niha to pûcuro: “Macu, wesepu dahrai wahaga”, niha. ²⁹ “Wahaeraja”, ni yãhtimaha to macano wahmanore. ã niparota baharopure wesepu waha duaro jiha tirore. ã jiro wahaha tiro. ³⁰ Tuhsu, ti pûcuro to macano dũhsariro cahapu su, to wahminore to dutiriro seheta wesepu waha dutimaha. “Jai”, nimaha dũhsariro sehe. ã niparota wahaeraha tiro. ³¹ ¿Diro sehe to pûcuro to dutiriro seheta yoari? —ni siniture Jesu.

—To wahmino sehe yoaha —ni yãhtire tina.

Ti ã nichu Jesu õ sehe ni yahure:

—Mûsare niita nija. Wapa na cohtaina, mua mehne ñano yoarucua numia ti buipu waro mûsa sehe ñabiaina jira. ã jia pũhtoro Cohamacu to sũho jiropure mûsa sãborirore tina sehe mûsare mũ cõ su mãhtaahca. ³² João bautisariro buhero mûsare “Noano yoaga”, ni yahumare. ã to yahuchu

dũhsariro to pũcurore to yãhtierariro seheta tirore tãhoerare mûsa. ã yoa tirore yãhtierare. Wapa na cohtaina sehe, mua mehne ñano yoarucua numia cãhu tirore tãhore. Ti ã tãhochu ñure mûsa. Mûsa ã ñũpanahta tirore ne tãho duaerare mûsa. Tuhsu, tãhoerare mûsa —nire Jesu sacerdotea pũhtoare, mari coyeya judio masa bũcuna cãhure.

Ñaina dahra cohtaina quitire yahuha Jesu

(Mr 12.1-12; Lc 20.9-19)

³³ ã yoa Jesu pari turi to tãhotua mehne õ sehe ni piti dahre tinare buhe namore:

—Ahri quitire tãhoga mûsa. Yahpa pũro jiha. Tiro to ya yahpai se dari cjĩhtire toaha. Toa tuhsu, sahrĩnore dapo, sere ti tũ mãtohti copare saha, mũari wãhucã dahreha.

ã jiro tí wesere painare cũ bũhusehe coa pahma cũha. ã pahma cũno tí wesere tinare ñu wihbo duti, pa yahpau wahaha tiro. ³⁴ ã yoa se ñiri pja jichu wese pũro tirore dahra cohtainare wesere ñu wihboina cahapu warocaha. Wese macaa to toaa dichare to ya coa macaa dichare na dutiro warocamaha. ³⁵ To ã warocachu wesere ñu wihboina sehe tirore dahra cohtainare ñano yoaha. Cãirore tuaro cjã, paioire wajã, paioire tãa mehne docaha. ³⁶ Baharo wese pũro pari turi tirore dahra cohtainare to waroca mãhtarina bui curero pũhtoa jiri curuare warocaha tjoa.

To ã warocachũ wesere ñũ wihboina tina cãhure mñanota yoaha tjoa.

37 'Ã yoa to waroca ba-toariro to macũno jia. "Yũ macũ sehere ño payoahca", nino tirore warocamaha. 38 To ã ni tãhotupachũta wesere ñũ wihboina to macũno to tachũ ñũ, õ sehe niha: "Wese pũro macũno jira ahriro. Tirore wajãjihna mari. Mari ã wajãchũ ahri wese mari ya wese tjuarohca", nimaha tina ti basi. 39 ã niata tirore ñaha, wese dũhtũ cahai na wahcã, wajãha tina tirore.

40 '¿Ne, wese pũro taro dohse yoarohcari tiro wesere ñũ wihboinare, mũsa tãhotuchũ? —ni siniture Jesu sacerdote pũtoare, bũcũna cãhure.

41 To ã nichũ tina õ sehe ni yũhtire:

—Tiro painare wesere ñũ wihbohtinare cohtotarohca ji mũhtainare ñabiainare wajãno taro. Tirore quihõno dichare tju wahtina sehere ñũ wihbo dutirohca —ni yũhtire tina.

42 Ti ã nichũta Jesu yahu namore tinare:

—¿Cohamacũ yare ti joari pũi ahrire yũhure to ni joari cjirire ne buherari mũsa?

"Ahriro Cristo tãca yoaro seheta jira.

Tãcare wũhũ dahreina ti cohãno seheta masa tirore cohãahca.

Ti ã yoapachũta mipũre wũhũ dahreina wũhure yoaa ti cũ mũhtari tãcare ti cũno seheta Cohamacũ tirore pũhto sõre.

Cohamacũ sehe ahrire yoare.

To ã yoachũ ñũna, 'Noa yũhdũara', ni tãhotuja mari",

ni joaa tiha panopũ. ¿Tĩre ne buherari mũsa? 43 Mũsare niita nija yũhũ. pũhtoro Cohamacũ to sũho jiro mũsa jihto cjihto jiboa. To pũhtoro jirore paina sehere mũsa jiborirore warohca Cohamacũ. Paina masa sehe to dutiro seheta yoahca. 44 [Jipihina tia tãca bui bora pjainare payũ dihicã peri yihsorohca tia tãca. Tuhsũ, tia tãca sehe masũno bui bora pjaro tahãnocanohca tirore. To pjacũ cjirore daa manaricã wahachũ yoarohca. (Tó seheta yũhure cahmaeraina yũ buhiri dahrehtina ñano yũhdũahca) —nire Jesu sacerdotea pũtoare, mari coyera judio masa bũcũna cãhure.]

45 Tĩ quitire to ã nichũ tãhoa, "Sohõ to yahu mũhtari quiti wesere ñũ wihboina quiti mehne marine nino nica tiro", ni tãhoture tina. 46 ã ni tãhotua, tirore ñaha duamare. Masa sehe Jesure ño payo "Cohamacũ yare yahu mũhtariro jira tiro", niina jia tiha tina. Tĩre masia, sacerdotea pũhtoa, bũcũna mehne masare cuia, Jesure ñahaerare.

22

Pjiri bõse nũmũ macaa quitire yahuha Jesu

1 ã yoa pari turi to tãhotua mehne paye quiti mehne tinare buhe dũcare Jesu:

2 —Mũano macariro pũthoro to sũho jiro ahri quti yoaro sehe jira. Cũ yahpa macaina bui pũthoro jiha. 3 Ā yoa to macano ya nũmũ bose nũmũ yoaha. To wamomaca dũhteri bose nũmũ jiha. 3 Ā yoa pũthoro tirore dahra cohtainare bose nũmũre ñũa tahtinare pji dutiro warocamaha. Tina sehe ta duaeraha. 4 Ā jiro painare pji dutiro warocamaha tjoa tirore dahra cohtainare. “Yũ pjirocainare õ sehe ni yahuga. ‘Mari chũhtire dahre tuhsũhre. Wachũare, wachũacã dihi tiinaçã cũhũre wajã tuhsũhre. Ā yoa jipihtiro bose nũmũ macaa cjihtire cahno tuhsũhre. Ā jina bose nũmũ macaare chũna taga’, ni yahuga tinarẽ”, ni warocamaha pũthoro tirore dahra cohtainare. 5 Dahra cohtaina ti Ā yahuri baharo to pjirocarina cjiri Ā tũhotunocaha. Bose nũmũre ñũa wahaeraha. Cũiro to wesepũ wahaah wahaha. Pairo to dahraare ñũno wahaha. 6 Paina sehe tirore dahra cohtainare ñaha, tinarẽ ñano yoa, wajãnocaha jũna. 7 Ti Ā yoachũ tũhorõ, pũthoro sehe suaha. Sua, ti Ā wajãri buhiri buhiri dahre dutiro to surarare warocaha. Ā jia surara tinarẽ wajã pahũõ, ti ya macare jũnocaha. 8 Ti Ā yoari baharo, pũthoro tirore dahra cohtainare õ sehe niha: “Bose nũmũ macaa cjihtire cahno tuhsũmahre. Wiho mejeta yũ pjiroca mũhtarina cjiri yũ bose nũmũre ñũborina jierara.

Ñaina jira tina. 9 Ā jina macare jia maharipũ dohse jiina mũsa boca sũinare bose nũmũre ñũhtinare pjiã”, niha tirore dahra cohtainare. 10 To Ā nichũ tirore dahra cohtaina maharipũ waha, jipihtinare ti boca sũinare, ñaina, noaina cũhũre yahuha. Ti Ā pjiri baharo to cahapũ sũha tina peri. Noano tí bose nũmũ ti yoari tahtiare masa wahpata yũhdũa wahaha.

11 “Tõi ti dujichũ pũthoro sehe cãirore wamomaca dũhteri nũmũ macari suhtirore sãaerarirore ñũa. 12 “¿Ne coyeyiro, dohse yoacu wamomaca dũhteri nũmũ macari suhtirore sãaerapaihta sã tari mũhũ?” ni sinituha pũthoro. To Ā sinituchũ masano sehe yũhtieraha. 13 To Ā yũhtierachũ ñũno tirore dahra cohtainare õ sehe niha: “Ahrĩrore to wamomacarine dũhtega. To dahpori cũhũre dũhtega. Dũhte tuhsũ na wijaa, sopacapũ cohãga tirore nahitiorũ. Tõpũ tiro tuaro tii, cahyaro mehne bahca dihorohca”, niha pũthoro — ni yahure Jesu.

14 To Ā niri baharo õ sehe ni batoare tiro:

—Ahri quti jiro seheta Cohamacũ payũ masa to pjirocarina ti jipachũta mahainacã tiro mehne tjuaahca —ni yahu batoare Jesu.

Pũthoa ya wapare paina sinituha Jesure

(Mr 12.13-17; Lc 20.20-26)

15 To Ā niri baharo fariseo curua macaina waha, Jesure

ti yahusãhtore ti basi durucua tina. To ñano yãhtichu tãho duaa nimaha tirore yahusãa taa. ¹⁶ Æ durucua tina mehne macainare, Herode ya curua macaina cãhure Jesure sinitu dutia warocaha. Tina sehe Jesu cahapũ wihi, tirore mahño cũ sinitu ñũmare:

—Buheriro, potocã durucuriro mahñoa marieriro mũ jichũ masija sã. Cohamacũ yare quihõno mũ yahuchũ cãhure sã masija. Æ jicũ cãiro pũhtoro waro to jipachuta tiro cãhure dórero marieno potota yahura mũhũ. ¹⁷ Æ jicũ sãre yahuga. ¿Roma macariro jipihtina bui pũhtoro jirirore gobierno macaare marine waparo cahmajari, mũ tũhotuchũ? ¿Mari dutia tirore wapa dutijari? —ni siniture tina Jesure.

¹⁸ Ti Æ nichũ tũhoro tirore ti yahusã duaare masino õ sehe nire:

—Mahñopeina jira mũsa. ¿Dohseana yũ ñano durucuchũ tũho duajari mũsa? ¹⁹ Mipũre niñeru tũre pũhtoare wapahti tũre na tahga. Tí tũre ñũjihna —nire tiro.

To Æ nichũ tũho niñeru tũre na tare tina.

²⁰ Ti Æ na tachũ õ sehe ni siniture tiro tinare:

—¿Diro baro masũ wahãjari ahri tũre? ¿Diro baro wama wahãjari? —ni siniture.

²¹ —César, masa bui pũhtoro masũ, to wama cãhũ wahãna —ni yũhtire tina.

Ti Æ nichũ tũhoro Jesu õ sehe ni yahure:

—Tí pja pini masa bui pũhtoro yare tiro sehere waga. Cohamacũ yare Cohamacũ sehere waga —nire Jesu.

²² To Æ nichũ tũho, tũho cãaa waha, wahaa wahare Herode ya curua macaina.

Saduceo curua macaina Cohamacũ to masoare sinitu tũha Jesure

(Mr 12.18-27; Lc 20.27-40)

²³ Æ yoa tí dachoihta cãina saduceo curua macaina Jesu cahapũ wihire. Saduceo curua macaina sehe “Cohamacũ yariainare masosi”, ni tũhotuina jire. Æ jia õ sehe nire tirore tina:

²⁴ —Buheriro, õ sehe ni buhea tiha Moise cjiro: “Cãiro to wahmino namo tĩro pohna mariaparota to yariachũ to bahũrore to wahmino namono cjirore nũoano cahmana. Æ yoaro to wahmino mũnana to pohna tiboro seheta pohna tiro cahmana to bahũrore. Æ jia to pohna to wahmino mũnana pohna yoaro sehe jiahca”, ni joaa tiha Moise cjiro —nire tina saduceo curua macaina.

²⁵ Tĩre Æ ni yahu tuhsũ ahri quitire yahu namore tina Jesure:

—Cãiro masũno jiha. Seis to bahana jiha. Ti wahmino sehe namo ti, pohna marieriro yariaa wahaha. Tuhsũ, paio to bahũro cãhũ to wahmino namono cjirore nũoaha. ²⁶ To Æ nũoari baharo to wahmino yoaro seheta pohna mariaparota yariaa wahaha tjoa. Æ yoa

ahriro baharo to wahmino m̄n̄n̄ano yoaro seheta pohna mariaparota yariaa wahaha. Ā dihta wahaha c̄airo pohna waro. Ne pohna mariapahta yaria pihtia wahaha tina. 27 Ti namono c̄jiro c̄h̄h̄ ti baharota yariaa wahaha j̄na. 28 ¿Ne, Cohamac̄u j̄pihtinare yariaina c̄jirire to masoch̄u diro baro namono j̄bocari ticoro? Tina j̄pihtina ticorore namo tirina c̄jiri jiha. ¿Ā yoa diro namono sehe j̄bocari ticoro pototi? — ni siniture tina.

29 Jesu õ sehe ni yahtire tinare:

—Cohamac̄u yare ti joari p̄re, to masia c̄h̄ure ne masierara m̄sa. Ā yoa m̄sa t̄hotua sehe ne potoc̄ã jierara. 30 Yariarina c̄jiri ti masa m̄jari baharo tina anjoa yoaro sehe jira. Tina namo marieina, man̄u mariea numia jira t̄p̄re. 31 Yariarina c̄jiri ti masa wijaahto sehere m̄sare yahuihtja. ¿Cohamac̄u m̄sare to niri c̄jirire ne buherari m̄sa? Õ sehe niha tiro: 32 “Ȳh̄u Abrahã, Isaa, Jacobo ti p̄htoro tjija’, nina Cohamac̄u”, ni joaa tiha panop̄re. Ti yariari baharo “Ti p̄htoro tjija”, ni yahuha Cohamac̄u. Ā niparota yariarina c̄jiri p̄htoro jierara Cohamac̄u. “Ti p̄htoro tjija”, to nia mehne catiina ti jich̄u masija mari. Tiro catiina p̄htoro jira —ni yahure Jesu tinare.

33 To ã ni buhech̄u t̄hoa paȳu masa t̄ho c̄aa wahare.

C̄ano noa ȳhd̄aro to dutiare yahuha Jesu
(Mr 12.28-34)

34 Ā yoa saduceo curua macaina Jesure ti yahti masierach̄u t̄hoa, fariseo curua macaina sehe tiro cahap̄u cahmachure. 35 Cahmachu, tina mehne macariro marine judio masare buheriro sehe Jesu to ñ̄ano nich̄u t̄ho duaro mah̄no c̄u sinitu ñ̄mare tire.

36 —¿Buheriro Cohamac̄u ya dutia noa ȳhd̄aro di baro sehe j̄jari, m̄u t̄hotuch̄u? — ni siniture tiro.

37 Jesu tire õ sehe ni yahtire:

—“Tuaro m̄sa ya jeripohna mehne, m̄sa tuaa mehne, noano m̄sa wac̄ã mehne Cohamac̄ure cah̄ga”, nina Cohamac̄u. 38 Ahri dutiata paye dutia ȳhd̄oro noa ȳhd̄ara. 39 Ahri dutia baharo paye dutia noa ȳhd̄ara: “M̄u basi m̄u cah̄no seheta m̄u cahai jiina c̄h̄ure cah̄ga”, nina Cohamac̄u. 40 Ahri p̄h̄aro dutiare yoana, j̄pihtia paye dutiare yoa pah̄ona nija mari. Cohamac̄u yare yahu m̄htaina c̄jiri panop̄u ti joari c̄h̄ure yoa pah̄ona nija mari —ni yahure Jesu.

¿Diro baro coyero j̄jari Cristo?
(Mr 12.35-37; Lc 20.41-44)

41 Ā yoa fariseo curua macaina t̄oi cahmachuina ti jich̄u 42 Jesu tinare õ sehe ni siniture:

—“Cristo, Mesia mari ni pisuriro Cohamac̄u to waroc̄ahtiro jira”, nina m̄sa. ¿Diro

baro jijari Cristo ñuchano cjiro panopu macariro, masa tuhotchu? —nire tiro.

—Cristo Davi cjiro panamino jirohca —ni yahure tina.

⁴³ Jesu õ sehe ni yahure tinare:

—¿Cristo Davi cjiro panamino to jichu dohsearo Davi sehe puhtoro tiari Cristore? ¿Dohsearo ã puhtoro ti dutiri Espiritu Santo tirore? Õ sehe niha Davi cjiro:

⁴⁴ “Cohamacu yu puhtorore õ sehe nire:

‘Õi yu poto buhusehei dujiga.

Ã jicu mahure ñu tuhtiinare mahure yuhducabasainha yuhu’, nire Cohamacu yu puhtorore”,

ni joaha Davi cjiro. ⁴⁵ Ã ni joarota Davi cjiro puhtoro tiha Cristore. ¿Davi cjiro Cristo ñuchano cjiro jiro dohsearo tiro puhtoro tiari Cristore? (Cristo Davi cjiro puhtoro tjira) —ni yahure Jesu.

⁴⁶ To ã ni yahuchu tina tirore ne yahuti masierare. Ã jia tó purota sinitu duhunocare tina tirore. Tuhsu tirore cuia pari turi sinitu ñuerare tirore juna.

23

Judio masare buheina, fariseo curua macaina cãhu ti ñano yoaare yahuha Jesu

(Mr 12.38-40; Lc 11.37-54; 20.45-47)

¹ Ã yoa payu masare sã cãhure Jesu õ sehe ni yahure tjoa:

² —Marine judio masare buheina fariseo curua macaina cãhu Cohamacu dutia Moise cjirore to cãri cjirore yahuina jira tina.

³ Ti ã yahuina jichu masare ti yahuro sehetã tãre yoa pahõoga masa. Ã yoapanahã tinare ñu cãena tjiga masa. Ti buheriro sehetã yoaerara tina.

⁴ Masare payu dutira tina. Ã dutipahta ti dutiro sehe masa ti yoaerachu ñua tinare yoadohoerara.

⁵ Masa ti ñurocaro dihta noano yoa ñomana tina. Cohamacu yare ti joari pãre ti duhu sãa caa pocacãre, buju curea caa pocacãre ti wãhdãa poca bui duhte yohre tina masare ñu dutia. Ti yachuri cãhure duhte yohre. Ã yoa ti suhtipu ti duhu yoaã bocari bujubia bocari jira. Cohamacure ti ño payorire masa sehere yoa ñoa nimana tina.

⁶ Tuhsu, bõse numari jichu puhtoã ti dujiaru duji duara. Judio masa mari buhea wãhusepu cãhure noãã dujia pahtari dihtare jicoara tina. ⁷ Ã yoa maharu ño payoa mehne paina tinare ti noano piti bocasinichu cahmana tina. Tinare “Buheriro”, masa ti ni pisuchu cahmana.

⁸ ‘Paina masare pisua “Buheriro”, nieãã tjijaro. Masa jipihtina cãno potori jina nina. Ã yoa masare buheriro cãirota jija yuhu Cristo. ⁹ Ahri yahpa macainare “Mari puca”, nina tinare ño payona nica. Ne ã niena tjiga. Mãano

macariro dihta mari Pucu jira. Tiro dihtare ño payoro cahmana marine. ¹⁰ Ña yoa masunore “Puhutoro”, niena tjiga. MUSA puhutoro yuhu Cristo sehe cãirota jija. ¹¹ Cahamacano yoaro sehe musare yoadohoriro tiro tjica MUSA puhutoro jihtiro. ¹² Cãiro puhutoro ji duaro tirore wiho jiro yoaro sehe jiro cahmana. “Wiho jiro jija yuhu”, ni tuhaturiro painare yuhduraca duaerario tiro sehe puhutoro jirohca —ni yahure Jesu.

Judio masare buheina, fariseo curua macaina mehne ti mahñopeare yahuha Jesu

¹³ To ã niri baharo tinare õ sehe ni yahu namore:

—MUSA judio masare buheina, fariseo curua macaina cãhu ñano yuhdurahca. Mahñopeina jira MUSA. Soro MUSA buhechu tuhõa musare tuhõrina sehe puhutoro Cohamacu to suho jiropure wahasi. MUSA cãhu tõpõre wahasi. Ña buhena tõpõre waha duainare duratana nina MUSA.

¹⁴ [MUSA judio masare buheina, fariseo curua macaina cãhu ñano yuhdurahca. Mahñopeina jira MUSA. Wapewahya numia ya wuhusere manocahna MUSA tí numiare. Tuhsu, yoari pja masa ti ñurocaroi Cohamacure sini ñomana MUSA masare. MUSA ã yoari buhiri paina bui curero Cohamacu pjiro buhiri dahrerohca musare.]

¹⁵ MUSA judio masare buheina, fariseo curua macaina cãhu ñano yuhdurahca. Mahñopeina jira MUSA. Pjiri mapu pahã, yoaro macaa yahparipu wahara MUSA, MUSA dutiare yoah tirore macana tana. MUSA dutiare yoah tirore boca, tirore buhera. MUSA ã yoachu tiro sehe MUSA yuhdoro pichacapu wahah tiro jirohca.

¹⁶ MUSA ñano yuhdurahca. Capari ñueraina ti ñu masieraro seheta masieraina jira MUSA. Ña jipanahta painare buhemana MUSA. Õ sehe ni buhemana MUSA: “‘Cohamacu wuhu mehne yu nino seheta yoaihtja’, niriro to niriro sehe to yoerapachuta noanohca”, ni buhemana MUSA. “‘Cohamacu ya wuhu macaa uru mehne yu nino seheta yoaihtja’, niriro tiro sehere to niriro seheta yoa sohtori tiro cahmana” ni, tí cãhure buhemana MUSA. ¹⁷ Capari ñueraina ti ñu masieraro seheta masieraina jira MUSA. Tuhõ masieraina jira. ¿Di baro sehere ño payoro cahmajari? Urure ño payoeraro cahmana. Cohamacu sehe tí uru to wuhui jichu noaa jichu yoara tíre. Ña jina to wuhu sehere ño payoro cahmana musare. Ña jia MUSA buhea sehe tó wahaerara. ¹⁸ Ahri cãhure buhemana MUSA: “‘Cohamacu wuhu macari mesa mehne yu nino seheta yoaihtja’, niriro to niriro seheta to yoerachu noanohca”, ni buhemana MUSA. “‘Tí mesa

bui jia mehne Cohamacure ño payoa ti wari mehne yu nino seheta yoaihtja', niriro tiro sehere to niriro seheta yoa sohtori tiro cahmana", ni buhemana m̄sa. ¹⁹ Capari ñ̄eraina ti ñ̄u masieraro seheta masieraina jira m̄sa. ¿Di sehe tí waro jijari, m̄sa t̄hotuch̄u? Cohamacure mas̄no to ño payoro to wari cjiri tí waro jiera curera. Tí mesa bui Cohamacure to wach̄u, noaa wahara tí mesa bui jia. Á jiro tí mesa sehe wiho jiri mesa jierara. Cohamacure ño payoa ti wari bui curero noari mesa jira. ²⁰ Á jiro "Cohamacu w̄h̄u macari mesa mehne yu nino seheta yoaihtja", c̄airo nino, tí mesa bui macaa to wari mehne tiro ã nino nica. Á jia m̄sa buhea sehe tó wahaerara. ²¹ "Cohamacu w̄h̄u mehne yu nino seheta yoaihtja", c̄airo nino, potoc̄ata Cohamacu mehnetã ã ninota nica. Cohamacu tí w̄h̄u macariro jira. ²² Á jiro "M̄sano mehne yu nino seheta yoaihtja", c̄airo nino, Cohamacu to jiroph̄u mehnetã ã nino nica. Á jiro Cohamacu mehnetã ã nino nica. Tiro sehe tó macariro jira. Á jia m̄sa buhea sehe tó wahaerara.

²³ 'M̄sa judio masare buheina, fariseo curua macaina c̄h̄u ñano ȳhd̄nahca. Mah̄nopeina jira m̄sa. Moa yoaro sehe jiare ch̄uare coach̄u yoaaare cj̄ana mahanoc̄ã wamana m̄sa. Cohamacure ño payona tana sacerdoteare wamana m̄sa. Mahanoc̄ã wamana m̄sa.

Menta, anis, comina wamania coach̄u yoaaare wamana m̄sa. Á wapanah̄tja noaaare yoaaerara m̄sa. Tuhs̄u, masare p̄ja ñ̄erara m̄sa. Á yoa Cohamacure wac̄u tuaerara m̄sa. Toaa dichare m̄sa narire mahanoc̄ã sacerdoteare m̄sa wach̄u noa nina. Á wana õ sehe yoa namoga: Noaaare yoaga. Á yoa p̄ja ñ̄uga masare. Tuhs̄u, Cohamacure wac̄u tuaga. ²⁴ Capari ñ̄eraina ti capari ñ̄eraro seheta masieraina jira m̄sa. Ó sehe yoara m̄sa: M̄sa ya dutiare yoa dutina, wiho jia waro dutiare yoara m̄sa. Á yoapanah̄ta Cohamacu to pototi to dutia warore yoaaerara m̄sa.

²⁵ 'M̄sa judio masare buheina, fariseo curua macaina c̄h̄u ñano ȳhd̄nahca m̄sa. Mah̄nopeina jira m̄sa. M̄sa waparire, m̄sa sihnia wahwarire bui m̄sa cosaro seheta noaaare yoa ñomana m̄sa buic̄ã warohna. Á yoapanah̄ta Cohamacu yare quih̄ono yoaaerara m̄sa. Paina yare maina, m̄sa basi dihta b̄j̄uare na duaina jina, ã dihta t̄hotura m̄sa. ²⁶ Capari ñ̄eraina ti ñ̄u masieraro seheta masieraina jira m̄sa fariseo curua macaina. Ñaaare m̄sa t̄hotuare cohtotaga. M̄sa ã yoana masa ti ñ̄uocaroi noaina jinahca m̄sa.

²⁷ 'M̄sa judio masare buheina, fariseo curua macaina c̄h̄u ñano ȳhd̄nahca. Mah̄nopeina jira m̄sa. Masa copa, yehsea mehne ti wis̄ori copa yoaro

sehe jira m̄sa. Masa tí copare ti ñ̄ch̄u noari copa bajura. To ã bajupach̄ta, puhicha macariro baarirore, to coh̄arine, ñ̄aare ñ̄erara tina. ²⁸ Tó seheta m̄sa c̄h̄u masa ti ñ̄roc̄aroi noaina sehe bajumana m̄sa. Á noaina sehe bajuina m̄sa jipach̄ta m̄sa t̄hotuap̄u ñ̄aa, mah̄noa ji ȳhd̄uara yariaina yoaro seheta —ni yahure Jesu.

Judio masare buheina, fariseo curua macaina c̄h̄ure to buhiri dahrehtore yahuha Jesu

²⁹ Á ni tuhs̄u õ sehe ni namore tinare:

—M̄sa judio masare buheina, fariseo curua macaina c̄h̄u ñ̄ano ȳhd̄unahca. Mah̄nopeina jira m̄sa. Cohamac̄u yare yahu m̄htaina cjiri panop̄u macaina ti masa coparire noano cahnomana m̄sa. Tuhs̄u, noano yoaina cjiri ti masa coparire noano cahnomana m̄sa. ³⁰ Á yoana õ sehe nirucumana m̄sa: “Panop̄ure s̄a ñ̄ch̄us̄uma cjiri ti yoariro sehe s̄a sehe yoaer- aboa. Tí p̄jap̄u jiinare Cohamac̄u yare yahu m̄htaina cjirire s̄a waj̄eraboa”, nirucumana m̄sa. ³¹ Á nina m̄sa ñ̄ch̄us̄uma cjiri Cohamac̄u yare yahu m̄htainare waj̄arina cjiri ti jiri cjirire bajuro wana nica. Tinare waj̄arina cjiri panamana ji turiaina m̄sa jia c̄h̄ure bajuro wana nica m̄sa. ³² M̄sa ñ̄ch̄us̄uma cjiri ti

yoariro seheta yoa sohtori tiwahnoga.

³³ 'Aḡaa ñ̄ima tiina yoaro sehe ñ̄abiaina jira m̄sa. M̄sa ñ̄aa t̄hotumari cjirire cohtota duaerana Cohamac̄u m̄sa ñ̄aa buhirire pichac̄ap̄u m̄sare to coh̄ahto pano duhti masierara m̄sa. ³⁴ Á jii m̄sare niita nija. Cohamac̄u yare yahu m̄htainare, paina noano masiinare, paina m̄sare buhehtinare m̄sa cahai warocaihtja. Ȳu ã warocach̄u m̄sa sehe c̄aina tinare waj̄anahca. Painare crusap̄u c̄j̄a puhanahca. Painare m̄sa buhea w̄h̄usep̄u tjananahca. Á yoana macaripep̄u tinare ñ̄ano yoa, m̄roca n̄n̄u tinahca m̄sa. ³⁵ M̄sa ã yoana jipihtina ñ̄aa marieinare m̄sa waj̄ari buhiri buhiri tinahca. Noariro Abe cjirire Caĩ to waj̄ari buhiri jipihtina m̄sa c̄h̄u buhiri tinahca. Jipihtina to baharo jiinare noainare ti waj̄ari buhiri c̄h̄ure buhiri tinahca m̄sa c̄h̄u. Á yoa Cohamac̄u w̄h̄u cahai wahiquinare ti wari mesa cahai Zacariare waj̄are tina. Tiro sehe Berequias mac̄ano jire. Á jina Zacaria c̄h̄ure ti waj̄ari buhiri buhiri tinahca m̄sa c̄h̄u. ³⁶ Potoc̄a m̄sare yahuita nija. Tina jipihtinare ti waj̄ari buhiri mip̄u macaina c̄h̄u m̄sa buhiri tinahca —ni yahure Jesu.

Jerusalē macainare tuaro cah̄iha Jesu

(Lc 13.34-35)

37 *Ā ni tuhsu õ sehe ni namore:*

—Cue, Jerusalē macaina, Cohamacu yare yahu mæhtaina cjirire wajārina jira mæsa. Mæsa coyea panopu macaina cjiri cæhu åta yorina cjiri jia. *Ā yoa mæsa cahai to warocaina cjirire tåa mehne doca wajārina jira mæsa. Caracacoro to pohñare to cjå mæa dæpuri mehne to moha coño sehetã payu tahari cahñrucumahi mæ sare. Mæ sare cahmamahi. Mæsa sehe yæhure ne cahmaerare.*

38 *Mipure mæsa ya maca cohåri maca cjiro jirohca.*

39 *Potocå mæ sare niita nija. Baharopu taihtja yæhu. Ā yu tachu ñæna mæsa yæhure “Cohamacu tuaa mehne tariro noano tajaro”, ninahca. Yæhure mæsa tíre nihto pano yu tjua tahto pano pari turi yæhure ñæsi mæsa —nire Jesu tinare.*

24

“Cohamacu wæhu cohåri wæhu jirohca”, niha Jesu (Mr 13.1-2; Lc 21.5-6)

1 *Ā yoa Cohamacu wæhu jiro Jesu to wijaa wiwichu sã to buheina tí wæhure tí wæhu cahai jia wæhuse cæhure ñæna:*

—Ahri wæhuse jira. Ñæga mæhu cæhu —nii sã tirore.

2 *Jesu õ sehe ni yæhtire:*

—Ahri wæhusere mipure ñæmana mæsa. Mæ sare yahuita nija. Ahri wæhusere jipihtia mæsa ñæri cjiri ahri wæhuse macaa tåa cæhu cohõ pihtia wahaahca. Ne cåria tåca tjuasi —nire tiro sære.

Pihtiri dacho cjihtore yahuha Jesu

(Mr 13.3-23; Lc 21.7-24; 17.22-24)

3 *Baharo Oliyo wama tidu tæcæpu su, tópu dujire Jesu. Tói to dujichu sã to buheina sã sahsero tiro cahapu su, õ sehe ni sinitu ñæhi:*

—Yahuga sære. *¿Dohse jichu å waharohcari mu niriro sehe waharo? ¿Pihtiri dacho panocære to jichu cæhure, mu tjua tahto cæhure dohse to waða dæcachu ñænahcari sã? —ni sinitu ñæi sã.*

4 *Jesu õ sehe ni yæhtire:*

—Noano yoaga mæsa. Mæ sare paina ti mahñoare tæhoena tjiga. 5 *Payu masa “Cristo jija yæhu”, ni mahñoina taahca. Ti å mahñochu tæhoa payu masa Cohamacu yare duhuahca.*

6 *Mæsa cahacåi masa paina ti cahma wajæchu tæhonahca mæsa. Tuhsu, yoropu cæhure ti cahma wajæchu tæhorocanahca mæsa. Ā tæhopenahta ne tíre pjíro tæhotuena tjiga. Ā waharohca. Ti å yoachu pihtiri dacho cjihto dæhsasininohca mini. 7 Tí pjare cå yahpa macaina pa yahpa macaina mehne cahma wajæahca. Ā yoa cåiro pæhtoro yaina paio pæhtoro yaina mehne cahma wajæahca. Tuhsu, payu masa jæca mehne yariaahca. Ā yoa dohatia payu jiaahca. Tuhsu, pjaró yahpa ñæhminohca.*

8 *To å wahachu ahri yahpa macainare ti ñæno yæhdu ñæmohto dæhsasinina mini. Ñæno yæhdusiniaahca.*

9 'Tí pjare paina m̄sare ñaha, ñano yoa dutia waahc̄u m̄sare paina p̄htoap̄re. Ti ã wach̄u m̄sare wajãahca. Ȳu yaina m̄sa jiri buhiri jipih̄tina m̄sare ñ̄u tuhtiahca. 10 Tí pjare paȳu ȳu yaina jimarina cjiri ȳh̄ure cohãahca. ã jia tina mehne macainare tina ñ̄u tuhtiahca. ã yoa tina mehne macaina ti jipach̄uta tinare ñano yoah̄tinare waahca tina. 11 Tí pjare paȳu "Cohamac̄u yare yahu m̄htaina jija", ni mah̄ñoina jiahca. ã jia paȳu masa ti mah̄ñoare t̄hoahca. 12 Tí pjare ñabiario yoah̄ca masa. ã yoa tina mehne macainare cah̄i namosi. 13 ã jina m̄sa tuaina jina, ahri yahpai m̄sa catisinino puro c̄ano pjarucuna, ȳhd̄nahca m̄sa. 14 Tuhs̄u, ahri noaa buhea jipih̄tirop̄u ahri yahpap̄re ti yahua buhea jiahca. P̄h̄toro Cohamac̄u to suho jiare yahuri buheare ti yahu siteri jiahca, jipih̄tina tí buheare ti masiht̄o sehe. Ti ã yahuri baharo pih̄tiri dacho d̄carohca.

15 'Cohamac̄u yare yahu m̄htariro Daniel cjiro panop̄u macariro ñabiariore Cohamac̄u yare ñano yoarire yahua tiha panop̄re. Tí pjare tiro ñariro sehe Cohamac̄u w̄h̄up̄u to ducuch̄u ñ̄nahca m̄sa. Ahri ȳu nirire noano masiga m̄sa. 16 Tóti to ducuch̄u ñ̄na, Judea yahpap̄u jiina sehe t̄yuc̄u cahap̄u m̄roca duhtijaro. 17 Soaro mehne m̄roca duhtijaro. Tí pjare

ti w̄h̄useri bui macaa w̄parip̄u jiina w̄h̄u puhichap̄u jiare ti yare na wahaea tjijaro ti waha bahrañohto sehe. 18 Tuhs̄u, tí pjare paina ti weserip̄u jiina ti bui macaa suhti w̄h̄up̄u jia suhtire na wahaea tjijaro ti waha bahrañohto sehe. 19 Tí pjare nijipocosanumia, ti pohnare p̄ña numia c̄h̄u p̄jac̄oro wahaahca. 20 ã jina Cohamac̄u ò sehe ni siniga: "Puh̄iro jich̄u judio masa sã soa num̄ri jich̄u c̄h̄ure sã m̄roca duhtih̄ti dacho jiero tjijaro", ni siniga m̄sa Cohamac̄u. 21 Tí dachorire masa nu ñano wahaahca. Ahri yahpare to bajuamehneri baharo masa ñano ti ȳhd̄na jisinia tiha. Ti ã jipach̄uta jipih̄tia tí pur̄ia ȳhd̄oro pih̄tiri dacho panocã ñabiario ȳhd̄nahca masa. ã ñano ti ȳhd̄uri baharo pari turi tó sehe ñabiario ȳhd̄usi ahri yahpai j̄na. 22 Cohamac̄u tí dachoricã jisinch̄u yoarohca. To ã yoerach̄u ne c̄uro mas̄no ȳhd̄eraboca. ã jiro to beserina ti ȳhd̄uhti cjih̄tire mahaa dachoricã ã c̄usininhca Cohamac̄u.

23 'Tí pjare paina m̄sare "Ñ̄uga. Õi jira Cristo", ti nich̄u tinare t̄hoena tjiga. "Tóti jira Cristo", ti nich̄u tinare t̄hoena tjiga. 24 "Cristo jija", ni mah̄ñoina, "Cohamac̄u yare yahu m̄htaina jija", ni mah̄ñoina jiahca tí pjare. ã jia Cohamac̄u to beserinare mah̄ñoa, tina bajuamehn̄eare yoa ñoahca. Ti ã yoa

ñochu ñua, Cohamacu yaina cãina tinare tãhoa “Potocã tjira” nia, Cohamacu yare pa tehe nia duhuboca. ²⁵ Ahri jipihtiare mäsare yahuyuja mäsare to ã wahahto pano. Æ jina tãhoga mäsä. ²⁶ Paina masa mäsare “Ñüga. Masa marienopu jira Cristo”, ti nichu tópuare ñüna wahaena tjiga. Æ yoa tina “Õi ahri tahti pocai jira tiro”, ti nichu tinare tãhoena tjiga. ²⁷ Yühu masüno Cohamacu warocariro wacüenoca tjua taihtja. Oroca sitero müanore sü müja taropu, sü sãnopu wacüenoca to oroca sitero-carro seheta wacüenoca tjua taihtja yühu. ²⁸ Yucaare mari ñüna, yariariro to pjacu cjiro jichu mari noano masinahca. (Tó seheta ahri mäsare yu yahuyurire müsä ñüna noano masinahca ahri yahpapu yu tjua tahto mahanocã to dũhsachu cũhure) —ni yahure Jesu.

Cristo ahri yahpapu to tjua tahtore yahuha tiro

(Mr 13.24-37; Lc 21.25-33; 17.26-30, 34-36)

²⁹ Æ yahu tuhsüro tinare õ sehe ni yahu namore:

—Tí dachori masa ti ñano yũdũa dachori baharo sü dacho macariro, ñami macariro cũhü buhria duhua wahaahca. Tí ã wahachu ñahpichoha poca müanopu jia poca bo-
raa wahaahca. Tuhsu, müano macaa yahpari tuaro ñuhmiahca. ³⁰ Tí pjata yühu masüno Cohamacu warocariro müanopu yu bajuamehnenore yu ñochu

ñuahca masa. Æ ñua jipihtia curuari macaina tiaahca. Tuhsu, yu tuaa mehne, yu si sitea mehne müano macaa me bui ahri yahpapure yu tjua tachu ñuahca tina. ³¹ Corneta bisiro coa tarohca. To ã coa tachu yu yaina anjoare jipihtiropu ahri yahpapu warocaihtja. Tuhsu, jipihtiropu yu yaina yu beserinare tina naahca.

³² 'Mipure higueraçure tãhotuga müsä. Tu quiti mehne mäsare piti dahre buheihtja. Tu yucucu püri tichu ñüna, cũhma mahanocã to dũhsachu masina müsä. ³³ Tó seheta ahri jipihtia yu niri cjiire ti ã wahachu ñüna, yu tjua tahto mahanocã to dũhsachu masinahca müsä. ³⁴ Potocã niita nija müsare. Tí pja macaina ti yariahto pano jipihtia yu niriro seheta ã waharohca. Müano, ahri yahpa cũhü pihtia wahaahca. ³⁵ Müano cũhü ahri yahpa cũhü pihtia wahaahca. Yu durucua sehe ne cohtotasi. Jipihtia yu niriro seheta ã waha sohtori tiarohca.

³⁶ 'Tí dachore yu tjua tahti dachore, tí ora cũhure masieraja yühu. Anjoa cũhü tíre masierara. Masa cũhü masierara. Yu Pucu dihta tíre masina.

³⁷ 'Noé to jiri pja macaina ti jiriro seheta ahri yahpapu yu tjua tahto panocãre tó seheta jiahca masa. ³⁸ Yahpa to minihto pano masa chu, sihni, yoaha. Tuhsu, müa, numiare namo tiha. Noé cũhü ti dohoriapu ti samuhto pano Æ yoa timaha masa. ³⁹ Dóihä tuaro coro ta, wacüenoca

yahpa minia wahaha. Masa cãhũ mini pihtia wahaha. Wacũenoca to miniro sehetã yũhũ masũno Cohamacũ warocariro ahri yahpapũre wacũenoca tjua taihtja. ⁴⁰ Tí pjare wesepũ pũaro dahrainã ti jichũ cãiro yũhũre cahmarirore naaihca. ã yoa yũhũre cahmaerariro tõi tjuarohca. ⁴¹ Tí pjare pũaro numia cãnoi ti yore arẽã numia jichũ cãcoro yũhũre cahmaricorore naaihca. ã yoa yũhũre cahmaeraricoro tõihta tjuarohca.

⁴² 'Noano wacũ masi cohtaga. Yũhũ mũsa pũhtoro, yũ tjua tahti dachore ne masierara mũsa. ⁴³ Ahrire wacũga mũsa. Yacariro to wũhũpũ to sãã yacahto panore wũhũ pũro masino, tí ñamine tiro carĩeraboa, yacarirore cohtaro taro. ã yoa yacarirore to wũhũpũ sãã dutieraboa. Yũhũ yacariro to wacũenoca to tariro sehetã wacũenoca taihtja. ⁴⁴ ã jina yũ yare ã yoarucuna yũhũre cohtaga. Yũhũ masũno Cohamacũ warocariro ahri yahpapũ tjua tai wacũenoca taihtja —nire Jesu.

Dahra cohtariro to pũhtoro ño payorirore, ño payoerariro cãhũre yahuha
(Lc 12.41-48)

⁴⁵ ã yoa Jesu to tũhotua mehne õ sehe ni piti dahre buhe namore tjoa:

—Dahra cohtariro to pũhtoro ño payoriro tũho masiro jira. To ã jichũ ñũno paina dahra cohtaina bui cũna tirore to pũhtoro

sehe waharo taro. ã tirore cũ tuhsũ wahãã wahara pũhtoro. To ã wahachũ ñũno, chũri pja jichũ dahra cohtariro painare chũare witira. ⁴⁶ Baharo pũhtoro to ya wũhũi tju wihira. To tju wihichũ ñũno dahra cohtariro sehe to pũhtoro to dutiro sehetã yoa pahñoriro jiro, wahcheriro jirohca. ⁴⁷ Potocã mũsare niita nija. To ã noano dahrachũ ñũno to pũhtoro jipihia to yare ñũ wihbohtiro cũnohca tirore. ⁴⁸⁻⁴⁹ Wiho mejeta ñariro dahra cohtariro sehe “Yũ pũhtoro so bajuerara” nino, paina dahra cohtainare cjãpe, pjiro chũ, sihni, cahaina mehne caharohca. ⁵⁰ Baharo to pũhtoro wacũenoca tjua tarohca. Tí dachore ne masierara dahra cohtariro. ⁵¹ Pũhtoro sehe tjua taro ñariro to yoarire tũhorõ, tirore tuaro buhiri dahrerohca. ã buhiri dahrero, masa ti baharo buhũsehei ñãno yoa cohtaina ti waharopũ cohãnohca tirore. Tõpũre tiro tuaro tii, cahyaro mehne bahca dihorohca —ni yahure Jesu.

25

Diez nuhmia quiti mehne buheha Jesu

¹ ã yoa Jesu pari turi to tũhotua mehne õ sehe ni piti dahre buhe namore tjoa:

—Mũano macariro masa bui pũhtoro to sũho jia ahri quiti yoaro sehe jira: Diez nuhmia jiha. Cũ ñami tina ti sihãã poca mehne wamomaca dũhtehtirore

piti boca wahaha. ² Tina mehne macaa numia cinco numia tũho masiera numia jiha. Paye numia sehe cinco numia tũho masia numia jiha. ³ Tũho masiera numia sehe ti sihãa pocare, posa tia pocare naamaha. Paye pocare se posa tia pocare ti pihtichũ ti pioborire naeraha. ⁴ Tũho masia numia sehe ti sihãa poca se posa tia pocare naaha. Paye se poca cũhare naaha. ⁵ ã jia wamomaca dũhtehtiro to bajuerachũ tí numiare wũjo purĩchũ carĩa wahaha. ⁶ ã ti carĩni baharo ñami dacho macai sañurucuro coa taha: “Tũhoga. Wamomaca dũhtehtiro taro coa tara. Tirore piti bocana taga”, ni sañurucuro coa taha. ⁷ To ã nino coa tachũ tũhoa tí numia wahcã, ti sihãa pocare cahnoha. ⁸ ã yoa tũho masiera numia sehe paye numia tũho masia numiare õ sehe niha: “Sã sihãa poca yatia nina. ã jina mahanocã mũsa ya sere waga sãre”, ni sinimaha tí numia. ⁹ Ti ã sinipachuta tũho masia numia õ sehe ni yũhtiha: “Sã ya se mari jipihtinare mũ sũeraboca. ã jina se cjuainare mũsa basi nuchũna wahaga”, ni yũhtiha tũho masia numia sehe. ¹⁰ Ti ã nichũ tũhoa, tũho masiera numia sere nuchũna wahaha. Ti ã wahari baharo wamomaca dũhtehtiro wihaha. ã to wihichũ ñũa ti yare cahno tuhsũri numia tũho masia numia tirore piti boca. Piti boca, to wamomaca dũhteri bõse numũpũ tiro

mehne ñũa wahaha. Tuhsũ, bõse numũre ti yoari wũhũpũ paina mehne tí numia ti sãari baharo, sopacare bihanocaha. ¹¹ Baharopũ tũho masiera numia sehe wihimaha. “Puhtoro, sãre pjõohga”, nimaha tí numia. ¹² “Potocã mũsare niita nija. Mũsare masieraja yũhũ”, niha tiro tí numiare.

¹³ ã jina tũho masia numia ti yare ti noano cahno tuhsũ ti cohtariro seheta yũ tahtore noano cohtaga mũsa cũhũ. Yũ tjua tahti dachore tí hora cũhare ne masierara mũsa —ni yahure Jesu.

Niñeru tũri uru tũri quitire yahuha Jesu

¹⁴ ã ni yahu tuhsũ to tũhotua mehne õ sehe ni piti dahre buhe namore tjõa:

—Tí pja yũ tjua tahti pja ahri quiti yoaro sehe jirohca. Wũhũ pũro jiha. Tiro pa sehẽpũ tinino waharo taro, tirore dahra cohtainare pjirocaha. ã yoaro tinare to yare cohta dutiha.

¹⁵ ã cohta dutiro ti wihbo masino puro tinare niñeru tũri waha. Cũirore cinco tũri wapa bũjũa tũri uru tũri waha. Pairore pũa tũ waha. Pairore cũ tũ waha. Tinare wa tuhsũ, wahaa wahaha. ¹⁶ ã yoa cinco tũri to wariro dõihta to wahari baharota tí tũri mehne paye barore nuchũna. To nuchũrire painare duaaha. To duari wapa diez tũri waro wapataha tiro. ã jiro diez tũri cjuaha. ¹⁷ ã yoa pũa tũ to wariro dõihta

to wahari baharota tí t̄ari mehne paye barore nuch̄aha. To nuch̄aire painare duaha. To duari wapa pititia t̄ari waro wapataha tiro. ã jiro pititia t̄ari cj̄aha. ¹⁸ C̄ũ t̄are to waro sehe copa saha, tí t̄are yaha, tí copap̄u n̄ono.

¹⁹ 'Yoari pja baharo ti p̄h̄toro wihiha. ã wihiro to niñeru t̄ari mehne ti ñaha namorire quih̄õno taro tirore dahra cohtainare pj̄irocaha. ²⁰ ã to pirocach̄u cinco t̄ari to waro cjiro to p̄h̄toro cahap̄u s̄u, diez t̄ari wiaha tirore. "Cinco t̄ari yuh̄are ware m̄uh̄u. Ñ̄uj̄ata. Tí t̄ari mehne paye cinco t̄aire ñaha namohi", niha tirore. ²¹ "Noano yoari jire m̄uh̄u. M̄uh̄u noariro, ȳu dutiriro sehet̄a yoariro jira. Mahanoc̄ã mehne noano yoare m̄uh̄u. ã jic̄u mip̄ure m̄uh̄are pj̄iro m̄u dahrahtore c̄ũiht̄ja. ã jic̄u ȳuh̄u mehne wahchega m̄uh̄u", niha to p̄h̄toro. ²² ã yoa p̄ua t̄are nariro cjiro to p̄h̄toro cahap̄u s̄u, yahuha tirore: "P̄ua t̄u yuh̄are ware m̄uh̄u. Ñ̄uj̄ata. Tí t̄ari mehne paye t̄ari p̄ua t̄u ñaha namohi", niha tiro. ²³ "Noano yoari jire m̄uh̄u. M̄uh̄u noariro, ȳu dutiriro sehe yoariro jira. Mahanoc̄ãre noano yoare m̄uh̄u. ã jic̄u mip̄ure pj̄iro m̄u dahrahtore c̄ũiht̄ja. ã jic̄u ȳuh̄u mehne wahchega m̄uh̄u", niha to p̄h̄toro. ²⁴ ã yoa c̄ũ t̄are nariro cjiro to p̄h̄toro cahap̄u s̄u, yahuha tirore: "P̄h̄toro, m̄uh̄u paina

sehere tuaro dahra dutiriro jira. ã tuaro dahra dutiriro jic̄u toaa maerariro jipaihta tí dichare m̄uh̄u nana. ²⁵ M̄uh̄u ã jiriro jich̄u m̄uh̄are cuihi. ã cuic̄u copa saha, tí copap̄u m̄u niñeru t̄are n̄ohi. Ñ̄uj̄ata. Õi jira m̄u niñeru t̄u", niha tiro. ²⁶ To p̄h̄toro to ã nich̄u t̄uhoro tirore õ sehe niha: "M̄uh̄u ñariro, capa buj̄ariro jira. Ȳu toaa maerariro jipaihta tí dichare ȳu nariro jich̄u masina m̄uh̄u. ²⁷ Ȳu ã jiriro jich̄u ñ̄uc̄u ya t̄are niñeru wihbori w̄uh̄up̄u wihboboa m̄uh̄u. M̄u ã wihboch̄u tina tí t̄are wiaap̄u paye niñeru wa namoboa tina", niha p̄h̄toro tirore. ²⁸ ã nino paina tirore dahra cohtainare dutiha tiro: "Niñeru t̄are maga tirore. Diez t̄aire cj̄ariro sehere waga. ²⁹ Cj̄ainare wa namoiht̄ja. ã jia pj̄iro cj̄aahca. Cj̄aeraina sehere mahanoc̄ã ti cj̄apach̄uta tíre maiht̄ja. ³⁰ Ahriro dahra cohtariro yaba cjihti jierara. Nahitianop̄u ñanop̄u coh̄anocahga tirore. Tórp̄u tiro tuaro tii, cahyaro mehne bahca dihorohca", niha p̄h̄toro —ni yahure Jesu.

Buhiri dahrehtore yahuha Jesu

³¹ ã yoa Jesu õ sehe ni yahu namore:

—Ȳuh̄u mas̄no Cohamac̄u warocariro jipihtina anjoa mehne p̄h̄toro jic̄u tac̄u, ȳu p̄h̄toro dujirop̄u ȳu si sitea mehne dujiht̄ca. ³² ã ȳu dujich̄u, ahri yahpa macaina jipihtina ȳu cahai

cahmachuahca. Ti ã cahmachuri baharo pua curua tinare tju waihtja. Ovejare ñu wihboriro to ovejare, to cabra cūhure to tju wariro seheta masare tju wa dapoihtja. ³³ ã tju wacu oveja yoaro sehe jiina noainare yu poto buhusehei bese dapoihtja. ã yoa cabra yoaro sehe jiinare ñainare yu cō buhusehei bese dapoihtja. ³⁴ Yu ã yoari baharo yuhu jipihtina bui puhtoro sehe yu poto buhusehei yu bese dapoinare õ sehe ni yahuihtja: “Yu Pucu musare noano yoare. Ahri yahpare bajuamehnenopu musa ya cjihtire puhtoro to suho jirore cahno basayu tuhsare Cohamacu. ã jina mipure to cahnoripure jina taga. ³⁵ Yu juca baachu musa sehe yuhure chure ware. Yu ñahma yapiochu yuhure musa sihõre. Musa cahai yu tinichu yuhure ñu masierapanahta yuhure noano piti bocare musa. ³⁶ Suhti maerariro yu jichu ñuna musa sehe yuhure suhti sãare. Dohatiriro yu jichu musa yuhure ñuna tare. Peresui yu jichu cūhure yuhure ñuna tare musa”, ni ihtja noainare. ³⁷ Yu ã nichu tuhoa tina yuhure sinituahca: “¿Puhtoro dohse jichu mu juca baachu mahure chure wari sã? ¿Dohse jichu mu ñahma yapiochu mahure sihõri sã? ³⁸ ¿Dohse jichu mahure ñu masierapanahta mahure noano piti bocari sã? ¿Dohse jichu suhti maerariro mu jichu mahure suhti sãari sã?

³⁹ ¿Dohse jichu mu dohatichu o peresui mu jichu cūhure mahure ñuna sari sã?” niahca yuhure. ⁴⁰ Ti ã ni sinituchu tuhocu yuhu puhtoro tinare yahuihtja. “Potocã musare niita nija. Ahrina yu yaina mehne macariro wiho jiriro to jipachuta, tirore musa tó seheta yoare. ã jirirore ã yoana, yuhure yoaro seheta yoana nire musa tinare”, ni yahuihtja.

⁴¹ Noainare yu ã ni yahuri baharo yu cō buhusehei ducuinare yuhu jipihtina bui puhtoro õ sehe ni yahuihtja: “Cohamacu to buhiri dahrehtina jira musa. Yuhu mehne tjuaena tjiga. Pichacapu wahaga musa. Tí pichacane yatierara. Watino, to yaina anjoa cūhu ti jihtore tí pichacare yoare Cohamacu. ⁴² Yu juca baachu musa sehe yuhure chure waerare. Yu ñahma yapiochu musa yuhure sihõerare. ⁴³ Yuhure masierana musa yuhure piti bocaerare. ã ñunocaboare. Suhti maerariro yu jipachuta, yuhure suhti sãerare musa. Dohatiriro yu jichu peresui yu jichu cūhure ã ñunocare musa yuhure”, ni yahuihtja tinare ñainare. ⁴⁴ Yu ã nichu tuhoa tina yuhure sinituahca: “¿Puhtoro, mu juca baachu, mu ñahma yapiochu, sã masierariro mu jichu, suhti maerariro mu jichu, dohatiriro mu jichu, peresupu mu jichu dohse jichu sã sehe mahure yoadohoerari?” ni sinituahca yuhure. ⁴⁵ Ti ã ni sinituchu yuhu tinare õ

sehe ni yahuihtja: “Potocã m̄sare niita nija. Ahrina yu yaina mehne macariro wiho jirirore m̄sa ne yoad-ohoerare. ã jirirore m̄sa yoadohoerana, yuhureta ã yoana nire m̄sa”, ni yahuihtja tinare. ⁴⁶ ã jiro tinare ã buhiri dahrerucurohca Cohamacu. Tí buhiri dahrea ne pihtisi. ã yoa, noaina sehe jipihtia dachoripe noano jirucuahca —ni yahure Jesu.

26

Sacerdotea puhto, judio masa bucna mehne Jesure wajã duaha

(Mr 14.1-2; Lc 22.1-2; Jn 11.45-53)

¹ Tí jipihtiare to buheri baharo Jesu sãre to buheinare õ sehe ni yahure:

² —Puha dacho baharo pascua jirohca. Tíre m̄sa masina. Tí pjare yuhu masunore Cohamacu warocarirore ñahaahca. Ñaha tuhsu, yuhure crusapu wajãahca —nire tiro sãre.

³ ã yoa sacerdotea puhto, judio masa bucna cãhu cahmachuha. Caifa sacerdotia bui puhtoro ya wuhui cahmachuha tina. ⁴ Tõ cahmachu, ti mahñoa mehne Jesure ñaha ti wajãhtore cahma sãhdua niha:

⁵ —Bose numu jichu tirore ñahaena tjijihna, “Masa suari”, nina —niha tina ti basi.

Numino me sitia se mehne Jesure pio payoha

(Mr 14.3-9; Jn 12.1-8)

⁶ Tí pjare Simo cami bucu baariro cjiro ya wuhui jire Jesu. To jiri maca Betania wama tiri maca jire. ⁷ Tí wuhui to churo watoi cãcoro numino me sitia na ta, Jesu dapu bui pio payore. Tí me sitia alabastro wama tiriai posa tire. Wapa bujua co jire. ⁸ To ã pio payochu ñana sã Jesu buheina suahi.

—¿Dohsearo ahricoro ahri me sitia co wapa bujua ã yoa sitejari? ⁹ Tí me sitiare duaboa. ã duaro pjiro wapa naboa. ã nano tí niñerure pjacuinare waboa ahricoro —nii sã to buheina.

¹⁰ Sã ã ni suachu ñano, Jesu õ sehe ni yahure sãre:

—ã niena tjiga ticorore. Yuhure noano yoaro nina. ¹¹ Pjacuina sehe m̄sa mehne ã jirucuahca. ã jina tina sehere m̄sa wa masina. Yuhu sehe ahri yahpare m̄sa mehne ã jirucusi. ¹² Yuhure ti yahto pano yu pjacure cahnoyuro, ticoro yuhure pio payore. ¹³ Potocã m̄sare niita nija. Jipihtiro ahri yahpau noaa buheare ti yahuropu ahricoro mipure to yoarire yahuahca. Ti ã yahuchu tãhoa ticorore masa payu wacũahca —ni yahure Jesu sãre.

Juda Iscariote Jesure ñu tuhtiinare to ñohtore yahuha sacerdotea puhtoare

(Mr 14.10-11; Lc 22.3-6)

¹⁴ Tí pjare cãiro sã mehne macariro Juda Iscariote sacerdotia puhto cahapu sãha. ¹⁵ Sã, tinare õ sehe ni sini-tuha:

—¿Jesure musare yu ñochu noho puro wapanahcari musa? —ni sinituha tinare.

To ã nichu tina tirore treinta tãri plata tãrire waha. ¹⁶ Ti ã wari baharo Juda sehe Jesure to ñohti ñamine cohtasiniha.

Jesu to buheina mehne to chu batoari numu jiha

(Mr 14.12-25; Lc 22.7-23; Jn 13.21-30; 1Co 11.23-26)

¹⁷ Bucuerari pãore ti chu numari ducari numu sã to buheina sehe õ sehe ni sinitu ñuhi Jesure:

—¿Mari pascua macaa chuhtire noho baroi cahnoyu dutirocaijari muhu sãre? —ni sinitu ñuhi tirore.

¹⁸ Sã ã nichu tiro õ sehe ni yahure sãre:

—Jerusalẽpu wahaga. Tõi jirirore õ sehe ni yahuga: “Marine buheriro to ñano yuhduhti pja mahanocã duhsatjiãyuhti. Pascua jichu mu ya wuhui Jesu sãre to buheinare suho chuhto jiyuhti”, ni yahuga tí wahu purore —ni warocare Jesu sãre.

¹⁹ To ã ni warocachu sãre to dutiriro seheta yoana, pascua jichu sã chuhtore cahnoyui sã.

²⁰ Æ yoa tí ñamine sã mehne doce to buheina mehne churo nire Jesu. ²¹ Sã churo watoi tiro sãre õ sehe ni yahure:

—Potocã musare niita nija. Cũiro musa mehne macariro yuhure ñu tuhtiinare ñonohca yuhure —ni yahure tiro sãre.

²² To ã nichu tuhona tuaro cahyana, tirore sinitu ñu ducai sã cãina jipihtina:

—¿Puhtoro, yuhuta jijari mahure ñohtiro? —ni sinitui.

²³ Sã ã ni sinituchu tiro õ sehe ni yuhtire:

—Yu churi wapai yuhu mehne soha churirota jira yuhure ñu tuhtiinare ñohtiro.

²⁴ Panopu yuhure ti joariro seheta yuhu masano Cohamacu warocariro yariaihca. Æ jiro yuhure ñu tuhtiinare ñoriro ñano yuhdurohca.

Tiro sehe to masa bajuerachu noa yuhduaboa. Ñano yuhdueraboa —nire Jesu.

²⁵ To ã nichuta tirore ñohtiro Juda õ sehe ni siniture:

—Buheriro, ¿mahure ñohtiro tjijari yuhu? —ni siniture tiro.

Jesu õ sehe ni yuhtire:

—Ëju. Muhuta jira —nire.

²⁶ Æ ni yahu tuhsu sã to buheina mehne churo taro nire. Æ yoa Jesu pãore na, Cohamacure “Noana”, nire. Æ ni tuhsu tíre nuha, sãre to buheinare witire.

—Ahrire na, chuga. Ahri yu pjacu jira —nire tiro.

²⁷ Æ ni tuhsu tiro sihniri wahware na, Cohamacure “Noana” ni, sãre ware.

—Musa jipihtina ahrire sihniga. ²⁸ Ahri yu di jira.

Payu masa tí ñaa yoari buhirire cohãcu tacu yariaihca. Æ yariacu yu dire cohãihca. Cohamacu “Musare yuhdoihtja”, to ni cũiro mu sachu yu ã yu yariaro mehne to niriro sohtori tiihca. ²⁹ Musare niita nija. Yu Pucu puhtoro to suho jiropu manopu musa mehne

wahma co vinore sihnihtja.

Mari ã sihnihto pano ahri co vinore sihni namosi yũhũ — nire Jesu sãre.

³⁰ ã jina Cohamacũre ño payo basana cũnore basa tuhsũna tũcũ Olivo wama tidũpũ sui sã.

Pedro Jesure to cohãhtore yahuha Jesu

(Mr 14.26-31; Lc 22.31-34; Jn 13.36-38)

³¹ Tópu sã sũchũ Jesu sehe sãre õ sehe ni yahure:

—Micha ñami yũhũre cohã wahcãnahca mũsa. Õ sehetã nina Cohamacũ to yare ti joari pũi yũhũre yahuro: “Ovejare ñũ wihboriro yoaro sehe jirirore yũhũ Cohamacũ cohãihtja. Yũ ã cohãchũ to yaina oveja yoaro sehe jiina duhti site wahcãa wahãahca”, nina Cohamacũ to yare ti joari pũi. ³² ã yoa Cohamacũ yũhũre to masori baharo mũsa pano Galileapũ wahayuihca yũhũ —nire tiro.

³³ To ã nichũ tũhorõ õ sehe nimare Pedro:

—Yũhũ mehne macaina jipihtina mũhũre ti cohã wahcãpachũta yũhũ sehe mũhũre ne cohãsi —nimare Pedro tire.

³⁴ Jesu õ sehe ni yũhtire:

—Potocã niita nija mũhũre. Micha ñami caraca to duhto pano “Yũhũ Jesure masieraja”, niihca mũhũ. Tia taha ã niihca mũhũ —nire tiro Pedre.

³⁵ To ã nipachũta Pedro õ sehe ni yũhtire:

—Mũhũ mehne yũhũre ti wajã duapachũta “Jesure masieraja”, ne nisi yũhũ —ni yũhtimare Pedro.

ã jina sã cãhũ paina to buheina Pedro to niriro sehetã nimai sã Jesure.

Getsemaní wama tiropũ Cohamacũre siniha Jesu

(Mr 14.32-42; Lc 22.39-46)

³⁶ ã yoa Getsemaní wama tiropũ Jesu sã to buheina mehne waha, tópu sũ, sãre õ sehe nire:

—Õi dujiyusiniga. Mũsa õi dujiro wato sohõ cureropũ Cohamacũre sinii wahai nija —nire tiro sãre.

³⁷ ã ni tuhsũ, Pedre, pũaro Zebedeo pohnare tina tiarore pji wahcãre. Pji wahcã tuhsũ, tiro tuaro cahya, ñano yajeripohna tiha. ³⁸ ã cahyaro tó mehne macainare to pji wahcãrinare õ sehe niha:

—Tuaro ñano yajeripohna tija yũhũ. Yũhũre tuaro purĩno sehetã tũhotui nija michapucacã yũ yariaboro sehetã. Sohõ curero wahasinii nija. Õi tjuasiniga. ã yoa yũ cãno potori catiga mũsa cũhũ —niha tiro tinare.

³⁹ ã ni tuhsũ mahãnocã waha namo, yahpai na tuhcuã caha sũ, Cohamacũre õ sehe niha:

—Mai, yũ ñano yũhdũhtire yoa duaeracũ yoai tja. Yũ ã nipachũta yũ cahmano sehe yoai tja. Mũhũ sehe masina. Mũ cahmano sehetã yoaga yũhũre —ni siniha tiro Cohamacũre.

⁴⁰ ã ni tuhsũ, tiaro to buheina cahapũ wihimahno, carĩinare boca wihaha tiro. ã boca wihiro Pedre õ sehe niha:

—¿Cũ hora waro yu cãno potori cati masierari mũhũ? ⁴¹Noano yoaga mũsa. Mũsa mu sũro quihũno yoa duamana mũsa. Wiho mejeta mũsa basi tíre bihoerara. Ā jina Cohamacũre siniga ñano mũsa yoerahto sehe —ni yahuha Jesu.

⁴²Ā ni yahu tuhsũ, pari turi waha, Cohamacũre õ sehe ni siniha:

—Mai, yu ñano yũhdũhtire yoa duacu yoaga yũhũre. Mũ cahmano seheta yoaga —ni siniha tiro.

⁴³Ā ni tuhsũ, to buheina tiaro buheina cahapũ pari turi wihiha tjoa. Ā wihiro carĩnareta boca wihiha tjoa. Wũjo caha yũhdũaha tina.

⁴⁴Ā jiro tinare cũnoca, pari turi waha, Cohamacũre siniha. Tó pano to niriro seheta niha tjoa. ⁴⁵Ā ni tuhsũ to buheina cahapũ wihi, tinare õ sehe niha:

—¿Carĩ, sosinina nijari mũsa? Tó purota carĩga mũsa —niha tiro.

Ā ni tuhsũ, õ sehe ni namoha Jesu:

—Tũhosiniga. Michapucacã yũhũ masũnore Cohamacũ warocarirore ñainare waahca yũhũre. ⁴⁶Wahcãga. Basa wahana. Ñũga. Yũhũre ñũ tuhtiinare ñohtiro õi tara —niha tiro.

Jesure ñũ tuhtiina tirore peresu yoaha

(Mr 14.43-50; Lc 22.47-53; Jn 18.2-11)

⁴⁷To ã nino watoi sã mehne macariro cjiro Juda sehe wihire. Tiro mehne masa

payũ wihire. Tina sacerdotea pũhtoa, judio masa bũcũna cũhũ ti warocarina jire. Ñosaa pjĩnine, yucũ siri cũhũre cjuare. ⁴⁸Wahmanore Jesure ñũ tuhtiinare ñohtiro masare õ sehe ni yahu quihũ tuhsũha:

—Yu wahsupu wihmirirota jirohca mũsa ñahahtiro. Tirore yu wihmiri baharo ñahaga tirore —niha Juda tinare.

⁴⁹To ã ni tuhsũri baharo wihiro, Jesu cahapũ dói waha bahrañore.

—Buheriro, ¿jimajari mũhũ? —ni tirore wahsupu wihmire.

⁵⁰To ã wihmichũ Jesu õ sehe nire:

—Coyeiro, ¿michapucacã mũ yoa duarire yoaga? —nire tiro.

To ã ni tuhsũchũ tina Jesure ñahare.

⁵¹Ti ã yoachũ ñũno Jesu mehne macariro to ñosari pjĩne tũãwe na, sacerdotea bui pũhtoro cahamacũnore to cahmonore dũte pahrẽnocare.

⁵²To ã yoachũ ñũno Jesu tirore õ sehe ni yahure:

—Mũ ñosari pjĩne wihboga. Painare mũ ñosachũ ti ñosa cahmachũ yariaihca mũhũ.

⁵³Yu Pũcũre yũhũre yu yoadoho dutichũ tiro sehe payũ anjoare doce curuarire yu cahai warocaboa tiro.

¿Tíre masierajari mũhũ? ⁵⁴Ā yoadohoboriro to jipachũta tirore yũhũre yoadoho dutisi yũhũ. Yu ã dutierachũ Cohamacũ yare ti joari pũ to niriro seheta ã waharohca —nire tiro.

⁵⁵ Ā ni tuhsu masare õ sehe ni yahure tiro:

—¿Dohse jiro baro musa ñosaa pjĩni mehne, yucu tiri mehne yacarirore ti yoariro seheta musa yahure ñahana tajari? Dachoripe Cohamacu wuhapu musare yu buhe dujichu, musa yahure ne ñahaerare. ⁵⁶ Ā jipachuta ahri jipihtia ã waharo cahmana Cohamacu yare yahu mahtaina cjiri ti ni joariro seheta —nire Jesu.

Tirore ti ã ñahachu ñuna sã to buheina tirore cohã meroa wahcãa wahai sã.

Judio masa puhto Jesure sinituha

(Mr 14.53-65; Lc 22.54-55, 63-71; Jn 18.12-14, 19-24)

⁵⁷ Ā yoa tirore ñaharina cjiri sacerdotea bui puhtoro Caifa wama tirore ya wuhapu na sãha tirore. Tí wuhuihta marine judio masare buheina, bucuna cãhu cahmachuha. ⁵⁸ Tõpu Jesure ti naachu Pedro yoaropu tinare ñu nunu tiha. Ā nunu tiro Caifa ya wuhure ducatarari sahrĩnore su, tí sahrĩno puhichapu sãa wahaha. Sãa su, tí wuhure cohtaina surara mehne dujiha. Jesure ti dohse yoachu ñuno taro niha.

⁵⁹ Ā jia sacerdotea puhto, mari coyey judio masa bucuna, paina puhto mehne Jesure wajã duti duaa, tiro to quihõno yoer-arire ti yahusãhtire wacũ macamaha. ⁶⁰ Wiho mejeta tĩre bocaeraha. To quihõno yoerari mariapachuta, payu masa tirore ti cahmano yahusãmacanocaha. Ā jia

puaro ti baharo macaina tirore ⁶¹ õ sehe ni yahusãha tjoa:

—Ahriro õ sehe nire: “Cohamacu wuhure cohã masija. Ā cohãcu tia numu wahaboroi tí wuhure pari turi yoaihtja”, to nichu tuhohi sã —ni yahusãmacanocaha Jesure.

⁶² Ti ã niri baharo sacerdotea bui puhtoro wahcãrucu su, Jesure õ sehe ni sinituha:

—¿Ahrina mahure ti yahusãpachuta tinare yuhti cahmaerajari mahu? ¿Mahure ti yahusãrĩre dohse ni yuhti cahmajari mahu? —niha puhtoro.

⁶³ To ã nichu tuhobarota Jesu ãta tuhohotunocaha. To ã yuhtierachu ñuno sacerdotea bui puhtoro pari turi sinituha tjoa:

—Cohamacu catiriro wama mehne potocã niga mahu. Mu ã nierachu tiro mahure buhiri dahrerohca. Yahuga sãre. ¿Cristo Cohamacu macunota jijari mahu? —ni sinituha tjoa.

⁶⁴ To ã nichuputa Jesu õ sehe ni yuhtiha:

—Tirota jija. Musare potocã yahuita nija. Baharo yuhu masano Cohamacu warocariro yu Pucu jipihtina bui tuariro cahapu to poto buhusehepu yu dujichu ñunahca musa. Ā yoa mano macaa me bui yu tachu cãhure ñunahca musa —ni yuhtiha Jesu.

⁶⁵ To ã nichu tuhoro sacerdotea bui puhtoro, to basi to sãari suhtirore tuhrenocaha painare “Sua

yuhduara”, ni ñu masi dutiro. Ñ tũhrēnocahno ò sehe niha:

—Cohamacure pjíro ñano durucuro nina ahriro. Ñ jina to ñano durucure tũho tuhsuja mari. Ñ jia tó peinata yahusãjaro ahriroro. Òihta to ñano durucuchũ tũhoja mari. ⁶⁶ ¿Dohse yoanahcari mari mipũre ahriroro? —ni sinituha tiro paina pũhtoare.

—To ñari buhiri wajãnocano cahmana tirore —ni yũhtiha tina.

⁶⁷ Ti ã niri baharo to wũhdũare chahcho puti sihõ mũja, tirore cjãpe, ðota mũjaha tina. ⁶⁸ Tirore cjãpe tuhsũ, ò sehe nipeha tirore:

—¿Diro sehe mũhũre cjãjari? Cristo jicũ ñũerapãihta yahuga sãre —ni cjãpe ðota mũjaha tina.

“Tirore masieraja”, niha Pedro Jesure

(Mr 14.66-72; Lc 22.56-62; Jn 18.15-18, 25-27)

⁶⁹ Ñ yoa tí wũhũ cahai jiri wapai noari wapai Pedro sehe dujiha. To ã dujichũ ñũno sacerdotia bui pũhtoro cahamacono tiro cahapũ sũro, ò sehe niha:

—Mũhũ cãhũ Jesu Galilea macariro mehne jire —niha ticoro.

⁷⁰ To ã nichũ tũhororo, Pedro ò sehe niha:

—¿Dohse nimacanocaco nijari mũhũ? Mũ niriroro ne masieraja yũhũ —niha Pedro ticororo jipihtina ti tũhorocaroi.

⁷¹ To ã niri baharo tí wapa macari sahrĩno sopaca cahapũ wahaha Pedro. Tói

to jichũ pacoro cahamacono tirore ñũno, tói jĩinare ò sehe niha:

—Jesu Nazare macariro mehne jire ahriro cãhũ —niha ticoro Pedroro tjoa.

⁷² To ã nichũ tũhororo Pedro ò sehe ni yũhtiha:

—Cohamacũ mehne potocã nii nija. Tiro mũ niriroro ne masieraja yũhũ —ni yũhtiha Pedro.

⁷³ Ñ yoa mahanocã baharota tói ducuína Pedro cahapũ waha, tirore ò sehe niha tjoa:

—Potocã tjira. Jesu yaina mehne macariro jira mũhũ cãhũ. Tina yoaro sehetã durucura mũhũ —niha tina Pedroro.

⁷⁴ Ti ã nichũ Pedro ò sehe ni yũhtiha:

—Potocã Cohamacũ mehne nii nija mũsare. Yũhũ potocã yũ nierachũ Cohamacũ yũhũre buhiri dahrejaro. Tirore mũsa niriroro ne masieraja yũhũ —ni yũhtiha tiro tinare.

To ã nichũta caraca duha. ⁷⁵ To duchũ tũhororo Jesu tirore to nirire wacũha. “Caraca to duhto pãno ‘Jesure masieraja’, niĩhca mũhũ. Tia taha ã niĩhca mũhũ”, Jesu to niri cjirire wacũha Pedro. Ñ wacũno, tí sahrĩno sopacare wijaa, tuaro tiha.

27

Pilato cahapũ Jesure naaha

(Mr 15.1; Lc 23.1-2; Jn 18.28-32)

¹ Ñ yoa bohrearopũ sacerdotia pũhtoã, mari judio

masa bꝛꝛꝛna cāhꝛ Jesure ti wajā dutihtore cahma sahꝛduha. ²Ti ā yoari baharo tirore dꝛhte, Pilato cahapꝛ naa, tirore waha Pilatore. Pilato sehe tí yahpa macaina pꝛhtoro jire.

Juda Iscariote yariaa wahaha

³ Ā yoa Jesure ti wajā dutichꝛ ñꝛno Juda sehe Jesure ñoriro tirore to ñori cjiire tuaro wacū cahyaha. Ā cahyaro treinta tꝛi to ñahari niñeru tꝛire wiaro waharo, sacerdotea pꝛhtoa cahapꝛ, bꝛꝛꝛna cahapꝛ sꝛ, ò sehe niha:

⁴ —Jesu mꝛsare yꝛ ñoriro ñaa marieriro to jipachꝛta tina wajā dutire tirore. Ā jicꝛ mꝛsare tirore ñocꝛ ñano yoai nihti yꝛhꝛ —ni yahuha Juda tinare.

To ā ni yahuri baharo tina ò sehe ni yꝛhtiha:

—Āta yoawahnojaro. Sāre yaba cjihti jierara tí mꝛ ā nia. Mꝛhꝛ dihta ā ni tꝛhotura tíre —ni yꝛhtiha tina tirore.

⁵ Ti ā ni yꝛhtiri baharo Cohamacꝛ ya wꝛhꝛi Juda to niñeru tꝛire doca site cūnocaha. Doca site cūnoca, wahaa wahaha. Waha, yuta dare dꝛhte yo, to basi wamꝛai tju suha, puroca yoja sꝛ, yariaa wahaha jꝛna.

⁶ Ā jia sacerdotea pꝛhtoa niñeru tꝛire naa, ò sehe niha:

—Ahri niñerure Cohamacꝛ wꝛhꝛ macari caropꝛ niñeru wihbori caropꝛ mari cū masieraja. Ahri niñeru mehmeta masꝛnore wajā dutire. Ā jia mari dutia

marine tó sehe jia niñerure wihbo dutierara —niha tina ti basi.

⁷ Ti ā niri baharo “Ò sehe yoajihna”, ti ni sahꝛduri baharo dihi biatorire yoariro ya yahpare nuchꝛha. Tí tꝛi mehne nuchꝛha. Pa sehe macaina ti wihi ti yariachꝛ ti yahti yahpa cjihtore tí yahpare nuchꝛha. ⁸ Ā jia tí yahpare “Di yahpa” wamoare masa. Mipꝛ cūhꝛe āta wama tira. ⁹ Ahri jipihtia ā wahari jire Jeremía cjiro panopꝛ “Ā waharohca”, to ni joariro seheta. Tiro Cohamacꝛ yare yahu mꝛhtariro cjiro jiha. Ò sehe ni joaa tiha tiro: “Treinta niñeru tꝛire plata tꝛire ‘Tó purota wapanahca tirore sã ñahahtore’, niahca Israe masa. ¹⁰ Ā jia tí tꝛi mehne dihi biatorire yoariro ya yahpare nuchꝛahca tina. Ò seheta yꝛhꝛe yoa dutire Cohamacꝛ”, ni joaa tiha Jeremía panopꝛ.

Pilato Jesure sinituha

(Mr 15.2-5; Lc 23.3-5; Jn 18.33-38)

¹¹ Ā yoa Pilatore ti wari baharo tiro sehe Jesure ò sehe ni sinituha:

—¿Potocāta judio masa ti pꝛhtorota jijari mꝛhꝛ? —ni sinituha Jesure.

—Mꝛ nino seheta tiro tjija —ni yꝛhtiha Jesu.

¹² Ā ni yꝛhtiparota, sacerdotea pꝛhtoa, bꝛꝛꝛna cūhꝛ ti yahusāchꝛ yꝛhtieraha tiro. ¹³ To ā yꝛhtierachꝛ ñꝛno Pilato ò sehe ni sinituha:

—¿Ahri jipihtia m̄h̄are ti yahus̄aire t̄hoerajari m̄h̄u? —ni sinituha tiro Jesure.

¹⁴To ā ni sinitupach̄uta Jesu ne c̄u d̄usero ȳh̄tieraha. To ā ȳh̄tierach̄u ñ̄no Pilato c̄uaa wahaha.

Jesure wajã dutiha

(Mr 15.6-20; Lc 23.13-25; Jn 18.38-19.16)

¹⁵C̄uhmaripe pascuaripe masa yairo c̄jih̄tore c̄airo peresup̄u jirirore Pilato ā wiobasa m̄ujaa tiha. Masa ti wio dutirirore wiobasa m̄ujaa tiha. ¹⁶Ti pjare Barrabá wama tiriro peresup̄u jiha. Tirore masia tiha paȳu masa. ¹⁷Ā yoa ti ā cahmachuch̄u Pilato sehe õ sehe ni sinituha tinare:

—¿Diro sehere m̄usare wiobasabocari ȳh̄u? ¿O Barrabá sehere o Jesure Cristo ti nirirore wiobasabocari ȳh̄u? —ni sinituha tiro.

¹⁸Jesure masa ti cah̄ich̄u ñ̄na judio masa mari p̄h̄toa tirore ñ̄u tuhtia. Ā ñ̄u tuhtia tirore waha Pilatore. Ā jiro masa ti cah̄iri buhiri judio masa mari p̄h̄toa ti ñ̄u tuhtirire masino Pilato Jesure wio duamaha.

¹⁹Ā yoa Pilato masare soro sehe yoainare to beseri pahtai to dujich̄u to namono tirore quitu warocaha: “Micha ñ̄amine Jesure cah̄ãco, tuaro ñ̄ano ȳh̄d̄ahi. Ā jic̄u tirore ñ̄aa marierirore ne jiape yoai tjiga m̄h̄u”, ni yahurocaha to namono Pilatore.

²⁰Ā jia wahmanop̄ure sacerdotea p̄h̄toa, b̄uc̄na

c̄uh̄u masare õ sehe ni duti tuhs̄uha. “Barrabá sehere wio duti, Jesu sehere wajã dutiga”, ni dutiha masare.

²¹Ā yoa Pilato masare õ sehe ni sinituha:

—¿Ahrina p̄uarore diro sehere m̄usare wiobasabocari ȳh̄u? —ni sinituha.

—Barrabá sehere wiobasaga s̄are —ni ȳh̄tiha.

²²—¿Ahiro Jesu Cristo ti niriro sehere dohse yoaih̄cari ȳh̄u m̄usa ā ni sañurucuch̄u? —ni sinituha tiro.

—Crusap̄u c̄jã puha wajãga tirore —ni ȳh̄tiha masa jipih̄tina.

²³—¿Yaba barore ñ̄aare yoari ahiro m̄usa ā nich̄u? —ni sinitu namoha tiro. To ā nich̄u t̄hoa tina tuaro mehne sañurucuha:

—Crusap̄u c̄jã puha wajãga tirore —ni sañurucuha masa tirore.

²⁴Ti ā ni sañurucuch̄u t̄horo, tirore ti t̄ho duaerach̄u ñ̄no “Masa sua, cahmacheboca” nino, ȳh̄tirota õ sehe yoaha Pilato. Masa ti ñ̄urocaroi tiro wamo cosaha. Ā wamo cosaro õ sehe niha:

—Ahriroro ñ̄aa marierirore wajãri buhiri ya buhiri jierara. M̄usa ya buhiri jira —nino wamo cosaha.

²⁵To ā nich̄u t̄hoa jipihtina masa õ sehe niha:

—Ahriroro wajãri buhiri sã, sã pohna c̄uh̄u sã ya buhiri jijaro —niha masa.

²⁶Ti ā nich̄u t̄horo Pilato Barrabáre peresup̄u jirirore wio dutiha masa ti cahmarirore. Ā yoa tuhs̄u Jesu sehere yuta dari mehne tjana

duti, tirore crusapũ wajaã dutiro wiaha surarare.

²⁷ To ã wiachũ Pilato ya wũhũpũ to surara Jesure na suha. ã yoaã tina surara jipihtina Jesu cahapũ cahmachuha. ²⁸ ã cahmachua to suhtire tjuwe na, pũhtoro ya suhtiro sehe bajuri suhtirore tirore sãaha. ²⁹ ã sãa tuhsũ, pota sorore yoa tuhsũ, to dapu bui duhu payoha. ã duhu payo tuhsũ, wũjũcũre poto bũhũsehe sehe dahra suhaha. Dahra suha tuhsũ, na tuhcuã caha sũ, bũjũpeha tirore:

—Noano tagã. Judio masa pũhtoro noano tagã —ni bũjũpeha tirore.

³⁰ ã niata tirore chahcho puti sihõ mũja, ti dahra suhadũ cjirore tirore tuãwe na, to dapure cjãha tu mehneta. ³¹ Ti ã bũjũperi baharo ti sãari suhtirore tjuwe na, to ya suhti sehere sãaha tjoa. Sãa tuhsũ, crusapũ wajaã taa tirore na wijaaha.

Tina Jesure crusapũ cjã puha, wajaãha

(Mr 15.21-32; Lc 23.26-43; Jn 19.17-27)

³² Tirore na wahcã, Simo wama tirirore Cirene macarirore piti boca, tirore Jesu to wũari crusare wũã wahcã dutire.

³³ Wũã wahcã, Gólgota wama tiropũ sure. Gólgota nino, “Dapu cohã”, nino nina. ³⁴ Tuhsũ, vinore suẽã co ñimaca macãã co mehne ti morea core Jesure wamare tina. Tí core sihni ñũ, sihnierare tiro.

³⁵ ã yoa to suhtire ti tjuwe nari baharo tirore crusapũ cjã puhare tina. ã cjã puha tuhsũã, to sãa suhti cjirore ti basi cahma witia taa, “¿Noa yaro jirohcari õ?” ni masia taa, docapea poca mehne docape mũjaha tina. [ã yoaã Cohamacũ yare yahu mũhtariro cjiro to ni joariro seheta yoaã nire tina. Õ sehe ni joaa tiha tiro: “Yũ suhtire ti basi naa taa, ‘¿Noa yaro jirohcari õ?’ ni, docapea poca mehne docape mũjaha tina”, ni joaa tiha panopũ.]

³⁶ Docape tuhsũ tirore ñũ dujirucure tina. ³⁷ ã yoa Jesure “¿Yaba buhiri mehne yariabocari tiro?” ti ni masihtõ sehe, õ sehe ni ti joa õri pjĩne crusapũ duhu õha tina. “Ahiro Jesu judio masa bui pũhtoro jirore jira”, ni joa õre tina tí pjĩpũ. ³⁸ Baharo pũaro yaca bũcũna cũhũre Jesu cahai paye crusari pjĩnipũ cjã puha dapore tina. Cũiro to poto bũhũsehei, paio to cõ bũhũsehei cjã puha dapore tina. ³⁹ Crusari cahai yũhdũ wahcãina Jesure ñũ, ti dapu pocare yureroca, tirore ñano durucure:

⁴⁰ —¿Cohamacũ wũhũre cohã, tia dacho wahaboroi pari turi tí wũhũre dahrehtiro jijari mũhũ? Cohamacũ macũno jicũ mũã basi dujia taga. ã yoa mũã basi yoadohoga. ã jii yũhdũ witiĩhca mũhũ —nire masa.

⁴¹ ãta ni bũjũpere tirore. Sacerdotea pũhtoa cũhũ, marine judio masare buheina

cũhu bũcũna cũhu tirore ã ni bũjũpere:

⁴²—Tiro painare yũhdoriro jiparota to basi yũhdo masierara. “Israe masa pũhtoro jija”, nimana tiro. Æ jina to basi to duji tachũ ñũna tirore wacũ tuanahca. ⁴³Tiro sehe Cohamacũre wacũ tuamana. Tuhsũ, “Cohamacũ macũno jija”, nimana tiro. To ã jiriro jichũ Cohamacũ sehe tirore yoadohojaro —ni bũjũpere tina.

⁴⁴Yaca bũcũna tiro cahai ti cã puharina cjiri cũhu tó seheta tirore bũjũpe, ñano ni durucure tina cũhu.

Jesu yariaa wahaha

(Mr 15.33-41; Lc 23.44-49; Jn 19.28-30)

⁴⁵ Æ yoa cohari pja jichũ tia hora waro jipihtiropũ nahitiano jire. ⁴⁶ To nahitia duhuchũ waro Jesu tuaro sañurucure:

—Elí, Elí ¿lama sabactani? —nire tiro. Æ nino õ sehe nino nire: “Yũ Cohamacũ, yũ Cohamacũ, ¿dohseacu yũhũre cohãri mahũ?” nino nire.

⁴⁷ To ã nichũ tuhoa cãina tói ducuina õ sehe nimare:

—Cohamacũ yare yahu mũhtariro Elia cjiroro pjirocaro niboca —nimare tina.

⁴⁸ Ti ã ni tuhsũchũ cũiro tina mehne macariro wihmi nari sahtepũ vino sũẽa core soha tuhsũ, na mũroca, yucũcu sohtoai dũhte õ, Jesure wihmi dutimare. ⁴⁹ To ã yoachũ ñũna paina wihmi dutirirore õ sehe nimare:

—Depũsinia. Elia wihi, ahrirore to na borochũ ñũsinijihna mari —nimare paina.

⁵⁰ Ti ã niri baharo pari turi sañurucu, Jesu sehe yariaa wahare. ⁵¹ To ã yariachũta Cohamacũ wũhu macari suhtiro, ti dũcatari suhtiro dacho macai bui sehe tũhnũ bora ta, tũhnũroca yoja sũa wahaha. Tuhsũ, yahpa cũhu ñũhmire. To ã ñũhmichũ tãa bũjũa poca wahtia wahare. ⁵² Æ yoa masa coparire pjõochũ, payũ Cohamacũ yaina cjiri panopũ yariarina cjiri masa wijaaha.

⁵³ Masa wijaa, Jesu sehe to masa wijaari baharo tí coparire cohãnoca, noari macapũ Jerusalẽpũ wahare tina. Tópũ ti wahachũ payũ masa ñũna tiha tinare.

⁵⁴ Æ jia yahpa to ñũhmichũ ñũna, payũ paye ti ã wahachũ ñũna surara pũhtoro to surara mehne cũaa wahare. Tina Jesure crusapũ jirirore cohtaina jire. Cũaa waha, õ sehe nire:

—Potocã tjiri jimana. Ahriro Cohamacũ macũnota jiri jimana —nire tina.

⁵⁵ Æ yoa Galileapũ Jesu mehne tari numia cjiri tirore yoadohori numia cjiri yoaropũ tirore crusapũ jirirore ñũrocarucua nire.

⁵⁶ Tí numia mehne María Magdalena jire. Pacoro María wama tiricoro cũhu jire. Ticoro sehe Santiago, José cũhu pocoro jire. Pacoro Zebedeo namono jire.

Jesu pjacũre masa copapũ cũha José

(Mr 15.42-47; Lc 23.50-56; Jn 19.38-42)

57 Æ yoa ñamichahapũ José Arimatea macariro pache puro tói sua tiha. Tiro Jesu buheriro jire. 58 Æ yoa Pilato cahapũ sũ, Jesu pjacũre siniha. To ã sinichũ tũhoro Jesu pjacũre tirore wa dutiha Pilato. 59 To ã dutiri baharo José sehe Jesu pjacũre na boro, noari suhtiro wetemarieni suhtiro mehne to pjacũre wahmaha. 60 Wahma tuhsũ, José to ya masa copapũ siõ payoha to pjacũre. Tí copa ti tãcai sahari copa wahma copa jire. Tí copapũ yo sãa duhu payo tuhsũ, pjiria tãcare tju turẽ wahcãha tia mehne biharo taro. Biha tuhsũ, wahaa wahaha. 61 Æ jia María Magdalena, pacoro María mehne tí copare ñũ dujirucuha.

Jesure ti cũri copare surara cohtaha

62 Æ yoa pa dachoi, Pascua cjihtore ti cahnorĩ dacho baharo, sabado jichũ sacerdotea pũhtoa fariseo curua macaina cũhũ Pilato cahai cahmachuha. 63 Cahmachu tuhsũ õ sehe niha tina Pilatore:

—Pũhtoro, tiro mahñoriro Jesu catisinino õ sehe niha tiro: “Tia dacho wahaboroi masa wijaaĩhca yũhũ”, niha tiro. 64 To ã niriro jichũ to buheina sehe to pjacũre yacaboca. Æ yacaa masare õ sehe niboca: “Jesu masa wijaare”, niboca tina. Tiro Jesu sehe masare mahñono nire. Wiho mejeta to buheina sehe “Tiro masa wijaare” nia, mahñoina jiahca tina. Æ jiro Jesu to mahñoriro

yũhgoro ti ya mahñoa sehe ñaa yũhdũarohca. “Æ yacari” nicũ, tia dacho waro to masa copare mũ surarare cohta dutiga —niha tina Pilatore.

65 Pilato õ sehe ni yũhtiha:

—Jai. Yũ yaina surara cohtajaro. Æ yoa mũasa cũhũ mũasa bihoro puro tí copare noano cohtaga —niha tiro tinare.

66 To ã nichũ tina waha, tí copapũ bihari tãca mehnerũta ñahachũputa wihtã ñahaha masa ti sãachũ ñũ masia taa. Æ yoa tuhsũ, surarare tí copare cohta dutiha.

28

Jesu masa wijaaha

(Mr 16.1-8; Lc 24.1-12; Jn 20.1-10)

1 Æ yoa judio masa mari sori dacho sabado dacho sehe to yũhdũri baharo domingo jichũ ñami curero jichũ María Magdalena, pacoro María mehne Jesu masa copare ñũa wahaha.

2 Tí pjare dóihca yahpa tuaro ñuhmi bahrañoha. To ã ñuhmichũ mari pũhtoro to yairo anjo mũanopũ jiriro duji ta, masa copare bihari tãcare tju turẽroca, tia bui dujiha. 3 Tiro anjo orocasitero yoaro sehe noano si siteriro, to suhti yaja pjoa yoaro sehe noano yehsea suhti jiha. 4 To ã bajuachũ tí copare cohtaina surara cui yũhdũa, tetere, bui warohna yaria yũhdũa wahaha. 5 Æ yoa tuhsũ anjo sehe tí numiare õ sehe niha:

—Yuhure cuiena tjiga. Crusapu ti cja puhariro, Jesure masa macachu masija yuhu. ⁶ Wiho mejeta tiro sehe mipure ore mariahna. To niriro seheta tiro masa wijaa wahare. To pjacure ti duhu payoriro cjirore ñuna taga. ⁷ Æ ñu tuhsuna to buheina cahapu ño duaro waha, õ sehe ni yahuna wahaga: “Jesu masa wijaare. Æ jiro masa pano Galileapu tiro wahayurohca. Tõpu tirore ñunahca masa”, ni yahuna wahaga masa. Ahri yu nirire wacuga masa —niha anjo tí numiare.

⁸ To Æ niri baharo tí numia masa copapu jia numia soaro mehne wijaa, tirore cuipahta wahche yuhdu mehne Jesu buheinare yahua waha, mrocaha. ⁹ Æ waha numiare Jesu piti boca, õ sehe niha:

—¿Noano jimajari masa? — niha tiro.

To Æ niri baharo, tina sehe tiro cahapu su, to dahporire ñaha, tirore ño payoha.

¹⁰ —Cuiena tjiga masa. Yu buheinare “Galileapu wahaga”, ni yahuna wahaga. Tõpu yuhure ñunahca tina — niha Jesu tinare.

Masa copare cohtaina surara ti ñurire yahuha

¹¹ To Æ niri baharo tí numia ti waharo watoí cáina masa copare cohtaina mehne macaina surara, Jerusalõpu sacerdotia puhtoare yahu pahña wahaha. Jesu to masa copapu wijaarire yahu pahñonocaha. ¹² Ti Æ ni

yahuchu sacerdotia puhto, judio masa mari bucana mehne cahmachuha. Cahmachu, sãhduha. Æ jia surarare mahño dutia payu niñerure wapaha.

¹³ —Õ sehe niga masa masare: “Ñami sã carño watoí to buheina sehe masa copapu wihi, to pjacure nanocari jire”, ni yahuga masare. ¹⁴ Masa Æ ni yahuchu Pilato sehe masa carí yuhduarire tuhrocaboca. To Æ tuhochu, “Masare tuhtiri”, nina masare yahubasanahca sã tirore —niha tina surarare.

¹⁵ Ti Æ niri baharo surara sehe niñerure ñaha, tinare ti mahño dutiriro seheta masare yahua wahaha tina. Æ jia tó sehe Jesu to masa copare wijaarire yahurucura judio masa. Mipu cãhure Æta ni yahura tina.

Jesu buhe dutiro to cõrinare dutiha

(Mr 16.14-18; Lc 24.36-49; Jn 20.19-23)

¹⁶ Æ yoa sã Jesu buheina once buheina tucapu Galileai jidupu Jesu to waha dutidupu wahaí sã. ¹⁷ Tõpu su, Jesure ñuna, ño payoi tirore. Æ ño payoína jipanahta, sã cáina “Ahriro Cohamacu macano jieraboca”, ni tuhutumai. ¹⁸ Sã Æ ño payochu tiro sehe sã cahapu wihi, õ sehe nire:

—Ahri yahpãre, mano cãhure Cohamacu jipihtinare dutiriro waro jichu yoare yuhure. ¹⁹ To Æ yoachu õ sehe dutija masare: Jipihtiro macainare yu yare buhena

wahaga. Y_u yaina ti wahahto
sehe buhena wahaga. ã
yoana y_u P_uc_u to wama
mehne, y_u wama mehne,
Espíritu Santo to wama
mehne tinare bautisaga. ²⁰ ã
jina m_usare y_u dutirire ti
yoa pahñohti cjihtire buhega
tinare m_usa. ã yoana ahrire
y_u nihtire wacũga: Jipihtia
dachoripe ahri yahpa to
jiro puro m_usa mehne ã
jirucuihca. M_usa mehne y_u
ã jirucuhore wacũga m_usa
—ni yahure sãre Jesu.

San Marcos

*João masare bautisariro
buhe dɛcaja*

*(Mt 3.1-12; Lc 3.1-9, 15-17;
Jn 1.19-28)*

¹ Ahri tjui Jesucristo Cohamacu macano to yoare noaa buheare yahu dɛcaja.

² Cohamacu yare yahu mahtariro cjiro Isaia to joariro seheta ahri yahua jira. Ō sehe ni joaha tiro:

“Cohamacu to macanore ō sehe niha:

‘Mu pano mɛhure yahuyuhitirore warocai nija.

³ Ā jiro tiro masa marienopu waharohca.

Tirote tahoinare yahuro sañurucurohca: “Mari puhtoro to tahto pano mɛsa ñaa tuhoutuare cohtota, cahno mahtaga mɛsa”, ni sañurucurohca’, niha Cohamacu”,

ni joaa tiha Isaia cjiro João cjihtore.

⁴ João masare bautisariro masa marienopu masare buhea tiha:

—“Sã noaina jija”, ni mɛsa tuhutumari cjirire duhu, mɛsa ñaa buhirire cahya, Cohamacu sehere cahmaga mɛsa. Ā jina bautisarina jiga. Mɛsa ã yoachu ñɛno Cohamacu mɛsa ñaa buhirire borohca —ni buhea tiha tiro.

⁵ Ā yoa jipihtina Judea yahpa macari macaina, Jerusalē macaina mehne tiro cahapu ti sɛchu ñɛno João sehe Jordão wama tiri mapu

bautisaha tinare. Tinare to bautisahto pano tina sehe ti ñaa yoarire yahu yɛhdɛha Cohamacure.

⁶ Tiro João sehe camello pjoari suhtirore sãariro wahiquiro cahsaroreta tɛã dihoriro jiha. Poreroare, macaroca macaina miquina mi cɛhure chɛa tiha. ⁷ Ā yoa ō sehe ni buhea tiha:

—Yu baharo yɛ yɛhdoro tuariro tarohca. Noa yɛhdɛariro jira tiro. Tiro yoaro sehe jieraja yɛhu sehe.

Ā jicu tirote tuhoutuca, “Wiho jiro jija yɛhu”, ni tuhoutuja

yɛhu. ⁸ Mɛsare bautisacu co mehne yoamahi. Tiro sehe yɛ yɛhdoro yoarohca. Espiritu Santore mɛsa mehne jirucuchɛ yoarohca —ni buhea tiha João.

João Jesure bautisaha

(Mt 3.13-17; Lc 3.21-22)

⁹ Ā yoa tí pjare Jesu Nazarepu Galilea yahpai jiri macapu jiro Jordão wama tiri mapu sɛha. Tópu to sɛchu João bautisaha tirote.

¹⁰ To ã bautisa tuhsɛchu Jesu diapu ducuriro sɛgɛcu sɛro mɛano to parī mɛaa wahachu ñɛha tiro. To parī mɛachɛta Espiritu Santo buja yoaro sehe Jesu bui duji pja sɛha.

¹¹ To ã duji pja sɛchu mɛanopu durucuro coa taha:

—Mɛhu yɛ macu yɛ cahĩriro jira. Mɛhu mehne tuaro wahcheja —nino coa taha mɛanopu.

*Satana ñaare yoa dutimaha
Jesure*

(Mt 4.1-11; Lc 4.1-13)

12 Tí pjare Jesure masa marienopu Espíritu Santo naaha. 13 Tópuere suro cuarenta dachori waro jiha. Watíno sehe Jesu to ñaare yoachu ñu duaro, ñaare yoa dutimaha tirore. Tuhsu, Jesu wahiquina nucu macaina mehne jiha. Tói to jichu ñua anjoa sehe tirore yoadohoa, chware waha.

Jesu Galilea yahpai buhe ducaha

(Mt 4.12-17; Lc 4.14-15)

14 Ñ yoa Joãore peresupu ti biha dapori baharo Jesu sehe Galilea yahpau noaa buheare puhtoro Cohamacu to sũho jiare yahuro wahaha. 15 Õ sehe ni yahuha:

—Mipure õ sehe jira. Puhtoro Cohamacu musare to noano sũho jitho mahanocã duhsara. Ñ jina “Sã noaina jija”, musa ni tuhutumari cjirire duhuga. Musa ñaa buhirire cahya, Cohamacu sehere cahmaga. Ahri noa buheare “Quihõnota jira”, ni tuhoga musa —ni buhea tiha Jesu tinare.

Jesu pititiarore wahi wajãinare “Yuhu mehne macaina cjihti taga”, niha

(Mt 4.18-22; Lc 5.1-11)

16 Tíre yahu tuhsu, Galilea wama tiri bucupariro duhtu cahapu sito wahcãmahno ñuha Simore, to bahuro Andre mehne. Tina wahi wajãina jiha. Ñ jia ti wañuyucurire bucupariropu doca ñoa niha. 17 Ñ yoa Jesu tinare õ sehe niha:

—Yuhu mehne macaina cjihti taga musa. Yuhu mehne musa tachu musa wahire ñaha cahmachuina musa jiro seheta, Cohamacu yaina cjihtire masare pji cahmachuina cjihtire musare wahachu yoaihtja. Yuhu mehne musa tachu ã yoahtina cjihtire cũihtja musare —niha Jesu tinare.

18 To ã nichu tuhoa ti wañuyucurire cùnocaa, tiro mehne wahaa wahaha.

19 Ñ yoa tina mahanocã yuhdu wahcã, Santiagore, to bahuro João mehne boca sũha tjoa. Tina sehe Zebedeo pohna jiha. Ti yaria dohoriapu wañuyucurire cahnoa niha. 20 Ñ yoa tiro to pjirocachu tina sehe ti pucurore, tiro mehne dahra cohtaina mehne dohoriapu cùnocaa, Jesu mehne wahaa wahaha.

Watia ti cohtotariro Jesure piti bocaha

(Lc 4.31-37)

21 Ñ yoa tina Capernau wama tiri macapu sũha. Tópu suro Sabado jichu judio masa sã buheri wuhupu buhero sãaha tiro. 22 Sã judio masare buheina yoaro sehe jieraha tiro. Noano masi pahñoriro ji, noano waro buheha. To ã buhechu tí maca macaina tuho cuaa wahaha. 23 Tí pjare cũiro tí wuhui jiro watia ti cohtotariro jiha. Tói jiro õ sehe niha Jesure:

24 —Muhu Jesu Nazare macariro cariboi tjiga sãre. ¿Dohse yoai tai nijari sãre? ¿Muhu sãre butichu yoai tai

nijari? Cohamacu macuno buhiri tia marieriro mu jichu masija yahu —ni sañurucuha tiro Jesure.

²⁵ To ã nichu tũhoro Jesu tuhtiha watĩare:

—Dihta mariahga. Wi-
jaahga tirore —niha Jesu.

²⁶ Æ jia watĩa tirore yah-
papu doca caha su tunuchu
yoha, to tuaro sañurucuro wa-
toihta wijaaha tirore. ²⁷ Æ jia
jipihtina tí wũhũ dujiina ñu
cuha yũhdũa wahaha.

—Cue, ¿wahma buhea jijari
ahri? Tiro pũhoro yoaro
seheta dutira watĩare. To
dutichu tina watĩa sehe
yũhdũũcaerara tirore —ni
durucuha tí wũhũ dujiina ti
basi.

²⁸ Æ jia mahaa dachoricã
baharoihta dóihta jipihtina
Galilea yahpa macaina tíre to
yoarire tũho sahsea wahaha.

*Jesu Simo Pedro mare-
chonore noaricoro wahachu
yoha*

(Mt 8.14-15; Lc 4.38-39)

²⁹ Æ yoha Jesu cũhu judio
masa mari buheri wũhũpũ
jiina wijaaha. Ti ã wijaari
baharo Jesu, Santiago, João,
paina tina mehne macaina
cũhũre Simo to bahũro Andre
mehne ti ya wũhũpũ sũho
sãa sũha. ³⁰ Tí pjare Simo
marechono juaro mehne
to dohatichu cama bui to
coãchu yahuha Jesure. ³¹ Ti
ã yahuchu tũhoro tiro sehe
ticoro cahapũ sũro, to wamo-
macare ñaha, ticorore waja
wahcõ dapoha. To ã waja
wahcõ dapochũta ticorore
juaro surua wahaha. To ã

sururi baharo ticorota tinare
chũare payoha.

*Jesu payu dohatiinare
noaina wahachu yoha*

(Mt 8.16-17; Lc 4.40-41)

³² Æ yoha sũ sãari baharo
nahi borachũpũ masa payu
dohatiinare, watĩa ti cohto-
tarinare Jesu cahapũ na sũha.

³³ Æ jia jipihtina tí maca
macaina cahmachurũcu sũha
tí wũhũ sopacai. ³⁴ Æ jiro Jesu
payu dohatiinare, payu soro
jia dohatia cũainare noaina
wahachu yoha. Watĩa
cũhũre, masare sãamarinare
payu cohã wioha. Æ jiro
watĩa Jesure ti masichu ñũno
Jesu sehe tinare durucu
dutieraha.

Jesu buhe tinino wahaha

(Lc 4.42-44)

³⁵ Æ yoha ñami curerocã
wahcã, nahitia curechũta
masa marienopũ Co-
hamacũre sinino wahaha
Jesu. ³⁶ To ã wahari baharo
Simo cũhũ tirore macaa
wahaha. ³⁷ Tina tirore boca
su, õ sehe niha:

—Masa jipihtina mũhũre
macaa nihre —niha tina.

³⁸ Ti ã nichu tũhoro õ sehe
niha Jesu tinare:

—Tinare buhe tuhsũhi.
Pa sehepũ õ cahacã macaa
macaripũ wahajihna mari.
Ahri yahpa macainare yahu
site pahũoi tahi. Æ jicu yũhu
paye macari macaina cũhũre
buheihtja —niha Jesu.

³⁹ Æ ni tuhsũ, jipihtia
Galileai jia macaripũ judio
masa mari buhea wũhũsepũ
buhero, watĩare masare
sãamarinare cohã wioha.

Jesu cami barirore noariro wahach_u yoaha

(Mt 8.1-4; Lc 5.12-16)

40 Ñ yoa paio dohatiriro cami bariro Jesure piti bo-caro, na tuhcuca caha s_u õ sehe ni siniha:

—M_uh_u y_uh_ure noariro wahach_u yoa duac_u yoaga — niha cami bariro.

41 To ã nich_u tuhoro Jesu tirore pja ñ_uha. Ñ jiro to wamomacare siðroca, tirore ña payoha. Ñ ña payoro õ sehe niha:

—Tíre yoa duaja. Noariro jiga m_uh_u —ni yahuha Jesu.

42 To ã nich_uta dohatiriro to cami bari cjiri yati m_uaa wahaha. Noariro wahaha tiro. 43 To ã wahach_u ñ_uno Jesu tirore tuaro mehne õ sehe ni yahuha:

44 —Painare ahrire yahuec_u tjiga. Ñ yahuerapaihta m_u pjac_ure sacerdotere ñoga. Cohamac_u dutia Moise cjirore to cūriro seheta yoaga. Ñ yoac_u minichahcare waga sacerdotere noariro m_u waharire m_u ñohti cjihtire —niha Jesu. Ñ ni tuhs_u “Wahaga”, niha tirore.

45 To ã yahu dutiera-pach_uta tiro waha, jipihtia macari macainare Jesu to yoarire yahuha. To ã yahuri baharo Jesu masa pay_u ti jirop_ure waha masieraha. Ñ jiro tiro mahainacã ti jirop_u jiha. Tóp_u to jich_u pay_u macari macaina tiro cahap_u s_uha.

2

Jesu pjac_u buharirore ducuch_u yoaha

(Mt 9.1-8; Lc 5.17-26)

1 Mahaa dachori baharo Jesu Capernaup_u tjuaa wahaha. W_uh_ui to jich_u masa tuhoha. 2 Ñ jia tói masa pay_u cahmachu tí w_uh_ure wahpata wijaa s_ur_ucaha. Ñ jiro Jesu tinare noaa buheare yahuha. 3 To ã yahuro wato, pititiaro m_uaa jipihtiri pjac_u buharirore na wihiha. 4 Ti masa pay_u jich_u ñ_uaa Jesu cahap_u sãa masieraha. Ñ jia tina w_uh_u buip_u Jesu bui waroi mahanocã muji pahmare nawe, pjac_u buharirore to coãri cahsaro mehne duhu boroha Jesu cahai. “Jesu ahrirore to dohatiare y_uhd_uch_u yoarohca”, ni tuhoutuha tina. 5 Ti ã ni tuhoutuha masino Jesu sehe dohatirirore õ sehe ni yahuha:

—Mac_u, m_u ñaa yoari buhiri tiare cohã tuhs_uja — niha Jesu pjac_u buharirore.

6 To ã nich_u tuhoha sã coyee judio masare buheina tópare dujiina ti basi õ sehe ni tuhutumaha: 7 “Ahriro ã ni durucuro tjijaro. Cohamac_ure ñano durucuro nina tiro. Tiro masano mari yoaro seheta jirore jira tiro cūh_u. Ñ jiro to ñaa yoari buhiri tiare cohã masierara. Cohamac_u dihta masa ti ñaa yoari buhiri tiare cohã masina”, ni tuhutumaha tina. 8 Ti ã ni tuhoutuha ñ_uno Jesu ti tuhoutuare masino õ sehe niha:

—¿Dohse yoana m̄sa ã ni t̄hotujari? ⁹ “M̄ ñaa yoari buhiri tiare cohã tuhs̄ja”, ȳ nich̄ “Mahñoriro jira”, ȳh̄re nina m̄sa masier-apanaha. “Wahc̄r̄ca, wahaga”, ȳ nich̄ to tinich̄ ñ̄na ȳ niri potocã jia jich̄ d̄ihta masinahca m̄sa.

¹⁰ Ȳh̄ mas̄no Cohamac̄ warocariro ahri yahpap̄re masa ti ñaa yoari buhiri tiare cohã masija ȳh̄. Ahrire m̄sa masihto sehe õ seheta to wahach̄ yoaihtja —niha Jesu judio masare buheinare.

Tinare ã ninota pjac̄ buharirore õ sehe niha:

¹¹ —M̄h̄re niita nija. Wahc̄r̄caga. M̄ coãri cahsarore na wahc̄ga m̄ ya w̄h̄p̄ —niha Jesu tirore.

¹² To ã nich̄ta pjac̄ buhariro cjiro wahc̄r̄cu s̄ to coãri cahsarore na, jipihtina ti ñ̄rocaroi wijaa wahaha. To ã yoach̄ ñ̄na tina jipihtina ñ̄ cuã wahaha. “Cohamac̄ tuariro jira” ni, “Ne, mari õ sehe yoare ñ̄era tih̄”, niha tina ti basi.

Jesu Levíre Mateo ti ni pisurirore “Ȳh̄ mehne macariro cjihto taga”, niha (Mt 9.9-13; Lc 5.27-32)

¹³ ã yoa pari turi Jesu buc̄pariro d̄ht̄ cahap̄ wahaha tjoa. T̄p̄ s̄ro masa paȳ tiro cahai ti cahmachuch̄ ñ̄no tiro buheha tinare. ¹⁴ ã yoa tuhs̄ t̄p̄ jiro wahamahno Levíre Alfeo mac̄nore to dahrari tahtiap̄ boca s̄ha. Paina mehne p̄h̄toa ya cjihtire wapa na cohtaina jia Leví

c̄h̄. Tirore boca s̄ro õ sehe niha:

—Ȳh̄ mehne macariro cjihto taga m̄h̄ —niha Jesu Levíre.

To ã nich̄ta Leví sehe wahc̄ s̄r̄ca, Jesu mehne wahaa wahaha.

¹⁵ ã yoa baharo Jesu sehe to buheina mehne Leví ya w̄h̄p̄ ch̄ro niha. Jesu mehne wahaina sehe paȳ jiha. Cãina p̄h̄toa ya cjihtire wapa na cohtaina, ã jich̄ paina masa “Ñaa dihtare yoara”, ti niina mehne paȳ mesa cahai duji, tina c̄h̄ tiro mehne c̄noi s̄ho ch̄a niha. ¹⁶ T̄p̄ ti dujiri baharo paina sã coyera judio masare buheina, fariseo masa ya curua macaina mehne Jesu to ch̄ dujich̄ ñ̄ha tina. ã ñ̄a õ sehe ni sinituha:

—¿Dohsearo ñ̄ano yoaina, p̄h̄toa ya cjihtire wapa na cohtaina mehne ch̄jari Jesu? —ni sinituha judio masare buheina Jesu buheinare.

¹⁷ Tí ã nich̄ t̄horo piti dahre buhea mehne õ sehe ni ȳhtiha Jesu:

—Dohatieraina duhturure macaerara. Dohatiina dihta duhturure macana. Ñ̄ano yoaina dohatiina yoaro sehe jira. ã jic̄ ñ̄ano yoainare yahui tai nihi ȳh̄. Tí basi “Noaina jija sã”, ni t̄hotuinare yahui tai nierahi ȳh̄ —niha tiro tinare.

Ch̄ duhuare Jesure sinituha paina

(Mt 9.14-17; Lc 5.33-39)

¹⁸ Tí pjare João buheina, fariseo curua macaina c̄h̄ Cohamac̄re ño payoa taa,

chüera tiha. ã jia masa Jesure õ sehe ni sinituha:

—João buheina, fariseo buheina cūhū Cohamacūre ño payoa taa chüerara. ¿Dohse yoa mū buheina sehe chū duhuerajari? —niha tina Jesure.

¹⁹ Jesu to tūhotua mehne quitī dahre buhero tinare õ sehe ni yūhtiha:

—Õ sehe jira tí: Wamomaca dūhteriro bose nūmūi to jichū tiro mehne macaina cahyaro mehne jierara. Tuhsū, chüeraina jierara. Tó seheta yū buheina cūhū yūhū mehne jia, chū duhu masierara. ²⁰ Yū Pūcū Cohamacū yūhūre to naari baharo pinihtare yū buheina mehne jisi yūhū. ã jia tí pjarūta yū buheina cūhū chū duhuahca —niha Jesu.

²¹ Panopū macaa buhea wahma buhea mehne ti buhe more duachū ñūno õ sehe ni namoha Jesu tinare piti dahre buhero:

—Ne, wahma cahsaro suhtiro cahsaro mehne mūnāno suhtirore sere õno cahmaerara. Mari ã yoachū wahma cahsaro mari cosari baharo mūnāno suhtirore waja cahmachū, pjibiario tūhnūchū yoara. ²² ã yoa ne se co bisia core wahiquiro cahsaro wajuru mehne mūna wajuru mehne posaeraro cahmana. Mari ã yoachū se co bisia pahmoapū mūna wajurure tūhrēnocahna. To tūhnūchū se co cūhū, wajuru cūhū cohōa wahara. ã yoa se co wahma core wahma wajurupū posaro cahmana.

Mari ã yoachū se co cohōera, wajuru cūhū cohōerara. (Tó seheta wahma buhea mūna buhea mehne buhe moreraro cahmana) —ni buheha Jesu tinare.

Sabado jichū Jesu buheina trigo parorire pahaha

(Mt 12.1-8; Lc 6.1-5)

²³ Pa dacho Sabado jichū Jesu cūhū trigo wesepū wahaha. To buheina sehe trigo parorire paha yūhdū wahcāha. ²⁴ Ti ã yoachū ñūa õ sehe ni tuhtiha fariseo curua macaina Jesure:

—Tūhosiniga sāre. ¿Dohse yoa tina Sabado mari sori nūmū to jipachūta dahrajari? Marine dutiare yūhdūrcāa nina —niha tina Jesure.

²⁵⁻²⁶ Ti ã nichū tūhoro Jesu tinare yūhtiha. “Yū buheina yūhdūrcāa nierara”, nino taro õ sehe niha:

—Davi cjiro tiro mehne macaina mehne jūca baaro, Cohamacū wūhūpū sāa, Cohamacū ya pāore chūha. ã chūro tiro mehne macaina cūhūre tí pāore waha. Tí pāore sacerdotēa dihtare chū dutira. Cohamacū dutia ti joari tjuī painare tí pāore chū dutierara. Tí pjare Abiata wama tiro sacerdotēa pūhtoro jiha. ¿Davi cūhū tíre ti yoari cjirire Cohamacū yare ti joari tjuī buherari mūsa? (Tí pāore chūro Cohamacūre yūhdūrcāro nieraha. Michare ahri yaparire chūa yū buheina cūhū Cohamacūre yūhdūrcāa nierara) —niha Jesu tinare.

²⁷ ã ni tuhsū õ sehe ni namoha:

—Ã yoa Cohamacu Sabado dachore ti sori namu cūno masa ya dacho cjihto cūno nire dahra wahyarinare so dutiro. Tí dachore ño payohtina cjihtire cūno nierare masare Cohamacu. ²⁸ Ã jicu yuhu masuno Cohamacu warocarire ahri dacho Sabado dachore masa ti yoahtere yahurirota jicu puhtorota jija —niha Jesu tinare.

3

Wamomaca buhariro quitijira

(Mt 12.9-14; Lc 6.6-11)

¹ Ã yoa Jesu sã judio masa buheri wuhuru suro sãaha tjoa. Tí wuhui cãiro wamomaca buhariro dujiha. ² Sabado jichu Jesu wamomaca buharirore to noariro yoachu ñu duaha cãina tí wuhui dujiina. To ã yoachu ñua tirore yahusã duamaha. “Mari sori namui Jesu dahraro nina”, ni yahusã duamaha tina. Ã jia Jesu to sãa tachu ñua, tirore yahusã duaina sehe tiro dihtare ñuroca õha. ³ Tirore ti ã ñuroca õpachuta Jesu sehe wamomaca buharirore õ sehe niha:

—Wahcã surucaga jipihina ti ñurocaroi —niha.

⁴ Ã ni tuhsu tí wuhui dujinare õ sehe ni yahuha:

—¿Sabado jichu noaare yoachu noaerajari? ¿O ñaare yoachu sehere noajari, musa tuhochu? Sabado jichu masunore masochu noa nina. Masunore wajachu sehere noerara —ni yahuha Jesu tinare.

To ã nipachuta tina yuhtieraha. ⁵ Ti ã yuhtierachu ñuno Jesu tina mehne suaha. Ti tuho duaerachu ñuno Jesu cahyaha.

—Mu wamomacare siõrocaga —niha tiro wamomaca buharirore.

To ã nichu tuho tiro to wamomacare siõrocaha. To ã yoachuta noari wamomaca wahaha. ⁶ To ã noari wamomaca wahachu ñua, fariseo curua macaina wijaa wahaha. Wijaa, Herode mehne macaina mehne cahmachu, “¿Dohse yoa Jesure wajãnahcari mari?” niha tina ti basi.

Masa payu bucupariro duhtu cahapu jiha

⁷⁻⁸ Ã yoa pari turi Jesu to buheina mehne bucupariro cahapu wahaha tjoa. Ti ã wahachu ñua Galilea macaina masa payu to baharo suha. Ã jia Judea yahpa macaina, Jerusalẽ macaina, Idumea yahpa macaina, Jordão wama tiri ma sie coa macaina, Tiro wama tiri maca macaina, tó cahai jiina, Sidõ wama tiri maca macaina, tó cahai jiina mehne masa payu jipihina to yoarire tuhoa, tiro cahapu suha. ⁹⁻¹⁰ Tõpu sua, payu masa jiha. Payu dohatiinare noaina to yoachu tuhoa, paina dohatiina cūhu Jesure piha dua, tju bihsarucu suha. Ti ã tju bihsarucu suchu ñuno, Jesu busocare cahnopohobasa dutiha to buheinare. ¹¹ Ã yoa paina wafia ti cohtotarina sehe

Jesure ñha tiro cahai na tuhcuca caha s̄ha.

—M̄h̄h̄ Cohamac̄h̄ mac̄h̄no jira —ni sañurucuha tina tirore.

¹² Ti ã sañurucuch̄h̄ tuhoro tinare Cohamac̄h̄ mac̄h̄no to jiare tuaro mehne ni dutieraha Jesu.

Jesu to buheinare doce to warocahtinare bese dapoha
(Mt 10.1-4; Lc 6.12-16)

¹³ ã yoa Jesu t̄c̄up̄h̄ m̄ja, to cahmainare pjirocaha. To pjirocach̄h̄ tuh̄o, tiro cahap̄h̄ m̄ja s̄ha tina. ¹⁴ Ti m̄ja s̄ri baharo doce m̄are tiro mehne macaina cjihtire, paye macarip̄h̄re to yare buhe duti to warocahtinare, bese dapoha Jesu. ¹⁵ ã yoaro dohatiinare ti ȳh̄dohti cjihtire, wat̄iare ti coh̄a wiohti cjihti c̄h̄h̄re c̄ha tinare. ¹⁶⁻¹⁹ Ahrinare doce m̄are Jesu bese dapoha: Simo, Santiago Zebedeo mac̄h̄no, João to bah̄ro, Andre, Felipe, Bartolomé, Mateo, Toma, Santiago Alfeo mac̄h̄no, Tadeo, Simo cananista ya curua macariro cjiro, Juda Iscariote, tina jiha to bese daporina. Jesu Simore Pedro ni wama pisuha. Santiagore, João mehne Boanerges ni wama pisuha. Boanerges “W̄h̄po yoaro sehe jiina tuaro bisiina jira”, nino nina. Juda Iscariote Jesure ñh̄ tuhtiinare ñohtiro jiha. Tinare bese dapo tuhs̄h̄, dujiaa, Jesu to buheina mehne w̄h̄h̄p̄h̄ s̄a wahaha.

“Jesu wat̄ino tuaare cj̄h̄ara”, ni yahus̄aha masa

(Mt 12.22-32; Lc 11.14-23; 12.10)

²⁰ ã yoa t̄oi pari turi masa paȳh̄ cahmachua bihsa niha. Ti ã bihsach̄h̄ ñh̄no Jesu ch̄h̄ masieraha. Tuhs̄h̄, to buheina c̄h̄h̄ ch̄h̄ masieraha. ²¹ ã jia paina Jesu coyea t̄ire tuh̄o, tiro cahap̄h̄ s̄h̄a, tirore ñahamaha.

—Tiro tuh̄o masierariro waharo nina —nimaha tina.

²² Paina ò sehe niha:

—Beelzebú tirore ã wahach̄h̄ yoaro nica. Tiro wat̄iare coh̄no Beelzebú wat̄ia puhtoro to tuua mehne tinare coh̄na —niha Jerusal̄ep̄h̄ tarina s̄a judio masare buheina.

²³ Ti ã nich̄h̄ tuh̄oro Jesu sehe tinare pjiroca, to tuh̄otua quiti mehne piti dahre yahuha tinare:

²⁴ —Wat̄ino ya tuua mehne wat̄iare coh̄ai nieraja. Wat̄ia ti basi coh̄a masierara. C̄h̄ yahpa macaina ti basi cahma waj̄aa, tí yahpa macaina yaria pihtia wahaboa. ²⁵ C̄h̄ w̄h̄h̄ macaina ti basi cahmachea tí w̄h̄h̄ macaina waha pihtia wahaboa. ²⁶ Tuhs̄h̄, Satana wat̄ia puhtoro sehe wat̄iare coh̄no ti basita cahmachea nibo. ã jia tina waha pihtia wahaboa.

²⁷ ’Ò sehet̄a jira mari piti dahre buhech̄h̄. Tuariro ya w̄h̄h̄p̄h̄ paio s̄a s̄h̄ yaca masierara. Tuariroro duhteraro to ya w̄h̄h̄p̄h̄ s̄a s̄h̄ yaca masierara. Tuariroro to duhteri baharo s̄a s̄h̄ yaca masina —ni yahuha Jesu.

(Õ sehe ni yahuha watĩnore to yũhdũrũcarire yahuro. Watĩno tuariro to jipachũta Jesu tirore yũhdũrũcara watĩare cohãno.)

28 Æ ni tuhsũ õ sehe ni yahu namoha Jesu:

—Potocã niita nija mũsare. Jipihtia ñaare masa ti yoachũ ti durucuchũ cũhũre Cohamacũ bo masina. 29 Æ boparota Espĩritu Santore ti ñano durucuchũ tí pinine ne bosĩ. Tĩ ã niri buhiri ã buhiri tirucuina jahca —niha Jesu tinare.

30 Jesu Espĩritu Santo to tuaa mehne watĩare to cohãpachũta “Tiro watĩno to tuaa mehne watĩare cohãno nina”, nimaha masa. Tĩ ã nichũ tũhoro tí quitire Espĩritu Santo quitire yahuha Jesu tinare.

Jesu coyea tirore pjiha
(Mt 12.46-50; Lc 8.19-21)

31 Æ yoa Jesu bahana to pocoro mehne wihia. Æ wihia sopacapũ jia, painare pji dutiha tirore. 32 Æ jia masa tiro cahapũ dujiina yahuha tirore:

—Mũ poco, mũ bahana mehne sopacapũ pjiã nina mũhũre —niha tina.

33 Tĩ ã nichũ tũhoro õ sehe niha Jesu tinare buhero taro:

—¿Noa jijari yũ poco, yũ bahana cũhũ, mũsa ñũchũ? — niha tiro tinare buhero taro.

34 Æ nino to cahai dujiinare ñũno õ sehe niha:

—Ahrina jira yũ poco yũ bahana yoaro sehe jiina. Cohamacũ cahmaare yoara ahrina. 35 Tó seheta yoaina yũ bahũ, yũ baho, yũ poco yoaro

seheta jira —ni buheha Jesu tinare.

4

Jesu wesere toari masũno quitire buheha

(Mt 13.1-9; Lc 8.4-8)

1 Æ yoa pari turi bũcũpariro dũhtũ cahapũ Jesu masare buhe dũcaha tjoa. Æ tóprũre buhe dũcaro masa payũ tiro cahapũ ti cahmachuchũ ñũno Jesu sehe dohoriapũ samu wijaa, pahsaha. Æ jia masa sehe bũcũpariro dũhtũ cahai ducua. 2 Æ jiro Jesu payũ to tũhotua mehne quitĩ dahre yahuha tinare buhero taro:

3 —Ahri quitire tũhoga mũsa —niha tiro tinare.

—Toari masũno toaro, to toaa yaparire doca site cũno wahara. 4 To ã doca site cũ wahcãchũ paye yapari mahai bora caha sũha. Æ bora caha sũare tí yaparire minichahca duji ta, chũnocaha. 5 Æ yoa paye yapari sehe tãa wapa bui dihta se mininocã bui bora caha sũha. Tãa wapa buicã dihta mariea cureroi bora caha sũ, dói dumaha.

6 Æ dói duri jipahta, nũhcori mariaa, sũ tó tuaro sichũ, ñaia wahaha. 7 Paye yapari sehe tja watoi bora caha sũha. Tja sehe dia yũhdũa waha, toaa sehẽre wajãnocaha. Æ jia tja watoi jiare dicha mariachũ yoaha. 8 Paye yapari sehe noari yahpai bora caha sũha. Noano du, noano dicha tiha. Paye yucũ treinta yapari, paye yucũ sesenta yapari, paye yucũ cien yapari

dicha tiha. ⁹ Ahrire tũho du-
aina noano tũhoga m̄sa —
niha Jesu.

*Jesu quti mehne to
buherire yahuha*

(Mt 13.10-17; Lc 8.9-10)

¹⁰ Ā yoa ti sahsero jia
doce to buheina, paina
Jesu mehne jiina cũhũ tí
quitire masi duaa, Jesure
sinitu ñũha. ¹¹ Ti ã sinitu
ñũri baharo Jesu õ sehe ni
yahuha:

—Cohamacũ masa bui
pũtoro masare to noano
sũho jiare, panopũ paina
ti masierari cjirire m̄sare
masichũ yoara Cohamacũ.
Paina sehere ã yoerara tiro.
Ā jicũ tinare quti mehne
dihta buheih̄tja. ¹² Ā jia
tina ñũpahta ñũeraina cjiri
yoaro sehe tjuara. Ā jia
tũhopahta tũho ñaha masisi.
Tina tũho ñahaina jia, ti ñaa
yoarire cahya, Cohamacũre
macaboa. Ti ã macachũ ñũno,
tiro sehe ti ñaa yoari buhirire
bonocaboa. Ā jipachũta tina
sehe ne tũho duaerara —niha
Jesu.

*Jesu wesere toari masũno
quitire yahu pahũoha*

(Mt 13.18-23; Lc 8.11-15)

¹³ To ã niri baharo õ sehe ni
yahu namoha tinare:

—¿Ahri quitire tũhoerasinjariyoerara. Dicha maria yucũ
m̄sa? ¿M̄sa ahri quitire
tũhoerana, dohse paye
quitire tũhonahcari m̄sa? —
niha Jesu tinare.

Ā ni tuhsũ tiro õ sehe ni
yahuha tinare:

¹⁴ —Toari masũno toaro,
to doca site cũa yapari noaa

buhea yoaro sehe jira. ¹⁵ Ā
yoa mahai boraã yapari
noaa buhea yoaro sehe
jira. Cãina noaa buheare ti
tũhochũ ñũno Satana sehe
ta, tí buhea noaa buheare
ti tũho ñahamarire bochũ
yoara tinare, minichahca
tí yaparire ti chũro seheta
yoaro. ¹⁶ Ā yoa tãa wapa
bui dihta se mininocã bui
boraã yapari noaa buhea
yoaro sehe jira. Ā jia paina
noaa buheare tũho, wahchea
mehne dóih̄ta tíre tũho nũnũ
wahcãna. ¹⁷ Ā tũho nũnũ
wahcãpahta tãa wapa buicã
jia yucũ nũhcori mariea yucũ
yoaro sehe ahрина masa
cũhũ yoari pja cãno pjaerara.
Ā cãno pjaeraa, yũ yare ti
cahmari buhiri paina tinare
ti ñano yoachũ, ñano yũhdũa,
yũ yare duhunocahna. Paina
tinare ti ñano yoachũ tíre cãno
pjaeraa, yũ yare duhunoc-
ahna. ¹⁸ Ā yoa tja watoi
boraã yapari noaa buhea
yoaro sehe jira. ¹⁹ Ā jia paina
sehe noaa buheare tũhoa,
ahri yahpa macaare wacũ
nũnũ yũhdũara. Niñerure
bujũa cahma, paye baro
cũhũre payũ cahma, tíre
goa pja yũhdũara tina. Ti
ã tũhtotuchũ tí sehe noaa
buheare dũcatara. Ti ã
dũcatachũ masa noaa sehere
yoaro seheta jira. ²⁰ Ā yoa
noari yahpai boraã yapari
noaa buhea yoaro sehe
jira. Ā jia paina sehe noaa
buheare tũhoa tíre cahmana.
Tíre masiina jia, Cohamacũ
to cahmano seheta noaare
yoara tina. Cãina mahanocã

noaare yoara treinta yapari dicha tiro seheta. Paina bui curero noaare yoara sesenta yapari dicha tiro seheta. Paina pjíro noaare yoara cien yapari dicha tiro seheta —ni yahuha Jesu tinare.

*Jesu sihãria quitire buheha
(Lc 8.16-18)*

²¹ Æ ni tuhsu õ sehe ni yahu namoha Jesu:

—Ne, sihãriare ti sihãri baharo tiare dihi biato docapu cüerara. Æ jia tiare coãri casario docapu cüerara. Mhanopu duhu payora noano buhria dutia. ²² Jipihti ti masierari cjirire baharo masa masiahca. Sihãria to buhriachu mari ñu masino seheta panopure ti masierari cjirire masiahca masa. ²³ Ahrire noano tuhoga musa. ²⁴ Mahanocã masi duana mahanocã masinahca. Pjíro masi duana pjíro masinahca. Æ jina musa tuhona noano tuho nanuga. ²⁵ Noano tuho nunuhiro noano masinohca. Tuho nunuerariro “Mahanocã tuhoja”, to nipachuta tí sehe butia waharohca —niha Jesu tinare.

Jesu trigore toariro quitire buheha

²⁶ Æ ni tuhsu õ sehe ni yahu namoha:

—Cohamacu masa bui puhtoro to suho jia trigore toariro yoaro sehe jira. ²⁷ Toa tuhsu bohrearo to toari duare ñuna tiro. “¿Dohse du wijaa ta bucajari tí?” ni ñu masierara toariro to basi. ²⁸ Tí toari ti basi dicha tira. Pari püca ji muhtana. Baharo pari paro wijaa bucara. ²⁹ Tí

parori buca tuhsu ñano pahara. Pahari pja jira. (To toaa ti bucarire to masieraro seheta Cohamacu yaina masa ti wahachu cahure yahu pahño masierara masa) —ni buheha Jesu.

Mostaza yapa quitire yahuha Jesu

(Mt 13.31-32; Lc 13.18-19)

³⁰ Æ ni tuhsu õ sehe ni buhe namoha Jesu piti dahre buhero:

—¿Ne Cohamacu masa bui puhtoro to suho jia yaba baro yoaro sehe jijari, musa tuhotechu? ¿Di quitu mehne tíre yahunahcari? ³¹ Mostaza yapacã yoaro sehe jira puhtoro Cohamacu to suho jia. Tí yapacã to toachu mahabiaro yapacã jira. ³² Æ jiparota tí yapacã noano dura. Æ jiro pjibiadu wahara. Æ jia tu dypari bujua dypari bucachu ñua minichahca peri tu dyparipu suhti suhara. (Pjibiadu to wahariro seheta mano macarirore mari puhtoro masiina mahainacã ti ji muhtapachuta baharopu tina payu wahaahca) —niha Jesu.

Quitu mehne to buherire yahuha Jesu

(Mt 13.34-35)

³³ Æ ni tuhsu, tí quitu ti niriro seheta payu quitire tuho ti cãno pjaro puro noaa buheare buheha tinare. ³⁴ Quitu marieno yahueraha tinare. Tuhsu, ti sahsero jinare Jesu noano yahu pahñoa to buheinare.

Jesu wihnonore yusū du-tiha

(Mt 8.23-27; Lc 8.22-25)

³⁵ Ā yoa tí dachoreta nahi borachupū Jesu to buheinare ō sehe niha:

—Basa, sie coapū pahājihna —niha tinare.

³⁶ To ā nichū tuhoa Jesu to jiriapū dohoriapū samu, masare yahpapū ducuinare tōihta cū, to buheina dihta Jesure na pahāa wahaha. Ā yoa paye buso mehne paina cūhū tinare piti ti pahāa wahaha. ³⁷ Ti ā pahāchū wihnono tuaro taha. Ā taro dohoriare pahcōri tuaro cjā sāaha. Mahanocā duhsamaha ti miniboro. ³⁸ To ā waharo watoi Jesu sehe dohoria oturopū suhti puti mehne to dapū ño tu tjiāhno carīno niha. Ā jia tina tirore wahcōha.

—Buheriro, mārī mini yariana tana nija. ¿Ā jica niera putiajari mūhū? —niha tina tirore.

³⁹ Ti ā nichūta Jesu sehe wahcā, wihnonore:

—Tó purota wā duhuga —niha. Ā ninota pahcōri cūhure:

—Yusua wahaga —niha bucūparirore.

To ā nichūta wihnono yūhdūa wahaha. Ā jia pahcōri cūhū yusū boraa wahaha.

⁴⁰ —¿Dohse ni cuimacanocana nijari mūsa? ¿Mūsa yūhure wacū tuaerasinijari? —niha Jesu.

⁴¹ To ā yoachū ñūa tina cūa yūhdūa wahaha.

—Cue, ¿dohse jiriro baro masano jijari ahriro? Ahri wihnono, pahcōri cūhū to dutichū yūhdūa caerara tirore —niha tina ti basi.

5

Watīa ti cohtotarirore noariro wahachū yoaha Jesu
(Mt 8.28-34; Lc 8.26-39)

¹⁻² Ā yoa tina sie coapū Gerasa macaina ya yahpapū pahā sūha. Pahā sū, Jesu sehe dohoriapū sāariro maja sūrucāha. To ā maja sūrucari baharocāta, watīa ti cohtotariro tāa copari, masa copari watoi jiriro wija ta, tiro cahapū taha. ³ Tiro watīa ti cohtotariro masa copari watoi jiriro jia tiha. Tirore ne cūiro coma da pjiri da mehne ñaha dūhte cūno bihoeraha. ⁴ Payū tahari masa tirore dahpori wūpōa sorori mehne comaa dari mehne dūhte timaha. To wamomacari cūhure dūhte timaha. Wiho mejeta tiro sehe comaa darire nuha, dahpori wūpōa sorori cūhure nuha site mūjaha. Ā jia tiro tuariro to jichū ñūa masa sehe tirore cjūaa bihoeraa tiha. ⁵ Ńamine, dachore tū yucūripū jia copari tāa copari watoi ā sañurucua tiha tiro. Ā yoa tāa mehne to basi to pjacūre cjāye mūjaa tiha tiro. ⁶ Ā yoa Jesu to maja sūrucachū yoaropū Jesure ñūroca, tiro cahapū mūroca ta, na tuhcuca caha sūha, tirore ño payoro taro.

⁷⁻⁸ —Watīa wijaahga tirore —niha Jesu.

To ã nichu tuhoro watia ti cohtotariro õ sehe ni sañurucuha:

—Jesu, Cohamacu Jipihtina Bui Jiriro macuno, çyabare yoai tai nijari mahu yahure? Cohamacu to ñurocaroi sinija yahu mahure. Yahure ñano yoai tjiga —ni sañurucuha watia ti cohtotariro Jesure.

9 —çYabariro wama tijari mahu? —niha Jesu tirore.

—Sã payu jija. ã jina “Payu watia”, wama tija. 10 Ahri dihtapu jiinare sare pa yahpau waha dutiecu tjiga —ni payu tahari siniha watia ti cohtotariro.

11 Tí pjare ti cahacãi tucã dahpotoi yesea nuina payu chã niha. 12 Tói ti cherucuchã ñã õ sehe ni siniha watia:

—Sina yesea cahapu warocaga sare ti pjacuripã sã sãahto sehe —ni siniha watia tirore.

13 Ti ã nichu tuhoro “Jai. Wahaga”, niha Jesu. To ã dutichã, watia masunopu jirina cjiri sehe wijaa, yesea pjacuripã sãaha. Tina yesea sehe payu waro jiha, dos mil. ã yoa tinare ti sãari baharo, yesea jipihtina bucpariro duhtu cahapu pari cunapu meroça buha, tí taropu bora ñoja, mini yaria pihtia wahaha.

14 Ti ã mini yariachã ñã yeseare ñu wihboina sehe meroça wahcã, pjiri macapu cãhure, daa macaricãpu cãhure tãre yahu sitea wahaha. Ti ã yahuchã tuhoa, masa sehe payu ti ã waharire ñã wahaha.

15 ã jia Jesu cahapu wihia, payu watia ti cohtotariro cjiro to suhti tãro, tuho masiro to dujichã ñã, cui niha. 16 Watia ti cohtotariro cjirore, yesea cãhure ti ã waharire ñãina sehe paina masa ti cahai wihinare noano yahu pahnoha. 17 Ti ã yahu pahnochã tuhoa, Jesure tuaro mehne pa sehepu waha dutiha.

18 ã yoa dohoriapu Jesu to samuchã ñãno, “Mahu mehne waha duaja” ni, tuaro sinimaha watia ti cohtotariro cjiro sehe Jesure. 19 To ã nichuta Jesu tirore õ sehe ni yahuha:

—Yahu mehne taecu tjiga. Mu ya wuhupu mu coyeyã cahapu yahu mu puhtoro mahure yã yoarire yahui wahaga. Mũhure yã pja ñurire yahuga tinare —niha tirore.

20 To ã nichu watia ti sãanoriro cjiro sehe Decapoli wama tiropu jia macuripã Jesu tirore to yoari cjirire yahu dũcaha. To ã ni yahuchã tuhoa jipihtina masa cãaa wahaha.

Jairo maconore yuhduchã yoa, cahã ñuricoro cãhure yuhduchã yoaha Jesu

(Mt 9.18-26; Lc 8.40-56)

21 ã yoa pari turi Jesu to majare pahã sũchã masa payu tiro cahapu bucpariro duhtu cahapu cahmachuha. 22 Ti ã cahmachuchã sã judio masa buheri wuhure ñu wihboriro Jairo wama tãro wihã, Jesure ñu, to dahpori

cahapu na tuhcuca caha suro,
 23 õ sehe niha:

—Yu macocã yariaro
 nihre. ã jicu ticorore mu
 wamomaca mehne ña payo,
 noaricoro yoai taga. Mu ã
 yoachu ticoro masanohca —
 niha tiro Jesure.

24 To ã nichu Jesu cahu
 sehe tiro mehne wahaha.
 Mahai to wahachu payu masa
 tirore nahu ti wahcã bihsaro
 surucu sãha tirore. 25 To ã
 bihsaro wahachu numino
 doce cãhari waro da-
 choripe cahã ñurucuricoro
 tõi jiha. Tõ pano payu
 duhturu ticorore ñano
 yuhduchu yoaha. 26 ã yoa
 duhturuare jipihtia to niñeru
 mehne wapamaha ticoro
 co tiro. Ti ã yoapachata
 ticoro mananota jirucuha. ã
 jiro ticoro tõi pano to jiro
 yuhdoro ñano wahaha. 27 To
 ã ñano yuhduricoro to jichu
 masia Jesu to yoarire tãhoa
 paina tãre yahuha ticorore.
 ã ti yahuchu tãhorõ ticoro
 Jesu baharo masa payu wato
 wihi, Jesu suhtirore ñaha
 ñaha. 28 “Yuhu to suhtiro
 dihtare ñaha ñuco noaricoro
 wahacohca”, ni tãhotuha.
 29 ã jiro ticoro to ñaha ñuri ba-
 haro to cahã ñhare duhuro to
 pjacure noari pjacu tãhotuha.
 30 ã jiro Jesu to tuua mehne
 dohatiare to cohãrire masino,
 masa wato majare ñaha.

—¿Noa yu suhtirore ñaha
 ñuri? —niha tiro.

31 To ã nichu tãhoa to
 buheina õ sehe niha:

—Bihsa nina. ã jia masa
 payu mähare pihanocahna.
 “¿Noa yuhare ñaha ñuri?”

nicu, ¿dohseacu ã nijari mahu?
 —niha tina sehe tirore.

32 ã jiro Jesu tirore ñaha
 ñuricorore macaha. 33 To ã
 macano wato ticoro sehe
 to pjacu noano wahachu
 tãhoturo cui, teterẽ na
 tuhcuca caha sãha to panõ
 tirore ño payoro. 34 ã jiro
 ticoro poto yahu pahõoha
 tirore. To ã ni yahuri
 baharo Jesu ticorore õ sehe
 ni yahuha:

—Maco, yuhare mu wacũ
 tuua mehne noaricoro tjuara
 mipare. Wahchea mehne wa-
 haga. Dohatia marienico
 jiga —niha Jesu ticorore.

35 To ã ni durucuro wa-
 toi judio masare buheri
 wuhare ñu wihboriro ya
 wahu macaina yahua wihiha:

—Mu maco yariaa wa-
 hahre. ã jicu buherirore pji
 tai tjiga —niha tina.

36 Ti ã nipachata ã
 tãhotunocahno, Jesu ñu wi-
 hborirore õ sehe ni yahuha:

—Cahya tãhotui tjiga.
 Yuhare wacũ tuaga. Tõ
 dihtare yoaga —niha ñu
 wihborirore.

37 ã ni tuhsu Santiago,
 to baharo João, Pedro tina
 dihtare “Yuhu mehne taga”,
 niha Jesu. 38 ã pji wahcãno
 sã judio masa buheri wuhare
 ñu wihboriro ya wuhuru
 sãha tina. Tõ wuhuru masa
 payu ñano bisi, ñahacaha tiia ti
 sañurucuhu ñaha Jesu.

39 —Ñano ni, ñahacaha ti-
 iena tjiga masa. Mahari-
 corocã masa ã ni tiichu yari-
 aerara. Carĩno nina —niha
 Jesu tinare.

40 To ã nichu tuhoa “Ã nimacanocano nina ahriro”, ni bujaha tina sehe tire. Ti ã yoachu tiro tinare sopacaru wio pahñonocaha. Æ wio tuhsuro maharicorocã pucsumare, tiro mehne macaina cũhure ticorocã caharu naaha Jesu.

41 Æ naa tuhsuro Jesu ticorocãre to wamomacare ñaha:

—Talita cumi —niha tiro. (“Talita cumi” nino, “‘Maharicorocã wahcãga’, nija yuhũ”, nino nina.)

42 To ã nichuta ticorocã wahcãrucũ sũ, tiniha. Doce cahmari cmaricoro jiha ticoro. Ticorore to ã yoachu ñua tina cãa yũhdũa wahaha.

43 Ti ã yoachu ñano, Jesu tuaro mehne tĩre to yoarire yahu site dutieraha. Æ yoa tuhsũ ticorore chũa wa dutiha.

6

Nazare macaina Jesure cahmaeraha

(Mt 13.53-58; Lc 4.16-30)

1 Æ yoa tũpũ jiro waha, Jesu to buheina mehne to ya dihtaru tju sũha. 2 Æ tju sũro Sabado jichũ sã judio masa buheri wũhũi buhe dũcaha Jesu. To ã buhechũ masa payũ tire tuhoa, cãaa wahaha.

—Cue, ¿ahriro nohopũ tuhoari ahri buheare? ¿Dohsearo noano masi pahñonocajari ahriro? Cohamacũ tuua mehne yoa ñona tiro to basi. 3 Ahriro taboa dahrari masũno María macũno, Santiago, José, Juda, Simo ti wahmino jimanaro.

Æ yoa to bahana numia mari ya macai jisininanabũ. Æ jiro tiro mari yoaro sehe jiro tjira —niha tina Jesure tuhomarina.

Æ jia Jesure ñũ tuhtia, tire cahmaeraha. 4 Ti ã cahmaerachũ ñũno õ sehe niha Jesu:

—Cohamacũ yare yahu mãhtarire paina ño payora. Ti ã ño payopachuta to ya maca macaina, to coyea, to ya wũhũi jiina ño payoerara tire. Æ jina yũhũre ño payoerara mũsa õi yũbũcũariro jichũ —niha Jesu tinare.

5 Æ jiro tí macai jiro Jesu Cohamacũ tuua mehne yoa ño masieraha. Æ yoaeraparota cãina dohatiina bui to wamomacare duhu payo, noaina wahachũ yoaha tiro.

6 Æ jiro tó macaina Jesure ti quihũno tuhoerachũ ñũno cãaa wahaha tiro. Æ jiro Jesu tó cahai jia macaripũ buhero wahaha.

Jesu doce buheinare buhe dutiro warocaha

(Mt 10.5-15; Lc 9.1-6)

7 Æ yoa Jesu doce to buheinare pjiroca, pũaro dihta warocaha tinare macaripũre buhe dutiro. Æ jiro to tuaare waha tinare waĩare ti cohã wiohto sehe.

8 Æ warocaro pãore, wajure, niñerure tiro naa dutieraha tinare. Ti tjuayucũ dihtare naa dutiha. 9 Æ ni tuhsũ, dahpori tũ cãa cahsarire sãa dutiha tinare. Cũnota suhtire sãa dutiha tinare. Pũaro sãa dutieraha. 10 Æ jiro õ sehe ni yahuha tinare:

—Jipihtia macaripɛ mɛsare ti carĩno wachɛ tı wɛhɛihta tjuasiniga. Coã wahanapɛ wijaahga tı wɛhɛre. 11 ã jina pa maca macaina mɛsare ti cahmaerachɛ, ti tɛho duaerachɛ tı macare yɛhdɛana dahpori macaa dihta pohcari mene wajã site cũga mɛsa tinare ti ya buhirire masichɛ yoana —ni yahuha Jesu tinare.

12 ã jia tina doce buheina masare ti ñaa tɛhotumari cjirire tɛhotu cohtota duti, Cohamacɛre maca duti, buhea wahaha. 13 ã wahaa payɛ watĩare cohã wio, dohatiinare se mehne wisõa, noaina wahachɛ yoaha.

João masare bautisarirore paina wajãha
(Mt 14.1-12; Lc 9.7-9)

14 ã yoa Jesure masa payɛ masiha. ã jiro to yoarire pɛhtoro Herode tɛhorocaha. ã tɛhorocarõ õ sehe ni tɛhotumaha tiro paina mehne:

—João masare bautisariro yariariro cjiro pari turi bajuaro nica. ã bajuariro jiro to tuaa mehne tıre yoaro nica —ni durucumaha Herode paina mehne. (“Jesu Joãota jira”, ni tɛhotumaha.) 15 Paina sehe õ sehe ni tɛhotumaha:

—Elia jira —ni tɛhotumaha.

Paina sehe:

—Cohamacɛ yare yahu mɛhtariro panopɛ macaina cjiri yoaro sehe jira tiro —ni tɛhotumaha Jesure.

16 Ti ã ni tɛhotupachɛta Herode sehe Jesu to yoarire tɛhorõ õ sehe ni tɛhotumaha:

—João dapure yɛ cjã ta duti tiro cjiro bajuaro nica —ni tɛhotumaha.

17-18 Joãore ti wajãhto pano Herode tirore ñaha duti, peresu yoa dutiha. Tõ pano Herode to baharo Felipe namonore Herodiare namo tiha.

—Mɛ bahɛ namonore namo ticɛ Cohamacɛ dutiare yɛhdɛrɛcaĩ nica mɛhɛ —ni yahumaha João Herodere.

To ã niri buhiri to namono Herodia Joãore peresu ti yoachɛ cahmaha. 19 ã

jiro ticoro sehe Joãore ñɛ tuhtiro, tirore wajã duti duamaha. ã yoa dua-

parota ticoro tirore wajã duti masieraha. 20 Herode Joãore cuiro, “João noare

yoariro, ñaa buhiri marieriro jira”, ni tɛhotuha. ã jiro Herodere cariboro yoaha

João sehe tirore yahuro. ã to caribopachɛta tiro wahchea mehne tɛhomaha Joãore.

21 To ã wahchea mehne tɛhopachɛta Herodia tirore to wajã dutihtı dacho mɛ

saha. Tı pjare Herode to masa bajuari dacho jichɛ tiro bõse nɛmɛ dahreha.

ã jia to gobierno macaina, to surara pɛhtoa, Galilea macaina pɛhtoa cɛhɛ to ya bõse nɛmɛre ñɛa wihıha.

22 Ti ã wihiri baharo Herodia macono bõse nɛmɛ ñɛno wihıro ti ñɛrocarõĩ basa ñoha.

To ã basa ñochɛ ñɛa Herode to pjirocaina mehne wahcheha.

ã jiro õ sehe niha Herode ticorore:

—M_u cahmaare siniga y_uhure. Ā jic_u waihtja m_uhure m_u cahmaare. ²³ Cohamac_u mehne potocã nii nija m_uhure. M_u sinino puro y_u yare dacho macai waihtja m_uhure —niha tiro ticorore.

²⁴ To ã nich_u t_uhoro ticoro Herodia macono sehe to pocoro cahap_u waha, õ sehe ni sinituha:

—¿Yabare sinicohcari y_uh_u? —ni sinituha ticoro to pocorore.

—João masare bautisariro dapure siniga —niha to pocoro.

²⁵ To ã nich_uta ticoro Herodia macono ño duaro mehne p_uhtoro Herode cahap_u waha, siniha:

—João masare bautisariro dapure waparo mehne waga y_uhure —niha ticoro.

²⁶ To ã nich_u t_uhoro p_uhtoro Herode sehe t_uaro cahyaha. Masa ti ñurocaroi “Waihtja m_uhure”, ni tuhs_uha tiro. Ā jiro b_uo tiro “M_uhure waeraja”, ni masieraha ticorore. ²⁷ Ā jiro dóiht_uta surarare peresup_u j_uinare cohtarirore João dapure cjã ta, na ta dutiha.

²⁸ To ã dutich_u t_uhoro surara sehe waha, to dapure cjã ta, waparo mehne na taha. Na ta tuhs_u, nuhminore Herodia maconore waha. To ã wach_u ticoro to dapure ñaha, to pocorore y_uhdoha.

²⁹ Ā jia João buheina sehe tíre t_uhoa tópr_ue waha, to pjac_u cjirore na wahcã, tãcap_u ti sahari copap_u na sãa duhu payoha.

Jesu cinco mil bui masare ch_ua waha

(Mt 14.13-21; Lc 9.10-17; Jn 6.1-14)

³⁰ Ā yoa Jesu to warocarina to cahap_u tju s_ua, ti yoarire ti buherire yahuha tirore. ³¹ Tí pjare masa pay_u ã majarerucua, tinare ch_uro waeraha. Ā jiro õ sehe niha Jesu tinare:

—Masa marienop_u mari sahsero sosinina wahajihna —niha tinare.

³² Ā jia tina ti sahsero dohoria mehne masa marienop_u wahaha. ³³ Ti ã wahach_u ñ_ua masa pay_u tinare masiha. Ā masia pay_u macari macaina mahap_u waha, Jesu to s_uhtop_u tina masa sehe m_uroca wahcã s_u m_uhtaha.

³⁴ Ti ã s_uch_u Jesu wahã s_u, b_usocap_u sãariro majano, tiro masa pay_u j_uinare ñ_uha. Oveja p_ua marieina yoaro sehe jiha tina masa, to ñ_uch_u. Ā jiro Jesu tinare pja ñ_uno, pay_u noaare buhea tiha tinare. ³⁵ Ñamichahap_u doce buheina Jesu cahap_u s_u õ sehe niha:

—Õ masa marienop_u jira. Ñamichahap_u jira. ³⁶ Õ cahacãi jia macarip_u daa macaricãp_u, b_uj_ua macarip_u ti ch_uhtire nuch_u dutiga masare ti puhi tihti cjihtire —niha tina Jesure.

³⁷ —Ch_uare waga tinare —nimaha Jesu to buheinare.

To ã nich_u õ sehe ni y_uhtiha:

—¿Dos cientos dachori dahrari wapa niñeru mehne ti ch_uhti pãore nuch_ubocari sã? —niha tina Jesure.

38 —¿Nohope curiri pão curiri jijari? Ñuna wahaga —niha tiro.

To ã nichu tina sehe chũare boca õ sehe niha:

—Cũ wamomaca pihtia curiri pão curiri, pũaro wahi jira —niha tina.

39 Ti ã nichu tũhoro Jesu sehe pja curuari tja bui duji dutiha masare. 40 To ã duji dutiri baharo tina pja curuari dujiha. Cãa curuari cincuenta masa jiha. Paye curuari sehe cien masa jiha. 41 Ti ã duji tuhsũchũ ñũno Jesu sehe cũ wamomaca pihtia curiri pão curirire, pũaro wahi mehne na, mũanopũ ñũha. Æ ñũno Cohamacũre “Noana”, niha. To ã niri baharo pão curirire nuha, to buheinare masare witi dutiro waha. Æ yoa tuhsũ, pũaro wahire witi dutiha jipihtinare. 42 Æ jia jipihtina chũ, yapi yũhdũa wahaha. 43 Ti yapi wahyorire doce pũhũse waro pãore, wahi cũhũre na cahmachu wahpo dapoha tina. 44 Æ yoa pãore chũina mũa dihtare ti quihõchũ cinco mil mũa jiha. (Numia cũhũ, macanacã cũhũ tói chũina jiha.)

Jesu co bui ducu wahcãha
(Mt 14.22-27; Jn 6.16-21)

45 Tí pjata Jesu to buheinare dohoriapũ samu duti, sie coapũ Betsaidapũ to pano pahãyu dutiha. Æ jiro ti pahãri baharo Jesu sehe masare coha sitiha. 46 Coha siti tuhsũ tũcũpũ Cohamacũre sinino wahaha. 47 Baharo ñamipũ dohoriã bũcũpariro

dacho macai ti pahãrucuchũ Jesu cũirota ti pahã tariropũ jiha. 48 Tõpũ jiro, tina ñano yũhdũ ti wajachũ ti panoi wihnono tachũ ñũrocaha tiro. Æ jiro bohrea mũja tahto pano tina cahapũ waharo co bui ducu wahcãha. Tinare tiro yũhdũ wahcã duamaha. 49 To yũhdũ wahcã duapachũta tirore co bui to tachũ ñũa, “Yariariro cjiro jiboca”, ni tũhotumaha tina. Æ ni tũhotua tina sañurucuha. 50 Jipihtina tirore ñũa, ñũ cũa waha, sañurucuha. Ti ã ñũ cũachũ ñũno Jesu tinare õ sehe ni yahuha:

—Ne, yũhũre cuiena tjiga. Yũhũta jija —niha tinare.

51 Æ ni tuhsũ tiro tina mehne dohoriapũ samua wahaha. To samuri baharocãta wihnono yũhdũa wahaha. To ã wahachũ tina sehe cũa yũhdũa wahaha. 52 To pão payũ yoarire wacũeraha tina. Tua yũhdũariro to jiare noano tũho ñahaeraha.

Jesu Genesare macainare, dohatiinare noaina wahachũ yoaha

(Mt 14.34-36)

53 Æ yoa tina pahã sũ, Genesare dihtapũ wahã sũ, tia dohoriare dũhte poho, dũhtũ cahapũ pahsaha. 54 Æ yoa tina dohoriapũ jiina ti majachũta masa sehe Jesure ñũ masiha. 55 Æ ñũ masia jipihtiro ti ya yahpapũ mũroca maja, dohatiinare ti coãa cahsari mehne yo wahcã, sũha Jesu cahapũ. “Jesu tõpũ jihre”, masa ti nichũ tũhoa to cahapũ sũha

tina. ⁵⁶ ã jia jipihtia macari to sua macaripũ, bujua macaripũ, daa macaricãpũ, pache duaina cahapũ, masa dohatiinare ti cũnopũ Jesure to suhtiro dũhtũ cahare ñaha ñũ dua tuaro siniha tina:

—Mũ suhtiro dũhtũ caha dihtare sãre ñaha ñũ dutiga —ni siniha.

ã jia to suhtirore ñaha ñũinape tópeinata noaina wahaa tiha.

7

*Masa ñaina wahachũ
yooare yahuha Jesu
(Mt 15.1-20)*

¹ ã yoa Jerusalẽpũ tarina sã coyea judio masare buheina, fariseo curua macaina cũhũ Jesu cahapũ cahmachuha. ²⁻⁴ Fariseo curua macaina jipihtina paina judio masa cũhũ ti ñũchũsuma cjiropũ ti yoa dutiro sehetã wamo cosaro marieno chũera tiha. ã jia pache duaina cahapũ waha, sũ, majare tju wihiina cũhũ ti yoa dutiro sehetã wamo cosaro marieno chũera tiha. Payũ paye dutia cũhũre ti ñũchũsuma cjiropũ ti yoa dutiare yoa tiha. Tasa waparire cosaa, dihi biatorire cosaa, comaa biatorire cosaa, yoa tiha tina judio masa, “Cohamacũ ã cahmana”, nia. ã jia sã coyea judio masare buheina, fariseo curua macaina cũhũ Jesu cahapũ cahmachua, Jesu buheina wamo cosaro marieno ti chũchũ ñũha. ⁵ ã ñũ tuhsua Jesure õ sehe ni sinituha:

—Mũ buheina chũa, mari ñũchũsuma cjiro ti yoa dutiro cjiro sehetã ti wamomacarine wamo cosaerara. ¿Dohse yoa mari dutiare yoaerajari? —niha tina Jesure.

⁶ Ti ã nichũ tũhorõ Jesu õ sehe ni yahuha tinare:

—Masa ti baharo buhũsehei ñano yoa cohtaina jira mũsa. Panopũre Cohamacũ yare yahu mũhtariro cjiro Isaia potocãta yahuro niri jira mũsa yoaro sehe tũhoerainare. Õ sehe ni yahu, joaa ti tiro:

“Ahrina masa yũhũre noano durucupahta ti tũhotuapũ yũhũre ne ño payoerara.

⁷ ã jia yũhũre ti ño payoa yaba cjihti jierara. ‘Cohamacũ ya dutia jira ahri’, ni mahũo buhera ti ya buhea sehere”,

ni joaha Isaia cjiro. ⁸ Tĩ potocã tjira. Cohamacũ ya dutia sehere duhu, masa ti yoa dutia sehere cohtota yoa yũhdũrũcũ sua tira mũsa. ⁹ Cohamacũ ya dutiare cohãna, mũsa coyea ya dutia sehere yoara mũsa. ¹⁰ Õ sehe yoana Cohamacũ ya sehere yũhdũrũcana nina mũsa: Panopũre õ sehe niha Cohamacũ Moise cjiro to joariro sehetã: “Mũsa pũcũsumare ño payoga. Cãiro to pũcũsumare ñano quiti dahreriro jiro tĩ buhiri ti wajãhtiro cjihto jirohca”, niha Cohamacũ Moise cjirore to cũri dutiai. ¹¹ To ã nipachũta õ sehe yoa dutira

musa ti pucsumare yoadoho dutierana: Ti pucsumare ti waborire Cohamacu sehere wa dutira musa. ¹² Ā ni buhe- mana musa. ¹² Ā buhena ti pucsumare ño payochu yoerara musa tinare. ¹³ Ā yoana Cohamacu dutiare yuhduruca nina musa mari ñuchusuma cjiri ya dutia sehere yoana. Painare musa buhea dihtare taho dutira musa. Payu tó sehe jiare yoara musa —niha Jesu tinare.

¹⁴ Ā ni tuhsuro paina cūhure pjirocaha tiro. Ō sehe niha tinare:

—Musa jipihtina yuhure tuhona taga. Tuhsu yu niare noano taho ñahaga musa. ¹⁵ Musa duserire sãa sehe musa chua sehe musare buhiri tichu yoerara. Ñaare musa tuhohua sehe musare ñaina jichu yoara. ¹⁶ [Yuhure noano tuhoga musa] —niha Jesu.

¹⁷ Tinare ã ni yahu tuhsu Jesu masa cahapu jiri cjiro waha, wuhuru sãa wahaha. Ā to sãa sūchu ñua to buheina sehe to buherire sinitu ñua. Ti ã sinitu ñuchu tuhoro ō sehe niha tiro:

¹⁸ —¿Musa cūhu ne taho ñahaerasinijari tíre? Musa duserire sãa sehe musa chua sehe musare ñaina jichu yoerara, Cohamacu to ñuchu. ¹⁹ Tí musa tuhohuapure sãerara. Musa pjaropu sãa su, yuhdu wijaa wahara —niha Jesu.

Ā nino “Jipihtia chua noaa jira”, nino niha. ²⁰ Ā yoa ō sehe ni namoha tjoa:

—Musa ñaa durucua sehe musa duseri wijaa sehe musare ñaina jichu yoara, Cohamacu to ñuchu. ²¹⁻²² Ñano tuhohua, numia mehne ñano yoarucua, yaca, masare wajãa, namo tiriropu jiparota pacorore manu tiricorore wuhana tia, paio yare tuaro cjoa, ñano yoaa, mahñoa, buo tiro marieno ñaa yoaa, paina ti cjuare ñu yabia, ñano quiti dahrea, “Painare yuhdurucaja”, ni tuhohua, taho masieraina jia, tí jipihtia musare musa tuhohuapuru tara. ²³ Jipihtia ahri ñaa musa tuhohuapuru taa, musare ñaina jichu yoara, Cohamacu to ñuchu —niha Jesu.

Judio masono jieraricoro Jesure wacū tuaha
(Mt 15.21-28)

²⁴ Ā ni tuhsuro Tiro wama tiri maca cahapu, Sidō wama tiri maca cahapu suro tó macari wuhuru sãa wahaha. Ā sãahno painare to jiri wuhure yahu dutieraha. Ā yahu dutieraparota tinare tiro duhti masieraha. ²⁵ Tí pjareta numino to macono wafino to cohtotaricoro to cahai jiha. Ā jia Jesu yoarire ñua paina to pocorore yahuha. Ti ã yahuri baharo to pocoro sehe waha, Jesu dahpori cahapu na tuhcuca caha suha tirore ño payoro. ²⁶ Ticoro Sirofenicia wama tiri yahpa macaricoro jiha.

—Wafinore cohã wiosiniga yu macore —ni siniha ticoro Jesure.

²⁷ To ã sinichu tuhoro ō sehe niha Jesu:

—Wahmanore wuhu puro pohna ya chure dieyacare yu wa muhtachu to wahaerara. Israe masa yare pa yahpa macainare yu wa muhtachu to wahaerara —niha Jesu ticorore piti dahre yahuro.

28 —Ã tjira puhtoro. Ã jipachuta dieyacã cûhu mesa docai ti pohna ti chu site boroare chu cohtara tinacã cûhu. (Pa yahpa macaricoro yu jipachuta yuhu cûhure yoadoho masina mahu) —ni yuhtiha ticoro.

29 —Mu ã ni yuhtichu mu macore watino wijaa tuhsahre. Nûco wahaga —niha Jesu ticorore.

30 To ã nichu tûhoro majare tjuaa, to wuhupu tju suro, to maconore watino marienitorore camapu jiricorore ñuha.

Cahmono tûhoeraritore, durucu masieraritore noariro wahachu yoaha Jesu

31 Tí pjare Jesu Tiro wama tiri maca cahapu jiro waha, Sidõ wama tiri macare su yuhu wahcã, Decapoli wama tiropu jia macarine su yuhu wahcã, Galilea wama tiri bucupariropu suha juna. 32 ã jia cahmono tûhoeraritore, noano durucu masieraritore Jesu cahapu na wihiha paina.

—Mu wamomaca mehne ña payoga tirore —ni siniha tina tirore.

33 Ti ã nichuta Jesu sehe tûhoeraritore na wahcã, masa marienopu suho suha. Ti sahsero jiha. Tuhsu, Jesu to wamo picari mehne

tûhoerariro cahmo coparire be sõha. ã yoa tuhsu, chahcho puti, to ñahmanore ña payoha.

34 ã yoa tuhsu manopu ñu mo, yajeri na, õ sehe niha:

—Efata —niha Jesu. (“Efata” nino, “Pjõohga”, nino nina. ã nino tirore tûho dutiro niha. ã nino noano durucu dutiro niha.)

35 To ã nichuta tiro sehe tûho boca, to ñahmano bidaro wahachu tûhoturo noano durucuha. 36 ã jiro Jesu tinare tíre painare yahu site dutieraha. To ã yahu site dutierachu tûhopahta tina sehe painare yahu site namoha. 37 ã jia masa tûho chu yuhduha waha, õ sehe niha:

—Jipihtiare tiro noano yoara. Tûhoerainare noano tûhochu yoara. Durucu masieraina cûhure noano durucuchu yoara Jesu —niha masa.

8

Cuatro mil bui masare chure waha Jesu (Mt 15.32-39)

1 Tí pjare pari turi masa payu ti cahmachuri baharo chu maeraina ti jichu ñano Jesu to buheinare pjirocaha:

2 —Ahrina masa tia dacho waro yuhu mehne ji tuhsura. ã yoa tinare puhi mariaha. Ti puhi maerachu ñucu tinare pja ñuja yuhu. 3 Paina tina mehne macaina yoaropu tahre. “Tinapu juca baaina mahai borari”, nichu tinare chu marieno ti wuhusepu waha duti duaeraja. ã jicu

tinare puhi wa duaja —niha Jesu to buheinare.

4 —¿Dohse yoa mari õre masa marienopure pãore boca wabocari mari? —niha to buheina sehe Jesure.

5 —¿Nohope curiri pão curirire cjajari musa? —ni sinituha Jesu.

—Siete curiri jira —niha tina.

6 Ti ã ni yuhtichu tuhoro, tiro masare yahpai duji duti, siete curirire pão curirire na, Cohamacure “Noana”, niha. Æ ni tuhsu, tí curirire nuha, to buheinare wa, masare witi dutiha. To ã dutiri baharo to buheina sehe pãore masare witiha. 7 Æ jia wahi cãhure mahainacã cjaha tina. Æ jiro tinare Cohamacure “Noana” ni, wahi cãhure witi dutiha.

8 Ti witi tuhsuchu tina chua, yapi yuhduha wahaha. Ti yapi wahyorire siete puhuse waro wahpo dapoha tina. Tina cuatro mil bui masa jiha. 9-10 Æ yoa tuhsu Jesu masare coha sitiha. Coha siti tuhsu to buheina mehne dohoriapu samuha. Samu tuhsu Dalmanuta wama tiro cahapu wahaha.

Fariseo curua macaina Jesure Cohamacu tuua mehne yoa ño dutiha

(Mt 16.1-4; Lc 12.54-56)

11 Æ yoa fariseo curua macaina wihi, Jesu mehne cahma sayoha. Tina Jesure Cohamacu tuua mehne yoa ño dutia, to yoa ño masierachu ñu duamaha. 12 Ti ã dutichu tuhoro Jesu cahyaro mehne yajeri sãano, õ sehe niha:

—¿Musa mipu macaina dohse yoana musa Cohamacu tuua mehne yoa ñoare ñu duajari? Potocã niita nija musare. Mipu macainare musare Cohamacu tuua mehne ne yoa ñosi yuhu — niha Jesu.

13 Æ ni tuhsu waha, pari turi dohoriapu samu, sie coapu pahãa wahaha.

Fariseo curua macaina, Herode mehne macaina cãhure ñaare ti buheare yahuha Jesu

(Mt 16.5-12)

14 Æ wahaa, pãore boa waha, dohoriai cã curita pãore cjaha tina. 15 Æ yoa Jesu cuaro mehne yahuha tinare:

—Noano yoanohbu. Fariseo curua macaina, Herode mehne macaina cãhure ti pão busuarore ñuna noano yoaga. Cua nina tí —ni yahuha.

16 To ã nichu tuhoha tina to buheina sehe tíre ti basi õ sehe ni durucuha:

—Mari pãore mari na taerachu ñuno ã nino nica ahriro —nimaha tina ti basi.

17 Ti ã nirire masino tinare õ sehe ni sinituha Jesu:

—¿Dohse yoana musa pão borire wacũjari musa? ¿Musa masierasiniari? ¿Tũho ñahaerasiniari? ¿Tũho du-aerajari musa? 18 ¿Capari tiina jipanahta ñuerajari musa? Æ jina cahmori tiina jipanahta tuhuerajari musa? ¿Musa ahrire wacũerajari? 19 ¿Yuhu cã wamomaca pihtia pão curirire nuha, cinco mil bui masare yu warire

wacũerajari m̄usa? ¿Ti yapi wahyorire nohope p̄h̄usere p̄ão curirire wahpo dapori m̄usa? —niha Jesu tinare.

—Doce p̄h̄use —ni yuhtiha tina tirore.

²⁰ —¿Ã yoa yūhu siete curirire p̄ão curirire cuatro mil bui masare yu wari baharo nohope p̄h̄usere p̄ão curiri wahpo dapori m̄usa? —niha Jesu.

—Siete p̄h̄use —ni yuhtiha tina tirore.

²¹ —¿Ã ñ̄panahta noano tuho ñ̄haerasinijari m̄usa? —niha Jesu tinare.

Jesu capari ñ̄erarirore ñ̄uch̄u yoaha

²² Ã yoa tina Betsaidapu ti s̄uch̄u ñ̄ha, masa sehe capari ñ̄erarirore na wihaha.

—Tirore ñ̄a payoga —ni, tuaro siniha tina Jesure.

²³ Ti ã sinich̄u tuhoro, Jesu capari ñ̄erariro wamomacare ñ̄aha, tí maca duhtu cahapu tirore tuã wahcãha. Tópu na s̄u, to caparire chahcho puti, to wamomacari mehne tirore ñ̄a payoha.

—¿Mu ñ̄uch̄u bajujari? —ni sinituha Jesu.

²⁴ To ã nich̄u tiro sehe ñ̄ano, õ sehe niha:

—M̄hare ñ̄uja. Yu ã ñ̄upachuta tina yuc̄ari tinia yucu yoaro sehe bajura —niha capari ñ̄erariro cjiro.

²⁵ To ã nich̄u tuhoro Jesu sehe to wamomacari mehne to caparire ñ̄a payoha tjoa. To ã ñ̄a payori baharo capari ñ̄erariro cjiro tuaro to ñ̄uch̄u to capari noano bajuha. Ã yoaro jipihtiare noano ñ̄aha

tiro. ²⁶ To ã ñ̄u masich̄u ñ̄ano, Jesu tirore to wuh̄upu warocaha.

—Macapu pinihtare wahai tjiga —niha Jesu tirore.

“Jesu potocã Cristo, Cohamacu to warocariro jira”, ni yahuha Pedro

(Mt 16.13-20; Lc 9.18-21)

²⁷ Ã yoa Jesu to buheina mehne Cesarea Filipino wama tiri maca cahai jia macaripu waha namoha. Tópu ti waharo wato, Jesu õ sehe ni sinitu ñ̄aha to buheinare:

—¿Diro baro jicari yūhu masa yuh̄ure ti tuhotuch̄u? —ni sinitu ñ̄aha tiro tinare.

²⁸ To ã sinitu ñ̄uch̄u tuhoa õ sehe ni yuhtiha tina:

—“João masare bautisariro cjiro jira”, nina paina. Paina “Elia jira”, nina. Paina “Cohamacu yare yahu m̄h̄taina cjiro mehne macariro jira”, nina m̄h̄ure —ni yuhtiha to buheina tirore.

²⁹ Ti ã ni yuhtiri baharo Jesu õ sehe ni sinitu namoha tinare:

—¿M̄usa sehe m̄usa tuhotuch̄u diro baro jicari yūhu? —ni sinitu ñ̄aha tjoa.

—M̄hu Cristo Cohamacu masare yuhdo duti to warocariro jira —ni yuhtiha Pedro.

³⁰ To ã nich̄u tuhoro Jesu õ sehe niha:

—Yuh̄ure “Cristo jira tiro”, ni yahu sitesiniena tjiga painare —niha tinare.

Jesu to yariahtore, to masa wijaahto c̄uh̄ure yahuha

(Mt 16.21-28; Lc 9.22-27)

³¹ Tinare to ã ni sinitu ñuri baharo, õ sehe ni buhe ðucaha tiro:

—Yuhu masuno Cohamacu warocariro jija. Æ jicu tuaro ñano yuhðucuhca. Æta waharo cahmana yuhure. Mari coyea judio masa, buçuna, sacerdotea puhto, mari judio masare buheina yuhure cahmaeraa, yuhure wajã dutiahca. Ti ã wajãchu tia dacho wahaboroi masa wijaaihca —niha Jesu tinare.

³² Æ nino ne tuho wisiachu yoaro marieno yahuro niha tinare. To ã nichu tuhorõ Pedro sehe pa sehe curerocã Jesure narucu su, tireore ã ni dutieraha. ³³ To ã ni dutierachu tuhorõ Jesu to buheinare majare ñu, tuhtiha Pedrore:

—Satana yoaro sehe durucui nina muhu. Æ nii tjiga. Mu tuhotua masa ya jira. Cohamacu ya jierara —niha tiro Pedrore.

³⁴ Æ ni tuhsu masare to buheina mehne tiro cahapu pjiroca, õ sehe niha:

—Cãiro yu yairo ji duaro, to cahmano yoa duamarire duhunocanozca. Æ jiro crusapu yu ñano yuhðuhtiro seheta tiro yu yairo to jiri buhiri ñano yuhðuparota yuhure duhusi. Æ jiro yu yare yoarucuriro jirozca. ³⁵ Masuno to mu saro to cahmano seheta yoariro pichacapu tiro waharohca. Æ yoa masuno yu yare ã yoarucuro, noaa buheare ã yoarucuro, jipihtia dachoripe yuhu

mehne manopu jirucurohca. ³⁶ Cãiro masuno ahri yahpa macaare jipihtiare cjariro pichacapu waharo yabare wapatajari tiro? Æ jiro ne wapataerara. ³⁷ Pichacapu to wahachu ne dohse wapa wiohto basioerara. Masuno to jia tia wiho waro jierara. ³⁸ Mipure ñaina, Cohamacure cahmaeraina ti mu saro ti yoari dacho jiro nina. Cãina yu wamare, yu buheare ni dua buo tiboca. Ti ã yoachu ñucu yuhu masuno Cohamacu warocariro noaina anjoa mehne yu Pucu to si sitero mehne tjua tacu yu wamare ni duapahta buo tiinare buo tisãaihca yuhu cãhu —ni yahuha Jesu.

9

¹ Æ ni tuhsu õ sehe ni namoha Jesu:

—Potocãta niita nija musare. Cãina musa õpurre jiina musa yariahto pano puhtoro Cohamacu to suho jiropure yu sãachu yuhure ñunahca —niha Jesu tinare.

*Jesu to pjacure cohtotaha
(Mt 17.1-13; Lc 9.28-36)*

² Æ yoa seis dachori baharo Jesu Pedrore, Santiagore, ã yoa Santiago bahuro João cãhure madu tucapu tina dhtare pji mujaha. Manopu ti muja sari baharo ti ñurocaroi to pjacure cohtotaha. ³ To suhtiro noano si sitero, noano yehseri suhtiro wahaha. Ahri yahpa macaa numia suhti cosaa numia ã yehsechu yoa masierara. ⁴ Æ

jia Elia cjiro, ã jichu Moise cjiro mehne Jesu mehne ti sahuduchu ñuha tina tiaro Jesu buheina. ⁵⁻⁶ Æ jia tina tuaro cuiha. Æ cuiro dohse ni masieramahno õ sehe nimaha Pedro:

—Puhoro, mari õi jichu noa duara. Tia wuhucã yoanahtja sã. Mu ya wuhucã, Moise ya wuhucã, Elia ya wuhucã yoanahtja —nimaha tiro Jesure.

⁷ To ã niri baharocãta, me curua ti bui duji pja sãha. To ã duji pja sachuta, me curua watoï õ sehe nino coa taha:

—Ahriro yu macu yu cahiro jira. Tuhoga tirore —nino coa taha.

⁸ Æ nino coa tachuta Pedro cãhu ñurocamaha. Jesu dihtare ñuha. Ti ñurina cjiri sehe mariaha juna. ⁹ Æ jiro tãcupu ti duji tachu Jesu tinare õ sehe ni yahuha:

—Michapucacã yuhure ã waharire painare yahuena tjiga. Yuhu masuno Cohamacu warocariro yu yaria masa wijaari baharo tire painare yahuga musa —ni yahuha tiro.

¹⁰ Æ jia to dutiriro seheta tina ti ñurire yahueraha painare. Æ jia tina ti basi õ sehe ni sinitu durucuha:

—“Yu yaria masa wijaari baharo” nino, ¿dohsearo ã niri tiro? —ni durucuha tina.

Æ jia Jesure õ sehe ni sinituha:

¹¹ —“Cristo to tahto pano Eliare ta mæhtano cahmana”, nina mari coyea judio masare buheina. ¿Dohse

jiro baro ã nijari tina? —ni sinituha tina tirore.

¹²⁻¹³ Jesu õ sehe ni yuhtiha: —Potocã tjira. Eliare ta mæhta dutire Cohamacu, jipihtiare cahno mæhtahtiro cjihtore. Yuhu masuno Cohamacu warocariro payu tahari ñano yuhduihca. Paina yuhure cahmaeraa, ñano yoaaahca. ¿Tí cãhure masijari musa? Æ jicu ahrire nihtja musare: Elia wihi tuhsure. To ã wihipachuta tina ti cahmariro seheta tirore ñano yoaha. Æta ni joaha tirore —niha Jesu tinare.

Jesu wahma wahmua tarirore noariro wahachu yoaha

(Mt 17.14-21; Lc 9.37-43)

¹⁴ Æ yoa duji ta, paina buheina cahapu su, payu masare ñuha Jesu. To buheina sehe judio masare buheina mehne cahma sayoa niha. ¹⁵ Æ jia Jesu cãhu ti duji tachu ñua, jipihtina masa cãaa waha, tiro cahapu murocaa wahaha. Tiro cahapu sãa:

—¿Tamajari? —niha tirore.

¹⁶ —Tamaja —ni tuhsu—, ¿dohse ni cahma sayona niri musa tina mehne? —ni sinituha Jesu to buheinare.

¹⁷ To ã ni sinituchu tuhoro, masa watoï ducuriro õ sehe ni yahuha tirore:

—Buheriro, yu macure watino to cohtotarirore mæhure na tamahi. Watino sehe tirore durucu dutierara. ¹⁸ Yu macure to ñahachu yahpapu bora, bahca diho, buhaa waha tire tiro. Æ waharo sahpo tua tire. Æ

jicū mū buheinare watĩnore cohā wio dutimahi. Yū ā dutipachuta tina sehe cohā wio masierare watĩnore —ni yahuha Jesure.

19 To ā nichū tūhoro Jesu ō sehe niha tinare:

—Ne, yūhure wacū tuaerara mūsa. Yoabiari pja mūsare buhemaja yūhū. ĶNoho puro yoari pja yūhure mūsa caribobocari? Tirore na tahga yūhure —niha Jesu.

20 To ā nichū tūhoa watĩno to cohtotarirore Jesu cahai na taha. Ti na wihichū ñūno watĩno sehe wahma wahmūa tarirore yahparū doca caha sū, tunu teterechū yoaha. Ā yoa sahpo tua wahaha.

21 —ĶNoho puro yoari pja watĩno to cohtotariro jijari ahriro? —ni sinituha Jesu sehe to pūcūrore.

—Wihārirocā jiropūta tiro watĩno to cohtotariro jira.

22 Ā cohtotaro payū tahari watĩno sehe tirore pichacaparū, copū cūhure cohā wajāmaha. Ā jicū mūhū yoa masicū sāre pja ñū, yoadohoga —niha to pūcūro Jesure.

23 To ā nichū tūhoro ō sehe niha Jesu:

—ĶDohsea jiro baro “Mūhū yoa masicū”, nijari mūhū yūhure? Yūhure mū wacū tuachū ñūno, Cohamacū jipihtiare yoa pahño masina mūhure yoadohobasaro —niha Jesu.

24 To ā nichūta wahma wahmūa tariro pūcūro ō sehe ni sañurucuha:

—Mūhure wacū tuaja. Yū wacū tuaerachū ñūcū yūhure

yoadohoga mūhure yū noano wacū tuahto sehe —niha tiro.

25 Ā jiro masa payū tina cahaparū mūroca ta, ti cahmachuchū ñūno, Jesu watĩnore ō sehe ni tuhtiha:

—Mūhū durucu dutierariro, tūho dutierariro ahrirore, cohtotariro wijaaaha. Ā wijaacū tirore pari turi cariboi tjiga —niha Jesu.

26 To ā nichū tūhoro watĩno sañurucu, wahma wahmūa tarirore yahparū doca caha sū tunu teterechū yoa, wijaaaha. To ā wijaacū wahma wahmūa tariro yariariro yoaro sehe wahaha.

27 —Tiro yariaa wahara —nimaha masa payū.

Ti ā nipachuta Jesu sehe to wamomacare ñaha, tirore wahcōha. To ā wahcōchū wahcāha tiro sehe. 28 Baharo Jesu cūhū wūhūpū ti sāa sūchū to buheinare tirore ō sehe ni sinitu ñūha:

—ĶDohseana sā sehe watĩnore cohā wio masierari, mū tūhotuchū? —ni sinitu ñūha tina.

29 —Ahriro baro watĩnore cohā wio duana Cohamacūre tuaro sinino cahmana mūsare. [Ā yoa duana chū duhuro cahmana mūsare Cohamacūre sinina tana] —ni yūhtiha Jesu tinare.

Pari turi Jesu to yariahtore, to masa wijaahtore yahuha

(Mt 17.22-23; Lc 9.43-45)

30 Ā yoa tórpū jiina waha, Galilea yahparū sū, yūhdūaha. Tórpū ti wahaire paina ti masichū cahmaeraha Jesu to buheinare buhe duaro. 31 Tórpū sūro to

buheinare buhea tiha. Õ sehe ni buheha:

—Yuh_u mas_uno Cohamacu warocariro jija. Masa yuh_ure ñaha, painap_ure yuh_ure waahca. Ti ã wari baharo yuh_ure wajãahca tina. Ti ã wajãricu tia dacho wahaboroi masa wijaaihca — niha tinare.

³² To ã nich_u tuh_o tina noano tuh_oeraha. Æ jia cuia tirore tíre sinitu ñ_u namoeraha.

Jesu buheina tina mehne macarirore puhtoro sō dua nimaha

(Mt 18.1-5; Lc 9.46-48)

³³ Æ yoa tina Capernaup_u ti sari baharo wuh_up_u ti jich_u Jesu sehe ò sehe ni sinituha tinare:

—¿Mahap_ure tana, dohse ni durucu tana niri m_usa? —ni sinituha tinare.

³⁴ To ã nich_u tina yuhtieraha. Mahap_ure taa, cahma ò sehe ni durucu taa niha:

—¿Mari mehne macarirore diro sehere mari puhtoro sōnahcari mari? —ni durucua niha mahai tarucua.

³⁵ Æ jia ti ã nire b_uo tia Jesure yuhtieraha. Ti ã yuhtierach_u ñ_uno Jesu nuju s_u, to buheinare doce buheinare pjiroca ò sehe niha:

—M_usa puhtoia ji duana jipihtina masa ti cahamaca jiro cahmana m_usare. Tuhs_u, wiho jiina jipihtina docai jinahca m_usa —niha Jesu tinare.

³⁶ Æ nino nijinocãre tina watoi duhu dapoha. Duhu

dapo tuhs_u tirocãre na w_ua, ò sehe ni yahuha:

³⁷ —Y_u yare yoa duana ahrirocãre m_usa cahmana, yuh_u cūh_ure cahmana m_usa. Æ yoa yuh_ure cahmana, yuh_ure warocariro mari P_uc_u cūh_ure cahmana m_usa — niha Jesu tinare.

Marine ñ_u tuhtiro jieraro, mari mehne macariro jira

(Mt 10.42; Lc 9.49-50)

³⁸ Baharo João ò sehe niha Jesure:

—Buheriro, m_u wama mehne m_u tuaa mehne watiare cohã wiorirore sã ñ_uhi. Tiro mari mehne macariro to jierach_u ñ_una tíre tirore yoa dutiera tih_u sã — niha tina.

³⁹ Ti ã nich_u tuh_o Jesu tinare ò sehe ni yahuha:

—Æ niena tjiga m_usa tirore. Cãiro y_u wama mehne Cohamacu tuaa mehne yoaro, baharo yuh_ure ñ_uno ni durucu masierara. ⁴⁰ Marine ñ_u tuhtiro jieraro, tiro mari mehne macariro jira. ⁴¹ M_usare potocãta nii nija. Y_u yaina m_usa jich_u ñ_una paina m_usare ti yoadohoch_u ñ_uno Cohamacu tinare noano yoarohca. Core m_usare ti sihõch_u mahanocã ti wapachata tinare noano yoarohca Cohamacu ti ã yoari wapa —niha Jesu tinare.

Ñ_uare yoach_u cua nina

(Mt 18.6-9; Lc 17.1-2)

⁴² Æ yoa Jesu ò sehe ni yahu namoha:

—Ahrirocã sehe jirirore yuh_ure wacū tua d_ucarirore

yahuihtja m̄sare. Pairo ahrirocã sehe jirirore ñaare yoa dutiro tiro ñabiaro ȳhd̄urohca. Cãirore to wam̄ap̄m̄ pjiria tãcare d̄hte yo, pjiri map̄m̄ tirore ti cohãch̄m̄ ñano wahaboa tiro. Æ jiro ahrirocã sehe jirirore ñaare yoa dutiriro tiro sehe pjiri map̄m̄ ti cohãriro ȳhd̄oro ñano ȳhd̄urohca.

43-44 'M̄m̄ wamomaca mehne ñano yoac̄m̄ tí wamomacare m̄m̄ d̄te cohãboro seheta tí m̄m̄ ñaa yoaa sehere duhuga. Tíre duhuerac̄m̄ pichacap̄m̄ wahaihca. Tópr̄e ne pichaca yatierara. [Æ yoa dachoa ne yarierara.] M̄m̄ wamomacare m̄m̄ cohãch̄m̄ tí si dihta butiboa. Tuhs̄m̄, m̄h̄m̄ sehe ã si jipaihta baharo Cohamac̄m̄ mehne jiihca. P̄m̄ wamomaca mehne pichacap̄m̄ wahac̄m̄ m̄m̄ ã wahach̄m̄ ñaa ȳhd̄uaboa m̄h̄re. Æ jic̄m̄ tí m̄m̄ ñaa yoaa sehere duhuga.

45-46 'M̄m̄ dahporo mehne ñano yoac̄m̄ tí dahporo c̄h̄re m̄m̄ d̄te cohãboro seheta tí m̄m̄ ñaa yoaa sehere duhuga. Tíre duhuerac̄m̄ pichacap̄m̄ wahaihca. [Tópr̄e ne pichaca yatierara. Æ yoa dachoa ne yarierara.] M̄m̄ dahporore m̄m̄ cohãch̄m̄ tí si dihta butiboa. Tuhs̄m̄, ã si jipaihta baharo Cohamac̄m̄ mehne jiihca. P̄m̄ dahporo mehne pichacap̄m̄ wahac̄m̄ m̄m̄ ã wahach̄m̄ ñaa ȳhd̄uaboa m̄h̄re. Æ jic̄m̄ tí m̄m̄ ñaa yoaa sehere duhuga.

47-48 'M̄m̄ capariaca mehne ñano yoac̄m̄ tiare orewe m̄m̄ cohãboro seheta tí m̄m̄

ñaa yoaa sehere duhuga. Tíre duhuerac̄m̄ pichacap̄m̄ wahaihca. Tópr̄e ne pichaca yatierara. Æ yoa dachoa ne yarierara. Tiare m̄m̄ cohãch̄m̄ tia dihta butiboa. Cū b̄h̄usehe capariaca mariapaihta baharo Cohamac̄m̄ mehne jiihca. P̄m̄ capariaca mehne pichacap̄m̄ wahac̄m̄ m̄m̄ ã wahach̄m̄ ñaa ȳhd̄uaboa m̄h̄re. Æ jic̄m̄ tí m̄m̄ ñaa yoaa sehere duhuga.

49 'Ahri yahpai jina ñano ȳhd̄u nahca m̄sa. Pichacap̄m̄ mari j̄ch̄m̄ marine pur̄no seheta ñano ȳhd̄u nahca m̄sa. 50 Moa noano coara. Moa coerach̄m̄, coa yoahito basioerara. Moa coeraro tí moa ne noerara. Tí moare dohseahito basioerara. Moa noano to coaro seheta m̄sa c̄h̄m̄ ji coaina jiga. Tuhs̄m̄, paina mehne noano mehne jiga — ni yahuha Jesu tinare.

10

Ti namosãnumiare cohãare yahuha Jesu

(Mt 19.1-12; Lc 16.18)

1 Æ yoa tiro tópr̄m̄ jiriro waha, Judea yahpa cahap̄m̄ s̄m̄, Jordão wama tiri ma pa b̄h̄usehe coap̄m̄ s̄h̄a. Tópr̄m̄ to s̄ch̄m̄ ñ̄m̄ masa paȳm̄ tiro cahap̄m̄ cahmachuha tjoa. Ti ã cahmachuch̄m̄ ñ̄no tópano to buheriro seheta pari turi buheha tjoa. 2 To ã buhero watoi fariseo curua macaina wihiha. Jesure ñ̄no to durucuch̄m̄ t̄ho duamaha tina tirore yahusã dua. Æ

tũho duaa tina Jesure õ sehe ni sinitu ñũa:

—¿Mari namore cohãchũ noabocari? ¿Mari dutia sehe tó seheta yoa dutijari, mũ tũhotuchũ? —ni sinitu ñũa tina.

³—¿Dohse yoa dutiri Moise cjiro mũsare? —ni yũhtiha Jesu.

⁴—“Mũ namore cohã duacũ papera pũi tĩre joaga. ã joacũ tí pũre mũ namore mũ wari baharo ticorore cohã masina mũhũ”, ni joaa tiha Moise cjiro —ni yũhtiha fariseo curua macaina sehe.

⁵Ti ã nichũ tũhorõ õ sehe ni yahuha Jesu:

—Cohamacũ dutiare mũsa yoa duaerachũ ñũno ã ni joaa tiha Moise cjiro. ⁶To ã ni joariro jipachũta ahri yahpare bajuamehneriro mũno, numino cãhũre yoaha.

⁷ã jiro mũno to pũcũsumare cohã wijaa, to namono mehne jirohca. ⁸ã jia tina pũaro jipahta cã pjacũ yoaro sehe jira. Tina pũaro yoaro seheta jierara. Cã pjacũ yoaro sehe jia nina. ⁹Cohamacũ to wamomaca dãhte dutiina jira. ã jia tinare duhueraro cahmana —niha Jesu tinare.

¹⁰ã ni tuhsũ tiro to buheina mehne wũhũpũ sãa wahaha. Wũhũpũ sãa sua, ti namosãnumiare cohãare to buheina sinitu ñũa tjoa tirore. ¹¹Ti ã sinitu ñũchũ tiro õ sehe ni yũhtiha:

—To namonore cohãriro pacorore namo tiro, pacoro mehne ñãno yoariro jira. ã jiro to cohãricorore ñãno wahachũ yoaro nina. ¹²ã yoa

numino sehe to manũnore cohãno, pairore manũ tiro, tiro mehne ñãno yoaricoro jira —niha Jesu tinare.

Macanacã ya cjihtire Cohamacũre sini payoha Jesu

(Mt 19.13-15; Lc 18.15-17)

¹³ã yoa macanacãre Jesure ñã payo dutia taa tinacãre Jesu cahapũ na taa tiha. Ti ã na tachũ ñũa to buheina sehe tinacãre na tainare tuhtiha. ¹⁴Ti ã tuhtichũ ñũno Jesu suaha tina mehne. ã suaro õ sehe niha tinare:

—Macanacã yũ cahapũ tajaro. “To cahai wahãena tjiga”, niena tjiga tinacãre. Tinacã Cohamacũre ti pũhtoro tũhotura. Pũhtoro Cohamacũ to sũho jiina ahri-nacã yoaro sehe tũhotuina baro dihta jira. ¹⁵Potocã niita nija mũsare. Ahri-nacã Cohamacũ ti pũhtoro cjihtore cahmana. Ti yoaro seheta mũsa cãhũ Cohamacũ mũsa pũhtoro cjihtore cahmaerana, pũhtoro Cohamacũ to sũho jĩtina ne jisi mũsa —niha Jesu.

¹⁶ã ni tuhsũ Jesu macanacãre na wũa tjiãhno, tinacãre ñã payoro, õ sehe niha:

—Ahri-nacã noainacã wahajaro —ni sini payoha Cohamacũre.

Pache pũro Jesure sinitu ñũa

(Mt 19.16-30; Lc 18.18-30)

¹⁷ã yoa Jesu mahai to waharucuchũ paiorõ sehe mũroca wihi, to dahpori cahapũ na tuhcuca caha sũha tirore ñõ payoro.

—¿Ne, noariro buheriro, yuhũ jipihtia dachoripe Cohamacũ mehne ã jirucu duacũ dohse yoacũhcari yuhũ? —niha tiro Jesure.

18 To ã nichũ Jesu õ sehe ni yũhtiha:

—¿‘Noariro’ ni pisujari mũhũ yũhare? Noariro sehe Cohamacũ dihta jira. 19 Ahri Cohamacũ dutiare masina mũhũ: Masare wajãena tjiga. Namo tiriropũ paye numia mehne jiena tjiga. Yacaena tjiga. Mahñoa mehne pairore yahusãena tjiga. Paina yare mahño naena tjiga. Mũsa pũcũsumare ño payoga. Ahri dutiare yoaihca mũhũ —ni yahuha Jesu tirore.

20 —Buheriro, yuhũ tí jipihtiare wahma wahmũa tariro jiiptũa yũhdũũcaera tihi yuhũ —niha tiro Jesure.

21 To ã nichũ tũhoro Jesu sehe tirore cahña mehne ñũroca õre. ã ñũroca õno, õ sehe niha:

—Mahanocã dũhsara mũhũre mũ yoa pahñohto. Jipihtiare mũ yare duai wahaga. ã yoacũ jipih-tia mũ wapatari niñerure pjacũoinare waga. Mũ ã yoachũ payũ mũ ya noaa mũanopũ, Cohamacũ cahapũ jiyuahca. Mũ ã yoari baharo yuhũ mehne macariro cjihto taga —niha Jesu tirore.

22 To ã nichũ tũhoro tiro sehe payũ pache cjuariro jiro tíre pjacũoinare wa duaeraro, cahya, jicoaeraa, wahaa wahaha.

23 To ã cahyachũ ñũno Jesu majarerũcũ sũro, to

buheinare ñũroca õ, õ sehe niha:

—Pache pũa pũhtoro Cohamacũ to sũho jiropũre ti waha duachũ mijobiara —niha tinare.

24 To ã nichũ tũhoa tina sehe tíre tũho cũaa wahaha. ã ni tuhsũ Jesu pari turi õ sehe ni yahu namoha tinare:

—Coyea, jipihtina [Cohamacũre wacũno marieno “Mari mũ sũro mari cjuaa mehnetã noano yũhdũnahca”, ni tũhotuina pache pũa] pũhtoro Cohamacũ to sũho jiropũre ti waha duachũ mijobiara.

25 Camello sehe awicã copacãre to sãa nuhri wijaa duachũ basioerara. To ã jiro yũdoro pache pũro pũhtoro Cohamacũ to sũho jiropũre to waha duachũ nu mijobiara —ni yahuha Jesu tinare.

26 To ã nichũ tũhoa tina sehe tũho cũa yũhdũa waha, ti basi õ sehe niha:

—Cue, to nino seheta potocã jichũ ne cũiro masũnore yũdooeraboca Cohamacũ —niha tina ti basi.

27 Ti ã nichũ tũhoro Jesu tinare ñũroca õ, õ sehe niha:

—Masa ti basi ti mũ sũro yũhdũ masierara. Wiho mejeta Cohamacũ sehe masare pichacapũ waha-borinare yũhdoo masina. Tiro jipihtiare noano yoa masi pahñoriro jira —niha Jesu tinare.

28 To ã nichũ Pedro tirore õ sehe niha:

—Tũhosiniga. Sã sehe jipihtia sã yare cũnocaa tii mũhũ mehne tana —niha tiro Jesure.

29 To ã nichuta Jesu õ sehe niha:

—Potocã niita nija m̄sare. Noaa buheare, ȳh yare yoana tana ȳhure ño payona tana m̄sa w̄h̄sere, m̄sa bahanare, m̄sa p̄cosãnumiare, m̄sa poh̄nare, m̄sa weserire c̄nocarina jina, p̄j̄ro wapatanahca m̄sa mip̄re. 30 Æ yoana m̄sa w̄h̄serire, m̄sa bahanare, m̄sa p̄cosanumiare, m̄sa poh̄nare, m̄sa weserire, tó pano m̄sa c̄mariro ȳhdoro mip̄re paȳm c̄manahca m̄sa. Æ yoa paina m̄sare ñano yoaahca. Æ jina baharop̄re pa turup̄m jipihtia dachoripe Cohamac̄u mehne jinahca. 31 Mip̄re paȳm p̄htoa jirina cjiri tí p̄j̄p̄re wiho jiina tjuanocaahca. Æ yoa mip̄re paȳm wiho jiina jirina cjiri tí p̄j̄p̄re p̄htoa cohtotaahca tjoa —ni yahuha Jesu tinare.

Pari turi Jesu to yariah-tore, to masa wijaah-tore yahuha

(Mt 20.17-19; Lc 18.31-34)

32 Æ yoa tina mahap̄m maja, Jerusalēp̄m m̄jaa niha. Jesu ti panocã m̄ tãha. Æ to m̄ tãch̄m ñ̄ha to buheina ñ̄m c̄aa wahaha. Æ yoa ti baharo n̄n̄m tiina sehe cuiro mehne n̄n̄m tiha. Æ yoa Jesu doce to buheinare ti sahsero naaha tjoa. Æ naa tuhs̄m, masa tirore ti dohse yoah-tire Jesu yahu d̄caha tinare:

33 —T̄hoga ȳhure. Mip̄re Jerusalēp̄m wahana nija mari. Tópm̄ masa ȳhure

mas̄nore Cohamac̄u waro-carirore ñ̄aha, painap̄re ȳhure waahca. Sacerdotea p̄htoare, mari coyea judio masare buheina c̄hure ȳhure waahca. Æ jia ȳhure wajã dutiahca tina. Æ wajã dutia judio masa jieraina sehere ȳhure waahca. 34 Ti Æ wari baharo tina sehe ȳhure buj̄pe, chahcho puti sihõ, tjana, wajãahca. Æ yoa ȳh yariari baharo tia n̄m̄m wahaboroi masa wijaahca —ni yahuha Jesu tinare.

Santiago João mehne Jesure siniha
(Mt 20.20-28)

35 Æ yoa Santiago, João mehne Jesu cahap̄m s̄ha, siniha tirore. Tina Zebedeo poh̄na jiha. Æ jia õ sehe ni siniha:

—Buheriro, sã sinino se-heta sãre yoaga m̄h̄m —niha tina Jesure.

36 —¿Dohse ȳh yoach̄m cahmajari m̄sa? —niha Jesu tinare.

37 —Jipihtina bui p̄htoro jic̄m sãre m̄h̄m mehne duji dutiga. Cũiro m̄ poto buh̄sehei paio m̄ cõ buh̄sehei duji dutiga sãre, m̄h̄m mehne p̄htoa sã jihto sehe —niha tina Jesure.

38 Ti Æ nich̄m t̄horo õ sehe ni yahuha Jesu tinare:

—M̄sa ñ̄ano ȳhd̄htore masierapanahta ã sinina ȳhure. ¿Mip̄re ȳh ñ̄ano ȳhd̄hto seheta ñ̄ano ȳhd̄na c̄no p̄jabocari m̄sa c̄h̄m? —ni sinituha tinare.

³⁹ To ã sinituch_u tãhoa tina õ sehe ni yãhtiha:

—Cãno pjanahca —ni yãhtiha tina.

Ti ã nich_u Jesu õ sehe ni yahuha:

—Y_u ñano yãhd_uht_o seheta ñano yãhd_unahca m_usa cãh_u.

⁴⁰ M_usa ã yãhd_uhtina m_usa jipach_uta, yãh_u mehne dutihtinare, yãh_u mehne dujhtinare bese masieraja yãh_u. Ahrire y_u P_uc_u sehe cahno tuhsare. ã jia to besehtina dihta y_u poto buhusehei y_u cõ buhusehei dujiahca —niha Jesu tinare.

⁴¹ ã jia paina diez buheina Santiago, João ahrina p_uaro mehne susiniha ti ã sinirire tãhoa. ⁴² Ti ã susinich_u ñano Jesu to buheinare pjiroca, õ sehe niha:

—Cohamac_ure masieraina pãhtoa sehe ti masare dutia, puriño mehne dutira. ⁴³ M_usa sehe ne ã yoasi m_usa basi. Diro m_usa mehne macariro m_usa bui pãhtoro ji duaro, jipihtina tiro mehne macaina cahamac_uno yoaro sehe jia tiro cahmana tirore. ⁴⁴ ã yoa diro m_usa mehne macariro m_usare dutiriro ji duariro m_usa cahamac_uno yoaro sehe jia tiro cahmana tirore.

⁴⁵ Tó seheta jiriro jija yãh_u cãh_u. Yãh_u mas_uno Cohamac_u warocariro jipac_uta ahri yahpap_ure yãh_ure m_usa yoadoh_uhtire m_usare sinii tai nierahi. M_usa sehere yoadohoi tai nii. ã yoac_u pay_u masa ya buhirire yaria, wapabasai tai nii. Y_u ã yariaro mehne pay_u masare pichacap_u wahaborinare

yãhd_uch_u yoai tai nii —niha Jesu tinare.

Bartimeore, capari ñ_uerarirore ñ_uch_u yoaha Jesu (Mt 20.29-34; Lc 18.35-43)

⁴⁶ ã yoa baharo tina Jericó_u sãha. Jesu to buheina mehne, ã jich_u paina masa pay_u mehne tí macai jiina ti wahach_u tí macare ti yãhd_u wahcãch_u waro, Bartimeo sehe ti wahari maha dãht_u cahai dujiha. Tiro Timeo mac_uno capari ñ_uerariro jiro, masare niñerucãre ã sinirucuriro jiha. ⁴⁷ Ti wahari maha dãht_u cahai dujiro, “Jesu Nazare macariro tara”, ti nich_u tãhoro, Bartimeo sehe õ sehe ni sañurucuha:

—Jesu, Davi cjiro panamino masare yãhd_uhtiro, pja ñ_uga yãh_ure —ni sañurucuha Jesure.

⁴⁸ To ã nich_u tãhoa masa pay_u Bartimeore “Dihta mariaha”, ni tuhtiha tina tirore. Ti ã ni tuhtich_u tãhoro Bartimeo tó pano to sañurucuriro yãhd_u curero sañurucu namoha tjoa:

—Jesu, Davi cjiro panamino masare yãhd_uhtiro, pja ñ_uga yãh_ure —ni sañurucuha tiro.

⁴⁹ To ã ni sañurucuch_u tãhoro Jesu sehe tjuar_uc_u s_u, “Pjirocaga tirore”, niha. To ã nich_u tãhoa tina sehe capari ñ_uerarirore õ sehe ni yahuha:

—Wahchega. Wahcãr_ucaga. Tiro mãh_ure pjira —niha tina Bartimeore.

⁵⁰ Ti ã nich_u tãhoro to bui macari suhtirore tjuwe c_u, pu wahcãr_uc_u s_u, Jesu cahap_u

sarucu sūha. ⁵¹ Ā jiro, Jesu sehe ō sehe ni sinituha tirore:

—¿Dohse yu yoachu cahmajari mūhu? —niha Jesu tirore.

—Yu puhtoro, yūhure ñuchū yoaga —niha capari ñuerariro Jesure.

⁵² —Wahaga mūhu. Mūhu yūhure wacū tuacu noariro wahara —niha Jesu tirore.

To ā nichūta capari ñuerariro ñūa wahaha. Ā noariro waharo Jesu mehne mahapu wahaa wahaha.

11

Jerusalēpu sūha Jesu

(Mt 21.1-11; Lc 19.28-40; Jn 12.12-19)

¹ Ā yoa tina Jerusalēpu ti suhto panocā tūcu Olivo wama tidū duhtū cahai jiri maca Betfagé wama tiri maca cahai, ā jichū Betania wama tiri maca cahai su mūhtaha. Tí macari pu maca cahai Jesu sūro, to buheina puarore warocarō taro, ō sehe ni yahu quihōha:

² —Sí macapu wahaga. Tópu suna dóihta burrocāre tí duhte daporirocāre boca sunahca. Tiro ne cūiro ti pisamahnoerarirocā jica. Tirocāre bocana, yuta dare pjā, na tabasaga yūhure.

³ Mūsa tirocāre pjāchū ñūno cūiro dohse jiro, “¿Dohse yoana tana burrocāre duhte daporī dare pjājari mūsa?”, to nichū tūhona, ō sehe ni yūhtiga tirore: “Mari puhtoro burrocāre cahmarocasinire. Michapucacāta wiarohca

tiro”, ni yahuga tirore — ni yahu duti warocaha to buheina puarore.

⁴ To ā nichū waha, tí wūhū sopaca cahai burrocāre ti duhte daporirocāre bocaha. Boca, tirocāre pjāha. ⁵ Tirocāre yuta dare ti pjāchū ñūa tói ducuina ō sehe ni sinituha tinare:

—¿Dohse yoana tana burrocāre duhte daporī dare pjājari mūsa? —ni sinituha tina.

⁶ Ti ā nichū tūhoa, tina sehe Jesu to niriro seheta yahuha tói ducuinare. Ti ā ni yahuchū tūhoa tói ducuina sehe “Naahga”, niha tinare.

⁷ Ā jia tina burrocāre Jesu cahapu na sūha. Ti na sūri baharo tirocā bui ti bui sūa suhtire ti pjūpaha payo tuhsūchū ñūno, Jesu sehe tirocā bui mūja pja, wahaha.

⁸ Tirocā bui to wahachū ñūa, masa payu ti bui sūa suhtire tjuwe na, to wahahti mahai saño cū mūhtaha, Jesure ño payoa. Paina sehe campopu pūri tia dūpūrire yucu dūpūrire date na ta, to wahahti mahai duhu cūha.

⁹ Ā jia to pano wahaina, to baharo nūnū tiina mehne ō sehe ni sañurucuha:

—Ahrirore wahche payojihna. Ahriro Cohamacū to warocariro noano jijaro.

¹⁰ Mari ñuchū Davi cjiro puhtoro to noano sūho jiro sehta, ahriro marine to sūho jihto cūhū noano jijaro. Mūano macariro Cohamacū, mūhū tuariro waro jira —ni sañurucuha tina.

11 Ti ã yoari baharo Jesu sehe Jerusalēpu s̄ha. S̄h, Cohamacu ya wuhuru s̄a s̄ro, tí wuhui jiare jipihtiare ñu pahñonocaha. Ñu tuhsu “Ñamichahapu waro jira marine” nia, Jesu to buheina doce buheina mehne Betañapu wahaa wahaha.

Jesu higueraçure yaria dutiha
(Mt 21.18-19)

12 Æ yoa pa dachoi tina Betaniapu jiina wahaa wahaha. Æ jiro Jesu sehe juca baa, yoaropu higuera wama tidure noano p̄uri tidure ñuno tu dichare macano wahamaha. 13 Dicha mariaha. Dicha tiri pja jieraro p̄uri dihta jiha. 14 Æ jiro dicha mariachu ñuno õ sehe niha:

—Ahd̄u dichare masa ne pari turi ch̄ea tjijaro. Ne dicha tiero tjijaro —niha Jesu.

To ã nichu to buheina sehe tuhoha.

Jesu Cohamacu wuhure Cohamacu mehne durucuri wuhure yoa dutiha

(Mt 21.12-17; Lc 19.45-48; Jn 2.13-22)

15 To ã yoari baharo tina Jerusalēpu s̄ha. Tópu s̄ro, Jesu Cohamacu ya wuhuru s̄a s̄ro pache duainare, nuchaina c̄hure cohã wioha. Æ yoaro niñeru cohtotaa mesarire yo wahcõ na majare c̄u m̄jaa tiha. Bujaare duaina ti dujia pahtari c̄hure ãta yoaha. 16 Æ yoaro paye barore na s̄a dutieraha masare. 17 Tó sehe yoa tuhsu, Jesu õ sehe ni buheha tinare:

—Õ sehe nina Cohamacu yare ti joari p̄ui: “Ȳu wuh̄u Cohamacu mehne durucuri wuh̄u wama tirohca. Æ jiro jipihtiro macaina ya wuh̄u c̄jhto jirohca”, ni joaa tiha Cohamacu yare ti joari p̄ui. To ã nipachuta m̄sa sehe ahri wuh̄u duana, m̄sa basi cahma yacara m̄sa —ni buheha tinare.

18 To ã ni buhechu jipihtina masa sehe tuh̄o c̄aa wahaha. Æ jia sacerdotia p̄h̄toa, s̄a judio masare buheina mehne tirore cui niha. Æ jia tina tirore ti wajãhti c̄jhtire wac̄u macamaha. 19 Ti ã yoachu ñamichahapu Jesu to buheina mehne tí macapu jirina c̄jiri wahaa wahaha.

Higueraçu ñaia wahaha
(Mt 21.20-22)

20 Æ jia bohrearo mahapu maja taa, higueraçure ñuha. Tu n̄hcoripu ñai d̄ca, ñaia wahaha tu. 21 Tu ñuno Pedro sehe wac̄u õ sehe niha:

—Buheriro, ñuga. Higueraçu m̄u yaria dutid̄u yaria wahari jira —niha Pedro.

22 To ã nichuta Jesu õ sehe ni yahuha tinare:

—Cohamacure wac̄u tuaga m̄sa. 23 Potocã niita nija m̄sare. Ahd̄u t̄c̄ure pjiri mapu m̄sa cohã dutich̄u m̄sa niriro seheta ã waharohca. Cohamacure noano m̄sa wac̄u tuachu “Ȳu siniriro seheta ã waharohca”, m̄sa ni tuh̄otuch̄u m̄sa niriro seheta ã waharohca. 24 Æ jicu ahrire yahuihtja m̄sare. Cohamacu mehne durucuna, tirore sinina, “Ȳu siniriro seheta warohca yuh̄ure”, ni tuh̄otuga. M̄sa

ã ni tãhotuchũ ñũno Cohamacũ mãsa siniare waro-hca. ²⁵ Å yoana Cohamacũ mehne mãsa durucuhto pano mãsare paina ti ñano yoachũ mãsa suari cjirire duhuga. Mãsa ã yoachũ ñũno Cohamacũ mãano macariro mãsa ñaa buhirire tiro cũhũ sua duhurohca. ²⁶ [Mãsare ñano yoainare mãsa sua duhuerachũ mari Pũcũ cũhũ mãano macariro mãsa ñaa buhiri sehere bosì tiro cũhũ] —niha Jesu.

Sacerdotea pũtoa, judio masare buheina, bũcũna mehne Jesu mehne cahma sayoha

(Mt 21.23-27; Lc 20.1-8)

²⁷ To ã niri baharo tina Jerusalẽpũ wahaha tjoa. Å jia Jesu Cohamacũ wũhũi to tinichũ ñũa sacerdotea pũtoa, sã judio masare buheina, bũcũna mehne tiro cahapũ sua tirore õ sehe ni sinitu ñũha:

²⁸ —¿Dohseacũ canũre ã yoari mãhũ? ¿Noa mãhare tíre ã yoa dutiri? —ni sinitu ñũha tina Jesure.

²⁹ Ti ã nichũ Jesu õ sehe ni yũhtiha:

—Mãsa sehere sinitu mãhtaihtja. Noano yũhare mãsa yũhtichũ mãsare yahuihtja yũhũ cũhũ. ³⁰ ¿João masare to bautisachũ diro baro sehe tirore bautisa dutia tiari, mãsa tãhotuchũ? ¿O Cohamacũ dutiera tiari? ¿O masa sehe tirore dutia tiari, mãsa tãhotuchũ? —ni sinituha tinare.

³¹ To ã nichũ tina sehe ti basi õ sehe niha: “¿Dohse ni yũhtinahcari mari? ‘Cohamacũ Joãore dutia tiri

jire’, mari nichũ, ‘¿Dohseana Cohamacũ Joãore to dutipachũta tirore tãhoerari mãsa?’ niboca Jesu marine.

³² Å yoa, ‘João to bautisachũ Cohamacũ sehe tirore dutierari jire’, mari nichũ masa sehe suaahca mari mehne”, niha tina ti basi. “Potocãta João Cohamacũ yare yahu mãhtariro jira”, ni tãhotua tiha masa sehe. Ti ã ni tãhotuchũ masia, Joãore doca dahre duaeraha sacerdotea pũtoa cũhũ, “Masa suari”, nia. ³³ Å jia tina Jesure õ sehe ni yũhtiha:

—Joãore bautisa dutirirore sã masieraja —niha tina Jesure.

—Tí pja pinihta yũhũ cũhũ ahrire yũ yoaare dutirirore yahueraja mãsare —niha Jesu tinare.

12

Ñaina dahra cohtaina quitire yahuha Jesu

(Mt 21.33-46; Lc 20.9-19)

¹ Å yoa Jesu to tãhotua mehne õ sehe ni piti dahre buhe dũcaha tinare:

—Wese pũro se dari cjihtire toaha. Toa tuhsũ, sahrĩnore dapo, sere ti tũ mãtohti copare saha, mãari wũhũcã dahreha tiro. Tuhsũ, tí wesere painare cũ bũhũsehe coa pahma cũno, tí wesere ñũ wihbo dutiha. Ñũ wihbo duti tuhsũ, pa yahpapũ wahaha tiro. ² Baharo se ñiri pja jichũ wese pũro tirore dahra cohtarirore wese macaa to ya coa macaa dichare na dutiro warocamaha. ³ Å jia tí wesere ñũ wihboina

sehe tirore dahra cohtarirore ñaha, cjâha. A yoa tuhsu tirore dahra cohtarirore se tōhorine waerapahta tjuaa dutiha tirore. ⁴ ã jiro wese puro paio tirore dahra cohtarirore warocamaha tjoa. ã jia wesere ñu wihboina sehe tirore dahra cohtarirore dapure cami dahre, ñano yoaha tina tirore. ⁵ Tuhsu, paio sehere to warocachu ñu wihboina tirore wajâha. Payu paina cūhure ã dihta yoa mujaha. Paina sehere cjã, paina sehere wajâha tina.

⁶ ã jiro wese puro macuno dihta dūhsaha. Tiro to cahīro jia. A jiro to macunore warocaha juna, “Yu macu sehere ño payoahca”, nino. ⁷ To ã ni tūhotupachata tina ñu wihboina ti basi õ sehe ni durucuha: “Wese puro macuno baharo ahri wesere cjahtiro jira ahriro. Tirore wajājihna mari. ã jiro ahri wese mari ya wese tjuarohca”, nimaha tina ti basi. ⁸ ã nia tirore ñaha, wajã, wese dūhtu cahapu na wahcã, cohānocahna tina tirore.

⁹ ¿Ne wese puro taro dohse yoarohcarī tiro wesere ñu wihboinare? Õ sehe yoarohca tinare: Tiro tinare wajãno, paina sehere wesere ñu wihbo dutirohca. ¹⁰⁻¹¹ ¿Cohamacu yare ti joari pūre ahrire buherari mūsa? Õ sehe ni joaa tiha:

“Ahriro Cristo tãca yoaro se-heta jira.

Tãcare wūhu dahreina ti cohāno sehetā masa

tirore cohāahca.

Ti ã yoapachata mipure wūhu dahreina wūhure yoaa ti cū mahtari tãcare ti cūno sehetā Cohamacu tirore pūhto sōre.

Cohamacu sehe ahrire yoare. To ã yoachū ñuna, ‘Noa yūhdūara’, ni tūhotuja mari”,

ni joaa tiha panopu. ¿Tīre ne buherari mūsa? —niha Jesu tinare.

¹² To ã nichu tūhoa sacer-dotea pūhto, sã coyea judio masare buheina, būcūna mehne õ sehe ni tūhotuha: “Jesu wesere ñu wihboina quiti mehne marine tuhtiro nina”, ni tūhotuha. ã ni tūhotua Jesure ñaha duamaha. ã ñaha duapahta masare cui niha. ã cuia tirore cohã wahcã wahaha.

Fariseo curua macaina, Herode ya curua macaina mehne gobierno macaa wapore sinituha Jesure

(Mt 22.15-22; Lc 20.20-26)

¹³ Waha, tina fariseo curua macainare, Herode ya curua macaina cūhure Jesure sinitu dutia warocaha tjoa. Jesu ñano to yūhtichu yoa duamaha tina, tirore yahusãa taa. ¹⁴ ã jia Jesu cahapu sua, tirore mahño cū sinitu ñumaha:

—Buheriro, potocã duru-curiro, mahñoa marieriro mu jichu masija sã. Cohamacu yare quihōno mu yahuchu cūhure masija sã. ã yoa cūiro pūhtoro waro to jipachata tiro cūhure dōrero marieno potota yahura mūhu. ã jicu sãre yahuga. ¿Roma macariro

jipihtina bui pũtoro jirirore gobierno macaare marine waparo cahmajari, mũ tũhotuchũ? ¿Mari dutia tirore wapa dutijari, mũ tũhotuchũ? —ni sinitumaha tina Jesure.

¹⁵ Ti ã sinituchũ tũhoru ti yahusã duaare masino õ sehe ni sinituha tinare:

—¿Dohseana yũ ñano durucuchũ tũho duajari mũsa? Mipũre niñeru tũre na tahga. Tí tũre ñũjihna —niha Jesu tinare.

¹⁶ To ã nichũ tũhoa tina sehe cũ tũre na taha. Ti na wihichũ Jesu õ sehe ni sinituha tinare:

—¿Diro baro masũ wahãjari ahri tũre? ¿Diro baro wama wahãjari? —ni sinituha tiro.

—César, masa bui pũtoro masũ, to wama cũhũ wahãna —ni yũhtiha tina.

¹⁷ Ti ã nichũ Jesu õ sehe ni yahuha tinare:

—Tí pja pinihta masa bui pũtoro yare tiro sehere waga. Cohamacũ yare Cohamacũ sehere waga —ni yahuha Jesu.

To ã nichũ tũhoa, tũho cũaa wahaha.

Saduceo curua macaina Cohamacũ to masoare sinituha Jesure

(Mt 22.23-33; Lc 20.27-40)

¹⁸ Æ yoa cãina Saduceo curua macaina Jesu cahapũ wihia. Saduceo curua macaina sehe “Cohamacũ yariainare masosi”, ni tũhotuina jimaha. ¹⁹ Æ jia tina õ sehe niha tirore:

—Buheriro, õ sehe ni buhea tiha Moise cjiro: “Cũiro to wahmino namo tiiro pohna mariaparota to

yariachũ ñũno to bahũrore to wahmino namono cjirore nũoano cahmana. Æ yoaro to wahmino mũnana to pohna tiboro seheta pohna tiro cahmana to bahũrore. Æ jia to pohna to wahmino mũnana pohna yoaro sehe jahca”, ni joaa tiha Moise cjiro —niha tina Jesure.

²⁰ Tíre ni tuhsũ, ahri quitireta yahu namoha Jesure:

—Cũiro masũno jia. Seis to bahana jia. Ti wahmino sehe namo ti, pohna mariaparota yariaa wahaha.

²¹ Tuhsũ, paio to bahũro cũhũ to wahmino namono cjirore cjuamaha. To ã nũoari baharo to wahmino yoaro seheta pohna mariaparota yariaa wahaha tjoa. Æ jiro ahriro bahũro to wahmino mũnana yoaro seheta pohna mariaparota yariaa wahaha tjoa.

²² Æ dihta wahaha cũiro pohna waro. Ne pohna mariapahta yaria pihtia wahaha tina. Ti namono cjiro cũhũ ti baharota yariaa wahaha. ²³ ¿Ne, Cohamacũ jipihtinare yariaina cjirore to masochũ diro namono sehe jirohcari ticoro? Tina jipihtina ticoro namo tirina cjiri jia. ¿Æ jiro diro namono sehe jibocari ticoro pototi? —ni sinituha tina.

²⁴ Jesu õ sehe ni yũhtiha tinare:

—Cohamacũ yare ti joari pũre, to masia cũhũre ne masierara mũsa. Æ jia mũsa tũhotua sehe ne quihõno jierara. ²⁵ Yariarina cjiro

ti masa m̄jari baharo tina anjoa yoaro sehe jira. Tina m̄na namo tierara tóph̄re. ²⁶ Yariarina cjiri ti masa wi-jaah̄to sehere m̄sare yahuihtja: Tíre Moise cjiro noano yahu pah̄ñoha. To mahad̄cã j̄ari quitire ò sehe ni yahuha tiro: “Ȳh̄h̄ Abrahã, Isaa, Jacobo ti p̄htoro tjija”, ni yahure Cohamac̄u ȳh̄h̄re”, ni joaa tiha Moise cjiro to joari tjui. ²⁷ Ti yariari baharo “Ti p̄htoro tjija”, ni yahuha Cohamac̄u. ã niparota yariarina cjiri p̄htoro jierara Cohamac̄u. “Ti p̄htoro tjija”, to nia mehne catiina ti jich̄u masija mari. Tiro catiina p̄htoro jira. ã jina “Yariaina masasi”, ni t̄hotuna quih̄ño t̄hotuerara m̄sa —niha Jesu tinare.

Cãno noa ȳhd̄uro to dutiare yahuha Jesu
(Mt 22.34-40)

²⁸ ã yoa cãiro sã coyera judio masare buheina mehne macariro tina cahap̄u wihi, ti cahma durucuch̄u t̄hoha. Jesu to noano ȳhtiare t̄horo ò sehe ni sinituha tirore:

—¿Cohamac̄u ya dutia noa ȳhd̄uro di baro sehe jijari, m̄u t̄hotuch̄u? —ni sinituha tiro Jesure.

²⁹ Jesu tirore ò sehe ni yahuha:

—Ahri dutiata paye dutia ȳhdoro noa ȳhd̄ara: “Israe masa t̄hoga. Cohamac̄u m̄sa p̄htoro ȳh̄u cãirota jija. ³⁰ Tuaro m̄sa yajeripohnari mehne, noano m̄sa wac̄ua mehne, m̄sa tuaa mehne ȳh̄ure cah̄ga”,

nina Cohamac̄u. ³¹ Ahri dutia baharo paye dutia noa ȳhd̄ara: “M̄u basi m̄u cah̄ño seheta m̄u cah̄ai jiina c̄h̄ure cah̄ga”, nina Cohamac̄u. Ahri p̄h̄aro dutia jipihtia paye dutia ȳhdoro jira —ni yahuha Jesu tirore.

³² To ã nich̄u t̄horo judio masare buheriro ò sehe niha:

—ã tjira. Buheriro, potocã nina m̄h̄u. Cohamac̄u cãirota jira. Pairo tiro yoaro sehe jiro mariahna. M̄u nia potocã tjira. ³³ Cohamac̄ure tuaro mari yajeripohnari mehne, mari wac̄ua mehne, mari tuaa mehne tirore cah̄ño cahmana marine. Ȳu cah̄ai jinare ȳu basi ȳu cah̄ño seheta tina c̄h̄ure cah̄ño cahmana ȳh̄ure. Wahiquinare wajã jã m̄u mari wari mehne mari ño payoch̄u noa nimana. Ahri ȳhdoro Cohamac̄ure masa c̄h̄ure mari cah̄a noa ȳhd̄ara. M̄u ã nia potocã tjira —niha judio masare buheriro Jesure.

³⁴ To ã noano ȳhtich̄u t̄horo Jesu ò sehe ni yahuha tirore:

—Mahanocã d̄hsara m̄h̄ure Cohamac̄ure m̄u noano masihtu —niha tirore.

To ã nich̄u t̄hoa paina cuia, ne sinitu ñ̄eraha tirore.

¿Diro baro coyero jijari Cristo?

(Mt 22.41-46; Lc 20.41-44)

³⁵ ã yoa Cohamac̄u w̄h̄u buhero ò sehe niha Jesu:

—“Cristo Davi cjiro panamino jira”, ni buhera mari coyera judio masare buheina. ¿Dohse yoa ã ni buhejari tina? ³⁶ Davi cjiro to

basi Espiritu Santo to dutiriro seheta ò sehe ni yahua tiha:

“Cohamacu yu puhtorore ò sehe nire: ‘Ōi yu potu buhusehei dujiga.

Ā jicu mahure nu tuhtiinare mahure yuhduru cabasaihyahuha Jesu yuhu’, nire Cohamacu yu puhtorore”,

ni joaa tiha Davi cjiro. ³⁷ Ā ni joaro Davi cjiro puhtorotia tiha Cristore. ¿Davi cjiro Cristo nu chano cjiro jiparota dohsearo Davi sehe puhtoro tiari Cristore? Cristo Davi cjiro puhtoro jira —ni yahua Jesu.

To ā ni buhechu payu masa wahchea mehne tuhoha tirore.

Jesu judio masare buheina ti naare yahua

(Mt 23.1-36; Lc 11.37-54; 20.45-47)

³⁸ Ā yoa tiro buhe namono ò sehe niha:

—Mari coyea judio masare buheina ti naa yoare noano nu ga. Ā jina ti yoaro sehe yoarena tjiga. Tina yoaa suhti sāa, masa ti nu rocaroi majarea, pache duaropu paina puhtoare noano no payo ti sinino sehe ti piti bocasinichu cahmana tina. ³⁹ Ā cahmaina jia, mari judio masa buhea wuhusei noaa dujia dihtare duji duara. Tuhsu, bose numu jichu tó chure noaa dujia dihtare cahmana tina. ⁴⁰ Tina wapewahya numia ya wuhusere ti ya chure mana tí numiare. Ā yoaina jia, tina masa ti nu rocaroi yoari pja Cohamacu mehne

durucumana masare nu dutia. Ti ā yoari buhiri paina bui curero tinare Cohamacu pjiro buhiri dahrerohca —niha Jesu tinare.

Wapewahyoro to warire yahua Jesu
(Lc 21.1-4)

⁴¹ Ā yoa Jesu niñeru wihbori caro cahapu dujiha. Tí caropu masa tí niñeru duhu sāachu nu dujiro niha. (Tí niñeru Cohamacu wuhure ti cahnochu ti wapahti jiha.) Ā jia pache puā tí caropu pjiro duhu sāaha. ⁴² Ā yoa wapewahyoro pjacoricoro tí caropu ta, puā tucāre duhu sāaha. Puā tu cū centavo posa jira. ⁴³ Tí tarire to duhu sāachu nu no to buheinare pjirocaha:

—Potocā niita nija masare. Ahricoro wapewahyoro pjacoricoro sehe niñeru wihbori caropu duhu sāano paina jipihtina ti wari yuhdoro wahre ticoro sehe. ⁴⁴ Paina pache puā pjiro ti wapachuta ti ya pjiro duhsara. Ahricoro sehe pjacoricoro jiparota jipihtia to chuhtire to nuchaboacāre wa pahnohre —ni yahua Jesu.

13

“Cohamacu wuhu cohāri wuhu jirohca”, niha Jesu
(Mt 24.1-2; Lc 21.5-6)

¹ Ā yoa Cohamacu wuhupure ti wijaachu cāiro buheina mehne macariro ò sehe niha:

—Buheriro, nu ga. Ahri wuhuse noaa tāa mehne ti

yoaa wuhuse noacaa wuhuse jijari —niha tiro.

² To ã nichu Jesu õ sehe ni yahuha tinare:

—Ahri jipihia mari ñuri wuhuse cjiri, ahri tãa cãhu cohõ pihtia wahaahca. Ne cãria tãca tjuasi —niha Jesu tinare.

Pihtiri dacho cjihtore yahuha Jesu

(Mt 24.3-28; Lc 21.7-24; 17.22-24)

³ Æ yoa Jesu Olivo wama tidu tãcupu Cohamacu wuhu potoi jidupu suha. Tu bui dujiha. Tói Pedro, Santiago, João, Andre mehne ti sahsero jia, tina tirore õ sehe ni sinituha:

⁴ —Yahuga sãre. ¿Dohse jichu ã waharohcari mu niriro sehe waharo? ¿Pihtiri dacho panocã to jichu dohse to waha ducachu ñinahcari sã? —ni sinituha tina Jesure.

⁵ Jesu õ sehe ni yãhtihã:

—Noano yoaga musa. Tuhsu, paina ti mahñoare tãhoena tjiga musa. ⁶ Payu masa “Cristo jija yuhu”, ni mahñoina taahca. Ti ã mahñoachu tãhoa payu masa Cohamacu yare duhuahca.

⁷ Musa cahacãi masa paina ti cahma wajãchu tãhonahca musa. Tuhsu, yoaropu cãhure ti cahma wajãchu tãhorocanahca musa. Æ tãhorocapanahca ne tíre pjíro tãhotuena tjiga. Æ waharohca. Ti ã yoachu pihtiri dacho cjihto dãhsasininohca mini. ⁸ Tí pjare cã yahpa macaina pa yahpa macaina mehne cahma wajãahca. Æ

yoa cãiro pãhtoro yaina paio pãhtoro yaina mehne cahma wajãahca. Tuhsu, pjaró yahpa ñuhminohca. Æ yoa payu masa juca mehne variaahca. To ã wahachu ahri yahpa macainare ti ñano yãhdu namohto dãhsasinina mini. Ñano yãhdusinahca.

⁹ To ã wahachu ñuna musa basi noano yoaga. Paina musare ñaha, ñano yoa dutia waahca paina pãhtoapure. Æ yoa judio masa mari buhea wuhusei musare cjãahca. Ti ã yoachu bujua macari macaina pãhtoa, ti bui pãhtoa cãhu musare buhiri dahrea taa sinituahca musare. Yu yaina musa jiri buhirire paina musare yahusãhca. Æ jina yare yahunahca musa tinare. ¹⁰ Æ jia pihtiri dacho pano noaa buheare jipihtiro yahpari macainare yahua buhea jahca. ¹¹ Æ jina musare buhiri dahre dutia, buhiri dahre dutiriro cahapu ti naachu tirore musa nihtire “Yahu masieraboca”, ni tãhotuena tjiga musa. Tí pjare musa nihtire musare Espíritu Santo yahurohca. To ã yahurire yahuga musa. Musa mu sãro durucusi musa. Espíritu Santo sehe musare durucubasarohca. ¹² Tí pjare cãiro to bahurore wajã dutiro warohca. Pairo sehe to wahminore wajã dutiro warohca. Ti pucuro to pohñare wajã dutiro warohca. Æ yoa ti pohña sehe ti pucumare wajã dutia waahca. ¹³ Yu yaina musa jiri buhiri musare

masa jipihtina ñu tuhtiahca. Æ ñano yuhdɥpanahta yu yare mɥsa ne cohæerachɥ pihtiri dacho jichɥ mɥsare yuhdoihca.

14 'Æ yoa ñabiarirore Cohamacɥ yare ñano yoarirore ñnahca mɥsa. Cohamacɥ ya wɥhɥi to ducuchɥ ñnahca. Tóí tirore jieraro cahmana. [Panopɥ Cohamacɥ yare yahu mahtariro Daniel cjiro tirore yahuro joaa tiha.] Tóí to ducuchɥ ñna Judea yahparɥ jiina tãyucɥpɥ duhti mɥroca mɥjaa wahajaro. Ahri yu nirire noano masiga mɥsa.

15 Soaro mehne mɥroca duhtijaro. Tí pjare tí wɥhɥseri bui macaa waparipɥ jiina wɥhɥ puhichapɥ jiare ti yare na wahaera tjijaro ti waha bahrañohto sehe. 16 Æ jia tí pjare paina ti weseripɥ jiina ti bui macaa suhtire wɥhɥpɥ jia suhtire na wahaera tjijaro ti waha bahrañohto sehe. 17 Tí pjare niji pocosanumia, ti pohnare pɥa numia cɥhɥ pjacɥoro wahaahca.

18 Æ jina õ sehe ni siniga Cohamacɥre: "Puhiro jichɥ Æ wahaero tjijaro", ni siniga tirore. 19 Tí dachorire masa nu ñano wahaahca. Ahri yahpare to bajuamehneri baharo masa ñano ti yuhdɥna jia tiha. Ti Æ jipachɥta jipihtia tí puría yuhdoro pihtiri dacho jichɥ masa ñabiaro yuhdɥnahca. Æ ñano ti yuhdɥri baharo pari turi tóí sehe ñabiaro yuhdɥsi ahri yahpai jɥna. 20 Æ jiro Cohamacɥ tí dachorire mahaa dachoricã ti jichɥ

yoarohca. To Æ yoerachɥ ne cãiro masɥno yuhdɥeraboa. Æ jiro to beserina ti yuhdɥhti cjihtire mahaa dachoricã Æ cãsininohca Cohamacɥ.

21 'Tí pjare paina mɥsare "Ñuga. Õi jira Cristo", ti nichɥ tinare tɥhoena tjiga. "Tóí jira Cristo", ti nichɥ cɥhɥre tɥhoena tjiga. 22 "Cristo jija", ni mahñoina, "Cohamacɥ yare yahu mahtaina jija", ni mahñoina jahca tí pjareta. Æ jia Cohamacɥ to beserinare mahñoa, tina bajuamehn-eare yoa ñoahca. Ti Æ yoa ñochɥ ñna, Cohamacɥ yaina cãina tinare tɥhoa "Potocã tjira" nia, Cohamacɥ yare pa tehe nia duhuboca. 23 Ahrire yahuyuja mɥsare to Æ wahahto pano. Æ jina noano yoaga mɥsa —ni yahuha Jesu.

Jesu yahparɥre to tjua tah-tore yahuha

(Mt 24.29-35, 42-44; Lc 21.25-36)

24 Æ ni tuhsɥ õ sehe ni yahu namoha Jesu:

—Tí dachori ti ñano yuhdɥri baharo sũ dacho macariro, ñami macariro cɥhɥ buhria duhɥa wahaahca. 25 Ti Æ wahachɥta ñahpichoha poca mɥanopɥ jia poca bora wahaahca. Æ jia mɥano macaa yahpari tuaro ñuhmiahca. 26 Tí pjata yuhɥ masɥno Cohamacɥ waro-cariro taihtja. Yu Æ tachɥ mɥanopɥ yu tuaa mehne yu si sitea mehne mɥano macaa me bui ahri yahparɥre yu tjua tachɥ ñnahca masa. 27 Æ jicɥ yu yaina anjoare jipihtiropɥ ahri yahparɥ

warocaihtja. Ā jia jipihtiropu yu yaina yu beserinare tina naahca.

28 'Mipure higueracure tuhotuga musa. Tu quiti mehne musare piti dahre buheihtja. Tu yucucu pūri tichu ñuna, cūhma mahanocā dūhsachū masina musa. 29 Tó seheta ahri jipihtia yu niri cjrيره ti ā wahachu ñuna, yu tjua tahto mahanocā dūhsachū masinahca musa. 30 Potocā niita nija musare.

Tí pja macaina ti yariahto panore jipihtia yu niriro seheta ā waharohca. 31 Mhano, ahri yahpa cūhu pihtia wahaahca. Yu durucua sehe ne cohtotasi. Jipihtia yu niriro seheta ā waha sohtori tiarohca.

32 'Tí dachore yu tjua tahti dachore, tí hora cūhure masieraja yūhu. Anjoa cūhu tíre masierara. Masa cūhu ne masierara. Yu Pucu dihta tíre masina.

33 'Musa cūhu tí dachore masierara. Ā jina noano yoaga. Noano cohtaga. (Cohamacure siniga musa.)

34 Ō sehe cohtaga musa. Ahri quiti mehne musare piti dahre buheihtja. Wūhu puro yoaropu to tinino seheta jira ahri. Tiro to wahahto pano to cahamacare wūhure cohta dutiha. Cāinare ti dahrahtire cūha. Ā jiro wūhure ñu wihborirore tirore to tjua tahtore cohta dutiha. 35 Ā jina musa cūhu noano wacū masi cohtaga. Wūhu puro to tjua tahtore tina ti masieraro seheta yūhu musa pūhtoro yu tjua tahti dachore masierara

musa cūhu. Ñamichahapu, ñami dacho macapu, caraca to duri pja jichu, bohrearopu taboca. 36 Yu ā wacūenoca yu wihhtore masina, yu yare ā yoarucuina jiga musa. Ā yoa yūhure noano cohtaga. 37 Ā jicu musare yu nino seheta jipihtinare ā nija musare: Noano wacū masi cohtaga — niha Jesu tinare.

14

Sacerdotea pūhtoa, judio masare buheina mehne Jesure wajā duaha

(Mt 26.1-5; Lc 22.1-2; Jn 11.45-53)

1 Ā yoa tí pjare pascua wama tiri bōse nūmu cjihto būcuāerari pāore ti chūhti nūmuri cjihto pūa dacho dūhsasiniha. Tí pjare sacerdotea pūhtoa, ā jichu sā coyeya judio masare buheina mehne dohse yoa ti mahñoa mehne Jesure ñaha ti wajāhtore cahma sūhūdua niha:

2 —Mari bōse nūmuri yūhoro puro tirore ñahasiniena tjijihna, “Masa sua sañurucuri”, nina —niha tina ti basi.

Numino me sitia se mehne Jesure pio payoha

(Mt 26.6-13; Jn 12.1-8)

3 Ā yoa Jesu cūhu Betaniapu, Simo cami bucu baariro cjiro ya wūhupu jiha. Tópu ti churo watoi numino sehe alabastro mehne ti yoariare me sitia nardo wama tia sere posa tiriare na wihaha. Tí se sehe wapa būju niha. Ā na wihoro, ticoro

tiare poharoca, Jesu dapu bui pio payoha. ⁴To ã yoachũ ñũa paina suaa waha, ti basi õ sehe niha:

—¿Dohse yoaro ahricoro ahri me sitia co wapa bujũare ã yoa sitejari? ⁵Tíre ticoro duaboa. Tíre duaro tres cientos niñeru pũrine wapatatã. ã wapatato, tí niñerure pjacũoinare waboa ticoro —ni cohtaha paina sehe ticoro to ã yoachũ ñũa.

ã jia tina ticorore tuhtiha.

⁶Ti ã nichũ tũhoro Jesu tinare õ sehe ni yahuha:

—ã niena tjiga ticorore. Yũhũre ticoro noano yoaro nina. ⁷Pjacũoina sehe mũsa mehne ã jirucuahca. ã jina mũsa cahmari pja tinare wa masina. Yũhũre sehe ahri yahpare mũsa mehne ã jirucusi. ⁸To cjũaro puro mehne ticoro yũhũre ã yoahre. Yũhũre ti yahto pano yũ pjacũre cahnoyuro, me sitiare pio payohre ticoro. ⁹ã jicũ potocã niita nija mũsare. Jipihtiro ahri yahparũ noaa buheare ti yahuropũ ahricoro mipũre to yoirire yahuahca. Ti ã yahuchũ tũhoa ticorore masa payũ wacũahca —ni yahuha Jesu.

Juda Iscariote Jesure ñũa tuhtiinare to ñohtore yahuha sacerdotea pũhtoare

(Mt 26.14-16; Lc 22.3-6)

¹⁰Ti pjareta Juda Iscariote wama tiriro doce to buheina mehne macariro Jesure to ñohtire yahuro wahaha tire ñũa tuhtiinare, sacerdotea

pũhtoare. ¹¹To ã ni yahuchũ tũhoa, sacerdotea pũhtoã tíre tũhoa wahcheha.

—Mũhũre niñerure wanahtja —niha tina Judare.

Ti ã nichũ tũhoro, tiro Jesure ñũa tuhtiinare to dohse yoa ñohto cjihore wacũ macaha.

Jesu to buheina mehne to chũ batoari nũmũ jiha

(Mt 26.17-29; Lc 22.7-23; Jn 13.21-30; 1Co 11.23-26)

¹²Bũchũerari pãore ti chũ nũmũri dũcari nũmũre sehe oveja pascua macaina cjihore ti wajãhti nũmũ jiha. Tí nũmũri to buheina sehe õ sehe ni sinitu ñũa Jesure:

—¿Mari pascua macaa chũhtire noho baroi cahnoyuro dutirocaijari mũhũ sãre? —niha tina tire.

¹³Ti ã nichũta Jesu sehe pũaro to buheinare õ sehe ni yahu warocaha:

—Jerusalẽpũ wahaga. Tórpũ mũsa sũchũ co situ wũariro mũsare piti bocarohca. To piti bocachũ tiro mehne wahaga. ¹⁴ã wahana tiro to sũho sãari wũhũpũ sũna, tí wũhũ pũrore õ sehe niga: “¿Dí tahtiai yũhũ yũ buheina mehne pascua macaa chũare chũnahcari?” ni sinitu dutirocahre buheriro”, niga tí wũhũ pũrore. ¹⁵Mũsa ã nichũ tũhoro, tórpũ mũano macari tahtiare pjiri tahtiare, noano ti cahnoyuri tahtiapũre mũsare ñonohca wũhũ pũro. Tóri mari chũhti cjihore dahrega mũsa —niha Jesu tinare.

16 To ã nichu tãhoa tina to buheina tí macapu wahaha. Tõpu ti suchu tinare to niriro seheta ã wahaha. ã jia tina pascua macaa chũare dahreha.

17 ã yoa nahitia bora tachu Jesu doce to buheina mehne tí wũhũpũre sũha. 18 Tí wũhũpũ ti sũri baharo, tina mehne mesapu chũro Jesu tinare õ sehe ni yahuha:

—Potocã niita nija mũsare. Cũiro mũsa mehne macariro yũhũ mehne chũrirota yũhũre ñũ tuhtiinare ñonohca yũhũre —ni yahuha Jesu tinare.

19 To ã nichu tãhoa tina sehe cahyaha.

—¿Yũhũta jijari mũhũre ñohtiro? —ni sinitu pihtiaha tina cãina jipihtina Jesure.

20—Mũsa mehne macarirota jira tiro. Yũ chũri wapai yũhũ mehne soha chũriro tjira yũhũre ñũ tuhtiinare ñohtiro. 21 Panopũ yũhũre ti yahu joariro seheta yũhũ masũno Cohamacũ warocariro yariaihca. Yũhũre ñũ tuhtiinare ñoriro pjacũoro yũhũrohca. Tiro to masa bajuerachu noaboa —niha Jesu tinare.

22 ã ni yahu tuhsũ, to buheinare sũho chũro, Jesu pãore na, Cohamacũre “Noana”, niha. ã ninota, tí curire nuha, witiha tinare.

—Ahrire na chũga. Ahri yũ pjacũ jira —niha tiro tinare.

23 ã ni tuhsũ tiro sihnia posa tiri wahware na, Cohamacũre “Noana” ni tuhsũ, waha tinare. To wachu tina jipihtina tíre sihni pihtiaha.

24 —Ahri yũ di jira. Payũ masa tí ñaa yoari buhirire cohãcu tacũ yariaihca. ã yariacu yũ dire cohãihca. Cohamacũ “Mũsare yũhũdoihtja”, to ni cũriro mũ suchu yũ ã yariaro mehne to niriro sohtori tirohca. 25 Potocã niita nija mũsare. Mipũre ahri co, se core ne sihni namosi yũhũ. Pũ pũhtoro Cohamacũ mũsare to sũho jichũpũ ahrire coã pari turi sihniihca tjoa —niha Jesu tinare.

Pedro Jesure to cohãhtore yahuha Jesu

(Mt 26.30-35; Lc 22.31-34; Jn 13.36-38)

26 To ã ni tuhsũchu tina Cohamacũre ño payoa cãno basaare basaha. Ti basa pahũori baharo, tũcu Olivo wama tidũpu tina wahaa wahaha. 27 Tõpu sũho sũro Jesu tinare õ sehe ni yahuha:

—Mipũre mũsa jipihtina yũhũre cohãnahca. Õ seheta nina Cohamacũ yare ti joari pũi yũhũre yahuro: “Ovejare ñũ wihboriro yoaro sehe jirirore Cohamacũ cohãnohca. ã to cohãchu to yaina oveja yoaro sehe jiina duhti site wahcãa wahaahca”, nina Cohamacũ yare ti joari pũi. 28 ã yoa Cohamacũ yũhũre to masori baharo mũsa pano Galileapũ wahayuihca yũhũ —niha Jesu tinare.

29 To ã nichu Pedro sehe õ sehe niha:

—Yũhũ mehne macaina jipihtina ti cohã wahcãpachũta yũhũ sehe mũhũre ne cohãsi —nimaha Pedro tirore.

³⁰ Jesu õ sehe ni yũhtiha:

—Potocã niita nija mũhũre. Micha ñami pinihtare caraca pũa taha to duhto pano “Yũhũ Jesure masieraja”, niĩhca mũhũ. Tia taha ã niĩhca mũhũ —niha Jesu Pedrore.

³¹ To ã nipachũta Pedro õ sehe ni tuaro bisiro yũhtiha:

—Mũhũ mehne yũhũre ti wajã duapachũta “Jesure masieraja”, ne nisi yũhũ —ni yũhtimaha tiro Jesure.

Pedro to ã nichũ tũhoa tiro mehne macaina cũhũ ã dihta ni yũhtiha.

Getsemaní wama tiropũ Jesu Cohamacũre siniha

(Mt 26.36-46; Lc 22.39-46)

³² Æ yoa tina Getsemaní wama tiropũ wahaha. Tópu sũro, õ sehe niha Jesu:

—Cohamacũre yũ sinino watoi õi dujiyusiniga mũsa —niha to buheinare.

³³ Æ ni tuhsũ Pedrore, Santiagore, Joãore tina tiarore pji wahcãha. Tinare ã pji wahcãno, pjĩro tũhotu dũcaha tiro. Æ yoa ñano yajeripohna tiha.

³⁴ Æ cahyaro tó mehne macainare to pji wahcãinare õ sehe niha:

—Yũhũ ñano yajeripohna tii nija. Ñano purĩnore tũhotui nija. Tí mehne yariahto cua yũhdũaro coa taca yũhũre. Õi tjuaga. Yũ cãno potoriga catiga mũsa cũhũ —niha Jesu tinare.

³⁵⁻³⁶ Æ ni tuhsũ tiro tópu mahanocã waha namo, yahpai caha sũro, Cohamacũre õ sehe niha:

—Mai, mũhũ jipihtiare yoa masina. Æ jicũ yũ ñano yũhdũhtire yoa duaeracũ yoaĩ tjia. Yũ ã nipachũta yũ cahmano sehe yoaĩ tjia. Mũhũ sehe masina. Mũ cahmano seheta yoaga yũhũre —ni siniha tiro Cohamacũre.

³⁷ Æ ni tuhsũ, tiaro to buheina cahapũ wihiro, carĩinare boca wihiha tiro. Tinare ñano Pedrore õ sehe niha:

—Simo, ¿carĩi nijari mũhũ? ¿Cũ hora waro yũ cãno potoriga cati masierari mũhũ?

³⁸ Noano yoaga mũsa. Mũsa mũ sũro quihõno yoa dua mana mũsa. Wiho mejeta mũsa basi tíre bihoerara. Æ jina Cohamacũre siniga ñano mũsa yoaerahto sehe —niha Jesu Pedrore.

³⁹ Æ ni yahu tuhsũ pari turi waha, Cohamacũre siniha. Tó pano to siniro seheta siniha tjoa. ⁴⁰ Æ sini tuhsũro pari turi tina cahapũ wihiha tjoa. Æ wihiro carĩinare boca wihiha tjoa. Wũjo caha yũhdũaha tina. Æ jia tina Jesure dohse ni masieraha.

⁴¹ Æ yoa pari turi Cohamacũ mehne to durucuro sũri baharo tina cahapũ wihi, tinare õ sehe niha:

—¿Carĩ, sosinina nijari mũsa? Tó puro carĩga mũsa. Michapucacã yũhũre Cohamacũ warocarĩrore ñano yoainare ti wahti pja mũ sũ tuhsũra. ⁴² Wahcãga. Basa wahana. Ñũga. Yũhũre ñũ tuhtĩinare ñohtiro õi tara —niha Jesu tinare.

Jesure ñu tuhtiina tirore peresu yoaha

(Mt 26.47-56; Lc 22.47-53; Jn 18.2-11)

⁴³ To ã nino watoihta Juda, doce buheina mehne macariro cjiro wihiha. Tiro mehne masa payu ñosaa pjïni, yucu siri cjuaina cãhu wihiha. Sacerdotea puhto, sã judio masare buheina, ã jichu bucuna, ti warocarina jiha masa sehe. ⁴⁴ Wahmanore Jesure ñu tuhtiinare ñohtiro sehe tiro mehne tahtinare õ sehe ni yahu quihõ tuhsuha:

—Yu wahsupu wihmiriro tirota jirohca musa ñahahtiro. Tirore yu wihmiri baharo ñahaga tirore. Æ yoana tirore noano ñahaga to duhtier-ahto sehe —ni yahu quihõ tuhsuha Juda sehe.

⁴⁵ Æ yahu quihõ tuhsuro wihirota Jesu cahapu dóihta waha bahrañoa.

—Yu puhtoro —ninota wahsupu wihmiha tirore.

⁴⁶ To ã yoachu ñua tina Jesure ñahaha.

⁴⁷ Ti ã yoachu ñuno cãiro Jesu cahapu ducuina mehne macariro to ñosari pjïne tuãwe naroca, sacerdotea bui puhtoro cahamacunore to cahmonore dute pahrënocaha.

⁴⁸ To ã yoachu Jesu õ sehe niha:

—¿Dohse jiro baro musa ñosaa pjini mehne, yucu tiri mehne tajari? ¿Yaca bucurore musa ñahano seheta yuhu cãhure ñahana tana nijari?

⁴⁹ Dachoripe Cohamacu wãhuru musare yu buhe dujichu, musa yuhure ne

ñahaerare. Musa ã ñahachu ahri jipihtia ã waharo nina Cohamacu yare ti ni joariro seheta —niha Jesu masare.

⁵⁰ To ã ni tuhsuchu, Jesu buheina tirore cohã wahcã, jipihtina muroca site wahcãa wahaha.

⁵¹ Æ yoa cãiro wahmano suhti marieriro cãno coma yosaro dihta comariro Jesu baharo ñu nunu timaha. To ã ñu nunu tichu ñua tirore ñahamaha. ⁵² Tirore ti ñahachu ñuno to coma yosarore cohãnoca, suhti marieriro murocaa wahaha.

Puhto cahapu naaha Jesure

(Mt 26.57-68; Lc 22.54-55, 63-71; Jn 18.12-14, 19-24)

⁵³ Æ yoa sacerdotea bui puhtoro cahapu Jesure na wahcãha. Ti na sãri baharo sacerdotea puhto, bucuna, sã coyera judio masare buheina cãhu jipihtina cahmachuha. ⁵⁴ Tiro Pedro sehe Jesu baharo yoaropu nunu tiha. Æ nunu tiro sacerdotea bui puhto ya wãhu cahapu suha. Æ sãro tiro tí wãhure cohtaina surara mehne pichaca duhtu cahai sohma dujiha.

⁵⁵ Sacerdotea puhto, jipihtina paina puhto cãhu Jesure wajã dutia taa, Jesu to quihõno yoer-arire ti yahusãhtire wacũ macamaha. Wiho mejeta tíre bocaeraha.

⁵⁶ Æ wacũ bocaerapahta payu masa tirore ã yahusãmacanocaha. Ti ã yahusãa potocã jieraha. Pairo soro ni, paio soro niha.

57 Ā yoa paina wahcārucū sū, Jesure ō sehe ni yahusāha tjoa:

58 —Ahrīro ō sehe nire: “Yūhū ahrī wūhūre Cohamacū wūhūre masa tī dahreri wūhūre cohāihtja. Ā cohācū tia nūmū wahaboroi tī wūhūre pari turi yoaihtja. Tī wūhū masa tī dahreri wūhū jisi”, to nichū sā tūhohi —niha tirore yahusāina.

59 Ti ā ni yahusāpachūta ti yahusā cāhū potocā jieraha. Pairo soro ni, paio soro niha tjoa.

60 Ti ā nichū tūhoro sacerdotēa pūhtoro tī watoī ducurīro wahcārucū sū, Jesure ō sehe ni sinituha:

—ĶAhrina mūhūre ti yahusāpachūta tinare yūhti cahmaerajari mūhū? ĶMūhūre ti yahusārire dohse ni yūhti cahmajari mūhū? — niha tiro Jesure.

61 To ā nichū tūhoparota Jesu āta tūhotunocaha. To ā yūhtierachū űno sacerdotēa bui pūhtoro tirore sinituha tjoa:

—Cristo, ĶCohamacū warocarirota jījari mūhū? ĶNoariro Cohamacū macūno warota jījari mūhū? —niha tiro Jesure.

62—Tiro tjiija. Ā jina yūhūre mašūnore Cohamacū warocarirore yū Pūcū jipihtina bui jīriro to potō bāhūsehei yū dujichū űnahca mūsa. Ā yoa mūano macāa me watoī yū tachū cāhūre űnahca mūsa —niha Jesu tirore.

63-64 To ā nichūta sacerdotēa bui pūhtoro sehe to sāari suhtirore to basi

tūhrēnocaha painare “Sua yūhdūara”, ni űn masi dutiro.

—Cohamacūre űnano durucuro nina ahrīro. To űnano durucuarē tūho tuhsūja mari. Ā jia tōpeinata yahusājaro ahrīrore. ĶĀ jina dohse yoanahcari mari mipūre ahrīrore? —niha sacerdotēa bui pūhtoro paina pūhtoare.

—Cohamacūre to űnano durucuri buhiri wajānocano cahmana tirore —ni yūhtiha paina pūhto.

65 Ā ni yūhti tuhsū, cāaina tina mehne macaina Jesure chahcho puti sihō mūja, to caparire dūhte dūcata, tirore cĵā, dota mūjaha. Cĵā tuhsū ō sehe ni bujūpeha:

—ĶNoa jījari mūhūre dotaro? űnerapaihta yahuga sāre —ni bujūpeha tina.

Ti ā cĵā dotari baharo pūhtoro yaina surara sehe tirore na wahcā, tina cāhū tirore tī wamomacari mehne űnano cĵā namoha.

“Tirore masieraja”, niha Pedro Jesure

(Mt 26.69-75; Lc 22.56-62; Jn 18.15-18, 25-29)

66 Ā yoa wūhū cahai jiri wapai noari wapai Pedro to jichū sacerdotēa bui pūhtoro cahamacono wihihi. 67 Ticoro Pedro to sohmachū űno tiro dihtare űnūrucūha.

—Nazare macariro mehne, Jesu mehne mūhū cāhū jihre —niha ticoro Pedrore.

68 To ā nichū tūhoro tiro ō sehe niha:

—ĶDohse nimacanocaco ni-jari mūhū? Mū nirirore ne

masieraja y_hh_u —niha Pedro ticorore.

To ā niri baharo Pedro sahrīno sopaca macari mahap_u wahaha. Tói to ducuch_u caraca duha. ⁶⁹ Tói to jich_u ñ_uno cahamacono sehe ticoro cahap_u ducuinare yahurocaha tjoa.

—Ahriro c_uh_u Jesu buheina mehne macariro jira —niha ticoro.

⁷⁰ To ā nich_u t_uhoro Pedro pari turi ō sehe niha tjoa:

—Tirore masieraja y_hh_u —niha tjoa.

Baharo curero tói ducuína Pedrore ō sehe niha:

—Potocā tjira. M_uh_u Galilea macariro jira. Ā jicu tina mehne macarirota jira m_uh_u —niha tina tirore.

⁷¹ Ti ā nich_u t_uhoro tiro ō sehe ni yahtih_u:

—Potocāta Cohamac_u mehne ni nija m_usare. Potocāta y_u nierach_u Cohamac_u y_uh_ure buhiri dahrejaro. Tirore m_usa nirirore ne masieraja y_hh_u —ni yahtih_u Pedro tinare.

⁷² To ā nich_uta caraca duha tjoa. To ā duch_u t_uhoro Jesu tirore to nirire wacūha: “Caraca p_ua taha to duhto pano m_uh_u y_uh_ure ‘Jesure masieraja’, niuhca m_uh_u. Tia taha ā niuhca m_uh_u”, Jesu to nirire wacūha Pedro sehe. To ā nirire wacūno, tuaro tiirucuha Pedro.

15

Pilato Jesure sinituha

(Mt 27.1-2, 11-14; Lc 23.1-5; Jn 18.28-38)

¹ Ā yoa bohrearop_u sacerdotea p_uhtoa, b_uc_una, s_u

judio masare buheina, jip-
ihtina paina p_uhtoa mehne
cahmachu, durucuha Jesure
ti yoah_utire masia taa. Tirore
ti waj_uhtore durucu cahno
tuhs_u, Jesure d_uhte, na
wahcā, Pilatore waha tirore.
² Tirore ti na s_u wach_u
ñ_uno Pilato tirore ō sehe ni
sinituha Jesure:

—¿Potocāta judio masa ti
p_uhtoro tjijari m_uh_u? —ni
sinitu ñ_uha tiro Jesure.

—Āja. M_u nino seheta
tirota jija —ni yahtih_u Jesu.

³ Ā yoa sacerdotea p_uhtoa
pay_u ni yahusāha tirore. ⁴ Ti
ā ni yahusāch_u t_uhoro Pilato
tirore ō sehe ni sinituha tjoa:

—Ahrina m_uh_ure pay_u
yahusāa nina. ¿Ti ā
yahusāpach_uta dohse yoac_u
ne yahtierajari m_uh_u tinare?
—niha tiro.

⁵ To ā nipach_uta Jesu ne
pari turi yaht_u namoeraha. Ā
jiro Pilato c_uaa wahaha.

Jesure wajā dutiha

(Mt 27.15-31; Lc 23.13-25;
Jn 18.38–19.16)

⁶ C_uhmaripe pascuaripe
masa yairo cijhtore c_uiro
peresup_u jirirore, masa
ti wio dutirirore Pilato ā
wiobasa m_uj_uaa tiha. ⁷ Ti
pjare Barrabá wama tirore
peresup_u jiha. Tiro p_uhtoare
cohā duaina, masare waj_uina
mehne macariro jiha. ⁸ Ā jia
masa pay_u Pilato cahap_u s_ua,
tirore ō sehe ni siniha:

—C_uhmaripe s_ure m_u
yoarucuriro seheta yoaga
s_ure. C_uiro peresup_u jirirore
s_ure wiobasaga —niha tina.

⁹Ti ã nichuta Pilato tinare õ sehe ni sinitu ñha:

—¿Ahriro Jesure msa judio masa puhtorore yu wiobasachu cahmajari msa? —ni sinitu ñha masare Jesure wio duaro.

¹⁰Jesure masa ti cahichu ñha sacerdotea puhtoa chu tirore ña tuhtiha. ã ña tuhtia tirore waha Pilatorre. ã jiro masa ti cahiri buhiri sacerdotea puhtoa ti ña tuhtirire ti peresu yoa dutichu masino Jesure wio duamaha Pilato. ¹¹To ã wio duapachuta sacerdotea puhtoa masare Jesu mehne suachu yoaha. Õ sehe ni dutiha tinare: “Jesu wijaachu cahmaeraja. Barrabá sehere wioga”, ni dutiha masare.

¹²ã jiro Pilatore Barrabáre ti wio dutiri baharo Pilato sehe tinare õ sehe ni sinituha tjoa:

—¿Ahriro judio masa ti puhtoro msa niriro sehere dohse yoahcari yu msa ã nichu? —ni sinituha tiro.

¹³—Crusapu cã puha wajãga tirore —ni sañurucuha masa.

¹⁴—¿Yaba barore ñaare yoari ahriro msa ã ni sañurucuchu? —ni sinitu namoha tinare.

To ã nichu tãhoa tina sañurucu namoha tjoa:

—Crusapu cã puha wajãga tirore —ni sañurucuha tina.

¹⁵Ti ã ni sañurucuchu tãhoro Pilato sehe masare wahchechu yoa duaro Barrabáre peresupu jirirore wio dutiha masa ti wio dutirirore. Tirore to wio dutiri baharo, Jesu sehere ñano tjanaye dutiha. Tirore

ti tjanayeri baharo, tirore surarare wiaha, crusapu cã puha wajã dutiro.

¹⁶ã yoa surara Pilato ya wuhu puhichapu pretorio wama tiri wuhu puhichapu tirore na sãa suha. Na sãa su tuhsu, tina mehne macaina surarare pjiroca, cãnoi cahmachu dutiha. ¹⁷Cahmachu tuhsu, tina puhtoro ya suhtiro yoaro sehe bajuri suhtirore Jesure sãa, pota sorore yoa, tí sorore to dapu bui duhu payoha. ¹⁸ã yoa tuhsu õ sehe ni bujupaha tina tirore:

—Noano tagã. Judio masa puhtoro noano tagã —ni bujupaha.

¹⁹ã niata yuchuchu mehne to dapure cã mja, tirore chahcho puti sihõ mujaha tina. Tuhsu, cua pisaro yoaina yoaro sehetã tirore na tuhcu caha su, ño payoro sehe yoaa, bujupaha tirore. ²⁰ã yoa bujupetuhsu ti sãari suhtirore tjuwe naroca, to ya suhti sehere tirore sãa, tirore crusapu cã puha wajãga waha, naa wahaha tina.

Tina Jesure crusapu cã puha, wajãga

(Mt 27.32-44; Lc 23.26-43; Jn 19.17-27)

²¹Jesure ti ã naano watoi, tói wahariro Simo Cirene macariro campopu sãriro, tina cahapu to wihichu ñha surara sehe tirore Jesu to wãari crusare wãa wahcã dutiha. Alejandro, Rufo puaro puaro jiha Simo sehe.

²²Baharo, Gólgota wama tiropu Jesure na suha. Gólgota nino, “Dapu cohã”, nino

nina. ²³ Tópua tirore ti na sari baharo, se core, mirra wama tidu co mehne ti morea core Jesure wamaha. Wiho mejeta tiro sehe tí core sihni duaeraha. ²⁴ Baharo tina Jesure crusapu cjà puha dapoha. Cjà puha dapu tuhsu, to sãa suhti cjirore ti basi cahma witia taa, “¿Noa yaro jirohcari õ?” ni masia taa, docapea poca mehne docape mujaha tina.

²⁵ Jesure crusapu ti cjà puhachu tia hora waro duhsasiniha cohari pja to suhto. ²⁶ ã yoa crusapu õ sehe ni joari pjine duhu õha tina tirore ti yahusãire yahu duaa. “Ahriri judio masa bui puhtoro jirore jira”, ni joaha tina tí pjine. ²⁷ ã yoa puaro yaca bucuna Jesu cahai paye pjnipu crusaripu ti cjà puha daporina jiha tina. Cãiro to potu buhusehei, paio to cõ buhusehei cjà puha dapoha tina cãure. ²⁸ [Ti ã yoachu panopu Cohamacu yare ti yahu joariro seheta ã waharo niha. Õ sehe ni joaa tiha: “‘Dutiare yuhdurucaina mehne macariro jira’, ni tuhature masa tirore”, ni joaa tiha panopu.]

²⁹ ã yoa crusari cahai yuhdu wahcãina Jesure ñu, ti dapu pocare yureruca, tirore ñano ni durucuha:

—Noana. Noana. ¿Cohamacu wuhure cohã, tia dacho wahaboroi pari turi tí wuhure dahrehtiro jijari muhu? ³⁰ ã jirore jicu, mu basi dujiaga. ã jicu mu

basi yoadohoga. ã jii yuhdu witiuhca muhu —ni bujupaha tina.

³¹ Ti yoaro seheta sacerdotea puhtoã cãhu sã judio masare buheina cãhu tirore ã ni bujupaha. ã ni bujupaha õ sehe niha ti basi:

—Tiro painare yuhdoriro jiparota to basi yuhdo masierara: ³² “Cristo, Cohamacu warocariro Israe masa puhtoro jija”, nimana tiro. ã jina to basi to duji tachu ñuna tirore wacũ tuanhca —ni bujupaha tina.

ã yoa yaca bucuna tiro cahai ti cjà puha õrina cjiri cãhu tó seheta tirore ñano ni bujupaha tina cãhu.

Jesu yariaa wahaha

(Mt 27.45-56; Lc 23.44-49; Jn 19.28-30)

³³ ã yoa cohari pja jichu tia hora waro jipihtiropu nahitiano wahaha. ³⁴ To nahitia duhuchu waro Jesu tuaro sañurucuha:

—Eloi, Eloi, ¿lama sabacani? —niha tiro.

ã nino õ sehe nino niha. “Yu Cohamacu, yu Cohamacu, ¿dohseacu yuhure cohãri muhu?”, nino niha.

³⁵ To ã nichu tuhõa cãina tói ducuina õ sehe nimaha:

—Tuhoga musa. Cohamacu yare yahu muhtarirore Elia cjirore pjirocaro nina —nimaha tina.

³⁶ ã jiro cãiro tina mehne macariro wihmi nari suhtere vino suẽa core to sohari suhtere na muroca, yucucu sohtoapu duhte õ, Jesure wihmi dutiha. ã wihmi dutiro, õ sehe nimaha:

—Depusinia. Elia cjiro wihi ahriroro to na bororo tachũ ñusinijihna mari —nimaha tiro painare.

³⁷ To ã niri baharo Jesu sehe tuaro sañurucu, yariaa wahaha. ³⁸ To yariachũta Cohamacũ wũhũ macari suhtiro tóre to jiri tahtia waropũ ti dũcatari suhtiro dacho macai bui sehe tũhnũ bora ta, pũcahsaro tũhnũroca yoja sũa wahaha. ³⁹ To ã yariachũ ñũno surara pũhtoro Jesu to wahãno potoi ducuriro õ sehe niha:

—Potocã tjiri jimana. Ahriro Cohamacũ macũnota jiri jira —niha tiro.

⁴⁰ Æ yoa yoaropũ ducua numia cũhũ Jesure ñũrocarucua niha. Tí numia mehne María Magdalena jiha. Pacoro María wama tiricoro cũhũ jiha. Ticoro sehe José, to bahũro Santiago ti pocoro jiha. Pacoro Salomé jiha. ⁴¹ Tí numia Jesu yahuare quihõno tũhoa numia jia, Galilea yahpai to jisinicũ tirore piti ti, yoadohoa tiha. Tí numia mehne payũ paye numia cũhũ Jerusalẽpũ Jesu to sũho tarina numia jiha.

Jesu pjacũre masa copapũ cũha

(Mt 27.57-61; Lc 23.50-56; Jn 19.38-42)

⁴²⁻⁴³ Æ yoa tí dacho to yariari dacho Sabado pano judio masa sã sori nũmũ pano jiri dacho jiha. Æ yoa Pascua macaa cjihtire ti cahnori dacho jiha. Tí ñamiihta José Arimatea macariro cuiro marieno Pilato cahapũ sũha

Jesu pjacũre sinino sũro. José judio masa sã pũhtoa mehne macariro, pũhtoa ti cua pisaro ñũriro waro jiha. Tiro pũhtoro Cohamacũ masare to sũho jihtore cohtaro niha.

⁴⁴ Æ yoa José Pilatore to ã sinichũ tũhoro, tũho cũaa wahaha Pilato sehe. “¿Jesu yaria tuhsũari?” ni tũhoturo, cũaa wahaha. Æ jiro surara pũhtoro pjiroca õ sehe niha tirore:

—¿Potocãta Jesu yariaa wahari? —ni sinituha tirore.

⁴⁵ To ã nichũ surara pũhtoro õ sehe ni yũhtiha:

—Æja. Yariaa wahahre —niha.

To ã nichũ tũhoro, Pilato Jesu pjacũre wa dutiha Josére. ⁴⁶ To ã wa dutiri baharo José noari suhtirore nuchũbasaha. Nuchũbasa tuhsũ, Jesu pjacũ cjirore na boro, suhtiro mehne wahma, masa copapũ tãcai ti sahari copapũ to pjacũre siõ sãa payoha. Siõ sãa payo tuhsũ, tí copa cahai jiria tãcare pjiria tãcare tju turẽ wahcã, tí copare biha dapoha. ⁴⁷ María Magdalena, ã jichũ María José pocoro Jesure ti na sãa duhu payorirore ñũha.

16

Jesu masa wijaaha

(Mt 28.1-10; Lc 24.1-12; Jn 20.1-10)

¹ Æ yoa Sabado dacho yũhdũri baharo, sũ sãari baharo, María Magdalena, Salomé, ã jichũ María Santiago pocoro, tina tiaro numia wisõa me sitia core nuchũha

Jesu pjacure wisōa taa. ² Ā jia domingo bohrea mūja tachū Jesure ti duhu payori copapu ñha wahaha tina. ³ Tí copa cahapu waharucua, ō sehe niha tina ti basi:

—Tí copare bihari tãcare noa marine pjōobasarohcari na? —niha tí numia ti basi.

⁴ Baharo tí copa cahapu sua, tí copare bihari tãcare, pjiria tãcare ti nawe cūriare ñha tina. ⁵ Ā ñha tí copapu sãa wahaha. Tópu sua, cūiro wahmunore ti poto buhusehei dujirirore, yehseri suhtiro sãarirore ñha, cūaa wahaha tina. ⁶ Ti ā cūachū ñuno, tiro sehe ō sehe niha tí numiare:

—Yuhure ña cūaena tjiga. Jesu Nazare macariro, crusapu ti cjā puha wajāriro cjirore mūsa macana nimana. Wiho mejeta tiro sehe masa wijaa tuhsūhre. Ōre mariaha. Tirore ti duhu payoro cjirore ñga. ⁷ “Tiro mūsa pano Galileapu wahayuhto jiyuhti. Tóti to niriro seheta mūsa tirore ñuhtina jiyuhti”, ni yahuna wahaga to buheinare, Pedro cūhure —ni yahu dutiha wahmuno tí numiare.

⁸ To ā nichū tuhoa tina cui, tetere, masa copa cahai jirina mūrocaa wahaha. Ā cuia painare yahueraha.

Jesu María Magdalenare bajuaha

(Jn 20.11-18)

⁹ [Ā yoa Jesu sehe domingo ñamicunucā to masa wi-jaari baharo, María Magdalenare to siete watia to cohānohricorore tiro bajua

mūhtaha. ¹⁰ Jesu mehne macaina cjiri sehe to yari-achū ñha, tuaro cahya, tiia niha. Ā ti tiiro watoi, María Magdalena sehe Jesure to ñurire tinare yahuro sumaha. ¹¹ “Jesu catihre. Ñuhi yuhū”, ni yahumaha ticoro. To ā ni yahupachūta, tina sehe ticorore ne tuho duaeraha.

Jesu to buheinare bajuaha
(Lc 24.13-35)

¹² Baharo pūaro tina mehne macaina masa marienopu ti tinichū Jesu soro bajuriro tina cūhure bajuaha tjoa. ¹³ To ā bajuachū ñha tina tjua waha, paina Jesu yainare tíre yahuha. Ti ā ni yahupachūta tina cūhure tuho duaeraha.

Jesu to yare buhe dutiro warocaha to buheinare
(Mt 28.16-20; Lc 24.36-49; Jn 20.19-23)

¹⁴ Baharo to buheina oncere mesa cahapu ti chū dujiro wato, tinare bajuaha tjoa Jesu. Tirore ñurinare ti yahuchū ti tuho duaerari buhiri, tirore ti noano wacū tuaerari buhirire masino, tiro tuhtiha tinare. ¹⁵ Ā tuhti tuhsū, tinare ō sehe niha:

—Ahri yahpa jipihtiropure ahri yū ya quití noaa buheare jipihtina ahri dacho macainare noano yahu site pahñona wahaga. ¹⁶ Yuhure wacū tuainare ti bautisarinare pichacapu waha-borinare yūhdorohca Cohamacū. Tuhsū, yuhure wacū tuaeraina Cohamacū to buhiri dahrehtina pichacapu

wahahtina jiahca. ¹⁷ ã jia yuhare wacũ tuaina yu tuaa mehne õ sehe yoaaahca: Yu tuaa mehne, yu wama mehne watãare cohã wioahca. Tuhsu, wahmaa duserire durucuahca. ¹⁸ ã yoa agãare ti ñahachu, jipihtia ñima dohse jia ñimare ti sihnichu, tinare ne purĩsi. ã yoa dohatiina bui ti wamomacarine ti ña payochu tina noaina wahaahca —ni yahuha Jesu to buheinare.

Jesu manopu mujaa wahaha
(Lc 24.50-53)

¹⁹ ã ni yahu tuhsu mari puhtoro Jesu manopu mujaa wahaha. Tõpu sũro Cohamacu poto buhusehei dujiha tiro mehne puhtoro jiro. ²⁰ ã jia tina jipihtiropu noaa buheare Cohamacu masare to yuhduchu yoahiti buheare buhea wahaha. Ti ã buhechu mari puhtoro tinare yoadohoha. To tuaa mehne yoa ño masichu yoaha tinare, masare to ya buheare tuho dutiro. Tõ puro tjira.]

San Lucas

1-3 Puhutoro Teófilo, ahrire m̄ buhehti cjihtire mah̄ure joarocai nija. Jesu s̄a mehne jisino to yoari cjiire paȳu paina joa d̄uca tuhs̄ure. Wahmanop̄ure Jesure ñ̄ina cjiire, to yare buheina cjiire ti ni yahuriro seheta paina tíre joa d̄uca tuhs̄ure. ã jic̄u ahri jipihtiare noano masi pah̄ño duac̄u buhei. ã jic̄u yuh̄u c̄uh̄u tíre noano joa duaja m̄ buhehti cjihtire yoac̄u tac̄u. 4 Jesu yare yahuina mah̄ure buhe tuhs̄ure. Tíre noano m̄ masi namohto sehe ahri tjure mah̄ure joarocai nija.

João masare bautisahtiro to masa bajuhtire anjo yahuha

5 Herode Judea yahpa macaina puhutoro to jich̄u c̄airo sacerdote Zacaria wama tiroto jia tiha. ã jiro Zacaria to ya curua macaina sehe sacerdotea curua Abías cjiro ya curua jiha. Zacaria namono c̄uh̄u sacerdote Aarō cjiro panamañono ji turicorop̄u jiha. Ticoro Elisabe wama tiricoro jiha. 6 Tina puharo Cohamac̄u dutiare noano yoa pah̄ñoina ti jich̄u ñ̄uno, “Ahrina ȳu cahmano seheta ã jia tirucura”, ni ñ̄uha Cohamac̄u tinare. 7 Ticoro Elisabe ne pohna marienico ro jiha. ã jia tina puharo ne pohna marieina ji, b̄uc̄una waro jiha.

8 ã yoa sacerdotea ti dahraare dahraa taa, õ sehe

yoaa tiha: Dahra mah̄tari curua cjiro pa curua mehne cahma cohtota m̄jaa tiha. ã jia Zacaria ya curua macaina dahrahti dachori jich̄u, tina dachoripe sacerdotea ti dahraa tirucuriro seheta Cohamac̄u ya wuh̄up̄u dahraa taa niha. 9 Sacerdotea Cohamac̄ure ti ño payori mesap̄u inciensore me sitia pohcare jãhtiro cjihtore besea taa, docapea mehne besea tiha. ã yoa ti quihōri dacho jich̄u Zacaria ya curua macaina me sitiare jãhtirore besea taa docapeha. ã docapea Zacariare beseha. ã jiro tiro puhutoro Cohamac̄u ya wuh̄up̄u s̄a wahaha me sitiare jãno waharo. 10 Tí wuh̄up̄u tíre to jãno watoi jipihtina masa sehe sopacap̄u Cohamac̄ure sinia tiha. 11 Tí pjare Cohamac̄u yairo anjo Cohamac̄ure ño payori mesa poto buh̄usehei bajuaruc̄u s̄uha Zacariare. 12 To ã bajuach̄u ñ̄uno Zacaria tirore ñ̄u c̄ua yuh̄d̄ua wahaha. 13 To ã c̄uach̄u ñ̄uno anjo tirore õ sehe ni yahuha:

—Zacaria, cuii tjiga. Cohamac̄u m̄ sinirire tuhore. ã jina mip̄ure m̄sa pohna tinahca. M̄sa mac̄u cjihto masa bajuarohca. To bajuach̄u “João” ni wama pisuga tirocãre. 14-17 “Tiro ȳu tuaa mehne paȳu noaare yoarucuriro jira”, ni ñ̄unohca Cohamac̄u m̄ mac̄ure. Tiro to masa bajuari baharo vinore, sihbiori c̄uh̄ure sihnisi. ã jiro tiro to masa bajuah̄to pano Espiritu Santo

to niriro sehe yoariro jirohca tiro. Espíritu Santo tiropure sãarucũ sũ tuhsũ ã baju yoarucurohca tiro mehne. ã yoa payũ Israe masare Cohamacũ mari pũhtorore cahmaeraina cjirire noano cahmachũ yoarohca mũ macũ. Mari pũhtoro to tahto pano Elia cjiro Cohamacũ yare yahu mũhtariro to buheriro seheta Espíritu Santo to yoadohoro mehne Cohamacũ to tuaa mehne mũ macũ cũhũ buherohca. ã buhero ti pũcusũma ti pohna mehne ñano jimarinare ti noano cahma cahĩ jichũ yoarohca. ã yoa Cohamacũre yũhdũũcaina cjiri cũhũre noano ño payoa mehne yũhtichũ yoarohca. ã buhero mari pũhtoro Cohamacũ yaina cjihtire yoarohca tiro. ã jicũ to masa bajuari baharo mũhũ wahcheihca. Payũ paina cũhũ wahcheahca — niha anjo Zacariare.

18 To ã nichũ tũhoro Zacaria sehe õ sehe ni sinituha anjore:

—Sã bũcũna jija. ¿ã jicũ mũ niri potocã jichũ dohse masicũhcari yũhũ? —niha tiro.

19 To ã nichũ anjo sehe tirore õ sehe ni yahuha:

—Yũhũ Gabrie wama tiriro jija. Cohamacũ cahamacũno to cahai ducuriro jija yũhũ. Cohamacũ ahri noaa quitire yahu dutiro, mũ cahai yũhũre warocare. 20 Yũ yahuriro seheta potocãta waharohca. Yũ ã nipachũta yũhũre mũhũ potocã tũhoerare. ã jicũ

mipũre mũhũ durucu masierariro wahaihca. Mũ macũ to bajuari baharo durucuihca tjoa —niha anjo Zacariare.

21 Sopacapũ jiina masa Zacariare cohtaa niha. “¿Dohse jiro baro tiro Cohamacũ wũhũpũ jiro, so wijaa taerajari?” ni, cohtaa niha masa tirore. 22 Tuhsũ, tiro wũhũpũ jiro wijaa wihi, tina mehne durucu masieraha. “Tiro Cohamacũ wũhũi bajuare ñano niboca”, ni tũhotu masiha tina. ã jiro tiro durucu masierariro jiro to wamomacari mehne yoa cayoha masa ti masihtõ sehe.

23 Cohamacũ wũhũi to dahraa pihtichũ, tiro to namono mehne tjuaa wahaha ti wũhũpũ. 24 Ti ã tju sũri baharo to namono Elisabe niji pocoro jiha. ã jiro ticoro cinco sũri waro masa cahai wahaeraha. 25 Õ sehe ni tũhotuha ticoro: “Mipũre yũhũre Cohamacũ yoadohore jũna. Pohna marienicoro jico bũobiaro yũhdũhi yũhũ. Cohamacũ to yoadohoro mehne mipũre nijinocãre boca ja yũhũ”, ni tũhotuha ticoro.

Jesu to masa bajuahtore yahuha anjo

26-27 Elisabe cinco sũri niji pocoro to ji wahcãchũ waro Cohamacũ sehe anjore Gabrie wama tirirore nuhmino, ne mũa mehne jieraricoro cahapũ warocaha. Ticoro María wama tiricoro Nazarei Galilea yahpai jiri macai jia tiha. José wama tiriro jiha to manũno cjihto. Tiro panopũ macariro Davi

cjiro panamino ji turariropu jiha. ²⁸ ã to warocachu María cahapu saro, anjo õ sehe ni yahuha:

—María, ¿jimajari mahu? Cohamacu mahure yoadohoro nina. Mahure noano yoaro nina —niha anjo ticorore.

²⁹ To ã nichu turo, ticoro tuaro wacu turotuha. Anjo to yahurire turoturo “¿Dohse nino baro yuhure ã nicari?” ni wacuha ticoro. ³⁰ To ã ni turoturu masino anjo õ sehe ni yahu namoha ticorore:

—María, Cohamacu mahure tuaro cahina. ã jico mahure yahuhtire turo saeco tjiga. ³¹ Noano turohoga. Curo nijinocare pohna tirohca mahu. Tiroca to masa bajuari baharo, “Jesu” ni wama pisuohca mahu tirocare. ³²⁻³³ Tiro tua yuhurariro jirohca. ã jia tirore “Cohamacu Jipihtina Bui Jiro macunota jira”, ni masiahca masa. Mu macu nhuchano mananoru Davi cjiro Israe masa ti puroto to jia tiro cjiro sehta mu macu cjihto cahure curohca Cohamacu. ã jiro jipitia dachoripe tiro Israe masare dutirohca. Puroto to jihto ne pihiti —niha anjo.

³⁴ To ã nichu turo María sehe õ sehe ni sinituha:

—¿Dohse yuhu manu mariapacohta pohna tibocari yuhu? —niha ticoro.

³⁵ To ã nichu turo anjo õ sehe ni yahuhtia:

—Espiritu Santo to tuaa mehne mahure nijinocare

bocachu yoarohca. ã jiro Cohamacu Jipihtina Bui Jiro to tuaa mahure to masuraca caharo sehta bajuaeraparota tarohca mahure. ã jia “Cohamacu macuno, ñaa buhiri tia marieriro jira”, niahca masa mu macure. ³⁶⁻³⁷ Cohamacu jipihitiare yoa masina. ã jiro mu coyeacoro Elisabe cuhu bucoro waro jiparota mipare niji pocoro jira ticoro. Ticoro pohna tirohca manocare. Masa ticorore “Nijinocã boca masienicoro jira”, ti nirocuro cjiro mipare nijinocare to bocari baharo seis sari waro wahara —niha anjo Maríare.

³⁸ To ã nichu María õ sehe ni yahuhtia:

—Yuhure turohoga. Mari puroto to cahamacono jia yuhu. Mu niro sehta yuhure ã wahajaro —niha ticoro.

To ã niro baharo anjo wahaa wahaha.

María Elisabere ñuno wahaha

³⁹ To ã niro baharo María tayucari jiro yahpau Judea yahpai jiro macapu ño duaro wahaa wahaha. ⁴⁰ Toru saro, Zacaria ya wuhuru sano, “¿jimajari?”, niha ticoro Elisabe. ⁴¹ To ã nichu Elisabe to turohata, to macuno sehe niji suhtiropu jirocã nuhmiha. Elisabe Espiritu Santo to dutiro sehta yoa pahoricoro jiro, to tuaare curaricoro jiha. ⁴² ã jiro tuaro wahchea mehne ticoro bisiro durucuha:

—Jipihtia numia yũhdoro mũhũre noano yoahre Cohamacũ. Mũ macũ cũhũre noano yoahre Cohamacũ.

43 Cue, yũ pũhtoro pocoro yũ cahai mũ tachũ noano yoara yũhũre Cohamacũ.

44 Mũ yũhũre “¿Jimajari?” mũ nichũ yũ macũ sehe niji suhtiorũ jirirocã wahchea mehne ñũhmihti yũhũre.

45 Cohamacũ to niriro seheta yoarohca. Ā jico to yahurire tũhoricoro jico wahchericoro jira mũhũ —niha Elisabe Maríare.

46 To ã nichũ María õ sehe ni yũhtiha:

“ ‘Cohamacũ noariro, tuariro jira’, nija. Yũhũ noano yajeripohna tija.

47 Cohamacũ yũhũre pichacaru wahaboricorore yoadohoriro jira.

Ā jiro mipũre yũhũre noano wahchea mehne jichũ yoara.

48-49 Tiro yũhũre to cahamaconore wacũri jira. Cohamacũ tua yũhdũariro noaa dihtare yũhũre yoadohohre.

Ā jia mipũre ‘Ticorore Cohamacũ noano yoahre’, jipihtina masa ã ni, durucuahca yũhũre.

Cohamacũ ñaa marieriro jira.

50 Jipihtia dachoripe jipihtina tirore ño payoinare tiro pja ñũriro jira.

51 Cohamacũ to tuaa mehne yoaha. ‘Painare yũhdũũcaja’, niinare yũhdũũcaha tiro.

52 Pũhtoare cohãha tiro. Ā jiro cahamaca sehere tiro pũhtoa yoaro se-heta cũha tinare.

53 Jũca baaina cjirire tiro noaa chũare waha. Tuhsũ, payũ cjuaina cjirire paye baro cjuæraina yoaha tiro.

54-55 Mari ñũchũsuma cjirire to yahu cũriro se-heta yoa pahũoha Cohamacũ.

To cahamaca Israe masare tiro yoadohoha.

Abrahã cjiore mari ñũchũsuma cjirire jipihtina to coyey to baharo jiina cũhũre Cohamacũ jipihtia dachoripe ã pja ñũrucuriro jia tiha.

Tinare to yahu cũriro boeraha Cohamacũ”, niha María.

56 Tia sũ waro Elisabe mehne jiha ticoro. Tó puro to jiri baharo to ya macaru tjuaa wahaha María.

João masa bajuaha

57 Elisabe to niji wahcõri baharo to macũno masa bajuaha. 58 Ā jia Cohamacũ ticorore to ã noano yoachũ to ya maca macaina to coyey cũhũ ticoro mehne wahcheha. 59 Ocho dachori to masa bajuari baharo, to pũcũsuma tirocãre mahanocã to pjacũ cahsarocãre yihso dutia taa niha. Ā jia tina mehne macaina ti caharu sũha ti yihsochũ ñũa taa. Tina mehne macaina Zacaria to pũcũro wamare tirocãre wamoa duamaha. 60 Ti

ã wamoa duapachuta to pocoro õ sehe niha:

—To рѳсѳро wamare wamoeraja. João wamoanahca tirocãre —niha ticoro.

⁶¹—Mѳ coyea ne cѳiro João wama tiriųo mariahna —niha tina ticorore.

⁶² Æ jia ti wamomacari mehne yoa ño, Zacariare õ sehe ni sinitu ñѳha tina:

—¿Mѳhѳ waro dohse wamoa duajari mѳ macure? —ni sinitu ñѳha tirore.

⁶³ Ti Æ nichѳ tiro sehe joahti pјїne siniroca, ñaha, joaha: “Yѳ macѳ João wama tirohca”, ni joaha Zacaria. To Æ ni joachѳ tina sehe cѳaa wahaha. ⁶⁴ To Æ ni joari baharo tirore durucuchѳ yoaha Cohamacѳ. Æ jiro tiro durucua wahaha jѳna:

—Cohamacѳ tuariųo, noariųo jira —niha tiro.

⁶⁵ To Æ ni durucuchѳ tѳhoa tó macaina cѳaa wahaha. Æ jia ahri jipihtiare Judea yahpa macainare tѳyucѳ watoi jїinare masa yahu siteha. Æ jia masa tó macaina noano masi pihtia wahaha.

⁶⁶ Jipihtina tíre tѳhoa wacѳha. “Cohamacѳ tuaare ahrirocã cјѳara. Æ jiro wiho jiriųo jierara ahrirocã”, ni tѳhotuha masa.

Zacaria Cohamacѳre ño payoha

⁶⁷ Æ yoa to рѳсѳро Zacaria sehe Espíritu Santo to dutiriųo seheta yoa pahñoriųo jiro to tuaare cјѳariųo jiro Cohamacѳ yare õ sehe ni yahuha:

⁶⁸ “Mari Israe masa Cohamacѳre, mari

puhtorore wahche payojihna mari. To yaina jija mari.

Æ jiro tiro mari cahapѳ wihiro, marine yoadoho, noano yѳhdѳchѳ yoaro taro nina.

⁶⁹ Cohamacѳ marine, pichacapѳ wahaborinare yѳhdѳchѳ yoahtirore, tua yѳhdѳarirore warocara.

Ahriųo marine yѳhdѳchѳ yoahtiro cјїto sehe Cohamacѳre dahra cohtariro Davi cјїro panamino ji turiariųo jira.

⁷⁰ Panopѳre to yaina waro, to yare yahu mѳhtaina cјїrire ahri õ sehe wahahito cјїhtore yahu cѳ mѳhta tuhsѳa tiha.

⁷¹ ‘Mѳsare ñѳ tuhtiinare, jipihtina mѳsare ñano yoainare dѳcataihtja’, ni cѳha Cohamacѳ marine.

⁷² Mari ñѳchѳsѳma cјїripѳre ‘Mѳsare pja ñѳi, yoadohoihtja.

Mѳsare yѳ yahu cѳrīre wacѳihtja’, niha Cohamacѳ.

Tí pјѳarѳre to ni cѳriųo seheta mipѳre marine sohtori tiro taro nina.

⁷³⁻⁷⁵ Panopѳre õ sehe ni cѳa tiha Cohamacѳ Abrahãre: ‘Potocã niita nija mѳhare.

Mѳ coyea baharopѳ ji nѳnѳhtinare paina tinare ti ñѳ tuhtichѳ, yѳhѳ sehe tinare dѳcataihtja.

Ã jia m_u coyeya sehe ne cuiro marieno y_u dutiare yoa, y_uh_ure ño payoahca.

Tina ti catiro puro y_u ñurocaroi buhiri marieno, quih_ono jia tiina jirucuahca', ni yahu c_ua tiha Cohamac_u mari coyero Abrahã cjirore",

nihã Zacaria. Ã ni tuhs_u tiro to mac_uno c_uh_ure õ sehe nihã tjoa:

76-77 "Мас_u, м_uh_ure õ sehe nihca masa: 'Cohamac_u Jipihtina Bui Jiriroyare yahu m_uhtarirota jira', ni masiahca m_uh_ure.

M_uh_u mari p_uhtoro Cristo to tahto panore masare yahuyui wahaihca.

Ã yahuyui wahac_u, õ sehe ni yahuyuihca tinare: 'Mari p_uhtoro tarohca.

Tiro m_usa ñaa yoari buhiri tiare cohã, pichac_u w_uhaborinare y_uhdorohca m_usare', ni yahuihca m_uh_u.

Ã ni yahuc_u, mari p_uhtoro to tahtore cahnoyu dutii nihca m_uh_u tinare.

78 Cohamac_u sehe marine tuaro pja ñuro j_i, marine noano yoariro jitjiãno, tiro marine pichac_u w_uhaborinare y_uhd_uch_u yoa duara.

Ã jiro tiro Cristore buhriaro yoaro sehe jirirore mari cahap_u warocara.

79 Tiro mari cahai wihiro marine pichac_u w_uhaborinare nahitiano warop_u j_imarinare buhriaro marine to noano ñ_u bocach_u yoaro seheta Cohamac_u ya potocã ni yahuaire masich_u yoarohca tiro.

Ã yoa mari tiro mehne cãno mehne mari noano j_i masiht_o cjihto c_uh_ure yahurohca marine",

nihã Zacaria.

80 Ã yoa Zacaria mac_uno noano p_uac_u t_iro b_uch_uaha. Ã b_uch_uaro, Cohamac_ure tuaro ño payoriro jiha. Tuhs_u, yoari pja masa marienop_u jia tiha. Israe masare buhe d_ucaro t_op_uta to j_iro cjiroi jia tiha.

2

Jesu masa bajuaha (Mt 1.18-25)

1 Tí p_uare jipihtia yahpari macaina bui p_uhtoro Augusto jia tiha. Ã jiro jipihtinare quih_o dutiha.

2 Ahrina masare ti coã quih_o d_ucach_u Siria yahpa macaina p_uhtoro Cirenio wama t_iro jiha.

3 Ã jia jipihtina ti ñ_uch_us_uma panop_u macaina ya macarip_u ti wamare joa õa wahaha.

4 José c_uh_u Nazarep_u Galilea yahpai jiri macap_u jiina waha, Judea yahpap_u Belẽ wama t_iri macap_u s_uha. P_uhtoro Davi cjiro panop_u macariro to masa bajuariro jiha Belẽ. José Davi cjiro panamino j_i turiariro jiro p_uhtoa masare

to quihõ dutichu tuhoro Belēpu to wamare joa õ dutiro wahaha. ⁵ Æ jiro tiro María to namono cjihto mehne tópu to wamare joa õ dutiro sūha. Ticoro sehe wihārirocāre cjuaro caharicoro jiha. ⁶ Æ jiro Belēpu sūro ticoro niji wahcõha. ⁷ Tópuṛe masa ti carīri wahu ne mu sūeraha tinare. Æ jiro ticoro pohna ti tuhsu, tirocāre suhtiro mehne coma, wachua ti churi wahwai, tja bui tirocāre duhu payoha. Tirocā wahma to pohna ti muhtarirocā jiha.

Anjoa ovejare űu wihboinare bajuaha

⁸ Tí űamine campopu ovejare űu wihboina ti yaina ovejare űu wihboa niha. ⁹ Tópu ti jichu Cohamacu warocariro anjo tinare bajuaha. To Æ bajuachu Cohamacu to si sitea tinare buhriaha. To Æ si sitechu űua, ovejare űu wihboina cuia wahaha. ¹⁰ Ti Æ wahachu anjo tinare õ sehe ni yahuha:

—Noaa quitire musare yahui taja. Jipihtinare masare wahchechu yoarohca ahri quití. Æ jina yuhure cuiena tjiga musa. ¹¹ Micha űamine puhtoro cjiro Davi ya macapu musare pichacapu wahaborinare yuhdohtiro, Cristo Cohamacu warocariro mari puhtoro masa bajua tuhsuhre. ¹² Suhtiro mehne comariro wachua churi wahwa bui ti duhu payoriro musa űuhtiro tiro tjirohca — ni yahuha anjo tinare.

¹³ To Æ nichuta payu muano macaina ji muhtariro anjo mehne Cohamacuṛe wahche payoha. Õ sehe ni wahche payoha tina:

¹⁴ “Cohamacuṛe muano macarirore űo payojihna.

Æ jia Cohamacu to cahīina cuiro marieno cahmacheno marieno noano jijaro”, ni wahche payoha anjoa peri.

¹⁵ Æ ni wahche payo tuhsu muanopu ti mujari baharo ovejare űu wihboina sehe ti basi cahma durucuha:

—Ahrire Cohamacu marine to yahurire Belēpu basa űujihna —niha tina ti basi.

¹⁶ Æ nia űo duaro wahaa wahaha tina. Mariare, Josére boca su, wihārirocāre wachua churi wahwai ti duhu payorirocāre űuha tina. ¹⁷ Ovejare űu wihboina tirocāre űu tuhsu anjo wihārirocāre to yahurire yahu turiaha painare. ¹⁸ Ti Æ ni yahu turiachu jipihtina tinare tuho cuaa wahaha.

¹⁹ Ahri jipihtiare María wacu tuhoturucuha. ²⁰ Æ yoa ovejare űu wihboina sehe anjo to yahuriro seheta jichu űua, “Cohamacu tuariro jira”, ni wahcheha. Æ ni wahche, majare tjuaa wahaha.

Cohamacu wuhupu Jesu puhsuṣma tirocāre naaha

²¹ Cū somana baharo wihārirocā to pjacure mahancā cahsarocāre yihso na tuhsu tirocāre tina Jesu wamoaha. Jesure wahma to bocahto pano anjo sehe

“ ‘Jesu’ ni wama pisuga tirocãre”, ni yahu tuhsuha. ã jia tirocãre “Jesu” ni wama pisuha.

²² Cohamacu dutia Moise to yahuriro seheta yoaa taa José, María mehne Jerusalēpu wahaha. Tópu wahaha María to pohna tiri baharo to noaricoro to wahari baharo to ã waharire ñono taro. ã wahaa, tina Jesucãre naa wahaha. Tirocãre Cohamacure “Ahrirocã mu yairo cjihto jira”, ni ñoa wahaha. ²³ Õ sehe yoaha Cohamacu yare ti joari pui to yoa dutiriro seheta. “Jipihtina musa pohna wahma bajua muhtainacãre Cohamacure ñoga. ‘Ahrirocã mu yairo cjihto jira’, ni ñoga”, ni dutia tiha Cohamacu. ²⁴ ã ño tuhsu Cohamacu to yoa dutiriro seheta tina minichahcare waa wahaha Cohamacure ño payoa. Õ sehe dutia tiha Cohamacu: “Bujaa puaro waga yuhure. O tina mariachu urítua wihãinacã puaro waga yuhure ño payona”, ni dutia tiha Cohamacu. To yoa dutiriro seheta yoaha tina ticoro pjacu noari pjacu to waharire ñoa taa.

²⁵ Jerusalēi Simeo wama tiroiro jiha. Tiro quihõno yoariro, Cohamacure ño payoriro jiro, Cohamacu Israe masare to yoadohohtire cohtariro jiha. Tiro Espiritu Santo to nino sehe yoariro jiha. ²⁶ ã jiro tiro to yariahto pano Cohamacu to warocahitire Cristore to ñuhti cjihtire tó pano yahu tuhsuha Espiritu Santo tirore Simeore.

²⁷ ã jiro Espiritu Santo tirore to dutichu Cohamacu wuhupu sãa wahaha. To sãa suri baharo Jesu pucsuma ti macunocãre na sãaha. Cohamacu to dutiriro seheta yoaa niha. ²⁸ Simeo sehe tirocãre wua na, Cohamacure ño payo, “Noana” ni, tiro mehne durucuha.

Õ sehe niha tiro Cohamacure:

²⁹⁻³² “Mipu pinihtare puhtoro, mu niriro seheta jipihtina masare pichacapu wahaborinare yuhduchu yoahitiro cjihtore warocahre muhu.

Tiro judio masa jierainare buhero muhare noano masichu yoarohca tinare.

Masare yuhdohtiro Israe masunore muhu cüha.

Sã coyeyore Israe masunore mu cüchu jipihtina masia, ‘Israe masare noano yoara Cohamacu’, niahca masa.

Ahrirocã sãre yuhduchu yoahitiro jira.

ã jicu ahrirocãre ñu tuhsucu, mipure noano wahcheriro yariaihca”, niha Simeo.

³³ Simeo tirocãre to ã nichu Jesu pucsuma sehe tuho cüaa wahaha. ³⁴ ã jiro Simeo tinare “Noano jiga musa” nino, tiro María Jesu pocorore õ sehe ni yahuha:

—Cohamacu ahrirocãre beseha. To ã beseriro to jipachata judio masa payu tirore yuhducaahca. ã

yoaa tina pichacapu wa-
haahca. Judío masare payu
yuhdohtirore Cohamacu be-
seha tirocãre. Tiro Cohamacu
yare yahuriro to jipachuta
masa payu tirore ñano ni
yahu wajaahca. ³⁵ Ti ã
yoachu paina ti ñano wacũare
masiahca. ã jico mũhu tuaro
cahyacohca —niha Simeo
Mariare.

³⁶ Tói Cohamacu yare yahu
mũhtaricoro Ana wama
tiricoro jiha. Ticoro Fanuel
macono jiro, Aser cjiro ya cu-
rua macaricoro jiha. Bucoro
waro jiha. Ticoro nuhmino
jiro manũ tiha. ã yoa siete
cũhari to manũno mehne
jiha. Tó puro to jiri baharo
to manũno yariaha. ³⁷ ã jiro
ochenta y cuatro cũhari
waro wapewahyoro jia tiha
ticoro. ã jiro ticoro da-
chopũ cũhare ñamipũ cũhare
Cohamacu yare yoaro taro
chũaeraro, Cohamacu mehne
durucu, Cohamacu wũhare
ne wijaaera tiha. ³⁸ Simeo
to durucuro watoi ticoro
tina चाहि wihiro, wahchero
Cohamacure “Noana”, niha.
ã jiro Jerusalẽ macainare
pichacapu wahaborinare
yuhdohtirore cohtainare
ticoro Jesucãre yahuha tina
jipihtinare.

*José, María, Jesu mehne
Nazarepu tjuaa wahaha tjoa*

³⁹ Cohamacu to dutiriro
seheta yoa tuhsũa, tina ti
ya macapu Nazarepu tjuaa
wahaha. Galilea yahpai jiha
tí maca Nazare. ⁴⁰ Jesu sehe
noano bucũa, tuariro wa-
haha. ã jiro tiro noano tũho

masiriro bucũaha. Cohamacu
tirore noano yoaha.

*Jesu wahma wahmũa
tariro jiro, Cohamacu ya
wũhũi judío masare buheina
mehne sũhũduro niha*

⁴¹ Cũharipe Jesu
pũcũsuma Jerusalẽpu pascua
nũmũrine bose nũmũrine
yuhdoa wahaa tiha. ⁴² ã jia
Jesu doce cũhari to cjuachu
waro ti yoarucuriro seheta
tina jipihtina Jerusalẽpu bose
nũmũrine yuhdoa wahaha
tjoa. ⁴³ Tí macapu sũ, tí
bose nũmũrine yuhdo tuhsũ
tina ti ya macapu majare
tjuaa wahaha tjoa. Wiho
mejeta Jesu sehe ti ã majare
tjuapachuta, Jerusalẽpu
tjuanocaha. To pũcũsuma
sehe tíre to tjuarire masier-
aha. ⁴⁴ “Paina mari mehne
macaina mehne taca mari
macu”, ni tũhotumaha tina.
ã jia tina cũ dacho waro
noano Jesu marieno waharu-
cumaha. Tí dacho pihtichũ
waro tina Jesure tí coyera
watoi ã jichũ ti ñũ masiina
watoi cũhare macamaha.
⁴⁵ Wiho mejeta ne bocaeraha.
ã jia tina pari turi Jerusalẽpu
majare tjuaa wahaha tjoa,
tirore macaa wahaa.

⁴⁶ Tia dacho baharo Co-
hamacu wũhũ wijaroi tirore
boca sũha. Tói Jesu judío
masare buheina watopũ duji,
tinare tũho, tinare sinituro
niha. ⁴⁷ Tina jipihtina Jesure
to quihũno yũhtichũ tũhoa
noano masirirocã to jichũ
ñũa, tina cũaa wahaha.
⁴⁸ Jesu pũcũsuma cũhũ tirore
ñũa, tina cũhũ cũaa wahaha.

Ã jiro to pocoro tirore õ sehe niha:

—Масч, ¿dohseачч ã yoari маһчч сãре? Сã му рчсчсума пјіро тãhotу, cahya, macana nihi маһчре —niha ticoro to macчnore.

⁴⁹ То ã nichчч тãhorо tiro to рчсчсумаре õ sehe ni yahtiha:

—¿Dohseana yaһчре macari мчса? Уч Рчсчч warо ya wãһчч јі to dutiriro seheta yoai nija. ¿Tіre masierajari мчса? —niha tiro tinare to рчсчсумаре.

⁵⁰ То ã ni yahupachчта tina to yahuare тãho ñahaeraha.

⁵¹ Æ yoari baharo, Jesu to рчсчсума mehne Nazareпчч тјuaa wahaha. Tјu сч, to рчсчсумаре ne yaһдчччcaerariro јia tiha tiro. Ahri јipihtia to yoarire ñчно Maria noano тãhotу, wacчrucua tiha. ⁵² Æ yoa Jesu бчсчч, noano тãho masiriro wahaha. Тó sehe јiрiрo to јi бчсччаччч ñчно, Cohamacчч sehe tirore noano ñч јi coa, tuaro cahчã tiha. Masa счһчч tirore тó seheta noano ñч јi coa, tuaro cahчã tiha.

3

João masare bautisariro masare Cohamacчч yare yahuha

(Mt 3.1-12; Mr 1.1-8; Jn 1.19-28)

¹ Tі pjare ti bui пãhtoro јiрiрo Tiberio wama тiрiрo to пãhtoro јiрi baharo quince счһччari wahaha. Tuһсчч, Poncio Pilato wama тiрiрo sehe Judea yahpa macaina пãhtoro јiha. Æ yoa Herode

wama тiрiрo sehe Galilea yahpa macaina пãhtoro јiha. То bahчro Felipe sehe Iturea yahpa macaina, Traconite yahpa macaina счһчч ti пãhtoro јiha. Tuһсчч, Lisantias wama тiрiрo Abilinia yahpa macaina пãhtoro јiha. ² Tі pjare Ana, Caifa mehne јiрihtina sacerdotеа bui пãhtoа јiha. Ahrina јipihtina ti јiрi pjare João Zacaria macчно masa marienopчч јiрiрo Cohamacчч sehe tirore to yare buhe dutiha. ³ Æ jiro Jordão wama тiрi ma дчһтчч cahai јiрi yahpai јipihtiropчч João buhero wahaha:

—“Noaina јiја сã”, ni мчса тãhotumari сјiрiре тãhotу cohtota, Cohamacччре cahmaga мчса. Æ yoana тiре мчса yoarire ñчна tana, bautisaina јiга. Мчса ã cohtotаччч ñчно Cohamacччч мчса ñчã buhirire borohca —ni buhea tiha tiro.

⁴ Isaia сјiрo panopчч macariro Cohamacчч yare yahu маһтariрo to joariro seheta ahriрo Joаõ yoaro niha. Õ sehe ni joаа tiha Isaia сјiрo Joаõ to buhehtore:

“Masa marienopчч durucu саһurucuriro õ sehe ni buherohca: ‘Mari пãhtoro to tahto pano “Noaina јiја сã”, ni мчса тãhotumari сјiрiре тãhotу cohtota, Cohamacччре cahmaga мчса.

⁵ Pја wãһтari, pја buri сãһчре noari wapa mari yoariro seheta, tuhчua maharine potoa mahari mari yoariro seheta, ñчã maharine

noaa maharine mari
yoariro seheta, wetere
musa cosariro seheta
musa ñaa tuhoutuare co-
htota, cahno mahtaga
musa.

6 Musa ã yoachu Cohamacu
musare pichacapu
wahaborinare to
yuhduchu yoachu
ñahca jipihti ahri
yahpa macaina', ni-
nohca tiro sañurucu
yahuriro sehe",

ni joaa tiha Isaia cjiro
panopure.

7 Masa payu João cahai
wihia tiro tinare bautisachu
cahmana tina. Æ jiro tiro
tinare õ sehe ni yahuha:

—Agãa ñima tiina yoaro se-
heta masare dojomehneina,
cui duhti duaina jira musa.
Musa ñaa yoarire musa
cahya, duhu duaerari buhiri
Cohamacu to buhiri dahre-
hto pano duhti masierara
musa. 8 Potocãta musa ñaa
tuhotumarine cohtotaina
jina, Cohamacure cahmaina
jina, tíre musa yoaa mehne
ñoga. Õ sehe ni tuhutu
wisiena tjiga. “Panopu
macariro Abrahã mari ñachu
cjiro jia tiha. Æ jina to pana-
mana jina mari Cohamacu
yaina jija”, ni tuhutu wisiena
tjiga musa. Musare niita nija.
Abrahã panamana musa
jiina jimana musa. Musa ã
jipachuta tí musa ã jia yaba
cjihti jierara. Cohamacu
sehe ahri tãa mehne Abrahã
coyeare dahre masina. Æ
jiro Abrahã coyea musa jia
wiho waro jira tãa ti wiho
waro jiro seheta. 9 Õ sehe

jira: Masa yucari yoaro
seheta jira. Cohamacu sehe
coma mehne yucarire cã
cohãriro yoaro sehe jira.
Æ jiro noaa dicha maria
yucure nuhcõri mehneputa
cã cohãnohca tiro. Tíre to cã
cohãri baharo, pichacapu jũ
cohãnohca tiro. (Æta yoaro
taro nina masa cãhure tirore
cahmaerainare) —ni yahuha
João masare.

10 To ã nichu tuhõa masa
sehe tirore õ sehe ni sinitu
ñuha:

—¿Dohse yoanahcari sã? —
niha tina João.

11 —Pua suhtiro cjaririro
suhti marierirore cõno waga.
Æ yoa musa chua cjuana paina
cãhure waga —niha João.

12 Mahinacã puhto ya
cjihtire wapa na cohtaina
cãhu tinare to bautisachu
cahmana. Æ jia João cahai
wihia, tirore õ sehe ni
sinituha:

—¿Buheriro, sã sehe dohse
yoanahcari sã? —niha tina
tirore.

13 —Musa puhto ti wapa
na dutiro purota masare
wapa naga. Mahño na
namoena tjiga —ni yahuha
João tinare.

14 Paina surara tirore õ
sehe ni sinituha tjoa:

—¿Sã sehe dohse yoanah-
cari? —niha tina tirore tjoa.

—Masa ti niñerure maena
tjiga. Æ yoana mahñoa
mehne ti niñerure naena tjiga.
Musare ti waparo purota
wahchega —ni yahuha João.

15 Masa Cristore Cohamacu
to warocahtirore cohtaa
niha. Æ jia õ sehe ni tuhutu

ducaha tina João. “Ahriri João sehe Cristo jiboca”, ni tuhutumaha tina. ¹⁶ Ti ã nichu tuhoro João jipihtinare õ sehe ni yahuha:

—Y_u baharo y_u y_uhdoro tuariro tarohca. Noa y_uhd_uariro jira tiro. Tiro yoaro sehe jieraja y_uh_u sehe. ã jic_u tireore tuh_utuch_u, “Wiho jiriro jija y_uh_u”, ni tuh_utuja y_uh_u. Y_uh_u sehe m_usare bautisac_u co mehne yoamahi. Tiro sehe y_u y_uhdoro yoarohca. Esp_uritu Santore masa mehne ã jirucuch_u yoarohca. Wiho mejeta paina sehere ti ñaare tuh_uhotumari cjirire tuh_uhotu cohtota duaeraina sehere tiro pichaca mehne buhiri dahrerohca. ¹⁷ Y_u baharo tariro cahsarire cohãriro yoaro sehe jira. Cahsarire cohãriro to batiro mehne jipihtia to trigo yapari cahsarire putiwera. ã yoa tuhs_u trigo sehere to wihbori w_uh_ui c_unohca. Tó seheta yoarohca ti tireore cahmainare y_u baharo tariro. To putiwea cahsari sehere tiro j_unohca. Tí cahsarire to j_uri pichaca ne yatisi. (Ãta yoarohca tiro y_u baharo tariro tireore cahmaerainare) —ni yahuha João.

¹⁸ Pay_u to ã ni yahua mehne masare noaa buheare yahuha João. ¹⁹ Tuhs_u, p_uhtoro Herode sehe to bah_uro Felipe namonore to namo tiri buhiri, p_uj_uro ñaare to yoari buhiri c_uh_ure João tireore yahumaha. ²⁰ To ã ni yahuri buhiri Herode sehe ñaare yoa namoha, João

peresu yoaro.

João Jesure bautisaha
(Mt 3.13-17; Mr 1.9-11)

²¹ João ti peresu yoah_uto pano paina masare João sehe bautisaro niha. Tinare bautisaro Jesu c_uh_ure bautisaha. To ã bautisach_u, Jesu diap_u ducuriro Cohamac_ure to sinino watoi m_uano par_u m_ua wahaha. ²² To par_u m_uari baharo Esp_uritu Santo buja yoaro sehe Jesu buip_u duji taha. To ã duji tach_u m_uanop_u durucuro coa taha:

—M_uh_u y_u mac_u y_u cah_uriro jira. M_uh_u mehne wahcheja —nino coa taha m_uanop_u.

Jesu coyea panop_u macainare yahua jira ahri
(Mt 1.1-17)

²³ Jesu to buhe d_ucari c_uh_umare treinta c_uhmari c_uh_uaha tiro. “Tiro José mac_uno jira”, ni tuh_uhotumaha masa. José sehe Elí mac_uno jiha. ²⁴ Elí Matat mac_uno jiha. Matat Leví mac_uno jiha. Leví Melqui mac_uno jiha. Melqui Jana mac_uno jiha. Jana José mac_uno jiha. ²⁵ José Matatías mac_uno jiha. Matatías Amós mac_uno jiha. Amós Nahum mac_uno jiha. Nahum Esli mac_uno jiha. Esli Nagai mac_uno jiha. ²⁶ Nagai Maat mac_uno jiha. Maat Matatías mac_uno jiha. Matatías Semei mac_uno jiha. Semei Josec mac_uno jiha. Josec Joiadá mac_uno jiha. ²⁷ Joiadá Johanán mac_uno jiha. Johanán Resa mac_uno jiha. Resa Zorobabe mac_uno jiha. Zorobabe Salat_uie mac_uno

jiha. Salatie Neri macyno
 jiha. ²⁸ Neri Melqui macyno
 jiha. Melqui Adi macyno
 jiha. Adi Cosam macyno jiha.
 Cosam Elmodam macyno
 jiha. Elmodam Er macyno
 jiha. ²⁹ Er Josué macyno
 jiha. Josué Eliezer macyno
 jiha. Eliezer Jorim macyno
 jiha. Jorim Matat macyno
 jiha. ³⁰ Matat Leví macyno
 jiha. Leví Simeo macyno
 jiha. Simeo Juda macyno
 jiha. Juda José macyno jiha.
 José Jonan macyno jiha.
 Jonan Eliaquim macyno jiha.
³¹ Eliaquim Melea macyno
 jiha. Melea Mená macyno
 jiha. Mená Matatá macyno
 jiha. Matatá Natán macyno
 jiha. ³² Natán Davi macyno
 jiha. Davi Jesé macyno jiha.
 Jesé Obed macyno jiha. Obed
 Booz macyno jiha. Booz Sélah
 macyno jiha. Sélah Nahasón
 macyno jiha. ³³ Nahasón
 Aminadab macyno jiha.
 Aminadab Admín macyno
 jiha. Admín Arní macyno
 jiha. Arní Esrom macyno
 jiha. Esrom Fares macyno
 jiha. Fares Juda macyno jiha.
³⁴ Juda Jacobo macyno jiha.
 Jacobo Isaa macyno jiha. Isaa
 Abrahã macyno jiha. Abrahã
 Taré macyno jiha. Taré
 Nahor macyno jiha. ³⁵ Nahor
 Serug macyno jiha. Serug
 Ragau macyno jiha. Ragau
 Péleg macyno jiha. Péleg
 Éber macyno jiha. Éber Sélah
 macyno jiha. ³⁶ Sélah Cainán
 macyno jiha. Cainán Arfaxad
 macyno jiha. Arfaxad Sē
 macyno jiha. Sē Noé macyno

jiha. Noé Lame macyno jiha.
³⁷ Lame Matusalē macyno
 jiha. Matusalē Enoco macyno
 jiha. Enoco Jared macyno
 jiha. Jared Mahalaleel
 macyno jiha. Mahalaleel
 Caina macyno jiha. ³⁸ Caina
 Eno macyno jiha. Eno Sete
 macyno jiha. Sete Adão
 macyno jiha. Adão Cohamacu
 to yoariro jiha.

4

Watño ñaare yoa dutimaha Jesure

(Mt 4.1-11; Mr 1.12-13)

¹ Jesu Espiritu Santo to
 dutiriro seheta yoa pahñoriro
 jiro, tiro Jordão wama tiri
 mapu jiriro tjuaa wahaha.
 To ã tjuaa wahachu Espiritu
 Santo sehe tirore masa
 marienopu naaha. ² Tõpu
 sũro cuarenta dachori waro
 jiha. Tõpu to jiro wato watño
 sehe Jesure ñaare yoachu
 cahmamaha. ã jiro ñaare
 yoa dutimaha tirore. Tí
 dachorire Jesu chũeraha. ã
 jiro tí dachori pihtichu waro
 tiro jũca baaha.

³ To ã jũca baachu ñũno
 watño õ sehe nimaha Jesure:

—Mũhu Cohamacu macyno
 jicu, ahria tãcare chũa do-
 jomehnega —nimaha Jesure.

⁴ Jesu õ sehe ni yũtiha:

—Yoaeraja. Cohamacu
 yare ti joari pũi õ sehe
 nina: “Masare chũa mehne
 dihta catieraro cahmana.
 [Jipihtia Cohamacu ya yahua
 mehne jiro cahmana]”, nina
 Cohamacu —ni yũtiha Jesu
 watñore.

⁵ To ã niri baharo watño
 sehe tirore tũcu mũadu

buiꝑu na muja surota jipihtia macari perire ño bahrañoḥa Jesure. ⁶ ã ñono Jesure õ sehe ni yahuha:

—Jipihtia ahri macari yuhure to wari cjiri jira. ã jicꝑu yꝑu cahmarirore wa masija. ã jicꝑu ahri macarine, ti cjuaa mehne mähure waihtja. (Yꝑu ã wachꝑu ahri macari macainare mähꝑu dutiĩḥca.) ⁷ Yuhure mu ño payochꝑu ahri macari jipihtia macarine mähure waihtja — niha watĩno Jesure.

⁸ Jesu õ sehe ni yuhtihã tireore:

—Mähure ño payoeraja. Õ sehe nina Cohamacꝑu yare ti joari pũi: “Mu puhtoro Cohamacꝑu dihtare ño payoga. To ya dutia dihtare yoaga”, ni joaa tiha Cohamacꝑu yare — niha Jesu watĩnore.

⁹⁻¹¹ To ã niri baharo Jerusalẽꝑu watĩno sehe tireore na wahcã, Cohamacꝑu wuhꝑu bui na sũḥa tireore. Na sũ tuhsꝑu tireore õ sehe nimaha:

—Cohamacꝑu yare ti joari pũ õ sehe nina:

“Cohamacꝑu yaina anjoare mähure ñũ wihbo dutiroḥca. ã jia tina sehe mähure ñũ wihboahca, ‘Mähꝑu tãcarꝑu pũḥa tu muari’ nia”,

ni joaa tiha Cohamacꝑu yare ti joari pũi. To ã niri quihõno jichꝑu mähꝑu Cohamacꝑu macꝑno jicꝑu, yahꝑapꝑu pju bora ño ñũjũta yuhure. Mähure yoadohochꝑu ño ñũjũta yuhure —niha watĩno Jesure.

¹² Jesu pju bora ño duaeraro õ sehe ni yuhtihã tireore:

—Cohamacꝑu yare ti joari pũi õ sehe nina: “Musa puhtoro Cohamacꝑu to niri cjirire ‘¿Potocã tjijari?’ ni masi duana, Cohamacꝑu yoa ño duti macaena tjiga”, nina Cohamacꝑu yare ti joari pũi — niha Jesu watĩnore.

¹³ ã jiro watĩno jipihtia ñaare Jesure yoa dutimaha. ã duti tuhsꝑu mahanocã duhu wahcãsiniha.

Galilea yahpai Jesu buhe dũcaha

(Mt 4.12-17; Mr 1.14-15)

¹⁴ Baharo Jesu Galileapꝑu tjuaa wahaha. ã jiro, tiro Espĩritu Santo tuua mehne yoaha. Tói jipihtiroꝑu masa tireore quti tiha. ¹⁵ Judio masa buhea wuhꝑu sei tiro buhea tiha. ã jia jipihtina masa tireore noano durucuha.

Nazare macaina Jesure ne cahmaeraha

(Mt 13.53-58; Mr 6.1-6)

¹⁶⁻¹⁷ Baharo Nazareꝑu Jesu to bucsariropũta tju sũḥa. Tõꝑu tju sũro, Sabado jichꝑu to ã yoarucuriro seheta tiro judio masa ti buheri wuhꝑu sã sũḥa. Tói tiro Cohamacꝑu yare ti joari pũre buhero taro ducuha. To ã ducuchꝑu ñũḥa tó macaina sehe Cohamacꝑu yare yahu muhtariro Isaia cjiro to joari pũre tireore waha. Tí pũi Jesu ahri yahuare bocaro buheha:

¹⁸ “Cohamacꝑu to Espĩritu yuhꝑu mehne jiro, yuhure dutira.

Tiro pjasoinare noaa buheare yahu dutiro warocare yahure.

Ã yoa peresupũ jiina cãhure tinare to yahdohtore yahu dutiro warocare yahure.

Capari ñeraina ti noano ñahto cjihtore, painare ti ñano ti yoapeinare wiohtiro cjihtore yahure warocare.

19 Mari pũhtoro Cohamacũ to yainare pichacapũ wahaborinare to yahdohtore yahure yahu dutiro warocare”,

ni buheha Jesu.

20 Ã ni buhe tuhsũ Jesu ti pũre noari tia turẽnoca, wãhũ macarirore wia tuhsũ, dujiha. To dujichũ ñũa tói jiina jipihtina tiro dihtare ñũha.

21 Ti ã yoachũ tiro tinare õ sehe ni yahu dũcaha:

—Ahri michapucacã yũ buheriro seheta Cohamacũ to niriro mũ sũro nina —niha Jesu.

22 To ã nichũ tũhoa “Ahriro noariro jira”, ni tũhotuha tina. Ã jia tina to noano buhechũ tũhoa, cãaa wahaha. Ã cãaa waha, õ sehe niha tina ti basi:

—Cuenah, ¿José macũno jierajari ahriro? —niha tina ti basi.

23 Ti ã nichũ masino Jesu õ sehe ni yahuha tinare:

—Yũ buheare tũho duaerana, õ sehe ni tũhotura mũsa yahure: “Duhturu dohtiro to basi co ti masina duhturu waro to jiare ñono. Mũhũ

cũhũ duhturu to yoa ñono seheta mũ niriro sehe jirore jicũ Cohamacũ tuaa mehne yoa ñoga sãre. Capernaupũre Cohamacũ tuaa mehne yoa ñoyuhti mũhũ. Sã cãhure ã yoa ñoga, mũ buheare ‘Potocã tjira’, sã ni masihto sehe”, ni duara mũsa yahure.

24 ‘Ahrire yahuihtja mũsare. Cohamacũ yare yahu mũhtarirore to ya maca macaina cahmaerara. Ã jina yahure cahmaerara mũsa õi yũ bũcũariro jichũ. 25 Yahure tũhoga mipũre. Panopũ Elia to jiri pjarũre tia cãhma noano pa cãhma dacho maca waroi ne coro taeraha. Ã jiro jipihtiropũta ne chũa mariaha. Tí pjare payũ wapewahya Israe yahpapũ ti jipachũta Cohamacũ Elia cjirore tinare yoadoho dutiro warocaeraha. (Eliare, Cohamacũ ya cãhure ti cahmaerachũ ñũno tinare yoadoho dutiro warocaeraha.) 26 To ya macare ã yoa dutieraparota pa yahpai Sidõ cahai jiri macai Sarepta wama tiri maca macaricoro wapewahyorore yoadoho dutiro Elia cjirore warocaha Cohamacũ.

27 Baharo Cohamacũ yare yahu mũhtariro Eliseo cjiro to jiri pjarũre Israe yahpapũ payũ camĩ baina ti jipachũta cũiro Israe masũnore ne noariro wahachũ yoaeraha Eliseo cjiro. To ya yahpa macainare yoeraparota Naaman wama tiriore Siria yahpa macariro dihtare noariro wahachũ yoaha

tiro. Ñ yoaro Israe masare yoadohoeraro, Israe masuno jierariro sehere yoadohoha Cohamacu —niha Jesu tinare.

²⁸ To ã nichu tũho jipihtina tí wũhũi jiina sua yũhdũa wahaha. ²⁹ Ñ jia tina wahcãrũca, Jesure na wijaa, tí maca dũhtũ cahai jiri cũnrũ tirore tjuroca boro duamaha. ³⁰ Tí ã yoa duapachũta Jesu tí watoihũta wahaa wahaha.

*Watĩno to cohtotariro
Jesure piti bocaħa
(Mr 1.21-28)*

³¹ Baharo Jesu Galilea yahpai jiri macapũ Capernau wama tiri macapũ sũ, Sabado jichũ masare buheha. ³² Tiro noano masi pahũoriro to buhechũ tũho masa tũho cũaa wahaha. ³³ Tí wũhũi watĩno to cohtotariro jiro, õ sehe ni tuaro saũurucuħa:

³⁴ —Mũhũ Jesu Nazare macariro sãre cariboi tjia mũhũ. ¿Dohse yoai tai nijari sãre? ¿Mũhũ sãre butichũ yoai tai nijari? Yũhũ masija Cohamacũ macũno, ñaa marieriro mũ jiare —ni saũurucuħa Jesure.

³⁵ To ã nichũ tũhoro Jesu tuhtihũ watĩnore:

—Dihta mariaħga. Wi-
jaahga tirore —niha Jesu.

To ã niri baharo masũnore watĩno sehe yahpapũ doca caħa sũ tunuchũ yoaro, tirore wijaaħa. To ã yoari baharo tiro sehe noariro tjuaha.

³⁶ Tói jiina jipihtina to ã wahachũ ñũ cũaa wahaha. Ñ jia ti basi õ sehe ni durucuħa:

—¿Yaba baro buhea jijari ahri ã wahachũ yoaa? Cue-
nah. Tuaro mehne pũhtoro yoaro seheta ahriro watĩare dutira. Ñ jia to dutiro seheta tina masare wijaa —ni durucuħa tina ti basi.

³⁷ To ã yoachũ ñũa tí yah-
papũ jipihtiropũ masa Jesu
yoarire yahu siteħa.

*Jesu Simo Pedro mare-
chonore noaricoro wahachũ
yoaha*

(Mt 8.14-15; Mr 1.29-31)

³⁸ Judio masa ti buheri wũhũre wijaa, Simo ya wũhũpũ sãa sũħa Jesu. Tói Simo marechono doħati, tuaro juaro tiħa. Ñ jia tina ticoro to doħatichũ yahũħa Jesure. ³⁹ Tí ã yahuri baharo tiro ticoro cahai sũ, juarore suru dutihũ. To ã suru dutiri baharo ticorore juaro surua waha, dóihũta noaricoro wahaha. Ticoro ã waharo wahcã nuju sũ, tinare chũare payoħa.

*Payũ doħatiinare noaina
wahachũ yoaha Jesu*

(Mt 8.16-17; Mr 1.32-34)

⁴⁰ Sũ sãari baharo jipihtina masa tó cahai jiina doħati-
inare Jesu cahapũ na sũħa. Doħatiina payũ soro jia doħa-
tiare cjũħaħa. Ñ jiro Jesu to
wamomacari mehne tina bui
ñã payo, jipihtinare tí doħa-
tiare noano yũhdũchũ yoaha.
⁴¹ Watĩa cũhũre Jesu to wijaa
dutichũ tina wijaa wahaa, õ
sehe ni saũurucuħa:

—Mũhũ potocãta Co-
hamacũ macũno jira —niha
tina Jesure.

Jesu Cohamacu warocariro to Cristo to jichu wafia masiha. ã jiro Jesu tinare durucu dutieraha, “ ‘Cristo jira’, ni yahu siteri”, nino.

Galilea yahpai buheha Jesu

(Mr 1.35-39)

⁴² Bohrea maha tachu Jesu ti macai jiro waha, masa marienopu suha. To ã suri baharo masa tirore maca, boca sua ò sehe niha:

—Sã ya macai tjuaga. Wahai tjiga —nimaha tina Jesure.

⁴³ Ti ã nipachuta tiro sehe ò sehe ni yuhtiha:

—Cohamacu masare puhtoro to noano suho jiare noaa buheare paye macaripu cãhure buhero cahmana yuhure. Cohamacu yuhure warocare tãre yahuhtirore — niha Jesu tinare.

⁴⁴ ã ni tuhsuro judio masa ya yahpa macaa wahusei, judio masa ti buhea wahusei tiro buhe tiniha.

5

Jesu to buheinare payu wahire bocachu yoaha

(Mt 4.18-22; Mr 1.16-20)

¹ Pa namu Jesu Genesare wama tiri bucpariro duhtu caharu suha. Tóti to jichu ñua payu masa Cohamacu yare tuho duaa tirore namu ti suha. Noano wahpa tarucu suha masa peri. ² Puarua buso paduroi pahsaa busore Jesu ñua. Tí buso macaina wahi wajãina maja suruca, ti wañuyucure cosaa niha.

³ ã jiro Jesu Simo yariapu

samua wahaha. Samu tuhsu tia dohoriare dia duhtu cahai coãriare siõ buhu dutiha. Tuhsu, dohoriapu duji, masare buheha. ⁴ Buhe tuhsu, Jesu Simore ò sehe niha:

—Dacho maca cureroi siõ wioga. ã jina mahu mehne macaina mehne musa wañuyucure doca ñoga wahi ñahana —niha Jesu.

⁵ To ã nichu tuhoro Simo Jesure ò sehe ni yuhtiha:

—Puhtoro, wahi maca bohreamahi sã micha ñamine. Bohrepanahta ne cãirocã wajãerahti sã. ã wajãerapanahta mu dutiro seheta doca ño ñuahtja —ni yuhtiha Simo.

⁶ ã ni tuhsu tina doca ñoha. ã ti doca ñochu ti wañuyucure payu wahi sãaha. Payu ti sãachu wañuyucu tuhnaa wahamaha. ⁷ ã wahachu ñua tina paria macainare tina mehne macainare pjirocaha: —Musa cãhu yoadohona tagã sãre —ni pjirocaha Simo cãhu.

Tina ti ã yoadohori baharo puria buso noano minipahro bocaha wahire. ⁸ Simo Pedro ã wahi payu ti sãachu ñuo, Jesu panoi na tuhcuca caha su, tirore ò sehe ni yahuha:

—Yu puhtoro, mahu mehne jiboriro jieraja yuhu. Ñariro jija yuhu. ã jicu mu cahai ji masieraja —niha Simo Pedro Jesure.

⁹ Tiro, jipihtina tiro mehne macaina cãhu payu wahi sãachu ñua, cãaa wahaha tina cãhu. ¹⁰ Puaru Simo Pedro mehne macaina Zebedeo

pohna Santiago to bahuro João mehne, tina cūhū ñū cūaa wahaha. Ti ã cūachū ñūno Jesu Pedrore õ sehe ni yahuha:

—Cuaecu tjiga. Mipure mūhū wahire ñaha cahmachuriro mū jiro seheta Cohamacū yaina cjihtire pji cahmachuriro jiihca mūhū — niha Jesu Simo Pedrore.

¹¹ To ã niri baharo tina ti busore bucūpariro duhtū cahapū waja mo cūnoca, ti ya jipihtiare tóihca cūnoca, Jesu mehne wahaa wahaha.

Jesu cami barirore noariro wahachū yoaha

(Mt 8.1-4; Mr 1.40-45)

¹² Æ yoa Jesu pa macai to jichū cami bariro tirore piti bocaha. Æ piti bocaro tiro Jesure ñū, na tuhca caha sū, õ sehe ni tuaro siniha:

—Puhtoro, mūhū yoa duacu yūhure noariro yoa masina mūhū —ni siniha.

¹³ To ã niri baharo Jesu tirore ña payoro õ sehe niha:

—Tíre yoa duaja. Mipure noariro jiga mūhū —niha.

To ã nichūta to cami bari cjiri yati mūa wahaha. ¹⁴ Æ jiro Jesu tirore õ sehe ni dutiha:

—Ahri yū õ sehe yoirire painare yahui tjiga. Sacerdote cahai wahaga mipure. Æ jicu mū pjacūre noari pjacu to waharire ñoga tirore. Cohamacū dutia Moiserere to cūri to niriro seheta yoaga. Æ yoacu sacerdotere pūaro minichahcare waga noariro mū waharire sacerdotearere ñoi tai —niha cami bariro cjirore.

¹⁵ “Yahui tjia”, to nipachūta jipihtiropū masa tirore yahu site namoha. Ti ã yahu sitechū tūhoa masa payū tiro cahapū sūha. Dohatiina noaina waha duaa, tina cūhū tiro cahapū sūha. ¹⁶ Ti ã sūpachūta Jesu masa marienopū Cohamacūre sinino wahaha.

Jesu pjacu buharirore noariro wahachū yoaha

(Mt 9.1-8; Mr 2.1-12)

¹⁷ Pa dachoi Jesu to buhechū fariseo curua macaina, judio masare buheina cūhū tói dujiha. Tina jipihtina Galilea yahpai jia macari macaina, Judea yahpai jia macari macaina, Jerusalē macaina jiha. Ti ã jichū ñūno Jesu Cohamacū tuaa mehne dohatiinare noaina wahachū yoaha.

¹⁸ Mahainacā mūa pjacu buharirore to coāri cahsaro mehne yo wūa wihiha. Æ jia tirore Jesu cahai cū duaa, wūhūpū yo sūa duamaha tina tirore. ¹⁹ Æ sūa duapahta masa payū jichū tina tirore yo sūa masieraha. Æ jia tirore wūhū buipū yo mūjaha. Yo mūja sū, mahanocā muji pahmare nawe, tí copai pjacu buharirore to coāri cahsaro mehnetā duhu boroha Jesu cahai jiina watoi.

²⁰ “Jesu ahrirore to dohatiare yūhdūchū yoarohca”, ni tūhotuha tina. Ti ã ni tūhotuchū masino Jesu pjacu buharirore õ sehe ni yahuha:

—Coyeiro, mū ñaare yoiri buhiri tiare yūhū cohā tuhsūja —niha Jesu tirore.

21 To ã nichu tuhoa fariseo curua macaina, judio masare buheina cūhu ti basi õ sehe ni tuhotumaha: “Ahriro ã ni durucuero tjijaro. Tiro masuno mari yoaro sehe jiro, ñaare to yoari buhiri tiare cohã masierara. Cohamacu dihta masa ti ñaare yoari buhiri tiare cohã masina”, ni tuhotumaha tina.

22 Jesu ti ã ni tuhotuare masino, õ sehe niha:

—¿Dohse yoana ã ni tuhotujari mūsa? 23 “Mū ñaa yoari buhiri tiare yūhu cohã tuhsūja”, yū nichu, “Mahñoriro jira”, yūhure nina mūsa noano masierapanahata. “Wahcārūca wahaga”, yū nichu yū niri potocã jia jichu dóihta masinahca.

24 Yūhu masuno Cohamacu warocariro ahri yahpai ti ñaare yoari buhiri tiare cohã masija yūhu. Masa ti ñaare yoari buhiri tiare cohãhtiro cjihtore cūre Cohamacu yūhure. Yū ã cohārine mūsa masihtõ sehe õ seheta yoa ñoihtja mūsa ñahti cjihtire — niha Jesu.

Ã ni tuhsu pjacu buhariroro õ sehe niha:

—Mūhure niita nija. Wahcārūcaga. Mū coāri cahsarore na wahcāga mū ya wūhūpū —niha tirore.

25 To ã nichu tuhorota jipihina ti ñarocaroi wahcārūca, to coāri cahsarore na, to ya wūhūpū tjuaa wahaha. Ã waharo tiro Cohamacure ño payoro, wahchea mehne noano durucuha. 26 To ã yoachū ñua masa sehe jipihina cūaa wahaha. Tina

cūaa waha, Cohamacure ño payoa, wahchea mehne noano durucuha:

—Michare soro jiare ñūhi sã —niha tina.

Jesu Levire piha

(Mt 9.9-13; Mr 2.13-17)

27 Ã yoa tuhsu waha, Leví wama tirirore to dahrari tah-tiapū jirirore boca sūha Jesu. Leví sehe pūtoa ya cjihtire masare wapa na cohtariro jiha. Ã boca sūro tirore õ sehe niha:

—Yūhu mehne macariro cjihto taga mūhu —niha tiro Levire.

28 To ã nichu Leví sehe jipihitia to dahraare duhunoca, Jesu mehne wahaa wahaha.

29 Baharo Leví ya wūhūi bōse namū Jesure yoa payoro niha. Tói payū wapa na cohtaina, paina cūhu Leví mehne dujiha. 30 Tina mehne Jesu cūhu ti dujichū ñua mahainacã fariseo curua macaina, judio masare buheina mehne sua, Jesu buheinare õ sehe ni sinitu ñūha:

—¿Dohseana ñano yoaina, wapa na cohtaina mehne chūjari mūsa? —ni tuhtiha tina.

31 Ti ã nichu tuhoru Jesu yūhtiha tinare. Õ sehe ni piti dahre buheha:

—Dohatieraina duhturure macaerara. Dohatiina dihta duhturure macana. Ñaare yoaina dohatiina yoaro sehe jira. 32 Ã jicū ñaare yoainare yahui tai nihi yūhu Cohamacure cahma duticu. Ti basi “Noaina jia sã”, ni

tuhotuinare yahui tai nierahi yuhū —niha Jesu.

Chū duhuare Jesure sini-tuha paina

(Mt 9.14-17; Mr 2.18-22)

³³ Ā yoa mahainacā masa Jesure ō sehe ni sinitu ñūha:

—João buheina payū tahari Cohamacūre ño payoa taa chū duhura. Ā yoaa, tina payū tahari Cohamacūre sinina. Fariseo buheina cūhū ti yoaro seheta yoara. Ti ā yoapachūta mū buheina sehe Cohamacūre ño payoa taa chū duhuerara. ¿Dohse yoa ā yoajerari tina? —niha tina Jesure.

³⁴ Ti ā nichū Jesu to tuhotua mehne quitī dahre buhero taro tinare ō sehe ni yūhtiha:

—Ō sehe jira ti: Wamomaca dūhteropū ti pjirocaina wamomaca dūhteriro mehne jia, chū duhu masierara. Tó seheta yū buheina cūhū yūhū mehne jia, chū duhu masierara. Yūhū wamomaca dūhteriro yoaro sehe jija. Wamomaca dūhteriro bose nūmū to yoachū tiro mehne macaina chūeraina jierara.

³⁵ Yū Pūcū Cohamacū yūhūre to naari baharo pinihtare yū buheina mehne jisi yūhū. Ā jia tí pjarūta yū buheina cūhū chū duhuahca —niha Jesu.

³⁶ Panopū macaa buhea wahma buhea mehne ti buhe more duachū ñūno ō sehe ni namoha Jesu tinare piti dahre buhero:

—Ne wahma suhtirore mahari cahsarocā tūhrē na, mūnāno suhtirore sere ōno cahmaerara. Mari ā sere ōna wahma cahsarore tūhrē

cohāna nija. Ā yoa wahma cahsaro mūnāno suhtiro mehne cūno potori bajuerara. (Tó seheta mūna buhea wahma buhea mehne piti dahre buheraro cahmana.)

³⁷ Ā yoa ne se co bisia core wahiquiro cahsaro wajuru mehne mūna wajuru mehne posaeraro cahmana. Mari ā yoachū se co bisia pahmoapū mūna wajurure tūhrēnocahna. To tūhnūchū se co cūhū, wajuru cūhū cohōa wahara. ³⁸ Ā yoa se co wahma core wahma wajurupū posaro cahmana. Mari ā yoachū se co cohōera, wajuru cūhū cohōerara. (Tó seheta wahma buhea mūna buhea mehne buhe moreraro cahmana.) ³⁹ Mūna core masa ti sihniri baharo, wahma core cahmaerara tina. Ō sehe nia tire masa: “Mūna co wahma co bui curero noaa jira”, nia tire masa —niha Jesu tinare.

6

Sabado jichū Jesu buheina trigo parorire paha yūhdu wahcāha

(Mt 12.1-8; Mr 2.23-28)

¹ Pa dacho Sabado jichū Jesu cūhū trigo wesepū sūha. Tópū sū, to buheina sehe trigo parorire paha, tí pohcarire sahca site boro, tí yaparire chū wahcāa niha. ² Ti ā yoachū ñūa mahainacā fariseo curua macaina tinare ō sehe ni sinituha:

—¿Dohse yoana mūsa Sabado mari sori nūmū to jipachūta dahrajari? Marine dutiare yūhdūrcana nina

musa —niha fariseo curua macaina Jesure.

3-4 Ti ã nichu tãhoro Jesu tinare yũhtiha, (“Yu buheina yũhdũũcaaa nierara”), nino taro:

—Davi cjiro tiro mehne macaina mehne jũca baaro, Cohamacu wũhũru sãa, Cohamacu ya pãore chuha. ã chũro tó mehne macaina cãhũre tí pãore chu dutiro waha. Tí pãore sacerdotia dhtare chu dutira. Cohamacu dutia tí pãore painare chu dutierara. ¿Davi cjiro tíre to yoari cjiire buherari musa? (Tí pãore chũro Cohamacũre yũhdũũcaro nieraha. Michare ahri yaparire chuã yũ buheina cãhũ Cohamacũre yũhdũũcaaa nierara.) ⁵ Yũhũ masũno Cohamacu warocariro ahri dacho Sabado dachore masa ti yoahũtũre yahurirota jicu pũhtorota jija —niha Jesu.

Wamomaca bũhariro quitijira

(Mt 12.9-14; Mr 3.1-6)

6 Pa dacho Sabado jichũ Jesu judio masa ti buheri wũhũru sãa sũro, buheha masare. Tóti wamomaca potu bũhũsehe bũhariro jiha. ⁷ Mahainacã judio masare buheina, fariseo curua macaina cãhũ Jesure yahusã duamaha. “Sabado dachoi masũnore noariro wahachũ yoaboca Jesu” ni, ñũ nũnũ yahusã duamaha tina Jesure. ⁸ Jesu ti tũhotuare masino, bũharirore õ sehe niha:

—Wahcã sũrucaga jipihũtina ti ñũrocaroi —niha tũrore.

To ã niri baharo bũhariro sehe wahcãũrucu sũ, tóti ducũha. ⁹ ã jiro Jesu tinare õ sehe ni sinitũha:

—Mũsare sinitũhũtja: ¿Sabado jichũ yabare yoa dutijari Cohamacu dutia? ¿Noaare yoachũ noaerajari? ¿O ñaare yoachũ sehere noajari, musa tũhotuchũ? Sabado jichũ masũnore masochũ noa nina. Sabado jichũ masũnore wajãchũ sehere noaerara —niha Jesu tinare.

¹⁰ ã nino Jesu tinare ñũroca õ pahũo, bũharirore õ sehe niha tjoa:

—Mũ wamomacare siõrocagã —niha tiro.

To ã nichũta bũhariro sehe siõroca, noari wamomaca wahaha. ¹¹ To ã yoachũ ñũã tina Jesu mehne tuaro suaha. ã suaa õ sehe niha:

—¿Dohse yoanahcari mari ahrirore? —niha tina ti basi.

Jesu to buheinare doce to warocahtinare bese dapoha

(Mt 10.1-4; Mr 3.13-19)

¹² Tí dachorire Jesu tũcũru Cohamacũre sinino mũjaa wahaha. Tóru jiro, ñamine Cohamacu mehne durucu bohreaaha. ¹³ Bohrearopũ to buheinare to caharu pjirocaha. Pjiroca tuhsũ, tina mehne macainare doce waro to warocahtinare bese dapoha. ¹⁴⁻¹⁵ Ahriina jiha Jesu to bese daporina: Simo jiha. Simore Pedro ni pisũha Jesu sehe. Simo bahũro Andre, Santiago, João, Felipe, Bartolomé, Mateo, Toma,

Santiago jiha. Santiago sehe Alfeo macano jiha. ã jia Simo cananista ya curua macariro cjiro, ¹⁶ Juda Santiago macano, Juda Iscariote tina jiha to bese daporina. Juda Iscariote sehe Jesure ñu tuhtiinare ñohtiro jiha.

Jesu payu masare buheha
(Mt 4.23-25)

¹⁷ ã yoa Jesu to buheina mehne tucu buipu jirina duji taa, payu paina to buheina mehne duji wihiruca, noari wapai ducuha tina. Jipihtiro Judea yahpa macari macaina, Jerusalẽ macaina, Tiro wama tiri maca macaina, Sidõ wama tiri maca macaina, pjiri ma duhtu cahai jia macari macaina masa payu tiro cahapu wihaha. ¹⁸ Tina Jesu buheare tuhoa taa, ti dohatiare cohachu cahmaha tina. Watia ti cohtotarina cuhu tiro cahapu wihi, noaina wahaha. ¹⁹ Jesu to tuua mehne noaina wahachu yoaha tinare. ã jia tina jipihtina tirore dahra ñua taha.

Jesu wahcheare, cahyaa cahure buheha
(Mt 5.1-12)

²⁰ Baharo Jesu to buheinare ñu, õ sehe ni yahuha:

—Musa pjacuoina, puhtoro Cohamacu to suho jiropu wahanahca musa. ã jina musa wahchenahca.

²¹ 'Mipure musa juca baaina yapiina jinahca. ã jina wahchenahca.

'Mipu tiina jina, baharo musa bujunahca. ã yoa musa wahchenahca.

²² 'Yuhu masano Cohamacu to warocariro jija. ã jina yu yare yoaina musa jiri buhiri paina musare ti ñu tuhtipachuta wahcheina jira musa. Musare ti cohapachuta wahchenahca. Musare ti ñano durucupachuta "Ñaina jira", musare ti nipachuta musa sehe wahchenahca. ²³ Musare ti ã yoachu ñano manopu musa suchu pjiro noano yorohca Cohamacu musare. ã jina tuaro wahcheina jiga. Noano yajeripohna tiina jiga. Musare ñu tuhtiina ti coyeya panopu macaina to sehetã ñano yoaha Cohamacu yare yahu muhtaina cjiri cuhure.

²⁴ ã yoa musa mipu payu cjuaina ahri yahrapu musa noano jinoca tuhsure. ã jina ñano yuhduina jinahca musa.

²⁵ 'Mipu yapiina musa juca banahca. Musa ã jina ñano yuhduinahca.

'Mipure musa bujuina jina baharopu musa cahya, tiinahca. ã jina musa ñano yuhduinahca.

²⁶ "Cohamacu yare yahu muhtaina jija", ni mahñoinare "Noaina jira", nimaha payu panopu macaina. ã nimarina ti coyeya mipu macaina cuhu ãta "Noaina jira", ni boca cãina musa mehne macainare. Ti ã nimarina musa jina ñano yuhduinahca musa cuhu —ni buheha Jesu.

Musare ñu tuhtiina ti jipachuta tina cãhure cahãga
(Mt 5.38-48; 7.12)

²⁷ ã yoa õ sehe ni buhe namoha Jesu:

—Yuhure tuho duainare, musareta nii nija. Musare ñu tuhtiina ti jipachuta tina cãhure cahãga. Musare ñu tuhtiinare noano yoaga.

²⁸ Musare “Ñano yuhdujaro”, niina ti jipachuta noa dutiga tinare. Musare ñano yoaina ti jipachuta “Tina cãhu noano jijaro”, ni sini payoga Cohamacure. ²⁹ Cãiro musa wahsupure to cãchũ, pa buhusehe cãhure cãã dutiga tirore. Musa bui macari suhtirore to machũ musa camisa cãhure ã wanocahga tirore. ³⁰ Musare sinirirore to sinino purota waga tirore. Musa yare to nachũ tirore sinituena tjia pari turi tíre.

³¹ Paina musare ti noano yoachũ cahmana musa. Tinare musa noano yoachũ cahmano seheta musa cãhu noano yoaga tinare. Musare ti noano yoerapachuta musa sehe tinare noano yoaga.

³² Musare cahãina dihtare musa cahĩchũ tí ne yaba cjihti jierara paina sehere musa cahĩerachũ. Ñaina cãhu tinare cahãina dihtare cahãina. ³³ ã jina musare noano yoaina dihtare musa noano yoachũ tí cãhu ne yaba cjihti jierara paina sehere musa noano yoerachũ. Tíre ñaina cãhu yoaa tire. ³⁴ ã yoa “Yuhure wiaa tire”, musa niina dihtare musa wasochũ ne tí yaba cjihti jierara. Ñaina cãhu painare “Yuhure wiaa

tire”, ti niinare wasoa tire. ³⁵ ã jina musa sehe musare ñu tuhtiina cãhure cahãga. ã yoa, tinare noano yoaga. Pairore wasona “Yuhure ne wiasi ahriro”, ni tahotuenata tirore wasoga. Cohamacũ sehe tirore ji coaeraina cãhure, ñaina cãhure noano yoara. To yoaro seheta yoaga musa cãhu. Musã ã yoachũ Cohamacũ pjíro noano yoarohca musare. Musã ã yoana Cohamacũ tua yuhduariro mũano macariro pohna jinahca. ³⁶ Mari Pũcũ mũano macariro to pja ñariro seheta musa cãhu masare pja ñũga —ni yahuha Jesu.

Paina cãhure “Ñaina jira”, niena tjiga
(Mt 7.1-5)

³⁷ ã yoa tinare õ sehe ni yahu namoha:

—Painare “Ñaina jira”, niena tjiga musa. Musã ã nierachũ Cohamacũ musa cãhure “Ñaina jira”, nisi. Paina musare ti ñano yoarire ti ñano niri cãhure boga musa. Musã ã bochũ ñano Cohamacũ musa cãhure musa ñaa yoari buhirire borohca. ³⁸ Paye barore cãana painare waga. Musã ã wachũ Cohamacũ musare warohca. ã waro noano quihõno musare pjíro warohca. Wahpa yuhduaro warohca. Painare musa wariro purota Cohamacũ musa cãhure warohca —niha Jesu tinare.

³⁹ ã ni tuhsũ Jesu quitu mehne piti dahre buhero õ sehe ni yahu namoha:

—Capari ñheraina sahsero ti basi noano tãã wahcã masierara. Æ tãã wahcãã, tina puaro doca wahã su bora sãa wahaahca coparu. (Tó seheta Cohamacu yare masieraina painare buhe masierara. Æ jia tina jipih-tina pichacaru wahaahca.)
 40 Buheina tinare buherirore masi yuhdurucaerara. Æ jipahta jipih-tina buheina ti noano buhe pahñori baharo tinare buheriro yoaro seheta jahca —niha Jesu.

41 Æ ni tuhsu paye quiti mehne yahu namoha:

—Mari piti dahre buhechu õ sehe yoaina jira mûsa: Mûsa coyeiro to capariacaru mahari pohcarocã to sãachu tí pohcarocãre noano ñna mûsa. Mûsa ya capariacare pjiri pjĩ to jipachuta tí pjĩne ne ñherara mûsa. (Mahari pohcarocãre mûsa ñno seheta mûsa coyeiro to ñano yoaa sehere noano ñna mûsa. Mûsa basi mûsa ñaare tuaro yoapanahta tíre masierara mûsa pjiri pjĩne mûsa ñheraro seheta.) ¿Dohse jiro baro ã jijari mûsa? 42 Õ sehe niina yoaro sehe jira mûsa: “Coyeiro, mûhu ñaare yoai nica mûhu. Æ jicu tíre duhuga”, niina yoaro sehe jira mûsa. Æ niina jipanahta pjíro ñaare yoara mûsa sehe. ¿Dohseana mûsa ñaare yoapanahta tíre masierajari mûsa? Masa ti baharo buhusehei ñano yoa cohtaina jira mûsa ã yoaina. Pjiri pjĩne mûsa capariacai jiri pjĩne mûsa na mûhtaboriro

seheta mûsa ñaa yoaa sehere duhu mûhtaga. Mûsa ã yoari baharo mûsa coyeiro to ñano yoare duhuchu yoa masi-boca mahari pohcarocãre mûsa naboro seheta —ni buheha Jesu.

Masa ti durucuaré tãhona ti jia tiare masija mari

(Mt 7.17-20; 12.34-35)

43 Æ yoa piti dahre buhero õ sehe ni yahu namoha tinare:

—Noadu yuchucu ñaare dicha tierara. Æ yoa ñadu noaare dicha tierara. 44 Yuchucu dichare masina tíre masina. Pota tidu higuera pocare dicha tierara. Æ yoa agã potacu se tãhorine dicha tierara. 45 Tó seheta jira masa cûhu. Noariro to tãhotuapû noaa jira. Æ jiro tiro noaare yoara noadu to noano dicha tiro seheta. Ñariro to tãhotuapû ñaa jira. Æ jiro tiro ñaare yoara ñadu ñaare to dicha tiro seheta. Mari tãhotuapû marine ti jiro seheta durucuja mari —ni yahuha Jesu.

Pua wuhû yoaina quitire yahuha Jesu

(Mt 7.24-27)

46 Æ yoa tinare õ sehe ni yahu namoha:

—Mûsa yuhure “Pãtoro”, nina. Æ nipanahta yu dutia sehere yoerara mûsa. ¿Dohse jiro baro ã yoajari? 47 Jipih-tina yuhure cahmaina yu yahuare tãhora. Æ jia yu dutiare yuhdurucaerara. Õ seheta jira yuhure yuhdurucaeraina: 48 Wuhû dahreriro yoaro

sehe jira tina. Tiro cũa coparire tãa wapai to sũchũpũ saha, wũhũre noano dapu dũcaha. Tĩ wũhũ noano to yoari wũhũ jiro dia to minichũ tuaro to cotiãpachũta tĩ wũhũ noano tjuaha. ⁴⁹ ã jia yũ dutiare tũhopahta yũhdũrũcaina sehe wũhũre noano yoerariro yoaro sehe jira. Tĩ wũhũre buicã dapu, noano dahre dũcaeraha. To ã cũri wũhũ jiro dia minino to cotiãchũ dõihta tĩ wũhũ burũa wahaha. ã jiro tĩ wũhũ tuaro bora sũ cahaa wahaha —niha Jesu.

7

Surara pũhtoro cahamacũnore to dohatichũ Jesu noariro wahachũ yoaha tirore (Mt 8.5-13)

¹ Tĩ quitire masare yahu tuhsũ Jesu cũhũ Capernaupũ sũha. ² Tõĩ jiroro cien surara pũhtoro to cahamacũnore tuaro cahĩha. To cahamacũno sehe dohatiro jiro, yariaro cahariro jimaha. ³ ã jiro Jesu to yoare tũhoro, judio masa bũcũnare Jesu cahapũ warocaha pũhtoro sehe.

—Dohatirore noariro wahachũ yoai taga —ni yahu dutiro warocaha pũhtoro bũcũnare.

⁴ Tina Jesu cahapũ sũha, õ sehe ni tuaro mehne yahuha tirore:

—Surara pũhtoro sãre warocahre. To cahamacũnore dohatirore to yũhdũchũ cahmahre tiro. Tiro pũhtoro sehe noariro jira. To ã jichũ yoadohoga tirore. ⁵ Mari ya maca

macainare tiro cahĩna. ã jiro tiro sã buheri wũhũre ti yoari wapa wapare —niha bũcũna Jesure.

⁶ Ti ã ni yahuchũ tũhoro Jesu sehe tina mehne wahaha. Surara pũhtoro ya wũhũ cahacãĩ to sũro cahachũ pũhtoro sehe tiro mehne macainare Jesure õ sehe ni yahu dutiro warocaha:

—Pũhtoro, noanohca. Tai tjiga. Noariro jieraja yũhũ. Ya wũhũĩ mũhũre sãa ta dutiboriro jieraja yũhũ. ⁷ ã jicũ mũ cahai wahaeraja. Yũ ã jipachũta mũ masia mehne noariro wahachũ yoaga mũhũ tirore. Mũ ã yoachũ yũ cahamacũno noariro waharohca. ⁸ Yũhũre yũ bui jiina paina pũhtoã dutira. ã jicũ yũhũ cũhũ surarare dutija. Cũirore “Wahaga”, yũ nichũ tiro wahara. Pairore “Taga”, yũ nichũ tiro tara. Yũ cahamacũnore “Ahrire yoaga”, yũ nichũ tíre tiro yoara. (Mũhũ cũhũ dutirirota jira. ã jiro mũ dutiriro seheta tiro dohatiro yũhdũrohca) —ni yahu dutiha surara pũhtoro.

⁹ To ã nichũ tũho cũaa waharo, payũ masa tiro mehne jĩinare majarerũcũ sũ, õ sehe ni yahuha:

—Mũsare niita nija. Tiro surara pũhtoro Israe masũno jierariro Cohamacũre tuaro wacũ tuara. To cahamacũnore yũ noariro wahachũ yoahũre masi tuhsũra. Israe masare ne ahriro yoaro sehe jĩinare ñũerasinija —niha Jesu.

10 To ã niri baharo surara pũhoro Jesu cahai to warocarina sehe ti pũhoro ya wũhũpũ tjuaa wahaha. Tju sũ dohatiriro to noariro jichũ ñũha tina.

Jesu wapewahyoro macũnore masoha

11 To ã yoari baharocã Nai wama tiri macapũ Jesu to buheina mehne payũ masa mehne wahaha. 12 Tĩ macare sãari sopaca cahai to sũchũ yariarirore masa na wijaa taa niha. Yariariro pocoro wapewahyoro jiha. Cũirota jiro yariaha. ã jia tó macaina masa payũ ticoro mehne wahaha. 13 To ã wahachũ ñũno Jesu ticorore pja ñũha.

—Tiieco tjiga —niha Jesu ticorore.

14 ã nino yariariro to masa putihi ña payoha. To ã ña payochũ ñũa tí putire wũaina sehe sũũcaha.

—Масũ, yũhũ mũhũre õ sehe nija. Wahcã nuju sũga —niha Jesu.

15 To ã niri baharo yariariro cjiro wahcã nuju sũ, durucuha. ã jiro Jesu tireore to pocorore waha. 16 To ã yoachũ ñũa tina jipihtina cuia wahaha. ã jia tina Cohamacũre ño payoa, õ sehe niha:

—Cohamacũ yare yahu mũhtariro masi yũhdũariro mipũ pinihtare mari watoi jira —niha tina.

—Cohamacũ marine to yainare yoadohoro wihi tuhsũhre —niha paina.

17 ã jia jipihtina Judea yahpa macainare tó dũhtũ cahai jia macari macainare Jesu to yoarire masa yahu site pahũoha.

João masare bautisariro to buheinare Jesure sinitu dutiha (Mt 11.2-19)

18-19 ã yoa Jesu to yoarire ñũa Joãoire yahuha to buheina. ã ti yahuchũ tũhoro pũarore tiro cahai pjiroca, Jesure sinitu dutiro warocaha João. Õ sehe ni sinitu dutiha:

—¿João “Yũ baharo paio tarohca”, to niriro tjijari mũhũ? ¿To niriro mũ jierachũ paioire cohtanahcari sã? —ni sinitu dutiha João pũaro to buheinare.

20 ã yoa tina Jesu cahai sũ, sinituha tireore:

—João masare bautisariro mũhũre sinitu dutiro warocahre sãre. ¿João “Yũ baharo paio tarohca”, to niriro tjijari mũhũ? ¿To niriro mũ jierachũ paioire cohtanahcari sã? —ni sinituha tina Jesure.

21 Tĩ pjata payũ dohatiinare, watĩa ti cohtotainare, capari ñũerainare noaina wahachũ yoaha Jesu. 22 ã jiro João warocainare Jesu õ sehe ni yũhtiha:

—Mipũre mũsa ñũrire mũsa tũhorire Joãoire yahuna wahaga: Õ sehe niga: “Capari ñũeraina ñũna. Tini masieraina tinina. Cami bũcũ baaina noaina wahara. Tũho bocaeraina tũhoa wahara. Yariaina masaa wahara. Tina jipihtinare noaina

wahachu yoahi yuhu. ã yoa pjasuoinare noaa buheare yahuja. ²³ Yuhure tuhoro 'Potocã tjira', niriro tiro wahcheriro jira", Joãore ni yahuna wahaga —niha Jesu.

²⁴ João buheina ti wahari baharo Jesu sehe João to jia tiare yahu ducaha payu masare:

—Masa marienopu suna tjare wihnono to wãroca cohtotachu yoariro seheta to buheare cohtota mujarirore ñuna surare musa. ã yoariro jierare João. ²⁵ "Noa suhti tirirore ñuna waha-jihna", nierare musa masa marienopu wahana. Noa suhti tiina wapa bujare cjuaina puhto ya wuhusepu jira. Masa marienopu jierara. ²⁶ Masa marienopu suna Cohamacu yare yahu muhtarirore ñuna suhre musa. Potocã tjira. João Cohamacu yare yahu muhtariro jira. Paina Cohamacu yare yahu muhtaina yuhdoro jiro jira tiro. ²⁷ Panopu Cohamacu yare ti joari pui Joãore õ sehe ni yahu joa tih:

"Mari Pucu to macunore õ sehe niha: 'Mu pano muhare yahuyuhitirore warocai nija', niha Cohamacu",

ni yahu joa tih panopure Joãore. ²⁸ Musare potocã nita nija. Paina jipihina bui jira João. Ahri turupure to ã jipachuta manopure Cohamacu masare puhtoro to noano suho jiropure jipihina docapu jiro pinihta João bui jira —niha Jesu masare.

²⁹ To ã nichu tuhoa jipihina masa, puhto ya cijhtire wapa na cohtaina mehne João to bautisarina jia õ sehe ni tuhoutuha Cohamacu. "Cohamacu quihõno yoariro jira", ni tuhoutuha tina.

³⁰ Fariseo curua macaina sehe judio masare buheina cuhu João to bautisanohrina ji duaeraha. ã jia tinare Cohamacu to yaina to yoa duachu cahmaeraha.

³¹ ã yoa Jesu pari turi õ sehe ni yahuha:

—¿Mipu macaina masa yabaina yoaro sehe jijari tina, musa tuhoutu? ³² Tina macanacã yoaro sehe jira. Paina ti cahmano sehe ti yoerachu to wahaerara tinacãre. Pache duaropu pape dujia, õ sehe ni pisurucura tinacã ti basi: "Musa basahti cijhtire sã putipemahi. ¿Dohseana musa basaerari sã tãre putipechu? Sã tuaro ñahacaha tiipe, sañurucumahi. ¿Musa sehe dohseana sã mehne tiiperari?" nirucina yoaro seheta jira mipu macaina cuhu. (Mipu macaina ti cahmano seheta sã yoerachu ñuã to wahaerara tina cuhure.) ³³ João bautisariro Cohamacu ño payoro taro ne churaro, vinore sihnierare. To ã sihnierachu ñuna "Watino to cohtotiro jira", nimahre musa tirore.

³⁴ Yuhu masuno Cohamacu warocariro jicu, yuhu chu sihnija. Yu ã yoachu ñuna õ sehe nina musa yuhu sehere. "Ñuga. Ahriro pijro churaro, cahariro jira. Puhto ya

cjihntire wapa na cohtaina, ñano yoaina cãhũ ti piti tiriŕo jira ahrirõ”, nina mũsa yũhũre. ã nina macanacã yoaro sehe durucuina jira mũsa. (Mũsa cahmano sehe sã yoaerachũ tõ wahaerara mũsare. Ne wahcherara mũsa.) ³⁵ ã masierapanahta sã yoa ñõrõre ñũna, Cohamacũ yare sã masichũ masinahca mũsa —ni yahuha Jesu.

Simo wama tiriŕo fariseo curua macariro ya wũhũi jira Jesu

³⁶ Fariseo curua macariro to wũhũpũ chũ dutiro pjiha Jesure. To ã pjichũ Jesu to ya wũhũpũ sũ, ti chũri mesa cahai nuju sũha. ³⁷⁻³⁸ Tĩ macapũre ñaare ñaare yoarucuricoro cjiro jira. Jesu fariseo curua macariro ya wũhũpũ to dujichũ ticoro tũhõha. ã tũho tuhsũ alabastro mehne yoariare me sitia posa tiriare na ta, Jesu baharo bũhũsehei wihi tarũca, tiha. ã tiro Jesu dahporire to yahco co mehne wayo, to pjoari mehne pahã cohãha. To dahpori wũachũ ñũ ticoro to dahporire wihi, me sitia mehne pio payoha. ³⁹ To ã yoachũ ñũno fariseo curua macariro Jesure pjiriro to basi õ sehe ni tũhotumaha: “Ahricoro tĩrore ñaha ñũricoro ñaare yoarucuricoro jira. Ahrirõ Jesu Cohamacũ yare yahu mũhtariro jiro tĩre masibõa”, ni tũhotumaha. ⁴⁰ To ã ni tũhotuare masino Jesu õ sehe ni yahuha tĩrore:

—Simo mipũ pinihtare mũhũre yahu duaja —niha Jesu.

—Buheriro, çyũhũre dohse ni yahu duajari mũhũ? —ni yũhtiha Simo.

⁴¹ To ã nichũ Jesu õ sehe ni piti dahre buhe yũhtiha:

—Pũhtõrore pũaro wapamõina jira. Cãiro wapamoriro quinientos niñeru tũrire wapamõha. Pairo sehe cincuenta niñeru tũrire wapamõha. ⁴² ã jia tina ti wapamõare ti wapa bihoerachũ ñũno pũhtõro ti wapamõare wapa dutieraha. çMipũ pinihtare diro sehe wapamoriro sehe to pũhtõrore cahĩ yũhdũrohcarĩ? —ni sinituha Jesu.

⁴³ Simo õ sehe ni yũhtiha:

—Bũah, pjĩro wapamoriro mahanocã wapamoriro yũdõro to pũhtõrore cahĩ yũhdũbõca —niha Simo.

—Potocã ni yũhtihre mũhũ yũhũre —niha Jesu.

⁴⁴ ã ni tuhsũ tĩrore pio payoricõrore majare ñũ, Jesu Simõre õ sehe ni yahu namõha:

—Ahricõrore ñũga mũhũ. Mũ ya wũhũpũ yũ sãa wihiri baharo yũ dahporire cosahti core yũhũre waerare mũhũ. Ahricõro sehe to yahco co mehne yũ dahporire wayo, to pjoari mehne pahã cohãhre yũhũre. ⁴⁵ Mũhũ sehe yũhũre piti bõca wihiare. Ahricõro sehe õi yũ dujiro puro yũ dahporire wihiare. ⁴⁶ Mũhũ sehe yũ dapure se mehne pio payõerare. Ticoro sehe yũ dahporire me sitia

mehne pio payohre. ⁴⁷ Ñ ã nicu mähureta yahui nija. Ahricoro to ñaa yoari cjiri payubia jira. Ñ jiricoro jiparota ticoro tuaro cahihre yuhure. Ñ jicu ñaare to yoari buhirire cohãhi. Ñ jia ñaare ti yoari buhirire mahanocã yu cohãnohrina mahanocã cahina yuhure —niha Jesu Simore.

⁴⁸ Ñ ni tuhsu tiro ticorore õ sehe ni yahuha:

—Mipuh pinihtare ñaare mu yoari buhirire boja —niha Jesu.

⁴⁹ To ã nichu tuhoha Jesu mehne dujiina ti basi õ sehe ni durucuha:

—¿Dohse jiriro baro jijari ahriro ñaa buhirire boriro? —niha tina ti basi.

⁵⁰ Ñ ni tuhsu, Jesu numinore õ sehe ni yahuha:

—Yuhure mu wacũ tuachu mähure pichacaru waha-boricorore yahdoja. Cuiro marieno mu wuhuru tjuaa wahaga —niha Jesu ticorore.

8

Numia Jesure yoadohoha

¹ Baharo bujua macaripu daa macaricãru cãhure su, Cohamacu masare puhtoro to noano suho jiare noaa buheare yahuha Jesu. Doce to buheina sehe tiro mehne jiha. ² Ñ yoa numia cãhu watia ti cohtotari numia cjiri, dohatia numia cjiri Jesu noaa numia to yoari numia tiro mehne tiniha. “María”, ti nimaricorore “Magdalena”, ni pisua tiha ticorore. Ticorore siete watiare Jesu cohã wioha

tó pano. Ñ jiro ticoro cãhu Jesu mehne tiniha. ³ Cuza wama tiriro Herodere dahra cohtaina puhtoro cjiro namono Juana cãhu Jesu mehne tiniha. Susana wama tioricoro cãhu paye numia mehne payu ti cãua mehne tirore yoadohoha.

Jesu wesere toari masuno quitire yahuha

(Mt 13.1-9; Mr 4.1-9)

⁴ Ñ yoa payu macari macaina Jesu caharu cahmachuha. Ti ã cahmachuri baharo Jesu to tuhutua mehne quiti dahre tinare õ sehe ni yahuha buhero taro:

⁵ —Toari masuno toaro, to toaa yaparire doca site cãno wahaha. To ã doca site cã wahcãchu paye yapari mahai bora caha suha. Ti ã bora caha suchu paye yaparire masa tu diho cãha. Ñ jia paye yaparire minichahca duji ta, chãnocaha. ⁶ Ñ yoa paye yapari sehe tãa wapa bui dihta se mininocã bui bora caha suha. Ti yahparu co mariaha. Ñ jia ti yapari du wija tarucuma ñaia wahaha. ⁷ Paye yapari sehe tja watoi bora caha suha. Tja sehe ti toaa mehne duha. Tja sehe dia yãhdua waha, toaare wajãnocaha. ⁸ Paye yapari noari yahpai bora caha suha. Noano dua jia noano dicha tiha. Ñ jia payu dicha tiha —niha Jesu.

Ñ ni tuhsu õ sehe tuaro ni namoha:

—Ahrire tuho duaina noano tuhoga musa —niha tiro.

Jesu quti mehne to buherire yahuha

(Mt 13.10-17; Mr 4.10-12)

⁹ Baharo to buheina tí quitire masi duaa, Jesure õ sehe ni sinituha:

—¿Ahri quti mehne dohse ni yahui nijari m̄h̄h̄? —ni sinituha tina.

¹⁰ Ti ā nich̄h̄ Jesu õ sehe ni yuhtiha:

—Cohamac̄h̄ masa bui puhtoro to noano suho jiare panop̄h̄ paina ti masierari cjirire m̄sare masich̄h̄ yoarohca Cohamac̄h̄. Paina sehere ā yoerara tiro. Tinare quti mehmeta buheih̄tja. Ȳh̄ ā yoach̄h̄ tina ȳh̄ buheare t̄h̄opahta masisi —niha Jesu to buheinare.

Jesu wesere toari mas̄h̄no quitire yahu pah̄ñoha

(Mt 13.18-23; Mr 4.13-20)

¹¹ Ā ni tuhs̄h̄ tinare õ sehe ni yahu namoha:

—Õ sehe ni yahura ahri quti: Toaa yapari noaa buhea yoaro sehe jira. ¹² Ā yoa maha d̄ht̄h̄ cahai boraa yapari sehe noaa buhea yoaro sehe jira. C̄aina masa noaa buheare ti t̄h̄och̄h̄ ñ̄h̄no wat̄ño sehe ta, tí buheare masi dutierara masare, minichahca tí yaparire ti ch̄h̄ coh̄ño sehet̄a yoaro. To ā yoerach̄h̄ tina Cohamac̄h̄re wac̄ũ tuboa. Ti ā wac̄ũ tuach̄h̄ ñ̄h̄no Cohamac̄h̄ sehe tinare pichacap̄h̄ wahaborinare yuhd̄h̄boa. ¹³ Ā yoa t̄aa wapa bui dihta se mininoc̄ã bui boraa yapari noaa buhea yoaro sehe jira. Ā jia masa noaa buheare t̄h̄o,

wahchea mehne tíre t̄h̄o n̄n̄h̄ wahc̄ãna. Ā t̄h̄o n̄n̄h̄pahta t̄aa wapa buic̄ã jia yuch̄h̄ n̄h̄cori mariea yuch̄h̄ yoaro sehet̄a ahrina masa c̄ũh̄ yoari pja c̄ãno pjaerara. Ā c̄ãno pjaeraa ȳh̄ yare ti cahmari buhiri paina tinare ti ñ̄ano yoach̄h̄ ñ̄h̄a ȳh̄ yare duhunocahna.

¹⁴ Ā yoa tja watoi boraa yapari noaa buhea yoaro sehe jira. Ā jia masa noaa buheare t̄h̄opahta, ahri yahpa macaare wac̄ũ n̄n̄h̄ yuhd̄h̄ara. Niñerure buj̄ua cahma, paye baro c̄ũh̄re paȳh̄ cahma, tíre goa pja yuhd̄h̄ara tina. Ti ā yoach̄h̄ tí sehe noaa buheare d̄ucatar̄a. Ti ā d̄ucatach̄h̄ masa noaa sehere yoerara. Dicha maria yuch̄h̄ yoaro sehet̄a jira. ¹⁵ Ā yoa noari yahpai boraa yapari noaa buhea yoaro sehe jira. Ā jia masa noaa buheare t̄h̄o, noano mehne tí buheare yuhd̄h̄caerara. Ā jia yuch̄h̄ dich̄h̄ tiro sehet̄a noaa buheare t̄h̄oina sehe Cohamac̄h̄ to cahmano sehet̄a noaare yoara —niha Jesu.

Jesu sih̄ãria quitire buheha
(Mr 4.21-25)

¹⁶ Ā ni tuhs̄h̄ paye quti mehne piti dahre buheha tiro:

—Ne sih̄ãriare ti sih̄ãri baharo tiare dihi biato docai c̄ũerara masa. Ā yoa tiare coãri casario docai c̄ũerara. M̄nanop̄h̄ tiare duhu payora w̄h̄h̄p̄h̄ s̄ãa taina ti noano ñ̄h̄ s̄ãahto sehe. ¹⁷ Jipihti ti masierari cjirire baharo

masa masiahca. Sihãria to buhriachu mari ñu masino seheta panopu ti masierari cjiire masiahca masa.

18 Ñ jina musa tuhona noano tuho nunuga. Noano tuho nunuero, noano masinohca. Tuho nunuerariro “Mahanocã tuhoja”, to nipachuta ti sehere boa waharohca —niha Jesu.

Jesu coyea tirore pjija

(Mt 12.46-50; Mr 3.31-35)

19 Baharo Jesu bahana ti pocoro mehne tiro cahapu wahaa nimaha. Masa payu jichu to cahapu sneraha. 20 Ñ jiro cãiro Jesure õ sehe ni yahuha:

—Mu poco mu bahana mehne sopacapu ducuhre. Muhare ñua taa niyuhti —niha tiro Jesure.

21 To ã nichu Jesu õ sehe ni yahuha jipihtinare:

—Cohamacu ya buheare tuhoina, tire yuhducaeraina tinata yu poco yu bahana yoaro sehe jira —niha Jesu tinare.

Jesu wihnonore yusu dutiha

(Mt 8.23-27; Mr 4.35-41)

22 Pa dachoi Jesu to buheina mehne dohoriapu samu:

—Basa, pahãjihna —ni, tina jipihtina tia mehne bucupariropu pahãa wahaha.

23 Ñ pahãno carãa wahaha Jesu. Ti ã pahãrucuchu waro tuaro wihnono taha. Wihnono to tachu bujua pahcõri wahcã, tinare mionocamaha. Ñ to wahachu minihto cua

yuhduaha tinare. 24 Ñ wahachu ñua Jesu cahai waha, tirore wahcõha.

—Buheriro, mari mini yariana tana nijã —niha tina.

Ti ã nichu Jesu sehe wahcã, wihnonore “Tó purota wã duhuga”, niha. Ñ ninota pahcõri cãhure “Yusua wahaga”, niha. To ã nichuta wihnono yuhduaha wahaha. Ñ yoa pahcõri cãhu yusu boraa wahaha. 25 Ñ wahari baharo Jesu tinare õ sehe niha:

—¿Musa yuhure wacũ tu- aerasinijari? —niha tiro.

To ã nichu tina sehe cui, cãaa waha, ti basi õ sehe ni durucuha:

—Cue, ¿dohse jiro baro masuno jijari ahriro? Ahri wihnono, pahcõri cãhu to dutichu yuhducaerara tirore —niha tina ti basi.

Watã ti cohtotarirore noariro wahachu yoaha Jesu

(Mt 8.28-34; Mr 5.1-20)

26 Ñ yoa tina sie coapu Gerasa macaina ya yahpapu pahã suha. Tí yahpa Galilea yahpa potoihta jiha. 27 Tó Jesu to maja surucu sũchu waro tó macariro watã ti cohtotariro tiro cahapu taha. Tiro yoari pja suhti marieriro jiro, to wãhupare ne jieraha. Ñ yoa masa copari tãa copari watoi jia tiha tiro. 28-29 Ñ jia payu tahari watã tirore ñahaha. Ñ jiro tiro peresui to jichu to wamomacarine dahporire comaa dari mehne duhteriro jiparota, tiro tí darire nuha mujaha. Ñ yoa watã sehe tirore masa

marienopu na wahcãa tiha. ã yoa tiro Jesure ñuroca õ tuaro sañurucu, Jesu panoi na tuhcuca caha sãha. To ã yoachu ñano Jesu sehe tirore õ sehe ni dutiha:

—Watia, duhuga ahriroro —niha Jesu.

To ã nichu tuhoro watia ti cohtotariro tuaro sañurucu, õ sehe ni sinituha Jesure:

—Jesu, ¿Cohamacu Jipihtina Bui Jiriro macano yabare yoai tai nijari mahu yahure? Yahure, ñano yoai tjiga —niha watia ti cohtotariro.

³⁰ To ã nichu Jesu sehe õ sehe ni sinituha tirore:

—¿Yabariro wama tijari mahu? —niha.

Payu watia tiro mehne jiha. ã jiro õ sehe niha watia ti cohtotariro:

—Watia payu wama tija sã —ni yahitiha watia ti cohtotariro tiro.

³¹ —Cuãri copapu sãre waha dutiecu tjiga —ni, tuaro siniha watia sehe.

³² Tí pjare tói tãcu dahpotoi yesea payu chãa niha. Tí tói chuchu ñua watia õ sehe ni siniha Jesure:

—Sina yesea cahapu warocaga sãre ti pjacuripu sã sãahto sehe —ni siniha watia.

Tí ã sinichu tuhoro “Jai. Wahaga”, niha Jesu. ³³ To ã dutichu, watia masuno mehne jirina cjiri sehe wahaa, yesea pjacuripu sãa wahaha. ã yoa tinare ti sãari baharo, yesea jipihtina bucpariro dũhtu cahapu pari cunpu muroca buha, tí taropu bora ñoja, mini yaria pihitia wahaha.

³⁴ Yeseare ñu wihboina yesea ti ã minichu ñua, cui, murocaa wahaha. ã muroca wahcã pjiri macapu cãhure, daa macaricãpu cãhure tíre ti ñurire yahu sitea wahaha.

³⁵ Tí ã yahuchu tuhoo, masa sehe payu ti ã waharire ñua wahaha. ã jia Jesu cahai su, watia ti cohtotariro cjiroro to suhti tiriro, tuho masiriro to dujichu ñua tina. Tí jipihtiare ñua, tina cui niha.

³⁶ Watia ti cohtotariro cjiro noariro to waharire ñuina, tí ñurire painare noano yahu pahñoa. ³⁷ Tí pjata Gerasa yahpa macaina payu Jesure tuaro cuia, tirore pa sehempu waha dutiha. Tí ã waha dutichu Jesu dohoriapu samu, waharo taro niha. ³⁸ Watia ti cohtotariro cjiro Jesu to wahahto pano tuaro siniha tirore:

—Mahu mehne waha duaja —ni sinimaha.

³⁹ To ã nichuta Jesu tirore õ sehe ni yahitiha:

—Mu ya macapu wahaga. ã wahacu Cohamacu mahu to yoirire yahuga painare —niha Jesu.

To ã niri baharo waha to ya macapu saro watia ti cohtotariro cjiro sehe Jesu tirore to yoirire jipihtina to ya maca macainare yahuha.

Jairo maconore yuhduchu yoa, cahã ñuricoro cãhure yuhduchu yoaha Jesu

(Mt 9.18-26; Mr 5.21-43)

⁴⁰ Pari turi Jesu tí bucpariropu pahãa wahaha tjoa. To pahã tariroputa masa payu tirore cohtaa

niha. Æ cohtaa, tirore piti bocasiniha wahchea mehne. ⁴¹⁻⁴² Tóí judio masa buheri wahu puhtoro Jairo wama tirore Jesu cahai su, to dahpori cahai na tuhcuca caha suha tirore ño payoro. To macono yariaro niha. Ticoro cūcorota jiricoro doce cūhmari cūharicoro jiha. Æ jiro tiro to ya wuhuru Jesure pji wahcāha. “Jai” ni, tiro mehne wahaha Jesu cūhu.

Mahai ti Æ wahachu payubia masa tirore nūnu ti wahcā, bihsaro surucu suha tirore. ⁴³ To Æ bihsaro wahachu numino doce cūhmari waro Æ cahā ñurucuricoro tóí jiha. Tó pano duhturuare jipihtia to niñeru mehne wapamaha ticoro co wa dutiro. Ti Æ co wapachata mananota jirucunocaha ticoro. ⁴⁴ Æ jiro ticoro Jesu baharo masa payu watoi wihi, Jesu suhtirore to ñaha ñuchata to cahā ñua pihtia wahaha. ⁴⁵ To Æ ñaha ñuchu tuhuro Jesu ò sehe ni sinituha:

—¿Noa yu suhtirore ñaha ñuri? —niha tiro.

Jipihtina “Yoaerahi”, niha. Æ jia Pedro cūhu ò sehe niha:

—Buheriro, bihsa nina. Æ jia masa payu mahure pihanocahna. ¿Dohseacu Æ ni sinitujari mahu? —niha tina Jesure.

⁴⁶ Ti Æ nichu Jesu ò sehe ni yuhtiha:

—Michapucacā yuhu noaricoro wahachu yoahi cūcorore. Æ jicu yuhure to ñaha ñuchu masija —niha tiro.

⁴⁷ To Æ nichu tuhoro ticoro duhti masieraro, teterericoro Jesu cahai na tuhcuca caha suha tirore ño payoro. Æ jiro jipihtina masa ti tuhoro to dohatiare, Jesure to ñaha ñurire to noaricoro to waharire yahuha ticoro. ⁴⁸ To Æ ni yahu tuhschu Jesu ticorore ò sehe ni yahuha:

—Maco, yuhure mu wacu tuaa mehne noaricoro tjuara mipure. Wahchea mehne wahaga —niha ticorore.

⁴⁹ To Æ nino watoi Jairo ya wuhui jiro yahuho wihiha:

—Mu macocā yariaa wahahre. Æ jicu buherirore pji tai tjiga —niha tiro.

⁵⁰ To Æ nichu tuhoro, Jairore ò sehe ni yahuha Jesu:

—Cahya tuhohui tjiga. Yuhure wacu tuaga. Tí dihtare yoaga. Mu Æ yoachu ticorocā masaa waharohca —niha Jesu.

⁵¹ Æ ni tuhsu to wuhuru su, Pedro, João, Santiago, dohatiricoro pucsuma tópeinata na sāaha. Paina sehere Jesu sāa dutieraha. ⁵² Tóí jipihtina masa ti ñahacaha tiro watoi sāa suha Jesu.

—Tiena tjiga. Ticorocā yariaerare. Carīno nica —niha tiro.

⁵³ To Æ nichu tuhoa tina sehe ticoro yariaricoro to jichu masia, Jesure bujaha. “Æ nimacanocano nina”, ni bujaha. ⁵⁴ Æ yoa Jesu ticorocā wamomacare ñaha, ò sehe ni pisuha:

—Maharicorocā wahcāga —niha.

55 To ã nichuta yariari-coro masaa waha, tí pjata wahcãrũcũ sũha ticorocã. To wahcãri baharo Jesu ticorore chũare wa dutiha. 56 To ã masachũ ñũa to pũcũsũma ñũcũaa wahaha. Æ jiro Jesu tíre painare yahu dutieraha.

9

Jesu doce to buheinare buhe dutiro warocaha
(Mt 10.5-15; Mr 6.7-13)

1 Æ yoa Jesu doce to buheinare pjiroca, to tuaare waha tinare. Watĩare ti cohãhti cjihtire, dohatiinare noaina ti yoahiti cjihtire to tuaare waha tinare. 2 Æ yoa tuhsũ tinare Cohamacũ masare pũhoro to noano sũho jiare buhe dutiro, dohatiinare noaina wahachũ yoa dutiro warocaha tinare.

3 Õ sehe ni dutiha Jesu tinare:

—Mũsa wahana paye barore naaena tjiga. Tjudure, wajure, chũare, niñerure naaena tjiga. Mũsa sãano dihtare sãa wahcãga. Paye suhtire naaena tjiga.

4 Jipihtia macaripũ mũsare ti carĩno wachũ tí wũhũihta jinocasiniga. Coã wahanapũ wijaahga tí wũhũre. 5 Paye macari macaina mũsare ti cahmaerachũ ñũna tí macarine yũhdu wahcãa wahaga. Æ wahana mũsa dahpori macaa dihta pohcari mene wajã site cũga mũsa tinare ti ya buhirire masichũ yoana —niha Jesu.

6 To ã niri baharo to buheina sehe waha, jipihtia macariperũ noaa buheare

yahu tinia tiha. Æ yoa dohatiinare noaina wahachũ yoaa tiha.

Jesu to yoirire Herode tũhoha

(Mt 14.1-12; Mr 6.14-29)

7 Æ yoa Herode Galilea yahpa macaina pũhoro Jesu yoirire tũhorocaha. “¿Diro baro jijari tiro Jesu?” niparota ne masieraha. Cãina õ sehe nimaha Jesure: “João masare bautisariro cjiro pari turi bajuaro nica. Æ jiro ‘Jesu’, ti niriro tiro tjira”, nimaha cãina. Ti ã nichũ tũhoro Herode Jesure dohse ni masieraha. 8 Paina “Tiro Elia cjiro mipũ bajuaro nina”, nimaha. Paina sehe “Cohamacũ yare yahu mũhtaina panopũ macaina mehne macariro cjiro mipũ bajuaro nica”, nimaha Jesure. 9 Ti ã ni durucupachuta õ sehe ni tũhotuha Herode sehe: “João dapure date ta duti tuhsũhi yũhũ. ¿Mipũre jiro masa ti yahuriro diro baro jibocari tiro sehe?” ni tũhoturo tiro Jesure ñũ duamaha.

Jesu cinco mil bui masare chũa waha

(Mt 14.13-21; Mr 6.30-44; Jn 6.1-14)

10 Æ yoa Jesu to warocarina tiro cahapũ tju sũa, ti yoirire yahuha Jesure. Ti yahu tuhsũchũ Jesu tina dihtare Betsaida wama tiri macapũ sũho wahamaha. 11 Ti waharire masia, masa payũ tinare nũnũ ti wahcãha. Jesure ti mũ sũchũ ñũno piti bocasiniha Jesu tinare. Æ jiro tiro Cohamacũ masare

pūhtoro to noano sūho jiare tinare yahu, dohatiinare noaina wahachū yoaha.

12 Nānichahapū doce to buheina tiro cahapū sū, Jesure ō sehe ni yahuha:

—Ō masa marienopū jira. Ō majano macaa macaripū, daa macaricāpū cūhure ah-rina masare warocaga. Carīa ti chūhti cjihtire maca dutiga tinare —niha tina Jesure.

13-14 Ti ā nichū Jesu ō sehe ni yūhtiha tinare:

—Ā nienata chūare waga tinare —niha.

To ā nichū tūhoa tina ō sehe ni yūhtiha:

—Cū wamomaca pihtia pāo curiri, pūaro wahi tó purocāta cjuaja mari. ¿Ahrina payū masa ti chūhti cjihtire nuchūbocari sã? —niha to buheina.

Payū masa ti jichū ñūa ā niha to buheina. Tópurē cinco mil mūa jiha. (Numia, macanacā cūhū jiha.) Ā jiro Jesu ō sehe ni yahuha to buheinare:

—Cincuenta masare cū curuai duji dutiga. Paye curuari cūhure tópeinata duji dutiga —niha Jesu to buheinare.

15 To ā nichū to buheina to dutiro sehetā yoa, jipihtina masare duji dutiha. 16 Duji duti tuhsū Jesu cū wamomaca pihtia pāo curirire pūaro wahi mehne na, mūanopū ñūha. Ā ñūno Cohamacūre “Noana”, niha. To ā niri baharo pāo curirire nuha, to buheinare masare witi dutiro waha. 17 Ti ā witi tuhsūchū, tina jipihtina masa chū, yapi yūhdūa wahaha. Ti

yapi wahyorire doce pūhuse waro wahpo dapoha to buheina.

Jesu potocā Cristo to jiare Cohamacū warocariro to jiare yahuha Pedro

(Mt 16.13-19; Mr 8.27-29)

18 Cū dacho Jesu cūirota jiro, Cohamacūre sinino niha. To ā sinino watōi to buheina tiro cahapū sūha. Ā jiro Jesu ō sehe ni sinitu ñūha tinare:

—¿Diro baro jicari yūhū masa yūhure ti tūhotuchū? —ni sinitu ñūha.

19 To ā sinituchū tūhoa to buheina ō sehe ni yūhtiha:

—“João masare bautisariro jira”, nina mūhure. Paina “Elia cjiro jira”, nina. Paina “Panopū macariro Cohamacū yare yahu mūhtariro cjiro masa wijariro cjiro jira”, nina mūhure —ni yūhtiha to buheina sehe tirore.

20 Ti ā niri baharo Jesu tinare ō sehe ni sinitu ñūha tjoa:

—¿Mūsa sehe mūsa tūhotuchū diro baro jicari yūhū? —ni sinitu ñūha tjoa.

—Mūhū Cristo Cohamacū warocariro jira —ni yūhtiha Pedro.

Jesu to yariahto cjihtore yahuha

(Mt 16.20-28; Mr 8.30-9.1)

21 Ā yoa Pedro “Cristo jira mūhū”, to nirire painare Jesu yahu site dutieraha to buheinare. 22 Ā ni yahu site dutiera tuhsū ō sehe ni namoha:

—Yūhū masūno Cohamacū warocariro tuaro ñano yūhdūihca. Āta yūhdūro cahmana yūhure. Ā jia mari

coyeya judio masare buheina, bucuña, sacerdotea puhtoa mehne yuhure cahmaeraa, yuhure wajãahca. Ti ã wajãri baharo tia dacho wahaboroi masa mujãihca —niha Jesu tinare.

²³ Baharo jipihtinare õ sehe ni yahuha Jesu:

—Cãiro yu yairo ji duaro, to cahmano yoa duamarine duhunocano hca. ã yoa crusapu yu ñano yuhduhtiro seheta yu yairo to jiri buhiri ñano yuhduparota yuhure duhusi. ã jiro yu yare yoarucuriro jirohca.

²⁴ Masano yuhure wacũno marieno to mu sũro to cahmano seheta yoariro pichacapu tiro waharohca. ã jiro yu yare ã yoarucuriro jipihtia dachoripe yuhuh mehne manopu jirucurohca. ²⁵ ¿Cãiro masano ahri yahpa macaare jipihtiare cjuariro Cohamacure cahmaeraro pichacapu waharo yabare wapatajari tiro? ã jiriõro ne wapataerara.

²⁶ Cãina yuhure, yu buheare buo tiboca. Ti ã yoachuh ñucuh yuhuh cũhuh yuhure ã yoainare buo tisãaihca. Yuhuh masano Cohamacu warocariro noaina anjoa ti si sitea mehne, yu si sitea mehne, yu Pucuh to si sitea mehne tjua tacuh tinare buo tisãaihca. ²⁷ Potocã niita nija musare. Mipure cãina musa õpũre jiina musa yariahto pano Cohamacu jipihtina bui puhtoro noano to saho ji ducachuh ñunahca —niha Jesu tinare.

Jesu pjacu cohtotaha
(Mt 17.1-8; Mr 9.2-8)

²⁸ ã yoa ocho dachori tũre to yahuri baharo Jesu Pedrore, Joãore, Santiagore tina dihtare pjiha. ã yoa waha, Cohamacure sinia waha, tũcupu mujãa wahaha tina. ²⁹ Cohamacure to sinino watoi Jesu wuhduha cohtotaha. To ã cohtotachuh to suhtiro minoari suhtiro noano yehseri suhtiro wahaha. ³⁰ To ã waharo watoi puaro muha tiro mehne durucua niha. Durucuina sehe Elia cjiro, Moise cjiro jiha. ³¹ Tina muano macaa si sitea mehne bajuaha. Jesu baharocãta Jerusalẽpu to yariahtore tina Jesu mehne durucua niha. ³² Pedro cũhuh wujo caha yuhduaha. ã carĩpahta cãa wahcã wihi Jesu to si siteare ñua, puaro tiro mehne ducuína cãhure ñuhã. ³³ Moise cjiro cũhuh ti wahahto panocã Pedro Jesure õ sehe nimaha:

—Puhtoro, mari õre jichuh noa duara. Tia wuhucã yoanahtja. Mu ya wuhucã, Moise ya wuhucã, Elia ya wuhucã yoanahtja —nimaha Pedro.

ã niparota to nirire ne masieraha. ³⁴ To ã ni durucuro watoi tinare me curua duji boro pja saha. To ã duji boro pja sũchuh ñua tina cuia wahaha. ³⁵ Tuhsuh, me curua puhichapu õ sehe ni durucuro coa taha:

—Ahrõro yu macuh, yu beseriro jira. Noano tuhoga tirore —nino coa taha me curua puhichapu.

36 To ã nino coa tari baharo Jesu dihtare ñaha tina. Baharo ti ñurire painare yahueraha. Ne cãirore yahueraha.

Jesu watĩno to cohtotarirocãre noariro wahachũ yoaha

(Mt 17.14-21; Mr 9.14-29)

37 Pa dachoi tina tãcũpũ ti duji tachũ payũ masa Jesure piti boca. 38 ã jiro tina mehne macariro Jesure õ sehe ni pisuha:

—Buheriro, mũhũre tuaro ahrire sini duaja yũhũ. Yũ macũ cãirota jira. ã jicũ tirore ñubasaga mũhũ. 39 Watĩno tirore ñaha, sañurucuchũ yoa, tunu teterechũ yoa, sahpo tua wahachũ yoaa tihre. ã yoaro watĩno yũ macũre ñano yũhdũchũ yoa, ne duhu duaerara. 40 Mũ buheinare watĩnore cohã wio duticũ tuaro sinimahi. Yũ ã sinipachũta tina sehe tirore cohã wio masierare —niha tiro Jesure.

41 To ã nichũ Jesu sehe õ sehe niha:

—Mipũ macaina mũsa ñaina jira. ¿Yũhũre ne wacũ tuaeraputiajari? Yoabiari pja mũsare buhemaja yũhũ. ¿Noho puro yoari pja yũhũre mũsa caribobocari? —ni tuhtiha Jesu.

ã ni tuhsũ watĩno ti cohtotariro pũcũrore õ sehe niha:

—Mũ macũre na tahga — niha.

42 To ã niri baharo to macũno Jesu cahapũ to taro watoi watĩno sehe tirore yahpũpũ doca caha sũ, tunu teterechũ yoaha. To ã yoachũ

Jesu watĩnore wijaa dutiha. To ã wijaa dutichũ watĩno sãarirocã noariro wahaha. ã jiro Jesu sehe tirocãre wiaha to pũcũrore. 43 Cohamacũ tuaa mehne noariro to wahachũ ñaha, jipihtina masa cũaa wahaha.

Pari turi Jesu to yariah-tore, to masahtore yahuha

(Mt 17.22-23; Mr 9.30-32)

Masa Jesu to yoarire ti ñũ, cũaa wahachũ Jesu sehe to buheinare õ sehe ni yahuha:

44 —Michapucacã yũ yahuhtire boena tjiga mũsa. Yũhũre Cohamacũ to waro-carirore paio yũhũre ñaha dutiro warohca masare —niha Jesu.

45 To ã nipachũta tina sehe to yahuaire noano tũho ñahaeraha. To yahurire tinare masihto basioeraha. Tĩ pjata Cohamacũ tinare tĩre tũho ñaha dutierasiniha. ã jia tina cuia, tĩre tirore sinitu ñũeraha.

Jesu buheina tina mehne macarirore pũhtoro sũ duamaha

(Mt 18.1-5; Mr 9.33-37)

46 Baharo Jesu buheina durucu sayoa niha:

—¿Mari mehne macariro diro sehe pũhtoro ti cohtotacari? —ni sayoa niha tina ti basi.

47 Tĩ ã nichũ Jesu sehe ti tũhotuare masino, nijinocãre to cahai duhu dapo, to buheinare õ sehe ni yahuha:

48 —Yũ yare yoana tana ahrirocãre cahmana yũhũ cũhũre cahmana mũsa. ã yoa yũhũre cahmana, yũhũre

warocariro cãhure cahmana m̄sa. M̄sa mehne macariro m̄sa cahamac̄no jiro tiro cãh̄ p̄htoro tjirohca —niha Jesu.

Marine ñ̄ tuhtiriro jieraro, mari mehne macariro jira

(Mr 9.38-40)

⁴⁹ Baharo João Jesure õ sehe ni yahuha:

—Buheriro, m̄ wama mehne wat̄are coh̄iroro sã ñ̄hi. Tiro mari mehne macariro to jierach̄ ñ̄na tire tirore yoa dutiera tih̄i sã —niha João Jesure.

⁵⁰ To ã nich̄ Jesu Joãore paina buheina cãhure õ sehe ni yahuha:

—Ã niena tjiga m̄sa tirore. Marine ñ̄ tuhtiriro jieraro, tiro mari mehne macariro jira —niha Jesu to buheinare.

Jesu Santiagore, João cãhure tuhtiha

⁵¹ Tí pjare Jesu m̄anop̄ to wahahto panocã, “Jerusal̄ep̄ wahihtja”, niha tiro. ã nino tópm̄ waharo niha. ⁵² ã jia Jesu to panoi warocaina waha, Samaria yahpa macari macap̄ sm̄, tói Jesu to jihtore cahno duamaha. ⁵³ Jesu Jerusal̄ep̄ waharo taro niha. Tópm̄ wahahtiro to jich̄ tuh̄oa, tó macaina tirore cahmaeraha. ⁵⁴ Tíre tuh̄oa Santiago, João mehne õ sehe ni yahuha Jesure:

—P̄htoro, m̄ cahmach̄ m̄ano macari pichaca mehne tinare wajã dutinahca —niha tina tirore.

⁵⁵ Tí ã nich̄ Jesu majare ñ̄, tuhtiha tina p̄harore.

[—Esp̄ritu Santo yaina jira m̄sa. Mip̄ m̄sa tuh̄oturo seheta tiro sehe tuh̄otuerara. Yuh̄ mas̄no Cohamac̄ warocariro ahri yahpap̄ tac̄ pichacap̄ wahaborinare yoadohohtiro tai. Masare butich̄ yoac̄ tac̄ nierahi —ni yahuha Jesu.]

⁵⁶ ã tuhti tuhs̄, pa macap̄ Jesu cãh̄ waha wahaha.

Paina Jesu mehne wahamaha

(Mt 8.19-22)

⁵⁷ Tina mahai ti wahach̄, mas̄no Jesure õ sehe ni yahuha:

—Muh̄ mehne waha duaja nohoi m̄ waharoi —niha tiro.

⁵⁸ To ã ni tuh̄sch̄ Jesu õ sehe ni yuhtiha:

—Cãina macaroca macaina wahiquina ti copari c̄hara. Minichahca cãh̄ ti suhti c̄hara. Yuh̄ mas̄no Cohamac̄ warocariro sehe yu car̄iri wuh̄ maeraja —niha Jesu.

⁵⁹ Baharo pairore Jesu pjih̄a:

—Yuh̄ mehne macariro cjihto taga —niha.

To ã nich̄ tiro õ sehe ni yuhtiha Jesure:

—P̄htoro, yu p̄sc̄ to yariach̄ yasinii wahihtja. ã ya tuhs̄c̄ pinihta muh̄ mehne wahihtja —niha tiro.

⁶⁰ To ã nich̄ Jesu õ sehe ni yahuha:

—Yuh̄re cahmaeraina yariaina yoaro seheta jira. Tina sehe yariainare yajaro. ã jic̄ muh̄ sehe Cohamac̄ masare p̄htoro to noano

sũho jiare noaa buheare buhei taga —niha Jesu tirore.

⁶¹ Ā yoa paio Jesure õ sehe niha:

—Pũhtoro, mũhũ mehne wahaihtja. Wahmanore yũ coyeare coha sitisiniĩ wahaihtja —niha tiro Jesure.

⁶² To ā nichũ Jesu õ sehe ni yahuha tirore:

—Wachũ sahari pjĩne tuã puriro mehne dahrariro noari dare saha duara. Ā dahrariro to baharo bũhũsehere majare ñũno, noano potori da saha masierara. (Tó seheta Cohamacũ yare yoaro taro, dahrariro tó pano to jia tiare tuaro wacũboca tíre duhu duaeraro, dahrariro to majare ñũno seheta.) Ā wacũriro Cohamacũ mari pũhtoro yare dahraboriro jierara —niha Jesu.

10

Jesu setenta y dos buheinare buhe dutiro warocaha

¹ Baharo Jesu paina buheinare setenta y dos buheinare bese, macaripepũ to wahahto pano warocayuha. Cãa macaripũre pũaro dihta warocaha tiro.

² Ā warocaro õ sehe ni yahuha tinare piti dahre buhero:

—Trigo payũ ti bucuũ tuhsũchũ payũ jichũ dahraa pjĩro jira. Wiho mejeta dahraina sehe mahainacã jira. Tó seheta noaa buheare tũhohtina payũ jichũ pjĩro jira mari dahraa. To ā jipachũta mahainacã dahrari masa

yoaro seheta noaa buheare buhehtĩna cũhũ mahainacã jira. Ā jina noaa buheare buhehtinare painare to warocahtore siniga Cohamacũre mũsa. ³ Wahaga mũsa. Mũsare yũ warocachũ mũsa oveja pohna yaya watoi ti jiro seheta mũsa cũhũ ñaina suaina watoi jinahca. ⁴ Niñeru wajure, bũjũwacũa waju cũhũre, dahpo suhtire naena tjiga. Mũsa mahai tinina painare boca sũ durucuena tjiga. Poto wahaga. ⁵ Jipihtia mũsa sãa wũhũsepũ sãahna “Ahri wũhũ macaina noano jijaro”, ni mũhtaga. ⁶ Tĩ wũhũ macaina noano mehne jiina cahmachea marieina ti jichũ, tíre niga tinare. Noano mehne ti jierachũ ñũna tí wũhũ macainare ā niena tjiga. ⁷ Cũ wũhũĩ sãa sũrucana ti noaina jichũ tí wũhũĩhta tjuaga. Tóti ti duhu payorire chũ, sihnituga. Dahrainare ti wapataare nano cahmana. Ā jina ti wapataare ti nano seheta ti duhu payorire naga mũsa cũhũ. Ā jina cũ wũhũĩhta mũsa sũri wũhũĩhta jina, tí maca macaa wũhũsepũ ji tiniena tjiga. ⁸ Macapũre mũsa sũna tó macaina sehe mũsare ti cahmaina jichũ ti chũa ti duhu payorire chũga. ⁹ Tó macaina dohatiinare noaina wahachũ yoaga. Ā jina õ sehe niga tinare: “Cohamacũ mipũre mari pũhtoro noano to sũho jihtore yahuna nija mũsare”, niga tinare. ¹⁰ Pa macapũ mũsa sũchũ tina

sehe mʉsare cahmaeraboca. Ti ă cahmaerachʉ ńnaa tí maca dacho machapʉ waha, ń sehe niga tinare. ¹¹ “Ahri maca macaa dihta pohcari mene wajă site cūna nija săre mʉsa cahmaerari buhiri ńona. Ǽ jina ahrire wacūga. Cohamacʉ mari pʉhtoro mipʉre to noano sʉho jihtore yahuna nija mʉsare”, niga tinare. ¹² Mʉsare potocă niita nija. Sodoma macaina ńabiaina jiha. Ti ă jipachʉta pihtiri dacho jichʉ Cohamacʉ to buhiri dahreri dacho jichʉ Sodoma macaina yʉhdoro mʉsare cahmaeraina sehere buhiri dahrerohca —niha Jesu.

Paye macari macaina Cohamacʉre yʉhdʉrʉcaina jira (Mt 11.20-24)

¹³ Baharo Jesu ń sehe niha macari macainare:

—Corazĭ macaina, mʉsa ńano yʉhdʉnahca. Betsaida macaina, mʉsa cūhʉ ńano yʉhdʉnahca. Mʉsa ya macaripʉre Cohamacʉ tuaa mehne yoa ńomahi. Tiro wama tiri macare, Sidō wama tiri maca cūhʉre to tuaa mehne yʉ yoa ńochʉ ńnaa tó macaina sehe ti ńaare cahyaboa. Ǽ yoa “Noaina jija”, ni ti tʉhotumari cjirire tʉhotu cohtotaboa. Dóihʉta tina duji, cahyaa suhtire săa, ti basi niti pohcare ti bui dahra site payoboa ti ńaare cahyaare ńoa. ¹⁴ Cohamacʉ to buhiri dahreri dacho jichʉ Tiro macaina, Sidō macaina yʉhdoro ńaa buhiri tíina mʉsa jiri buhiri mʉsare ńano waro buhiri dahrerohca

tiro. ¹⁵ Capernau macaina, mʉsa mʉ sʉro mʉanopʉ waha duamana. Mʉsa ă waha duapachʉta mʉsa ńaa buhiri tíina mʉsa jiri buhiri mʉsare Cohamacʉ pichacapʉ cohānohca —niha Jesu.

¹⁶ Ǽ ni tuhsʉ Jesu to buheinare ń sehe ni yahuha:

—Mʉsare tʉhoina yʉhʉ cūhʉre tʉhora. Mʉsare cahmaeraina, yʉhʉ cūhʉre cahmaerara. Ǽ jia yʉhʉre cahmaeraina, tina yʉhʉre warocariro cūhʉre cahmaerara —niha Jesu tinare.

Setenta y dos buheina tju wihaha

¹⁷ Baharo setenta y dos buheina wahchea mehne tju wihaha:

—Pʉhtoro, mʉ wama mehne mʉ tuaa mehne watĭare să dutichʉ tina sehe săre yʉhdʉrʉcaerare —niha tina Jesure.

¹⁸ Ti ă nichʉ Jesu ń sehe ni yʉhtiha tinare:

—Mʉanopʉ to oroca site bora taro sehetā, watĭno to bora tachʉ ńhĭ. ¹⁹ Noano tʉhoga. Mʉsare yʉ tuare wahi yʉhʉ. Ǽ jina agăare, pichōno soroare, watĭnore marine ńʉ tuhtirirore mʉsa yʉhdʉrʉcahtire wahi yʉhʉ. Ǽ jia tina mʉsare ńano yoa masierara. ²⁰ Yʉ ă wapachʉta watĭa mʉsare ti yʉhdʉrʉcaerachʉ ńnaa tí dihtare wahchena tjiga. Ahri sehere wahchega. Mʉanopʉ Cohamacʉ yaina ti wamare to joa ńri tjuĭ mʉsa wamare to joa ńchʉ ńnaa, tí sehere wahchega mʉsa —niha Jesu tinare.

*Jesu wahcheha**(Mt 11.25-27; 13.16-17)*

21 Tí pjare Espíritu Santo Jesure tuaro wahchechu yoaha. ã jiro Jesu õ sehe niha:

—Mai, mũhũ mũanopũ cũhũre yahpapũ cũhũre pũhtoro jira. Masi yũhdũrũcũ sũinare mũ yahuerari cjirire wiho jiina sehere yahure mũhũ. Mũ ã yoachũ ñũcũ “Noa yũhdũara”, nija. ã tjira, Mai. Mũ yoa duariro seheta, mũ cahmariro seheta tinare mũ yare yahure —niha Jesu.

ã ni tuhsũ painare õ sehe niha:

22 —Yũ Pũcũ jipihtiare yũhũre ware. Yũ Pũcũ dihta yũhũre masina. Yũhũ cũhũ tirore masija. Yũ beserina cũhũ tirore masina, yũ masi dutiina jia. Tópeinata yũ Pũcũre masija sã —niha Jesu.

23 To ã niri baharo ti sahero ti jichũ Jesu to buheinare õ sehe niha:

—Ahri jipihtiare mũsa ñũna wahcheina jira.

24 Potocã tjira. Payũ Cohamacũ yare yahu mũhtaina cjiri, yahpari macaina pũhtoa cũhũ mipũ mũsa ñũrĩre ñũ duamaha tina cũhũ. ã jia mũsa tũhori cũhũre tũho duamaha —niha Jesu.

Noariro Samaria macariro quitire yahuha Jesu

25 Tí pjata judio masare buheriro Jesu cahai wihi, Jesure ñano to durucuchũ yoa duamaha tirore yahusã duaro:

—¿Buheriro, yũhũ jipihtia dachoripe Cohamacũ mehne

ji duacũ dohse yoaihcarĩ yũhũ? —ni sinituha tiro Jesure.

26 To ã nichũ Jesu õ sehe ni yũhtiha tirore:

—¿Dohse ni yahujari Cohamacũ yare ti joari pũĩ? ¿Cohamacũ to ni joari cjirire dohse ni tũhotujarita mũhũ? —niha Jesu tirore.

27 To ã nichũ tiro õ sehe ni yũhtiha:

—Õ sehe niha Cohamacũ: “Tuaro mũsa yajeripohnari mehne, noano mũsa tuaa mehne, mũsa wacũa mehne Cohamacũre cahĩga. ã yoa mũ basi mũ cahĩno seheta mũ cahai jiina cũhũre cahĩga” —niha tiro Jesure.

28 To ã nichũ Jesu õ sehe ni yahuha:

—Quihõno nire mũhũ. Tíre yoaga. ã yoacũ jipihtia dachoripe Cohamacũ mehne jiihca mũhũ —niha tirore.

29 “Ahriro Cohamacũ dutiare yoa pahñoriro jira”, masa tirore ti ni tũhotuchũ cahmaha judio masare buheriro. ã cahmano tiro Jesure õ sehe ni sinituha:

—¿Yabariro baro jicari yũhũre mũ cahĩ dutiriro? —niha tiro.

30 To ã nichũ Jesu õ sehe ni piti dahre quitĩ mehne yũhtiha:

—Cũ dacho Jerusalẽpũ tariro Jericópũ wahariro mahai to tinichũ yacaina tirore ñahaha. ã ñahaa, to suhtirore tjuwe na, tirore tuaro cjãha. ã tuaro cjãa, mahano to yariaro cahachũ waro duhuha tina tirore. 31 Tí pjata sacerdote tí mahapũ

taha. Æ taro ti cjãriro cjirore ñuparota maha pa buhusehe duhtu cahai do yuhdu wahcã, yuhdu wahaha. ³² Æ yoa Cohamacu wuhui dahrariro cãhu pjacõoriro cahai su, tirore ñu, maha pa buhusehe coai do yuhdu wahcãa wahaha. ³³ Æ yoa Samaria macariro sehe tói waha, yoa cureropu pjacõorirore ñu, tirore pja ñaha. ³⁴ Æ pja ñuno, tiro pjacõoriro cahai su, se, vino mehne morea core to camine pio sihõha. Pio sihõ tuhsu suhtiro cahsaro mehne duhtehta to camine. Tuhsu, pjacõorirore to burro bui duhu payo, carĩni wuhupu na suha tirore. Tói jiro, Samaria macariro noano ñu wihboha tirore. ³⁵ Pa dachoi tiro carĩni wuhu purore puu tu niñeru turire wa, õ sehe niha: “Ahriroro ñu wihboga. Ahri mu snerachu pari turi tjua tacu wapa pahõihtja”, niha Samaria macariro wuhu purore —niha Jesu.

³⁶ Æ ni tuhsu judio masare buherirore õ sehe ni sinituha Jesu:

—¿Ahrina tiaro mua diro sehe jijari pjacõorirore cahĩriro? —niha Jesu.

³⁷ To ã nichu tuhoro buheriro sehe Jesure õ sehe ni yuhtiha:

—Pjacõorirore yoado-horiro jica tirore cahĩriro —niha tiro Jesure.

—Wahaga. Muhu cãhu masare tó seheta yoai wahaga —niha Jesu buherirore.

Marta, María cãhu cahai Jesu tiniha

³⁸ Æ yoa Jesu to buheina mehne ti wahachu, pa macapu ti tinichu, Marta wama tiricoro tinare to wuhui sãa ta dutiha. ³⁹ To bahoro María to dahpori cahai duji, to buheare tuhoha. ⁴⁰ To ã yoachu ñuno Marta to dahraa pjíro jichu suaha. Æ jiro ticoro Jesure õ sehe ni sinituha:

—Puhtoro, ¿yuhu cãcoro yu dahrachu yuhure yu baho to yoadohoerachu mähure noajari, mu ñichu? Ticorore yuhure yoadoho dutiga —niha Marta Jesure.

⁴¹ To ã nichu Jesu õ sehe ni yuhtiha:

—Marta, dahraa pjíro cjũaco pjíro tuhutura muhu. ⁴² Cohamacu to yare tuho dutira. María noaare yoaro taro tíre cahmahre. Æ jicu yuhure to tuhochu “Dahradohoco wahaga”, nieraja ticorore —niha Jesu Martare.

11

Jesu Cohamacure siniare buheha

(Mt 6.9-15; 7.7-11)

1 Cã dacho Jesu Cohamacure sinino niha. To sini tuhsachu, cãiro to buheina mehne macariro tirore õ sehe niha:

—Puhtoro, João to buheinare to buheriro seheta Cohamacure siniare sã cãhure buhega muhu —niha tiro Jesure.

² To ã nichu tuhoro Jesu tinare õ sehe ni yahuha:

—Õ sehe ni Cohamacure siniga:

“Sã Pucũ, mũhũ ñaa marieriro
ã jirucura.

Mipũre jipihtina bui pũhtoro
jiga.

³ ã yoa dachoripe sã chũhtire
warucuga sãre.

⁴ Paina sãre ti ñano yoarire sã
boja.

Ã jicũ mũhũ cũhũ sã ñaa
yoarire boga.

Tuhsũ, sã ñaare yoa duana
sã goa pjachũ ñucũ tíre
sãre yoa duaerachũ
yoaga”,

ni siniga Cohamacũre —niha
Jesu tinare.

⁵ Baharo Jesu quti mehne
to buheinare õ sehe ni
buheha:

—Cũiro ñami dacho macai
to coyeiro ya wũhũpũ waha,
tirore õ sehe ni siniha:
“Coyeiro tia curi pão curi
waga yũhũre. ⁶ Pairo yũ
coyeiro tinino tariro micha-
pucacãta ya wũhũi wihihre.

Ã yoa tirore yũ chũa waboa
mariahna”, niha tiro to
coyeirore. ⁷ To ã nichũ to
coyeiro wũhũ puhichapũ
jiriro yũhtiha: “Yũhũre

cariboi tjiga. Sopa pahma
bihariro jira. Yũhũ yũ pohna
mehne carĩna nija. Wahcãno
pjaeraca yũhũre. Mũhũre
chũare waboricũ jieraja”,
niha to coyeiro. ⁸ ¿Dohse wa-
harohcari sinirirore? Potocã
niita nija mũsare. To coyeiro

jiparota, chũa waboriro
wahcã duaeraha. Wahcã
duaeraparota chũa siniriro
sehe bũo tiro marieno to
yolari pja sinirucuchũ tũhoro
jipihtia to siniriro seheta
warohca. ⁹ ã jicũ ahrire

mũsare ni yahui nija: Co-
hamacũre siniga. ã sinina
mũsa sinirire ñahanahca.
Mũsa sinirire bocanahca.
Tirore ã sinirucuga. Mũsa ã
yoachũ tiro mũsare warohca.

¹⁰ Jipihtina Cohamacũre
siniina ti sinirire naahca. ã
yoa ti sinirire bocaahca. ã
jiro jipihtina Cohamacũre
ã sinirucuinare tiro tinare
warohca.

¹¹ ¿Mũsa pohna mũsare
wahire ti sinichũ agã se-
here wabocari mũsa tinare?

¹² ¿Mũsa pohna caraca
diecare ti sinichũ pichõno
soro sehere wabocari
mũsa tinare? Ne wasi.

¹³ Mũsa ñaina jipanahta mũsa
pohnare noaare wa masina
mũsa. ã yoa Cohamacũ sehe
mũsa wari yũhdoro noaare
wara mũsare. Tiro mari
Pucũ mũano macariro to
Espĩritu Santore warohca
tirore siniinare —niha Jesu
to buheinare.

*“Jesu watĩno tuaare
cjũara”, ni yahusãha masa*

(Mt 12.22-30; Mr 3.19-27)

¹⁴ Tĩ pjare Jesu watĩnore
cohã wioro niha. Watĩno
sehe durucu masierariro
jichũ yoaha masũnore. ã jiro
watĩno masũnore to duhuri
baharo masũno sehe durucu
dũcaha. To durucuchũ tũhoa
masa payũ chũa wahaha. ¹⁵ Tĩ
ã cũapachũta paina sehe õ
sehe niha:

—Ahriro Jesu watĩare to
cohã wiochũ Beelzebú wama
tirore watĩa pũhtoro sehe
tirore yoadohora —niha
paina.

¹⁶ Paina “¿Jesu Cohamacũ to
warocariro jijari?” ni masi

dua tire Cohamacu tuaa mehne yoa ño dutimaha. ¹⁷ Ti ã dutichu tuhoro "Watĩno tuaa mehne watĩare cohã wiora", ni ti tuhotuare masino, tinare õ sehe ni yahuha Jesu:

—Watĩno ya tuaa mehne watĩare cohã wioi nieraja. Cũ maca macaina ti basi cahma wajãa, tí maca macaina yaria pihtia wahara. ã jia cũ wuhũ macaina ti basi cahmachea, tí wuhũ macaina waha pihtia wahara. ¹⁸ ã yoa watĩno yaina watĩa ti basi cahmachea, tina watĩa cũhũ waha pihtia wahaboa. Cũ curua ji masieraboa. Mũsa yuhũre õ sehe nina. "Tiro watĩno tuaa mehne watĩare cohã wiora", mũsa yuhũre nina nica. ¹⁹ ¿Yuhũre mũsa niri potocã jichũ mũsa mehne macaina watĩare cohã wioa, watĩno tuaa mehneta cohã wiojari tina cũhũ, mũsa ñuchũ? Mũsa mehne macaina watĩare cohã wioa, watĩno tuaa mehne cohã wioa nierara. Ahrire masina watĩno to tuaa mehne watĩare yũ cohã wioerachũ masinahca mũsa. ²⁰ ã jichũ yuhũ sehe watĩare cohã wiochũ Cohamacu tuaa mehne cohã wioja. Ahrire masina, Cohamacu mũsa puhtoro to noano sũho ji dũcaare masinahca mũsa.

²¹ Tuariro to wamoah mehne to wuhũre to ñũ wihbochũ to yare paina na masierara. ²² To ã ñũ wihbopachũta paio tua yuhũriro tiro mehne cahmache, tire yuhũrucũca, to wamoare manoca, to yare manocahna. (Õ seheta

yoa yuhũrucũcaro cahmana watĩare.) ²³ Cũiro yuhũre cahmaeraro, yuhũre ñũ tuhtiriro jira. Cũiro yuhũre yoadohoeraro yuhũre ñano yoaro nina —ni buheha Jesu.

Watĩno pari turi masũnore to sãari quitire yahuha Jesu (Mt 12.43-45)

²⁴ ã yoa to tuhutua mehne õ sehe ni piti dahre buheha tinare:

—Watĩno masũnore duhuro tiro co marieni yahpai tinino, to sohto cjihtore macamaha. Bocaeraro, õ sehe ni tuhutuha: "Masũno yũ duhuriro mehne pari turi jii wahaihtja", ni tuhutuha tiro. ²⁵ ã nino tiro tjua waha, masũnore bocaha. ã to bocachũ masũno sehe noariro jimaha. ²⁶ Tuhsũ, watĩno paina siete watĩare tiro bui ñaa yuhũinare nano wahaha. Na wihi, tina jipihina watĩa masũno mehne jiha. ã jiro masũno sehe tó pano cũiro watĩnore cjuaro, ñariro jimaha. Mipũ sehere payũ watĩa ti cohtotariro jiro, tó pano to jiriro yuhũdoro ña yuhũdariro jiha —niha Jesu.

Jesu wahcheare yahuha

²⁷ Tĩre to ã nichũ masa watoi jiricoro numino Jesure õ sehe ni yahuha:

—Muhũre pohna tiricoro, mahũre pũricoro wahchericoro jira —niha Jesure.

²⁸ To ã ni tuhsũchũ tuhoro Jesu ticorore õ sehe ni yuhtihã:

—Cohamacu durucuare tuhoina to dutiare yoaina

tina tjica wahcheina —niha Jesu ticorore.

Masa ñaina Jesure Cohamacu tuaa mehne yoa ño dutiha

(Mt 12.38-42; Mr 8.12)

²⁹ Ñ yoa payu masa Jesu cahai ti wihichu, tiro tinare õ sehe ni yahu namoha:

—Mipu macaina nu ñaina jira. Cohamacu tuaa mehne yu yoa ñochu ñu duamana. Ti ã ñu duapachata Jona panopu macariro Cohamacu tuaa mehne to yoari dihtare ñonohca Cohamacu tinare. ³⁰ Jona Cohamacu yare yahu mæhtariro jiro, tiro Nínive macainare Cohamacu yare to masichu yoariro seheta yahu masino Cohamacu warocariro masichu yoaja mipu macainare. ³¹ Buhiri dahrehti dacho jichu pæhtorocoro sur macaricoro panopu macaricoro ducu, mipu macainare “Ñaina jira”, ni yahusãnohca ticoro. Ticoro Salomo panopu macariro to masiare tæho duaro yoaropu ahri yahpa pa sehempu jiricoro Salomore tæhoro taha. Ñ yoaro noano yoaro niha mipu macaina yæhdoro. Ñ jiro ticoro yahusãnohca mipu macainare. Ñ nicu musare potocã niita nija. Mipu musare yu buhea Salomo to buheri yæhdoro jira. ³² Buhiri dahrehti dacho jichu Nínive macaina cæhu ducu, mipu macainare “Ñaina jira”, ni yahusãahca tina. Jona tinare Cohamacu yare to yahuchu tæhoa, ti ñaare tæhotumarire tæhotu cohtota Cohamacure

cahmaha tina sehe. Ñ cahmaa noano yoaa niha mipu macaina yæhdoro. Ñ jia tina cæhu mipu macainare “Ñaina jira”, ni yahusãahca. Musare potocã niita nija. Mipu musare yu buhea Jona to buheri yæhdoro jira —ni yahuha Jesu.

Masa ti tæhoturo seheta yoara

(Mt 5.15; 6.22-23)

³³ Ñ ni yahu tuhsu, piti dahre buhero õ sehe ni yahu namoha tinare:

—Masa sihãriare sihãa næoerara. Tiare sihãa dihi biato docapu duhu dapoerara. Tiare mæanoi duhu payora wæhupu sãa taina ti noano ñu sãahto sehe. ³⁴ Sihãria to noano buhriachu mari noano ñu masino seheta noaare tæhotua mehne noaare yoa masinahca musa. Musa tæhoturo seheta yoara musa. Noaare tæhotuna noaare yoara musa. Noaare tæhotuerana ñaare yoara musa. ³⁵ Ñ jina noano yoaga. Musa tæhotuapu ñaa jiero tjijaro. Ñaare goa pjaena tjiga. ³⁶ Tuhsu musa tæhotuapu noaa jichu, ñaa ne mariachu noaa dihtare tæhotunahca —ni buheha Jesu.

Fariseo curua macaina, judio masare buheina cæhare Jesu tuhtia

(Mt 23.1-36; Mr 12.38-40; Lc 20.45-47)

³⁷ Jesu to buhe tuhsuchu ñu fariseo curua macariro tirore to ya wæhupu chu dutiro pjia. Ñ jiro Jesu tiro ya wæhupu sãa su, ti chæroi tina mehne nuju sæha. ³⁸ To ã nuju

sachu fariseo curua macariro sehe Jesure ñu nunano judio masa ti wamo cosarucuro seheta to wamo cosaerachu ñuno õ sehe ni tuhoutuha: “Cuenah. ¿Ahriro dohsearo wamo cosaerajari mari yoaro sehe?” ni tuhoutuha. ³⁹ To ã ni tuhoutuha masino Jesu tire õ sehe ni yahuha:

—Musa fariseo curua macaina sihnia wahwarire, wapari cãhure bui sehe dihtare musa cosaro seheta noaare yoa ñona musa buicã warohna. Æ yoapanahca Cohamacu yare quihõno yoerara. Paina yare maina jina, ñaa dihtare tuhoutuha musa. ⁴⁰ Tũho masieraina jira musa. Cohamacu musa pjacurire yoariro musa tuhoutuhi cãhure yoaha. ¿Tĩre masierajari musa? ⁴¹ Æ jina musa yare pjacurinare waga musa. Musa ã yoana noaare tuhoutuina jinahca.

⁴² 'Musa fariseo curua macaina ñano yuhdunahca. Moa yoaro sehe jiare chũare coachu yoare cãmãna mahãnocã wamana musa. Cohamacure ño payona tana sacerdotiare wamana musa. Æ wapanahta noaare yoerara musa. Æ jina masare pja ñerara musa. Æ yoa Cohamacure ño payoerara musa. Toaa dichacãre musa narire mahãnocã Cohamacure musa wachu noa nina. Æ wana õ sehe yoa namoga: Noaare yoaga. Æ yoa pja ñuga musa masare. Tuhsu, Cohamacure ño payoga musa.

⁴³ 'Musa fariseo curua macaina ñano yuhdunahca.

Buheri wãhũpu jina, noaa dujia dihtare duji duara musa. Pache duaropu masa musare puhtoare noano ño payo ti sinino sehe ti piti bocasinichu cahmana musa.

⁴⁴ 'Ñano yuhdunahca musa. Masa copa ñori copa yoaro seheta jira musa. Tĩ copa cahai masa jia, puhicha macariro baarirore ñerara tina. Tõ seheta masa musa cahai jia, musa tuhoutuapu ñaa jiare masierara tina —niha Jesu tinare.

⁴⁵ To ã nichu tuhoro judio masare buheina mehne macariro Jesure õ sehe ni yahuha:

—Buheriro, tĩre nicu sã cãhure ñano nii nica mũhu —niha tiro Jesure.

⁴⁶ To ã nichu Jesu õ sehe ni yuhtiha:

—Potocã tjira. Judio masare buheina musa cãhu ñano yuhdunahca. Musa painare ti bihoeraare yoa dutira tinare. Æ dutipanahta musa sehe tinare ne mahãnocã yoadoherara tĩ dutiare ti yoahito sehe.

⁴⁷ Æ jina musa ñano yuhdunahca. Cohamacu yare yahu mũhtaina panopu macaina ti masa coparire noano cahnomana musa tinare ño payoro sehe yoana. Musa ã yoapachuta panopu macaina musa coyera sehe tinare wajãha. ⁴⁸ Tina

sehe Cohamacu yare yahu mũhtaina cjirire ti wajãriro seheta musa cãhu yoaboa. Æ jina mipure ti masa coparire cahnomana musa. Æ cahnona musa coyera tinare ti

12

wajãri cjiire wacũ bajuro wana nica m̄sa. ã ti wajãrire wacũna “Noa nina”, nina nica m̄sa.

⁴⁹ 'Cohamacũ to masia mehne õ sehe ni yahuha: “Yũ yare yahu m̄htaina cãhure yũ buhe duti cũrina cãhure warocaihtja tinare. ã jia tina yũ warocainare painare wajã, painare ñano yoaahca”, niha Cohamacũ. ⁵⁰⁻⁵¹ Ahri yahpare Cohamacũ to bajumehneri baharo Caĩ sehe Abere wajãha. Tuhsũ, Cohamacũ yare yahu m̄htaina cjiire Abe baharo jiina cãhure ñaina wajãha. Baharo Zacariare Cohamacũ wũhũ Cohamacũre ño payori mesa cahai m̄sa coyeata wajãha. Jipihtina tinare ti wajãri buhiri mipũ macainare Cohamacũ buhiri dahrerohca. ã tjira. M̄sareta nii nija. Jipihtina tinare ti wajãri buhirire mipũ macainare Cohamacũ buhiri dahrerohca.

⁵² 'M̄sa judio masare buheina, ñano yũhdanahca. Cohamacũ masiare ti joaa pũrine cãpanahta painare yahuerara m̄sa. M̄sa basi Cohamacũ yare tãhoerara. Tuhsũ, paina to yare ti tãho duapachũta tíre m̄sa tinare tãho dutierara —niha Jesu tinare.

⁵³⁻⁵⁴ To ã nichũ tãhoa judio masare buheina fariseo curua macaina cãhũ tiro mehne sua tírore ñano ni durucuha. ã jia Jesu to ñano ni yũhtichũ tãho duaa, tina payũ mahño cũ sinitu ñũmaha tírore, tírore yahusã duaa.

Fariseo curua macaina ti ã mahñorucurire Jesu yahuha

¹ ã yoa Jesu cahai masa payũ cahmachua, bihsa yũhdũaha. Tói Jesu to buheinare õ sehe ni yahu dũcaha:

—Noano wacũ masiga m̄sa. Fariseo curua macaina ti pão bũcũarore ñana noano wacũ masiga. Ti mahñorucurire nii nija “Pão bũcũaro”, nicũ. ² Jipihtia ñaare paina ti masierari cjiire baharo masiahca.

³ ã yoa ñamipũre ti pjiroca durucuri cjiire buhriaroi to bajuro waro seheta masiahca jipihtina. Bihari tahtiapũ paioire yaroca ti nimari cjiire masa payũ masiahca —ni yahuha Jesu.

Masa ti cuihtirore yahuha Jesu

(Mt 10.28-31)

⁴ ã ni tuhsũ Jesu õ sehe ni yahu namoha tinare:

—Potocã niita nija m̄sare. Masa wajãina wajã tuhsũ pari turi ti wajãrina cjiire ñano yoa namo masierara. ã jina m̄sare wajã duainare cuiena tjiga. ⁵ Mipũre m̄sa cuihtirore m̄sa ño payohtirore yahuihtja. Cohamacũ sehere cui, ño payoga. Tiro m̄sa yariari baharo pichacapũ cohã masina m̄sare. ã tjira. Potocã nii nija. Cohamacũ sehere cui, ño payoga.

⁶ 'Cinco siripia wapa mariahna. Ti ã wapa

mariapachata cáirocãre Cohamacu ne boerara. ⁷ ã yoa musa pjoarire ne cũ pjoa da dũhsaro marieno masi pahõona Cohamacu. Tó seheta musa jia tia cãhure masi pahõona Cohamacu. ã masino mũsare ñu wihborucura. Siripiare to cahõno yũdoro musa sehere cahõna Cohamacu. ã jina tirore ño payona cuiena tjiga musa — niha Jesu.

Jesu yaina musa jiare yahuga masare

(Mt 10.32-33; 12.32; 10.19-20)

⁸ ã yoa Jesu õ sehe ni yahu namoha:

—Mũsare niita nija. Cãiro “Jesu yairo jija”, masare to nichu ñũcu, yũhũ masũno Cohamacu warocariro “Tiro yũ yairo jira”, ni yahuihtja Cohamacu yaina anjoare. ⁹ Cãiro “Jesu yairo jija”, masare nierariro sehere yũhũ “Tiro yũ yairo jierara”, ni yahuihtja Cohamacu yaina anjoare.

¹⁰ Cãiro yũhure ñano to ni durucuchũ tí ñaa buhirire Cohamacu bo masina. ã boparota cáiro Espĩritu Santo sehere to ñano ni durucuchũ tí ñaa buhirire ne Cohamacu bosi.

¹¹ ‘Mari judio masa buheri wũhũpũ pũhtoa cahai paina mũsare na sãa yahusãahca. Ti ã yahusãchũ musa ni dũcatahti cjihtire “Cue, masieraboca”, ni tũhotuena tjiga. ¹² Tĩ pjaihta Espĩritu Santo musa yahuhti cjihtire yahurohca —niha Jesu.

Pache pũro quitire yahuha Jesu

¹³ ã yoa masa mehne macariro Jesure õ sehe ni yahuha:

—Buheriro, sã pũcu to yariari baharo to ya cjiri sãre tjuara. ã jicu yũ wahmine tíre yũhũ cãhure quihõno tju wa dutiga —niha tiro Jesure.

¹⁴ To ã nichu Jesu õ sehe ni yũhtiha:

—Ne tí barore tju waboricu jieraja yũhũ —niha Jesu tirore.

¹⁵ ã ni tuhsũ Jesu jipitinare õ sehe ni yahuha:

—Noano yoaga musa. Pachere, paye baro cãhure cahõena tjiga. Payũ cjuapanahata tí mehneta wahche tuhsũeraja mari —niha Jesu.

¹⁶ ã ni tuhsũ Jesu quitimehne õ sehe ni yahuha tinare:

—Pache pũro noari yahpare cjuaha. ã jia tí yahpapũ to toaa noano dicha tiha. ¹⁷ ã jiro tiro to basi õ sehe ni tũhotumaha: “Dicha wihboa wũhũse ne mũ sũerara. ¹⁸ Mipũre õ sehe yoaihtja: Mipũ yũ wihboa wũhũsere cohãnocã, mũna wũhũse cjiri yũdoro wahma wũhũse yoaihtja. Tĩ wũhũsei yũ toaa dichare, jipihtiare yũ yare wihboihtja. ¹⁹ Yũ ã yoari baharo, õ sehe ni tũhotuihtja yũ basi: ‘Yũhũ jiapere cjuariro jija. Noano soihtja. ã jicu chũ, sihni, wahcheihtja’, ni tũhotuihtja yũ basi”, ni tũhotumaha tiro. ²⁰ To ã ni tũhotuchũ Cohamacu tirore

õ sehe ni yahuha: “Muhu ne tuhoh masierariro jira. Micha ñamihta muhu yariihca. Mu ã wahachu mu ya mu cahĩri butia wahaahca”, niha Cohamacu tireore —niha Jesu masare.

²¹ Tĩre nino, masare õ sehe ni yahuha Jesu:

—Áta wahaahca pache puu Cohamacure wacũeraina. Payu pachere, niñerure to ya cjihti dihtare wihboriro, Cohamacure wacũeraro tiro pjachoriro jirohca, Cohamacu to ñuchũ. Á jiro Cohamacu tireore ñu jicoaerara —niha Jesu.

Cohamacu to pohñare ñu wihbora

(Mt 6.25-34)

²² Á yoa Jesu to buheinare õ sehe ni yahuha:

—Ahrire musare nii nija: Mũsa chuhti cjihtire, mũsa suhti sãhtire pjĩro cahya tuhohuena tjiga.

²³ Cohamacu musare bajamehñeno, chuhtina cjihti dihtare yoaeraha musare. Tuhsũ, suhti sãhtina cjihti dihtare yoaeraha tiro musare.

²⁴ Minichahca perire Cohamacu to ñu wihboare masiga. Tina weseri maeraina jira. Á jia chũare ti wihboa wuhũse tinare mariahna. Ti ã jiina jichũ ñũno tinare Cohamacu ti chuhtire wara. Minichahca yuhdoro mũsa sehere cahĩna Cohamacu.

²⁵ Pjĩro mũsa tuhohua mehne cũ hora waro musare cati namochũ yoa masierara mũsa. Á jiro mũsa pjĩro tuhohua yaba cjihti jierara.

²⁶ Á yoa

pjĩro mũsa tuhohua ti yaba cjihti jierapachũta dohse yoana mũsa chuhtire, mũsa sihnihtire, mũsa sãhtire pjĩro cahya tuhohujari?

²⁷ Macaroca macaa cohorire tuhohuga. Tĩ cohorĩ ti basi suhtire yoaerara. Á yoaerapahta noaa suhti tiina yoaro sehe noaa bajura ti cohorĩ. Salomo cjiro noaa suhtire sãariro to jipachũta ti cohorĩ sehe tiro yuhdoro noabiaa cohorĩ waro jira.

²⁸ Cohorire noaa cohorĩ yoara Cohamacu sehe. To ã yoapachũta cohorĩ sehe mahaa dachoricã jirucuma ñai boraahã. Mahanocã ji, pa dachoi pichacaru jũa wahara. Ti ã jipachũta cohorire noaa cohorĩ jichũ yoara Cohamacu.

Á jiro Cohamacu cohorire to noaa cohorĩ to yoariro yuhdoro mũsa chũre noano yoarohca. Suhtire warohca. Mahanocã Cohamacure wacũ tuara mũsa.

²⁹ Á jina mũsa chuhtire, mũsa sihnihtire pjĩro cahya tuhohuena tjiga.

³⁰ Cohamacure cahmaeraina sehe ahri yahpa macaina sehe tĩre ã macarucua nina. Mari Pũcu mũano macariro jipihtia mũsa cahmaare masina. To ã masichũ pjĩro cahya tuhohuena tjiga.

³¹ Cohamacu mũsa puhtoro to jihto cjihtore cahma muhtaga. Jipihtia paye baro yuhdoro tireore cahmaga mũsa. Mũsa ã yoari baharo Cohamacu sehe mũsa cahmaa duhsachu warohca —ni yahu namoha Jesu.

Muanopu mari payu cju masija

(Mt 6.19-21)

³² Ā ni tuhsu, tinare ō sehe ni yahu namoha:

—Yu cahīina, mahainacā jipanahta, cuiena tjiga musa. Cohamacu musa puhtoro to noano suho jiropure tiro mehne musa jichu cahmana tiro. ³³ Ā jina musa yare dua pahñoga. Tíre duanoca tí niñerure na, pjacuoinare waga. Tó sehe musa yoachu mñano macaa musa wapataa ne pihtisi. Muanopu musa ya jia ne pihtierara. Tópure musa yare na masierara yacariro. Ā yoa machu cūhu tíre tñ masierara. ³⁴ Muanopu musa ya jichu mñano macaa dihtare tñhotunahca musa — niha Jesu.

Jesu to tjua tahtore cohta dutiha to yainare

³⁵⁻³⁶ Ā ni tuhsu tinare ō sehe ni yahu namoha:

—Musa yare cahnoyu tuhsuina yoaro sehe yu yare ā yoarucuina jina cohtaga yuhure. Dahra cohtaina ti puhtoro wamomaca dñteri bose namupu to wahachu to tjua tahtore tina cohtara. Tina ti ā cohtariro seheta yu tjua tahtore cohtaga musa cūhu. Puhtoro to wuhupu wihi, sopacare to dotachu tñhoa tina dóihta pjōo sōhna tirore. ³⁷ Dahra cohtaina ti puhtoro to wihihu to cahmano seheta yoarucuina jia, wahcheina jahca. Ti ā yoachu ñano puhtoro sehe

dahra cohtariro yoaro sehe cohtotarohca. Ā yoaro dahra cohtainare duji dutiro, tiro ti chūare duhu payorohca. ³⁸ Tiro to wihihti pja ñami dacho macapu, o bohrearopu to jipachuta dahra cohtaina sehe to wihihti pjare tirore noano cohtaina jia, wahcheina jahca tina. ³⁹ Ahrire wacūga musa. Yacariro wuhupu to wihihto pano tí wuhu puero masierara. Wuhu puero yacariro to wihihtore masino, tiro yacarirore sãa dutieraboa. Ā jiro wacūenoca tara yacariro. ⁴⁰ Ā jina musa cūhu cohtaga. Yuhu masano Cohamacu waro-cariro wacūenoca taihca. Ā jina yu yare ā yoarucuina jina cohtaga musa — niha Jesu tinare.

Dahra cohtariro to puhtorore ño payorirore, ño payoerariro cūhure yahuha

(Mt 24.45-51)

⁴¹ To ā nichu Pedro sehe ō sehe ni sinituha Jesure:

—¿Ahri quitire yahucu sãre nii nijari? ¿O jipihtinare ā nii nijari? —niha Pedro.

⁴² To ā nichu Jesu to tñhotua mehne ō sehe ni piti dahre buheha tinare:

—Dahra cohtariro to puhtorore ño payoriro tñho masiriro ō seheta jira. Puhtoro tinino waharo, dahra cohtarirore to wuhure cūna. To cūriro sehe dutiriro jirohca. Ā jiro tiro churi pja jichu paina dahra cohtainare chūare witira. ⁴³ Baharo puhtoro to wihihu dahra cohtariro sehe to puhtoro to

dutiro sehta yoa pahñoriro jiro, tiro wahcheriro jirohca. ⁴⁴ Potocã niita nija musare. To ã yoachũ to pũhtoro jipihtia to yare ñũ wihboriro cũnohca tirore. ⁴⁵ To ã cũpachuta dahra cohtariro “Yũ pũhtoro yoari pja bajuerara”, niboca. Æ nino paina dahra cohtainare mũare, numia cãhũre cjãpe, payũ chũ, sihni, cahaboca. ⁴⁶ To ã yoari baharo wacũenoca to pũhtoro wihrohca. Æ wihiro tirore ñãno buhiri dahrerohca. Æ jiro Cohamacũre yũhdũracainare to cohãriropũ tirore cohãnohca.

⁴⁷ Æ yoa dahra cohtariro to pũhtoro cahmaare masiriro jiparota tíre to yoerachũ, tiro to noano dahraerachũ to pũhtoro sehe tirore yuta da mehne tuaro tjananohca. ⁴⁸ Pairo sehe dahra cohtariro to pũhtoro cahmaare masierariro jiro to noano yoerachũ ñãno to pũhtoro sehe pjiroca dero tirore tjananohca. Cohamacũ to cahmaare masichũ yoara masare. Æ jiro masirirore yũhtiro cahmana. Tuhsũ, noano masirirore noano yũhtiro cahmana —niha Jesu.

Jesu masare cahma tju wachũ yoara
(Mt 10.34-36)

⁴⁹ Æ ni tuhsũ Jesu tinare õ sehe ni yahuha tjoa:

—Pichaca to jãwero sehta yũhũ ahri yahpapũre Cohamacũ tirore cahmaerainare to buhiri dahrehtore tinare masichũ

yoai tai nii. Mipũ pinihta tíre ti masichũ tuaro cahmaja yũhũ. ⁵⁰ Yũhũ ñãno yũhdũihca. Yũ ñãno yũhdũhtire cohtacũ, ñãno yajeripohna tija yũhũ. ⁵¹ ¿Dohse ni tũhotujari mũa yũhũre? “Tiro masare to buheri baharo paina tinare ñũ tuhtisi”, ¿ni tũhotujari mũa yũhũre? Æ jierara. Masare yũ buheri baharo cãina yũ yare tũhoahca. Paina sehe tinare ñũ tuhtiahca. Cãno potori waro jisi masa. Mũsare nii nija. Masa yũ buheare tũhoa, pũa curua cahma tju waahca. ⁵² Mipũre cũ wũhũ macaina cinco masa yũ buheare tũhoa, pũa curua ti basi cahma tju waahca. Cã curua tiaro, pa curua pũaro jiahca. ⁵³ To pũcũro to macũnore ñũ tuhtirohca yũ yairo to jiri buhiri. Tuhsũ, pairo macũno cãhũ to pũcũrore ñũ tuhtirohca to pũcũro yũ yairo to jiri buhiri. Æ yoa to pocoro to maconore ñũ tuhtirohca yũ yacoro to jiri buhiri. Tuhsũ, pacoro macono cãhũ to pocorore ñũ tuhtirohca to pocoro yũ yacoro to jiri buhiri. Æ yoa to marechono to macũ namonore ñũ tuhtirohca yũ yacoro to jiri buhiri. Tuhsũ, pacoro macũ namono cãhũ to marechonore ñũ tuhtirohca yũ yacoro to jiri buhiri. Æta waharohca, yũ buheare ti tũhochũ —niha Jesu.

Noari dacho cjihtore, ñari dacho cjihtore masa ti masiare yahuha Jesu
(Mt 16.1-4; Mr 8.11-13)

⁵⁴ Ñ yoa Jesu masare ò sehe ni yahuha tjoa:

—Ahrie sehepu corò siterire ñna, dóihta “Corò tarohca”, nina msa. Msa ã niri baharo corò tara. ⁵⁵ Ñ yoa surpu wihnono tachu “Siri dacho jirohca”, nina msa ahri yahpai jiina. Msa ã niri baharo dacho sira. ⁵⁶ Msa mahñoperucuina jira. Msa ahri yahpare mano cùhure ñna, noari dacho cjihtore, ñari dacho cjihto cùhure masina msa. ¿Ñ jina mipu macaa dachorire masipanahta dohseana ahri yahpa macaina mipure msa dohse wahahtore masierajari msa? —niha Jesu.

Mhsare ñu tuhtiriro mehne msa cahmacherire cahma pjãga

(Mt 5.25-26)

⁵⁷ Ñ ni tuhsu ò sehe ni yahu namoha:

—¿Muhu quihõno mu yoahtere masierajari mhu mipu? ⁵⁸ Pairo mahure yahusãno waharo buhiri dahre dutiri wuhuru waha dutiboca. Tõru wahana “Pari turi mahure ã yoasi”, nicu cahma pjãga. Mu ã cahma pjãerachu tiro buhiri dahre dutiriro cahpu naaboca mahure. Tuhsu, buhiri dahre dutiriro sehe mahure surarare to wachu, mahure surara peresu yoahca. ⁵⁹ Mhure nii nija. Tõru jisiniihca mhu. Pu ti wapa dutirire mu wapa pahñõipw wijaaihca mhu —niha Jesu.

13

“Noaina jija”, ni msa tuhhotumarine tuhutu cohtota, Cohamacure cahmaga

¹ Tí pjare mahainacã masa Jesure ò sehe ni yahua tiha:

—Galilea macaina wahiquirore wajã jũ mo Cohamacure ti ño payoro watoi Pilato sehe tinare wajãha. To ã wajãchu wahiquiro di mehne masa di moreha —ni yahuha tina Jesure.

² Ti ã ni yahu tuhsu Jesu ò sehe ni yahuha:

—¿Galilea macaina Pilato to wajãrina cjirire dohse ni tuhutujari msa? ¿Ti ã yariachu paina Galilea macaina yuhdoro ñaina ti jiri buhiri ã yoa dutiri Cohamacu tinare, msa tuhutuchu? ³ Jierara. Mhsare niita nija. Msa sehe “Noaina jija” ni, msa tuhutumari cjirire tuhutu cohtotaerana, Cohamacure cahmaerana, msa cùhu yariana pichacapu wahanahca. ⁴ Ñ yoa sohõ jirina diez y ocho masa Siloé wama tiri wuhu mvari wuhu ti bui bora pja wajã pahñoha. ¿Ñ waha yariaa, paina Jerusalé macaina yuhdoro ñaina jiri tina, msa tuhutuchu? ⁵ Jierara. Mhsare niita nija. Msa ñaa tuhutumari cjirire tuhutu cohtotaerana, Cohamacure macaerana, msa cùhu yarianahca. Ñ jina pichacapu wahanahca —niha Jesu tinare.

Higueracu dicha mariedu quitire yahuha Jesu

6 Ñ ni tuhsu quti mehne piti dahre yahuha tinare:

—Wese puero to wese puero higueraçure çuaha. Ñ jiro tiro tu dichare macano wahamaha. Bocaeraha. 7 Bocaeraro tiro wese dahrarire yahuha. “Tu hoga yuhure. Tia çuma waro higueraçure dichare macamaja. Dicha mariaha. Tu dicha mariachu ture çã cohãnocahga. Tu yu wesei jichu padure yuhu toa masieraja. Yu wesei jiri yahpa macaare wiho waro nana tu”, niha wese puero tirore dahra cohtarire. 8 To ñ nichu tu horo dahra cohtariro õ sehe niha: “Puhtoro, ahdu çu çuma waro ducusinijaro. Tu dahpotoi yuhu sahaihtja. Tuhsu, wahiquiro tu mehne ti copare yaihtja. 9 Yu ñ yoari baharo tu pa çumai dicha tiboca. Tu dicha tierachu muhu çã cohã dutiuhca”, niha dahra cohtariro wese puero —ni yahuha Jesu.

Sabado dachoi Jesu dohatiricorore noaricoro wahachu yoaha

10 Ti pjare Sabado dachoi Jesu judio masa buheri wuhui buhero niha. 11 Tôi watino to cohtotaricoro jiha. Watino sehe diez y ocho çumari waro dohatichu yoaha ticorore. Ñ jiro pari muti ducuricoro jiro, potu ducu masieraha. 12 To ñ jichu ñno Jesu ticorore ñu, õ sehe ni pisuha:

—Numino, mu dohatia pih-tia wahahre —ni pisuha Jesu.

13 To ñ pisuri baharo ticorore to ña payochu doihata ticoro noano potu ducuricoro wahaha. Ñ waharo “Cohamacu tuariro, noariro jira”, ni ño payoha ticoro. 14 Jesu ticorore Sabado dachoi to noaricoro yoachu ñno judio masa buheri wuhu puhtoro sehe tiro mehne suaha. Ñ suaro tiro masare õ sehe niha:

—Seis dachori jira mari dahra dachori. Ñ jina musa dohatiinare noaina wahachu yoa duana, ti dachorire tire yoaga. Sabado dachore mari sori dachore tire yoena tjiga —niha wuhu puhtoro.

15 To ñ nichu Jesu õ sehe ni yuhtiha:

—Musa ñ mahñorucuina jira. Musa wachure, burro çuhure çuana Sabado dachoi ti duhteri dare pjã, tinare na buha, sihni dutiboa. 16 Mipuh ahricorore Abrahã çjiro coyeacorore watino diez y ocho çumari waro ticorore dohatichu yoahre. ¿Sabado dachoi ticorore noaricoro wahachu yoa dutierajari musa? —niha Jesu.

17 To ñ nichu tuhoa, tina buoro wahaha. Ñ jia paina sehe jipihtina Jesu yoarire ñu, wahcheha.

Mostaza yapa quitire yahuha Jesu

(Mt 13.31-32; Mr 4.30-32)

18 Ñ yoa Jesu quti mehne piti dahre buheha masare:

—¿Ne Cohamacu masa bui puhtoro to noano suho jia yaba baro yoaro sehe jijari, musa tuhotuchu? Ahri

quiti mehne tíre pũhtoro to sũho jiare yahuihtja yũhũ. ¹⁹ Mostaza yapacã yoaro sehe jira. Tí yapacãre toari masũno to wesei toaha. To toari baharo tí yapacã duha. ã jia tu bũchachũ minichahca peri tu dũpũripũ suhti suhaha. (Tó seheta mũano macarĩrore mari pũhtoro masiina mahainacã ti ji mũhtapachũta baharopũ tina payũ wahaahca) —niha Jesu.

Pão bũcharo quitire yahuha Jesu

(Mt 13.33)

²⁰ ã ni tuhsũ, pari turi Jesu õ sehe ni piti dahre buheha:

—¿Ne Cohamacũ masa bui pũhtoro to noano sũho jia yaba baro yoaro sehe jijari, mũsa tũhotuchũ? ²¹ Pão bũcharo yoaro sehe jira. Tíre numino cũ wajuru trigore co mehne noano tíre dahra morena pão bũchahtore. To ã yoachũ pão bũcharo sehe trigore noano sahserũchũ sũra. (To sahserũchũ sũro seheta mũano macarĩrore mari pũhtoro payũ masa masiahca) —niha Jesu.

Mahari sopacacã quitire yahuha Jesu

(Mt 7.13-14, 21-23)

²² ã yoa Jesu bũjũa macarĩpũ, daa macarĩcãpũ cũhũre buhe wahcã, Jerusalẽpũ sũro taro niha. ²³ To ã waharo watoi cũiro Jesure õ sehe ni sinituha:

—Pũhtoro, ¿mahainacã masare pichacapũ waha-borinare yũhdorohcari Cohamacũ? —ni sinituha tiro Jesure.

To ã nichũ Jesu piti dahre buhero õ sehe ni yahuha:

²⁴ —Payũ masa Cohamacũ cahapũ waha duaa, sãa dua-mana. Mahari sopacacãre mũsa sãa duachũ mijo curera. Tó seheta Cohamacũ cahapũ mũsa waha duachũ mijo nina. Masa ã sãa duapahta sãa masierara. ã jina mũsa sehe mahari sopacacãre mũsa tuaro sãa duaboro seheta Cohamacũ sehẽre tuaro masiga. ²⁵ Õ sehe yoarohca Cohamacũ payũ masare. Tiro wũhũ pũro yoaro sehe jira. Wũhũ pũro wahcã, sopacacãre biharohca. To ã yoachũ sopacacãpũ ducuna, sopa pahmare dotanahca. ã dotana õ sehe ninahca: “Pũhtoro, sopa pahmare pjõhga”, mũsa nichũ wũhũ pũro sehe õ sehe ni yũhtirohca. “Mũsare ne masieraja yũhũ. Nohoi mũsa tariro cũhũre masieraja”, ni yũhtirohca. ²⁶ To ã nichũ mũsa õ sehe ni yũhtinahca: “Mũhũ mehne sã chũ, sihnihi. Sã ya macai buhere mũhũ”, ninahca mũsa. ²⁷ Mũsa ã nichũ tiro sehe õ sehe ni yũhtirohca: “Mũsare ne masieraja. Nohoi mũsa tariro cũhũre masieraja. Jipihtina mũsa ñaa buhiri tiina yũ cahai taena tjiga”, ninohca wũhũ pũro. ²⁸ ã yoa Abrahã cjirore, Isaa cjirore, Jacobo cjirore, jipihtina Cohamacũ yare yahu mũhtaina cjirore Cohamacũ masare pũhtoro to noano sũho jirore ti jichũ ñũna, mũsa sehe sopacapũ cohãrina jina tuaro tiinahca.

Ã tiina jina, m̄sa tuaro cahyaro mehne piri bahca dihonahca. ²⁹ Tí pjare jipihtiro macaina p̄htoro Cohamac̄u to noano s̄ho jirop̄re s̄, tiro mehne ch̄ dujiahca. ³⁰ Mip̄re wiho jiina jirina cjiri tí pjare p̄htoa jiahca. Ã jia mip̄re p̄htoa jirina cjiri tí pjare wiho jiina jiahca — niha Jesu.

Jerusalē macainare tuaro cahīha Jesu
(Mt 23.37-39)

³¹ Tí pjare mahainac̄ã fariseo curua macaina Jesu cahap̄ s̄a, tirore õ sehe ni yahuha:

—Herode m̄h̄re wajã duara. Ã jic̄ pa seh̄p̄ wahaga m̄h̄ —niha tina tirore.

³² Ti ã nich̄ Jesu sehe õ sehe ni ȳhtiha:

—Herode mah̄noa paȳriro jira tiro. Õ sehe ni yahuga tirore: “Jesu wat̄are cohã wioro nina. Tuhs̄, dohatiinare noaina wahach̄ yoaro nina. Tíre michare, ñamichaca c̄h̄re yoarohca. Ñamichaca bohrearo dahra batoarohca”, ni yahuga Herodere. ³³ Ã jic̄ michare waha, ñamichaca c̄h̄re waha, ñamichaca bohrearo c̄h̄re waha, Jerusalēp̄ s̄ihca. Cohamac̄u yare yahu m̄htaritore ȳh̄re wajãahca masa. Cohamac̄u yare yahu m̄htainare ti wajãch̄ Jerusalēp̄ jiro cahmana tinare. Ã jic̄ ȳh̄ c̄h̄re Jerusalēp̄ jiro cahmana.

³⁴ 'Cue Jerusalē macaina. M̄sa Cohamac̄u yare yahu m̄htaina cjirire wajã, m̄sa cahai to warocainare tãa mehne doca wajãre m̄sa. M̄sa coyea panop̄ macaina c̄h̄ ãta yoarina cjiri jiha. Caracacoro to poh̄nare to cj̄p̄ d̄p̄ri mehne to moha coãno seheta paȳ tahari m̄sare cah̄rucumahi. M̄sare cahmamahi. M̄sa sehe ȳh̄re ne cahmaerare. ³⁵ Mip̄re m̄sa jiro cohãri maca jirohca. Potocã niita nija m̄sare. Cohamac̄u mari p̄htoro to tuaa mehne taihca ȳh̄. Ȳ ã tach̄ ñ̄na m̄sa ȳh̄re “Cohamac̄u tuaa mehne tariro noajaro”, ñinahca. Ȳh̄re m̄sa tíre nihto pano pari turi ȳh̄re ñ̄si m̄sa —niha Jesu tinare.

14

Dohatiritore noariro wahach̄ yoaha Jesu

¹ Pa dacho Sabado dacho jich̄ fariseo curua macaina p̄htoa mehne macariro ya w̄h̄p̄ Jesu ch̄ro wahaha. Tí w̄h̄i jiina tiro dihtare ñ̄roca õha. ² Ti ã ñ̄roca õno watoi yach̄ri wipiriro, ñ̄ch̄a wipiriro tiro cahap̄ s̄ha. ³ Ã jiro Jesu judio masare buheinare, fariseo curua macaina c̄h̄re õ sehe ni sinituha:

—¿Sabado dachore dohatiritore noariro wahach̄ yoa dutijari Cohamac̄u yare ti joari p̄i? —ni sinituha Jesu.

⁴ To ã ni sinitupach̄ta tina ȳhtieraha. Ti ȳhtierach̄ ñ̄no Jesu dohatiritore

noariro wahachu yoa, “Wahaga”, niha tirore. ⁵ ã yoa tuhsuro, tinare õ sehe ni sinituha tjoa:

—“¿Cãiro musa mehne macariro to macano Sabado dachoi mari sori dachoi coparu to bora sãachu na wioerabocari?” musa ã nina. “¿To wachu cãhure na wioerabocari?” musa ã nina —niha Jesu.

⁶ To ã nipachuta tina to sinituare yuhti masieraha tjoa.

Wamomaca duhteromu pjirocainare yahuha Jesu

⁷ Fariseo curua macariro ya wãhu jiro ti wãhu macariro to pjirocaina noaa dujiare ti besechu ñaha Jesu. ã ñu tuhsu õ sehe ni yahuha jipihtinare:

⁸ —Wamomaca duhteri bose numai musare to pjirocachu, noaa dujiare bese dujiena tjiga. Musa yãhgoro cua pisainare pjirocaboca ahri wãhu puro. ⁹ To ã yoachu musa noaa dujiai dujichu, “Ahrina cua pisainare musa dujiare waga”, niboca wãhu puro musare. To ã nichu musa sehe buo tina, ñaa dujiai dujiboca. ¹⁰ ã jina wãhu puro musare to pjirocachu, ñaa dujiai duji muhtaga. Musa ã yoachu wãhu puro musare “Noaa dujia sehere dujina taga”, ninohca musare tiro. Musa ã wahachu paina to pjirocaina sehe musare ño payoa mehne ñahca. ¹¹ Cãiro to basi “Pãhtoro tjija”, ni tuhoturiro cahamacno jirohca. Pairo “Cahamacno jija”, ni tuhoturiro painare

yãhdurca duaerariro tiro sehe pãhtoro jirohca —niha Jesu tinare.

¹² ã ni tuhsu Jesu wãhu purore õ sehe ni yahuha:

—Mãhu bose numu dahrecu mu cahai jinare, mu bahanare, mu coyeare, pache pure pjiesu tjiga. Mu tinare pjichu mãhu cãhure tina cãhu pji cahmaahca tjoa. ã pji cahmaa mãhure ti wapamoare wapaahca. ¹³ Mãhu bose numu dahrecu pjacoinare, tini masierainare, cã bãhusehe dahporo dojori tinare, capari ñerainare pjirocaga. ¹⁴ Mu ã yoachu ñano Cohamacu mãhure noano yoarohca. Tina sehe mãhure ti wapamoare wapa masierara. ã jiro noaina yariaina ti masa mujari pja jichu Cohamacu sehe noaare mu yoari wapa mãhure noano yoarohca —niha Jesu wãhu purore.

Pjiri bose numu quitire yahuha Jesu

¹⁵ To ã nichu tuhoro paio churi mesa cahai dujiriro, Jesure õ sehe ni yahuha:

—Cohamacu masare pãhtoro to noano sãho jiroi to churi mesa cahai dujiina tuaro wahcheina jahca —niha tiro Jesure.

¹⁶ To ã nichu Jesu ahri quitire yahuha tirore:

—Pjiri bose numu dahreriro payu masare pjirocacha. ¹⁷ To pjirocari baharo bose numu dachoi to cahamacnore to pjirocainare yahu dutiro

warocaha. “Ma, jipihtiare bose namu macaa cjihtire cahno tuhsahre. Ā jiro musare pjirocahre”, ni yahu dutiha to cahamacunore. ¹⁸ To cahamacuno to ā ni yahupachata, to pjirocaina sehe “Waha masieraja”, niha tina. To pjiroca mahtariro ō sehe ni yahuha to cahamacunore: “Michapucacā yahpare nuchuhi. Ā jicu tí yahpare űhi wahi tai nija. Ā yoacu waha masieraja. Ño payo curea yuhare. Yuhare basioerahca”, niha to pjiroca mahtariro sehe to cahamacunore. ¹⁹ Pairo sehe ō sehe niha: “Wachuare puā wamomaca pihtiinare michapucacāta nuchuhi. Ā jicu wachuare buhe cayo űhi wahi tai nija ti waja wahcāhtore. Ā yoai wahaeraja. Yuhare basioerahca”, niha tiro cūhu. ²⁰ Pairo sehe ō sehe niha: “Yuhu michapucacā wamomaca duhtehi. Ā jicu bose namupu waha masieraja”, niha tiro to cahamacunore. ²¹ To ā nichu to cahamacuno sehe tjua waha, to puhtoropure ti niri cjirire yahu pahñoa. To ā ni yahuchu to puhtoro tuaro susini, ō sehe niha to cahamacunore. “Macari macaa maharipu pjacuoina ti ducua maharipu wahaga. Ā jicu pjacuoinare, tini masierainare, capari űuerainare, cū buhusehe dahporo dojori tiinare cjero na tahga tinare”, niha puhtoro. ²² Baharo curero to cahamacuno yahuha to

puhtorore: “Puhtoro, mu dutiro sehetā yoahi. Yu ā yoapachata paina cūhu mu suahca”, niha to cahamacuno. ²³ To ā nichu puhtoro tirore ō sehe ni dutiha: “Campopu wahaga. Tói bujua maharipu jiuare, daa maharicāpu jiuā cūhure masare yu wuhupu ta dutiga, ya wuhu to noano wahpahto cjihto sehe. ²⁴ Potocā nii nija mahure. Ahrina yu pjiroca mahtarina yu chuare ne mahanocā chusi”, niha puhtoro —ni yahuha Jesu.

Jesu mehne wahachu mijo nina

²⁵ Tí pjare payu masa Jesu mehne waha. Ā jiro Jesu tinare majare űu, ō sehe ni yahuha:

²⁶ —Cūiro yu buheriro ji duaro painare to cahiro yuhdoro yuhu sehere cahno cahmana. To puchore, to pocore, to namonore, to pohnare, to bahanare, to pjacu cūhure to cahiro yuhdoro yuhu sehere cahno cahmana. Ā yoeraro yu buheriro ji masierara. ²⁷ Cūiro yu buheriro ji duaro yu yare ā yoarucuro jirohca. Ā yoa crupū yu űano yuhduhtiro sehetā yu yairo to jiri buhiri űano yuhdu duaeraro yu buheriro ji masierara. ²⁸ Ahrire masiyuro cahmana musare. Ō sehe jira tí: Wuhu dahreriro to mūari wuhure yoahito pano wuhu wapa tihtire quihō cū mahtana. Ā yoaro to wuhure to pahñohtore masina tiro.

29 Wapa tihtire quihõeraro to wuhure yoaro pahñoeraboa.

Ã jia tirore ñina bujpeboa. 30 “Ahraro to wuhure yoaro bihoerare”, ni bujpeboa.

31 Puhtoro paio puhtoro yaina mehne ti cahma wajãhto pano, to yaina surarare to cahma wajã dutihtu pano, to surarare quihõnohca. “¿Yuh diez mil surara mehne paio veinte mil surara cjararo mehne cahma wajãcu bihobocari yuh?” ni tuhoturo quihõnohca tiro. 32 Ã quihõno, to bihoeratore masinohca. Ã masino paio puhtoro to surara mehne cahma wajãno tararo yoaropu to jichuta, bihoerararo sehe “Cahma wajãena tjijihna”, ni dutiro warocaboa dahra cohtaritore. 33 Ã jina yu buheina ji duana, musa yoahtere musare masino cahmana. Musa yoa duari sehere cohã duaerana, yu buheina ji masierara —ni yahuha Jesu.

Moa coerarore yahuha Jesu

(Mt 5.13; Mr 9.50)

34 Ã ni tuhsu tinare õ sehe ni yahu namoha:

—Moa noano coara. To coerachu coa yoahto basioerara. 35 Moa coerachu tí moa ne noerara. Tí moare dohseahto basioerara. Tí ã jichu tí moare cohãno cahmana. Ne yaba cjihti jierara ti cohõa. (Tí yaba cjihti jieraro seheta jiena tjiga musa. Moa noano to coaro seheta musa cãhu ji coaina jiga.

Tuhsu, paina mehne noano mehne jiga.) Ahraro noano tuhoga musa —niha Jesu.

15

Oveja butiriro quitire yahuha Jesu

(Mt 18.10-14)

1 Ã yoa pa dachoi payu puhto yare wapa na cohtaina paina “Ñare yoaina”, ti niina mehne Jesure tuhoa taha. 2 Ti ã yoachu ñua fariseo curua macaina, judio masare buheina cãhu Jesure ñu tuhtia, õ sehe niha ti basi:

—Ahraro ñainare piti tira. Ã jiriro jirota tina mehne chura —ni durucuha tina ti basi.

3 Ti ã ni durucuhu Jesu to tuhotua mehne õ sehe ni piti dahre buheha tinare:

4 —¿Cien oveja puaro cãiro oveja butichu ñano dohse yoarohcari tiro? Õ sehe yoarohca. Tiro noventa y nueve ovejare ti churi camropu cã, butirirore macano waharohca. Ovejare bocaropu duhurohca. 5 Tirore bocaro wahcherohca. Ã jiro to comapariaca buipu tirore cã payo, to wuhupu na tjuaa waharohca. 6 Na tju su, to cahai jijnare, to coyeare pji cahmachunohca. “Yu oveja butirirore boca tuhsuhi. Ã jina yuhu mehne wahchega”, ninohca tiro tinare. 7 Potocã niita nija musare. Noventa y nueve oveja payu ti jiriro seheta, payu masa õ sehe ni tuhotura: “Ñano yoeraja. Ã jicu yu ñare cahya, yu tuhotumari

cjirire t̄hotu cohtotasi yuh̄”, ni t̄hotura paȳ masa. Tí ã ni t̄hotuch̄ ñ̄na m̄ano macaina Cohamac̄ cahai jiina wahcherara. Pairo sehere wahchera. Butiri oveja c̄airo to butiri sehet̄a to p̄ro tirore to bocariro sehet̄a c̄airo ñ̄ariro to ñ̄are cahyach̄, “Ñano yoaeraja”, ni to t̄hotumari cjirire t̄hotu to cohtotach̄, Cohamac̄re to cahmach̄ ñ̄na, Cohamac̄ cahai jiina tuaro wahchera —niha Jesu.

Niñeru t̄ butiri quitire yahuha Jesu

8 Æ ni yahu tuhs̄, paye quit̄i mehne piti dahre yahu namoha tjoa:

—¿Diez niñeru t̄ri cj̄aricoro c̄ t̄ butich̄ ñ̄no dohse yoaohcari ticoro? Õ sehe yoaohca ticoro. Sih̄iare sih̄, wuh̄re coha, noano maca pah̄onohca. Tí t̄re bocarop̄ duhurohca. 9 Tí t̄re boca tuhs̄, to cahai jiinare, to coyeare pji cahmachunohca. “Niñeru t̄ ya t̄ yuh̄re butiri t̄re bocahi. Æ jina yuh̄ mehne wahchega”, ninohca ticoro. 10 Potocã niita nija m̄sare. Tó sehet̄a c̄airo ñ̄ariro to ñ̄are cahyach̄, “Ñano yoaeraja”, ni to t̄hotumari cjirire t̄hotu to cohtotach̄ Cohamac̄re to cahmach̄ Cohamac̄ yaina anjoa sehet̄a tuaro wahcheahca —niha Jesu.

To mac̄no butiri quitire yahuha Jesu

11 Æ ni yahu tuhs̄ Jesu paye quit̄i mehne piti dahre yahu namoha tjoa:

—Buc̄ro pohna p̄aro m̄na jiha. 12 D̄hsariro sehe õ sehe niha to p̄c̄rore: “Mai, m̄ yariari baharo yuh̄re m̄ wahtire yuh̄re wa bahrañoga”, niha tiro to p̄c̄rore. To ã nich̄ ti p̄c̄ro p̄arop̄reta to poh̄are witira to cj̄ari cjirire. 13 Mahaa dachoricã baharo d̄hsariro to yare jipihtiare na, yoaop̄ pa yahpap̄ wahaa wahaha. Tóp̄ s̄ro t̄ho masierariro sehet̄a yoa, to niñerure to yare yoa site pah̄onocaha. 14 To yoa site pah̄ori baharo tí yahpap̄re ne ch̄a marieni pja ji d̄caha. Æ jiro tiro j̄ca baaha. 15 Æ jiro tí yahpa macaa dahraare macaha. To bocach̄ to p̄htoro yesea cohtar̄iro s̄ha tirore. 16 Æ jiro tiro yeseare nu, ti ch̄are ch̄ duamaha. To ã ch̄ duapach̄ta tí ch̄are tó macaina waeraha tirore. 17 Æ yoa tirore tóí wac̄a taha j̄na. “Ȳ p̄c̄re dahra cohtaina sehe buj̄a ch̄are ch̄ca. Tí ch̄ d̄haa c̄h̄ buj̄a d̄hsaca. Tí ã noano yuh̄ro watoi yuh̄ sehe õi j̄ca, j̄ca yariari nija. 18 M̄p̄re ȳ p̄c̄ cahap̄ tjuaihtja. Ȳ p̄c̄ cahap̄ s̄c̄ õ sehe nihtja tirore: ‘Mai, Cohamac̄re ñ̄ano yoahi. M̄h̄ c̄h̄re ñ̄ano yoah̄ti. 19 Ñariro jija. M̄ mac̄ jiboriro jieraja yuh̄. M̄h̄re dahra cohtaina sehet̄a yoaga yuh̄re’, nihtja ȳ

pucure”, ni tūhotuha tiro. ²⁰ Ā ni tūhoturota wahcāreca, to pucuro cahapu tjuaa wahaha. Tōru to sūriro tjuaa tachū to pucuro sehe yoropata to macunore űha.

’To ā wihichū űno to macunore pja űha. Ā pja űno to cahai mūroca wahcā tirore cjā suhsu mūa, to wahsupui wihmiha to pucuro to macunore. ²¹ “Mai, Cohamacure űano yoahi. Mūhū cūhūre űano yoahiti. űariro jija yūhū. Mū macū jiboriro jieraja yūhū”, niha tiro to pucurore. ²² To ā nichū tūhoro to pucuro sehe dahra cohtainare pjiha: “Cjero, noa yūhūri suhtirore na tahga. Ā jina yū macure sāaga. Sāa tuhsū, to wamomaca sāari sorore sāa, to dahporire dahpo suhti cūhūre sāaga. ²³ Sāa tuhsū, dihi tiirocā wachūcāre wajāga. Bose nūmū yoajihna. ²⁴ Ahriro yū macū yariariro seheta wahare. Ā wahaparota mipure catira tiro. To butiboriro seheta jirirore mipure bocahi. Ā jina bose nūmū yoajihna”, niha to pucuro. To ā niri baharo bose nūmū dahre dūcaha tina.

²⁵ ’Tí pjare to wahmino sehe wesepū jiha. Wesepū jiriro coha tjuaa taro wūhū cahai sūro, ti basaare tūhorocaha tiro. ²⁶ Ā tūhorocarō, cūiro dahra cohtarirore pjiroca, tirore sinitu űha tiro: “¿Dohse yoa basaa niri?” ni sinitu űha tiro dahra cohtarirore. ²⁷ “Mū bahū tju wihihre.

Tiro noariro, catiriro to tju wihichū mū pucū dihi tiiro wachūcāre wajā dutihre”, ni yūhtiha dahra cohtariro. ²⁸ To ā ni yahuchū to wahmino sehe tuaro suaro, wūhūpū sāa taeraha. To sāa taerachū űno to pucuro sopacapū wijaa ta, “Sāa taga” ni, tuaro pjimaha to macunore. ²⁹ “Tūhoga, Mai. Yoari pja mūhūre dahra cohtariro seheta mūhūre yoadohomahi. Ā jicū mū dutiare ne cū taha yūhūcaera tihi. Yū mūhūre dahra cohtapachūta yūhūre ne waerare mūhū. Ne cūiro wahiquirocāre ne waera tire mūhū yūhūre yū piti tiina mehne yū bose nūmū dahrehti cjihire. ³⁰ Wiho mejeta ahriro mū macū sehe űaina numia mehne mū yare yoa site pahūoyuhti. Tíre yoa site pahūo tuhsū, tiro wūhūpū to tju wihichū dihi tiirocāre wachūcāre wajā dutiyuhti mūhū to chūhtiro cjihire”, niha to wahmino to pucurore. ³¹ “Macū, yūhū mehne jipihtia dachoripe mū jichū jipihtia ya mū ya cūhū jira. ³² Mū bahū sehe yariariro seheta wahare marine. Ā yoa mipure tiro catiriro jira. Tiro butiboriro seheta jire. To ā wahari baharo mipure tirore bocahi. Ā jina to tju wihichū mari bose nūmū yoa wahchēchū noana”, niha tiro to macunore —niha Jesu tinare.

16

Niñeru űū wihbo cohtariro

tũho masiro quitire Jesu yahuha

1 Ā yoa ahri quitire to buheinare õ sehe ni yahuha Jesu:

—Pache pũro ya niñerure ñũ wihbo cohtariro niñerure noano to ñũ wihboerachũ ñũno paio sehe yahusãha pache pũrore: “Tiro mũ niñerure yoa sitero nina”, ni yahusãha tirore. ²To yahusã tuhsũri baharo niñeru ñũ wihbo cohtarirore pjirocaha. Ā pji tuhsũ, to wihichũ ñũno, tirore pũhtoro õ sehe niha: “Paio yũ niñerure mũ yoa siterire yũhũre yahure. Ā jicũ mipũre yũ yare ñũ wihboriro jisi mũhũ. Ā jicũ yũ yare mũ yoari cjirire yahu pahũo joaga. Mũhũre cohãi nija”, niha to pũhtoro tirore. ³To Ā niri baharo õ sehe ni tũhotuha ñũ wihboriro to basi: “Yũ pũhtoro yũhũre cohãno taro nica. Yũhũ tu-aeraja. Ā jicũ tuaro dahraare bihoeraja. Tuhsũ, painare yũhũ niñerure sinicũ buobiario yũhdũboca yũhũ. ¿Dohse yoai-hcari yũhũ? ⁴Mipũ pinihtare yũ yoahũtũre masija yũhũ jũna. Ā sehe yũ yoachũ yũ dahraa maerachũ yũ pũhtoro wapamoina yũhũre cahĩahca. Ā jia ti wũhũsepũ sãa dutiahca yũhũre”, ni tũhotuha tiro. ⁵Ā ni tũhoturo tiro jipihtina to pũhtoro wapamoinare pjirocaha. Pjiroca tuhsũ, cohtaha. Ā cohtaro wihi mũhtarirore õ sehe ni sinitũha tiro: “¿Yũ pũhtoro noho puro wapamojari mũhũ?” niha tiro. ⁶To Ā nichũ

wapamoriro sehe õ sehe ni yũhtiha: “Cien tambores sere olivo dicha mehne ti yoari sere wapamoja tirore”, ni yũhtiha tiro. To Ā ni yahuchũ niñeru ñũ wihboriro sehe õ sehe ni yahuha: “Õi jira mũ wapamonore joa õri pũ. Dujiga. Ā jicũ mũ wapamonore dacho macai na, dacho macai joa cahnoga”, niha ñũ wihboriro wapamoriore. ⁷Ā ni tuhsũ paio wapamoriore sinitũha tiro: “¿Mũhũ waro, noho puro wapamojari?” niha tjoa. “Cien waju trigo yapari wajure wapamoja yũhũ”, niha wapamoriro niñerure ñũ wihborirore. “Õi jira mũ wapamonore joa õri pũ. Mũ wapamonore ochenta joa cahnoga”, niha ñũ wihboriro. ⁸To Ā noano mahũno mihnichũ ñũno “Ahriro mahñoriro noano masiro jica”, ni tũhotuha to pũhtoro niñerure ñũ wihborirore. Ahri dacho macaina, Cohamacũre cahmaeraina ti yare cahnorire ti niñeru ti ñũ wihborire Cohamacũ yaina yũhdoro masica tina —niha Jesu.

⁹Ā ni tuhsũ Jesu õ sehe ni yahu namoha:

—Ahri quitire Ā ni yahucũ, mũsare õ sehe niita nija. Mũsa cjũaare, pjacũoinare mũsa wachũ, tina sehe mũsare cahĩahca. Mũsa Ā yoachũ mũsa cjũaa pihtiarĩ baharo mũsa mũanopũ sachũ mũsare cahĩahca tũpũre.

¹⁰Wiho jiina ya dahraare quihũno yoana, pũhtoia ya dahraa cũhũre quihũno

yoanahca. Wiho jiina ya dahraare quihõno yoaerana, pũhtoa ya dahraa cãhũre quihõno yoasi mũsa. ¹¹ ã jina ahri yahpai mũsa cjuaa mehne mũsa noano yoaerana Cohamacũ mũsare to yoa dutia cãhũre noano yoasi mũsa. ¹² ã jiro pairo yare mũsa noano yoabasaerachũ ñũno mũsa ya cjihtire wasi mũsare.

¹³ 'Cãiro Cohamacũ sehere wacũno, tuabiaro niñeru sehere wacũerara. Niñeru sehere tuabiaro wacũno Cohamacũ sehere wacũerara. Niñeru dihtare cahmariro jiro Cohamacũre wahchechũ yoaerara. Cohamacũ cãhũre, niñeru cãhũre pũarore cahma yũhdũrũcahto basioerara mũsare. Niñerure cahma yũhdũariro Cohamacũre noano ño payo masierara — niha Jesu.

¹⁴ To ã nichũ tũhoa fariseo curua macaina sehe tirore bũjũpeha. Tina sehe niñerure cahĩha. ã jia bũjũpeha. ¹⁵ Ti bũjũpechũ tũhoro Jesu tinare õ sehe ni yahuha:

—Masa ti ñũrocaroi mũsa noano yoamana. Mũsa ã yoachũ “Noaina, quihõno yoaina jira”, nimana masa mũsare. Cohamacũ sehe mũsa tũhotuare masina. Masa “Noa yũhdũara”, ti nirire Cohamacũ sehe soro ni tũhotu, tũre ñũ yabira —niha Jesu.

Cohamacũ to dutiare, pũhtoro to sũho jiare yahuha Jesu

¹⁶ ã ni tuhsũ õ sehe ni namoha Jesu:

—João masare bautisariro to jihto pano Moiserere to cũri dutia mehne Cohamacũ marine dutire. Cohamacũ yare yahu mũhtaina cjiri ti joari cjiri mehne cãhũre marine dutire. Mipũ sehere João to buhe dũcari baharo noaa buheare, Cohamacũ masare pũhtoro to noano sũho jia cãhũre masi dũcara masa. ã masia masa ti mũ sũro ti tuaa mehne Cohamacũ masare pũhtoro to noano sũho jirore sãa duamana.

¹⁷ 'Moiserere to cũri dutia Cohamacũ to niriro seheta yoa pahñonohca tiro. Cohamacũ yare yahu mũhtaina cjiri ti joari cjiripũ cãhũre to niriro seheta yoa pahñonohca tiro. Mũano cãhũ ahri yahpa cãhũ ti pihitia wahapachũta Cohamacũ to niriro seheta yoa pahñonohca —niha Jesu.

Namonore cohãare yahuha Jesu

(Mt 19.1-12; Mr 10.1-12)

¹⁸ ã ni tuhsũ õ sehe ni namoha Jesu:

—Masũno to namonore cohãno, pacorore namo tiro, tiro ticoro mehne ñano yoaro nina. Tuhsũ, masũno pairo to cohãricorore namo tiro, tiro cãhũ ticoro mehne ñano yoaro nina —niha Jesu.

Pache pũro cãhũre, Lázaro cãhũre to yahuri quitire buheha Jesu

¹⁹ ã yoa paye quti mehne piti dahre yahuha Jesu:

—Tĩ pjarũre pache pũro jiha. To suhti sehe wapa bũjubiaha. Tuhsũ, dachoripe tiro noaa dihtare chũro,

payu cjuaha tiro. ²⁰ ã yoa tí pjare paio pjacuroiro, Lázaro wama tiroiro jia tiha. Tiro to pjacu payu cami tiroiro jiha. To ã jiroiro jichu paina sehe tirore pache puro ya wuhuru na suha. ²¹ ã jiro pjacuroiro sehe pache puro to churi mesa docai yahpai dujiro to chu site boroare chumaha. “To chu site boroare chucu yapicuhca yuhu”, ni tuhutumaha tiro. ã jia dieya to camine nehnea taa tiha. ²² Baharo pjacuroiro to yariaa wahachu, Abrahã caharu paraíso wama tiropu anjoa tirore naa mujaha. Pache puro cuhu to baharocãta yariaa wahaha. To yariachu tirore yaha. ²³ ã yoa pache purore tuaro pichaca jaha. To ã tuaro jechu, pichacaru jiro manopu jiroirore Abrahãre nhuha. Lázaro cuhure nhuha. ²⁴ Ñu tuhsu, tiro Abrahãre pisurocaha: “Coyeiro Abrahã, pja ñuga yuhure. Pichacaru yuhu ñano yuhdui nica. Yu ã wahachu Lázarore yuhure warocaga. Tiro core to wamo picaru soha, yu ñahmanore co mehne nehoharo. Tóre yusohoharo tiro”, niha pache puro. ²⁵ To ã nichu Abrahã tirore õ sehe ni yahuha: “Coyeiro, catiroiro jicu jipihtiare mahu noaare cjuhure. Lázaro sehe dachoripe ñano yuhduhre. Mipuh sehere mahu ñano yuhduchu tiro sehe õpore wahchea mehne jinocahno nina. ²⁶ ã yoa mari watoi cuãri copa jira. ã jia õre

jiina tópure waha masierara. Tuhsu tóre jiina õpu ta duaina ta masierara”, niha Abrahã pache purore. ²⁷ To ã nichu pache puro õ sehe ni namoha: “Coyeiro, tuaro sinija mahure. Lázarore yu pucu ya wuhuru warocaga. ²⁸ Yuhu cã wamomaca pihitiina bahana tija. Lázaro tinare yahujaro. Tina õre ñano yuhduropore taea tji-jaro”, niha tiro. ²⁹ To ã nichu Abrahã sehe õ sehe ni yuhtiha: “Cohamacu dutiare Moise marine to cãri cjirire, Cohamacu yare yahu mautaina ti joari cjirire cjuara mu bahana. ã jia mu bahana tíreta tuhoharo”, niha Abrahã. ³⁰ To ã nichu pache puro sehe yuhtiha: “Coyeiro Abrahã, tíre cjuapahta noano tuhosi. Lázaro yariariro masariro tina caharu to suchu ñua tina sehe tí ñaare cahya, noaare cohtotaahca. ã jia noaare yoahca yu bahana sehe”, niha pache puro cjiro. ³¹ To ã nichu Abrahã sehe õ sehe ni yahuha: “Mu bahana Moise to cãri pũ to yahuare, Cohamacu yare yahu mautaina cjiri ti yahuare tuhoeraina jira. ã jia Lázaro yariariro cjiro masariro to jipachuta tina Cohamacure tuho duasi”, niha Abrahã —ni yahuha Jesu.

17

*Ñaare yoachuh cua nina
(Mt 18.6-7, 21-22; Mr 9.42)*

¹ ã yoa Jesu õ sehe ni yahuha to buheinare:

—Masare ñano yoachũ yoaa payũ jira. ã jia masa ñaare yoara. Ti ã jipachũta masũnore ñaare yoachũ yoariro sehe ñabiaro yũhdũrohca. ² Masũnore to wamũai pjiria tãca duhte yo, pjiri mapũ tirore ti cohãchũ ñano wahaboa tiro. Pairo sehe ahrinacã mehne macarirocãre ñaare yoachũ yoaro pjiri mapũ ti cohãriro yũhgoro ñano yũhdũrohca. Tirore tuaro buhiri dahrero cahmana. ³ Noano yoaga mũsa. Mũsa coyeiro ñano to yoachũ ñana “Yoaĩ tjiga”, niga tirore. ã jina tiro to ñaare cahyachũ, noaare to cohtotachũ mũsa sehe to ñaa yoaaare boga. ⁴ ã yoa mũsa coyeiro cũ dachoihta siete tahari mũsare ñano to yoachũ tópe tahari mũsare, “Yũ ñaare cahyaja. Pari turi ã yoasi”, to nichũ tópe taharita to ñaa yoaaare boga —niha Jesu.

Cohamacũre wacũ tuaare yahuha Jesu

⁵ ã yoa Jesu buhe duti to cũina tirore õ sehe niha:

—Cohamacũre sãre noano wacũ tua namochũ yoaga —niha tina Jesure.

⁶ Ti ã nichũ Jesu õ sehe ni yũhtiha:

—Mostaza yapacã mahari yapacã jiparota duropũ pjidũ wahara. To ã wahariro seheta Cohamacũre pjĩro wacũ tuana, õ sehe wahachũ yoa masinahca mũsa. Ahdũ sicómorõ wama tidũre õ sehe ni masina: “Mũhũ yucũcũ mũ basi duhtu wahcã, pjiri mapũ bora ñojaga”, ni masina

mũsa. Mũsa ã nichũ tu yucũcũ sehe mũsa dutiro seheta waharohca —niha Jesu.

Dahra cohtariro to dahraare yahuha Jesu

⁷ Baharo õ sehe ni buheha Jesu:

—Mũsare dahra cohtariro jiro wesepũ tjana, ovejare ñũ wihbora. ¿Dahra cohtariro to tju wihichũ dohse nibocari mũsa tirore? “Cjero taga. Mũ chũ ãi jira”, ¿nibocari mũsa?

⁸ ã nierara mũsa. Tirore õ sehe nina mũsa: “Yũ chũare doha cahnoga. ã jicũ yũ chũ sihnichũ yũhũre cohtaga. Yũ baharo mũhũ cũhũ chũ sih-niga”, nina mũsa dahra cohtarirore. ⁹ Dahra cohtariro mũsa dutiare to yoachũ tirore “Noana”, nierara mũsa. To dahraa dihtare yoaro nica tiro. ¹⁰ Mũsa cũhũ tiro yoaro sehe tjira. Cohamacũ to dutiro sehta yoa pahõna õ sehe ni tũhotuga mũsa: “Sã cũhũ dahra cohtaina dihta jija. Wiho jiina jija sã. Sã dahraa dihtare yoaja sã”, ni tũhotuga mũsa —niha Jesu to buheinare.

Diez cami baainare noaina wahachũ yoaha Jesu

¹¹ Pa dacho Jerusalẽpũ Jesu waharo niha. Tórpũ waharo Samaria yahpa, Galilea yahpa dacho macai yũhdũ wahcãha. ¹²⁻¹³ Pa macapũ wahari mahapũ to tinichũ diez cami baaina sehe tirore piti bocaaha. ã jia tina yoa cureropũ ducuata pisuha:

—Jesu, puhtoro, sãre pja ñũga —niha tina.

¹⁴ Ti ã nichũ tinare ñũ, õ sehe ni yahuha Jesu:

—Sacerdotere m^{usa} p^{jac}urire noaa p^{jac}uri ti waharire ñona wahaga — niha tinare.

To ã niri baharo ti waharo watoi tina ti p^{jac}uri noaina wahaha. ¹⁵ Æ jiro c^ũiro tina mehne macariro noano to p^{jac}u wahachu ñ^ũno, Jesu cahap^ũ majare tjuaha. Æ tjuaro tuaro mehne Cohamac^ũre ño payoha. “Cohamac^ũ tuariro, noariro jira”, tuaro ni, ño payoha tiro. ¹⁶ Æ nino tiro Jesu dahpori cahai na tuhcuca caha s^ũ, “Noana”, niha tiro. Tiro sehe Samaria macariro jiha. ¹⁷ To ã yoari baharo Jesu õ sehe ni yahuha:

—Diez jihre masa noaina wahaina. ¿Paina nueve d^ũhsaina sehe nohop^ũ jicari tina? ¹⁸ Ahriro pa yahpa macariro dihta Cohamac^ũre “Noana”, nino taro tjua tahre. ¿Dohse yoa paina taerari? — niha Jesu.

¹⁹ Æ ni tuhs^ũ Jesu õ sehe ni yahuha na tuhcuca caha s^ũrirore:

—Wahcãr^ũcaga. Wahaga. M^ũh^ũ Cohamac^ũre wac^ũ tuacu, noariro wahahre m^ũh^ũ —niha Jesu tirore.

Cohamac^ũ masare p^ũhtoro to noano s^ũho jihtore yahuha Jesu

(Mt 24.23-28, 36-41)

²⁰ Tí pjare mahainacã fariseo curua macaina Jesure õ sehe ni sinituha:

—¿Dohse jich^ũ p^ũhtoro Cohamac^ũ masare s^ũho ji d^ũcarohcari? —niha tina.

Ti ã nich^ũ Jesu õ sehe ni y^ũhtiha:

—Cohamac^ũ masare p^ũhtoro to noano s^ũho ji d^ũcach^ũ masa ñ^ũ masierara. ²¹ “Cohamac^ũ masare p^ũhtoro to noano s^ũho jia õi jira”, ni masierara. “Sohõr^ũ jira”, ni masierara. Cohamac^ũ masare p^ũhtoro to noano s^ũho jia masa ti t^ũhotuap^ũ jira —niha Jesu fariseo curua macainare.

²² Æ ni tuhs^ũ Jesu to buheinare õ sehe ni yahuha:

—Baharo y^ũh^ũ mas^ũno Cohamac^ũ warocariro ahri yahpap^ũ y^ũ tjua tahtore tuaro cahmanahca m^{usa}. C^ũ dachoihta y^ũh^ũre ñ^ũ duapanahta y^ũh^ũre ñ^ũsi m^{usa}. M^{usa} y^ũh^ũre ã ñ^ũ duapach^ũta tí pjare tasi y^ũh^ũ. ²³ Paina m^ũsare õ sehe niahca: “Tirore ñ^ũga. Tiro Cristo jira. Ahrirore ñ^ũga. Ahriro Cristo jira”, niahca m^ũsare. Ti ã nipach^ũta tinare t^ũhoena tjiga.

²⁴ Oroca sitero wac^ũenoca to oroca sitero seheta y^ũh^ũ c^ũh^ũ mas^ũno Cohamac^ũ warocariro wac^ũenoca tjua taihca. ²⁵ Æ y^ũ tjua tahto pano y^ũh^ũ tuaro ñ^ũno y^ũh^ũd^ũihca. Æ jia y^ũh^ũre mip^ũ macaina cahmasi. ²⁶ Noé to jiri pja macaina ti jirore seheta y^ũh^ũ mas^ũno Cohamac^ũ warocariro y^ũ tjua tach^ũ tó seheta jiahca masa. ²⁷ Noé to jiri pjare jipihtina masa ã ch^ũrucua tiha. Æ yoa sih^ũnirucua tiha. Æ jia m^ũa numiare namo tia tiha. Noé pjiria dohoriap^ũ to samuhto pano Cohamac^ũ tinare to miohto pano tí jipihtiare masa yoarucua tiha. Tó

seheta jirohca pari turi yu tjua tachu cūhure. ²⁸ Lote to jia tiri pja macaina ti jiro sehetā yu tjua tachu jahca masa. Lote to jia tiri pjare masa chu, sihni, nuchu, dua, weserire toaa, wuhuse yoaha. ²⁹ Ti ā yoaro watoi Sodoma wama tiri macai jiro Lote to wahari dachoi mūano macaa pichaca, picha sohāa poca tāa peri cūhū corō taro seheta tina bui bora ta, tinare wajā pahñonocaa tiha. ³⁰ Yuhū masūno Cohamacu warocariro wacūenoca yu tjua tachu tina yoaro seheta yoaina jahca masa tí pjare.

³¹ Tí pjare cāiro to wahu bui macari wapapu jiro wahu puhichapu to ya jichu tīre nano sāaeno tji-jaro to waha bahrañohito sehe. Tuhsu, wesepu jiro cūhu tí pjare to wuhapu piha taero tji-jaro to waha bahrañohito sehe. ³² Lote namono to waharire wacūga mūsa. ³³ Masūno yuhure wacūno marieno to mū sūro to cahmano seheta yoaro pichacapu waharohca. Yu yare ā yoarucuriro sehe jip-ihitia dachoripe yuhū mehne mūanopu jirucurohca.

³⁴ Tí ñamine puaro cū casario bui carñinare cāiro yuhure cahmarirore naaihca. Tuhsu, yuhure cahmaerariro tói tjuarohca. ³⁵ Tí pjare puaro numia cānoi ti trigore arēa numiare cūcoro yuhure cahmaricorore naaihca. Tuhsu, yuhure cahmaeraricoro tóihita tjuarohca. ³⁶ [Ā yoa wesepu puaro dahraina

ti jichu cāirota naihca. Cāiro tói tjuarohca] —niha Jesu.

³⁷ To ā nichu to buheina sehe ō sehe ni sinituha tirore: —¿Nohopu ā waharohcari? —ni sinituha tina.

Ti ā nichu Jesu ō sehe ni yuhtiha:

—Yucaare mari ñuna, yari-ariro to pjacu cjiro jichu mari noano masinahca. (Tó seheta ahri mū sare yu yahuyurire mūsa ñuna noano masinahca ahri yahpapu yu tjua tahto mahanocā to dūhsachu cūhure) —niha Jesu.

18

Wapewahyoro to buhiri dahre dutia quitire yahuha Jesu

¹ Ā yoa Jesu tinare Cohamacure siniare yahuro ō sehe niha:

—Mūsa Cohamacure sinina, cohtaga to yuhtihtore. Yoari pja cohtapanahca cahyaena tjiga. Tirore sinina duhuena tjiga —niha Jesu.

² To ā nirire buhero taro ahri quiti mehne piti dahre yahuha tinare:

—Pa macapu ti buhiri dahre dutiriro jiha. Tiro Cohamacure ño payoeraha. Ā yoa masa cūhure ño payoeraha. ³ Wapewahyoro cūhu tópu jiha. Ticoro tiro cahapu sūroca majareno ō sehe niha: “Yuhure ñu tuhtirirore buhiri dahre dutiga mūhu. Yuhure ni dūcataga”, ni sinirucuhca ticoro tirore. ⁴ To ā nichu payu tahari tiro “Yoasi yuhū”, nimaha ticorore. To ā nipachuta ticoro payu tahari ā sinirucuro tirore caribobiaro

yoaha. To ã caribochu, tiro õ sehe niha to basi: “Yuhuh Cohamacure, masa cūhure ño payoeraja. ⁵ Yu ã ño payoerariro yu jipachuta ahricoro sehe yuhure caribobiara. Yuhure ã cariboro yuhure pomea wahachu yoarohca ticoro. To ã ni yahusārucuchu ticorore ñu tuhtiriore buhiri dahre dutiichtja”, niha buhiri dahre dutiriro —niha Jesu.

⁶ Æ nino Jesu tinare õ sehe ni yahu namoha:

—Æ niha tiro ñariro buhiri dahre dutiriro. To niri cjirire wacūga mūsa. ⁷ Tiro yuhdoro Cohamacu sehe to yainare to beseinare ñamipū cūhure, dachopū cūhure tirore sinirucuinare yuhti, yoadohorohca. ⁸ Mūsare niita nija. Cohamacure ti siniriore sehetā dōicāta tinare yoadohorohca. ¿To ã yuhtiriore to jipachuta yuhuh masano Cohamacu warocaririro ahri yahpapū tjua tacu Cohamacure wacū tuainare bocabocari yuhuh? —niha Jesu.

Pūaro Cohamacure ti sinia quitire yahuha Jesu

⁹ Æ yoa pari turi piti dahre buhero õ sehe ni yahuha Jesu: “Sã sehe noaina jija. Paina sehe ñano yoaina jira”, ni tuhotuina barore Jesu õ sehe ni yahuha:

¹⁰ —Cohamacu ya wuhurū pūaro mūa Cohamacure sinia wahaha. Cūiro fariseo curua macaririro jiha. Pairo pūtoa yare wapa na cohtaririro jiha. ¹¹ Æ yoa fariseo curua macaririro sehe wahcārucu

su, õ sehe ni yahuha Cohamacure: “Cohamacu, yuhuh paina yare mahñopea mehne nariro, ñano yoariro, paina namosānumia mehne wūana tiriore ne jieraja. Paina yoaro sehe ñariro jieraja. Ahriro wapa na cohtaririro yoaro sehe ñariro ne jieraja yuhuh. Æ jicu mūhure ‘Noana’, nija Cohamacu. ¹² Yuhuh somanaripe pūa dachore ne chūeraja, mū yare yoacu tacu. Tuhsu jipihitia dohse jiape yu wapataa cūhure mahano (diezmo) wa mūjaja yuhuh mūhure ño payocū”, niha fariseo curua macaririro Cohamacure. ¹³ Æ yoa wapa na cohtaririro sehe yoa cureropū muhri yo dūcu su, mūanopūre ñu mūoeraha. Æ ñu mūoeraro, to pēbuhui cjāroca õ, õ sehe ni siniha Cohamacure: “Cohamacu, yuhuh ñaare yoariro jija. Æ jicu mūhuh pja ñūga yuhure”, niha tiro Cohamacure. ¹⁴ Mūsare niita nija. Ahriro wapa na cohtaririro sehe Cohamacu to ñuchū buhiri marieriro to ya wuhurū tjuaa wahaha. Wiho mejeta paio fariseo curua macaririore “Mū ñaa buhirire cohāhi”, nieraha Cohamacu. “Yuhuh noaririro waro jija”, ni tuhotuririore Cohamacu būoro dahrerohca. Wiho mejeta “Yuhuh ñaare yoariro jija. Æ jicu tūre tuaro cahyaja” niriore Cohamacu wahchechū yoarohca tiro sehere —niha Jesu.

Macanacã ya cjihitire Cohamacure sini payoha Jesu
(Mt 19.13-15; Mr 10.13-16)

15 Æ yoa masa ti pohnare wihãinacãre Jesure ña payo dutia ta, to cahapũ na wihimaha. Ti ã yoachũ ñũna Jesu buheina tinacãre na wihiinare tuhtiha. 16 Ti ã tuhtichũ ñũno Jesu wihãinacãre pjiroc-aha to cahapũ. Pjiroca tuhsũ õ sehe niha tiro to buheinare: —Macanacã yũ cahapũ tajaro. “To cahai wahaena tjiga”, niena tjiga tinacãre. Tinacã Cohamacũre ti pũhtoro tũhotura. Pũhtoro Cohamacũ to sũho jiina ahri-nacã yoaro sehe tũhotuina baro dihta jira. 17 Potocã niita nija mũsare. Ahri-nacã Cohamacũ ti pũhtoro cjihtore cahmana. Ti yoaro seheta mũsa cãhũ Cohamacũ mũsa pũhtoro cjihtore cahmaerana, pũhtoro Cohamacũ to noano sũho jihtina ne jisi mũsa —niha Jesu.

Pache pũro Jesure sinitu ñũha

(Mt 19.16-30; Mr 10.17-31)

18 To ã niri baharo judio masa pũhtoa mehne macariro Jesure õ sehe ni sinitu ñũha:

—¿Ne noariro, buheriro, jipihtia dachoripe Cohamacũ mehne ji duachũ, dohse yoaih-cari yũhũ? —niha tiro.

19 To ã nichũ Jesu õ sehe ni yũhtiha:

—¿“Noariro”, ni pisujari mũhũ yũhũre? Noariro sehe Cohamacũ dihta jira. 20 Ahri Cohamacũ dutiare masina mũhũ. “Numia mehne ñano yoacẽũ tjiga. Masare wajãecũ tjiga. Yacaecũ tjiga. Mahũoa mehne pairore yahusãecũ tjiga. Mũ pũcũsumare ño

payoga”, ni dutira Cohamacũ —niha Jesu.

21 To ã nichũ tiro Jesure õ sehe ni yũhtiha:

—Tĩre jipihtiare yũ wahma wahmũa tariro jiiptã yũhdũgũcaera tihĩ yũhũ —niha tiro.

22 To ã nichũ tũhoro, Jesu tirore õ sehe ni yahuha:

—Mahanocã dũhsara mũhũre mũ yoa pahũohto. Jipihtiare mũ yare duai wahaga. Æ yoacũ jipih-tia mũ wapatari niñerure pjacũoinare waga. Mũ ã yoachũ pjiro mũ wapataa mũanopũ, Cohamacũ cahapũ jiyuahca. Mũ ã yoari baharo yũhũ mehne macariro cjihto taga —niha Jesu tirore.

23 To ã nichũ tũhoro tiro sehe payũ pache cjuariro jiro tĩre pjacũoinare wa duaeraro, tuaro cahya, waha wahaha.

24 To ã cahyachũ ñũno Jesu õ sehe ni yahuha painare:

—Pache pũa Cohamacũ masare pũhtoro to noano sũho jiropũre ti wahachũ basioera curera. 25 Camello sehe awicã copacãre to sãa nuhri wijaa duachũ basioerara. To ã jiro yũhoro pache pũro pũhtoro Cohamacũ noano to sũho jiropũre to waha duachũ nu mijobiara —niha Jesu.

26 To ã nichũ tirore tũhoina õ sehe niha:

—Cue, mũ nino seheta potocã jichũ, ne cũiro masũno Cohamacũ cahapũ waha masieraboca —niha tina Jesure.

27 Ti ã nichũ Jesu õ sehe ni yũhtiha:

—Masa ti basi ti mu suro yuhdu masierara. Wiho mejeta Cohamacu sehe masare pichacamu waha-borinare yuhdo masina. Tiro jipihtiare noano yoa masi pahñoriro jira —niha Jesu tinare.

²⁸ To ã nichu Pedro tirore õ sehe niha:

—Tuhosiniga. Sã sehe jipih-tia sã yare cūnoaa tii mahu mehne wahana —niha tiro Jesure.

²⁹ To ã nichu Jesu õ sehe niha:

—Potocã musare niita nija. Musa Cohamacu yare yoana tana musa wuhusere, musa namosãnumiare, musa bahanare, musa pucsumare, musa pohinare cūnocarina jina, pjíro wapatanahca musa mipare. ³⁰ Musa cūriro yuhdoro wapatanahca. ã jina musa yariari baharo jipih-tia dachoripe Cohamacu mehne jirucunahca musa — niha Jesu tinare.

Pari turi Jesu to yariahtore, to masa wijahtore yahuha

(Mt 20.17-19; Mr 10.32-34)

³¹ ã yoa Jesu doce to buheinare ti sahsero naaha. ã naano tinare õ sehe ni yahuha:

—Tuhoga yuhure. Mipare mari Jerusalēru wahana nija. Tóru yuhure masunore Cohamacu warocarirore Cohamacu yare yahu mahtaina cjiri panoru ti yahuriro cjiro seheta paina ã yoahca yuhure. ³² Tóru masa yuhure ñahaa, judio masa jieraina sehere waahca yuhure. Yuhure

ti wari baharo tina yuhure bujape, ñano ni, yuhure chahcho puti sihōahca. ³³ Tuhsu, yuta dari mehne tjana tuhsu wajāahca yuhure. Ti ã wajāri baharo tia dacho wahaboroi masa wijaaihca yuhu —niha Jesu tinare.

³⁴ To ã nichu to buheina to yahuare noano tuho ñahaeraha. Cohamacu tíre tinare noano tuho ñahachu yoerasiniha.

Capari ñuerarirore ñuchu yoaha Jesu

(Mt 20.29-34; Mr 10.46-52)

³⁵ ã yoa Jesu cūhu Jericó wama tiri maca cahacāru suha. Tóí capari ñuerariro maha daktu cahai duji, niñerure sinino niha. ³⁶ ã jiro masa payu to cahai ti yuhduachu tuhoro tiro sinituha tinare:

—¿Dohse yoaa payu masa yuhdujari? —ni sinituha tiro.

³⁷ —Jesu Nazare macariro waharo nina —ni yahuha paina tirore.

³⁸ Ti ã ni yahuchu tuhoro tiro õ sehe ni sañurucuha:

—Jesu, Davi cjiro panamino masare yuhdohtiro, yuhure pja ñuga —ni sañurucuha Jesure.

³⁹ To ã nichu to pano waha mahtaina sehe, “Dihta mari-ahga”, ni tuhtiha tirore. Ti ã ni tuhtipachuta tó pano to sañurucuriro yuhdo curero sañurucu namoha tjoa:

—Davi cjiro panamino masare yuhdohtiro, yuhure pja ñuga —ni sañurucuha tiro.

⁴⁰ To ã ni sañurucuhu tuhoro, Jesu sehe tjuarucu

sũ, “Pjirocaga tirore”, niha. To ã nichũ tina sehe capari ñũerarirore pji wahcãha. Ti ã pji wahcãchũ tiro Jesu cahapũ to sũchũ Jesu sehe tirore õ sehe ni sinituha:

⁴¹ —¿Dohse yũ yoachũ cahmajari mũhũ? —niha Jesu tirore.

—Yũ pũhtoro, yũhũre ñũchũ yoaga —ni yũhtiha capari ñũerariro.

⁴² —Ñũga. Yũhũre wacũ tuacu, noariro wahara mũhũ —niha Jesu tirore.

⁴³ To ã nichũta capari ñũerariro ñũa wahaha. ã noariro waharo, tiro Jesu mehne waha, “Cohamacũ tuariro jira”, niha tiro. ã jia masa payũ capari ñũerariro to ñũchũ ñũa “Cohamacũ noariro, tuariro jira”, niha tina cãhũ.

19

Zaqueo Jesure piti boca

¹ ã yoa Jesu Jericóru sũ, tí macapũ yũhdũ wahcãno taro niha. ² Pache pũro Zaqueo wama tiriro pũhtoa ya cjihtire wapa na cohtaina pũhtoro tói jiha. ³ ã jiro tiro Jesure “¿Diro baro jicari?” ni ñũ masino taro Jesure ñũ duamaha. ã to ñũ duapachũta yahparirocã to jichũ masa payũ tirocãre dũcataha. ⁴ ã jiro tiro masare mũroca yũhdũa waha, sicómoro wama tidũ yucũcũru mũjaha Jesure ñũno taro. Baharo curero tũ cahai Jesu yũhdũaro taro niha. ã jiro Zaqueo tũ cohtarõ niha. ⁵ To ã cohta

pisaro watoi Jesu sehe tũ dahpotoi sũrucã, Zaqueore ñũroca mũo, tirore õ sehe niha:

—Zaqueo mipũre mũ wũhũi tjuasinihtja yũhũ. ã jicũ cjero duji taga —niha Jesu tirore.

⁶ To ã nichũ Zaqueo sehe soaro mehne duji ta, tuaro wahchea mehne to wũhũru pji wahcãha Jesure. ⁷ To ã ni piti bocachũ ñũa, jipihtina masa ti basi õ sehe ni durucuha:

—Ahriro Jesu ñaare yoariro ya wũhũru tinino waha duara —ni durucuha jipihtina ti basi.

⁸ Zaqueo sehe piti boca tuhsũ tói ducu, Jesure õ sehe ni yahuha:

—Pũhtoro tũhoga yũhũre. Jipihtia yũ yare dacho macai pjacũoinare waihtja. ã jicũ yũhũ paireore cien niñeru tũrire mahño mariro jicũ, cuatro cientos niñeru tũrire wapa bui payoihtja tirore —niha Zaqueo Jesure.

⁹ To ã nichũ Jesu sehe õ sehe ni yahuha tirore:

—Michare mũhũre mũ wũhũi jiina cãhũre pichacapũ wahaborinare Cohamacũ yũhdo tuhsũra. Mũhũ cãhũ Abrahã cjiro coyero jira. ¹⁰ Yũhũ masũno Cohamacũ warocariro pichacapũ wahaborinare macai tai nii. Tóru wahaborinare noano yũhdoi tai nii —niha Jesu Zaqueore.

Niñeru tũri uru tũri quitire yahuha Jesu
(Mt 25.14-30)

11 Æ yoa tirore tãhoinare Jesu paye quitu mehne piti dahre yahuha. Mahanocã dahsaha Jerusalẽpũ to sũhto. Æ jia tirore tãhoina õ sehe ni tãhotuha: “Pũhtoro Cohamacũ mipũre sũho ji dũcaro taro nina”, ni tãhotuha tina. 12 Ti Æ ni tãhotuchũ Jesu õ sehe ni yahuha tinare:

—Cãiro pũhtoro sãahtiro to ya yahpa macaina bui pũhtoro jĩhtiro yoaropũ waharo taro niha. Tõpũre to sũchũ ñũno ti bui pũhtoro tirore pũhtoro sõno taro niha. Pũhtoro sãahtiro ya maca macaina bui pũhtoro sõno taro niha tirore. Baharo to ya wahũpũ tju wihiro taro niha. 13 Wahmanore to wahahto pano pũhtoro diez dahra cohtainare pjirocãha. Æ pjirocaro, tiro tinare cãinare tĩpe tũri niñeru tũri wapa bujũa tũri uru tũrire waha. Wa tuhsũ, õ sehe ni yahuha tinare: “Yũhũ yũ mariachũ ahri niñeru mehne mũsa wapata namohtire macaga”, niha tiro dahra cohtainare. 14 Pũhtoro sãahtiro to jipachũta to ya maca macainãta tirore cahmaeraha. Æ cahmaeraa, ti warocahtinare tirore pũhtoro sõhtirore yahu dutia warocãha. “Ahriro sã pũhtoro jichũ cahmaeraja sã”, niha tina ti yahu duti warocaina sehe. 15 Æ ti cahmaerapachũta baharo ti pũhtoro sãaha tiro. Æ pũhtoro sãa tuhsũro tiro to wahũpũ tju taha. Æ tju wihiro tiro dahra cohtainare

to niñeru mehne ti wapata namoare masino taro, tinare pjirocãha. 16 To pjirocari baharo, wihi mũhtariro tirore yahuha: “Pũhtoro mũ niñeru tũ, yũhũre mũ wari tũ mehne diez tũri wapata namohi yũhũ”, niha dahra cohtariro to pũhtoro. 17 “Noano yoari jire mũhũ. Mũhũ noariro dahra cohtariro jira. Mũhũ mahanocã mehne yũ dutiro sehetã yoa pahñoriro jicũ mipũ diez macari macaina ti pũhtoro cjihto wahaihca mũhũ”, niha pũhtoro dahra cohtariro. 18 To baharo wihiro tiro mehne macariro õ sehe niha: “Pũhtoro, mũ niñeru tũ, yũhũre mũ wari tũ mehne cinco tũri wapata namohi yũhũ cãhũ”, ni yahuha to pũhtoro. 19 “Cinco macari macaina pũhtoro cjihto wahaihca mũhũ”, niha pũhtoro tirore. 20 To Æ niri baharo paio dahra cohtariro wihi, õ sehe ni yahuha: “Pũhtoro, mũ niñeru tũ õi jira. Suhtiro cahsaro mehne coma, tí tũre wihbohi. 21 Mũhũ tuaro dahra dutiro jira. Paina yare mana mũhũ. Tuhsũ, tuaro dahra dutiro jicũ dahraerario jipacũta mũhũ paina ya dahrari wapare nana. Æ yoa toaerario jipaihta dichare nariro jira mũhũ. Æ jicũ mũhũre cui nihi”, niha to pũhtoro “Wapataerahi yũhũ”, ni yahuro. 22 “Mũhũ Æ nicũ ñãno yoariro jira mũhũ. Yũhũre mũ Æ niri buhiri mũhũre buhiri dahrehtja yũhũ. Yũhũ mũhũre tuaro dahra dutiro

y_u jich_u masina m_uh_u. Paina yare y_u nach_u toerariro jipai dichare nariro y_u jich_u masina m_uh_u. ²³ Y_u ã jiriro jich_u ñ_upac_uta ya tare niñeru wihbori w_uh_up_u c_uerare m_uh_u. Tíre ti wasori wapa wapata namoboa m_uh_u. ¿Dohseac_u ã yoerari m_uh_u? Tíre m_u yoach_u tju wihicu wapata namoboa y_uh_u”, niha ti p_uhtoro. ²⁴ ã ni tuhs_u tiro cahai ducuinare dutiha: “Niñeru tare maga tirore. Diez turire c_ujarirore waga”, niha p_uhtoro. ²⁵ To ã nich_u tina sehe ò sehe ni yahuha tirore: “P_uhtoro, diez t_uri c_ujariro pay_u c_uja tuhs_ura”, niha tina. ²⁶ Ti ã nich_u p_uhtoro ò sehe ni y_uhtia: “M_usare niita nija. Jipihtina c_uainare wa namoihtja. C_ujaerariro sehere mahanocã to c_ujarach_uta tíre maihtja. ²⁷ M_up_u pinihta y_uh_ure ñ_u tuhtiinare y_uh_ure ti p_uhtoro ji dutierainare y_u cahai na tahga. ã yoana y_u ñ_urocaroi wajãga tinare”, niha p_uhtoro dahra cohtainare —ni buheha Jesu.

Jerusalēp_u s_uha Jesu

(Mt 21.1-11; Mr 11.1-11; Jn 12.12-19)

²⁸ ã ni tuhs_u Jesu paina pano Jerusalēp_u wahaha. ²⁹ ã yoa tina Jerusalēp_u ti s_uhto panocã t_uc_u Olivo wama tid_u d_uht_u cahai jiri maca Betfagé wama tiri maca cahai, ã jich_u Betania wama tiri maca cahai s_u m_uhtaha. Tí macari p_ua maca cahai Jesu s_uro,

to buheina p_uarore warocaro taro, ò sehe ni yahu quihõha:

³⁰ —Sí macap_u burrocãre nana wahaga. Tóp_u s_una, burrocãre ti d_uhte daporirocãre boca s_unahca. Tiro ne c_uiro ti pisamahnoerarirocã jica. Tirocãre bocana, yuta dare pjã, na tabasaga y_uh_ure. ³¹ Tirocãre m_usa pjãch_u ñ_uno, c_uiro dohse jiriro “¿Dohse yoana tana burrocãre d_uhte dapor_u dare pjãjari m_usa?” to nich_u t_uhona ò sehe ni y_uhtiga tirore: “Mari p_uhtoro burrocãre cahmarocasinire”, ni yahuga tirore —ni yahu duti warocaha to buheina p_uarore.

³² To ã nich_u tina p_uaro sehe to nirirop_u s_uha. Ti ã s_uch_u jipihtia Jesu to niriro seheta wahaha. ³³ ã jia tina tirocãre ti pjãch_u ñ_ua tirocã p_ua tinare ò sehe ni sinituha:

—¿Dohse yoana tana burrocãre d_uhte dapor_u dare pjãjari m_usa? —ni sinituha tina.

³⁴ —Mari p_uhtoro burrocãre cahmarocasinire —ni y_uhtia tina.

³⁵ ã ni yahu tuhs_u tirocãre Jesu cahap_u na s_uha. Na s_u tuhs_u ti bui sãa suhtire tirocã bui pj_upaha payo tuhs_uch_u ñ_u, Jesu sehe tirocã bui to m_uja pjach_u yoadohoha tina. ³⁶ Jesu tirocã bui to pisach_u to wahahto pano masa ti bui sãa suhtire tjuwe na, to wahahti mahai saño c_u m_uhtaha, Jesure ño payoa. ³⁷ Tina Jerusalē cahacãp_u s_u, Olivo wama tid_u dujiari mahap_u s_uha.

Tópu Jesu to buhechu tãhoina payu jipihtia Cohamacu tuaa mehne to yoa ñorire, noaa to yoarire ti ñari cjirire wacũa, Cohamacure “Noariro, tuariro jira”, ni sañurucuha. Ñ yoa Cohamacure ño payoa, õ sehe ni sañurucuha:

38 —Ahriro Cohamacu to warocariro, mari puhtoro noano jijaro. Mhano macaina noano jijaro. Mhano macariro Cohamacu, mhũ tuariro waro jira —ni ño payoha tina.

39 Ti ã nichu tãhoa fariseo curua macaina mahainacã ti watoĩ jiina Jesure õ sehe ni yahuha:

—Buheriro, mũ buheinare dihta mariea dutiga —niha tina.

40 —Mũsare niita nija. Tina ti sañurucuerachu tãa peri sehe sañurucuboa —niha Jesu fariseo curua macainare.

41 Ñ ni tuhsu Jesu Jerusalẽ cahacãpu su, tí macare ñurocaro, tiha. 42 Õ sehe niha tiro:

—Jerusalẽ macaina mipu pinihtare mũsare pichacapu wahaborinare Cohamacu to yãhdohtore mũsa masichu noa yãhdũaboa. Ñ jipachuta mipure mũsa tíre ne tãho duaerare. Ñ jiro Cohamacu tíre mũsare masi dutierare. 43 Mũsare ñũ tuhtiina mũsa jiri macare soroahca. Ñ yoaa mũsare tina wijaaro wasi. 44 Tí pjata tina mũsa ya macare cohã pahñoahca. Mũsa cũhure wajãahca. Mũsare ñũ tuhtiina noano cohã pahñoahca mũsa ya macare. Cohamacu

pichacapu wahaborinare mũsare to yãhdohtore mũsa masi duaerare. Mũsa masi duaerari buhiri mũsare ñũ tuhtiinare Cohamacu mũsare cohã dutirohca —niha Jesu Jerusalẽ macainare.

Cohamacu wũhũpu Jesu sũha

(Mt 21.12-17; Mr 11.15-19; Jn 2.13-22)

45 Ñ yoa Jerusalẽpu sũro, Jesu Cohamacu wũhũpu sãa wahaha. Ñ yoaro pache duainare tí wũhũpu jiinare boca sũro, tinare cohã wionocaha. 46 Õ sehe niha tiro tinare:

—Õ sehe niha Cohamacu yare ti joari pũ: “Yũ wũhũ Cohamacu mehne durucuri wũhũ wama tirohca”, niha to yare ti joari pũ. To ã nipachuta mũsa sehe ahri wũhũ duana, mũsa basi cahma yacara mũsa —niha Jesu.

47 Ñ yoa dachoripe Cohamacu wũhũpu Jesu buheha. Ñ jia sacerdotea puhtoa, judio masare buheina, masa puhtoa cũhũ tirore ti wajãhti cjihtire wacũ macaha. 48 Masa jipihtina tirore ã tãhorucua, to buheare noano tãho nũnũina jiha. Ti ã noano tãho nũnũchu ñũa, Jesure wajã duaina sehe tirore ti wajãhtire bocaerasiniha.

20

Sacerdotea puhtoa, judio masare buheina, bũcũna mehne Jesure sinitu ñũha

(Mt 21.23-27; Mr 11.27-33)

1 Pa dachoi Cohamacu wũhũ Jesu masare noaa

buheare buhero niha. To ã buhech_u sacerdotea p_uhtoa, judio masare buheina, b_uc_una mehne tiro cahap_u wihia, tirore õ sehe ni sinitu ñ_uha:

²—Yahuga sãre. ¿Dohseac_u can_ure ã yoari m_uh_u? ¿Noa m_uh_ure tíre ã yoa dutiri? — niha tina Jesure.

³Ti ã nich_u Jesu õ sehe ni y_uhtiha tinare:

—M_usa sehene sinitu m_uhtaitja. Yahuga y_uh_ure.

⁴¿João masare to bautisach_u diro baro sehe tirore bautisa dutia tiari, m_usa t_uhotuch_u? ¿O Cohamac_u dutiera tiari? ¿O masa sehe dutia tiari, m_usa t_uhotuch_u? —ni sinituha Jesu tinare.

⁵To ã nich_u tina sehe ti basi õ sehe niha:

—¿Dohse ni y_uhtinahcari mari? “Cohamac_u João dutia tiri jire”, mari nich_u, “¿Dohseana Cohamac_u João dutipach_uta tirore t_uho duaerari m_usa?” niboca Jesu marine. ã jina “Cohamac_u João dutia tiri jire”, ni y_uhti masieraja mari.

⁶Ahrina masa sehe “Potocãta João Cohamac_u yare yahu m_uhtariro jira”, ni t_uhotura tina. ã ni t_uhotua “João to bautisach_u Cohamac_u tirore dutierari jire”, mari nich_u t_uhoa marine tãa mehne docaboca masa. ã jina tí c_uh_ure yahu masieraja mari —ni durucuha tina ti basi.

⁷ã ni durucu tuhs_ua tina Jesure õ sehe ni y_uhtiha:

—João dutirirore sã masieraja —niha tina.

⁸Ti ã nich_u Jesu õ sehe ni y_uhtiha:

—Tí pja pinihta y_uh_u c_uh_u m_usa sinitu m_uhtarire yahueraja m_usare. Ahrire y_u yoarire dutirirore yahueraja m_usare —niha tiro tinare.

Ñaina dahra cohtaina quitire yahuha Jesu

(Mt 21.33-44; Mr 12.1-11)

⁹ã yoa Jesu to t_uhotua mehne piti dahre õ sehe ni buhe d_ucaha masare:

—Wese p_uro se dari cjih_utire toaha. Toa tuhs_u, tí wesere painare c_u b_uh_usehe coa pahma c_uha. Pahma c_uno tí wesere t_uinare ñ_u wihbo dutiha. ã duti tuhs_u pa yahpap_u waha, yoari pja bajueraha. ¹⁰Tuhs_u, se

ñiri pja jich_u wese p_uro to cahamac_uno_{re} wesere ñ_u wihboina cahap_u warocaha. Wese macaa to toaa dichare to ya coa macaare na dutiro warocamaha. ã jia ñ_u wihboina sehe to cahamac_uno_{re} wiho piti boca cjãnocaha tirore. ã cjãno_{ca}, tina tirore dichare waerapahta tjuaa dutiha tirore. ¹¹ã jiro wese p_uro paio to cahamac_uno_{re} tí wese macaa toaa dichare na dutiro warocamaha tjoa.

ã jia wesere ñ_u wihboina tiro c_uh_ure cjã, ñano yoaha. ã yoa tuhs_u tirore tí dichare waerapahta tjuaa dutiha tjoa. ¹²Tirore ti ã yoari baharo wese p_uro paio cahamac_uno_{re} warocamaha tjoa. To ã warocach_u ñ_ua, wesere ñ_u wihboina sehe tiro c_uh_ure camí dahre, tí wese d_uht_u cahai cohãnocaha tirore.

¹³’Ti ã yoari baharo wese p_uro õ sehe ni t_uhotumaha:

“¿Dohse yoaihcarí yuhú? Õ sehe yoaihtja. Yuhú yu macure yu cahĩrĩrore warocaihtja. Tina tirore ño payoboca”, ni tũhotumaha wese pũro sehe. ¹⁴ ã jia to macũnore to warocarĩrore to sũchũ ñũa ñũ wihboina sehe ti basi õ sehe ni durucuha: “Ahrĩro wese pũro macũno jira. Baharo ahri wesere cjuahĩro jira. Tirore wajãjihna. Mari ã yoachũ ahri wese mari ya wese tjuarohca”, nimaha tina ti basi. ¹⁵ ã ni tuhsũa wese pũro macũnore wese duhtũ cahai cohã, wajãnocaha tirore. ¿Ti ã yoachũ ñũno dohse yoarohcarĩ wese pũro wesere ñũ wihboinare? —niha Jesu.

¹⁶ —Tiro wesere ñũ wihboinare wajãno taro, paina sehere wesere ñũ wihbo dutirohca —ni yũhtiha Jesu to basi.

To ã nichũ tũhoa masa sehe õ sehe niha:

—Marine ã wahaero tjijaro —niha tina.

¹⁷ Ti ã nichũ Jesu sehe tinare õ sehe ni sinituha:

—¿Cohamacũ yare ti joari pũre õ sehe ni durucua, dohse nino nijari, mũsa tũhotuchũ?: “Ahrĩro Cristo tãca yoaro se-heta jira.

Tãcare wũhũ dahreina ti cohãno sehetã masa tirore cohãahca.

Ti ã yoapachũta mipũre wũhũ dahreina wũhũre yoaa ti cũ mũhtari tãcare ti cũno sehetã Cohamacũ tirore pũhto sũhre”,

ni joaha. ¹⁸ Jipihtina tia tãca bui bora pjainare payũ dihicã peri yihsorohca tia

tãca. Tuhsũ, tia tãca masũno bui bora pjaro, tahãnocanohca tirore. ã tahãno to pjacũ cjirore daa manaricã wahachũ yoarohca. (Tó se-heta yũhũre cahmaeraina, yũ buhiri dahrehtina ñano yũhdũahca) —niha Jesu.

Pũhtoa ya wapare paina sinituha Jesure

(Mt 21.45-46; 22.15-22; Mr 12.13-17)

¹⁹ To ã nichũ tũhoa judio masare buheina sacerdotea pũhtoa cũhũ, “Jesu wesere ñũ wihboina quitĩ mehne marine tuhtiro nina”, ni tũhotuha tina. ã ni tũhotua tina Jesure ñaha duamaha. ã ñaha duapahta tina masare cui niha. ²⁰ ã cuia, Jesure ti ñahahtĩ pjare cohtasiniha tina. ã jia tina quihũno yoina yoaro sehe ji mahũno dutiha painare. To ñano ni yũhtichũ yoa duaã nimaha tirore yahusã duaã. ã jia Jesure sinitu dutia warocaha mahũoinare. Jesu ñano to ni durucuchũ tũhoa tí yahpa macaina bui pũhtoro peresu yoa dutia taa nimaha. ²¹ ã jia tina Jesure mahũno cũ õ sehe ni sinitu ñũmaha:

—Buheriro, potocã durucuriro, mahũno marieriro mũ jichũ sã masija. ã jicũ wiho jĩinare, pũhtoa cũhũre cãno potori yoara mũhũ. Mũhũ Cohamacũ yare potocã mũ buhechũ cũhũre sã masija. ²² Yahuga sãre. ¿Ne, Roma macarĩrore jipihtina bui pũhtoro gobierno macaare marine waparo cahmajari,

ma tãhotuchũ? ¿Mari dutia wapa dutijari, ma tãhotuchũ? —ni sinituha tina Jesure.

²³ Ti ã nichũ tãhoro Jesu ti ñano yoa duaare masino, tinare õ sehe ni yãhtiha:

²⁴ —Mipũre niñeru tũre na tahga. Tí tũre ñũjihna —niha.

Tí tũre ti na wihichũ ñũno õ sehe niha Jesu:

—¿Diro baro masũ wahãjari ahri tũre? ¿Diro baro wama wahãjari? —niha Jesu tinare.

—César, masa bui pũhtoro jiro ya masũ, to wama cãhũ wahãna —ni yãhtiha tina.

²⁵ Ti ã nichũ Jesu õ sehe ni yahuha:

—Tí pja pinihta masa bui pũhtoro yare tiro sehere waga. Cohamacũ yare Cohamacũ sehere waga —niha Jesu tinare.

²⁶ Æ to noano yãhtichũ, masa ti ñãrocaroi Jesure ñano ni durucuchũ yoa masieraha tina. Æ jia Jesu yãhtiare tãhoa, tina cãaa waha, dihta mariea wahaha.

Saduceo curua macaina Cohamacũ to masoare sinituha Jesure

(Mt 22.23-33; Mr 12.18-27)

²⁷ Æ yoa mahainacã saduceo curua macaina Jesu cahapũ wihaha. “Cohamacũ yariainare masosi”, ni tãhotuina jia saduceo curua macaina. Æ jia tina õ sehe niha tirore:

²⁸ —Buheriro, õ sehe ni buhea tiha Moise cjiro: “Cãiro to wahmino namo tãro pohna mariaparota to yariachũ ñũno to bahũrore to wahmino namono cjirore

ñũoano cahmana. Æ yoaro to wahmino mũnano to pohna tiboro seheta pohna tiro cahmana to bahũrore. Æ jia to pohna to wahmino mũnano pohna yoaro sehe jiahca”, ni joaa tiha Moise cjiro —niha tina.

²⁹ Tĩre ni tuhsũ ahri quitire yahu namoha tjoa Jesure:

—Cãiro masũno jia. Seis to bahana jia. Ti wahmino sehe namo ti, pohna marieriro yariaa wahaha.

³⁰ Æ jiro paio to bahũro cãhũ to wahmino namono cjirore ñũoaha. To ã ñũoari baharo to wahmino yoaro seheta pohna mariaparota tiro cãhũ yariaa wahaha.

³¹ Æ jiro ahriro bahũro cãhũ to wahmino mũnano yoaro seheta pohna mariaparota yariaa waha. Æ dihta wahaha cãiro pohna waro.

Ne pohna mariapahta yaria pihtia wahaha. ³² Ti namono cjiro cãhũ ti baharota yariaa wahaha. ³³ ¿Ne Cohamacũ jipihtinare yariaina cjirore to masochũ diro namono sehe jibocari ticoro pototi?

Tina jipihtina ticorore namo tirina cjiri jia. ¿Æ jiro diro baro namono jirohcari? —ni sinituha tina.

³⁴ Ti ã nichũ Jesu õ sehe ni yãhtiha:

—Mipũ macaina womaca dũhtera. ³⁵ Ti ã dũhtepachũta paina sehe pa turu macaina sehe ã jieraa. Paina mũare, numia cãhũre to yainare Cohamacũ ñaa marieina jichũ yoarohca. Tina ti yariari baharo masa

majaahca. ã yoa tina tópu wamomaca duhterara. ³⁶ ã jia tina anjoa yoaro seheta ne yariasi. Tina Cohamacu to masorina jia, Cohamacu pohna jira. ³⁷ Mipure yariarina cjiri ti masa wijaahto sehere musare yahuihtja. Tíre Moise cjiro noano yahu pahñoa tiha. To mahaducã jãri quitire õ sehe ni yahua tiha tiro: “ ‘Yuhã Abrahã, Isaa, Jacobo ti puhtoro tjija’, ni yahure Cohamacu yuhure”, ni joaa tiha Moise cjiro. ³⁸ Ti yariari baharo “Ti puhtoro tjija”, ni yahua tiha Cohamacu. ã niparota yariarina cjiri puhtoro jierara Cohamacu. “Ti puhtoro tjija”, to nia mehne catiina ti jichu masija mari. Tiro catiina puhtoro jira. Jipihtina masa catira Cohamacu to ñuchu — niha Jesu tinare.

³⁹⁻⁴⁰ To ã nichu tina sehe pari turi Jesure sinitu duaeraha. ã jia mahainacã judio masare buheina õ sehe niha: —Buheriro, mahu noano yuhtihre —niha tina Jesure.

¿Diro baro coyeyiro jijari Cristo?

(Mt 22.41-46; Mr 12.35-37)

⁴¹ Baharo Jesu õ sehe ni yahua tinare:

—“Cristo Davi cjiro panamino jirohca”, ni buhera paina. ¿Dohse yoa tina ã ni buhejari? ⁴² Davi cjiro to basi Salmopu to joari tjupu õ sehe ni joaa tiha:

“Cohamacu yu puhtorore õ sehe nire: ‘Õi yu potu buhusehei dujiga.

⁴³ ã jicu mahure ñu tuhtiinare mahure yuhdurucabasaihca yuhu’, nire Cohamacu yu puhtorore”,

ni joaa tiha Davi cjiro. ⁴⁴ ã ni joaro Davi cjiro puhtoro tiha Cristore. Davi cjiro Cristo ñuchuno cjiro jiparota Cristore puhtoro tiha. ¿Davi cjiro Cristo ñuchuno cjiro jiparota dohse jiro baro tiro puhtoro tiari Cristore? —ni yahua Jesu. (Cristo sehe Davi cjiro puhtoro jira.)

Judio masare buheina ti ñaa yoaare yahua Jesu

(Mt 23.1-36; Mr 12.38-40; Lc 11.37-54)

⁴⁵ Masa payu Jesure ti tuhoro watoi Jesu sehe to buheinare õ sehe ni yahua:

⁴⁶ —Mari judio masare buheina ti ñaa yoaare ñana noano wacũ masiga. ã jina ti yoaro sehe yoarena tjiga. Tina yoa suhti sãa, masa ti ñurocaroi majarea, pache duaropu paina puhtoare noano ño payo ti sinino sehe ti piti bocasinichu cahmana tina. ã cahmaina jia, tina mari judio masa buhea wuhusei noaa dujia dihtare bese duji duara. Tuhsu, bese numu jichu tó cãhure noaa dujia dihtare cahmana.

⁴⁷ Tina wapewahya numia ya wuhusere ti ya cãhure mana tí numiare. ã yoaina jia, tina masa ti ñurocaroi yoari pja Cohamacure sinimana masare ñu dutia. Ti ã yoachu tinare Cohamacu pjiro buhiri

dahrerohca —niha Jesu tinare.

21

Wapewahyoro Cohamacu wuhai to warire yahuha Jesu (Mr 12.41-44)

¹ Ā ni yahu tuhsu niñeru wihbori caroi pache pua ti niñerure ti duhu sãachu ñu dujiro niha Jesu. Tí niñeru Cohamacu wuhare ti cahnochu ti wapahti jiha. ² Ā ñano wapewahyoro pjacoricoro to pua tucãre to duhu sãachu cãhure ñuha. ³ Tíre ñu tuhsu õ sehe ni yahuha:

—Potocã niita nija musare. Ahricoro wapewahyoro pjacoricoro sehe niñeru wihbori caropu duhu sãano paina jipihtina ti wari yuhdoro wahre ticoro sehe. ⁴ Paina pache pua pjíro ti wapachuta ti ya pjíro dũsara. Ahricoro sehe pjacoricoro jiparota jipihtia to chũhtire to nuchũboacãre wa pahñohre —ni yahuha Jesu.

“Cohamacu wuhu cohãri wuhu jirohca”, niha Jesu (Mt 24.1-2; Mr 13.1-2)

⁵ Ā yoa paina Cohamacu wuhare õ sehe ni ñua niha:

—Noaa tãa mehne yoari wuhu, noacari wuhu jijari. Masa Cohamacu ya wuhu cjihtire ti wari cjiri cãhu tí wuhupure noaca cũri jira —ni durucua niha.

Ti ã nichu Jesu õ sehe ni yahuha tinare:

⁶ —Ahri jipihtia mari ñuri cjiri wuhuse, ahri tãa cãhu cohõ pihtia wahaahca. Ne

cũria tãca tjuasi —niha Jesu tinare.

Pihtiri dacho cjihtore yahuha Jesu

(Mt 24.3-28; Mr 13.3-23)

⁷ To ã nichu tuhoa tina sehe õ sehe ni sinituha tirore:

—Buheriro, ¿dohse jichu mu niriro sehe waharo ã waharohcari? ¿Pihtiri dacho panocã jichu dohse to waha dũcachu ñunahcari sã? —ni sinituha tina Jesure.

⁸ Jesu õ sehe ni yuhtihina tinare:

—Noano yoaga musa. Ā jina musare paina ti mahñoare tuhoena tjiga. Payu masa “Cristo jija yuhu”, niina taahca. Ā nia, “Mipure pihtiri dacho cjihto mahnocã dũsara”, niahca. Ti ã nichu tinare tuhoena tjiga. ⁹ Ā yoa paina “Cahma wajãa nina”, musare niahca. “Mipure puhtoare masa cohãa nina”, niahca. Musa tíre tuhona cuiena tjiga. Pihtiri dacho pano õ sehe waha muhtanohca. To ã wahachu pihtiri dacho cjihto dũhsasininohca mini —niha Jesu.

¹⁰ Ā ni tuhsu õ sehe ni yahu namoha:

—Cũ yahpa macaina pa yahpa macaina mehne cahma wajãahca. ¹¹ Tuhsu, tuaro yahpa ñuhmi, masa payu juca mehne yaria, jipihtiro macaina dohatiahca. Ā yoa musano macaa bajuamehneare masa ñua, ñu cuaa wahaahca.

¹² Ahri jipihtia ti ã wahahto pano, paina musare ñaha, ñano yoahca. Tuhsu, mari

judio masa buhea wuhusei tina musare yahusã, peresu yoaaahca musare. Ti ã yoachũ yahpari macaina pũtoa panoi, macari macaina pũtoa panoi ducunahca mũasa ti yahusãhtina. Yũ yaina mũasa jiri buhiri ã yoaaahca. ¹³ Ti ã yahusãchũ mũasa sehe noaa buheare tinare yahunahca. ¹⁴ Tí pjare musare ti yahusãchũ pũhtorore mũasa yũhtihtore “Yahu masieraboca”, ni tũhotuena tjiga mũasa. ¹⁵ Yũhũ musare yahubasaitja. Musare ã yoadohocũ tũho masiare, noaa durucua cãhũre musare yahuchũ yoaitja. Mũasa ã yoachũ musare ñũ tuhtiina sehe mũasa durucua tũho, “Tí potocã jierara”, ni yũhti masisi. ¹⁶ Tí pjare mũasa pũcũsũma, mũasa bahana, mũasa coyea, mũasa mehne macaina cãhũ musare ñũ tuhtiinare waahca musare yũ yaina mũasa jiri buhiri. Ti ã yoachũ musare ñũ tuhtiina mũasa mehne macainare painare wajãahca. ¹⁷ Æ yoa yũ yaina mũasa jichũ ñũna, jipihitina musare ñũ tuhtiahca. ¹⁸ Musare ã ñũ tuhtipahta ne mahanocã musare ñano yoasi. ¹⁹ Æ jina Cohamacũre wacũ tuaina jiga mũasa. Mũasa ã yoana, Cohamacũ mehne ã jirucunahca.

²⁰ Æ yoa payũ surara Jerusalẽpũ ti soroachũ ñũna, Jerusalẽne ti cohãhto to mahanocã dũhsachũ masinahca mũasa. ²¹ Ti ã yoachũ ñũna Judea yahpai jiina tãyucũ cahapũ mũroca duhtijaro.

Æ yoa Jerusalẽi jiina waha-jaro. Æ yoa campoi jiina Jerusalẽpũ wahaea tjijaro ti waha bahrañohto sehe. ²² Tí dachorihi buhiri dahrea dachorihi jipihtia Cohamacũ yare ti joari pũ to niriro cjiro seheta ã waharohca. ²³ Jipihtiropũ ahri yahpai ñano yũhdũahca. To ã wahachũ, niji wahcõa numia, ti pohnare pũina numia cãhũ pjacũoro wahaahca. ²⁴ Paina ahri maca Jerusalẽ macaina mehne cahma wajãahca. Æ cahma wajãa, paina ahri maca macainare jipihtia yahparipũ na wahcã, peresu yoaaahca. Æ jia judio masa jieraina Jerusalẽne ñano yoa, tinare yũhdũrũcaahca. Judio masa jieraina ya dacho to pihitchapũ Jerusalẽ macainare ñano yoa duhuahca —ni yahuha Jesu.

Jesu yahpapũ to tjua tah-tore yahuha

(Mt 24.29-35, 42-44; Mr 13.24-37)

²⁵ Æ ni yahu tũhsũ, tinare õ sehe ni yahu namoha:

—Tí pjare sũ dacho macariro, ñami macariro, ñahpichoha cãhũ cohto-taahca. Jipihtina ahri yahpa macaina “Cue, yarianahca”, ni tũhotuina pjiri ma macaa pahcõri cuaro choro ti bisiro coa tachũ tũhoa tuaro cuiahca. ²⁶ Tí pjare mũano macaa yahpari, ñahpichoha cãhũ tuaro ñũhmiahca. Ti ã wahachũ ñũna, masa sehe ahri yahpa to pihitihtore cohtaa, tuaro cuiahca. ²⁷ Tí pjata yũhũ masũno Cohamacũ

warocariro Cohamacu tuaa mehne to si sitea mehne yu tachu ñuahca masa. ²⁸ Ahri ti ã waha ducachu ñuna, wacũ tuaina jiga. ã jina muanoru ñuga. Tí pjare Cohamacu musare pichacapu wahaborinare to yuhdohto mahanocã dũsarohca — niha Jesu.

²⁹ ã ni tuhsu ahri quti mehne piti dahre buheha Jesu:

—Higueracure, paye yucu cãhure tuhutuga musa. ³⁰ Tí yucuri pũri tichu ñuna, cãhma cjihto to mahanocã dũsachu masina musa. ³¹ Tó seheta ahri jipihtia yu niri cjiire ti ã wahachu ñuna, Cohamacu masare puhtoro to noano sũho jihti pja mahanocã dũsachu masinahca musa.

³² Musare potocã niita nija. Tí pja macaina ti yariahto pano jipihtia yu niriro seheta ã waharohca. ³³ Mũano, ahri yahpa cãhu pihtia wahaahca. Yu durucua sehe ne cohtotasi. Jipihtia yu niriro seheta ã waha sohtori tiarohca.

³⁴ Yu tjua tahti dachore ne masierara musa. ã jina noano yoaga. Bose numurine bujua yoarucuena tjiga. ã jina cahaena tjiga. Ahri yahpa macaare pjiro tuhutuena tjiga. Musa yu niriro seheta yoana, wacũenoca ahri yahpau yu tachu musa ne cãasi.

³⁵ Wahiquirore yurida wahiquirore wacũenoca to tũã suhoro seheta wacũenoca taihca yuhũ. Jipihtina ahri yahpa macaina ti masieraro watoi tí dachoi wacũenoca

ã waharohca. ³⁶ Noano wacũ masi cohtaga. ã jina Cohamacure ahrire ã sinirucuga: “Ahri pihtiri dachore ã wahachu yuhure yoadohoga. Tuaare waga yuhure ahrire noano yu yuhduhti cjihtire. Tuhsu, Cristore mu warocarirore cuiro marieno yuhure piti bocachu yoaga”, ni siniga Cohamacure —niha Jesu.

³⁷ ã yoa tí dachorire Cohamacu wãhu Jesu buhea tiha. Ñaminipe buhe tuhsuro Olivo wama tidu tãcãpu waha, tãpu ji bohrea tiha. ³⁸ Bohrea taharipe jipihtina masa Cohamacu wãhuru tiore tãhoa waha tiha.

22

Sacerdotea puhtoã, judio masare buheina mehne wajã duaha Jesure

(Mt 26.1-5, 14-16; Mr 14.1-2, 10-11; Jn 11.45-53)

¹ ã yoa tí pjare bucaerari pãore ti chuhti bõse numuri mahanocã dũsaha. Tí bõse numuri pascua wama tiha.

² ã jia sacerdotea puhtoã, judio masare buheina mehne Jesure wajã duaa, ti wajãhtore wacũ macaha. Jesure wajã duapahta, masa sehẽre cuiha, “Suari”, nia.

³ ã yoa watĩno Juda Iscariotere ñano to yoa dutichu Juda sehe yuhtiha tiore. Juda doce buheina mehne macariro jimaha.

⁴ ã yoa tiro sacerdotea puhtoãre, Cohamacu wãhu macaina surara puhtoã mehne cãhure sũhũduro

wahaha. Ti cahapu su, tinare Jesure to ñohtore suhduha tina mehne. ⁵ To ã nichu tuhoa, tina wahche, “Muhure niñerure wapanahaja”, niha tina Judare. ⁶ Ti ã nichu Juda “Jai, tirore musare ñoihtja”, ni masa ti ñneraro watoi Jesure ñu tuhtiinare to ñohti ñamine cohtasiniha.

Jesu buheina mehne to chu batoari numu jiha

(Mt 26.17-29; Mr 14.12-25; Jn 13.21-30; 1Co 11.23-26)

⁷ Buaerari pão bose numuri ti ji ducari dacho jiha. ã jiro pascua macaina cijhtire ovejare ti chuhtinare ti wajãhti numu jiha. ⁸ Tí pjata Pedrore, João cãhure Jesu õ sehe ni yahuha:

—Bose numu mari chuhtire cahnoyuna wahaga —niha Jesu tinare.

⁹ —¿Mari pascua macaa chuhtire noho baroi cahnoyu dutirocaijari muhu sare? —ni sinituha tina tirore.

¹⁰ Ti ã nichu Jesu õ sehe ni yuhtiha:

—Jerusalẽpu musa suchu co situ wariiro musare piti bocarohca. To piti bocachu tiro mehne wahaga. ¹¹ ã wahana tiro to suho sãari wuhuru suna tí wuhu purore õ sehe ni yahuga. “¿Dí tahtiai yuhu yu buheina mehne pascua macaa chure chunahcari?” ni sinitu dutirochare buheriro”, niga tí wuhu purore. ¹² Musa ã nichu tuhoro, tópu mmano macari tahtiare pjiri tahtiare, noano ti cahnoyuri tahtiapure musare ñonohca

wuhu puro. Tói mari chuhti cijhtire dahrega musa —niha Jesu tinare.

¹³ To ã nichu tina tí macapu wahaha. Tópu ti suchu tinare to niriro seheta wahaha. ã jia tina pascua macaa chure dahreha.

¹⁴ Ti churi pja jichu Jesu doce to buheina mehne chu dujiha. ¹⁵⁻¹⁶ Tópu ti churupu dujiro Jesu tinare õ sehe ni yahuha:

—Musare niita nija. Ahri pascua bose numurine mari dahreja Cohamacu to yainare to yuhdohtore wacuna. Baharo Cohamacu masare puhtoro to noano suho jiropu to yainare yuhdo tuhsurohca. To ã yuhdohto pano ahri numuri baro macaare pari turi chureraja yuhu. ã jicu mipure ñano yuhdu, yu yari-ahto pano ahri pascua macaa chure musa mehne tuaro chu duaa tihí —niha Jesu.

¹⁷⁻¹⁸ ã ninota Jesu sihniri wahware na, Cohamacure “Noana”, ni sini, tinare õ sehe ni yahuha:

—Musare niita nija. Cohamacu jipihtina bui puhtoro to noano suho jihto pano ahri vinore ne pari turi sihnisi yuhu. ã jina ahri vinore na, musa basi witi, sihniga —niha Jesu.

¹⁹ ã ni tuhsu pão curire na, Cohamacure “Noana”, niha. ã ninota, tí curire nuha, witiha tinare. Tí curire witirota, tinare õ sehe ni yahuha:

—Ahri yu pjacu jira. Yu pjacu yuhure ñu tuhtiinare ti

wari pjacu jirohca. MUSA ñaa yoari buhirire cohãcu tacu yariaihca yuhũ. Ñ jina yuhũre mUSA wacũhti cjihtire ahrire chuga —niha Jesu.

²⁰ Ñ chu tuhsu tó seheta tiro tinare sihniri wahwa cãhũre waha. Ñ waro, tinare õ sehe ni yahuha:

—MUSA ñaa buhirire cohãcu tacu yariaihca. Ñ yoacu yũ dire cohãihca. Cohamacu “MUSARE yũhdoihtja”, to niriro mu sũchu ã yũ yariaro mehne to niriro sohtori tirohca.

²¹ Mipũre tuhoga mUSA. Yuhũre ñũ tuhtiinare yuhũre ñohtiro mipũre yuhũ mehne õi dujira. ²² Cohamacu to dutiriro seheta yuhũ masũno Cohamacu warocariro yariaihca. To ã yaria dutipachuta yuhũre ñũ tuhtiinare ñoriro pinihta ñabiaro yũhdũrohca —niha Jesu tinare.

²³ To ã nichũ tina sehe ti basi õ sehe ni sinituha:

—¿Jesure ñũ tuhtiinare ñohtiro mari mehne macariro diro baro jicari na? —ni durucuha tina ti basi.

“¿Mari mehne macariro diro sehe jicari na pũhtoro?” ni durucuha Jesu buheina ti basi

²⁴ Baharo Jesu buheina õ sehe ni durucuha:

—¿Mari mehne macariro diro sehe jicari na pũhtoro? —ni durucuha ti basi.

²⁵ Ti ã ni durucuchũ tuhoro Jesu tinare õ sehe ni yahuha:

—Cohamacũre cahmaeraina pũthoa sehe ti masare dutia, purĩno mehne dutira. Ñ jia pũthoare “Tina

masare yoadohoina jira”, nimana paina masa tinare. ²⁶ MUSA sehe tó sehe yoasi mUSA basi. MUSA mehne macariro mUSA wahmi sehere to baharo yoaro sehe jiro cahmana. MUSA mehne macariro pũhtoro ji duaro cahamacũno yoaro sehe jiro cahmana tirore. ²⁷ ¿Diro jijari pũhtoro? ¿Chu dujiriro sehe pũhtoro jijari? ¿O chũare duhu payoriro sehe pũhtoro jijari? Chu dujirirota jica pũhtoro. To ã jipachuta yuhũ sehe cahamacũno yoaro seheta musare yoadohoi tai.

²⁸ Masa yuhũre ti ñano yoa-pachuta mUSA sehe yuhũre duhuerare. ²⁹ Ñ jicu yũ Pũcu yuhũre to pũhtoro sũriro seheta mUSA cãhũre pũthoa sõihtja yuhũ. ³⁰ Yuhũ pũhtoro yũ jichũ yũ chũri mesai mUSA cãhũ chu, sihninahca. Ñ yoana mUSA pũthoa dujiare dujinahca. MUSA tói dujina Israe masare doce curuari macainare besenahca mUSA ñaina, noainare —niha Jesu to buheinare.

Pedro Jesure to cohãhtore yahuha Jesu

(Mt 26.31-35; Mr 14.27-31; Jn 13.36-38)

³¹ Ñ ni tuhsu Pedrore Jesu õ sehe ni yahuha:

—Simo Pedro yuhũre tuhoga. MUSARE jipihtinare yuhũre cohãchu yoa duara watĩno. Trigo wese pũro to trigore to wã site cohãriro seheta musare jipihtinare watĩno ñano yoa duara “Ñaare yoajaro”, nino. Ñ yoa duaro, Cohamacũre sinihre. ³² To

ã sinichu ñucu yuhu sehe Cohamacure sini payohi mähure. Yuhure mu wacũ tua duhuerahiti cjihtire sini payohi mähure. Æ jicu mähü yuhu mehne macariro pari turi jicu mu coyeare yu yainare yoadohoga mähü — niha Jesu Pedrore.

³³To Æ nichu Pedro õ sehe ni yuhtiha:

—Puhtoro, yuhure ti peresu yoapachuta, yuhure ti wajã duapachuta mähü mehne macariro jiihtja —nimaha Pedro.

³⁴Jesu õ sehe ni yuhtiha:

—Pedro mähure niita nija. Micha ñami caraca to duhto pano “Jesure masieraja”, ni-ihca mähü painare. Tia taha Æ niihca mähü —niha Jesu Pedrore.

Jesure ti ñano yoa dũcahto mahanocã dũhsaha

³⁵Æ ni tuhsu Jesu to buheinare õ sehe ni yahuha:

—¿Sohõ jiri pja m̄sa niñeru wajuru marieina, pjiri wajuru marieina, dahpo suhti marieina m̄sare yu waro-cachu paye baro dũhsari m̄sare? —ni sinitu ñaha Jesu.

—Ne sãre yaba dũhsaerare —ni yuhtiha tina.

³⁶—Tí pjare m̄sare dũhsaerapachuta mipu sehere niñeru wajurure cjuana tíre naga. Pjiri wajurure cjuana cũhu naga. Æ jina m̄sare ñosari pjĩ mariachu m̄sa suhtire duana tí pjĩne nuchuga. ³⁷Ahrire m̄sare nii nija. Cohamacu yare ti joari pũ ti niriro seheta

yuhure Æ waharo cahmana. Õ sehe niha tí pũi: “ ‘Tiro dutiare yuhdũrcaina mehne macariro jira’, niahca masa”, ni joaa tiha —niha Jesu.

³⁸—Ñuga puhtoro. Pua pjĩ ñosaa pjĩnine cjuaja sã —niha to buheina.

—Tó puro tjica —ni yuhtiha Jesu.

Getsemaní wama tiropu Jesu Cohamacure siniha

(Mt 26.36-46; Mr 14.32-42)

³⁹Æ yoa Jesu to Æ yoarucuriro seheta Olivo wama tidu tũcupu wahaha. To Æ wahachu to buheina tiro mehne wahaha. ⁴⁰Tópu sũro tiro tinare õ sehe ni yahuha:

—Cohamacure siniga ñano m̄sa yoaerahto sehe —niha Jesu tinare.

⁴¹Æ ni tuhsu tiro to sahsero mahanocã waha namo, na tuhcuca caha su, ⁴²Cohamacure õ sehe ni siniha:

—Mai, yu ñano yuhdũhtire yoa duaeracu yoai tjia. Yu Æ nipachuta yu cahmaa sehere yoai tjia. Mähü sehe masina. Mu cahmano seheta yoaga yuhure —ni siniha Jesu Cohamacure.

⁴³[To Æ sinichu m̄sanopu duji tariro anjo Jesure bajua, yoadohoha tirore. ⁴⁴Tuhsu, Jesu ñano yajeripohna ti, tuaro mehne Cohamacure siniha. Æ jia to so witia di yahpari yoaro sehe jia tirore wijaa, yahpau bora caha suha.]

⁴⁵Cohamacure sini batoa wahcãrcu su, tiro to buheina caharu wihiha. Æ to wihihu to buheina tuaro cahyaina

jia, carña niha. ⁴⁶ Ñ jiro Jesu tinare õ sehe ni yahuha:

—¿Dohseana carña nijari m̄sa? Wahc̄aga. Cohamac̄ure siniga ñano m̄sa yoerahto sehe —niha Jesu tinare.

Jesure ñ̄ tuhtiina tirore peresu yoaha

(Mt 26.47-56; Mr 14.43-50; Jn 18.2-11)

⁴⁷ To ã ni durucuro watoi masa paȳ wihaha. Juda doce buheina mehne macariro cjiro masare m̄ tã tariro jiha.

Ñ jiro tiro Jesu cahai wihi, wahsupu wihmiha tirore.

⁴⁸ To ã wihmich̄ Jesu tirore õ sehe ni sinituha:

—Judá, ¿yuh̄ mas̄nore Cohamac̄ warocarirore yuh̄re ñ̄ tuhtiinare ñoc̄ yuh̄re wahsupu wihmijari m̄h̄? —niha Jesu.

⁴⁹ To ã niri baharo Jesu buheina masa Jesure ti ñahahtire masia, tirore sinituha:

—P̄htoro, ¿sã ñosaa pj̄ni mehne tina mehne cahmachema? —niha tina.

⁵⁰ Ti ã niri baharo cãiro Jesu buheina mehne macariro sehe sacerdotea bui p̄htoro cahamac̄nore to ñosari pj̄ mehne to cahmonore poto b̄h̄sehei jiri cahmonore c̄jã pahr̄nocaha.

⁵¹ To ã yoach̄ ñ̄no Jesu tirore õ sehe niha:

—Ñ yoai tjiga —niha.

Ni, cahamac̄no cahmono jiro cjiroi ña payoha. To ã ña payoch̄ta cahmono m̄n̄ano sehta jiha tjoa. ⁵² Ñ yoa tuhs̄ sacerdotea p̄htoare, Cohamac̄ w̄h̄ macaina

surara p̄htoare, b̄c̄na c̄h̄re tirore ñaha tainare Jesu õ sehe ni sinituha:

—¿Dohse jiro baro m̄sa ñosaa pj̄ni, yuc̄ tiri mehne yacarirore ti yoariro sehta m̄sa yuh̄re ñahana tajari? ⁵³ Dachoripe Cohamac̄ w̄h̄p̄ m̄sa mehne ȳ jich̄, m̄sa yuh̄re ne ñahaerare. Ñ jipach̄ta mip̄re m̄sa ya dacho yuh̄re m̄sa ñano yohti dacho jira. Mip̄ wat̄no to ñano yohti dacho c̄h̄ jira —niha Jesu.

“Tirore masieraja”, niha Pedro Jesure

(Mt 26.57-58, 69-75; Mr 14.53-54, 66-72; Jn 18.12-18, 25-27)

⁵⁴ Tina Jesure ñaha tuhs̄ sacerdotea bui p̄htoro ya w̄h̄p̄ naaha tina tirore. Ti t̄p̄ naach̄ Pedro yoarop̄ tinare ñ̄ n̄n̄ tiha. ⁵⁵ P̄htoro w̄h̄p̄ s̄, t̄i w̄h̄ cahai jiri wap̄i, noari wapa dacho macai pichaca wij̄ha paina. Ti ã wij̄ch̄ ñ̄no Pedro pichaca cahai dujiina mehne dujiha.

⁵⁶ To ã dujiri baharo c̄coro cahamacono tirore noano ñ̄, painare õ sehe ni yahuha:

—Ahr̄iro c̄h̄ tiro mehne jihre —niha ticoro.

⁵⁷ To ã nich̄ t̄horo Pedro õ sehe ni yuh̄tiha:

—Numino, tirore ne masieraja yuh̄ —nimaha tiro.

⁵⁸ Ticoro to ã niri baharoc̄ta paio Pedrorre ñ̄, õ sehe niha tjoa:

—M̄h̄ c̄h̄ tina mehne macariro tjira —niha tiro.

—Ne jieraja —nimaha Pedro.

⁵⁹ Cã hora baharo pairo painare õ sehe ni yahuha:

—Potocã tjira. Ahriro Galilea macariro jira. ã jiro potocãta Jesu mehne jihre ahriro cãhũ —ni yahuha tiro painare.

⁶⁰ To ã nichũ Pedro õ sehe ni yãhtiha:

—Ne, mũ niriore masieraja yũhũ —ni yãhtiha Pedro.

To ã ni durucuro watoi caraca duha. ⁶¹ To ã duchũta Jesu wũhũ cahai jiriro Pedre majare ñrocaha. To ã yoachũ Pedro sehe Jesu to yahurire wacũha. “Micha ñami caraca to duhto pano, ‘Yũhũ Jesure masieraja’, ñihca mũhũ. Tia taha ã ñihca mũhũ”, Jesu to niri cjiire wacũha Pedro. ⁶² ã wacũno Pedro tóphũ jiriro wijaa ta, tuaro tiirucuha.

Jesure bũjũpe, cjãha tina
(Mt 26.67-68; Mr 14.65)

⁶³ ã jia Jesure cohtaina surara tirore bũjũpe, cjã mũjaha. ⁶⁴ ã cjã mũja, to caparire dũhte dũcata, tirore õ sehe ni sinituha:

—¿Diro mũhũre cjãjari? Ñerapaihta yahuga sãre —ni sinitu, bũjũpeha tina.

⁶⁵ ã jia payũ ñano ni durucuha tina tirore.

Jesure pũhtoa sinituha
(Mt 26.59-66; Mr 14.55-64; Jn 18.19-24)

⁶⁶ Bohrearoí judio masa bũcũna, sacerdotea pũhtoa, judio masare buheina cãhũ

cahmachuha. Ti ã cahmachunoi paina tina cahapũ Jesure na taha.

⁶⁷ —Yahuga sãre. ¿Cristota jijari mũhũ? —ni sinituha tina Jesure.

Ti ã nichũ Jesu õ sehe ni yãhtiha:

—Mũsare yũ yahuchũ, yũhũre tũhosi mũsa.

⁶⁸ Mũsare yũ sinituchũ yũhũre yũhtisi mũsa. ⁶⁹ Mũsa yũhtierapachũta baharo curero jipihtia dachoripe yũhũ masũno Cohamacũ warocariro Cohamacũ tua yũhdũariro to poto bũhũsehei dujihtja —niha Jesu.

⁷⁰ To ã nichũ tina jipihtina sinituha tjoa pari turi:

—¿ã nicũ Cohamacũ macũnota jijari mũhũ? —niha tina.

—Tirota jija mũsa nino seheta —ni yãhtiha Jesu tinare.

⁷¹ To ã nichũ tũhoa, tina õ sehe ni durucuha ti basi:

—Ahriro Cohamacũre pjiro to ñano durucuchũ mari basi tũhohi. ã yoa ahrirore yahusãina tópeina tjijaro. (Tópeina mehne tirore mari wajã duti masija) —niha tina ti basi.

23

Pilato Jesure sinituha

(Mt 27.1-2, 11-14; Mr 15.1-5; Jn 18.28-38)

¹ ã ni tuhsũ tina jipihtina wahcãrũca, Jesure Pilato cahapũ naaha. ² To cahapũ na sũa, Jesure yahusã dũcaha:

—Ahriro mari ya yahpa macainare to ñano yoa dutichũ sã tũhohi. Mari

bui p̄h̄torore ahr̄iro wapa dutierara. Tuhs̄u, tiro “P̄h̄toro jija. Cristo masare ȳh̄dohtiro jija ȳh̄u”, ni durucure to basi —ni yahus̄aha tina Jesure.

³Ti ā ni yahus̄ari baharo Pilato Jesure ō sehe ni sinituha:

—¿Judio masa p̄h̄torota jijiari m̄h̄u? —niha tiro Jesure.

—M̄u nino sehetā tiro tjija —ni ȳh̄tiha Jesu.

⁴To ā nich̄u Pilato sacerdotēa p̄h̄toare, masa c̄h̄ure ō sehe ni yahuha:

—Ahr̄iro yaba buhiri mariahna —niha tiro.

⁵To ā nipach̄ta tina tuaro yahus̄a namoha:

—Tiro to buhea mehne masare cahmachech̄u yoara. Galilea yahpai tiro t̄ire yoa d̄ucare. Ā yoa d̄uca tuhs̄u jipihtiro Judea yahpap̄u t̄ire tiro yoare. Mip̄u ōp̄u c̄h̄ure t̄ire yoaro taro nina —ni yahus̄aha tina.

Herode Jesure sinituha

⁶Ti ā ni yahus̄ach̄u t̄uhoro Pilato sehe ō sehe ni sinituha:

—¿Ahr̄iro Galilea macariro jijiari? —niha tiro.

⁷—Tó macariro tjira —ni ȳh̄tiha paina.

Ti ā ni ȳh̄tich̄u t̄uhoro Pilato sehe Jesu to jiri yahpare masino p̄h̄toro Herode ya yahpa macariro Jesu to jich̄u masiha. T̄ire masino Jesure Herode cahai warocaha. Tí pjare Herode Jerusal̄ei jia tiha. ⁸Tó panop̄u Herode Jesure t̄uhōa tiha. To ā t̄uhori baharo yoari pja baharo tirore ñ̄u duaha. Jesu Cohamac̄u tuaa mehne to yoa

ñ̄och̄u ñ̄u duamaha tiro. Ā jiro tiro Jesure ñ̄ano, wahcheha.

⁹Ā jiro paȳu tahari sinituha Jesure. To ā sinitupach̄ta Jesu ne ȳh̄tieraha tirore.

¹⁰Sacerdotea p̄h̄toa, judio masare buheina c̄h̄u Herode cahai wahc̄ar̄uca, tuaro Jesure yahus̄aha. ¹¹Ti yahus̄ari baharo, Herode to surara mehne buj̄upe,

Jesure ñ̄ano yoaha. Ā buj̄upea, noari suhtirore p̄h̄toro to s̄ari suhtiro yoaro sehe bajuri suhtirore s̄aha tina Jesure. Ā buj̄upe tuhs̄u, tirore Pilato cahap̄u warocaha tjoa.

¹²Tí dachore Herode, Pilato mehne noano ti basi cahma yoaina ji d̄ucaha. Tó panore ti basi cahma ñ̄u tuhtiina jisnimaha.

Masa Jesure wajā dutiha

(Mt 27.15-26; Mr 15.6-15; Jn 18.39-19.16)

¹³Ā yoa Pilato sacerdotēa p̄h̄toare, paina p̄h̄toare, masa c̄h̄ure to pj̄rocach̄u, cahmachu. ¹⁴Ti cahmachu pihtich̄u ñ̄ano ō sehe niha Pilato tinare:

—Ahr̄irore ȳh̄ure na tana, “Tiro masare ñ̄ano yoa dutira”, nimahre m̄sa ȳh̄ure. Mip̄u m̄sa ñ̄arocaroi ahr̄irore noano sinitu pah̄h̄ohi tjoa. Ȳu ā sinituri baharo m̄sa tirore ā yahus̄arucuch̄u tirore ñ̄aa buhiri ne mariahna, ȳu ñ̄uch̄u. ¹⁵Herode c̄h̄u tirore “Ne, ñ̄aa buhiri mariahna”, nihre. Ā nino ahr̄irore pari turi s̄are wa majare tjuhre tjoa. Ā jina ahr̄irore to ñ̄aa buhiri mariach̄u tirore m̄sa

wajã duti masierara. ¹⁶ ã jicu tirore yuta dari mehne tjana dutiuhca yuhh. ã ti tjanari baharo tirore wioihtja — nimaha Pilato masare.

¹⁷ [Cuhmaripe pascua bose numarine masa yairo cjih-tore cãiro peresuph jirirore Pilato wiobasa mujaa tiha.]

¹⁸ ã jia Pilato “Jesure wioihtja”, to nichu tuhoo jipihtina masa õ sehe ni sañurucuha:

—Tirore Jesure wajãga. Sã yairo cjih-tore Barrabã sehere sãre wiobasaga —ni sañurucuha masa.

¹⁹ Tí pjare Barrabã wama tiroiro Jerusalẽpũ pũhtoare cohã duaina mehne macariro, masunore wajãriro peresuph jiha. ã jia tirore masa wio dutia niha. ²⁰ Pilato Jesu sehere wio duamaha. ã jiro tiro masare sinitu ñuha tjoa. ²¹ To ã wio duapachata tina tirore õ sehe ni sañurucuha tjoa:

—Crusapũ cjã puha wajãga tirore. Wajãga tirore —ni sañurucuha tina.

²² Ti ã nichu Pilato tia taha waharoi õ sehe nimaha tinare:

—¿Yabare ñano yoari tiro mũa ã ni sañurucuchũ? Ne tirore ñaa buhiri mariaha. ã jicu tirore wajã duti masieraja. Tirore yuta da mehne tjana dutiuhca. Tó purota yoa dutiuhca. ã yoacũ wioihca tirore —niha Pilato.

²³ To ã nipachata tina tuaro mehne sañurucu namo, Jesure crusapũ wajã dutiha. Ti ã ni sañurucuchũ tuhoro ti cahmariro seheta Pilato yoaha. ²⁴ Tirore ti siniriro

seheta Pilato Jesure wajã dutiha. ²⁵ ã dutiro tiro peresuph jirirore masare cah-machechũ yoarirore, masare wajãrirore masa ti siniriro seheta Pilato Barrabã sehere wioha. Tuhsũ, Pilato Jesure crusapũ wajã dutiha.

Tina Jesure crusapũ cjã puha, wajãha

(Mt 27.32-44; Mr 15.21-32; Jn 19.17-27)

²⁶ To ã wajã dutichũ tina Jesure wajãa wahaa, naaha. Tí pja ti ã yoaro watoi Simo wama tiroiro Cirene macariro campopũ sũriro wihaha. Jerusalẽpũ to wihichũ ñha Jesure naaina tirore piti boca, ñaha, Jesu to wũari crusare tirore wũa wahcã dutiha Jesu baharo.

²⁷ ã yoa masa payũ Jesure ñhũ ñhũ tiha. ã jia masa watoi jia numia tirore ti ã yoachũ ñha tuaro tiha. ²⁸ Ti ã tiichũ tuhoro, tí numiare Jesu majare ñhũ, õ sehe niha:

—Jerusalẽ macaa numia, yuhũre tiiena tjiga. Mũa basi, mũa pohna mũa ñano yũhdũhtire masina, tiibasaga. ²⁹ Paye dachori jichũ ñabiario yũhdũnahca mũa. Tí pjare masa õ sehe niaha: “Pohna mariea numia, pohna tierari numia, pũera numia mipũ mari jichũ noabiaboa”, niaha masa. ³⁰ Tí pjare tũcũre õ sehe ni durucuahca masa. “Mũhũ tũcũ sã buipũ bora pjaga. Sãre dũcatahga”, niaha masa cuia. ³¹ Masa buhiri marierirore yuhũre õ sehe ti yoachũ, ñaa buhiri cjũaina

sehe ñabiaro wahaahca — niha Jesu.

³² Paina puaro, dutiare yuhdurucaina ti jichu tina cãhure Jesu mehne ti wajãhtinare naaha tina.

³³ Tinare naa, “Dapu cohã”, wama tiropu su, crusapu Jesure cjã puha õha. Puaro yuhdurucaina cãhure pairore to pototo buhusehei, pairore to cõ buhusehei cjã puha õha.

³⁴ [Ti ã yoachu Jesu õ sehe niha:

—Mai, ahrina mipu ti ñaa yoarire boga tinare. Tina ti dohse yoarire masierara. Æ jicu ti ñaa yoari buhirire boga —niha Jesu.]

Æ yoa Jesu suhtire cahma witia tina docapeha. To suhti cjiire “Noa yaro jirohcari õ”, ni cahma docapeha tina.

³⁵ Tuhsu, masa tõi ducuina ti ñurucuro watoi judio masa puhto Jesure õ sehe ni bujpeha:

—Tiro paina masare yariaborinare yoadohoyumahtiro. Æ jiro tiro Cristo Cohamacu to beseriro jiro, mipu yariaboriro jiro, to basi yoadohojaro —ni bujpeha tina.

³⁶ Surara cãhu tirore bujpeha. Jesu cahai su, tina tirore ñaa co vinore wamaha.

³⁷ Tíre waa, õ sehe niha tina:

—Muhu judio masa ti puhtoro jicu mu basi yoadohoga. Æ jii yuhdu witiuhca muhu —ni bujpeha tina.

³⁸ Æ yoa tiro bui ti cjã puha õri pjine õ sehe ni joaha: “Ahroro judio masa bui puhtoro jiro jira”, ni

joaha. (Griego ya mehne, Roma macaina ya mehne, judio masa ya mehne ã ni joaha.)

³⁹ Pairo tiro mehne ti cjã puha daporiro yuhdurucariro sehe õ sehe ni, ñano durucuha Jesure:

—¿Muhu Cristo masare yuhdoriro jierajari? Mu basi, sã cãhure yoadohoga —niha tiro Jesure.

⁴⁰ To ã nichu tuhoro pairo yuhdurucariro Jesu pototo buhusehei ti cjã puha daporiro sehe tirore õ sehe niha:

—Mari cãhure cãno potori buhiri dahrera tina. ¿Dohseacu Cohamacure ne ño payoerajari muhu? ⁴¹ Marine ñaa buhirire yoaa, quihõno yoaa nina tina. Ñaare mari yoari buhiri marine buhiri dahrera tina. Ahroro sehe ñaare yoerare —niha tiro pairo yuhdurucarirore.

⁴² Æ nino, tiro Jesure õ sehe niha:

—Jesu, muhu puhtoro jicu, tjua tacu, yuhure wacũga —niha tiro Jesure.

⁴³ To ã nichu tuhoro, õ sehe niha Jesu:

—Muhure ahrire nii nija. Michare paraíso wama tiropu muhu yuhu mehne jiihca —niha Jesu tirore.

Jesu yariaa wahaha
(Mt 27.45-56; Mr 15.33-41; Jn 19.28-30)

⁴⁴ Æ yoa cohari pja jichu sã si duhua wahaha. Æ jiro jipihtiro tí dihtapure tia hora waro noano nahitiano jiha.

⁴⁵ Nahitiano to jiro watoi, Cohamacu wahu macari

suhtiro, ducataru suhtiro dacho maca waroi bui sehe tuhnu bora ta, puca cahsaro tuhnu roca yoja sua wahaha.

⁴⁶ Æ jiro Jesu õ sehe ni tuaro sañurucuha:

—Mai, yu catiare mahure wiaja mu ñu wihbohto cjih-tore —ni sañurucuha Jesu.

Æ ni tuhsu yariaa wahaha.

⁴⁷ To ã yariachu ñuno, surara puhtoro sehe “Cohamacu tuaruro jira”, nino: “Ahiro Jesu cjiro potocãta noaruro jiri jimana”, niha surara puhtoro.

⁴⁸ Æ jia ti wajachu ñua tarina Jesu to yariachu ñua, ti wuhusepu tjuaa wahaha. Tjuaa waha, ti ñaa yoarure cahyaa mehne ti pëbuhui cã õ wahcãha. ⁴⁹ Jipihina Jesu yaina tiro mehne macaina, Galileapu tiro mehne tari numia cãhu Jesure yoaropu ñurocarucua niha.

Jesu pjacure masa copapu na sãa duhu payoha

(Mt 27.57-61; Mr 15.42-47; Jn 19.38-42)

⁵⁰⁻⁵¹ Tí pjare José wama tiro toí jiha. Judea yahpai jiri maca Arimatea wama tiri maca macaruro jiha. Tiro noaruro, quihõno yoaruro jiro, Cohamacu to puhtoro ji ducatore cohtaruro jiha. Æ jiro tiro judio masa puhtoa mehne macaruro jiparota Jesure ti wajã dutichu cahmaeramaha tiro. ⁵² Æ jiro Pilato cahapu su, Jesu pjacure siniha. ⁵³ Sini tuhsu, Jesu pjacure na boro, noari suhtiro mehne to pjacure

wahmaha. Æ wahma tuhsu, masa copapu tãcai ti sahari copapu na sãa duhu payoha to pjacure. Tí copare ne paina yariainare duhu payoerasiniha mini. ⁵⁴ Tí dacho Sabado dacho macaa cjih-tire ti cahnoyuri dacho jiha. Sabado judio masa ti sori numu cjih-to mahanocã duhsaha.

⁵⁵ Æ jia Galileapu Jesu mehne tari numia masa copapu José mehne wahaha. Masa copapu su, tí copare ñu, Jesu pjacure ti duhu payorire ñua. ⁵⁶ Baharo ti wuhusepu tjuaa waha, me sitia mehne wisõa co mehne cahnoha tina. Tuhsu, Sabado jichu Cohamacu to dutiare Moise cjirore to cãri to dutiruro seheta tina soha.

24

Jesu masa wijaaha

(Mt 28.1-10; Mr 16.1-8; Jn 20.1-10)

¹ Domingo jichu bohrearopu tí numia ti me sitia ti cahnoyumarire Jesu masa copapu na wahcãmaha. ² Tí copapu sua, tí copare bihari tãca pjõo ti duhu cãri tãcare ñua. ³ Æ ñua tina tí copapu sãa wahaha. Jesu pjacure bocaeraha tina. ⁴ To pjacure bocaeraa, “¿Dohse wahapju?” ni tuhoutuha tina. Ti ã ni tuhoutu durucu coãno watoí puaro mua si sitea suhti tiina tina cahai ducuha. ⁵ Tóí ti ducuchu ñu, numia cuia na tuhcuca caha sua. Tuhsu, mua sehe tí numiare õ sehe ni yahuha:

—¿Dohseana yariariro to jiro cjirore tirore macajari m̄sa? Mip̄ure tiro catiro jira. ⁶ Tiro õre mariahna. Masa wijaa tuhs̄ahre. ¿Sohõ jiri pjare Galileap̄u m̄sa mehne jiro m̄sare to niri cjirore wac̄ujari m̄sa? ⁷ “Yuh̄ure Cohamacu warocarirore paio warohca ñainare. To ã wari baharo yuh̄ure crusap̄u c̄jã puha wajãahca tina. Æ jic̄u yu yariari baharo tia dacho wahaboroi masa wijaaahca yuh̄u”, ¿m̄sare to nirire wac̄ujari m̄sa? —niha m̄a sehe.

⁸ Ti ã nich̄u tuh̄oa, numia sehe Jesu to nirire wac̄uha. ⁹ Ti ã niri baharo tina tjuaa waha, once buheinare paina c̄uh̄ure tíre yahu pah̄noha. ¹⁰ Tí numia sehe María Magdalena, Juana, María Santiago pocoro jiha. Tí numia mehne paye numia c̄uh̄u jiha Jesu buheinare yahua numia. ¹¹ Ti ã ni yahupach̄ata Jesu buheina sehe “Potoçã nia nieraca. Mah̄nopea nica ahri numia”, ni tuh̄otumaha. Æ jia tí numiare tuh̄o duaeraha.

¹² Ti ã nich̄u tuh̄oro, Pedro sehe masa copap̄u m̄uroca wahcã, ñano wahaha. Tí copap̄u s̄u, tiro muhri caha, ñuroca sõha. Jesure ti wahmari suhtiro dihtare ñ̄uha. “¿Dohse wahari na?” ni tuh̄otu, tiro wuh̄up̄u tjuaa wahaha.

Emau wama tiri macap̄u wahari mahap̄u Jesu bajuaha (Mr 16.12-13)

¹³ Tí dachoihta p̄uaro Jesu buheina mehne macaina Emau wama tiri macap̄u wahaa niha. Jerusalẽ once kilómetro yoaro jira Emaup̄u suhto. ¹⁴ Emaup̄u wahaa, jipihtia Jerusalẽi tí pjare to ã waharire Jesure ti ñano yoarire durucu wahcãa niha. ¹⁵ Ti ã ni durucuro watoi Jesu sehe ti cahap̄u s̄u, tina mehne wahaha. ¹⁶ Tirore ñ̄upahta tina tirore “Jesu jira”, ni ñ̄u masieraha.

¹⁷ —¿Dohse ni cahya durucu wahcãna nijari m̄sa? —ni sinituha Jesu.

¹⁸ To ã nich̄u tuh̄oa tina cahyaro mehne s̄ur̄uca, Cleofa wama tirore sehe Jesure õ sehe ni yuh̄tiha:

—¿Mip̄ure Jerusalẽi tiniriro jipaihta mah̄u dihta ti yoari cjirore masierajari? —ni sinituha tiro.

¹⁹ —¿Dohse wahari Jerusalẽi? —niha Jesu.

To ã nich̄u tina õ sehe ni yuh̄tiha:

—Jesure Nazare macarirore ti yoarire nina nija. Tiro Cohamacu yare yahu mah̄tariro jimahre. Æ jia to durucurire tuh̄oa to yoari c̄uh̄ure ñ̄u, “Tuariro jira”, ni tuh̄otuhre masa. Cohamacu c̄uh̄u ãta ni tuh̄otuca. ²⁰ Mari sacerdotea p̄uhto, paina p̄uhto mehne tirore wajã dutia, painare wahre. Ti ã wach̄u paina sehe tirore crusap̄u c̄jã puha wajãhre. ²¹ “Roma macainare cohãhtiro Israe masa p̄uhtoro cjihto jira”, ni tuh̄otumahi sã tirore. Micha mehne tia dacho wahara tiro to yariari baharo. ²²⁻²³ Mahainacã

numia sã mehne macaa numia sãre cуachу yoahre. Bohrearopу Jesu to masa copару tí numia су, to pjacure bocaerayuhti. To pjacure bocaeraa, tina tju wihi yahuhre. “Sãre anjoa bajuahre. Jesu catiyuhti”, ni yahuhre numia sehe. ²⁴ Ti ã nichу paina sã mehne macaina tí copару су, numia ti niriro seheta ñуууhti. Tina cãуу Jesure ñуerayuhti — niha tina Jesure.

²⁵ Ti ã niri baharo Jesu õ sehe ni yahuha tinare:

—Mуsa ne tuho masiera cureina jira. ¿Cohamacу yare yahu муhtaina cjiri ti nirire noano tuhoerari муса?

²⁶ Cristore to пуhtoro jihto pano муанору to мујаhto pano tirore ñano ууhduro cahmare. ¿Tíre masierasini-jari муса? —niha Jesu tinare.

²⁷ Æ nino Cohamacу Cristore to ni yahu ti joari cjirire Jesu yahu pahñonocaha tinare. Moise cjiro to joari cjirire Jesu yahu дуcaha. Tuhsу, jipihtina Cohamacу yare yahu муhtaina cjiri Cristore ti joari cãhare yahu pahñonocaha tiro.

²⁸ Tina ti wahari macару ti суа cahachу, Jesu sehe tinare ууhdу wahcãno sehe yoaro nimaha. ²⁹ To ã yoapachuta tina tirore waha dutieraha:

—Sã mehne tjuaga. Ñamichapару jira. Nahinopу nina —niha tina tirore.

Æ jiro Jesu tina mehne wуhуру sãa wahaha. ³⁰ Wуhуру sãa су, tiro tina mehne ti chури mesару nuju

су, пãore na, Cohamacure “Noana”, niha. Æ nino tí пãore nuha na, tinare waha. ³¹ To ã yoachу ñуа tina Jesure ñу masiha. Ti ñу masi муari baharo tiro buti муа wahaha. ³² To ã buti муа wahachу ñуа tina ti basi õ sehe ni durucuha:

—Mahai tiro marine to durucuro watoi Cohamacу to joari cjirire to yahuro watoi tuaro mari wacū tuhotua mehne noano wahchea mehne tuhotuhi mari —niha tina ti basi.

³³ Æ ni tuhsу tina dóicãta Jerusalēру majare tjuaa wahaha tjoa. Tóру суа, once buheinare paina mehne cahmachuinare bocaха. ³⁴ Æ ti сучу, once buheina õ sehe niha:

—Potocãta mari пуhtoro masa wijaayuhti. Simo Pedro tirore ñуууhti —niha once buheina.

³⁵ Ti ã nichу пуaro Emau macaina mahai Jesure ti ñурire yahuha:

—Jesu to пãore to nuhachу sã ñу masihi tirore —ni yahu pahñoha tina painare.

Jesu to buheinare bajuaha (Mt 28.16-20; Mr 16.14-18; Jn 20.19-23)

³⁶ Ti ã ni yahuro watoi ti cahai ji tuhsуа Jesu sehe.

—¿Jimajari муса? Noano jiga муса —niha tiro tinare.

³⁷ To ã nichу tuhoa tina “Mari yariariro cjirore ñуа nija”, ni tuhotua, tuaro cuiha.

³⁸ Ti ã cuichу ñуno tiro tinare õ sehe ni yahuha:

—¿Dohseana cuijari муса? ¿Dohseana “Ahri potocã jierara”, nijari муса? ³⁹ Yу

wamomacarine, y_u dahpori cūhure ñuga. M_usa yahure ñuna, ñ_u masinahca. Y_uhure ñaha ñuga. Ñaha ñuna, masinahca m_usa. Yariariro cjirop_u pjac_u mariahna. Y_uh_u sehe pjac_u tija —niha Jesu.

⁴⁰ Æ nino to wamomacari cūhure, to dahpori cūhure ñoha tinare. ⁴¹ To ã ñopachuta tina tuaro wahche, c_uaa waha, “Ahri potocã jieraca”, ni t_uhotusinimaha. Ti ã t_uhotuch_u masino Jesu tinare sinitu ñ_uha:

—¿Õi ch_ua jijari? —niha tiro.

⁴² To ã nich_u t_uhoa wahi doharirore mi cūhure waha tirore. ⁴³ T_ire na, ti ñ_urocaroi Jesu ch_uha. ⁴⁴ Ch_u tuhs_u, Jesu yahuha tinare:

—Sohō jiri pja m_usa mehne jic_u m_usare y_u yahuriro seheta mip_u y_uh_u ã wahahi. Cohamac_u dutia Moise cjiro marine to cūri cjiri to ã ni joariro seheta yahure ã wahahre. Cohamac_u yare yahu m_uhtaina cjiri, Salmo joari tjure joaina cūh_u panop_u yahure ti ni yahuriro seheta mip_ure yahure ã wahahre. Æta waharo cahmahre —niha Jesu.

⁴⁵ Æ ni tuhs_u Cohamac_u yare ti yahu joari cjirire to buheinare masich_u yoaha Jesu:

⁴⁶ —Cohamac_u yare ti joari cjiri õ sehe niha: “Cristore ñano y_uhd_uro cahmana. Æ jiro tia dacho wahaboroi to yariari baharo tiro masa wijaarohca. ⁴⁷ To masa wijaari baharo jipihtia yahparip_u to yaina Cristo

yare yahuahca. Masa ti ñaa yoarire ti cahyahti cjihtire, “Ñano yoaeraja” ni, ti t_uhotumarire ti cohtotahti cjihtire, Cohamac_u ti cahmahti cjihtire, ti ñaa buhiri tiare to cohāhti cjihtire yahuahca to yaina. Æ yahua taa, Jerusalēp_u yahu d_ucaahca”, niha Cohamac_u yare ti joari pūi —niha Jesu.

⁴⁸ Æ ni tuhs_u õ sehe ni yahu namoha:

—M_usa sehe ahri jipihtiare ñ_urina jira. Æ jina painare yahunahca. ⁴⁹ Cohamac_u “Tirore m_usare warocaihtja”, to nirirore y_uh_u sehe m_usare warocaihtja. Æ jina Jerusalēp_u ahri m_uano macaa tuaa m_usare to wihihtore cohtaga m_usa —niha Jesu to buheinare.

Jesu m_uanop_u m_ujaa wahaha
(Mr 16.19-20)

⁵⁰ Æ ni tuhs_u Jesu tinare Jerusalēi j_iinare Betania cahap_u naaha. Tóp_u s_u, Jesu to wamomacari mehne ñui m_uo, “Noano jiga”, niha tinare. ⁵¹ Æ ni tuhs_u, tinare cū, m_uanop_u m_ujaa wahaha. ⁵² To m_ujari baharo tina tirore ño payo, Jerusalēp_u tuaro wahchea mehne tjuaa wahaha. ⁵³ Tói jia, dachoripe tina Cohamac_u w_uh_ui Cohamac_u mehne durucu, “Noana”, ni ño payoha tina tirore.

San Juan

Cohamacu ya duserore yahuriro masu nota ji ducaha

¹ Dóiputa ahri yahpa to jihto panoputa Cohamacu ya duserore yahuriro Cristo masare yuhduchu yoah tiro dóihta ji tuhsu tiha. Tiro Cohamacu mehne jiha. ã yoa tirota Cohamacuta jinocahno niha. ² Dóiputa wahmanoputa Cristo Cohamacu mehne jiha. ³ ã yoa wahmanopure ne mari-ahri cjrيره bajuamehneha. Ahri yahpare, manore, jipihtiare, jipihtina cãhure bajuamehne dutiha Cohamacu tirore. ã jiro ahrire bajuamehne pahõoha tiro. Ahrire mipure mari ñare, mari ñera cãhure to bajuamehnerachu ne mariabo. ⁴ Cristo catiare wariro jiro nina. Buhriaro marine to noano ñu masichu yoaro seheta tiro to Pucuro manano macarimore noano masichu yoara. ã yoaro to Pucuro manano macarimore masichu yoara masare. ⁵ Ahri yahpa macaina ñaare ti wacũ ti goa pjaa nahitiano yoaro sehe jia nina. Cohamacu ya duserore yahuriro buhriaro noano marine to ñu masichu yoaro seheta masare masichu yoara. ã yoa nahitiano buhriarore to yuhduhucaeraro seheta Cristore ñaa ne yuhduhucaerara.

⁶⁻⁷ Cohamacu João wama tiro sehere warocaha,

Cristore buhriaro yoaro sehe jirimore masare yahu mũhta dutiro. To ã warocachu João sehe masare yahuro tare to yahurimore Cristore jipihtina ti wacũ tuahti cjihtire. ⁸ João sehe Cristo jierare. ã jieraro tiro Cristo sehere masare yahu mũhtano tare. ⁹ Cristo buhriaro yoaro sehe jiriro jipihtina masare Cohamacure masichu yoah tiro sehe ahri yahpau tari jire. Potocã tjira ahri. Tiro buhriaro yoaro sehe jiriro waro tjira.

¹⁰ Cristo ahri yahpai jia timare. Ahri yahpare bajuamehneriro jiri jimare. To ã jipachuta ahri yahpa macaina sehe tirore ne masierare. ¹¹ To ya yahpai tiro masa bajuari jimare. To ya yahpai masa bajuariro to jipachuta to ya yahpa macaina sehe ne tirore cahmaerare. ¹² Ti ã cahmaerapachuta, tirore cahmaina sehere, tirore wacũ tuaina sehere Cohamacu to pohna jichu yoari jire. ¹³ Tina Cohamacu pohmata jia nina. ã jia masa ti masa bajuariro seheta jierara, Cohamacu pohna ti wahachu. Tuhsu, masa ti cahmariro seheta jierara, Cohamacu pohna ti wahachu.

¹⁴ ã jiro Cristo masano to ji ducari baharo mari mehneta jire tiro. To ã jichu ñana masare cahiro, potocã jiare yahuriro to jichu sã masii. Tiro dihta Cohamacu macano jiro tuariro noariro jire. To ã jiriro jichu sã masii. ¹⁵ João

Cristore yahu mahtano õ sehe ni sañurucure masare yahuro:

—Siro tara yu õ sehe ni yahuriro: “Tiro yu baharo tariro jira. ã jiparota tiro yu yuhdoro tuariro jira. Tiro yu masa bajahto panoputa ji tuhsuha. ã jiro tiro yu yuhdoro tuariro jira”, musare yu ni yahuriro ahriro tjira —nire João Cristore masare yahuro.

¹⁶ Tiro Cristo sehe noariro tuaro masare cahiro jiro marine jipihtinare noano yoarucure. ¹⁷ Cohamacu dutiare Moise cjiro sehe cūbasa mahtaa tiha marine. Jesucristo sehe Cohamacu masare to cahiare buhero tare. Cohamacu to potocã durucua cūhare buhero tare tiro. ¹⁸ Masa ne Cohamacure ñuerara. Tirore mari ñuerapachuta to macano to tuaro cahiro cãirota jiriro sehe to Pucurore marine masichu yoare.

*Paina João masare bautis-
arirore sinituha*

(Mt 3.11-12; Mr 1.7-8; Lc 3.15-17)

¹⁹ Sã coyey judio masa puhto Jerusalēi jūinare sacerdotiare, Cohamacu wuhūi dahraina cūhare João cahapu warocari jire. “¿Diro baro jijari mahu?” ni sinitu dutia warocari jire tinare. Ti ã ni sinituchu õ sehe ni yahure João sehe. ²⁰ Ne yaro marieno yahure. Potota yahure:

—Yuhu Cristo Cohamacu masare yuhduchu yoa dutiro to warocariro jieraja —nire tiro.

²¹ To ã nichu tina sehe tirore pari turi siniture tjoa:

—¿Muhu Cristo jieracu, Elia sehe jijari mahu? —nire tina.

—Jieraja yuhu —nire tiro.

—¿Sã cohtariro Cohamacu yare yahu mahtariro sehe jijiari mahu? —nire tina.

—Tiro jieraja yuhu —nire João sehe.

²² To ã nichu tina tirore pari turi õ sehe ni siniture tjoa:

—Sãre sinitu dutiinare sã noano yahuhto sehe poto sãre yahu bahrañoga. ¿Diro baro sehe jijari mahu? ¿Muh basi mahu sehe dohse jiriro baro “Jija yuhu”, nijari mahu? —nire tina Joãore.

²³ Ti ã nichu õ sehe ni yuhtire tiro:

—Masa marienopu õ sehe ni sañurucuriro jija yuhu Cohamacu yare yahu mahtariro Isaia cjiro to ni yahuriro se-heta: “Mari puhtoro to tahto pano musa ñaa tuhotuare cohtota, cahno mahtaga musa”, ni masare yahu sañurucuriro jija yuhu —nire João tinare.

²⁴ Joãore sinituina fariseo curua macaina ti warocarina jire. ²⁵ ã jia tina Joãore õ sehe ni siniture tjoa:

—¿Muhu Cristo, Elia, Cohamacu yare yahu mahtariro sã cohtariro jierapacuta dohseacu masare bautisajari mahu? —nire tina.

²⁶ Ti ã nichu tuhorõ õ sehe ni yuhtire tiro:

—Yuhu co mehne masare bautisaja. Pairõ sehe musa masierariro musa watoi ji tuhsura. ²⁷ Tiro sehe yu baharo tariro yu yuhdoro tuariro jira. Noa yuhduariro

jira. Tiro yoaro sehe jieraja yuhu sehe. Ñ jicu tirore tuhhotuch, “Wiho jiriro jija yuhu”, ni tuhhotuja yuhu — nire João tinare.

²⁸ Ñ ni durucure tina, Beta-niapu Jordão wama tiri ma pa buhu sehe coapu, João masare to bautisariropu.

Jesu Cohamacu to warocariro to oveja yoaro sehe jiriro jira

²⁹ Pa dachoi Jesu João cahai cahacã curero to tachu João tirore ñuno õ sehe nire:

—Ñuga. Ahriro Cohamacu to warocariro to oveja yoaro sehe jiriro jira. Ovejare mari wajãriro seheta masa ahriro cãhure wajãahca. Ñ yariaro ahri yahpa macainare ti buhiri tiare cohãnohca tiro. ³⁰ Ahrirota jira yu õ sehe niriro: “Yu baharo tariro yu yuhdoro tuariro jira. Yu masa bajuahito pano tiro ji tuhsuha.

Ñ jiro tiro yu yuhdoro tuara”, yu niriro ahrirota jira.

³¹ Yuhu sehe ahrirore noano waro masiera tihi. Ñ masierapaihta co mehne bautisai tai nii yu coyera Israe masa ahrirore ti masihto sehe — nire João.

³² Ñ ni tuhsu João to ñuri cjirire õ sehe ni yahu namore tjoa:

—Espíritu Santo manopu buja yoaro sehe duji ta, Cristo mehne to tjuachu ñuhi. ³³ Cohamacu yuhure to yahuerachu tirore ne masieraboa yuhu. Wiho mejeta tiro yuhure masare co mehne diapu bautisa duti

warocariro Cohamacu sehe õ sehe ni yahu mahta tuhsure yuhure: “Espíritu Santo duji ta to bui to tjuaracu sariro tirota jirohca. Tiro sehe Espiritu Santore to yaina mehne ã jirucuchu yoarohca”, nire Cohamacu yuhure. ³⁴ Mipu pinihtare to ã ni yahurirore ñu tuhsuhi yuhu. Ñ ñucu “Ahriro potocãta Cohamacu macno jira”, ni yahuja yuhu masare —ni yahure João sãre.

Jesu buheina to pji mughtainajira

³⁵⁻³⁶ Pa dachoi João mehne sã puaro to buheina sã ducuchu, Jesu sã cahai yuhdu wahcãno nire. To ã yuhdu wahcãchu João tirore ñuno, pari turi õ sehe nire sãre:

—Ñuga. Ahriro Cohamacu to oveja yoaro sehe jiriro jira —nire João.

³⁷ To ã nichu sã puaro to buheina sehe tíre tuhona Jesu baharo wahahi. ³⁸ Sã ã wahachu ñuno Jesu sãre majare ñu, õsehe ni siniture:

—¿Nohopu wahajari musa? —nire tiro.

To ã nichu sã cãhu õ sehe ni sinitu ñui tirore:

—Rabi, ¿nohopu jijari muhu? —nihi sã tirore. (Rabi sã ya mehne nina “buheriro”, nina nija.)

³⁹ —Yuhu mehne tatjiãhna ñuna taga —nire Jesu sãre.

To ã nichu sã sehe to jiropu ñuna wahai. Tí pjare ñamichahapu cuatro hora jire. Ñ jina tí dachore tiro mehne tjuai sã.

40 Sã p̄aro Joãore t̄hoina, Jesure n̄n̄u ti wahcãina yu piti Andre mehne jii. Andre sehe Simo bah̄aro jire. 41 ã jiro tiro d̄oihta to wahminore Simore maca, boca, tirore õ sehe ni yahuha:

—Mesiare Cohamac̄u marine yuhd̄uch̄u yoa dutiro to warocarirore sã bocahi — niha Andre Simore. (Mesia sã ya mehne nina “Cristo”, nina nija.)

42 ã ni tuhs̄u tiro Simore Jesu cahai naahre. To cahai ti s̄uch̄u ñ̄no Jesu sehe Simore õ sehe nire:

—M̄uh̄u Simo wama tiriro, Jona mac̄no jira. Mip̄ure m̄uh̄ure Cefa ni wama pisuihtja — nire Jesu Simore. (Cefa sã judio masa ya mehne nina “Pedro”, nina nija.)

Felipere, Natanae c̄uh̄ure p̄jia Jesu

43 Pa dachoi Jesu Galilea yahpap̄u waha duare. ã jiro to wahahto pano tiro Felipere piti boca, õ sehe nire:

—Yuh̄u mehne macariro c̄jhto taga — nire Jesu.

44 Felipe sehe Betsaida macariro jire. Tiro, Andre, Pedro mehne c̄u maca macaina jire tina. 45 ã yoa Felipe Natanaene maca, tirore bocaro õ sehe ni yahure:

—Cohamac̄u dutiare Moise c̄jro to joari p̄p̄u to yahurirore paina Cohamac̄u yare yahu m̄ah̄taina c̄jiri c̄uh̄u ti yahurirore sã bocahi. Jesu Nazare macariro, José mac̄no tjira — nire tiro Natanaene.

46 —Nazarep̄ure ne cãiro noariro mariahna — nire Natanae.

—Ñ̄ui taga m̄uh̄u — nire Felipe.

47 ã yoa Jesu cahai to s̄uch̄u ñ̄no Jesu sehe õ sehe nire Natanaene:

—Ahr̄iro mip̄u tariro potocãta noariro judio mas̄no waro jira. Tirore mah̄noa ne mariahna — nire Jesu Natanae sehere.

48 To ã nich̄u t̄horo Natanae sehe tirore õ sehe ni siniture:

—¿Dohseac̄u yuh̄ure noano masijari m̄uh̄u? — nire.

—Felipe m̄uh̄ure to p̄jhto pano, higueraç̄u docai m̄u jich̄u ñ̄hi yuh̄u m̄uh̄ure — nire Jesu.

49 To ã nich̄u Natanae sehe tirore õ sehe nire tjoa:

—Buheriro, potocãta m̄uh̄u Cohamac̄u mac̄no jira. M̄uh̄u Israe masa sã P̄h̄toro c̄jhto jira — nire Natanae.

50 To ã nich̄u t̄horo õ sehe ni yuh̄t̄ire Jesu:

—Higueraç̄u docai m̄uh̄ure yu ñ̄n̄ire masic̄u yuh̄ure “Cohamac̄u mac̄no jira”, ni wac̄u tuara m̄uh̄u. ¿Tita m̄uh̄ure ã masich̄u yoajari? Ahri m̄uh̄ure yu ñ̄n̄ri yuh̄doro Cohamac̄u tuaa mehne yoa ñ̄oihca yuh̄u. Yu ã yoa ñ̄och̄u ñ̄nihca m̄uh̄u — nire Jesu Natanaene.

51 ã ninota õ sehe ni yahu namore:

—Potocãta m̄uh̄ure niita nija. Yuh̄u mas̄no Cohamac̄u warocariro tjija. M̄anop̄u parĩ m̄uach̄u Cohamac̄u to yaina anjoa yu bui ti duji tach̄u, ti m̄ujach̄u c̄uh̄ure

ñuĩhca muhũ —nire Jesu tirore.

2

Caná wama tiri macapũ ti wamomaca dũhteropũ Jesu wahaha

¹ Tia dacho baharo Canái Galilea yahpai jiri macai wamomaca dũhteri bose numũ jire. Ā jiro Jesu pocoro tí wũhũpũ jire. ² Jesu mehne sãre to buheina cũhũre wamomaca dũhteropũ pjirocare tina. ³ Ti bose numũ macaa vino pihtichũ Jesu pocoro tirore õ sehe ni yahure:

—Mipũre vino pihtia wahare —nire ticoro Jesure.

⁴ To ã nichũ tũhoro Jesu õ sehe nire:

—Inõ, ¿dohseaco taco tíre yũhũre yahujari muhũ? Masa yũhũre ti masihtu dũhsasinina mini —nire Jesu to pocorore.

⁵ To ã niri baharo to pocoro sehe ti cahamacare õ sehe ni dutire:

—Yũ macũ to dutiriro seheta yoaga —nire ticoro.

⁶ Tí pjapũre sã coyera judio masa Cohamacũ yare yoaa taa masare ti pjacũrire ã cosarucunoca dutia tire. Ā yoa tí wũhũi seis situ pari tãa mehne ti yoaa situ pari co posa tia situ pari jire. Tí situ pari Cohamacũ yare yoaa taa ti cosaa co posa tia pari cjiri jire. Tí situ parire cincuenta a setenta litro posa mũ sũre.

⁷ Tói ti jichũ ñũno tí wũhũ macaina cahamacare õ sehe ni dutire Jesu:

—Ahri situ parire co mehne pio sãa namoga wahpaa pari ti wahahito sehe —nire Jesu.

To ã nichũ tina sehe noano wahpo dapo pahñonocare ti parire.

⁸ Ti ã yoari baharo Jesu tinare õ sehe ni dutire tjoa:

—Mipũre tí core wa na, wũhũ macarirore waga —nire.

To ã nichũ tũhoa tí core wa na, wũhũ macarirore ware.

⁹ Ti ã wachũ tiro sehe tí core vino to wahachũ yoaa core sihni ñũre. Tí core nohoi to tarirore masierare tiro. To ã masierapachũta to cahamaca tí core waina sehe masire. Wũhũ macariro ã masieraro wamomaca dũhterirore pjiroca, ¹⁰ õ sehe ni yahure:

—Paina masa noaa core vinore wa muhtana. Masa ti noano sihniri baharo ña curea core wara tina. Mũhũ sehe noaa core wihbo, baharo curero tí core ware sãre —nire wũhũ macariro wamomaca dũhterirore.

¹¹ Canái Galileai jiri macai Jesu core vino to wahachũ yoari cjiri coã to bajuamehne dũcari jire. Ā yoaro painare to tuaare ñore Jesu. To ã ñori baharo sã to buheina tirore wacũ tuai.

¹² Baharo Jesu to pocorore, to bahanare, sãre to buheina cũhũre Capernaupũ sũho sũre. Tórpũ sũna, mahaa dachoricã tjuasinii sã.

Jesu Cohamacũ wũhũpũre sũha

(Mt 21.12-13; Mr 11.15-18; Lc 19.45-46)

13 Pascua jichu judio masa sã bose numari cjihti mahanocã dahsatjiãhre. ã jiro Jesu Jerusalẽpu sure. 14 Tõpu sũro tiro Cohamacu wuhuru sãa sũro, wachure, ovejare, bujaare duainare boca sure. Tuhsu, niñerure cohtotaina ti mesaripu ti dujichu tina cãhure boca sure. 15 ã boca sũro yuta dari mehne tjanari da yoa, tinare jipihtinare sopacaru tjana nũnu wionocare. Oveja, wachuã cãhure tjana nũnu wionocare tiro. ã yoa niñeru cohtotaina ti mesarire na majareroca doca cãnocare. Ti niñeru tũri cãhure doca sitenocare. 16 ã yoa tuhsu bujaare duainare õ sehe nire:

—Musa bujaare na wi-jaahga. Yu Pucu ya wuhure pache duari wuhu yoaena tjiga —nire Jesu tinare.

17 To ã yoachu ñũna sã to buheina sehe Cohamacu yare ti joari pũi to niri cjirire wacũi: “ ‘Cohamacu, mu wuhure tuaro cahãja. ã cahicu mu wuhure ñano ti yoachu ñũcu tuaro cahyaja yuhu’, ni joaa tiha Cohamacu yare ti joari pũi”, ni wacũi sã Jesu buheina.

18 Jesu to ã yoari baharo sã coyera judio masa puhtoã tirore õ sehe ni siniture:

—¿Dohseacu mũhu ahrinare Cohamacu wuhurure jinare cohã wiori? Cohamacu mũhure tire yoa dutiriro to jichu Cohamacu tuaa mehne yoa ñoga mũhu sã ñũhti cjihtire —nire tina Jesure.

19 Ti ã nichu Jesu õ sehe ni yũhtire:

—Ahri wuhure musa cohãchu tia dacho wahaboroi tuhsũhtja yuhu —nire Jesu tinare.

20 —Tia dacho mehne ahri wuhure tuhsusi mũhu. Cuarenta y seis cãhmari waro ti yoari wuhu jira ahri wuhu —nire tina Jesure.

21 To ã nichu tina tirore noano tũhoerare. Jesu “Ahri wuhure” nino, to pjacure nino niri jimare.

22 ã yoa to yariari baharo, to masa wijaari baharo sã to buheina sehe to niri cjirire wacũna, Cohamacu yare ti joari pũre Jesu to yahuri cãhure “Tí potocã tjira”, ni wacũi sã.

Jipihtina ti wacũare Jesu masina

23 Pascua bose numari jichu Jesu Jerusalẽpu jire. Tõi to jichu masa payu Cohamacu tuaa mehne to yoa ñochu ñũa tirore wacũ tuare. 24 Ti ã wacũ tuapachũta Jesu masa ti wacũare noano masino, “Yuhure ã wacũ tuarucuahca”, ni tũhotueraha. 25 Tiro masa ti tũhotuare noano masire. ã masino masa ti tũhotuare painare ne sinitu ñũerare.

3

Jesu Nicodemore yahuha

1 Tí macai Nicodemo wama tiro, judio masa puhtoã mehne macariro jire. Tiro fariseo curua macariro jire. 2 Cũ ñami tiro Jesu cahai ta, tiro mehne õ sehe ni sũhũduri jire:

—Buheriro, m_uh_u Cohamac_u to buhe dutiro to warocariro m_u jich_u sã masija. M_uh_u pay_u tahari Cohamac_u tuaa mehne yoa ñona. Cohamac_u m_uh_ure to yoadohoerach_u, m_uh_u sehe to tuaa mehne ne ã yoa ñoeraboa —niri jire Nicodemo Jesure.

³ To ã nich_u t_uhoro Jesu sehe ò sehe ni yahuri jire:

—Potocã m_uh_ure niita nija. Pari turi masa bajuariro yoaro sehe wahariro dihta mari p_uhtoro Cohamac_u mehne ji masina —niha Jesu.

⁴ —Cuenah. ¿Bucuro sehe dohse yoa pari turi masa bajuabocari tiro? To pocoro niji suhtirop_u majare sãa, pari turi bajua masieraboca tiro —niri jire Nicodemo.

To ã nich_u t_uhoro Jesu ò sehe ni yahuri jire tjoa:

⁵ —Potocã niita nija m_uh_ure. Co mehne, Espíritu Santo to tuaa mehne pari turi masa bajuariro dihta mari p_uhtoro Cohamac_u mehne ji masina.

⁶ Numia nijipocosanumia jia, macanacãre masa bajuach_u yoara. Espíritu Santo sehe masare Cohamac_u pohna jich_u yoara.

⁷ “Pari turi masa bajuariro yoaro sehe wahariro dihta mari p_uhtoro Cohamac_u mehne ji masina”, y_u nich_u, t_uho wisiecu tjiga.

⁸ Espíritu Santo masare Cohamac_u pohna to yoach_u wihnono yoaro sehe jira. Wihnono to tarirop_u tara. To taro coa tach_u mari t_uhoja. ã t_uhopenahta to tarirore, to

waharirore ne masieraja. Tó seheta yoara Espíritu Santo masare Cohamac_u pohna jich_u yoaro —niri jire Jesu Nicodemore.

⁹ —M_u niare noano masieraja —niri jire Nicodemo.

¹⁰ To ã nich_u t_uhoro ò sehe niri jire Jesu:

—M_uh_u judio masare buheriro jipaihta, ¿dohseacu y_u niare t_uhoerajari?

¹¹ Potocã m_uh_ure niita nija. Sã masirire, sã ñ_urire sã yahuja. Sã ã yahupach_uta ne m_usa sã coyera judio masa ne t_uho duaerare. ¹² Ahri yahpa macaa mehne masa ti masa bajuari mehne m_uh_ure piti dahre y_u buhe m_uhtarire “Potocã tjira”, nierara m_usa. ã nierana piti dahre buhero marieno Cohamac_u yare y_u yahuch_u c_uh_ure “Potocã tjira”, nisi m_usa.

¹³ ‘Ne cãiro m_uanop_u Cohamac_u cahap_u wahariro ne pari turi tjua tasi. Y_uh_u mas_uno Cohamac_u warocariro y_uh_u dihta m_uanop_u jiro ahri yahpap_u tahi. (ã jicu y_uh_u dihta Cohamac_u yare m_usare yahu masija.)

¹⁴ Panop_ure masa marienop_u Moise cjiro bronze wama tiri comaa mehne ti yoirirore agãre yuc_ucu ti dapod_u sohtoap_u duhu ò dapoha. Y_uh_u c_uh_ure mas_uno Cohamac_u warocarirore tiro agãre to duhu ò daporiro seheta y_uh_u c_uh_ure duhu ò dapoahca. ¹⁵ Y_uh_ure ti ã yoiro baharo jipihtina y_uh_ure wac_u tuaina jipihtia dachoripe Cohamac_u

mehne ã jirucuahca —niri jire Jesu.

Cohamacu jipihtinare cahĩna

¹⁶ Æ ni tuhsu õ sehe ni namori jire Jesu:

—Cohamacu jipihtina ahri yahpa macainare tuaro cahĩna. Æ jiro yuhure to macunore cãirota jirirore Cohamacu warocare jipihtina yuhure wacũ tuaina pichacaru ti wahaerahto cjihtore. Æ jia Cohamacu ya catia mehne ã catirucuahca tina. ¹⁷ Cohamacu yuhure to macunore masare buhiri dahre dutiro warocaerare ahri yahparure. Masare pichacaru wahaborinare yuhdichu yoachtiro cjihto sehere yuhure warocare.

¹⁸ Yuhure Cohamacu macunore wacũ tuainare ne buhiri dahresi Cohamacu. Yuhure wacũ tuaeraina pinihtare Cohamacu buhiri dahre duti tuhsure. Masa yuhure Cohamacu macunore cãirota jirirore ti wacũ tuaerari buhiri buhiri dahrerohca tinare. ¹⁹ Yuhu Cohamacu macuno ahri yahparu tacu buhriaro to noano marine to ñu masichu yoaro seheta Cohamacu yare noano masichu yoaja. Yu ã masichu yoapachuta, yuhure wacũ tuaeraina sehe yuhure cahmaerara. Ti ñaa yoaa sehere noano cahmana. Ti ã cahmari buhiri tinare buhiri dahre duti tuhsure. ²⁰ Jipihtina ñaare ã yoarucaina baro ti ñaa yoaaare duhu duaerara. Æ jia buhriaro to bajuro dahrero seheta ti ñaa yoarire “Bajuro dahreri”

nia, yuhure cahmaerara tina. ²¹ Quihõno yoaina sehe yuhure, yu buhea cãhure cahmana. Cohamacu yoadohoro mehne to yare ti yoaaare yu noano bajuro dahrech u buo tierara tina. Æ jia yuhure buhriaro yoaro sehe jirirore cahmana —ni yahuri jire Jesu.

Pari turi João masare bautisariro Jesure yahuha

²² Baharo Jesu sãre to buheinare Judea yahparu sũho wahare. Tõpu sũro tó macaina mehne mahaa dachoricã tjua, tinare bautisare. ²³ João cãhu masare bautisaro niha Enõn wama tiri macai. Enõn Salim wama tiri maca cahai jire. Tói dia jire. Tói dia jichu João bautisaro niha masare. ²⁴ Tirore ti peresu yoachto pano Enõni masare bautisaro niha João.

²⁵ Tí pjare João buheina mehne macaina mahainacã judio masuno mehne bautisaa macaare durucua niha. ²⁶ Æ jia tina João caharu sũa, tirore õ sehe ni yahuha:

—Buheriro, Jordão sie coaru mũhu mehne jiriro “Tiro tjica”, mu niriro sehe mipure masare bautisaro nina. To ã yoachu jipihtina tiro caharu dihta wahara —niha tina João.

²⁷ Ti ã nichu tuhoro João õ sehe ni yuhtiha:

—Tiro tuariro to jichu Cohamacu sehe tirore ã jichu yoariro jira. ²⁸ “Cristo jieraja”, yu nichu tuhore mũsa. Æ jierapaihta to pano to waroca

mãhtariro jija yũhũ. ²⁹ Cristo mehne masa ti wahachũ ñũcũ tuaro wahcheja. Õ sehe jira tí: Wamomaca dãhtericoro to manũno mehne jiro wahara. Wamomaca dãhtehtirore cohtariro sehe dãhtehtiro to namo tichũ ñũno to durucuchũ tũhoro tuaro wahchera. ã jicũ yũhũ wamomaca dãhtehtirore cohtariro to wahcheriro seheta Cristo mehne masa ti wahachũ ñũcũ tuaro wahcheja. ³⁰ Cristo sehere wacũ tuaro cahmana masare. Yũhũ sehere wacũ tuaeraro cahmana masare — ni yũhtiha João.

*Cohamacũ macũno
mũanopũ tariro jira*

³¹ ã ni tuhsũro õ sehe ni namoha João:

—Mũanopũ tariro jipihtina yũhdoro tuariro jira. Ahri yahpãpũ jiina jina ahri yahpa macaina jija mari. ã jina ahri yahpa macaare durucuja mari. Mũanopũ tariro sehe jipihtina yũhdoro tuariro jira. ³² To ñũri cjiire, to tũhori cjiire tiro yahura. To ã yahupachũta to yahuaire masa sehe ne tũho duaerara. ³³ Mũanopũ tariro to yahuaire masa tũhoa, tíre cahmaa, “Cohamacũ potocã niriro jira”, nia nina tiña. ³⁴ Ahriro Cristore Cohamacũ warocarirore Espiritu Santo ya tuaare cũ pahñona Cohamacũ. ã jiro tiro Cohamacũ ya durucuare yahura. ³⁵ Cohamacũ to macũnore tuaro cahña. ã jiro jipihtina bui ti pũhtoro ji dutire to macũnore. Jip-
ihtia pũro ji dutire tiore.

³⁶ Cohamacũ macũnore wacũ tuaina sehe Cohamacũ catia mehne ã catirucuahca. To macũnore cahmaeraina sehe Cohamacũ catia mehne jisi. ã jiro Cohamacũ tinare tuaro buhiri dahrerohca —niha João.

4

*Jesu Samaria macaricoro
mehne durucuha*

¹ Jesu João yũhdoro payũ buheinare to cjuachũ João yũhdoro masare to bautisachũ fariseo curua macaina tũhorocaha. ² Tí ã tũhorocapachũta Jesu sehe to basi masare bautisaerare. Sã to buheina sehe masare bautisahi. ³ Fariseo curua macaina tí ã masichũ tũhoro Jesu sehe Judea yahpai jiriro Galilea yahpãpũ sãre sũho tjuaa wahare.

⁴ Tórpũ wahana Samaria yahpare sũ yũhdũ wahcãna tana nihi sã. ⁵ ã yũhdũ wahcãna Samaria yahpai jiri macãpũ Sica wama tiri macãpũ sũhi. Tí maca cahai panopũ macariro Jacobo cjiro to macũno José cjirore to wari yahpa jire. ⁶ Tói Jacobo cjiro co to naari copa jire. ã yoa Jesu sehe yoaropũ tariro cjiro jiro, tiro wahya yũhdũro tí copa dãhtũ cahai nuju sũre. Tí pja tói to so nuju sũri pja cohari pja waro jire. ⁷⁻⁸ Sã to buheina sehe macãpũ chũare sã nuchũna wahari baharo cãirota tiro tói tjua nuju sũre. ã so nuju sũro Samaria macaricoro tí copãpũ co waro to wihichũ Jesu ticorore core siniha:

—Core waga yuhure — niha.

⁹—Muhu judio masuno jira. Yuhu sehe Samaria macaricoro jija. ¿Dohseacu yuhure core sinijari muhu? —niha ticoro Jesure. Judio masa Samaria macainare ñu tuhtina jira. Æ jiro ticoro ã niha.

¹⁰ To ã niri baharo Jesu ticorore õ sehe ni yahuha:

—Muhure Cohamacu to yoadoho duarire masico, muhure core sinirirore masico, muhu yuhu sehere siniboa. Mu ã sinichu paye co sehere waboa yuhu. Tí co sehe catichu yoara —niha Jesu ticorore.

¹¹ To ã nichu tuhoro ticoro õ sehe ni yuhtiha tirore:

—Ne muhure situ mari-ahna. Wiho mejeta ahri copa cuãri copa jira. ¿Æ jichu ahri catichu yoaa core nohopu wabocari muhu? ¹² Mari ñuchu cjiro Jacobo panopu macariro ahri copare marine cãa tiha. Tiro, to pohna, to nuina cãhu ahri core sihnia tiha. “Paye core waboa yuhu” nicu, ¿Jacobu yuhdoro masiro jijari muhu, ã ni tuhotucu? —niha ticoro.

¹³ To ã nichu Jesu õ sehe ni yuhtiha:

—Jipihtina ahri core sihniina, pari turi ñahma yapiuahca. ¹⁴ Ya co sehere sihniina ne pari turi ñahma yapiosi. Æ jia ya core sihniina Cohamacu mehne ã jiru- cuahca. Ma pohtapu co to ã wijaarucuro seheta ya co ne pihtisi —niha Jesu.

¹⁵ To ã nichu tuhoro numino sehe õ sehe niha:

—Ne pari turi yu ñahma yapiuerahto sehe tí core waga yuhure. Æ jico pari turi ne õpore co wasi —niha ticoro.

¹⁶ To ã nichu Jesu ticorore õ sehe ni yahuha:

—Tí pja pinihta mu manure pjico wahaga. Pji tuhsu õpu taga tiro mehne —niha Jesu ticorore.

¹⁷⁻¹⁸ —Manu marienicoro jija yuhu —niha ticoro.

—Potocãta nimana muhu. Muhu cinco tahari manu ti tuhsu mare. Tuhsu, mipure muhu mehne jiroro mu manu jierara. Æ yoa “Manu marienicoro jija” nico, potocãta nimana muhu —niha Jesu ticorore.

¹⁹ To ã nichu tuhoro õ sehe niha ticoro:

—Ne, Cohamacu yare yahu mahtariro jira muhu, yu tuhotuchu. ²⁰ Sã ñuchusuma cjiro ahdu tãcupu Cohamacure ño payoa tiha. Æ jina musa sehe judio masa “Jerusalëi Cohamacure ño payoro cahmana masare”, nia tire musa judio masa —niha ticoro.

To ã nichu Jesu õ sehe ni yuhtiha:

²¹ —Numino yuhure tuhosinga. Baharopu ahdu tãcu, Jerusalëpu cãhure mari Pucure ño payosi musa. ²² Musa sehe musa ño payorirore masierara. Masare yuhduchu yoah tiro judio masunota jira. Æ jina sã judio masa sehe sã ño payorirore masija. ²³ Mipure baharopu cãhure Cohamacure potocã ño payo- oina ti noano tuhoutu mehne tirore ño payoahca. Tó sehe

mari ño payochu cahmana Cohamacu. ²⁴ Cohamacu pjacu marieriro to jichu masa tirore ñuerara. Æ jia tirore ño payoa, ti noano tãhotua mehne tirore noano potocã ño payoro cahmana masare —niha Jesu.

²⁵ To ã nichuta ticoro ò sehe ni yuhtiha:

—Mesia, “Cristo” ti niriro sehe masare yuhduchu yoah tiro, to tahti cjihtire masija yuhu. Tiro taro, marine jipihtiare buhe pahñonohca —niha ticoro.

²⁶ —Yuhuta jija Cristo — niha Jesu ticorore.

²⁷ To ã ni yahuchu waro wihina sã to buheina sehe Jesu numino mehne to durucuchu ñuna, cãaa waha. Æ cãpanahta “¿Dohse cahmajari muhu? ¿Dohse nii nijari muhu ticorore?” ni sinitu ñerahi. ²⁸ Æ jiro numino to siture tói duhu daponoca, macapu waha, masare yahuro, ò sehe niha:

²⁹ —Yu yoari cjrيره yahu pahñorire ñuna taga musa. Tiro potocãta Cristo jiboca pa tehe nino —niha ticoro.

³⁰ To ã nichu tãhoa tí maca macaina sehe Jesure ñua taa nire. ³¹ Tí pjare sã Jesu buheina sehe tirore tuaro chu dutimai:

—Buheriro, chuga —nimai sã.

³² —Soro jia chũare cjuaja yuhu. Tíre musa masierara — nire tiro.

³³ To ã nichu tãhona sã basi ò sehe ni durucui:

—¿Paina tirore chũare wa tuhsari? —nii sã basi.

Sã ã nichu Jesu ò sehe ni yahure:

³⁴ —Masa sehe chu ji coara. Yuhure warocariro to cahmaare yoacu ji coaja yuhu sehe to yoa dutiro seheta yoa pahñocu tach. ³⁵ “Cuatro sãri dũhsara dicha naahto”, wese puro to niriro seheta musa sehe ni tãhotuena tjiga. “Cohamacu yare sã yahuhto dũhsasinina”, ni tãhotuena tjiga. Potocã niita nija musare. Mipu pinihtare masare ñuga. Dicha tichu musa naari pja to jiro seheta, mipu pinihta masa yu buheare ti tãhohti pja jiro nina. ³⁶ Toaa dichare naainare ti wapariro seheta yu yaina cjihti naainare yu yare buheinare ti ã yoari wapa tinare noano yoaihtja yuhu. Ti ã buhechu tãhoa yu buheare tãhoina yu yaina sehe Cohamacu mehne jipihtia dachoripe jirucuahca. Æ jia tinare buhe mũhtaina, baharo yu yaina jichu yoaina cãhu cãno potori wahcherucuahca. ³⁷ “Cãiro toa mũhtariro jira. Pairo sehe toaa dichare nariro jira”, nia tiha panopu. Tí potocã tjira. Ti ã niriro seheta cãina yu yare yahu mũhtaina jira. Paina sehe yu yare buhea yu yaina jichu yoaina jira. ³⁸ Wese puro to yaina dahraina toaeraina ti jipachuta to toaa dichare tinare naa dutiro warocara. Tó seheta masare buhe mũhtaeraina musa jipachuta yu yaina cjihti yoa duticu warocaja musare. Paina sehe

tinare buhe mahta tuhsure. Ti buherinapare pari turi buhe namona, yu yaina jichu yoanahca musa sehe. Æ jina buhe mahtaina sehe ti yoadohoro mehne painare yu yaina jichu yoanahca musa —nire Jesu.

39 Ti pjare Samaria macaricoro “Yu yoari cjirire tiro yahu pahñore”, to ã nichu tuhoha Samaria macaina payu Jesure wacũ tua, tirore cahmaha. 40 Æ jia Samaria macaina Jesu cahai sua, “Sã mehne tjuasiniga”, nire tirore. Ti ã nichu sã cãhu tiro mehne pua dacho tõi tjuasinii. 41 Paina cãhu payu Jesure tuhoha cahmare tirore. 42 Õ sehe nire masa numinore:

—Wahmanopure mu yahurire tuhona, Jesure cahmahi. Mipu pinihtare Jesu to durucuare tuhona tirore wacũ tuana, tirore cahmaja. Æ jina tiro sehere tuhona ahri yahpa macainare pichacapu waha-borinare yuhduchu yoariro potocã to jichu mipu sã masija —nire masa Samaria macaricorore.

Puhtoro macunore dohatirirore noariro wahachu yoaha Jesu

43 Pua dacho baharo Jesu sãre Galilea yahrapu suho wahare. 44 Wahmanopure õ sehe nia tire tiro: “Cohamacu yare yahu mahtarirore to ya yahpa macaina tirore ño payoerara. Æ jia yuhure ño payoerara õ macaina õi yu bucarariro jichu”, nia tire Jesu.

45 Æ jia Galileapu to sachu to macaina tirore noano piti bocare. Tõ pano Jerusalẽi bõse numai Jesu Cohamacu tuua mehne to yoachu ñurina jire tina.

46 Æ yoa Canapu Galileai jiri macapu core vino to wahachu yoari macapu wahaa wahai sã tiro mehne. Cana cahai jiri macai Capernau wama tiri macai jipihtina bui puhtoro docai jiriro puhtoro macuno dohatiro niha. 47 Tuhsu, Jesu Judeapu jiriro Galileapu to sachu puhtoro tuhoha. Tíre tãhoro Jesu cahapu wihire:

—Yu macu yariaro nihre. Æ yoa tirore noariro wahachu yoai taga —ni tuaro mehne pjire tirore.

48 To ã nichu tãhoro Jesu õ sehe ni yuhtire:

—Cohamacu tuua mehne yu yoachu ñurana, ne yuhure wacũ tuaerara musa —nire Jesu tirore.

49 To ã nichu puhtoro sehe õ sehe nire:

—Puhtoro, yu macu to yari-ahto pano taga —nire tiro Jesure.

50 —Tjuaahga. Mu macu catica —nire Jesu.

To ã nichu tãhoro, “To niriro seheta catirohca yu macu” nino, puhtoro tjuaa wahare. 51 Æ tjuaarucirirore to cahamaca tirore piti boca, õ sehe ni yahuha:

—Mu macu catihre —ni yahuha tina tirore.

52 —¿Noho waroi sũ jichu noariro wahari tiro? —ni sinituha tiro to cahamacare.

—Canure cohari pja baharocã juaro suruhre tirore —niha tina.

⁵³ Ti ã nichu tuhoro õ sehe ni tuhoutuha tiro: “Jesu yuhure to ã ni yahuri pjaihta juaro surua wahari jire”, ni tuhoutuha puhtoro sehe. “Potocãta nino niri jira yuhure” nino, tiro jipihtina to coyea mehne Jesure wacũ tuaha.

⁵⁴ Jesu Judea yahpamu jiro Galilea yahpamu to suri baharo puhtoro macunore noariro to waharire mari quihõchu pua taha Cohamacu to tuaa mehne yoa ño tuhsure Jesu.

5

Tini masierarirore noariro wahachu yoaha Jesu

¹ Baharo judio masa Cohamacure sã ño payori bose numari jichu Jesu Jerusalẽpu sure tjoa. ² Tõi oveja wama tiri sopaca cahai cuhsuri copa jihre. Sã judio masa ya mehne nia Betesda wama tiri copa jihre. Tí copa cahai cinco tihamahnoera tahti poca jihre. ³ Tí tahti pocai payu dohatiina coãre. Capari ñueraina, cũ buhusehe dahporo ñaina, pjacu buhaina tina tí copa cahai jia, [co ñuhmi mua mujanore cohtaa nire. ⁴ Tõpu buharo tí copa macaa core cãa tahari ñuhmichu yoa mujare anjo. Tí copa macaa co ñuhmiri baharo ña mio muhtariro sehe dohse jiare dohatiare cjuariro noariro wahare.] ⁵ Æ yoa tõi treinta y ocho cuhmari waro dohatiriro jire.

⁶ Tõi to coãchu ñuno to ã yoari pja dohatiriro jichu masire Jesu tirore. Æ masino tirore õ sehe ni siniture:

—¿Pjacu dohatia marieriro ji duajari mahu? —nire Jesu.

⁷ To ã nichuta dohatiriro õ sehe ni yuhtire:

—Tí co to ñuhmichu yuhure co jiri copamu naboriro mari-ahna. Tí copamu yu ña mio duapachuta paina sehe yu pano ã ña mio muhtarucura —nire tiro Jesure.

⁸ —Wahcãrucaga. Mu coãri cahsarore naa, wahaga —nire Jesu tirore.

⁹ To ã nichuta dohatiriro sehe to coãri cahsarore naa, ducu ducare. Tí dacho Sabado judio masa sã sori numu jire. ¹⁰ Tí dachoi Jesu to ã yoachu ñua judio masa sã puhtoa sehe dohatiriro cjirore õ sehe ni yahuha:

—Michare Sabado dacho mari sori numu jipachuta mu coãri cahsarore naahna mahu. Æ yoacu mari dutiare yuhducacai nina mahu —niha tina tirore.

¹¹ —Yuhure yu dohatiare cohãriro sehe õ sehe nire yuhure: “Mu coãri cahsarore na, wahaga”, nire tiro yuhure —ni yuhtiha dohatiriro cjiro.

¹² —¿Tíre mahure ã niriro sehe diro baro jijari tiro? —ni sinituha tina.

¹³ Tõi masa payu ti jichu ñuno Jesu sehe waha tuhsuha. Æ jiro dohatiriro cjiro sehe tirore noariro wahachu yoarirore to wamare masieraha. ¹⁴ Baharo Cohamacu wahu Jesu tirore piti boca, õ sehe ni yahure:

—Tuhosiniga mähü yühäre. Mipüre noano pjacu tira mähü. Ñaare yoa namoi tjiga. Pari turi ñaare yoa namocu mä dohatiro yühodoro wahaiha mähü —nire Jesu tirore.

¹⁵ To ã niri baharo dohatiro cjiro sehe sã judio masa pũhtoa tirore sinituina cjiri cahapü sũro, õ sehe ni yahuha tinare:

—Jesu wama tiroro yühäre noariro wahachü yoahre —ni yahuha tiro.

¹⁶ Æ yoa Sabado jichü Jesu dohatirore to dohatiare to cohãchü masia judio masa sã pũhtoa sehe tirore ñü tuhtia, yahusãa dua dũcare.

¹⁷ Æ tirore ti yahusãa duachü masino Jesu sehe õ sehe ni yahure tinare:

—Yü Pũcu mipüre dahrasinina. Yühü cãhü dahrasinii nija —ni yahure tirore yahusãa duainare.

¹⁸ To ã nichü judio masa sã pũhtoa sehe tiro mehne tuaro suaa, tó pano ti niriro yühodoro tirore wajã duare. Sabado dachore sã sori numüre cãirore to nõariro yoachü ñüa tina suare. Æ suaa tiro Cohamacüre “Yü Pũcu” to nichü tũhoa, tina sehe tó pano ti niriro yühodoro sua namoha tjoa. “ ‘Yühü Pũcu’ nino, Jesu to basi ‘Cohamacü mehne cãno potori jija’, ni wacũca tiro”, ni tũhoture judio masa sã pũhtoa.

Jesu Cohamacü to warocariro jira

¹⁹ Æ yoa Jesu tinare õ sehe ni yahure:

—Potocã müsare niita nija. Yühü, Cohamacü macũno, yü mü sũro yoeraja. Yü Pũcu to yoarire ñũcu, tíre yoaja. ²⁰ Yü Pũcu yühäre, to macũnore, cahĩna. Æ jiro to yoarire yühäre ño pahĩona. Ahri mipü to tuaa mehne yü yoari yühodoro tiro payere yoa dutirohca yühäre. To ã yoa dutichü to tuaa mehne yoa ñoihca yühü. Æ jina ñü cãanahca mũsa. ²¹ Yü Pũcu yariarinare to masoriro seheta yühü cãhü yü cahmainare masoihtja. ²²⁻²³ Ne yü Pũcu sehe masa ti ñaa buhirire buhiri dahreriro jierara. Yühü sehere tíre ti ñaa buhirire buhiri dahrehtirore cüre yü Pũcu. Jipihtina masa tirore ti ño payoriro seheta yühü cãhäre ti ño payohti cjihtire buhiri dahrehtirore cüre yühäre. Yühäre to macũnore ño payoerana yü Pũcu cãhäre ño payoerara mũsa. Tiro jira yühäre warocariro —nire Jesu.

²⁴ Æ ni tuhsü õ sehe ni yahu namore:

—Potocãta müsare nii nija. Yü durucuaire tũhoina yühäre warocarirore wacü tuaina jipihtia dachoripe mũanopü ã jirucuahca. Æ jicü tinare buhiri dahresi yühü. Æ jia tina pichacapü wahaborina yühdahca. ²⁵ Potocã müsare niita nija. Pichacapü wahatina yühäre Cohamacü macũnore ti tũhohti pja mipü jira. Baharopü cãhäre yühäre tina tũhoahca tjoa. Æ tũhoa tũho nũnũina sehe Cohamacü mehne ã jirucuahca.

26 Cohamacu yu Pucsu sehe ã jirucuchu yoariro jira. ã jiro yuhure to macunore ã jirucuchu yoah tiro ji dutire tiro yuhure. 27 ã jicu yuhu masuno Cohamacu to warocariro yu jichu tiro masare buhiri dahrehtirore cüre yuhure. 28 Ahrire tuhona, tuho cnaena tjiga musa. Pa dachopure jipih tina yariaina masa coparipu jiina yu durucuchu tuhoahca. 29 ã tuhoa, noaare yoaina cjiri jipih tia dachoripe Cohamacu mehne jih tina cjihti masa mujaahca. Ñaare yoaina cjiri sehe ñaare ti yoari buhiri pichacapu wahaahca —ni yahure Jesu.

30 ã ni tuhsu õ sehe ni yahu namore:

—Yuhu yu mu suro ne yoeraja. Ne yu basi yu cahmano yoa duaeraja. Yuhure warocariro to dutiriro seheta yoa duaaja. ã jicu to niriro seheta buhiri dahreja. Tuhsu yuhu masare buhiri dahrecu quihõnota yoaja. 31 “Yuhu tuariro jija”, yu ni yahuchu “Mu yahua ne quihõno jierara”, ni masiboca musa. 32 Pairo jira yuhure yahuriro. Tiro João sehe masare yahure yuhure. Masare yuhure to yahuri cjiri quihõno tjira. Tíre yuhu noano masija. 33 Musa paina sehene João pure yuhure sinitu dutina warocare. ã jiro potocãta yahure tiro musare. 34 “Cohamacu macuno jira ahriro”, yuhure ni yahuhtinare macaeraja. ã macaerapacuta João masuno to jipachuta yuhure “Cohamacu macuno jira”, to ni

yahurire yahui nija. Musa yuhure wacũ tuahti cjihtire, musa pichacapu wahaborina musa yuhduhti cjihtire yuhure João to yahurire yahui nija. 35 Sihãria mahaa dachoricã to ñu masichu yoaro seheta João musare buhe muhtano mahanocã to catiro puro musare masichu yoare. To ã buhechu tuhona mahaa dachoricã wahchere musa. 36 Yu jia tiare to ã buhepachuta Cohamacu sehe yu jiare noano yahura. To ã yahuchu João yu jiare to yahua yuhdoro jira Cohamacu ya yahua. ã jicu Cohamacu to tuaa mehne yuhure to yoa dutiri cjirire mipu yoai nija. Ahrire yu yoachu ñuna potocãta Cohamacu to warocariro yu jiare masina musa. 37 ã yoa yu Pucsu yuhure warocariro to basi “Tiro yu warocariro jira”, ni yahura musare. To ã ni yahupachuta to durucua ne tuhoerare musa. ã jina musa tirore ne masierare. 38 Yuhure Cohamacu warocarirore musa ne tuho duaerare. ã jina musa Cohamacu yare ne cahmaerare. 39 Cohamacu yare ti joari püre musa buhena, “Mari ahri püre buhena jipih tia dachoripe Cohamacu mehne ã jirucunahca”, nina musa. Tí pũita yuhure yahura. 40 Tí pũ yuhure to yahupachuta musa sehe yuhure cahmaerara. Jipih tia dachoripe Cohamacu mehne musa ã jirucuhti cjihtire yuhure sini duaerara musa —ni yahure Jesu.

⁴¹ Ā ni tuhsu ō sehe ni namore:

—Yuhure m̄sa ño payoerach̄u ñ̄cu suaeraja yuh̄u sehe.

⁴² M̄sa sehe Cohamac̄ure m̄sa cah̄ierach̄u masija yuh̄u. ⁴³ Cohamac̄u yu P̄cu yuh̄ure to dutiriro seheta yu tapach̄uta m̄sa yuh̄ure cahmaerare. Pairo sehere Cohamac̄u tirore warocaerariro to jipach̄uta to m̄ s̄uro to tapach̄uta tiro sehere cahmanahca m̄sa.

⁴⁴ Paina masa m̄sare ti ño payoch̄u cahmana m̄sa. Cohamac̄u m̄sa mehne to ji coach̄u cahmaerara m̄sa. Tiro dihta Cohamac̄u waro jira. Ā cahmaerana yuh̄ure t̄hoerara m̄sa. Yuh̄ure wac̄u tuaerara. ⁴⁵ M̄sare yu P̄cup̄ure ne yahus̄asi yuh̄u. Tíre masiga m̄sa. Moise cjiro to joari p̄u sehe m̄sare yahus̄anohca.

“Tí p̄u macaa dutiare mari yoa pah̄õna, Cohamac̄u cahai wahanahca”, m̄sa niri p̄u sehe m̄sare yahus̄anohca.

⁴⁶ Moise cjiro to joari p̄u yuh̄u sehere yahuha. Ā jina tí p̄ure “Potocã tjira” nina, yu yahua c̄uh̄ure “Potocã tjira”, nibo m̄sa. ⁴⁷ Moise cjiro to joari p̄ure “Potocã tjira” nierana, yu ya durucua c̄uh̄ure “Potocã tjira”, nisi m̄sa —nire Jesu tinare.

6

Cinco mil bui masare ch̄ua waha Jesu

(Mt 14.13-21; Mr 6.30-44; Lc 9.10-17)

¹ Ā to buheri baharo yoa cureri p̄ja baharo Galilea wama tiri buc̄upariro

pa buh̄usehe coapu sã to buheinare Jesu s̄ho pah̄aa wahare. Tí taro p̄jiri taro pa wama Tiberia wama tire.

² Tó pano Galilea yahpai Jesu Cohamac̄u tuaa mehne yoa ño, dohatiinare ti dohatiare to coh̄ach̄u masa ñ̄ua tire. Ā jia Jesu to pah̄ach̄u ñ̄ua, masa payu tirore nanu ti pah̄are.

³ Ā yoa baharo tí taro d̄ht̄u cahapu Jesu s̄are s̄ho pah̄a su, t̄cup̄u m̄ja, tu buip̄u s̄are s̄ho dujire. ⁴ Tí dachore Pascua wama tiri bose numu cjihto, sã judio masa ya bose numu s̄hti dacho cjihto mahaa dachoricã d̄hsare.

⁵⁻⁶ Tópu dujiro, Jesu payu masa to cahapu ti tarucuch̄u ñ̄ure. Ā ñ̄no Felipere ō sehe ni sinitu ñ̄ure:

—¿Ahrina masa ti ch̄hti cjihtire nohopu nuch̄nahcari mari? —nire Felipere.

Jesu to basi to yohtire masiparota Felipere ã sinitu ñ̄ure “¿Dohse ni yuhtirohcari?” nino. ⁷ To ã sinitu ñ̄uch̄u t̄horo Felipe sehe ō sehe ni yuhtire:

—Ocho s̄ari posa dahra wapataa niñeru mehne ch̄are mari nuch̄upach̄uta masare c̄ainare daacã ch̄are mari witipach̄uta ne m̄ s̄si —nire Felipe Jesure.

⁸ Ā yoa paio, sã mehne macariro Andre, Simo Pedro bah̄uro sehe Jesure ō sehe ni yahure:

⁹—Ahiri wahma wahm̄ua tariro cinco p̄ao curirire, ã jich̄u wahi p̄arocã c̄uh̄ure c̄jara. Wiho mejeta masa sehe payubia jira. Ā jiro ahri

mahanocã chua ne mu susi — nire Andre.

¹⁰To ã niri baharo:

—Masare duji dutiga musa —nire Jesu sã to buheinare.

Tói daacã tja jiro jire. Sã duji dutichu masa nuju su pihtiare tja bui. Tina mu dihtare sã quihõchu cinco mil wahtaroi jire. ¹¹Ti ã nuju suchu ñno Jesu sehe pãore na, Cohamacure “Noana”, nire. ã ni tuhsurota sãre to buheinare witi dutire. To ã dutichu sã sehe tói dujiinare witi wahcã. Tuhsu, pãaro wahi cãhure witihi tinare. Jipihtinare noano ti chu duaro puro chãare tinare witihi. ¹²Baharo masa sehe yapi yuhduwa wahare. Ti ã yapi yuhduwachu ñno Jesu sãre õ sehe ni yahure:

—Ti chu duharire noano saa cahmachu pahñoga. ã yoana ti chu duhaare ne bosì —nire.

¹³To ã nichu tuhona sã sehe cinco pão curiri duhsarire sã saa cahmachuchu doce puhuse waro wijare. ¹⁴ã jia Jesu tíre to tuua mehne to yoa ñochu ñua, masa sehe õ sehe nire:

—Potocãta jira. Ahriro Cohamacu yare yahu muhtariro ahri yahpãu “Tarohca”, ti niriro mari cohtariro tjira — nire tina.

¹⁵ã jia tina Jesure ti puhtoro jihtiro cjihtore ñaha sõ duamare. Jesu ti ã ni tuhoutuare masino pari turi cãirota tãcupu wahaa wahare.

*Jesu co bui ducu wahcãha
(Mt 14.22-27; Mr 6.45-52)*

¹⁶Ñamichahapu sã to buheina bucpariropu buhai. ¹⁷Tópu re buhu su, dohoriapu samu, Capernau wama tiri macapu majare pahã. Tí pjare sã majare pahãri pjare ñamipu jire. Jesu sehe sã cahapu tju wihierasini mini. ¹⁸Sã ã majare pahãno watoi wihnono tuaro sãre tachu, pahcõri bujua pahcõri wahcãre. ¹⁹Sã cinco kilómetro suboro waroi sã suchu waro Jesu sãre mu sure. Co buipu to tachu ñni sã. ã sã cahai to tachu ñna, sã sehe cua yuhduwa wahacuru. ²⁰Sã ã cua yuhduwachu ñno tiro sãre õ sehe ni yahure:

—Cuiena tjiga. Yuhuta jija —nire Jesu.

²¹To ã nichu tuhona sã wahchea mehne tirore piti boca samu dutihi. To samuri baharocãta wacũenoca sã wahari yahpãre pahã su tuhsuhi.

Masa sehe Jesure macaha

²²ã yoa tí ñamine masa bucpariropu pa buhusehe coapu tjuaina sehe sã yaria busoca, sã pahãhtia cãria to jichu ñure. Tia mehne sã sahsero sã pahã wahachu cãhure ñure tina. Tuhsu Jesu sã mehne to pahãerachu ñure tina. ã jia pa dachoi tirore tói cohtaa niri jimare tina. ²³Ti ã cohtaroi watoi, paye buso, Tiberia wama tiri macapu taa buso Jesu Cohamacure “Noana”, to niriro cahacã cureropu, masare to chua wiritiro cahacã cureropu wahã suri jire tí buso. ²⁴ã yoa sãre Jesu to suho jimarirore to

mariach_u ñ_ua, masa tí busop_u samu, Capernaup_u sãre nan_u ti pahã tari jire, Jesure maca taã.

Jesu catich_u yoaa ch_ua yoaro sehe jiriro jira

25 Ti pahã wihiri baharo, Jesure boca wihi, tina masa õ sehe ni sinitu ñ_ure tirore:

—Buheriro, ¿dohse jich_u tari m_uh_u õp_ure? —ni sinitu ñ_ure tina.

26 Ti ã ni sinitu ñ_uch_u, Jesu tinare õ sehe ni yahure:

—Potocã niita nija m_usare. Y_uh_u m_usare Cohamac_u tuaa mehne y_u yoaa ñopachuta y_uh_ure sehere wac_u tuaerara m_usa. Y_uh_ure wac_u tuaerapanahta y_uh_ure macana m_usa. Y_uh_u mehne buj_ua ch_u, m_usa yapirina cjiri jina y_uh_ure maca tari jira m_usa. 27 Wiho mejeta ch_ua ne ã jirucuerara. Baharop_u pihtia wahara. ã jina tíre ã macarucuena tjiga m_usa. Paye baro ch_ua soro jia ch_uare macaga m_usa. Tí soro jia ch_uare bocana jipihtia dachoripe Cohamac_u mehne jirucunahca. ã jia tí ch_ua pinihta ne pihtisi. Tí ch_uare y_uh_u mas_uno Cohamac_u warocariro m_usare waihtja. Cohamac_u y_u P_uc_u y_uh_ure tí baro ch_uare wa dutiriro jira. Tirota to warocariro y_u jiare ño tuhs_ure m_usare — nire Jesu.

28 To ã nich_u t_uhoa tina õ sehe ni sinitu ñ_ure tirore:

—¿Cohamac_u to yoaa dutiare yoana tana dohse yoanahcari sã? —ni sinitu ñ_ure tina.

Jesu sehe ti ã nich_u t_uhoro, õ sehe ni y_uhtire tinare:

29 —Cohamac_u m_usare õ sehe dutira. To warocarirore m_usa noano t_uho, wac_u tuach_u cahmana tiro —ni y_uhtire Jesu.

30 To ã nich_u t_uhoa tina õ sehe nire tjoa:

—Cohamac_u warocariro jic_u tiro to tuaa mehne yoaa ñoga sãre m_uh_ure sã noano wac_u tuahto cjihtore. ¿Yaba barore yoaa ñobocari m_uh_u? 31 Mari ñ_uch_us_uma cjirip_u panop_u macaina masa marienop_u maná wama wama tiare ch_ua tiha. Cohamac_u yare ti joari p_up_u õ sehe ni yahura: “Tiro tinare m_uano macaa ch_uare waa tiha ti ch_uhti cjihtire”, ni joaa tiha Cohamac_u yare ti joari p_up_u. ¿To ã yoariro seheta yoaih_ucari m_uh_u c_uh_u? —nire tina.

32 Ti ã nich_u t_uhoro õ sehe ni yahure Jesu tinare:

—Potocã m_usare niita nija: Moise cjiro m_uano macaa ch_uare waera tire m_usare. Y_u P_uc_u sehe m_uano macaa ch_uare potocã jia ch_uare m_usare wariro jira. 33 Cohamac_u to ch_ua m_uanop_u duji ta, jipihtiro yahpa macainare catich_u yoaa masina —nire Jesu tinare.

34 —P_uhtoro, dachoripe tí baro ch_uare ã warucuga sãre —nire tina.

35 Ti ã nich_u t_uhoro, Jesu sehe õ sehe ni yahure tinare tjoa:

—Y_uh_u sehe catich_u yoaa ch_ua yoaro sehe jiriro jija. Mari ya ch_uare mari ch_uri baharocãta dóicãta j_uca baa wahaja mari tjoa. Sihnia c_uh_ure mari sihniri

baharocãta ñahma yapioa wahaja tjoa. Wiho mejeta diro yuhure cahmariro, yuhure wacũ tuariro, ne jũca baaerariro yoaro seheta to wahchea sehe tirore ne pihtisi. ³⁶ Mũsa sehe yuhure ñũpanahta yuhure wacũ tuaerasinina mini. Tíreta mũsare yahumahi yuhũ. ³⁷ Jipihtina yũ Pũcu yũ yaina cjihtire yuhure to cũrina sehe yuhure cahmaahca. Ā jii yuhure cahmainare ne cohãsi yuhũ. ³⁸ Mũanopũ tacũ yũ cahmano yoai tai nierahi. Yuhure warocariro to cahmariro seheta yoai tai nii yuhũ. ³⁹ Ahrita jira yuhure warocariro to cahmaa waro: Jipihtina yũ yaina cjihti yuhure to warina cjihtire yũ boerachũ cahmana yuhure warocariro pihtiri dachoi ti masa mũjahto cjihtore. ⁴⁰ Jipihtina yuhure Cohamacũ macũnore ñũina, yuhure wacũ tuaina jipihtia dachoripe tiro mehne ti jirucuchũ cahmana yũ Pũcu. Ā jicũ pihtiri dachoi tinare masoihtja —nire Jesu.

⁴¹ “Yuhũ mũanopũ taa chũa yoaro sehe jiro jija”, to nichũ tũhoa judio masa sã pũhtoa sehe tiro mehne sua, ⁴² ti basi Jesure ñano ni durucure:

—¿Ahriro Jesu José macũno jierajari? To pũcũro, to pocoro cũhure mari masija. Tuhsũ mari yoaro sehe pjacũ tiriota jira. ¿Ā jiparota dohsearo “Mũanopũ tahi”, nijari tiro? —ni suare tina.

⁴³ Ti ã nichũ tũhoro Jesu õ sehe ni yahure tinare:

—Mũsa yuhure ñano ni durucuenta tjiga. ⁴⁴ Yũ Pũcu yuhure warocariro sehe masare yuhũ sehere cahmachũ yoara. To ã yoerachũ masa sehe yũ yaina ji masieraboa. Pihtiri dachoi yũ yainare masoihca yuhũ. ⁴⁵ Cohamacũ yare yahu mũhtaina cjihti sehe õ sehe ni joaa tiha: “Cohamacũ tinare buherohca”, ni joaa tiha Cohamacũ yare yahu mũhtaina cjihtire. Jipihtina yũ Pũcu to buheare tũhoina, tirore yũhtiina yuhure cahmana. Ā jia yũ yaina jira.

⁴⁶ ‘Yũ Pũcũre ne cãiro masũno ñũerare. Yuhũ Cohamacũ warocariro dihta yũ Pũcũre ñũhi. ⁴⁷ Potocã niita nija mũsare. Yuhure wacũ tuariro jipihtia dachoripe yũ Pũcu mehne ã jirucurohca. ⁴⁸ Yuhũ catichũ yoaa chũa yoaro sehe jiro jija. ⁴⁹ Mũsa ñũchũsuma cjihti masa marienopũ manãre chũa tiha. Ā tíre chũpahta yariaa wahaa tiha. ⁵⁰ Mũanopũ taa chũare yũ nia chũare masũno chũro, ne pichacapũ wahasi. ⁵¹ Yuhũ mũanopũ taa chũa catichũ yoaa chũa yoaro sehe jiro jija. Ahri chũare chũriro jipihtia dachoripe yũ Pũcu mehne ã jirucurohca. Ahri chũa catichũ yoaa chũa yoaro sehe jia yũ pjacũta jira. Jipihtiri yahpa macaina Cohamacũ mehne ti ã jirucũhti cjihtire yũ pjacũre waihtja. Ā wacũ yariaihca —nire Jesu.

52 To ã nichu tãhoa sã coyea judio masa sehe tíre õ sehe ni durucure ti basi:

—¿Ahriro dohse yoa to pjacure chũhti cjihtire waro-
hcari? —nire tina ti basi.

53 Ti ã nichu tãhoro Jesu õ sehe ni yahure:

—Potocã niita nija m̄sare. Yũhũ masũno Cohamacũ warocariro jija. Yũ pjacure chũerariro, yũ dire sihnierariro Cohamacũ ya catia mehne ã jirucusi. 54 Yũ

pjacure chũriro, yũ dire sihniriro yũ ya catia mehne ã jirucurohca. Æ jicũ pihtiri dachoi tirore masoihtja.

55 Yũ pjacũ potocãta chũa waro yoaro sehe jira. Yũ di potocãta sihnia waro yoaro sehe jira. 56 Yũ pjacure chũriro yũ dire sihniriro yũhũ mehne wahchea mehne jirucura. Yũhũ cãhũ tiro mehne wahchea mehne jirucuja.

57 Yũ Pũcũ yũhũre warocariro ã jirucura. Æ jirucuro, yũhũ cãhũre ã jirucuchũ yoara. Æ jia yũhũre ã jirucurirore masa chũa, Cohamacũ mehne m̄anopũ ã jirucuahca tina cãhũ. 58 Ahrita jira m̄anopũ taa chũa. Mari ñũchũsuma

cjiri maná wama tia ti chũri cjiri yoaro sehe jierara ahri chũa. Tina sehe tí chũare chũpahta yariaa wahaa tiha. Ahri chũa sehere chũriro m̄anopũ ã jirucurohca — nire Jesu.

59 Capernaupũ judio masa sã buheri wãhũi Jesu buhero, ãta ni yahure.

Jesu buheare tãhona m̄anopũ ã jirucunahca mari

60 Payũ Jesure cahmaina to ã ni buheare tãhoa, õ sehe ni durucure:

—Ahri buhea nucu mijona. Æ jina mari tãho duaera cureja —ni durucure tina ti basi.

61 Ti ã nichu Jesu sehe ti durucure masire. Æ masino tiro õ sehe ni siniture tinare:

—¿Ahri buheare tãhona suajari m̄asa? 62 ¿Yũhũ masũno Cohamacũ warocariro m̄anopũ yũ tjuaa wahachũ ñũna dohse ni tãhotubocari m̄asa?

63 Espiritu Santo masũnore catichũ yoara. Masa sehe ti basi catichũ yoerara. Espiritu Santo masare to catichũ yoariro seheta yũ buhea sehe m̄sare Cohamacũ mehne ã jirucuchũ yoara. 64 Cãina m̄asa mehne macaina ne yũhũre wacũ tuaerara —nire Jesu.

Wahmanopũre Jesu tirore wacũ tuaerainare masire. Tirore ñũ tuhtiinare ñohtiro cãhũre masi tuhsũre. Æ tirore wacũ tuaerainare masino “Cãina m̄asa mehne macaina yũhũre wacũ tuaerara”, nire Jesu.

65 Æ ni tuhsũ õ sehe ni namore:

—Õ sehe ni yahumahi m̄sare: “Yũ Pũcũ sehe masare yũhũ sehere cahmachũ yoara. To ã yoerachũ masa sehe yũ yaina ji masieraboa”, m̄sare nii nimahi — nire Jesu.

66 To ã ni buhechũ tãhoa payũ Jesure cahmamarina cjiri tirore cohã, tiro mehne pari turi wahaerare. 67 Ti ã

yoachu ñano Jesu sãre doce to buheinare õ sehe ni siniture:

—¿Musa cãhu yahure cohãnahcari? —ni siniture sãre.

⁶⁸ To ã nichu Simo Pedro õ sehe ni yahure tirore:

—Puhtoro, sãre pairo buheriro mariaha. Mu ya buheare tuhona Cohamacu mehne ã jirucunahca sã. Mu ya buhea dihta tíre yahura sãre. ⁶⁹ Æ jina sã mahure wacũ tuaja. Æ yoa muhu noariro, Cohamacu macuno to warocariro mu jichu sã masija. Æ jina mahure cohãsi sã —nire Simo Pedro Jesure.

⁷⁰ To ã nichu tuhoro Jesu õ sehe ni yahure sãre:

—Yuhu sehe musare doce besehi. Wiho mejeta cãiro musa mehne macariro watño yairo cjihto jira —nire sãre to buheinare.

⁷¹ Æ nino Judare Simo Is-cariote macunore nino niri jire. Juda sehe doce buheina sã mehne macariro Jesure ñu tuhtiinare ñohtiro jire.

7

Jesu bahana tirore “Cohamacu macuno jira”, ni masieraha

¹ Baharo Jesu Galilea yahpai tinino wahare. Judea yahpai judio masa tirore wajã duare. Ti ã wajã duachu masino tiro tí yahpau wahaerare. ² Judio masa daa wuhusecã sã yohti numuri bese numuri mahanocã duhsatjiãhre. ³ Æ jia Jesu bahana tirore õ sehe ni yahure:

—Judeapu wahaga. Tói mu yainare Cohamacu tuaa mehne mu ñohtiro cjihto wahaga muhu. ⁴ Masare yoa ño duacu yaeraro cahmana muhare. Yoa ñono cahmana. Potocãta Cohamacu tuaa mehne yoariro jicu tíre masare ñoga —nimare tina.

⁵ To bahana jipahta Jesure “Cohamacu macuno jira”, nierare. Æ jia, ã nire tina tirore. ⁶ Ti ã niri baharo Jesu õ sehe ni yahure tinare:

—Masa yahure ti noano masihti pja duhsasinina mini. Musa sehe ñu duana bese numuri jichu waha masina. ⁷ Ahri yahpa macaina musare ñu tuhtierara. Yuhu ti ñaa buhirire yu yahuchu tina yuhu sehere ñu tuhtira. ⁸ Bese numuri jichu wahaga musa sahsero. Yahure yu wahahto duhsasinina mini. Æ jicu yuhu sehe bese numurine ñu wahaerasinija —nire Jesu tinare.

⁹ Æ nino tiro Galileai tjuare.

Jesu daa wuhusericã ti yuari numuri bese numuri jichu wahaha

¹⁰ Bese numuripu Jesu bahana ti ñu wahari baharo Jesu cãhu ti baharo wahare. Æ waharo masa ti ñeraro watoi wahare. ¹¹ Bese numurihi jiina judio masa sã puhtoa tirore macare:

—¿Nohopu jicari tiro? —ni sinituha tina.

¹² Æ jia masa cãhu Jesure payu yahuwajaha. Paina “Tiro noariro jira”, niha. Paina sehe “Tiro ñariro jira.

Masare mahñoriro jira”, ni yahuwajaha tina.

13 ã nipahta judio masa sã puhtoare cuia, masa ti ñneraropu Jesure yahuwajaha.

14 Bose namugi dacho macai Cohamacu wuhapu Jesu sãa saro, buhere. 15 To ã buhechu sã coyera judio masa tãho cãaa waha, õ sehe nire:

—¿Ahriro buheropu buhemahnoerariro jiparota dohsearo noano masi pahñonocajari? —nire tina tirore.

16 Ti ã nichu Jesu õ sehe ni yahure tinare:

—Yu buheri cjiri yu ya durucua jierara. Yahure warocariro ya durucua sehe jira ahri buhea. 17 Cohamacu cahmaare yoa duaina yu buhea sehere Cohamacu ya durucua ti jichu masiahca. Yu mu saro yu buherachu cãhure masiahca tina. 18 Cãiro to mu saro to masia mehne buheriro jiro “Yuhu dihtare ño payoga”, niriro jira tiro. Wiho mejeta yahure warocariro sehere musa ño payochu cahmaja yuhu sehe. Yu ã nichu tãhona “Potocã durucuriro jira tiro. Ne mahñoerara”, ni masinahca musa.

19 Cohamacu dutiare Moise cjiro sehe cãa tiha musare. To ã cãpachuta musa jipihtina tí dutia sehere ne yuhtierare. ¿Dohseana yahure wajã duajari musa? —nire Jesu sã coyera judio masare.

20 —Muhu tãho masierariro, watino to cohtotariro jira. Mũhure wajã duaina

mariahna —ni yuhtire tina Jesure.

Ti ã nichu Jesu õ sehe ni yuhtire:

21 —Sori namu Sabado jichu cã tahata Cohamacu tuua mehne dohatiriro to dohatiare yu cohãchu musa ñu cãaa wahare. 22 Mari ñuchusuma cjiri panopu macaina sehe ti pjacure mahanocã cahsarocãre yihsoina ti yoariro seheta Moise cjiro yihso dutiha. To ã dutichu Sabado mari sori namu jipachuta masunore to pjacure mahanocã cahsarocãre yih-sora musa. 23 Sabado jichu masunore to pjacure mahanocã cahsarocãre yih-sora musa, Moise cjiro dutiri cjirire yoana tana. ¿Musa cãhu Sabado dachoi tíre yoapanahata tí dachoi dohatirirore jipihtia to pjacure noariro yu yoachu ñana dohseana yuhu mehne suari musa? 24 Yu yoarire musa noano masierapanahata, yahure ñano tãhotuena tjiga. Musa noano masiri baharo yahure musa tãhotua potocã tjiahca —nire Jesu.

Jesu wahmanopu to tarirore yahuha

25 To ã ni yahuri baharo mahainacã Jerusalẽ macaina tirore õ sehe ni yahuwajare:

—¿Ahriro judio masa puhtoã ti wajã duariro jierajari? 26 ã tirore ti wajã duapachuta jipihtina panoi masare buhero nina tiro. Wiho mejeta tirore wajã duaina jipahta ã ñunocahna. “Tiro potocãta Cristo jira”,

¿ni tūhotubocari pūhtoa sehe? ²⁷ Wiho mejeta ahriri Jesu to tarirore sã masija. Cristo sehe masare yūhdūchū yoah tiro to tachū to tariro sehere masimahnoerara. Ā jiro masare yūhdūchū yoah tiro Cristo waro jierara Jesu —ni yahuwajare tina Jerusalē macaina.

²⁸ Ti ā niare masino, Jesu ō sehe ni tuaro sañurucu buhere Cohamacū wūhūi:

—Yūhūre ō sehe ni tūhoturā mūsa: “Tirore masija. Ā jina to tariro cūhūre masija”, ni tūhotumana mūsa. Mūsa ā ni tūhotupanahta yūhūre warocarirore ne masierara mūsa. Yūhūre warocariro potocā niriro, potocā yoariro jira. Tirore ne masierara mūsa. ²⁹ Tirota yūhūre warocare. Ā jicū tiro cahapūta tahi. Ā jicū yūhū sehe tirore masija —nire Jesu judio masare.

³⁰ To ā nichū tūhoā tirore ñaha duamare. Ti ā ñaha duapachūta Jesu to ñano yūhdūhti pja dūhsasinire. Ā jia tina tirore ñaha masierare.

³¹ Paina masa sehe payū tirore wacū tua, ō sehe nire:

—Ahriri Jesu sehe payū tahari Cohamacū to tuaa mehne yoa ño tuhsūre. Jipihtina paina yūhdoro Cohamacū tuaa mehne yoa ñohna tiro. Ā yoarota Cristo Cohamacū to warocariro tjira ahriri Jesu —nire Jesure wahma wacū tua dūcaina.

Fariseo curua macaina Jesure peresu yoa dutiha

³² Masa Jesure ti ā ni durucuchū tūhoā sacerdotea pūhtoa, fariseo curua macaina mehne Jesure ñaha dutia warocaha surarare.

³³ Ā jiro Jesu judio masare ō sehe nire:

—Mahaa dachoricā mūsa mehne jisiniihca. Ā jicū baharocāta yūhūre warocariro cahapū wahaiihca. ³⁴ Yū jih-topū mūsa waha masierara. Ā jina yūhūre macapanahta ne bocasi mūsa —nire Jesu judio masare.

³⁵ To ā nichū tūhoā tina ti basi ō sehe ni durucure:

—¿Ahriri ā nino nohopū wahabocari, mūsa tūhotuchū? ¿Griego masa cahai judio masa waha siteina ti jia macari cjiripū griego masapūre buhero wahabocari ahriri? ³⁶ “Yū jih-topū mūsa waha masierara. Ā jina mūsa yūhūre macapanahta ne bocasi”, to nichū ¿dohse nino baro ahriri ā nijari? —ni durucure judio masa ti basi.

Catichū yoaa mārīne yahuha Jesu

³⁷ Bose nūmūri pihtiri dacho tí dacho waro jiro nire. Tí dachoi Jesu tói ducuro, tuaro mehne sañurucu ō sehe ni yahure:

—Ñahma yapioina core ti tuaro cahmano seheta jipihtia dachoripe Cohamacū mehne mūsa jihtire tuaro cahmaina yūhūre siniga. Mūsa ā sinichū Cohamacū yaina mū sare ji dutiitja.

³⁸ Yūhūre wacū tuainare ō sehe ni joaa tiha Cohamacū yare ti joari tjui: “Mári

pohtarip_u catich_u yoaa co to ã wijaarucuro seheta Cohamac_u yaina mehne catich_u yoariro ã jirucurohca”, ni joaa tiha Cohamac_u yare ti joari tjui —ni yahure Jesu judio masare.

39 ã catich_u yoarirore wama payo yahuro “Y_uh_ure wacũ tuainare Espiritu Santo sãar_uc_u s_u m_una waharohca”, nino nire Jesu. Tiro m_uanop_u to m_ujaerasinich_u Espiritu Santo sehe wihierasiniha.

Judio masa p_ua curua tju waha

40 Jesu to ã nich_u t_uhoa, masa pay_u õ sehe ni durucure:

—Ahriro potocãta Cohamac_u yare yahu m_uhtariro mari cohtariro jira —nire masa.

41 Õ sehe nire paina sehe:

—Ahriro Cristo marine y_uh_ud_uch_u yoah_utiro jira —nire.

Paina sehe õ sehe nire tjoa:

—Cristo taro, Galilea yahpa macariro jisi tiro. Ahriro Jesu sehe tó macariro tjira. 42 Cristo Davi cjiro panamino ji turiariro jirohca. ã jiro Davi ya maca cjiroi Belēi Cristo masa bajarohca. Õ seheta ni yahura Cohamac_u yare ti joari p_ui. Ahriro Jesu sehe Belēi masa bajaraha. ã jiro tiro Cohamac_u to warocariro Cristo waro jierara —nire tina.

43 ã jia Jesure t_uhomarina cjiri tju ware ti basi p_ua curua. 44 Mahainacã masa sehe

Jesure ñaha duamare. ã ñaha duapahta tirore ñahaerare.

Judio masa p_uh_utoa Jesure ne wacũ tuaeraha

45 ã yoa surara sacerdotea p_uh_utoa cahap_u fariseo curua macaina cahap_u tjuaa wahaha. Ti tju s_uch_u ñ_ua tina surarare sinituha:

—¿Dohseana Jesure ñahaerari m_usa? —ni sinituha tina sehe.

46 —Tiro noaputiaro durucuriro jihre. Paina tiro yoaro sehe durucuina ne mariahna —ni y_uhtiha surara tinare.

47 Ti ã nich_u fariseo curua macaina sehe õ sehe ni yahuha:

—¿M_usare to mahñoch_u “Potocã nino nica”, niri m_usa c_uh_u? 48 Mari p_uh_utoa Jesure wacũ tuaeraina jia ne tirore cahmaerare. Sã c_uh_u ã jina tirore cahmaeraja. 49 Ahrina masa sehe Cohamac_u dutiare Moise cjirore to c_urire masierara. ã masieraina jia Jesure wacũ tuaina jia tirore cahmana. Ti ã cahmari buhiri tinare Cohamac_u buhiri dahrerohca —niha fariseo curua macaina.

50 Fariseo curua macariro Nicodemo Jesure s_uh_uduro s_uriro cjiro tó i jia tina mehne. Ti ã nich_u t_uhoro õ sehe niha tiro c_uh_u tinare:

51 —Jesu to ñano yoarire masieraja mari. ã masierana tiro marine to yah_uhto pano tirore buhiri dahre masieraja mari. ã masierapanahta tirore buhiri dahrena, mari ya dutiare y_uh_ud_uu_ucana nija mari —niha Nicodemo tinare.

⁵² To ã nichu tuhoa õ sehe ni yuhtiha tina:

—¿Muhu cãhu tiro yoaro seheta Galilea macariro tjijari? Cohamacu yare ti joari tjure buhe pahõoga. Æ buhecu, “Cohamacu yare yahu muhtaina ne cãiro mariahna Galileare”, ni buhe masiihca muhu. Æ jiro ã nimacanocano nina Jesu — ni yuhtiha tina Nicodemore.

⁵³ [Ti ã niri baharo ti ya wuhusepu tjuaa wahaha.

8

Muno mehne ñano yoaricorore judio masa puhtoawacũenoca su pjaha

¹ Jesu tãcupu Olivo wama tidupu wahare. ² Æ yoa pa dachoi bohrearo jichu Cohamacu wuhupu tiro sure tjoa. To ã suchu ñua masa payu tiro cahai cahmachure. Ti ã cahmachuchu ñano tiro sehe dujitjiãhno tinare buhe ducare. ³ To ã buhero watoi sã coyea judio masa buheina, fariseo curua macaina mehne tí wuhupu numinore na tare. Ticoro muno mehne to ñano yoachu waro wacũenoca su pja suha tina ticorore. Æ su pja sua ticorore Cohamacu wuhupu na sãare tina. Na sãa su tuhsu jipihtina panoi ticorore duhu dapo, ⁴ õ sehe nire:

—Buheriro, ahricoro muno mehne ñano to yoachu waro wacũenoca ticorore su pja suhi. ⁵ Cohamacu dutiare Moise cjiropu marine to cãri õ sehe nina: “Muno mehne ñano yoaricorore tãa

mehne doca, wajãga”, nia tiha Cohamacu dutia. Muhu waro, ¿dohse ni tuhotujari ahrire? —ni siniture tina Jesure.

⁶ Jesu to ñano nichu tuho duaa nimare tina tirore yahusã duaa. Ti ã sinitupachuta Jesu sehe puhsa nuju su, yahpamu to wamo pica mehne joare. ⁷ Æ jiro ã ti ni siniturucuchu Jesu sehe wahcãruca, tinare õ sehe ni yahure:

—Musa mehne macariro ñano yoerariro sehe ticorore tãa mehne doca muhtajaro — nire Jesu.

⁸ Æ ni tuhsu pari turi tiro puhsa nuju, yahpamu joare tjoa. ⁹ Tãre tuhoa ti ñaa yoarire wacãa, ti wahmisuma sehe wijaa muhtare. Ti baharo tina mehne macaina cãhu wijaa pihtia wahare. Æ ti wijaa pihtiari baharo numino toí ducuricoro Jesu mehne tjuare. ¹⁰ Æ jiro Jesu wahcã nuju su, ticorore õ sehe ni sinitu ñure:

—¿Nohopu wahari tina? ¿Muhure buhiri dahre duamarina mariajari mipare? — nire ticorore.

¹¹ —Mariahna, puhtoro — ni yuhtire ticoro.

—Yuhu cãhu buhiri dahreraja muhure. Wahaga. Æ jico ñaare yoa namoeco tjiga — nire Jesu ticorore.]

Buhriaro marine to ñu masichu yoaro seheta Jesu ahri yahpa macainare Cohamacure masichu yoara

¹² Pari turi Jesu tí wuhupu jiiinare õ sehe ni yahure:

—Buhriaro marine to ñu masichu yoaro seheta yuhu ahri yahpa macainare Cohamacure masichu yoaja. Yuhure wacū tuariro jipihtia dachoripe Cohamacu mehne ã jirucurohca. ã jiro tiro noaare wacūnohca. ã yoa tiro ñaare wacū duasi —ni yahure Jesu.

13 To ã nichu tirore fariseo curua macaina õ sehe nire:

—Muhu mu basi mu jia tiare ã ni durucui nina. ã jia mu õ sehe ni, mu mu suro mu nimacanocachu tí yaba cjihti jierara —nire tina Jesure.

14 Ti ã nichu Jesu õ sehe ni yuhtire:

—Yu tarirore masija yuhu. Yu wahahto cãhure masija yuhu. MUSA sehe ne tíre masierara. MUSA õ sehe nipachuta yu jia tiare musare yu yahuri potocã tjira.

15 MUSA mu suro MUSA ñuri dihtare masina MUSA. ã jina noano masierara MUSA. ã masierapanahta yuhure ñano ni durucura MUSA. Yuhu sehe yu mu suro masare ne ã nieraja. 16 ã jicu masa ti jia tiare ñu masichu yu mu suro ñu masieraja. Yuhu pini yu Pucu yuhure warocariro mehne ñu masija. ã jicu masa ti jia tiare yu ñu masia tí potocã tjira. 17 Musare dutia ti joari pui õ sehe ni yahura: “Puro masa cãno potori ti yahuchu ti yahua potocã tjira”, ni yahu joari jira. 18 Yuhure yahuriro mehne sã puro tjija. Yuhu yu jia tiare yahuja. Tuhsu, yu Pucu cãhu yahura yuhu

sehure. Tirota jira yuhure warocariro —nire Jesu.

19 —¿Nohoru jicari mu Pucu? —ni siniture tina.

—Yuhure MUSA masierara. Yu Pucu cãhure masierara MUSA. Yuhure masina, yu Pucu cãhure masiboa MUSA —ni yuhtire Jesu tinare.

20 Jesu tinare buhero ã ni durucure Cohamacu wuhui tí niñeru duhu sãa caa poca cahai. To ñano yuhduhti pja duhsasinire. ã jia tina mehne to jipachuta tina tirore ñahaerare.

“Yu wahahtopure MUSA sehe waha masisi”, niha Jesu

21 Pari turi Jesu tinare õ sehe ni yahure tjoa:

—Yu tariopu wahaihca. Yu wahari baharo yuhure macanahca MUSA. ã jina MUSA ñaa buhiri tiina yarianahca. Yu wahahtopure MUSA sehe waha masisi —ni yahure Jesu.

22 —“Yu wahahtopure MUSA sehe waha masisi”, ¿to nichu tãhoa ahriro to basi wajã yariarohcari ã nino? —nire sã coyey judio masa ti basi.

23 Ti basi ti ã nichu masino õ sehe ni yahure Jesu tinare:

—MUSA sehe ahri yahpa macaina jira. Yuhu sehe MUSA macariro jija. Ahri yahpai bajuarina jira MUSA sehe. Muanoru tariro jija yuhu sehe. 24 MUSA yu jia tiare yu nirire “Potocã jierara” nina, MUSA ñaa buhiri tiina yarianahca MUSA. ã jicu “MUSA ñaa buhiri tiina yarianahca MUSA”, nimahi musare —nire Jesu tinare.

25 —¿Noa baro jijari mahu? —ni siniture tina.

—Wahmanopure yu niru-curiro seheta jija yuhu. 26 Musare yu yahuhti pjíro duhsasinina. Tuhsu, musa ñano yoari buhirire musare yu yahuhto cjihto pjíro duhsasinina mini. Ñ jicu yuhure warocariro to yahuri cjiro ahri yahpa macainare yahuja. To yahuri potocã tjira —nire Jesu tinare.

27 “Yuhure warocariro”, to nichu tuhoa “Mari Pucu jica”, ni tuhhotuerare tina. 28 Ti ñ ni tuhhotuerachu ñano Jesu õ sehe ni yahure tinare:

—Yuhure masanore Cohamacu warocarirore musa yucucu taño mehne wahcõ daponahca. Musa ñ yoana, “Tiro Cohamacu warocariro tjira”, ni masinahca. Ñ jina yu m suro yu yoaerariro yu jia tiare masinahca musa. Ñ jina yu Pucu yuhure to buheri dihtare yahuriro yu jia cãhure masinahca musa. 29 Yuhure warocariro sehe yuhu mehne jira. To cahmaare jipihtia dachoripe yoarucuja. Ñ jiro yuhure tiro ne cohãerara —nire Jesu tinare.

30 To ñ nichu tuhoa, tirore masa payu wacũ tuare.

Cohamacu pohñare, ñaare yoaina cãhure yahuha Jesu

31 Ñ jia paina judio masa Jesure wacũ tuare. Ñ jiro Jesu tinare õ sehe ni yahure:

—Yu dutiare yoa pahñoina jina, potocãta yu buheina jira musa. 32 Ñ jina potocã masinahca musa. Potocã

jiaie masina, ñaa yoaare duhu masinahca. Ñ jina cahamaca yoaro sehe ji namosi musa —nire Jesu tinare.

33 To ñ nichu tuhoa tina õ sehe ni yuhtire:

—Sã sehe panopu macariro Abrahã cjiro panamana ji turiaina jija. Ñ jina ne paina ti cahamaca jieraja sã. Ñ jicu “Cahamaca yoaro sehe ji namosi” nicu, ¿dohse jiro baro sãre ñ nijari mahu? —ni siniture tina Jesure.

34 Ti ñ nichu tuhoõ õ sehe nire tiro:

—Potocã musare niita nija. Jipihtina ñaare yoaina sehe ti ñaa yoaare duhu masierara. Ñ jia tí ñaa sehe ti puhtoro yoaro sehe jira. Ñ jiina jia cahamaca yoaro sehe jira tina. 35 Cahamacuño sehe to puhtoro ya curua macariro jipihtia dachoripe jirucuerara. Ñ jiro painare dutiriro jierara. Tí wuhu macariro sehe to macuño sehe jipihtia dachoripe potocãta tí curua macariro jira tiro. (Yuhu sehe Cohamacu macuño jija. Ñ jicu dutiriro jija. Musa ñaa yoaare duhu dutihtja.) 36 Ñ jina yuhu Cohamacu macuño ñaare yu duhucu yoarina jina potocãta ñaare duhurina jira musa. (Ñ jina tí ñaa cahamaca yoaro sehe ji namoerara musa.) 37 Abrahã cjiro panamana ji turiaina musa jichu masija. Ñ jipanahta yu yahuha sehere tuho duaerara musa. Ñ jina yuhure wajã duara musa.

³⁸ Y_u P_uc_u y_uh_ure to masich_u yoari cjirire yahuja m_usare. Y_u ã yahupach_uta m_usa p_uc_u wat_uno m_usare to dutiare yoara m_usa c_uh_u —nire Jesu tinare.

³⁹ —Abrahã cjiro panop_u macariro sã ñ_uch_u cjiro jia tiha. ã jiro wat_uno sã p_uc_u jierara —ni y_uhtire tina.

Ti ã nich_u Jesu ò sehe ni y_uhtire:

—Abrahã panamana jina, to yoariro seheta yoaboa m_usa. ⁴⁰ Cohamac_u y_uh_ure potocã to yahuare m_usare y_u yahupach_uta y_uh_ure wajã duara m_usa. Abrahã cjiro sehe ne ã yoaera tiha. ⁴¹ M_usa p_uc_u to yoariro seheta yoara m_usa —nire Jesu tinare.

To ã nich_u tina ò sehe ni y_uhtire:

—Wamomaca duhtemahnoeraina pohna jieraja sã. Cãirota jira sã P_uc_u. Tirota jira Cohamac_u —nire tina.

⁴² Ti ã nich_u Jesu ò sehe ni y_uhtire:

—Cohamac_u mehne macariro jic_u, òp_ure tahi. ã jina Cohamac_u m_usa P_uc_u to jich_u y_uh_ure cah_uboa m_usa. Y_u m_u s_uro taerahi y_uh_u pinihta. Cohamac_u to warocach_u tahi òp_ure. ⁴³ ¿Dohseana y_u durucuare t_uhoerajari m_usa? Y_u yahuare t_uhona bihoerara m_usa. ã jina t_uho duaerara m_usa. ⁴⁴ M_usa p_uc_u sehe wat_uno jira. ã jina wat_uno cah_umaa sehene yoa duara m_usa. Ahri yahpa wahmanop_u to ji d_ucach_up_u, mip_u cãh_ure tiro masare wajãruciriro

jira. Tirore potocã durucua mariahna. ã jiro tiro potocã ne durucuerara. Tiro wahmanop_ure mah_uno m_uhta d_ucariro jia tiha. ã jiro tiro ã mah_uno ruciriro jiro, mah_uno are yahura. ⁴⁵ Y_uh_u sehe m_usare potocã yahuja. ã y_u yahuch_u y_uh_ure t_uhoerara m_usa. ⁴⁶ “M_uh_u ñano yoariro jira”, y_uh_ure ni masierara m_usa. ¿Potocã m_usare y_u yahupach_uta dohseana t_uhoerajari m_usa? ⁴⁷ Cohamac_u pohna sehe to durucuare t_uhora. To pohna jierana, to durucuare t_uho duaerara m_usa —nire Jesu tinare.

Abrahã cjiro to jipto pano Cristo sehe ji m_uhta tuhs_ua tiha

⁴⁸ To ã nich_u t_uhoa judio m_usa tirore ò sehe nire:

—“M_uh_u Samaria macariro jira. ã jic_u t_uho masierariro wat_uno to cohtotariro jira m_uh_u”, sã niri potocã tjira —nire tina Jesure.

⁴⁹ Ti ã nich_u t_uhoro ò sehe ni y_uhtire Jesu:

—T_uho masierariro, wat_uno to cohtotariro jieraja y_uh_u. Y_u P_uc_ure ño payoja. M_usa sehe y_uh_ure ño payoerara. ⁵⁰ Y_uh_ure masa ti ño payohtire macaeraja y_uh_u. Y_u P_uc_u sehe masare y_uh_ure ño payo dutira. Tiro pinihta y_u jia tiare noano ñ_u masino, ãta ño payo dutira. Tuhs_u, y_uh_ure ti cah_umaerari buhiri buhiri dahreriro jirohca tiro. ⁵¹ Potocãta m_usare nii nija. Y_u dutiare yoariro jipihtia

dachoripe Cohamacu mehne ã jirucurohca —nire Jesu.

52 To ã nichu tuhoa õ sehe nire tina:

—Mipu pinihtare tuho masierariro, watino to cohtotariro mu jichu sã noano masija. Abrahã cjiro yariaa wahaha. Cohamacu yare yahu muhtaina cjiri cãhu yaria pihtia wahaha. ã jicu “Yu dutiare yoariro jipihtia dachoripe Cohamacu mehne ã jirucurohca” nicu, ¿dohse nicu ã nijari muhu? 53 ¿Sã ñuchu cjiro Abrahã yuhdoro tuajari muhu? Tiro cjiro, Cohamacu yare yahu muhtaina cjiri cãhu yariaa wahaha. ¿Muhu sehe diro baro jijari muhu ã ni durucucu? Muhu ã niboriro jierara —nire tina.

54 Ti ã nichu tuhoru Jesu õ sehe ni yahu namore:

—Yuhu yu basi “Tuariro jija yuhu” nicu, tuariro jieraboca yuhu. Yu Pucu sehe “Tiro tuariro jira”, nina yuhure. “Sã yairo Cohamacu”, musa niriro sehe yu Pucu tjira. 55 Musa sehe yu Pucure ne masierara. Yuhu sehe tirore masija. “Tirore masieraja” nicu, musa yoaro seheta mahnoa payuriro jiboa yuhu. Potocãta tirore masija. ã jicu to dutiare yoaja. 56 Ahri yahpau yu tahtore mari ñuchu cjiro Abrahã cjiro masia tiha. ã masino tiro wahchea tiha —nire Jesu.

57 To ã nichu tina õ sehe ni yuhtire:

—Muhu cincuenta cãhmari cãaerasinica. Abrahã cjiro panopu macariro jira.

¿Mipure tiro cjirore muhu dohsea masiboari? —nire judio masa Jesure.

58 —Potocã musare niita nija. Abrahã to jihto pano yuhu sehe ji muhta tuhsu tii —nire Jesu tinare.

59 To ã nichu tuhoa tina sehe tãare na, tirore doca duamare. Ti ã doca duapachuta Jesu sehe Cohamacu wãhu jiriro duhti wijaa wahare.

9

Capari ñuerarirore ñuchu yoaha Jesu

1 ã yoa Jesu sã to buheina mehne mahai wahana pairere capari ñuerarirore boca sui. Tiro wahma masa bajaroputa capari ñuerariro jia tiha. 2 Sã cãhu tirore ñuna, õ sehe ni sinitu ñuhi Jesure:

—¿Buhiriro, ahriro dohsearo capari ñuerariro masa bajua tiari? ¿Ñaaare yoaa tiari ã waharo? ¿O to pucsuma sehe ñaaare yoaa tiari to ã wahachu? —ni sinitu ñuhi sã sehe Jesure.

3 Sã ã nichu tuhoru õ sehe ni yuhtire tiro:

—Ahriro to ñaaare yoari buhiri capari ñuerariro wahaerare. To pucsuma cãhu ñaaare ti yoari buhiri capari ñuerariro wahaerare. Cohamacu sehe tirore capari ñuerachu yoare tirore ñuchu yoaro taro masare to ñohtire.

4 Yuhure warocariro to cãrire mipure yoaro cahmana yuhure. Namipu mari dahra masieraro seheta baharopu yuhure warocariro to cãrire yoa masieraja yuhu. 5 Ahri

yahpapu buhriaro marine to ñu masichu yoariro seheta jiriho jicu ahri yahpa macainare Cohamacu yare masichu yoaja yuhu —nire Jesu.

⁶ Ñ ni tuhsurota yahpapu chahcho puti cüre. To ñ chahcho puti cürire dahra more, capari ñerarirore to caparire wisöre. ⁷ Ñ wisõno õ sehe nire Jesu:

—Siloé wama tiri copai cuhsuri copai mu caparire cosai wahaga —nire Jesu. (Siloé sã ya dusero mehne nia “Warocari copa”, nia nire.)

Jesu to caparire cosa dutihiro sehe waha, cosa, capari ñuriropu tju wihire. ⁸ To tju wihichu tiro cahai jiina tirore ñure. Tó pano niñeru siniriho cjiro to jichu ñurina tirore õ sehe nire ti basi:

—¿Ahriro sohõ jiriho niñeru siniriho cjiro jierajari? —nire tina.

⁹ —Tirota jira wiho —nire paina sehe.

—Tiro jierara. Ñ jierapota tiro yoaro sehe bajuriho jira —nire paina.

Ti ñ nichu tãhoro capari ñerariho cjiro sehe õ sehe nire:

—Tiro tjija yuhu —nire tinare.

¹⁰ To ñ nichu masa tirore õ sehe ni siniture:

—¿Capari ñerariho cjiro jicu dohse waha ñuri mahu? —ni siniture tina tirore.

¹¹ —Jesu wama tiriho dihta sohãare dahra more, yu caparire wisöre. Yuhure wisõ

tuhsu “Siloé wama tiri copap mu caparire cosai wahaga”, to nichu cosai sãhi yuhu. Yu ñ cosari baharo yu capari noano bajure yuhure —ni yahure tiro masare.

¹² —¿Muhure ñ yoariro nohopu jicari tiro? —nire tina.

—Buh. Nohoi jiro jica —nire tiro.

Capari ñerariho cjirore fariseo curua macaina sinituha

¹³ Ñ ni durucu tuhsu tina capari ñerariho cjirore fariseo curua macaina cahapu naahre. ¹⁴ Tí dacho Jesu dihta sohãare dahra more capari ñerarirore noariro to yoari dacho Sabado dacho jire. Tí dacho sã sori numu jire. ¹⁵ Ñ jia fariseo curua macaina sehe tirore õ sehe ni sinituha tjoa:

—¿Dohse yoa mahu ñuri? —ni sinituha tina.

—Dihta sohãa mehne yu caparire wisõhre. Ñ jicu yu caparire yu cosari baharo ñu ducahi yuhu —ni yahuha tiro tinare.

¹⁶ —Tiro Sabado dacho mari sori numu mari dahra dutierari numu dahrahe. Ñ jiro tiro Cohamacu yairo jierara —niha paina fariseo curua macaina sehe.

Paina sehe õ sehe niha:

—Ñaare yoariro õ sehe noariro wahachu yoa masierara. Ñ jiro tiro noariro jiboca —niha paina.

Ñ jia tina pu curua ti basi tju waha. ¹⁷ Ñ jia pari turi tina capari ñerariho cjirore õ sehe ni sinituha tjoa:

—¿Muhure mu caparire noano yoarirore muhũ waro dohse ni tũhotujari Jesure? —niha tina tirore.

—Tiro potocãta Cohamacũ yare yahu mũhtariro jira — niha capari ñerariro cjiro.

18 Wahmanopũre judio masa õ sehe ni tũhotumaha: “Ahriro capari ñerariro cjiro jierara”, ni tũhotumaha tina. ã ni tũhotua capari ñerariro cjiro pũcũsumare pjirocaha tina. 19 Pjiroca tuhsũ, to pũcũsumare õ sehe ni sinituha fariseo curua macaina pũtoa:

—¿Ahriro potocãta mũsa macũ jijari? ¿Dõihta tiro capari ñerariro masa bajuari? ¿Potocãta capari ñerariro cjiro jiparota dohsearo ñajari mipũre? —ni sinituha tina to pũcũsumare.

20 —Ahriro sã macũta jira. ã yoa dõihta capari ñerariro masa bajua tire tiro. 21 Tĩre masipanahta to ñurire, tirore ñũchũ yoariro cãhure masieraja sã. Sã macũre sinituga. Bũcũro jira tiro. Tiro to basi yahu masina —niha to pũcũsuma.

22 Judio masa sã pũtoa wahmanopũre õ sehe nia tiha:

—“Jesuta Cristo Cohamacũ warocariro jira”, niinare mari buhea wũhũsepũ sãa dutisi sã —nia tiha judio masa pũtoa.

Ti ã nichũ tũhoa capari ñerariro cjiro pũcũsuma sehe judio masa pũtoare cui niha. 23 ã cuia, “Bũcũro jira

tiro. Tiroreta sinituga”, niha tina judio masa pũtoare.

24 Baharo judio masa sã pũtoa pari turi capari ñerariro cjirore pjirocaha tjoa. Pjiroca tuhsũ, õ sehe niha tirore:

—Cohamacũ mehne poto yahuga muhũ. Jesure mahñoriro to ñaa yoariro jichũ sã masija. ã jicũ poto yahuga sãre —niha judio masa capari ñerariro cjirore.

25 Ti ã nichũ tũhoro õ sehe ni yũhtiha tiro:

—Jesure to ñaa yoariro to jichũ masieraja yũhũ. Cũnota masija yũhũ. Panopũre capari ñerariro jia ticũhũ yũhũ. Mipũ sehere ñũja yũhũ. Tĩ dihtare masija yũhũ — ni yũhtiha capari ñerariro cjiro tinare.

26 —¿Dohse yoari muhure tiro? ¿Mũ capari ñũhto cjih-tore dohse yoari tiro muhure? —ni sinituha tina tjoa.

27 —Tĩreta mũsare yahu tuhsũmahicũ yũhũ. Yũ ã ni yahupachũta mũsa ne tũho duaerare yũhure. ¿Dohse yoa duana pari turi yũ yahuchũ tũho duajari mũsa? ¿Mũsa cũhũ to buheina ji duajari? —niha tiro tinare.

28 To ã nichũ tũhoa tina tuhtiha tirore:

—Mũhũ Jesu buheriro jira. Sã sehe Moise cjiro buheina jija. 29 Potocãta Cohamacũ Moise cjirore durucua tiha. Jesu to tarirore sã masieraja —niha tina capari ñerariro cjirore.

30 Ti ã nichu õ sehe ni yuhtiha tiro:

—¿Tiro to tarirore musa masierachu yuhare ñachu yoariro jiro Cohamacu warocariro jierabocari tiro?

31 Cohamacu ñaa yoainare ti siniare tuhoerara. Tí pinihtare mari masija. Tinare tuhoeraparota Cohamacure ño payorirore, to dutiare yoarirore to siniare tuhora Cohamacu. 32 Wahmanopure ahri yahpa to ji ducachupure ne coã masa bajaropu capari ñerarirore ne cãiro baro ñachu yoariro mariea tiha. 33 Ñ jiro Jesu Cohamacu warocariro jieraro yuhare ñachu yoeraboa tiro —niha tiro tinare.

34 —Mahu dóihta ñariro jia tiha. ¿Ñ jipacuta sãre buhe duajari mahu? —niha judio masa sã puhtoa tirore.

Ñ ni tuhsuata tina tirore cohã wionocaha.

Jesu yare cahmaeraina capari ñeraina ti ñu masieraro seheta Cohamacure masierara

35 Ñ yoa capari ñerariro cjirore ti cohã wiorire Jesu tuhore. Ñ tuhoro capari ñerariro cjirore boca suro, tirore õ sehe ni siniture:

—¿Masunore Cohamacu warocarirore wacũ tuajari mahu? —nire Jesu.

36 —¿Puhtoro, noa jijari tiro? Tirore masicu wacũ tuaihtja tirore —nire capari ñerariro cjiro Jesure.

37 —Tirore ñu tuhsure mahu. Mipure mahu mehne

durucuriro tiro tjija yuhu —nire Jesu capari ñerariro cjirore.

38 —Puhtoro, mahare wacũ tuaja —nire capari ñerariro cjiro.

Ñ ninota tiro Jesu panoi na tuhcu caha su, tirore ño payore.

39 To ã ño payochu ñuno õ sehe nire Jesu:

—Noaina, ñaina cãhu ti yoarire masichu yoai tai ahri yahpapore tahi. Capari ñeraina ti ñu masieraro seheta tina yoaro sehe jiina yu Pucure masierara. Ñ masierainare yu Pucure masichu yoai tai tahi yuhu. “Sã noano masija”, ni tuhotumarina noano ti masierarire masichu yoai tai tahi yuhu —nire Jesu.

40 To ã nichu tuhoa mahainacã fariseo curua macaina tirore õ sehe nire:

—“Capari ñeraina ti ñu masieraro seheta noano masierara musa cãhu”, ¿nii nijari mahu sãre? —nire fariseo curua macaina Jesure.

41 Ti ã nichu Jesu õ sehe nire:

—Capari ñeraina ti ñu masieraro seheta potocã musa noano masierachu, musare buhiri mariaboa. “Sã noano masiina jija”, musa niri buhiri buhiri tiina jisina musa mipure —nire Jesu tinare.

10

Ovejare ñu wihboriro quitire yahuha Jesu

1 Baharo quti mehne piti dahre buhero taro õ sehe nire Jesu:

—Potocãta nii nija musare. Ovejare wihbori sahrĩno sopacai sãaerariro, sopaca marienopu sãariro sehe yaca bucuero jira. ² Sopacai sãariro sehe ovejare ñu wihboriro jira. ³ Sopacare cohtariro sopacare pjõohna ovejare ñu wihboriro to sãahto sehe. Ovejare ñu wihboriro to durucuchu tuho tara to nuina oveja peri. Tinare pjirocaro, ti wama mehne pisurocarucura tiro. Æ yoaro tinare sahrĩnopu jĩnare pji wiorucura sopacapu. ⁴ To yainare jipihtinare pji wio tinare mu tãrucura. Oveja sehe to durucuaire masia, to baharo nunu tirucura. ⁵ Pairore ti masierarirore nunu tierara tina. Æ jia paina ti durucuaire tuhoa, cui murocaa wahara —nire Jesu tinare.

⁶ Ahri quitire to ã yahu-pachuta to yahuare tuho ñahaerare tina.

Jesu ovejare noano ñu wihboriro yoaro seheta to yainare noano ñu wihbora

⁷ Pari turi Jesu tinare õ sehe ni yahure tjõa:

—Potocãta musare nii nija. Ovejare wihbori sahrĩno sãari sopaca yoaro sehe jija yuhu. ⁸ Jipihtina yu pano tarina quihõno yu durucuaire buheraina, ovejare ñu wihbo mahõoina yacaina yoaro sehe jira. Ti ã jipachuta yu yaina sehe oveja yoaro sehe jina painare ne tuho wahcãerara.

⁹ Yuhu ovejare wihbori sahrĩno sãari sopaca yoaro sehe jija. Ti sopacai sãaina yoaro sehe tjira yuhare wacũ tuaina. Æ jicu yuhu tinare pichacapu wahaborinare yuhduchu yoaihtja. Oveja sehe tinare ñu wihboriro mehne ti cahmaare bocaro yoaro seheta yu yuhduchu yoaina cõhu yuhu mehne ti cahmaare bocaahca. Yuhu tinare noano ducata, noano ñu wihboihca —nire Jesu.

¹⁰ Æ ni tuhsu õ sehe ni namore:

—Musare mahõoare buheina, ovejare ñu wihbo mahõoina sehe ovejare yacaina yoaro sehe jira. Yacaa taa, wajãa taa, dojomehnea taa tara tina. Wiho mejeta yuhu sehe yu yainare, oveja yoaro sehe jĩnare, tuaro waro ti wahchea mehne ã catirucuchu yoai tahi. ¹¹ Ovejare noano ñu wihboriro yoaro sehe jija yuhu. Ovejare noano ñu wihboriro tinare noano ducata, to yariahtore ne cuierara. Tõ yoaro seheta yuhu cõhu yainare noano ducata, yariahca, tinare ne soro wahaer-ahto sehe. ¹² Oveja puro cahamacuño sehe potocã ovejare ñu wihboriro jierara. Æ jia oveja to yaina jierara. Æ jiro yairo ovejare to churo tachu ñuõ to cahamacuño sehe ovejare cohã cunoca, murocaa wahara. To ã cohã cõri baharo, yairo ovejare to ñahachu ñua oveja peri muroca site wahcãa wahara. ¹³ To cahamacuño sehe to wapataa dihtare cahmana.

Ã jiro tiro ovejare noano ñu wihbo ji coaerara —nire Jesu.

14 Ã ni tuhsu õ sehe ni namore:

—Ovejare noano ñu wihboriro yoaro sehe jija yuhu. Ã jicu yu yainare masija yuhu. Ã jia yu yaina sehe yuhure masina. 15 Tó seheta yu Pucu cãhu yuhure masina. Ã jicu yuhu cãhu yu Pucure masija. Oveja yoaro sehe jiina yu yaina Cohamacu mehne ti ã jirucuhti cjihtire yariaihca yuhu. 16 Paina oveja pa sahrino macaina yoaro sehe jiina paina masa cãhu yu yaina jiahca. Tina cãhure naaihca. Ã jia yu durucuchu tuho wahcãahca tina cãhu. Ã jia yu yaina jipihtina cã curuata jiahca. Ã jicu yuhu dihta yu yainare ñu wihboihca —nire Jesu.

17 Ã ni tuhsu õ sehe ni namore:

—Yu yaina Cohamacu mehne ti ã jirucuhti cjihtire yariaihca. Yu yariari baharo masa mujaihca. Yu ã yoah tiro jichu yu Pucu yuhure cahina. 18 Yu wajã dutierachu yuhure wajã masieraboa tina. Yu cahmano seheta yuhure wajãahca. Ã jicu yu yaina Cohamacu mehne ti ã jirucuhti cjihtire yariaihca. Yaria masija yuhu. Ã yoa masa mja masija. Yu Pucu yuhure tíreta yoa dutire —nire Jesu.

19 To ã nichu tuhoa judio masa pu curua tju ware. Paina soro tuhotu, paina cãhu soro tuhoture:

20 —Tiro watino to cohtotariro jira. Ã jiro tuho masierariro jira. ¿Dohseana tirore pari turi tuhojari masa? —nire paina payu judio masa.

21 Paina sehe õ sehe nire: —Watino to cohtotariro jiro ã ni durucueraboa. Capari ñerarirore ñuchu yoa masierara watino to cohtotariro. Ã jiro jiro tiro watino to cohtotariro jierara —nire paina judio masa.

Judio masa Jesure cahmaeraha

22 Pa dachoi sã coyeya judio masa Jerusalēi bose numari yoaa nire pari turi. Cohamacu wuhure panopu tirore ti wari cjihtire ti wacũhti dachori jire. Tí pjare puhiro jire. 23 Tí dachoi Salomo wama tiri tahtiapu Cohamacu wuhu jiri tahtiapu Jesu ñu tinino nire. 24 Tí tahtiapu to jichu ñu sã coyeya judio masa tiro cahapu cahmachu, tirore õ sehe ni siniture:

—Yoaputari pja sãre noano yahueraca mahu. Poto sãre noano yahu bahrañoga mahu. ¿Cristo Cohamacu to warocariro tjijari mahu? —nire tina Jesure.

25 Ti ã nichu tuhoru õ sehe ni yuhtire Jesu:

—Mhsare yahu tuhsu majacu yuhu. Yu ã yahupachuta yuhure tuho duaerare masa. Yu Pucu yuhure to dutiriro seheta to tuua mehne yoa ñoja. Ã yoacu yu Cristo jiaeta mhsare ñoi nija. 26 Yu ã ñopachuta yuhure tuho duaerara masa. Masa sehe yu yaina

jierara. Ñ jina paio yaina oveja yoaro sehe jiina jina, yuhũ sehere tũhoerara mũsa. 27 Ovejare ñũ wihborirore to yaina ti tũhoriro seheta yuhũ cũhare yũ yaina tũhora. Ñ jicũ yũ yainare masija yuhũ. Ñ jia tina yuhũ mehne wahara. 28 Ñ jicũ jipihtia dachoripe Cohamacũ mehne ã catirucuchũ yoaja tinare. Ñ jia tina sehe pichacapũ ne wahasi. Ñ jia yũ yainare yũ ñũ wihbochũ paina sehe ne cãirore yuhũre ma masierara tinare. 29 Ñ yoa yũ Pũcũ yũ yainare yuhũre wariro jipihtina yũdoro tuariro jira. Ñ jiro yũ Pũcũ sehe yũ yainare to ñũ wihbochũ, ne cãiro tiro cũhare ma masierara tinare. 30 Yuhũ yũ Pũcũ mehne cãirota jija — nire Jesu judio masare.

31 To ã nichũ tũhoa judio masa sehe tirore ti doca wajãhti tãare pari turi namare tjoa. 32 Ti ã yoachũ ñũno Jesu õ sehe ni siniture tinare:

—Yũ Pũcũ ya tuaa mehne payũ tahari yoa ñomahi mũsare. ¿Di baro sehere yũ yoari buhiri yuhũre tãa mehne doca wajã duajari mũsa? —ni siniture Jesu.

33 To ã nichũ tũhoa õ sehe nire tina:

—Cohamacũ tuaa mehne mũ yoa ñori buhiri mũhare tãa mehne doca wajã duaeraja sã. Cohamacũre mũ ñano durucuro buhiri mũhare tãa mehne doca wajã duaja sã. Masũno jipaihta “Cohamacũ jija yuhũ”, mũ nia buhiri mehne mũhare tãa mehne

doca wajã duaja sã —ni yũhtire tina.

34 Ti ã ni yũhtichũ tũhoro Jesu tinare õ sehe ni yahure:

—Mũsa cũhare “Cohamana”, ni pisure Cohamacũ. Ñta ni joaa tiha to dutiare ti joari pũi. 35 Cohamacũ yare ti joari pũ quihõno to jichũ mari masija. “Mahõoa jira”, ti pũre ni masieraja mari. Ñ jiro to yare masiinare potocãta tiro “Cohamana”, ni pisura. 36 Cohamacũ yuhũre besetjiãhno, ahri yahpapure warocare. Ñ jicũ yuhũ “Cohamacũ macũno jija”, yũ niri buhiri “Cohamacũre ñano durucuro nina Jesu”, nina mũsa yuhũre. ¿Dohseana yuhũre ã nijari mũsa? 37 Yũ Pũcũ to cahmariro seheta to tuaa mehne yũ yoa ñoerachũ pinihtare yũ buherire “Potocã tjira”, nieraboca mũsa. 38 Yũ Pũcũ to tuaa mehne yũ yoa ñopachũta yuhũ sehere tũho duaeraboca mũsa. Ñ tũho duaerapanahta to tuaa mehne yũ yoa ñochũ ñũna yũ yoarire “Potocã tjira”, niga mũsa. Mũsa ã nina, yũ Pũcũ mehne sã cãno potori sã jichũ masinahca mũsa. Ñ jina yuhũ yũ Pũcũ mehne cãno potori yũ jichũ masinahca mũsa. Ñ jina tũho ñahanahca mũsa —nire Jesu tinare.

39 To ã nichũ tina pari turi tirore ñaha duamare. Ti ã ñaha duachũ ñũno tiro duhti wijaa wahare.

40 Ñ wijaarioputa João masare to bautisa

m̄htariorp̄ Jordão sie se-
hep̄ pari turi wahare tjoa.
Tórp̄ s̄uro tjuanocare tiro.
41 ã jia masa paȳ tirore ñ̄ha
s̄ure. Õ sehe nire tina ti basi:

—João sehe Cohamac̄ tuaa
mehne yoa ñ̄oerare. ã to yoa
ñ̄oerapach̄ta jipihtia Jesure to
yahuri cjiri sehe potoc̄ta jira
—nire masa ti basi.

42 ã jia tórp̄re masa paȳ
wac̄ũ tua d̄ncare Jesure.

11

*Lázaro wama tiriro yariaa
wahaha*

1 ã yoa c̄airo Lázaro wama
tiriro to wahmios̄numia
María, Marta c̄uh̄ mehne
Betania wama tiri macai jia
tire. Tiro c̄ũ n̄m̄ dohatia
wahari jire. 2 Tiro wahmiono
María sehe baharo Jesu to
dahporire me sitia wis̄õ, to
pjoari mehne tirore pah̄
coh̄hticoro jiri jire. 3 ã
yoa to dohatia wahach̄
ñ̄ha, to wahmios̄numia
sehe painare Jesure yahu
dutirotari jire:

—P̄h̄toro, m̄ cah̄riro
dohatiro nina —ni yahu
dutirotari jire Lázaro wah-
mios̄numia.

4 Tí quitire t̄horo ò sehe
nire Jesu:

—Mip̄re Lázaro to dohatia
to yariahti c̄ihti jierara. Co-
hamac̄ tuaare masare ñ̄ohti
c̄ihtire mip̄re tiro dohatira.
ã jia yuh̄ to mac̄no tuariro
ȳ jia c̄uh̄re ñ̄ahca masa —
nire Jesu.

5 Jesu Martare, to bahoro
c̄uh̄re, Lázaro c̄uh̄re tu-
aro cah̄a tire. 6 ã nino

Lázaro dohatiro to jich̄
t̄hobarota tói Jesu sehe p̄ha
dach̄o tjuasinire. 7 P̄ha dach̄o
baharo Jesu ò sehe nire s̄are
to buheinare:

—Pari turi Judea yahpap̄
tjuaa wahajihna tjoa —nire
s̄are.

8 —Buheriro, can̄p̄c̄ata
judio masa tó macaina
mah̄re t̄aa mehne doca waj̄
duamare. ¿Dohseac̄ tórp̄
pari turi tjuaa waha duajari
m̄h̄? —nihi s̄a to buheina.

9 S̄ã ã nich̄ t̄horo, tirore
ti waj̄ masierasininore
yahuro, piti dahre buhero
s̄are ò sehe nire:

—P̄j̄ro t̄hotuena tjiga. C̄ũ
dachore doce horari waro
jira. S̄ũ dach̄o macariro to
jisinich̄, noano ñ̄aja mari.
ã jina dachore tinina ne
p̄ha tu m̄ha boraeraja mari.
10 Wiho mejeta nahitianoi
tinina sehe p̄ha tu m̄ha
boraah̄ wahara. S̄ũ dach̄o
macariro mariach̄ noano
ñ̄erara tina —nire Jesu. (ã
nino ò sehe nino niri jimare:
“Mip̄re ȳ P̄c̄ yare ȳ yahu
pah̄ñohto d̄hsasinina. ã jia
yuh̄re waj̄ masierasininina”,
nino niri jimare.)

11 ã nino s̄are ò sehe ni yahu
namore tjoa:

—Mari mehne macariro
Lázaro, car̄no nica. To
ã car̄pach̄ta yuh̄ tirore
wahc̄õi wahaihtja —nire
s̄are.

12 —P̄h̄toro, Lázaro car̄riro
jiro, yuh̄d̄rohca —nimahi s̄ã.

13 S̄ã ã nipach̄ta Jesu
“Car̄no nica” nino, “Yariaa
wahaca”, nino niri jimare. To
ã nich̄ t̄hona “Lázaro soro

nica”, ni tūhotumai sã sehe.
 14 Sã ã ni tūhotuchũ masino
 Jesu poto yahure sãre:

—Lázaro yariaa wahaca.
 15 Yũ marieno to yariachũ,
 noa nina. ã jina mũsa yũhũre
 wacũ tua namonahca. Mũsa
 yũ jia tiare masi namo, mũsa
 yũhũre wacũ tua namohti
 cjihti jiahca ahri. ã yoana
 basata. Mari ñũna wahaji-
 hna to cahapũ —nire Jesu.

16 Toma sũhũdũariro wama
 tiriõ õ sehe nire sãre:

—Mari cũhũ Jesu mehne
 wahajihna. Tirore wajãa,
 mari cũhũre wajãjaro —nire
 Toma.

*Jesu ã jirucuchũ yoariro
 masare masoriro jira*

17 ã yoa sã tóprẽre sã sũna
 cahachũ waro tó macaina õ
 sehe ni yahure Jesure:

—Pititia dachori wahara
 Lázaro cjiõre masa copapũ ti
 siõ sãari baharo —ni yahuha
 tirore.

18 Betania wama tiri maca
 sehe Jerusalẽ cahacãi tia
 kilómetro yoaro jire. 19 ã
 jia Lázaro to yariari baharo,
 payũ Jerualẽ macaina sã
 coyeya judio masa Martare,
 María cũhũre ñahacaha tiia
 taa tari jire. 20 Tóprẽre sã
 sũna cahachũ tũhoro, Marta
 sehe sãre piti bocaro wihire.
 Wiho mejeta to bahoro María
 sehe to ya wũhũpũ tjuari jire.
 21 Marta sehe Jesure piti boca
 wihi, õ sehe nire tirore:

—Puhtoro, yũ bahũ to
 yariahto pano mũ õi jichũ,
 tiro yariaerabo. 22 Mipũ
 cũhũre Cohamacũre mũ sini

payochũ, tiro mũ sinino se-
 heta yoarohca —nire Marta
 Jesure.

23 —Mũ bahũ masa wi-
 jaarohca —nire Jesu ticorore.

24 —Ãja. Ahri yahpa to
 pihtiri dachoi yariarina cjiri
 ti masa wijaahti dachoi to
 masa wijaahtore masija yũhũ
 —nire ticoro sehe.

25 To ã nichũ Jesu õ sehe ni
 yahure tjõa:

—Yũhũ masa wijaachũ
 yoariro jija. Yũhũ ã jiru-
 cuchũ yoariro jija. Yũhũre
 wacũ tuariro yariaparota
 ã catirucurohca. 26 ã jia
 jipihtina Cohamacũ mehne
 ã catirucuina, yũhũre wacũ
 tuaina pichacapũ ne wahasi.
 ¿Ahrire masijari mũhũ? —
 nire Jesu ticorore.

27 —Puhtoro, masija yũhũ.
 Cristo Cohamacũ macũno,
 masare yũhdũchũ yoariro
 “Ahri yahpapũ tarohca”, ti
 niriro mũ jichũ masija yũhũ
 —nire Marta Jesure.

*Lázaro to masa copa cahai
 Jesu tiha*

28 Marta ã ni tuhsũ to ba-
 horo Mariãre pjõro wahare:

—Marine buheriro mari ya
 macai taro nina. Mũhũre
 pjihre —ni yaroca yahuri jire
 Mariãre.

29 To ã nichũ tũhoro María
 ño duaro wahcãrũca, sã
 cahapũ tari jire Jesure ñũno
 taro. 30 Ti ya macapũ
 sũerasinihi sã. Marta sãre
 to piti bocaroihta jisinihi
 sã. 31 Judio masa tí wũhũi

Mariãre ñahacaha tiia niha.
 ã jia ticoro to wahachũ ñũna,
 tina ticorore nũnũ ti tari jire.

“To wahmino cjirore ti siõ sãari copapũ tiuro waharo nina ticoro”, ni tũhoturi jimare tina. ã ni tũhotua ticorore nũnũ ti tari jire.

32 ã yoa María sã cahapũ wihiro, Jesure ñũ, to dahpori cahai na tuhcuca caha sũre.

—Pũhoro, yũ bahũ to yariahto pano mũ õi jichũ tiro yariaeraboia —nire ticoro Jesure.

33 ã jiro ticoro judio masa ticoro mehne tarina cũhũ ti tiichũ ñũno Jesu sehe tuaro cahya ñano yajeripohna tire.

34 —¿Lázaro cjirore nohopũ siõ sãari mũsa? —ni siniture Jesu.

—Ñũi taga —ni pji wahcãre tina.

35 Ti ã nichũ tũhoro Jesu tiia wahare.

36 —Lázaro cjirore Jesu tuaro cahĩri jira —nire judio masa ti basi.

37 Wiho mejeta paina tina mehne macaina sehe õ sehe nire:

—Capari ñũerarirore ñũchũ yoariro jira ahriro Jesu. ¿ã jiro Lázaro cũhũre to yariaborore yũhdũchũ yoeraboari ahriro? —nire tina ti basi.

Lázaro masa wijaaaha

38 ã jiro pari turi Jesu tuaro cahya namore. ã jina sã jipih-tina to masa copapũ sũhi. Tí copa tãcapũ ti sahari copa jire. Tí copapũ to pjacũ cjirore siõ sãa, tãca pjiria mehne tju biha cũri jire tina.

39 —Tãcare na pjõohga —nire Jesu.

To ã nichũ tũhoro Marta yariariro cjiro wahmiono õ sehe nire:

—Pũhoro mipũ pititia dachori waha tuhsũra to yariari baharo. ã jiro to pjacũ cjiro urĩbiahca —nire Jesure.

40 —“Yũhũre wacũ tuaco Cohamacũ tuaare ñũcohca”, mũhũre nimahi —nire Jesu Martare.

41 To ã niri baharo tina tãcare na pjõohre. ã ti na pjõori baharo Jesu sehe mũanopũ ñũ, Cohamacũre õ sehe nire:

—Mai, yũhũre mũhũ tũho tuhsũhũre. Tĩre mũ yoachũ masicũ wahcheja mũhũre. 42 ã yoa yũhũre mũhũ dachoripe ã tũhorucura. Tĩre masija. ã masipaihta yũhũ mũ warocariro yũ jiare õre ducuina ti masihti cjihtire mũhũre ã nii nija. Tĩre “Potocã tjira”, ti nihti cjihti cũhũre ã nii nija —nire Jesu to Pũcũrore.

43 ã ni tuhsũ Jesu tuaro sañurucure:

—Lázaro, wijaa tagá —ni sañurucure tiro.

44 To ã nichũ yariariro cjiro to wamomacarine to dahpori cũhũre suhti cahsari mehne ti wahmariro cjiro, to dapure suhtiro mehne ti wahmariro cjiro, masa copapũ wijaa tare jana.

—Ti wahmari cjirore pjãga —nire Jesu.

Judio masa pũhtoa sehe Jesure ñaha duamaha

(Mt 26.1-5; Mr 14.1-2; Lc 22.1-2)

45 To ã masochũ ñũna, payũ judio masa Mariãre ñũna tarina mehne macaina

Jesure wacū tuare. ⁴⁶ Wiho mejeta paina sehe, tina mehne macaina sehe fariseo curua macaina cahapū waha, sū, Jesu to yoarire yahuri jire tinare. ⁴⁷⁻⁴⁸ Ā jia sacerdotea pūhtoa, fariseo curua macaina pūhtoa cūhū cahmachu, ti basi ō sehe ni durucuha:

—Jesu payū tahari Cohamacū tuaa mehne yoa űo mūjana. To ā yoa űoare mari tirore ā űunoca mari dūcataerachū, jipihtina masa tirore wacū tua, tiro mehne waha pihtiaboca. Ā yoa tiro Jesure ti pūhtoro cjihto ti sōchū űūa, Roma macaina pūhtoa sehe “Marine cohāa nina”, ni sua, űano yoaahca marine. Tuhsū, Cohamacū wūhare cohā duti waro-caahca ti yaina surarare. Mari ya dihta cūhūre maahca tina. Ā jina dohse yonahcari mipūre? —ni durucuha tina ti basi.

⁴⁹ Ti ā nipachūta pairo Caifa wama tiriro, tí cahmare sacerdotea bui pūhtoro jiriro tinare ō sehe ni yahuha:

—Mūsa sehe ne masierara. ⁵⁰ Judio masa jipihtina mari ya cjihtire cūiro masūno to yariachū noana. To yari-aerachū mari jipihtina judio masare cohā pahūnocaboa. Tíre mūsa masierara —niha Caifa tinare.

⁵¹ Ā nino to mū sūro ā nino nieraha. Sacerdotea bui pūhtoro to jichū judio masa ya cjihtire Jesu to yariahtore Cohamacū sehe Caifare ā ni yahu dutiha. ⁵² Jesu yariaro judio masa dihtare

yūhdūchū yoaro taro nierare. Ā yariaro jipihtina Cohamacū pohna ahri yahpapū ji siteina cūhū cū curuata ti jihti cjihtire yariahtiro jire Jesu. ⁵³ Ā jia tí dachoihta tina “¿Jesure dohse yoa wajānahcari mari?” ni durucuha, tirore wajā taa nimaha.

⁵⁴ Tirore ti ā wajā duachū masino Jesu payū judio masa watoi pari turi tinino wahaerare. Ā jiro masa marieno cahacāi Efraī wama tiri macapū sāre sūho wahaere. Sāre tí macai sūho tjuasinire Jesu.

⁵⁵ Tí pjare pascua bose nūmūri sā judio masa sā bose nūmūri cjihto mahano cā dūhsatjiāhre. Ā jia bose nūmūri panocā masa payū paye macari macaina Jerusalēpū cahmachure. Pascua macaare ti chūhto pano Cohamacū yare yoa taa ti űaa buhiri cosaa taa nire. ⁵⁶ Tí pjare tina Jesure macaa niri jire. Ā jia Cohamacū wūhūpū jiina ō sehe ni durucuha:

—¿Bose nūmūrine űūno taerabocari Jesu, mūsa tūhotuchū? —ni durucuha tina ti basi.

⁵⁷ Ā jia sacerdotea pūhtoa, fariseo curua macaina cūhū ō sehe ni yahu dutiha masare:

—Jesu to jirore mūsa masina, yahuga sāre. Tirore űahana tana nija —niha pūhtoa masare.

12

María Jesu dahporire me sitia mehne pio payore
(Mt 26.6-13; Mr 14.3-9)

¹ Jesu sã to buheina mehne Betaniapũ sã sũri baharo pascua dachori seis dachori waro duhsasinire. Lázaro Jesu to masoriro cjiro tí maca macariro jire. ² Sã sũri baharo Jesu cũhu ya chũa cjihtire yoare paina. ã yoa Lázaro, Jesu, sã mehne mesai nuju sũhi. Sã ã nuju sũri baharo Marta chũare payore sãre. ³ Tuhsũ, María me sitia sere nardo wama tidũ maca sere cã kilo dacho macai na ta, Jesu dahporire pio payore. Pio payo tuhsũ to pjoari mehne tju cosare. To ã pio payori baharo tí wãhu noano me siti sahsea wahare. ⁴ Sã mehne macariro, Jesure ñũ tuhtiinare ñohtiro Juda Iscariote sehe õ sehe nire:

⁵ —¿Dohse yoaro ahricoro ã yoa sitejari? Tíre ticoro du-
aboa. ã duaro tres cientos dachori posa dahrari wapa wapataboa. ã jiro ticoro tí niñerure pjacũoinare waboa —nire tiro.

⁶ Juda sehe pjacũoinare yoadoho duaerare. Tiro sã niñerure wihbobasariro jiparota yacariro jire. Tuhsũ, tiro sã niñerure cãa tahari na mũjare. ã jiro “Tí niñerure naihtja” nino, ã nire Mariãre tiro.

⁷ To ã nichũ tũhoro õ sehe nire Jesu:

—ã niecũ tjiga ticorore. To me sitiare yũhũre to duharire yũhũre pio payore, yũhũre masa copapũ ti siõ sãahto pano yũ pjacũre cahnoyuro. Pjacũoina sehe mũsa mehne ã jirucuahca. ã jina tinare wa masina mũsa. ⁸ Yũhũrẽ

ahri yahpapũre mũsa mehne ã jirucusi —nire Jesu.

Sacerdotea pũhtoa Lázarore wajã duahe

⁹ ã yoa Jesu Betaniapũ to jichũ tũhoa sã coyeya judio masa payũ tirore ñũa tare. Tiro dihtare ñũa taa nierare. Lázaro yariariro cjirore Jesu to masorirore tiro cũhũre ñũa taa nire. ¹⁰ Ti ñũa sũrĩre masia sacerdotea pũhtoa Lázaro cũhũre wajã duare. ¹¹ Lázaro yariariro cjiro Jesu to masoriro jichũ ñũa payũ masa Jesure wacũ tuare. To ã masochũ ñũa payũ judio masa ti sacerdotea ya buhea sehere duhunocari jire. ã ti duhuchũ ñũa sacerdotea pũhtoa sehe sua yũhdũa Lázarore wajã duare.

Jerusalẽpũ sũha Jesu
(Mt 21.1-11; Mr 11.1-11; Lc 19.28-40)

¹² Pascua bose numũrine ti yoachũ payũ masa Jerusalẽpũ ñũa wahari jire. Pa dachoi Jerusalẽpũ Jesu to tahto cjihtore masa tũhori jire. ¹³ ã jia pja pũ sahnarine na wahcã, tirore piti bocaã wahare. ã piti bocaã õ sehe ni sañurucure tina:

—Ahrĩrore wahche payojihna. Ahrĩro Cohamacũ to warocariro noano yũhdũjaro. Ahrĩro Israe yahpa macaina mari pũhtoro tjira —ni sañurucure tina.

¹⁴ Jesu burrocã to bocariro bui pisare. “õ seheta yoarohca”, ni joaa tiha Cohamacũ yare ti joari tjui:

15 “Jerusalē wama tiri maca macaina, cuiena tjiga m_{usa}.

Ñ_{uga}. M_{usa} p_uhtoro burrocā bui pisa tara”,

ni yahuha Cohamac_u yare ti joari tjui.

16 “To ã ni joari Jesure nino nica” ni, sã to buheina noano masierasinihi. ã masierasinihanahta m_uanop_u Jesu to m_ujari baharo sã ti joari cjirire wac_u boca t_uho ñaha masihi. Õ sehe ni t_uhotuhi: “Cohamac_u yare ti joari tju sehe Jesure yahuro nimaha. ã jia Cohamac_u yare ti joari tju to niriro seheta yoare masa Jesure”, ni t_uhotu, sã masihi.

17 Lázarore ti siõ sãari copap_u jirirore Jesu to pisuch_u tirore to masoch_u ñurina cjiri yahure masare. 18 ã jia Lázarore Jesu masorire ti t_uhori baharo masa pay_u Jesure ñ_ua tare. 19 Ti ã tach_u ñ_ua fariseo curua macaina ti basi õ sehe niri jire:

—Jipihtina Jesu yaina dihta wahaa nina mip_ure. ã jina mari dohse yoa masieraja tinare —niri jire fariseo curua macaina ti basi.

Mahainacã griego masa Jesure maca taha

20 ã yoa bose nam_uri Cohamac_ure ño payoa taina mehne macaina mahainacã griego masa jire. 21 ã jia tina Felipe cahap_u wihiri jire. Felipe sehe Betsaida wama tiri maca Galilea yahpai jiri maca macariro jire. ã jia tiro cahap_u wihirina õ sehe niri jire tirore:

—Jesure ñ_u duaja sã —niri jire tina.

22 Ti ã nich_u t_uhoro Felipe Andrep_ure tíre yahuro wahari jire. ã jia tina p_uaro Jesure yahure. 23 Ti ã yahuri baharo Jesu tinare õ sehe ni yahure:

—Y_uh_u mas_uno Cohamac_u warocariro jia. Y_uh_ure jipihtina ti ño payohti pja mip_ure jirota nina. Mip_ure y_u yariahti pja jirota nina. 24 Potocãta m_usare yahui nija. Toari yapare yahpap_u mari yaerach_u, tí yapare mari toaerach_u c_u yapata tjuarohca. ã jiro tí yapare mari yari baharo dicha tirohca. (Tó seheta y_u yariari baharo y_uh_ure masa copap_u ti siõ sãari baharo pay_u masare Cohamac_u mehne ã jirucuhtina jich_u yoaihca y_uh_u.) 25 Ahri yahpai m_usa jiare pjíro t_uhotuboca m_usa. ã t_uhotuna Cohamac_ure wac_uerana, pichacap_u wahanahca m_usa. Ahri yahpai m_usa jiare ã t_uhotunocahna, Cohamac_u mehne ã jirucunahca. 26 Y_u yare yoa duana, y_u buheare noano t_uhoga m_usa. M_usa ã yoana m_usa c_uh_u y_u jihtop_ure jinahca. Y_u yare yoarirore y_u P_uc_u sehe wahchea mehne ñ_unohca —nire Jesu.

Jesu to yariahtore yahuha

27 ã ni tuhs_u õ sehe ni namore:

—Mip_ure y_uh_u ñano yajeripohna tija. ¿Y_u P_uc_ure dohse nihcari y_uh_u? “Mai, y_u ñano y_uh_uhtore yoai tjia y_uh_ure”, ¿nibocari y_uh_u?

Tíre nieraja yuhũ. Ñano yuhduhtiro cjihtota ahri yahpãre tahi. Ñ yoa yũ ñano yuhduhti pja mipãre jiro nina —ni yahure Jesu sãre to buheinare.

²⁸ Ñ yoa õ sehe nire to Pucãrore:

—Mai, mũ tuariro jiare mipãre ñoga masare —nire Jesu to Pucãrore.

To ã nichũ mũanopũ durucuro coa tare:

—Tuariro yũ jiare masare ño tuhsũhi. Mipãre ã jicũ pari turi ñoihca masare —nino coa tare.

²⁹ To ã nino coa tachũ tãhoa tói ducuína masa payũ õ sehe nire:

—Wũpo jica ã coa taro —nire masa.

—Anjo Jesure yahuro nire —nire paina masa.

³⁰ Ñ sehe nire Jesu sehe:

—Mũanopũ yũhũre tũho dutiro ã nino coa taerare. Mũsa sehẽre tũho dutiro ã nino coa tare. ³¹ Mipãre ahri yahpa macaina ti ñano yoari buhirire buhiri dahrerohca tinare. Ahri yahpa macaina ti pũhtorore watĩnore cohãnohca Cohamacũ. ³² Ñ jicũ yũhũre crusapũ ti wahcõ dapochũ payũ masare yũhũ mehne macaina ti wahachũ yoaihca yũhũ —nire Jesu.

³³ Ñ nino “Crusapũ to variahtore”, yahuro nire Jesu masare. ³⁴ To ã nichũ tãhoa masa sehe tirore õ sehe nire:

—Cohamacũ yare ti joari tjuĩ õ sehe nina: “Cristo jipihtia dachoripe jirohca”, ni joaa tiha. ¿To ã ni joachũ mũhũre masũnore Cohamacũ

warocarirore dohse jiro baro mũhũre crusapũ wahcõ dapohcari masa? ¿Masũno Cohamacũ warocariro noa jijari tiro? —ni siniture tina.

³⁵ Ti ã nichũ õ sehe ni yũhtire Jesu:

—Buhriaro to ñũ masichũ yoaro seheta jicũ masare Cohamacũ yare noano masichũ yoaja yũhũ. Baharo curerocã mũsa mehne jisi yũhũ. Mũsare yũ buhechũ mipãre tũhoga ñaare mũsa yoaerahti cjihtire Cohamacũ mehne mũsa ã jirucuhti cjihtire. Yũ buheare tũhoeraina nahitianoĩ tiniina yoaro seheta ti wahahtore masierara. ³⁶ Yũhũ buhriaro yoaro sehe jirore tjiia. Ñ jicũ mũsare buhecũ Cohamacũ yare noano masichũ yoaja mũsare. Mipãre yũ wahahto pano yũhũre wacũ tuaga. Ñ wacũ tuana yũ yaina jinahca mũsa —nire Jesu.

Ñ ni yahu tuhsũ duhti wahcãa wahare.

Judio masa Jesure cahmaeraha

³⁷ Payũ tahari Cohamacũ tuaa mehne tinare Jesu to yoa ñopachũta judio masa payũ tirore ne tũho duaerare.

³⁸ Cohamacũ yare ti joari tjuĩ Isaia cjiro to joariro seheta ã yoaa nire tina. Ñ sehe ni joaa tiha Isaia cjiro:

“Cohamacũ, mũ buheare sã yahuchũ masa tũho duaerare.

Mũ tuaare tinare mũ yoa ñopachũta, tíre ‘Potocã jierara’, nire tina”,

ni joaa tiha Isaia cjiro.

³⁹ Ti ã tũho duaerachũ ñũno Cohamacũ tinare masierachũ yoare. Ti cũhũre Isaia cjiro õ sehe ni joaa tiha tjoa:

⁴⁰ “Capari ñũeraina yoaro sehe jiina jichũ yoaa tiha Cohamacũ tinare.

Ã yoa to yare masierachũ yoaa tiha tinare.

Ã jia to tuaare ñũpahta tina ti ñũrire tũho ñahaerara.

Ã jia to buheare tũhopahta tíre tũho ñahaerara tina. Cohamacũ ya buheare masia, ti ñaa yoari buhirire cohã dutiboa.

Ã jiro tinare yũhdũchũ yoaboa tiro”,

ni joaa tiha Isaia cjiro Cohamacũ yare ti joari tjuí. ⁴¹ ã ni joaro Isaia cjiro Cristo tuaare masino to niriro seheta Cristore yahu joaa tiha tjoa.

⁴² Paina Jesure ti cahmaerapachũta judio masa, sã pũhũa mehne macaina cũhũ payũ Jesure wacũ tuaa, tirore cahmare. ã cahmapahta tina fariseo curua macainare cuia painare “Jesu mehne sãahi”, ni yahu duaerare. Tíre ti yahuchũ tũhoa Jesure ti cahmari buhiri judio masa sã buheri wũhũpũ tinare sãa dutieraboa fariseo curua macaina sehe.

⁴³ Cohamacũre wahchechũ yoa duapahta tí yũhũdoro fariseo curua macaina sehere wahchechũ yoa duare Jesure cahma dũcaina. ã jia tina “Jesu yaina wahahi”, ni painare yahu duaerare.

Jesu yahuare ti tũho duaerari buhiri masa buhiri tiahca

⁴⁴ ã yoa Jesu tuaro sañurucu, õ sehe ni yahure:

—Yũhũre wacũ tuariro, yũhũ dihtare wacũ tuaerara. Yũhũre warocariro cũhũre wacũ tuara tiro.

⁴⁵ Tuhsũ, yũhũre masiina yũhũre warocariro cũhũre masina. ⁴⁶ Buhriaro to ñũ masichũ yoaro seheta ahri yahpũ Cohamacũ yare masichũ yoai tai nihi yũhũ. ã jichũ Cohamacũ yare masare masichũ yoaja. Nahitianoi wahariro yoaro sehe jiriro ñaare yoarucura. Yũhũre wacũ tuariro tiro yoaro sehe yoasi. Yũhũre wacũ tuariro quihũno tũhorohca. ⁴⁷ Paina yũ yahuare tũhopahta yũ niriro seheta yoerara. Ti ã yoerapachũta yũ yahuare ti yoerari buhirire buhiri dahresi yũhũ sehe tinare. Ahri yahpũpũre buhiri dahrei tai nierahi yũhũ. Ahri yahpa macainare pichacapũ wahaborinare yũhdũchũ yoahrtiro cjihto tai nihi yũhũ.

⁴⁸ Yũhũre cahmaerainare, yũ yahua cũhũre cahmaerainare buhiri dahrea jahca. Tina yũ yahuare ti tũhoerari buhiri ahri yahpa pihĩri dachoi buhiri tiahca. ⁴⁹ Yũhũ yũ mũ sũro yahueraja. Yũ Pũcũ yũhũre warocariro sehe yũhũre yahu dutire. ã jia yũ yahua sehe to ya durucua jira. ⁵⁰ To ya durucua “Quihũno jira” nina, Cohamacũ mehne ã jirucunahca mũsa. ã jichũ yũ Pũcũ to yahu dutiriro seheta yahuja mũsare —nire Jesu.

13

Jesu to buheina dahporire cosaha

¹ Ā yoa pascua bose namuri panocã ahri yahpare to cohã wahcãhto cjihtore to Pucuro cahapũ to wahahto cjihtore masire Jesu. Tuhsũ, ahri yahpa macainare to yainare tiro tuaro cahire tina mehne to jiro puro. Ā cahirucura to yainare.

² Tí ñamine Jesu sã to buheina mehne sã chũchũ Juda Iscariotere Simo macanore Jesure ñũ tuhtinane ño duti tuhsuri jire watĩno sehe. ³ Tuhsũ, to Pucuro Cohamacũ Jesure jipihtina bui to puhtoro sõire masire Jesu. Ā yoa Cohamacũ cahapũ to tari cjiire, baharo manopũ to m̃jahti cũhare masire. ⁴ Ā masino wahcãrũca, to suhtiro bui macanore tjuwe na, tóre cũ tuhsũ, suhtiro cahsaro mehne to pjaro yũjũi dahtere. ⁵ Dahte tuhsũ, waparoi core pio sãa, sã to buheinare sã dahporire cosa dũcare. Sãre cosa tuhsũ to dahteri cahsaro mehne pahã cohãre sã dahporire.

⁶ Paina buheinare cosa wahcã, Simo Pedropũre sũre. To dahporire to cosahto pano Pedro sehe tirore õ sehe nire: —Puhtoro, ¿yũ dahporire cosai tai nijari mũhũ? —nire Jesure Pedro.

⁷ —Michapucacã mũhare yũ yoahtere masierara mũhũ. Ā masierapacũta baharo masiihca mũhũ —nire Jesu.

⁸ —Yũ dahporire ne cosasi mũhũ —nire Pedro.

—Mũhare yũ cosaerachũ yũ yairo jisi mũhũ —nire Jesu.

⁹ —Puhtoro, yũ dahpori dihtare cosai tjiga. Yũ dahporire, yũ wamomacarine, yũ dapu cũhare cosaga —nire Pedro.

¹⁰ To ã nichũ Jesu piti dahre buhero õ sehe nire:

—Cũiro masino cuhsũro to pjacũre noano tju cosa pahõna. Ā jiro pari turi tirore tju cosaro cahmaerara. To dahpori dihtare cosaro cahmana. Jipihtina mũsa ñaa yoari buhirire cosarina cjiire mũsa jipachũta cũiro mũsa mehne macariro to ñaa yoari buhirire cosamahnoerariro jira —nire Jesu.

¹¹ Jesu tirore ñũ tuhtinane ñohtirore masire. Ā masino “Cũiro mũsa mehne macariro to ñaa yoari buhirire cosamahnoerariro jira”, nire.

¹² Sã dahporire cosa tuhsũ, to suhtirore sãa tuhsũ, nuju sare to dujiriroihta.

—¿Michapucacã mũsare yũ yoarire tuho ñahajari mũsa?

¹³ Mũsa yũhare “Buheriro”, ni pisuna, “Puhtoro”, ni pisuna potocãta nina nica yũhare. Mũsare buheriro, mũsa puhtoro potocãta jija yũhũ. ¹⁴ Ā jina yũhũ mũsare buheriro, mũsa puhtoro jipaihta mũsa dahporire cosariro yũ jichũ ñũna mũsa cũhũ mũsa mehne macaina dahporire cosaga. ¹⁵ Michapucacã mũsare cosacũ, baharo mũsa yoahiti cjihtire mũsare ñoija. Mũsa mehne macainare

musa yoadohohtire ñoi nija. Musare yu yoariro seheta musa cãhu yoaga. ¹⁶ Potocã musare niita nija. Musa yu cahamaca yoaro sehe jiina yu bui jierara. Musare buhe duti yu warocarina jira musa. ã jina yu bui jierara musa. ã jicãta “Yu yoariro seheta yoaga”, nihi musare. ¹⁷ Ahrire masina, yu dutiare yoana, wahcheina jinahca musa.

¹⁸ Musare jipihtinare ã nieraja. Yu beserinare masija yuhu. Cohamacu to yare ti joari tjui to ni joariro seheta ã waharohca. “Yuhu mehne churirota yuhure wajã duare”, ni joaa tiha Cohamacu yare ti joari tjui. ¹⁹ To ã yoahito pano ahrire yahuyui nija musare. Yuhure to ã yoari baharo “Jesuta Cristo Cohamacu warocarirota jira”, musa nihti cjihtire ahrire musare yahuyui nija yuhu. ²⁰ Potocã musare niita nija. Yu warocainare cahmariro yuhu cãhure cahmana tiro. Tuhsu, yuhure cahmariro yuhure warocariro cãhure cahmana tiro —nire Jesu sãre to buheinare.

Juda Jesure ñu tuhtiinare to ñohtore yahuha Jesu

(Mt 26.20-25; Mr 14.17-21; Lc 22.21-23)

²¹ ã ni yahu tuhsu Jesu turo cahyare. ã cahyaro õ sehe ni yahure tiro sãre:

—Potocãta musare nii nija. Cãiro musa mehne macariro yuhure ñu tuhtiinare yuhure ñonohca —nire Jesu.

²² To ã nichu tuhona Jesure ñohtirore masierana, sã basi cahma ñuroca õi. ²³ Cãiro Jesu to buheina mehne macariro yuhu, Jesu to cahãiro sehe to pari wahpa dujihi. ²⁴ Yu ã dujichu ñuno Simo Pedro yuhure to wamomaca mehne yoa ño, siniture:

—Jesure ñohtirore diro sehene nino nibocari Jesu? Yahuga sãre —ni to wamomaca mehne yoa ño, sinitu ñure Pedro.

²⁵ To ã nichu yuhu sehe Jesu cahacã dujiriro jicu sinitu ñuhi tirore:

—Puhtoro, ¿diroro nii nijari mahu? —ni sinitu ñuhi yuhu.

²⁶ —Ahri pãore dahra waha na, soha yu wahtiro sehe tirota jira yuhure ñohtiro —nire Jesu.

ã ni tuhsu ti pão to dahra waha narirore soha tuhsu tíre Judare Simo Iscariote macanore ware. ²⁷ ã yoa pãore to ñahari baharo watño sehe Judare ñano yoa dutiri jire. ã jiro Jesu tirore õ sehe nire:

—Mu yoahito cjihtore cjero yoa bahrañoga mahu —nire Jesu Judare.

²⁸ To ã nichu tuhona sã mesapu dujiina, Jesu Judare to nirire noano tãho ñahaerahi. ²⁹ Cãina õ sehe ni tuhutumahi: “Judã sã niñerure wihboriro jira. ã jiro bose namu sã chuhti cjihtire nuchu dutiro warocare Jesu Judare. O pjacoinare niñerure wa dutiro niboca Jesu”, ni tuhutumahi sã cãina.

³⁰ ã yoa Juda tí pãore ñaha

tuhsu, wijaa wahare. To wijaari pja ñami jire.

Wahma dutiare yahuha Jesu

³¹ To ã wijaari baharo õ sehe nire Jesu:

—Mip_u pinihtare y_uhu mas_uno Cohamac_u waro-cariro y_u tuariro y_u jia tiare ñonohca Cohamac_u masare. ã jic_u Cohamac_u to tuariro to jiare ñoihca y_uhu sehe.

³² ã jiro Cohamac_u to tuaare y_u ñoch_u tiro sehe y_u ya tuaa c_uhure mip_u pinihtare ñono taro nina. ³³ Y_u pohna y_u cah_uina, y_uhure tuhoga. Mahaa dachoricã m_usa mehne jisiniihca. Y_u wahari baharo y_uhure macanahca m_usa. ã jic_u mari coyee judio masare y_u niriro seheta m_usa c_uhure nija. “Y_u wahahtore m_usa sehe waha masierara”, tinare y_u niriro seheta m_usa c_uhure ã ni yahuja. ³⁴ Wahma dutiare m_usare yahuihtja. M_usa mehne macainare cah_uga m_usa. M_usare y_u cah_uiro seheta, m_usa mehne macainare cah_uga. ³⁵ ã jina m_usa mehne macainare m_usa cah_uch_u ñ_ua y_u yaina m_usa jiare masiahca paina —nire Jesu sãre.

“Jesure masieraja”, Pedro to nihto cjihtore yahuha Jesu (Mt 26.31-35; Mr 14.27-31; Lc 22.31-34)

³⁶ To ã nich_u Simo Pedro Jesure õ sehe ni sinitu ñure:

—Puhtoro, ¿nohopu wahaihcari m_uhu? —nire Pedro.

—Y_u wahahtopure mip_ure y_uhu mehne waha masierara

m_uhu. Mip_ure waha masierapaihca baharo y_u cahai wahac_uhca —nire Jesu Pedore.

³⁷ —Puhtoro, ¿dohseacu mip_ure m_uhu mehne waha masierabocari y_uhu? Y_uhure ti wajã duapach_uta m_uhure ne duhusi y_uhu —nire Pedro Jesure.

³⁸ —¿Ã tjiari? ¿M_uhure ti wajã duapach_uta, m_uhu y_uhure duhueraihca? Potocãta m_uhure nii nija. Caraca to duhto pano “Jesure masieraja”, niihca m_uhu painare. Tia taha ã niihca m_uhu —nire Jesu Pedore.

14

Jesu Cohamac_u cahap_u wahari maha yoaro sehe jira

¹ Baharo Jesu sãre õ sehe ni yahure:

—Ne cahya pj_uro tuhutuena tjiga. Cohamac_ure wac_u tuaga. ã jina y_uhu c_uhure wac_u tuaga. “Cohamac_u mehne y_uhd_unahca”, ni tuhutuga tirore. Y_uhu c_uhure ãta ni tuhutuga m_usa. ² Y_u P_ucu to jirop_ure pay_u w_uhuse jira. M_usa jihto cjihtore cahnoyui wahai nija. Tí potocã tjira. ã jic_u m_usare tíre yahuja.

³ ã jic_u m_usa jihto cjihtore cahno tuhsu, õp_uta pari turi majare tjua taihtja y_uhu. ã jina tói y_u jiroita m_usa c_uhu jinahca tjoa. ⁴ Mip_ure y_u s_uhtop_ure wahari mahare masi tuhsara m_usa —nire Jesu sãre to buheinare.

⁵ —Puhtoro, m_u s_uhtore masieraja sã. ¿Ã jina dohse yoa m_u wahari mahare

masinahcari sã? —ni sinitu ñure Toma Jesure.

⁶ To ã ni sinituchu tuhoro Jesu sehe õ sehe ni yuhtire:

—Yuhu Cohamacu cahapu wahari maha yoaro sehe jiro jija. Cohamacu cahapu wahachu yoariro, potocã yahuriro, ã catirucuchu yoariro jinocaita nija yuhu.

Ã jia yu yaina dihta yu Pucu cahapu wahaahca.

⁷ Panopu yuhure masina, yu Pucu cãhure masiboa musa. Mipure tirore ñure musa. Ã jina tirore masi tuhsara musa —nire Jesu sãre.

⁸ To ã nichu Felipe sehe õ sehe nire:

—Puhtoro, mari Pucure ñoga sãre. Tó purota ñu duaja sã —nire tiro.

⁹ To ã nichu Jesu õ sehe ni yahure:

—Felipe, ¿yoari pja yuhu mehne jipaihta, mahu masierasinjari yuhure? Yuhure ñuriro yu Pucu cãhure ñu tuhsare. Ã jicu “Mari Pucure ñoga sãre” nicu, ¿dohseacu ã nijari mahu yuhure?

¹⁰ Yuhu yu Pucu mehne puaro jipanahta cãirota jija. ¿Tíre “Potocã jierara”, niimeje nijari mahu? Musare yahucu yu mu saro yahui nieraja. Yu Pucure yahubasai nija. Ã jiro tiro yuhu mehne jiro to tuua mehne yoa ñona.

¹¹ Yuhu yu Pucu mehne puaro jipanahta cãirota jija. Tíre “Potocã tjira”, ni wacũga musa. Tíre “Potocã tjira” nierana, Cohamacu tuua mehne yu yoa ñoare wacũna, yu Pucu mehne

yu cãirota jiare “Potocã tjira”, ni wacũga musa. ¹² Potocãta musare nii nija. Yuhure wacũ tuariro yu yoariro seheta yoarohca. Ã yoa tiro yu yuhdoro yoarohca. Yu Pucu cahapu tjuaai tai nija mipure. Ã jiro yuhure wacũ tuariro yu yuhdoro Cohamacu tuua mehne yoa ñonohca. ¹³ Ã jicu yuhure wacũ tuaina ti sinino purota yoaihca. Ã yoacu yu Pucu to tuariro jiare ñoihca. ¹⁴ Yuhure wacũ tuaina musa jichu musa sinino purota yoaihtja —nire Jesu.

“Espíritu Santore musare warocaihtja”, ni yahuha Jesu

¹⁵ Æ ni tuhsu õ sehe ni namore:

—Yuhure musa cahina, yu dutiare noano yoanahca.

¹⁶ Yu Pucure sinibasaihtja. Yu ã sinibasachu yu Pucu sehe pairore musare yoadohohtirore musare warocarohca. Ã jiro tiro musare yoadohohtiro sehe jipihtia dachoripe musa mehne ã jirucurohca. ¹⁷ Tiro potocãta yahuriro Espiritu Santo tjira. Ahri yahpa macaina yuhure cahmaeraina sehe tirore masierara. Ã jia tirore cjuu masierara. Tirota musa mehne ã jirucurohca. Ã jina tirore masina musa.

¹⁸ Musare cohãsi yuhu. Musa mehne jihtiro cjihto tjua taihca yuhu tjoa. ¹⁹ Wiho mejeta mahanocã dahsara yu wahahto cjihto. Yu wahari baharo ahri yahpa macaina yuhure wacũ tu aeraina yuhure pari turi

ñusi. MUSA sehe yuhure ñunahca. YU catiro jichu MUSA cãhu jipihtia dachoripe Cohamacu mehne catirucunahca. ²⁰ TÍ dachoi yu tjua tahti dachoi yuhu yu PUCU mehne cãirota sã jichu masinahca MUSA. Æ jina yuhu mehne macaina MUSA jichu MUSA mehne macariro yu jichu cãhure masinahca MUSA. ²¹ YU dutiare yoariro yuhure cahĩrirota jira. Æ jiro yuhure cahĩrirore yu PUCU sehe cahĩnohca. Æ jicu yuhu cãhu yu dutiare yoarirore cahĩihca. Æ yoa yu jia tiare noano masichu yoaihca tirore — nire Jesu sãre to buheinare.

²² Sã mehne macariro paio Juda wama tiriro jire. Juda Iscariote Jesure ñu tuhtiinare ñohtiro jierare tiro. Pairo Juda jire. Æ jiro tiro Jesure õ sehe ni siniture:

—Puhtoro, ¿dohse yoajjari mahu tinare ã nicu? ¿Ahri yahpa macainare mahure masichu yoeracu, dohse yoacu sã dihtare mahure masichu yoahcari mahu? — ni siniture Juda.

²³ To ã nichu tuhoro Jesu tirore õ sehe ni yahure:

—Yuhure cahĩina, yu dutiare noano yoaa nina. Ti ã yoachu yu PUCU sehe tinare cahĩnohca. Æ jina tina mehne jina tanahca sã. ²⁴ Yuhure cahĩerariro yu dutiare yoerara. Tuhsu, yu yahua MUSA tuhori cjiri sehe yu ya yahua jierara. Yuhure warocariro ya yahua sehe jira. Tiro yu PUCU tjira.

²⁵ 'MUSA mehne jisinicu ahrire musare yahusini nija. ²⁶ Baharo yu sinibasachu yu PUCU Espiritu Santore warocarohca musare. Tiro Espiritu Santo sehe musare yoadohohtiro jiro, musare buhe pahĩnohca tiro. Æ yoa musare yu yahuri cjirire musare wacũchu yoarohca tiro.

²⁷ 'Musare noano jichu yoaihca yuhu. Yuhu yu noano jiro sehetã noano jichu yoaihca musare. Ahri yahpa macaina ti mahĩoperiro sehetã yoasi yuhu musare. Yuhu pinihta potocãta noano jichu yoaihca musare. Cahya pjiro wacũena tjiga MUSA. Æ jina cuiena tjiga MUSA.

²⁸ "Yuhu wahaihca. Æ jicu MUSA mehne jihtiro cjihto tjua taihtja tjoa", musare yu ã ni yahuchu tãho tuhsure MUSA. Tíre tuhona, wahcheboa MUSA. Yuhure MUSA potocã cahĩrina jina, wahcheboa MUSA. YU PUCU sehe yu yuhdoro tuara. Æ jina tiro cahapu yu wahahto cjihtore MUSA masiri baharo yuhure cahĩna, wahcheboa MUSA. ²⁹ Yuhure MUSA wacũ tuahti cjihtire yu wahahtore yahuyui nija musare.

³⁰ 'Ahri yahpa macaina puhtoro wafino sehe tara mipare. To ã tachu yuhu MUSA mehne yu durucu batohti pja mahanocã duhsara. Tiro sehe yuhure yuhduruca masierara. ³¹ Wiho mejeta yuhure yu PUCU to dutiriro sehetã yoaja yuhu. Æta yoaja yuhu yu PUCU yu cahĩare ahri

yahpa macaina ti masihtu cjihtire. Wahcārucaga. Basa wahana —nire Jesu sãre to buheinare.

15

Jesu secu yoaro sehe jiriro jira

¹ Baharo piti dahre buhero sãre õ sehe nire Jesu:

—Yuhu potocãta secu yoaro sehe jiriro jija. Yu Pucu sehe secure ñu wihboriro yoaro sehe jiriro jira. ² Yu yaina secu dũpũri yoaro sehe jiina yuhu mehne macainata jira. Dicha mariea dũpũri secure ñu wihboriro to paha cohãriro seheta yu Pucu to cahmaare yoerainare cohãna. Dicha tia dũpũri secure ñu wihboriro to cahnoriro seheta yu Pucu to cahmaare yoainare yoadohorohca tiro “Yu cahmaare yoa namojaru”, nino. ³ Yu yahuare tũhona, “Potocã tjira”, nire musa. ã jiro yu Pucu musa ñaa yoari buhirire cohã tuhsure. ⁴ Yuhu mehne macaina jiga musa. ã jii musa mehne jiihca. Secu dũpũri secu mehne wahã sũera dũpũri jia, tí dũpũri sehe dicha mariahna. Tó seheta yuhu mehne macaina jierana yu Pucu cahmaare yoa masierara musa.

⁵ 'Yuhu secu yoaro sehe jiriro jija. MUSA sehe tu dũpũri yoaro sehe jiina jira. Yuhu mehne macariro mehne yu jichu dicha tia dũpũri yoaro sehe tiro yu Pucu cahmaare yoara. Yuhu mehne macaina jierana yu

Pucu cahmaare yoa masierara mUSA. ⁶ Ñaa dũpũri to cohãboriro seheta yuhu mehne macaina jierainare yu Pucu cohãnohca. Tí dũpũri ñaia wahachu secure ñu wihboriro tí dũpũri na cahmachu pichacaru jũ cohãnohca. ãta yoarohca Cohamacu yuhu mehne macaina jierainare.

⁷ 'Yuhu mehne macaina jina, yu buheare boeraboca mUSA. ã boerana, mUSA cahmano purota siniga. ã jichu mUSA sinino purota yoabasaihtja. ⁸ Yu Pucu cahmaare yoaina mUSA jichu ñua “Jesu yaina jira ahrina”, ni masiahca masa. ã jia mUSA ñua yu Pucure ño payoahca. ⁹ Yu Pucu yuhure to cahãriro seheta mUSA yuhu cãhu cahã tihí. Yu cahãina jirucuga mUSA. ¹⁰ Yu cahãina jirucuina yu dutiare yoara. Yu Pucu to dutiare yoaja yuhu. ã yoacu to cahãriro jirucuja yuhu. Tó seheta mUSA cãhu yu dutiare yoana yu cahãina jirucunahca mUSA.

¹¹ 'Ahrire mUSA yahuhi yuhu mehne mUSA noano wahchehto cjihtore. ã jina tuaro wahchenahca mUSA. ¹² Õ sehe dutija mUSA: MUSA yu cahãriro seheta mUSA mehne macaina cãhure cahãga. ¹³ Cãiro masuno tiro mehne macariro yaro jiborirore yariaro tiro mehne macarirore tuaro cahãna, paina ti cahãriro yuhdoro. ¹⁴ ã jina yu dutiare yoana yuhu mehne macaina jira

musa. ¹⁵ Potocãta yahu mehne macaina waro jira musa. Musa ã jiina jichu jipihtia yu yoarire yahuja musare. Cahamacuño to puhtoro yoarire masierara tiro. Æ jichu “Yu cahamaca wiho jiina jira musa”, musare nieraja. Yu Pucu yahure to yahurire musare yahu pahñohi. Æ yahucu “Yuhu mehne macaina jira musa”, musare nija mipure. ¹⁶ Musa sehe yahure ne beserare. Yuhu sehe musare besei yu Pucu cahmaare musa yoahina cjihtire. Musa ã yoachu musa yoaa ne wiho waro jisi. Æ jia musa yoaa ã jirucuahca. Musa ã yoachu yahure musa wacũ tuachu yu Pucure musa sinino purota tiro musare warohca. ¹⁷ Ahrire musare dutija yuhu: Musa mehne macainare cahiga musa —ni yahure Jesu.

Jesure to yaina cãhure ahri yahpa macaina ñu tuhtira

¹⁸ Æ yoa tiro õ sehe ni yahu namore:

—Ahri yahpa macaina musare ti ñu tuhtichu ñana ahrire wacũga musa: Musare ti ñu tuhtihto pano yahu sehere ñu tuhti ducare tina. ¹⁹ Cohamacure cahmaeraina musa jisnichu, tina mehne macainare ti cahĩriro seheta musa cãhure cahĩboa tina. Ahri yahpa macaina musa jisnichu musare besei. Æ jina mipure ahri yahpa macaina waro jierara musa. Musa ã jierachu ñna ahri yahpa macaina musare ñu tuhtira. ²⁰ “Yu yaina jina

musa yu bui jierara”, musare yu niri cjirire wacũga musa. Æ yu docai jiina jina yu ñano yuhdũriro seheta ñano yuhdũnahca musa cãhu. Yuhure ñano yoarinata musa cãhure ñano yoaaahca. Yu buhechu yuhtirinata musa buhechu cãhure yuhtiahca tina. ²¹ Ahri yahpa macaina yuhure warocarirore masierara. Æ jia yuhure wacũ tuaina musa jichu ñna tina ñano yoaaahca musa cãhure.

²² ’Tinare yu buhei taerachu yahure ti cahmaerari buhiri buhiri mariaboa. Mipure tinare yu buheri baharo “Ñaa buhiri mari-ahna sãre”, ni masierara tina. ²³ Yuhure ñu tuhtiri yu Pucu cãhure ñu tuhtira. ²⁴ Cohamacu to tuaa mehne paina ti ne yoaerare yoa ñohi. Æ yoa tinare tĩre yu yoa ñoerachu tinare ñaa buhiri mariaboa. Cohamacu tuaa mehne yu yoa ñoare ti ñuri baharo yahure yu Pucu cãhure ñu tuhtira tina. ²⁵ Æ ñu tuhtia Cohamacu yare ti joari tjui dõiputa to ni joariro seheta yoaa nire tina. Õ sehe ni joaa tiha: “Tinare yu ñano yoaerapachata yahure ñu tuhtire tina”, ni joaa tiha dõiputa Cohamacu yare ti joari tjui.

²⁶ ’Yu baharopu musare yoadohohtiro, yu Pucu mehne jiriro musare yu warocahtiro Espĩritu Santo tjira. Tiro potocãta yahuriro jira. Æ jiro tiro taro yu jia tiare yahurohca musare. ²⁷ Masare yu buhe

ducachup̄ta m̄sa c̄h̄u
dachoripe ȳh̄u mehne ã
jirucure. ã jina m̄sa c̄h̄u ȳh̄u
jia tiare yahunahca painare
—ni yahure Jesu.

16

¹ ã ni tuhs̄u s̄are õ sehe ni
yahu namore:

—Baharo ȳh̄u buheare ȳh̄u
c̄h̄ure m̄sa cohãerahti cji-
htire ahrire jipihtiare yahuhi
m̄sare. ² Judio masa mari
buhea w̄h̄usep̄u m̄sa s̄ã
duach̄u s̄ã dutisi m̄sare ȳh̄u
yaina m̄sa jiri buhiri. ã
jia pa tehep̄u m̄sare wajãa,
“Cohamac̄u cahmaare yoana
nija”, ni tuh̄otuahca paina.
³ Ȳh̄u P̄uc̄are, ȳh̄u c̄h̄ure
tina masierara. ã masieraa
m̄sare ñano yoahca tina.
⁴ ã jina m̄sare ñano ti yoach̄u
ñ̄na, “Ti õ sehe yoah̄to
panota Jesu yahu tuhs̄ure
s̄are”, ni wac̄unahca m̄sa.
M̄sa ã ni wac̄uhti cjihtire
mip̄are ahrire yahu m̄htai
nija m̄sare —ni yahure Jesu.

*Esp̄iritu Santo to yoah̄tire
yahuha Jesu*

ã ni tuhs̄u õ sehe ni yahu
namore Jesu:

—Wahmanop̄ure m̄sa
mehne jic̄u ahrire m̄sare
yahuerahi. ⁵ Mip̄u se-
here ȳh̄ure warocariro
cahap̄u wahaihca wahi
tai nija. “¿Nohop̄u wa-
hahcari m̄h̄u?” ȳh̄ure
ni, ne c̄ãiro barota sinitu
ñ̄nerara m̄sa. ⁶ ã sinitu
ñ̄nerapanah̄ta ȳh̄u wahahtore
m̄sare ȳh̄u yahu m̄jach̄u
m̄sa ñano yajeripohna tira.

⁷ M̄sare potocãta yahui
nija. Ȳh̄u wahari baharo
m̄sare noanocanohca.
Ȳh̄u m̄hanop̄u wahaerach̄u
m̄sare yoadohohtiro sehe
taeraboa. Wahac̄u m̄sare
tirore warocaihtja ȳh̄u. ⁸ Ȳh̄u
ã warocach̄u tiro tarohca. ã
wih̄iro ahri yahpa macaina
ñ̄aa yoaina ti ñ̄aa buhiri tiare
tinare masich̄u yoarohca
tiro. Noano jia tia c̄h̄ure
buherohca tiro masare.
Tuhs̄u, Cohamac̄u masare
to buhiri dahrehto c̄h̄ure
masich̄u yoarohca masare
yoadohohtiro sehe. ⁹ Ȳh̄ure
wac̄u tuaeraina jira ahri
yahpa macaina. ã jiro yoado-
hohtiro sehe masa ñ̄aa yoaina
ti ñ̄aa buhiri tiare tinare
masich̄u yoarohca. ¹⁰ Ȳh̄u
P̄uc̄u cahap̄u wahaihca. Ȳh̄u ã
wahari baharo m̄sa ȳh̄ure
ne ñ̄usinisi. ã jiro noano jia
tia c̄h̄ure masich̄u yoarohca
yoadohohtiro sehe. ¹¹ Ahri
yahpa macaina p̄h̄toro
wat̄inore Cohamac̄u buhiri
dahre duti tuhs̄ure. ã jiro
Cohamac̄u masare, wat̄ino
mehne macainare to buhiri
dahrehti c̄h̄ure masich̄u
yoarohca yoadohohtiro sehe.

¹² 'P̄j̄iro jira m̄sare ȳh̄u
yahuhti cjihti. Wiho mejeta
m̄sa sehe ȳh̄u yahu pah̄ñoch̄u,
t̄ho ñaha pah̄ñoeraboa. ¹³ ã
jiro potocã jiare yahuriro
Esp̄iritu Santo sehe m̄sare
quih̄õno jiare yahu pah̄ñono
tarohca. Tiro to m̄u s̄uro
m̄sare yahusi. Ȳh̄u P̄uc̄u
tirore to yahu dutirire tiro
yahurohca m̄sare. ã yoa
“Baharop̄u õ sehe waharo-
hca”, ni yahuyurohca tiro

sehe m̄sare. ¹⁴ Ā yoa y_u yare m̄sare tiro yahurohca. Ā yahuro y_uhure ño payoch_u yoarohca m̄sare. ¹⁵ Jipihtia y_u P_uc_u ya y_u ya cūh_u jira. Ā jic_u “Espíritu Santo sehe y_u yare yahurohca m̄sare”, nihi m̄sare —ni yahure Jesu.

“Cahyaina jipanahta baharo wahchenahca m̄sa”, ni yahuha Jesu

¹⁶ Ā ni tuhs_u õ sehe ni yahu namore:

—Mahanocã baharo y_uhure ñ_usi m̄sa. Ā jina baharocãta m̄sa y_uhure ñ_unahca tjoa —nire Jesu sãre to buheinare.

¹⁷ To ã nich_u t_uhona, sã sehe mahainacã õ sehe ni durucui sã basi:

—“Mahanocã baharo y_uhure ñ_usi m̄sa. Ā jina baharocãta m̄sa y_uhure ñ_unahca tjoa” nino, ¿dohse nino ã niri marine? Ā yoa “Y_u P_uc_u cahap_u wahaihca” nino, ¿dohse jiro baro marine ã niri tiro? ¹⁸ “Mahanocã” nino, ¿dohse nino ã niri tiro? To yahurire noano t_uho ñahaeraja mari —ni durucui sã basi.

¹⁹ Sã ã ni durucuch_u Jesu tirore sã sinitu duarire masino, sãre õ sehe ni yahure:

—“Mahanocã baharo y_uhure ñ_usi m̄sa. Ā jina baharocãta y_uhure ñ_unahca tjoa”, ¿y_u niri cjirire sinitu duajari m̄sa? ¿Tíre y_u nire t_uho ñahaerajari m̄sa? ²⁰ Potocãta m̄sare nii nija. Y_u yariach_u ñ_una m̄sa tiinahca. Tuhs_u, tuaro cahyanahca.

Ā jia y_uhure ño payoeraina sehe wahcheahca. M̄sa sehe cahyaina cjiri jipanahta, baharo wahchenahca m̄sa. ²¹ Ō sehe jira tí: Numino nihi wahcõno, to ñano y_uhd_uht_u pano jira. Ā jiro ticoro tuaro cahyara. Ā cahyaparota to pohna tiri baharo ticorore purĩre wacũerara ticoro. Wihãrirocã ahri yahpap_u to masa bajuach_u ticoro wahchera. Ā jiro ticorore purĩre wacũerara ticoro. ²² Tó seheta m̄sa mipure cahyanahca. Baharo m̄sare ñ_uihca tjoa. Y_uhure ã ñ_una m̄sa tuaro wahchenahca. M̄sa ã wahchech_u paina m̄sare cahyach_u yoa masisi.

²³ Tí dachoi y_uhure m̄sa ñ_uri dachoi y_uhure sinitu ñ_usi m̄sa. Masi tuhs_urinap_u jinahca. Potocãta m̄sare nii nija. Y_uhure m̄sa wacũ tuach_u ñ_uno y_u P_uc_ure m̄sa siniare tiro m̄sare warohca. ²⁴ Y_uhure wacũ tuaina jina, Cohamac_ure sini masina m̄sa. Ahri dacho panoi tirore ã sinierasinire m̄sa. Y_uhure wacũ tuatjiãhna Cohamac_ure siniga. M̄sa ã sinich_u m̄sa sinire m̄sare warohca, m̄sa wahche pahñohti cjihtire —nire Jesu sãre.

Ñainare Jesu y_uhd_ur_ucaha

²⁵ Ā ni tuhs_u õ sehe ni namore:

—Quiti mehne m̄sare yahua tihi. Ā yahupaihta baharo m̄sare quiti mehne yahusi y_uh_u. Ā yahuerac_u y_u P_uc_u sehere noano poto yahuihtja m̄sare. ²⁶ Tí

dachore m̄sa ya cjihtire yu Puc̄ure sini payosi yuh̄u. Yuh̄ure wacū tuana, m̄sa basi tirore sininahca. ²⁷ M̄sa yuh̄ure cah̄ina. Ā jina yu Puc̄u cahap̄u yu tariro jich̄u “Potocā tjira”, nina m̄sa. Ā niina m̄sa jich̄u ñano, yuh̄ure cah̄ina m̄sa jich̄u ñano yu Puc̄u sehe m̄sare cah̄ina. To ā cah̄ich̄u tirore m̄sa sininahca. ²⁸ Yu Puc̄u cahai jiriro jic̄u ahri yahpap̄ure tai yuh̄u. Ā jic̄u mip̄ure ahri yahpap̄u jiriro jisinic̄u yu Puc̄u cahap̄u wahaihca —nire Jesu.

²⁹ To ā nich̄u sã to buheina õ sehe nii:

—Mip̄u pinihta quiti marieno durucui noano poto yahui nina mah̄u sãre. ³⁰ Mah̄u noano masi pah̄ñoriro m̄ jich̄u mip̄u pinihtare sã masija. Ā jia paina mah̄ure buhe masierara. Tíre mip̄ure sã noano masija. Sã noano masiina jina, Cohamac̄u cahap̄u tariro m̄ jich̄u “Potocā tjira”, nija sã —nii sã Jesure.

³¹ Sã ā nich̄u Jesu õ sehe ni yuhtire sãre:

—¿Mip̄ure “Potocā tjira”, nijari m̄sa juna? ³² Baharo curero jipihtina m̄sa wuh̄usep̄u waha siteina jina, yuh̄ure cohānahca m̄sa. M̄sa ā cohāpach̄uta yu Puc̄u sehe yuh̄u mehne jira. Ā jic̄u yuh̄u cãirota jieraja. ³³ Ahrire m̄sare yahu m̄htahi, yuh̄ure m̄sa wacū tuaa mehne m̄sa noano jihto sehe. Cohamac̄ure cahmaeraina cahap̄u m̄sa jich̄u ñano yoaaahca m̄sare tina.

Ti ā yoapach̄uta wahchega m̄sa. Ahri yahpa macaina ñaa buhiri tiinare, ti p̄htoro wat̄ino cãh̄ure yuh̄d̄uycariro jija yuh̄u. Ā jina yuh̄ure wacū tuana wahchega m̄sa —nire Jesu sãre to buheinare.

17

Jesu to buheina ya cjihtire Cohamac̄ure sini payoha

¹ Ā ni yahu tuhs̄u Jesu m̄anop̄u ñuroca m̄u, Cohamac̄ure õ sehe ni durucure:

—Mai, mip̄ure m̄ yahu quih̄oriro seheta yuh̄ure ñano ti yohti pja m̄ s̄rota nina. Yuh̄ure m̄ mac̄ure masare ño payoch̄u yoaga. M̄u ā yoach̄u mah̄ure masare ño payoch̄u yoaihca yuh̄u cãh̄u. ² Jipihtina bui p̄htoro yuh̄ure c̄ure mah̄u. Ā jic̄u yuh̄ure m̄ warinare mah̄u mehne ā jirucuch̄u yoaihca yuh̄u. Tuhs̄u, mah̄ure masare ño payoch̄u yoaihca yuh̄u. ³ Mah̄u dihta Cohamac̄u waro jira. Yuh̄u Jesucristo m̄ warocariro jija. Ā jia jipihtina mah̄ure masiina, yuh̄u cãh̄ure masiina m̄anop̄u mari mehne ā jirucuahca —nire Jesu.

⁴ Ā ninota õ sehe ni namore Cohamac̄ure:

—Ahri yahpap̄ure m̄ yoa dutiri c̄jirire yoa pah̄ñoja yuh̄u. Ā yoac̄u mah̄ure masare ño payoch̄u yoaja yuh̄u. ⁵ Ahri yahpa to jihto pano mah̄u mehne yu jich̄u jipihtina yuh̄ure ti ño payo m̄htariro seheta mip̄ure

yuhure ti ño payochu yoaga tjoa.

6 'Ahri yahpai jinare yuhure mu warinare mahure masichu yoahi. Mu warina mu yaina jira. Ñ jicu tinare ware mahu yuhure. Ñ jia mu dutiare yoare tina. 7-8 Yuhure mu yahurire tinare buhehi. Yu ñ buhechu tãhoa yu buheare cahmare tina. Ñ jia potocãta mu cahai tariro yu jichu masina tina. Tuhsu, mu warocariro yu jichu "Potocã tjira", ni tãhotura tina. Ñ yoa jipihtia yu ya mu ya ti jichu masina tina.

9 'Ti ya cjihtire mahure sini payoi nija. Paina ya cjihti sehere sini payoi nieraja yuhu. Yuhure mu warina mu yaina jira. Ñ jicu ti ya cjihtire sini payoi nija mahure. 10 Tina jipihtina mu yaina jira. Ñ jia mu yaina sehe yu yaina jira. Yuhure wacũ tuaa yu tuariro jiare masichu yoara tina masare.

11 'Mipure ahri yahpare tjuasi yuhu. Mu cahapu wahai tai nija. Yu ñ wahapachuta mipure yuhure mu warina ahri yahpare tjuaahca. Mai, mahu noariro jira. Yuhure mu warinare mu tuaa mehne ñu wihbobasaga. Mu ñ ñu wihbochu mari cãirota mari jiro seheta tina cãhu cã curuata jiahca. 12 Tina mehne jicu mu tuaa mehne tinare noano ñu wihbohi. Cãiro pinihta pichacapu waharohca mu yare ti joari tjui to yahuriro seheta.

13 'Mipure mu cahai wahai

tai nija. Ñ jicu ahri yahpai ahri jipihtiare yu yainare yahuja yuhu mehne ti noano wahchehto cjihtore. 14 Mu yare yahui tinare. Tina yu yoaro seheta ahri yahpai ji dojahtina jierara. Ñ jia ahri yahpa macaina sehe tinare ñu tuhtira. 15 "Ahri yahpai jinare, yu yainare naaga", nieraja. Ñ nierapaihta tinare noano ñu wihboga "Watino ñaare yoa dutiri", tinare nicu. 16 Ahri yahpa macariro jieraja. Tina cãhu yu yoaro seheta ahri yahpai ji dojahtina jierara. 17 Yu yainare mu buhea mehne noaina wahachu yoaga tinare. Mu yahua sehe potocã tjira. 18 Ahri yahpare yuhure mu warocariro seheta yuhu sehe yu yaina cãhure mu yare buhe duticu warocahi. 19 Mu cahmaare yoah tiro cjihtore yariahtiro jicu yu pjacure waja. Ñ waja yuhu yu yaina cãhu mu cahmaare potocã ti noano yoah ti cjihtire.

20-21 "Yu yaina mipure jiina dihtare yoadohoga", ni sini payoeraja yuhu. Yu yaina painare yu yare ti buheri baharo paina cãhu yuhure wacũ tuaahca. Tina cãhure yoadohoga, yu yaina jipihtina cã curuai ti jihto cjihto sehe. Yuhu mahu mehne mari puraro jipanahta cãiro tjija. Mari cãirota mari jiro seheta tina cãhu mari mehne cã curuaihta jijaro. Cã curuaita jijaro mu warocariro yu jiare jipihtina masa "Potocã tjira" ti nihto

sehe. ²² Yuhure mu masichu yoariro seheta yu yainare yu jia tiare masichu yoai. Tinare yu a masichu yoachu cairota mari jiro seheta tina cuhu cu curuaita jahca. ²³ Yuhu tina mehne jija. Tuhsu, mahu yuhu mehne jira. Mari a jiina jichu yu yaina potocata cu curuaita noano jahca. Cu curuaita ti jichu nha mu warocariro yu jiare ahri yahpa macaina masiahca. Tuhsu, yuhure mu cahiro seheta yu yaina cuhure mu cahiare masiahca masa.

²⁴ 'Mai, ahri yahpa to ji ducahto pano yuhure cahia tire mahu. A cahicu yu masi pahiro, si siteriro yu jichu noare mahu. A jicu yuhure mu warina yuhu mehne ti jichu cahmaja masi pahiro, si siteriro yu jichu ti masihtijihure. ²⁵ Mai, mahu noariro jira. Ahri yahpa macaina naina mahu masierara. Yuhu sehe mahu masija. A jia mu warocariro yu jichu masina yu yaina. ²⁶ Mahu tinare masichu yoai. Baharopu cuhure mahu tinare masichu yoaihtja yuhure mu cahiro seheta painare ti cahihtijihure. A jicu yu yaina mehne jihca —nire Jesu Cohamachure.

18

Jesure peresu yoaha

(Mt 26.47-56; Mr 14.43-50; Lc 22.47-53)

¹ To a niri baharo Jesu sa cuhu to buheina Cedro wama tiri mare pahā, olivo wama tia yucari ti toari wesepu

sui. ² Payu tahari ti wesei, ti yucu docai sa Jesu mehne cahmachua tii. A jiro Juda Jesure nu tuhtinare nohtiro ti wesere masire. ³ A masino pu curua surarare mu ta tare ti wesepu Jesure no no taro. Cu curua surara waro jire. Pa curua surara Cohamachu wuhure cohtaina jire. Tina sacerdotea puhtoa, fariseo curua macaina ti warocaina jire surara, Cohamachu wuhure cohtaina mehne. A taa sihāa pocare, sihāa yucari cuhure sihāa tare. Ti wamo cuhure cuhare tina. ⁴ Ti wesepu ti wihiri baharo Jesu to nana wahahtore masino, tinare piti boca, o sehe ni siniture:

—¿Noare macana nijari msa? —nire Jesu.

⁵—Jesu Nazare macarirore macaja sa —ni yuhtire tina.

—Tiro tjija yuhu —nire Jesu.

Juda sehe, Jesure naha dutiro noiro tina mehne jire. ⁶ A jia “Tiro tjija yuhu”, Jesu to nichata tina sehe cuha waha, yahpau du siti msa bora caha sure. ⁷ Ti a wahachu nu tinare pari turi o sehe ni siniture Jesu:

—¿Noare macana nijari msa? —nire.

—Jesu Nazare macarirore macana nija sa —ni yuhtire tina tjoa.

⁸ —“Tiro tjija”, ni tuhsamahicu yuhu msare. A jina yuhure nahana, ahnare yuhu mehne macainare peresu yoena tjiga msa —nire Jesu.

⁹ Ā sãre cahĩno ne cãirore butichu yoaerare. Ā yoaro tó pano Cohamacure to niriro seheta yoaro nire tiro. “Yuhure mu warinare ne cãirore boerahi”, to niriro seheta yoaro nire Jesu. ¹⁰ Ā yoa Simo Pedro ñosari pjĩne cjuaro, tí pjĩne tuã we naroca, sacerdotea bui puhtoro cahamacuno Malco wama tiriro cahmonore cja pahrēnocare. To potu buhusehe macari cahmonore cja pahrēnocare. ¹¹ Ā to cja pahrēchu ñuno Jesu tirore õ sehe nire:

—Mu ñosari pjĩne wihboga. Yu Pucu yuhure to ñano yuhdu dutiriro seheta ñano yuhduihtja yuhu —nire Jesu Pedrore.

Sacerdotea bui puhtoro cahapu Jesure naaha tina

(Mt 26.57-58; Mr 14.53-54; Lc 22.54)

¹² To ã ni tuhsuchuta surara, ti puhtoro mehne, Cohamacu wuhure cohtaina surara cãhu Jesure ñaha, tirore duhtere. ¹³ Duhte tuhsu Ana cahapu naa muhtare tina. Ana sehe Caifa marechano jire. Caifa sehe tí cãhmare sacerdotea bui puhtoro jire. ¹⁴ “Judio masa ya cjihtire cãiro masuno yariachu noana”, niriro cjiro jire Caifa sehe.

“Jesure masieraja”, niha Pedro

(Mt 26.69-70; Mr 14.66-68; Lc 22.55-57)

¹⁵ Ā jina yuhu Simo Pedro mehne Jesure yoa cureropu ñu nãnu tii. Yuhu sehe sacerdotea bui puhtoro to

ñu masiriro jicu Jesu baharo puhtoro wuhai jiri sahrĩnopu sãa wahi. ¹⁶ Yu ã sãachu Pedro sehe sahrĩno sopacai tjuarucu sure. Ā jicu majare wijaa ta, sopacare cohtaricorore sinitu ñhi “Ahriro Pedro sãa ta masijari”, nicu. Yu ã sinitu tuhsuchu ticoro Pedrore sãa ta dutire. To sãa ta dutiri baharo yuhu Pedrore na sãa wahi. ¹⁷ Yu ã na sãachu ñuno sopacare cohtaricoro sehe Pedrore õ sehe ni siniture:

—¿Jesu buheina mehne macariro jierajari muhu? —nire ticoro Pedrore.

—Jieraja yuhu —ni yuhtire Pedro sehe.

¹⁸ Sã suhto pano tó macaina cahamaca, surara mehne ti sohmahti pichacare wijã tuhsuri jire. Yuhua nire. Ā jia tina tí pichaca duhtu cahai ducua, sohmaa nire. Ti ã sohmachu ñuno, Pedro cãhu waha, sohmare.

Sacerdotea puhtoro Jesure sinituha

(Mt 26.59-66; Mr 14.55-64; Lc 22.66-71)

¹⁹ Ā yoa sacerdotea bui puhtoro Jesu buherire, sãre to buheina cãhure sinitu ñuri jire Jesure. ²⁰ To ã sinituchu Jesu sehe õ sehe ni yuhtiri jire tirore:

—Jipihtinare buhecu ti panoi ducuhi. Ā buhecu judio masa mari buhea wuhusei Cohamacu wuhu cãhure ã buherucuhi. Mhã ñuenoi buherahi yuhu. ²¹ ¿Dohseacu yuhure sinitujari muhu? Sinitu duacu yu buheinare sinitu ñuga. Yu buherire tina masina —ni yuhtiri jire Jesu.

22 To ã nichu tuhoro tói ducuriro surara sehe to wamomaca mehne Jesure cjãri jire.

—Ã nii tjiga sacerdotea bui puhtorore —niri jire surara sehe Jesure.

23 To ã nichuta Jesu õ sehe niri jire:

—Ñano yu ni durucurire yahuga yuhure. ¿Potocãta musare yu yahupachata, dohseacu yuhure cjãjari mahu? —niri jire Jesu surarare.

24 Baharo Ana Jesure paina ti dahterirore Caifa sacerdotea bui puhtoro cahapu warocari jire.

“Jesure masieraja”, pari turi niha Pedro

(Mt 26.71-75; Mr 14.69-72; Lc 22.58-62)

25 ã yoa Simo Pedro pichaca daktu cahai ducuro, sohmano nire. ã to sohmarucuchu ñua, tó macaina tirore õ sehe ni siniture:

—¿Mahu cãhu Jesu buheina mehne macariro jierajari mahu? —nire tina Pedrore.

—Jieraja yuhu —ni yuhtire Pedro.

26 Tuhsu, sacerdotea bui puhtoro cahamaca mehne macariro, Pedro to cahmono cjã pahrẽriro coyeiro sehe Pedrore õ sehe ni siniture:

—¿Jesure ti ñahari wesei yu jichu mahu cãhu tiro mehne jierapahte? —ni siniture tiro Pedrore.

27 —Yuhu tiro mehne jierahi —nire Pedro. To ã nichuta caraca dure.

Jesure Pilato sinituha

(Mt 27.1-2, 11-14; Mr 15.1-5; Lc 23.1-5)

28 Ñamiwacũnu jichu Caifa ya wãhupu jirina Jesure naa wijaa, tí maca macaina puhtoro Pilato ya wãhupu naa wahare tina. ã wahapahta to ya wãhupu sãaerare. Pascua dachori jichu tina tí bose numuri macaare chuhtina jia õ sehe nire: “Judio masano jierara Pilato. To ã jiriro jichu to ya wãhure sãana, mari dutiare yuhdũrcana niboca. ã jina mari sãachu marine bose numuri macaa chuare chu dutierahca”, nire tina. ã nia puhtoro Pilato ya wãhure sãaerare Jesure naahrina sehe. 29 Ti ã sãa taerachu ñano Pilato tina cahapu, wãhu sopacapu surucu sũro, tinare õ sehe ni siniture:

—¿Yaba buhirire ahrirore yahusã duajari masa? —nire Pilato tinare.

30 —Ahriro to noariro jichu mahure sã waeraboa. Ñariro jira tiro —ni yuhtire tina.

31 Ti ã nichu Pilato õ sehe nire:

—Musa sehe tirore naahga. ã jina masa ya dutia ti niriro seheta tirore buhiri dahrega —nire Pilato tinare.

—Musa Roma macaina ya dutia sehe sãre masunore wajã dutierara —nire tina Pilatore.

32 ã nia Jesure judio masa ti wajã duarire masichu yoaa nire. Jesu sehe crusapu to yariahtore tó pano to yahuriro seheta ã waharo nire. 33 Ti ã ni durucuri baharo Pilato sehe wãhupu

majare sãa, Jesure pjirocari jire. Pjiroca tuhsu, tirore õ sehe ni sinituri jire:

—¿Judio masa ti puhtoro tjijari mahu? —ni sinituri jire Pilato.

34 —¿Mh mh surota ã sinitui nijari mahu yuhure? ¿O paina sehe yuhure ti yahusãri baharo tíre sinitu ñujari mahu? —niri jire Jesu Pilatore.

35 —Judio masano jieraja yuhu. Mh ya yahpa macaina, sacerdotea puhtoa cãhu mahuare ware sãre. ¿Yabare ñano yoari mahu ti ã buhiri dahre duachu? —niri jire Pilato.

36 —Ahri yahpa macariro puhtoro jieraja yuhu. Ahri yahpa macariro puhtoro yu jichu yu buheina yuhure yoadohoboa. Judio masare yuhure ñaha dutieraboa. Yu puhtoro jia ahri yahpa macaa jierara —niri jire Jesu Pilatore.

37 —¿Ã jichu puhtoro jijari mahu ã nichu? —niri jire Pilato.

—Mh nino sehetã puhtoro tjija. Masa ti puhtoro jihtiro cjihto masa bajuai yuhu. ã jichu ahri yahpahu tai ti puhtoro jichu tachu, potocã jiare yahuchu tachu. Jipihtina potocã jiare tuho duaina, yu yahuare tuhora —niri jire Jesu.

38 —¿Yaba baro jijari potocã jia? Potocã jiare masihtu basioerara —niri jire Pilato.

Judio masa Jesure wajã dutiha

(Mt 27.15-31; Mr 15.6-20; Lc 23.13-25)

ã ni tuhsu Pilato judio masa cahai majare tjua waha, tinare õ sehe ni yahure:

—Ahroro Jesure yaba buhiri mariahna. ³⁹Cuhmaripe pascua jichu cãiro peresui jirirore masa wio dutirucura. ¿Ã jichu ahroro Jesureta masa puhtoro cjihto masare wiobasabocari yuhu? —nire Pilato judio masare.

40 To ã nichu tuhoa judio masa õ sehe ni sañurucure:

—Tirore wioi tjiga. Barrabá sehere sãre wiobasaga —ni sañurucure judio masa Pilatore.

Barraba sehe yaca bucuro jire.

19

¹ Ti ã ni sañurucuri baharo Pilato Jesure tjana dutiri jire. To ã dutichu to maha sehe tirore tjanari jire. ² Tjana tuhsu tina pota soro dahre tuhsu, Jesu dapu bui duhu payori jire. Duhu payo tuhsu, puhtoa ya suhti barore tirore sãa, payu tahari tiro cahacãi suruca, õ sehe ni bujuperi jire tina:

³ —Noano tagã. Judio masa puhtoro noano tagã —ni bujupe, Jesu wuhduahi cjã mujari jire.

⁴ ã yoa pari turi Pilato judio masa cahapu waha, tinare õ sehe ni yahure:

—Tuhoga masa. Ahrirore ñaa buhiri mariahna. ã jichu tíre masa masihtu cjihtire masa cahai tirore na tai tai nihi —nire tiro.

⁵ To ã ni tuhsuchuta Jesu pota soro pisariro, puhtoa ya

suhti barore sãariro, wuhui jiriro wijaa tare. To ã wijaa tachu Pilato tinare õ sehe nire:

—Ñuga. Ahriro tjira tiro — nire Pilato.

⁶ To ã ni tuhsuchu tũhoa, sacerdotea puhtoa, Cohamacu wuhũ cohtaina surara cãhu Jesure ñua, sañurucure:

—Crusapu cã puha wajãga tirore. Crusapu cã puha wajãga tirore —ni sañurucure tina.

—Tirore ne ñaa buhiri mariahna. ã jina m̄sa basita tirore naaga. ã jina m̄sata tirore crusapu cã puha wajãga —nire Pilato tinare.

⁷—Tiro to basi “Cohamacu macũno jija”, nia tire. Tĩre to ã nichu sã dutia sehe tirore wajã dutira —nire tina Pilatore.

⁸ Ti ã nichu tũhoro tó pano to cuiriro yũdoro cuia wahare Pilato sehe. ⁹ ã jiro pari turi to wuhũpũre majare sãa, Jesure õ sehe ni sinituri jire tjoa:

—¿Noho macariro jijari m̄hu? —niri jire Pilato Jesure.

To ã ni sinitupachũta Jesu tirore yũhtierari jire.

¹⁰ To ã yũhtierachu ñũno Pilato tirore õ sehe ni sinitu namori jire:

—¿Yũhare yũhtierajari m̄hu? Yũhu m̄hare peresui jirirore wio masija. ã yoa m̄hare crusapu cã puha wajã duti masija yũhu. ¿Tĩre masierajari m̄hu? —niri jire Pilato Jesure.

¹¹ —Cohamacu m̄hare to dutierachu yũhare ñano yoape dutieraboa m̄hu. Yũhare ñu tuhtiinare ñoriro sehe m̄ yũdoro ñano buhiri tira —niri jire Jesu Pilatore.

¹² To ã nichu tũhoro Pilato sehe tirore wio duari jimare. To ã wio duapachũta pari turi judio masa õ sehe ni sañurucure:

—Jesu “Puhtoro jija” nino, mari jipihtina bui puhtoro jirirore Roma macarirore ñu tuhtiriro jira tiro. ã jicu tirore wiochu m̄hu cãhu mari bui puhtoro jirirore ñu tuhtiriro jiihca —ni sañurucure judio masa Pilatore.

¹³ Ti ã nichu tũhoro Jesure wuhui jirirore na wijaa ta, buhiri dahre dutiro taro to dujiri pahtai nuju sare Pilato sehe. Tóto to buhiri dahre dutiri wapa, tãa mehne ti yoari wapa judio masa sã ya mehne Gabatá wama tire.

¹⁴ Tí dacho pascua dacho bose numu sã chũhti cjihtire sã cahnori dacho jire. Tí pjare cohari pja waro jire. Nuju su tuhsu Pilato masare õ sehe ni yahure:

—Ahriro tjira m̄sa puhtoro —nire tiro.

¹⁵ To ã nichu tũhoa judio masa õ sehe ni sañurucure:

—Yariajaro tiro. Yariajaro tiro. Crusapu cã puha wajãga tirore —ni sañurucure tina.

—¿Musa puhtoro to jipachũta tirore crusapu cã puha wajã dutijari m̄sa? —nire Pilato.

To ã nichu tũhoa õ sehe ni yũhtire sacerdotea puhtoa:

—Mari jipihtina bui puhtoro Roma macarirota sã

pũthoro jira. Pairo pũthoro sãre mariahna —ni yũhtire sacerdotea pũthoa.

¹⁶ Ti ã ni durucuri baharo Pilato Jesure crusapũ cjã puha wajã dutiro, tirore ware tinare, tirore wajãhtinare.

Jesure cjã puha wajãha tina
(Mt 27.32-44; Mr 15.21-32; Lc 23.26-43)

¹⁷ Æ jia tina Jesure naa wijaare. Ti naa wijaachu Jesu sehe to crusare to basi wũna naa, dapu cohã wama tiropũ sũre. Sã judio masa ya mehne dapu cohã Gólgota wama tire. ¹⁸ Tópũ sũa tina Jesure cjã puha õre. Tuhsũ, paina pũarore cãiro to potõ bũhũsehei, pairo to cõ bũhũsehei cjã puha dapore tina. Æ jiro Jesu ti dacho macai jire. ¹⁹ Ti cjã puha tuhsũchũ, Pilato taboa pjĩne joa, Jesure ti cjã puha õri crusai cjã puha õ dutire tí pjĩne. Õ sehe ni joare tiro: “Ahriro Jesu Nazare macariro, judio masa bui pũthoro jira”, ni joare Pilato tí pjĩne. ²⁰ Tí pjĩne joaro judio masa ya dũsero mehne, Roma macaina ya dũsero mehne, griego masa ya dũsero mehne joare tiro. Æ yoa Jesure crusapũ ti cjã puha daporiro maca cahacã jire. Tó cahacã jiina payũ judio masa Pilato joarire ñũ, buhere. ²¹ Æ buhe tuhsũ judio masa sã sacerdotea pũthoa õ sehe nire Pilatore:

—“Ahriro judio masa pũthoro jira”, ni joai tjiga. Sã

pũthoro jierara ahriro. Æ jicu õ sehe ni joa cahnoga mũhũ. “Ahriro ‘Judio masa pũthoro jija’, ni cãirota to basita ã ni tũhoturiro jira”, ni joa cahnoga —nire sacerdotea pũthoa.

²² —Yũ joa mũhtariro seheta jirohca —nire Pilato tinare.

²³ Jesure ti cjã puhari baharo pititiaro surara sehe Jesu suhtire ti basi witire. Ti ã witi duapachũta cã suhtirota yoari suhtiro dohori marieni suhtiro jire. Tí suhtiro suhari suhtiro jire. ²⁴ Tí suhtiro to ã jichũ õ sehe nire tina ti basi:

—Ahri suhtirore tũhrẽna tjijihna. Ahri suhtirore nahtiro cjihtore masi duana, docapejihna mari —nire tina ti basi.

Æ docapea, Cohamacũ yare ti joari tjui ti ni joariro seheta yoaa nire tina. “Yũ suhtire tina ti basi witire. Æ jia yũ suhtire nahtiro cjihtore masi duaa, docapere tina”, ni joaa tiha Cohamacũ yare ti joari tjui. To ã ni joariro seheta ã yoaa nire tina.

²⁵ Surara ti ã yoachũ Jesu pocoro, Jesu mũono, María Cleofa namono, María Magdalena mehne Jesu crusa cahacã ñũrucure tina. ²⁶ Æ jiro to pocoro yũhũ to cahĩro cũhũ to cahacã sã ducuchũ ñũno to pocorore õ sehe ni yahure Jesu:

—Mipũre ahriro mũ macũ cjihto jira —nire Jesu to pocorore.

²⁷ Æ ni tuhsũ, yũhũre õ sehe ni yahure tiro:

—Mipure ahricoro mu poco cjihto jira —nire Jesu yuhure.

To ã niri baharo Jesu pocorore yu ya wuhuru ji dutii.

Jesu yariaa wahaha

(Mt 27.45-56; Mr 15.33-41; Lc 23.44-49)

²⁸ To ã ni yahuri baharo õ sehe ni tuhutu masiri jire Jesu: “Jipihtia Cohamacu yuhure dahra dutiro to cūrire yoa pahñohi”, ni tuhutu masiri jire Jesu. Æ masino Cohamacu yare ti joari tjui to ni yahuriro seheta õ sehe nire Jesu:

—Ñahma yapioca yuhure — nire Jesu.

²⁹ Æ yoa tói vino suẽa core posa tiri situ dujire. Æ jiro tói jiro wihti nari suhtere suẽa co mehne ti sohari suhtere yucucu hisopo wama tidu sohotoai duhte õre. Duhte õ tuhsu, Jesu duseroi siõ muo, siõ õre. ³⁰ Tí core Jesu wihti tuhsu õ sehe nire:

—Tó puro tjica —ninota to dapure muhriruca, yoja su, yariaa wahare.

Surara Jesu patipahma bato ñosaha ñosadu mehne

³¹ Tí dacho pascua bose numu pano jire. Tí bose numu macaare sã chuhti cjihtire sã cahnori numu jire. Æ jia pa dacho Sabado jichu tí bose numu jichu crugaripu ti wajarinare cū duaerare judio masa. Tí dacho Cohamacure ti ño payori dacho bose numu jire. Æ jia tí dachoi ti cã puharina cjirire crugaru ti

jichu cahmaerare tina. Æ jia ti cã puharina cjirire ti ñuchua cohārine cã nuha dutia taa judio masa siniha Pilatore, ti yaria murocahto cjihto sehe. Ti ã yoari baharo ti pjacuri cjirire na boro bahrañoa taa nire. ³² Ti ã dutichu surara sehe crugaru caharu su, cūiro yacariro cjiro ñuchua cohārine cã nuhare. Pairo cūhure ãta yoare tina. ³³ Æ jia Jesu ñuchua cohārine cã nuha tamaa, to yariariro jichu ñua, cã nuhaerare.

³⁴ Æ cã nuhaeraa cūiro surara to patipahma bato ñosadu mehne ñosare. To ã ñosachu dóihta to di, co mehne wijaare. ³⁵ To ã wahachu ñui yuhu. Yuhu ahri tjure joariro musare potocã yahuja. Potocã yu yahua jichu masija yuhu. Musare yahuja musa cūhu Jesure musa wacū tuahto sehe. ³⁶ Cohamacu yare ti joari tju to niriro seheta ã wahare: “To cohārine ne cū cohāre cã nuhaerare”, to ni joariro seheta Jesu ñuchua cohārine ne cū cohāre cã nuhaerare. ³⁷ Æ yoa pa tju Cohamacu yare ti joari tjui õ sehe nina: “Tirore ti ñosariro cjirore ñuahca tina”, ni joaa tiha Cohamacu yare ti joari tjui.

Jesu pjacure masa coparu cūha

(Mt 27.57-61; Mr 15.42-47; Lc 23.50-56)

³⁸ To yariari baharo José Arimatea macariro Jesu pjacuri cjirore na bororo taro, Pilatore siniri jire. José

sehe paina judio masare cuuro, Jesure wacũ tuariro to jiare yahu duaerari jire. To pjacu cjirore to siniri baharo Pilato sehe to pjacure naa dutiri jire. To ã na dutichu José crusa cahai su, Jesu pjacu cjirore naa wahari jire. ³⁹ Nicodemo cūhu me sitiare yucucu di pohca, mirra wama tia me sitia yucucu pohca mehne dahra moreare na tari jire. Jesu pjacu cjirore masa coparu ti siõ sãahto pano ti cahnohti jiri jire tí me sitia. Ti na tari cjiri treinta kilo nucuari jire. Nicodemo sohõ jiri pja Jesu mehne to coã durucuri pja ñamipru Jesu cahai suriro jiri jire. ⁴⁰ Æ jia tina puaro Jesu pjacu cjirore naa, judio masa sã yariainare sã yoarucuriro seheta to pjacu cjirore me sitia mehne suhtiro cahsaro mehne wahmari jire. ⁴¹ Crusaru Jesure ti wajãno cahai wese jire. Tí wesepu masa copa tãcapu wahma ti sahari copa jire. Tí copai ne yariariro cjirore siõ sãaerasinire. ⁴² Pascua dacho bose namui judio masa sã bose namui sã chuhti cjihtire sã cahnori dacho jire. To ã jiri dacho jichu tí copa cahacãi to crusa jichu, tõi siõ sãari jire tina Jesu pjacu cjirore.

20

Jesu masa wijaaha

(Mt 28.1-10; Mr 16.1-8; Lc 24.1-12)

¹ Domingo ñami curero jichu, bohreahto panocã María Magdalena Jesu masa coparu suri jire. Tõpu suru

tí copare ti tju bihari tãcare ti pjõo cūria tãcare ñuri jire ticoro. ² Æ ñuricoro jiro sã caharu murocaa tare ticoro. Simo Pedro mehne yuhu sã puaro jii. Wihi, õ sehe ni yahure sãre ticoro:

—Mari puhtoro pjacu cjirore naanocari jihre. Æ jina tiro cjirore ti cūire mari masieraja —nire ticoro sãre.

³ To ã nichu tuhona, Pedro mehne masa coparu ñuna wahai sã. ⁴ Æ ñuna wahana sã puaro muroca wahcãi. Æ murocana, yuhu Pedrore muroca yuhdu wahcãcu masa coparu su muhtai. ⁵ Tõpu sucu muhri caha ñuroca sõi tí copapure. Muhri caha ñuroca sõcu tirore ti wahmari suhtiro cjiro dihtare ñui. Æ jii tí copare sãaerahi. ⁶ Yu Æ ñuri baharopru Simo Pedro yu baharo wihire. Wihi, masa coparu sãa, to pjacu cjirore ti wahmari suhtiro cjirore ñure tiro. ⁷ Jesu dapure ti wahmari cahsaro cūhure ñure tjoa. Tí cahsaro soro coãno to turëri cahsaro jire. ⁸ Æ jicu yuhu cūhu masa coparu su muhtariro tí coparu sãai. Jesure to ã mariachu ñucu “Potocãta Jesu masa wijaari jira”, ni tuhutui yuhu. ⁹ Tí coparu sã wahahto pano Cohamacu yare ti joari tjui Cristo to yariahtore yahurire, to masa wijahtore yahuri cūhure sã noano tũho ñahaerasinimai. Tí copare yu ñuri baharo, “Potocãta Jesu masa wijaari jira”, ni tuhutui yuhu. ¹⁰ Æ ñu tuhsuna sã wuhusepu tjuaa

wahai.

*Jesu María Magdalenare
bajuaha*

(Mr 16.9-11)

11 ã yoa masa copapũ
María majare tjua ta tí copa
sopacapũ wihi, ducuro, tiiro
niri jire. ã tiiparota ticoro
muhri caha ñuroca sõri jire
masa copapũre. 12 ã ñuroca
sõno puaro anjoare, yehsea
suhti tiinare Jesu cjiro to
coãriro cjiropũ ti dujichũ
ñuri jire ticoro. Cãiro to
dapu coãriro cjiroi dujiri jire.
Pairo to dahpori coãriro cjiroi
dujiri jire. 13 Tinare to ñachũ
tina sehe ticorore õ sehe ni
sinituri jire:

—Numino, ¿dohse jiro baro
tiico nijari mähũ? —niri jire
tina.

—Yũ puhtoro pjacũ cjirore
naanocari jihre. ã jico to
pjacũ cjirore ti cõrire masier-
aja yũhũ —niri jire ticoro.

14 ã ni tuhsũ, ma-
jaregũcũ samahno Jesure tõi
ducurirore ñuri jire ticoro. ã
ñuparota Jesure ñũ masierari
jire ticoro.

15 —Numino, ¿dohse jiro
baro tiico nijari mähũ? ¿Noare
macaco nijari? —niri jire
Jesu ticorore.

“Ahriro ahri wesere ñũ wi-
hboriuro jira”, ni tũhotumari
jire ticoro Jesure. ã ni
tũhoturo, õ sehe niri jire
ticoro:

—Mũhũta to pjacũ cjirore
naariro jicũ to pjacũre mũ
cõrirore yahuga yũhũre. Mũ
yahuri baharo to pjacũ

cjirore naaco wahacohtja —
niri jire ticoro tirore.

16 To ã niri baharo Jesu õ
sehe niri jire:

—María —niri jire.

To ã ni pisuchũ tũhoro ma-
jare ñuroca, ticoro hebreo
ya mehne sã judio masa ya
mehne õ sehe niri jire:

—Raboni —niri jire ticoro
Jesure. (Raboni nino
“Buheriro”, nino nina.)

17 —Yũ Pũcũ cahapũ
mũjaerasinija yũhũ. Yũ
ã mũjaerasinichũ yũhũre
ñahaeco tjiga. Tuhsũ, paina
yũ yaina cahapũ wahaga.
Ti cahapũ sũco õ sehe ni
yahuga tinare: “ ‘Yũ Pũcũ
cahapũ wahai tai nija. Mũsa
Pũcũ cũhũ jira tiro. Yũ yairo
Cohamacũ cahapũ wahai tai
nija. Mũsa yairo Cohamacũ
cũhũ jira tiro’, nihre Jesu”, ni
yahuga tinare —niri jire Jesu
Maríare.

18 To ã niri baharo María
Magdalena sã Jesu buheina
cahapũ wihi, yahure sãre:

—Mari puhtorore ñũhi
yũhũ —ni, Jesu ticorore to
yahu dutirire yahure sãre
ticoro.

Jesu to buheinare bajuaha
(Mt 28.16-20; Mr 16.14-18;
Lc 24.36-49)

19 Tí dacho domingoi
ñamichahai sã Jesu buheina
sã coyeya judio masare cuina,
wũhũpũ biha sãa, dujii sã.
Sã ã dujichũ Jesu sã watoi
bajuaruũcũ sũro, sãre õ sehe
nire:

—¿Jimajari mũsa? Noano
jiga mũsa —nire.

20 Æ ni tuhsu, to wamomacarine, to patipahma bato cãhure sãre ñore. Æ jina sã tirore sã puhtorore ñuna, wahchei. 21 Pari turi Jesu sãre õ sehe nire:

—Noano jiga musa. Yu Pucu yuhure to warocariro seheta, musa cãhure yu ya buheare buhehtinare warocaja —nire Jesu sãre.

22 Æ ni tuhsu tiro sãre puti sãare. Æ puti sãano Espiritu Santo sãre to sãaracu su mña wahahtore ñono nire sãre. No tuhsu õ sehe nire:

—Mipu Espiritu Santore ñahaga musa, musa mehne jihtirore. 23 Paina ti ñaa yoarire musa bochu, ãta jahca. Æ jia paina ti ñaa yoarire musa boerachu tí bori jisi —nire Jesu sãre to buheinare.

Jesure masa wijaarirore Toma ñaha

24 Jesu sã watoi to ba juachu Toma sãhduariro ti ni pisuriro sã mehne mariahre.

25 To ã mariachu sã mehne macaina tirore yahumare:

—Mari puhtorore sã ñuhi —ni yahumai sã Tomare.

Sã ã ni yahupachuta õ sehe nire Toma:

—To wamomacarine ti cã puhaa coparire ñeracu tí coparire yu wamo pica mehne be ñeracu, “Potocãta masa wijaari jira”, nisi yuhu. Æ yoa to patipahma bato jiri copare yu wamomaca mehne siõ sõeracu, “Potocãta masa wijaari jira”, nisi yuhu tirore —nire Toma.

26 Ocho dachori baharo pari turi sã to buheina sã wuhupu jii. Tí pjare Toma sã mehne jire juna. Tí wuhu bihari wuhu jire. Bihari wuhu to jipachuta Jesu wuhupu sãa taro, sã watoi bajuaracu saro õ sehe nire:

—Jimajari musa? Noano jiga —nire.

27 Æ ni tuhsu, tiro Tomare õ sehe ni yahure:

—Ñuga yu wamomacarine. Æ yoa mu wamo pica mehne yu wamomacarine ti cã puhaa coparire be ñuga. Tuhsu, mu wamomaca mehne yu patipahma bato jiri copare siõ sõ ñuga. “Potocã jierara”, nii tjiga. “Potocã tjira”, niga mahu, —nire Jesu Tomare.

28 To ã niri baharo Toma õ sehe ni yuhtire:

—Muhu yu puhtoro jira. Mahu yu yairo Cohamacu jira —nire Toma Jesure juna.

29 —Yuhure mu ñuri baharo yuhure wacũ tuara mahu. Paina sehe yuhure ñerapahta yuhure wacũ tuaahca. Æ jia tina mu yuhdoro wahcheahca —nire Jesu Tomare.

Jesure masa ti masihti cjihtire ahri tjure joaha Joã

30 Æ yoa payu paye cãhure Cohamacu to tuaa mehne yoa ñore Jesu sã mehne jiro. Tíre to yoarire ahri tju jia pahñoerati yuhu. 31 Æ jia pahñoerapaihta ahri tju yu yahuare joahi “Jesuta Cristo Cohamacu to warocariro jira. Tiro potocãta Cohamacu macuno jira”,

musa ni masihti cjihtire. Ñã jina musa tirore wacũ tuaina Cohamacũ mehne musa ã jirucuhti cjihtire joahi ahri tjure.

21

Jesu siete to buheinare bajuaha

¹ Baharo Tiberia wama tiri bucũpariro dũhtũ cahai sãre to buheinare Jesu pari turi bajuare tjoa. Sãre bajuaro õ sehe yoare tiro tjoa. ² Simo Pedro, Toma sũhdũariro ti niriro, Natanae Galilea yahpai jiri maca Caná wama tiri maca macariro, Zebedeo pohna sã pũaro, paina pũaro buheina sã õpeinata cahmachui.

³ Sã ã cahmachuri baharo Simo Pedro sãre õ sehe nire: —Wahi wajãi wahai nija — nire tiro.

—Sã cũhũ mũhũ mehne wahanajtã —nii sã tirore.

Ñã ni tuhsũ buhaa wahai. Ñã jina dohoria mehne wahai. Wiho mejeta tí ñamine sã noano maca bohreapanahane cũiro wahi wajãerahi.

⁴ Bohrea parĩ cahachũ Jesu padũroi to ducuchũ tirore ñũmai sã. Ñã ñũpanahata tirore “Jesu jira”, ni ñũ masierahi sã. ⁵ Ñã jiro sãre tiro õ sehe ni siniture:

—¿Ne, wahi wajãri musa? —nire Jesu.

—Ne wajãeraputiati sã —ni yũhtii sã.

⁶ —Dohoria poto bũhũsehe sehe doca ñoga. Tie sehe doca ñona wahi wajãnahca musa — nire sãre.

To ã nichũ tũhona sã to niriroihta doca ñoi. Sã doca ño tuhsũchũ payũ wahi sãare. Payũ wahi sãachũ wañũnore dohoriapũ waja sãana bihorerahi sã. ⁷ Ñã jicũ yũhũ Jesu cahĩro Pedrore õ sehe ni yahui:

—Mari pũhtorota jira siro padũroi ducuriro —nii Pedrore.

Yũ ã nichũ tũhoro Jesuta to jichũ masino, Simo Pedro to suhtirore sãare. Wahi wajãno taro to suhtirore tjuweriro jisinire. To suhtirore sãa tuhsũ, diapũ pjuroca ñojare. ⁸ Sã paina buheina dohoriã jina, cien metro yoaro diapũre pahsai sã. Ñã jina wañũnore wahi payũ sãadũre dohoria mehne waja nũjai sã. ⁹ Dũhtũ cahai wahã suna pichaca niti dihta si coãri pichaca bui Jesu to pũhõ cũrirore wahire ñũi sã. Pão cũhũre ñũi sã.

¹⁰ Sã ã ñũchũ ñũno Jesu sãre õ sehe nire:

—Michapucacã musa wajãrinare mahainacã na tahga —nire sãre.

¹¹ To ã nichũ Simo Pedro sehe Jesu mehne jiro dohoriapũ samu, wañũnore, bũjuina wahi ciento cincuenta y tres wahi sãadũre waja majare. Payũ wahi sãapahta wañũnore tũhrẽrare.

¹² —Chũsinina taga —nire Jesu sãre.

“¿Noa baro jijari mũhũ?” ni sinitu ñũerahi sã tirore. Sã pũhtoro to jichũ masii sã. ¹³ Ñã yoa Jesu pichaca cahapũ sũro, pãore na, sãre witire. Wahi cũhũre witire.

14 Æ jiro Jesu to masa wi-
jaari baharo paduroi bajuaro
tia taha sãre to buheinare ba-
juaro nire.

*Jesu Simo Pedro mehne
suhuduha*

15 Sã churi baharo Jesu
Simo Pedrore õ sehe ni
siniture:

—Simo Jona macano,
¿ahrinare m̄ cahĩro yũhdoro
yũhare cahĩjari m̄hũ? —nire
Simo Pedrore.

—Puhtoro, m̄hũre cahĩja
yũhũ. M̄hũre yũ cahĩchũ
masina m̄hũ —ni yũhtire
Simo Pedro.

—Æ jicũ ovejacãre ti nuriro
seheta yũ yainare buhega
m̄hũ —nire Jesu.

16 Æ ni tuhsũ pari turi tiro
Simo Pedrore õ sehe ni siniture:

—Simo Jona macano,
¿yũhare cahĩjari m̄hũ? —
nire Jesu.

—Puhtoro, m̄hũre cahĩja
yũhũ. M̄hũre yũ cahĩchũ
masina m̄hũ —ni yũhtire
Simo Pedro.

—Ovejare ñũ wihboriro
ovejare to noano ñũ wih-
boriro seheta, yũ yainare
noano buhe ñũ wihboga —
nire Jesu Pedrore.

17 Æ ni tuhsũ pari turi tiro
Simo Pedrore õ sehe ni siniture:

—Simo Jona macano, ¿po-
tocãta yũhare cahĩjari m̄hũ?
—nire Jesu tjoa.

Tia taha ã ni to sinituchũ
tũhoro Simo Pedro tuaro cah-
yare.

—Puhtoro, m̄hũ masi
pahõna. M̄hũre yũ cahĩchũ

masina m̄hũ —ni yũhtire
Simo Pedro.

—Ovejare ti nuriro seheta
yũ yainare buhega m̄hũ.

18 Potocã m̄hũre niita nija.
M̄hũ wahmãno jicũ m̄
suhtire sãa, m̄ cahmariropũ
tinia tiri jire m̄hũ. Æ jiricũ
m̄ jipachũta baharo m̄
bũcũro jichũ, m̄ wamo-
macarine m̄ siõrocachũ paio
m̄hũre suhtire sãanohca.
Tuhsũ, m̄ waha duaeraropũ
m̄hũre naanohca —nire
Jesu Simo Pedrore.

19 Æ nino Simo Pedrore
dohse waha to yariahtore
yahuro nire. Æ jiro Simo
Pedro yariaro Cohamacũre
“Noariro, masi pahõnoro
jira”, masa ti nichũ to yoah-
tore yahuro nire Jesu. Æ
Pedro mehne suhũdu tuhsũro
õ sehe ni namore Jesu tirore:

—Quihõno yũ buheriro se-
heta yoaga m̄hũ —nire Jesu
Pedrore.

*Jesu to cahĩro buheriro
ahri tjure joariro jira*

20 To ã nichũta Pedro sehe
majare ñũroca, yũhare Joãore
Jesu to cahĩro buherirore
tinare yũ ñũnũ tichũ ñũno
Pedro Jesure siniture. Yũhũ
sehẽ to ñũriro tó pano õ sehẽ
niriro jii: “Puhtoro, ¿m̄hũre
ñũ tuhtĩnare ñohtiro sehẽ
diro baro jicari tiro?” ni,
Jesure sinitu ñũriro jii yũhũ.
Tí pjare Jesu to pari wahpa
chũ duii yũhũ sehẽ. 21 Æ jiro
yũhare ñũno Pedro Jesure õ
sehẽ ni siniture:

—Puhtoro, ¿ahriro sehẽ
dohse waharohcari? —ni
siniture.

22 —Tíre mähare yahueraja. Ahri yahpapu yu tjua tahto pano ahrirore jirucuchu yu yoachu tíre masierara mahu. Ñ jicu mähare yahueraja. Quihõno yu buheriro sehetá yoaga mahu —nire Jesu Pedrore.

23 Tíre to yahurire jipihtina Jesu yaina ti basi yahu sitemare. Tíre yahu sitea õ sehe nimare tina sehe: “Jesu to cahíro buheriro yariasi”, ni yahu sitemare yuhare Jesu yaina ti basi. Ti ñ nipachuta “Tiro yariasi”, nino nierari jimare Jesu. “Ahri yahpapu yu tjua tahto pano ahrirore jirucuchu yu yoachu tíre masierara mahu. Ñ jicu mähare yahueraja”, nire Jesu Pedrore.

24 Jesu buheriro ahrire yahuriro, ahri tjure joariro jija yuhu. Ñ jina ahri yu yahua quihõno jichu masija mari.

25 Payu paye cühare Jesu yoare. To yoarire mari joa pahñochu tí tjuri joaa tjuri payubia wahaboa. Ñ jia tí tjurire mari wihbochu mahu sneraboa ahri yahpa. Wahpaa yuhduu wahaboa, yu tahotuchu. Tó puro tjira.

Hechos

*“Espíritu Santo tarohca”,
niha ahri tjure joariro*

¹⁻² Teofilo, ahri quitire mähare joarocai nija. Pano yu joa mähitari püre Jesu to yoaare, to buheare mähare yahu tuhsai. Pu manopu to mujarire yahu batoai. To mujahito pano Jesu Espiritu Santo mehne dutiha to bese cürinare. ³ Ä yoa Jesu crusapu to yariari baharo payu tahari pjacu tiroiro bajua mujaha to cürinare, tina “Potocäta tiro catira”, ti ni masihtosehe. Cuarenta dachori waro tiro bajua mujaha tinare. Ä bajuaro tiro to basi to catiriro jiare ñono niha tinare. Ä bajuaro puhtoro Cohamacu to suho jiare yahuha tinare.

⁴ Jesu to cürina mehne jisinino tinare õ sehe ni yahuha:

—Jerusalëita jisiniga mipure. “Espiritu Santore musare warocaihtja”, yu Pucu to nirirore cohtasiniga. Türe to niriire musare yahui yuhu. ⁵ João musare bautisaro co mehne yoamare. Yuhu sehe tí yuhdoro yoaihtja musare. Maha dachoricä baharo yuhu sehe Espiritu Santore musa mehne jirucuchu yoaihtja musare —niha Jesu.

Jesu manopu mujaa wahaha

⁶ Ä yoa tina täcu Olivo wama tidupu Jesu mehne cahmachuina sehe õ sehe ni sinitu ñuha tirore:

—Puhtoro, ¿mipure säre Israe yahpare pari turi cü, mari coyea warore puhto söihcari mähü? —ni sinitu ñuha to yaina.

⁷ Ti ä nichu tuhoro Jesu õ sehe niha:

—Musa puhto säahti pjare yahu quihöriro, ä wahachu yoariro yu Pucu dihta jira. Musa sehere türe ne masihtobasioerara. ⁸ Wiho mejeta musare Espiritu Santo to wihichu Cohamacu ya masiare cjuanhca musa. Tí masiare musa cjuana Jerusalë macainare, jipihtina Judea yahpa macainare, Samaria yahpa macainare, ä yoa jipihtina ahri dacho mu suro macainare noaa buheare buhenahca musa. Yu yariarire, yu masa mujarire tinare buhenahca musa —ni yahuha Jesu tinare.

⁹ To ä ni tuhsuri baharota, Cohamacu Jesure manopu mujachu yoaha juna. Tina tirore ti ñu nunu muochuta me curua watoru säa, buti mujaa wahaha. ¹⁰ To ä buti mujari baharota tina Jesu to mujarirore ti ñu muno watoi puaro anjoa yehsea suhti tiina Jesu to cürina watoi bajuarucu ssha. ¹¹ Ä bajuarucu su, tinare õ sehe niha:

—Musa Galilea macaina, ¿dohse jiro baro ñu muorucuna nijari musa? Ahriro Jesu, musa mehne jirore cjirota, Cohamacu manopu to mujachu yoarirota, mipure to mujachu musa ñuriro sehetä, pari turi duji tarohca tjoa —ni yahuha anjoa tinare.

Jesu to cūrina Juda cjirore cohtotahtirore beseha

¹² Ā yoa Jesu yaina tūcū Olivo wama tidūpū jīina duji taa, Jerusalēpū tju sūha. Tū tūcū cū kilómetro bui curero yoaro jira Jerusalē dūhtū cahapūre. ¹³ Tju sū, tina mūanopū ti jiri tahtiapū mūjaa wahaha. Ahrina jiha: Pedro, João, Santiago, Andre, Felipe, Toma, Bartolomé, Mateo, Santiago, Simo, Juda jiha. Santiago sehe Alfeo macūno jiha. Simo sehe cananista wama tiri curua macariro jimaha. Juda sehe Santiago macūno jiha. ¹⁴ Payū tahari ahrina jipihtina, to cūrina, ā jichū numia, María Jesu pocoro, ā yoa Jesu bahana mehne cūhū noano cahmachu, Cohamacūre ā sinirucua tiha.

¹⁵ Ā yoa tí dachorire masa payū cahmachuha. Ciento y veinte jia jiboa. Ā jiro Pedro sehe tiro mehne macaina Cristo yaina watoi ducu, ō sehe ni yahuha tinare:

¹⁶ —Yū coyēa, Cohamacū panopū to niriro seheta ā waharo nihre. Tíre Espíritu Santo Davi cjirore yahu dutiha Juda cjirore. Juda cjiro Jesure űahachtinare űoriro jihre. ¹⁷ Ā yoah tiro jiparota mari mehne Jesu yare yoariro jimahre. Ā jiro sā mehne macarirota jimahre —niha Pedro.

¹⁸ Juda cjiro sehe Jesure űo dutia ti waparire to wiari baharo to basita wajā yariaha. Ā yoaro boraa waha, to tū misida tūhūa

waha, yariaa wahaha. To wiari cjiro mehne paina mahanocā yahpare nuchūha. ¹⁹ Jipihtina Jerusalē macaina masi pihtinocari jire Juda cjiro to űano yoarire. Ā masia ti ya dūsero mehne to niűeru mehne ti nuchūri yahpa cjirore Acéldama wamoari jire. Acéldama nia, “Di yahpa”, nia nina. ²⁰ Baharo ō sehe ni namoha Pedro:

—Panopū to joariro seheta ā wahahre Juda cjiro. Salmo to joari tjui ō sehe ni joaa tiha: “Tiro to jiri wūhū masa marieni wūhū tjuarohca.

Ne noa jisi tí wūhūre”, ni joaa tiha. Ō cūhūre ō sehe ni joaa tiha:

“Pairo to dahraa cjirore cohtotariro jirohca”, ni joaa tiha Salmopū.

²¹⁻²² Ā jina mari cūiro besejihna. João masare bautisariro cjiro masare to buhero watoi cāina Jesu yaina mari mehne wahare. Tina mehne macarirore cūiro bese nano cahmana mari mehne macariro cjihto. Jesu mehne mari jichū mari mehne ā jirucurirore besero cahmana. Ā mari beseri baharo Jesu to masa mūjarire mari mehne buherohca — ni yahuha Pedro to coyēare Cristo yainare.

²³ To ā nichū tūhoa pūarore bese dapoha tina. Cūiro José Justo wama tirirore beseha. Tiro Barsaba ti ni pisuriro jiha. Bese tuhsū, pairore Matia wama tirirore beseha. ²⁴⁻²⁵ Tinare bese dapō tuhsū,

tina Cohamacure õ sehe ni siniha:

—Muhũ sã puhtoro jipihitina masa ti tuhotuare masina. Ahrina puaro sã beseina jira. Juda cjirore cohtotahtirore diro mu cahmarirore besega. Jesure cohãtjiãhno Juda cjiro sehe pichacapũ wahaha. Tirore cohtotahtiro Jesu to cũriro jirohca. ã jiro sã mehne noaa buheare buherohca — ni siniha tina Cohamacure.

²⁶ ã niata tãa mehne doca mujaha besea taa. Matia yaro to noano quihõno wijachũ, tiro sehe Jesu to cũrina once cũrina mehne macariro tjuaaha.

2

Espíritu Santo Jesu yaina mehne ji dũcaha

¹ ã yoa Pentecoste wama tiri dacho jichũ tina jipihtina cũ wuhũ cahmachuha. ² Tí pjareta wihnono to tuaro taro seheta manopũ bisiro coa taha. To ã bisiro coa tachũ tuhoja jipihtina tí wuhũrũ jiina. ³ ã yoa picha pohna yoaro sehe jia tina jipihtina dapu poca bui bajuaha. Tí picha pohnaricã ñahmanoricã yoaro sehe bajuaha. ⁴ ã yoa Espíritu Santo tinapũre sãarũcũ sua wahaha. Tinapũre to sãarũcũ sua wahachũ, paina ya durucuare to durucuchũ yoaa mehne tina sehe paina ya durucuare noano durucuha.

⁵ Tí dachorire Jerusalẽrũ payũ judio masa, cũ curua macaina masa jipahta, paró paye yahpari macaina jiha.

Cohamacure ño payoina jiha. ⁶ ã yoa manopũ coa tachũ tuhoja tina Jesu buheina cahapũ payũ cahmachu wahcãha. Cahmachuina masape ya durucuare Jesu buheina ti durucu pahñochũ tuhoja, tina tuho cãaa wahaha.

⁷⁻⁸ —Cuenah. ¿Dohse yoaa ahrina Galilea macaina jipahta mari ya durucuare noano durucujari? Tina mari ya yahparũ taina yoaro seheta durucua nina —niha tina sehe.

⁹⁻¹⁰ —Jipihtina mari durucuare mipũre durucua nina: Õpe yahpari macaina mari õre cahmachuina jija: Partia macaina, Media macaina, Elam macaina, Mesopotamia macaina, Judea macaina, Capadocia macaina, Ponto macaina, Asia macaina, Frigia macaina, Panfilia macaina, Egipto macaina, Libia yahpai Cirene cahapũ jiina, Romapũ taina jija mari. Cãina judio masa waro jija mari. Paina judio masa dojoina jija mari. ¹¹ Creta macaina cũhũ, Arabia macaina cũhũ jira mari mehne. Mari payũ paró macaina soro durucua tiina mari jipanata ahrina sehe mari masape curuari macaina durucuare ti durucuchũ tuhoja mari. Tina mari ya durucua mehne Cohamacũ tuaa mehne to yoarire yahua nina —ni durucuha masa ti basi.

¹² ã niata tina cãaa waha, ti ñuri cũhũre ti tuhori cũhũre noano tuho ñahaeraha.

—¿Ahrina dohse jiro baro paina ya mehne Cohamacu yare ã noano durucujari, m_{USA}sa t_{UH}otuch_U? —ni cahma sinitu ñ_{HA}ha tina ti basi.

13 Wiho mejeta paina Jesu yaina ti durucuch_U t_{UH}oina mehne macaina sehe tinare õ sehe ni buj_Upeha:

—¿Dohse ahrina sihbiori sihni cahaa nijari? —ni buj_Upeha paina tinare Jesu yainare.

Pedro masare yahuha

14 Ñ jiro Pedro once Jesu to c_Urina mehne wahc_{AR}uc_U s_U, tuaro durucutjiãhno masare õ sehe ni yahuha:

—M_{USA}sa Judea yahpa macaina, jipihtina Jerusal_Epu jiina, ahrire masiga m_{USA}sa. Y_U yahuch_U t_{UH}og_U m_{USA}sa.

15 M_{USA}sa t_{UH}otua quih_Uno jierara. Nueve hora jira mip_Uta. Mari ch_U sihnini hora jierasínica. Ñ jia ahrina cahaina jierara. 16 Ahrina Cohamac_U panop_U to niriro seheta yoaa nina. Tí p_Jap_Ure Joere Cohamac_U yare yahu m_Uhtariro cjirore, ahrire yahu dutia tiha Cohamac_U sehe:

17 “Sohtori tia dachori jich_U õ sehe jirohca: ‘Y_U yairo Esp_{IR}iture masare jip_Ihtinare warocaihtja.

Ñ jia m_{USA}sa poh_Uap_U y_U yare yahuahca.

Ñ yoa m_{USA}sa mehne macaina wahma yapia ba-juamehneare ñ_{HA}hca.

Ñ jia m_{USA}sa mehne macaina bu_Uc_Una cah_Uanop_U cah_Uahca.

18 Ñ jic_U y_U cahamacare, m_Uare, numia c_Uh_Ure y_U yairo Esp_{IR}iture warocaihtja.

Ñ jia tina y_U yare yahuahca.

19 Tuhs_U, y_U tuaa mehne bajuamehneare yoa ñ_Uihca m_Uanop_U.

Yahp_U c_Uh_Ure y_U ba-juamehneare ñ_Uihca: Dire, pichacare, mene ñ_Uihca.

20 Tuhs_U, s_U dacho macariro nahitianore cohtotarohca.

Ñami macariro di yoaro sehe soh_Uriro cohtotarohca.

Õ sehe waharohca Cristo m_{USA}sa p_Uhtoro to tahti dacho, y_U niri dacho panoi.

Tí dachoi ñ_U ch_Uaa wahaahca masa.

Ñ jiro wiho jiri dacho jisi.

Tí dacho noari dacho jirohca.

21 Ñ jiro õ sehe jirohca.

Jipihtina masa Cristore ti ñ_{HA}aa buhirire cohã duti sini-inare tiro tinare pichac_U wahaborinare y_Uhdorohca’, nina Cohamac_U”,

ni joaha Joe.

22 ‘M_{USA}sa Israe masa y_U yahuch_U t_{UH}og_U: Jesu Nazare macariro sehe Cohamac_U to warocariro jihre. Jesure to warocarire masa ti masihto sehe Jesu to P_Uc_Uro ya tuaa mehne yoa ñ_Uh_Ure m_Usare. M_{USA}sa tíre masina.

23 Jesure wajã dutina judio masa jierainare wahre m_{USA}sa. Cohamac_U panop_U to cahmariro seheta, “Ñ waharohca”, to niriro seheta ã yoahre. Ñ jina

musa Jesure crusapu waja dutihre Cohamacu dutiare cjaerainare. ²⁴ Musa a

yoapacheta Cohamacu sehe Jesure yariaro cjirore masohre. Pari turi ne yariasi tiro. Tiro yaria dojoaerara. A catirucuhuro jira. ²⁵ O sehe nia tiha Davi cjiro panopu macariro Cristo to ni durucuboriro seheta:

“Yu puhtoro yuhu mehne jira mahu.”

Jipihitia dachoripe Cohamacu yu puhtoro yu cahai mu jichu nha tih yu cuierahuro sehe.

²⁶⁻²⁷ Mahu Cohamacu yuhure yariaina ti jiropure ne cohasi.

Yuhure mu cahirirore nanopu cohasi mahu.

Yuhu mu cahamacuno mahure no payoriro jija.

Yu pjacure baa dutisi mahu.

A jicu tuaro wahcheja.

Wahchea mehne durucuja.

A jicu mahure Cohamacure noano wacu tuariro jicu nha buhiri marieriro jicu cuiro marieno noano jinocaja.

²⁸ Yuhure pari turi catichu yoaihca mahu.

Yuhu mehne mu jichu tuaro wahcheja”,

ni joaa tiha Davi cjiro Cristo to ni durucuboriro seheta.

²⁹ ‘Coyea, o sehe noano yahuihtja musare Davi cjirore mari coyeiro, panopu macarirore. Tiro yariaa wahaha. A jiro tiro to masa

copa mipure jisinina. (A jiro “Yu pjacure baa dutisi

mahu”, ni joaro to basi wama payo yahuro nieraha.)

³⁰⁻³¹ Panopu Cohamacu Davi cjirore o sehe niha: “Potocã nii nija. Mu panamana ji turiaina mehne macariro mu yoaro seheta ahri yahpa macaina bui puhtoro jirohca”, nia tiha Cohamacu Davi cjirore. Davi Cohamacu yare yahu mahtariro cjiro jiha.

A jiro Cristore Cohamacu to puhto sohore masino, Cristo to masa mahahtore yahu mahta tuhsaha Davi sehe. O sehe niha: “Tiro yariaina ti jiropure ji dojoasi. To pjacu toi baasi”, nia tiha Davi cjiro.

³² Ahriro Jesureta Cohamacu masohre. Sa jipihitina tirore nhi.

³³ Mipure Cohamacu poto buhuseheru jira dutiriro jiro. To panopu to Pucuro

“Espiritu Santore mu yainare warocaihtja”, to ni curo sehetari jire Jesure. A jiro

Jesu sehe ahrihare Espiritu Santore warocari jira. A jina mipure Espiritu to yoare

musa nha, tuhona nina. ³⁴ Davi cjiro sehe Jesu to mahahtariro seheta manopu maharaa

tiha. A jiro tiro to basi o sehe nia tiha:

“Cohamacu o sehe nire yu puhtorore: ‘Yu poto buhusehei dujiga mahu.”

³⁵ Mahure nha tuhtiinare mahure cuhtja mu cahamaca yoaro sehe jihinare’, nire Cohamacu yu puhtorore”,

nia tiha Davi cjiro.

³⁶ A jina jipihitina Israe masa ahrihare noano masiga

musa: Ahriro Jesure musa crusapu wajāriro cjirore musa puhtoro sōhre Cohamacu sehe. Tirore musare yuhdohtirore Cristore cūre Cohamacu —ni yahuha masare Pedro.

³⁷ To ā nichu tahoā tuaro cahya, pjiro tuhotua, masa sehe Pedro cūhure ō sehe ni sinitu űha:

—¿Sā coyea, dohse yoanahcari sã? —ni sinitu űha tina.

³⁸ Ti ā ni sinitu űchu ō sehe ni yuhtiha Pedro:

—Musa űaa yoari buhirire cahyaga. Musa űaa

tuhotumari cjirore tuhotu cohtota, “Ā tjiri jira” ni, Cohamacureta maca, tuhoga.

Ā yoa Jesu yaina jina, bautisarina jiga musa jipihitina. Jesure musa wacū tuachu űano, musa űaa yoari buhirire borohca Cohamacu. Tó sehe musa yoachu Espiritu Santore warohca musare.

³⁹ Musare, musa pohinare, musa panamana ji turainare, yoaro macainare, ā yoa jipihitina Cohamacu mari puhtoro to beserinare, “Potocāta yuhdoihtja musare”, ni cūha Cohamacu —niha Pedro.

⁴⁰ Tuhsu, tuaro mehne ō sehe ni yahu quihōha tinare:

—Ahri yahpa macaina, Cohamacure ji coaerainare buhiri dahrerohca Cohamacu. Wiho mejeta

musa sehe, tina watoi jiina, Cohamacu yahurire, “Ā tjira”, ni bahrañoga musa yuhduhtosehe —yahu quihōha Pedro masare.

⁴¹ To ā nichu tahoā tina payu to yahuare noano

tuhoha. Ā jiro tinare tiro bautisa dutiha. Tí dachore Cohamacu yaina mehne macaina tres mil masa waha namoha. ⁴² Ā yoa tina

masa Cristo to cūrina mehne dachoripe cahmachu, tí buheare tuho nūnu, tíre yuhti mujaa tiha. Tina pāore nuha, cahma witi, Cohamacure sini, Cristo to cūrina mehne noano jinocaa tiha.

Jesu yaina wahma ji ducaina ti jia tiare yahuha

⁴³ Ā yoa Cohamacu to tuaa mehne yoa űo mujaha to cūrina. Ti ā yoachu űha masa jipihitina űu cūaa wahaa tiha. ⁴⁴ Jipihitina Jesure wacū tuaina cahmachu, noano jinocaa tiha. Ā jia ti yare cahma witia tiha. ⁴⁵ Ti yare dua, jipihitinare paye

baro maerainare cāina ti cahmaare waa tiha tina. ⁴⁶ Ā jia dachoripe tina Cohamacu wūhu wijaaroi cahmachua tiha. Ā yoa cāa wuhuse, ti ya wuhusepu cūhure nohopeina cahmachu, pāore nuha, wahchea mehne tina cūnoi chūa tiha. ⁴⁷ Ti ā cahmachuno watoi “Cohamacu noariro jira”, ni űo payoa tiha. Paina masa tinare ji coa yuhduha tiha. Ā yoaro dachoripe Cohamacu painare to yaina to yuhdohtina wahachu yoaa tiha.

3

Tini masierarirore noariro wahachu yoaha Cohamacu

¹ Cū nūmu űamichahapu tres jichu Cohamacu mehne durucuri pja jichu Pedro, João mehne Cohamacu wūhupu

wahaa niha. ² Dachoripe tí wuhure ti sahrĩ sãari sahrĩno tãa mehne ti yoari sahrĩno macari sopaca cahai paina cãiro masunore na ta duhu dapoa tiha. Tí sopaca noari sopaca wama tiha. Tiro masuno sehe wahma masa bajuaroputa dojori wahiro jiro tini masierariro jiha. ã jiro tiro tí sopaca cahai niñerure sini dujia tiha tí sopacai sãainare. ³ ã yoa Pedro, João mehne tí sopacare ti sãa cahachu tini masierariro sehe tinare ñu, niñerure siniha. ⁴ ã jia tina puaroputa tirore ñu, Pedro sehe õ sehe niha:

—Sãre ñuga mũhu —niha Pedro tirore.

⁵ To ã nichu tuhoro “Ahrina mahanocã yuhure niñerure waahca”, ni tuhoturo ñuroca õ tuhoha tinare. ⁶ To ã ni tuhotupachuta Pedro tirore õ sehe ni yahuha:

—Niñerure cjueraja yuhũ. Cjueraapaihta, ahrire yoaihtja mũhure. Jesucristo Nazare macariro to tuua mehne wahcãruca, tiniga mũhu —niha Pedro tini masierarirore.

⁷ ã ninota to wamomacare poto buhusehe macari wamomacare ñaha, tirore waja wahcõ dapoha. To ã yoachuta tini masierarirore to ñuchua tuua wahaha. ⁸ To ã wahachuta tiro wahcãruca purucu su, tini ducaha. ã tini ducaro tiro waha, pu tini “Cohamacu noariro jira”, to ni wahcheriro mehne tina mehne Cohamacu wuhũ macari sahrĩno puhichapu sãa wahaha. ⁹ To ã tinichu

“Cohamacu noariro jira”, to nichu masa jipihtina tirore ñuha. ¹⁰ ã jia masa tirore ñu masiha. Tiro Cohamacu wuhũ macari sahrĩno tãa mehne to yoari sahrĩno macari sopaca noari sopaca cahai niñerure to sini dujire masiha masa. ã jia tiro to tinichu ñua, ñu cãaa wahaha.

Cohamacu wuhũ Pedro masare buheha

¹¹ ã yoa tini masierariro cjiro Pedro cũhure to siõ suha mũjano watoi, masa jipihtina ñu cãaa waha, noari wapapu Salomo wama tiri wapapu mũroca wahcã, cahmachuha. ¹² Tí ã cahmachurucu sũchu ñuno, Pedro sehe õ sehe ni yahuha tinare:

—Musa Israe masa, ¿dohseana ahrirore ñu cãajari? ¿Dohseana sãre musa ñu nanujari? Sã sehe sã ya tuua mehne noaina sã jia tia mehne sã mũ sũro ahrirore tinichu yoaerahi sã. Jesu sehe tíre yoahre. ¹³ Abrahã, Isaa, Jacobo mari ñuchusũma, panopu macaina tí yairo Cohamacu sehe to cahamacuno Jesure Jipihtina Bui Jiriro cũhre. Wiho mejeta musa sehe tó sehe jirirore tirore ñu tuhtiinare wahre. Baharo puhtoro Pilato tirore to wio duapachuta, musa sehe tirore to wiochu cahmaerare. ¹⁴ Pilato tirore wio duamahre. Wiho mejeta musa Jesure ñaa buhiri mari-erirore, quihõno yoirirore cahmaerana, paioire masa wajãriro sehere wio dutihre musa. ¹⁵ ã yoana Jesure

marine catichu yoarirore wajāchū yoare mūsa sã coyea judio masa. To yariachū Cohamacū tirore masohre. Tíre sã ñhi. ¹⁶ ã jina Jesu pjiriro to jia tiare wacū tuaina jija. Tirore sã ã wacū tuachū ñno ahrirore mūsa mipū ñrirore mūsa ñ masirirore Jesu sehe to tuaa mehne tinichū yoahre.

¹⁷ 'Yū coyea, mūsa puhtoa mehne Jesure noano masier-apanahtha tirore wajāchū yoare mūsa. Tíre masija yūhū. ¹⁸ Wiho mejeta panopū macaina Cohamacū yare yahu muhtaina cjiri Cohamacū tinare to yahu dutiriro seheta, yahua tiha tina. "Cristo ñano yūhdū, yariarohca", ni yahua tiha tina. Ti ã ni yahuro seheta ã wahahre mipūre. ¹⁹ ã jina mūsa ñaare yoari buhirire cahyaga. Mūsa tūhotumari cjirire tūhotu cohtota, ñaare mūsa goa pjarire duhu, Cohamacūreta majarerūca, to ya sehere quihōno tūhoga. Mūsa tirore majarerūca, quihōno tūhochū ñno, Cohamacū mūsa ñaare yoari buhirire borohca. ã boro, mū sare wahchehti dachorire cū, mū sare noano yajeri sāachū yoarohca tiro. ²⁰ ã yoa tiro mūsa puhtoro cjihtore to beseriro Cristore mū sare warocarohca tjoa. Tiro Cristo sehe Jesuta jira. ²¹ Cohamacū cahapū jisninohca Jesu, pū Cohamacū ahri yahrapū jipihtiare wahma to cohtota pahñochūpū. To ã cohtota pahñohtore Cohamacū yare

yahu muhtaina cjiri, to yaina waro panopū yahu quihō tuhsūa tiha. ²² Moise cjiro tíre yahuro ò sehe ni muhtaha: "Cūiro mari mehne macarirore mari coyeroreta Cohamacū yare yahu muhtahtiro cjihtore Cohamacū mari puhtoro warocarohca mū sare. Yūhure to warocariro seheta warocarohca tiro cūhure. ã jina mū sare to yahuchū tūhona, 'Jai', ni yūhti pihtinocaga mūsa. ²³ Ò sehe jirohca. Jipihtina tirore yūhtieraina to cohāhtina jahca. Cohamacū yaina mehne macaina jisi tina", ni muhtaa tiha Moise cjiro.

²⁴ 'Jipihtina Cohamacū yare yahu muhtainape Samue, ã yoa to baharo jiina cūhū mipū jia dachori cjihtire yahu muhtaa tiha. ²⁵ Mari ñuchūsuma cjirire, Cohamacū yare yahu muhtaina cjiri cūhure panopū macainare yahua tiha Cohamacū. Mari cūhure ã ni yahuro nia tiha. Abrahāre to niriro seheta mari cūhure ni yahuro nia tiha. Ò sehe ni yahua tiha Cohamacū Abrahāre: "Jipihtiro ahri yahpa macainare noano yoihtja. Ò sehe tíre yoihtja: Mū coyero baharo jiriro sehe masare noano yoabasarohca yūhure", nia tiha Cohamacū Abrahāre. ²⁶ Cohamacū to macūnore masa wijachū yoaro mari cahapū waroca muhtare mari ñaa yoare duhuchū yoah tirore. ã yoaro marine tiro noano yoare —

niha Pedro tinare.

4

Pedro, João mehne puhtoa mehne suhūduha

¹⁻³ Pedro, João cūhu masa mehne ti durucuro watoi sacerdotea, Cohamacu wūhure cohtaina surara puhtoro, saduceo curua macaina cūhu tinare tūhoha. Ō sehe ni buheha Pedro João mehne masare:

—Jesu to yariari baharo masa mūjaa wahahre. To ā masa mūjarire űna mari cūhu baharo to yaina mari masa mūjahtore masija mari —ni yahuha Pedro cūhu.

Ti ā nichu tūhoa puhtoa sehe tina mehne suaha. Ā suaa nahi cahachū űna tina Pedrore, João cūhure űaha, peresu yoaha. ⁴ Ā tinare peresu ti yoapachūta payu ti yahuare tūhoina sehe “Potocāta jira”, ni tūhotuha. Ā jia Jesu yaina payu waha, tí dachoi wahma to yaina ji dūcaina, ā yoa tó panopu Jesure wacū tua tuhsurina mehne mā sahserore mari quihōchū, cinco mil masa saro cahai jia.

⁵ Ā yoa pa dachoi tí maca macaina puhtoa, būcūna, ā yoa judio masa buheina cūhu Jerusalēpu cahmachuha. ⁶ Ti ā cahmachunoi sacerdotea bui puhtoro, Ana wama tiriro cūhu tói jia. Ā yoa to coyea cūhu jia. Caifa, João, Alejandro, paina mehne Ana coyea cūhu jia. To coyea to dahraare dahraina jia tina cūhu. ⁷ Ā jia tina Pedro cūhure ti cahmarocachū, surara sehe

puhtoa watopu tinare naa wihi dapoha. Ti ā na wihi dapochū, tina puhtoa ō sehe ni sinitu űna Pedro cūhure:

—¿Noa ya tuaa mehne mūsa tirore noariro yoari? ¿Noa jijari mū sare tíre yoa dutiriro? —ni sinitu űna tina.

⁸ Ti ā nichu tūhoro Espiritu Santo to yoa dutiriro seheta to tuaa mehne yahuha Pedro tinare:

⁹ —Mūsa puhtoa, ¿mūsa būcūna, sā dohse yoa ahriro tini masierarirore sā tinichū yoarire masi duana, sāre sinitu űna nijari mūsa?

¹⁰ Tí pja pini ahrire masiga mūsa jipihtina, Israe masa. Jesucristo Nazare macariro, mūsa crusapu wajāriro, Cohamacu to masoriro tiro sehe ahriro tini masierarirore noariro wahachū yoahre. Ā jina ahrirore mipure mūsa űnurocaroi to tinichū űna mūsa. Ō sehe nina Cohamacu yare ti joari pūi Jesu cjihtore yahuro: ¹¹ “Ahriro tāca yoaro sehe jiriro jira. Tācare wūhu dahreina wiho jiriare ti cohāriro seheta mūsa judio masa tirore cohāhre. Mūsa ā yoapachūta mipure wūhu dahreina wūhure yoaa ti cū mūhtari tācare ti cūriro seheta Cohamacu tirore puhtoro sōhre. Tiro Cristo mariachū Cohamacu yaina wahaeraboā masa. (To ā wiho jiriro jierapachūta mūsa mari puhtoa mehne tirore cahmaerare. Mūsa ā cahmaerapachūta Cohamacu sehe tirore mari puhtoro sōhre)”, ni joaha panopu. ¹² Ne, paio masare

pichacapu wahaborinare yuhdoriro ne mariahna. Ahri yahpapure Jesu dihta masare yuhdoriro jira. Ne paina tiro yoaro sehe jiina mariahna — ni yahuha Pedro tinare.

13 To ã ni yahuri baharo Pedro, João mehne buhemahnoeraina jipahta cuiro marieno ti buhechu ñua, puhto, bucuna, judio masa buheina mehne ñucuaa wahaha. Æ jia Jesu yoaro sehe ti buhechu ñua, õ sehe masiha tina: “Potocã Jesu mehne macaina tjira ahrina”, ni masiha tina. 14 Æ yoa tini masierariro cjiro Pedro cãhu mehne jiha. Tiro to noariro jichu ñuha puhto, bucuna, judio masa buheina mehne. Æ jia tina Pedro cãhure “Ñano yoaa nina”, ni yahusã masieraha. 15 Æ yahusã masieraa puhto ti cahmachuri tahtiapu jinare Pedro cãhure wijaa dutiha. 16 Ti wijaari baharo puhto sehe ti basi õ sehe ni sãhãduha:

—¿Ahrinare dohse yoanahcari mari? —ni durucuha tina ti basi.

Õ sehe ni durucu namoha:

—Pedro, João Cohamacu tuua mehne tini masierarirore tinichu yoari jire. Æ jia Jerusalẽ macaina jipihtina ti ã yoirire masica. Æ jina mari sehe “Æ yoaerare tina” ni masieraja mari. 17 Æ jina Jesu to buheri cjirire painare buhe dutiena tjijihna tinare, “Paina tí buheare cahmari”, nina —ni durucuha tina ti basi.

18 Æ ni durucu tuhsua Pedro cãhure pjiroca, õ sehe niha:

—Jesu to buheri cjirire ne buhena tjiga painare. Tíre ne durucu namoena tjiga — ni yahumaha tinare.

19 Ti ã ni yahuchu tãhoa tina Pedro João mehne õ sehe ni yuhtiha tinare:

—Musa õ sehe ni dutichu musare yuhtina, Cohamacu sehere yuhdãrucana niboca sã. ¿Diro ya sehere sã yoachu quihõno jijari Cohamacu to ñurocarore? ¿Musa ya sehere sã yoachu quihõno jijiari? ¿Cohamacu ya sehere sã yoachu quihõno jierajari, musa tãhotuchu? 20 Sã sehere sã ñurire, sã tãhorire sãre yahto basioerara —ni yuhtiha Pedro, João mehne.

21 Ti ã nichu tãhoa puhto sehe pari turi dutimaha tjoa tinare:

—Jesu to buherire musa buheri buhiri ñano yuhdãnahca musa —niri jimare puhto tinare.

“João, Pedro mehne ñano yoaa nina”, ni masierari jire tina. Æ jia masa sehe tini masierariro to noariro wahachu ñua, “Cohamacu potocãta noariro jira”, niha masa. Ti ã nichu tãhoa puhto sehe Pedro cãhure ti dohse yoa buhiri dahreboare bocaeraa, tinare wioha. 22 Tini masierariro, noariro ti yoariro cuarenta cahmari bui cjuariro jiha.

Jesu yaina ti cuierahto cjihtore siniha Cohamacure

23 Æ yoa, Pedro João mehne ti wiori baharo tina mehne

macaina cahap_u s_u, sacer-
dotea p_uh_utoa, b_uc_una jipihtia
tinare ti niri cjirire yahuha.
24 Ti ã ni yahuch_u t_uho
tina jipihtina c_uno p_otori
Cohamac_ure siniha:

—Sã p_uh_utoro m_uh_u
m_uanore, yahpare, m_uri
c_uh_ure yoariro jipihtina
catiinare bajuamehneriro
jira m_uh_u. 25 M_u Esp_uritu
Santo sã ñ_uch_u cjirore Davire
m_u cahamac_unore ahr_ure
yahu dutia tiha m_u niriro
seheta:

“¿Dohse yoa Israe masa
jieraina suajari?

¿Dohse yoa Cohamac_ure ti
yuh_ur_ucahtire wiho
waro durucujari tina?

26 Pay_u yahpari macaina
p_uh_utoa cahmachu,
mari p_uh_utoro Co-
hamac_ure, to p_uh_utoro
s_oriro Cristo c_uh_ure ñ_u
tuhti, ñ_uno yoa duara
tinare”,

ni yahua tiha Davi cjiro m_u ni
dutiriro seheta.

27 ‘Ã tjira. Ahri macai
Herode, Poncio Pilato, judio
masa jieraina, ã yoa judio
masa c_uh_u cahmachuhre, m_u
beserirore Jesure noariro
m_u cahamac_unore wajãa taa.

28 Tí pja m_u cahmariro seheta
“Ã waharohca”, m_u niriro
seheta yoahre tina. M_u masia
mehne ã ni yahuha m_uh_u.

29 Æ jic_u mip_ure sã p_uh_utoro,
tina sãre pur_uno mehne
m_u jia tiare ti yahu namo
dutierach_u wac_u payoga
m_uh_u. Sãre m_u cahamacare
cuiro marieno m_u buheare
yahuch_u yoaga sãre. 30 M_uh_u
m_u tuaa mehne dohatiinare

noaina yoaga. Æ jic_u m_u
buheare cuiro marieno yahu
dutiga sãre. Æ yoa Jesu
noariro m_u cahamac_uno to
tuaa mehne yoa ñ_u masich_u
yoaga sãre. Æ jic_u dohatiinare
noaina sã waha dutich_u to
tuaa mehne yoadohoga sãre
—ni siniha tina Cohamac_ure.

31 Ti ã ni siniri baharo,
ti cahmachuri w_uh_u ñ_uh_umi
m_uaa wahaha. To ã
ñ_uhmich_uta Esp_uritu Santo
to tuaa mehne wac_u tua
namoina wahach_u yoaha
tinare. Tinare ã wahach_u
Esp_uritu Santo to dutiriro se-
heta yoaa, cuiro marieno Co-
hamac_u yare yahu namoha
tjoa tina.

*Jesu yaina ti yare tju waa
tiha*

32-33 Æ jia Cohamac_u to
tuaa mehne tina Jesu to
c_urina õ sehe ni yahua tiha
masare: “Jesu yariariro to
masarire sã ñ_uhi”, ni yahua
tiha tina masare. Æ jiro tinare
jipihtinare Cohamac_u noano
yoadohorucua tiha. Æ yoa
Jesure wac_u tuaina pay_u jia,
tina c_uno p_otori t_uhotuina
jia tiha. Æ jia tina ti yare ti
c_uh_uare “Y_u ya dihta jira”, ne
niera tiha. Tina jipihtina ti
yare paye baro maerainare
tina mehne macainare tju
waa tiha. 34 Æ jia tina mehne
macaina p_uac_uoina mariea
tiha. Tina mehne macaina
yahpari c_uh_uaina, w_uh_use
c_uh_uaina ti yare duaa tiha. 35 Æ
duaa ti wapa narire tina na
ta, Jesu to c_urinare waa tiha.
Æ jia tina sehe t_ure tina mehne
macainare tju waa tiha.

Jipihtina c̄juaerainare tju waa tiha. ³⁶Tí pjare c̄airo tina mehne macariro José wama tiro jaha. Jesu to c̄irina Josére Bernabé ni wama pisuha. To wama Bernabé “Masare wahchech̄u yoariro jira”, nia nina. Tiro Leví ya curua macariro Chipre n̄uco macariro jaha. ³⁷Ã jiro tiro yahpare c̄juariro jiro tíre duaha. Ã duaro to wapa narire Jesu to c̄irinare waha tiro painare witi dutiro.

5

Anania to namono Safira mehne mahñoha

¹Paina c̄uh̄u Bernabé yoaro sehe yoaa timaha. Tina Anania wama tiro, to namono Safira wama t̄icoro jaha. Ti ya yahpare duaha tiro. ²Ã duaparota tiro to wapatarire to basi naha. To namono c̄uh̄u to ã yoarire masiha. Ã jiro ti wapataa ti d̄uharire na ta, Jesu to c̄irinare waha Anania sehe. Ã waro “Wa pahñoi nija”, nimaha tiro. ³To ã yoach̄u ñ̄no Pedro tireore õ sehe ni yahuha:

—Anania, wat̄ino mah̄ure mahño dutiri jire Esp̄iritu Santore. Ã jic̄u m̄u ya yahpare dua, m̄u wapatarire m̄u basi nari jire m̄uh̄u. ⁴M̄u duahto pano m̄u ya yahpa jihre. Ã jiro m̄u duari baharo m̄u ya wapataa jihre. ¿Ã yoach̄u dohse jiro baro ã mahñori m̄uh̄u? M̄uh̄u sã dihtare mahñocerare. Cohamac̄u c̄uh̄ure mahñohre m̄uh̄u — niha Pedro tireore.

⁵To ã nich̄u t̄uhorota, Anania sehe doca c̄aha s̄u, yariaa wahaha. Ã jia jipihtina tiro to ã wahach̄u masia, tuaro cuiha. ⁶To yariari baharo wahma yapia ta, to pjac̄ure suhtiro cahsaro mehne wahma, sopacap̄u na wijaa, masa copap̄u cohãnocaha tireore.

⁷Ã yoa tia hora baharo Anania m̄unano namono, to yariarire masieraro Pedro cahap̄u sãaha. ⁸Ã jiro Pedro ticorore õ sehe niha:

—¿M̄usa ya yahpare duatjiãhna noho puro wapatarim̄usa? —niha tiro.

Ã jiro ticoro to man̄no m̄unano to niriro purota, “Tó purota wapatahi sã”, ni yãhtimaha ticoro.

⁹To ã ni yãhtich̄u t̄uhoro Pedro õ sehe ni yahuha ticorore:

—¿Dohse yoana m̄usa c̄ano potori Cohamac̄u Esp̄iriture mahño duajari? “¿Potocãta marine buhiri dahrebocari?” nina. T̄uhoga mip̄ure. M̄u man̄u c̄jire yarina tara. M̄uh̄u c̄uh̄ure m̄u pjac̄ure naa taa nina —niha Pedro.

¹⁰To ã ni yahuch̄uta ticoro doca c̄aha s̄u, yariaa wahaha. Ã jia wahma yapia tí wuh̄ure sãa wihi, ticoro pjac̄ure na wijaa wahaha. Na wijaa, to man̄no m̄unano pari wahpa ticoro pjac̄ure masa copap̄u cohãha. ¹¹Ã jia Jesu yaina jipihtina paina tíre t̄uhoa cui yuh̄d̄uã wahaha.

Jesu to c̄irina Cohamac̄u tuaa mehne yoa ñoha

12 Æ yoa masa watoi Jesu to cūrīna payu tahari Cohamacu tuaa mehne yoa ñoa tiha. Æ yoa tina Salomo wama tiri tahtiaru tihamahnoeni tahtiaru cahmachua tiha. 13 Æ jia paina Jesu yaina jieraina sehe cui curea, tina caharu wahaera tiha. Æ cuipahta tinare Jesu yaina warore “Noaina jira ahrina”, nia tiha masa. 14 Æ jia mua, numia payu Jesure wacu tua ducaa tiha. 15 Æ jia tina dohatiinare na ta, coma yosaa mehne pjūpaha duhu cūa tiha maharu tinare. Æ yoaa Pedro tinare to ña payochu cahmaha tinare na taina sehe dohatiina ti noaina wahachu cahmaa. Tinare to ña payoerachu Pedro ti bui masuraca cūchu cahmaha tina. Tí dihtare cahmaa tiha ti noaina wahahto sehe. 16 Æ jia Jerusalē cahai jia macari macaina cūchu dohatiinare, watia ti saina cūhure na taa tiha. Tí ã na tachu tina jipihtina ti pjacari noaina wahaha.

Jesu to cūrīnare paina ñano yoaa tiha

17 Tí ã yoachu ñua sacerdotēa bui puhtoro, tiro mehne macaina mehne Pedro cūhure ñu tuhtiha. Sacerdotēa puhtoro mehne macaina saduceo curua macaina jiha. 18 Æ ñu tuhtia tina sua yūhdu Jesu to cūrīnare ñaha, peresu yoaha. 19 Æ jiro ñamiru Cohamacu yairo anjo pjōoha tinare peresui dujiinare. Æ yoa

tinare wijaa ta dutiro ò sehe ni yahuha anjo:

20 —Cohamacu wuhuru wahaga. Tí wuhuru jina Cohamacu to masorire ahri noaa buheare yahuga masare —niha anjo tinare.

21 To ã nichu tuhoa, ñamiwacūnu jichu Cohamacu wuhuru sãa, masare buhea tiha tina. Tí dachoihta sacerdotēa puhtoro, tiro mehne macaina, Israe masa puhtoa mehne cahmachu, Jesu to cūrīnare peresuru jiinare na ta dutimaha surara puhtoare. 22 Wiho mejeta surara puhtoa peresu ti yoari wuhuru waha, ñumaha. Tinare bocaeraha. Bocaeraa tjuua wahaha. Tju su ò sehe ni yahuha ti puhtoare:

23 —Peresuru jia pahmari bihaa pahmari jihre. Æ jia tí pahmari cahai ti peresu yoarinare cohtaina ti ducuchū ñūhi sã. Wiho mejeta pjōo sãa, sã ñuchū, ti peresu yoarina mariahe —ni yahuha tina.

24 Tí ã nichu tuhoa, surara Cohamacu wuhure cohtaina puhtoro, sacerdotēa puhtoa mehne tīre tuho, cūaa waha, “¿Dohse waha sohtori tiahcu tina ã yoaa?” ni tuhotuha tina. 25 Æ jiro tina caharu paio su, tinare ò sehe ni yahuha:

—Musa peresu yoarina Cohamacu wuhuru jihre. Ñuna wahaa wiho. Tí wuhuru masare buhea nihre tina —ni yahuha.

26 To ã nichu tuhoro, surara puhtoro, to surara mehne

waha, Jesu to cūrinare pari turi ñaha taha tjoa. Wiho mejeta tinare surara tuhtieraha. ã jia tinare cjãborina jipahta, masare cuia cjãeraha tinare. “Ahrinare mari cjãchũ paina masa sehe tãa mehne docaahca marine”, ni tũhotuha tina surara sehe. ²⁷ ã jia tinare na ta, pũhtoa panoi duhu dapoha tina. Ti ã na wihi dapochũ sacerdotea pũhtoro tinare õ sehe ni tuhtiha:

²⁸ —Mũsare sã tuaro dutimahi. “Jesu yare buhena tjiga”, nimahi sã mũsare. Sã ã nipachũta mũsa sehe jipihtina Jerusalẽ macainare buhehre mũsa. Jesu to yariari buhiri, sãre buhiri tichũ yoa duana nica mũsa —niha pũhtoro sehe.

²⁹ To ã nichũ tũhoro Pedro sehe paina Jesu to cūrina mehne õ sehe ni yũhtiha:

—Cohamacũ to dutiri sehere yoa mũhtanahtja. ã jina baharo Cohamacũ cahmachũ masa ti dutiare yoanahtja. ³⁰ Cohamacũ, mari coyea panopũ macaina pũhtoro, Jesure masori jire. Tirota jira masa crusapũ cjã puha wajã dutiro. ³¹ Jesure “Noariro jira” ni, to poto buhũsehei duji dutihre Jesure Cohamacũ sehe. ã jiro Jesu masa pũhtoro, masare masoriro jiro, Israe masare ti ñaa yoarire cahyaina ji dutiro, ti ñaa yoari buhirire cohã duara Jesu. ³² ã jina sã sehe Jesu to yoarire ñũrina jina tíre yahuja sã. Espíritu Santo tíre ñũriro jiro yahura

tiro cãhũ. Tirore Espíritu Santore Cohamacũ warocahre. Jipihtina Cohamacũ dutiare yoainare tiro Espíritu Santore wahre —ni yahuha tinare.

³³ To ã nichũ tũhoa pũhtoa sehe sua yũhdũaha. ã suaa, tina Jesu to cūrinare wajã duamaha. ³⁴ Wiho mejeta Gamalie, fariseo curua macariro tói jiro tinare wajã dutiro taro nieraha. Tiro pũhtoa mehne macariro, dutiare buheriro to jichũ, masa tirore ño payoa tiha. Tiro Jesu to cūrinare mahanocã cohta dutiro pa sehepũ tinare naa wahcã dutiha surarare. ³⁵ Ti ã naari baharo tiro õ sehe ni yahuha masare:

—Mũsa Israe masa, ahrinare mũsa yoahtire noano tũhotuga “Mũsapũ wajãri”, nina. ³⁶ Wacũga Teuda cjirore. Tiro to basi “Masare yũhdũũcariro jija yũhũ”, nire masare. To ã yoachũ ñũa, masa payũ cuatro cientos masa tiro mehne macaina tjuare. Baharo paina sehe tirore wajãri jire. To buheare buherina cjiri sehe waha sitea wahari jire. ã jia tina cjiri mipũre mariahna. ³⁷ Baharo masare ti quihõri pja jichũ Galilea macariro Juda wama tiroro cjiro masare to buhechũ tiro mehne masa payũ tjuare. Tiro cãhũ yariaa wahari jire. ã yoa to yaina jipihtina waha sitea wahari jire. ³⁸ ã nicũ mũsare mipũ ahrire nii nija. ã ñũnocahga ahrinare Jesu yare yahuinare. ã yoa ahri buhea, ahri na ti ya

buhea Cohamacu ya buhea jieraa, pihtia wahaahca Teuda cahu ti ya buhea ti pihtiro sehetu. ³⁹ Wiho mejeta ahri Cohamacu ya buhea jia, ne pihtisi. Ahri buhea Cohamacu ya jichu ne ahrire butichu yoa masierara musa. Musa ahrire butichu yoa duana Cohamacu mehne cahmachena niboca musa — niha Gamalie tinare.

⁴⁰ To a ni yahuchu tuhoa, “Potocã tjira”, ni tuhotuha masa. A jia tina Jesu to curinare pjiroca, ti wihichu nu, tinare tjanaha. “Jesu yare buhe namoena tjiga musa”, ni tuhsu, tinare waha dutiha. ⁴¹ Ti a waha dutichu tuhoa tina puhto cahapu jirina cjiri waha wahaha. Jesu yare ti yoari buhiri nãno yuhdu tuaro wahcheha Jesu to curina. ⁴² A jia dachoripe Cohamacu wahu cahai jia waparihi, ti ya wahu sei Cristo yare buhea, yahua tihã tina.

6

Siete yoadohinare beseha Jesu yaina

¹ Ti dachoripe Jesu yaina payu wahaha. Wiho mejeta ti a waharo wato, cu curua macaina judio masa jipahta, pa sehepu masa bajuaina griego ya durucuina jia. A jia tina toita masa bajuaina hebreo ya durucuinare o sehe ni tuhotu, nureha: “Dachoripe masare yoadohoare ti witechu, mari griego ya durucuina wapewahya numia sehere daaca waro wara”, ni tuhotu, nure cohtaha. ² Ti a

nurechu masia, Jesu curina, doce jiina sehe jipihtina Jesu yainare ti cahapu pjiroca, o sehe ni yahua tinare:

—Sã Cohamacu yare buheina jia. Tire duhu, masare yoadohoare witi-borina sa jirucuhu to wahaerara. ³ Musa sa coyera, siete mare, paina noaina ti niinare Espiritu Santo to dutirire yoainare, noano tuho masiinare macaga. Tinare ahri dahraare cuga musa. ⁴ Wiho mejeta sa sehe dachoripe Cohamacu sine maha, Cohamacu yare painare buhenahca —ni yahua tina Jesu to curina.

⁵ Ti a nichu tuhoa, “Jai. Ata yoajihna”, niha tina jipihtina Jesu yaina. Baharo Estebãre Cristore wacu tuaritore, Espiritu Santo to dutiare yoaritore beseha tina. A jichu Felipere, Procorore, Nicanore, Timore, Parmenare, Nicola cãhure Jesu yainare yoadohotinare beseha tina. Nicola sehe Antioquia macariro, judio masano jierariro, judio masa ya buheare cahmano, tina mehne saariro jia. ⁶ Tinare bese tuhsu, ti beserinare Jesu curina cahai na wihaha tina. Ti a na wihichu nu, tina Jesu curina sehe tinare Cohamacu sine payo tuhsu, ti dapu poca bui ti wamomacarine duhu payoha.

⁷ A yoa Jesu yaina painapure Cohamacu yare yahu site pahnoa wahaha. A jia Jerusalapu jiina paina Jesu yaina payu waha namoha.

Sacerdotea cūh_u pay_u Jesu yaina wahaha.

Paina Estebãre ñahaha

⁸ ã yoa cūiro masare yoad-ohoare witi cohtariro Estebã sehe Cohamac_u to noano yoariro ji, Cohamac_u tuaare c_uariro jiha. ã jiro tiro Cohamac_u tuaa mehne yoa ño m_ujaha masa ti ñurocaroi.

⁹ Wiho mejeta judio masa buheri w_uh_u macaina tirore ñ_u tuhti, to yahuch_u, tirore soro ni cohtaha. Tina soro ni cohtaina “Cahamaca ji, wijarina cjiri”, wama tiri curua macaina sehe jiha. ã jia Cirene macaina, Alejandria macaina, Cilicia macaina, ã jich_u Asia macaina cūh_u jiha tina. ¹⁰ Tirore soro ni cohtapahta, Espiritu Santo to masia mehne Estebã to durucu mihnich_u, tina to buheare ti dohse soro ni y_uhtiboare wacū bocaeraha. ¹¹ Ti soro ni y_uhtiboare wacū bocaeraa, tina painare mahño dutia, wapaha tinare. Ti ã mahño dutich_u ò sehe ni yahusāmaha tina:

—Ahiro Cohamac_ure, ã jich_u Moise cjirore Cohamac_u to cūri dutia cūh_ure to ñano durucuch_u sã t_uhohi —ni yahusāmaha tina mahñoina Estebãre.

¹² Ti ã nich_u t_uhoa masa, judio masa buheina, b_uc_una cūh_u tiro mehne suaha. ã jia tina Estebãre ñaha, ti p_uhtoa cahap_u naaha tirore. ¹³⁻¹⁴ ã yoa tina painare mahño dutia:

—Ahiro dachoripe Cohamac_u w_uh_ure, to dutia cūh_ure ñano durucuriro

jira. T_uhohi sã tirore to ò sehe nich_u: “Jesu Nazare macariro Cohamac_u w_uh_ure cohã, ã yoa Moise dutiri cjiri, marine to yahu cūri cjirire cohtotarohca”, nihre Estebã sã t_uhoch_u —ni mahño yahusāmaha tina.

¹⁵ ã jia jipihtina tói dujina Estebãre noano ñuroca ò, to w_uhd_uare ñ_uha tina. Anjo yoaro sehe bajuha to w_uhd_ua.

7

Estebã Jesu yare yahuha

¹ ã yoa sacerdotea bui p_uhtoro ò sehe ni sinitu ñ_uha Estebãre:

—¿Ahrina ti nia potocã tji-jari? —ni sinitu ñ_uha tiro Estebãre.

² To ã nich_u t_uhoro, Estebã sehe tinare ò sehe ni y_uhtiha:

—Coyea, b_uc_una sã p_uc_us_uma t_uhoga. Abrahã mari ñ_uch_u cjiro panop_u macariro Mesopotamiap_u to jisnich_u, Harãp_u to jihto pano, Cohamac_u tuariro si siteriro sehe tirore Abrahãre bajuua tiha. ³ ã bajuaro, Cohamac_u ò sehe ni yahua tiha tirore: “M_u ya yahpare, ã jich_u m_u coyea poto cūh_ure duhunoca, wahaga. Pa yahpa, y_u m_uh_ure ñohti yahpap_ure wahaga”, nia tiha Cohamac_u Abrahãre. ⁴ To ã nich_u t_uhoro Abrahã cūh_u Caldea yahpai jiina wijaa, Harãp_u s_u, jisinia tiha. Abrahã p_uc_uro to yariari baharo, tiro cūh_u tí macai wijaa, ahri yahpa, mip_u m_usa jiri yahpap_u Cohamac_u yoadohoro mehne taa tiha.

⁵ Cohamacu Abrahãre õpu saho na taparota, tirore dói “Ahri yahpa puro jiga”, ni cūerasinia tiha. Ne mahanocã ahri yahpare, “Pu tiga muhu”, ni dutierasinia tiha tiro. Wiho mejeta Abrahã pohna marieriro to jipachuta, Cohamacu sehe tirore õ sehe ni yahu muhtaa tiha. “Muhure ã jichu mu panamana, pa tjuru macainamu cūhure ahri yahpare waitjta”, nia tiha Cohamacu Abrahãre. ⁶ Æ ninota õ sehe ni yahu namoa tiha Cohamacu. “Mu panamana pa tjuru macaina pa yahpamu waha, tópu paina cahamu jia, ti cahamaca jiahca tina. Tuhsu, cuatro cientos cūhmari waro tó macaina ñano yoapeahca mu panamanare. ⁷ Æ jichu tó macainare ti ã yoari buhiri buhiri dahrehtja yuhu. Yu ã yoari baharo mu panamana ji turiaina ahri yahpamu wihi, yuhure ño payohtina jiahca tina”, nia tiha Cohamacu Abrahãre. ⁸ To ã ni yahu cūare ti noano wacūrucuhto sehe, õ sehe yoa turia wahcã dutiha tirore. Munno pjacure mahanocã cahsarocãre yihso na dutia tiha tirore. Æ jiro ocho dachori to macuno Isaare to pohna tiri baharo, mahanocã cahsarocãre yihso naa tiha tiro Isaa pjacure. Baharo Isaa Jacobore pohna ti, to pjacu cūhure mahanocã cahsarocãre yihso naa tiha. Baharo Jacobo cūhu doce to pohnare ã dihta yoaa tiha ti pjacurire. Tina doce mua sehe tópe curuari, mari masa curuari dahpoto macaina

cjihti jia tiha.

⁹ Æ yoa baharo, tina Jacobo pohna, mari ñuchusuma cjiri, ti bahuro Josére pahsu tia, paina ti cahamacuno cjihtore duanocaa tiha Egiptomu wahainare. Ti ã yoapachuta, Cohamacu Josére yoadohoa tiha. ¹⁰ Jipihti tí to ñano yuhdure Cohamacu tirore noano yuhduchu yoaa tiha. Cohamacu tirore noano tūho masichu yoaa tiha. Æ yoa faraõ Egipto macaina puhtoro sehere Josére ñu ji coachu yoaa tiha. Æ jiro faraõ sehe Josére puhto sōa tiha, tiro mehne masare dutihtiro cjihtore. Tirore faraõ ya wuhu cūhure puhtoro cūa tiha.

¹¹ Æ yoa tí pjapure Egiptomu, Canaamu cūhure paró ne coro taeraa, yahpa sehe wuaa sãa waha tiha. To ã wua sãa wahachu, masa ti toamari cūhu ñai pihtia waha tiha. Æ jia mari ñuchusuma cjiri ñano yuhduu, ti chūboare ne bo-caeraa tiha. ¹² Wiho mejeta Egiptomu “Trigo jiyuhca”, ti nichu tūhoro, Jacobo sehe to pohnare, mari ñuchusuma cjirire tópu coã warocaa tiha. ¹³ Baharo pari turi to warocarina cjiri Egiptomu ti suchu tjoa, José to wahmisumare “Musa bahuta jija yuhu”, ni yahu, tinare masichu yoaa tiha. Tí pja puhtoro faraõ sehe José coyeeare coã ñuno nia tiha. ¹⁴ Baharo José to wahmisumare, ti pucuro Jacobore, ã jichu jipihtina ti coyee cūhure cahmarocaa tiha. To coyee setenta y

cinco masa jia tiha. ¹⁵ To macano to pjirocachu tūhoro Jacobo cjiro wahaa tiha Egiptoru to macano caharu. To macano caharu jiro, tiro yariaa wahaa tiha. Ā yoa to pohna, mari űuchusuma cjiri cūhu tōru yaria pihtia wahaa tiha. ¹⁶ Tina ti yariari baharo, ti coyea ti pjacari cjirire Siquē wama tiropu naa tiha. Tōru na su, tãa coparipu Abrahã Hamor pohmare niñeru mehne to nuchari yahparu tina ti pjacari cjirire cūa tiha.

¹⁷ Ā yoa Cohamacu Abrahãre “Canaa yahpare waihtja mahure”, to ni cūriro cjiro mu sūro cahachu, Abrahã panamana, Israe masa, Egiptoi jisinia payu wahaa tiha. ¹⁸ Ti ā payu wahari baharo, paio faraō, Egipto masa puhtoro José cjirore masierariro sãa tiha. ¹⁹ Tiro mari coyeeare mahño, ñano yoa, ti pohmare mua pohmare wajã dua, cohãnoca dutia tiha tinacãre. Wahma bajuainacãre cohã dutia tiha “Tinacã yariajaro”, nino. ²⁰ To ā yoaro watoi Moise cjihto sehe masa bajuaa tiha. Tirocã noariro, Cohamacu to noano ñu jicoariro jia tiha. Tia sū waro to pucsuma tirocãre noano ñu wihboa tiha. ²¹ Ā jiro Moiserere nūo namo masieraa, diaru tirocãre puhuroi comape mehne ti bihari puhuroi poho buroha. Ti ā yoachu faraō macono tirocãre ñu boca, na maja, to macanore yoaro seheta cjuaa tiha tirocãre.

²² Ā jia tina Egipto macaina, noano masiina ya jipihtiare Moiserere buhe buchoa tiha. Baharo, ne cuiro marieno durucuriro, puhtoa jia tia cūhure mihni yuhdurucu sūriro wahaa tiha Moise.

²³ Ā yoa tiro cuarenta cūhmari cjuaro to coyea Israe masare ñu duaro ti caharu ñūno wahaa tiha. ²⁴ Tōru ñūno sūro, Egipto macariro cūiro Moise coyeroire to ñano yoachu ñua tiha. Tiro to ñano yoaborirore ducata duaro, Egipto macariro sehere wajã cohãnocaa tiha. ²⁵ Ā wajã cohãno, Moise ō sehe ni tūhotua timaha. “Yu coyea ti coyeroire yu yoadohochu ñua ‘Cohamacu marine noano yuhdachu yoa dutiro warocare ahrirore’, ni tūhotuahca yu coyea”, ni tūhotua timaha Moise. Wiho mejeta tina sehe ne ā ni tūhotueraa tiha. ²⁶ Pa dachoi Moise to coyeeare puaro ti basi cahmacheinare boca sua tiha. Ā boca sūro, tinare yahu duaro tinare ō sehe ni yahua timaha: “¿Musa basi jipanahta cahmachejari musa?” ni yahua timaha Moise tinare. ²⁷ To ā ni yahuchu tūhoro, cūiro to coyeroire ñano yoariro sehe Moiserere tjurocaa tiha. “Muhu sã puhtoro jierara. Sãre yahuboriro jierara muhu. ²⁸ ¿Canure Egipto macarirore mu wajãriro seheta yuhu cūhure wajã duacu nijari muhu?” nia tiha tiro Moiserere. ²⁹ To ā nichu Moise tūho cuaa waha, mūrocaa duhti wahcã, Madiã yahparu wahaa wa-

haa tiha. Tóþure pa sehe macariro jiparota, numino boca, þæaro pohna tia tiha.

30 'Ã yoa Moise cuarenta cahmari waro tói to jiri baharo, Sinaí wama tidu tæcu cahai masa marienopu to jichu anjo tirore bajuaa tiha. Anjo sehe mahaducã jãri picha pohnai bajuaa tiha.

31 Tu yucucucãþu to jãrucuchu ñno, Moise ñu caaa wahaa tiha. Tí pichacare cahacã noano to ñu wahcãchu waroi Cohamacu to durucuchu tuhoa tiha. 32 "Cohamacu jija yuhu. Mu ñuchusuma cjiri, Abrahã cjiro, Isaa cjiro, Jacobo cjiro ti ño payoriro jija", nia tiha Cohamacu Moisere. To ã nichu tuhoro Moise sehe tetere, ne ñu wahcõeraa tiha. 33 Cohamacu õ sehe ni durucu namoa tiha tirore. "Yuhu ñaa marieriro yu õi jiro wato, mu ducuri yahpa sehe wiho jiri yahpa jierara. Ã jicu mu dahpo suhtire tjuwe cõga. 34 Ã yoa yu yaina masa Egiptopu ti ñano yuhduchu ñuja. Ti tiichu tuhoja. Ã jicu õþure wihija yuhu, tinare yuhdu witichu yoai tai. Ti ã wahachu, ñucu wahaga muhu cãhu. Egiptopu muhare warocaihtja. Tinare na wioi wahaga", nia tiha Cohamacu Moisere.

35 'Tó panopu tina sehe mari coyea, Israe masa Moisere cahmaeraa tiha. "Muhu sã þuhtoro jierara. Muhu sãre yoadohoboriro jierara", ni tuhtia tiha tina tirore. Wiho mejeta baharo, Cohamacu ti ã niriro cjirore Egiptopu warocaa tiha, mari coyea

Israe masare yuhdu witichu yoah tiro, ã jichu ti þuhtoro jihtiro cjihtore. Ã yoa anjo, tirore jãduþu bajuariro sehe to ã yoah tirore yahua tiha tirore. 36 Moise jia tiha mari coyea, Israe masare Egiptopu jijnare na wioriro. Tinare na wioro, Egiptopu Cohamacu tuaa mehne tiro sehe yoa ño ducaa tiha tóþu jijnare. Pjiri ma sohãri mapu ãta yoa ñoa tiha tjoa. Baharopu masa marienopu cahure cuarenta cahmari waro Cohamacu tuaa mehne yoa ño mujaa tiha tiro to masare. 37 'Ã yoa Moise cjiro jia tiha mari coyea, Israe masare õ sehe ni yahuriro: "Cohamacu cãiro masa coyeiro, to yare yahu muhtahtiro, yu yoaro sehe jiriore warocarohca masare", nia tiha Moise tinare. 38 Moise masa marienopu mari coyea Israe masa mehne jia tiha. Tuhsu, Sinaí wama tidu tæcuþu ti cahmachuchu tirore yahuriro anjo mehne jia tiha. Ã yoa mari ñuchusuma panopu macaina cjiri mehne jia tiha tiro. Cohamacu to dutiare cãriro jia tiha Moise.

39-40 'Ã jia tí dutiare tãcu Moisere to cõno wato mari ñuchusuma cjiri Egiptopu tjua duaa Moisere yuhduþuca tiha. Tina tirore cahmaeraa tiha. Ã cahmaeraa tina Moise cjiro wahminore Aarõ wama tiriro cjirore õ sehe nia tiha: "Paina cohamanare yoaga mari yaina cjihti. Tina mari wahahti mahare marine

saho naahca. ¿Wiho mejeta marine Egiptopu jinare na tariro Moise dohse wahari tiro? Masieraja sã”, nia tiha tina. ⁴¹ ã jia tí dachorire tina wachu masure uru mehne yoaa tiha. ã yoa tuhsu, tina wahiquinare wajã, ti yoariro cjiro cahai na ta, ño payoa tiha tirore. ã jia tina ti yoariro cjirore wachure ñu, wahche, bose numu yoaa tiha. ⁴² Wachure ti ño payochu ñuno, Cohamacu tinare cohã wahcãa wahaa timaha. “Yuhure cohã, manopu bajuaa, sũ dacho macariro, sũ ñami macariro, ã yoa ñahpichoha poca cuhure ño payowahnojaru”, nino cohã wahcãa wahaa timaha. Cohamacu yare yahu muhtaina cjiri ã ni joaa tiha:

“Musa Israe masa, yuhure nu ñano yoare.

Masa marienopu cuarenta cuhmari waro jina wahiquinare musa wajãinare musa wajã, jũ wa mupanahta, yuhure musa ño payoboriro seheta yoamare musa.

Wiho mejeta yuhu sehere musa ño payoerare.

⁴³ ã jina musa Molo wama tiri masure ño payoina jiina, tí masure ño payori wuhure cjuare musa.

ã yoa pairo cohamacu ñahpichohaca Refã wama tiria to masure musa yoariare musa cjuare tjoa.

Tí masurine musa yoarire musa ño payore.

Musa ã yoari buhiri musare Babilonia sie sehẽpu cohãrocaihãtja yuhu”, ni yahu joaa tiha Cohamacu yare yahu muhtaina cjiri.

⁴⁴ ã jia masa marienopu Cohamacu masa mehne to jiri wuhure wahiquina cahsari mehne ti yoari wuhure cjuaa tiha mari ñuchusuma cjiri panopu macaina. Tí wuhu Cohamacu masa mehne to durucuri wuhu jia tiha. Tí wuhupu Cohamacu dutia to joaa pjĩni tãa pjĩni jia tiha. Tí wuhure Cohamacu Moiserere to ñoriro seheta, “Õ sehe yoaga”, to ni yoa dutirore seheta yoaa, tí wuhure cjuaa tiha tina. ⁴⁵ ã yoa ti panamanapu cuhu cjuaturia nunu tia tiha tí wuhure, wahiquina cahsari mehne ti yoari wuhure. Baharo mari ñuchusuma cjiri Josué mehne Cohamacu mari coyera Israe masare to cũhti yahpãpãre, ahri yahpãpãre pu tia taha. Ti pu tia tachu ahri yahpai ji muhtaina cjirire Cohamacu cohãnocaa tiha. Tí pjare Cohamacure ti ño payori wuhure na taa, cjuaa tiha tina ahri yahpãpã, mipãre mari jiri yahpãpã. Pu Davi cjiro to jiri tjurupu cjuabatoa tiha tí wuhure. ⁴⁶ Tiro Davi cjiro sehe Cohamacure wahchechu yoariro jia tiha. Cohamacu ya wuhu cjihtore pa wuhu tiro yoa duaro, sinia timaha Cohamacure. ⁴⁷ To ã sinipachuta Salomopu Cohamacu ya wuhu sehere yoaa tiha. ⁴⁸ To ã yoapachuta Cohamacu Jipihtina Bui

Jiŕiro sehe masa ti yoari wuhure jierara. Õ sehe nia tiha Cohamacu yare yahu mahtariro cjiro:

49 “Mhano yu dujiro jira.

Tói dujicu dutija yuhu.

Ã jiro yahpa sehe yu dahporire duhu payoro yoaro sehe jira.

Yuhu tua yuhdariro jija.

Yu ya wuhu cjihtore yoa masierara musa.

Cohamacu yu jichu yu jihti wuhure musa yoa masierara.

50 Yu basi ahri yahpare jipihtiro yoahi yuhu’, ni durucua tiha Cohamacu’,

ni joaa tiha Cohamacu yare yahu mahtariro cjiro.

51 ‘Musa Cohamacu yare tuhopenahta, tirore yuhti duaerara. Cohamacure masieraina yoaro sehe tuhoutuina baro jira musa. Espiritu Santore yuhduraca yuhdura musa. Musa nuhusuma cjiri ti yoariro cjiro seheta yoara musa cuhu.

52 Musa nuhusuma cjiri jipihtina Cohamacu yare yahu mahtaina cjirire ñano yoaa tiha. Tina Cohamacu yare yahu mahtaina cjiri “Baharo cuiro ñaa buhiri Marieriro tarohca”, ti ni yahu quihõ mahtachu tuhoa, musa nuhusuma cjiri sehe tinare wajãa tiha. Ã yoa mipu cuhure tiro “Ñaa buhiri Marieriro”, tó panopu ti niyuriro sehe õpu to wihichu, “Muhu mehne macaina jija”, ni ji mahño, tirore wajãhre.

53 Cohamacu dutiare anjoa

sehe yahu turia timaha musare. Ti ã yahu turiachu musa tí dutiare cjamaha. Wiho mejeta tí dutiare yuhduraca musa —niha Estebã.

Tina Estebãre tãa poca mehne doca wajãha

54 To ã nichu tuhoa tina sehe tuaro suaha. Ã tuaro suaa, cuaina wahaha.

55 Ti ã suapachuta Estebã sehe Espiritu Santo mehne wacũ tuariro to tuaa mehne manopu ñuroca muo, Cohamacu si siteare ñuha. Ã yoaro Cohamacu poto buhusehei Jesu to ducuchu cuhure ñuha tiro. 56 Ñuroca muono, õ sehe niha:

—Ñu muoga musa. Manopu mahanocã to tjuwe machu, Jesu Cohamacu to warocariro Cohamacu poto buhusehei to ducuchu ñuja yuhu —niha Estebã tinare.

57 To ã nichu tuhoata tina tuaro sañurucu, ti cahmo coparire bihanoca, cãno potori tiro cahapu maroca wahcã, tirore ñahaha. 58 Ñaha tuhsu, tirore na wahcã, tí maca duhtu cahapu cohãha tirore. Ã jia tãa poca mehne doca wajãha tirore. Ti ã wajãhto pano tirore yahusãrina tirore tãa poca mehne docahtina ti bui sãa suhtire tjuwe na, wahmanore Saulo wama tirirore ti suhtire cjabasa dutiha. 59 Estebãre ti tãa docaro watoi, sinino sehe õ sehe niha tiro:

—Jesu, yu puhtoro yu ca tiare naga —niha tiro.

⁶⁰ Ni tuhsu, tiro na tuhcuca caha su, ò sehe ni tuaro sañurucuha:

—Puhtoro Jesu, ahrina mipu yuhure ti wajāri buhiri tinare buhiri dahrei tjia —ni sañurucuha Estebā.

Ā ni sañurucu batoarota, yariaa wahaha tiro.

8

Saulo Jesu yainare ñano yoaha

¹ Estebā to ā yariachu ñano, “Noana”, niha Saulo sehe.

Tí dachoreta Jesu yainare Jerusalē macainare ñano yoa ducaha Saulo mehne macaina sehe. Ti ā yoa ducachu Jesu yaina Judea yahpapu, Samaria yahpapu yoaropu duhti site wahcāa wahaha. Ti puhtoa, Jesu to cūrina dihta wahaeraha.

² Ā yoa paina Cohamacure ño payoina Estebā pjacu cjirore tāca copapu, duhu sāa, tiro cjirore tuaro tii payoha tiro cjirore tina.

³ Wiho mejeta Saulo sehe Jesu yainare ñabiaro yoaa timaha. Tiro ti wuhusepu sāa, mware, numiare ñaha wahcā, peresupu biha dapoa tiha.

Samariai Jesu yare buheha Felipe

⁴ Ā yoa yoaropu waha siteina cjiri nohoi ti waharoi Jesu yare buheha tiha. ⁵ Cāiro tina mehne macariro Felipe cū maca, Samaria wama tiri yahpai jiri macapu su, Cristo masare yuhdoriro ya quitire buheha tí maca macainare. ⁶ To ā buhechu, tó macaina sehe tirore tuho

cahmachu, Cohamacu to tuaa mehne to yoa ñochu ñaha tina. Ā jia tina jipihtina cāno potori to yahuare noano tuho nunaha tiha. ⁷ Payu masa watia sāanohrina tiro cahai ti wihichu ñano, watia sehere tiro wijaa dutia tiha masapu jirinare. To wijaa dutichu, tina watia sehe tuaro sañurucu, wijaa wahaha. Tuhsu payu pjacu bhainare, pari yuri tiniina cūhure pjacu noaina wahachu yoaa tiha.

⁸ To ā yoa ñochu ñaha tí maca macaina payu masa wahchea tiha.

⁹ Tí pjare Simo wama tiroiro tí maca macariro yairo jiha. Ā jiro yaya ti yoarire yoa ñoa tiha Samaria macainare. To ā yoa ñochu ñaha, tó macaina ñu cuaa waha, tirore cua pisaro ñuina jiha.

—Yuhu masi pahñoriro jija —nimaha Simo sehe tinare.

¹⁰ To ā yoachu ñaha masa sehe ò sehe nia timaha:

—Ahroro Cohamacu ya tu-aare cjuariro jira. Cohamacu yoaro sehe tuariro jira —nia timaha tirore masa, puhtoa mehne. Tina jipihtina noano tuho nunaha tirore.

¹¹ Tiro yaya ti yoaa mehne yoari pja yoa ñoa tiha tinare. To ā yoa ñochu ñaha tina cuaa wahaha. Ā cuaa waha, tina tirore ño payoa tiha.

¹² Wiho mejeta ti ā ño payopachuta Felipe sehe puhtoro Cohamacu to suho jiare, Jesucristo yare noaa buheare yahuha. To ā yahuchu tina tirore noano tuhoha. Ti ā noano tuhochu ñano mware, numia cūhure bautisaha

Felipe. ¹³ Æ jiro Simo cãhu Felipere noano tãhoa tiha. Æ jiro tiro cãhure bautisaha. To Æ yoari baharo Felipe mehne tjuaa tiha tiro. Felipe sehe Cohamacu tuaa mehne to yoa ñochu ñhno Simo ñh cãaa wahaa tiha.

¹⁴ Æ yoa Samaria yahpa macaina Cohamacu yare ti tuaro cahmachu tãhoa Jerusalẽpu jiina tãhorocaa tiha tinare. Æ ti cahmachu tãhoa Pedrore, João cãhure warocaa tiha Samaria yahpapu. ¹⁵ Tõpu sua Pedro cãhu Cohamacure siniha: “Ahrina Samaria yahpa macaina mähure ño payoinare mu Espiritu Santo sãajaro”, ni sini payoha tina Cohamacure.

¹⁶ Tina Samaria yahpa macaina Jesucristo yaina jia to bautisarina jiha. Tí dihtare masiha tina. Æ jiro Espiritu Santo tinare sãaerasiniha. ¹⁷ Æ jia Pedro, João mehne Samaria yahpa macainare ti wamomacarine ti dapupoca bui ti duhu payori baharo Espiritu Santo tinare sãari jire.

¹⁸ Æ yoa Pedro cãhu ti wamomacari mehne ti duhu payochu ñuha Simo. Espiritu Santo tinare to sãachu cãhure ñuha tiro. Æ ñhriro jiro, tí tuaare cahmano niñeru mehne wapa duamaha. ¹⁹ Õ sehe nimaha Simo:

—Yuhu cãhure waga ahri tuaare. Yuhu cãhu yu wamomacari mehne masa dapupoca bui duhu payoi tai nija Espiritu Santo tinare to sãahto sehe. Æ jicu ahri yu

yoahti wapare wapa duaja —nimaha Simo tinare.

²⁰ To Æ nichu tãhoro Pedro õ sehe niha:

—Muhu niñeru mehne Cohamacu ya tuaare mu nuchu duari buhiri mu niñeru mehneti pichacapu wahaga muhu. Cohamacu mu tãhotuare masina. Muhu ñariro jisinina. ²¹ Æ jicu ahrire sã yoaare yoa masierara muhu. Ahri mu yoa baro jierara. ²²⁻²³ Paina ti cãaare ñucu suariro jira muhu. Æ jicu ñaa yoaare ne duhu masierara muhu. Æ jicu ahrire mu ñaa yoarire cahyaga muhu. Cohamacure mu ñaa tãhotuare to bohto sehe siniga muhu. Mu Æ yoachu ñhno tiro mu ñaa buhirire boboca, pa tehe nino —ni yahuha Pedro tirore.

²⁴ To Æ nichu tãhoro Simo õ sehe ni yahtiha tirore:

—Yuhure sini payoga masa Cohamacure mu niriro sehe yu wahaerahto sehe. Tí buhiri pichacapu waha duaeraja yuhu —niha Simo tirore.

²⁵ Baharo Pedro João mehne Cohamacu yare yahuha: “Jesu to masa mujachu ñhi sã”, ni payu Samaria yahpai jia macari macainare noaa buheare buheha. Tinare Cohamacu yare buhe tuhsu, Jerusalẽpu tjuaa wahaha.

Felipe Etiopía yahpa macarirore buheha

²⁶ Æ yoa Cohamacu yairo anjo Felipere õ sehe ni yahuha:

—Mipure sur sehempu wahaga. Jerusalē cahai jiri mahapu Gazapu wahari mahapu, masa marienopu jiri mahapu wahaga —ni yahuha anjo Felipere.

²⁷ To ā nichu tuhoro tiro sehe tí mahapu wahaa tiha. Baharo tí mahapu cāiro masunore piti bocaro taro niha. To piti bocahtiro jiha Etiopía yahpa macariro puhtoro. Tiro numiare cahmaerariro eunuco masuno jiha. Ā jiro Candace wama tiricoro Etiopía macaricoro puhtorocoro yare niñerure jipihtiare ñu wihboriro jiha. Wiho jiriro jieraha. Tiro Jerusalēpu Cohamacure ño payoro waha tuhsuha. ²⁸ To ya macapu tunuria mehne tjua taro tiapu wahaparota buhero niha. Cohamacu yare yahu mahtariro Isaia cjiro to joari pūre buhero niha. ²⁹ Ā jiro Espiritu sehe Felipere õ sehe ni yahua tiha:

—Siro tunuriapu wahariro cahapu wahaga —niha Espiritu tirore.

³⁰ To ā nichu tuhoro Felipe sehe tunuria cahapu muroca wahcā, Isaia cjiro to joarire Etiopía macariro to buhechu tuhoha. Ā tuhoro Felipe õ sehe ni sinituha tirore:

—¿Mu buheare tuho ñahajari mahu? —niha tiro.

³¹ To ā nichu tuhoro Etiopía macariro õ sehe ni yuhtiha:

—Pairo yuhure yahu yuhdoriro mariachu noano masieraja yuhu. Ōi yuhure

yahu dujii taga yu pari wahpa —ni yuhtiha tiro Felipere.

—Jai —ni nuju suha to cahai.

³² Ā yoa Cohamacu yare Etiopía macariro to buheri pū õ sehe niha:

“Ovejare ti ñaha wajāriro seheta tiro cūhure ñaha wajāahca masa.

Ā jiro ovejacā to pjoare ti sachu to sañurucueraro seheta tiro masuno cūhu dihta marieriro jirohca.

³³ Tirore tina bujupeahca.

Ā jia tiro to ñano yoaerapachuta tina sehe ñano yoaahca tirore.

Tiro ahri yahpapu to jichu tina tirore wajāahca.

Ā jiro tiro pohna marieriro yariaa waharohca”, ni joaha tí pūpūre.

³⁴ Tí pū to ā ni yahuchu ñuno, Etiopía macariro õ sehe ni sinituha:

—Yahuga yuhure. ¿Õ sehe Isaia cjiro to niriro diro baro jicari ahriro? ¿Isaia cjiro to basi yahuro nicari? ¿O pairore yahuro nicari? —ni sinituha Etiopía macariro.

³⁵ To ā ni sinitu ñuchu tuhoro Felipe sehe tí pūre ñu, Jesu yare yahuha Etiopía macarirore. ³⁶ Ā yoa tina tia mehne waha, macapu suha.

—Ñuga, õi máca jira. Ahri macapu yuhure bautisaga —niha Etiopía macariro.

³⁷ [—Jesure mu noano wacū tuachu ñucu mahure bautisaihtja —niha Felipe tirore.

—Jesure wacũ tuaja yuhũ. Tiro Cristo Cohamacũ macũno jira. Tíre noano masija yuhũ —niha Etiopía macariro.]

38 Æ ninota tiro tunuria uturirore yũũo dutiha. Tia to yũũ caha sũri baharo wijaa tina. Wijaa, tí mácapũ sũ, ñumurũcũ sũha tina. Tóĩ ñumurũcũ sũ, Felipe sehe tirore bautisaha. 39 Bautisa tuhsũ ti maja sũrũcũ sũchũ Cohamacũ to Espíritu Felipere naa wahaha. To ã wahari baharo Etiopía macariro noano wahcheriro to ya yahpapũ tjuaa wahaha. To ã yoari bato tichũ ne pari turi Felipere ñũeraha. 40 Æ yoa tuhsũ Azotopũ sũha Felipe sehe. Tuhsũ, payũ macarine noaa buheare buheha masare. Pũ Cesareapũ buhe batoa tiha.

9

Saulo Jesucristore ñũno tirore wacũ tua dũcaha
(Hch 22.6-16; 26.12-18)

1 Wiho mejeta tí pjare Saulo Jesu yainare ã ñũ tuhtirucusinino, “Tinare wajãihtja” nino, tiro sacerdotea pũhtoro cahapũ wahaha. 2 Tórpũ sũro tiro joaa pũrine õ sehe ni siniha sacerdotea pũhtorore:

—Joaa pũrine waga yũhũre yũ tuahtĩ pũri cjihtire. Tí pũripũ mũ wama mũ joa payochũ, yũhũ sehe tí pũri mehne, mũ dutiro mehne Damascopũ wahaihtja. Tórpũ sũ, judio masa mari buhea wũhũsepũ Jesu yaina mũa, numia cãhũre boca sũcũ,

tinare ñaha dũhte, õpũ Jerusalẽpũ na majare tjuaa taihtja —ni siniha Saulo sacerdotea pũhtoare.

3 Ti pũrine na tuhsũ, tiro waha, Damasco cahai to sũro cahachũ waro mũanopũ wacũenoca si siteroca boroha tirore. 4 Wacũenoca to ã si siteroca borochũta tiro yahpapũ bora caha sũro, õ sehe ni durucuchũ tũhoha:

—Saulo, Saulo, ¿dohseacũ mũhũ yũhũre ñano yoajari? Mũhũ yũhũ mehne suacũ yũhũre yũhtieracũ, mũ basita ñano yũhdũra —nino coa taha.

5—Pũhtoro, ¿diro baro jijari mũhũ? —ni sinitu ñũha Saulo sehe.

—Yũhũta jija Jesu, mũ ñano yoarucuriro —niha Jesu Saulore. 6 [To ã nichũ õ sehe ni sinituha Saulo:

—Pũhtoro, ¿dohse yũ yoachũ cahmajari mũhũ? —niha Saulo.]

—Wahcãrũcaga mũhũ. Macapũ wahaga. Tí macapũ mũ sũchũ tó macariro mũ yoahaire yahurohca mũhũre —niha Jesu Saulore.

7 To ã nichũ Saulo mehne macaina sehe to durucua dihtare tũhoha. Wiho mejeta Jesu sehere ñũeraha. To ã wahachũ ñaha, cuia, tina durucu masieraha. 8 Æ jiro Saulo yahpapũ coãriro wahcãrũca, to ñũchũ to capari bajueraha. Æ jia tina to wamomacare ñaha, Damascopũ tũã wahcãa wahaha tirore. 9 Tórpũ sũro, tiro tia dacho waro ne ñũera, chũera, ne sihniera tiha.

10 Æ yoa cãiro Jesu to buheriro Anania wama tiriro

Damascoi jiha. Æ jiro Jesu bajua tiha Ananiare. Æ bajuaro õ sehe ni pisuha tirore:

—Anania, ¿jimajari mahu?
—niha Jesu.

—Jimajã —ni yuhtiha Anania tirore.

¹¹ To ã nichu Jesu sehe õ sehe ni yahuha tirore:

—Potori Maha wama tiri mahapu wahaga. Æ wahacu Juda ya wahuapu cãiro Tarso macariro Saulo wama tirirore macaga. Tiro Cohamacure sinino nica. ¹² Tiro cahãnopure tirore mu yoah tire ño tuhsahi yhu. Õ sehe jiare ñuhre tiro: Mhu mu wamomacarine tiro bui duhu payo, to capari noaa wahachu ñuhre tiro to cahãnopure —niha Jesu Ananiare.

¹³ To ã nichu tuhoro Anania sehe õ sehe ni yuhtiha:

—Puhtoro, tiro mu yainare, noainare Jerusalẽ macainare nu ñano yoa mujayuhti. Payu masa yuhure ã ni yahure. ¹⁴ Æ yoa õ cãhure tiro jipihtina mähure cahmainare peresu yoaro taro niyuhti. Sacerdotea puhtoa tirore ã yoa dutiyuhti —ni yuhtiha Anania Jesure.

¹⁵ To ã nichu Jesu sehe õ sehe ni yahuha tirore:

—Tiro Saulo sehe yu be seriro jira. Tiro yu ya buheare judio masa jierainare, ti puhtoare, ã jichu Israe masa cãhure buherohca. Æ jicu wahaga mhu. ¹⁶ Payu tahari yu yare yoaro tiro ñano yuhdurohca. Tíre tirore

masichu yoaihtja —niha Jesu Ananiare.

¹⁷ To ã niri baharo Anania sehe waha, su, Saulo to jiri wahuapu sãaha. Sãa su, to wamomacarine Saulo bui duhu payo, õ sehe ni yahuha tirore:

—Coyeiro Saulo, mu capari mu ñuhto sehe, Espiritu Santo mhu mehne to jihto sehe, to dutiro sehta mu yoah to sehe, mari puhtoro Jesu sehe mahapu mähure bajuariro yuhure warocahre —ni yahuha Anania Saulore.

¹⁸ To ã nichuta to caparire wahi nuturi yoaro sehe bajua to caparipu wahãa pahna borachu ñuha Saulo. To ã ñu tuhsari baharo to wahcãrucu sãchu paio sehe tirore bautisaha. ¹⁹ Tirore to bautisa tuhsachu, tiro sehe chu, tuariro wahaha.

Saulo Damascoi Jesu yare buhe ducaha

Æ yoa Saulo mahaa dachoricã Damasco macaina Jesu yaina mehne jiha.

²⁰ Dói tí dachorita tiro judio masa buhea wahusep su, Jesu Cohamacu macano to jiare yahu ducaha masare. ²¹ To ã yahuchu ñha jipihtina tirore tuhoina cuaa wahaha.

—Cho, ahriro Jerusalẽpure Cohamacu yainare Jesure cahmainare ñano yoariro cjiro jira. Æ yoa tirota jimana õ macaina Jesure cahmaina cãhure ñaha, duhte, sacerdotea puhtoare wiaboriro. Æ yoa duaro õpure tari jimahre tiro —niha masa tirore tuhoina.

22 Wiho mejeta Saulo sehe cui tãhoturo marieno buhe mihni wahcãa tiha. “Ahrìro Jesu potocãta Cristo, marine yãhdohtiro jira”, to ni yahu mihnichã, tó macaina judio masa ti ni yuhti yãhdurucaborirore bocaeraha.

23 ã jia payã dachori baharo judio masa tirore wajã duaa, ti basi durucua tiha. 24 Wiho mejeta Saulo tirore ti wajã duachã masiha to basi. Tina tí macare sahrĩno tãa mehne ti yoari sahrĩno macaa sopacarire dachopure ñamipã cãhure cohtaa tiha tirore wajã duaa. 25 Ti ã wajã duachã ñãa ñamipã Saulo buheina tirore pãhuro pjiri pãhi na sãa, tí maca macari sahrĩno baharo buhãsehei duhu boroha tirore. Tó sehe ti yoachã yãhdãha tiro.

Saulo Jerusalëi jiha

26 ã yoa Saulo Jerusalëpã sãro, tórpã Jesu yaina mehne tiro ji duamaha. Wiho mejeta tina tirore “Jesu buheriro jierara ahrìro” nia, tirore cui niha. 27 Ti ã cuipachãta Bernabé sehe tirore na wahcãha Jesu to cãrina cahapã. ã jiro Saulo mahai Jesure to ñãrìre, Jesu Saulore to durucurire, ã jichã Damascopã cuiro marieno Jesu yare to buhe ducarire yahuha Bernabé sehe. 28 To ã ni yahuri baharo Saulo sehe tina mehne sãano, Jerusalëpã tina mehne jia tiha. 29 Tiro cuiro marieno judio masare Jesu yare yahu yãhdurucaro niha. Tina judio masa griego masa yare

durucuina jiha. ã yoa Saulo to ã yahu yãhdurucachã, tina tirore wajã duamaha. 30 Ti ã wajã duachã ñãa, Saulo mehne macaina Jesu yaina sehe tirore Cesareapã na duhti wahcãa wahaha. Tórpã tirore sãho jirucuma Tarsopã warocaha tirore.

31 ã yoa jipihtiropã, Judea yahpãpã, Galilea yahpãpã, Samaria yahpãpã cãhure Cohamacã yaina noano jia tiha. Tí pjare ne masa ñãno yoera tiha tinare. ã jia noano buheha tina. Tina Cohamacã yare buhe, tirore masi namo, noano yuhtia tiha. ã yoa Cohamacãre cua pisaro ñãa tiha. Espiritu Santo tinare to yoadohochã tina sehe payã wahaa tiha.

Pedro Eneare noarìro wahachã yoaha

32 ã yoa Pedro jipihtia macaripã waharo, Jesu yaina Lida macaina cahapã cãhure sãha tiro. 33 Tórpã sãro Enea wama tirirore boca sãha. Enea pjacã buharìro jiro, ocho cãhmari waro ti pãpaha cãriro coãa tiha. 34 ã jiro Pedro sehe tirore ò sehe niha:

—Enea, Jesucristo mãhure noarìro wahachã yoara. Wahcãrucaga. Mã pãpaha coãri cahsarore cahnoga — niha Pedro tirore.

To ã nichãta tiro wahcãrucaha. 35 ã jia jipihtina Lida macaina, Sarón macaina tirore ñãa, tina ti ñãa yoaare duhu, Jesure wacũ tuaa tiha.

Dorca wama tiricorore masoha Pedro Jesu to tuaa mehne

³⁶ Ā yoa Jope wama tiri macai Jesure ño payoricoro Tabita wama tiricoro jiha. To wama Tabita griego ya dusero mehne Dorca jira. Ticoro noaare yoaro payu waa tiha pjacuoinare. ³⁷ Ā jiro tí pjare ticoro dohati wahcõ, yariaa wahaa tiha. To yariachu ñua, tina ticorore noano cosa, mmano macari tahtiapu cūa tiha ticorore.

³⁸ Lida wama tiri maca Jope cahai jire. To ã jichu Jesu buheina Jope macaina Pedro Lidapu to jichu tuhoroaa tiha. Ā tuhoroaa, puaro warocaha Pedro cahapu. Tiro cahapu sua Pedrore õ sehe ni yahuha tina:

—Soaro mehne sã jiropu wahaga —ni yahuha tina.

³⁹ Ti ã nichu tuhoro tina mehne wahaa wahaha tiro. Tõpu tirore ti na suri baharo mmano macari tahtiapu na mñjaa wahaha tirore. Ā jia jipihina wapewahya tiro cahai suruca, tiia tiha. Tabita tina mehne jisininopu payu suhtire yoaa tiha. Ā jia tina to yoari suhti cjirire ñoha Pedrore. ⁴⁰ Wiho mejeta Pedro tinare tí tahtiapu jijnare wijaa dutiha. Ti wijaaari baharo tiro na tuhcuca caha su, Cohamacure ticorore sini payoha. Ā jiro to pjacu cjirire majare ñu:

—Tabita wahcãga —niha tiro.

To ã nichuta ticoro sehe ñu wahcõ, Pedrore ñu,

wahcã nuju suha. ⁴¹ To wahcã nuju suchu ñu, tiro to wamomacare ñaha, tuã wahcõ dapoha ticorore. Ā jiro tiro tó macainare Jesu yainare, wapewahyare pjiroca, ticorore catiricorore wiaha tinare. ⁴² To ã yoari baharo jipihina Jope macaina tíre masia, payu masa Jesure wacū tua ducaa tiha. ⁴³ Baharo Jopepu Simo wahiquina cahsarire cahnoriro mehne payu dachori Pedro tiro mehne jia tiha.

10

Pedro Corneliore Jesu yare yahu ducaha

¹ Ti pjare Cesareapu cūiro Cornelio wama tirore jiha. Tiro cien surara puhtoro jiha. Tina surara sehe ti ya curua Italiano wama tiha. ² Cornelio to ya wahu macaina mehne judio masa jieraina jipahta, Cohamacure ño payoina, cua pisaro ñuina jiha. Tiro judio masa pjacuoinare yoadohoro payu waha. Ā yoa dachoripe tiro Cohamacure siniha. ³ Cū nuṁu ñamichapapu tres jichu Cohamacu yairo anjo tirore bajuaha. Ā bajuaro Cornelio cahapu sãaha.

—Cornelio —niha anjo tirore.

⁴ To ã nichu tuhoro Cornelio tirore ñu, cuiro õ sehe niha:

—Puhtoro, ¿yabare cahmajari mahu? —niha tiro.

—Masa pjacuoinare mu warire, Cohamacure mu sinirire Cohamacu noano ñuno nina. ⁵ Ā jicu Jopepu

m_u m_uare warocaga. Tópu Simo Pedro wama tiroiro jira. Tirore na ta dutiga m_u m_uare. ⁶ Tiro paio Simo wahiquina cahsari cahnoriro cahai, pjiri ma d_uht_u cahai jiri w_uh_ui jira —niha anjo Cornelio.

⁷ Anjo ã ni tuhs_u, wijaa wahaha. To wijaari baharo Cornelio p_uaro tirore dahra cohtainare, ã yoa c_uiro to surara mehne macarirore pjirocaha. Surara sehe Cohamac_ure ño payoriro jiro, dachoripe Cornelio yoadohoa tiha. ⁸ ã jiro Cornelio tinare anjo to yahuri cjirire yahu pah_uo, Jopep_u warocaha tinare.

⁹ ã yoa pa dachoi Jopep_u ti waharo watoi cohari pja jich_u Pedro sehe w_uh_u buip_u Cohamac_ure sinino wahaha. ¹⁰ To m_uja s_uri baharocã tirore j_uca purich_u ch_u duaha. Wiho mejeta paina to ch_uare ti dahrero watoi, tiro sehe õ sehe bajuach_u ñ_uha. ¹¹ M_uanore parĩ m_uach_u, pjiri cahsaro pititia sohtoarire d_uht_ueri cahsaro to duji tach_u ñ_uha. ¹² Tí cahsaro puhichap_ure pay_u wahiquina b_ua tiniina, chihchõina, w_uina peri c_uh_u jiha. ¹³ Tíre to ñ_uri baharo, Pedro durucuro coa tach_u t_uhoha:

—Pedro, wahcãr_ucaga. Ahrinare wajã ch_uga —nino coa taha tirore.

¹⁴ To ã nipach_uta Pedro õ sehe niha:

—P_uhtoro, ne tina barore ch_ueraja y_uh_u. Ñainare, Cohamac_u to ch_u dutierainare

ne ch_uera tih_u y_uh_u —niha Pedro.

¹⁵ To ã niri baharo Pedro pari turi durucuro coa tach_u t_uhoha:

—Cohamac_u “Noaina jira”, to nirinare “Ñaina jira”, nii tjia m_uh_u tinare —nino coa taha Pedore.

¹⁶ ã yoa tia taha ti ã ni durucuri baharo tí cahsaro m_uanop_u m_ujaa wahaha tjoa.

¹⁷ To ã m_ujaa wahari baharo, Pedro tuaro wac_u “¿Dohse ni duaro nijari ã bajuaro?” ni t_uhotuha tiro to basi. To ã ni t_uhoturo watoi Cornelio m_ua to warocaina sehe Simo ya w_uh_up_u s_uha. “¿Simo ya w_uh_u nohop_u jijari?” ni, ti sinituri baharo to ya w_uh_up_u s_uha tina. ¹⁸ S_u, tina sinitu ñ_u bahrañoha. “¿Simo Pedro wama tiroiro ahri w_uh_ui jijiari?” ni sinitu ñ_uha tina. ¹⁹ ã jiro Pedro to t_uhoturo watoi Espíritu Santo tirore õ sehe ni yahuha:

—Ñ_uga. Tiaro m_ua m_uh_ure macaa nina. ²⁰ Wahcãr_ucaga. Dujiaga. Tina mehne wahaga. Jiape ni t_uhotuec_uta wahaga noano mehne. Y_uh_u sehe tinare õp_ure warocahi —niha Espíritu Santo Pedore.

²¹ To ã nich_u t_uhoro Pedro ti cahap_u dujia wahaha.

—Ñ_uga. Õi jija y_uh_u m_usa maca tariro. ¿Dohse yoana tana niri m_usa y_u cahai? —niha Pedro tinare.

²² To ã nich_uta tina sehe õ sehe niha:

—Cornelio cien surara p_uhtoro, noare yoariro, Cohamac_ure cua pisaro ñ_uriro, jipihtina judio masa

“Noariro”, ti niriro mähure pji ta dutiro warocahre säre. Cohamacu yairo anjo Corneliore mähure pji dutiyuhti. Õ sehe niyuhti: “Pedrore mu wuhuru na ta dutiga mu mähare. Ä yoa tiro mähure to yahuchu, noano tuhoga tirore”, ni pji dutiyuhti anjo Corneliore — ni yahuha Cornelio Pedrore to pji dutirina sehe.

²³ Ti ä nichu Pedro sehe tinare sä ta duti, chua wa, to jiri wuhuru carī dutiha tinare. Pa dachoi Pedro wahcã, tina mehne wahaa wahaha. Ä yoa paina Cristo yaina Jope macaina Pedrore piti ti wahcãha.

²⁴ Pa dachoi tina Cesareapu suha. Ti suhto panocã Cornelio sehe to coyeare, tiro mehne macaina cãhure pji cahmachu, Pedrore cohtaa niha. ²⁵ Ä jiro Pedro Cornelio ya wuhu caharu to tachu ñuno Cornelio sehe tirore piti boca wijaa, to dahpori cahai caha suha. ²⁶ Wiho mejeta Pedro tirore na wahcõ õ sehe niha:

—Ducuga mahu. Yuhu cãhu mu yoaro seheta jiriro jija — niha Pedro tirore.

²⁷ To ä ni tuhsari baharo Cornelio tirore na sãa wahaha to ya wuhuru. Tôpu sãa saro masa peri tí wuhuru cahmachu tirore cohtinare ñuha Pedro. ²⁸ Tinare ñuno õ sehe ni yahuha tinare:

—Judio masano jipaihta pa curua macaina musa mehne jicu, musa wuhusepu sãacu, judio masa sã dutiare yuhdurucai nija yuhu. Tíre

noano masina musa. Wiho mejeta pa curua macainare “Ñaina jira”, yähure ni dutierare Cohamacu. Tíre ni yahuhre yähure tiro. ²⁹ To ä nichu tuhocu õpüre musa cahapure tahi. Musa yähure pjirocachu “Ne wahaeraja”, nierahi. ¿Dohse jiro baro yu õpu tachu cahmari musa? — niha Pedro tinare.

³⁰ To ä nichu tuhoro Cornelio sehe õ sehe niha:

—Pititia dachori wahara, Cohamacu yairo anjo yähure to bajuari baharo. Tí dachore tres jichu, ahri hora waroihta Cohamacure yu sinino watoi anjo minoa suhti tiriro yu cahai ducuhre.

³¹ Ä ducuro tiro yähure õ sehe nihre: “Cornelio, mahu Cohamacure mu sinichu tiro tuhohre. Ä yoa pjacuoinare ti cahmaare mu wachu noano masino, Cohamacu mähure yoadohorohca. ³² Ä jicu Jopepu mu mähare warocaga, Simore, Pedro wama tirirore mu caharu ti na tahto sehe. Tiro paio Simo wahiquina cahsari cahnoriro ya wahu, pjiri ma duhtu cahai jiri wahu jira tiro. Mu caharu wihiro mähure yahurohca”, ni yahuhre yähure tiro. ³³ To ä nichu tuhocu dóicãta yu mähare mähure na ta duticu warocahi yuhu. Ä jicu noano yoacu tari jira mahu sã cahapure. Ä jina sã jipihtina õre Cohamacu to ñurocaroi jina nija sã. Jipihtiare Cohamacu mähure to yahu dutirore taho duana, cohtahi sã —niha Cornelio Pedrore.

Pedro Jesu yare yahuha

³⁴ To ã nichu tuhoro, Pedro õ sehe ni yahuha:

—Mipũ masija. Potocã tjira. Cohamacũ cãno potori noano yoara marine. ³⁵ ã jiro jipihtia macari macaina Cohamacũre cua pisaro ti ñuchũ, noaare ti yoachũ Cohamacũ sehe tinarẽ ñũ wahchera. ³⁶ Cohamacũ sã judio masa cahai Jesucristore noaa buheare yahuhtirore warocare. Masa Cohamacũ mehne noano ji masica Jesu to yaria masa mũjano mehne. Tí buheare mũsa masina. Jesucristo sehe jipihtina masa pũhoro jira. ³⁷ João bautisariro masare, “Mũsa ñaa yoari buhiri tiare masiga”, ni yahu, to bautisari baharo, Galileapũ noaa buheare Jesu sehe yahu dũcare. Baharo Judea yahrapũ cũhare tí buheare yahu pahõore. ³⁸ Ahriro Jesu Nazare macarirore Cohamacũ sehe to tuaare Espĩritu Santo mehne to yoa masihtire ware Jesure. ã jiro Jesu noano yoaro wahare. ã waharo watĩa sãanohrinare, ñano yũhdũinare jipihtinare noaina wahachũ yoare. Cohamacũ Jesu mehne jiri jire. ³⁹ Judea yahpai, Jerusalẽ cũhare jipihtia to yoarire sã ñũhi. Baharo tina crusapũ cjã puha wajãhre tirore. ⁴⁰ Wiho mejeta tia dacho wahaboroi Cohamacũ tirore masori jire. Maso, Jesure sãre bajuachũ yoari jire Cohamacũ. ⁴¹ Tí pjare Jesure jipihtina ñũerare. Sã dihtare

bajuahre tiro. Cohamacũ to cahmainare, Jesure ñũ, painapũre yahuhtinare panopũ sãre beseha. Sã sehe Jesu to masari baharo tiro mehne chũ, sihnihi. ⁴² ã jiro tiro sãre õ sehe ni dutihre. “Masare õ sehe ni yahuga. Yũhũ Jesu jipihtina catinare, yariaina cjiri cũhare ti ñaa yoari buhiri tiare yahuhtiro buhiri dahrehtiro yũ jichũ yoare yũhũre Cohamacũ. ã jina tíre masare yahuga”, ni dutihre Jesu sãre. ⁴³ Dohse jiina baro Jesure ti wacũ tuachũ ñũno Cohamacũ ti ñaa yoari buhiri tiare borohca. Tíre jipihtina Cohamacũ yare yahu mũhtaina cjiri panopũ macaina yahuyuha —ni yahuha Pedro.

Judio masa jierainapũ cũhare Espĩritu Santo sãarũcũ sua wahaha

⁴⁴ Tí jipihtiare to ã ni yahuro watoi, jipihtina tíre tuhoinapũre Espĩritu Santo sãarũcũ sua wahaha. ⁴⁵⁻⁴⁶ Tinapũre to sãarũcũ sua wahachũ, tuhõ mahnoeraa dũseri mehne wahchea mehne durucu dũcaha tina. Tí dũseri mehne Cohamacũre “Tuariro, noariro jira mũhũ”, nia niha. Ti ã nichu tuhõha Pedro mehne tarina judio masa, Jesu yaina. ã tuhõa Espĩritu Santo judio masa jierainapũ cũhare to sãarũcũ su yoadohochũ ñũa, judio masa sehe cũaa wahaha. ã jiro Pedro õ sehe ni yahuha judio masare:

⁴⁷ —Mari yoaro seheta Espĩritu Santore cjũara ah-

rina cūhū. Ā jina tina bautisa duaa ti sinichū, tinare, ducataena tjijihna —niha Pedro tinare.

⁴⁸ Ā ni tuhsū judio masa jierainare Jesu yaina ti jiare űohto sehe bautisa dutiha Pedro. Ti ā yoari baharo “Sā mehne mahaa dachoricā tjuasiniga”, niha tina Pedro cūhūre.

11

Pedro Jerusalē macainare Jesu yainare yahuha

¹ Ā yoa judio masa jieraina cūhū Cohamacū yare ti noano cahmachū Jesu to cūrina sehe ti coyea Judeapū jiina mehne tūhorocaha. ² Ā jia Pedro Jerusalēpū to tju sūchū űūa judio masa Jesu yaina mahainacā tirore ō sehe ni tuhtiha:

³ —Judio masa jierainare dohse jiro baro űūi sūri mūhū? ¿Dohse jiro baro tina mehne chūri mūhū? —ni tuhtiha Pedrore tina.

⁴ Ti ā nichū tūhoro Pedro to yoari cjirire yahu pahūoha tinare. Ō sehe ni yahuha:

⁵ —Yūhū Joperū jicū Cohamacūre sinii nihi. Ā jiro yūhūre ō sehe bajuahre. Pjiri cahsaro pititia sohtoarire dūhteri cahsaro mūanopū yū cahai to duji tachū űūhi. ⁶ Ā jicū tí cahsarore noano űūhi “¿Yaba baro tí cahsaropūre jijari?” nicū. Ā jicū űūhi tí cahsaropūre jiiinare: Tí cahsaro puhichapūre payū wahiquina, būa tiniina, chihchōina, wūina peri cūhū jire. ⁷ Ā jicū yūhūre to

durucuchū tūhohi. “Pedro, wahcārucaga. Wajā chūga ahrinare”, nino coa tahre yūhūre. ⁸ To ā nichū tūhocū ō sehe nihi yūhū: “Pūhtoro, ne tina barore chūeraja yūhū. űainare, Cohamacū to chū dutierainare ne chūera tihi yūhū”, nihi yūhū. ⁹ Wiho mejeta mūanopū pari turi yūhūre durucuro coa tahre tjoa. “Cohamacū ‘Noaina jira’ to niinare, ‘űaina jira’, nii tjia mūhū”, nino coa tahre yūhūre. ¹⁰ Ā jiro tia taha sū ā ni durucuri baharo tí cahsaro mūanopū mūjahre tjoa. ¹¹ Yū ā űūno watoi tiaro mūa sū jiri wūhūpū sūri jihre. Tina Cesarea macariro to warocarina jiri jihre. ¹² Ā jiro Espiritu Santo sehe yūhūre tina mehne waha dutiro, “ ‘Tina űaina jira’, nii tjia tinare”, ni yahuhre yūhūre tiro. Ā jia ahrina seis mehne yū coyea Jesu yaina mehne Cesarea macariro ya wūhūpū sūahi sū. ¹³ Ā jiro tiro sūre ō sehe ni yahuhre: “Anjo yū wūhūi ducuchū űūhi yūhū. Ō sehe ni yahuhre yūhūre: ‘Joperū Simore Pedro wama tirirore na ta dutiga. ¹⁴ Tiro mūhūre mū coyea mehne mū sare jipihtinare pichacapū wahaborina mūsa yūhdūhtore yahurohca’, nihre anjo yūhūre”, ni yahuhre Cesarea macariro yūhūre. ¹⁵ Ā yoa yū durucuro watoi Espiritu Santo sehe tinapūre sūarucū sūahre, marine to yoa mūhtariro seheta. ¹⁶ Ā

jicu Jesu to yahurire wacūhi yuhū. Ō sehe ni yahuhre tiro: “João m̄sare bautisaro, copū yoamahre. Yuhū sehe tí yuhdoro yoaihtja m̄sare. Baharo Espiritu Santore m̄sa mehne jirucuchū yoaihtja m̄sare”, ni yahuha. ¹⁷ Ā jiro Jesucristo mari puhtorore mari wacū tuachū ñūno Cohamacū to Espiritu Santore wahre marine. Ā jiro Cohamacū marine to Espiritu Santore to wariro seheta judio masa jieraina cūhure tiro wahre. Cohamacū to ā yoachū ñūca tirore yuhdurūca masieraja yuhū —niha Pedro tinare, judio masare Jesu yainare.

¹⁸ To ā nichū tūhoa, tina tirore ne ni namoeraha. Ā ni namoeraa, Cohamacūre wahche payo, tina ō sehe niha:

—Tí pja pini judio masa jieraina cūhure Cohamacū cahīri jira. Ti ñaa yoari buhiri tiare masi, Cohamacūre cahma, tina cūhū Cohamacū mehne ā catirucuahca —niha tina.

Antioquíai paina Jesu yaina jiha

¹⁹ Ā yoa Estebāre ti wajāri baharo masa Jesu yainare ñano yoaha. Ti ā yoachū ñūa Jesu yaina duhti sitea wahaha. Ā jia tina Feni-ciarpū, Chiprepū, Antioquíarpū cūhure waha site, tórpure judio masa dihtare Cohamacū yare yahuha timaha tina. ²⁰ Wiho mejeta paina Jesu yaina mehne macaina Chipre macaina, Cirene macaina,

Antioquíarpū sū, judio masa jierainare Jesu yare buheha Cohamacū tinare to yuhdohto sehe. ²¹ Ti ā buhechū, Cohamacū tinare yoadohoha. Ā jia masa payū Cohamacūre cahma dūca, mari puhtoro Jesure wacū tuaha.

²² Ā yoa “Antioquía macainarpū Jesure cahmaca”, ni tūhorocaha Jerusalē macaina Jesu yaina. Ti ā tūhorocari baharo Jerusalē macaina Bernabé wama tirirore Antioquíarpū warocaha. ²³ Tórpū sūro, Cohamacū yoadohoa mehne judio masa jieraina to yaina ti wahachū ñūno, tuaro wahcheha. Tuaro wahche, tiro tó macainare ō sehe ni yahuha:

—Jesure ā wacū tuarucuga. To yare ne duhuena tjiga —ni yahuha tiro jipihtina tinare.

²⁴ Bernabé noariro jiro, Espiritu Santo dutiare yoariro Jesure noano wacū tuaha tiro. Ā jia to buheri baharo Jesure wacū tuaina payū waha namoha tjoa.

²⁵ Baharo tiro Tarso wama tiri macarpū Saulore macano wahaha. ²⁶ Tórpū tirore boca sūha. To boca sūri baharo Antioquíarpū na majare tjuaaha Saulore. Tórpū ti sūri baharo cū cūhma waro tina Cohamacū yaina mehne cahmachu, payū masare buheha tina. Ā jia Antioquíarpū Cristo yaina Cristiano wama ti dūcaha.

²⁷ Tí pjare Cohamacū yare yahu mūhtaina Jerusalērpū jiina cjiri waha, Antioquíarpū

saha. ²⁸ Æ ti sari baharo tina mehne macariro Agabo wama tiro Jesu yaina watoi ducuro, Espiritu Santo to tuaa mehne yahuha tinare. “Jipihtiro yahpapare tuaro jucaró waharohca”, ni yahuyuha tiro. Tí pjare chua marieni pja jichu jipihtina bui puhtoro Claudio jiha. ²⁹ Æ jia Cristo buheina, jipihtina ti cjuaro puro ti coyeare wa duaa ti basi cahma durucuha. “Judea yahpa macaina Jesu yainare niñerure warocajihna”, niha tina ti basi. ³⁰ Ti ã niri baharo Bernabé Saulo mehne tí niñerure na wahcãbasaha. Tópꝛꝛ sua Judea yahpa macainare Jesu yaina puhtoare waha tí niñerure pja cuoinare tju wa dutia.

12

Pedrore peresu yoaha

¹ Tí pjare puhtoro Herode cãinare Jesu yainare ñano yoa ducaha. ² Tiro João wahminore Santiago sehere yoari pji mehne to wajã dutichu pairo sehe tirore wajãha. ³ Santiagore to wajãchu judio masa wahcheha. Ti wahcheare Herode masino, “Æ dihta cahmana tina”, nino Pedro cãhure peresu yoaha. Tí dachorire bucãaerari pãore ti chahti bose namari pascua jiha.

⁴ Æ jiro Herode Pedrore ñaha, peresu yoaha. Peresu yoa diez y seis surarare cohta dutiha tirore. Pititiaro surara cohtaha tirore. Baharo pititiaro ti cohtotaina tirore cohta mujaa tiha.

Æta yoaha tina diez y seis surara. Herode sehe pascua baharo Pedrore peresupu jirirore masa panoi duhu dapo duamaha tirore wajã dutiro taro. ⁵ Æ jiro Pedro peresupu jiha. Tópꝛꝛ to jichu Jesu yaina sehe Cohamacure tuaro sini payorucua niha tirore.

Cohamacu peresupu jirirore Pedrore wioha

⁶ Æ yoa ñamine Pedro puaro surara mehne comaa dari mehne ti duhteriro jiha. Æ ti duhteriro jiro, ti watoi carino niha. Æ yoa paina surara sopacai cohtarucua niha tirore. Tí ñami bohrearo Herode Pedrore judio masa panoi duhu dapo duamaha tirore wajã dutiro taro. ⁷ Wacũenoca Cohamacu yairo anjo Pedro cahai to ducuchu to peresu jiri tahtia buhria pihtia wahaha. Æ jiro anjo Pedro cahai ducuro Pedro patipahmai be careha, tirore wahcõno.

—Cjero wahcãrucaga — niha tiro Pedrore.

To ã nichuta to wamacarine ti duhtea dari comaa dari parĩ site boraa wahaha. ⁸ Æ yoa anjo tirore õ sehe ni yahuha:

—Tũã dihoga mu tuã dihori dare. Mu dahpo suhti cãhure sãaga —niha tiro.

To ã nichu Pedro sehe to niriro seheta yoaha.

—Mu bui macari suhtirore sãa, yuhu mehne wahaga — niha anjo.

⁹ To ã nichu tí tahtiapu jiriro wijaa, anjo baharo

wahaa wahaha tiro. Ā wahaparota ō sehe ni tūhotumaha tiro. “¿Ahri potocā jieracari? ¿Cahāi nicari yūhū?” ni tūhotumaha tiro. ¹⁰ Ā yoa tina to jiri tahtia sopacai ducuina surarare yūhdū wahcā, paina yoawacūno ducuina cūhare yūhdū wahcā, pjiri sopacapū sūha. Tí sopa pahma, comaa pahma macapū wahari mahare dūcatari pahma jiha. Tí sopa pahma to mū sūro parīchū tina wijaa wahaha. Wijaa waha, tina mahapū mahano wahachūta, anjo sehe buti mūa wahaha. Ā jiro Pedro cūirota tjuaha. ¹¹ Ā tireore anjo to wahari baharo to yoirire Pedro masiha. Ō sehe ni tūhotuha tiro. “Potocā tjira. Anjo Cohamacū to warocariro peresupū jirirore yūhare wioro wihihre. Mipū tīre masija to ā yoirire. Judio masa sehe yūhare ti űano yoaborire Cohamacū sehe tinare yoa dutierare. Ā jiro yūhare, Herode to peresu yoirirore wiohre”, ni tūhotuha Pedro.

¹² To ā ni tūhoturi baharo María João pocoro ya wūhūpū sūha Pedro. João sehe pa wama Marco wama tira. Tí wūhūpū masa payū cahmachu, Cohamacūre sinia niha. ¹³ Tí wūhūpū sūro, Pedro sopa pahmare dotaha. Cūcoro tī cahamacono Rode wama tiricoro to dotachū tūhoro, űūno sūha ticoro. ¹⁴ Ā yoaro Pedro ticorore to pisuchū tūhoro to durucuare tūho masi, tuaro wahche,

sopa pahmare pjōboricoro pjōeraha. Pedro tōi to ducuchūta ticoro majarerūca mūroca sūa wahaha painare yahuro waharo.

—Pedro sopacapū wihihre —ni yahuro sūaha.

¹⁵ To ā nichū tūhoa, tí wūhūi jiina sehe:

—Ā ninocaco nica mūhū —niha tina ticorore.

—Potocā tjira. Potocā nicota nija —niha ticoro.

To ā nichū tūhoa:

—Tiro jieraca. To yairo anjo wihiro nica —nimaha tina sehe.

¹⁶ Tí ā nino watoi Pedro sopa pahmare āta dotarucuro niha. To ā yoachū tūhoa, tina sopacare pjōo, tireore űū, cūaa wahaha. ¹⁷ Ā jiro tiro Pedro to wamomaca mehne “Dihta mariahga” ni, Cohamacū peresupū tireore to wiorire yahuha tinare:

—Ahrire yahuga mūsa pūhūtoro Santiagore, paina Jesu yaina cūhare —niha tiro.

Ā ni yahu tuhsū tiro pa sehēpū yūhdū wahcāa wahaha.

¹⁸ Ā yoa bohrea bora tachū surara Pedro to dohse yoa wijaarire ne masieraha. Ā masieraa cūaa wahaha. ¹⁹ Ā jiro Herode Pedrore maca dutimaha. Ā dutiro tiro surarare peresu cohtainare to sinituri baharo tinare wajā dutiha Herode sehe. Ā jiro Herode Judeapū jiriro waha, Cesareapū jiro wahaha.

Herode yariaa wahaha

²⁰ Ā yoa Tiro wama tiri maca macaina mehne, Sidō macaina mehne Herode sehe

13

suaha. To ã suach_u ñ_ua tí macari macaina sehe Herode tina mehne to suarire cahnoa waha, tiro mehne durucua wahaha. ã jia to docai jiro p_uhtorore Blasto wama tirirore piti tiha. ã jia tina Blasto to yoadohoro mehne Herode cahap_u suha. Tiro cahap_u suha, õ sehe niha:

—Mari noano jijihna. Mari basi ñ_u tuhtiena tjijihna —ni siniha tina Herodere.

Tina ya yahpa macaina Herode ya yahpai ch_uare boca tiha. ã jia Herode tinare ñ_u tuhtich_u cahmaeraha tina. ²¹ ã yoa Herode to quihõri dachoi, p_uhtoro to sãa suhti noaa suhtire sãa tiha tiro. ã sãano tiro to dujiroi dujitjiãhno, masare durucu ñ_oa tiha. ²² To ã durucu ñ_och_u tuhoa masa sehe õ sehe ni sañurucuha:

—Ahiro durucuriro masano jierara. Cohamac_u jira —ni sañurucu payomaha tina Herodere.

²³ Ti ã nich_uta Cohamac_u yairo anjo Herodere dohatich_u yoaha. Cohamac_ure ñ_o payoeraro, “Cohamac_u jieraja y_uh_u”, ne nieraha Herode. To ã nierari buhiri anjo tirore dohatich_u yoaha. To ã dohatich_u tirore dachoa ch_u wajãnocaha.

²⁴ ã yoa Jesu yaina pay_u masare Jesu ya buheare buhea tiha.

²⁵ ã jia Bernabé, Saulo mehne buhe tuhs_u, Jerusalēp_u tjuaa wahaha. ã jia João Marco wama tirirore tina na wahcãha tina mehne.

Jesu yaina Bernabére Saulo cãh_ure Cohamac_u yare buhe dutia warocaha

¹ Tí pjare Antioquíap_u Cohamac_u yaina mehne macaina Cohamac_u durucua yahu turiaina jiha. ã yoa Cohamac_u to joa na dutiri cjirire, Jesu yaina ti yoaa tiare yahuina cãh_u jiha. Bernabé, Simo Negro wama tiro, Lucio Cirene macariro, Menahem, Saulo mehne tina jiha. Menahem sehe p_uhtoro Herode cjiro mehne tina p_uaro cãno potori buc_uaina jimaha. ² Cã n_um_u tina Jesu yaina ch_u duhu, Cohamac_u yare ti buhero watoi Espíritu Santo õ sehe ni yahuha tinare:

—Bernabére, Saulo mehne cãga y_u cahmano sehe yoahinare. Tíre yoahinare bese cãi nija tinare —niha Espíritu Santo.

³ To ã nich_u tina sehe ch_u duhu namo, Cohamac_ure sini, Bernabé dapu bui Saulo dapu bui ti wamomacarine duhu payoha. ã duhu payoa tinare buhe dutia warocaha.

Chiprep_u Jesu to cãrina buheha

⁴ ã jia tina Espíritu Santo to warocaina jia, Seleuciap_u s_u, tí macare dohoriap_u samu, Chipre wama tiri n_ucop_u pahãha tina. ⁵ ã pahãa, Salamina wama tiri pitamahap_u wahã suha. Tí macai judio masa buhea w_uh_usep_u, Cohamac_u yare yahu d_ucaha tina. ã yoa João Marco

cũhu tina mehne jiro, tinare yoadohoha. ⁶ Tuhsu, tina tí nũco sohtoai maja, tí nũco topai jiri macapũ Pafo wama tiri macapũ sũa, yairore boca sũha tina. Tiro judio masũno, Barjesu wama tiro jaha. Barjesu griego ya mehne nia Elima ti ni pisuriro jaha. “Cohamacũ yare yahu mũhtariro jija yũhu” ni, masare mahũoperucuriro jaha tiro. ⁷ ã yoa tiro Sergio Paulo wama tiro mehne macariro jaha. Sergio Paulo sehe tí nũco macaina pũhtoro masi pahũoriro jaha. ã jiro Cohamacũ yare tũho duaro tinare Bernabé, Paulo mehne pjirocaha tiro. ⁸ Wiho mejeta Elima yairo sehe tinare buhe dutieraha. Tiro Sergio Paulo Jesu yare to ño payochũ cahmasãeraha yairo sehe. ã jiro Sergio Paulore Cohamacũ yare cohã dutiro nimaha. ⁹⁻¹⁰ To ã dutipachũta Saulo, Paulo ti niriro Espĩritu Santo dutiare yoariro jiro yairore noano ñũ diho cũ tirore õ sehe ni yahuha:

—Mũhu mahũoa payuriro, ñariro, watĩno to dutiare yoariro, noaare ñũ yabiriro jira mũhu. ¿Dohseacũ Cohamacũ yare “Ñaa jira. Mahũoa jira”, ã nirucujari mũhu? ¹¹ Mũhu ã yoariro jicũ Cohamacũ mũhũre to pihachũ capari bajuerariro jiihca mũhu. ã jicũ mahaa dachoricã mũhu ahri dachore ñũsinisi —niha Paulo.

To ã nichũta tiro yairo sehe me yoaro sehe jiare ñũ mũhtano, baharo nahitiano

dihtare ñũha. ã jiro tirore tũãhtirore macaha tiro. ¹² To ã wahachũ ñũno, Sergio Paulo sehe Jesu yare “Potocã tjira”, ni masiha. Mari pũhtoro yare tiro tũho, cũaa waha, Jesure wacũ tua dũcaha.

Paulo Bernabé mehne Antioquĩai Pisidia yahpai jiri macai jaha

¹³ ã yoa Paulo cũhu Pafopũ jiina dohoria mehne pahã turia waha namo, Pergepũ sũha. Perge Panfilia yahpapũ jira. Tópũ sũ, João Marco tinare cohã wahcã, Jerusalẽpũ majare tjuaa wahaha. ¹⁴ To ã wahapachũta tina sehe Pergepũ jiina waha namo, Antioquiapũ sũha. Antioquiã Pisidia yahpapũ jira. Tópũ sũa, Sabado dacho jichũ tina judio masa buheri wũhũpũ sãa sũ, tópũ dujiha. ¹⁵ Tí wũhu macaina pũhtoa Cohamacũ dutiare, Moise cjiro masare to cũrire, ã yoa Cohamacũ yare yahu mũhtaina cjiri ti joari cjirire ti buhe ñori baharo tina pjirocaha Paulo cũhũre:

—Coyea, ¿masare wahchechũ yoahiti cjihti mũsa yahu duaa jijari? Tĩre yahu duana, yahuga michapucacã —niha tí wũhu macaina pũhtoa.

¹⁶ Tí ã nichũ tũhoru, Paulo wahcãrũcũ sũ, “Durucuena tjiga”, nino to wamomaca mehne cjã tuha. Tí dihta mariachũ ñũ, tiro õ sehe niha:

—Israe masa, ã yoa mũsa Israe masa jieraina, Cohamacũre ño payoina, tũhoga mũsa. ¹⁷ Mari ñũchũsuma cjiri Cohamacũre ño payoa

tiha. Tina cjirore Cohamacu besea tiha. ã jia mari ñuchusuma cjiri yoari pja Egiptoru jia tiha paina jipahta. Tõru ti jichu Cohamacu noano yoaa tiha tinare. ã jia payu masaputia tiha tina. Õ sehe yoaa tiha tinare. Tinare Egiptoru jiiinare to tuaa mehne wioa tiha Cohamacu. ¹⁸ To ã wiori baharo tina cuarenta cõhmari waro masa marienoru tinia tiha. Tõru tirore ti yõhdurucachu Cohamacu ãta tãhotunocaa tiha. ¹⁹ Tuhsu, Canaa wama tiri yahpare siete curuari macainare cohã tuhsu, Cohamacu ti yahpare waa tiha Israe masa sehere. ²⁰ Israe masa Egiptoi ti ji ducachu, ru Cohamacu ahri yahpare to wachuru cuatrocientos cincuenta cõhmari waro yõhdua tiha. Baharo Israe masare dutihtinare cõa tiha Cohamacu tinare. Ru, Cohamacu to cõrina Samue to jichuru ji batoa tiha. Samue sehe Cohamacu yare yahu mãhtariro cjiro jia tiha.

²¹ Baharo Israe masa sehe ti pãhtoro cjihtore macaa tiha. ã jia Cohacure sinia tiha. Ti ã sinichu ñano Cohamacu Saulo cjirore cõa tiha tinare. Saulo cjiro Cis macano jiro, Benjami ya curua macariro jia tiha. ã yoa cuarenta cõhmari waro ti pãhtoro jihtiro cjihtore cõa tiha Cohamacu tiro cjirore. ²² Cohamacu Saulo cjirore to cohãri baharo Davi cjirore cõa tiha tiro. Õ sehe nia tiha Cohamacu Davi

cjirore: “Davi Jesé macunore bocahi yõhu. Tiro mehne wahcheja yõhu. Tiro yõ cahmaare yoarohca”, nia tiha Cohamacu. ²³ Ahriro Davi cjiro to panamino jii turiariro jira Jesu. Cohamacu Jesure cõri jire Israe masare yõhdohtiro cjihto. “Masare noano yoaihca”, niha Cohamacu. To niriro seheta yoare tiro. ²⁴ To ã yoahito pano Jesu to tahto pano João cjiro õ sehe ni buheri jire: “Musa ñaa tãhotumari cjirore tãhotu cohtota, Cohacure macaga. ã yoana bautisarina jiga”, ni buheri jire João cjiro jipihtina Israe masare. ²⁵ João cjiro to buhe batoahito pano, to yariahto pano õ sehe ni yahua tiri jire: “¿Diro baro jijari yõhu, musa tãhotuchu? Cristo jieraja yõhu. Pairo jija. ã jipachuta tãhoga yõhure. Yu baharo yõ yõhgoro tuariro tarohca. Tiro noa yõhdurario jira. Tiro yoaro sehe jieraja yõhu”, ni yahua João cjiro masare.

²⁶ Coyea, Abrahã panamana, jipihtina Cohacure cua pisaro ñaina marine ahri to yõhdohtore yahua buheare warocari jire Cohamacu. ²⁷ Jerusalẽ macaina ti pãhtoa mehne Sabado dachori jichu Cohamacu yare yahu mãhtaina cjiri ti joarire buhepahta noano tãho ñahaerari jire. ã tãho ñahaera, Jesu tinare yõhdohtiro to jichu cõhure masierari jire. Tina ã masierapahta Jesure wajã dutiha. ã yoaa Cohamacu yare yahu

mahtaina cjiri ti joariro seheta yoaa niha. ²⁸ Tirore ti wajãhto pano tina Jesure yahusãmaha. Wiho mejeta to ñaa yoerapachuta tina Pilatore Jesure wajã dutia taa, siniha. ²⁹ Æ yoaa, panopu ti joariro seheta Jesure yoa tuhsu, tirore crusapu jirirore na boro, masa copapu tãcai ti sahari copapu na sãa, duhu payoha tirore. ³⁰ Tirore ti ã wajãpachuta tiro to yariari baharo Cohamacu masori jire tirore. ³¹ Æ jia Galileapu taina Jerusalëpu tiro mehne suna payu dachori tirore yaria masa bajuarirore ñua tiri jire. Æ jia mipure tirore ti ñurire masare yahuhre tina.

³²⁻³³ Æ jina noaa buheare yahuja sã musare. Cohamacu mari ñuchusuma cjirire “Masare noano yoaiha”, panopu to niriro seheta mipure marine tinare ji nunu ti turianare yoahre. Tíre to yahuri cjirire õ sehe yoahre tiro. Cohamacu Jesure masori jire. Æ jina Jesure to masorire yahuja musare. Salmo capítulo dosre panopu to joariro seheta ã wahari jire: “ ‘Muhu yu macu jira. Michare mahure yuhu mu pucu jiare masichu yoahi’, nina Cohamacu to macunore”, ni joaa tiha panopu. ³⁴ Æ jiro Cohamacu Jesure to masohtire pari turi to yariaerahtore yahuyuro õ sehe ni yahu joaa tiha Salmo joariro. “ ‘Davire yu pja ñuriro seheta tirore yu niriro seheta potocãta

noano yoaihtja masa cãhure’, nire Cohamacu”, ni joaa tiha. ³⁵ Tuhsu, pa Salmo cãhure õ seheta ni yahua tiha: “Cohamacu mu yairo ñaa buhiri marieriro to pjacure baa dutierara mahu”, ni joaa tiha. ³⁶ Æ jiro Davi Cohamacu to cahmariro seheta to jisiniri pja macainare yoadohoha. Baharo tiro yariaa wahaha. To yariari baharo to pucsumare ti yoariro seheta masa copapu siõ sãaha tiro cãhure. Æ jiro tiro baa wahaha. ³⁷ To ã baapachuta ahriro, Cohamacu to masoriro sehe ne baaerare. ³⁸ Æ jina masa yu coyea ahrire masiga: Jesu to yariaro mehne Cohamacu mari ñaa yoari buhiri tiare to cohãhtore musare yahuja sã. ³⁹ Æ jiro Jesure wacũ tuainare Cohamacu ti ñaa ñano yoaa, buhiri tiare bonocanoõca. Wiho mejeta Moise cjiro to cãri dutiare masa yoari mehne masa ñaa yoari buhiri tiare ne cohãsi Cohamacu. ⁴⁰ Æ jina noano yoaga. Masa noano yoerachu Cohamacu yare yahu mahtaina cjiri ti joariro seheta musare wahaboca. Õ sehe ni joaa tiha:

⁴¹ “Tuhoga masa.

Cayoã payuina, yuhure ñu
tuhtiina jira masa.

Yu õ sehe yoachu cuiga masa.

Æ jina pichacapu wahaga.

Masa jia dachorire musare
yoa ñoihtja.

Yu ã yoa ñochu ñupanahta ‘Potocã tjira’, nisi masa.

Paíro tíre m̄sare to noano yahupach̄ta ‘Potoc̄a tjira’, nisi m̄sa”, ni joaa tiha Cohamac̄u yare yahu mahtaríro cjíro —ni yahuha Paulo tinare.

⁴² To ã ni yahuri baharo judío masa buheri w̄h̄up̄u ti wijaari baharo, masa sehe tinare õ sehe ni siniha:

—Pa somanap̄u Sabado jich̄u s̄are ahrire buhega tjoo —ni siniha tina Paulore.

⁴³ Æ yoa tí w̄h̄up̄u jirina wijaa, judío masa paȳu, judío masa jieraina c̄h̄u Paulo c̄h̄u mehne wahaha. Judío masa jieraina sehe judío masa yare Cohamac̄u warore tí ño payoa tiare buheina jiha. Tí ã wahach̄u Paulo, Bernabé mehne noano yahuha tinare: “Cohamac̄u m̄sare cah̄ina. Æ jina tírore ño payoina, wac̄u tuaina ã jirucuga m̄sa”, ni buheha tina.

⁴⁴ Æ yoa pa somanare Sabado jich̄u jipihtina Jesu yare t̄ho duaina cahmachuha. ⁴⁵ Wiho mejeta judío masa sehe paȳu masare Jesu yare t̄ho duainare ñ̄ua pahsu tia wahaha. Æ pahsu tia tina soro ni durucu, Paulore ñ̄ano quití dojomehneha. “M̄sare to buhea potoc̄a jierara”, niha tina. ⁴⁶ Tí ã nich̄u t̄ho, Paulo, Bernabé mehne tinare quití dojomehnerinare cuíro marieno õ sehe ni yahuha:

—Cohamac̄u to dutíro seheta m̄sare buhe mahtamahi s̄a. Wiho mejeta m̄sa sehe tíre cahmaera tuhs̄hre. Cohamac̄u catia mehne ã catirucua

c̄h̄ure cahmaera tuhs̄hre m̄sa. Æ jina s̄a sehe judío masa jieraina sehene buhe d̄canahca. ⁴⁷ To joa dutíro cjíro mehne õ seheta dutíha Cohamac̄u s̄are:

“M̄sa judío masa jierainare buhena tinare ȳu yare noano masich̄u yoanahca m̄sa.

Æ jich̄u ahri yahpa m̄u s̄uro macainare m̄sa buhech̄u, noano yah̄ure wac̄u tuaina sehene pichacap̄u wahaborinare ȳhdoihca ȳh̄u”,

ni yahu dutíha s̄are Cohamac̄u —ni yahuha Paulo, Bernabé mehne.

⁴⁸ Tí ã nich̄u t̄ho judío masa jieraina sehe wahcheha. “Cohamac̄u ya sehe noaa jira”, niha tina.

Tópeina Cohamac̄u to cahmaina, to catia mehne ã catirucua to wa duarina Jesure wac̄u tua d̄caha.

⁴⁹ Æ jia mari p̄h̄toro Cristo yare tí yahpap̄ure yahu site pah̄ñoa. ⁵⁰ Tí ã yahu site pah̄ñoch̄u ñ̄ua judío masa jí coeraha. Æ jia tina Paulo c̄h̄ure ñ̄ano durucuha. Tóru Cohamac̄ure ño payoa numia, masa tí cua pisaro ñ̄ua numia jiha. Æ jia judío masa Paulo c̄h̄ure ñ̄ano durucuha. Tí ã ní durucuch̄u t̄ho tí numia Paulo mehne, Bernabé mehne c̄h̄ure suaha. Æ yoa tí maca macaina p̄h̄toa c̄h̄u tina mehne suaha. Æ suaa tó macaina ñ̄ano yoaha Paulo c̄h̄ure. Tí ã yoari baharo Paulo c̄h̄ure tí ya yahpai

jiinare cohã wioha. ⁵¹ Ti ã yoach_u ñ_ua Paulo, Bernabé mehne ti dahpori macaa dihta pohcarire cjã site boro cūha tí maca macaina ti ñaa yoari buhiri tiare ñoa. Æ yoa tuhs_u tina Iconiop_u wahaa wahaha. ⁵² Æ yoa tina Jesu yaina pjíro wahchea, Espíritu Santo dutiare yoaina jiha.

14

Paulo, Bernabé mehne Iconioi jiha

¹ Æ yoa Iconiop_u s_u, Paulo Bernabé mehne judio masa buheri w_uh_up_u s_ua, Jesu yare noano durucu mihnía mehne yahuha. Æ jia pay_u masa Jesure wacū tua d_ucaha, judio masa cūh_u, judio masa jieraina cūh_u. ² Wiho mejeta judio masa Jesure cahmaeraina cūh_u tina mehne jiha. Tina judio masa jierainare Jesu yaina mehne ti suach_u yoaha tjoa. Ti ã yoach_u judio masa jieraina ñano t_uhotuha Jesu yainare.

³ Ti ã t_uhotuch_u ñ_ua Paulo, Bernabé mehne tórp_u yoari pja jia, cuiro marieno mari p_uhtoro Jesu yare noano buheha. Cohamac_u masare to cahñare buheha. Æ buhea Cohamac_u to tuaa mehne yoa ñoha tina, “Ahri buhea potocã tjira”, nía. ⁴ Wiho mejeta tí maca macaina dacho macai judio masa ya buheare cahmaina tjuaha. Dacho macaihta Jesu ya buheare cahmaina cūh_u tjuaha. Tina p_ua curua tjuaha. ⁵ Æ jia judio masa jieraina, judio masa ti p_uhtoa mehne Jesu to

cūrinare ñano yoa duama, tãa mehne doca wajã duamaha tinare. ⁶ Ti ã yoa duarire masia, Paulo Bernabé mehne Licaonia yahpap_u duhti wahcãa wahaha. Tí yahpai jia macarip_u Lистра, ã yoa Derber_u s_uha. ⁷ Tórp_u s_ua, noaa buheare buheha tjoa tí macari macainare, tó cahai jiina cūh_ure.

Listrai Paulore tãa mehne docaha

⁸ Æ yoa Listrai tini masierariro jiha. Tiro wahma masa bajarop_uta tini masierariro jiro ne tinieraa tiha. ⁹⁻¹⁰ Æ jiro tiro Paulo to buhech_u t_uho_ua. To t_uhoro watoí Paulo sehe tiro dihtare ñ_ua.

—Ahríro Jesure wacū tuara. Æ jiro tiro noariro waha duara —ni t_uhotuha.

Æ ni t_uhoturo tuaro mehne durucutjiãhno ò sehe niha Paulo tirore:

—Wahcãr_ucaga —niha Paulo tirore.

To ã nich_u t_uhorota tini masierariro sehe pu s_ur_uc_u s_u, wahaa wahaha. ¹¹ Paulo to ã yoach_u ñ_ua masa ti ya mehne, Licaonia ya mehne ò sehe ni sañurucuha:

—Ahrina cohamana, m_ua yoaro sehe bajuina m_uanop_u jiina mari cahap_u duji tari jira —ni sañurucuha tina.

¹² Æ jia tina cohamanare ti ni pisua wamari mehne tinare ni wama pisuha. Tina Bernabére “Zeus”, ni pisuha. Æ yoa Paulo buhe m_uhtaríro to jich_u ñ_ua, “Hermes”, ni pisuha tina tirore. ¹³ Æ jiro Zeusre ño payoina ya w_uh_u tí maca d_uht_u cahai

jiha. ã jiro Zeus yaina ti sacerdote sehe wachuare cohorì mehne macapũ sãa tari sopaca cahapũ na taha. Zeusre ño payo duaro to wachuare jã mũono, Paulore, Bernabére wa duamaha tiro, to masa mehne. ¹⁴Ti ã yoachũ ñũa Paulo, Bernabé mehne ti basi ti ya suhtire tuhřerocaha ti cahyaare masare ñoa. Tuhřeroca tuhsũ masa watoi mũrocaa, õ sehe ni sañurucu wahcãha tina:

¹⁵—Mũsa õ sehe yoaena tjiga. Sã cũhũ mũsa yoaro seheta masa jija. Õ sehe mũsa yoaa ne yaba cjihti jierara. ã jina mũsare buhena tahi mũsa õ sehe yoaare duhu dutina tana. Ahri cohamana mũsa niare, mũsa yoaa, wiho jia masũri jira. Tí masũrine cohãga. ã jina Cohamacũre catiriro sehere ño payoga. Cohamacũ sehe mũanore, yahpare, pjiri mare, jipihtiare yoariro jira. ¹⁶Panopũre tiro jipihtia macari macaina ti yoarire ã ñũnocaha. ¹⁷Wiho mejeta tiro to jia tiare ñona masare. Tiro masare noaare yoa, coro tachũ yoa, dichare wa, masare chũare ã warucura. To ã wachũ masa wahchera. Tó seheta tiro to jia tiare ñona masare —niha Paulo, Bernabé mehne.

¹⁸Wiho mejeta ti ã nichũ tuhopahta masa wachuare wajã jã mũo tinare ño payo duamaha. Tó sehe ti ño payo duachũ ñũa tinare ã yoa dutieraha Paulo cũhũ. Ti ã yoaare duhu duaerapahta duhuha tó macaina sehe.

¹⁹ã yoa paina judio masa Antioquía macaina, Iconio macaina cũhũ Listrapũ sũha. Tópũ sũa, Paulore ñano durucuha tjoa judio masa. Ti ã ni durucuchũ tuhõa masa tiro mehne suaha. ã suaa tãa mehne docaha tirore. Tãa mehne tirore doca tuhsũ “Ahriro yariaa wahara” nia, ti maca duhtũ cahapũ tirore waja sũ cũnoca, wahaa wahaha. ²⁰Ti ã yoari baharo Jesu yaina Paulore ñũa wahaha. Tiro cahai ti cahmachurũcũ sũchũ waro Paulo wahcãrũca, tina mehne macapũ wahaa wahaha. ã yoa pa dachoi tiro Bernabé mehne Derbepũ wahaha.

²¹Tópũ sũ, tina noaa buheare tó macainare ti yahuri baharo, payũ masa Jesure wacũ tuaina ji ducaha. ã yoa baharo tina ti sũa macaripe Litra, Iconio, Antioquíapũ majare tjuaa wahaha. ²²Tí macaripũ sũa tí macari macainare Jesu yainare noaa buheare yahua, tinare noano yajeripohna tichũ yoaha. ã Jesure wacũ tuarucu dutia õ sehe ni yahuha tinare:

—Cohamacũ to jiropũre mari sũhto pano, tuaro marine ñano yuhũaro cahmana —ni yahuha.

²³ã jia macaripe macainare Jesu yainare ti pũhtoa cjihtire cũha Paulo Bernabé mehne. Cũ tuhsũ, ti chũ duhuri baharo Cohamacũre õ sehe ni sini payoha:

—Pũhoro, ahriina mũ yainare ñũ wihboga —ni sini payoha tina Cohamacũre ti wacũ tuarirore.

Paulo Bernabé mehne Antioquíarᵐ ti ji mᵐhtari macarᵐ tjuaa wahaha

24 Ti ã yoari baharo tina Pisidia yahparᵐ jirina cjiri wahaa wahaha Panfilia yahparᵐ. 25 Tóprᵐ sᵐ, Pergepᵐre tina buhe tuhsᵐ Atalia wama tiri macarᵐ wahaa wahaha. 26 Tí macarᵐ sᵐ, Antioquíarᵐ tjuaa, dohoria mehne pahãa wahaha. Tí macaihta panopᵐ ti jisinchᵐ Jesu yaina Cohamacᵐ yare buhe dutia Paulo cᵐhᵐre warocaha. Æ warocaa:

—Cohamacᵐ mᵐ cahña mehne ahrinare ñᵐ wihboga —ni warocaha tina.

Æ tju sᵐa tinare ti buhe dutirire buhe tuhsᵐa Paulo, Bernabé mehne. 27 Antioquíarᵐ ti tju sᵐri baharo Jesu yaina mehne cahmachu, Cohamacᵐ to tuaa mehne ti yoarire yahu pahñoha tina. Judio masa jieraina cᵐhᵐ Cohamacᵐ yaina ti waharire yahuha tina. 28 Æ jia Paulo cᵐhᵐ tóprᵐre Jesu yaina mehne yoari pja jiha.

15

Jerusalēprᵐ Jesu yaina cahmachuha

1 Æ yoa Judea yahpa macaina mahainacã Antioquíarᵐ sᵐa, Jesu yainare õ sehe ni buhe dᵐcaha tina:

—Cohamacᵐ to dutiare Moise cjirore cūno õ sehe ni cᵐha. Jipihtina ti pjacᵐre mahari cahsarocãre ti yihsohtore yahu cᵐha Moise cjirore. Mᵐsa tíre yoerachᵐ

Cohamacᵐ mᵐsare yᵐhdosi —ni buheha tina tó macainare.

2 Ti ã ni buhechᵐ tᵐhoa Judea yahpa macaina sehe cahma sayoha Paulo cᵐhᵐre Bernabé mehne. Ti ã cahma sayori baharo Jesu yaina sehe Paulore, Bernabére paina tó macaina cᵐhᵐre Jerusalēprᵐ warocaha. Judea yahpa macaina ti buherire Jesu to cᵐrinare Jesu yaina pᵐhtoa cᵐhᵐre sinitu ñᵐ dutia warocaha Paulo cᵐhᵐre.

3 Æ jia Jesu yaina tinare ti warocachᵐ waha, Fenicia yahpare sᵐ, yᵐhdᵐ wahcã, Samaria yahparᵐ sᵐha. Tí macaripᵐ sᵐa, judio masa jieraina Cohamacᵐ yare ti cahma dᵐcarire yahuha tina tó macainare. Ti ã yahuchᵐ tᵐhoa tó macaina Jesu yaina tuaro wahcheha.

4 Æ yoa tina Jerusalēprᵐ ti sᵐchᵐ ñᵐa tó macaina Jesu yaina, Jesu to cᵐrina, to yaina pᵐhtoa mehne wahchea mehne noano piti bocaha tinare. Ti ã piti bocachᵐ Paulo, Bernabé mehne Cohamacᵐ to tuaa mehne ti yoarire yahuha tina Jerusalē macainare. 5 Wiho mejeta tóprᵐ fariseo curua macaina Jesu yaina mahainacã jiha. Æ jia tina tóprᵐre wahcārᵐca, õ sehe ni yahuha:

—Tinare judio masa jierainare ti pjacᵐre mahari cahsarocãre yihsooro cahmana. “Cohamacᵐ Moise cjirore to dutirire yoaga mᵐsa cᵐhᵐ”, nino cahmana tinare —niha tina fariseo curua macaina cᵐhᵐ.

6 Ti ã nichu tãhoa Jesu to cõrina, to yaina pãtoa mehne ti ã nirire cahnoa taa, cahmachuha. 7 ã cahmachua tina payu ti durucuri baharo Pedro wahcãruca, õ sehe ni yahuha tinare:

—Coyea, panopu yãhure m̃sa mehne jirirore Cohamacu õ sehe yoa dutiro yãhure cõre. Tiro yãhure noaa buheare judio masa jierainare yahu dutiro cõre. Tinare Jesure wacũ tua dutiro yãhure tinare buhe dutire. 8 Cohamacu masa ti tãhotuare masina. ã jiro tiro judio masa jierainare to yaina to yoarire ñono taro tiro Espõritu Santore ware tinare, marine to yoariro seheta. 9 ã waro tiro marine tina cãhure cãno potori noano yoare. Tina tirore ti wacũ tuachu ti ñaa buhirire bore tiro. 10 Mari sehe Cohamacu Moise cjirore to cõri dutiare cãno pjaeraja. Mari ñuchusuma cjiri cãhu cãno pjaeraha. ¿ã mari cãno pjaerapachuta dohse yoana Jesu yainare judio masa jierainare tãre yoa duti duajari m̃sa? ã yoa dutina Cohamacu tinare to yoarire “Quihõno wahaerara”, nina nica m̃sa. 11 Wiho mejeta õ sehe sã tãhotuja. Mipure judio masa jieraina yoaro seheta mari cãhure mari pãhtoro Jesu cahã mehne Cohamacu yãhdorohca. Dutiare mari yoaa mehne marine yãhdosi —niha Pedro tinare.

12 To ã nichu tãhoa jipihtina dihta mariea wahaha. Ti ã di-

hta mariachu Paulo, Bernabé mehne judio masa jieraina watoi Cohamacu tuaa mehne ti yoa ñorire yahuha tinare. 13 ã ti yahu tuhsari baharo Santiago õ sehe ni yahuha:

—Coyea, tãhoga yãhure. 14 Cohamacu judio masa jierainare to yaina cjihtire to coã yoarire yahu tuhsãhure Pedro. 15 Panopu macaina Cohamacu yare yahu mãhtaina cjiri ti yahuriro seheta ã wahahre judio masa jierainare. Õ sehe ni Cohamacu yare joaa tiha tina:

16 “Panopu Davi cjiro ya curua macaina ti pãtoa jiri cjiri pihtia wahare. Baharo tjua taihca yãhu.

ã jicu pari turi to ya curua macarirore pãhtoro sõihca.

17 Yu ã yoari baharo jipihitina paina judio masa jieraina yãhure pãhtoro tiahca tina.

‘Yu yaina jiga’, yu ni pjirocaringa sehe yãhure cahmaahca.

18 ãta nina mari pãhtoro. Panopu tiro ahrire masare yahua tiri jire”, ni joaa tiha Cohamacu yare yahu mãhtaina cjiri.

19 ã jicu õ sehe ni tãhotuja yãhu. Judio masa jierainare Cohamacu yare wahma cahma ducainare payu yoa dutiena tjijihna mari. 20 Wiho mejeta tinare joa, warocajihna mari. Õ sehe ni joarocajihna: “Ñaa chãare, ‘Cohamacu jira’, ti nia masarine ti waa chãare

chæna tjiga. Tuhsu, numia mehne ñano yoaena tjiga. Numia cûhu mûa mehne ñano yoaena tjiga. Å yoa wamua ti ñaha wajãinare wahiquinare chæna tjiga. Dire sihniena tjiga”, ni yahu joarocajihna. ²¹ Yoari pja judio masa buhea wuhusepu Sabado jichu Cohamacu Moise cjirore to cûri dutiare buhea tire masa. Å yoa jipihtia macaripu Moise cjiro to yahuare buhea tire. (Å jina yu niriro seheta judio masa jierainare Jesu yainare joarocajihna, judio masa sehe tina mehne “Suari”, nina) —niha Santiago.

²² Tí pjare Jesu to cûrina, Jesu yaina puhto, jipihtina Jesu yaina mehne puaro tina mehne macainare beseha ti warohtinare. Antioquíaru Paulo, Bernabé mehne ti wahachu wahahtinare tinare bese warocaha. Å jia tina Judare, Sila mehne warocaha. Juda sehe Barsaba puaro wama wama tiha. Ti coyea Jesu yaina tinare ño payoha. ²³ Tinare ti beseri baharo Jesu yaina joarocari pûre warocaha tina mehne. Õ sehe ni joaha tina:

“Jesu to cûrina, to yaina puhto, mûsa coyea Jesu yaina mehne sã noa dutija musare. Jipihtina judio masa jierainare Antioquíaru, Siriaru, Ciliciaru jainare musare Jesu yainare noa dutija sã. ²⁴ Sã mehne macaina mûsa caharu sua, musare payu dutiare yoa dutiyuhti. Å yoa musare cariboyuhti. Tina Cohamacu dutiare

Moise cjirore to cûri cjiropare, mahari cahsarocãre yihsoa cûhure yoa dutiyuhti. Wiho mejeta sã sehe tinare tîre buhe dutina warocærahi. ²⁵⁻²⁶ Å jina sã jipihtina cãno potori mûsa caharu warohtinare sã besehi. Mari cahinare Paulo, Bernabé mehne Cristo Jesu mari puhtoro yare cuiro marieno ti buhechu payu tahari paina tinare wajãmoñoha. Ti å wajãmoñochu mahanocã mehne yuhduha tina. Tina mehne sã beserinare mipure warocaja. ²⁷ Å jina Judare, Sila mehne mûsa caharu warocaja. Sã joarocarire tina sehe musare yahuahca. ²⁸ Espiritu Santo to wacûno seheta sã cûhu tuhutuja. Õ sehe jira tí: Paye dutiapure cûeraja musare. Ahri dutia dihtare cûnahca musare: ²⁹ Ñaa chure, ‘Cohamacu jira’, ti nia masurine ño payo ti duhu payoa chure chæna tjiga. Dire sihniena tjiga. Wamure ti ñaha wajãinare wahiquinare chæna tjiga. Å jina numia mehne ñano yoaena tjiga. Numia cûhu mûa mehne ñano yoaena tjiga. Ahri yu yoa dutierare yoaerana noare yoana nica mûsa. Tó puro tjira musare sã yahu duaa”, ni joarocaha Jesu yaina Jerusalëpu jiina.

³⁰ Tí pûre joa tuhsu, waha Antioquíaru wahainare. Ti wari baharo waha, Antioquíaru sua. Ti tóru suri baharo payu masare cahmachu duti, ti joari pûre wiaha tinare. ³¹ Tí pûre ti buheri

baharo tina yajeri sãa, noano wahcheha. ³² ã jia Juda, Sila mehne Cohamacu yare yahu mahtaina jia, yoari pja Jesu yainare Cohamacu yare yahuha. Ti ã yahuchu tuhoa, Jesu yaina sehe wahche, noano tuhotuha. ³³ ã jia Juda, Sila mehne tópu mahaa dachoricã ti jiri baharo Jerusalẽpu ti tjuaa wahachu tó macainare ti coha sitichu, “Noano wahaga musa”, niha Antioquia macaina. ã jia Juda cãhure warocarinare noa dutirocaha. Ti ã niri baharo Juda sehe tjuaa wahaha. ³⁴ [Wiho mejeta Sila sehe tóputa tjuanocaha Antioquiaputa.] ³⁵ ã jia Paulo Bernabé cãhu mahaa dachoricã tjuasiniha tí macai tjoa. Tói tina paina payu mehne Jesu yare buheha.

Pari turi Paulo noaa buheare buhe tinino wahaha

³⁶ ã yoa mahaa dachoricã baharo Paulo õ sehe ni yahuha Bernabé:

—Jipihtinare mari buhe ducarinare “¿Dohse jijari tina?” ni, ñuna wahajihna tjoa —niha Paulo cãhu ti basi.

³⁷ ã ni tuhsu, Bernabé sehe João Marcóre tina mehne naa duamaha. ³⁸ To ã naa duapachata tó pano tiro tina mehne Panfiliapu soro tina mehne tjuaeraha. Ti yoare cãno pjaeraro tjuaa wahaha. ã jiro Paulo pari turi tirore naa duaeraha. ³⁹ To naa duaerachu ñuno Bernabé Paulo mehne puaro ti basi cahma durucu cahno masieraa, soro dihta wahaa

wahaha. Bernabé sehe Chipre wama tiri nucopu Marcóre na pahãa wahaha. ⁴⁰ Paulo sehe Silare piti ti wahcãa wahaha. Ti buhea wahahto pano Jesu yaina tinare waroca, “Cohamacu musare noano ñu wihbojaro”, niha. Ti ã niri baharo Paulo Sila mehne wahaa wahaha. ⁴¹ ã wahaa, Siria yahpapu, Cilicia yahpapu cãhure sãa, tópu Jesu yainare noano yajeripohna ti, Jesure wacũ tua namochu yoaha tinare.

16

Timoteo Paulo mehne wahaha

¹ Ti ã yoari baharo Paulo cãhu Derbepu, Listrapu sãa, Timoteore boca sãa. Timoteo Jesu yairo jiro, judio masono macano jiha tiro. To pocoro cãhu Jesu yacorota jiha. To puaro sehe griego masano jiha. ² ã jia Listra macaina, Iconio macaina Jesu yaina, “Timoteo masa noariro jira”, ni yahua tiha. ³ ã jiro Paulo Timoteore naa duaha. Wiho mejeta tí yahpa macaina judio masa sehe Timoteo puaro griego masano to jichu masiha. ã jiro Paulo judio masare “Suari” nino, Timoteo pjacure mahari cahsarocã yihso naha. Judio masa ti dutia ti niriro seheta yoaha. ⁴ To ã yoari baharo tina ti sãa macari macainare tí joarocari pũ macaare yahuha. Tí pũ Jesu to cõrina, to yaina puhtoah mehne Jerusalẽpu jiina ti joarocari

pũ jiha. ã jia tí dutiare noano yahu turiaha tó macainare Jesu yainare. ⁵ Ti ã yahuchũ tũhoa Jesu yaina sehe Jesure wacũ tua namoha. ã yoa Jesure wahma wacũ tua dũcaina dachoripe payũ waha namoha.

Paulo cahã *Ἰουδαία* *Macedonia macarirore ñũha*

⁶⁻⁷ ã yoa Asia yahpapũ sehere noaa buheare buhe dutieraha Espĩritu Santo tinare. ã jia tina Frigia yahpare yũhdũa Galacia yahpare yũhdũa, Misia yahpa dũhtũ cahai sũha. Tóꝛũ sũ, Bitinia yahpa sehe waha duamaha tina. Wiho mejeta Espĩritu Santo sehe tinare tóꝛũre waha dutieraha. ⁸ To ã niri baharo tina sehe Misia yahpare yũhdũa, Tróadepũ buhtũ wihire. ⁹ Tóꝛũ ti buhtũ wihiri baharo, tí ñamine õ sehe cahãri jire Paulo. Macedonia yahpa macariro to cahai ducuchũ ñũri jire tiro. “Sãre Macedonia yahpa macainare yoadohoi taga” ni, pjiri jire tiro Paulore. ¹⁰ To cahãri baharo wahcã wihĩ, sã yare cahno tuhsũ, Macedoniapũ wahaa wahai sã. “Cohamacũ tí yahpapũre noaa buheare buhe dutiro nina marine”, ni tũhotui sã.

Paulo, Sila mehne Filipopũ jiha

¹¹ ã jina sã Tróadepũ jiina dohoria mehne Somatracia wama tiri nũcopũ pahã sũi sã. ã yoa pa dachoi Neapolipũ pahãa wahai sã. ¹² Tí macare yũhdũana, Filipopũ Roma

macaina ya macapũ sũi sã. Tí maca Macedonia yahpai jiri maca jire. Wiho jiri maca jierare. Tóꝛũre mahaa dachoricã sã jii. ¹³ Tóꝛũ jina Sabado jichũ sã tí maca dũhtũ cahapũ, dia dũhtũ cahapũ sũi. Tói Cohamacũ mehne ti durucuro jire. Tói dujina tói cahmachua numia mehne sũhũdui sã. ¹⁴ Cũcoro sãre tũhoricoro Tiatira wama tiri maca macaricoro Lidia wama tiricoro jire. Ticoro noaa suhti wapa tia suhtire duaricoro, Cohamacũre ño payoricoro jire. ã jiro Paulo to yahuare noano tũhochũ yoare Cohamacũ ticorore. ¹⁵ To quihõno tũhochũ ñũno ticorore to wũhũ macaina mehne bautisare Paulo. To ã bautisari baharo õ sehe nire ticoro:

—“Jesu yacoro tjira mũhũ cũhũ”, nina mũsa yũhũre. ã jina ya wũhũi sãa tasinia mũsa. Yũhũ mehne tjuasinia —nire ticoro sãre.

To ã nichũ tũhona to wũhũi tjuasinii sã.

¹⁶ Pa dacho Cohamacũ mehne ti durucuropũ sã wahachũ watĩno to cohtotaricoro piti bocare sãre. Ticoro paina cahamacono jire. Ticoro watĩno yoadohoro mehne masare “Õ sehe waharohca mũsare”, ni yahuyuricoro jire. ã yahuro pjiro wapatabasare to puhtoare. ¹⁷ ã jiro Paulo mehne sã wahachũ, sãre nũnũ ti, sañurucure ticoro:

—Ahrina Cohamacũ Jip-ihina Bui Jiro to yoadohoina jira. Cohamacũ marine

to noano yũhdohtire yahura tina —ni sañurucure ticoro.

¹⁸ Payũ dachori ã ni cariborucure Paulore. To ã ni sañurucuchũ Paulo majare ñũ, õ sehe nire watĩnore:

—Jesucristo tuaa mehne dutija mũhare. Ticorore wijaahga. Waharisa mũhu — nire Paulo.

To ã nichũta watĩno sehe wahaa wahare.

¹⁹ To ã wahari baharo ticoro pũtoa sehe niñeru to wapataeraricoro to wahachũ ñũ, tina Paulore, Sila cũhare ñahare. Ñaha tuhsũ, tinare naahre tí maca dacho macapũ jiina pũtoa cahapũ.

²⁰ Æ naa wahcã, buhiri tiare cahnoina cahapũ tinare cũre tina.

—Ahrina judio masa mari ya macare cariboa nina.

²¹ Tina mari dutiare cohã dutia, paye buheare buhea nina. Mari ya dutiare yũhdũũcachũ yoa duaa nina. Mari Roma macaina jina ahrina ti yahua sehere yoa masieraja mari. Æ jina ti buheare mari cahmaeraja —nire ticoro pũtoa buhiri tiare cahnoinare.

²² Ti ã nichũ tũhoa masa payũ Paulo cũhũ mehne sua yũhdũũ wahare. Æ jia buhiri tiare cahnoina sehe Paulo cũhũ suhtire tí tũhrẽ cohãri baharo, yucũri wasõri mehne tjana dutire tinare. ²³ Tuaro tjana tuhsũ peresu yoare tinare. Ti ã peresu yoari baharo peresure cohtarirore noano ñũ wihbo dutiha tina. ²⁴ Ti ã dutiri baharo tinare cohtariro sehe tí wũhũ puhicha macari tahtiapũ

tinare cũ, taboa pahtari mehne ti dahporire biha dapoha.

²⁵ Ñami dacho macai Paulo, Sila mehne Cohamacũre sini, tirore basa payoha. Ti ã basachũ tũhoha paina peresupũ jiina. ²⁶ Ti ã ni basachũta tí wũhũ tuaro ñuhmiha. To ã ñuhmichũ cãno potori jipihtia sopa pahmari parĩ mũ, peresupũ jĩnare ti dũtea dari comaa dari nuhnu site boraa wahaha. ²⁷ To ã wahachũ tí wũhũre cohtariro sehe wahcã wihi, “Peresu jiina duhti tuhsũri jire”, ni tũhotumaha. Æ ni tũhoturo to ñosari pjĩne naroca, to basi ñosamaha. ²⁸ To ã yoachũ ñũno Paulo tirore tuaro sañurucu õ sehe niha:

—Mũ basi ñano yoai tjiga. Jipihtina õre jija sã —niha tiro tinare cohtarirore.

²⁹ To ã nichũ tũhoro tinare cohtariro sehe sihã buhria duti, tina cahapũ mũroca wahcã Paulo, Sila ti dahpori cahapũ tetere, caha sũha tiro. ³⁰ Tuhsũ, tiro tinare tí tahtiapũ jĩnare na wijaa, sinituha tinare:

—¿Dohse yoaicari yũhũ Cohamacũ yairo ji duacũ, to yũhdohtiro ji duacũ? —ni sinituha tiro.

³¹ —Jesucristore wacũ tuaga mũhũ. Mũ coyea cũhũ tirore wacũ tuajaro. Mũsa ã yoachũ mũsare pichacapũ wahaborinare Cohamacũ yũhdorohca —ni yahuha tina.

³²⁻³³ Ti ã niri hora ñami dacho maca baharocã jiha. Ti ã niri baharo tinare cohtariro to ya wũhũpũ naaha

tinare. To ya wuhupū na su ti camine cosaha tiro. To ā cosa tuhsuri baharo to coyea mehne Cohamacū yare buheha Paulo cūhū. Ti buheri baharo bautisaha tinare.
³⁴ Ti bautisa tuhsuri baharo tinare cohtariro cjiro Paulo cūhure chūare payoha. Ā jia tiro to coyea mehne noaa buheare ti tūhori baharo turo wahcheha, Cohamacūre masi dūcaa.

³⁵ Bohrea parī cahachū ñna pūhtoa sehe surarare peresupū warocaha Paulo cūhure wio dutia. ³⁶ Ti ā wio dutiri baharo tī wūhūre cohtariro Paulo cūhūre yahuha:

—Pūhtoa mūsare wio dutire. Ā jina cuienata wijaahga —niha tiro Paulo cūhūre.

³⁷ Ti ā wio duapachūta Paulo ō sehe ni yahuha surarare:

—Sā ñano yoaerahi. Ā jina sā ne buhiri cūaeraja. Wiho warota tina pūhtoa sehe masa ti ñūrocaroi yucūri wasōri mehne tjanahre sāre, Roma macaina sā jipachūta. Tjana tuhsū peresu yoahre sāre. Ā jia mipū masa ti ñūeraroi wio duara sāre, sāre ñano ti yoarire “Būoro yūhdūri”, nia. Pūhtoa ti basita ta, wioa tajaro sāre —niha Paulo surarare.

³⁸ To ā nichū tūhoa surara sehe pūhtoare yahua wahaha. Ti ā ni yahuri baharo Paulo, Sila mehne Roma macaina ti jichū masia pūhtoa sehe cui niha. ³⁹ Ā jia tina Paulo cūhū cahai sū, ō sehe niha:

—Ñano yoahiti sā mūsare. Ne pari turi ā yoasi —niha pūhtoa Paulo cūhūre.

Ā ni tuhsū pūhtoa tinare peresupū jjinare wio, tinare pa sehepū waha dutiha. ⁴⁰ Ti ā niri baharo Paulo, Sila mehne peresupū jiina wijaa, Lidia wama tiricoro ya wūhupū wahaha. Tī wūhupū ti sūri baharo Jesu yainare piti bocaaha. Ā jia tina Jesu yainare noano buhea, noano yajeripohna tichū yoaha tinare. Ti ā yoari baharo Paulo, Sila mehne wahaa wahaha.

17

Tesalónica macaina suaha Jesu yaina mehne

¹ Ā yoa tina Anfipolipū sū, yūhdūa, Apoloniapū sū, yūhdūa, Tesalónicapū sūha tina. Tói judio masa buheri wūhū jiha. ² Somanaripe to yoariro seheta Paulo buheri wūhupū wahaa tiha. Tórupū sū, tia somana waro sabado dachoripe tiro panopū macaa ti joari cjirire Cohamacū yare masare buhe, tūre tina mehne sūhūdua tiha Paulo. ³ Ā yoaro tiro Cohamacū yare ō sehe ni yahuha:

—Judio masa, mūsa pūhthora mūsa cohtariro Cristo tari jire ñano yūhdūhtiro. Cohamacū to ni cūriro cjiro seheta tiro yariaa wahaha masa mūjano taro. Ā jiro ahriro Jesu, yū yahuriro, tiro Cristo warota jira marine yūhdohtiro. Tirota jira mūsa cohtariro. Ō seheta nina

Cohamacu yare ti joari pũ — ni yahuha Paulo.

⁴ To ã nichu tuhoa, cãina tói jiina “Potocã tjira”, niha. Æ jia tina Paulo cãhu mehne wahaha. Æ jia paina cãhu griego masa payu Cohamacure ño payoina sehe Paulore quihõno tuhoa, ã yoa tina mehne macaa numia cãhu payu puhtoã numia masa ti cua pisaro ñua numia cãhu tirore quihõno tuhoa Jesu yaina tjuaha. Æ jia tina cãhu Paulo cãhu mehne wahaha. ⁵ Wiho mejeta judio masa sehe ti ã wahachu ñua, pahsu tiha. Æ jia tina ñaina dahraerainare payu pji cahmachu õ sehe ni dutiha: “Ahrina ñano yoaa nina”, ni sañurucu dutiha tinare. Æ sañurucua jipihtina tí maca macainare suachu yoaha Paulo cãhu mehne. Æ jia judio masa Jasõ ya wuhupũ sãa, Paulo cãhure macamaha, tinare masapure waa taa. ⁶ Wiho mejeta tinare bocaeraha. Æ jia Jasõre, paina Jesu yaina cãhure ñaha, waja wijaa wahaha tinare. Puhtoã cahapũ na su õ sehe ni yahusãha tina:

—Paulo cãhu masare jipihtipure caribobiara. Æ jia mipure tina mari ya macare wihi tuhsahre. ⁷ Æ jiro ahriro Jasõ tinare to ya wuhupũ sãa ta dutihre. Tina jipihtina mari bui puhtoro Roma macariro to dutiare yuhdurucara. “Pairo musa puhtoro jira. Jesu tirota jira” ñia, mari puhtoro dutiare yuhdurucara tina —

ni yahusãha judio masa sehe puhtoare.

⁸ Ti ã ni yahusãchu tuhoa, jipihtina masa, puhtoã cãhu sua, tuaro sañurucuha. ⁹ Wiho mejeta puhtoã Jasõre, tiro mehne macaina cãhure, niñerure wapa duti, wioha.

Paulo Sila mehne Bereapũ suha

¹⁰ Tí pjata ñamipũ Paulo cãhure Jesu yaina nuõ warocaha Bereapũ. Tõpu sua tina judio masa buheri wuhupũ sãa wahaha. ¹¹ Berea macaina sehe Tesalónica macaina yuhdoro Jesu yare noano tuhoina jiha. Æ jia tina Jesu yare ti tuhori baharo “¿Potocã tjijari?” ni masi duaa, dachoripe Cohamacu yare ti joari pũre ã buherucua tiha tina. ¹² Æ jia tina payu Jesure wacũ tua durcaha. Griego masa cãhu, mua, puhtoã numia mehne Jesure wacũ tuaina jiha. ¹³ Wiho mejeta Paulo Bereapũ Cohamacu yare to buhechu cãhure tuhorocaa Tesalónica macaina judio masa tõpu suha. Tõpu sua, Berea macainare quitu dojomehnea, Paulo cãhu mehne suachu yoaha tina. ¹⁴ Ti ã yoachu ñua Jesu yaina Paulore soaro mehne pjiri ma dũhtũ cahapũ warocaha. Wiho mejeta Sila, Timoteo mehne Bereapũ tjuaha. ¹⁵ Paina sehe Paulore Atenapũ na wahcã soha. Tirore so tuhsũ majare tjuaa wahaha Bereapũ tjoa.

—Soaro mehne waha, piti tina wahaga Paulore — ni yahuha Silare, Timoteo cãhure.

Ã ni yahu dutiha Paulo tinare.

Paulo Atenai jiha

16 Ã jiro Paulo Atenapũ cohtaro niha Sila, Timoteo cãhure. Tinare cohtaro Atena macaina ti “Cohamana jira”, ti nia masarine payũ ti cjãchũ ñũno Paulo tuaro cahyaha tina mehne. 17 Ã cahyaro, judio masa buheri wãhũpũ judio masa mehne, ã yoa judio masa jieraina mehne cãhure durucuha tiro. Judio masa jieraina sehe Cohamacũre ño payoina jiha. Ã yoa Paulo tí maca dacho macai dachoripe tiro cahapũ ã tini majare sãaina mehne durucuha. 18 Paina Epicureo yare buheina, Estoico yare buheina cãhũ Paulo mehne durucuha:

—¿Ahriro durucua pihtierariro dohse ni durucuro nijari tiro? —niha tina.

Paulo Jesu yare, to masa m̃jarire to yahuchũ tãhoa õ sehe ni tãhotumaha masa: “Tiro paina cohamanare yahuro nica”, ni tãhotumaha tina. 19 Ti tãhori baharo tina Areópago wama tiropũ Paulore naaha.

—Ahrì buhea, wahma buheare mũ mipũ yahurire masi duaja sã. 20 Mũ buhea soro sehe jira. Ã jina sã tíre masi duaja —niha tina Paulore.

21 Jipihtina Atena macaina, ã yoa paye yahpari macaina cãhũ Atenapũ jiina dachoripe

wahma buheare durucurucu duaha. Ã jia Paulo to yahuare tãho duaha tina.

22 Ã jiro Paulo Areópago wama tiroi wahcãrũca õ sehe ni yahuha:

—Atena macaina, payũ mũsa cohamanare mũsa tuaro ño payoina mũsa jichũ masija yũhũ. 23 Ahrì maca mũsa ya macare cohamanare mũsa ño payoa altarire ñũ tinihi yũhũ. Ã ñũ tinicũ yũhũ cũ altarũ, cohamanare ño payona mũsa waare mũsa cũnoi ahrìre buhehi. “Cohamacũ, mari masimahnoerariro ya altar jira”, ni joari jire mũsa tíre mũsa cũnoi. Mũsa tirore masierapanahta tirore ño payori jire mũsa. Tiroreta mũsa masierarirore yahu potoi nija yũhũ mũsare.

24 ‘Cohamacũ jipihtiri yahpare, jipihtiare ba-juamehneriro jira. Tiro m̃anore, yahpapũre pãhtoro jiro, tiro masa tí yoaa wãhũsei jierara. 25 Ã jiro tiro mari jiare, mari yajeri naare, jipihtia marine paye barore wariro jiro, mari yoadohoare cahmaerara. Tiro pjãchoriro jierara.

26 ‘Tiro cãiro m̃anore yoa dũcaha. Tiro mehneta jipih-tia yahpari macaina cjihtire masare yoaha. Ã masare yoaro jipihtiro yahpapũre marine cũha tiro. “Õ puro yoari pja õpũre jiahca”, nino quihõ cũha marine. 27 “Tina yũhũre maca, bocaboca”, ni tãhotuha Cohamacũ. Wiho mejeta Cohamacũ yoaropũ jierara. Mari mehneta

jira. Õ sehe ni joaa tiha paina: ²⁸ “Marine jichu yoara tiro. Mari masapere catiina, ñuhmiina jichu yoara tiro”, ni joaa tiha. Mh̄sa mehne macaina panopu macaina basaare noano joaina quti yahuina cjiri ti joariro seheta nii nija. “Mari c̄hu Cohamacu pohna jija”, ni joaa tiha tina. ²⁹ ã jina mari to pohna jina õ sehe ni t̄hotuena tjiga mh̄sa. Mas̄rine, uru, plata, t̄aa mehne mh̄sa m̄ s̄ro mh̄sa yoari mas̄rine “Cohamana jira”, ni t̄hotuena tjiga mh̄sa. ³⁰ Panopu masa ti masieraina jisnichu ti ñaare yoapachuta Cohamacu ã ñnocasiniha. Wiho mejeta mip̄re jipihtiri yahpa macainare ti ñaa yoari buhiri tiare masi, cahya dutira Cohamacu. ³¹ Baharo Cohamacu to quihõri dachoi jipihtiri yahpa macainare potocã beserohca noaina, ñainare. Tiro to bese duti to c̄riro Jesu sehe beserohca. Jesure yariarore masoha tiro. ã masono “Ahiri yu c̄riro jira” ni, ñono niha Cohamacu masare —ni yahuha Paulo Atena macainare.

³² To ã nichu masa m̄jarire to durucuchu t̄hoa paina tirore buj̄peha. Wiho mejeta paina sehe õ sehe niha:

—Pari turi ahrire m̄ yahuchu s̄a t̄ho duaaja —niha tina Paulore.

³³ Ti ã niri baharo Paulo wahaa wahaha. ³⁴ To ã wahachu, c̄ina tiro mehne waha, Jesure wac̄u tua d̄caha. Dionisio Areópago macariro p̄htoa mehne

macariro Jesure wac̄u tua d̄caha. ã yoa Damari wama tiricoro c̄hu, paina mehne Jesure ãta wac̄u tua d̄caha.

18

Paulo Corinto wama tiri macaijaha

¹ ã yoa, Paulo Atenapu jiro waha, Corinto wama tiri macapu s̄ha. ² Tópu s̄ro, judio mas̄no Aquila wama tirirore boca s̄ha tiro. Jipihtina bui p̄horo Claudio wama tirore judio masare Romapu j̄inare to coh̄chu Aquila sehe to namono Priscila mehne waha, Corintopu s̄ha. Aquila sehe Ponto wama tiri yahpai masa bajariro jiha. ã jia tina Corinto ti jichu, Paulo tina cahapu s̄ha. ³ Aquila c̄hu suhti w̄h̄sere yoaina jiha. Paulo c̄hu suhti w̄h̄sere yoarirota jiha. ã jiro tiro tina mehne dahra, tói tjuaha. ⁴ ã jiro Paulo sabado jichu somanaripe judio masa ti buheri w̄h̄pu judio masare, judio masa jieraina c̄hure Cohamacu yare yahuha. To ã ni yahuchu t̄hoa, “Potocã tjira”, niha tina c̄ina.

⁵ ã yoa Sila, Timoteo mehne Macedonipu j̄ina, Paulo cahapu s̄ha. Tópu ti s̄ri baharo Paulo sehe jipih̄tia dachoripe judio masare noano buhea tiha.

—Jesu, Cristo masare ȳh̄dohtiro mari cohtariro jira —ni yahua tiha.

⁶ To ã ni buhepachuta, judio masa sehe tirore t̄ho duaeraha. ã jia tina ñano ni quti

dojomehneha tirore. Ti ã yoachũ Paulo tinare to tuhtiboriro seheta, to suhti macaa mene cjã siteroca cũha.

—Mũsa ya buhiri pichacaru wahanahca. Cohamacũ to dutiro sehta mũsare buhemahi yũhũ. Wiho mejeta mũsa yũhũre tuho duaerare. Mipũre judio masa jieraina sehene buhei wahaihtja —niha Paulo judio masare.

7 To ã niri baharo tiro tópu jiro waha, Ticio Justo wama tiro ya wũhũru sũha. Justo Cohamacũre ño payoriro jiha. To ya wũhũ sehe judio masa buheri wũhũ cahai jiha. 8 Æ jia Crispo wama tiro buheri wũhũ puhtoro, to namono, ti pohna cũhũ Jesure wacũ tuaina jiha. Æ yoa paina Corinto macaina payũ Cohamacũ yare tuhoa, Jesure wacũ tuaha. Ti ã wacũ tuaina jichũ tinare bautisaha. 9-10 Cũ ñami Cohamacũ cahãnopũ õ sehe ni yahuha Paulore:

—Mũhũ mehne jija. Ahri maca macaina yũ yaina masa payũ jira. Æ jia paina masa mũhũre ñano yoa masierara. Æ jicũ cuiecũ tjiga mũhũ. Wiho mejeta yũ yare tuaro yahu namoga mũhũ. Yahu duhuecũ tjiga —ni yahuha Cohamacũ Paulore.

11 Æ yoa cũ cũhma noano, pa cũhma dacho maca waroi Paulo Corintopũ ji, tó macainare Cohamacũ yare buhea tiha.

12 To ã buhero watoi Galiõ wama tiro Acaya yahpa

macaina puhtoro to jichũ, judio masa jipihtina cãno potori Paulore yahusãa taa, tirore buhiri tiare cahnoina caharu naaha tina.

13 —Ahriro Paulo masare Cohamacũre ño payo dutiro ahri yahpa macaa dutia sehere cohã dutiro nina —ni yahusãha judio masa buhiri tiare cahnoinare.

14 Ti ã ni yahusãchũ tuhoro Paulo sehe tinare yahu duamaha. Wiho mejeta Galiõ sehe judio masare õ sehe ni yahuha:

—Ahriro sã Roma macaina ya dutiare yũhdũrcariro to jichũ, mũsare yũhtiboa yũhũ. 15 Wiho mejeta mũsa judio masa ya dutia sehere ahriro yũhdũrcariro to jichũ mũsa basi ahrire cahnoga. Ahrire masieraja yũhũ mũsa mehne —ni yahuha tiro judio masare.

16 Æ ninota tinare judio masa Paulore yahusãmarina cjirire to ya tahtiarũ jĩnare cohã wioha tiro. 17 To ã cohã wiori baharo jipihtina tí wũhũ jĩina Sostenere judio masa buheri wũhũ puhtorore Jesu yairore ñaha, buhiri tiare cahnoina caharu cjãha tirore. Ti ã cjãchũ ñũno Galiõ ã ñũnocaha.

Paulo Antioquíaru tjuaa wahaha

18 Æ yoa Paulo Corintoi yoari pja jiro cjiro “Wahai nija”, ni coha sitiha tiro Jesu yainare. To ã niri baharo tiro Priscila, Aquila mehne Siria yahparu pahãa taa niha. Ti pahãto pano Cencrea wama tiri macaru sũ, tópu jisino

Paulo Cohamacu "Õ sehe mähure yoabasaitja", to nirire yoa tuhsuriopu jiha. Æ jiro tó sehe yoaina judio masa ti yoarucuriro seheta to pjoarire waha pahño dutiha. ¹⁹ Tíre to yoari baharo tina Efeso wama tiri macapu pahã su, Priscilare, Aquila cähure cü, judio masa ti buheri wahuwu wahaha Paulo. Tí wahuwu su, Cohamacu yare yahuha. Æ yahuro judio masa mehne suhduha. ²⁰ To ã suhduri baharo tirore tina mehne tjua dutimaha.

—Tjuaeraja musa mehne.

²¹ Wiho mejeta Cohamacu cahmachu, pari turi tjuaa taihtja —niha tinare Paulo.

Æ ni tuhsu, Efesopu jiriro cjiro pahãa wahaha tiro.

²² Pahãa, Cesareapu pahã su, yuhdu wahcã, Jerusalëpu suha. Tõpu su, tó macaina Jesu yainare "¿Ne jimajari musa?" ni, tinare ñu yuhduha Antioquiapu suha. ²³ Tó mahaa dachoricã jiha. Tó jiriro cjiro yuhduha. Galacia yahpai jia macaripu, Frigia yahpai jia macaripu pari turi su, tí macari macainare Jesu yainare buhero, Jesure wacü tua namo wahchechu yoaha tiro.

Apolo wama tiriro Efesoi buheha

²⁴ Tí pjare, judio masuno Apolo wama tiriro, Alejandria macariro Efesopu suha. Tiro noano yahu mihniro jiha. Æ jiro tiro Cohamacu to joari cjirire noano masiha. ²⁵ Pairo tirore Cohamacu yare yahu tuhsu

tiha. Æ jiro tiro João masare bautisariro to buhea dihtare masiha. Æ jiparota tiro tuaro wahchea mehne Cohamacu yare noano buheha. ²⁶ Æ jiro judio masa ti buheri wahuwu tiro cuiro marieno tinare buhe ducaha. To ã buhechu ti tuhori baharo Priscila, Aquila mehne tirore tina mehne naaha. Cohamacu yare to quihõno yahu pahñoerachu ñu quihõno yahu pahñoa tina tirore. ²⁷⁻²⁸ Æ jia tiro Apolo sehe Acaya yahpau to waha duachu Jesu yaina tirore "Noano wahaga", ni joaa pürine waha tirore. Tí püri Acayapu jiina Jesu yainare Apolare noano piti boca dutia püri jiha. Æ jiro Apolo tõpu suro, tó macainare noano yoado-hoha. Tó macaina Cohamacu cahã mehne Jesure wacü tuaina jiha. Judio masare tí macai jinare õ sehe ni yahuha:

—Cohamacu to warocariro musa cohtariro jira Jesu. Cristo waro jira tiro —ni yahuha Apolo judio masare paina masa ti ñarocaroi.

Cohamacu yare ti joari cjiro mehne to noano quihõno yahuchu tuhoa tina "Potocã jierara", ni masieraha.

19

Paulo Efesopu wahaha

¹ Corintopu Apolo to jiro watoi, Paulo sehe täyucapu mija yuhduha, Efesopu suha. Tõpu suro caina Jesu yainare boca. ² Tinare boca suro

tiro tinare õ sehe ni sinitu ñuha:

—¿Musa Jesure wacũ tulari baharo m̄sa sehe Espíritu Santore c̄ma d̄cari? —ni sinitu ñuha Paulo.

To ã nichu t̄hoah tirore õ sehe ni yahuha tina:

—“Espíritu Santo jira”, ni yahuerare s̄are —ni yahuha tina.

³ Ti ã ni yahuri baharo Paulo tinare õ sehe ni sinitu ñuha tjoa:

—¿Noa ya buheare m̄sa t̄hori baharo bautisari m̄sare? —niha tiro tjoa.

—João ya buheare s̄ã t̄hori baharo bautisahre s̄are —ni yahuha tina.

⁴ Ti ã nichu t̄horoh õ sehe niha Paulo:

—Masa ti ñaa yoirire cahya, tíre ti duhuchu ñano bautisaha João. ã jiro to bautisari cjiri sehe ti ñaa yoirire ti duhurire masare ti ñohti c̄jhti jira. Wiho mejeta paye baro c̄hure yahu namoha João. “Yu baharo tariro sehere wacũ tuaga m̄sa”, ni yahuha tiro. ã nino Jesure yahuro niha —ni yahuha Paulo tinare.

⁵ To ã nichu ti t̄hori baharo, Jesu wama mehne to tuaa mehne bautisaha tinare. ⁶ ã to bautisachu, Paulo tina c̄aina bui to wamomaca to duhu payochu, Espíritu Santo sehe wihaha tinap̄re. To ã wihiri baharo tina sehe t̄homahnoera d̄seri mehne durucu, Cohamacu yare yahuha. ⁷ Tina jipihtina doce m̄a jia jiboa.

⁸ Baharo Paulo judio masa ti buheri w̄hup̄ s̄ã, tia s̄

waro cuiro marieno p̄htoro Cohamacu to s̄aho jiare yahu, durucuha tina mehne. Tirore ti ã t̄hori baharo “Ahri potoc̄ã jira”, niha tina. ⁹ Wiho mejeta paina sehe t̄ho duaeraha. ã jia tina masa ti t̄horoi noaa buheare ñano ni ñoha. Ti ã nichu t̄horoh Paulo sehe Jesu yainare p̄ji wijaa, pa sehẽp̄ wahaha. Waha, Tirano wama tirore to buheri w̄hup̄ dachoripe masare Cohamacu yare yahuha Paulo. ¹⁰ P̄ha c̄hma waro buhea tiha tinare. To ã buhechu jipihtina Asia yahpa macaina judio masa, judio masa jieraina mehne mari p̄htoro Jesu yare t̄hoha. ¹¹ ã yoa Cohamacu tuaa mehne Paulo masare ñu c̄a ȳhd̄ach̄ yoa barore yoa ñoha. ¹² Masa sehe suhti cahsari Paulo to pjac̄re pihaa cahsari cjirire, ã yoa tirore pihaa suhti c̄hure naa, dohatiinare pihoha masa. Tí suhtire dohatiinare ti pihochu noaa wahaha. ã jichu wat̄ã tinap̄re jirina cjiri wijaa wahaha, tí suhtire ti pihori baharo.

¹³ Wiho mejeta paina judio masa, ã tinirucuina, wat̄ãre cohãina jiha. ã yoa p̄htoro Jesu wama pisuro mehne wat̄ãre cohã duamaha. ã jia wat̄ãre õ sehe ni dutimaha tina:

—Paulo to yahuriro Jesu to wama mehne dutija m̄sare. Wijaaahga. Ahriro mehne pari turi jiena tjiga —nimaha tina wat̄ãre warocaa.

¹⁴ Esceva wama tirore siete to pohna sehe ãta yoamaha.

Esceva sehe judio masuno sacerdotea puhtoro jiha. ¹⁵ To pohna watĩnore ti wijaa dutiri baharo, watĩno sehe õ sehe niha tinare:

—Jesure masija. Paulo cūhure masija. Ā masipacuta mūsa sehere masieraja — niha watĩno tinare.

¹⁶ To ā nichuta watĩno to cohtotariro sehe tuaro mehne tinare ñaha mūaa wahaha. Tinare ñaha, ñaabiaro yoa, yūhdūrcanocaha. To ā yoachū Esceva pohna sehe suhti marieina, cami tiina mūroca wijaa wahaha tina tí wūhūre. ¹⁷ Tí ā yoari baharo jipihtina Efeso macaina, judio masa, judio masa jieraina mehne tíre tūhoa, cui yūhdūaha tina. Ā jia puhtoro Jesu yare bujūpero marieno durucuha masa sehe.

¹⁸ Ā yoa masa payū Jesure wacū tuaina ti ñano yoari buhirire yahu yūhdūa taha.

¹⁹ Tina mehne macaina payū yaya puti siteina jiha. Ā jia tina ti joaa tjurire yaya ti yoaare yahua tjurire tórpū na ta, masa ti ñūrocaroi tí tjurire jū cohānocaha tina. Tí tjuri ti wapa tirire tina ti quihōchū, jipihtia tjuri cincuenta mil tūri plata mehne ti yoaa tūri posa waro wapa timaha tí tjuri. ²⁰ Ā jia Cohamacū yare cahmaina payū wahaha. Cohamacū tuaa mehne to yaina wahaha.

²¹ Tí ā wahari baharo Paulo õ sehe ni tūhotuha: “Macedonia yahpapū sū mūhta, tí yahpare yūhdūa Acaya yahpare sūihtja. Tí yahpare yū sūri baharo Jerusalēpū

wahaihtja. Tí macare yū sūri baharo Romapū wahaihtja”, ni tūhotuha Paulo. ²² Pūaro tirore yoadohinare to pano waroca mūhtaha Macedonia yahpapū. Timoteo, Erasto cūhū jiha tina. Ā jiro Paulo sehe cūirota tjua nūnū tisiniha Asia yahpapū.

Efeso i masa sua, sañurucuha

²³ Tí pjare Efeso Jesu yare paina cahmaeraa, Paulo cūhure payū masa tuhti, sañurucuha. ²⁴ Cūiro platare dahrariro Demetrio wama tiroro plata mehne cohamacō Artemisa wama tiricoro ya wūhū masūri yoariro jiha. Ā jiro tiro paina plata dahrainā mehne tí masūrine dua, pjūro wapataha tina. ²⁵ Ā jiro Demetrio paina plata dahrainare pji cahmachu õ sehe ni yahua tinare:

—Tūhoga mūsa. Ahri dahraa mehne pjūro mari wapatarire masina mūsa.

²⁶ Ahriro Paulo to yoarire to buheri cūhure masina mūsa. Ō sehe ni buhera tiro: “Cohamana masūri masa ti yoari catiina jierara”, ni yahua tire tiro. To ā nichū tūhoa payū Efeso macaina, jipihtiroi paina Asia yahpa macaina cūhū tí buheare “Potocā tjira”, nia tire. ²⁷ Ā nia mari dahraare masa ñano durucuhto cua yūhdūara. Ā yoa masa mari cohamacō Artemisa ya wūhūre “Wiho jiri wūhū jira”, ni cohāboca. Tí ā cohāchū ticoro jipihtina Asia yahpa macaina, jipihtiri yahpa macaina ti ño payoricoro to

jipachuta to tuaa butiarohca. ã jia masa baharopu jiina ticorore masieraboca —niha Demetrio tinare.

²⁸ To ã nichu tãhoa tina sehe tuaro sua, sañurucuha:

—Artemisa Efeso macaina mari yacoro cohamaco tuaricoro jira —ni sañurucuha tina.

²⁹ ã jia Efeso macaina jipihtina sañurucu yãhdã, tãho masia phtia wahaha. ã wahaa, Gayore, Aristarco cãhure ñaha, masa ti cahmachunopu tinare waja wahcãha. Gayo, Aristarco mehne Macedonia macaina jia, Paulo mehne tiniina jia tiha. ³⁰ ã jia Paulore masa cahai to waha duachu, Jesu yaina sehe tirore waha dutieraha. ³¹ ã jia paina tí yahpa macaina pãtoã, Paulo mehne macaina jia, ti cahamacare yahu dutiha Paulore:

—Masa ti cahmachunopu wahai tjiga —ni yahu dutiha pãtoã Paulore.

³² ã jia tói cahmachuina mehne macaina sehe payu “¿Dohseana tana mari cahmachuna nijari?” ni masieraha. ã jia tina sañurucu namoha. Ahrie sehëpu jiina soro ni, sañurucuha. Paina cãhu soro ni sañurucuha. ³³ ã jia judio masa sehe Alejandro wama tirirore masare yahu dutimaha. ã jiro Alejandro “Dihta mariaha”, nino to wamomaca mehne cãtuha. “Ahrina sãre judio masare tuhtia nina”, ni tãhoturo judio masare ducata duaro, durucumaha. ³⁴ Wiho mejeta

tiro judio masano to jichu ñua masa jipihtina cãno potori puã hora waro sañurucuha:

—Artemisa, Efeso macaina mari yacoro cohamaco tuaricoro jira —ni sañurucuha tina.

³⁵ Ti ã ni sañurucuhu ñano, Efeso macaina pãtoare yoadohoriro masare, “Dihta mariaha”, ni yahuha tinare.

—Musa Efeso macaina tãhoga. Efeso macaina tuaricoro cohamaco Artemisa ya wãhu cohtaina mari jichu jipihtia yahpari macaina masina. ã jia muanopu bora tari masare ñu wihboina mari jichu cãhure masina masa. ³⁶ ã jia paina “Ahripotocã jierara”, ni masierara. ã jina suaena tjiga musa. Noano tãhotuga musa. ³⁷ Ahrina musa ñaha taina mari cohamacore ñano ni durucuerare. ã yoa tina cohamana wãhusepãre sãa, yacaerare. ã jina noano yoaga musa. ³⁸ ã jia Demetrio, plata dahraina mehne ahrinare musa ñahainare yahusã duaa, buhiri tiare cahnoina sehere yahusãjaro tina. ³⁹ Pari turi cahmachuna noano mehne cahmachuga. Musa yoariro sehe yoena tjiga. ⁴⁰ Michare musa sua, sañurucurire mari pãtoã tãhoa, “Marine cohã nica”, ni tãhotuahca tina. ã jina musa ni sañurucurire tinare noano poto yahu masieraja mari —niha pãtoare yoadohoriro masare.

⁴¹ ã ni yahu tuhsu, “Tó puro tjira. Wahaga”, niha tiro masare.

20

Macedonia yahpapu
cãhure, Grecia yahpapu
cãhure Paulo sãha

¹ Ti ã wahari baharo, Paulo sehe Jesu yainare pji cahmachu yahu quihõha. Yahu quihõ tuhsu, tinare wahchechu yoa, tinare coha sitiha. Coha siti tuhsu, Macedonia yahpapu wahaa wahaha. ² Tõpu su buhe, ti yahpai jia macari macainare Jesu yainare wahchechu yoaha tiro. Tinare buhe tuhsu, Grecia yahpapu sãha tiro. ³ Tõi tiro tia sũ waro jiha. Tõi jirucuma, Siria yahpapu pahãa waha duamaha. Wiho mejeta judio masa cohtamaha tirore ñaha duaa. Æ jiro Paulo pa mahapu, Macedoniapu wahari mahapu munanoputa majare tjuaa wahaha tjoa.

⁴ Æ waharo Asiaputa sãha. Tõi Berea macariro Sõpatro wama tiroro Pirro macano Paulore piti ti wahcãha. Æ yoa Tesalõnica macaina Aristarco, Segundo cãhu tirore piti ti wahcãha. Tuhsu, Derbe macariro Gayo wama tiroro Timoteo cãhu tiro mehne wahaha. Asia macaina Tiquico, Trõfimo cãhu Asiapu tirore piti ti wahcãha. ⁵ Tiro mehne macaina to pano waha, Trõade wama tiri macapu tirore cohtari jire. ⁶ Ti ã cohtachu bucuaerari pãore ti chãa bõse numuri baharo sã sehe Filipoi jiina dohoria mehne waha, cinco dachori pahã, Trõadepu sã tinare mu

sui. Siete dachori waro jii tõpure.

Trõadepu Paulo tinino wahaha

⁷ Domingo jichu Jesu yaina cahmachu pãore duhu payore Santa Cena yoaa taa. Ti ã yoahito pano Paulo tinare buhere. Æ yoaro Paulo pa dachoi wahahtiro jiro yoari pja tiro buhere. Ñami dacho macapu buhe duhuro taro nimore. ⁸ Æ jina mãano macari tahtiai payu poca sihãa poca jiri tahtiai cahmachui sã. ⁹ Paulore to tãhoro watoi, cãiro wahmãno Eutico wama tiroro mahari sopaca cahai maja pja dujire. Duji, Paulo tinare yoari pja to buhe namochu wahmãnore wãjo tare. Wãjo ta, tiro carĩ mna, tia casario buipu dujiriro majare boraahare. Boraahaha, yaria yãhdãa wahare. To yariari baharo tina tirore yariariro cjiropure na wahcõ dapore. ¹⁰ Ti ã yoachu ñano Paulo dujia, wahmãnore cãã suhsure. To ã yoari baharo Jesu yainare õ sehe ni yahure tiro:

—Yajeripohna ñaena tjiga. Yarierara ahriro. Catira — nire Paulo sehe.

¹¹⁻¹² To ã nichu wahmãno yariariro cjiro masaa wahare. To ã masachu ñãã tina wahche yãhdãare. Æ wahchea mãano macari tahtiapu maja, pãore duhu payore Santa Cena yoaa taa. Ti ã yoari baharo yoari pja Paulo tinare buhe namore tjoa. Pu bohreahto panocãpu tinare buhe duhure. To buhe tuhsuchu wahaa wahai sã.

Paulo Tróadeꝛu jiro waha, Miletopu suha

13 Paulo pano dohoria mehne Asõꝛu sã sehe su m̄htai. Paulo sehe mahap̄u waha duare. Paulo to niriro seheta Asõꝛu tirore sã piti bocai. 14 Tirore sã piti bocach̄u, sã mehne tiro samure dohoriap̄u. Tia mehne waha, Mitilener̄u sã sui. 15 Tõꝛu se su ȳhd̄u pa dachoi Quío wama tiri n̄core ȳhd̄uai sã. Pa dachoi Samop̄u sui sã. Pa nam̄u sehene Miletopu sui sã. 16 Paulo Pentecoste dachõ waroi Jerusalẽꝛu su duare. A jiro Asia yahp̄u yoari pja ji duaerare. A jiro Efesore potõ ȳhd̄u, Miletopu wahã sui sã.

Paulo Efeso macainare Jesu yainare puhtoare yahuha

17 A jiro Paulo Miletopu jiro, Efeso macainare Jesu yaina puhtoare pjirocare tiro. 18 A to pjirocari baharo tina Paulo cahap̄u wihire. Ti wihich̄u ñano tinare Paulo õ sehe ni yahure:

—Asiap̄u coã wihicu m̄sa mehne ȳu yoarire masina m̄sa. 19 M̄sa mehne jicu ne soro nino marieno Jesu, mari puhtoro yare yoaa tii ȳhu. A yoacu m̄sare pja ñi. “M̄sare ȳhd̄ar̄caja”, nierahi ȳhu. Judio masa ȳhure ñano ti yoapach̄ta Cohamac̄u yare yoaa tii ȳhu. 20 M̄sa noano wahahtore cahmac̄u m̄sare buhe pahñonocai ȳhu. Masa ti ñurocaroi, a yoaa m̄sa w̄h̄useꝛu c̄hure buhei ȳhu. 21 A yoaa judio masare, judio masa jieraina

c̄hure c̄ano potori buhei ȳhu. “M̄sa ñaa yoari buhiri tiare masi, Cohamac̄u mehne tjuaahga. A yoaa Jesu mari puhtoro wac̄u tuaga”, ni yahui ȳhu. 22 A yoaa mip̄u Espiritu Santo to dutiriro seheta Jerusalẽꝛu wahai nija. Ȳhu tõꝛu wahacu ȳu dohse wahahtore masieraja ȳhu. 23 Espiritu Santo to yahuri dihtare masija. O sehe nihre Espiritu Santo ȳhure: “Nohoi m̄u su macariper̄u m̄hu ñano ȳhd̄uic̄a. A jia m̄hure peresu yoahca”, nihre Espiritu Santo ȳhure. 24 To a nipach̄ta noaa buheare, Cohamac̄u masare to cah̄a buheare yahuhtiro cjihto jija. Jesu mari puhtoro to yoaa dutirire yoaa pahño duaja. Ahrire yoariro jicu, ȳu variahtore cuieraja ȳhu.

25 M̄sa mehne jicu puhtoro Cohamac̄u to suho jiare yahua tii ȳhu m̄sare. Mip̄u ne m̄sare pari turi ñesi ȳhu. Ahrire masija ȳhu. 26-27 A masicu michare ahrire yahuja m̄sare. Jipih̄tia Cohamac̄u yare yahui ȳhu m̄sare. A jiro jipih̄tina m̄sa mehne macaina Cohamac̄u yare cahmaeraina ti jich̄u ya buhiri jierara. 28-29 M̄sa basi noano yoaga. A jina Jesu yainare Espiritu Santo m̄sare to ñu wihbo dutiinare ñu wihboga. Ovejare ñu wihboina ovejare ti ñu wihboro seheta Jesu yaina c̄hure ñu wihboga m̄sa. Cohamac̄u mac̄no to yariaro to di cohãno

mehne Cohamacu tinare to yaina cjihti yoare. Y_u õre wahari baharo paina ñaina sehe yairo ovejare to chu cohãno seheta Jesu yare m_{usa} yoaborire dojomehneahca. ã jina Jesu yainare noano ñ_u wihboga. ³⁰ Baharopure paina m_{usa} mehne macaina sehe Jesu yainare mahño, paye buheare tãho dutiahca. Ti ã dutichu tina tãhohto cua y_uhd_uara. ³¹ ã jina noano yoaga m_{usa}. Tia c_uhma waro dachoripe, ñaminipe pja ñ_ua mehne buhei y_uhu m_{usa} jipihtinare. Tíre noano wacũga m_{usa}.

³² Mipure y_u wahari baharo, Cohamacu m_{usare} ñ_u wihborohca. Masare to cahña buheare m_{usa} basi cahma buhena, noano jinahca m_{usa}. Cohamacu to buhea mehne m_{usare} wacũ tua namochu yoarohca. Baharopure to yainare “Noano yoaitja”, to niriro seheta m_{usa} c_uhure noano yoarohca. ³³ M_{usa} niñerure, m_{usa} suhti c_uhure “Y_uhure waga”, nierahi m_{usare}. ³⁴ Y_u basi dahra wapatai y_u ya cjihtire. ã yoa y_u cahmaare, y_uhu mehne macaina ti cahmaa c_uhure y_u dahraa wapatai mehne nahí. Y_u ã yoarire masina m_{usa}. ³⁵ Mari õ sehe tuaro dahrana paye baro c_umaerainare yoadohoro cahmana marine. Ahrire m_{usare} yoa ñoi y_uhu. Jesu mari p_uhtoro to niri cjiirire wacũga m_{usa}. “To wachu ñahariro y_uhdoro wariro sehe wahchera”, niri jire Jesu to basi —ni yahure Paulo Jesu

yainare.

³⁶ ã ni batoa Paulo tina mehne na tuhcuca caha s_u, Cohamacure sinire. ³⁷ To ã sini batoachu tina jipihtina Paulore c_uã suhsu, wahsupu wihmi, tiihre. ³⁸ “M_{usare} pari turi ñ_usi y_uhu”, pano to nichu tãho tuaro cahyare tina. ã jia tirore tju n_un_u ti buhare p_u pitamaharu. Tóru sãre ñ_u n_un_u tire sã wahachu.

21

Paulo Jerusalēru pari turi wahaha

¹ Jesu yainare “Wahana nija” ni, dohoria mehne Cos wama tiri n_ucop_u poto waha, pahã s_ui sã. Pa dachop_u Roda wama tiri n_ucop_u pahã s_u, y_uhd_ua, Pátara wama tiri macaru s_ui sã. ² Pátarai jina, Feniciaru wahahtiare, dohoriare bocai sã. ã jina tia mehne wahi sã. ³ ã wahana Chipre wama tiri n_ucore poto ñ_u y_uhd_uai sã. Cõ buhusehe sehe jire tí n_uco. Tí n_ucore y_uhd_ua, Siria wama tiri yahparu s_ui sã. ã jina dohoria macaa pachere dohoria macariro Tiro wama tiri macai to dure moch_u, tói pahsasinií. ⁴ Tói Jesu yainare ñ_una, siete dachori waro tjuasinii sã tí macai. ã jia tó macaina Jesu yainare Espíritu Santo to yahuriro seheta tina Paulore Jerusalēru waha dutieramare. ⁵ Ti ã nipachuta tí macare siete dachori sã jiri baharo, wahi sã. Sã wahahto panocã jipihtina Jesu yaina, ti namosãnumia

mehne, ti pohna mehne, tí maca dũhtũ cahai sãre ñũ tjuaa wahare. 5 Á jina jipihtina sã padũroi sũ, na tuhcuca caha sũ Cohamacũre sinii. 6 Sã ã siniri baharo, “Wahana nija” ni, tinare cjã suhsu batoa, wahai sã. Sã wahachũ ñũ nunũ ti, tina sehe majare majaa wahare ti ya wũhũsepu.

7 Tiro wama tiri macai jiina wahana Tolemaidapu wahã sui sã. Tóihita pjiri mare waha batoai sã. Tí macai sũ, Jesu yainare “Coyea, ¿jimajari?” ni, cũ dacho sã tina mehne jisinii. 8 Á yoa pa dachoi tjoa Cesarea wama tiri macapu sui sã. Tópu sũ, noaa buheare yahuriro Felipe wama tiroiro ya wũhũpu sui. Á jina tiro mehne tjuai sã. Felipe Jesu yaina ti siete beseina mehne macariro jire. 9 Tuhsũ, tiro pititiaro numia pũcũro jire. Tí numia sehe Cohamacũ yare yahua numia jire. Nuhmia jire. 10 Tópu sã mahaa dachoricã sã jiri baharo, Agabo wama tiroiro Cohamacũ yare yahu turiariro Judeapu jiriro sãre ñũno wihire. 11 Á wihiro tiro Paulo ya dare tuã dihori dare na, to basi to dahporire, to wamomacarine dũhte cayõ õ sehe ni yahure:

—Õ sehe nire Espiritu Santo: “Ahri dare cjuariro Jerusalẽpu to sũchũ, judio masa áta dũhteahca tirore. Dũhte tuhsũ, judio masa jierainare waahca tina tirore”, nire Espiritu Santo — ni yahure Agabo.

12 To ã nichũ tuhona, sã Cesarea macaina mehne Paulore tuaro cahĩi sã. Tirore Jerusalẽpu waha dutieramai. 13 Sã ã nichũ Paulo sehe õ sehe ni yahure:

—¿Dohse ni tiina nijari mũsa? Yũhũ sehere cahyachũ yoaca mũsa. Tina yahure peresu ti yoachũ noanohca. Yũhũ Jerusalẽpu Jesu mari puhtoro yare yũ yoari buhiri yũ yariachũ noanohca —nire Paulo sãre.

14 “Wahaeraja”, to nichũ tuho duana nimai sã. To “Wahaihtja” to nichũ, ã tuhhotunocahi sã. Õ sehe nii:

—Mari puhtoro to cahmano seheta yoajaro —nii sã.

15 Tíre sũhũdu batoa, sã yare cahno, wahaa wahai sã Jerusalẽpu wahana. 16 Tópu sã wahachũ mahainacã Cesarea macaina Jesu yaina sehe sã mehne wahare. Á yoa tina mehne macariro Chipre macariro Mnasõ wama tiroiro ya wũhũpu sui sã. Tiro yoari pja Jesu buheriro jire. Á jiro to ya wũhũ sã carĩhti wũhũ jire. Tí wũhũi sã carĩni baharo, Jerusalẽpu sui sã.

Paulo Santiagore ñũno waha

17 Jerusalẽpu sã sũchũ, to macaina Jesu yaina sehe “¿Wihimajari?” ni, wahchea mehne piti bocare sãre. 18 Pa nũmũi Paulo sã mehne Santiagore ñũno sũre. Sã tópu sũchũ tói jipihtina Jesu yaina puhtoa jire. 19 Tói ti jichũ ñũno Paulo tinare to wamomaca ñahari baharo judio masa jierainare to buherire yahu pahũore Jesu

yainare. Cohamacu to yoad-
ohoa mehne to yoarire yahu
pahñore. ²⁰ To ã ni yahuchu
tuhua, “Cohamacu noariro,
tuariro jira”, ni ño payore
tina sehe. ã ni tuhsu tina
Paulore õ sehe ni yahure:

—Coyeiro, mipure payu
judio masa Jesure wacũ
tuaina jira. Tíre masina
muhu. ã jia tina õ sehe
ni tuhotura: “Cohamacu
to dutiare, Moise cjiropu
marine to cũrire marine
yoa pahñono cahmana”, nia
nina. ²¹ Õ sehe ni namona
tina. “Pa seheru jĩinare judio
masa jieraina watoi jĩinare
judio masare Cohamacu
Moise cjirore to cũri cjiirire
cohã dutiha Paulo”, ni-
mare õ macaina judio masa
muhure. “Paulo judio masa
pohnare mahari cahsarocãre
yihso na dutierara”, nimare
muhure tina. “Judio masa
ti yoaa tiare Paulo duhu
dutira”, ni ahri cãhure ni
yahuwajara muhure. ²² ã
jia mu õre wihichu tuhua
tina cahmachuahca muhure
tuhtia taa. ã jicu õ sehe
yoaro cahmana muhure.
²³ Muhure sã dutiro seheta
yoaga. Mipure õre pititiaro
mua Cohamacure wacũina “õ
sehe yoanahtja”, niina jira.
²⁴ Tina mehne wahaga. ã
jia Cohamacu Moise cjirore
to dutiriro seheta ti basi
Cohamacu yare yoaa taa ti
dutiare yuhdurũcaare cosaa
nina. Muhu cãhu ãta yoaga.
ã yoacu ti ã yoahiti wapare
wapaga muhu sehe. Mu ã
wapari baharo ti pjoarire

waha duti masina tina. Mu
ã yoachu ñua masa muhure
ti nia mahñori jichu masi-
ahca jipihtina. Cohamacu
Moise cjirore to cũri dutiare
yoariro mu jichu masiahca
tina. ²⁵ Wiho mejeta judio
masa jieraina Jesu yaina
sehene sã joari pũre waroca
tuhsu. Õ sehe ni, joai sã.
“‘Cohamacu jira’, ti nia
masurine ño payo ti duhu
payoa chũare, dire, wamua ti
ñaha wajãinare wahiquinare
chũena tjiga musa. ã jina
numia mehne ñano yoaena
tjiga. Numia cãhu mua
mehne ñano yoaena tjiga”, ni
yahu joahi sã joari pũpũre —
nire tina Paulore.

*Cohamacu wuhuru judio
masa Paulore ñahaha*

²⁶ Ti ã ni durucuri ba-
haro pa dacho Paulo sehe
pititiaro mua mehne ti basi
Cohamacu yare yoaa taa ti
dutiare yuhdurũcaare cosaa
taa, Cohamacu wuhuru sãa
wahaha. Tí wuhuru sãa
suro, tinare yahuha Paulo:
“Õpe dachori dũhsara musa
cosahto”, ni yahuha tiro
pititiarore. ã jia ti cosa
batoari dachoi tina cãina
Cohamacure wahiquinare ti
wahti dacho jire.

²⁷ ã yoa ti cosa pahñoboriro
mahanocã dũhsachu waro
Cohamacu wuhuru Paulo to
jichu Asia yahpa macaina
judio masa sehe ñuha tirore.
ã ñua Paulore quiti do-
jomehne, tí wuhuru jĩina jip-
ihtinare tiro mehne suachu
yoaha tina. ã suaa judio

masa Paulore ñaha, ²⁸ õ sehe ni sañurucuha:

—Musa sã coyea Israe masa sãre yoadohona taga. Ahriro jira marine do-jomehneriro. Ahriro Cohamacu Moise cjirore to cūri dutiare ahri wuhu cūhare “Wiho jia jira”, ni buhe sito tara jipihtinare. ã yoa tiro Cohamacu wuhupare judio masa jieraina cūhare na sãare. ã yoaro ahri wuhure ñaa marieni wuhure tiro do-jomehnere —ni sañurucuha judio masa Asia yahpa macaina tó macainare.

²⁹ Tó pano Jerusalēi Paulo Trófimo wama tiro mehe to jichu judio masa ñaa tiha. Trófimo sehe Efeso macariro judio masano jierariro jire. To ã jichu masia õ sehe ni tūhotuha tina: “Paulo Trófimore Cohamacu wuhure na sãano nica”, ni tūhotumaha judio masa.

³⁰ Masare ã ni yahu ti sañurucuri baharo tí maca macaina payu tuaro suaha. Payu muroca ta, Cohamacu wuhui jirirore Paulore ñaha waja wijaa wahaha. ã wijaa tuhsu, tí wuhu sopacarire bihaha tina. ³¹ ã yoaa tina tirore wajãa taa nimaha. Ti ã yoachu ñaa paina sehe “Jipih-tina Jerusalē macaina sua, sañurucua nire”, ni yahua wahaha surara puhtorore. ³² Ti ã nichu tūhorō surara puhtoro sehe to surarare, ti dutiina cūhare cahmachuroca, tina mehe Paulore wajã duaina cahapu muroca wahcã, suha. Surara ti suchu ñaa Paulore cjāmaina cjā duhunocaha.

³³ ã jiro surara puhtoro Paulo cahapu su, tirore ñaha, puha da comaa dari mehne tirore duhte dutiha. Ti duhte tuhsuchu ñu, surara puhtoro Paulore cjāmainare sinitu ñaha:

—¿Diro baro jijari ahriro? ¿Yaba buhiri tirore ã yoari musa? —ni sinitu ñaha tiro tinare.

³⁴ To ã sinituchu tūhoa masa sehe “Õ sehe yoare tiro” ni, paina cūhu soro ni sañurucu, yahuha surara puhtorore. ã ni ti sañurucuchu surara puhtoro noano tūhoeraha. ã jiro tiro surara ya wuhupu Paulore naa dutiha. ³⁵ Tí wuhupu su, Paulo mujari escadai to mujano cahachu masa sehe tirore cjā duaa nimaha. Ti ã yoachu surara sehe tirore na wua, na mujaa wahaha. ³⁶ Masa tinare payu nūnu ti, sañu nūnu tihaa:

—Tirore wajānocahga —ni sañurucuha tina Paulore.

Paulo “Ne masare ñano yoaeraja yuhu”, ni yahuha

³⁷ ã yoa Paulore tí wuhupu ti peresu yoahito pano, Paulo sehe surara puhtorore õ sehe ni siniha:

—Yuhu mūhu mehne sūhūdu duaja —ni siniha Paulo.

—¿Mūhu griego masa yare durucujari? ³⁸ ¿Sohō jiriro, Egipto macariro jierajari mūhu? Tiro masare ti puhtoare cohā dutiro, cuatro mil puhtoare cohā duaina sehere masa marienopu naari jire. ¿Tiro jierajari mūhu? —niha surara puhtoro Paulore.

³⁹ To ã nichu tuhoro Paulo õ sehe ni yuhtiha:

—Tiro jieraja yuhu. Judio masano jija. Tarsoi Cilicia yahpai jiri macai masa bajuai yuhu. Wiho jiri maca macariro jieraja yuhu. Yuhu ahrina masa mehne durucu duaja yuhu —niha Paulo tire.

⁴⁰ To ã nichu tuhoro surara puhtoro sehe tire durucu dutiha masa mehne. Æ jiro Paulo mujari escadai ducuro to wamomacari mehne “Dihta mariaha”, niha masare. To ã yoachu ñha, dihta mariea pihtia wahaha. Ti dihta marieachu ñha, Paulo judio masa ya mehne yahuha tinare.

22

¹ —Yu coyea, yu yoarire yahuihtja musare. Yu yahuchu tuhoga musa —niha Paulo.

² To ã nichu Paulo judio masa ya mehne to durucuchu tuhoha masa sehe dihta marieina tjuaha. Æ jiro Paulo tinare õ sehe ni yahuha:

³ —Yuhu judio masanota jija. Tarso wama tiri macai, Cilicia yahpai jiri macai masa bajuai yuhu. Wiho mejeta ahri maca Jerusalēihta bucñai yuhu. Tuhsu, yuhure Gamalie wama tiri buhea tire. Æ jicu yuhu mari ñuchusuma cjiri dutiare noano buhei. Mipure Cohamacure musa yoaro seheta yuhu cñhu ño payoa timai. ⁴ Æ jicu Jesu yainare ñano yoaa ticuru yuhu. Cãina tinare wajãa ticuru yuhu. Mhare, numia

cñhure ñaha, peresu yoaa tii yuhu. ⁵ Sacerdotea bui puhtoro, judio masa bucñana mehne yu tuahti pñri cjihtire Jesu yainare ñaha dutia pñrine yuhure joabasare. Mari coyeare Damasco macainare tí pñrine ñoi tai nimai Jesu yainare ñahai tai. Tinare ñaha, na ta peresu yoai tai nimai. Jerusalēpu tinare na ta duamai buhiri dahrei tai. Õ sehe yu nichu sacerdotea bui puhtoro, judio masa bucñana cñhu noano masina —ni yahuha Paulo.

Paulo Jesu yairo to waha dñcarire yahuha

(Hch 9.1-19; 26.12-18)

⁶ Æ ni tuhsu õ sehe ni yahu namoha:

—Æ yoa cohari pja jichu, Damascopu yu sui cahachu waro mñanopu wacñenoca si siteroca boroa tire yuhure.

⁷ To ã si siteroca borochñta yuhu yahpau bora caha suai yuhu. Yu bora caha sari baharo durucuro coa tare yuhure. “Saulo, Saulo ¿dohseacu yuhure ñano yoajari?” ni durucuro coa tare yuhure. ⁸ “Puhtoro, ¿diro baro jijari mñhu?” ni sinitui yuhu. “Yuhu Jesu Nazare macariro, mñ ñano yoariro jija yuhu”, ni yuhtire yuhure tiro. ⁹ Yu ã wahachu yuhu mehne macaina buhriarore ñure. Wiho mejeta yuhu mehne to durucuchu tuhore tina. ¹⁰ “Puhtoro, ¿dohse yoaihcari yuhu?” ni sinitui Jesure. “Wahcñcaga. Damascopu wahaga. Tói mñ wahachu, mñhure jipihtia yu yoa

dutihtire pairo yahurohca mähure”, nire tiro yähure. 11 Tuaro to minoa siterocachü, yu capari wapoa wahare yähure. Ä jia, yähü mehne macaina yu wamomacare ñaha, Damascopü tää wahcäre yähure.

12 Tóí Anania wama tiri, Cohamacüre ño payoriro, marine Cohamacü dutiare yoa pahñoriro jire. Tó macaina judio masa jipihtina ti ño payoriro jire. 13 Ä jiro tiro yu cahai wihi tarüca yähure yahure. “Coyeiro Saulo, ñüga pari turi tjoa”, nire tiro. To ä niri baharo pari turi ñüi yähü. Ä ñü ducacü tirore ñüi yähü. 14 Yu ä ñüchü tiro Anania yähure yahure: “Cohamacü to cahmaare noano masihtirore panopü bese tuhsüyuhti mähure. Ä jiro ‘Yu macü noarirore ñü, tühorohca’, ni yahuyuhti mähure Cohamacü panopü. Tiro jira mari ñüchüsumä mäna ti ño payoriro. 15 Ä jicü mähü mü ñürire, mü tühorire yahuihca mähü jipihtinare. 16 Ä jina mipüre yoari pja jiena tjijihna. Wahcärucaga. Ä jicü bautisariro jiga. Jesure mü sinichü mü ñaare yoari buhirire cohänohca”, nire yähure tiro —niha Paulo.

Paulo judio masa jierainare to buherire yahuha

17 Ä ni tuhsü Paulo ö sehe ni yahu namoha:

—Ä yoa tuhsü yähü Jerusalëpü tjua ta, Cohamacü wähüpü Cohamacüre sinii süi.

18 Yu töi jichü Jesu yähure bajua tire. Ä bajuaro yähure yahure. “Jerusalë macaina yu yare mü yahuchü tühö du-aerara. Ä jicü cjero pa seherü wahaga”, nire Jesu yähure. 19 To ä nichü tühocü yahui tirore: “Pühtoro, mü yainare judio masa buhea wähüsei jiinare yu ñaha, cjäri cjirire masina Jerusalë macaina. 20 Ä jicü mähure yahurirore Estebä sehere ti wajächü ñücü ‘Noano yoa wajäna’, nimai. Tirore ti wajächü ti suhtire cjuabasai yähü. Tí cühure mašina ahri maca macaina. Ä jia yu yahuchü tühoboca yähure”, ni yahui yähü Jesure. 21 Yu ä nichü tühoro Jesu yähure ö sehe ni yahure: “Yoaropü judio masa jierainare buhehtirore warocaihtja mähure. Ä jicü wahaga mähü”, nire yähure yu pühtoro —niha Paulo masäre.

Surara pühtoro Paulo mehne durucuha

22 To yahu mähtari dihtare noano tühomaha masa. Wiho mejeta judio masa jieraina cahai Jesu Paulore to warocahire to yahuchü tühöa tina sañurucu ducaha tjoa:

—Ahriro mipü pinihtare yariawahnojaro —ni sañurucuha tina.

23 Ä jia tina sañurucu namo, sua mehne ti suhtire wahba siterüca, dihta mehne docaha. 24 Surara pühtoro surara ya wähüpü Paulore na säa dutiha to surarare. Ä jiro surara pühtoro “¿Dohse

yoa Paulo mehne sua ã ñaca sañurucua nijari masa?” ni sinitu duamaha. Paulore tíre sinituro taro, yuta dari mehne tjana dutimaha tireore. ²⁵ Wiho mejeta tireore ti dũhteri baharo, tiro cahai jirirore surara pũhtoro ò sehe ni yahuha Paulo:

—Yũhũ Roma macariro jija. Æ jina “Ñano yoariro jira ahriro”, yũhũre ni yahusã masierara mũsa. Æ yahusã masierana yuta dari mehne yũhũre tjana masierara mũsa —niha Paulo tireore.

²⁶ To ã nichũ tũhoro surara pũhtoro, to bui pũhtoro ò sehe ni yahuro wahaha:

—Ahriro Roma macariro jira. Æ jicũ noano yoaga tireore —ni yahuha tiro to pũhtoro.

²⁷ To ã niri baharo surara bui pũhtoro sehe Paulore sinituro wahaha:

—¿Potocãta mũhũ Roma macariro jijari? Yahuga yũhũre tíre —niha tiro.

—Tiro tjija yũhũ —ni yũhtiha Paulo.

²⁸ To ã nichũ tũhoro surara bui pũhtoro sehe tireore ò sehe ni yahuha:

—Yũhũ Roma macariro ji duacũ niñeru pjíro wapai —niha tiro.

—Yũhũ Roma yahpa macari macapũ masa bajuai. Æ jicũ Roma macariro jija —niha Paulo.

²⁹ To ã nichũ tũhoa tireore tjanaborina wahaa wahaha.

Æ jiro Paulo Roma macariro to jiriro jichũ masino, tireore comaa dari mehne ti dũhteri cjirire

wacũno, cui niha surara pũhtoro sehe.

Paulo judio masa pũhtoro yahuha

³⁰ Æ yoa surara pũhtoro judio masa Paulore ti yahusãire noano masi duaha. Æ masi duaro pa dachopũ comaa darire tireore to pjã dutiri baharo, sacerdotea pũhtoare, judio masa bũcũna mehne cahmachu dutiha surara pũhtoro. To ã cahmachu dutiri baharo tiro tórpũ Paulore na wahcã, ti pano duhu dapoha tireore.

23

¹ Æ jiro Paulo judio masa bũcũnare ñũ piti boca, ò sehe ni yahuha:

—Coyea, Cohamacũ to ñũrocaroi jipihtia dachoripe noano yoarucuja yũhũ —niha Paulo.

² To ã nichũ tũhoro jipihtina sacerdotea bui pũhtoro jiriro Anania sehe Paulo dũserore cjã dutiha. ³ To cahai ducuinare cjã dutiha. Tireore ti cjãri baharo Paulo Ananiare tuhtiha:

—Masa ti ñũrocaro dihtare noano yoariro jira mũhũ. Masa ti baharo bũhũsehei ñano yoa cohtariro jira mũhũ. “Cohamacũ dutiare yũhdũrũcai nina”, yũhũre nipaihta yũhũre cjã dutira mũhũ. Æ cjã duticũ mũhũ sehe dutiare yũhdũrũcai nica —niha Paulo tireore.

⁴ To ã nichũ tũhoa Paulo cahai ducuína ò sehe niha tireore:

—Cohamacũ to beseriro sacerdotea bui pũhtoro

ñano durucui tjiga m̄h̄u — niha tina Paulore.

⁵ Ti ã nich̄u t̄h̄oro Paulo ò sehe ni namoha tjoa:

—Coyea, tiro to sacerdotea bui p̄h̄toro to jiare masierahi ȳh̄h̄. ã jii ã nimacanocati ȳh̄h̄. Cohamac̄u yare ti joari cjiri ò sehe ni yahura tirore: “M̄u ya maca macaina p̄h̄torore ñano ni, durucui tjiga”, ni joaa tiha —niha Paulo tinare pjãno.

⁶ ã yoa tói p̄h̄a curua macaina jiha. Cũ curua saduceo curua macaina jiha. Pa curua sehe fariseo curua macaina jiha. P̄h̄a curua ti jich̄u masino, Paulo judio masa b̄h̄c̄nare tuaro sañurucu ò sehe ni yahuha:

—Coyea, ȳh̄h̄ fariseo curua macariro jija. Fariseo curua macariro mac̄no tjija ȳh̄h̄ c̄h̄h̄. “Yariaina masa m̄j̄aahca”, ȳh̄ ã niri buhiri ȳh̄h̄re ñano yoa duara m̄sa —niha Paulo.

⁷ To ã nich̄u t̄h̄oa fariseo curua macaina, saduceo curua macaina ti basi cahma tuhtiha. ã jia ti basi p̄h̄a curua tju waha. ⁸ Saduceo curua macaina ò sehe niina jiha: “Yariaina masa m̄j̄asi. Espiritua, anjoa c̄h̄h̄ ne mariahna”, niina jiha. Wiho mejeta fariseo curua macaina sehe tina yoaro sehe nieraha. ã jia Paulo “Yariaina masa m̄j̄aahca” to nich̄u tina ti basi cahma tuhtiha. ⁹ ã cahma tuhtia, tuaro sañurucuha. ã yoa fariseo curua mehne macaina judio

masa buheina wahc̄r̄uca, tuhti, ò sehe ni yahuha:

—Ahr̄iro Paulo ñano yoaerare. ã jiro esp̄iritu o anjo, potocã tiro mehne durucur̄iro jiboca. [ã jina ahr̄irore buhiri dahrena, Cohamac̄re ñ̄u tuhtiina jiboca mari. ã yoaina jiena tjiga m̄sa] —niha tina.

¹⁰ Ti ã niri baharo, tina jipihtina cahma tuhti, tuaro suaha. “Ti basi cahma sua sayo, tirore waj̄aboca”, ni cuisãaha surara p̄h̄toro sehe. ã jiro Paulore, masa watoi ducur̄irore na wio, to ya w̄h̄p̄u na ta dutiro warocaha to surarare.

¹¹ Pa ñamihi p̄h̄toro Jesu Paulo cahai ducuro, ò sehe ni yahuha tirore:

—Wacũ tuaga. Mip̄ure òre Jerusalēi ȳh̄ ya buheare yahure m̄h̄h̄. Tó seheta Romap̄h̄ c̄h̄h̄re yahui wahaihca m̄h̄h̄ —niha p̄h̄toro Jesu Paulore.

Judio masa Paulore waj̄a duamaha

¹²⁻¹³ Pa dacho bohrearo i judio masa cahmachu, ti basi ò sehe ni cahma durucuha:

—Ò sehe yoajihna. Paulore waj̄ajihna. Cohamac̄re ò sehe ni yahu c̄j̄jihna. Ne mari sihnisi. Ne ch̄si, p̄h̄ tirore mari waj̄ari baharop̄h̄. Tirore mari waj̄erach̄u, mari sehere Cohamac̄u buhiri dahrejaro —niha tina ti basi.

Tina cuarenta bui curero judio masa jiha. ¹⁴ Ti ã niri baharo tina sacerdotea p̄h̄toare, b̄h̄c̄na c̄h̄h̄re yahua wahaha:

—Paulore sã wajãhto pano chũare sã chũeraja. “Tirore sã wajãerachũ Cohamacũ sã sehere buhiri dahrejaro”, nihi sã. ¹⁵ ã jina mũsa, bũcũna mehne õ sehe ni pjirocaga. “Paulore pari turi sinitu duaja”, niga surara bui pũhtorore. Mũsa ã niri baharo surara bui pũhtorore na ta dutiga Paulore. Wiho mejeta Paulo to õre to wihiro cahachũ waro tirore wajãnahca sã —niha tina sacerdotea pũhtoare.

¹⁶ Wiho mejeta Paulo pjacamacũno ti ã ni durucuchũ tũhoha. Ti ã nichũ tũhoro waha, surara ya wũhũpũ Paulore yahuro sãaha. ¹⁷ To ã yahuri baharo Paulo sehe cãiro surarare pjiroca, õ sehe ni yahuha tirore:

—Ahriri wahmũnore pũhtoro cahapũ naahga. Ahriri mũ pũhtorore yahu duaro nina —niha Paulo.

¹⁸ To ã nichũ tũhoro surara sehe Paulo pjacamacũnore to pũhtoro cahapũ na sũ, õ sehe ni yahuha:

—Peresupũ jiri Paulo sehe yũhũre pjiroca, ahriri wahmũnore mũ cahapũ naa dutihre. Ahriri mũhũre yahuro taro nihre —niha surara to pũhtorore.

¹⁹ To ã nichũ tũhoro pũhtoro sehe wahmũno to wamomacare ñaha tũã wahcã, masa marienopũ tirore sinitu ñũha:

—¿Dohse niĩ tai niri mũhũ yũhũre? —niha tiro Paulo pjacamacũnore.

²⁰ To ã sinituchũ tũhoro õ sehe ni yahuha:

—Judio masa cũno potori, “Õ sehe yoajihna” ni, ñamichacapũ judio masa bũcũna cahapũ mũhũre Paulore naa dutiahca. “Bũcũna Paulore pari turi sinitu duara”, ni mahũoahca. ²¹ Wiho mejeta cuarenta bui curero mũa tirore wajã duaina bũcũna caha duara. Tina tirore ti wajãhto pano chũare chũsi. ã yoa sihnisi. “Tirore mari wajãerachũ, Cohamacũ mari sehere buhiri dahrejaro”, nire tina ti basi. ã jia mipũ mũhũre Paulore na ta dutia tina sehe duhti cohta tuhsũhũre, Paulore wajãa taa. ã jicũ ti yahua wihihũ tinare yũhtii tjiga mũhũ —ni yahuha wahmũno surara pũhtorore.

²² To ã nichũ tũhoro surara pũhtoro õ sehe niha:

—Yũhũre mũ yahurire painare yahui tjiga —ni yahuha wahmũnore.

ã ni tuhsũ wahmũnore “Wahaga”, niha tiro.

Paulore pũhtoro Feli wama tiriro cahapũ warocaha

²³ ã ni tuhsũ, surara pũhtoro pũaro to surarare pji wahcã, tinare õ sehe ni dutiha:

—Dos cientos surarare, setenta cawaloa bui pisainare, dos cientos doca yucũ cũaina mehne ti yare cahno dutina wahaga. Micha ñami nueve jichũ Cesareapũ wahanahca mũsa. ²⁴ Paulore cawaloare to pisahtinare cahnobasaga. Cesareapũ pũhtoro Feli cahapũ, noano ñũ nũnũ sogã tirore —niha surara pũhtoro.

²⁵ Ñ ni tuhsu papera joaro, ò sehe ni joaha tiro:

²⁶ “Yuhu Claudio Lisia mähure tuariro puhtoro Felire noa dutija. ²⁷ Judio masa ahriro Paulore ñaha, wajāmare. Ñ jicu tiro Roma macariro to jichu masicu, yu surara mehne tirore yoadohoi suhi. ²⁸ Ñ jicu tirore ti yahusārire masi duacu judio masa bucuna cahai nahi tirore. ²⁹ Ñ jicu tiro judio masa ya dutia dihtare to yuhdurucachu mari ya dutiare to yuhdurucaerachu ñucu, tirore peresupu cū du-aerahi. Yaba buhiri yariaro mariahna tirore. ³⁰ Ñ jiro judio masa tirore wajā dua, ti bucuna cahachu tuhoro paio yahure yuhure. To ã yahuri baharo Paulore mipure mu cahapu warocai nija. Ñ jicu tirore yahusārinare to ñaa yoirire mähure yahu duti tuhsuhi yuhu”, ni joaha surara puhtoro.

³¹ Ñ yoa surara ti puhtoro to dutiriro seheta yoaha. Tí ñamine Antipatri wama tiri macapu Paulore na suha. ³² Pa dachoi paina surara cawaloa bui pisaeraina tí macai tjua taha ti ya macapu. Paina surara cawaloa bui pisaina dihta tirore na yuhdu wahcāha. ³³ Pu Cesareapu na suha Paulore. Ñ jia surara puhtoro to warocari püre puhtoro Felire waha. Ñ jia Paulore na suha puhtoro cahapu. ³⁴ Ti ã wari baharo puhtoro tí püre to ñuri baharo tiro painare sinitu ñaha:

—¿Di yahpa macariro jijari ahriro Paulo? —ni sinitu ñaha tiro.

—Cilicia yahpa macariro jira —ni yahuha tirore.

³⁵ Tinare sinitu tuhsu, Feli Paulore ò sehe ni yahuha:

—Mähure yahusārina òre ti wihichu mu yahuchu tuhoihtja —niha Feli Paulore.

To ã niri baharo Herode ya wuhapu tirore cūha. Ñ jiro to mähure tirore cohta dutiha puhtoro.

24

Paulo “Ñano yoaerahi yuhu”, ni yahuha Felire

¹ Cinco dachori baharo, Anania sacerdotea bui puhtoro, paina judio masa bucuna, dutiare mihniro Tértulo wama tiriro mehne Cesareapu suha. Ñ jia tina Paulore yahusā dua, puhtoro Feli cahapu suha. ² Ñ jiro Paulore tópre ti na sari baharo Tértulo tirore yahusā ducaha. Ñ yahusā ducaro ò sehe ni yahusāha Felire:

—Muhu noano masiriro, sã puhtoro mu noano dutichu sã ahri yahpa macaina noano jinocaja sã cahmacheno marieno. Mu dutia mehne noaa sehere cohtotaro nina ahri yahpa. ³ Ñ jina sã noano jinocahna wahcheja. Ñ jina mahu mehne noano wahcheja. ⁴ Mipure mahancã mähure cariboihtja yuhu. Mahancã mahu mehne suhdu duaja. Säre tuhocasinia mahu. ⁵ Ahriro säre caribobiara. Jipiitia yahpari macainare judio

masare ti sua sañurucuhu yoara ahriro. ã jiro masa ti basi cahma tuhtichu yoara ahriro. ã jiro nazareno wama tiri curua puhtoro jira. ⁶ ã jina Cohamacu wuhure ñano to yoa duachu ñuna sã ñahahi ahriroro. [Sã ñahari baharo sã ya dutiare to yuhdurucariro jichu tirore buhiri dahre duamahi sã. ⁷ Wiho mejeta surara puhtoro Lisia wama tirore tirore sãre tuaro mehne manocahre. ⁸ Baharo tirore yahusarinare mu cahapu waha dutihre Lisia. To ã nichu tuhona tahi sã.] Muhu pinihta ahriroro sinitucu, jipihtiare to ya buhirire masicahca muhu — niha Tértulo Felire.

⁹ To ã niri baharo paina judio masa “Tértulo to niriro seheta potocã tjira”, niha tina cuhu. ¹⁰ Ti ã ni yahusãri baharo puhtoro Feli Paulore yahu dutiha. Õ sehe ni yahuha Paulo:

—Payu cahmari ahri yahpa macainare mu dutirire masija yuhu. ã jicu yu yoarire muhure yahucu wahcheja. ¹¹ Doce dachorita wahara Jerusaleru Cohamacure yu ño payori baharo. Muhu ahri potocã ti jichu masi duacu painare sinitu ñuga. ¹² Judio masa yuhure Cohamacu wuhupure boca ti ñahachu masare ñano ni sañurucui nierahi. ã yoa masare sua sañurucuhu yoai nierahi. ã yocu judio masa buhea wuhusere, ti ya maca cuhure ne ti nino sehe ñano yoaerahi. ¹³ ã jia yuhure yahusarina

sehe ti yahusãri cjiire “Õ sehe yoare ahriro”, ni yahu masierara muhure. ¹⁴ Mipu yu yoarire yahuihtja muhure. Dóihã sã ñuchusuma ti ño payorirore Cohamacure ño payoja yuhu cuhu. ã jicu to yare yoaja Jesu ya noaa buhea ti nino seheta. Ahrina “Jesu ya mahñoepa jira”, ni durucura ahrina judio masa. Wiho mejeta Cohamacu dutia, Moise cjiropure to cãri cjiire ti cuhure ño payoja yuhu. Cohamacu yare yahu muhtaina cjiri ti joari cuhure ño payoja yuhu. ¹⁵ Ahrina paina judio masa ti tuhuro seheta Cohamacu jipihtina masare yariainare noaina, ñaina mehne ti masa mujachu yoarohca. Yuhu cuhu ãta ni tuhutuja. ¹⁶ ã jicu buhiri mariaja yuhu. Cohamacu yuhure tíre masina. ã yoa masa cuhu tíre masina. ã jii potocãta yahuja yuhu muhure. ã jicu noano tuhutonocaja.

¹⁷⁻¹⁸ Paye cahmarine pa seheru tiniriro jicu Jerusalene tju wihi, yu coyeare judio masa pjacuoinare niherure wai tai nihi. Tju wihi Cohamacure ño payoi tai to ya wuhupu samahi. ã jicu Cohamacu to cosa dutiriro seheta yu basi yu yuhdurucarire yu cosari baharo wahiquire wa duamahi tirore ño payoi tai. Tóru yu jichu ahrina judio masa yuhure bocahre. Ti bocachu paina yuhu mehne mariahe. Sua, sañurucuina

mariahre. ¹⁹ Wiho mejeta paina judio masa Asia yahpa macaina tói jihre. Tina yu ñano yoachu ñurina jia yahusãa tajaro. ²⁰ Ahrina õpu jiina sehe judio masa bucuna mehne yu jichu ñuina yu ñano yoarire masia, tina cãhu yahusãjaro. ²¹ Cãnocã pinihtare yuhure tina yahusã masina: Pano tina mehne jicu õ sehe ni tuaro sañurucuhi yuhu: “Yariaina masa m̄jaahca’, yu niri buhiri, buhiri dahrera m̄sa”, nihi tinare —ni yahuha Paulo Felire.

²² To ã ni yahuri baharo Feli õ sehe ni yahuha Paulore:

—Mip̄re tó puro tjira. Surara puhtoro Lisia to wihiri baharo m̄hure yu yoahatore masiihca yuhu — niha Feli Paulore.

Feli sehe Jesu yaina ti yoarire noano masi pahñoriro jiha.

²³ Æ ni tuhsu, Paulore cohtariro surarare Feli noano ñu nuu dutiha “Peresupu jiro duhtiri”, nino. Wiho mejeta mahanocã ware to tinihtore. Paulo mehne macainare tirore peresupu jirore yoadoho dutiro ã dutiha Feli.

²⁴ Mahaa dachoricã baharo Feli to namono Drusila wama tiricoro mehne ta, Paulore pjia. Feli namono sehe judio masono jiha. Paulore ti pjiri baharo, Jesucristore to wacũ tuaare Paulo sehe yahuha tinare. ²⁵ Æ yahuro quihõno yoare, ñaare yoa duaparota yoeraare, pihtiri dacho

jichu Cohamacu masare to buhiri dahrehtore yahuha Paulo. To ã ni yahuchu tãhoro Feli cuiro, Paulore õ sehe ni yahuha:

—Mip̄re waharisa. Baharo yuhure dahraa mariachu m̄hure p̄jihtja tjoa — niha Paulore.

²⁶ Æ nino Paulo to niñeru wachu cahmamaha Feli. Æ jiro tiro niñerure cahmano, payu tahari Paulore p̄ji, tiro mehne durucua timaha Feli. ²⁷ Puu cãhma baharo Porcio Festo wama tiriro puhtoro Felire cohtotariro jiha. Wiho mejeta Feli sehe judio masare tiro mehne wahchechu yoa duaha. Æ jiro puhtoro Feli to puhtoro wijaahito pano, tiro Paulore peresui ji dutisiniha.

25

Paulo Festore to yoarire yahuha

¹ Æ yoa Festo tí yahpapu tia dacho to jiri baharo, Cesareapu jirore waha, Jerusalẽpu suha. ² Tói to jichu sacerdotea puhtoa, judio masa puhtoa mehne Paulore ti yahusãrire yahuha Festore. ³ Paulo to mahapu wahachu tirore bucua caha, wajã duaa nimaha tina. Æ jia tina Festore tuaro sinimaha:

—Paulore Jerusalẽpu warocaga —ni sinimaha tina Festore.

⁴ Ti ã nichu tãhoro, Festo õ sehe ni yahuha tinare:

—Mip̄re Paulo Cesareapu peresu jira. Yuhu tópu wahai tai nija. ⁵ Paulo to ñano yoariro jichu, m̄sa puhtoa

Cesareapu yahu mehne waha, tirore yahusāga —niha Festo.

⁶ Ā jiro Festo ocho o diez dachori tina mehne to jiri baharo Cesareapu tjuaa wahaha. Pa dachoi tiro buhiri tiare cahnoru wahuu dujuro, Paulore na ta dutiha. ⁷ Ā jia Paulo Festo cahapu to wihichu, judio masa Jerusalēpu tarina sehe Paulo cahai ducu, tirore tuaro mehne yahusā ducaha. Ā yahusāpahta “Ahroro to űano yoachu űahu”, ni yahu masieraha. ⁸ Ti ā ni yahusāri baharo Paulo to yoarire yahuha:

—Judio masa ti dutiare, Cohamacu wahu macaa dutiare, Roma puhtoro to dutiare yuhducaerahi —niha Paulo.

⁹ Festo sehe judio masare wahchechu yoa duaro, Paulore ō sehe ni sinituha:

—ĴJerusalēpu waha duajari mahu? Mu yoarire yuhure tōpu yahuihca mahu —niha Festo Paulore.

¹⁰ To ā nichu tuhoro Paulo ō sehe ni yahuha:

—Jipihtina bui puhtoro César to ya wahuu buhiri tiare cahnoru wahuu jija mipare. Ahri wahu baroi yu yoarire tuhoga. Judio masare yu űano yoerarire noano masina mahu. ¹¹ Dutiare yuhducaro yu jichu, yuhure wajāchu noaboa. Wiho mejeta ahrina ti yahusāri sehe mahñoa ti jichu yuhure yahusārinare yuhure wiho waro wia masierara mahu. Yu yoarire jipihtina

bui puhtoro Césare yahu duaja. Tiro sehe yu buhiri tiare to cahnochu cahmaja —niha Paulo.

¹² To ā nichu tuhoro Festo sehe noano masi yahuinare sinitu tuhsu, ō sehe ni yahuha Paulore:

—Mahu jipihtina bui puhtoro mu yoarire mu yahu duachu, tiro cahapu warocanahtja sã mahuare —niha Festo Paulore.

Paulo puhtoro Agripare to yoarire yahuha

¹³ Baharopu puhtoro Agripa, Berenice wama tiororo mehne Cesareapu Festore űua suha.

—ĴNe, wihimari mahu cūhu? —niha tina Festore piti bocasinia.

¹⁴ Tói payu dachori ti jiri baharo Festo ō sehe ni yahuha Agripare Paulore:

—Ōre Feli to peresu yoaroro jira.

¹⁵ Ā jia Jerusalēpu yu wahachu judio masa ti sacerdotia puhtoa, ti bucuna mehne ahroro yahusāhre. “To ya buhirire wajāga tirore”, ni sinihre tina yuhure. ¹⁶ Ti ā nichu tuhocu yuhu tinare ō sehe ni yahui: “Roma macaina sehe peresu ti yoainare masare waerara. Ā jicu tirore waeraja masare. Sã űaharoro tirore yahusārinare to űuhto pano tirore buhiri dahre masieraja sã. To basi to yoarire to yahuerasinichu tirore buhiri dahre masieraja sã”, nihi tinare. ¹⁷ Ā jicu tina ōre ti wihichu űacu yoari pja yoerahi yuhu. Wiho mejeta pa

dachoi buhiri tiare cahnorí wuhui dujicu, ti yahusārirore pjirocahi. ¹⁸ Ā jia tí wuhui to wihichu ñua tirore ñu tuhtiina wahcārucare. Ti ā wahcārucachu ñucu “Ñabiaro ni yahusāhca”, ni tuhutumahi yuhu tinare. Tirore yahusā duapahta yahusā masierare tina. ¹⁹ Wiho mejeta ahrirore Cohamacu yare to yahuri buhiri judio masa tirore tuhtihre. Jesu wama tirore yariariro cjiro to masa mējarire to yahuri buhiri yahusāhre ahrirore. Ahri dihtare yahusāhre. ²⁰ Ahrirore masieracu tirore noano sinitu ñuhi. “¿Jerusalēpu waha duajari yuhu mehne? Tópu yahuga mu yoarire yuhure”, nimahi tirore. ²¹ Wiho mejeta tiro waha duaerare. “Yu yoarire jipihtina bui puhtoroře César yahu duaja”, nire tiro yuhure. To ā niri baharo õihta tirore cohta dutihi jipihtina bui puhtoro cahai tirore yu warocahto pano —niha Festo Agripare.

²² —Yu basi tuho duaja tirore —niha Agripa Festore.

—Ñamichacapu tirore tuhoga muhu —ni yuhtiha Festo.

²³ Pa dachoi Agripa, Berenice mehne ti buhiri tiare cahnorí wuhupu su, “Puhtoa jija sā”, nia cua pisaro yoa ñoha tina, surara puhtoa, tí maca macaina puhtoa mehne. Tó sehe yoa sāa tiha tí wuhupu sāa. Ti sāa suri baharo Paulore pjirocaha Festo. ²⁴ Ā jiro Festo õ sehe ni yahuha:

—Puhtoro Agripa, musa jipihtina ahri wuhure cahmachuina tuhoga. Ōre ahriro payu judio masa ti yahusāriro jira. Jerusalēpu, Cesareapu cūhure tina tirore yahusāhre. “Tirore wajāga”, ā nirucua nina tina. ²⁵ Ti ā nipachuta õ sehe tuhoutuja yuhu. Ahriro ne ñano yoariro jierara. ¿Yaba buhiri wajābocari mari tirore? Ā jicu jipihtina bui puhtoroře César Augustore ahriro to yoarire to yahu duachu jipihtina bui puhtoro cahapu warocaihtja tirore. ²⁶⁻²⁷ Ā jicu ahriro to yoarire noano masierasiniya yuhu. Ā masierasinicu mari puhtoroře yahu joa masieraja. Ā jicu musare to yahuchu tuho dutii nija mipure. Puhtoro Agripa mipu pinihtare ahriro jira mu sinitu ñuhtiro. Mu sinitu ñu tuhsuchu mari masiri baharo ahrirore ti yahusāriro noano yahu joaihtja. Ahriro to ñano yoarire yu masierapachuta mari puhtoro cahapu tirore yu warocachu noaerara. Ā jicu mipure ti yahusāriro noano masi duai nija —niha Festo tinare.

26

Paulo Agripare to yoarire yahuha

¹ To ā niri baharo Agripa Paulore õ sehe ni yahuha:

—Mu basita yahuga —niha tiro Paulore.

To ā niri baharo Paulo sehe, “Dihta mariahga”, nino to wamomacarine

wahcārūca, to yoarire yahuha:

²—Pūhtoro Agripa, yūhūre judio masa ti yahūsārīre, yū yoarire mūhūre yahucū, mīpūre noano yajeripohna tija. ³ Mūhū judio masa sã yoaa tiare, sã buhea cūhūre mū noano masichū pinine wahcheja yūhū. Ā jicū mūhū yūhūre noano tūhoga —ni dūcaha Paulo.

Paulo Jesu yairo to jihto pano to jia tirire yahuha

⁴ Ā ni tuhsūro ō sehe ni namoha tiro:

—Wahmūno yū jia tia cjrīre jipihtina judio masa masina. Jipihtia dachoripe yū masa bajuari baharo yū ya dihtapūre, Jerusalēpū cūhūre yū jiri cjrīre masina tina. ⁵ Fariseo curua macaina paina yūhdoro sã dutiare yūhdūcā dutieraina jira. Wahmanopūre fariseo curua macarīro jimai. Ā jicū fariseo curua macaina ti dutiare, ti yoaa barore yoa pahñoriro yū jichū tina masina. Tina mūhūre yahu duaa, tíre yahu masina tina. ⁶ Ahri buhirita yūhūre yahūsã mūjana. Sã ñūchūsuma cjrīre “Yarī-ainare masoihtja”, Cohamacū to ni cūrīre “Potocã tjira”, yū niri buhiri ahrina yūhūre yahūsã mūjana. ⁷ Yū coyēa judio masa jipihtina doce curuari macaina Cohamacū masare to masohtore wahche cohtarucura. Ā yoa Cohamacūre ño payorucura. Ā cohtarucuina jia sã yoaro seheta yoara tina. Pūhtoro Agripa, ā cãno

potori yoaina sã jipachūta tina sehe to masohtore yū cohtari buhiri yūhūre yahūsã mūjana judio masa. ⁸ Ā Dohse yoana Cohamacū to masorire sã yahuchū tūho duaerajari mūsa judio masa? —ni yahuha Paulo.

Paulo Jesu yainare to ñano yoari cjrīre yahuha

⁹ Ā ni tuhsū ō sehe ni yahu namoha:

—Jesure Nazare macarīrore ñūerasinicū, ñaa dihtare yoa duamai to yainare. ¹⁰ Ā jicū Jerusalēpū ā yoaa timai yūhū. Sacerdotea pūhtoa yūhūre ti dutiri baharo payū Jesu yainare peresu yoaa tii. Ā jicū pūhtoa tinare ti wajã dutichū, wajã dutii yūhū cūhū. ¹¹ Payū tahari jipihtia judio masa buhea wūhūsei Jesu yainare ñano yoa dutia tii. Ā yoacū Jesu yaina Jesure ti cohāchū yoa duai nimai. Tina mehne tuaro suai yūhū. Ā jicū paina masa ya macaripū cūhūre tinare ñano yoai sūa tihī yūhū —ni yahuha Paulo.

Paulo Jesu yairo to waharire yahuha

¹² Ā ni tuhsū ō sehe ni yahu namoha:

—Damascopū Jesu yainare ñano yoa duacū sumai. Tinare ñano yū yoa duachū ñūa sacerdotea pūhtoa yūhūre waha dutire. ¹³ Ō sehe jire pūhtoro Agripa: Cohari pja jichū waroi mahai yū wahachū mūano macaa si sitea, sū dacho macarīro yūhdoro, yūhūre yūhū mehne wahaina cūhūre si sitere.

14 Sã jipihtina yahpapu bora caha su, judio masa ya mehne yuhure to durucuchu tãhoi. “Saulo, Saulo, ¿dohseacu mahu yuhure ñano yoajari? Mahu yuhu mehne suacu yuhure yuhtieracu, mu basi ñano yuhdara”, nire yuhure. 15 “Puhtoro, ¿diro baro jijari mahu?” ni sinitui. “Yuhu Jesu, mu ñano yoariro jija. 16 Wahcãrucaga mahu. Mähure yu cahamacuno cjihto yoai tai mipu bajuaja yuhu. Michare yuhure mu ñurire, baharo mähure yu ñohti cühure painare yahuihca mahu. 17 Judio masare judio masa jieraina cühure mähure buhe duticu, warocaihtja. Ti cahi mu jichu, mähure ti ñu tuhtichu mähure yoadohoihtja. 18 Yu yare tinare masichu yoaga mahu. Ñ jicu nahitianopu tiniina yoaro sehe jiiinare ti ñaare duhuchu yoaga. Buhriaropu tiniina yoaro sehe noaa sehere cohtotachu yoaga tinare. Watinore cahmaerachu yoaga mahu. Ñ yoacu Cohamacu ya sehere yuhtichu yoaga mahu tinare. Mu ñ yoachu tina yuhure wacũ tuaahca. Ti ñ wacũ tuachu ñucu ti ñaa yoari buhirire boihca. Ñ jia tina Cohamacu to beserina mehne macaina jiahca. To wahtire cjuhtina jiahca tina”, nire Jesu yuhure —ni yahuha Paulo.

Paulo to yoarire to dahraare yahuha

19 Ñ ni tuhsu õ sehe ni yahu namoha:

—Puhtoro Agripa, mähano macaa yu tũhoare yuhdũrucãerahi.

20 Damascoi buhe mũhtai. Baharo Jerusalẽi buhei tjoa. Baharo Judea yahpai, judio masa jieraina cahapu cühure masare “Ñaano yoaeraja sã”, ni ti tũhotumari cjirire tũhotu cohtota duti, Cohamacu yare cahma dutii. “Noaare musa yoachu ñua ‘Noaina jija sã’ ni, musa tũhotumari cjirire musa tũhotu cohtotarire paina masiahca” nicu, tinare noaare yoa duticu buhei. 21 Cohamacu ya wãhuĩ yu jichu yu ñ ni yahuri buhiri judio masa yuhure ñaha, wajã duamare. 22 Wiho mejeta dachoripe Cohamacu to yoadohoro mehne ñ buherucuja. Ñ jicu mipure musa jipihtina puhtoare wiho jiina cühure to yare yahui nija. Panopu macaina Cohamacu yare yahu mũhtaina cjiri, Moise cjiro mehne ti yahu mũhtariro seheta yahuja yuhu cühu. Ñ sehe ni yahu mũhtaa tiha tina: 23 “Cristo Cohamacu warocariro sehe ñano yuhdũrohca. Ñ jiro yariaro masa mũja mũhtariro waharohca tiro. Ñ jiro masare to yuhdohtore judio masare, judio masa jieraina cühure masichu yoarohca”, ni yahu mũhta joaa tiha panopu macaina cjiri. Yuhu cühu ti yoaro seheta yahuja —ni yahuha Paulo Agripare.

Paulo Agripare Jesu yairo cjihto yoa duamaha

24 To ã ni yahuri baharo Festo tirore tuaro sañurucu õ sehe ni durucuha:

—Paulo, m̄h̄h̄ tuho masierariro jira. M̄h̄h̄ payu buhec̄h̄ tuho masierariro wahara —ni sañurucuha tiro Paulore.

25 To ã nich̄h̄ tuhoro Paulo õ sehe ni yuht̄h̄a Festore:

—Puhtoro tuho masierariro jieraja yuht̄h̄. Yu yahua potocã tjira. ã jic̄h̄ yuht̄h̄ ahrire cua pisaro mehne nija.

26 Puhtoro Agripa sehe, ahri yu yahurire noano masina. ã jic̄h̄ yuht̄h̄ tirore cuiro marieno yahuja. Ahri yahuare jipihtina masa masina. ã jic̄h̄ jipihtia ahrire yu nirire puhtoro Agripa to masich̄h̄ masija yuht̄h̄ —niha Paulo Festore.

ã ni tuhs̄h̄ õ sehe niha Agripare:

27 —Puhtoro Agripa, Cohamac̄h̄ yare yahu m̄h̄ht̄h̄a cjiri ti yahuri cjirire tuhora m̄h̄h̄. Ti yahuare m̄h̄ tuhoch̄h̄ masija yuht̄h̄ —niha Paulo Agripare.

28 —¿Ahrire yuht̄h̄are yahuc̄h̄ mahanocã m̄h̄ yahua mehne Jesu yairo yu wahach̄h̄ yoa duai nijari m̄h̄h̄? —niha Agripa Paulore.

To ã nich̄h̄ Paulo õ sehe ni yuht̄h̄a:

29 —Mahanocã durucuc̄h̄ o yoari pja durucuc̄h̄ m̄h̄sa, jip̄h̄tinare “Yu jiro seheta Jesu yaina jijaro”, ni sini payoja Cohamac̄h̄re. Wiho mejeta yu yoaro sehe peresup̄h̄ m̄h̄sa jich̄h̄ cahmaeraja yuht̄h̄ —niha Paulo Agripare.

30-31 To ã niri baharo Agripa, Festo, Berenice jipihtina paina mehne wahc̄r̄uca, wijaa, ti basi õ sehe ni durucuha:

—Ahriro to yoari buhiri ne peresu yoa masieraja mari. ¿ã jina mari yaba buhiri tirore wajãbocari? —ni durucuha tina ti basi.

32 —Ahriro “Jipihtina bui puhtorore Césare yu yoarire yahu duaja”, to nierach̄h̄ mari wioboa tirore peresup̄h̄ jirirore —niha Agripa Festore.

27

Paulo tirore ti yahusãrire Romap̄h̄ yahuro wahaha

1 Paulore Italiap̄h̄ dohor̄ia mehne warocaa taa, tirore paina mehne ti peresu yoarina mehne Julio wama tirirore c̄ure tina. Julio cien surara puhtoro jiro, to ya curua “César yaina surara”, wama tire. 2 ã jina Adramitio wama tiro macaria dohor̄iai samui sã. Tia Asiap̄h̄ wahahtia jire. Samu tuhs̄h̄, tia mehne wahi. Aristarco Tesalónica wama tiri maca macariro sã mehne wahare. Tesalónica Macedonia yhap̄i jira. 3 Pa dachoi sã Sidõp̄h̄ sai. Tõp̄h̄ s̄uro Julio Paulore noano yoare. ã yoaro Paulore tó mehne macaina cahap̄h̄ ñuno waha dutire. ã jiro Paulo mehne macaina tirore to cahmaare ti wach̄h̄ “Noanohca”, nire Julio. 4 Dohoria mehne sã pahãch̄h̄ tuaro wihnono sãre pa sehẽp̄h̄ wãroca pjohõre. ã jina Chipre wama tiri n̄uco

dūcataroi poto bñhusehei wahaĩ sã. ⁵ Pñ Ciliciare yñhdñã, Panfilia cñhñre yñhdñã, Mira wama tiri macarñ Licia yahpai jiri macarñ wahã sñi.

⁶ Tórn sñna, Alejandríarñ tariare, Italiarñ wahahtiare dohoriare bocai. ã jiro sãre tiarñ surara pñhtoro naare.

⁷ Payñ dachori pjiro dero waha, “Nu wapñoca” ni, waha, Gnido wama tiri maca potoi sñi sã. Tórn sñ yñhdñã, wihnono tuaro wã, sã waha duariroi sãre wãrocaerare. ã jina sã cõ bñhusehepñ majare paa wahaĩ. ã jina Creta wama tiri nñco to dūcatari pahrẽ sehe sã pahãa waha, Salmo wama tiri ñoacare yñhdñai sã. ⁸ Tórn yñhdñã, tí nñco dñhtñ cahai waha, “Nu wapñoca” ni, waha, Noari Pitamaha wama tiropñ wahã sñi. Pitamaha Lasea wama tiri maca caharñ jira.

⁹ Tórn yoari pja sã jiri baharo, sã wahahto sehe cuabiare. ã jiro ti chñ duhuri dacho bose nñmñ yñhdñri baharo, Paulo tinare õ sehe ni yahure:

¹⁰ —Tñhoga mñsa. Chñ duhuri dacho bose nñmñ baharo mari wahachñ marine minihto cuabiara. Ahria dohoria, dohoria macaa, mñsa pache cñhñ mari mehne macaina cñhñ mari butiboca wahana —nire Paulo.

¹¹ Wiho mejeta surara pñhtoro dohoria pñrore tñhoro, oturiro cñhñre tñhoro, Paulo to yahua sehere tñho duaerare waha duaro. ¹² Ti pahsari pitamaha noari pitamaha puhiro

jichñ ti pahsari pitamaha jierare. To ã jiri pitamaha jichñ dohoria macaina payñ waha dua, Fenicepñ yoja duamare. Fenice Creta wama tiri nñco macari pitamaha jiro, wihnono to tariropñ sñ mñja taro sehepñ cõ bñhusehepñ, poto bñhusehepñ cñhñre ññroca, wihnono tachñ noano dūcatari maca jire. To ã jiri pitamaha jichñ masia tina tórn cñ puhiro ji duamare.

Pjiri mapñ wihnono, coro pjíro taha

¹³ ã yoa sur sehe pjiroca wihnono ta dñcare. “Michare noari dacho mari wahahti dacho jira”, ni tñhotumaha tina. ã ni tñhotua tina comaa tañore tñã wahcõ, Creta nñco dñhtñ caha cahai yojai sã. ¹⁴ Wiho mejeta baharo curero wihnono noreste wama tiri wihnono tuaro wãre. ¹⁵ ã jiro dohoriare wihnono tuaro wahã wihire. Wihnono to wãrñcarore waha masierana, majare paha, wihnono mehne wahaĩ sã. ¹⁶ Cauda wama tiri nñcocã caharñ sur sehepñ waha, tí nñcocã sãre mahancã dñcatate. “Marine nñ wapñoro wahara”, nina tóre pjiria dohoria macaria mahariacã bñsocare noano waja payo dñhtei sã. ¹⁷ Tiare dohoriari sã waja payo dñhteri baharo pjiria dohoriarñ pjiri da mehne tina wahma ñaha payore. Sirte wama tiri padñre “Dohoria doca wahã sñri”, nia cui nire tina. ã jia tina co turance ti duhu miori baharo dohoria

dihtare wihnono wãrocãre. ¹⁸ Wihnono, corò mehne tuaro tare. Pa dacho cãhãre wihnono mananota tjoa to tachã ñãa tina ti pachere diapũ dureroca ño tuhsũ pahãa wahai sã. ¹⁹ Pa dacho dohoria macaare diapũ cohãre tina ti basi. ²⁰ Payũ dachori ñichua dachori jichũ, sã dacho macariro ñahpichoha poca cũhũ ne bajuerare. ã jiro tuaro wihnono tare. ã jina “Minia wahaja mari. ã jina yariaa wahanahca”, ni tãhotumai sã.

²¹ ã jia tina yoari pja ti chũ duhuri baharo Paulo ti pano ducu, õ sehe ni yahure tinare:

—Pano mũsare yũ yahuchũ tãhoerare mũsa. “Cretapũ jina mari wahachũ cua nica”, yũ nichũ tãhoerare mũsa. Yũhãre tũhona, ahria macaa jipihtiare boeraboa mũsa. ²² Wiho mejeta mipũ mũsare yahuja. Cuiena tjiga. Jipihtina mari yũhdãnahca. Ahria dohoria dihta marine wahtiabasarohca. ²³ Micha ñamine Cohamacũ yairo anjo yũhãre bajuahre. Cohamacũ yairo jija yũhũ. ã jicũ tirore dahra cohtariro jija yũhũ. Anjo sehe yũ cahai taro, õ sehe ni yahuhre: ²⁴ “Paulo, cuiectu tjiga. Jipihtina bui pũhtorore mũ yoari cjirire mũhãre yahuro cahmana. Cohamacũ noariro jira. ã jiro tirore mũ siniriro seheta mipũre mũhũ mehne macaina cũhãre yoadohorohca”, nihre yũhãre anjo. ²⁵ ã jina cuiena tjiga mũsa. Anjo yũhãre to niriro seheta

waharohca. Cohamacũre wacũ tuaja yũhũ. ã jicũ to yahuriro seheta “Potocã tjira”, ni tãhotuja yũhũ. ²⁶ Wiho mejeta marine nũcopũ wihnono wãroca, cohãnohca —ni yahure Paulo tinare.

²⁷ Cũ ñami pũa somana baharo pjiri ma Adriático wama tiri mai wihnono sãre tuaro wãre. Tĩ pjare ñami dacho macai dohoria macaina mũa sehe “Duhtũ cahapũ jija mari”, ni tãhoture tina. ²⁸ ã ni tãhotua nũcũri taño comaa tañore yuta da mehne dũhte, duhuroca mio, quihõre. Treinta y seis metro waro cũãre. Mahanocã waha, quihõre tjoa. Tĩ pjare veintisiete metro waro cũãre. ²⁹ ã jia tãare “Doca wahã sũri”, nia dohoria oturopũ pititia tañori comaa tañorine yuta dari mehne dũhte, duhuroca miore diapũ. ã jia “Cjero bohreajaro” ni, tuaro sinire tina. ³⁰ Dohoria macaina mũa sehe duhtimare. Tina mahariacãre dohoria macariare diapũ waja boro, dohoria quenoĩ comaa tañorine ti boroboriro seheta yoare tina mahariacãre “Marine ñũri”, nia. ³¹ Wiho mejeta Paulo surara pũhtorore, to surara mehne yahure:

—Ahrina mũa mahariacã bũsocai ti wahachũ mũsa yarianahca —nire Paulo.

³² To ã nichũ tũhoa surara sehe mahariacãre dũhteã darire yihso ta, tiare cohãre.

³³ Bohreahto panocã Paulo tinare tuaro chũ dutire.

—Pũa somana waro ne chũerare mũsa. ³⁴ ã jina

mipure chuna taga. Tuaro musare chu dutija. Musa cati duana chuga. Jipihtina musa yuhdunahca —nire Paulo tinare.

³⁵ To ã niri baharo Paulo pãore na, jipihtina ti pano Cohamacure “Noana” ni, duhu payo, tíre chu ducare tiro.

³⁶ To ã chuchu ñua tina cuiro marieina waha, jipihtina tina cãhu chure. ³⁷ Sã jipihtina doscientos setenta y seis masa dohoriapũ jii sã. ³⁸ Tina jipihtina yapia waha “Ahria dohoria nucũ nica” ni, payũ trigõ chũare diapũ cohãre.

Dohoria padũropũ doca pja sũha

³⁹ Bohreachũ dohoria macaina mũa nucore ñua, “Õ sehe wama tiri nucõ jira ahri nucõ”, ni ñũ masierare. Wiho mejeta tina pari tucũ padũro jichũ ñua, “Mari tí tucũpũ wahana, tópure doca pja suboca padũroi”, nire tina. ⁴⁰ ã nia, comaa tañorine duhteã darire yihso taroca mioha. Oturi pjĩ duhteã dari cãhũre yihso tanocare tina. Ti ã yoari baharo dohoria queno macari suhtirore wahcõ dapore poto wihnono wãrocachũ cahmaa. ⁴¹ Wiho mejeta dohoria queno sehe pa padũropũ caha sũ, ñũja masierare. ã jiro oturore tuaro pahcõri cjã wahcõchũ tia oturo wahtia wahare. ⁴² To ã wahachũ ñua õ sehe nire surara:

—Ahria minichũ mari peresu yoaina duhtũ cahapũ ba wahã sũ duhtinocahca. ã jina tinare

wajã pahñonocajihna —nire surara.

⁴³ Wiho mejeta surara puhtoro sehe Paulore wajã duaeraro, jipihtina peresu jiinare wajã dutierare. ã jiro jipihtina ba masiinare surara puhtoro poto duhtũ cahapũ ba wahã sũ dutire.

⁴⁴ ã jia paina dohoria macaa pjĩni wahti sitea pjĩni mehne bora ñoja, tí pjĩni bui pisa ba ñũjare. Sã tó sehe yoana sã jipihtina duhtũ cahai wahã sũi.

28

Paulo Malta wama tiri nucõijihã

¹ ã yoa tí nucõpũ sã jipihina maja sũrucũ sũna tí nucõ wamare masii. Malta wama tiri nucõ jire. ² Tí nucõ macaina masa sãre noano yoare. ã jina sã coro waari baharo yũsua yuhdũare sãre. ã jia tó macaina sehe pichaca wijã tuhsũ, sãre sohma dutire. ³ Paulo pichare na ta, na tiãre. To na tiãri baharo tí picha puhichapũ sãariro agã tuaro sichũ tuhoturo wijaa taro, Paulo wamomacai bahca wãha sũre yahawero marieno. ⁴ To bahca wahã sũchũ ñua tí nucõ macaina tí basi õ sehe ni durucure:

—Ahriro masa wajãriro jiboca. ã yoaro tuaricoro buhiri dahrerico ro mũano macaricoro tirore buhiri dahrero, cati dutierara. Tiro pjiri mapũ minino yuhdũ tuhsũri jimare. Mipure ticoro sehe tirore cati dutierara —nimare tina ti basi.

5 Wiho mejeta Paulo agãre pichacapu waja siterocare. Tirore agã purierare. 6 “Wipirohca” nia, cohtamare tina. Ne wipierare tirore. “Tiro yariaa waharohca” nia, tina cohtamare. Tirore purierare. Yoari pja baharo to wipierachu ñua, to purierachu ñua, soro tãhoture tina. “Ahriri cohamana mehne macariro jiboca”, nimare tina.

7 Ti ba wahã suriro cahacãi Publio wama tiriro ya weseri jire. Tiro tí nũco macariro puhtoro jire. ã jina tiro sãre to noano yoachu, tia dacho waro to ya wãhãi jii sã. 8 Publio puçuro yojaro ti, juaro tiriro jire. ã jiro tiro camai coãre. ã jiro Paulo dohatiriro ya tahtiapu sãa, Cohamacure sini, to wamomacarine tiro bui duhu payo, noariro wahachu yoare tirore. 9 To noariro wahachu ñua jipihtina paina tí nũco macaina dohatiinare Paulo cahapu na tare. Ti ã na tachu ñuno Paulo noaina wahachu yoare tina cãhure. 10 Baharo tina payu sãre wapa marieno ware. Sã wahahto panocã jipihtia sã cahmaare, sã wahana sã chũhtire dohoriapu dure sãare tina.

Paulo Romapu sũha

11 Tia sũ tí nũcopu sã jiri baharo dohoria mehne wahai sã. Tia dohoria quenoĩ puaro cohamana Cãstor, Pólux wama tiina ti masu ducure. Alejandriapu taria jire tia. Puhuro puro tí

nũcopu tia dohoria pahsare. 12 Waha, Siracusa wama tiri macapu sũna, tia dachowaro tí macare jii sã. 13 Tí macare wijaa, waha, Regio wama tiri macapu sã sũi. Pa dachoi surpu wihnono ta, sãre wãrocure. Puã dacho baharo Puteoli wama tiri macapu sũi. 14 Tõpu Jesu yaina mahainacã sãre piti bocare.

—Cũ somana waro sã mehne tjuaga —nire tina sãre.

Ti ã nichu tũhona cũ somana waro tina mehne tjuasinii. Baharo mahai maja, Romapu sũi sã. 15 Tõ macaina Jesu yaina sehe Romapu sã sũhtire tũhoa, Apio wama tiropu pache duaropu sãre piti bocare. Paina Jesu yaina Tia Wũhu wama tiropu sãre piti bocare. Ti ã piti bocachu ñuno Paulo wahchea mehne Cohamacure “Noana” ni, noano yajeri sãa wahare. 16 Romapu sã sũri baharo ti peresu ti yoarinare tõ macarirore peresu cohtaina puhtoro yahure. Wiho mejeta Paulo sehere cãirota cũre tõ macaina puhtoa. ã jiro tirore cãirota surara cohtare.

Paulo Romai buheha

17 Tia dacho baharo Paulo judio masa puhtoa mehne cahmachuno taro, tinare pjire. Ti cahmachuri baharo tiro tinare õ sehe ni yahure:

—Coyea, mari coyeare soro yoaerahi yũhu. ã yoa mari ñũchusũma cjiri ti yoaa tirire, marine ti buheri cãhure

yuhdurucuaerahi yuhū. Ā yu yuhdurucuaerapachuta Jerusalēpu yuhūre ñahahre judio masa. Ti ñahari baharo Roma macainare yuhūre peresu yoa dutihre tina. ¹⁸ Ti ā yochū Roma macaina yuhūre sinitu, yu ñano yoaerariro yu jichū yuhūre “Buhiri tiriro jira”, ni masierare. “¿Ne yaba buhiri wajābocari mari tirore?” nihre yuhūre tina. Ā jia yuhūre sinituina sehe yuhūre wio duamahre. ¹⁹ Wiho mejeta judio masa sehe yuhūre wiochū cahmaerare. Yu coyeare judio masare yuhūre ti yoarire yahusā duaeraja. Wiho mejeta yuhūre ti wio duaerachū ñuchū, “Jipihina bui puhtoro Césare yu yoarire poto yahu duaja yuhū”, ni sinihi. ²⁰ Ā jicu masare ahrire yahu duacu pjihī. Cristo marine yuhdohtiro judio masa mari cohtariro to yare yu yahuri buhiri yuhū peresupu jija. Ā jicu tire masare yahui tai pjihī —nire Paulo judio masa puhtoare.

²¹ To ā nichū tūhoa tina sehe tirore ō sehe ni yahure:

—Judea yahpa macaina Judio masa mūhūre quiti yahua pūrīne sāre ne warocaerare. Ā yoa tōpu tarina cūhū mari coyea sāre mū ā waharire yahuera tire. Tina “Tiro ñano yolariro jira” ni, mūhūre yahuera tire. ²² Wiho mejeta Jesu yare mū yahuri curua macainare jipihitropū masa ñano ti durucuchū sā masija.

Ā masina mū buheare mū yahuchū tūho duaja sā —nire tina tirore.

²³ Ā ni tuhsū, “Pa dachopū jijihna”, nire tina. Pa dachopū Paulo mehne cahmachu mūhtaina yuhdoro masa payū to jiropu wihire. Ñami curerocā puhtoro Cohamacū to sūho jiare noaa buheare tiro buhe dūca, pu, ñamipu Moise cjirore Cohamacū to cūri dutiare, ā yoa Cohamacū yare yahu mūhtaina cjiri ti joari cjiri cūhūre buhere. Ā buhero, tinare Jesure “Tiro tjica mari cohtariro”, ni masichū yoa duaro nimare Paulo. ²⁴ Cāina to buherire noano mehne tūhore. Wiho mejeta paina sehe tūho duaerare. ²⁵ Ā jia tina ti basi puā curua tju wa, wahaa taa nire. Ti wahahto pano Paulo Isaia cjiro to durucuri cjirire tinare yahure. Ō sehe nire tinare:

—Isaia Cohamacū yare yahu mūhtariro cjiro to yahuri potocāta jira. Mari ñuchusūma cjirire yahuro taro Espiritu Santo Isaia cjirore ō sehe ni yahu joa dutiha:

²⁶⁻²⁷ “Ahrire ahrinare yahui wahaga:

‘Dapu bātīina jira mūsa.

Yu yare tūho duaerara mūsa.

Cahmo copari susueraina yoaro seheta tūho duaerara mūsa.

Ā jina yu yare tūhopanahta tūho ñahasi mūsa.

Mūsa ā jieraina jina, noano tūho ñahaboa mūsa.

Ã jina yuhare cahmaboa
musa.

Ã jicu musare pichacapu wa-
haborinare yuhdoboa
yuhu', niha Cohamacu
Isaia cjiro to joari
tjupu"

—nire Paulo tinare. ²⁸ Ã ni
tuhsu, Paulo õ sehe ni yahu
namore:

—Ahrire masiga musa. Co-
hamacu ya buheare masare
to noano yuhdoare judio
masa jierainare buhenahca
sã. Tina sehe tũhoahca —nire
Paulo judio masare.

²⁹ [To ã nichu tũhoa judio
masa tire ti basi tuaro cahma
sayo, wijaare.]

³⁰ Pua cũhma waro Paulo
to ã waparucuri wũhũpu jire.
Tói jiro, jipihtina to wũhũpu
wihĩinare wahchea mehne
piti bocare tiro. ³¹ Ã jiro
tiro cuiro marieno puhtoro
Cohamacu to sũho jiare,
puhtoro Jesucristo ya cũhare
buhea tire. To ã buhechu
ne paina tirore "Buhei tjiga",
nierare.

Romanos

Paulo Roma macainare Jesu yainare joarocaha

¹ Y_h Paulo m_sare Roma macainare joarocaja. Y_h jija Jesucristo cahamac_hno. Tiro y_hre beseri jire. To ya noaa buheare buhe duti warocahtiro cjihtore y_hre c_hri jire tiro.

² Tí buheare noaa buheare panop_h Cohamac_h “Yahui tai nija”, nia tiha. To ã ni yahuriro seheta to yare yahu m_htaina cjiri panop_h macainare to yahuhtire to ya p_hi joa dutiha. ³ Tí buheata to mac_hno yahua jira. Tiro mas_hno waro jiro taro, Davi cjiro panamino ji turiariro jiha tiro. ⁴ Jesucristo mari p_hthoro Cohamac_h mac_hno ñaa buhiri marieriro to jiare õ sehe ñori jire Cohamac_h. To yariari baharo Cohamac_h to tuaa mehne tirore masa wijaach_h yoari jire. Æ yoaro Jesucristo potocãta Cohamac_h mac_hno to jiare ñori jire Cohamac_h masare. ⁵ Tirota sãre pja ñ_hno sãre to yare buhe dutiro warocare jipihtina Jesucristore wac_h tua ti ño payohti cjihtire. ⁶ Æ jiro m_sa c_hre Jesucristo yaina cjihtire beseha tiro.

⁷ M_sare, Cohamac_h to cah_hinare, Roma macainare, to yaina cjihti yoare m_sare tiro. M_sare jipihtinare ahri p_hre joarocaja. Æ jic_h Cohamac_h mari P_h, mari p_hthoro Jesucristo mehne

m_sare noa dutija. Tina ti yoadohoa mehne noano jiga m_sa.

Paulo Romap_hre ñ_hno waha duaro nimaha

⁸ Ahrire yahu m_htaihtja m_sare: Jipihtia macari macaina Jesucristore m_sa wac_h tuarire masa yahuhre y_hre. Ti ã ni yahuch_h t_hoc_h “Noana”, nija Cohamac_hre. Jesucristo to yoadohoro mehne ã nija tirore. Cohamac_hre sini payoc_h m_sa ya cjihti c_hre ã sini payorucuja. ⁹ Tiro y_hre to dutich_h to mac_hno ya buheare noaa buheare tuaro buhec_h to cahamac_hnota jija y_h. Æ jiro m_sa ya cjihtire Cohamac_hre y_h ã sini payorucuch_h tiro masina. ¹⁰ Æ sini payoc_h Cohamac_h cahmach_h mip_h pinihtare m_sa cahap_h y_h ñ_hi wahahto cjihto c_hre sinija. Yoari pja m_sare ñ_h duac_h y_h wahahtore cohtai yoanocamaja y_h. ¹¹ Espíritu Santo y_hre to buheri cjiire m_sare buhe turia duaja Jesure m_sa wac_h tua namohto cjihto sehe. Æ jic_h m_sare tuaro ñ_h duaja y_h. ¹² Jesure wac_h tuaja mari. Æ jic_h m_sare ñ_h duaja Jesure mari wac_h tuaa mehne p_h buh_hseheri mari cahma wahchech_h yoahito cjihto sehe.

¹³ Y_h coyea, ahrire m_sa masich_h cahmaja. Noaa buheare y_h buheri baharo paye macari macaina m_sa coyea judio masa jieraina c_hre Jesure wac_h tuare.

Ã jicu payu tahari musa cahapu waha duamahi tina, Jesure ti wacũ tuariro se-heta musa mehne macaina cãhu ti wacũ tuahto cjihto sehe. Ã waha duapaihta waha masiera tihi yũhu. ¹⁴ Jipihtinare noaa buheare buhero jiro nina yũhare. Buheinare, buhemahno-eraina cãhare, masiinare, masieraina cãhare buhehtiro cjihto jii nija yũhu. ¹⁵ Ã jiriro jicu musare Roma macainare noaa buheare tuaro buhe duaja.

Noa buheare masa tuhoa Jesure wacũ tua dũcara

¹⁶ Noaa buheare tuhoa Jesure wacũ tua dũcara masa. Ã jiro jipihtinare Jesure wacũ tuainare Cohamacu to tuaa mehne pichacapu wahaborinare yũhdora. Ti ã yũhdũchu masicu ahri buheare noaa buheare buo tiro marieno yahuja. Ahri buheare judio masa tuho muhtari jire. Ti baharo, judio masa jieraina cãhu tuho turiari jire. ¹⁷ Ahri buhea õ sehe ni yahura: Jesure wacũ tuainare “Ñaa buhiri marieina, noaina jira”, ni ñuna Cohamacu. Tirore wacũ tuaina dihtare ã ni ñuna Cohamacu. Ahri panopu ti ni joariro seheta jira: “‘Noaina jira’, to ni ñuna Cohamacure wacũ tuaina dihta jira. Ã wacũ tuaa, to ya catia mehne ã catirucuahca tina”, ni joaa tiha.

Masa ti ñaa yoari buhirire yahuha Paulo

¹⁸ Cohamacu mũanopu jirirore masa ti yũhdũcarire, ti ñaa yoari cãhare ñano, ti ã yoari buhiri tina mehne suara. Tó sehe jiina barore to buhiri dahrehtore masichu yoara tiro. Masa ti ñaa yoaa mehne painare noaa buheare tuhoerachu yoara tina sehe. ¹⁹ Cohamacu to basi to jia tiare masichu yoaha. To ã yoachu Cohamacure masichu mijoe-ara masare. ²⁰ Cohamacure mari ñuerapachuta mũano macariro to jia tiare, tuariro to jia cãhare to basi masichu yoara tiro. Ahri yahpare to bajuamehneri baharo jipihtia to bajuamehnerire ñua “Cohamacu to yoari cjiri jira ahri” nia, Cohamacu to jia tiare masina masa. Ã jia masa Cohamacure masipahta ã ñaare yoarucua, buhiri tira. “Mũhare masierahi. Ã jicu ñaare yoahi”, ni masisi Cohamacure. ²¹ Ã jia Cohamacu to jia tiare masipahta tina tirore ño payoerara. Ã jia tiro tinare to noano yoapachuta tina sehe “Noana”, nierara tirore. Ã tuho masieraina jia, wiho jia macaare, ñaa dihtare tuhoturucuina baro jira tina. ²² “Tuho masiina jija”, nipahta tuho masieraina wahara tina. ²³ Ã wahaa Cohamacure ã jirucurirore tina ño payoerara. Ã ño payoeraa, ti ño payoboriro sehene cohtota, wiho jia masari sehene “Cohamacu jira”, ti nia masari sehene ño payora. Wiho jia masari

sehere variahtina masa masurine, ã yoa minichahca masurine, chihchõina masurine, wahiquina masuri cãhure “Cohamacu jira”, ni ño payora tina.

²⁴ Ti ã yoachu ñano “Ti mu suro ñaare goa pja, yoawahnojaro”, nino Cohamacu cohãnocare tinare. To ã cohãri baharo tina ñabiaro, pjiro buoro wahachu yoaare cahma yoarucura ti basi. ²⁵ ã jia Cohamacu ya sehere cahmaeraa, mahñoa sehere noano tuhora tina. Cohamacu ya sehere mahñoa yoaro sehe jichu yoara tina. Potocãta Cohamacu warore jipihtiare bajuamehnerirore jipihtia dachoripe noano ño payoro cahmana. Wiho mejeta tina sehe tirore ño payoerara. ã tirore ño payoeraa, Cohamacu to bajuamehneri cjiri, wiho jia sehere ño payora tina.

²⁶ Ti ã ño payochu ñano “Ti mu suro goa pja, yoawahnojaro”, nino Cohamacu cohãnocare tinare. ã jia tina numia mua mehne manu tiboina cohtota, ti basi numia dihta ñano yoara ti pjacuri mehne. ²⁷ Ti yoaro seheta jiina mua cãhu numia mehne namo tiboina jipahta, tire cohtota, mua ti basita ti pjacuri mehne ñabiaro yoara. ã yoaa, ti basita ti ñano yoari buhiri ti pjacuri sehe ñano yuhdura.

²⁸ ã Cohamacure ti cahmaerari buhiri Cohamacu tinare cohãre. To ã cohãchu tina sehe ñano wacũrucu, ñano yoarucura. ²⁹ ã jia

tina tuaro ñano yoarucura. Numia mehne ñano yoarucua, mua mehne ñano yoarucua numia, ñaare goa pjarucua, paina yare tuaro cahmaina, painare ñano yoarucua, paina paye baro ti cãachu ña goa pjaina, masare wajãina, cahma sayoina, mahñoina, masare ñu tuhtiina, ñaa quiti dahreina, ³⁰ paina ti yoerapachuta ñano ni yahuwajaina, Cohamacure ñu tuhtiina, painare purino yuhtiina, “Sã sehe masi yuhdurucu sãja”, ni tuhutuina, painare ã ni yahuina, paye ñaare yoa ducaina, ti pũcũmare yuhtieraina, ³¹ tuho masieraina, ti nino seheta yoeraina, masare ne cahieraina, ti basi cahma susini duhueraina, ne pja ñueraina jira tina. ³² ã ñano yoarucuinare Cohamacu pichacapu cohãnohca. To ã cohãhtire masipahta tina ti ñaare ã yoarucura. ã jia paina tinare ñu cũ ti yoaro seheta ñano ti yoachu ña, “Mari yoaro seheta ñano yoara”, ni wahchera tina.

2

Masare buhiri dahre du-tiro tire quihõno yoarohca Cohamacu

¹ “Tina ñabiaina jira”, ni yahuwajaena tjiga painare. Mũsa cãhu ti yoaro seheta yoara. “Ñaare yoeraja sã. ã jina buhiri maeraja”, ni masierara mũsa. Mũsa yahu wajaina yoaro seheta ñaare yoana, mũsa cãhu

musa basita buhiri dahre dutina nica. ² Tó sehe yoainare Cohamacu to buhiri dahrech_u potocãta quihõno to buhiri dahrech_u masija mari. ³ Painare “Buhiri tiaha”, ni yahu waja ti yoaro seheta musa yoach_u, musa cãhure buhiri dahrerohca. ã jina “Sãre buhiri dahresi”, ni tãhotuboca musa. Jierara. Musã cãhure buhiri dahrerohca tiro. ⁴ Musã ñano yoapachãta Cohamacu musare pja ñano, dói waro buhiri dahrerara. ã jina “Cohamacu yãh_u mehne suasi”, ni tãhotuboca musa. Jierara. Cohamacu musare pja ñano, dói waro buhiri dahrerara musa ñaa buhiri tiare cahyach_u ñã duaro, tirore musa yãhtich_u cahmano. ⁵ ã buhiri dahre duaeraparota, musa Cohamacure yãhti duaerach_u, musa ñaa buhiri tiare musa cahyaerach_u, buhiri dahrerohca musare. Tó pano musare to buhiri dahreboriro yãhgoro tí to buhiri dahrehti dacho waropãre ñano, tuaro waro musare buhiri dahrerohca Cohamacu. Quihõno buhiri dahrerohca. ⁶ Cãinare ti yoa wapataro seheta yoarohca Cohamacu. ⁷ Cãina noare yoarucuina jira. Tina Cohamacure noano wahchech_u yoa duaina, jipihtia dachoripe Cohamacu mehne ji duaina jira. Tina pinihtare dachoripe tiro mehne jirucuch_u yoarohca Cohamacu. ⁸ Wiho mejeta paina sehe tina yoaro sehe jierara. Tina ti m_u sãro jia ti, ñaare

goa pja yoarucuina baro jira. Cohamacu ya warore cahmaerara. Tina mehne Cohamacu tuaro sua, buhiri dahrerohca. ⁹ Jipihtina ñano yoaina ñano yãhdãahca. Judio masare ãta waha mãhtanohca. Tuhs_u, judio masa jieraina cãhure ãta waharohca. ¹⁰ Jipihtina noare yoaina sehene Cohamacu “Noana”, ninohca. ã jia masa tinare ño payoahca. ã jiro tinare noano jich_u yoarohca Cohamacu. Judio masare ãta waha mãhtanohca. Tuhs_u, judio masa jieraina cãhure ãta waharohca.

¹¹ Cohamacu judio masare, ã jich_u judio masa jieraina cãhure jipihtinare cãno sehe ñãna. Mari yoarire ñano, quihõno besera jipihtinare, ñaina, noaina cãhure. ¹² Paina Cohamacu Moise cjirore to dutia cjirore masieraina sehe buhiri tiare ti yoach_u, to dutiare ti masierapachãta tinare buhiri dahrerohca Cohamacu. ã yoa tí dutiare masiina cãhure buhiri tiare ti yoach_u, tí dutiare ti yãhdãrãcari buhiri buhiri dahrerohca Cohamacu. ¹³ Cohamacu dutiare tãhopahta yãhtierainare “Buhiri marieina, noaina jira ahrina”, ni ñãerara Cohamacu. To dutiare yoaina sehene “Noaina jira”, ni ñãna tinare Cohamacu. ¹⁴ Judio masa jieraina Cohamacu Moise cjirore to cãri dutia maerapahta, ti m_u sãro noare yoaa, Cohamacu dutiare yoaa nina. ã yoaa

Moise cjirore to dutiare joari pũre cjueraapahta tina ti mũsaro to dutiare masina. ¹⁵ Ā jia to dutiare ti tũhotuapũ potocãta cjuara tina. Ā cjuaa ñaare yoaa dóicãta ti ñaa yoarire masina tina. Ā jiro ñaare yoariro “¿Dohse jiro baro ñaare yoari yũhũ?” ni tũhotura tiro. Ā jiro noaare to basi to yoari cãhũre masina tiro. ¹⁶ Ā jiro Cohamacũ Jesucristore to warocahti dachoi masa ti yoarire ti yahu duaerarire Jesucristo masi pahõono, tiro tinare beserohca noaina, ñaina cãhũre. Tó sehe yoarohca tiro noaa buhea to nino seheta. Ahrita jira masare yũ buhea.

Cohamacũ Moise cjirore to dutirire yahuha Paulo

¹⁷ Mũsa sehe judio masa jina, Cohamacũ Moise cjirore to dutiare ño payoina jina, “Cohamacũ to yaina jija”, ni tũhotumana mũsa. ¹⁸ Ā jina Cohamacũ dutiare masiina jina, to cahmaare masina mũsa. Ā masiina jina, “Noaare sã yoahtore bese masija sã”, ni tũhotumana mũsa. ¹⁹ Ā ni tũhotuna õ sehe ni tũhotu namona mũsa: “Painare ne masierainare noano masichũ yoaja sã. Tinare sã buherachũ ne Cohamacũre masieraboa tina. Ā jia ñaare duhueraboa”, ni tũhotumana mũsa. ²⁰ Ā jina “Tũho masierainare noaare yoa dutiina, macanacã cãhũre buheina jija sã”, ni tũhotumana mũsa. Ā jina “Cohamacũ dutiare cjuana,

potocã jiare masi pahõoja sã”, ni tũhotumana mũsa. ²¹ ¿Ā jina painare buheina jipanahta, dohse yoana mũsa sehe mũsa buheriro sehe yoajerari? ¿Painare yaca dutieraina jipanahta dohseana mũsa sehe yacajari? ²² ¿Pairo namono mehne ñano yoa dutieraina jipanahta dohseana mũsa sehe pairo namono mehne ñano yoajari? “Cohamacũ jira”, ti nia masũrine ñũ yabiina jira mũsa. ¿Ā ñũ yabiina jipanahta dohseana tí masũrine ti ño payoa wũhũsepũ sãa yacajari mũsa? ²³ “Cohamacũ Moise cjirore to dutiare cjuaja sã”, ni ina jipanahta to dutiare yũhdũrcara mũsa. Ā yũhdũrcana Cohamacũre ño payoerachũ yoana nica mũsa painare. ²⁴ Āta nina Cohamacũ yare ti joari pũi: “Cohamacũ dutiare mũsa yũhdũrcari buhiri judio masa jieraina sehere Cohamacũre ti ñano durucuchũ yoara mũsa judio masa”, ni joaa tiha Cohamacũ yare ti joari pũi.

²⁵ “Cohamacũ yaina jija”, ni tũhotura cãina judio masa mahanocã cahsarocãre yihsoina. Cohamacũ yare ti yoachũ judio masa ti jichũ noa nina. To yare ti yoerachũ judio masa ti jia tia yaba cjihti jierara. Yihsoina ti jia tia cãhũ yaba cjihti jierara. ²⁶ Ā jiro judio masa jieraina mahanocã cahsarocãre yihsoeraina ti jipachũta, Cohamacũ du-

tiare ti yoachũ ñũno “Yu yaina masata jira”, ni ñũna Cohamacũ tinare. Judio masa sehere to ã ni ñũboriro seheta judio masa jieraina sehere ã ni ñũna. ²⁷ Payũ judio masa Cohamacũ Moise cjirore to dutiare cjuapahta tĩre yoerara tina. ã jia paina judio masa jieraina sehe mahanocã cahsarocãre yihsoeraina jipahta to dutiare yoara. ã yoaina jia judio masa ti ñano yoarire masichũ yoaa nina. ²⁸ Mipũre judio masũno waro to jiare yahuihtja masare. To pjacũre mahanocã cahsarocãre yihsoeriro jiparota Cohamacũre ño payoeraro potocãta judio masũno waro jierara. ²⁹ Cohamacũ yairo Espĩrĩture cjuariro tirore yũhtĩro tiro tjira judio masũno waro. ã yoa to pjacũre mahanocã cahsarocãre to yihso cohãriro seheta to ñaa yoare duhura tiro. To mũ sũro dutiare yoariro jieraparota Espĩritu Santo to yoadohoa mehne to ñaa yoare duhura. Tó sehe yoarĩrore “Noarĩro jira”, ni ñũna Cohamacũ sehe. Masa sehe tirore ti ã nierapachũta, ã nina Cohamacũ sehe.

3

¹ ¿Yu ã nichũ judio masa ti jia tia wiho waro jijari, mũsa tũhotuchũ? Ne wiho waro jia nierara. ¿Cohamacũ judio masare to dutĩro seheta ti pjacũrĩre mahanocã cahsarocãre ti yihso cohãa wiho waro jijari, mũsa tũhotuchũ? Ne wiho waro jia nierara. ² Judio masa ti jia tia wiho

waro jierara. Cohamacũ yare ti joari pũre judio masare cũ mũhtaha. ã jia judio masa ti jichũ noa nina tinare. ³ ã jia cãina judio masa Cohamacũre ti tũhoerapachũta to niri cjiri potocãta jira. ã jiro to ni cũriro seheta yoarohca tiro. ⁴ ãta jira. Jipĩhtina masa mahũnoina ti jipachũta Cohamacũ sehe ne mahũoerara. Panopũ to yare yahu mũhtarĩro cjiro to ni joarĩro seheta ne mahũoerara Cohamacũ. Õ sehe ni joaa tiha:

“Potocã niriro jira mũhũ Cohamacũ.

Mũhũre ã jia masa ‘Cohamacũ quĩhõno yoerara’, ni masierara mũhũre”, ni joaa tiha panopũ.

⁵ Õ sehe ni tũhotuboca masa: “Mari ñaare yoana Cohamacũ noaare to yoarĩro jichũ masichũ yoaja. ã jiro ñaare mari yoachũ noa nina. ¿To ã noaa jipachũta dohsearo tiro mari ñaare yoari buhiri buhiri dahremacanocajari?” ni tũhotuboca masa. Masa ti tũhotuboriro seheta ã nii nija. ⁶ Tó jierara ti ã ni tũhotuchũ. Mari ñaa yoari sehe noaa jichũ Cohamacũ mari ñaare yoari buhiri buhiri dahre masieraboa.

⁷ Masa sehe mahũnoina jira. Cohamacũ sehe ne mahũoerara. ã jina masa ti mahũochũ ñũna Cohamacũ sehe ne mahũoerarĩro to jichũ noano ñũ masija mari. ã jia masa mahũoa, Cohamacũ to

mahñoerariro to jiare ñoa ni-boca tiña. Āta ni tūhotumana cāina. Ā ni tūhotua ō sehe ni tūhotu namomana tina: “Sā mahñoa mehne Cohamacu to mahñoerariro jiare ñona nija. Ā ñona noano yoana nija. Ā jia sā mahñoa noa nina. ¿Sā mahñoa noaa nichu dohse jiro baro sā mahñori buhiri sāre buhiri dahremacanocabocari Cohamacu?” ni tūhotumana cāina masa. ⁸ Ā jia ō sehe ni mahñoa cāina sāre: “Ñano yoana Cohamacu to noariro jichu ñona nica. Ā jina ñano yoajihna’, nihre Paulo cūhu”, ni mahño yahusāna sāre cāina. Ti ā niri buhiri tinare Cohamacu buhiri dahrerohca. Āta yoaro cahmana tinare.

Jipihtina buhiri tiina jija mari

⁹ Ā yoa dohse ni tūhotujari masa? ¿Mari judio masa paina yūhgoro noaina jijari mari? Jieraja mari. Judio masa, judio masa jieraina cūhu ñaa buhiri tia cūhaina dihta jija mari. Ā jina jipihtina buhiri tiina jija mari. Āta jira. Jipihtinare yu buheriro seheta jira. ¹⁰ Panopu to ni joariro seheta jira ahri: Ō sehe ni joaa tiha:

“Ne cūiro masano noariro mariahna, Cohamacu to ñuchu.

¹¹ Jipihtina masa tūho ñahaeraina dihta jira.

Tuhsu, jipihtina masa ne Cohamacure macaeraina jia, tirore wacū payoerara.

¹² Tina Cohamacu yare cohāa jipihtina ñaare yoaina wahare.

Ne cūiro noaare yoariro pinihta mariahna.

¹³ Ti duseri masa copari ti pjōo daporī yoaro sehe jira.

Ti durucuchu, masa copari huīa wijaaro sehe mahñoa dihta ti duserire wijaara.

Ā durucua agā duseroi to ñima purīa wijaaro seheta purīno ti durucua wijaara ti duserire.

¹⁴ Tina painare ñano durucuina, purīno durucuina jira.

¹⁵ Ā jia sua ñaina dóicāta masare wajāina jira.

¹⁶ Nohoi ti waharoi tina masare ñano yoa, ñano yūhdūchu yoara tinare.

¹⁷ Tó sehe jia paina masa mehne tina noano jierara.

¹⁸ Ā yoa Cohamacure ne ño payoerara”, ni joaa tiha panopure.

¹⁹⁻²⁰ Cohamacu jipihtiare to joa na dutiri cjirire sāre judio masare cūha. Ā jiro tó sehe to ni joariro cjiro mari cūhure dutisinina. “Buhiri mariahna sāre”, ni masieraja mari. Ā jina mari jipihtiro macaina judio masa, ā jichu judio masa jieraina cūhu to buhiri dahrehtina mari jia tiare masija mari. Ā jina buhiri tiina mari jiare masina, “Noaina jija sā”, ni masieraja Cohamacure. Cohamacu to yoa dutia

sehere ne mari yoaeraja. Æ jiro to dutia sehe buhiri tiina mari jia tiare masichu yoara marine. Æ masina, õ sehe ni masieraja mari: “Cohamacu dutiare yoa pahñohi. Æ jiro Cohamacu marine ‘Noaina jira’, ni ñna”, ne ni masieraja mari jipihtiro macaina.

Cohamacu re noano mari wacũ tuana to yaina wahaja mari

²¹ Wiho mejeta mipure Moise cjirore to dutiri cjirore yoa pahñono marieno masare ti ñaa buhirire to cohãrire masichu yoara marine Cohamacu. Moise cjiro to joari cjiri mehne, Cohamacu yare yahu muhtaina cjiri ti joari cjiri mehne yahu cũ muhta tuhsaha ahrire. ²² Jipihtina Jesucristore wacũ tuainare, tirore tuhoinare “Noaina jira”, ni ñna Cohamacu. Tó sehe cũno potori ñna tiro jipihtina dohse jiina Jesucristore wacũ tuainare. ²³ Mari jipihtina ñaare yoaina buhiri tiina dihta jija. Æ jina Cohamacu to cahmano sehe mari jiboriro duhsa yuhdara. ²⁴ Mari ã jiina jipachuta Cohamacu marine pja ñna. Æ jiro Jesucristo sehe mari ñaa buhirire wapabasari jire. To ã wapabasaro mehne “Buhiri marieina noaina jira”, ni ñna Cohamacu marine. ²⁵ Panopu macaina cjiri buhiri tiina ti jipachuta Cohamacu dóicãta buhiri dahreraha tinare. Æ buhiri dahreraro ti buhiri tiare wiho waro ã tuhhotunocano

nieraha. Baharo tiro Jesucristore warocari jire mari ñaa buhiri yariahtiro cjihtore, to di mehne mari ñaa yoarire wapabasahtiro cjihtore. Jesucristore mari wacũ tuachu Cohamacu sehe mari ñaa yoari buhirire borohca. Ahrire yoaro, quihõno yoariro to jia tiare masichu yoaro niha. ²⁶ Æ yoa mipu cõhure quihõno yoariro to jia tiare masa ti masichu cahmana tiro. Quihõno yoariro jira tiro. Æ jiro Jesure warocari jire masa ti ñaa buhiri yariahtiro cjihtore. Æ jiro Jesure wacũ tuainare, “Buhiri marieina, noaina jira”, ni ñno, quihõno yoaro nica.

²⁷ ¿Mipure “Noaina jija mari”, ni masicari mari masa tuhhotuchu? Tíre ne ni masieraja mari. ¿Dohseana ã ni masieracari mari? ¿Cohamacu to dutiare yoana, “Noaina jija”, ni masibocari mari? Jierara. Tí cõhure ni masieraja mari. Mari ã ni masierapachuta Jesure mari wacũ tuachu “Noaina jira”, ni ñnohca marine Cohamacu. ²⁸ Õ sehe masija mari: Jesure mari wacũ tuachu ñno marine ñu jicoara Cohamacu. Æ jiro marine “Buhiri marieina, noaina jira”, ni ñna tiro. To dutiare mari yoari wapa ã ni ñerara. Tirore mari wacũ tuachu ã ni ñna.

²⁹ Tuhsu, Cohamacu judio masa puhtoro dihta jierara. Judio masa jieraina puhtoro cõhu jira tiro. ³⁰ Æ jiro Cohamacu cãirota jiriro

jiro, jipihtina bui pũhtoro jira. Æ jiro jiro judio masare, ã jichũ judio masa jieraina cũhũre Jesure ti wacũ tuachũ, tinare cãno potori “Buhiri marieina, noaina jira”, ni ñũnohca Cohamacũ. ³¹ ¿Æ jina Jesure wacũ tuana Cohamacũ Moise cjirore to dutiare cohãna nibocari mari? Cohãeraja mari tíre. Jesure wacũ tuaina jina, Cohamacũ dutiare yoa pahñona nija mari.

4

Abrahã Cohamacũre to wacũ tuarire yahuha Paulo

¹ Mari ñũchũ cjiro panopũ macariro Abrahã cjirore Cohamacũ õ sehe yoaha: ² Abrahã cjiro noaare to yoapachũta “Noariro jira”, ni ñũeraha Cohamacũ tirore. Æ jiro noaare yoaparota ñariro jisninino “Yũhũ pini noariro jija”, ni masieraha Abrahã, Cohamacũ to ñũchũ. ³ Cohamacũ yare ti joari pũ õ sehe nina: “Abrahã Cohamacũ to nirire to quihõno tũho ñaha, tirore to wacũ tuachũ ñũno Cohamacũ tirore ‘Potocãta noariro jira’, ni ñũha”, ni yahura Cohamacũ yare ti joari pũi. ⁴ Pũhtoro dahrainare waparo, wiho waro to pja ñũa mehne waparo nierara. Ti dahrari wapa tinare waparo nina. ⁵ Wiho mejeta Cohamacũre wacũ tuainare dahrainare ti waparo sehe yoerara Cohamacũ. Cohamacũre wacũ tuarirore “Noariro jira”, ni ñũna Cohamacũ. To ã ni ñũchũ tí noaa to yoari wapa

jierara. Cohamacũ sehe tirore cahmaeraina cjirore tirore ti cahmachũ ñũno buhiri marieina, noaina wahachũ yoara. Æ jiro masũno Cohamacũre to wacũ tuachũ ñũno “Noariro jira”, ni ñũna Cohamacũ tirore. ⁶ Æta niha panopũ macariro Davi cjiro. Masũno noaare to yoapachũta Cohamacũ tirore “Noariro jira”, ni ñũeraca. Tirore to wacũ tuachũ ñũno pini Cohamacũ tirore “Noariro jira”, ni ñũna. Cohamacũ to ã ni ñũriro wahcheare yahuha Davi cjiro. Õ sehe niha:

⁷ “Cohamacũ ti ñaa yoarire to cohãchũ masiina sehe tuaro wahchera.

⁸ ‘Noaina jira. Mũsa buhiri tiare wacũsi yũhũ’, to nichũ tũhoina tuaro wahchera”, niha Davi cjiro.

⁹ ¿Judio masa ti pjacũre mahanocã cahsarocãre yihsorina dihtare ti ñaa yoarire boari Cohamacũ? Jierara. Judio masa jieraina yihsoeraina cũhũre ti ñaa yoarire bora tiro. Pari turi Abrahãre wacũga mũsa. Tiro Cohamacũre to wacũ tuachũ ñũno “Noariro jira”, ni ñũha Cohamacũ. ¹⁰ ¿Dohse jichũ ã yoari Abrahã, mũsa tũhotuchũ? To pjacũre mahanocã cahsarocãre to yihsohto panopũta tirore “Noariro jira”, ni ñũha Cohamacũ. Æ jiro yihso, to ñaa yoarire cohã tuhsũriropũ yihsoha. ¹¹ Æ jiro dóihta Cohamacũre wacũ tua mũhtaha Abrahã. To ã wacũ tuachũ

ñuno “Noariro jira”, ni ñuha Cohamacu tirore. ã to wacũ tuaare, to yairo to jiare to ñohto cjihtore Cohamacu tirore to pjacure mahanocã cahsarocãre yihso dutiha. ã jiro Abrahã to yihsohto pano Cohamacu sehe “Noariro jira”, ni ñu tuhsuha tirore. Tiro to yihsohto pano to ã ni ñuriro seheta jipihtina Cohamacure wacũ tuainare judio masa jieraina yihsoerainare “Noaina jira”, ni ñuha Cohamacu. To ã ni ñuina ti jichu Abrahã ti ñuchuno cjiro waro yoaro sehe wahara. ¹² Tí yoaro seheta masa, yihsoina Cohamacure ti wacũ tuachu ti ñuchuno cjiro waro jia tiha Abrahã. Tiro to yihsohto pano Cohamacure wacũ tuaha. ã jia tiro yoaro seheta wacũ tuaina judio masa Abrahã panamana ji turiaina jira.

Cohamacu Abrahãre to ni cõrre “Potocã tjira”, niha Abrahã

¹³ Panopu õ sehe niha Cohamacu Abrahãre: “Ahri yahpare mure, ma panamana ji turiainaru cãhure waitja”, ni yahu cãha Cohamacu Abrahãre. To dutiare to noano yoari wapa ã nieraha Cohamacu tirore. Abrahã Cohamacure to wacũ tuari wapa sehere ã niha Cohamacu tirore, “Noariro jira”, tirore to ni ñuri baharo. ¹⁴ “Cohamacu Moise cjirore to cõri dutia dihtare yoaro cahmana”, nina judio masa. Tó sehe niina Cohamacure wacũ tuaro marieno ahri

yahpa jipihtirore na duara. Wacũ tuaro marieno ti nachu mari sehe Cohamacure mari wacũ tuaa yaba cjihti jieraboã. ã jiro Cohamacu marine to ni cõri cjiro yaba cjihti jieraboã. ¹⁵ Moise cjirore to cõri dutia sehere yoerara masa. ã jiro to dutiare ti yuhdũrcari buhiri masare buhiri dahrerohca Cohamacu. Wiho mejeta to dutia mariachu to dutiare yuhdũrcaro cãhu mariaboã.

¹⁶ ã yoa Cohamacure wacũ tuaina dihta to wahtore naahca. Abrahã cjiro Cohamacure wacũ tuaha. ã jiro jipihtina tiro yoaro sehe Cohamacure wacũ tuaina ti ñuchuno waro yoaro sehe tjuara Abrahã cjiro. ã jiro “Ahrire masare waitja”, Cohamacu nino jipihtinare tirore wacũ tuaina pinihtare nino niha. ã jia Cohamacu Moise cjirore to dutiri cjirore yoaina Cohamacure wacũ tuaina Cohamacu to wahtore naahca. Tina dihta nasi. Jipihtina Abrahã cjiro yoaro sehe Cohamacure wacũ tuaina cãhu tinare to wahtore naahca. ¹⁷ Tíre Abrahã cjirore to niriro seheta joaa tiha panopure: “ ‘Payu macari macaina ti ñuchuno cjihto cõhi mure’, ni cã tiha Cohamacu Abrahã cjirore”, ni joaa tiha panopu. ã jiro tiro Cohamacure wacũ tuaa tiha. ã to wacũ tuachu mari ñuchu cjiro yoaa tiha Cohamacu tiro cjirore. Cohamacu sehe yariainare masoriro, jipihtinare, jipih-tia cãhure bajuamehneriro

jira.

18 “Payu yahpari macaina mu panamana ji turiaina jiahca”, Cohamacu to ã ni cūchu Abrahã cjiro sehe pohna marieriro jiparota, “Potocãta jira”, ni tūhotua tiha. ã ni tūhoturo payu yahpari macaina mari ñichu cjiro yoaro sehe wahaha tiro Cohamacu tireore to ni cūriro seheta.

19 ã jiro cien cūmari cjuariro jiparota “Bucuro waro jija”, ni tūhotuparota, Sara to namono ne pohna marienico to jipachuta “Pohna ti masieraja sã”, ni tūhotueraa tiha Abrahã cjiro. ã jiro Cohamacu to ni cūrire “Potocãta jira”, nia tiha Abrahã cjiro. 20 “To niriro seheta yoaeraboca”, ne ni tūhotueraa tiha Abrahã cjiro. ã jiro tiro Cohamacu to ni cūrire noano tūhoa tiha. To ã niare tūhotjiãhno “Cohamacu tuariro jira”, ni ño payoro nia tiha. ã jiro Cohamacure wacū tua namoa tiha tiro. 21 “Cohamacu to niriro seheta noano bihorohca”, ni tūhotu noano masia tiha Abrahã cjiro. 22 To ã masichu Cohamacure to wacū tuachu Cohamacu sehe “Noariro jira”, ni ñua tiha Abrahã cjirore. ãta ni joaa tiha Cohamacu yare ti joari pūi.

23 ã yoa Abrahã cjiro dihtare ã ni joaeraa tiha. 24 Tíre mari masihti cjihtire mari cūhure ã ni joaa tiha. ã jiro Cohamacure mari wacū tuachu “Noaina jira”, ni ñuohca mari cūhure

Cohamacu. Tiro pini mari pūhtoro Jesu to yariachu masori jire tireore. 25 Jesu sehe mari ñaa buhiri yariari jire. To yariari baharo masa wijaari jire tiro Cohamacu marine “Noaina jira”, to ni ñuhto cjihtore.

5

“Noaina jira”, Cohamacu to ni ñichu õ sehe waharohca marine

1 Jesucristore mari wacū tuachu ñano “Buhiri marieina, noina jira”, ni ñua marine Cohamacu. To ã ni ñichu Cohamacu mehne macaina marine jichu yoara mari pūhtoro Jesucristo. 2 ã jina mari tireore wacū tuachu ñano Cohamacu marine cahino, pichacapu wahaborinare yūhdore tiro mehne mari jihto sehe. Cohamacu pinihta noa yūhdariro jira. ã jiro tiro yoaro seheta jiina wahachu yoarohca marine tiro. To ã yoahiti cjihtire noano masi, wahcheja. 3 ã yoa ñano yūhduna cūhu wahcheja mari. Ñano yūhduna, tíre cūno pja masija mari. ã cūno pjana, ñano yūhdūpanahta noano Cohamacure wacū tuaina waha namoja mari. ã jina Cohamacu yare duhueraja mari. 4 Mari ã yoachu ñano “Noana”, ni ñuohca Cohamacu marine. ã jina marine to yūhdohore noano masi, wacū cohtana nija mari. 5 Ne wiho waro wacū cohtana nieraja. Cohamacu marine to Espiritu Santore

warocare mari mehne jithi-
rore. ã jiro Espírítu
Santo sehe mari mehne
jiro Cohamacu marine to ã
cahírucuaire masichu yoara.
To ã masichu yoachu marine
to yuhdohto noano waro jiro
nina. Potocãta yuhduhahca
mari.

6 Tó pano mari ñaa
yoarire mari basi mari
yuhdu masierachu ñuno,
to quihóro mu suchu, Co-
hamacure cahmaeraina mari
jipachuta, Cristo sehe mari
ñaa buhirire yariabasaha.

7 Cãiro masuno noariro
jiparota yariahtiro to jichu
paire sehe to yariaborirore
cohtota, to yariabasa duachu
mijo yuhduara. Noaa dihtare
yoariro yaro jiborirore paire
yariabasaboca pa tehe nino.

8 Wiho mejeta Cohamacu
sehe õ sehe yoara. Buhiri
tiina mari jisipachuta mari
yaro jiborirore Cristo yari-
aha. To ã yoachu Cohamacu
marine to tuaro cahíare
masija mari. 9 Mari yaro
jiborirore to ñano di wijaa,
yariachu Cohamacu sehe
marine “Buhiri marieina,
noaina jira”, ni ñuna. To ã ni
ñari baharo mipu pinihtare
marine pichacapu waha-
borinare yuhdorohca Jesu.
Marine to yaina wahachu
to yoari baharo marine
buhiri dahresi pichacapu
Cohamacu. 10 Cohamacure
ñu tuhtiina mari jipachuta,
to macuno sehe yariaro, mari
ñaa buhiri tiare cohãno, Co-
hamacure mari ñu tuhtirire
duhuchu yoare. To ã yoaro
mehne Cohamacu mari

buhiri tiare bora. Tuhsu
marine to yaina wahachu
yoara. Mipu pinihtare tí
yuhdo curero yoarohca
marine. To yaina mari jichu
Jesu to masa mujari mehne
marine pichacapu waha-
borinare noano yuhdorohca
tiro. 11 ã jina baharopu
mari yuhduhtore masina
wahcheja mari. Mipure
ahri cãhure wahcheja. Mari
puhtoro Jesucristo mari ñaa
yoari buhirire to yariari
baharo Cohamacu yaina jija
mari. ã jina wahcheja.

*Adãore, Cristore yahuha
Paulo Roma macainare*

12 Adão cjiro Cohamacure
to yuhduhucari baharo ahri
yahpare ñaa buhiri tia ji
ducaha. Ñaa buhiri tia ji
ducaro mehne masa yaria
ducaha. Jipihtina mari ñaare
buhiri tiare yoaja. ã jina jip-
ihtina ñaina mari jiri buhiri
yariaja. 13 Cohamacu to
dutiare Moise cjirore to cũhto
pano potocãta ahri yahpa
macaina ñaa buhiri tiare
yoaa tiha. Ti ã yoapachuta
to dutia mariachu to dutiare
ti yuhduhucari buhiri buhiri
dahre masieraha. 14 To
ã buhiri dahre masiera-
pachuta Adão cjiro cãhu to
baharo jiina cãhu tí dutia
mariasinipachuta yariaa
tiha. Moise cjiro to jihto pano
tí dutia mariasinipachuta
masa yariaa tiha. Paina
ñano yoaa Adão cjiro ñano
to yoariro sehe waro yoaera
timaha. ã jipahta tina cãhu
yariaa tiha. ã jiro Adão

cjiro ñaare to yoa ducariro seheta yoari pja baharopu ahri yahrapu tariro noaare yoa ducari jire.

¹⁵ Adão cjiro to yuhdurucari Cohamacu masare to pja ñua yoaro sehe jierara. Cohamacu to pja ñua sehe noa yuhdurara. Adão cjiro cãirota jiparota ñaare to yoa ducari buhiri payu masa yariaa tiha. Cohamacu sehe marine pja ñuno, Jesucristore warocari jire. To ã warocachu tiro cãirota jiriro pichacapu wahaborinare masare payu yuhdora. ¹⁶ ã jiro Cohamacu masare to pja ñua Adão cjiro to yuhdurucari yoaro seheta jierara. Adão cjiro sehe cãirota jiriro ñaare to yoari buhiri jipihtina masa ñaa buhiri tiina jira. ã ti buhiri tiina jipachuta masa pjiro ti ñaare yoapachuta mipure masare pja ñuno Cohamacu ti ñaare bora. ã boro “Noaina jira”, ni ñua tiro tinare. ¹⁷ Adão cjiro cãirota jiriro ñaare to yoa ducachu jipihtina masa yariarucura. Tí potocã tjira. To ã jipachuta ahri sehere wahchenahca mari. Mipure Cohamacu masare pja ñuno Jesucristo cãirota jiriro to yariaro mehne ti ñaare boro, tinare “Noaina jira”, ni ñua. ã jia jipihtina to ã ni ñuina manopu Cristo mehne puhtoa jahca.

¹⁸ Adão cjiro cãirota to jipachuta to yuhdurucari buhiri jipihtinapu buhiri tiina waha ducaha. ã jia Cohamacu to buhiri

dahrehtinapu tjuaha tina. Tó yoaro seheta Jesu cãhu cãirota jiparota noano yoaro jipihtina ti buhiri tiare cohã masina. Ti buhiri tiare to cohãchu, “Buhiri marieina, noaina jira”, ni ñua tinare Cohamacu. ã jia to ya catiare cjuaa, ã catirucuahca tina.

¹⁹ Adão cjiro cãirota Cohamacure yuhdurucaha. To ã yuhdurucachu, payu masa ñaa buhiri tiina wahaha. Tó yoaro seheta Jesu cãhu cãirota Cohamacure yuhtiha. ã yuhtiro, payu masa ti buhiri tiare cohã masina tiro. To ã cohãchu “Ñaare ti yoari buhiri tia mariena, noaina jira”, ni ñua Cohamacu tinare.

²⁰ Cohamacu to dutiare Moise cjirore cãa tiha tí mehne jipihtina masa ti ñaa buhiri tiare ti noano masihto cjihtore. ã jia masa ti ñaa buhiri tiare masia tí yuhdoro Cohamacu tinare tuaro to cahã tia cãhure masiahca. Tiro marine cahĩ yuhdurara. ²¹ Buhiri tiina ti jiri buhiri masa yariahtina jira. Ti yariari baharo, pichacapu wahaahca. Wiho mejeta Cohamacu masare cahĩ yuhdurara. ã tuaro cahĩno, mari puhtoro Jesucristo masare to yariabasaro mehne masare “Buhiri marieina, noaina jira”, ni ñua. To ã ni ñuina sehe to ya catia mehne ã catirucuahca.

6

Yariaina cjiri ti ñaare yoeraro seheta Cristo yaina cãhu ñaare yoarucuerara

1 ¿Dohse yoanahcari mari mipure, musa tãhotuchu? Cãina õ sehe niboca: Ñaare mari yoachu ñano Cohamacu mari ñaa buhirire borohca. ¿Cohamacu marire to cahĩ namochu ñu duana ñaare yoa namobocari mari? 2 Jierara. Ñaare yoaena tjijihna mari. Yariaina cjiri ñaare ti yoeraro seheta Cristo yaina jina mari cõhu ñaare yoarucu masieraja mari. 3 Jesu yaina mari jia tiare masa ti ñu masihto cjihtore copu bautisare marine paina. Æ jina mari pãhtoro Jesucristo to yariachu, mari cõhu tiro mehne yariaina seheta wahahi. ¿Tĩre masierajari musa? 4 Æ bautisarina wahana Cristo pjacure masa copapu ti siõ sãa payo cohãriro seheta pano mari ñaa yoirire duhuja. Æ jina Cohamacu to tuaa mehne Cristo to masa m̃jariro seheta mari cõhu to tuaa mehne mari jia tia cõhure, mari tãhotua cõhure cohtotaja. Æ cohtotana to yare wahma yoarucaina wahaja mari.

5 Cristo yaina jina, tiro mari pãhtoro mehne yariaina seheta jina, to masa m̃jariro seheta mari cõhu masa m̃janahca. Tĩ potocãta jira. 6 Cristo yaina ji ducana crusapu tiro mehne yariaina seheta wahai pari turi mari ñaare yoarucuerahito sehe. Æ waharina jina ñaare yoarucuina ji namo duasi mari. Tĩre mari masija. 7 Yariariro cjiropure ñaare

goa pjaa mariahna. Æ jiro tiro cjiro ñaare to yoa duhuriro seheta tí ñaa sehe tirore to dutipe namoeraboro seheta tí ñaare duhura tiro. 8 Cristo mehne yariaina yoaro sehe jina, to masa m̃jariro seheta mari cõhu masa m̃janahca. “Tĩ potocã tjira”, ni tãhotuja mari. Æ jina tĩre mari masa m̃jahtire wacũ cohtaja mari. 9 Cristo to yaria masa m̃jari baharo ne pari turi yariasi. Æ catirucuriro jira tiro. Tĩre mari masija. 10 Æ jiro Cristo cõ tahata yariaro, masa ti ñaa yoari buhirire cohãno taro yariaha. To masa m̃jari baharo Cohamacu to cahmano seheta yoarucutiro jira tiro. 11 Tiro yoaro seheta musa cõhu õ sehe ni tãhotuga: “Yariaina cjiri ti yoeraro seheta mari cõhu ñaare yoa duaeraja. Jesu yaina jina Cohamacu to cahmano seheta yoahina cjihtita jina nija mari cõhu”, ni tãhotuga musa.

12 Æ jina musa yariahtina jina ñaare yoarucuina jiena tjiga. Æ jina musa ñaa yoare goa pjapanahita tĩre ã tãhotunocahga. 13 Ñaare yoina jiena tjiga. M̃sare pichacapu wahaborinare Jesu to yãhdorina jira musa. To ã yarina jina Cohamacu cahmaa dihtare yoina jiga musa. Æ jina noare yoina jiga musa. 14 Mipure Cohamacu Moise cjirore to dutia mehne marine dutierara. Cohamacu marine cahino tiro sehe marine dutira. Æ jina to

yoadohoro mehne ñaare yoa duasi mari.

Musa ñaare yoarucuchu tí ñaa musa puhtoro yoaro sehe jira

15 ¿Yhu ã nichu dohse ni tuhutujari musa? ¿Cohamacu sehere yuhtihtina jina Moise cjirore to dutiare yuhtihtina jierana, ñaare yoarucubocari mari? Jierara. 16 ¿Ahrire masierajari musa? Musa noano yuhtiro musa puhtoro jira. Ñ jina to cahamaca jira musa. Musa ã yuhti musa puhtoro tiro sehetã ñaare yoarucuina musa jichu tí ñaa yoaã musa puhtoro yoaro sehe jira. Ñ jina ñaare duhu masierara musa. Ñ jiina jina pichacapu wahahtina jira musa. Cohamacure noano ño payoina jina pinihta, to cahamaca jira musa. Ñ jina to yaina noaina jira musa. ¿Tire masierajari musa? 17 Panopu ñaare yoarucuina musa jichu tí ñaa yoaã musa puhtoro yoaro sehe jimare. Mipuh sehere noaa buheare tuhona Jesure wacũ tuana Cohamacure noano ño payoina wahare musa. Musa ã wahachu ñuna Cohamacure “Noana”, nija. 18 Ñ wahana mipure ñaa tí dutiro cjiro sehetã yoaerara musa. Ñ jina Cohamacu cahamaca jina noaa sehere yoara musa. 19 Cahamaca tí puhtoare tí noano ño payoare masi pahõna musa. Ñ jicu tí musa masiri mehne tí mehne piti dahre buhehi musare ahri buheare noano masieraina

musa jichu ñhcu. Panopu ñaare yoarucuina jimare musa. Musa ã yoarucuriro sehetã mipuh sehere noaare yoarucuina jiga musa. Ñ jina Cohamacu cahmaa dihtare yoanahca musa.

20 Panopu ñaa dihtare yoaina jina, noaa sehere yoaera tire musa. 21 ¿Tí pjarure ñaa dihtare yoana dohse jirore wapataru musa? Tí musa ñaa yoarure wacũna mipure buo tica musa. Tí ñaare musa yoari buhiri pichacapu wahaboa musa. Ñ jina ñaare yoana ne wapataerara. 22 Mipuh sehere musa ñaa yoarure duhuna Cohamacu cahamaca wahare musa. Ñ jina Cohamacu cahmaa dihtare yoaina jinahca. Ñ jina jipihtia dachoripe Cohamacu mehne jirucunahca. 23 Ñaare mari yoari buhiri pichacapu wahahtina jija jipihtina mari. Mari ã jipachuta mari puhtoro Jesucristore mari wacũ tuachu ñuno, jipihtia dachoripe tiro mehne marine jirucuchu yoarohca. Mari ã jirucuhtore ã wanocanohca.

7

Cohamacu Moise cjirore to dutiare yahu namoha Paulo tjoa

1 Yhu coyeyã, Cohamacu Moise cjirore to dutirire noano masina musa. Masano to catisinichu tí dutiare yuhdũgũca dutierara. To yariari baharo pinihtare tí dutiare yoaro mariahna. Tí cũhure masina musa.

2 Õ sehe jira: Numinore to manũno to catiro puro tiro mehne dihta ji dutira Cohamacũ Moise cjirore to dutiri sehe. To ã dutipachũta to manũno to yariari baharo ticoro sehe pairere manũ ti masina. Ticoro tí dutia mehne ji namoerara. 3 Æ jiro to manũno to jipachũta ticoro pairere manũ tiro, ñano yoaricoro jira. Wiho mejeta to manũno to yariari baharopũ pairere manũ tiro, Cohamacũ dutiare yũhdũrũcaerara ticoro ã yoaricoro. Æ yoaro ñano yoaricoro jierara ticoro.

4 Mũsa cũhũ yũ coyea Jesu yaina wahana, Jesu to yariachũ, mũsa cũhũ tiro mehne yariaina sehetã wahare. Æ jina yariaina cjirore dutia ti marieno sehetã Moise cjirore to dutia to cũri cjirore mũsa cũhũre mariaha. Tí dutia mũsare dutierara. To manũno to yariari baharo, pairere manũ tiricoro yoaro sehetã mũsa cũhũ panopũ mũsare dutimarire duhu, Cristo mehne jira, ticoro paio mehne to jiro sehetã. Æ jina mipũre to yaina jira mũsa. Tiro sehe to yariari baharo masa mũjari jire Cohamacũ cahmaare mari yoahũto cjihtore. 5 Panopũ ñaare mari mũ sũro yoaa timai. Æ jina Cohamacũ Moise cjirore to dutirire mari masiri baharo tí dutiare yũhdũrũca duamai. Tí dutia mariachũ yũhdũrũca duaeraboã. Æ jina tí dutiare mari masiri baharo ñaare

tuaro yoamai mari. Æ mari ñaare yoana mari pichacapũ wahahtinata jia timai. 6 Æ wahaborina jipanahta Cristo yaina jina mipũre tí dutia mehne jieraja mari. Æ jiro Espĩritu Santo mari mehne jiro marine noaa sehere cohtotachũ yoara. To ã yoachũ panopũ macaa dutia mũna dutia to joari cjirore tí mehne jieraja mari mipũre.

To ñaa yoari cjirore yahuha Paulo

7 ¿Æ jina Cohamacũ Moise cjirore to dutirire dohse nibocari mari? ¿Tí to dutia ñaa jicari, mũsa tũhotuchũ? Jierara. Tí yũhũre to dutiri mehne ñaare masii. Æ jicũ to dutia mariachũ ñaare masieraboã yũhũ. To dutia õ sehe jira. “Paina yapũre tuaro cahmaena tjiga”, niha to dutia. Tí ã nierachũ paina yapũre tuaro ti cahmari tí ñaa jichũ masieraboã yũhũ. 8 Æ jicũ tí dutiare yũ masiri baharo paina yapũre tuaro cahmaa tii yũhũ. Tí dutiare masierasiniũ paina yapũre tuaro yũ cahmari tí ñaa jichũ masieraboã yũhũ. 9 To dutiare yũ masiri baharo pinihta tuaro ñaare yoã duamai. Æ jicũ pichacapũ yũ wahahtore masia tii. 10 Æ jia Cohamacũ dutiare yũhdũrũcaeraã masa tiro mehne noano jirucuboã. Æ jia tí dutia sehe noano jirucuchũ yoabori dutia jipahũta yũ yũhdũrũcari buhiri

yuhure pichacapu waha duti-
mare. ¹¹ Ñ jicu ñaare yoacu
Cohamacu Moise cjirore to
dutiare yuhduruca duamai.
Ñaare goa pjariro jicu noaare
masierahi. Tí ñaa yuhure
dojomehnere. Ñ jicu noano
masierahi. Ñ masieracu Co-
hamacu dutiare yuhdurucaci.
Ñ jicu to dutiare yu masiri ba-
haro yu ñaa buhirire picha-
capu yu wahaborirore masii.
To dutia mehne ñ masii.

¹² Ñ jia Moise cjirore
Cohamacu to cūri dutia
noaata jira. Ñ jia quihōno
jiata nina tí dutia. ¹³ ¿Ñ
jipahta marine tí noaa dutia
sehe pichacapu wahachu
yoajari? Jierara. Tópū
wahachu yoerara. Mari ñaa
yoaa sehe marine pichacapu
wahachu yoara. To dutiare
mari masiri baharo tí dutiare
yuhdurucana ñaare yoana
masija mari. Ñ jina mari
ñaina mari jiare masina mari
pichacapu wahahto cūhure
masija mari. Ñ jina to dutiare
masina mari yuhdurucarire tí
ñaa yuhduu jichu masija mari.

¹⁴ Cohamacu to dutiare
Moise cjirore cūha. Tí to
cūa noaa tí jichu masija
mari. Wiho mejeta yuhū sehe
paina yoaro seheta ñariro
jija. Ñ jicuta ñaare yoarucua
yuhū. ¹⁵ ¿Dohse waharo nijari
yuhure? Ne noano masieraja
yu yoaare. Yu yoa duaa
sehene ne yoaera, yu tuaro
yoa duaeraa sehene yoaja
yuhū. ¹⁶ Ñaare yoa duaera-
paihta ñaare yoaja yuhū. Tíre
yoacu Cohamacu dutia noaa

dutia tí jichu masija yuhū.
¹⁷ Ñ jicu mipure yuhū waro
tí ñaare yoaeramaja. Wiho
mejeta yu tuhoutuapu jia ñaa
tí sehe yuhure ñaare yoachu
yoara. ¹⁸ Noaare tuaro yoa
duapaihta ne bihoeraja.
Ahri yahpa macariro jicu yu
tuhoutuapu ñaa dihta jira. Ne
noaa mariaputiara. Ñ jicu
noaare tuaro yoa duapaihta
ne bihoeraja. Ñaa sehe
yuhure dojomehne mūjana.
¹⁹ Noaa yu yoa duaa sehene
yoaeraja yuhū. Ñaare yu yoa
duaeraa sehene yoaja. ²⁰ Yu
yoa duaeraa yoacu mipure
yuhū waro tíre yoaeramaja.
Yu tuhoutuapu jia ñaa tí sehe
yuhure ñaare yoachu yoara.

²¹ Ñ jiro yuhure ō sehe
wahara: Noaare yu yoa
duapachuta yu tuhoutuapu ñaa
jira. Ñ jicu noaa sehene ne
yoa masieraca. ²² Cohamacu
Moise cjirore to dutirire yu
tuhotua mehne tuaro cahma,
quihōno yoa duamaja. ²³ Ñ
jicu yuhū ahrire yu basi
masija: Yu tuhotua mehne
noaare Cohamacu dutiare
yoa duaja. Ñ yoa duapaihta
yu basi ñaare tuaro yoa
duaca. Yu mu sūro ñaare duhu
masieraja yuhū.

²⁴ Ñ ñaare duhu masieracu
pjacūoriro jija yuhū.
Ñaare yoacu pichacapu
wahaihca yuhū. Cue-
nah. ¿Yuhure pichacapu
waha dutia ñaare noa
yuhure yuhdobasabocari?
²⁵ Jesucristore yu wacū
tuachu tiro sehe ñaa yu yoari
buhirire yuhdobasarohca.

To ã yoach_u Cohamac_ure “Noana”, nija y_hh_u. ã jich_u mip_ure y_hh_u y_h basi y_h t_hhotua mehne Cohamac_u dutiare quihõno yoa duamaja. ã yoa duariro jipac_uta y_h pjac_u mehne y_h m_u s_uro ñaare duhu masieraja.

8

Espíritu Santore c_ha_uina ti jia tiare yahuha Paulo

¹ Mip_ure Jesucristo yainare ti buhiri tiboro mariaha. ² ã jiro Jesucristo yairo y_h jich_u Espíritu Santo ã catirucuch_u yoariro ñaare y_hhd_urcach_u yoara y_hh_ure. Ñaare y_hh_ure y_hhd_urcach_u yoaro y_hh_ure pichacap_u wahaborirore y_hhdore tiro. ³ Cohamac_u Moise cjirore to dutiare mari m_u s_uro ne yoa pahñosi. ã yoa pahñoerana y_hhd_urcaina jija mari. ã jina tí dutia yoaa mehne ne y_hhd_usi mari. Mari ã jiina jipac_uta õ sehe Cohamac_u marine y_hdorohca. To mac_uno_ure mari yoaro seheta pjac_u tihtirore warocaha, mari buhiri tiare buhiri tihtiro cjihtore, marine yariabasahtiro cjihtore. ã jiro mari t_hhotuap_u jia ñaare tiro duhuch_u yoari jire. ⁴ ãta yoare Cohamac_u dutiare to tuaa mehne mari bihohto cjihtore. To dutiare bihoina jina mari m_u s_uro jieraja. Espíritu Santo to yoadohoa mehne to dutiro seheta yoaja mari.

⁵ Ñaare yoa duaina, tí dihtare goa pjara. Espíritu

Santo to dutiro seheta yoarucuina sehe tí to dutia dihtare wac_u n_un_u, yoa duara tina. ⁶ Ñaa dihtare goa pja, wac_u n_un_uina pichacap_u wahaahca. Espíritu Santo to cahmano seheta tuaro yoa duaina sehe jipihtia dachoripe Cohamac_u mehne ã catirucuahca. ã jia tina Cohamac_u mehne noano jinocaahca. ⁷ Ñaa dihtare goa pja, wac_u n_un_uina Cohamac_ure ñ_u tuhtira. Tina Cohamac_u dutiare ne y_hhtierara. To dutiare y_hhti duaerara. Y_hhtia c_hu_h bihoeraboa tina. ⁸ ã jia ti m_u s_uro yoaina Cohamac_ure wahchech_u yoa masierara.

⁹ Wiho mejeta m_usa sehe m_usa t_hhotuap_u jia ñaare yoerara. Espíritu Santo m_usa mehne to jich_u to cahmano seheta yoara m_usa. ã jia Espíritu Santore c_ha_ueraina sehe Cristo yaina jierara. ¹⁰ M_usa sehe to yaina jira. M_usa ñaa buhirita m_usa pjac_uri yariara. ã m_usa pjac_uri yariahtina jipanahta Cristo m_usa mehne to jich_u tiro mehne to ya catia mehne ã catirucunahca m_usa. Cohamac_u m_usare “Buhiri marieina, noaina jira”, to ni ñ_uch_u m_usa tiro mehne ã jirucunahca. ¹¹ Cohamac_uta Jesure masori jire. ã masoriro jiro Espíritu Santo mari mehne to jirucuch_u mari yariari baharo Cohamac_u mari c_hu_hre masonohca. ã masono wahmaa pjac_uri wahach_u yoarohca marine. Jesure to masoriro seheta

masonohca mari cãhure.

¹² Y_H coyea, to ã yoach_H ñuna ñaa mari goa pjarire yoarena tjijihna. ¹³ Mari ñaare yoaina jina, pichacap_H wahahtinata jinocanata nija. Espíritu Santo to yoadohoa mehne ñaa yoare duhuna, jipihtia dachoripe Cohamac_H mehne jirucunahca.

¹⁴ Jipihtina Espíritu Santore yuhtiina Cohamac_H pohna jira. ¹⁵ Espíritu Santo mari mehne to ji ducachuta Cohamac_H pohna ji ducái. Wiho mejeta tiro marine dutipe, dahrach_H yoah tiro jierara. ã jina panop_H mari cuiriro sehe mip_H sehere mari cuieraja. To pohna jina, Espíritu Santo to yoadohoa mehne mip_Hre “Y_H Puc_H”, nija mari Cohamac_Hre. ¹⁶ ã jiro Espíritu Santo mari wac_Hap_H marine õ sehe ni masich_H yoara: “Potocãta Cohamac_H pohna jija mari”, ni masich_H yoara. ¹⁷ ã jina to pohna jina, Cohamac_H jipihtiare to pohnare “Waihtja”, to nirire mari sehe c_Huanahca. Jesucristo cãh_H c_Hua, mari cãh_H c_Huanahca tíre. Cristo yare mari yoari buhiri ñano yãhd_Hina jina mari tiro mehne m_Hanop_H noano wahchea mehne jinocanahca. ã jina Cohamac_H to pohnare to “Waihtja”, to nirire c_Huanahca mari Cristo mehne.

¹⁸ Mip_Hre ahri yahpai ñano yãhd_Hsinija mari. Baharop_Hre mari m_Hanop_H noano jinocanahca. ã jina mip_Hre ñano yãhd_Hna,

pjiro cahya tãhotuena tjijihna. Ahri mari ñano yãhd_Hna wiho waro jira. Baharo noano jinocanahca Cohamac_H mehne. ã jina tãaro wahchenahca. Ahri pini wiho waro jierara. ¹⁹ Cã n_Hm_H Cohamac_H to pohnare cohtotarohca. Buhiri marieina, yariaer-ahtina, noaina waro jich_H yoarohca marine. Mari ã wahach_H jipihtia Cohamac_H to bajuamehneri cjiri cãh_H wahma dihta cohtota pihtia wahaahca. ²⁰ Jipihtirop_Hre to bajuamehneri noaa ti jiborire dojomehneha masano ñano yoa ducaro. Ti m_H s_Hro ã wahaeraha. Masano Cohamac_Hre to yãhd_Hucaro mehne to bajuamehneri ã wahaha. ã jiro Cohamac_H to bajuamehneri cjirire ãta ñano ji dutisiniha. Baharo to bajuamehneri cjirire noaa wahach_H yoarohca tjoa tiro. ²¹ ã jiro Cohamac_H to bajuamehneri cjirire baa pihtiborire noaa wahach_H yoarohca tjoa. Cohamac_H pohnare noaina to wahach_H yoariro seheta, tinare noano to yãhd_Horiro seheta noaa wahach_H yoarohca Cohamac_H to bajuamehneri cjirire cãh_Hre. ²² Jipihtia Cohamac_H to bajuamehneri cjiri ñano ti ji ducari baharo ñano yãhd_Hna tiha. Numino niji wahcõno to ñano yãhd_Hro seheta to bajuamehneri cãh_H dachoripe ñano yãhd_Hrucura. Tíre mari masija. ²³ ã yoa mari cãh_H to bajuamehneri cjiri yoaro se-

heta ñano yuhdaja. To yaina mari wahachu, Cohamacu to yairo Espiritu Santore dóihta ware marine. Ñ jina “Waihtja”, to niriro seheta sohtori tirohca”, ni masija mari. Ñ jina noaa sehere marine to cohtotahtore tuaro waro cohtaja. Ñ yoa to pohna mari tiro mehne mari noano jightho cūhure tuaro cohtaja mari. Tuhsu, wahma pjacure marine to wahto cūhure tuaro cohtaja. ²⁴ Mari ã cohtaina jichu, tirota marine pichacapu wahaborinare yuhdore. Tiro cahapu jirina jina tiro cahapure mari wahahtore cohtaeraboa mari. Marine to yuhdo tuhsuri baharo tíre cohta namoeraboa. ²⁵ Ñ jina to wahtire ñerapanahta Cohamacu marine to yuhdohtore cohtana, noano mehne ã cohtarucuja.

²⁶ Ñ yoa Cohamacure wacū tuera cureina to cahmaare noano masieraina jija mari Ñ jina tirore quihōno siniina cūhu jieraja mari. Wiho mejeta mari ã jiina jipachuta, Espiritu Santo sehe marine yoadohora. Marine tuaro pja ñano mari ya cjihtire durucuro marieno to tuhutua mehne tiro Cohamacure tuaro sini payobasara. ²⁷ Cohamacu to cahmano seheta mari Jesu yaina ya cjihtire sini payobasara tiro Espiritu Santo. To ã sini payobasachu Cohamacu mari tuhutuare masi pahñoriro jiro, Espiritu Santo to sini payobasaare masina.

Cristo to tuaa mehne ñaa yoaare yuhdurucanahca mari

²⁸ Ahrire yu yahuhtire masija mari: Jipihtina Jesure cahīina mari jichu to cahmaare yoahtinare besere marine tiro. Ñ jiina mari jichu ñano Cohamacu ã yoadohorucura marine. Ñ jina mari ñano yuhdūpanahta ñano yuhdurucu dojoaeraja. Ñ jina Cohamacu yoadohoro mehne noano jinahca mari. ²⁹ Cohamacu marine to yaina cjihtire dóiputa masi, bese tuhsuha. Ñ besero to macuno Jesu to yoaro seheta jihtina cjihtire marine cūha, payu masa to macunore mari wahmi tihto cjihtore. ³⁰ Panopu to yaina to ji dutirina mari jichu, to pohna mari jihtina cjihti cūhure beseha marine. Ñ jiro marine to beserinare tiro “Buhiri marieina, noaina jira”, ni ñure. Marine to ã niinare tiro yoaro sehe jihtina cjihtire tiro mehne muanopu noano jichu yoaohca Cohamacu.

³¹ Tíre masina õ sehe tuhutuaja mari: Cohamacu marine to cahīinare ne paina ñu tuhtia bihosi. ³² Cohamacu mari ya buhirire yarihtirore to macunore warocaha. “Yu macure cahīja. Ñ jicu tirore warocaeraja”, nieraha tiro. Marine ã tuaro yoadohoriro jiro, jipihtia marine dūhsarire wa pahñonohca. ³³ Cohamacu to beseina mari jichu, tiro marine “Ñaa buhiri marieina, noaina jira”, ni ñure. Mari ã jiina jichu paina marine “Ñaina jira”, ne ni

yahusã masierara. ³⁴ Cristo mari ya buhirire yaria masa m̄jaha. Mip̄are Cohamac̄u pototo buhusehe sehei jira p̄hutoro jiro. ã jiro tiro mari ya cjihtire potocãta sini payoro nina Cohamac̄ure. ã jia paina sehe marine ne buhiri dahre duti masierara Cohamac̄ure. ³⁵ Cristo marine to tuaro cahĩch̄u paina tirore “Cahĩ t̄jia”, ne ni masierara. Cahĩ duhusi tiro. Mari ñano ȳhd̄upach̄uta, mari cuipach̄uta, paina marine ti ñano yoapach̄uta, mari j̄uca baapach̄uta, suhti marieina mari jipach̄uta, nu cuaroi mari jipach̄uta, marine ti waj̄pach̄uta Cristo marine ã cahĩrucurohca. ³⁶ Cohamac̄u yare ti joari p̄ui mari ñano ȳhd̄uhtore yahuro, õ sehe nina:

“M̄u yaina sã jich̄u masa ñu jicoaeraa, ti waj̄htina ã jirucunata nija.

Oveja ti waj̄htina ti jiro se-heta sã c̄uh̄ure ã wahara”,

ni joaa tiha Cohamac̄u yare ti joari p̄ui.

³⁷ ã jina mari ñano ȳhd̄upanahta Cristo marine cahĩro to yoadohoro mehne tí jipihtiare ȳhd̄u witinahca. ã ȳhd̄una to yare ne duhusi mari. ³⁸⁻³⁹ Jesucristo yaina mari jich̄u ñano Cohamac̄u sehe marine tuaro cahĩna. ã jiro tiro marine ne cahĩ duhusi. Mari yariach̄u c̄uh̄ure, mari catich̄u c̄uh̄ure, mip̄are, baharop̄u c̄uh̄ure, tiro marine cahĩ duhusi. ã yoa anjoa, wat̄ia p̄hutoa,

ahri yahpa macaina p̄hutoa, m̄ano macaina, ahri yahpa macaina c̄uh̄u marine Cohamac̄ure “M̄u yainare cahĩ t̄jia”, nia bihosi tina. Cohamac̄u to bajuamehneri c̄jirip̄are tirore marine ne cahĩ duhuch̄u yoaa mari-ahna. Marine ne tiro cahĩ duhusi.

9

Israe masa Cohamac̄u to beserina jira

¹⁻² Ȳu coyeya Israe masare wac̄uc̄u tuaro cahyaja. Cristore cahmaerara t̄ina. ã jic̄u ñano cahya yajeripohna tija ȳh̄u. Tí ȳu ã ni yahua potocãta jira. Ȳh̄u Cristo yairo t̄jija. ã jic̄u m̄sare “Cahyaja”, ȳu nia sehe potocãta jira. M̄sare ã nic̄u mah̄noi nieraja. Esp̄iritu Santo ȳu ã mah̄noerach̄u masino, ȳh̄ure “Quih̄õno m̄u cahyarire yahure m̄h̄u” ni, ȳh̄ure masich̄u yoare. ³ Israe masa ȳu coyeya ȳu ya yahpa macaina pichacap̄u wahaahca. Cohamac̄ure tinare ȳhd̄o duti duac̄u õ sehe ni duamaca ȳh̄u sehe: “Ti ya buhirire ȳh̄u sehe pichacap̄u wahaihtja. ã jiro ti yaro jiborirore ȳh̄u sehere buhiri dahrejaro Cristo”, ni duamaca ȳh̄u. ⁴ Tina ȳu coyeya Israe c̄jiro panamana j̄i turiaina jira. Tinare to pohna c̄jhtire c̄uha Cohamac̄u. Tuhs̄u, to si sitea mehne ti watoj̄ jia tiha. Tinare jipihtinare to noano wahach̄u yoaa c̄uh̄ure yahu c̄u m̄hta tiha. Tuhs̄u,

Moise cjirore to dutiri cãhure dóiputa tinare Israe masareta cã mãhtaa tiha. Tirore ti ño payohti macaa cãhure tinareta cã mãhtaa tiha. Tuhsu, masare to yahdohto cãhure yahu cãa tiha tinare Cohamacu. ⁵ Sã ya curuari waro doce curuari waro jira. Sã ñuchusuma ji mãhtarina cjiropu ti panamana jia tiha. Ti panamana ji turiainapu jija sã Israe masa. ã jiro mari yoaro sehe pjacu tiri taro, sã coyero Israe masano waro jire Cristo. Tiro Cohamacuta jira. ã jiro tiro jipihntina bui puhtoro jira. Jipihntia dachoripe tirore noano ño payojihna mari. ã ño payorucujihna.

⁶ Paina Israe cjiro panamana ji turiaina jipahta Cohamacu yaina waro jierara. ã jina tina to yaina ti jierachu ñuna õ sehe ni tuhotuboca musa: “ ‘Israe masare yu yaina jichu yoaihtja’, ni parota cãinare Cohamacu to niriro seheta yoerara”, ni tuhotuboca musa. ã ni tuhotuena tjiga. ⁷ Õ sehe jira: Paina Abrahã panamana ji turiaina ti jipachuta “Abrahã panamana ji turiaina waro jira”, ni ñerara Cohamacu tinare. ã jiro õ sehe nia tiha Cohamacu: “Mu macu Isaa panamana ji turiaina tina pinihta potocãta mu panamana ji turiaina waro jiahca”, ni yahu cãa tiha Cohamacu Abrahãre. ⁸ To ã ni yahu cãchu ahrire masinahca mari: Abrahã cjiro panamana jipihntina waro

Cohamacu pohna jieraca. Cohamacu to ni cãrire noano tuhoina tirore wacã tuaina sehe tinata jica Cohamacu pohna. ã jia tinata jira Abrahã cjiro panamana ji turiaina waro.

⁹ Õ sehe niha Cohamacu Abrahã cjirore: “Pa cãhma ahri pja baroihta yu tjua tachu mu namo Sara wihãrirocãre cjuarohca mu macure”, nia tiha Cohamacu Abrahã cjirore. ã nino Cohamacu Abrahã cjiro macano to masa bajuahatore yahu cãyuro nia tiha.

¹⁰ Baharo Isaa cjiro namono Rebeca wama tiri-coro puaro pohna tia tiha. Ti puaro Isaa sã ñuchu cjiro jia tiha. ¹¹⁻¹² ã jia ti pohna ti masa bajuerasinipachuta, noaare, ñaa cãhure ti yoerasinipachuta Cohamacu ti pocoro cjihtore õ sehe nia tiha: “To bahuro sehe to wahminore dutirohca. ã jiro to puhtoro jirohca”, nia tiha ticorore. Cohamacu to cahmano seheta besera tiro. ã jiro jiro cãirocãre besero ticorore ãta ni yahua tiha. ã jiro masa ti yoare ñeraparota to cahmano seheta tiro to yaina cjihtire besera. ¹³ ãta ni joaa tiha to yare ti joari pu: “ ‘Jacobu sehere cahãa tihi. Esau sehere cahãera tihi’, ni joaa tiha panopu.

¹⁴ ¿Tire wacãna dohse ni tuhotubocari mari? ¿Ti yoahntire ñeraparota cãirore ã besero Cohamacu quihõno yoaro nierabocari, musa

tuhotuchu? Jierara. ¹⁵ Ō sehe nia tiha Cohamacu Moise cjirore: “Diro yu pja nu duarirore pja nuhtja”, nia tiha tiro Moise cjirore. Ā jiro cūirore ā besero quihōno yoaro niha Cohamacu. ¹⁶ Ā jina mari mu sūro mari cahmano sehe Cohamacure marine pja nuhu yoaeraja mari. Tuhsu, ne mari noaare mari yoari wapa cūhure marine pja nuerara tiro. To mu sūro to pja nu duaina sehere pja nuna. ¹⁷ Egipto macaina puhtoro faraō cūhure to cahmano seheta yoaa tiha tiro. Ō sehe nia tiha Cohamacu faraōre: “Egipto macaina puhtoro cjihtore cūi nii mūhure yu tuare jipihtinare yu nuhto cjihtore. Tuhsu, jipiehtia yahpari macaina yūhure ti masihto cjihtore puhtoro sōi nii yūhu mūhure”, nia tiha Cohamacu faraōre. Tó seheta nina Cohamacu yare ti joari pūi. ¹⁸ Ā jiro to pja nu duainare to mu sūro pja nuna tiro. Tuhsu, paina sehere to mu sūro yūhtierachu yoara tiro. To cahmano seheta yoara tiro.

¹⁹ To ā yoariro jichu nuna yūhu sehere ō sehe niboca mūsa: “Cohamacu marine to cahmano seheta to yoachu mari sehe tirore yūhdurucana bihosi. ĀMari ā yūhdurucana bihoerapachuta dohse jiro baro marine buhiri dahre duajari tiro?” ni susini sinituboca mūsa yūhure. ²⁰ Tíre ō sehe ni yūhtija mū sare: ĀMasa wiho jina jipanahta Cohamacure

tuhtijari mūsa? Dihi biato dahrerirore “ĀDohseacu yūhure ō sehe jiri biato yoari mūhu?” tí biato to ni sinituboriro seheta nina nica mūsa Cohamacure. Tó sehe ni masierara mūsa. ²¹ Dihi biato dahreriro dihi mehne to yoa duaro seheta yoara. Ā yoaro cūria dihica mehne noaare cūhti biatore yoa masina tiro. Tia dihica mehneti wiho jiare cūhti biato cūhure yoa masina tiro. Tiro yoaro seheta Cohamacu cūhu to yoa duaro seheta yoara.

²² Ā jiro Cohamacu pichacapu to cohāhtinare ti nāa yoarire to nu yabiare, to tuaa cūhure nōno taro, tinare dōi buhiri dahre duamaha. Ā dōi buhiri dahre duaparota, yoari pja ti nāa yoare ā nūnocasiniha. Ā jiro tinare buhiri dahrerasiniha. ²³ Āta yoaha Cohamacu noabiariro to jiare, to tuaa cūhure mari masihto cjihtore. Panopu marine to pja nuina cjihtire tiro beseri jire jipiehtia to tuaare to noaa cūhure mari cūahto cjihto sehe. ²⁴ Ā jina mari sehe to beserina jinata nija. Ā jia to beserina sehe cāina judio masa dihta jierara. Cāina judio masa jieraina cūhu jira to beserina. ²⁵ Āta nina judio masa jierainare Cohamacu yare Osea cjiro to joariro seheta:

“Pano yu yaina jieraina cjiro cūhure baharopu tinare ‘Yu yaina jira’, nihtja.

Ā yoa pano yu cahieraina cjiro cūhure baharopu

tinare ‘Y_u cahĩina jira m_{usa}’, nihtja”, nia tiha Cohamac_u.

26 “ Y_u yaina jierara m_{usa}, Cohamac_u to nia yahpari macaina tina Cohamac_u catiriro pohnata jiahca”,

ni joaa tiha Osea cjiro panop_{ure}. 27 Tuhs_u, panop_u macariro Isaia cjiro c_uh_u Israe masare õ sehe ni yahua tiha: “Pjiri ma macaa pad_u yaparic_{are} mari quihõna bihoeraja. Israe masa tí yaparic_ã peri pay_u ti jiro sehe jiina ti jipach_{uta} mahainac_ã Cohamac_u y_uhdorohca tinare. 28 Cohamac_u ahri yahpa macainare pay_u masare to nino seheta cjero mehne potoc_ãta buhiri dahre bahrañonohca”, nia tiha Isaia cjiro. 29 Æ yoa pari turita Isaia cjiro õ sehe ni joaa tiha tjoa:

“Mari p_uhtoro jipihtina bui p_uhtoro mahainac_ã mari mehne macainare y_uhdorero, marine judio masare jipihtinare butich_u yoaboa tiro.

Sodoma macainare, Gomorra macaina c_uh_ure to butich_u yoariro seheta mari c_uh_ure butich_u yoaboa tiro”, ni joaa tiha Isaia cjiro y_u coyea Israe masare.

Judio masa noaa buheare cahmaeraha

30 Æ tjira. Æ jina ahrire masi namoga m_{usa}: Judio masa jieraina Cohamac_ure macaerapahta tirore bocare. Jesucristore ti wac_u tuach_u

ñ_uno, “Buhiri marieina, noaina jira”, ni ñ_ure tinare Cohamac_u. 31 Wiho mejeta judio masa sehe “Cohamac_u dutiare mari yoach_u tiro marine y_uhdorohca”, nia Cohamac_u Moise cjirore to dutiare yoapahta, bihoerare. Ti Æ bihoerach_u ñ_uno, Cohamac_u “Noaina jira”, ni ñ_uerare tinare. Æ jia noaina ji duapahta bihoerare. 32 Õ sehe yoaa, tina bihoerare: Tina Cohamac_ure wac_u tuaro marieno ti m_u s_uro Moise cjirore to dutirire yoa duamare, to yaina ji duaa. Mari piti dahre buhech_u Cristo t_ãca yoaro sehe jirore jira. Ti m_u s_uro yoainare Cristo p_uha tu borach_u yoari t_ãca yoaro sehe jirore jira. M_uroca wahc_ãriro sehe t_ãcap_u p_uha tu, bora s_u caharo to wac_u wahc_ãnop_{ure} ne s_uerara. (P_uha tu borariro yoaro seheta tina Cristore t_ãca yoaro sehe jirore cahmaeraina Cohamac_u cahap_u ne s_usi.) 33 Æta ni joaa tiha Cohamac_u yare ti joari p_ui:

“Jerusal_ẽ wama tiri macai p_uha tu borach_u yoari t_ãca yoaro sehe jirore c_uja.

Mari piti dahre buhech_u õ sehe jira: M_uroca wahc_ãriro t_ãcap_u doca wah_ã s_u bora s_u caharo to wac_u wahc_ãnore s_uerara.

T_ãca yoaro sehe jirore cahmaeraina sehe tiare p_uha tu bora, ti wac_u wahc_ãnop_{ure} ti s_ueraro seheta Cohamac_u cahap_u s_usi.

Wiho mejeta tirore wacũ tu-
aina sehe tiro mehne ã
wahcherucuahca”,
ni joaa tiha.

10

1 Y_H coyea, Israe masare pichacap_H wahaborinare Cohamac_H to y_Hhdohtore, tuaro y_H yajeripohna mehne cahmasãamaja y_HH. ã jic_H Cohamac_H tinare to y_Hhdohtore cjihtore sini payoja y_HH. 2 Potocãta tina Cohamac_H cahmaare tuaro yoa duamana. ã yoa duapahta to cahmaa warore masierara. 3 Tuhs_H, tinare Cohamac_H to noaina wahach_H yoaborire tina t_Hho ñahaerare. ã t_Hho ñahaeraa, ti m_H s_Hro noaare yoa duapahta bihoerare. Ti ã yoach_H tinare Cohamac_H to wacũ tua dutiriro seheta ti yoaerach_H ñ_Hno, tiro sehe tinare “Noaina jira”, ni ñ_Herare. 4 Wiho mejeta Cristore wacũ tuaina sehere “Noaina jira”, ni ñ_Hna Cohamac_H. ã jina dutia yoa mehne y_Hhd_Heraja mari. Cristo mehne y_Hhd_Hja.

5 Moise cjiro panop_H macariro õ sehe ni joaa tiha: “Cohamac_H to dutirire ne cãno d_Hhsaro marieno mari yoa pah_Hoch_H Cohamac_H y_Hhdorohca marine”, ni joaa tiha tiro. 6-7 To ã ni joapach_Hta mip_Hare masa Cristore ti wacũ tuach_H ñ_Hno Cohamac_H tinare “Noaina jira”, ni ñ_Hna. Tí buhea noaina ti wahach_H yoari buhea õ sehe ni yahura: Cristo to basi ahri yahpap_H wihi tuhs_Hri jire. Tuhs_H,

masa m_Hja tuhs_Hri jire. ã jina õ sehe ni t_Hhotuena tjiga m_Hsa: “¿Diro sehe m_Hanop_H Cristore na tabasaro wahabocari marine to y_Hhdohtore sehe? ¿Diro sehe yariaina cahap_H Cristore masobasa na tabocari? Tirore na taboriro mariahna”, ni t_Hhotuena tjiga m_Hsa. 8 Õ sehe ni yahura Cohamac_H yare ti joari p_Hi: “Cohamac_H ya buheare mari macach_H to buhea õi jira. To buheare masi tuhs_Hra m_Hsa. ã yoa to buheareta durucua tire m_Hsa”, ni joaa tiha. Tí buheare Cristore wacũ tuaa buheare masare yahuja sã. 9 Tí buhea õ sehe ni yahura: “Jesu mari p_Hhtoro jira”, ni mari yahuch_H, “Cohamac_H Jesure yariariro cjirore potocãta masore”, ni mari wacũ tuach_H, Cohamac_H marine pichacap_H wahaborinare y_Hhdorohca. 10 Jesure mari wacũ tuach_H Cohamac_H sehe marine “Noaina jira”, ni ñ_Hnohca. Jesure mari wacũ tuaare painare mari yahuch_H tiro marine pichacap_H wahaborinare y_Hhdorohca.

11 Õ sehe nina Cohamac_H yare ti joari p_Hi: “Cohamac_Hre wacũ tuaina tirore ti wacũ tuaa mehne ne cahyasi”, niha Cohamac_H yare ti joari p_Hi. 12 Judio masare, judio masa jieraina c_Hh_Hre Cohamac_H cãno poterita yoadohora. Mari p_Hhtoro jipihtina bui p_Hhtoro jira tiro. ã jiro tirore to yoadohoare siniinare jipihtinare noano waro yoadohorohca tiro tinare. 13 Õ sehe ni joaa tiha panop_Hre: “Y_H

buhiri tiare cohãbasa, yãhure yãhdoga', ni mari pãhtorore masa ti sinichu tinare pichacaru wahaborinare mari pãhtoro yãhdorohca", ni joaa tiha Cohamacu yare. ¹⁴ Wiho mejeta masa sehe Cristore wacũ tuaeraa, tirore ã ni sini masierara tina. Tuhsu, to buhea cãhure tãhoeraa, tirore wacũ tua masierara. Æ yoa to buheare yahuriro mariachu cãhure tãre tina masisi. ¹⁵ Tuhsu, to buheare yahutinare Cohamacu sehe to warocaerachu to buheare yahu masierara. Æ ni joaa tiha Cohamacu yare ti joari pũ: "Noa buheare yahutina ti tachu noano wahcheja mari", ni joaa tiha panopure.

¹⁶ Tã ã ni joari jipachuta masa payu noaa buheare tãho duaerara. Æta ni joaa tiha Isaia cjiro: "Yu pãhtoro, tinare mari yahurire tina ne tãho duaerare", ni yahua tiha Isaia cjiro Cohamacu. ¹⁷ Æ jia masa noaa buheare tãhoa Cristore wacũ tuare. Ti tãhoa sehe noaa buhea sehe Cristo ya buhea waro jira.

¹⁸ Æ jicu ahrire õ sehe ni sinitu ñu duaja mãsare: ¿Israe masa Cohamacu yare tãhoerari, mãsa tãhotuchu? Potocãta tina tãhoa waro tãhomare. Æta nina Cohamacu yare ti joari pũ cãhu: "Cohamacu noa putiariro to jia tiare yahuina jipih-tiropu yahu sitea wahare.

Æ jia jipih-tiro macainaru to yare tãho sahseare", ni joaa tiha panopure. ¹⁹ Pari turi mãsare õ sehe ni sinitu

ñu duaja tjoa: ¿Israe masa tãhopahta noano masierari tina, mãsa tãhotuchu? Masia timaha tina. Ahrire yahu namocu Moise cjiro to nirire yahu mãhtaihtja. Õ sehe ni joaa tiha tiro:

"Õ sehe ni yahura Cohamacu Israe masare: 'Tãho masieraina, ñaina jira", ni mãsa ñaina sehere yu yaina cjihti wahachu yoaihtja.

Yu ã yoachu mãsa sehe tina mehne sua, tinare ñu tuhtinahca.

Æ yoacu mãsare suachu yoaihtja yãhu', ni yahure Cohamacu Israe masare Israe masa jierainare to yaina jichu yoaro taro",

ni joaa tiha Moise cjiro. ²⁰ Tuhsu, Isaia cjiro cãhu cuiro marieno õ sehe nia tiha:

"Õ sehe nina Cohamacu: 'Yãhure macaeraina sehe yãhure bocahre.

Æ jicu yãhure cahmaerainare tinare yãhure masichu yoahi yãhu', nire Cohamacu",

ni joaa tiha Isaia cjiro judio masa jierainare. ²¹ Tuhsu, Israe masa sehere õ sehe ni joaa tiha Isaia cjiro: "Õ sehe nina Cohamacu: 'Tina yãhure yãhdurucaina, yãhure cahmaeraina jira. Æ jicu tinare ti ñaare cahya duticu "Yu yaina wahaga", ã nirucumai tinare. Wiho mejeta tina sehe yãhure ne yãhti duaerare', nire Cohamacu", ni joaa tiha Isaia cjiro.

11

Mahainacã Israe masare pichacapu wahaborinare yuhdorohca Cohamacu

¹ ¿Ã jiro Israe masare Cohamacu to beseina cjirire cohãno niri tiro, musa tuhotchu? Jierara. Tinare cohæerare tiro. Yuhu cãhu Israe masano, Abrahã panamino ji turiariporu jija. Benjami ya curua macariro jija yuhu. ² Panopure Israe masare to ya curua macaina cjihtire Cohamacu beseina tiha. To ã beserinare cohæerare. Cohamacu yare ti joari pui Elia cjiro ya quitire yahura. ¿Elia cjiro Cohamacure sinino, Israe masare to yahusãrire masierajari musa? Õ sehe ni yahusãha tiro: ³ “Yu puhoro Cohamacu, tina Israe masa mu yare yahu mæhtainare wajãre. Tuhsu, tinata paina mæhure ño payoa taa, wahiquinare wajã jã mæoa tuhuri cãhure cohãre. Æ jicu yuhu dihta mu yairo dæhsaja mipure. Yu ã jichu tuhoa yuhu cãhure wajã duara tjoa, mipure”, niha Elia cjiro Cohamacure. ⁴ To ã nichu tuhoro Cohamacu sehe ò sehe ni yæhtiha Elia cjirore: “Siete mil waro mua yu yaina jira mipure. Tinare wihboi yuhu. Tina yu yaina sehe Baal wama tiri masure ne ño payoera tire tina. Æ jicu cuii tjiga mæhu”, nia tiha Cohamacu Elia cjirore panopure. ⁵ Tí pjare Elia cjiro to jia tiri pjapure to yaina masare to beseriro seheta

mipu cãhure mahainacã Israe masare to yaina cjihtire besere Cohamacu. Cohamacu tinare cahmano tinare pja ñuno besere. ⁶ Noaare ti yoari wapa tinare besero nierare. Tinare ã cahmano, pja ñuno besere. “Noaare musa yoari wapa musare beseihtja” nino, tiro tinare potocãta pja ñuno nieraboa.

⁷ Æ yoa ò sehe jira: Israe masa Cohamacu tinare “Noaina jira”, to ni ñuchu yoa duapahta tina cãno pjaerare. Wiho mejeta Cohamacu to basi to beserina sehe noaina to yaina wahare. Tirore cãno pjaeraina sehe to yare tuho duaerare. ⁸ Æta nia tiha Cohamacu yare ti joari pui:

“Cohamacu tirore cahmaerainare to yare tuho ñahaerachu yoare.

Æ jiro potocã jiare ti tuhopachuta tinare ne noano tuho ñahaerachu yoare Cohamacu.

Æta jirucura tina mipu cãhure”,

ni joaa tiha panopure. ⁹ Æ yoa panopu macariro Davi cjiro Israe masa Cohamacure ti cahmaerari buhiri ò sehe nia tiha Cohamacure:

“Tina Israe masa ti bose numari, ti wahchea numari ti yuhdoro wato, yurica ñahñoriro to ñano yuhdoro seheta tina cãhure ñano yuhduchu yoaga.

Tó sehe yoainare tinare ñano buhiri dahrega mæhu.

¹⁰ Tuhsu, mu yahuaire tinare ne tuho ñahaerachu yoaga mæhu.

Ã buhiri tirucuina ji, ã cah-yarucuina jijaro tina”, nia tiha Davi cjiro Cohamacure.

Judio masa jierainare pichacapꞰ wahaborinare yꞰhdorohca CohamacꞰ

¹¹ Judio masa Cristore ti cahmaerachꞰ ñꞰno, CohamacꞰ tinare cohãno warota nibocari, mꞰsa tꞰhotuchꞰ? Cohãsi tinare. Ã cohãeraparota tina Cristore ti cahmaerachꞰ mipꞰre judio masa jieraina sehere CohamacꞰ yꞰhdorohca. MipꞰre tinare to yaina jichꞰ yoare CohamacꞰ. To ã yoachꞰ ñꞰa cãina judio masa sehe tina mehne sua sayo, CohamacꞰ yainata ji duaahca. ¹² Judio masa ti yꞰhdꞰꞰcachꞰ ti noano yoerachꞰ paina sehere ahri yahpa macainare cãinare CohamacꞰ yꞰhdore. To ã yꞰhdochꞰ tina sehere noano wahare. To ã yoariro yꞰhdoro, baharo judio masa sehe Cristore ti noano wacũ tua dꞰcachꞰ pinihtare ahri yahpa macainare jipihtiroꞰre noaputiaro waharohca.

¹³ MipꞰre mꞰsare judio masa jierainare yahui tai nija. Cristo cũre yꞰhꞰre judio masa jierainare buhehtiro cjihtore. Ã jia yꞰ dahraa sehe wiho jia jierara. ¹⁴ To cũriro seheta yꞰhꞰ mꞰsare buheja, yꞰ coyea judio masa sehere mꞰsare ti ñꞰ cũchꞰ yoa duacꞰ. CohamacꞰ yꞰhdorina mꞰsa jichꞰ ñꞰa tina cũhꞰ Cristore cahmaa, to yꞰhdoina wahaboca. ¹⁵ Judio masare

cohãbo curero, judio masa jieraina sehere noaa buheare CohamacꞰ yahu dutire. Ti buheare ti tꞰhori baharo Jesure ti wacũ tuari baharo cãina judio masa jieraina, jipihtiro ahri dacho macaina CohamacꞰ yaina wahare. Ã jiro judio masare to cohãbo curechꞰ noano wahare paye yahpari macaina sehere. To ã yoariro yꞰhdoro judio masa to cohãbo cureina cjiro pari turi to yaina cjihti to yoachꞰ pinihtare jipihtinapꞰre ahri yahpa macainare noaputiaro waharohca. To yaina cjihti pari turi ti wahachꞰ, jipihtinapꞰ to yaina yariaina cjiro sehe pari turi ti masaboro seheta jirohca.

¹⁶ Õ sehe jira: Trigo yꞰbꞰ mehne wahma pãoca ti yoaria CohamacꞰ yaria cjihto CohamacꞰre ti wachꞰ, tiare ti yoa dꞰhari yꞰbꞰ cũhꞰ to yariata jira. TuhsꞰ, yucꞰcꞰ nꞰhcori cũhꞰ CohamacꞰ ya nꞰhcori cjihti jia, tꞰ dꞰꞰari cũhꞰ CohamacꞰ yata jira. Õ sehe mari ni piti dahre buhechꞰ Abrahã sã ñꞰchꞰ cjiro CohamacꞰ yairo to jiro sehetu to panamana ji turiainapꞰ cũhꞰ CohamacꞰ yaina jiahca Cristore wacũ tuaina jia. Yoa dꞰhari yꞰbꞰ cũhꞰ to yariata jia. TuhsꞰ yucꞰcꞰ nꞰhcori cũhꞰ CohamacꞰ ya nꞰhcori cjihti jia, tꞰ dꞰꞰari cũhꞰ CohamacꞰ yata jia. Õ sehe mari ni piti dahre buhechꞰ, Abrahã sã ñꞰchꞰ cjiro CohamacꞰ yairo to jiro sehetu to panamana ji turiainapꞰ cũhꞰ CohamacꞰ

yaina jira, Cristore wacũ tuaina jia.

¹⁷ Ti ã jichtina jipachuta cãinare ti coyea sehere judio masare Cohamacu cohãre. Olivo wama tidu dũpũrĩre cãa dũpũrĩre to dute cohãboro seheta cãina judio masa sehere Cohamacu cohãre. Æ yucucu dũpũrĩre cohãno to cohãri dũpũri jiroi paye dũpũrĩre nucũ macadu olivocu dũpũrĩre cohtota duhu õhre. Tó yoaro seheta Cohamacu m̄sare judio masa jierainare Abrahã panamana ji turiaina cohtotare m̄sare, m̄sa cũhare yũdoro taro. ¹⁸ M̄sare to ã cũchu “Judio masa yũdoro noaina jija sã”, ni tũhotuena tjiga. Ahrire yũ yahutire wacũga m̄sa: Judio masa sehere bese m̄htaha Cohamacu. Æ bese ti coyeiro cjichtore cũha Cristore, m̄sare yũdoro taro. Æ jina “Judio masa yũdoro noaina jija”, ni tũhotuena tjiga m̄sa.

¹⁹ M̄sa judio masa jieraina sehe õ sehe niboca: “Cãa ñaa dũpũrĩre to cohãboro seheta Cohamacu cãina judio masare cohãre. Paye dũpũrĩre cohtota to õno seheta to yaina marine cũno taro ã cohãre tinare”, niboca m̄sa judio masare yũhdũrũca duana. ²⁰ Tí m̄sa nia potocãta jira. To ã jipachuta tina Jesure ti wacũ tuaerari buhiri Cohamacu cohãre tinare. Æ jiro m̄sa cũhare Jesure m̄sa wacũ tuaerachu to yaina cjihti m̄sare cũeraboa. Æ jina

“Judio masa yũdoro noaina jija sã”, niena tjiga m̄sa. Æ nieranata “Cohamacu cua pisariro jira”, ni tũhotuga m̄sa. ²¹ Olivocu ji m̄htaa dũpũri waro yoaro sehe judio masa sehe Cohamacu yaina ji m̄htaha. To cohtotaa dũpũrĩre to õboro seheta Cohamacu to yaina m̄sa sehere cohtota cũha. Wiho mejeta to yaina ji m̄htaina judio masa tirore ti wacũ tuaerachu, cãinare cohãre. Tinare to cohãriro seheta m̄sa cũhare cohãnohca, tirore m̄sa wacũ tuaerachu. ²² Cohamacu m̄sare noano yoariro to jichũ masiga m̄sa. Tuhsũ, cua pisaro mehne buhiri dahreriro to jichũ cũhare masiga m̄sa. Tirore ño payoerainare tiro buhiri dahrerohca. Æ jiro tirore m̄sa ño payoerachu olivocu dũpũri warore to cohãriro cjiro seheta m̄sa cũhare cohãnohca Cohamacu. ²³ Æ yoa judio masa to cohãbo curerina cjiri Cristore ti wacũ tua dũcachũ ñno, olivocu dũpũri warore pari turi to duhu õno seheta Cohamacu to yaina cjihti yoarohca tinare. Cohamacu to ã yoa masihti cjihtireta tuaare cjuara tiro. Æ jiro tiro tinare cãinare to yaina cjihti yoarohca. ²⁴ M̄sa judio masa jieraina jina, nucũ macadu olivocu dũpũri yoaro sehe jira m̄sa. Æ jiina m̄sa jipachu olivocu toadũi nucũ macaa dũpũrĩre to na ta õboro seheta, Cohamacu m̄sare to yaina cjihti yoahre. To ã

yoach_u, ne mijoerare tirore. Judio masa Cohamac_u to bese m_uhtarina jira. Olivoc_u toad_u d_up_uri waro yoaro sehe jira tina. Ā jiro ti jid_u waro cjirop_ure pari turi to duhu ōboro seheta to yaina cjihti pari turi judio masare to yoach_u, ne mijoerara tirore.

Baharo judio masare pichacap_u wahaborinare y_uhdorohca Cohamac_u

²⁵ Y_u coyeya, ahrire masa ti masieraare m_usare yahuihtja. “Mip_ure s_u dihtare besere Cohamac_u. Cohamac_u s_u masi y_uhd_ur_uc_u s_uch_u n_uno, tiro s_ure besere”, m_usa ni t_uhotuerahto sehe ahrire yahuihtja m_usare. Ō sehe jira: Mip_ure pay_u judio masa Cohamac_ure t_uho duasi. Wiho mejeta pay_u judio masa jierainare Cohamac_u to quihōriro puro to yaina to yoari baharo judio masa c_uh_u tirore cahma d_ucaahca. ²⁶ Ti ā cahmach_u judio masa pay_u warore pichacap_u wahaborinare Cohamac_u y_uhdorohca. Cohamac_u yare ti joari p_ui āta ni yahu joaa tiha:

“Jerusalē wama tiri macai judio masa ya macai tinare y_uhdoh tiro tarohca.

Jacobo panamana ji turiainare ti n_uaa yoari buhirire tiro cohānohca.

²⁷ Tinare y_uhdoc_u panop_u tinare y_u ni c_uriro seheta yoai nija’, nire Cohamac_u”,

ni joaa tiha Cohamac_u yare ti joari p_ui.

²⁸ Mip_ure tina judio masa Cristo yare n_o payoeraina Cohamac_ure n_u tuhtira. Ti ā yoach_u mip_ure m_usa sehe judio masa jieraina Cristore wac_u tua d_ucare. Judio masa sehere Cohamac_u bese m_uhtari jire. Judio masa n_uch_us_uma cjiri to beserina ti jich_u mip_u jina judio masa c_uh_ure tiro cah_una. ²⁹ Cohamac_u to ni c_uriro seheta tinare to beseriro seheta quihōno yoarohca tiro. To nirire ne bosiro tiro. ³⁰ Panop_ure m_usa c_uh_u Cohamac_ure y_uhd_ur_uc_uari jire. Mip_ure judio masa Cohamac_ure ti y_uhd_ur_uc_uach_u n_uno tiro m_usa sehere pja n_uno y_uhdore. ³¹ Mip_ure judio masa tirore y_uhd_ur_ucare. Ti ā yoapach_uta Cohamac_u m_usare to pja n_uriro seheta tina c_uh_ure baharop_ure pja n_unohca. ³² Ō sehe jira: Jipihtina masare “Y_uh_ure y_uhd_ur_uc_uaina jira”, nina Cohamac_u. Ā jiro jipihtina tirore y_uhd_ur_uc_uaina ti jich_u n_uno jipihtinare pja n_u masina tiro.

³³ Cohamac_u tua y_uhd_ur_uc_u s_uriro jira. Noano masi pah_uriro jira tiro. Ā jiro to t_uhotuare, to yoarire marine noano masihto basioerara. ³⁴ Ō sehe ni joaa tiha Cohamac_u yare: “Cohamac_u mari p_uhtoro to t_uhotuare ne masa noano masierara. Ā jia masa tirore ‘Ō sehe yoaga’, ni masierara. ³⁵ Ā jia masa Cohamac_ure paye barore ti wari baharo ‘Tiro marine wapamona’, ni masierara

masa”, ni joaa tiha panopure. ³⁶ Cohamacu jipihtiare yoaa tiha. Tuhsu, to tuaa mehne jipihtiare jisinchu yoara tiro. ã jia jipihtia to ya jira. To ã jiro jichu jipihtia dachoripe tirore ño payojihna mari. Æta yoarucujihna.

12

Cohamacu cahmaare marine yoarucu dutiha Paulo

¹ Cohamacu marine tuaro pja ñure. To ã pja ñuro to jichu ñna, yu coyea, musa sehe oveja noarirore ti jã wa muroiro seheta Cohamacure ti ño payoriro seheta musa cãhu tirore ño payorucuga, to yare musa noano yoarucuhto sehe. Musa ã yoachu, tiro wahcherohca. Æta yoaro cahmana marine, Cohamacure quihõno ño payona tana. Æ jicu musare tãre tuaro yoa dutija. ² Ahri yahpa macaina ñaare yoaina yoaro sehe yoaena tjiga musa. Æ yoa musa tuhutuapure Cohamacu noaa tuhutua sehere to cohtota, cãhu, yuhtiga musa. Æ yuhtina, noaa sehere tãho cohtotarina jinahca musa. Æ yoana noaare, Cohamacu cahmaare, ñaa mariare, potocã jiare masinahca musa.

³ Cohamacu yuhure to yare yoa masichu yoariro buhe dutiro beseri jire yuhure. Æ jicu jipihtina musare õ sehe ni tuhutu dutieraja yuhu. “Noabiaina ji yuhduhcaja sã”, ni tuhutuena tjiga. Æ tuhutunocahga. Jesure musa

wacũ tuari baharo, Cohamacu musa cãinare noaare yoa masihtire to cãhu, “To yoadohoro mehne ahri noaare yoaja”, ni tuhutuina jiga musa.

⁴ Õ sehe ni yahu namoihtja yuhu musare. Mari wamomacari, mari dahpori, mari capari jipihitiro mari pjacũ jia payu jira. Mari pjacũ jia cã pjacu jiparota soro jia dahraa cãara. ⁵ Tã jiro seheta soro sehe jia dahraare cãna Cohamacu marine. Æ jina payu masa jipanahta Cristore wacũ tuaina jina, to pjacu cã pjacu yoaro seheta cã curuata jija mari.

⁶ Cohamacu marine to yoadohoro purota to tuaa mehne yoa dutira. Æ yoaro marine cãinare soro jia mari yoahitire cãna tiro. To ã yoachu marine to cãrire mari sehe noano yoajihna. Æ jia Jesu yaina õ sehe yoajaro. Cãinare Cohamacu to yare yahuhtinare cãna. Æ jia tina Cristore ti wacũ tuaro puro to yare noano yahujaro. ⁷ Cãinare Cohamacu musare yoadohohtinare cãna. Æ jia tina musare noano mehne yoadohojaro. Cãinare Cohamacu musare buhehtinare cãna. Æ jia tina musare noano buhejaro. ⁸ Æ yoa paina cãhu musare suho wahchechu yoahitina jia, musare noano suho wahchechu yoajaro. Tuhsu, paye barore wahtina jia, ti wahtire noano mehne yajeripohna ti, wajaro. Æ yoa paina cãhu musare suho ji muhtahtina jia, noano

mehne suho jijaro. Ñ yoa pjasçoinare yoadohohtina jia, wahchea mehne yoadohojaro.

Jesu yaina jina õ sehe yoaina jiga

⁹ “Sã basi cahma cahĩja”, ni mahñono marieno m̃sa basi cahma cahĩga. Ñ yoana ñaare ñu yabiina jiga m̃sa. Tuhsu, noaa sehere ã cahmarucuga. ¹⁰ Tuhsu m̃sa bahana warore m̃sa cahño sehetã Jesu yainare m̃sa mehne macainare cahĩga. Ñ yoana m̃sa basi noano cahma ño payoga m̃sa.

¹¹ Cohamacu cahmaare yoana, ne caparo marieno yoaga. Ñ yoana mari puhtoro to dutiro sehetã noano wahchea mehne yoaga.

¹² Cohamacu m̃sare pichacapu wahaborinare to yuhdorinapu jira m̃sa. Ñ jiro m̃sa wahahto noaputiaro jira. Tíre masina wahchega m̃sa. Ñ yoa ñano yuhduna, cãno pjaga “Cristo yare duhuri”, nina. Tuhsu, Cohamacu ã sinirucuga.

¹³ Paye baro Jesu yainare duhsachu waga tinare. Ñ yoa m̃sa ya wuhsep̃u cãhure masa ti suchu noano yajeripohna tiro mehne tinare piti bocaga.

¹⁴ M̃sare ñano yoainare “Noano wahajaro tinare”, ni sini payoga. Tinare ã sini payona, “Tina ñano yuhdwahnojaro”, niena tjiga.

¹⁵ Ñ yoa paina wahcheina mehne jina, m̃sa cãhu tina

mehne wahchega. Tuhsu paina ñano cahyaro mehne tiina mehne jina, m̃sa cãhu cahya, tiidohoga tinare.

¹⁶ M̃sa mehne macaina mehne noano jiga m̃sa. Ñ jina “Paina yuhdoro noaina jija”, ni tuhotuena tjiga. Õ sehe ni tuhotuga: “Wiho jiina jija”, ni tuhotuga. Ñ jina “Masi yuhduhcaina jija sã”, ni tuhotuena tjiga.

¹⁷ Paina m̃sare ti ñano yoapachuta, tinare ñano yoa cahmaena tjiga. Noaa sehere yoaga, noaina m̃sa jia tiare jipihtina masa ti masihti cjihtire. ¹⁸ M̃sa bihoro puro jipihtina mehne noano jinocahga m̃sa. ¹⁹ M̃sa yu cahĩina, yu coyea paina m̃sare ti ñano yoapachuta tina yoaro sehe ñano yoa cahmaena tjiga. Cohamacu sehe m̃sare ti ñano yoari buhiri buhiri dahrejaro tinare. Cohamacu yare ti joari pui ãta ni joaa tiha: “Yuhu sehe m̃sare ti ñano yoari buhiri buhiri dahreriro jija. Ñ jicu potocãta buhiri dahreihtja”, nina mari puhtoro”, ni joaa tiha panopure. ²⁰ Ñ jina õ sehe yoaga m̃sa: M̃sare ñu tuhtiriro to juca baachu ñuna nuga tirore. To ñahma yapiochu cãhure ñuna tirore sihõga. M̃sa ã yoachu ñano m̃sare to ñano yoari buhiri buho tirohca. ²¹ Ñ jina paina m̃sare ti ñano yoapachuta m̃sa sehe tinare ñano yoa cahmaena tjiga. Tinare noaa sehere yoaga m̃sa. Ñ yoana ñaa sehere cahmaerana nica

musa.

13

¹ Jipihntina musa bui puhtoia cjihtire Cohamacu dihta bese cūna. Ne cūiro puhtoro Cohamacu to bese cūerariro mariahna. To ā cūrina ti jichu űna jipihntina musa tinare noano yuhtiga. ² Mari puhtoare noano yuhtierana Cohamacu to bese cūrinare yuhtuacana nija mari. Ā yuhtuacainare Cohamacu sehe buhiri dahrerohca. ³ Noainare cuichu yoahntina jierara puhtoia. űaare yoaina sehere cuichu yoahntina jira tina. Noaare yoaga musa puhtoare musa cuierahto cjihto sehe. Ā yoana cuisi musa. Noaare musa yoachu puhtoro sehe “Noaare yoare musa”, musare ni űnohca. ⁴ Musa puhtoia Cohamacu to cūno seheta musare yoadohohtinata jira musa noano jinocahto cjihto sehe. Wiho mejeta musa űaare yoana pini tinare cuiga. Tina musare buhiri dahrehtina cjihtita jira. Jipihntina űaare yoainare buhiri dahre dutiro Cohamacu tinare besere. ⁵ Ti ā buhiri dahrehtina ti jichu űaare yoana musa puhtoare cuiga. Ā jina űo payoa mehne “Noaare yoaro cahmana yuhture”, ni tuhoturo mehne noano yuhtijihna. ⁶ Musa puhtoia ti dahrahti cjihtire Cohamacu cūre. Ā jina ti dahraare ti yoachu űna musa puhtoare wapa nabasainare wapara musa.

⁷ Jipihntinare musa puhtoare noano yuhtiga. Tuhsu, puhtoare wapa nabasaina cūhure wapaga musa. Ā yoia puhtoia sehe payere ti wapa dutichu cūhure wapaga. Ā jina jipihntina puhtoare noano űo payoga. ⁸ Tuhsu, paina masare wapamoena tjiga. Tinare cahino cahmana. To cahai jiinare cahiro Cohamacu dutiare yoia pahno tuhsuiri jira. Ā jina musa cahai jiina cūhure cahiga. ⁹ Ō sehe nina Cohamacu dutia: “Pairo namonore wana tiena tjiga. Numia cūhu pacoro manonore wana tiena tjiga. Masare wajāena tjiga. Yacaena tjiga. Paina yare goa pjaena tjiga”, ni yahura to dutia. Paye dutia cūhu jira. Ti ā jipachuta cūno dutiare musare yahui tai nija. Tí dutia cūno dutia to jipachuta tí dutiare yoana Cohamacu dutiare yoia pahōna nija mari. Tí dutia ō sehe nina: “Mu basi mu cahino seheta mu cahai jiina cūhure cahiga”, nina. Tí dutiare yoana Cohamacu dutiare yoia pahōina jina nina. ¹⁰ Musa cahai jiinare cahina, tinare űano yoasi. Ā jina tinare cahina, Cohamacu dutiare yoia pahōinata jira musa.

¹¹ Ā jina carīna yoaro sehe jiena tjiga musa. Noano wacū masiga. Jesure noano wacū cohtaga. Jesu marine to tjua ta naahto mahanocā duhsatjiāna. Tirore mari coā wacū tua ducachu Jesu

marine to yuħdoro tahto mahanocã duhsamare. Mipũ pinihtare cahacã waro jira to tahto. Ahri yũ nirire masina mũsa. ¹² Mipũre ñaina ya dacho jira. To tahto mahanocã duhsara. Tíre masina, buhiri tichũ yoaare, nahitiano yoaro sehe jiare duhu pahñojihna mari. Æ jina Cohamacũ cahmaa sehere yoajihna mari. Æ Cohamacũ yare yoana, ñaare duhu pahñonahca mari. Ahri dachore payũ ñaa baro jichũ, ñami yoaro sehe jira. Wiho mejeta Cristo to tachũ, ñami yoaro sehe jiro pihtia waha, pa dacho, buhria mũja taro yoaro sehe waharohca. Surara coma suhtiro to sãa dũcataro seheta Cohamacũ ñaare to dũcataare noano cjuã pahñojihna mari. Æ tíre cjuãna ñaare duhu, Cohamacũ cahmaa sehere mari yoajihna. ¹³ Æ jina Jesu to tahtore wacũ cohtaina jina, noaa sehere yoajihna. Bose nũmũrine yoana ñano yoarena tjijihna. Tuhsũ, cahaena tjijihna. Æ jina numia mehne ñano yoaina, paina mehne ñano yoaina, cahma sayoina jiena tjijihna. Mũsa numia cũhũ mũã mehne ñano yoarena tjiga. ¹⁴ Wiho mejeta Jesucristore puħtoro tina, tirore yuħtiga mũsa. Æ yuħtina to jiro seheta jiga mũsa. Æ jina ñaare mũsa goa pjaa sehere yoarena tjiga.

14

Mũsa coyeeare Jesu yainare

“Ñano yoaa nina”, ni yahuwajaena tjiga

¹ Jesure wacũ tuariroro to noano wacũ tuaro duhsasinichũ ñũna tirore ji coaro mehne cahmaga. To Æ jiro jichũ ñũna “Ne masierara mũhũ” ni, tiro mehne cahmasayoena tjiga. ² “Jipihtiare chũ masija yuħhũ”, ni tuhotura paina. Paina sehe Jesu yare noano masierasinia wahiquinare chũeraina, toaa dicha dihtare chũra. ³ Jipihtiare chũina sehe toaa dicha dihtare chũinare ñũ tuhtiea tjijaro. Æ yoa toaa dicha dihtare chũina cũhũ jipihtiare chũinare “Ñano yoaa nina”, ni cahma yahuwajaea tjijaro. Jipihtiare chũina sehe Jesure wacũ tuaina ti jichũ Cohamacũ tinare to yaina yoa tuhsũre. To yaina ti jichũ ñũna wahiquinare chũeraina sehe tinare yahuwajaea tjijaro. ⁴ Jesure wacũ tuaina Cohamacũre dahra cohtaina dihta jira. Ti Æ jichũ ñũna mũsa tinare yahuwaja masierara. Jesure wacũ tuaina to cahmano sehe ti quihõno yoerachũ ñũno tiro dihta ti puħtoro jiro, tíre yahu poto masina. To cahmaare quihõno ti yoachũ cũhũre tíre yahu masina tiro. Æ jiro tiro sehe to yainare “Ñano yoare mũhũ”, ni yahuhtiro jirohca. Æ jiro tirore dahra cohtainare noaa dihtare yoarucu masichũ yoariro jira Cohamacũ.

⁵ Cãina cãa dachori cua pisaro mehne Cohamacũre ti ño payohti dachori cjihtire

cjuara. Paina sehe, “Dohse jiri dachore Cohamacure ño payochu, noana”, ni tuhutu, ño payoina jira. Tina cãno potori ã yoaeraina jipahta jipihtina õ sehe ni tuhutujaro: “Jesu to cahmano seheta noano yoana nija”, ni tuhutu masijaro. ⁶ Cãiro cãa dachori cua pisaro mehne Cohamacure ti ño payoa dachorihi Cohamacure ño payoro, tiro cãhu quihõno ño payoro nina. Tuhsu jipihtiare chãriro chãrota, Cohamacure “Noana”, ni wahche payora tiro. Æ jiro tiro cãhu Cohamacure ño payorota nina. Æ yoa paio sehe cãa chãare chãerara, Cohamacure ño payoro. Tiro cãhu Cohamacure “Noana”, ni wahche payora.

⁷ Tuhsu, mari cahmaa dihtare yoaina ne ji masieraja mari. Cristo jira mari puhtoro. Æ jiro mari catichu mari yariachu cãhure mari puhtorota jira. ⁸ Mipure mari catisinino puro Cristo yare yoahcina jija mari. To yaina jija. Mari yariari baharopu cãhure to yainata jinahca. Æ jiro mari catichu mari yariachu cãhure Cristo mari puhtoro jira. ⁹ Æta jira. Cristo yaria masa mujaha catiinare, ã jichu yariaina cãhure ti puhtoro jiro taro.

¹⁰ ¿Dohseana tana musa coyeirore Jesu yairore “Ñano yoaro nina”, ni yahuwaja duajari musa? ¿Dohseana tana musa coyeirore tu diho cã duajari musa? Mari jipihtina

Cristo panoi mari ducuchu tiro sehe mari yoarire masi pahñonoriro jiro, marine beserohca noainare, ñainare. To ã besehtiro to jichu musa coyeirore “Ñariro jira”, ni yahuwajaena tjiga. ¹¹ Cohamacu yare ti joari pũ õ sehe ni joaa tiha:

“Õ sehe nire mari puhtoro:
Yuhu catiriro jija.

Æ jicu õ sehe ni quihõno warota yahuja musare.

Jipihtina yu panoi na tuhcuca caha suahca.

Æ na tuhcuca caha su, “Noariro, tuariro jira mahu” ni, yuhure ño payoahca’, nire mari puhtoro”,

ni joaa tiha. ¹² Æ jiro jipihtina mari yoarire Cohamacu siniturohca marine. “¿Dohse yoana ã yoari?” ni siniturohca. To ã sinituchu yuhtiro jica marine.

Musa coyeirore ñano yoachu yoarena tjiga musa

¹³ Æ jina mari mehne macainare “Ñaina jira musa”, ni cahma yahuwajaena tjijihna. Æ yoana mari coyeirore Jesu yairore dojomehnena tjijihna “Jesure wacũ tua duhuri”, nina. ¹⁴ Yuhu Jesucristo yairo jicu, ahri yu nihtire noano masija yuhu. Yuhu sehe jipihtia chãare yu chuchu yu chãri buhiri, buhiri mariahna. Wiho mejeta paio sehe “Ahri chãare chucu buhiri tii nica yuhu”, ni tuhoturiro sehe churo, potocãta buhiri

tiro jira. ¹⁵ Tí potocã tjira. Paina ti sio, chæera barore mæsa chuchu ñano, mæsa coyeiro ñu cû chæro, “Cue, ñano yoai nica yuhu”, ni pjíro tãhotuboca tiro. Tirore ã ñu cû chuchu yoana, tirore cahina nieraca mæsa. To sio, chæera barore mæsa chuchu, tiro cãhu ñu cû chuboca. Æ chæro “Ñano yoai nija”, ni tãhoturo Cristore duhuboca. Mæsa coyeiro yaro jiboriro cãhure yariari jire Cristo. Æ jina “Cristore duhuri”, nina tirore ñu cû chuchu yoæna tjiga. ¹⁶ Æ jia “Ahri sã yoari noa nica”, mæsa ni tãhotuchu paina mæ sare yahuwajaboca. Ti ã yahuwajachu ñana mæsa ã yoarire yoa namoena tjiga, “Yahuwaja namori”, nina. ¹⁷ Cohamacu sehe mari pãhtoro jira. To ã jichu mari chæa, mari sihnia cãhu ã jinocaa nina. Wiho warota jira. Æ jia mari pãhtoro to dutiare, noaa cãhure mari yoachu tí waro jia nina. Paina mehne mari noano jinocachu cãhure noaa waro jia nina. Tuhsu, Espíritu Santo yoadohoa mehne mari wahchechu noaa waro jia nina. ¹⁸ Tó seheta Cristo yare yoarirore ñua Cohamacu, masa cãhu “Noano yoare mæhu”, niahca.

¹⁹ Tó seheta yoajihna mari pinihta noano mari jinocahto cjihtore, mari basi mari cahma yoadohohto cjihtore. Æ yoana Jesure wacû tua namonahca. ²⁰ Pairo Jesu yairo to chu dutierari cjirire mæsa chuchu ñano tiro sehe

ñu ji coeraro Cohamacu yare cohãboca. Æ jina tíre chæena tjiga. Potocãta jipih-tia chæa noaa chæata jira. Tí ã jipachuta paye barore mari chuchu paio “Ñaa chæa jica ahri”, niriro jiparota ñu cû chuboca. Æ chæro ñano yoaro nica tiro. Æ jina marine to ñu cû chuchu, mari cãhu ñano yoana nija. ²¹ Wahiquina dihire mæsa chuchu ñano, vinore mæsa sihnichu ñano, paio Jesu yairo “Tíre chucu ñano yoai nica yuhu”, ni tãhoturiro jiparota tiro cãhu ñu cû, chu sihnboca. Æ ni tãhoturiro pinihta chu sihmino ñano yoaro nina. Æ jina tiro to ñano yoærahto sehe Jesure to wacû tua duhærahto sehe wahiquina dihire, vino cãhure mæsa sehe mæsa duhuchu noa nina. ²² “Jipihtiare chu masija”, ni tãhotuna, tíre Cohamacu dihtare yahuga. Ñaare yoærariro, “Noano yoai nica yuhu”, ni tãhoturiro wahcheriro jira. ²³ Pairo sehe “Ahri chæare chucu ñano yoai niboca yuhu”, ni tãhoturiro jiparota tí chæare chæro, buhiri tiro jira tiro. “Ahrire chucu potocãta noaare yoai nija”, ni tãhotuerara tiro. Æ ni tãhotueraro tíre chæro, to chæri buhiri buhiri tira tiro. “Noaare yoai nija”, ni tãhotueraro tíre yoaro, buhiri tira tiro.

15

Mari cahai jijnare noano yoajihna

¹ Mari Cohamacure noano wacū tuaina sehe wacū tuaera cureinare yoadohoji-hna. ã yoana mari ya cjihti dihtare yoaena tjijihna. ² ã jina mari cahai jiinare Jesu yainare noano yoajihna ti noano jinocahto cjihtore, Cohamacure ti noano wacū tua namohto cjihtore. ³ Cristo sehe to ya dihtare yoaeraha. ãta nina Cohamacu yare ti joari pūi. Õ sehe ni joaa tiha: “Cristo õ sehe nire Cohamacure: ‘Muhu sehere ñano durucuborina yuhu sehere ñano durucure’, nire Cristo Cohamacure”, ni joaa tiha panopure. ã ñano ti durucuriro jiro Cristo to Pucuro ya sehere yoaro niha. ⁴ Panopu Cohamacu yare ti joari pūi tina joaa tiha mari noano buhehto cjihtore. ã jina tí pūre buhena wahcheja. ã buhena mari ñano yuhduna cāno pjana, noano mari yuhduhtore cohtanahca. ⁵ Cohamacu musare tuachu yoariro wahchechu yoariro musare jipihtinare cāno potori noano jichu yoajaro, Cristo to cahmano seheta. ⁶ ãta yoajaro tiro musa jipihtina cāno potori Cohamacure mari puhtoro Jesucristo Pucurore “Noariro, tuariro jira”, ni musa ño payohto cjihtore.

Judio masa jierainare noaa buheare yahu dhcaha

⁷ Cristo marine to yoariro seheta musa mehne macainare noano cahma piti bocaga. Musa ã yoachu ñna

“Potocāta Cohamacu noariro jira”, ni ñnahca masa sehe. ⁸ Musare ahrire niita nija: Judio masare yoadohohtiro cjihto taha Cristo. Cohamacu tirore warocarō judio masa sã ñchusuma cjiripure to ni yahuriro cjiro seheta yoaro niha. Tíre to yoari cjiire masare masichu yoah tiro cjihto taha Cristo. ⁹ Masare Cristo to yoadohochu Cohamacu pja ñno nire tinare. To ã pja ñchu judio masa jieraina cūhu Cohamacure “Noariro, tuariro jira” ni, ño payora mipure. Tina cūhure to yaina jichu yoaro taha Cristo. Cohamacu yare ti joari pūi ãta ni joaa tiha:

“Cristo õ sehe niha Cohamacure: ‘Judio masa jieraina cahai muhure “Cohamacu noariro, tuariro jira”, ni ño payoihtja.

ã jichu tina cahai basachu ya cjihtire basaihtja’, niha Cristo Cohamacure”,

ni joaa tiha panopure. ¹⁰ Tuhsu, õ sehe ni joaa tiha tjoa:

“Cohamacu to beserina judio masa mehne cahma wahchega musa cūhu judio masa jieraina”,

ni joaa tiha panopure. ¹¹ Tuhsu, õ sehe ni joaa tiha tjoa:

“Judio masa jieraina jipihtina Cohamacure ño payojaro.

ã jia jipihtiro macaina tirore ‘Noariro, tuariro jira’, ni ño payojaro”,

ni joaa tiha. ¹² Æ yoa Isaia cjiro cãhũ õ sehe ni joaa tiha: “Jesé panamino ji turiariro tarohca.

Æ taro judio masa jieraina bui pãhtoro jirohca tiro.

Æ jia tina sehe tirore wacũ tuaa, tinare pichacaru wahaborinare to yãhdohtore masiahca tina”,

ni joaa tiha panopure.

¹³ Cohamacu marine baharoru to yãhdohtore wacũ cohtachu yoariro noano musare wahchechu yoajaro. Tuhsu, musare Jesure wacũ tuainare noano jinocachu yoajaro tiro. Musare to ã yoachu musare to yãhdohtore Espiritu Santo to tuaa mehne wahchea mehne wacũ cohta namochu yoajaro.

¹⁴ Ahrire musare yu yahuhtire noano masija. Musa sehe noaina jira. Tuhsu, Jesu yare noano masina musa. Æ masina musa basi noano cahma yahu, buhe masina musa. ¹⁵ Musa ã masiina musa jipachuta cãa tahari ahri pũpũre musare

cuiro marieno noano yahu pahño joahi tíre musa boerahto sehe. Cohamacu yãhure cahño musare buhe dutiro cũre yãhure. Æ jicu to cũriro seheta yoaja, musa tíre boerahto sehe. ¹⁶ Yãhure to ã cũchu, sacerdote to yoaro sehe yoaja yãhu. Æ yoacu, Jesucristo yare noaa buheare judio masa jierainare buheja yãhu. Yu ã buhechu tãhoa, tina Jesure wacũ tuara. Tina Jesure wacũ tuainare yãhu

sehe sacerdote wahiquinare wajã jũ muo Cohamacure yu waboriro seheta, tinare “Mu yaina jira”, nija Cohamacure. Yu ã niinare Espiritu Santo sehe tinare Cohamacu yaina cjihti jichu yoara. Ti ã jiina jichu ñano, Cohamacu sehe ji coaro mehne tinare ñahanohca.

¹⁷ Cohamacu to buhe duti cũriro jicu Jesucristo to yoadohoa mehne yu yoari cjiire wahchea mehne yahuja musare. ¹⁸⁻¹⁹ Tuhsu, ahri pinihtare musare pototi yahu duahi. Yu yahua yu mu sũro yu yahua ne jierara. Paina judio masa jierainare Cristo to yoadohoa mehne tinare yu buhechu tãhoa, yu yoarire ñua, ã jia Jesu tuaa mehne yu yoa ñorire ñua, Espiritu Santo to tuaa mehne tina Cristore wacũ tuare. Jerusalẽpu wahma yu buhe dũcari baharo jipihtia macaripepu buhe wahcãhi. Pu Ilirico yahpapu cãhure Cristo ya buhea noaa buheare buhei sui. ²⁰ Cristo yare masieraina dihtare noaa buheare tuaro buhe duahi, yãhu mehne macaina ti buherinapure buhe duaeracu. ²¹ Æta ni joaa tiha Cohamacu yare ti joari pũi:

“Panopu tirore ne tãhoeraina cjiro tirore masiahca.

Æ yoa tirore ne tãhoeraina cjiro to yare noano tãhoahca”,

ni joaa tiha Cohamacu yare ti joari pũi.

Paulo Romapu to wahah-tore yahuha

22 Ā jicū jipihtiro macainare buheriro jicū payū tahari mūsa cahai waha duapaihta waha masiera tihī. 23 Mipū pinihtare ahri yahparipūre yū dahraa pihtia wahahre. Ā jicū payū cūhmari mūsa caharū waha duariro jicū mūsa caharū wahihtja. 24 Españarū wahacū, mū sare tói űū yūhdūaihtja. Ā yoacū mūsa mehne wahcheihtja. Tuhsū, mūsa mehne mahanočā yū jiri baharo yūhūre mūsa yoadohoa mehne Españarū yūhdū wahcāihtja. 25 Mipūre Jerusalēpū wahasinii tai nija. Tó macainare Jesu yainare yū coyeare niñerure naasinii wahi nija. 26 Macedonia yahpa macaina, Acaya yahpa macaina cūhū noano mehne Jesu yainare Jerusalēpū jīnare pjasčoinare niñerure warocahre tinare yoadohoa. Ā jicū tinare tíre wai wahi nija. 27 Tí niñerure waa, noano mehne wahre tina. Ti ā yoachū noa nina, yū tūhotuchū. Tinare judio masa jierainare judio masa sehe Cohamacū yare buhe mūhtare. Ā jia tinare to yūhdohito cūhūre buhe mūhtare judio masa. Ti ā buhechū űūcū Macedonia macaina Acaya macaina mehne judio masare ti yoadohochū noa nina yūhūre. Tinare ti buheri wapa yoaro sehe jira tí, yū tūhotuchū. 28 Ā jicū Jerusalē macainare tí niñerure wa tuhsūcū Españarū wahihtja. Tórpū wahacū mū sare űū yūhdūaihtja.

29 Ā yoa mūsa caharū yū wahachū Cristo yare mū sare yū buhechū tiro mū sare noano yajeripohna tichū yoarohca.

30 Yū coyea, mari pūhtoro Jesucristore wacū tuara mūsa. Ā yoa Espiritu Santo to tuaa mehne painare cahīna mūsa. Ā jīina jina yūhū cūhūre tuaro sini payoga Cohamacūre. 31 Ō sehe ni sini payoga: Judea yahpa macaina Jesure űo payoeraina yūhūre ti űano yoa duachū Cohamacū yūhūre to űū wihbohto sehe sini payoga. Tuhsū, Jerusalē macaina Jesu yainare niñerure yū wabasachū tina tíre wahchea mehne ti űahahto sehe sini payoga. 32 Mūsa ā sinichū Cohamacū cahmachū wahchea mehne mūsa caharū wahihtja. Ā jicū mūsa mehne jicū wahchea mehne soihtja. 33 Cohamacū marine noano jinocachū yoariro mūsa mehne jirucujaro.

16

Paulo noa dutiha

1 Mari coyeacoro Febe wama tiricoro mūsa caharū waharo taro nina. Ticoro Cencrea wama tiri macai Jesu yainare cahmachuinare yoadohoricoro jira. 2 Ā jiro payūre yoadohoricoro yūhū cūhūre yoadohoricoro jihre ticoro. Tuhsū, mari pūhtoro Jesu yacoro jira. Ā jina ticorore noano mehne mūsa mehne ji dutiga. Tó seheta yoaro cahmana marine Jesu

yainare. Æ yoana ticorore paye baro to maerachũ ñũana ticorore waga mũsa.

3 Aquila, to namono Priscila cãhũ noajaro. Jesu-cristo yare yũ buhechũ tina cãhũ yũhũ mehne dahrare.

4 Tinare mahano wajãmoñore paina yãhũre ti wajã duachũ ti yoadohori buhiri. Æ jicũ tina mehne wahcheja yũhũ.

Tuhsũ, judio masa jieraina Jesu yaina jipihtina tina cãhũ tina mehne wahchera.

5 Aquila ya wũhũ cahmachuina cãhũ Jesu yaina noajaro. Yũ cahĩriro Epeneto cãhũ noajaro. Tiro Asia yahpa macariro tói jiro Cristore wacũ tua mũhtariro jire. 6 Mariã cãhũ noajaro. Ticoro mũsa mehne tuaro dahrahe.

7 Yũ coyeyã Andrónico, Junia cãhũ noajaro. Peresui yũ jichũ tinata yãhũre piti tiina jihre. Æ jia yũ pano Cristore wacũ tua mũhtare tina sehe. Paina Jesu to cũrina sehe tinare “Potocãta noaina jira”, ni durucura.

8 Ampliato cãhũ yũ cahĩriro Jesu yairo jira. Tiro noajaro.

9 Urbano cãhũ noajaro. Tiro cãhũ mari mehne Cristo yare dahrahe. Æ yoa yũ cahĩriro Estaqui noajaro.

10 Apele cãhũ noajaro. Tiro potocãta noano Jesure wacũ tuara. To yoarire ñũana tíre masija mari.

Tuhsũ, Aristóbulo ya wũhũ macaina jipihtina to namono to pohna cãhũ noajaro. 11 Yũ coyeyiro Herodiõ noajaro. Æ yoa Narciso ya wũhũ macaina Jesu yaina noa pihtinocajaro.

12 Æ yoa Trifena, Trifosa cãhũ noajaro. Tí numia mari pũhtoro Jesu ya dahraare yoara. Mari cahĩricoro Péside cãhũ noajaro. Ticoro mari pũhtoro yare tuaro yoara.

13 Rufo mari pũhtoro Jesure noano wacũ tuariro, to yare noano yoariro noajaro. To pocoro cãhũ noajaro.

Ticoro yũ poco yoaro sehe jiricoro jira. 14 Asíncrito,

Flegonte, Herme, Patroba, Herma, paina Jesu yaina tina mehne macaina cãhũ noajaro.

15 Tuhsũ, Filólogo, Julia, Nereo, to bahoro cãhũ, Olimpa, paina tina mehne macaina cãhũ Jesu yaina noajaro.

16 Æ yoa mũsa mehne macainare piti bocana, noano mehne piti bocaga. Jipihtina Jesu yaina jipihtiro macaina mũsare noa dutira.

17 Yũ coyeyã, mũsa mehne macaina cãina mũsare cahma ñũ tuhti, cahma tju wachũ yoaina jira. Æ jia mũsare Jesu ya buheare dojomehna.

Æ jina tó sehe yoainare ñũana noano yoanohbũ, “Dojomehneri”, nina. Æ yoainare piti tiena tjiga.

18 Tó sehe yoaina mari pũhtoro Jesucristo yare yoerara.

Ñaaare ti goa pjaa dihtare yoara. Tuhsũ, noano tũho ji coaro dero mahño buhera noano masierainare.

Ti ã mahñochũ tinare noano tũhora. Æ jina ã yoainare piti tiena tjiga mũsa.

19 Mũsa sehe Jesure noano yũhtiina jira. Tíre jipihtina masina.

Æ noano yũhtiina mũsa jichũ

wahcheja yuhũ. Ā jicũ noano mũsa yoahore mũsa masichũ cahmaja yuhũ. Ā yoa ne ñaare yoaeraina mũsa jichũ cũhũre cahmaja yuhũ. ²⁰ Ā jiro Cohamacũ marine noano jinocachũ yoariro mahanocã baharo watĩno Satanare yuhũdũcũcachũ yoarohca mũsare. Ā yoa mari pũhtoro Jesucristo mũsare noano wahachũ yoajaro.

²¹ Timoteo yũ piti mũsare noa dutira. Yũ coyea judio masa cũhũ, Lucio, Jasõ, Sosĩpatro mũsare noa dutira.

²² Yũhũ Tercio ahri pũre Paulore joabasariro jija. Yũhũ Jesu yairo jicũ mũsare Jesu yainare noa dutija.

²³ Gayo ya wũhũi jinocai nija yuhũ Paulo. To ya wũhũi Jesu yaina cahmachuna. Tiro cũhũ mũsare noa dutira. Ā yoa Erasto ahri maca macaina pũhtoare niñerure ñũ wihbobasariro mũsare noa dutira. Mari coyeiro Jesu yairo Cuarto cũhũ mũsare noa dutira.

²⁴ [Yũ coyea mari pũhtoro Jesucristo mũsare jipihinare to cahĩa mehne noano yoajaro. Āta yoajaro.]

Paulo Cohamacũre ño payoro joa batoara

²⁵⁻²⁷ Mari pũhtoro Jesucristo ya buhea mehne noaa buhea mehne Cohamacũ mũsare tirore wacũ tua namochũ yoa masina. Panopũre tí buhea noaa buhea ne masare yahuerari buhea jimaha. Mipũre Cohamacũ yare yahu mũhtaina

cjiri ti joari cjiri mehne tí buheare yahua jira. Yũhũ cũhũ tíreta buheja. Tí buheare Cohamacũ Ā jirucuriro to yahu site dutiro seheta jipihtiro macainapũ mipũre masina. Tí buheare tirota yahu dutiha masa tirore yũhti, ti wacũ tuahto cjihto sehe. Ā jina tirore “Potocãta noariro, tuariro jira mũhũ”, ni wahche payojihna. Tiro cũirota Cohamacũ dihta noano masi pahñoriro jira. Jesucristo to yoadohoa mehne Cohamacũre Ā ño payorucujihna mari. Āta yoarucujihna.

1 Corintios

Paulo Cohamacu yainare Corinto macainare joarocaha

¹⁻² Y_{HH} Paulo, Jesucristo yare buhe duti to cūriro jija. Cohamacu to cahmano seheta Jesu to cūhtiro cjih-tore beseri jire y_{HH}re tiro. Sostene wama tiriro mehne m_{MS}sare Cohamacu yainare Corinto macainare joarocaja sã. Ahriro cã_H mari coyeiro Jesu yairo jira. Jesucristo mehne macaina m_{MS}a jich_H Cohamacu yaina cjihti beseri jire Jesu m_{MS}sare. ã yoa jipihtina paina mari p_{HT}toro Jesucristore siniina jia, tina cã_H Cohamacu yainata jira. Ti ã jich_H Jesucristo sehe mari jipihtina p_{HT}toro jira. ã jina m_{MS}sare jipihtinare joarocaja sã. ³ ã yoa Cohamacu mari P_{HC} mehne, mari p_{HT}toro Jesucristo mehne m_{MS}sare noa dutija. Cohamacu to yoadohoa mehne noano jiga m_{MS}a.

Jesucristo sehe m_{MS}sare noano yoabasaha Cohamacure

⁴ Jesucristo yaina m_{MS}a jiri baharo tiro sehe m_{MS}sare noano yoabasari jire Cohamacure. To ã yoabasach_H ñ_{HC}, Cohamacure “Noana”, nirucuja y_{HH} dachoripe. ⁵ Cristo yaina m_{MS}a jich_H ñ_{HC} Cohamacu sehe m_{MS}sare noano jich_H yoari jire. Tuhs_H, to yare m_{MS}sare painare noano yahuhtina cjihtire yoari jire tiro. ã jiro tiro to

yare noano masich_H yoari jire m_{MS}sare. ⁶ Cristo yare m_{MS}sare sã buheriro seheta ã yoari jire m_{MS}sare, Cristo yaina m_{MS}a wahach_H. ⁷ ã yoa Cohamacu m_{MS}sare noano yoadoho pahñonocanohca. Mari p_{HT}toro Jesucristo ahri yahpap_H to tjua tahtore m_{MS}a cohtaro watoi Cohamacu m_{MS}sare ã yoadohorucurohca. ⁸ Cohamacu m_{MS}sare yoadohorohca to yare m_{MS}a ne duhuerah_Hto sehe. To ã yoach_H m_{MS}a sehe dachoripe, ahri dacho pihtich_Hp_H cã_Hre ñaa buhiri marieina jirucunahca, Cohamacu to ñ_{HC}. ã jina Jesucristo mari p_{HT}toro to tjua tach_Hp_Hre ñaa buhiri marieina jinahca m_{MS}a. ⁹ Tíre Cohamacu to niriro seheta tiro yoara. Tiro to mac_{HC}no mari p_{HT}toro Jesucristo yaina cjihtire marine beseri jire. To ã beserinare Jesu yaina jich_H yoare marine.

Jesu yaina Corinto macaina cahmachua cahma sayoha ti basi

¹⁰ Y_H coyea, mari p_{HT}toro Jesucristo to dutiro mehne m_{MS}sare tuaro mehne yahui tai nija ahrire: M_{MS}a basi cahma sayoena tjiga. ã yoa m_{MS}a basi cahma tju wa dapo jiena tjiga. Cã curuaihta jiga m_{MS}a. ã jina jiape ni durucuena tjiga m_{MS}a basi. ã yoana m_{MS}a yoah_Hto cjihtore tãhotuna, cãno poterita yoaga m_{MS}a. ¹¹ Y_H coyea, m_{MS}a basi cahma sayona niyuhca m_{MS}a. ã ni

yahure cãina Cloé ya wãhũ macaina yũhũre.

¹² Cãina mũsa mehne macaina õ sehe ni cahma sayoyuhca: “Paulo ya curua macaina jija sã”, ni cahma sayoyuhca cãina mũsa. ã yoa paina “Apolo ya curua macaina jija sã”, niyuhca tina cũhũ. Paina sehe tjoa “Pedro ya curua macaina jija sã”, niyuhca tina cũhũ. Paina sehe tjoa “Cristo ya curua macaina jija sã”, niyuhca tina cũhũ. ¹³ Mũsa ã nipachũta Cristo yaina cũ curuaihta jija mari. Mari basi cahma tju wa dapo masieraja mari. Cũ curuaihta jija mari. Yũhũ Cristo jieraja. Tiro yoaro sehe mũsa ya buhirire crusapũ yariariro cjiro jieraja. Tũa maeraja. ã jicũ wiho jiriro jija. ã yoa mũsare pairo bautisaro, Cristo yaina mũsa jichũ mũsare bautisari jire. Yũ yaina mũsa jichũ sehere mũsare bautisaerari jire. (ã jina yũhũ sehere ñũ wahãena tjiga mũsa.)

¹⁴ Mũsare, mũsa mehne macaina cũhũre bautisaerahi yũhũ. Crispore, Gayo cũhũre tina dihtare bautisahi. Paina sehere bautisaerariro yũ jichũ noana, yũ tũhotuchũ.

¹⁵ Payũ masare bautisariro yũ jichũ “Paul yaina sã jichũ bautisare sãre”, ni ñũ wahãboa mũsa yũhũre. ã jicũ tíre mũsa yoachũ cahmaeraja. ¹⁶ Estéfana ya wãhũ macaina cũhũre bautisahi yũhũ. Tópeinata bautisahi yũhũ. Yũ bautisarinare painare wacũeraja

yũhũ. ¹⁷ Cristo yũhũre waro-caro, masare bautisahtirore cũerare yũhũre tiro. Noaa buheare buhehtiro sehere yũhũre cũre. Cristo crusapũ to yariarire mari buhechũ tí buhea marine noaina wahachũ yoara. To ã yoa-pachũta noaa buheare yũ mũ sũro yũ buhechũ yũhũ sehere ñũ wahãboa mũsa. Mũsa ã ñũ wahãna noaa buhea sehere ño payoeraboa mũsa. Tuhsũ noaina wahaeraboa. ã jicũ Jesu ya buheare buhecũ yũ mũ sũro yũ masia mehne buheraja yũhũ.

Cohamacũ to tuaa cũhũre to masia cũhũre cjuariro jira Cristo

¹⁸ Pichacapũ butihtina sehe Cristo crusapũ to yariarire mari yahuri buheare “Tũho masieraina ya buhea jira tí”, nimana butihtina sehe. Mari sehe Cristo to yũhdũchũ yoahntina cjihti jina õ sehe nija: “Crusapũ to yariarire mari yahuri buhea tí waro jia nina. Tí buhea Cohamacũ to tuaare yahura marine”, nija mari. ¹⁹ Cohamacũ sehe to yare ti joari pũi õ sehe nina: “Ahri yahpa macainare ‘Noano masiina jira’, ti niinare ti masia yaba cjihti jierachũ yoaihca yũhũ”,

nia tiha Cohamacũ to yare ti joari pũi.

²⁰ ã jia ahri yahpa macaina noano masiina ti masia yaba cjihti jierara. Sã coyeya judio masare buheina cũhũ ti masia yaba cjihti jierara. Mipũre ahri yahpa macaare durucu sayo miñniina cũhũ

ti masia yaba cjihti jierara. Ahri yahpa macaina noano masiina ti jipachuta quihõno masieraina ti jirire masichu yoare Cohamacu. ²¹ Cohamacu pinihta noano masiro jira. To ã jichu ahri yahpa macaina ti ya masia mehne Cohamacure ne masierara tina. Cohamacu to masi dutieraro seheta ã wahare tinare. Cohamacure cahmaeraina sehe õ sehe nina noa buhea warore: “Tũho masieraina ya buhea jira”, nimana. ã jia noa buheare “Tũho masieraa buhea”, ti nia buheare tuhoa Cristore masi ducara masa. Ti ã masi ducachu Cristore ti wacu tuachu ñuno tinare pichacapu wahaborinare yuhduchu yoara Cohamacu.

²² Judio masa Cohamacu to tuaa mehne to yoa ñorire ñu duaa nina. ã yoa griego masa judio masa jieraina sehe noano ti masihti cjihtire maca nina. ²³ Mari sehe Cristo crusapu to yariarire yahuri buheare buheja mari. Ti buheare judio masa sehe ñu yabira. ã yoa ti buheare judio masa jieraina sehe “Tũho masieraina ya buhea jira”, ni tuhotura. ²⁴ Ti ã ni tuhotupachuta Cohamacu to yaina cjihti to beserina sehe ti buheare õ sehe nina. “Cristo ya buhea Cohamacu to tuaare, to noano masiare masichu yoara marine”, nina tina ahri buheare. Tina judio masa, judio masa jieraina jipahta, ã nina Jesu yaina. ²⁵ Cohamacu masi pahñoriro jira. “Tiro tuho masierariro jira”, masa

ti ni tuhotupachuta ahri yahpa macaina yuhdoro noano masi pahñoriro jira tiro. Tuhsu Cohamacure “Tuaerariro jira”, masa ti ni tuhotupachuta ti bui tua yuhduchucu sũro jira tiro.

²⁶ Yu coyea, Cohamacu musare to yaina yoachu musa payu wiho jiina musa jirire wacũga musa. Ahri yahpa macainare “Noano masiina”, ti niinare mahainacã Jesu yaina cjihtire beseri jire Cohamacu. Tuhsu puhtoã cũhure mahainacã Jesu yaina cjihtire beseri jire tiro. ã yoa puhtoã pohna cũhure pache puã pohna cũhure mahainacã Jesu yaina cjihtire beseri jire tiro. ²⁷ “Tũho masieraina jira”, ti niinare Cohamacu beseri jire “Noano masiina jira”, ti niina ti buoro wahahto cjihto sehe. Tuhsu “Yaba cjihti jierara”, ti niinare Cohamacu beseri jire, “Wiho jiina jierara”, ti niina ti buoro wahahto cjihto sehe. ²⁸ Masa ti ñu yabiinare “Yaba cjihti jierara”, nina masa. Ti ã nirinare Cohamacu to yaina cjihtire beseri jire tinare. ã besero “Puhtoã waro jira”, ti niinare wiho jiina ti jiare masichu yoari jire Cohamacu tinare. ²⁹ To ã yoachu ñuã ahri yahpa macaina ne cũro “Tuariro, noano masiro jija”, ne ni yuhduchaca masierara, Cohamacu to ñuchu.

³⁰ Cohamacu sehe marine Jesu yaina jichu yoare. To yaina jina marine to yuhduchu yoari baharo jip-

iehtia dachoripe Cohamacu mehne jirucunahca mari. Jesucristo sehe Cohamacu yare noano masichu yoara marine. Tuhsu mari ñaa buhirire cohãna. ã yoaro mari ñaa yoari buhirire cosaro, marine “Noaina jira”, to ni ñuchu yoara Cristo Cohamacure. ã yoaro marine pichacapu wahaborinare yuhduchu yoara. ³¹ To ã yoachu Cohamacu yare ti joari pui to ni joariro seheta ã wahara: “ ‘Yu mu suro masi pahñoriro jija’, niriro tíre nieno tjijaro. Õ sehe nijaro: ‘Mari puhtoro Cristo sehe marine yuhduchu yoariro jira’, nijaro tiro”, nina Cohamacu yare ti joari pui.

2

Cristo crusapu to yariarire sã yahuri buhea jira ahri

¹ Yu coyea, musa cahapu sachu “Noano masi pahñoja”, musare ni buherahi. Cohamacu yare musare buhecu, to sehe ni buhecu nierahi. ² “Õ sehe ni buheihlja”, nicu musa mehne jicu Jesucristo ya dihtare crusapu to yariari dihtare wacucu, tí buheare buhei yuhu. ³ Tuhsu, musa mehne jicu wiho jiro yoaro sehe jii yuhu. ã jicu Cohamacu yare quihõno buhe duariro jicu cuiriro tetereriro yoaro sehe jii yuhu. ⁴ ã jicu Cohamacu yare buhecu, “Masi pahñoja”, ni buherahi. Mijoa durucua mehne yu mu suro buherahi. To yare yu buhechu Espiritu Santo

to tuaa mehne yu buhechu ñure musa. ⁵ Õ sehta ni buhei yuhu musare masa ti mu suro ti buhea sehere musa cahmaerahto sehe. Cohamacu sehere musa wacu tuahtore ã ni buhei yuhu.

Espiritu Santo sehe Cohamacu to jia tiare buhera marine

⁶ ã jina Cohamacu ya buheare musare Jesure noano masiinare yahuja sã. Masa ti mu suro ti buhea yoaro sehe jierara ahri musare sã buhea. Ti puhtoa ya buhea cuhu jierara. Tina sehe pihtia wahaahca. ⁷ Paina ti masierari cjirire Cohamacu ya durucua cjirire yahuja sã sehe. Panopure ahri buheare Cohamacu yaina cjiri noano masi pahñoerari jire. Ahri yahpa to jihto pano ahri buhea ti niriro seheta “ãta wahajaro”, ni tuhsu tiri jire Cohamacu. Marine pichacapu wahaborinare to yuhduchu yoahito cjihore, tiro mehne mari jirucuhto cjihore, tiro yoaro seheta mari wahahto cjihto cature. “ãta wahajaro”, nia tiri jire tiro. ⁸ To ã nichu Cohamacure cahmaeraina puhtoa ne to buheare taho duaeraa, masierari jire. Tíre noano masia, mari puhtorore Cohamacu macno warore crusapu cã puha wajãeraboa tina. ⁹ Cohamacu yare ti joari tjuí õ sehe nina:

“Jipihtina Cohamacure cahina ya cjihtire Cohamacu noano cahnobasa tuhsu.

Noa yuhduara tí to cahnobasari.

Tí to cahnobasarire mari ne ñuerana, tuhoerahi.

Ã jina ‘Õ sehe yoarohca Cohamacu’ ni, dohse masiyu pahñohto basioerara marine”,

nina Cohamacu yare ti joari pûi.

¹⁰ To ã nipachuta Espiritu Santo Cohamacu yare masichu yoare marine. Jipihtia Cohamacu yare Espiritu Santo masi pahñoa.

Ã masino tiro marine tíre masichu yoara.

¹¹ Ne paina sehe masuno to masiare masierara. Wiho mejeta masuno sehe to basi to wacũapũ to tuhotuare masina. Tó seheta paina Cohamacu to masiare ne masierara.

Cohamacu to Espiritu Santo dihta to masiare masina, masuno to basi to tuhotuare to masino seheta. ¹² Ã yoa mari sehe Jesu yaina jina masa ti mũ sũro ti buheare cjueraja. Cohamacu to Espiriture ware marine masichu yoaro taro. Tiro marine to noano yoah-tore masichu yoara Espiritu Santo sehe. ¹³ Cohamacu yare mũsare buhena, masa ya masia mehne sã mũ sũro buheraja sã. Espiritu Santo to buhea sehere mũsare buheja.

Ã buhena Espiritu Santore cjuainare Cohamacu yare noano buheja sã.

¹⁴ Espiritu Santore cjueraina sehe Espiritu Santo yare ne cahmaerara. “To ya wiho warota jira”, nimana tina. Espiritu Santo to yoadohoro marieno ne

to yare masihto basioerara masare. Ã jia tina to yare ne masierara. ¹⁵ Espiritu

Santore cjuaina sehe Cohamacu yare noano masina.

Ã jia jipihtiare noano bese masina. Paina sehe tinare “Noaina jira. Ñaina jira”, ni bese masierara Espiritu Santore cjuainare. ¹⁶ Õ

sehe nina Cohamacu yare ti joari pûi: “Mari puhtoro Cristo to tuhotuare masiina ne mariaha. A yoa tirore masa ne ‘Õ sehe yoaga’, ni masierara”, nina to yare ti joari pûi. Mari sehe Cristo yaina jina, Cristo yoaro seheta masija mari.

3

Jesu yaina cũno potori Cohamacure dahra cohtaina jira

¹⁻² Yu coyea, mũsare buhecũ Espiritu Santore noano yuhtiinare yũ buheriro seheta buhe masierahi mũsa sehere. Cristo yaina jipanahta, wihãinacã ti wahiquiro dihirore ti chu masierariro seheta Cohamacu yare noano masierare mũsa. Mipũ cũhũre noano masierasiniyuhca mũsa. Ã jina wihãinacã pẽchore ti pũno seheta mijoera curea buhea dihtare tuhoyuhca mũsa. Ã jicu tó sehe jia buhea dihtare buhei mũsare. Cristo yaina jipanahta wihãinacã ti chu masierariro seheta Cristo yare noano masierayuhca mũsa. ³ Mũsa sehe mũsa mehne macainare ti noano wahachu ñũna

ñu tuhtina, cahmachena, musa basi cãa curuari tju waruchuna, Espiritu Santore cjaeraina yoaro sehe yoana niyuhca musa. ã yoana ahri yahpa macaina Cristore cahmaeraina yoaro sehe yoayuhca musa. ⁴ Õ sehe niyuhca musa: “Paulo mehne macaina jija sã”, niyuhca cãina musa. ã jia paina musa mehne macaina sehe “Apolo mehne macaina jija sã”, niyuhca. Musa ã ni durucuna Espiritu Santore cjaeraina yoaro sehe ni durucuna nica musa.

⁵ ¿Yuhu Paulo, Apolo mehne dohse yoahntina cjihti jijari sã, musa tuhochu? Õ sehe yoahntina jina nija sã: Cohamacu to dutiro sehet tirore dahra cohtaina wiho jiina jija sã. ã jina musare sã buhechu tuhona Jesucristore wacu tua ducare musa. ⁶ Noaa buheare buheina wesepu dahraina yoaro sehe jira mari piti dahre buhechu. Wese puo to toa muhtariro sehet yuhu cãhu musare buhe muhtahi. Tuhsu, paio wesere to cure nãhu tiro sehet Apolo sehe yu baharo musare buhe namo nãhu tire. Sã ã buhepachuta wese macaa toaare buchu namochu to yoariro sehet Cohamacu sehe musare to yare masi namochu yoahre. ⁷ ã jicu yuhu buhe muhtariro jipaihta wiho jiro jija. ã jiro Apolo yu baharo buhe nãhu tiro cãhu wiho jirota jira. Cohamacu pinihta toaare to buchu namochu yoariro sehet to yainare tirore

masi namochu yoara. ã jiro Cohamacu sehe wiho jiro jierara. ⁸ Toa muhtariro, baharo cure nãhu tiro cãno potori dahra cohtaina wiho jiinata jimana tina. ã jia ti dahrariro purota wapata tina. Tó sehet jija sã, Apolo mehne. ⁹ ã jina sã Cohamacu yare dahra cohtaina jija. ã yoa Apolo yu piti jira. Sã ã jichu musa sehe Cohamacu ya wese yoaro sehet jira. Musa ã jichu Cohamacu wese macaa toaare to buchu namochu yoariro sehet musare to yare masi namochu yoarohca tiro.

ã yoa Cohamacu musare to yainare noari curua yoaro nina. ã jina tãa mehne ti yoari wuhu yoaro sehe jira musa to ya curua macaina mari piti dahre buhechu. ¹⁰ Musa ã jichu Cohamacu yuhure to dutiro sehet yuhu sehe wuhu dahre mihniro tãare to cã muhtariro sehet Jesucristo yare musare buhe muhtai. ã jiro tí tãa bui paio to yoa namo mujariro sehet paio yu baharo buhe namo nãhu tiro nina. ã buhe namono noano yoaro cahmana. Ne papero marieno noano buhejaro tiro. Cristo ya dihtare buhejaro tiro. ¹¹ Wuhure ti dahre ducã ti cã muhtari tãa yoaro sehe Cristo jira. ã jina tí tãare sã noano cã muhtariro sehet Cristo yare buhe tuhsu. Pairo ya buhea sehere mari buhechu tó wahaerara. ¹²⁻¹⁵ Uru mehne, plata mehne, wapa bujua tãa

mehne mari yoari wuhure mari jũ ñuchũ jũerara. Tó seheta Jesucristo yare mari noano yoari baharo pihtiri dacho jichũ Cohamacũ mari yoarire to jũ ñũno seheta yoarohca mari yoarire masino taro. Tó sehe to yoachũ noari wuhũ to jũerariro seheta mari yoarire ti noaa jichũ masinohca. ã yoaro mari noano yoarina mari jichũ masichũ yoarohca tiro. Noaare mari yoari wapa noano yoarohca marine. Yucũri mehne, tja mehne, ñaia pũri mehne mari yoari wuhure mari jũ ñuchũ jũa waha-rohca. Tó seheta Jesucristo yare mari noano yoareri baharo pihtiri dacho jichũ, Cohamacũ mari yoarire jũ ñũno sehe yoarohca mari yoarire masino taro. Tó sehe to yoachũ ñari wuhũ to jũa waha-rohca mari yoarire ñaa ti jichũ tiro masinohca. ã yoaro mari noano yoaraina mari jichũ marine masichũ yoarohca tiro. Noano yoaraina mari jichũ ñũno noaare mari yoamari wapare noano yoasi. Tó sehe jiinare Cohamacũ yuhduchũ yoarohca. To ã yuhduchũ yoapachũta tó sehe noano yoaraina mahanocã cohõbo cure yuhduhca.

16 Mũsa sehe Jesu yaina Cohamacũ ya wuhũ yoaro sehe jira. Mũsa ã jichũ ñũno tí wuhũi to jiboro seheta Espiritu Santo sehe mũsa mehne jira. ¿Tíre masierajari mũsa? 17 Cohamacũ ya wuhũ

ñaa marieni wuhũ jira. ã jina mũsa cũhũ tí wuhũ yoaro sehe jina to yaina warota jira. ã jiro to yainare cãiro to dojomehnechũ Cohamacũ pichacapũ cohãnohca tiro sehere.

18 Mahñoare tuhutuena tjiga mũsa. “Mipũ macaina ya masiare noano masija”, ni tuhoturiro mũsa mehne macariro jiro Jesu ya sehere noano masijaro. To ã masichũ ñũa paina tirore “Tũho masierariro jira”, niahca. ã jiro Jesu yare masino, potocãta noano masiriro waha-rohca. 19 Masa ti mũ sũro ti basi ti masiare “Wiho warota jira”, ni tuhutura Cohamacũ. ãta nina Cohamacũ yare ti joari pũi: “Ti mũ sũro masiina ti masia yaba cjihti jierara Cohamacũ to ñuchũ. ã jiro ti yoa duaare dũcatara tinare”, nina Cohamacũ yare ti joari pũi. 20 ã yoa pa pũpũ õ sehe nina: “Masa ti mũ sũro masi pahñoina ti tuhutua yaba cjihti ti jierachũ masina mari pũhoro Cohamacũ sehe”, nina Cohamacũ yare ti joari pũi. 21-22 ã jina “Sã mũ sũro yoahi”, ni masieraja mari masa jina. ã jina yuhũ Paulo, Apolo, Pedro mehne sã jipihtina Cohamacũ mũsare to yoadoho dutiina jina, mũsare dahra cohtaina jija sã. Jipihtia mũsa ya jira. Cohamacũ to bajuamehnerire, catia cũhũre ware mũsare. Tuhsũ, pichacapũ wahaerachũ yoarohca mũsare. Mipũ jiare baharopũ jihti cũhũre mũsare warohca. ã jia

jipihtia m̄sa ya jira. ²³ ã yoa m̄sa sehe Cristo yaina jira. Cristo sehe Cohamac̄u yairo jira.

4

Cristo to yare buhe duti to c̄urina ti dahraare yahuha Paulo

¹ Õ sehe ni t̄hotuga m̄sa yuh̄re Apolo c̄uh̄re: “Tina sehe Cristore dahra cohtaina jira. ã jia masa ti masierari cjirire Cohamac̄u yare buheina jira”, ni t̄hotuga m̄sa s̄re. ² Dahra cohtaina ti p̄htoro to dutiro seheta yoa cohtara. ³ Wiho mejeta yuh̄re m̄sa yahuwajapach̄ta ã t̄hotunocaja yuh̄. Paina p̄htoa yuh̄re ti yahuwajach̄ c̄uh̄re ã t̄hotunocaja yuh̄. Ȳu yoaare ñna “Ahri noaa jira. Ahri ñaa jira”, ni masierara m̄sa. Yuh̄ c̄uh̄ mas̄nota jija. ã jic̄u ȳu yoaare noano masi pah̄oeraja yuh̄ c̄uh̄. ⁴ “Cristo yare ȳu yuh̄d̄r̄ucari yuh̄re mari-ahna”, ni t̄hotumaja yuh̄. Ȳu ò sehe ni t̄hotupach̄ta buhiri tia jisiboca yuh̄re. Mari p̄htoro Cristo dihta ȳu yoaare ñno, noano masina. ⁵ ã jina mari p̄htoro to tjua tahto pano masare ñano ni yahuwajaena tjiga m̄sa. Tiro tjua taro masa ti yoarire, panop̄u paina ti masierari cjirire Cristo masich̄u yoarohca. ã jiro mari yoa duarire, mari t̄hotuare tiro masich̄u yoarohca. ã yoaro to yare yoinare Cohamac̄u “Noano yoare m̄sa”, ninohca.

⁶ Ȳu coyeya, yuh̄ Apolo mehne s̄a buheri cjirire yahuh̄i yuh̄ m̄sare buhec̄u tac̄u, s̄are m̄sa ñu c̄ũhto sehe. ã yahuh̄i yuh̄ Cohamac̄u to yare ti joari p̄i to niriro seheta quih̄no m̄sa yoarucuhto sehe. ã yoana m̄sa mehne macainare c̄ano potori ño payoga. C̄ũroeta ño payoena tjiga. ⁷ M̄sa sehe paina yuh̄doro noaina jierara. Masi yuh̄d̄r̄ucaina jierara m̄sa. Cohamac̄u m̄sare to wari cjiri dihtare c̄h̄ara m̄sa. ã c̄h̄ana m̄sare to yahuri cjiri dihtare masina m̄sa. ¿M̄sa m̄ s̄ro c̄h̄aina, m̄sa m̄ s̄ro masiina jierapanah̄ta, dohse yoana “Masi pah̄noina jija”, nijari m̄sa? ã nina “S̄a m̄ s̄ro masija s̄a”, niborina seheta yoara m̄sa.

⁸ M̄sa sehe “Cohamac̄u yare masi pah̄noja s̄a. S̄are yaba waro dahsaerara”, nimana m̄sa. Tuhs̄u, m̄sa cahai s̄a jierach̄u m̄sa ò sehe ni t̄hotumana: “P̄htoa yoaro sehe masiina jija s̄a”, ni t̄hotumana m̄sa. Potoc̄ãta Cohamac̄ure masi pah̄noina p̄htoa yoaro sehe masiina m̄sa jich̄u m̄sare noabiaboa. M̄sa ã jich̄u m̄sa mehne s̄a c̄uh̄ p̄htoa yoaro sehe masiina jiboa.

⁹ Õ sehe ni t̄hotuja yuh̄ pinihta: S̄are Jesu to yare buhe dutiro c̄ũno, masape doca macari curua c̄ũre s̄are. Paina ti waj̄htina yoaro sehe ñna masa s̄are. Ahri yahpa macaina masa, anjoa c̄uh̄ wapanañoina yoaro

sehe ñna sãre. ¹⁰ Cristo yare sã buhech ñna “Tũho masieraina jira”, ni ñna masa sãre. ã jia Cristo yare sã yoach ñna, sãre ñ tuhtira. Mũsa sehere ñna, “Noano masiina jira”, ni tuhotumana masa. “Cohamacũre wacũ tu-aeraina jira”, ni tuhotumana masa sãre. Mũsa sehere ñna, “Noano wacũ tuaina jira”, ni tuhotumana tina. Mũsa sehere masa ño payora. Sã sehere tina ne ño payoerara. ¹¹ Sã sehere mipũre ñano yũhdũina, jũca baaina, ñahma yapiõina, ñano suhti maeraina, wũhũse maeraina jija. Tuhsũ, paina sãre ño payoeraa, sãre ñano yoara. ¹² ã yoa sã tuaro dahraja. Tuhsũ, paina sãre ñano ni ti durucupachũta sã sehere tinare “Noano jiga”, nija sã. ã yoana paina sãre ñano ti yoapachũta ã tuhotunocaja sã. ¹³ “Ñano yoaina jira”, sãre ti nipachũta sã sehere noano mehne tinare yoaja. Panopũ, mipũ cũhũre ñaa wete tiina yoaro sehere masape curuari doca macari curua yoaro sehere ñna masa sãre.

¹⁴⁻¹⁵ Mũsare noaa buheare buhe mũhtacũ mũsa pũcũ yoaro sehere wahai yũhũ. Payũ mũsare Cristo yare buheina ti jipachũta mũsare buhe mũhtarĩro cãĩrota jija yũhũ. ã jĩro jicũ mũsare bũo tichũ yoai tai ahĩre joai nieraja yũhũ. Yũ pohna warore, yũ cahĩinare yũ dutĩborĩro sehere mũsare noano mehne duticũ tacũ ahĩre joaja yũhũ. ¹⁶ ã jicũ ahĩre mũsare tuaro mehne

dutii tai nija yũhũ. Yũhũre ñũ cũga mũsa.

¹⁷ Ahĩre yoa duticũ tacũ mũsa cahai Timoteore warocahi. Tiro yũ cahĩĩro mari pũhtoro Jesu yairo jira. ã jiro Cristo yare yoarucura tiro. Cristo yare mari yoahĩre jipihĩtina Jesu yaina cahapũ buhei yũhũ. Timoteo tĩre mũsare wacũrucuchũ yoarohca. ã jicũ Cristo yare yũ yoarĩro sehere mũsa ñũ cũhto sehere Timoteore warocahi yũhũ. ¹⁸ Timoteore yũ warocachũ cãina mũsa mehne macaina pũhtoã jĩ duaina õ sehere nimana: “Paulo marine cuiro, mari cahapũ tasi”, ni tuhotumana tina. ¹⁹ Cohamacũ cahmachũ mũsa cahapũ michapucacãta sũihca. ã sũcũ pũhtoã jĩ duinare mũsa mehne macainare ti durucua quihõno jichũ masiĩhtja yũhũ. ã yoa Cohamacũ tuaare potocãta ti cjuachũ cũhũre masiĩhtja yũhũ. ²⁰ “Cohamacũ sã pũhtoro jira”, mari ni yahupachũta to yare mari yoerachũ tĩ mari ã nimari cjiri yaba cjihti jierara. Cohamacũ to tuua mehne to cahmano sehere yoa masija. Tĩ pinihta wiho waro jierara. ²¹ ¿Mũsa cahapũ mũsare buhiri dahrehtiro mũsare tuhtĩhtiro yũ wahachũ cahmajari mũsa yũhũre? ¿O mũsare cahĩĩro mũsare wahchehtiro yũ wahachũ cahmajari mũsa yũhũre? ¿Dohse jĩro yũ wahachũ cahmajari mũsa?

5

*Corinto macaina ti wɥana
tirire yahuha Paulo*

¹ Potocãta õ sehe quti tira sãre paina: Cãiro mɥsa mehne macariro to pɥcuro namonore wɥana tiyuhca. ãta ni yahura masa sãre. Paina Cohamacɥre cahmaeraina jipahta tina sehe tó sehe yoaina jierara. ² Mɥsa mehne macariro to ã yoapachɥta mɥsa sehe “Quihõno yoana nija sã”, ni tãhotumana. ¿Dohse yoana to ñaa yoarire masipanahta cahyaerajari mɥsa? ã jina ã ñano yoarirore mɥsa mehne Jesu yaina mehne jirirore cohã wioboa mɥsa. ³ Yɥɥ mɥsa mehne jierapaihta yɥ wacũapɥ mɥsa mehnetã jija yɥɥ. ã jicɥ mɥsa mehne jicɥ yɥ niboriro seheta ñano yoarirore to ã ñano yoari buhiri buhiri dahre duti tuhsɥja yɥɥ. ⁴ Jesu to dutiro mehnetã ã yoa dutija. ã jina mɥsa cahmachuna yɥ wacũa mehnerɥ mɥsa mehne yɥ jichɥ to pɥcuro namono mehne ñano yoarirore cohã wiona, mari pɥhtoro Jesu to tuaa mehne õ sehe niga ñano yoarirore: ⁵ “Watĩno to cahmano seheta mɥhure yoawahnojaro”, niga tire. ãta niga tire ñaare to goa pjari cjirire to duhuhto sehe. Mɥsa ã cohãchɥ tiro ñano yãhdɥrohca. Mari pɥhtoro Jesu to tjua tari dachoi ñano yoarirore cjiro Jesu mehne to noano yãhdɥhto sehe mipɥre tire ã niga.

⁶ “Quihõno yoana nija sã”, nipanahta ñano yoana nica mɥsa. Ñano yoarirore mɥsa ã ñanocahna, tí ñaare mɥsa jipihtina piha pihtia wahanahca. Pão bɥcɥaro trigore to noano sãarɥcɥ sɥriro seheta tí ñaa mɥsare piha, noano sãarɥcɥ sɥa waharohca. ¿Tĩre masierajari mɥsa? ⁷ Yɥ coyeyã judio masa pascua jichɥ ovejare wajã, jũ mɥo, Cohamacɥre ño payora. Tó seheta oveja to yariariro seheta Cristo mari ñaa buhirire yariari jire. To ã waharire masina, mɥsa sehe ñano yoarirore mɥsa mehne macarirore cohã wioga tí ñaa mɥsare to pihaerahto sehe. Mɥsa ñaa yoari buhirire cohã tuhsure Cristo. ã jina ñano yoarirore cohã wioga “Tí ñaare pihari”, nina. ⁸ Pão bɥcɥaro trigore to sãarɥcɥ sɥriro seheta panopɥ ñaare ñɥ cũ yoa pihtiina jimai mari. ã jina pascua bose numarihi pão bɥcɥaro marieno pãore tí chɥriro seheta mari cãhɥ ñaare goa pjaro marieno ñano yoaro marieno jijihna. Panopɥ mari ñaare mari yoaã tiri sehe yoaena tjiijihna. ã yoana potocã noano tãhotua mehne, noano yoaina jijihna.

⁹ Mɥsare yɥ joarocari pũpɥre Jesu yairo jiparota ã wɥana tirucurirore ne piti ti dutieramahi. ¹⁰ ã nicɥ numia mehne ñano yoainare, mɥa mehne ñano yoaã numiare, paina yare goa pjainare, yacainare, “Cohamacɥ jira”, tí nia masɥrine ño payoinare Jesu yaina tí jierachɥ “Tina

mehne jiena tjiga”, nieraja. Ahri yahpai tó sehe jiina marieno Jesure cahmaeraina marieno mari dihta ji masieraja. Jipihtirop_u jira tina sehe. ¹¹ Á jic_u m_usare joarocac_u õ sehe yoa dutimahi: M_usa mehne macariro “Jesu yairo”, ti niriro to jipach_uta numino mehne ñano yoariro, paye barore goa pjariro, “Cohamac_u jira”, ti nia masurine ño payoriro, ñano quiti dahrerucuriro, cahariro, yacariro to jich_u tirore piti tiena tjiga. Á jina tó sehe yoariro mehne pinihtare ch_uena tjiga. ¹² Jesu yaina jierainare ti ñaa yoari buhirire ne buhiri dahre dutiriro jieraja yah_u. Tó sehe buhiri dahre dutiriro jira Cohamac_u sehe. Y_u ã nipach_uta m_usa mehne cahmachuina Jesu yaina m_usa basi m_usa yoarire ñ_una masino cahmana m_usa sehere. Á t_uhotunocaeraro cahmana. Á jina m_usa sehe tina ti ñano yoach_u ñ_una buhiri dahrega tinare. ¹³ Jesu yaina jieraina sehere Cohamac_u sehe buhiri dahrerohca. Á jina m_usa sehe m_usa mehne macarirore ñano yoarirore cohã wioga.

6

Jesu yainare ti basi ti yahusaãrire yahuha Paulo

¹ ¿M_usa basi cahma ñ_u tuhti yahusã duana dohse jiro baro Jesu yaina jieraina cahap_u m_usa coyeare Jesu yainare yahusãna wahajari? Jesu yainare m_usa mehne macainare yahusã duana

paina Jesu yaina sehere tíre yahuro cahmana m_usare. Á jia Jesu yainap_u besejaro. ² Pihtiri dacho jich_u mari Jesu yaina sehe masa jipihtina ti yoarire ñ_una “Ahri ñaa jira. Ahri noaa jira”, besenahca mari tinare. ¿Tíre masierajari m_usa? Á jina pihtiri dacho jich_u masa jipihtinare besehtina jina, mip_u c_uhure bese masija mari. Á jina mip_ure wiho jiacã buhiri c_uhure bese masija mari. ³ Anjoa ti yoarire ñ_una tina c_uhure besenahca mari. ¿Tíre masierajari m_usa? Mari ã besehtina jina potocãta tí yahdoro mip_u c_uhure Jesu yaina ti yoarire ñ_una bese masija mari. ⁴ ¿Á jina dohse yoana m_usa mehne macainare yahusã duana mari mehne jieraina cahap_u Jesu yainare yahusãna wahajari m_usa? ⁵ Ahrire nii nija m_usa quihõno yoerarire m_usa cahyahto cjihtore. ¿M_usa mehne macainare m_usa cahma sayoch_u m_usare yahuhtiro m_usa mehne macariro noano masiriro mariajari? Jira. ⁶ To ã jipach_uta m_usa mehne macariro Jesu yairo paio Jesu yairore yahusã duaro Jesure cahmaerainare yahusãno wahara.

⁷ Masare beseina p_uhtoare m_usa mehne macainare yahusãna Jesu yaina jipanahta quihõno yoerara m_usa. Pairo m_usa mehne macariro m_usare ñano to yoach_u ã ñ_unocaboa m_usa. Jesure cahmaerainare

musa yahusãhto pano musa coyeirote musa ã ñnocachu noabiaboa. Jesu yairo musare to yacachu tirore musa yahusãhto pano tiro to yacarire musa ã ñnocachu noabiaboa. ⁸ Æ yoaborina jipanahta paina musa mehne macaina Jesu yaina ti jipachuta tinare ñano yoaina, yacaina jira musa.

⁹⁻¹⁰ Tó sehe yoaina puhtoro Cohamacu to suho jiropure manopure waha masierara. ¿Tíre masierajari musa? Mahñoare tuhutuena tjiga musa: Wana tiina, “Cohamacu jira”, ti nia masurine ño payoina, numia mehne ñano yoaina, mua mehne ñano yoaa numia, mua sahsero ti pjacuri mehne ñano yoaina, numia sahsero ti pjacuri mehne ñano yoaa numia, yacaina, paina yare goa pjaina, cahaina, masare ñano tuhtipeina, masa ti cjuare maina baro ne Puhtoro Cohamacu to suho jiropure manopure waha masierara. ¹¹ Panopure

musa cūhu tó sehe yoaina tjimahre. Æ yoamarina musa jipachuta mipure musa ñano yoari buhirire cosa tuhsuri jire Jesucristo sehe. Æ to cosarina musa jichu to yaina cjihtire yoare Cohamacu musare. Æ yoaro “Noaina jira”, ni ñana musare tiro. Æta yoare musare mari puhtoro Jesucristo, Espíritu Santo cūhu ti tuaa mehne.

Mari pjacuri Cristo ya pjacuri jia nina

¹² “Yū cahmano sehe yoa masija yūhu”, niyuhca caina musa. Tí potocã to jipachuta tíre yoacu noano jieraboca yūhu. Yū cahmano sehe yoa masija. Æ yoa masipaihta cãa tahari ã yoariro jicu tíre duhu masieraboca yūhu. Æ jicu tíre pari turi yoasi yūhu, “Tíre duhu masieraboca”, nicu. ¹³ Õ sehe nina musa: “Jipihtia chua mari pjaro macaa cjihti jira. Tuhsu mari pjaro chua posa tihti pjaro jira”, nina musa. Tí potocã tjira. Æ jiparota baharo Cohamacu sehe mari chure mari pjaro cūhure ti pihtia wahachu yoarohca. Æ jia mari chua wiho warota jia nina. Chua mari pjaro macaa cjihti jira. Æ jiparota mari pjacuri numino mehne ñano yoahiti pjacuri jierara. Mari pjacuri sehe mari puhtoro Cristo ya pjacuri cjihti jia nina. Æ jiro mari puhtoro sehe mari pjacurire noano yoahitiro cjihto jira. ¹⁴ Cohamacu to tuaa mehne mari puhtoro Cristore masori jire. Æ to yoariro seheta mari cūhure masonohca tiro.

¹⁵ ¿Æ jina musa pjacuri Cristo ya pjacuri ti jichu masierajari musa? ¿Ti ã jichu Cristo ya jacu mehne ñano yoaricoro mehne mari ñano yoachu noajari, musa tuhutuchu? Noerara. ¹⁶ Ñano yoaricorore ñahariro to jacu sehe ticoro ya jacu mehne jiro, cū jacu yoaro seheta jira. ¿Tíre masierajari musa? Æta ni joaa tiri jire

Cohamacu yare ti joari tjui: “Tina puaro jipahta cã pjacu yoaro sehe wahara”, ni joaa tiri jire. ¹⁷ Mari puhtoro to yaina mehne jira. ã jiro Jesu yairo Jesu mehne puaro jipahta cãno potori tuhutuina cãirota ti jiboro seheta jira.

¹⁸ ã jina numia mehne ñano yoaaere, m̄sa mehne ñano yoaaere goa pjaena tjiga. Tíre m̄sa yabiro seheta tíre yoaena tjiga. Paye ñaaere mari yoana mari pjacure dojomehneraja. Numino mehne ñano yoariro sehe to pjacure ñano dojomehna. ¹⁹ Espíritu Santore marine ware Cohamacu. ã jiro mari mehne jiro nina Espíritu Santo sehe. ¿Tíre masierajari m̄sa? ã jia m̄sa pjacuri m̄sa catia cãhu m̄sa ya cjihti waro jierara. Cohamacu yaina cjihti waro jira m̄sa. ²⁰ M̄sa ñaa buhirire buhiri dahre tuhsure Cristore. ã jina to yaina cjihti waro jira m̄sa. To yaina jina m̄sa pjacuri mehne Cohamacu to cahmano sehe yoaga. ã yoana Cohamacure ño payona nina m̄sa.

7

Namo tiare yahuha Paulo

¹ Mipure yuhure m̄sa sinitu m̄sa joarocari cjirire yuhu cãhu yuhti cahmai tai nija: Masano namo tierachu cãhure, noanocahna, yu tuhutuchu. ² Tí ã jipachuta m̄sa sehe namo tijaro paina numia mehne ti ñano yoerahto sehe. ã jia numia

cãhu manũ tijaro paina m̄sa mehne ti ñano yoerahto sehe. ³⁻⁴ Manũ tiricoro to pjacu to ya pjacu dihta jierara. To manũno ya pjacu cãhu jira. To manũno cãhu to pjacu to ya pjacu dihta jierara. To namono ya pjacu cãhu jira. ã jina m̄sa m̄sa sehe m̄sa namosãnumiare noano cãaga. ã yoa m̄sa numia cãhu m̄sa manũsumare “Yu pjacure pihaecu tjiga”, niena tjiga. ⁵ Wiho mejeta Cohamacure puaro m̄sa sini duana “Mahaa dachoricã mari basi jiena tjijihna. Cohamacure sinijihna”, cãno potori ã nina, m̄sa basi wahã duhu masina m̄sa. M̄sa ã duhuri baharo m̄sa jiroro seheta jirucuga tjoa, Satana ñano m̄sare to yoa dutierahto sehe. “Paina mehne ñano yoaboca” nina, m̄sa basi piti ti duhuena tjiga. M̄sa jiroro seheta jirucuga tjoa.

⁶ Ahrire m̄sare mipu yu niri cjirire yahucu m̄sare dutia waro mehne nieraja. ã yahuta nija m̄sa yoah-tore m̄sa masihto sehe. ⁷ Jipihtina m̄sa yu yoaro seheta namo tieraina m̄sa jichu noaboa yuhure. ã ji dapanahata mari jipihtina cãno potori jieraja. Cãinare marine namo ti dutira Cohamacu. Cãinare namo ti dutierara.

⁸ ã yoa namo marieinare, manũ marieinare, wape-wahya cãhure õ sehe nija: Namu marieina, manũ marieina ji masina, ãta jinocahga m̄sa yu yoaro seheta. ⁹ ã ji masierana tuaro

ñaaare goa pjana, potota namo tija. ã yoa numia cñh man tija. Ñaaare msa goa pjach noaeraputiara msare. Msa ã goa pjana msa namo tich pinihta noa nina. ã yoa msa man tich cñhure noana.

¹⁰ Msa namo tiinare, man tia numiare õ sehe dutija. Y ã nipachta ya dutia waro jierara ahri. Mari pñtoro Cristo ahrire dutira: Msa numia sehe msa manusmare cohãena tjiga. ¹¹ Msa manusmare cohãna, man mariea numia sehe tjuaga. ã tju aerana pari turi tjoa msa manusma mehne noano jiga tjoa. ã yoa msa cñh msa msa namosãnumiare cohãena tjiga.

¹² ã yoa msa cñhure painare õ sehe nija yñh. Mari pñtoro to dutia jierara ahri. Yñh sehe õ sehe nija msare: Cãina msa mehne macaina Jesu yaina sehe Jesure cahmaeraa numiare namo tiina jira. ã jina msa namosãnumia msa mehne ti tjua duach tí numiare cohãena tjiga msa. ¹³ ã yoa cãina msa mehne macaa numia Jesu yaina numia Jesure cahmaerainare man tia numia jira. ã jina msa manusma msa mehne ti tjua duach tinare cohãena tjiga. ¹⁴ Msa manusma

Jesure cahmaeraina jipahta Jesu yaina numiare ti namo tich, Cohamac noaina yoaro sehe ñna tinare. ã yoa msa msa sehe Jesu yaina msa jich msa namosãnumia Jesure cah-

maera numia jiboca. Ti ã jipachta msa mehne tí numia man tich Cohamac noaa numia yoaro sehe ñna tí numia cñhure. To ã ñerach msa pohna Jesure cahmaeraina pohna yoaro sehe ñboa Cohamac. Wiho mejeta ti pohna cñhure noaina yoaro sehe ñna Cohamac. ¹⁵ ã yoa msa msa sehere msa namosãnumia Jesure cahmaeraa numia msare cohã duaa, ãta yojaro. Msa manusma cñh ã cohã duaa, ãta yojaro. Noano mari jich cahmana Cohamac. ã jiro tí numia msare ti cohã duach "Tí numia mehne jisiniga", ni dutierara Cohamac. ¹⁶ Ti namosãnumia Jesu yaina numia sehe noano ti yoach ñna baharop ti manusma sehe Jesure cahmaboca. ã ti cahmach Cohamac tinare pichacap wahaborinare yñdñch yoarohca. ã yoa ti manusma Jesu yaina sehe noano ti yoach ñna baharop ti namosãnumia Jesure cahmaboca. Ti ã cahmach Cohamac tí numiare pichacap wahabori numiare yñdñch yoarohca. ã Jesure cahmaborina ti jipachta potota Jesure ti cahmahtore masiyuhto basioerara msare.

¹⁷ ã jina jipihtina msa mari pñtoro Cristo msare to ji dutiriro seheta yoaga. ã yoana Cohamac msare to cñri cjirire yoaga msa. Tíre jipihtina Jesu yainare ã yoa dutirucuja yñh.

18 Jesu yaina m̄sa jihto pano circuncisiõre yoarina cjiri jina, āta jirucuga. Tuhs̄u, Jesu yaina m̄sa jihto pano circuncisiõre yoaeraina cjiri jina mip̄ c̄h̄ure āta jirucuga. 19 Mip̄ure circuncisiõre yoarina m̄sa jich̄u yaba cjihti jierara. T̄ire yoaeraina m̄sa jich̄u c̄h̄ure yaba cjihti jierara. Wiho mejeta Cohamac̄u dutiare mari yoach̄u tí pini wiho waro jierara. 20 Ā yoana Cohamac̄u Jesu yaina m̄sare to c̄uri pja m̄sa jiriho sehetu tjuaga. 21 Jesu yairo m̄u ji d̄ucahto pano mas̄nore dahra cohtariro m̄u jich̄u noanohca. Āta tjuasiniga. M̄u p̄htoro m̄h̄ure to wio duch̄u sehere wijaga m̄h̄u. M̄u wijach̄u noanohca m̄h̄ure. 22 Mari p̄htoro Jesu yairo c̄uro jiro mas̄nore dahra cohtariro jiparota Jesu to yuhd̄uch̄u yoiriro jira. Āta paio mari p̄htoro Jesu yairo jiro, mas̄nore dahra cohtariro jieraparota Jesure dahra cohtariro jira tiro c̄h̄u. 23 Mari ñaa buhirire buhiri ti tuhs̄ari jire Cristo. Ā jina tiro dihtare “Ȳu p̄htoro waro jira”, ni t̄hotuga m̄sa. Paina m̄sare t̄ire tí ã ni t̄hotu dutierach̄u tinare t̄hoena tjiga. 24 Ā jina ȳu coyera, Jesu yaina cjihti Cohamac̄u m̄sare to c̄uri pja m̄sa jiriho sehetu tjuaga. Ā tjuana Cohamac̄u mehne macaina jiga.

25 Mip̄ure namo marieinare, man̄u maria numia c̄h̄ure yahu duaja m̄sare. Mari

p̄htoro ahrire “Õ sehe niga”, nierare ȳh̄ure. Ȳh̄ure to pja ñ̄uch̄u ȳh̄ure to yoad-ohoch̄u to cahmano sehetu yoarucuriro jija ȳh̄u. Ā jiriho jic̄u ahrire noano yahuihtja m̄sare. 26 Mip̄ure m̄sa ñ̄ano yuhd̄una nica. Ā jiomahch̄u m̄sa namo marieina c̄h̄u man̄u maria numia c̄h̄u m̄sa tjuach̄u noanohca, ȳu t̄hotuch̄u. 27 Namu tiina, man̄u tia numia m̄sa jina āta tjuaga. Ā yoa namo marieina, man̄u maria numia m̄sa jina āta tjuaga. 28 Namu tina ñ̄ano yoaerara m̄sa. Ā yoa m̄sa nuhmia man̄u tina ñ̄ano yoaerara m̄sa c̄h̄u. Wiho mejeta namo tiina, man̄u tia numia m̄sare wap̄oro tjuarohca ahri yahpahi masa tí ñ̄ano yuhd̄uro sehetu m̄sa ñ̄ano yuhd̄uch̄u. Ā jic̄u m̄sare “Ā wap̄u tiri” nic̄u, “Namo marieina, man̄u maria numia tjuaga”, nihi ȳh̄u.

29 Ȳu coyera, ahrire m̄sare yahui nija. Cristo ahri yahpap̄u to tjua tahto mahanocã d̄hsara. Ā jia mip̄ure namo marieina Cohamac̄u to cahmano sehe tí noano yoa masino sehetu noano yoaro çahmana namo tiina c̄h̄ure. Ā yoa man̄u tia numia c̄h̄ure āta Cohamac̄u to cahmano sehe noano yoaro çahmana. 30-31 Ahri yahpa to mip̄u jiro sehetu baharoc̄ata pihtia waharohca. Ā pihtihti yahpa to jich̄u mip̄ure mari ñ̄ahacaha tia, mari wahchea, mari cj̄aa pihtia wahaahca. Ā jia tí wiho waro jira. Cohamac̄u yare yoaa sehe wiho waro

jierara. Ñ jia ahri yahpa macaare cĵaina, cĵaeraina yoaro sehe jijaro. Ahri yahpa macaare pĵiro tĵhotuea tĵijaro. Ahri yahpa to mipĵ jiro seheta baharocĵata pĵitia waharohca.

³² Mĵsa ñano yĵhdĵerachĵ cahmaja yĵhĵ. Pĵiro mĵsa tĵhotuerachĵ cĵĵure cahmaja. Namu marieriro Jesu yairo jiro Jesu yare wacĵrucura. Ñ wacĵrucuro Jesu cahmaare tuaro yoa duara. ³³ Namu tĵiro sehe to namono cahmaa sehene tuaro yoa duara. Ñ jiro ahri yahpa macaare pĵiro tĵhotura. ³⁴ Ñ jiro tiro pĵaro macaare yoa duara. Jesu cahmaa cĵĵure, to namono cahmaa cĵĵure tiro yoa duara. Ñ yoa bĵcoro manĵ marienicoro jiro, ticoro mari pĵhtoro Jesu cahmaare tuaro yoa duara. Nuhmino cĵĵĵ ĵata yoa duara. Ñ yoa duaro to pĵacĵ mehne, to wacĵa mehne cĵĵure ticoro tuaro Cohamacĵ yacoro ĵi duara. Manĵ tiricoro sehe ahri yahpa macaare sehe to manĵno cahmaa sehene tuaro yoa duara. Ñ jiro ahri yahpa macaare pĵiro tĵhotura.

³⁵ Ahrire mĵsare nii nija mĵsare yoadohocĵ tacĵ. Warĵoa dutiare mĵsare cĵ duaeraja. Ñ cĵ duaerapaihta noano mĵsa yoachĵ cahmaja. Jesu mari pĵhtoro yare mĵsa tuaro yoa duachĵ cahmaja yĵhĵ.

³⁶ Mĵsa mehne macariro to sĵhduricoro to bĵcoro curero to wahachĵ ñĵno

namo tĵjaro tiro ticorore. “Ñta yoaro cahmana ticorore”, ni tĵhoturo to niriro seheta yoajaro tiro ticorore. Ticorore namo ti masina. Ñ yoaro tiro ñano yoerara. ³⁷ Pairo sehe to sĵhduricorore namo ti duaeraro, to cahmano seheta yoajaro tiro ticorore. “Ticorore namo tieraja yĵhĵ”, ni tĵhoturo to cahmano seheta yoa duaro, tó seheta yoajaro. Ñ yoariro noano yoara. ³⁸ Ñ yoa to sĵhduricorore namo tĵiro cĵĵĵ noano yoara. Tuhsĵ, to sĵhduricorore mipĵre namo tierariro sehe pairo yĵhdoro noano yoaro nina.

³⁹ Manĵ tiricorore to manĵnore cohĵ dutierara Cohamacĵ. To ñ cohĵ dutierapachĵata to manĵno to yariari baharo ticoro pairo mehne to cahmariro mehne manĵ ti masina. Ticoro to manĵ tĵirore Jesu yairo jiro cahmana tĵirore. ⁴⁰ Ticoro manĵ marienicoro tĵuaro, manĵ tiricoro yĵhdoro noano wahchericoro jirohca ticoro. Ñta ni tĵhotuja yĵhĵ sehe. Cohamacĵ to Espĵritu Santore cĵariro jija. (Yĵ ñ jĵiro jichĵ masina ahri yĵ yahurire masiga mĵsa.)

8

“Cohamacĵ jira”, ti nia masĵrine ño payo ti duhu payoa chĵare yahuha Paulo

¹ Mipĵre “Cohamacĵ jira”, ti nia masĵrine ño payo ti duhu payoa chĵare yahu duaja. Jĵihtina mĵsa tí barore “Masĵa”, ni tĵhotura

musa. Æ ni tãhotuna “Painare masi yãhdurũcaja”, ni tãhotumana cãina. Æ ni tãhotua painare yoadohoerara tina. Painare cahãa tinare yoadohora. Æ yoa masia yãhgoro painare cahãa sehe wiho waro jierara. ² “Masi pahñonocaja”, ti mũ sũro niina jia, Cohamacũ noaare to masi dutiare masierasina tina. ³ Wiho mejeta Cohamacũre ti cahĩchũ tinare masina tiro. (Æ jia to yaina jira tina.)

⁴ Æ yoa “Cohamacũ jira”, ti nia masũrine ño payo ti duhu payoa chũare ahrireta yahuihtja: Tí masũri ne yaba cjihti jierara. Potocãta tí masũri yajeripohna mariahna. Cohamacũ sehe cãirota jira. Paina cohamana mariahna. Ahrirete mari masija. ⁵⁻⁶ “Payũ cohamana jira. Tina mari pãhtoa jira”, ni tãhotumana masa. Æ yoa mũanopũ, ahri yahpapũ cãhũre “Cohamana”, ti niina jipachũta mari sehere cãirota jira Cohamacũ. Tiro mari Pũcũ jipihtiare bajuamehneriro jira. Æ yoaro to yaina cjihti yoari jire tiro marine. Æ jiro mari pãhtoro Jesucristo cãirota jira. Tiro jipihtiare mari Pũcũre yoabasariro jira. To yaina cjihtire yoari jire tiro marine. Æ jina tiro mehne ã jirucunahca mari.

⁷ Yũ niriro sehe ã jipachũta paina Jesu yaina tíre masierara. Panopũ tina “Cohamacũ jira”, ti nia masũrine “Catiina jira”, ni tãhoturucumaha. Tí pjarũre ã yoarina jia mipũ cãhũre tí masũrine ño

payo ti duhu payoa chũare “Cohamana ya chũa jira”, ni tãhotumana. Æ yoaa tí chũare chũa, “Mari ñano yoana nija cohamana ya chũare chũna”, ni tãhotumana. Tíre ti yoarire noano masieraa, ã ni tãhotumana. Æ jia tina ñano yoaa nina, ti tãhotuchũ. ⁸ Tí chũare mari chũchũ mari chũerachũ cãhũre Cohamacũ marine “Noaina jira”, ni ñuerara. Æ yoa tí chũare mari chũchũ wiho warota jinocahno nina tí chũa. Mari tíre chũna ñano yoajeraja. Tí chũare mari chũerachũ cãhũre wiho warota jinocahno nina. Ti duhu payoa chũare mari chũerana paina yãhgoro noaina jieraja mari cãhũ. ⁹⁻¹⁰ Wiho mejeta noano yoaga musa. Tí chũare chũrina cjiri musa jichũ paina mũsare, “Masija” niinare, ñũ cũ chũboca. Æ ñũ cũ chũa ti yoarire noano masieraa, “Ñano yoana nija mari”, ni tãhotuahca tina cãhũ. Ti ã ni tãhotuchũ tina sehere ñano yoachũ yoana nica musa. Æ jina noano yoaga musa. ¹¹ “Mari tí chũare mari chũchũ noanohca marine”, musa ni tãhotuina jina paina noano masieraina cjirire ñano yoachũ yoaboca musa, mũsare ti ñũ cũchũ. Tina ya cjihti cãhũre yariari jire Cristo. Æ yoana Cristo yainare musa coyeare ñano yoachũ yoana niboca musa. ¹² Noano masierainare Cristo yainare musa ñano yoachũ yoana, Cristo cãhũre ñano yoana nica musa. ¹³ Æ

jicu tí masurine ño payo ti duhu payoa chũare yũhũ chũcũ Cristo yainare ñano yoachũ yoai niboca yũhũ. Cristo yaina ti ñano yoachũ cahmaeraja. Æ jicu “Yũhũ tinare ñano yoachũ yoari” nicũ, tí chũare ne pari turi chũsi yũhũ.

9

Paulo Jesu to cũriro to jia tiare yahuha

¹ Jesu to yare buhe dutiro to cũriro jija. Æ jicu paina to cũrina ti yoaro seheta yoa masija yũhũ cũhũ. Mari pũhoro Jesure ñũriro tjija yũhũ cũhũ. Æ jina Jesu yare yũ buhechũ mũsa sehe tíre noano tũhorina jina to yaina wahare mũsa. Æ to yaina waharina jina Jesu to cũriro yũ jichũ masi tuhsũra mũsa. ² Paina yũhũre yahuwajaa “Tiro Jesu to cũriro jierara”, niboca. Ti ã nipachũta mũsare yũ buheri baharo Jesu yaina wahana, “Jesu to cũriro jira” ni, yũhũre masi tuhsũra mũsa. Æ jina paina ti yahuwajapachũta mũsa sehe to cũriro yũ jia tiare masina.

³ Yũhũre yahuwajainare õ seheta ni yũhtihtja: ⁴ Mũsare yũ buheri baharo yũ chũhtire yũ sihnihti cũhũre yũhũre waboa mũsa yũ buheri wapa.

⁵ Æ jicu namo tiriro jicu yũ namo Jesu yacoro to jichũ ticoro mehne tini masiboa yũhũ. Paina Jesu to cũrina, Jesu bahana, Pedro cũhũ ti namosãnumia mehne ti tiniriro seheta yũhũ cũhũ tini

masiboa. ⁶ Yũhũ Bernabé mehne mũsare noaa buheare sã buhepachũta sãre ne paye barocã waerare mũsa. Æ jina sã basita sã chũhti cjihtire dahra wapatai sã. ¿Sã dihtare wapataro marieno buhero cahmajari, mũsa tũhotuchũ? ⁷ Ahrina yũ yahuhina sehe ti dahrari wapa wapataro. Cũiro surara to dahrachũ to pũhtoa tirore wapara. To basi wapaerara. Chũare toariro cũhũ to toari dicha tichũ tíreta chũ masina. Æ yoa ovejare ñũ wihboriro to nuina pẽchore sihni masina tiro. ⁸ “Ti dahrari wapare waparo cahamana”, nicũ masa ti dutia dihtare mũsare yahueraja. Cohamacũ to dutiapũ to niri cjiri cũhũre mũsare yahui nija. ⁹ Moise cjirore to cũri dutiare to yare ti joari pũi õ sehe ni yahura: “Wachũ trigo yaparire to dahpori mehne suhtiweroire to chũ duachũ to dũserore dũcataena tjiga”, nia tiri jire Cohamacũ dutia. ¹⁰ Æ dutiro wachũare nino nierari jire. Æ dutiro marine nino niri jire marine buhero taro. Wesere sahariro cũhũ tí dichare narina cũhũ ti dahrari baharo dicha tiri pja jichũ ti wapatahtore cohtara tina. (Æ jina dahrainare ti dahrari wapare waro cahmana marine.)

¹¹ Mũsare Cohamacũ yare noaa buheare buhei sã. ¿Sã ã buhechũ mũsa sehe sãre chũare waeraro cahmajari, mũsa tũhotuchũ? Waro cahmana. Mũsa wachũ noaboa sãre. ¹² Æ waerarina

jipanahta paina chũare mũsare ti sinichũ mũsa tina sehere wara. Tina mũsare ti chũare sinichũ sã sehe tina yũdoro mũsare chũare siniborina jimaja.

Ã wa dutiborina jipanahta sã sehe “Sãre waga”, ne nierahi. “Cristo ya buheare mũsapũ cahmaeraboca” nina, sãre chũa maria-pachũta mũsare ne sinierahi.

¹³ Cohamacũ wũhũi dahrainã tí wũhũihta ti chũare nana. Ã yoa Cohamacũre ti ño payori mesai cohtaina wahiquirore ti jãrirore mahanocã na chũra tina cũhũ. ¿Tĩre masierari mũsa?

¹⁴ Tó seheta ti yoariro seheta noaa buheare buheinare ti buheri wapare ti chũhtire tinare waro cahmana mũsare. Ãta yoa dutire mari pũhtoro Jesu.

¹⁵ Ã jicũ mũsare siniboriro jipaihta yũhũ ne paye barore sinierahi mũsare. Ã jicũ ahrire mipũre joacũ paye barore wapa cahmai tai joai nieraja. Mũsare ne wapa cahma duaeraja. Yariahtiro jipaihta ne wapa cahmasi yũhũ mũsare. Wapa marieno buhecũ ji coa yũhdũaja. Ã jicũ mũsare yũ buheri wapa ne wapata chũsi.

¹⁶ Noaa buheare buhe dutiro yũhũre cũre Cohamacũ. Tĩre buheri masũno jinocaihta nija yũhũ. Noaa buheare buheracũ pjacũoriro jiboa yũhũ. Ã jicũ tí buheare buhecũ “Painare masi yũhdũũcaja”, niboriro jieraja yũhũ. ¹⁷ Noaa buheare yũ mũ sũro buhecũ yũ buheri wapa waraa naboã yũhũ.

Cohamacũ yũhũre to yare buhe dutiro cũre yũhũre. Ã jicũ yũ mũ sũro buheraja. ¹⁸ ¿To yare ã buhecũ yaba barore wapatajari yũhũ? Õ sehe jira yũ wapataa: Noaa buheare buhecũ mũsare ne paye barore sinieracũ wapa marieno tí buheare buheja mũsare. Yũ ã nirire masicũ wahcheja. Yũ wahcheata jira yũ wapataa.

¹⁹ Ne masare dahra cohtariro jierapaihta jipihinare dahra cohtariro yoaro sehe jija yũhũ payũ paina masa Jesu yaina ti wahahto sehe. ²⁰ Ã jicũ yũ coyẽa judio masa mehne jicũ, ti yoaro seheta yoaja yũhũ Jesu yaina ti wahahto sehe. Cohamacũ to dutia cjirire Moise cjirire to cũri cjirire ño payoriro jierapaihta, tí dutia dihtare ño payoina mehne jicũ tí dutiare ño payoriro baro yoaro seheta jija yũhũ. Ãta yoaja yũhũ tina Jesu yaina ti wahahto sehe.

²¹ Ã jicũ Cristo yairo jicũ Cohamacũ dutiare Moise cjirire to cũri cjirire yũhdũũca duaeraja. Tí dutiare yũhdũũca duaerapaihta tí dutia marieina mehne jicũ tí dutia marieriro yoaro seheta jija. Ãta yoaja yũhũ tina cũhũ Jesu yaina ti wahahto sehe. ²² Jesure noano masieraina mehne jicũ ti yoaro seheta jija. “Masi pahñoriro jija”, nieraja yũhũ. Ãta yoaja yũhũ tina cũhũ Jesu yaina ti wahahto sehe. Ã jicũ jipihtina masa ti jiriro seheta jija yũhũ cãina tina Jesu yaina to yũhdũchũ

yoaina ti wahahto sehe. ²³ Ahrire yoaja noaa buheare jipihtina ti tũhohto cjihtore. Yũ ã yoachũ ñũno Jesu to buheriro seheta tiro yũhũ cũhũre noano yoara. (Ã jicũ masa ti jia tiro seheta jija.)

²⁴ Õ seheta jira mari piti dahre buhechũ. Mũrocapeina mũrocaa tina jipihtina mũrocara. Ti ã mũroca pihtipachũta mũroca yũhdũrcariro sũ mũhtana. ã sũ mũhtariro wapatarã. ã jina ti mũrocariro seheta mũsa cũhũ Cohamacũ cahmaare yoaga mũsa wapatahto sehe. ²⁵ Jipihtina mũrocaina ti pjacũre dojomehneare duhunoca noano mũrocapora ti mũroca tuahto sehe. Tuhsũ, ti noano mũrocahto cjihtore quihõno chũa, quihõno carĩa, noano yoara tina. ãta yoara tina mũroca sũ, ti wapatahto sehe. ã jia ti ã yoa wapataa pũri mehne ti yoari soro jira. Tí soro ñaco baaerara. Mari sehe Cohamacũ yare noano buheja to yare mari wapatahto sehe. Tí wapataa pinihta ne baaerara. ²⁶ ã jicũ yũhũ pa sehe mũrocariro yoaro sehe yoeraja. Potori da mũrocariro yoaro sehe yoaja yũhũ. Tuhsũ, cahmacheperiro pa sehe dota moñoroca mũjariro yoaro sehe yoeraja. ã yoa duaeracũ Cristo yare quihõno yoa duaja. ²⁷ ã jicũ mũrocapeina, cahmachepeina cũhũ ti pjacũrire ti buheriro seheta ti noano

quihõno ti yoariro seheta yũhũ cũhũ yũ pjacũ mehne noaa dihtare yoapoja. ã yoeracũ painare buheriro jipaihta yaba cjihti jieraboa yũhũ sehe.

10

“Cohamacũ jira”, ti nia masũrine ño payo dutieraha Paulo

¹ ã yoa yũ coyea, ahrire masiga mũsa. Sã Israe masa ñũchũsũma cjiri panopũ macaina jipihtina Cohamacũ to me curuare ñũ nũnũ ti wahcãa, wahaã tiri jire. ã wahaã sohãri mare co watoĩ jiri mahai wũa cahari mahai pahã tinia wahari jire. ² ã wahaã tina jipihtina me curua mehne sohãri ma macaa co mehne bautisarina yoaro sehe wahari jire. Bautisarina wahana Cristo yaina mari jiare ñona nija. Tó seheta tina sohãri mare bautisarina yoaro sehe wahaã, Moise cjiro yaina ti jiare ñoa nia tiri jire. ³ ã yoa tina jipihtina mũano macaa chũare chũa tiri jire Cohamacũ to waare. ⁴ ã chũa tina jipihtina Cohamacũ to waa co cũhũre sihnia tiri jire. Tí pjapũre tí core Cohamacũ to cũri tãcai wijaa core sihnia tiri jire tina. Tia tãca yoaro sehe jiro, tinare co wariro Cristo jiri jire. ⁵ Tina ã waharina ti jipachũta paina tina mehne macaina ñano ti yoachũ ñũno Cohamacũ sehe payũ tina mehne macainare ñũ ji coerari jire. ã jiro tinare masa marienopũ yariachũ

yoari jire Cohamacu. Ā yoaro masa marienopu ti pjacurire cohã sitea wahari jire.

6 Āta yoari jire Cohamacu tinare marine buhero taro. Ā jiro tinare ñu cũ ñaare mari goa pjaerahto cjihtore Cohamacu Ā yoari jire tinare.

7 Ā jina “Cohamacu jira”, ti nia masurine ti ño payoriro seheta yoena tjiga musa sehe. Ti masurine ti ño payorire Cohamacu yare ti joari pui yahuro õ sehe nina: “Tina chu duji sihni tuhsu, wahcãrucu su, bose numu yoa ducari jire wachu masure ño payoa taa”, ni joaa tiri jire panopure.

8 Baharo paina sehe Israe masa numia mehne ñano yoari jire. Ti yoariro seheta yoeraro cahmana marine.

Tina ti ñano yoari baharo cũ dachoihta tina veintitrés mil masa yariaa wahari jire.

9 Ti Ā wahari baharo pari turi paina Israe masa sehe Cohamacure tina mehne suachu yoari jire. “Marine buhiri dahresi”, nia ñaa warore yoari jire. Ā yoaa tirore suachu yoari jire. Ti Ā yoari buhiri Cohamacu agãa mehne bahca wajãri jire tinare tjoa. Ā jina tina yoaro sehe Cristore yoena tjiga musa “Marine buhiri dahresi”, nina. 10 Pa tehe tjoa paina ñaa quitì dahre ti tuhtichu anjo masare wajãriro tinare wajãri jire. Ā jina tina yoaro sehe yoena tjiga.

11 Ā wajã dutiri jire tinare Cohamacu marine buhero

taro. Mari sehe pihitiri dacho panocã jiina jija. Mari Ā jiina jichu panopu macaina ti Ā waharire Cohamacu joa dutiri jire marine noano buhero taro. 12 Ā jina “Noaina jija sã, Cohamacu to ñuchu”, ni tuhotuina jina, noano yoaga musa “Ñaare yoari”, nina. 13 Mari jipihitina cãiro duhsaro marieno cãa tahari ñaare wacũja. Ā wacũna tí ñaare yoa duaja. Mari Ā yoa duapachuta Cohamacu marine yoadohorucuriro jira. Ā jiro tí ñaa wacũare musa bo masierachu tiro sehe musare yoadohorohca. Ā jiro tí ñaare musa yoa duachu ñuno Cohamacu tí ñaare musare yoa duaerachu yoarohca. To Ā yoachu tí ñaare yoa duasi musa.

14 Ā jina yu cahĩina yuhure tuhoga. “Cohamacu jira”, ti nia masurine ne ño payoena tjiga. 15 Musa noano masina jichu musare yahuja. Ā jina yu nihti cjihtire quihõno ti jichu masiga musa basi. 16 Cristore ti ñahari ñamine vinore to sihnihto pano Cohamacure “Noana”, niri jire. To niriro seheta mari cõhu tí core sihñina Cohamacure “Noana” nina, mari ya buhiri Cristo to yariarire masichu yoana nija. To di wijaarire masichu yoana nija. Tuhsu, to yaina mari jia tia cõhure masichu yoana nija mari. Ā yoa pãore mari Cristo yaina nuha, chana, mari ya cjihtire to pjacu crusapu to yariarire masichu yoana nija. Tuhsu, to yaina mari jia tia cõhure

masichu yoana nija. ¹⁷ Æ jina payu masa jipanahta cū curi pão curire chuna jipih-tina mari Cristo yaina cū curuata jija.

¹⁸ Israe masa ti yoarire wacūga m̄sa: Tina wahiquirore wajãa, jū m̄uo waa, Cohamacure ño payora. Æ ti wari baharo cū curuaihta ti wariro cjirore ch̄ra. Æ ch̄a Cohamacure ti ño payoare masichu yoara tina. ¹⁹ Cohamacure ti waa ch̄are yahuch̄ “‘Cohamana jira’, ti nia masurine ti waa ch̄a sehe tí waro jira”, ni niera ja. Tí ch̄a pinihta wiho waro jia nina. Tí masuri c̄hu wiho waro jia nina. ²⁰ Tí ch̄a ti yaba cjihti jierapach̄ta tí ch̄are ch̄eraro cahmana. Õ sehe jira tí. Cohamacure cahmaeraina wahiquirore wajã, jū m̄uo, Cohamacure ño payoa nierara. Æ yoaa wat̄a sehere ño payora tina. Ti ã ño payoina jich̄u tina mehne ch̄na wat̄no yaina yoaro sehe yoana nica m̄sa c̄hu. M̄sa ã yoach̄u pinihtare ne cahmaeraja. ²¹ Santa Cenare mari yoari dachoi mari p̄h̄toro Jesure wacūna tana sihnija. Mari ã sihniina jina, wat̄a sehere ño payo masieraja mari. Æ yoa Jesure wacūna tana p̄ore ch̄ja. Mari ã ch̄ina jina, wat̄a sehere ño payo masieraja mari. ²² ¿Jesure m̄sa mehne suach̄u yoa duajari m̄sa, p̄arore m̄sa ño payona? ¿Tiro ȳhdoro tuaina jijari m̄sa? Jierara. (Æ jina noano yoaga m̄sa.)

Cohamacu to cahmaa dihtare yoaga

²³ Õ sehe nina c̄ina: “Sã cahmano seheta yoa masija sã”, nina. M̄sa yoari cji ri ñaa ti jierapach̄ta tíre yoana painare yoadohoeraboca m̄sa. Tuhs̄, tíre yoana Jesure wacū tua namoch̄u yoeraboca m̄sa painare. ²⁴ M̄sa cahmaa dihtare yoena tjiga. Paina sehere noano yoadohoga m̄sa.

²⁵⁻²⁶ Ch̄a duarop̄re ch̄are nuch̄na “¿Ahri ch̄a masurine ti duhu payoa ch̄a jijari?” ni sinitu ñena tjiga. “Ñaa yoari” nina, sinitu ñiboca m̄sa. Æ ni sinitu ñena tjiga. Ahri yahpa, ahri yahpai jia c̄hu Cohamacu ya jira. Æ jina tí ch̄are “¿Ñaa ch̄a jijari?” niena tjiga.

²⁷ Jesure cahmaerariro m̄sare ch̄ dutiro to pjiro-cach̄u waha duana wahaga. Æ wahana m̄sare to duhu payoare ch̄ga. “¿Ahri ch̄a masurine ti duhu payoa ch̄a jijari?” ni sinitu ñena tjiga. ²⁸ Æ jina pairo Jesu yairo “Ahri ch̄a masurine ti duhu payoa ch̄a jira”, m̄sare to ni yahuch̄u tí ch̄a pinihtare ch̄ena tjiga. M̄sare ã ni yahuriro “Ñaa ch̄are ch̄ra ahri na”, m̄sare to ni t̄hotuerahto sehe ch̄ena tjiga m̄sa. M̄sa c̄hu ã ni t̄hoturi nina tí ch̄are ch̄ena tjiga. ²⁹ Æ ch̄ dutierach̄ m̄sa ya cjihtire ã nierahi. M̄sare ahri re yahuriro ya cjihti sehere tí ch̄are ch̄ dutieraja. Tiro p̄ m̄sare “Ñaa ch̄are ch̄ra

ahrina”, niboca. “Ã niri” nina, tí chũare chũena tjiga.

“Chũena tjiga”, yũ nichũ ò sehe ni sinitu yũhtiboca mũsa yũhũre: “¿Dohse jiro baro paioire ‘Soro tũhoturi’ nina, chũerabocari sã? ³⁰ ¿Cohamacũre ‘Noana’, sã niri baharo sã chũchũ dohsearo tíre sã chũri buhiri paio sãre yahuwajabocari?” ni sinitu yũhtiboca mũsa yũhũre. ³¹ Ahri jipihitiare yahucũ ò sehe nii nija mũsare: Dachoripe Cohamacũ to dutiriro seheta wahchea mehne chũ, sihnija, Cohamacũre masa ti ño payohto sehe. Ã jina jipihtiare noano yoarucuga Cohamacũre masa ti ño payohto sehe. ³² Ne judio masare, judio masa jierainare, Cohamacũ yaina cũhũre ñano yoachũ yoaena tjiga mũsa tinare. ³³ Ò seheta yoaja yũhũ sehe. Masa jipihtinare yoadoho duaja. Ã yoacũ ya cjihti waro sehere pjiro tũhotueraja. Yũ ñano yũhdũchũ noanohca. Payũ masa sehere yoadohoja tinare pichacaru wahaborinare Cohamacũ to yũhdũchũ yoahito sehe.

11

¹ Ã jina Cristore yũ ñũ cũrire yũ yoachũ mũsa cũhũ yũhũre ñũ cũga.

Corinto macaina ti cahmachunoi numia ti yoahitore yahuha

² Mũsare yũ buhe turiari cjiire yũ yoari cũhũre wacũ pahũoyuhca mũsa. Ã wacũna

mũsare yũ yoa dutiriro seheta yoayuhca mũsa. Ã yoana noano yoara mũsa. ³ Ã yoaina mũsa jipachũta ahri cũhũre mũsa masichũ cahmaja: Jipihtina mũa ti pũhtoro, Cristo jira. Tuhsũ, to namono pũhtoro to manano jira. Ã jichũ, Cristo pũhtoro to Pũchũro jira. ⁴ Cohamacũre siniriro to dapure mohariro sinino, to pũhtoro Cristore ño payoeraro seheta yoaro nina. Cohamacũ yare yahuriro cũhũ to dapure mohano ãta yoaro nina tiro cũhũ. ⁵ Tuhsũ, to dapure mohaeraricoro Cohamacũre sinino, to manũnore ño payoeraro seheta yoaro nina. Cohamacũ yare yahuricoro cũhũ to dapure mohaeraro ãta yoaro nina ticoro cũhũ. Ã yoaro to pjoarire wũha pahũoricoro yoaro seheta yoara ticoro. ⁶ To dapure moha duaeraro ticoro to pjoarire saa pahũo dutijaro. To ã yoari baharo to dapure bũo tiro, ticoro mohajaro to dapure. ⁷ Mũa sehe Cohamacũ noariro, tuariro to jia tiare ñona tina sehe. Ã jia ti dapupure mohaeraro cahmana tinare. Numia sehe mũa ti pũhtoa jia tiare ñona. Ã jia tina numia sehe ti dapupure mohajaro. ⁸ Cohamacũ mũnore yoaro, numino ya pjacũ macano mehne mũnore yoerari jire. Numino sehere yoaro, mũno ya pjacũ macano mehne ticorore yoari jire. ⁹ Tuhsũ, mũnore yoaro, numino yairo cjihtore yoerari jire.

Numino sehere yoaro muno yacoro cjihtore yoari jire Cohamacu ticorore. ¹⁰ ã jia numia ti dapupure mohajaro anjoa cuhu ma ti puhto ti jirire ti masihtose. ¹¹⁻¹² Cohamacu numinore yoaro, muno pjacu macano mehne yoari jire. Ata mipure muno masa bajuaro, numino pjacui masa bajuara. Tuhsu, jipihtinare Cohamacu sehe yoari jire. ã jiro muno to ji mahtaerachu numino mariaboa. ã yoa numino to mariachu muno cuhu mariaboa.

¹³ ¿Musa basi dohse tuhotujari? ¿Numino to dapu mohaeraricoro, Cohamacure to sinichu noajari, musa tuhotuchu? Noeraputiara. ¹⁴ Tuhsu, muno pjoa nahmo mariro to jichu ñaa nica. Jipihtina masa ti mu saro tire masina. ¹⁵ ã yoa numino to pjoa nahmo to dapure mohari cahsaro yoaro sehe jira. Ticoro pjoa nahmo maricoro jiro noaricoro bajura ticoro. Ti cuhure jipihtina masina. ¹⁶ Musa mehne macariro ahrire yu yahurire to tuho duaerachu, õ sehe ni yahuihtja tire: “Yu ni yahuriro seheta mari yoaa tia jira. Paina Jesu yaina cuhu ata yoarucura tina cuhu. Sa ã yoarina jichu ñucu yu ni yahuriro seheta yoaga mahu cuhu”, ni yahuihtja yu yahurire tuho duaeraritore.

Santa Cenare ti churo watoi dojomehneha Corinto macaina

¹⁷ Mipure musare ahrire yahui tai, “Noano yoaina jira”, nieraja yuhu musare. Musa cahmachuna noano yoerara. Ñano yoara musa. ¹⁸ Õ sehe ni yahu mahtaitja musare: Musa cahmachunopu cahma sayona musa basi caa curuari tju wayuhca musa. Paina tire yuhure ti yahuchu “Potocã tjica”, ni tuhotu cureja yuhu. ¹⁹ ãta yoayuhca musa. Musa ã tju warina musa jichu ñuna baharo Jesu yaina waro jiina sehere masinahca mari. ²⁰ Musa basi ã ñu tuhtiina jina musa canoi cahmachu chuchu to wahaerara. Potocãta Santa Cena waro yoana nierayuhca. ²¹ Musa cahmachuna caina musa sahsero chu mahcona, paina sehere juca baachu yoana niyuhca musa. Tuhsu, sihni mahtaina sehe cahaa wahayuhca. ²² ¿Musare musa wuhuse mariajari? Musa wuhuseputa chu, sihniga. Mipure Cohamacu yaina ti cahmachunore dojomehneha niyuhca musa to yaba cjihti jieraboro seheta. Tuhsu, paina Jesu yaina pjacuinare chu maeraina sehere musa sehe buoro yuhdachu yoayuhca. ¿Dohse ni yahuihcari yuhu musare? “Noano yoana nina musa”, nieraja yuhu.

Santa Cenare yoaa taa, ti churire yahuha Paulo
(Mt 26.26-29; Mr 14.22-25; Lc 22.14-20)

²³ Mari puhtoro Jesu to chu batoarire yahure yuhure. ã

to yahuri baharo yahū sehe mūsare tíre yahu turiahi. Tí õ sehe jira: Tirore ñū tuhtinare Juda to ñohti ñamihi mari pūhtoro Jesucristo pāore na, Cohamacūre “Noana”, niyuhti. ²⁴ To ã niri baharo tí pāore nuha, to buheinare witiyuhti. ã witiro õ sehe niyuhti: “Ahrire chūga. Ahri yū pjacū jira. Mūsa yaro jiborirore yariaihca. Yūhūre mūsa wacūhti cjihtire ahrire chūga”, niyuhti Jesu mari pūhtoro. ²⁵ ã ti chūri baharo tiro sihniri wahware na wahcāno õ sehe niyuhti: “Mūsa ñaa yoari buhirire cohācū tacū yariaihca. ã yoacū yū dire cohāihca. Cohamacū ‘Mūsare yūhdūchū yoaihtja’, to niriro mū sachū yū yariaro mehne to niriro sohtori tiarohca. Ahri wahwai posa tiare sihnina, yū di cohāire wacūnahca. Ahrire sihnina, yūhūre mūsa wacūhti cjihtire sihniga”, niyuhti Jesu. ²⁶ ã yoa Santa Cena macaa pāore mūsa chūna, sihnire sihnina, Jesu mari pūhtoro mari ya buhirire to yariarire ñona nina mūsa. ã ñorucunahca mūsa pū ahri yahpapū to tjua tachūpū.

“Santa Cenare chū sihnina õ sehe yoaga”, ni yahuha Paulo

²⁷ Santa Cenare chū, sihnina, Jesure ño payoro marieno yoana, cua pisaro yoerana, to pjacūre to di cohāri cūhūre būjūpero sehe yoana nija mari. ã yoana

Jesure būjūpena nija mari. Tó sehe yoaina buhiri tiina jira. ²⁸ ã jina mari yoarire, mari jia tiare noano wacūjihna. ã wacūna Santa Cenare chū, sihni masija mari. ²⁹ Mari pūhtoro mari ya cjihtire to pjacū to yariarire wacūno marieno Santa Cenare chū, sihnina mari buhiri tinahca. ³⁰ Õ sehe dihta yoayuhca payū mūsa mehne macaina. ã yoaa tina cāina tuaeraina, dohatiina wahayuhti. Tuhsū, paina ti ã yoari buhiri yariaa wahayuhti. ³¹ Wiho mejeta Santa Cenare mari chū, sihnina, mari yoarire, mari jia tiare noano wacūna, mari ñaa yoarire duhuna tí buhirire buhiri tisi mari. ³² Mari pūhtoro sehe marine tuhtira, tí buhirire marine buhiri ti dutieraro. Paina ñaina Jesure ño payoeraina buhiri tihtina dihta jira. Tina yoaro sehe marine buhiri tichū cahmasāerara mari pūhtoro.

³³ ã jina yū coyea, Santa Cenare chūna tana cahmachuna, cohtasiniga mūsa coyeare. ³⁴ Tuhsū, mūsa mehne macaina jūca baa, ti ya wūhūsepū chūsinijaro. ã yoana Santa Cenare chūna tana cahmachuna, cua pisaro yoeraina ya buhiri buhiri tisi mūsa. Paye barore yahu duamahi mūsare. Baharo yū basi sūipū mūsare yahuihtja tíre.

12

Cohamacūyare mariyoah-tore cūno marine yoa masichū

yoara Espíritu Santo

1 Y_u coyea, ahrire yahu duaja m_usare. Cohamac_u yare mari yoah_utore c_uno marine jipihtinare yoa masich_u yoara Espíritu Santo. ã jic_u tíre m_usa noano masich_u cahmaja.

2 Jesu yaina jierasina soro jia buheare t_uho n_un_uina jina, m_usa sehe “Cohamac_u jira”, ti nia mas_urine, durucuera mas_urine ño payosinimare. Tíre masina m_usa. 3 ã jiina m_usa jirina cjiri jich_u mip_ure õ sehe ni yahuihtja m_usare: “Jesu ñano wahajaro”, niina Cohamac_u yairo Espíritu to tuaa mehne ã nia nierara. Espíritu Santo warore cj_uaerara tina. Tuhs_u, “Jesu mari p_uhtoro jira”, niina Espíritu Santo to tuaa mehne ã niina jira tina.

4 Cohamac_u yare yoa masia pay_u jira. Ti ã jipach_uta marine yoa masich_u yoariro sehe c_uirota jira. Tiro Espíritu Santo jira. 5 ã yoa Cohamac_u yare yoah_utina pay_u jina, to yare soro sehe mari yoah_uti c_uh_u pay_u jira. Tí ã jipach_uta mari p_uhtoro Jesu sehe c_uirota jira. 6 ã yoa Cohamac_u yare yoa c_uh_u pay_u jira. Ti ã jipach_uta Cohamac_u marine yoa masich_u yoariro sehe c_uirota jira. 7 Marine Jesu yainare Espíritu Santo yoadohoro Cohamac_u tuaare ñono nina. Õ sehet_u yoadohora tiro Jesu yainare jipihtinare mari noano yoadohohto sehe. 8 C_uinare noano masi, yahuch_u yoara Espíritu

Santo. Tuhs_u, painare Cohamac_u yare noano buhe masich_u yoara tiro Espíritu Santo pinihta. 9 ã yoa painare Cohamac_ure noano wac_u tuach_u yoara tiro. ã yoaro painare Cohamac_u tuaare wara tiro. Tí tuaa mehne tina sehe dohatiinare noaina wahach_u yoara. Espíritu Santo c_uirota jiriro tí tuaare wara. 10 Tuhs_u, tiro painare Cohamac_u tuaa mehne yoa masich_u yoara tiro. ã yoaro painare Cohamac_u yare noano yahu masich_u yoara tiro tinare. ã yoaro paina Jesu yainare buheare noano bese masich_u yoara tiro. ã masia waf_uno ya buhea ti jich_u masina tina. Espíritu Santo waro ya buhea c_uh_ure ti jich_u masina tina. Tuhs_u, painare t_uhomahnoeraa d_userire tí durucu masich_u yoara tiro. ã yoa t_uhomahnoeraa d_userire durucuina ti nino sehet_u yahu y_uhdo masich_u yoara tiro painare. 11 Espíritu Santo c_uirota jiriro to cahmano sehet_u marine c_uinare ahri jipihtiare y_u yahuriro sehet_u yoa masich_u yoara. C_uinare soro yoa masich_u yoara. Paina c_uh_ure soro yoa masich_u yoara.

*Cristo yaina jina c_u curu-
atajija mari*

12 Õ sehe jira ahri mehne mari piti dahre yahuch_u: Mari p_uac_u c_u p_uac_u to jipach_uta wamomacari, capari, dahpori, cahmori tí pinihta pay_u jira mari p_uac_u

jia. Āta jija mari Cristo yaina cūhū. Cristo yaina to pjacū yoaro sehe cū curuata jira. ¹³ Ā jina Cristo yaina jina, to pjacū yoaro sehe cū curuata jija mari. Judio masa, judio masa jieraina, dahra cohtaina, dahra cohtaina jieraina, payū curuari jipanahta cūirota jiro to pjacū yoaro sehe cū curuata jija mari. Espiritu Santo cūirota jiro to tuaa mehne bautisarina jija mari. Ā jina cūirota Espiritu Santore cūaja mari, Cristo ya curua macaina jina.

¹⁴ Mari pjacū cū pjacū to jipachūta wamomacari, capari, dahpori, cahmori tí mari pjacū jia payū jira. ¹⁵ Mū dahporo durucuri dahporo jiro, ō sehe niboā mūhare soro ni duaro: “Wamomaca jieraja yūhū. Ā jicū pjacū macariro jieraja yūhū”, niboā. Mū dahporo ā niparota pjacū macano jirota nina. ¹⁶ Mū cahmono durucuri cahmono jiro ō sehe niboā mūhare soro ni duaro: “Capariaca jieraja yūhū. Ā jicū pjacū macariro jieraja yūhū”, niboā. Mū cahmono ā niparota pjacū macano jirota nina. ¹⁷ ¿Mari pjacū capariaca dihta jichū dohse tūhobocari mari? Basioeraboa. ¿Ā jina mari pjacū cahmono dihta jichū dohse wijī tūhotubocari mari? Basioeraboa. ¹⁸ Tó sehe jierara mari pjacū. Ō sehe jira. Mari pjacū jiare Cohamacū to cahmano seheta cūri jire mari pjacūre.

¹⁹ ¿Mari pjacū jia mariachū dohse wahaboari mari pjacū? ²⁰ Mari pjacū ō seheta jira: Cū pjacū to jipachūta mari pjacū jia payū jira.

²¹ “Mū yoadohochū cahmaeraja”, mū capariaca ni masierara mū wamomacare. Ā jichū, mū dapu mū dahporire “Mū yoadohochū cahmaeraja”, ni masierara. ²² Paye mari pjacū jiare “Wiho jia curea jira”, mari nia sehene pototi cahmaja mari paye mari pjacū jia yūhoro. ²³ Paye mari pjacū jiare “Soro jira”, mari ni tūhotupanahta tíre mari pjacū jiare noano yoaja. Tuhsū, paye mari pjacū jiare mari būo tiare suhti mehne nūoja mari. ²⁴ Paye mari pjacū jiare nūoeraja mari. Tí pinine űona, būo tieraja. Ō sehe jī dutiri jire Cohamacū mari pjacūre. Mari űoeraare mari pjacū jiare mari noano űo payoa mehne cūaja. Āta yoa dutiri jire Cohamacū. ²⁵ Ā jia mari pjacū jia ti basi cahma yoadohora, cū pjacūta to noano jihto sehe. ²⁶ Ā jia mari capari űano yūhdūchū paye mari pjacū jia cūhū űano yūhdūra. Tuhsū, mari capari noaa wahachū mari pjacū jia cūhū wahcheina masa yoaro seheta noano tūhotura.

²⁷ Ā jicū ō sehe nii nija mūsa: Mūsa sehe Cristo to pjacū yoaro sehe cū curuata jira. Ā jina jipihtina mūsa to pjacū jia yoaro sehe to yaina jira. ²⁸ Ā jiro Jesu yainare mari yoadohohti

cjihtire cūri jire Cohamacu marine. Ō sehe cūri jire tiro marine. Cāinare marine buhe dutiro to cū mahtainare cūri jire tiro. Painare to yare yahuhtinare cūri jire. Painare masare buhehtinare, painare Cohamacu tuaa mehne yoahhtinare, painare dohatiinare ti yuhdūchū yoahhtinare, painare masare yoadohohtinare, painare masa pūhtoa jihtinare, painare tūhomahnoeraa dūserire durucuhtinare cūri jire Cohamacu marine. ²⁹ Ā to cūchū jipihtina cūno potori to cūrina jieraja mari. Paina Cohamacu yare yahuhtina jierara. Paina Cohamacu buhe dutiro to cūrina jierara. Tuhsū, paina masare buheina jierara. Paina Cohamacu tuaa mehne yoaina jierara. ³⁰ Tuhsū, paina dohatiinare yuhdūchū yoaina jierara. Paina sehe tūhomahnoeraa dūserire durucuina jierara. Tuhsū, paina tūhomahnoeraa dūseri durucuare yahu yuhdoina jierara. Ā jiro cāinare mari yoahhtire cūri jire tiro. ³¹ Wiho mejeta Cohamacu yare yoa masi duana noa yuhdūa sehere tuaro cahmaga mūsa. Jipihtia ahri yū niri yuhdoro mūsa cahmahti cjihtire mipūre yahuihtja mū sare yuhū.

13

Painare noano ti cahīhtire yahuha Paulo

¹ Masa ya dūserire durucu masipanahta, anjoa ya dūserire durucu masipanahta, painare cahīerana yaba cjihti jieraja mari. Mari durucua cūhū yaba cjihti jierara. Painare cahīerana mari durucuna, wiho waro durucuna nija. ² Cohamacu yare noano yahu masipanahta, masa ti masierari cjiire Cohamacu yare ti buheri cjiri cūhūre masi pahñopanahta, painare cahīerana yaba cjihti jieraja mari. “Ahdū tūcū pa sehēpū wahajaro”, mari nichū, “Potocāta mari siniro sehta Cohamacu yoarohca”, ni mari tūhotuchū āta yoarohca. Cohacūre ā ni tūhotuina jipanahta painare cahīerana, yaba cjihti jieraja mari. ³ Jipihtia mari yare pjacūoinare wapanaha painare mari cahīerachū tī mari wari yaba cjihti jierara. Tuhsū, Cohamacu yare yoana tana mari pjacūre mari jū dutipachūta, painare mari cahīerachū marine yaba cjihti jierara.

⁴ Suaeraja painare cahīna. Tinare cahīna noano yoaja tinare. Tuhsū, painare cahīna tinare pahsu tieraja. Mari cahīriro mehne jina “Mū yuhdoro jiri jija”, niina jieraja mari. Painare cahīna “Mū sare masi yuhdūrcūcaja”, ni tūhotueraja mari tinare. ⁵ Ā yoa painare cahīna tinare ño payoro mehne yoaja mari. Painare cahīna “Sā cahmano sehe yoaja. Mūsa cahmano sehe yoeraja”, nieraja mari. Tuhsū, tinare

cahĩna suaeraja mari tina mehne. Painare cahĩna marine ñano ti yoachũ cãhũre tina mehne ã suarucueraja mari. ⁶ Painare cahĩna ñaare ti yoachũ ñũna wahcheraja mari. Noaa sehere quihõno ti yoachũ ñũna tuaro wahcheja. ⁷ Painare cahĩna ti ya buhiri ñano yũhdũpanahta tinare ã cahĩrucuja mari. Painare cahĩna paina sehe tinare ti yahuwajachũ tũhopanahta tĩre tũho duaeraja mari. Painare cahĩna “Tina ñaare yoasi”, ni tũhotuja mari tinare. Painare cahĩna ñano yũhdũpanahta tinare cahĩ duhusi mari.

⁸ Painare cahma cahĩna ne pihtisi. Cohamacũ yare masa mari yahua sehe baharo pihtia wahaahca. Tũhomahnoeraa dũserire durucua cãhũ baharo pihtia wahaahca. Cohamacũ yare masa ti buheri cjiri cãhũ baharo pihtia wahaahca. Painare cahma cahĩna sehe ne pihtisi. ⁹ Mipũre Cohamacũ yare mari masi

pahõo masieraja. ã jina to yare yahuna mari yahu pahõo masieraja. Mari masi pahõohto dũhsasinina mini. ¹⁰ ã jina Cristo ñaa marieriro to tjua tari baharo mari masi pahõonahca. “Masieraja”, ni namosi.

¹¹ Mari masi pahõohto õ sehe jira: Nijinocã jicũ nijinocã yoaro sehe durucumai yũhũ. Nijinocã to yoaro sehe tũhoturucumai. Bũcũro wahaipũ nijinocã to yoariro sehetã duhunocai. (Tõ sehetã mari mipũre “Masi

pahõoeraja”, nipanahta baharopũre masi pahõonahca.) ¹² Ñõno to noano masũ bajueraro sehetã mipũre noano masi pahõoerasinija mari. Baharo pairore noano mari ñũ masino sehetã mari masi pahõonahca. Mipũre mari masi pahõohto marine dũhsasinina mini. Cohamacũ marine to noano masi pahõoriro sehetã baharo mari cãhũ noano masi pahõonahca. ¹³ ã yoana tiarore mari yoa masija mipũre. Cohamacũre wacũ tua masija. ã yoa marine to yũhdũchũ yoahatore masina, mari noano cohta masija. ã yoa painare cahma cahĩ masija. Ahri tiaro jira pototi mari yoahiti. Tuhsũ, painare cahma cahĩna, ahri pũaro yũhdoro yoana nija. Wacũ tuaa, to yũhdũchũ yoahatore cohtaa yũhdoro jira cahma cahĩna sehe.

14

Tũhomahnoeraa dũseri durucuaare yahuha Paulo

¹ ã jina painare cahma cahĩna jiga mũsa. ã yoa Cohamacũ yare mũsa noano yoa masihtore cahmaga mũsa. Cohamacũ yare mũsa yahuhti pinihtare tuaro cahmaga mũsa. ² Tũhomahnoerari dũserore durucuriro Cohamacũ mehne dihta durucura. ã ni durucuro masa mehne durucuro nierara tiro. To ã ni durucuchũ tũhoa masa sehe ne tũho ñahaerara tirore. Masa ti masierare Espiritu

Santo to tuaa mehne durucuro nina tiro. ³ Cohamacu yare yahuriro sehe masa sehere yahura. ã yahuro tiro masare yoadohoro nina. Tinare buhero nina tiro. Tuhsu, ti ñano yuhduchu tiro tinare wahchechu yoara. ⁴ Tuhomahnoerari duserore durucuriro caïrota buhera. Painare buherara. Cohamacu yare yahuriro sehe painare Jesu yainare buhero, yoadohora tiro.

⁵ Tuhomahnoeraa duserire jipihtina musa durucuhu noaboa, yu tuhotechu. Wiho mejeta Cohamacu yare musa yahuchu pinihtare tuaro cahmaja. Cohamacu yare yahuriro pinihta tuhomahnoerari duserore durucuriro yuhdoro painare yoadohora. ã jipachuta tuhomahnoerari duserore durucuriro to durucuaire paio to yahu yuhdochu ti sehe pototi painare yoadohora. To durucuaire yahu yuhdoriro jiro tiro sehe painare Jesu yainare buhero nina. ⁶ Tuhomahnoerari duserore musa mehne durucucu paio musare to yahu yuhdoerachu musare yoadohoeraboca yuhu. ã jicu Cohamacu yuhure to yahurire yahucu, to yare yu masiare yahucu, payere to yare yahucu musare yoadohoi nija. Tíre musa tuhohto sehe musare buhecu musare noano yoadohoi nija yuhu.

⁷ Tuhomahnoerari duserore durucuriro to durucua ti putipea ti buaputêa yoaro sehe jira. Carisure putina, arpare buaputêna tíre mari

quihõno yoerachu tí basaare painare masihto basioerara. ⁸ ã yoa cornetare putiriro surara jiro ti cahma wajãhto panore quihõno to putierachu paina surara sehe ti cahma wajãhtore masisi. ã jia ti cahma wajãhto pano ti wajãhtire wamoare cahnoyueraina jiahca tina. ⁹ Tó seheta musa cãhure tuhomahnoerari duserore musa durucuhu tuhoa, yahu yuhdoriro mariachu paina tíre ne masisi. Ti ã masierachu musa durucua yaba cjihti jierara. ¹⁰ Ahri yahpai payu duseri durucua jica. ã jia tí duserire durucuina ti basi ti ã durucuaire noano tuhora. ¹¹ To ya duserore yu tuhoerachu ñuno tíre durucuriro sehe "Pa dihta macariro jira", ni tuhoturhca yuhure. ã jicu yuhu cãhu ãta ni tuhotuihca tirore. ¹² ãta jire musa cãhu tuhomahnoerari duserore durucuna. Espíritu Santo to tuaa mehne tuaro yoa duamana musa. To tuaa mehne ã yoa duana paina Jesu yainare musa buhehti sehere tinare musa yoadohohti sehere tuaro cahmaga musa.

¹³ ã jiro tuhomahnoerari duserore durucuriro to durucuaire to noano yahu yuhdohto cjihtore Cohamacure sinijaro tiro. ¹⁴ Tuhomahnoerari dusero mehne Cohamacure sinicu Espíritu Santo mehne sinii nija. ã sinicu yu tuhotuare masi namochu yoeraja. ¹⁵ Ahrire masina, õ sehe

yoanahca mari: Espíritu Santo to tuaa mehne t̃homahnoerari d̃usero mehne Cohamac̃re sininahca. Tuhs̃, pa tehe noano masi t̃hotu paina ti noano t̃hohto sehe ti ya durucua mehne Cohamac̃re sinina, tí c̃h̃re sininahca t̃joa. Espíritu Santo to tuaa mehne t̃homahnoerari d̃usero mehne Cohamac̃re yare basanahca. Tuhs̃, pa tehe noano masi t̃hotu paina ti noano t̃hohto sehe ti ya durucua mehne Cohamac̃re yare basana, tí c̃h̃re basanahca t̃joa. ¹⁶ Mari ã yoerach̃ t̃homahnoera d̃useri mehne Espíritu Santo tuaa mehne Cohamac̃re “Noariro, tuariro jira”, mari nipach̃ta paina ne t̃hoerara. Æ t̃hoeraa “Tóih̃ta jira”, ni masierara. ¹⁷ T̃homahnoera d̃useri mehne Cohamac̃re “Noana”, ni masija mari. Mari ã nia noaa jipach̃ta tíre yahu ỹh̃doerana painare buheraja mari. Æ jina tinare yoadoheraja mari. ¹⁸ Jipihtina m̃sa ỹhdoro ỹh̃ sehe t̃homahnoeraa d̃userire durucuja. Æ jic̃ Cohamac̃re ỹh̃re ã durucu masich̃ to yoach̃ tirore “Noana”, nija ỹh̃. ¹⁹ Æ durucuriro ỹ jipach̃ta Jesu yaina cahmachuina watoi ỹ jich̃, t̃homahnoerari d̃usero mehne paỹ d̃userire ỹ nipach̃ta yaba cjihti jierara. Tí ỹhdoro masa ti noano t̃hohto sehe mahaa d̃sericã ỹ yahupach̃ta noa nina, ỹ t̃hotuch̃.

²⁰ Ỹ coyea, macanacã

t̃ho masieraina ti jiro sehe jiena tjiga m̃sa. Wahma masa bajuaina ñaa yoare ti masieraro seheta jiga m̃sa c̃h̃. Tuhs̃, b̃c̃na t̃ho masiina ti jiro sehe jiga m̃sa. ²¹ Cohamac̃re yare ti joari p̃i õ sehe nina: “T̃homahnoeraa d̃serire durucuinare ahrina masare ỹ yare yahu dutihtja. Æ yoa pa dihta macaina ya durucua mehne ỹ yare yahu dutihtja ahrina masare. Tinare ti ã yahupach̃ta ahrina ỹ yahuaire t̃hosi”, nina Cohamac̃re mari p̃htoro”, nina Cohamac̃re yare ti joari p̃i. ²² T̃homahnoeraa d̃serire durucua Jesu yainare Cohamac̃re tuaare masich̃ yoah̃ti cjihti jierara. Tí durucua Jesure cahmaeraina sehere Cohamac̃re tuaare masich̃ yoah̃ti cjihti jira. Æ yoa Cohamac̃re yare yahua Jesure cahmaerainare Cohamac̃re tuaare masich̃ yoah̃ti cjihti jierara. Cohamac̃re yare yahua Jesu yaina sehere Cohamac̃re tuaare masich̃ yoah̃ti cjihti jira. ²³ Æ yoa jipihtina m̃sa Jesu yaina cahmachuch̃ t̃homahnoeraa d̃serire m̃sa durucuch̃ tíre masieraina, paina Jesure cahmaeraina c̃h̃ sãa ta t̃hoboca. Æ t̃ho “Tina t̃ho masieraina jira”, niboca m̃sare tina. ²⁴ Jipihtina m̃sa Cohamac̃re yare m̃sa yahuch̃ pinihta tíre masierariro, Jesure cahmaerariro sãa ta t̃horo, to ñaa yoari buhirire masiboca tiro. Æ masino to ñaa yoarire cahyaboca tiro. ²⁵ Æ jiro

potocã to jia tiare to tãhotua cãhure masiboca tiro. ã yoaro Cohamacu panoi na tuhcuca caha sũro, tirore ño payorohca. Tuhsu, "Cohamacu potocãta musa mehne jira", ninohca tiro musare.

Musa cahmachuna noano yoaga dojomehnenno marieno

²⁶ ã jicu yu coyea, musare ahrire nii nija: Musa Jesu yaina cahmachuna cãina musa mehne macaina Cohamacu yare basa duara. ã yoa paina musa buhe duara. Tuhsu, paina musa Cohamacu musare to buheri cjrĩre yahu duara. Paina musa tãhomahnoerari dũserore durucu duara. Tuhsu, paina musa tí dũseri durucuare yahu yãhdo duara. Tí jipihtiare ã yoana musare tãhoina ti noano masihto sehe tíre yoaga.

²⁷ ã jina tãhomahnoerari dũserore musa durucuna pũaro, tiaro tãpeinata durucuga musa. ã yoana cãinata durucuga. Musa ã durucuhu, cãiro musa mehne macariro musa durucuare painare yahu yãhdojaro.

²⁸ Musa durucuare yahu yãhdoriro mariachu musa cahmachuna jipihtina musa tãhomahnoeraa dũserire durucu duaina durucuena tjiga. ã jina masa marienoĩ Cohamacu mehne durucuga musa. ²⁹ ã yoa Cohamacu yare yahu duana pũaro, tiaro tãpeinata yahuga musa. Musa ã yahuchu paina musare tãhoina musa yahurire Cohamacu ya to jichu noano

masijaro. Cohamacu ya to jierachu cãhure noano masijaro. ³⁰ ã yoa Espĩritu Santo Cohamacu yare paire toĩ dujirirore to yahu dũcachu tiro cãhu Jesu yainare yahu duara. ã jiro Cohamacu yare yahu mũhtariro sehe dihta mariajaro. ³¹ ã jina jipihtina musa Cohamacu yare yahuna, cãinata yahuga musa jipihtina paina ti noano tãhohto sehe, ti noano wahchehto sehe. ³² ã jina Cohamacu yare yahuina jina, noano tãho masi, noano tãhotu dapo, durucuina jiga. ³³ Cohamacu to yaina ti cahmachunopu ti cahma wisiachu cahmaerara tiro. Dojomehnenno marieno ti noano jichu cahmana tiro.

Jipihtiropu Jesu yaina cahmachua, õ sehe yoara tina: ³⁴ Ti cahmachunoi numiare masa panoi yahu dutierara. Tí numiare mari sehe durucu dutieraja. Cohamacu to joari pũ to niriro sehetã numiare mũare noano yũhtia numia jiro cahmana. ã jia cahmachunoi numia durucuea tjijaro. ³⁵ Jesu yaina ti cahmachunoi numia ti durucuhu ñaa nina. ã jiro paye barore masi duaro numino to ya wãhũpũta to manũnore sinitujaro.

³⁶ Ahri yu yahũhtire noano masiga musa. Cohamacu durucuare yahu dũcaina jierara musa. Tuhsu, to yare tãhorina musa dihta jierara. Paina cãhu to ya buheare cũara. ³⁷ Musa mehne macariro "Yũhu Co-

hamacu yare yahuriro jija”, ni t̄hoturiro jiro ahri m̄sare yu joari cjiri Cohamacu to dutia jichu masijaro tiro. Tuhsu, paio “Esp̄ritu Santo to tuaa mehne yoa masija”, ni t̄hoturiro jiro tiro c̄hu ahri yu joari cjiri Cohamacu to dutia jichu masijaro tiro. ³⁸ T̄ire to masi duaerachu yu joari cjirire “Potocã jierara”, to nichu tirore duhunocahga. Tuhoena tjiga tirore.

³⁹ ã jina yu coyea, Cohamacu yare yahuina m̄sa j̄htore tuaro cahmaga m̄sa. Tuhsu, m̄sa mehne macaina m̄sa cahmachunoi t̄homahnoeraa d̄serire ti durucu duachu ã durucu dutiga tinare. ⁴⁰ ã cahmachuna noano, cahma dojomehnenno marieno yoaga m̄sa.

15

Cristo to masa m̄jarine yahuha Paulo

¹ Mip̄re yu coyea, noaa buheare m̄sare yu yahurire m̄sare wac̄chu yoa duaja. T̄i buheare noano cahmare m̄sa. ã cahmana t̄i buheare ã ȳhtirucure m̄sa. ² M̄sa ã cahmachu t̄ire m̄sa ã ȳhtirucuchu Cristo m̄sare pichacaru wahaborinare ȳhd̄chu yoa tuhsare. M̄sa ã t̄hori baharo Cristo yare m̄sa duhunocachu t̄i m̄sa t̄hori cjiri yaba c̄jhti jierara.

³ Õ sehe ni yahu m̄htaitjta m̄sare. Ahri wiho waro jierara. M̄sare buhecu yuh̄re Cristo to yahuri cjirire m̄sare ò sehe ni yahui: Cohamacu yare ti joariro

seheta mari ñaa buhirire Cristo yariari jire. ⁴ ã yoa Cohamacu yare ti joariro seheta Cristo to yariari baharo paina to pjacu c̄jrore copap̄re ti duhu payori baharo tia dacho jiboroi tiro masa wijaari jire. ⁵ Tiro to ã masa wijaari baharo Pedrore bajuari jire. To ã bajuari baharo to buheinare bajuari jire tjoa. ⁶ To ã bajuari baharo c̄u tahata quiniento bui j̄inare to yainare tiro bajuari jire tjoa. C̄ina tirore ñ̄rina cjiri mip̄re yariarina cjiri jira. Ti ã j̄pachuta payu tina mehne macaina cjiri mip̄re jisinina. ⁷ Baharo Cristo Santiagoore bajuari jire tjoa. ã to bajuari baharo j̄pihtina to buhe duti to c̄̄rinare bajuari jire tjoa.

⁸ J̄pihtina painare to bajuari baharo yuh̄u c̄h̄re bajuare tjoa. Wih̄arocã to quih̄ori dachoi masa bajuerarocã to masa bajua n̄nu t̄iro seheta yuh̄u c̄hu Jesure wac̄u tua n̄nu t̄iro jija. Yu ã j̄iro jichu ti baharopu bajuare Jesu yuh̄u c̄h̄re tjoa. Yuh̄reta tiro bajua batoare j̄na. ⁹ Panop̄re Jesu yainare ñano yoamai. ã yoiro c̄jro jicu paina Jesu to c̄̄rina j̄pihtina ti docaru waro jija yuh̄u. ã jicu mip̄re c̄h̄re Jesu buhe duti to c̄̄bori jieramaja yuh̄u, yu t̄hotuchu. ¹⁰ ã j̄paihta Cohamacu yuh̄re to cah̄ichu mip̄re Jesu to c̄̄riro jija yuh̄u. ã jicu tiro yuh̄re to cah̄ichu mip̄re

to cahmaare yoa pahñoja. Æ jic_u y_uh_ure to cahĩch_u to yairo ã jinocai nieraja. Jipihtina paina to cūrina y_uhdoro y_uh_u sehe tuaro buhei. Æ buhech_u y_u m_u s_uro buherahi. Cohamac_u y_uh_ure cahño y_uh_ure yoadohore. ¹¹ Y_uh_u sehe ahri buheare y_u buhech_u t_uhorina jiboca m_usa. O paina sehere t_uhorina jiboca m_usa. Æ jipach_uta y_uh_u, y_uh_u mehne macaina c_uh_u c_uno potori ahri buheare buheja sã jipihtina Jesu to cūrina. Æ sã buhech_u t_uhona m_usa sehe ahri buheare noano t_uhore.

Yariarina cjiri ti masa m_ujarine yahuha Paulo

¹² Cristo to yariari baharo to masa m_ujarine sã buhepach_uta “Yariarina cjiri ne masa m_ujaerara”, nina m_usa mehne macaina cãina. ¿Dohse jiro baro ã nijari tina tíre? ¹³ Æ jiro yariarina cjiri ti masa m_ujaerach_u Cristo c_uh_u ne masa m_ujaeraboa. ¹⁴ Æ yoa Cristo to masa m_ujaerach_u noaa buheare sã yahuri cjiri ne yaba cjihti jieraboa. To masa m_ujaerach_u tirore m_usa wac_u tuaa c_uh_u yaba cjihti jieraboa. ¹⁵ Masa m_ujano mariach_u sã sehe Cohamac_u yare mahñoa niboa. Yariarina cjiri ti masa m_ujaerach_u Cohamac_u sehe Cristore masa m_ujach_u yoaeraboa. To ã yoaerach_u “Cohamac_u Cristore masa m_ujach_u yoari jire”, sã nina mahñoa jiboa sã. ¹⁶ Yariarina cjirire Cohamac_u

masoeraro, Cristo c_uh_ure tiro masoeraboa. ¹⁷ Æ jiro Cristo to masa m_ujaerach_u tirore m_usa wac_u tuaa yaba cjihti jieraboa. Æ yoa m_usa ñaa yoari buhiri buhiri tiina jisiniboa m_usa. ¹⁸ Masa m_ujano mariach_u Cristo yaina cjiri yaria m_uhtaina cjiri pichacap_u waha tuhs_uboa. ¹⁹ Cristore mari wac_u tuari baharo mari yariana masa m_uja masierana jipihtina paina masa y_uhdoro p_uac_uoina jiboa mari sehe.

²⁰ Potocãta Cohamac_u Cristore masa m_ujach_u yoari jire. Cristo to masa m_ujari baharo mari c_uh_u yarianap_u masa m_ujahtina tjija. Tiro ã masa m_ujano, marine s_uho masa m_uja m_uhtariro jira. ²¹ Õ sehetã jira ahri: Adão mehne masa yaria d_ucaha. Tó sehe Jesu mehne yariarina cjiri masa m_ujaahca. ²² Adão yaina ji n_un_u tiinap_u mari jipihtina yarianahca. Tó sehetã Cristo yaina mari jich_u mari yariari baharo marine masa m_ujach_u yoaerohca Cohamac_u. ²³ Cãa curuari Cohamac_u to quihōriro m_u s_uch_u masa m_ujaahca. Cristo marine s_uho ji m_uhtariro masa m_uja m_uhtari jire. Baharo tiro ahri yahpap_u to tjua tach_u mari to yaina c_uh_u masa m_ujanahca. ²⁴ Tí p_uata pihtiri dacho jirohca. Æ jiro jipihtina ñaina p_uhtoare, dutiinare, tuainare cohãno Cristo y_uhd_uncarohca. To ã yoari baharo jipihtina bui to p_uhtoro to jirire Cristo wiaro-

hca Cohamacu to Pucurore.
 25 To wiahto pano to Pucuro
 Cristore ñu tuhtiinare to
 yuhduraca pahñohto pano
 Cristo pinihta jipihtina bui
 puhtoro jirohca. ã jirota
 jiro cahmare tirore. 26 Tirore
 ñu tuhtiinare to yuhduracari
 baharo, yariaro cãhure cohã
 batoarohca tiro. Yariaro
 pihtia waharohca. Pari turi
 yariasi masa. 27 Jipihtina bui
 dutihtiro cjihtore cãri jire
 Cohamacu Cristore. Jipihtia
 puero cãhure cãri jire tirore.
 Æta nina Cohamacu yare
 ti joari pũ. Cohamacu
 sehe tirore cãriro jira. Æ
 jiro “Jipihtina bui dutihtiro
 cjihtore cãri jire tirore” nino,
 “Cohamacu bui dutiriro jira
 tiro”, nino nierari jire to yare
 ti joari pũ. 28 Jipihtina bui
 dutiriro Cristo Cohamacu
 macno to jichu Cohamacu
 tirore cãriro sehe to macno
 bui dutiriro jirohca. Æ jiro
 Cohamacu sehe jipihtina bui
 puhtoro waro jira. Jipihtia
 puero cãhu jira.

29 ¿Masa mujano maria-
 pachuta dohse yoa paina
 masa yariarina cjiri ya
 cjihtire ti bautisarina ji-
 jari? Yariarina cjiri masa
 mujaerachu ti ya cjihtire
 paina bautisarina ti jichu ti
 yaba cjihti jieraboa.

30 Sã sehere sã buheri
 buhiri dachoripe paina sãre
 ti ñano yoa duachu cua nina
 sã cãhure. Sãre ã cuapachuta
 masa mujano to jichu masina
 ã buherucuja sã. 31 Yu coyea,
 mari puhtoro Jesucristo
 yaina masa jichu tirore wacũ

tua namoina masa wahachu
 yuhu sehe tuaro wahche
 tuhotuja musare. Tí potocãta
 jira. Æ yoa, “Dohse jiri namui
 yuhure yariahto cua nina”,
 yu nichu tí cãhu potocãta
 jira. 32 Efeso macaina suaina
 noaa buheare yu buheri
 buhiri yuhure tuhti, cãhre.
 Masa mujano mariachu Jesu
 yairo yu jierachu, yu ã ñano
 yuhduri yaba cjihti jieraboa.
 Wiho waro ñano yuhduri
 niboa yuhu. Yariarina cjiri
 ti masa mujaerachu õ sehe
 niboa mari: “Baharo curero
 yarianahca. Dohse wahasi
 mari. Æ jina chu sihniyhna.
 Mari mu sãro yoajihna”,
 niboa mari.

33 Mahñoare tuhutuena
 tjiga masa. “Ñainare piti
 tina, noaa masa yoa tiare
 duhunahca masa”, nina
 masa. Tí potocãta jira.
 34 Noaare tuhutuina jiga
 masa. Tuhsu, noaare yoaina
 jiga tjoa. Æ yoa ñaare yoa
 namoena tjiga tjoa. Cãina
 masa mehne macaina sehe
 ne Cohamacure masierara.
 Masa buo tihto sehe musare ã
 nija.

*Yariarina cjiri masa
 mujaina ti pjacuri cjihtire
 yahu namoha Paulo*

35 Æ yoa masa mehne
 macariro õ sehe ni sini-
 tuboca yuhure: “¿Dohse
 yoa yariarina cjiri masa
 mujaahcari? ¿Dohse jia
 pjacuri masa mujaahcari?”
 ni sinituboca. 36 Æ sinituriro
 tuho masierariro seheta
 bisiro coa tara. Toari yapare
 mari toari baharo tí yapa

baro cahachũ waro dura. Tó sehe wahaeraro ñe dusi. Tíre masina mũsa. ³⁷ Бүсү уучүрүре toeraja mari. Pja yapari dihtare toaja mari. Tí yapari trigo yapari jia ji, o paye yapari baro jia jiboca. ³⁸ Tí yaparire mari toari baharo Cohamacũ to cahmariro seheta tí yaparire бүсүә мүјачүә yoara. ã yoaro mostaza yaparire mostaza yucũ wahachũ yoara tiro. Trigo yaparire trigo yucũ wahachũ yoara. ãta du dutira Cohamacũ. ³⁹ Jipihtina pјacүri cãno potori bajuerara. Masa pјacүri sehe cãno sehe jira. Wahiquina pјacүri cũhũ soro sehe bajura. Minichahca pјacүri cũhũ soro sehe bajura. Wahi cũhũ soro sehe pјacүri tira.

⁴⁰ ã yoa mũano macaa poca cũhũ soro sehe bajura. Tuhsũ, ahri yahpa macaina cũhũ pјacү tira. ã yoa mũano macaina pјacүri soro sehe bajura. ã jia ahri yahpa macaa mũano macaa yoaro sehe jierara. ⁴¹ Õ seheta jira. Šũ dacho macariro si sitera. ã yoa ñami macariro cũhũ soro jira. Potota buhriara. Tuhsũ, ñahpichoha poca cũhũ soro sehe bajua si sitea cјuara. Ñahpichoha poca peri cũhũre mari ñuchũ cãa poca pјiroca sia poca bajura. ã yoa paye poca tuaro sia poca bajura. ⁴² Tó seheta jira yariarina cjiri ti masa мүјачү. Masũno to pјacүre mari yari baharo to pјacү baa waharohca. Baharo pa pјacү soro jiri pјacү

jipihtia dachoripe catihtia pјacү masa мүјанохca. ⁴³ To pјacүre mari yachũ yariariro cjiro pјacүo nina. Cohamacũ tirore to masochũ to pјacү noa yũhdũari pјacү jira. Tuhsũ, to pјacү mari yari pјacү wiho jiri pјacү jira. Cohamacũ tirore to masochũ pinihtare to pјacү wiho jiri pјacү jieraro, tua yũhdũara. ⁴⁴ Ahri yahpa macari pјacүre mari yachũ tiro yariariro cjiro to masa мүјачү to pјacү mũano macari pјacү jirohca. Ahri yahpa macari pјacүre mari cјuana, mũano macari pјacү cũhũre cјuanahca, masa мүјана.

⁴⁵ Õ sehe ni yahura Cohamacũ yare ti joari pũi: “Ahri yahpai ji mũhtariro Adão wama tirirow catirirow wahaa tiha”, ni joaa tiha. To ã jipachuta Adão yoaro sehe jirirow bato tirirow Cristo sehe catiare waro tari jire. ⁴⁶ Ahri yahpa macari pјacү ji mũhtari pјacү jira. Baharopũ mũano macari pјacү jirohca. ⁴⁷ Õ seheta jira: Ji mũhtariro Adão sehe ahri yahpa macariro dihta mehne to yoari pјacүre pјacү tirirow jire. To baharow tarirow, Cristo sehe mũanopũ tarirow jire. ⁴⁸ Dihta mehne ti yoari pјacү ti mũhtariro to jirirow seheta jipihtina paina dihta mehne to yoari pјacү tiina jija mari. ã yoa mũanopũ tarirow yoaro seheta to yaina jipihtina to yoaro sehe pјacү tiina jinahca mari. ⁴⁹ Dihta mehne to yoari pјacү tirirow

Adão yoaro sehe bajuja mari. Baharo m̄ano macariro Cristo yoaro sehe bajunahca mari.

⁵⁰ Y_u coyea, m̄sare ahrire yahu duaja: Ahri yahpa macari pjac_u di mehne, dihi mehne jiri pjac_u p̄htoro Cohamac_u to s̄ho j̄rop̄re m̄anop̄re ne wahasi. Mari pjac_uri baahti pjac_uri jira. Ā jia m̄anop̄re j̄pihtia dachoripe mari j̄htop̄re ahri pjac_uri wahasi. ⁵¹ Panop̄re masa ti masierari c̄jirire m̄ip̄re m̄sare yahu duaja: Mari mehne macaina c̄aina yariasi. Ā jina d̄óic̄āta, mari pjac_uri cohtotaina jinahca. ⁵² Corneta to puti batoari dachoi āta waharohca marine. D̄óic̄āta, mari capari wihmitj̄iā mari ñ_u p̄j̄orocaró sehe õ sehe waharohca. Corneta to bisiri baharo yariarina c̄jirire Cohamac_u masonohca j̄pihtia dachoripe mari j̄htina c̄j̄htire. Tuhs_u, mari pjac_uri cohtotaina jinahca mari c̄h_u. ⁵³ Mari pjac_uri to cohtotach_u tó pano mari baahti pjac_uri ti j̄ipach_uta mari cohtotari baharo ne baasi. Ā yoa mari pjac_uri ti cohtotach_u tó pano mari yariahti pjac_uri ti j̄ipach_uta ne yariasi. ⁵⁴ Mari bahti pjac_uri ne baerahti pjac_uri cohtotarohca. Ā yoa mari yariahti pjac_uri ā j̄irucuhti pjac_uri cohtotarohca. Marine to ā cohtotach_u panop̄re to joariro seheta ā waharohca: “Ñaina mari jiri buhiri tiare Cristo to coh̄ pahñori baharo, Cohamac_u

yariarore coh̄nocari jire. ⁵⁵ Ne pari turi mari yariasi. Ā jina yariaro mehne pari turi ñano ȳhd̄asi mari”, ni joaa tiri jire panop̄re. ⁵⁶ Mari ñaa buhiri jich_u pinihta yariarop̄re ñano ȳhd̄unahca. Ā yoa Cohamac_u dutia Moise c̄j̄irore to c̄uri c̄j̄irire mari masiri baharo, buhiri tija mari. Ā jiro marine pichacap̄re waha dutira Cohamac_u dutia. ⁵⁷ To ā dutipach_uta mari p̄htoro Jesucristo sehe marine pichacap̄re wahaerach_u yoara. To ā yoariro jich_u masina Cohamac_u mehne wahche “Noana”, nija mari.

⁵⁸ Ā jina y_u coyea, y_u cah̄ina, Cristore wacū tua duhuena tjiga. Ā yoana paina m̄sare noaa buheare ti coh̄ dutich_u, ne coh̄ena tjiga tíre. Ā yoa dachoripe mari p̄htoro Jesucristo to yoa dutirire noano yoarucuga m̄sa. Mari p̄htoro Jesucristo yare mari yoach_u, ahri wiho waro jierara. Ahrire masina to yoa dutirire noano yoarucuga m̄sa.

16

Painare Jesu yainare Corinto macaina niñeru ti wahtire yahuha Paulo

¹ Mip̄re painare Jesu yainare m̄sa niñeru wahtire yahu duaja m̄sare. Galacia yahpa macainare Jesu yainare y_u dutiriro seheta m̄sa c̄h_u yoaga. ² Somanaripe domingo jich_u j̄pihtina m̄sa Jesu yainare

wahti cjihti niñerure ma-
hanocã waga. Mahanocã
cjuana mahanocã waga. ã
yoa pji curero cjuana pji
curero waga. Somanaripe
musa ã yoachm musa cahapm
ym smchm musa warocahti
cjihti niñeru ji tuhsurohca.
3 Musa wahtire, musa waroc-
ahtina cñhure yahuri pñre
joaihtja. ã jicm musa cahapm
smcm tí pñre Jerusalẽpm wa-
hahtinare musa beserinare
waihtja. ã wa tuhsucm
Jesu yainare musa waro-
cari niñerure nahtina cji-
htire tinare warocaihtja
Jerusalẽpm. 4 Tí macapñre ym
yoahti jichm yñhm cñhm wa-
haihca. Ym ã wahachm yñhm
mehnetta tina wahaahca.

*To tinihto cjihtore yahuha
Paulo*

5 Macedonia yahpa
macainare masa boca
yñhdñihca yñhm tinare.
Yñhdñm wahcã, musa cahai
Corintopm sñihca. 6 Tõpm
smcm musa mehne mahaa
dachoricã jiboca yñhm pa
tehe nicm. Yoa cureri pja
puhiro puro musa mehne
jiboca yñhm. ã jina pa seherpm
ym wahachm musa cñhm
yñhure yoadohoroca masina.
7 Mahaa nñmñricã ji duaeraja
yñhm musa mehne. ã jicm
Cohamacm cahmachm yoa
cureri pja musa mehne jiihtja
yñhm. 8 ã ji duapaihta Pen-
tecoste bõse nñmñri jichapm
Efesoi jisinihca yñhm. 9 Õi
Efesoi mipñre mari pñhtoro
Jesu yare tñho duaina paym
jira. Ti ã tñho duachm tinare

yahuja. Ym ã yahuchm yñhure
ñhm yabiina paym jira.

10 Timoteo ym yoaro seheta
mari pñhtoro yare yoara. To
ã yoariro jichm musa cahapm
to smchm noano mehne tirore
piti boca, tiro mehne noano
wahchea mehne jiga musa.
11 ã yoana tirore ñhm yabiro
marieno noano mehne piti
bocaga musa. Tuhsu, to
coha sitichm noano mehne
tirore yoadohorocaga ym
cahapm to tjua tachm. Tiro
paina Jesu yaina mehne ti
tahtore cohtana nija sã. ã
jina noano mehne yoado-
horocaga tinare.

12 Apolo mari coyeiro
Jesu yairo musare to ñhno
wahachm tuaro cahmamahi.
ã jicm tirore waha dutimahi
paina Jesu yaina mehne
to wahahto cjihtore. Ym ã
waha dutipachmta mipñre
tiro waha duaerare. ã jiro
baharo tirore yoaa mariachm
musa cahapm waharohca tiro.

Paulo noa duti batoaha

13 Noano wacũ masiga
musa. Cristore wacũ tua
duhuena tjiga musa. Ne
cuieraina jirucuga musa. ã
yoa Cohamacm tuaa mehne
wacũ tuaina jirucuga musa.
14 Dohse jiare musa yoana,
painare cahña mehne tíre
yoaga musa.

15 Mipñre ym coyea musare
ahrire yahu duaja: Estéfana
ya wñhm macaina Acaya
yahpa macaina noaa bu-
heare tñho mñhtaina, ti ya
yahpai Cristore wacũ tua
mñhtaina jire tina sehe.

Tuhsu, painare mari coyeare Jesu yainare noano yoado-horucure tina. Tíre musa masina. ¹⁶ Tina yoaro sehe jinare, paina Cristo yare yoadohinare musa noano yuhtichu cahmaja yuhu. ¹⁷ Estéfana, Fortunato, Acaico cahu yu cahapu wihi tuhsahre. Oi ti jichu pjíro mehne wahcheja yuhu. Musa mariachu musare tuaro wacui nimahi yuhu. A jicu tina ti wihichu wahcheja yuhu. ¹⁸ Tina mehne jicu noano yajeripohna tiriro wahahi yuhu musa cahu tina mehne musa wahcheriro sehetá. Tinare noano ño payoa mehne tuhoga musa. A yoa paina tina yoaro sehe jina cahre ño payoa mehne tuhoga.

jicu, to yaina musa cahu musa jichu musare tuaro cahija.

¹⁹ Asia yahpa macaina Jesu yaina musare noa dutira. A yoa Aquila, Priscila, ti ya wuhui cahmachuina mehne Cristo to cahia mehne musare pjíro noa dutira. ²⁰ O macaina Jesu yaina jipihtina musare noa dutira. Musa mehne macinare noano mehne piti bocasinia.

²¹ Yuhu, Paulo yu basi ahri dihtare joaja. Musare noa dutija.

²² Mari puhtoro Jesucristo paio to cahierachu, Cohamacu tirore buhiri dahrejaro. Mari puhtoro cjero tjua tajaro.

²³ Yu coyea mari puhtoro Jesucristo musare jipihtinare to cahia mehne noano yojaro. ²⁴ Yuhu Jesucristo yairo

2 Corintios

Õ sehe ni joarocaha Paulo Corinto macainare

¹ Ȳh̄h̄ Paulo Jesucristo buhe dutiro to cūriro jija. Cohamac̄u to cahmariro seheta cūre ȳh̄h̄re Jesu. Ȳh̄h̄, mari coyeiro Jesu yairo Timoteo mehne m̄sare Cohamac̄u yainare, Corinto macainare joarocaja tjoa. Jipihtina Cohamac̄u yainare Acaya macainare m̄sa cūh̄re joarocaja. ² ã jina Cohamac̄u mari P̄c̄h̄, mari p̄h̄toro Jesucristo mehne m̄sare noa dutija. Cohamac̄u to cah̄a mehne to yoadohoa mehne noano jiga m̄sa.

Paulo to ñano ȳh̄d̄h̄ire õ sehe ni yahuha

³ Mari p̄h̄toro Jesucristo P̄c̄h̄ro Cohamac̄u marine p̄ja ñ̄na. ã jiro tiro marine ã yoadohorucura. “Noa ȳh̄d̄h̄ariro jira tiro”, nijihna mari. ⁴ Mari ñano ȳh̄d̄h̄ch̄ ñ̄no jipihtinare marine to yainare yoadohora tiro painare mari yoadohohto sehe. Cohamac̄u marine to yoadohoa mehne mari cūh̄u paina cūh̄re yoadohonahca. ⁵ Cristo yaina mari jiri buhiri mari ñano ȳh̄d̄h̄ch̄u tiro tuaro yoadohorohca marine. ⁶ Sã sehe m̄sare yoadohona ñano ȳh̄d̄h̄ja. Cristo mehne m̄sa ȳh̄d̄h̄to sehe m̄sare sã yahuri buhiri ñano ȳh̄d̄h̄ja. ã yoa Cristo sãre to yoadohoch̄u sã sehe m̄sa cūh̄re yoadoho masija. ã

jina sã ñano ȳh̄d̄h̄ariro seheta m̄sa cūh̄u ñano ȳh̄d̄h̄na, noano mehne cūno p̄janahca m̄sa. ⁷ Noano mehne m̄sa cūno p̄jahtore sã masija. Sã ñano ȳh̄d̄h̄ariro seheta ñano ȳh̄d̄h̄re m̄sa cūh̄u. ã jina Cohamac̄u to yoadohoa mehne wahche, sã cūno p̄jariro seheta m̄sa cūh̄u wahchena, cūno p̄janahca.

⁸ Sã coyea, mip̄re ahri ȳh̄ yahuhtire m̄sa noano masich̄u sã cahmaja. Asia yahpai ñabiaro ȳh̄d̄h̄i sã. Õ sehe ni t̄hotumai sã: “Ne bihosi mari. Ne cūno p̄jasi. ã jina mari yarianahca”, ni t̄hotumai sã. ⁹ “Marine waj̄ānocaahca”, ni t̄hotumai sã. ã ñano ȳh̄d̄h̄na Cohamac̄u dihtare tuaro sã wacū tua namoi. Sãre ti ñano yoach̄u cahmaha Cohamac̄u tirore sã wacū tua namohto sehe. Tiro sehe yariainare masoriro jira. ã tirore wacū tuana sã m̄ s̄ro sã cūno p̄jaerarire masija. Cohamac̄u sehe marine yoadohora. ¹⁰⁻¹¹ Sãre cuabiaro jipach̄uta to yoadohoro mehne sã ȳh̄d̄h̄i. Baharop̄u cūh̄re pari turi sãre ȳh̄dorohca. Sãre Cohamac̄ure m̄sa sini payoch̄u tiro sãre yoadohorohca. Sãre to yoadohohtore masija sã. ã jina sãre to yoadohoch̄u ñ̄na, tirore “Noana”, ninahca m̄sa. Paȳu m̄sa sini payorire to ȳhtich̄u ñ̄na wahche, “Noana”, ninahca m̄sa Cohamac̄ure. Paȳu paina cūh̄u ãta niahca.

Paulo Corintop̄u to waha

duamarire yahuha

¹² MUSA mehne sã jirire wacũna wahchea mehne õ sehe tãhotuja sã: Ahri yahpai Cohamacu to yoadohoa mehne mahõono marieno noano mehne masare piti ti buhehi. MUSA pinihtare noano piti ti buhehi. Õ sehe yoana sã m̄ s̄ro sã masia mehne yoerahi. Cohamacu cahã mehne to tuaa mehne ã yoahi. ¹³⁻¹⁴ ã yoana noano yahu joarocahi m̄sare, noano MUSA masihto sehe. Mip̄ sãre m̄sa masi pahõohto d̄hsasinina mini. Sã jia tiare m̄sa noano masichu tuaro cahmaja sã. ã sãre noano masina, mari p̄htoro Jesu to tjua tachu sã mehne wahchenahca m̄sa. MUSA mehne sã wahcheriro sehetã m̄sa c̄hu sã mehne wahchenahca.

¹⁵⁻¹⁶ Õ sehe nicu Macedonia yahp̄ waha duamaja yuh̄. ã wahacu m̄sare ñu yuh̄d̄ wahcã duamaja yuh̄. ã jicu t̄p̄re s̄ricu tjua tacu pari turi m̄sa mehne mahaa num̄ricã jiboca yuh̄. ã jina p̄na taha m̄sa mehne yu jichu ñuna p̄j̄ro yuh̄ mehne m̄sa wahcheboca. Baharo m̄sa cahap̄ jiricu Judea yahp̄ yu wahachu ñuna yuh̄re yoadohoboca m̄sa. ¹⁷ “Wahaihtja”, yu nichu t̄horina jina m̄sa cahap̄ yu s̄erachu ñuna “Paulo mahõono niri jira”, ¿ni tãhotujari m̄sa? “Wahaihtja”, nicu yu m̄ s̄ro ã nicu nieraja yuh̄. “To niriro sehetã yoerara”, ¿yuh̄re

ni tãhotujari m̄sa? ¹⁸ Õ sehe ni mahõoriro jieramaja yuh̄. ã jicu “Yoaihtja”, nicu yu niriro sehetã yoaja yuh̄. T̄re masina Cohamacu. ¹⁹ Yuh̄, Sila, Timoteo mehne Jesucristo Cohamacu mac̄no yare m̄sare yahui sã. Cristo sehe “Yoaihtja” nino, quihõno yoariro jiro nina. Cohamacu to niriro sehetã Cristo yoara. ²⁰ Jipihtiare Cohamacu to yahurire Cristo yoa pahõoha. To ã yoariro jichu ñuna Jesu yoadohoro mehne to yare sã painare “ã tjira”, ni yahuja Cohamacu ti ño payohto sehe. ²¹ Cristo yaina marine jirucuchu yoariro Cohamacuta jira. ã jiro to yare yahuhtinare sãre besere tiro. ²² ã yoa to yaina mari jiare ñuno t̄re marine masichu yoara tiro. ã yoaro, Esp̄ritu Santore mari mehne ji dutire tiro. Mari mehne jiro tirota marine Cohamacu to yuh̄dohtore masichu yoara.

²³ Mip̄re poto yahuihtja m̄sare. Poto yu yahuerachu Cohamacu sehe m̄sare poto yahujaro. Tirota yu tãhotuare masina. M̄sare tuhti duaeracu m̄sa cahap̄ wahaerahi. “M̄sare cahyachu yoari”, nicu m̄sa cahap̄re Corintop̄ wahaerahi. ²⁴ ã jina “M̄sare wacũ tua dutiina jija sã”, nina nieraja. Cristore noano wacũ tua tuhsare m̄sa. ã jina “Õ sehe Cristore wacũ tuaro cahmana m̄sare”, nina nieraja sã. M̄sare yoadoho duaja sã m̄sa noano wahchehto sehe.

2

¹ Æ jicũ õ sehe ni tũhotuhi: "Pari turi tinare cahyachũ yoa duaeraja. Æ jicũ mipũre wahaeraja", ni tũhotuhi.

² Mũsare cahyachũ yoa duaeraja. Mũsa cahyachũ ñũcũ yũhũ sehe mũsare wahcheraboa. Æ jina yũhũre wahchechũ yoahina jieraboa mũsa sehe. ³ Æ jicũ mũsa cahapũ wahaerahi. Wiho mejeta mũsare wiho joaroca bahrañohi. Mũsa yũhũre wahchechũ yoahina jipanahta yũhũre cahyachũ yoaboa mũsa, mũsa cahapũ yũ sũchũ. Mũsa mehne yũ wahchechũ, mũsa cãhũ wahchenahca. Tíre masija yũhũ. Æ jicũ mipũre mũsa mehne cahya duaeracũ wahaerahi mũsa cahapũ.

⁴ Pjĩro tũhotucũ, ñano yajeripohna ticũ, tuaro yahco mehne mũsare joarocapacũta mũsare cahyachũ yoa duaerahi. Mũsare tuaro yũ cahĩre mũsare masichũ yoa duacũ mũsare joarocahi.

Tina mehne macariro to ñano yoarire bo dutiha Paulo Jesu yainare

⁵ Cãiro mũsa mehne macariro yũhũre cahyachũ yoariro jire. Wiho mejeta mũsare to tuaro cahyachũ yoariro seheta yũhũ sehere pjĩro cahyachũ yoaerare tiro. Æ ñano yoariro cãina mũsa sehere tua curero cahyachũ yoayuhti. "Tua curero", nija yũhdo curero yahu duaeracũ. ⁶ Payũ mũsa mehne macaina tirore buhiri

dahre tuhsũyuhti. Tó purota buhiri dahre duhuro cahmana tirore. ⁷ Tirore mũsa buhiri dahrerucuchũ tuaro cahyaboca tiro. Æ jiro Cristo yare duhuboca. Æ jina to ñaa yoarire boga mũsa. Tirore yoadohoga to wahchehto sehe. ⁸ Tuhsũ, tirore noano yoaga mũsa tirore mũsa cahĩre to masihtõ sehe. Mũsa Æ yoachũ tuaro cahmaja yũhũ. ⁹ Tó pano mũsare joarocacũ "¿Potocãta yũhũre yũhtiahcari?" nicũ Æ ni yahu joarocahi mũsare. Yũhũre mũsa yũhtichũ ñũ duacũ mũsare Æ ni joarocahi.

¹⁰ Mipũre to ñaa yoarire mũsa bochũ ñũcũ yũhũ cãhũ tíre boihtja. Yũhũre ñano yoaerari jire tiro. Mũsa sehere ñano yoayuhti. To Æ jiro jipachũta to ñaa yoarire boja yũhũ cãhũ. Mũsare noano yoadoho duacũ Cristo to ñũrocaroi to ñaa yoarire boja. ¹¹ Tíre boja Satana marine to yũhdũrũcaerahto sehe. Tiro marine ñaare yoachũ cahmana. Tíre noano masija mari. Æ jina Jesu yaina ti ñaa yoarire wacũrucueraja mari, "Tinapũ Satana yare cahmari", nina.

Tróade wama tiri macai jiro Titore bocaeraro pjĩro cahya tũhotuha Paulo

¹² Æ yoa Tróade wama tiri macapũ sui Cristo yare buhe duacũ. Tópũ yũ jichũ payũ masa noaa buheare tũho duaina jire. Mari pũhtoro to yoadohoa mehne to yare yũ buhehtina payũ masa jire. ¹³ Æ jipachũta mari coyeirore

Titore bocaeracu pjíro cahya t̄hotui. Ā jicu tó macainare coha siti tuhs̄acu Macedonia yahp̄a wahi.

Cristo to yoadohoa mehne ñaare yoarucueraja mari

14 Ā yoa Cohamacu Satanare to ȳhd̄ucari baharo mari c̄h̄are tireore ȳhd̄ucach̄u yoara, Cristo mehne ñaa yoare marine duhuch̄u yoaro. Surara mahap̄u pari pohna wahaga ti ȳhd̄ucarire ti yoa ñono seheta mari c̄h̄u Cohamacu mehne Satanare mari ȳhd̄ucarire yoa ñona nija Cohamacu mehne. Ā jina “Noana”, nija tireore. Ā jina Cohamacu marine to dutich̄u masina jipihtirop̄u Cristore masare masich̄u yoaja mari. Ā tireore masia tina noano wahchera me sitiare ti wahcheriro seheta. 15 Cristo yaina jina, Cohamacu sehere wahch̄ech̄u yoaja mari, me sitiare mari wahcheriro seheta. Ā jia Cristo yaina mari jia tiare ñu masina paina Cohamacu to ȳhdohtina. Paina ti ñaa buhiri pichacap̄u wahahtina c̄h̄u Cristo yaina mari jia tiare ñu masina. 16 Cristo yaina mari jich̄u ñaa, ti ñaa buhiri pichacap̄u wahahtina sehe pichacap̄u ti wahatore masina. Cohamacu to ȳhdohtina sehe marine Jesu yainare ñaa jipih̄tia dachoripe tiro mehne ti jihtore masina. Ā jia Cristo ya wiho jia buhea jierara. Ā jiro ahrire Cristo yare to m̄ s̄ro buhe sohtori tiriro

ne mariahna. 17 Payu paina Cohamacu yare buhemana niñerure wapata duaa. Sã sehe tina yoaro sehe yoaeraja. Mahñono marieno Cristo to tuaa mehne to yare buheja sã. Cohamacu sãre to c̄ch̄u to ñ̄rocaroi noano buheja sã.

3

1 ¿Pari turi sã jia tiare m̄sare yahuna nijari sã, m̄sa t̄hotuch̄u? Paina m̄sare ti buhehto pano ti jia tiare masi duana ti joari p̄re cahma m̄htare m̄sa. Sãre masi tuhs̄ura m̄sa. ¿Sãre masipanahta tí p̄ barore cahmajari m̄sa? ¿O paina cahap̄u sã buhena wahana tí p̄ barore sãre nano cahmajari, m̄sa t̄hotuch̄u? 2 Tí p̄ barore cahmaeraja sã. M̄sa sehere jipih̄tina paina ñaa m̄sare sã noano buherire masiaħca. M̄sare sã buhech̄u Cristo yaina ji d̄care m̄sa. 3 Ā jina tí p̄ baro yoaro sehe jira m̄sa sehe. Cristo painare to joarocari p̄ yoaro sehe jira m̄sa. Tí p̄re tiro to joarocaboro seheta, Esp̄ritu Santo tuaa mehne m̄sa jia tiare noano cohtotach̄u yoari jire Cristo, painare to tuaare ñono taro. Potota tinta mehne to joarocari p̄ yoaro sehe jierara m̄sa. Cohamacu catiriro waro to Esp̄ritu Santo mehne m̄sare cohtotach̄u yoaro, joarocari p̄ painare to joaroca ñono seheta, m̄sa sehe Cristo yaina wahana, to yare m̄sare sã quih̄no buherire noano ñona painare. 4 Ahrire jipih̄tiare

michapucacã yu ni joarire tuhota sã Cohamacu noano wacũ tuana. Cristo to yoadohoa mehne ã wacũ tuarucuja sã. ⁵ “Sã mu sũro ahri dahraare yoaja sã”, ni masieraja sã. Cohamacu to yoadohoa mehne bihoja sã.

⁶ Mipare to yahuare noaa buheare Cohamacu sehe noano sare buhe masichu yoara. Ahri buhea panopu to dutia to joari cjiri yoaro sehe jierara. Noaa buhea sehere buheja sã. Panopu to dutirire mari mu sũro ne bihoeraja. ã mari bihoerari buhiri pichacapu wahaboa mari. Noaa buhea sehere tuhona Espiritu Santo to yoadohoa mehne Cristore wacũ tuaja. ã wacũ tuana jipihia dachoripe Cohamacu mehne jirucunahca mari.

⁷ Cohamacu to dutiare cũno tãa pjinipu joa õ tuhsu, Moise cjiore cũri jire. To ã cũri baharo to si sitea bajuari jire. Moise cjiro wuhduu si siteri jire. Minoa yuhduari jire. Baharo tí si sitea pihtia wahari jire. Baharo to si sitea to pihtia wahahto to jipachuta wahmanore to wuhduare masa ne ñuroca õa bihoerari jire. Tí dutiare masa ti yoa pahnoerari buhiri pichacapu wahahtina jia tiri jire. ã jia tí dutia masare pichacapu waha dutipahta, tuaro si sitea mehne ji ducari jire tí dutia.

⁸ Tí dutia yuhdoro noaa buhea sehe noa yuhduara. Ahri buheare painare mari buhechu ti noano tuhochu Espiritu Santo tina mehne

jirohca. ã jia panopu macaa dutia yuhdoro Cristo ya sehe noa yuhduara. ⁹ Cohamacu dutia panopu macaa masare pichacapu waha dutiri jire. ã dutipahta Cohamacu tuaa mehne to si sitea mehne ji ducari jire. Tí yuhdoro noaa buhea sehe Cohamacu to tuaa mehne jira. Tí buhea mehne noaina wahara masa Cohamacu to ñuchu. ¹⁰ Panopu Cohamacu to dutiri cjiri sehe wiho jia dutia yoaro sehe tjuanocahna mipare noaa buhea mehne mari ñu piti bocachu. Noaa buhea sehe noa yuhduara. ¹¹ Panopu re to dutia yoa cureri pja si sitea jirucuma, pihtia wahaha. Tí dutia yuhdoro noaa buhea sehe noa yuhduara. Tí buheare noano tuhona, Cohamacu mehne ã jirucunahca.

¹²⁻¹³ Mari ã jirucuhtore masina, cuiro marieno noaa buheare noano yahu pahnonocaja sã. Moise cjiro sehe sã yoaro sehe yoaerari jire. “ ‘Cohamacu to si sitea pihtiro nina’, Israe masa ni ñuri”, nino to wuhduare ducatarari jire Moise cjiro. Sã sehe tiro yoaro sehe yoaeraja. Cuiro marieno, ducataro marieno to yare noaa buheare buheja sã. ¹⁴ Tí pjaru macaina Israe masa sehe ne masiera tiri jire. Mipare cũhure Cohamacu yare panopu to joaa pũrine tina buhea, ne masierara. Moise cjiro to wuhduare to ducatachu Cohamacu to si siteare ti ñuroca õerariro seheta tina noaa buheare noano masierara.

Cristore cahmaeraa, masisi tina. Tirore noano wacū tuaa, tí pja pinihta to yare masiahca. ¹⁵ Mip_u cūhure Israe masa Cohamac_u dutia Moise cjirore to cūrire buhea, tinare ducataro sehetā noaa buheare tí tūhoborore ducatarā. ¹⁶ Mari sehe mari pūhtorore mari cahmach_u tirota marine masich_u yoara. Moise cjiro to wūhdūa ducatarore to nanocaboriro sehetā mari pūhtoro marine to yare noano masich_u yoara. ¹⁷ “Mari pūhtoro” nic_u, Espíritu Santore nii nija. Cohamac_u to Espíritu Santo mari mehne to jich_u pichacap_u wahaborinare to yūhdoina jija. Ā jina “Panop_u macaa dutia mehne mari yūhdūnahca”, nieraja mari. Ā jina tí dutiare duhuna, Espíritu Santo to cahmano sehetā yoaja mari. ¹⁸ Ā jina Jesu yaina jina, Cohamac_u yahuare masija mari. Ti wūhdūa pocare ducataro marieina yoaro sehetā Cristo to tuaare ñona nija mari. Ā jiro mari pūhtoro Espíritu Santo marine noaa sehere cohtotach_u yoaro nina. To ā yoach_u Cristo noa yūhdūariro to jiro sehetā wahana nija mari.

4

¹ Ā yoa Cohamac_u sãre pja ñano, noaa buheare yahuhtinare cūre sãre. To ā cūrina sã jiare masina, to yare buhena pomerana, buj_una witi tūhotueraja. ² To yare buhena mahño cure buheraja. Tuhs_u, sã tíre

cohtotaeraja. Soro curero buhena buoro yūhdūboa. Ā jina tó sehe yoaare cahmaeraja sã. Cohamac_u to ñurocaroi jija sã. Ā jina noaa buheare noano quihōno buheja sã. Sã ā buhech_u ñua tíre noano masina sãre tūhoina. ³ Sã ya buheare noaa buheare buheja sã. Sã tíre buhepach_uta paina ne noano tūhoerara tíre tinare ducataro sehetā. Ā tūhoeraina pichacap_u wahahatina jira. ⁴ Satana ñariro ahri yahpa macaina bui pūhtoro tinare masierach_u yoara. Capari ñueraina tí ñ_u masieraro sehetā masierach_u yoara tinare. Noaa buheare Cristo tua yūhdūar_u sūriro ya buheare tí masierach_u yoara tiro. Cristo sehe Cohamac_u to jia tiare marine masich_u yoara. Tiro Cristo Cohamac_u waro jira. ⁵ Sã buhena “Sã sehere ño payoga”, ni buheraja. Ō sehe ni buheja sã: “Jesucristo sehe jira mari pūhtoro”, ni buheja sã. Sã sehe Jesure yūhtiina jina, mūsare dahra cohtaina yoaro sehe jina, to yare mūsare buheja sã. ⁶ Panop_u ō sehe niha Cohamac_u: “Nahitianop_ure buhriaro jiga”, ni dutiha tiro. Mip_ure tirota jira marine to tuaare masich_u yoariro. Buhriarocarō marine to noano bajuch_u yoaro sehetā, tiro to tuaare marine masich_u yoara. Cristo Cohamac_u tuaare, to jia tia cūhure marine masich_u yoara.

Cristo to tuaa mehne mari

jija

⁷ Æ masiina jina, to tuaare, noa buhea cūhare painare masichu yoaja. Æ yoaina jipanahta wiho jiina jija sã. Dihi biato dõih̄ta to wahtiro yoaro seheta sã cūhu wiho jiina jija. Æ jipanahta Cohamacu to tuaare, noa buhea cūhare painare buheja sã. Sã ã buhechu ñna, wiho jiina sã jichu ñna, sãre tuhoina õ sehe ni, masiahca. “Ti mu sũro ahri buheare masierara. Cohamacu sehe tua yũdũariro tinare masichu yoara”, ni masiahca paina sãre. ⁸ Jipihtina paina sãre ñano yoapahta Cohamacu sãre to yoadohochu tina sãre yũdũcaerara. Æ jina “Ñano yũdũna nija”, ni tuhutupanahta, Cohamacu yare ne duhueraja. ⁹ Sãre ti ñano yoarucupachuta Cohamacu sãre ã yoadohorucura. Sãre ti cjãroca cū m̄japachuta to yoadohoa mehne yarieraja sã. ¹⁰ Ti wajãhtina jinocanata nija sã, Cristo ahri yahpai to ñano yũdũriro seheta. Æ ti wajãhtina jinata nija sã Cristo catiare wariro to jiare masa ti masihto sehe. Sã ã ñano yũdũchu ñna tĩre masiahca masa. ¹¹ Æ yoa dachoripe sãre paina nu wajãhto cuara Cristo yaina sã jiri buhiri. Õ seheta ñano yũdũja sã Cristo to catiare wariro to jiare paina ti masihto sehe. Sã pjacũri baharo yariaa wahaahca. Sã ã wahahtina jipanahta Cristore catiare warirore masichu yoaja sã

painare. ¹² Æ jia m̄sare sã buheri buhiri sã sehere paina nu wajãhto cuara. Sã buheare m̄sa tuhori baharo jipihtia dachoripe Cohamacu mehne jirucuhtina jira m̄sa.

¹³ Cohamacu yare ti joari pũi õ sehe nina: “Cohamacure wacũ tuacu, to yare yahuhi”, ni joaa tiha panopu macariro. Sã cūhu tó seheta yoaja. Cohamacure wacũ tuana, to yare yahuja. ¹⁴ Æ buheja sã ahri yu nihtire noano masina: Cristo to yariari baharo Cohamacu tirore masori jire. Æ jiro Cristo yaina mari jichu ñno tiro mari cūhare masonohca. To ã masori baharo to cahapu naanohca marine. ¹⁵ Æ jina m̄sare yoadohona, ñano yũdũja sã. Æ jina Cristo yaina m̄sa payu wahana, payu m̄sa Cohamacure wahchea mehne ño payonahca. Tirore “Noana”, ninahca.

¹⁶ M̄sa ã wahachu ñna, sã ñano yũdũpanahta cahyaeraja. Æ jina Cristo yare buhe duhueraja. Dachoripe wahyarucuna nija sã. Sã ã wahyarucupanahta dachoripe wahcheina jirucuja sã. ¹⁷ Mipare ñano yũdũpanahta ñano yũdũ dojoaeraja. Tĩ mari ñano yũdũna pihtia wahaahca. Æ jina marine mahanocã ñano yũdũro cahmana. Æ mari ñano yũdũrina cjiri jina, baharopure pjĩro wahchea mehne jirucunahca Cohamacu mehne. Æ jina mari ñano yũdũri yũdũro

pjiro wahchea mehne jirucunahca. ¹⁸ Mari ñari cjiri baa pihtia wahaahca. Mari ñerari sehe ã jirucuahca. Æ jina mari ñeraare Cohamacu yare ã wacurucuja mari. Æ wacurucuna baharopu mari noano jihtore wahcheja.

5

¹ Wuhure to cohaboriro seheta baharo mari pjacuri sehe butia wahaahca. Æ jiro wahma wuhure to yoaboro seheta Cohamacu wahmaa pjacurire yoarohca. Æ yoaro tí pjacurire marine warohca. Tí pjacuri masa ti yoaa pjacuri jierara. Æ jina manopu ã jirucunahca tí pjacuri mehne. Tíre mari masija. ² Æ jina tí pjacurire manano macaa pjacurire tuaro cahmana, mari ã cohtarucuna nija. ³ Tí pjacurire tuaro cahmaja, mari yariari baharo suhti marieina mari jiboro seheta pjacuri marieina ji duaerana. ⁴ Mirure ahri pjacurire cohã duaerapanahta wahmaa pjacuri sehere tuaro cohtaja mari. Mirure mari pjacurire cohã duaerapanahta jipihitia dachoripe Cohamacu mehne mari jihtore tuaro cahmaja mari. Æ jina ahri mari pjacuri yariahti pjacuri ti jichu masina, wahmaa pjacuri mehne Cohamacu mehne ã jirucu duaja mari. ⁵ Mari ã jirucuhore cahnore Cohamacu sehe. Æ cahnono

Espíritu Santore ware marine. Æ jiro Espíritu Santo mari mehne jiro, marine Cohamacu to yoahore “Potocã tjira” nino, marine masichu yoara tiro.

⁶ Æ jina Cohamacure wacu tuarucuja mari. Cuiro marieno jija mari. Ahri mari ji muhtari pjacuri jina, mari puhtoro mehne jierasiniya. ⁷ Manano macaare Cohamacu cuhure mari ñerapanahta “Tí potocãta jira”, ni tuhotuja mari. Æ jina tirore wacu tuaja mari. ⁸ Æ jina mari cuieraja. Mari pjacurire ahri yahpai cohãna mari puhtoro mehne manopu jirucunahca mari. Æ yoa mari yariachu noa nina marine. ⁹⁻¹⁰ Æ jina Cristore wahchechu yoa duaja mari. Ahri yahpa macari pjacuri mehne jisinina tirore wahchechu yoa duaja. Manopu cuhure tirore wahchechu yoa duaja.

Jipihtina Cristo cahapu mari wahachu ñano tiro mari yoarire ñano marine beserohca. Ñano mari yoarire masinohca tiro. Æ masino wapa marieno to waborire marine wasi tiro. Noaare mari yoari cuhure masinohca. Æ masino wahchero marine noano yoarohca. To ã masiro jichu ñana tirore wahchechu yoa duaja mari.

Cohamacu marine to ñu tuhtichu ñano Cristo marine yahura

¹¹ Æ jina cua pisaro mehne Cristore ño payoro cahmana marine. Ahrire masina,

Cristo yare masichu yoaja sã masare. Tinare cuisãana, tirore wacũ tuachu yoa duaja sã tinare. Noano mehne sã tire sã buherire Cohamacu noano masina. Sã ã buherire musa cãhure noano musa masichu cahmaja yuhũ. ¹² Pari turi noaina sã jia tiare musare yahuna nieraja. “Painare yuhdurucaja”, niinare musa yahuhto sehe noano mehne sã buherire yahuna nija sã musare. Tina sehe ti tuhutuapũ ñaina jipahta masa ti ñurocaro dihta noaina yoaro sehe yoa ñomana. Æ jina sã mehne musa wahchehto sehe ahri jipihtiare musare yahu joana nija. “Paulo cãhũ sãre noano mehne buhere”, sãre painare musa ni ducatahto sehe ahri jipihtiare musare yahu joana nija. ¹³ ¿Sã õ sehe ni yahuna tuho masieraina jijari sã, musa tuhutuchũ? Masa sãre ñua, tuho masieraina yoaro sehe ñuna sãre. Cohamacu yare sã yoachũ ñua ã ni ñuboca sãre. Ti ã ñuborina jipanahta ã jiina jieraja sã musare yoadoho namona tana. ¹⁴ Cristo marine to cahĩchũ ñuna musare ã yoadohoja. To ã cahĩchũ ñuna to yare ã yahurucuja sã. Cũirota Cristo jipihtina mari ñaa buhirire yariari jire. To ã yariari baharo mari sehe jipihtina mari ñaa buhirire yariarina yoaro sehe jina, ñaare yoa namo duaeraja. ¹⁵ Jipihtina mari ñaa buhiri yariari jire tiro Cohamacu ya dihtare mari yoahito sehe. Mari mu sũro yoa dutieraro, to cahmaa sehere marine yoa

dutiro yariari jire tiro. Tiro sehe mari yaro jiborirore yariaro, masa mujari jire. ¹⁶ Æ jina mipure sã mu sũro masare “Noaina jira. Ñaina jira”, ni ñueraja sã. Panopũ sã mu sũro yoaa timai. Æ jina Cristore masierahi. ¹⁷ Æ jina Cristo yaina wahana wahma masa bajuaina yoaro sehe wahaja mari. Panopure mari mu sũro mari tuhutumare, mari yoamarire duhunocaja mari. Mipure wahma masa bajuaina yoaro sehe jina, noaa sehere cohtotana, Cohamacu ya dihtare yoa duaja mari.

¹⁸ Cohamacu sehe marine noaa sehere cohtotachũ yoare. Cohamacure ñũ tuhtina mari jichũ ñũno Cristo sehe mari ñaa buhiri tiare cohãre. Æ cohãno mari ñũ tuhtirire duhuchũ yoare tiro. Æ yoachũ yoare Cohamacu Cristore. Æ yoaro sãre to yare buhe dutiro cũre. Æ buhena, painare Cohamacu mehne ti ñũ tuhtirire duhuchũ yoaja sã cãhũ. ¹⁹ Õ sehe masare yahu dutire Cohamacu sãre: “Cristore mari wacũ tuachũ ñũno mari ñaa buhirire buhiri dahrerara Cohamacu marine. Æ yoaro marine ñũ tuhtiro cjiro jiparota tiro marine to yaina jichũ yoara”, ni yahu dutire Cohamacu sãre. ²⁰ Æ jina Cristo yare buhehtina to cũrina jija sã. Cohamacu musare to yahuboriro seheta sã sehe õ sehe ni musare yahuja: Cristore yahubasana nija. Æ jina musare bosaja. Cohamacure

musa ñu tuhtiare tó purota duhuga. ²¹ Cristo ñaare to yoaerapachuta Cohamacu sehe tirore mari ñaa buhirire yaria dutiri jire. Ñ yoaero mari ñaa buhirire buhiri dahreri jire Cohamacu tirore. Ñ jiro Cristo yaina mari wahachu Cohamacu yoaero sehe noaina jichu yoare tiro marine.

6

¹ Cohamacu yare buhedo-hoina jija sã. Ñ jina ahrire tuaro musare yoa dutija sã. Cohamacu yare noaa buheare musa tuhoriro seheta yoaga musa. Musa tuhoriro sehe musa yoaerachu tí musa tuhori yaba cjihti jierara. ² Õ sehe nina Cohamacu:

“Yu quihõri pjare, musare yu noano yohti pjare musa siniare tuho, yuhtihí.

Ñ yoaeru musare yu yuhdohti dachore musare yoadohohí”,

nina tiro. Tuhoga musa. Mipure Cohamacu musare to noano yohti pja jira. Mipure Cohamacu musare to yuhdohti dacho jira.

³ Ne mahanocã painare ñano yoaeraja sã. Painare ne ñano ni durucueraja, “Noaa buheare musare sã buheare cahmaerari”, nina. ⁴ Ñ jina Cohamacure dahra cohtaina sã jiare musare masichu yoa duaja. Õ sehe jija sã: Ñ nano yuhduna, paina ti ñano yoirina jina cãhu ã tuhotunocaja. Sãre ti ñano yopachuta suaro marieno jija. ⁵ Õ seheta

ñano yuhdai sã: Masa sãre cjãchu, peresu ti yoachu, payu masa sãre wajã dua ti sañurucuchu, ñano yuhdai sã. Sã tuaro dahra wahyana, wujo puripachuta carierana, juca baana ñano yuhdai.

⁶ Numiare ã ñunocai. Ñ jina ne ñano yoaerahi. Ñ yoa Cohamacu yare noano masi buhei musare. Tuhsu, ne suaerahi sã. Ñ yoa noano niji siaro mehne yoai sã musare.

Ñ yoana Cohamacure dahra cohtaina sã jiare masichu yoana nii sã musare. Espiritu Santo to yoadohoa mehne Cohamacure dahra cohtaina sã jiare masichu yoana nii musare. Potocã musare sã cahichu ñuna, tirore dahra cohtaina sã jiare masina

musa. ⁷ Ñ jina noaa buheare musare quihõno sã buhechu ñuna, Cohamacu tuaa mehne sã yoachu ñuna tirore dahra cohtaina sã jiare masina musa. Noaa sehe jipihtia sã yoari cjiri sã wamoa yoaro sehe jira noano sã ducatahto sehe. Tí noare yoana watinore sã ducata nija. Ñ yoana tí noare sã yoari mehne tirore sã yuhdurucaja. ⁸ Paina sãre ño payora. Paina sehe sãre ño payoerara. Paina noano ni durucura sãre. Quihõno sã buhepachuta “Mahñoina jira”, ni yahusãna paina sehe sãre. ⁹ Paina sãre ñu masiina jipahta sãre ñu masieraina yoaro sehe yoara. Sãre ti wajã duapachuta catisinija sã. Ñnga sãre. Potocã tjira. Sãre buhiri dahre ti cjãchu,

yarierasinija sã. ¹⁰ Sã cãa tahari cahyaina jipanahta, ã wahcherucuja. Pjacooina jipanahta painare noaa buheare buhena tinare pjíro pachere sã waboro seheta yoana nija tinare. Paye baro cjuæeraina jipanahta, potocãta Cohamacu yare cjuæ pahñonocaja sã.

¹¹ Ne Corinto macaina yu coyea musare noano mehne yahu pahño joahi sã musare. Musare tuaro cahĩna, ã yahuhi musare. ¹² Sã sehe musare cahĩ duhueraja. Musa sehe sãre cahĩera curera. ¹³ Æ yoa pohna ticu yu pohnare yu yahuboro seheta musare yahuihtja: Musare sã tuhoturiro seheta musa cãhu ãta noano tuhotuga sãre. Æ jina sãre cahĩga musa cãhu.

Cristore cahmaerainare piti ti dutieraha Paulo

¹⁴ Æ yoana Cristore cahmaeraina mehne ã piti tirucuena tjiga. Tina mehne macaina jiena tjiga. Cãno potori jierara musa. Noaare yoariro ñaare yoariro mehne noano ji masierara. Cohamacure cahmaina Cohamacure cahmaeraina mehne noano cahma piti ti masierara, buhriaro nahitiano mehne to ji masieraro seheta. ¹⁵ Æ jia Cristo watĩno mehne cãno potori tuhoturera. Æ yoa Cristo yairo, Cristore cahmaerariro mehne noano cahma piti ti masierara. ¹⁶ Cohamacu wãhuĩ “Cohamacu jira”, ti nia masurine mari cjuæchu ñaa nina. To ya wãhuĩ tí masurine

mari cũchu tó wahaerara. Tó seheta Cristo yaina Cristore cahmaeraina mehne mari piti tirucuchu cãhure ñaa nina. Tina puæ curua cãno mehne ji masierara. Cohamacu catiriro to wãhu yoaro seheta jija mari. To wãhuĩ to jiro seheta mari mehne jira tiro. Õ seheta nina Cohamacu:

“Tina mehne jiihtja yãhu.

Ti watoi ã jirucuihtja.

Yãhu Cohamacu ti puhtoro jiihtja.

Æ jia tina sehe yu yaina masa jiahca”,

nina tiro.

¹⁷ Æ yoa õ sehe ni namona tiro mari puhtoro:

“Ñaina mehne tjuæna tjiga.

Tinare piti tiena tjiga.

Cristore cahmaeraina ti ñaa yoaare ñu cũena tjiga.

Musa ã yãhure yãhtichu ñucã, yãhu sehe musare piti tihtja.

¹⁸ Æ jicu musa Puçu jiihtja.

Musa sehe yu pohna jinahca”, nina Cohamacu mari puhtoro tua yãhdurairo.

7

¹ Yu coyea, yu cahĩna, ahri jipihtiare Cohamacu to ã ni yahuchu tuhona jipihtiare ñaa yoaare duhujihna mari. Ñaa wacũa cãhure duhujihna mari. Cohamacure noano ño payoa mehne ñaa buhiri tia marieno jijihna mari.

Paulo wahchea mehne yahuha Corinto macainare

² Noano mehne jiga musa sã mehne. Ne mahanocã mehne ñano yoærahi sã

m̄sare. Ā yoa tuhs̄u, m̄sare buhena, ne m̄sare dojomehnerahi. Ne c̄ũiro m̄sa mehne macarirore mah̄ñoa mehne wapa cahmaerahi. ³ Ā nic̄u m̄sare tuhtii nieraja. M̄sare yahu tuhs̄uhi. S̄ã yajeripohnari mehne tuaro cah̄ija s̄ã m̄sare. Catisinina m̄sare ā cah̄irucunahca. Mari yariari baharop̄u c̄ũhure m̄sare ā cah̄irucunahca. ⁴ Ȳu niriro seheta m̄sa yoarire, m̄sa yoah̄ti c̄ũhure masija ȳuh̄u. Ā jic̄u m̄sare wac̄ũrocac̄u wahcheja. S̄ã ñano ȳuh̄d̄uro watoi m̄sa sehe ȳuh̄ure pj̄iro wahchech̄u yoara.

⁵ Ā yoa Macedonia yahpap̄u s̄ã s̄uri baharo t̄op̄u jina, ne soerahi s̄ã. T̄op̄ure ñano ȳuh̄d̄uhi s̄ã. Paina s̄ã mehne cahma sayo ȳuh̄d̄ur̄ucahre. Ā jina “Cristo yare duhuri”, nina Cristo yaina sehere cuis̄ãahi s̄ã. ⁶ S̄ã ā ñano ȳuh̄d̄upach̄uta Cohamac̄u s̄ãre wahchech̄u yoahre. Tiro cahyainare wahchech̄u yoariro jira. Ā jiro Tito s̄ã cahap̄u to wihiro mehne s̄ãre wahchech̄u yoahre Cohamac̄u. ⁷ Tito to wiich̄u ñ̄na wahchehi. Tirore m̄sa wahchech̄u yoarire s̄ãre to yahuch̄u wahchehi. Ahri c̄ũhure wahchehi. M̄sare to quit̄i yahuch̄u c̄ũhure tuaro wahchehi s̄ã. Ȳuh̄ure m̄sa ñ̄u duarire yahuhre s̄ãre. Ȳuh̄ure m̄sa cahya m̄sa pj̄iro t̄uhoturi c̄ũhure yahuhre tiro. To ā ni yahuch̄u t̄uhoc̄u pj̄iro wahchehi ȳuh̄u.

⁸ Tó pano ȳu joarocari p̄ũ mehne m̄sare cahyach̄u

yoamahi. Ā yoaric̄u jipaihta cahyaeraja ȳuh̄u sehe. Tí p̄ũre m̄sa buheri baharo cahyayuhti m̄sa. Tuhs̄u, mahanoc̄ãta cahya duhuyuhti m̄sa. Ā jic̄u wahma joaroca m̄htac̄u cahyapaihta mip̄ure cahyaeraja. ⁹ Mip̄u pinihtare wahcheja ȳuh̄u. M̄sa cahyach̄u t̄uhoc̄u wahcheraja. Wiho mejeta ā cahyana, m̄sa ñ̄aare t̄uhotumarire cohtotayuhti m̄sa. Ā m̄sa cahyach̄u ñ̄no, Cohamac̄u sehe to cahmano seheta m̄sa ñ̄aare t̄uhotumarire cohtotach̄u yoari jira. Ā jina m̄sare cahyach̄u yoana, ñ̄ano yoa dojomehnena nierahi s̄ã m̄sare. ¹⁰ Ā jina Cohamac̄u to cahmano seheta cahyana, mari ñ̄aare t̄uhotumarire cahyanahca. Cohamac̄u to cahmano seheta cohtotannahca. Tó sehe mari cahyach̄u ñ̄no marine pichacap̄u wahaborinare ȳuh̄dora Cohamac̄u. Mari ā cahyach̄u noa nina marine. Cristore cahmaeraina sehe ti ñ̄aare t̄uhotumarire cahyaerapahta, ā cahyamacanoc̄aa, pichacap̄u wahah̄tina jis̄inina. ¹¹ M̄sa sehe Cohamac̄u to cahmano seheta cahyayuhti. M̄sa ā cahyana õ sehe yoayuhti m̄sa: Mip̄ure ñ̄aare yoainare ā ñ̄nocaerayuhti m̄sa. Tinare duhu dutiyuhti m̄sa. Ā jina ti ñ̄aa yoaare cuiyuhti m̄sa “Tina yoaro sehe s̄ã yoari”, nina. Ā yoana ȳuh̄ure ñ̄u duayuhti m̄sa. Tuhs̄u, ñ̄aare yoarirore buhiri dahre duayuhti m̄sa. Tí jipihtiare

musa yoana mipure quihõno yoaina musa jirire masichu yoahre musa sãre. ¹² Panopu ñano yoaritore musare yahu joarocapaihta tireore yoadohocu tacu ã ni yahu joarocaerahi. To ñano yoa payoriro cãhure yoadohocu tacu ã ni joarocaerahi. Musa sehere yoadohocu tacu tí pũre joarocahi. Sãre noano ño payora musa Cohamacu to ñurocaroi. Tíre musa ño payorire noano musa masihtõ sehe tí pũre joarocahi musare. Cohamacu tíre musare masichu cahmare. ¹³ Æ jina Tito musa yoarire to quti yahuchu tãhona tuaro wahchehi sã.

Tito cãhure tuaro wahchere. Tireore musa noano mehne musa piti bocachu tãhona, musa mehne to wahcherire tãhona sã cãhure noano wahchehi. ¹⁴ Wahmanopu musa cahapu to wahahto pano musa mehne yu wahcherire, noaina musa jirire yahuhi tireore. Yu ã yahuchu yu niriro seheta noano yoayuhti musa tireore. Æ jicu tireore yu nirire buo tieraja. Musare quihõno ã yahurucuja sã. Tõ seheta Tito cãhure quihõno sã yahuhi musare to ñuriro seheta. ¹⁵ Musa cahapu to sachu ño payoa mehne tireore piti bocayuhti musa. Musa ã piti bocachu, noano yuhtiina, yuhdũncaro marieina musa jichu ñũyuhti tiro. Æ jiro musare cahĩ namono nina tiro. ¹⁶ Mipure noano yuhtiina, Cohamacu to cahmano seheta musa noano yoa

pahõoina musa jichu noano masija yuhure. Æ masichu tuaro wahcheja.

8

Cristoyaina jina, painare ã wanocano cahmana marine

¹ Sã coyera, ahri yu yahuhtire musare masichu cahmaja sã. Cristo yaina Macedonia yahpa macaina Cohamacu cahĩa mehne to pja ñua mehne ti yoarire musare yahuihtja. ² Tina ñano yuhdũpahta, niñeru maeraina jipahta niñerure cahĩno marieno ã wanocahre pjacũoinare Jesu yainare. Cristo mehne tuaro wahcheina jia, tina Judea yahpa macainare noano mehne ti cãaare ã wanocahre. ³ Musare niita nija. Tina ti cãaro puro wahre. Jierara. Bui curero wahre. Sã sinibasaerapachuta pjacũoinare wahre tina. ⁴ Cohamacu yainare pjacũoinare tuaro yoadoho dua, "Macedonia macainare tuaro wa duaja sã", nire tina sãre. ⁵ "Õ puro waahca", tinare sã ni tãhoturiro bui curero wahre tina. Õ sehe yoahre tina: Wahmanore niñerure ti wahto pano mari puhtoro Cristo to cahmano seheta yoa pahõori jihre tina. Æ yoa tuhsu, Cohamacu to cahmano seheta sã cãhure ño payoa mehne yuhtiri jihre. Æ yoaina jia tina niñerure wahre. ⁶ Ti ã wa tuhsuchu ñua Titore sã sehe õ sehe nihi: "Corinto macainare mu buhe dũcariro seheta noano mehne pjacũoinare ti

wahtore buhe pahñoga”, nihi sã tirore. MUSA CŪHU painare pja ñana, mUSA yoadohohto sehe ã nihi tirore. ⁷ MUSA sehe jipihtiare noano yoaina ji tuhsara: Cristore potocãta noano wacũ tuara mUSA. ã jina to yare noano yahura mUSA. ã yoa Cohamacu yare noano masina mUSA. ã masina, Cohamacu to cahmano seheta tuaro yoa duara mUSA. ã yoa sãre cahna mUSA. Õ seheta noano yoaina ji tuhsara mUSA. MUSA ã noaina jipachuta mahanocã dhsasinina mini mSARE. Pjacuoina pinihtare mUSA pja ñuchu cahmaja sã. ã jina jiape nino marieno tinare noano mehne mUSA pjíro wachu cahmaja sã.

⁸ ã nicu mSARE dutii waro nieraja. ã ni yahuita nija mSARE. Paina pjacuoinare ti tuaro yoadohore mSARE yahui nija. “¿Potocãta pja ñuina jijari mUSA?” ni masi duai nija. ⁹ Mari puhtoro Jesucristo sehe marine to pja ñarire masina mUSA. Tí to pja ñari potocã tjira. Tiro muanoru pjíro cjuariro jiparota ahri yahpau taro pjacuroiro wahari jire. ã yoaro mari yaro jiborirore yariaro pjacuroiro wahari jire. Õ sehe wahari jire tiro mari sehe to yare pjíro mari cjuahito sehe, tiro mehne mari ã jirucuhto sehe.

¹⁰ MUSA ã yahuita nija noaare mUSA masihto sehe. Õ sehe ni tuhutuja yuhu sehe pja cuoinare mUSA

wahtire: Cũ cūhma wahara pja cuoinare mUSA wahtire mUSA wihbori baharo. Tí yuhdoro noano yoayuhti mUSA. Paina ti wa duahto pano mUSA sehe pjacuoinare wa dua mūhtayuhti. ¹¹ ã jina mUSA wa dua mūhtariro seheta mipure noano waga tinare. ã yoana pjíro cjuaina jina, pjíro waga. Mahanocã cjuaina jina, mahanocã waga. ¹² Tuaro mUSA wa duachu tíre mUSA warire Cohamacu wahcherohca. ã jina noho mUSA wa duaro puro waga. MUSA wariro purota mUSA wachu wahcherohca Cohamacu. “Pjacuoinare wa yuhdoga”, mSARE nino nierara tiro.

¹³ “Pjacuoinare waga”, nicu tinare pjíro cjuu duticu nieraja. ã jicu mUSA sehere pjacuoina jichu yoa duaeraja.

MUSA cãno potori cjuu duticu ã nii nija. ¹⁴ Mipure mUSA sehe pjíro cjuara. ã cjuana paye baro maerainare wa masina mUSA. Baharo mSARE paye baro maerachu tina cūhu wa masina mSARE. MUSA ã cahma wana cãno potori cjuanahca jipihtina Cristo yaina. ¹⁵ Õ sehe nina Cohamacu yare ti joari pui: “Pjíro nariro cūhu paina bui curero cjuerare. Mahanocã nariro cūhure ne mahanocã dhsaerare”, nina Cohamacu yare ti joari pui.

Tito tó mehne macaina mehne Corintoru wahaha

¹⁶ ã yoa mSARE yu yoadohore seheta Tito cūhu mSARE yoadoho duara.

Cohamacu sehe musare to yoadoho duachu yoahre tirore. To ã yoachu ñucu “Noana”, nija Cohamacure. 17 Titore musa cahapu sã waha dutichu tiro noano mehne yuhtihre. Tirore sã waha dutihtu panoputa to basita musa cahapu tuaro waha dua tuhuriro jire.

18 Tirore paio Jesu yairo mehne piti dahrerocahi sã tirore. Tito pitire jipihtina paina Jesu yaina noano ño payora. Noaa buheare to noano yahuriro jichu ñua tirore noano ño payora. 19 Æ jia Jesu yaina tirore cahmahre sã mehne to tinino wahahto sehe. Ti niñerure pjacuoina cahapu sã naachu sã mehne wahahtirore cahmahre tirore. Æ jia ti niñerure sã wabasachu ñua “Marire yoadohoriro jira”, niahca masa Cohamacure. Sã ã wabasana tinare tuaro mari yoadoho duarire masichu yoanahca tinare. 20 Æ jina ahri niñerure, pjíro Jesu yaina ti warire naabasana, noano ñu wihbonahca ti warocarire, “Sãre yahusãri”, nina. 21 Mari puhtoro to ñurocaroi quihõno, noano yoa duaja sã. Masa ti ñurocaro cãhure quihõno yoa duaja.

22 Æ yoana tana paiore mari coyeirore warocanahca Tito cãhu mehne. Sã piti dahrerocarirore payu tahari painare to noano yoadohochu ñuhi sã. Æ jiro mipure musa sehe painare musa yoadoho duachu ñuno tiro

tó pano to yoiaro yuhdoro noano musare yoadoho duara. 23 Tito sehere musare yahuihtja. Tiro yu piti jira. Musare yu yoadohochu tiro yuhu mehne dahrariro jira. Paina tiro mehne wahahtina Jesu yaina ti beserina ti warocarina jira. Tina Cristo yare yoara paina tirore ti ño payohto sehe. 24 Æ jina cahia mehne noano mehne tinare piti bocaga musa. Musã ã yoachu ñua paina Jesu yaina sehe musa cahiare masiahca. “Noano piti bocaahca Corinto macaina”, ni yahu tuhsuhi painare. Musã ã noano piti bocachu ñua ti sã yahuri cjiri quihõno ti jichu masiahca paina Jesu yaina.

9

Jesu yainare pjacuoinare ti wahtore yahuha Paulo

1 Æ yoana Cohamacu yainare musa yoadohohtore musa wahtore masi tuhsura musa. 2 Painare musa yoadoho duaare masija yuhu. Æ masichu Macedonia yahpa macainare õ sehe ni yahui: “Corinto macaina, ti ya yahpa Acaya yahpa macaina cãhu Jesu yaina sehe painare yoadoho dua tuhsuhre. Cã cãhma yuhdura ti yoadoho duariro”, ni yahu tuhsuhi tinare musare. Musã ã yoadoho duachu tuhoa payu tina cãhu pjacuoinare yoadoho duahre. 3 Musare ã ni yahuriro jichu mipure ahrinare mari coyeare musa cahapu warocai tai

nija, Macedonia yahpa macainare yu yahuriro se-heta m̄sa yoah̄to sehe. ̄ Ā jicu pjac̄oinare m̄sa wah-tore m̄sa cahmachu m̄sa c̄j̄ayuh̄to sehe ahrinare warocai nija. 4 Tinare waroc̄aerac̄h̄ Macedonia yahpa macaina mehne m̄sa cahap̄h̄ s̄h̄c̄h̄, m̄sa wahtire m̄sa c̄j̄aerac̄h̄ ñ̄h̄c̄h̄ b̄h̄o tisãboa yuh̄h̄ m̄sare. “Pjac̄oinare waahca”, m̄sare yu ni t̄h̄oturi baharo m̄sa waerac̄h̄ ñ̄h̄c̄h̄ b̄h̄o tisãboa yuh̄h̄. M̄sa c̄h̄h̄ b̄h̄oro yuh̄d̄boa. 5 Ā jicu m̄sa cahap̄h̄re yu s̄h̄to pano tinare mari coyeare waroca m̄htai nija. “Pjac̄oinare wanahca”, pano m̄sa nirire m̄sa c̄j̄ayuh̄to sehe tinare waroca m̄htai nija. M̄sa wahtire m̄sa cahmachuch̄h̄ tina sehe m̄sare yahu quih̄õahca. M̄sa wahtire m̄sa c̄j̄ayu tuhs̄ch̄h̄ wahchea mehne m̄sa wa duarire masiahca jipihtina. M̄sare sã wa dutiri jisi tí. M̄sa m̄ s̄ro m̄sa wari jahca.

6 Ā jina ahrire wac̄õga m̄sa: Mahaa yaparicã toariro mahaa pocacã nanohca. Payu yapari toariro payu poca nanohca. (Tó sehe jira pjac̄oinare mari wach̄h̄. Mahanocã mari wach̄h̄, Cohamac̄h̄ mahanocã warohca marine. Pj̄iro mari wach̄h̄, pj̄iro marine warohca.) 7 Ā jina cãina m̄sa “Õ puro wanahtja”, ni waga. Niñerure cah̄no marieno waga. “Marine wa

dutire”, nino marieno waga. Wahchea mehne wainare cah̄na Cohamac̄h̄. 8 Tiro sehe m̄sa cahmano yuh̄doro m̄sare warohca. Ā jina jipihtia m̄sa cahmarire d̄hsaro marieno c̄j̄a pah̄õnahca. Ā jia painare m̄sa wach̄h̄ c̄h̄h̄re noano m̄ s̄ahca m̄sa c̄j̄aa. 9 Õ sehe nina Cohamac̄h̄ yare ti joari p̄i: “Pjac̄oinare pj̄iro wara Cohamac̄h̄.

Noano mehne masare ã yoarucura tiro”,

nina to yare ti joari p̄i. 10 Ā jiro toaa dicha tiri baharo toariro to toah̄ti capare wara Cohamac̄h̄. Baharo to toarire dicha tich̄h̄ yoara to ch̄htire. Pjac̄oinare m̄sa pj̄iro wach̄h̄ toarirore to wariro seheta m̄sa c̄h̄h̄re pj̄iro warohca Cohamac̄h̄. Tó sehe dihta m̄sare warohca pjac̄oinare m̄sa wa namohto sehe. 11 Ā tjira. Pj̄iro warohca m̄sare painare pj̄iro m̄sa ã warucuhto sehe. Ā jia m̄sa warocari niñerure pjac̄oinare sã wach̄h̄ payu tina sehe Cohamac̄h̄re wahchea mehne “Noana”, niahca. 12 Ā yoana pjac̄oinare Cohamac̄h̄ yainare wana, tinare yoadohora m̄sa. Ā yoadohona wahchea mehne Cohamac̄h̄re “Noana”, ti nich̄h̄ yoanahca m̄sa. 13 Ā painare m̄sa yoadohoch̄h̄ ñ̄h̄a, Cohamac̄h̄re ño payoa mehne durucuahca masa. Tinare paina c̄h̄h̄re pj̄iro m̄sa wach̄h̄ ñ̄h̄a Cohamac̄h̄re “Noa yuh̄d̄ariro jira”, niahca masa. Õ seheta niahca Cristo ya buhea noaa buhea ti

niriro seheta m̄sa yoach̄u ñ̄na tinare m̄sa wach̄u ñ̄na. ¹⁴ Æ jia Cohamac̄u m̄sare tinare to wa dutich̄u m̄sa sehe tinare m̄sa p̄ja ñ̄uch̄u tina sehe m̄sare cah̄ia mehne sini payoahca Cohamac̄ure. ¹⁵ Cohamac̄u marine noa ȳhd̄uaro yoara. To Æ yoarire masina “Noa ȳhd̄uaro yoara”, nijihna mari tirore.

10

Jesu buhe duti to c̄ūriro to jiare yahuha Paulo

¹ Mip̄ure ȳh̄u Paulo, m̄sare yahuihtja. C̄aina m̄sa mehne macaina õ sehe nina ȳh̄ure: “Mari mehne jiro painare ȳhd̄uaca du-aerariro, wiho jiriro yoaro sehe jira. Æ jiparota pa seh̄ep̄u jiro marine cuiro marieno tuhtirocara”, nina m̄sa c̄aina ȳh̄ure. Cristo sehe ne suaerariro, masare noano yoariro jira. Tiro yoaro seheta ȳh̄u c̄uh̄u ji duaja. ² Æ jic̄u m̄sare ahrire tuaro mehne yahuihtja: M̄sa cahap̄u ȳh̄u s̄uch̄u noano yoaga m̄sa “Paulo s̄are tuhtiri”, nina. C̄aina ȳh̄ure õ sehe nina: “Tiro to m̄s̄uro, Cohamac̄u to dutiro marieno yoara”, nina ȳh̄ure c̄aina. Tõ sehe niina pinihtare tuhtiboca ȳh̄u. ³ S̄a c̄uh̄u ahri yahpa macainata jina nija. Æ jipanahta ahri yahpa macaina ti m̄s̄uro ti yoaro sehe yoeraja s̄a, Cohamac̄u dutiare yoana. ⁴ Surara cahma waj̄a ti ȳhd̄uacariro seheta s̄a

sehe ñ̄aare ȳhd̄uaca duaja. Tí ñ̄aare yoa duaeraja. S̄a Æ yoach̄u s̄a wamoa ahri yahpa macaina ti wamoa yoaro sehe jierara. Surara ti wamoa ti c̄uaro seheta s̄a sehe Cohamac̄u to tuare c̄uaja. Tí tuaa mehne Cohamac̄ure cahma dutierainare coh̄aja s̄a. Masa ti m̄s̄uro ti masiare ti yaba c̄jih̄ti jierach̄u masich̄u yoaja s̄a tí tuaa mehne. ⁵ Tuhs̄u, jip̄ihtina ȳhd̄uaca duainare, ti m̄s̄uro t̄hotuinare, Cohamac̄ure masi dutieraina seh̄ere duhuch̄u yoaja s̄a. Æ yoa tí tuaa mehne Cohamac̄ure cahmaerainare Cristore noano ȳhtiina ti jich̄u yoaja s̄a. Cristo to cahmano seheta tinare t̄hotuch̄u yoaja s̄a. ⁶ Æ yoa, paina m̄sa mehne macaina Cristore ti ȳhd̄uacach̄u ñ̄na tinare buhiri dahre-nahca s̄a. M̄sa sehe m̄sa noano ȳhtiri baharo Cristore ȳhd̄uacainare Æ buhiri dahrehtinata jinahca s̄a.

⁷ Ȳh̄u p̄jac̄u dihtare masina m̄sa. Ȳh̄u jia tia seh̄ere ne masierara m̄sa. “Cristo yaina jija”, niina jina, õ sehe masiga m̄sa: S̄a c̄uh̄u m̄sa yoaro sehe Cristo yaina tjija. ⁸ “Mari p̄h̄toro ya buheare noaa buheare buhe dutiro, c̄ure s̄are”, nic̄u paȳu tahari m̄sare Æ ni yahupaihta b̄ho tieraja ȳh̄u. S̄are Æ buhe dutiro m̄sare yoadoh̄htinare c̄ure s̄are. M̄sare dojomehnehtinare c̄uno nierare s̄are. ⁹ Õ seheta poto ni yahuja m̄sare “Cuiro”,

nicu. Ahri yu joarocari pũre ñuna m̄sa ñu c̄achu cahmaeraja. ¹⁰ Cãina m̄sa mehne macaina õ sehe nina: “Paulo joarocarõ tuhtiriro yoaro seheta joaroca m̄jana marine. ã jiriro jiparota mari mehne jiro ne ã jica nierariro jira. Pjac̄oriro yoaro sehe jira. ã jia, marine to durucua yaba c̄jhti jierara”, nina cãina. ¹¹ Tõ sehe ñinare õ sehe ni yahuihtja: “Õ seheta yoanahca”, sã ni joarocariro seheta tõ seheta yoanahca sã, m̄sa cahai jina.

¹² Cãina m̄sa mehne macaina “Noano masi pahñoina jija”, ni durucua ti basi. Cuenah, noacaro masina jijari tina ã ni durucua. Sã sehe ti yoaro sehe ne ã ni durucusi. Ti basi cahma ñu piti boca “Mari sehe noa yuh̄d̄ur̄ucaina jija”, nina tina ti basi. Tũho masieraina jira tina. ¹³ Sã sehe tina yoaro sehe yoasi. Cohamac̄u sãre buhe dutiro to c̄uri dihtare yahuja sã sehe m̄sare. Paina ya dahraare “Yoahi”, nina nieraja. Tiro m̄sare buhe dutiro sãre c̄ure. ¹⁴ Õ sehe nina, mahñona nieraja sã. Noaa buheare Cristo yare m̄sare buhe m̄htana s̄hi sã. ã jina Cohamac̄u sãre buhe dutiro to c̄uri dihtare buhena nija m̄sare. ¹⁵ ã jina paina ya dahraare “Sã sehe t̄ire yoahi”, ne nieraja sã. Wiho mejeta Cristore m̄sa wac̄u tuã namochu cahmaja sã. ã cahmana m̄sare buhe namo duaja sã. ã buhena Cohamac̄u to dutiriro purota buhe duaja

m̄sare. ¹⁶ ã yoa m̄sa ya yahpa yuh̄d̄ur̄opu noaa buheare yahuna wahanahca. ã wahana paina ti buheri baharo s̄na, “Sã buhehi”, nisi sã.

¹⁷ Mari yoaae “Sãta yoaja”, nieraro cahmana. Mari p̄htoro Jesu to yoaa sehere ñuna wahchero cahmana. Tĩ sehere painare yahuro cahmana. ¹⁸ Masa ti basi “Sã sehe yoahi”, ti nichu ji coaerara Cohamac̄u. Mari p̄htoro Cristo “Ahrina noano yoare”, to niina sehere ji coara Cohamac̄u.

11

“Jesu to c̄urina jija sã”, ni mahñoinare yahuha Paulo

¹ Yu jia tiare yahucu tũho masierariro yoaro sehe yahui nija. ã yahuriro yu jipach̄ta yuh̄re tũhosiniga m̄sa mip̄re. ² Cohamac̄u m̄sare to cah̄no seheta tuaro cah̄ja yuh̄u c̄uh̄u m̄sare. Cristo yare m̄sare yu buhechu tũhona tirore wac̄u tua d̄ucare m̄sa. ã jicu ahrire nija m̄sare: Manu tihticoro to man̄no c̄jhto dihtare to cah̄no seheta, Cristo sehere tuaro cah̄ga painare m̄sa cah̄riro yuh̄doro. Tõ sehe yoaina ñaa buhiri tia marieina m̄sa jichu m̄sare Cristore wa duaja to yaina c̄jhtire. Tõ sehe j̄inare, “Tinare m̄h̄re waihtja”, nihi Cristore. ³ Paina ñaina m̄sare mah̄noa, soro jia buheare cahmachu yoaboca m̄sare. Agã Evare mah̄ono to masia mehne ticorore Cohamac̄ure to yuh̄d̄ur̄cachu

yoari jire panopure. To ã yoariro seheta mipure ñaina musare mahñoa, Cristore musare noano ño payoerachu yoaboca. Ñ jicu musare cuisãja. ⁴ Tina “Õ sehe jiriro jira Jesu”, ti mu suro soro ni ti mahño buhepachuta tuhoyuhca musa. Musare sã buheriro sehe jierapachuta musare mahño buheinare tuhoyuhca musa. Tuhsu, “Õ sehe jiriro jira Espiritu Santo”, ti mu suro soro ni ti mahño buhepachuta tuhoyuhca musa. Musare sã buheriro Espiritu Santo waro jira. Tiro sehere quihõno ti yahuerapachuta musare mahño buheinare tuhoyuhca musa. Tina soro jia buheare ti mahño buhechu noaa buheare ti buherapachuta tîre tuhoyuhca musa. ⁵ Musa mehne macaina “Jesu to cûrina jija”, nimarina yuhure masi yuhducaerara. Tinare docarucaeraja yuhu. ⁶ Noano yahu mihniro jieraboca yuhu. Noano yahu mihnierapaihta Cohamacu yare noano masija. Yu ã masiare payu tahari musare noano masichu yoahi.

⁷ Noaa buheare Cohamacu yare musare buhechu ne wapa cahmaerahi. Musare yoadoho duachu wapa cahmaerahi. Wiho jiriro yoaro sehe jii yuhu. ¿Yu ã wapa cahmaerachu noerajari, musa tuhochu? ⁸ Musare yu buhechu paye macari macaina Jesu yaina yuhure niñerure ware. Ti ã wachu ti niñerure ñahai sinino

marieno musare buhei tai. Musa sehe yuhure musa waborirore tina sehe yuhure ware. ⁹ Musa mehne jicu paye baro yuhure dahsapachuta musare niñerure ne sinierahi. Mari coyea Macedonia yahpa macaina Jesu yaina jipihtia yu cahmarire na wihire yuhure. Panopure musare ne cariboerahi yuhu. Baharopu cûhure musare ne caribosi. ¹⁰ Cristo potocãta to yahuriro seheta yuhu cûhu mipure musare potocãta yahui nija. Jipihtiro Acaya yahpai jiinare ahri musare yu sinierari cjirire ã yahurucuihtja. ¹¹ ¿Musare yu sinierari cjirire painare yu ã yahurucuhu tuhona, dohse ni tuhutujari musa? “Paulo ã ni yahuro sãre cahïeraro nina”, ¿ni tuhutujari musa? Jierara. Musare cahïja. Musare yu cahïare Cohamacu masina.

¹² Wapa cahmano marieno musare yu buhe ducariro seheta sohtori tihtja. Yu buheri wapa yu wapa nachu ñha tina “Jesu to cûrina jija”, ni mahñoina õ sehe niboca: “Paulo noaa buheare buhero, wapa nana. Ñ jina sã cûhu to yoaro seheta yoaja”, niboca tina “Paulo yoaro sehe yoaja sã”, ni duaa. “Ñ niri” nicu, wapa cahmano marieno buheihtja musare. ¹³ Tina potocãta Jesu to cûrina waro jierara. Tinare ne cûerare tiro. “Jesu to cûrina jija”, ni mahñoa, sã yoaro seheta jimana. ¹⁴ Ti ã mahñoina jichu masi tuhsuja yuhu. Satana cûhu noariro

yoaro sehe cohtota mąjana. Tiro anjo si siteriro yoaro sehe ji duaro cohtotamana. ¹⁵ To ą yoariro jichu masicu Satana yaina “Jesu to cūrina jija”, ni mahñoina Cohamacure yoadohoina yoaro sehe ti mahñoina jichu ñucu, mahñoina ti jiare masi tuhsuja yuhu. ą mahñoina ti jichu ñano, pihtiri dacho jichu jipihtia ti ñano yoari buhirire buhiri dahrerohca Cohamacu tinare.

To ñano yuhdurire yahuha Paulo

¹⁶ Pari turi ahrire musare yahuihtja. Ne “Tūho masierariro jira”, yuhure niena tjiga. Yu ą ni dutierapachuta yuhure masa ą ni tūhotuchu noanohca yuhure. “Tūho masierariro jira”, yuhure ni tūhotupanahta tūhosiniga masa yuhure. Mahanocą yu jia tiare yu yahuchu tūhoga masa. ¹⁷ Musare ą yahucu tūho masierariro yoaro sehe yoai nija. Mari puhtoro Jesu yuhure “Mu basi mu jia tiare yahuga”, nierare yuhure. ¹⁸ To ą nierapachuta ahrire yahuihtja musare. Ti mu sęro “Noaina jija”, niina payu paina ti jichu ñucu yuhu cūhu yu jia tiare musare yahuihtja. ¹⁹ Masa sehe tūho masierainare tūhona wahchea mehne ñuyuhca masa tinare. Noacaro masiina jijari masa sehe ą tūhona. ²⁰ Musare cahamaca ti dahrech, musare ti wapa cahmach, masa yare ti mach, ą ñnocahna masa. ą yoa musare ti doca dahrech,

masa wahsupurire ti cjāch, ą tūhotunocahna masa. ²¹ Noacaro yoajari musare tina. Cue, masare yuhdurucaina jijari tina. Sā sehe tina yoaro sehe yuhdurucaina jieraja.

ą jina tina yoaro sehe yoeraja. Tina yoaro sehe jierapaihta tina “Ō sehe jiina jija”, ti nichu tūhocu yuhu cūhu ąta ni yahuboca. Pari turi tūho masierariro yoaro sehe yoacu, ō sehe ni yahuihtja musare tjoa. ²² Tina “Hebreo masa jija”, nina painare yuhduruca duaa. Hebreo masunota jimaja yuhu cūhu. “Israe masa Cohamacu to beserina jija”, nina tina tjoa. Ti yoaro seheta to beserirota jimaja yuhu cūhu. “Abrahā cjiro panamana ji turiaina jija”, nina tina tjoa painare yuhduruca duaa. Ti yoaro seheta Abrahā panaminota jimaja yuhu cūhu. ²³ “Cristo cahamaca jija”, nina tina tjoa. Yuhu cūhu Cristo cahamacunota jija. Tina yūhdoro Cristo yare noano yoaja yuhu. Cuenah, ą nicu tūho masierariro yoaro sehe durucui nija. Tina yūhdoro tuaro mehne dahrai yuhu Cristo yare yoacu. Payu tahari tina yūhdoro Cristo yairo yu jiri buhiri peresu yoare paina yuhure. Tina yūhdoro payu tahari tjanare yuhure masa. Tina yūhdoro Cristo yairo yu jiri buhiri payu tahari masa yuhure wajā duamare. Ti ą wajā duachu mahanocą yuhdui

yuhũ ti wajãboriro. ²⁴ Cinco tahari judio masa yuhũre ñahare. Yuhũre ti ñahape tahari treinta y nueve tahari yuhũre tjanare. ²⁵ Tia taha paina yuhũre ñahare. Ñ ñahaa tina pinihta yuhũre ñano yucuri mehne cjãre. Pa tehe yuhũre paina tãa mehne docare. Tia taha dohoria mehne tãcapũ doca wahã sũ, minii. Ñ jicũ cũ dacho, cũ ñami pjiri ma dacho macapũre ba pahsai. ²⁶ Payũ tahari macaripũre buhe tiniĩ sui. Yũ ã buhe tinichũ cua yuhũdũare yuhũre. Yuhũre nu minihto cua nire. Yuhũre yacahto cua nire. Yũ ya dihta macaina judio masa, judio masa jieraina cãhũ yuhũre ñano yoahto cua nire. Macaripũ, masa marienopũ, pjiri mapũ cãhũre yuhũre nu yariahto cua nire. “Mũhũ mehne macaina jija”, ni mahñoina cãhũ yuhũre ñano yoahto cua nire. ²⁷ Cristo yare yoacu tuaro dahraa tii. Ñ dahracũ ñano wahyaa tii. Payũ tahari yuhũre wũjo ñano purĩpachũta ã dahrarucua tii. Ñano jũca baa tii. Ñ yoa ñahma yapioro jia tire yuhũre. Payũ tahari chũa bocaeraa tii. Yũ suhti sãaboa cãhũ ne mariea tire yuhũre. Ñ yoa yuhũre yusũa yuhũdũa tire.

²⁸ Õ sehe ñano yuhũdupaihta dachoripe jipihtina paina Cristo yainare, mũsa cãhũre pjĩro wacũ tahotuja. ²⁹ Ñ jicũ cãiro Cristo yairo to ã jinocariro to jichũ ñucũ cahyaja. Paina Cristo yairore

ñano yoa dutiboca. Ti ã yoachũ ñucũ Cristo yairore cuisãacũ, tina ñaina mehne suaja. ³⁰ Yahu duaera-paihta yũ jia tiare yahui tacũ, yũ mũ sũro wiho jiro yũ jia tiare mũsare wahchea mehne yahuja. ³¹ Cohamacũ mari pũhtoro Jesu pũcũro dachoripe mari ño payohtiro tirota mũsare yũ mahñoeachũ masina. Ahrire mũsare quihõno yahuihtja. ³² Damasco wama tiri macapũ yũ jichũ ñũno, cãiro pũhtoro yuhũre ñaha duamare. Jipihtina masa bui pũhtoro Areta wama tiroto to docai jiro pũhtoro pinihta yuhũre ñaha duamare. Ñ ñaha duaro tí maca macari sahrĩno, tãa mehne ti yoari sahrĩno macaa sopacaripe surarare cohta dutiri jire. ³³ Ti ã cohtaro watoihũta yuhũ mehne macaina pjiri pũhũropũ yuhũre duhu sãa, tí sahrĩno macari sopacacãpũ yuhũre duhu borore. Tí sahrĩno baharo buhũsehẽpũ yuhũre duhu borore. Ti ã duhu borori baharo duhti wahcãa wahai.

12

Cristo Paulore to ñorire yahuha Paulo

¹ Yũ jia tiare wahchea mehne yũ yahuchũ yaba cijhti jierara. To ã jipachũta yũ jia tiare yahu namoihtja mũsare. Mari pũhtoro Jesu yuhũre to ñorire to masichũ yoarire yahuihtja mũsare.

² Õ sehe ño dũcare tiro yuhũre: Catorce cãmari

waro wahara yuhare Cristo yairore muanopu to naa mujari baharo. Muanopu nahpichoha buiru yuhare naa mujare. Yu tuhoutu dihtare to naachu masieraja yuhu. O yu pjacu cuhare to naachu ne masieraja. Cohamacu dihta tire masina. ³⁻⁴ A jiro paraíso wama tiropu naa mujare yuhare. Yu tuhoutu dihtare to naachu masieraja yuhu. O yu pjacu cuhare to naachu masieraja. Cohamacu dihta tire masina. To a naa mujachu sacu torure to yahuare tuhoi. Ti yu tuhorire masa ne masierara. Ti to yahurire marine yahu dutierara. ⁵ To sehe yuhare to norine musare yahucu, "Yuhu cairota painare yuhdugacaja", nibo a yuhu. A nieraja yuhu. Yu mu saro masierariro yu jiare nano yuhduriro, wiho jiriro yu jiare wahchecu musare yahuihtja. Ti dihtare wahchecu musare yahuihtja. ⁶ "Painare yuhdugacaja", musare ni yu yahu duachu yu niri cjiri potocã tjiboa. To sehe ni yahucu tuho masierariro jieraboa yuhu. Wiho mejeta "O sehe painare yuhdugacaja", ni yahusi yuhu musare, "Cua pisaro choro yuhare niri", nicu. Yuhare nu masina no payora musa. Musa a no payopachuta ti yuhdoro yuhare musa no payochu cahmaeraja. Yu yoarire nuna, yu nirire tuhona quihono musa no payoriro yuhdoro yuhare musa no payochu cahmasaeraja

musare.

⁷ Cristo noa yuhduare muanore yuhare to nochu nuriro jicu, "Painare yuhdugacaja", niboca yuhu sehe. A yu nierahito sehe Satana yu pjacure to duti dahrech nu nano "Noanohca", niri jire Cohamacu. Yuhare duti dahreru jire Satana yuhare nano wahachu yoaro. Ahri dohatiro potaca sano to purino sehetu yuhare purina. ⁸ O yu dohatirore yuhare yuhdo duticu sinia timai Cristore mari puhtorore. Tia taha sinia timai. ⁹ O sehe ni yuhitia tire yuhare tiro: "O mu dohatiro pinihtare muhare yuhdachu yoasi yuhu. A muhare yuhdoerapaihta muhare cahja. Yu cahia mehne noano jiihca muhu. Dohaticu nano yuhduriro, wiho jiriro jicu yu tuaare noano masichu yoaihca muhu. Tuaina yuhdoro muhu sehe yu tuaare masare masichu yoaihca", ni yuhitia tire tiro yuhare. To a nichu tuhocu nano yuhduriro, wiho jiriro yu jiri cjirire masichu wahcheja. A jicu nano yuhduriro, wiho jiriro yu jiare musare wahchea mehne yahuihca. O sehetu ni yahuihca Cristo to tuua mehne yu noano jiare musa noano nu masihtu sehe. ¹⁰ A jicu Cristo yairo yu jiri buhiri yuhare purichu wahcheja. Paina nano yuhare ti ni durucuchu, nabiaro yuhducu wahcheja. Yuhare ti nano yoarucuchu, nano yuhducu

Cristo tuaa mehne cãno pjaja tirore wacũ tuacu. Ã jicu wahcheja.

Corinto macainare Cristo yainare pjíro cahya tãhotuha Paulo

¹¹ Yũ jia tiare yahucũ tãho masierariro yoaro sehe yoahi yũhũ. Yũ ã yãhupachũta tí mũsa ya buhiri jira. Mũsa sehe yũ jia tiare painare noano yahuboa. Yũhũ yũ mũsaro jicu yaba cjihti jieraboa yũhũ. Ã jiboriro jipaihta “Jesu to cũrina, masi pahñoina jija”, ni mahñoinare docarũcaeraja yũhũ. ¹² Potocãta ñano yũhdũrigo jipaihta Cohamacũ tuaa mehne yoa ñomai mũsare. Ã ñocu Jesu to cũriro yũ jiare ñoi nimai mũsare. ¹³ Õ sehetã yoamai. Paye macari macainare Jesu yainare mũsa cũhũre cãno potori yoaa timai yũhũ. Wiho mejeta mũsa dihtare cariboerahi. Mũsa dihtare paye barore sinierahi. ¿Yũ ã sinierachũ ñaa nijari, mũsa tãhotuchũ? Tí ñaa jichũ tí ñaare boga mũsa yũhũre.

¹⁴ Pũa taha mũsa cahapũ yũsari baharo pari turi waha duaja tjoa. Tõpũ sũcũ mũsare caribosi yũhũ. Paye barore sinisi yũhũ mũsare. Mũsa yare cahmaeraja. Cristo ya sehere mũsa yũhtiina jichũ cahmasãja yũhũ. Masa pohna sehe ti pũcũsumare ti cahmaare waerara. Tí pũcũsuma sehe ti pohna cahmaa sehere wara. (Tó sehetã mũsa yũ pohna yoaro sehe jiina yũ cahmaa sehere

wasi mũsa.) ¹⁵ Ã jicu yũhũ pinihta yũ cjuãa sehere wa duaja mũsare yoadohocũ tacũ. Mũsa cahamacũno yoaro sehe ji duaja mũsare yoadohocũ tacũ. Mũsa sehere yũ ã tuaro cahĩpachũta yũhũre mũsa sehe pjiroca cahĩna, yũ tãhotuchũ.

¹⁶ Ã jicu mũsa mehne jicu mũsare cariboerahi. ¿Potocã tjjarita, mũsa tãhotuchũ? Wiho mejeta cãina mũsa mehne macaina õ sehe niboca: “Paulo paye baro marine na duaro mahñore marine”, niboca. ¹⁷ ¿Mũsa ã niriro sehetã yoarigo jicu, dohse tíre yoari yũhũ, mũsa ñũchũ? ¿Mũsa cahapũ yũ warocarina yaba barore yũhũre mahño mabasari tina mũsare, mũsa ñũchũ? Mahño maerari jire tina. ¹⁸ Sohõ jiri pjapũ mũsa cahapũ Titore waha duti tuhsũhi tirore. Ã jicu pairere Cristo yairore tiro mehne piti dahre warocahi. ¿Tito paye barore mũsare mahño mari, mũsa ñũchũ? Mahño maerari jire. Tiro yũ yoaro sehetã Cohamacũ to cahmano sehetã yoarigo jira. ¿Ã jiro yũ yoaro sehe yoerari tiro, mũsa ñũchũ? Yũ yoaro sehetã yoari jire.

¹⁹ “Ñano yoeraja sã”, ni dũcatana nieraja sã. Cristo yaina jija. Ã jina Cohamacũ to ñũrocaroi mũsare yahuna nija. Yũ coyea, yũ cahĩna, mũsare yahuhi mũsa sehere yoadoho duana. Mũsare yahuna, sã sehere mũsare cahmachũ yoana nierahi. ²⁰ Tõpũ yũ sũchũ yũ cahmano

sehe yoaina jieraboca m̄sa. ã jic̄u m̄sare tuaro cuisãaja. ã yoa m̄sa cahmano sehe yoariro jieraboca ȳh̄u c̄h̄u, t̄op̄u s̄c̄u. Soro m̄sa yoach̄u ñ̄c̄u yahuihca m̄sare. T̄op̄u ȳu s̄c̄h̄u m̄sa sehe cahma sayoina, painare pahsu tiina, ñaco suaeraina, m̄sa m̄ s̄aro painare ȳhd̄ūca duaina, painare ñano durucuina, ñaa quitu dahreina, “Painare ȳhd̄ūcaja” niina, m̄sa cahmachunore dojomehneina jiboca m̄sa. ã jina m̄sa jirore dojomehneina niboca m̄sa. “T̄ire yoari” nic̄u, cuisãaja ȳh̄u m̄sare. ²¹ T̄op̄u ȳu s̄c̄h̄u m̄sare yah̄ure b̄uo tisãach̄u yoaboca Cohamac̄u. Jipih̄tinare panop̄u ñano yoainare, ti ñaare cahyaerainare ñ̄c̄u tuaro cahyaihca ȳh̄u. Numia mehne ñano yoainare, m̄a mehne ñano yoaa numiare, w̄hana tiinare, ñaare goa pjainare ñ̄c̄u cahyaihca ȳh̄u.

13

Paulo yahu batoaha

¹ Mip̄are m̄sa cahap̄u w̄hac̄u tia taha s̄ih̄ca t̄op̄ure. P̄ua taha t̄op̄ure s̄u tuhs̄u. Õ sehe nina Cohamac̄u yare ti joari p̄u: “Cãirore mari buhiri dahrehto pano tiaro tirore yahusãno cahmana. Tiaro mariach̄u p̄aro tirore yahusãno cahmana. Ti ã yahusãri baharo buhiri dahre masija mari”, nina Cohamac̄u yare ti joari p̄u.

² Panop̄ure ñano yoaina cjiri m̄sa jich̄u m̄sare, jipih̄tina paina c̄h̄ure ahrire cuaro mehne yahui. Cã taha m̄sa cahai pari turi s̄c̄u m̄sare ahrire yahui. Mip̄are m̄sa mehne jierac̄u pari turi m̄sare ahrire yahurocaih̄tja tjoa: Mip̄are m̄sa cahap̄ure s̄c̄u, panop̄u ñano yoainare paina c̄h̄ure potocãta buhiri dahreih̄tja ȳh̄u. ³ Ȳu ã yoach̄u ñ̄na, Cristo to c̄ūriro ȳu jia tiare to tuaa mehne ȳu buherire masinahca m̄sa, m̄sa masi duariro seheta. Cristo sehe m̄sare dutiriro tua ȳhd̄ūc̄u s̄ūriro jira. ã jiro to tuaare ñona m̄sare. ⁴ Mari yoaro sehe pjac̄u tiro, to tuaare ñoeraro tiro wiho jiriro yoaro sehe crusap̄u yariari jire. ã yariaparota Cohamac̄u to tuaa mehne catiriro jira tiro mip̄are. Tiro crusap̄u jiro wiho jiriro to jiriro seheta sã c̄h̄u wiho jiina jija. ã jipanahta Cohamac̄u tuaa mehne jinahca m̄sare yoadohona tana.

⁵ ã yoa m̄sa sehe cãina m̄sa basi õ sehe ni t̄uhotuga: “¿Potocãta Cristore wac̄u tuajari ȳh̄u?” ni t̄uhotuga m̄sa cãina. “¿Potocãta Cristo to cahmano seheta jijari ȳh̄u?” ni t̄uhotuga m̄sa cãina. M̄sa ã jierana to yaina waro jierara m̄sa. To yaina waro m̄sa jich̄u Cristo m̄sa mehne jiro nina. ¿T̄ire masierajari m̄sa? ⁶ Sã sehe “Jesu yaina, to yare yahu duti to c̄urina jija”, ni mah̄noina jieraja. To yaina, to c̄urina waro jija sã. T̄ire

musa masichu cahmaja yuhu. 7 Ä jichu musa ñano yoaerahto sehe Cohamacure sini payoja musare. Äta sini payoja sä noaare, Cristo yare musa yoahto sehe. Musa ä yoachu ñuna sä õ sehe niboca: "Corinto macainare buhena, quihõno buhei sä", niboca sä painare säre ño payo dutina. Ä ño payo dutieraja sä. Tí yaba cjihti jierara. Ä jina Cohamacure sini payona, musa ya cjihtire sini payona nija. Paina säre "Mahñoina jira", ti nipachuta noaare, Cristo yare quihõno musa yoachu pinihtare cahma yuhduaja sä. 8 Õ sehe dihta musa noaare yoachu cahmasäja sä. Cristo yare, potocã jiare soro ni yahu masieraja sä. 9 "Cristo cahmaare yoaerara musa", ni musare yahusã masierana, wiho jiina yoaro sehe jiboca sä, musa ñuchu. Noanohca. Noaare, Cristo yare yoana musa sehe wiho jiina jierara. Musa ä jichu ñuna wiho jiina yoaro sehe sä jipanahta wahcheja. Ä jina Cristore wacũ tuaina, noano yuhtiina musa wahahtore Cohamacure sini payona nija sä musare. 10 Ä jichu musa mehne jierachu musare ahri tjure joarocayui nija. Musa cahapuh sũch, ñano yoaina musa jichu ñuch musare buhiri dahreihhtja. Cristo yuhure to dutiro seheta musare buhiri dahreihhtja. Yu ä buhiri dahrerahto sehe ahri tjure musare joarocayui nija. Cristo yuhure

to dutiro seheta musare yoadohohtirota jija. Musare dojomehnehtiro jieraja.

11 Mipure yu coyea, ahrire yahu batoihtja musare. Noano wahcheina jirucuga musa. Cristore wacũ tua namoga. Ä yoana noaina, tirore yuhtiina jiga. Musa mehne macaina mehne cãno mehne jiga. Musa basi noano mehne jiga. Musa ä jichu ñuno musa mehne Cohamacu jirohca. Tiro marine cahma cahichu yoariro, marine noano mehne jichu yoariro jira. 12 Ä yoana musa mehne macainare noano mehne piti bocasiniga. 13 Jipihtina õ macaina Cohamacu yaina musare noa dutira.

14 Mari puhtoro Jesucristo musare to cahña mehne, Cohamacu cãhu musare to cahña mehne Espiritu Santo musa mehne jirucuro to yoadohoa mehne noano jiga musa.

Gálatas

Galacia wama tiri yahpa macainare Jesu yainare joarocaha Paulo

¹ Y_h Paulo, Cristo yare buhe dutiro to cūriro jija. Masa ti cūriro jieraja y_h. Ā yoa masa sehe y_hre Cristo buhe dutiro to cūhtore y_hre yahuerare. Cohamac_h Jesu P_hro sehe Jesure yari-arirore masoriro y_hre cūre to yare buhehtirore. Jesucristo cū_h y_hre cūre. Ti ā cūriro jic_h ahrire joarocaja m_sare. ² Y_h m_sare Jesu yainare Galacia yahpa macainare noa dutija. Y_h mehne macaina Jesu yaina cū_h m_sare noa dutira. ³ Cohamac_h mari P_h, mari p_htoro Jesucristo mehne m_sare noa dutija. Cohamac_h to yoadohoa mehne noano jiga m_sa. ⁴ Tiro Jesucristo sehe mari ñaare yoari buhirire yariari jire. Mip_hre masa ti ñaare yoari dacho jira. Ā jiro ahri dacho baroihta tiro yariari jire Cohamac_h mari P_h to cahmariro seheta marine y_hch_h yoaro taro. Ā to y_hch_h yoach_h ñaare mip_hre ti yoariro seheta yoa duasi mari. ⁵ Ā yoa jipihtia dachoripe tirore mari P_hre ño payojihna. Āta yoajihna.

Cohamac_h masare to y_hch_h yoah_hti buhea cānota jira. Paye buheap_h mariahna

⁶ Cristo m_sare cahño to yaina cjihtire m_sare cūre. Ā jic_h m_sare cūriro yare cohāna, soro jia buhea sehere dói m_sa cahmach_h ñ_h c_haa wahaja y_h. ⁷ Paye buhea noaa buhea yoaro sehe jia buhea waro jierara. Ti ā jierapach_hta cāina m_sa cahai jiina m_sare cariboa, soro jia buheare buhea, noaa buheare ni dojomehne duara. ⁸ Ā yoa m_sare s_h buhe m_htari cjirire mari cohāch_h soro jia buhea sehere mari buhech_h Cohamac_h marine buhiri dahrejaro. Tuhs_h, anjo m_hano macariro ā to buhech_h tiro cū_hre buhiri dahrejaro Cohamac_h. ⁹ Pano s_h niriro seheta mip_hre pari turi nihtja tjoa: Cūiro m_sare s_h buherire cohāno, soro jia buheare to buhech_h Cohamac_h tirore buhiri dahrejaro.

¹⁰ Ā nic_h “Tiro dihta noano buheriro jira”, y_hre ni dutii nieraja. Cohamac_h sehe y_hre “Noano buhere m_h”, to nich_h cahmaja. Masare wahchech_h yoac_h tac_h soro jia buheare buheboa y_h. Ā buhec_h ne Cristo cahamac_hno jieraboa y_h.

Paulo Cristo to buhe duti to cūriro to ji d_hcarire yahuha

¹¹ Y_h coyea, ahrire m_sa masich_h cahmaja y_h: Noaa buheare y_h buheri cjiri masa ya buhea jierara. ¹² Tí buhea mas_hno y_h t_hori jierara. Ā jia paina masa y_hre tí buheare yahuerare. Jesucristo sehe y_hre tí buheare masich_h yoare.

13 Панорре ун коуеа јудио маса ти уоаа тиро сехе ун уоарио јичу масина муса. О сехе уоаа тии унху: Јесу јайнаре туаро њано уоасу тинаре ноано вајџа пањнопа дуамаи. 14 Са њичхуsuma ти бухерире туабарио уоа дуасу ун коуеа ун сано потори бсчарина ундоро уоа махтариро јиа тимай унху.

15 Ун џа јиро јипачата ун маса бажуахто пано Сохамасу унхуре бесе тухсери јире. Ђа јиро унхуре сањно тиро то уаиро сјихто, то сахамасуно сјихто суре унхуре.

16 Ђа уоа то сахmano сехета то масуноре унхуре масичу уоаре то уаре ноаа бухеаре јудио маса јерайнаре ун бухећи сјихтире. То џа уоачу “Џдохсе ни бухеро сахмасари унхуре?” ни масаре синиту њуерахи унху.

17 Ђа уоа Христо то сурина ун пано јирина сахаруре Јерусалџуре синиту њуи вахаерахи. Арабиа уахару вахаи унху. Ђа јичу Дамасору мајаре виһи тјаа.

18 Тиа сума бахаро Педроре њуи вахаи унху Јерусалџу. Торуе руа сомана варо јии. 19 Ђа уоасу паинаре Христо то суринаре њуерахи. Сантиаго диhtarе мари рухторо бахуорре њуи. 20 О сехе ни јоаросасу Сохамасу меһне не мањноре јоаераја.

21 Бахаро Сириа уахару, Цилица уахару суре вахаи. 22 Торуе ун сучу ти јјаре Јудеа уахару јиина

Јесу јайна унхуре не њу масierasинире. 23 Ђа јиа ахри диhtarе унхуре маси дхаре тина: “Панорре марине њано уоарио мипуре ноаа бухеаре то соња дуари бухеаре бухеро нина”, ни маси дхаре тина. 24 Унхуре џа масиа Сохамасуре “Ноа ундхариро јира”, нире тина.

2

Paina Cristo to cūrina Paulore piti boca dōihta cahmana

1 Catorce сумари бахаро пари тури Јерусалџу вахасу Бернабџе меһне вахаи. Тито суму вахаре унху меһне. 2 Сохамасу унхуре то ваха дучиху торуе вахаи. Јерусалџи јичу Јесу јайна рухта ти сахсеро ти сахмасу ху њуи ноаа бухеаре јудио маса јерайнаре ун бухерире уаһи тинаре. “Џјудио маса јерайнаре ноаа бухеаре ун бухеху нојари, муса тухотуху?” ниу, џа ни уаһи тинаре. Ђа ни уаһи тинаре панору ун бухерире мипуре ун бухери суре ти ноано масихто сјихторе, тире “Ноана”, ти ниһто сјихторе. Ти џа ниерасу ун бухери сјире уаба сјихти јерабоа. 3 Унху меһне масарио Тито јудио масуно јерариро јиро, сиркунсидоре уоарариро јира. То џа уоамануоерариро то јипачата Јесу јайна рухта “Муму суму сиркунсидоре уоага”, ниераре тироре. 4 Ти џа ниерасу чата саина “Јесу јайна јја”, ни мањноина вачуеноча са меһне саа, тироре сиркунсидоре ти уоачу

cahmamare tina. Jesu yaina mari jina “Panopu macaare ti dutiriro sehe yoana tí mehne yuhdusi”, ni tuhoutuja mari. Mari ã ni tuhoutuina jichu mari yoaare ñu duaa tina sehe sã mehne mahño sãare. Æ yoaa sã ñuchusuma ya dutiare yoa duti duaa, tí dutiare ño payorucuina jichu yoa duamare sãre tina. ⁵ Ti ã yoa duapachuta noaa buheare quihõno musa noano masihtu cjihtore ne mahanocã mehne tuho duaerahi sã tinare.

⁶ Æ yoa Jesu yaina puhtoaa noaa buheare yu buherire ti tuhori baharo “Õ sehe ni yahu namoga judio masa jierainare”, ni yahu quihõerare tina yuhure. Jesu yaina puhtoare wiho jiina yoaro seheta tuhoutuja tinare. Cohamacu sehe jipihtinare cãno potori tuhutura. Æ jicu ãta tuhoutuja yuhu cãhu. Tina sehe yu buheriro sohtoare buhedoho masierare. ⁷ Æ jia judio masa jierainare yu buhehtire Cohamacu yuhure to cõrre tuhoa, “Tõihtu jira”, nire tina. Judio masare buheare Cohamacu Pedrore to cõriro seheta tó seheta yuhu cãhure cõre judio masa jierainare yu buhehtiro cjihtore. ⁸ Judio masare Pedrore buhe dutirirota yuhu cãhure tirota buhe dutire judio masa jierainare.

⁹ Æ jia Santiago, Pedro, João mehne “Jesu yaina puhtoaa”, ti niina noaa buheare buherire Cohamacu yuhure to cõrre tuhoa “Tõihtu jira”, nire tina. Æ niata yuhure Bernabé

mehne noano wahchea mehne wamomaca ñahare sãre piti tia. Æ jina judio masa jierainare buheina jija sã. Santiago cãhu sehe judio masare buheina jira. “Æta wahajaro”, nii sã sã basi. ¹⁰ Æ nipahta tina judio masare pjacõoinare yoadoho dutire sãre. Pjacõoinare yoadohohtiro jiita nija yuhu.

Antioquíai Paulo Pedrore tuhtiha

¹¹ Æ yoa Pedrore Antioquíapu to sãri baharo quihõno to yoaerari buhiri tuhtii tirore. ¹² Õ sehe yoare tiro: Santiago to warocaina Antioquíapu ti sãhto panocã, Pedro sehe judio masa jieraina mehne chãro nire. Santiago warocaina judio masa jierainare “Circuncisiõre yoaga” niina, judio masa panopu macaina ya dutiare yoa dutiina jire. To ã chãro watoi tina sãre. Æ chãriro jiparota tina to cahapu ti sachu ñuno, tinare cuuro, Pedro judio masa jierainare duhunoca, pari turi tina mehne chãro wa-haerare. “Mipure wihiina yuhure tuhtiri” nino, judio masa jieraina mehne chu namoerare. ¹³ To ã mahño cureriro seheta to yoachu ñua, paina judio masa cãhu tirore ñu cõ, tina cãhu tó seheta yoare. Æ jiro Bernabé masa noariro jiparota tina yoaro seheta yoare tiro cãhu. ¹⁴ Æ jicu judio masa jierainare ti duhuri buhiri noaa buhea ti niriro seheta tina ti yoaer-achu ñucã, jipihtina Jesu

yaina panoi Pedrore yahui: “Judio masa ya dutiare yoa dutiina ti ñurocaroi judio masa jieraina mehne m̄ ch̄ duaerach̄ ñ̄a õ sehe ni t̄hotuboca tina judio masa jieraina: “Jesu yaina dihta jina judio masa yoaro sehe yoajihna mari c̄h̄”, ni t̄hotuboca. ã ni t̄hotuch̄ yoara m̄h̄ tinare. ¿Dohseac̄ tinare judio masare ñ̄ c̄ch̄ yoa duajari m̄h̄ ã piti ti duhuc̄? Judio mas̄no jipaihta judio masa jieraina yoaro sehe yoamare m̄h̄. ã yoac̄ judio masa yoaro sehe yoerare m̄h̄. ¿ã yoariro cjiro jipaihta dohseac̄ judio masa jierainare judio masare ñ̄ c̄ch̄ yoa duajari m̄h̄?” nii tirore.

Judio masare paina masa yoaro sehetã Jesure wacũ tua dutiã Cohamac̄

15 Sã sehe judio masa masa bajuana, paina ñano yoaina judio masa jieraina yoaro sehe jieraja sã. 16 ã jiina sã jipach̄ta Cohamac̄ dutiare Moise cjirore to c̄r̄re yoarina sã jich̄ “Noaina jira”, ni ñ̄eraboa Cohamac̄ sãre. Tíre mari masija. ã yoa Jesucristore mari wacũ tuach̄ Cohamac̄ marine “Noaina jira”, ni ñ̄nohca. Tíre masina, sã c̄h̄ Jesucristore wacũ tuaja tirore sã wacũ tuari mehne sãre “Noaina jira”, Cohamac̄ to ni ñ̄hto cjihtore. To dutia cjirore sã yoarina jich̄ “Noaina jira”, ni ñ̄eraboa Cohamac̄ sãre. Ne tí dutia

yoaa mehne noaina jierara masa, Cohamac̄ to ñ̄ch̄.

17 Wiho mejeta Cristore mari wacũ tuaa mehne noaina Cohamac̄ yaina mari waha duach̄, ñ̄aina mari jiare masich̄ yoarohca Cristo. ¿Cristo mari ñ̄aare marine masich̄ yoaro ñ̄aina marine jich̄ yoajari tiro, m̄sa t̄hotuch̄? Ne mahanoçã mehne yoerara.

18 Sã dutia yoaa mehne ȳhd̄ duamarina cjiri jipanahta tí buheare cohã. ã cohãpanahta pari turi tí buheare yoana tí dutiare sã yoa pahñoerari buhiri potocãta buhiri tinahca sã. 19 Cohamac̄ dutiare Moise cjirore to c̄r̄re c̄no pjaeraja mari. ã jia, tí dutia marine duti namoerara. Cohamac̄ to tuaa mehne to yaina jija mari. Cristo mehne crusai yariaina yoaro sehe jija mari.

20 ã jina yariariro to m̄ s̄ro to yoerariro sehetã mari m̄ s̄ro yoeraja mari. Cristo ya tuaa mehne yoaja. ã yoa mip̄re Cohamac̄ mac̄nore wacũ tuaa mehne jirucuja mari.

Tiro Cohamac̄ mac̄no marine cah̄re. ã jiro mari ya buhirire yariare.

21 To dutia yoaa mehne noaina Cohamac̄ yaina mari wahach̄ Cristo to yariari sehe ne yaba cjihti jieraboa. Cohamac̄ marine to cah̄r̄re, Cristo to yariarire wiho jia yoaro sehe jich̄ yoa duaeraja ȳh̄ sehe. ã jic̄ “Dutia mehne ȳhd̄ihca”, ne nieraja ȳh̄.

3

*Cohamacu dutia Moise
cjirore to cūrire, wacū tuaa
cāhure yahuha Paulo*

¹ Yu coyea, mūsa Galacia macaina tūho masieraina ji wama tira mūsa. Jesucristo crusai to yariari buheare jipihtina ti űurocaroi mū sare yahui. ¿Ā jina mipure to yare mūsa yūhdurūcahtore paina mū sare ti dojomehnechu dohse yoana tinare yūhtiri mūsa?

² Ahrireta yahu duaja mū sare: Dutiare mūsa yoaa mehne Espiritu Santore cjuerara mūsa. Noaa buhea sehere tūhona Cristore mūsa wacū tuaa mehne Espiritu Santore cjuara mūsa.

³ Espiritu Santo mehne mūsa Cristo yaina ji dūcana mipure mūsa mū sūro mūsa yoaa mehne Cohamacu cahapu mūsa waha duachu űa nina. Tūho masieraina jira mūsa, ā yoana. ⁴ ¿Noaa buheare mūsa yoari buhiri payu tahari mūsa űano yūhdūna wiho warota űano yūhdūnocana niri mūsa, ā wahana? Wiho waro jierara mūsa ā wahari.

⁵ ¿Dohse mūsa yoari wapa Espiritu Santore mū sare wari Cohamacu, mūsa tūhotuchū? To dutiare mūsa yoari wapa waerare tiro. To buheare noano mūsa tūhochū űano tirore mūsa wacū tuari baharopu Espiritu Santore ware tiro. ¿Cohamacu mūsa watoi to tuaa mehne yoa űono dohse jiro baro ā yoa űojari tiro, mūsa tūhotuchū? To dutiare mūsa yoari wapa ā yoa űoerare tiro. To buheare noano mūsa tūhochū űano

tirore mūsa wacū tuari baharopu ā yoa űore tiro.

⁶ Abrahā cjiro Cohamacure wacū tuaa tiri jire. To ā yoachu tirore Cohamacu “Noariro jira”, ni űua tiha. ⁷ Ā jina ahri yu nihtire masiga mūsa: Cohamacure wacū tuainata potocāta Abrahā cjiro panamana ji turiaina waro pa turu macaina yoaro sehe jira. ⁸ Panopu Cohamacu yare ti joari pūi ō sehe ni yahua tiha: Judio masa jieraina Cohamacure ti wacū tuachu űuno “Noaina jira”, ni űua Cohamacu. To ā ni űuhtore Cohamacu pano masiyuro, tiro noaa buheare Abrahāre pano yahu mūhta tuhsua tiha. “Mūhu mehne ahri yahpa macainare jipihtinare noano yoaihtja”, nia tiha Cohamacu Abrahāre. ⁹ Ā jiro Abrahā cjiro Cohamacure noano tūho wacū tuaa tiha. To ā wacū tuachu űano Cohamacu tirore noano yoaa tiha. Ā yoa paina masa Cohamacure ti wacū tuachu, tina cūhure noano yorohca Cohamacu, Abrahā cjirore to yoiro sehetā.

¹⁰ “Moise cjirore to cūri dutia mehne Cohamacu yaina wahanahca”, ni tūhotuina buhiri tiina jira. To joari pūi āta nina: “Cohamacu dutiare to ya tju ti joarire yoa pahūoeraina buhiri tiina jira tina jipihtina”, ni joaa tiha. ¹¹ Cohamacu yare ti joari pūi ō sehe nina: “Cohamacure wacū tuainare ‘Noaina jira’, ni űua Cohamacu. Ā wacū tuaa jipihtia dachoripe Cohamacu mehne ā jiru-

cuahca”, nina Cohamacu yare ti joari p̄i. To ã nichu ahri yu nihtire mari noano masija: To dutiare ti yoaa mehne masa noaina wahaerara, Cohamacu to ñuchu. ¹² Dutia yoaa mehne Cohamacu cahapu waha duaina Cohamacure wacũ tuaerara. Õ sehe nina Cohamacu yare ti joari p̄i: “Dutiare yoaa mehne noaina waha duainare tí dutiare yoa pahñoño cahmana tinare, dũhsaro marieno”, nina Cohamacu yare ti joari p̄i. Wiho mejeta to dutiare yoa pahñoeraina jira masa. ã jia Cohamacu ñurocaroi noaina waha masierara.

¹³ ã jia tí dutia marine buhiri tichu yoara. Mari ã buhiri tichu ñuno Cristo sehe to basi mari yaro jiborirore buhiri tiro waharo, mari buhiri tiborirore tiro sehe cohãbasare marine. Cristo to buhiri tihtore yahuro õ sehetã ni joaa tiha panopure: “Jipihtina yucucapu ti duhu õina buhiri tiina jira”, ni joaa tiha panopure. ¹⁴ To ã ni yahu joariro sehetã ã yoari jire Cristore. Cohamacu Abrahã cjirore “Ahri yahpa macainare noano yoaihtja”, to niriro sehetã yoaro niri jire masare. ã yoari jire Cristo mehne. Tiro yariari jire Cohamacu judio masa jierainare noano to yoahito cjihtore. ã yoaro Jesucristo mehne Cohamacu Abrahãre to niriro sehetã tuhsari jire. ã yoari jire tiro tirore mari wacũ tuari baharo Espiritu Santore mari cjahto

cjihtore.

To buherire quti mehne yahu namoha Paulo

¹⁵ Yu coyera, masa ya quti mehne tí yu nirire yahuihtja masare: Cũiro paio mehne “Õ sehe yoajihna mari”, ni cãno mehne ti joa cũpachata paio tí pũre soro ni dojomehne joa namo masierara. ã yoa tuhsu, tí pũre “Quihõno jierara”, ni masierara tiro. ¹⁶ Tí pũre cãno potori ti joa cũriro sehetã “Masare noano yoaihtja”, Cohamacu nino, Abrahãre to panamino ji turiariro cũhure ni yahu cũno nia tiha. ã ni yahu cũno paina to panamana ji turiaina pure ni yahu cũno niera tiha. Cũiroreta to panamino ji turiariro dihtare ni yahu cũno nia tiha Cohamacu. Tiro Abrahã panamino Cristo jira. ¹⁷ Mipure noano yahuihtja masare: Abrahã cũhure Cohamacu “Masare noano yoaihtja”, to ni cũri baharo cuatrocientos treinta cũmari yũdũri baharo to dutiare Moise cjirore cũa tiha. ã cũno Abrahã cũhure Cohamacu “Masare noano yoaihtja”, to yahu cũri cjirore boro taro niera tiha. ¹⁸ Cohamacu marine yũdũchu yoaro, dutiare mari yoaa mehne marine yũdũchu yoerara. Dutiare yoaa mehne mari yũdũchu Cohamacu “Masare noano yoaihtja”, to ni yahu cũri sehe yaba cjihti jieraboã. Wiho mejeta to dutia mari-

asinichuꝑu Abrahãre ã ni cū m̃htaatiha.

19 ¿Ã jiro dohse jiro baro to dutiare cūri Cohamacu? To dutiare cūha tí dutiare mari yuhduꝑu carire mari noano masihto sehe. Ã jiro panopure Cohamacu “M̃ panami mehne masare noano yoaihtja”, Abrahãre to niriro to wihihito pano Cohamacu to dutiare cjuaa timaha masa. Cohamacu to dutiare to cūchu to anjoa sehe tíre duti turiaa tiha. Ã yoa Moise cjirore tí cūchu, tiro sehe masare cū turiaa tiha tjoa. 20 To dutiare Moise cjiro to cū turiachu Cohamacu to basita masare cūera tiha. Ã cūeraparota Cohamacu “M̃hure noano yoaihtja”, Abrahã sehere ni yahu cūno, to basita ã ni yahu cūa tiha.

21 Cohamacu Moise cjirore to dutiare cūno, tó pano Abrahãre to ni yahu cūrire “Ỹu niriro sehe yoasi ỹhu”, nino njera tiha tiro. Abrahãre to niriro seheta yoaro taro nia tiha. To dutia yoaa mehne Cohamacu yaina wahana tí pja pinihta dutiare mari yoaa mehne noaina wahaboa mari. 22 Wiho mejeta Cohamacu to yare tí joari pū sehe jipihtina ñaa buhiri tiina, ñaare duhu masieraina tí jirire yahua tiha. Ã ni yahua tiha Cohamacu “M̃sare noano yoaihtja”, pano to niriro seheta to yoahito cjihtore. Ã yoaro Jesucristore wacū tuainare noano yoara tiro pano to niriro seheta.

23 Jesucristo ya buheare mari t̃hohto pano, tirore mari wacū tuahto pano Cohamacu Moise cjirore to cūri dutia dihtare masimahi mari. Ã masimarina jina ñaa buhiri tiina, peresupu jiina yoaro sehe tí ñaare duhu masieraina jina, dutia dihtare masiina jimahi mari.

24 Ã jia Cristo to wihihito pano Cohamacu dutia sehe marine yahure dahra cohtariro to p̃htoro pohnare to yahuriro seheta. Ã yahure marine baharo Cristore mari wacū tuaa mehne Cohamacu “Noaina jira”, marine to ni ñuhto cjihtore. 25 Mip̃u pinihtare Cristore mari wacū tuari pja jira. To ã jichu dahra cohtariro yoaro sehe to dutia sehe marine yahu namoerara. Marine dutirucu namoerara. 26 Ã jina Cristo Jesure wacū tuaina jina Cohamacu pohna jira m̃sa. 27 Jipihtina m̃sa co mehne bautisarina jira Cristo yaina m̃sa jiare ñona tana. Ã yoana to yaina jina, Cristo yoaro sehe jiina wahana nina m̃sa. 28 Mip̃ure p̃ua curua jierara m̃sa. Judio masa jieraina, judio masa mehne p̃ua curua jierara m̃sa. Dahra cohtaina, dahra cohtaina jieraina mehne p̃ua curua jierara m̃sa. M̃ua, numia mehne p̃ua curua jierara m̃sa. Jipihtina m̃sa Cristo yaina jina, cã curuata jira m̃sa. 29 Cristo yaina jina, Abrahã Cohamacure to wacū tuariro seheta yoaina jina, Abrahã panamana waro

jira mŭsa. Mŭsa ă jina jichŭ Cohamacŭ Abrahăre “Mŭsare noano yoaihtja”, to ni yahu cŭriro seheta mŭsa căhŭre noano yoarohca tiro. Cristo yaina mŭsa jichŭ űno mŭsare noano yoarohca.

4

1 Ő sehe jira ahri quiti mehne yŭ yahu namochŭ: To pŭcŭro baharo to yare nahtiro wahma bŭcŭariro jiropŭ jipihtia to ya jipachŭta dahra cohtariro yoaro seheta ne paye baro maerariro yoaro seheta jira tiro. 2 ă jia tiro wahma bŭcŭariro to jichŭ tirore űŭ wihboina to yare űŭ wihbora. ă yoa to pŭcŭro to quihŭri pja mŭ sŭchŭpŭ to pŭcŭro yare cŭarohca to macŭno. 3 Ő seheta wahma bŭcŭariro yoaro seheta jimai mari căhŭ. ă jina mari jisinchŭ dahra cohtainare ti dutiriro seheta Moise cjiroro to cŭri dutia, mari űŭchŭsuma panopŭ macaina ti cŭri dutia căhŭ marine dutisinimare. 4 Mari ă jina jipachŭta to quihŭri pja mŭ sŭchŭ Cohamacŭ to macŭnore warocari jire. ă to warocachŭ to macŭno căcoro numiŭo mehne masa bajuari jire. ă jiro tiro judio masŭno masa bajuaro Cohamacŭ dutia Moise cjiroro to cŭri cjirire yoarucuriro jiri jimare. 5 Mari căhŭre tí dutiata dutisiniri jimare. ă jiro marine yŭhdŭchŭ yoah tiro cjihtore warocari jire Cohamacŭ to macŭnore,

to pohna waro mari wahahto cjihtore.

6 ă jiro to pohna mŭsa jichŭ űno, Cohamacŭ macŭno to yairo Espŭritu Santore mŭsa mehne jihtirore warocari jire Cohamacŭ. To yairo Espŭritu sehe Cohamacŭre “Mai”, niriro jira. 7 ă jina mŭsa Cohamacŭ to yoadohoa mehne dahra cohtaina jierara mŭsa mipŭre. To pohna jira mŭsa. ă jina to pohna jina, Cohamacŭ to wahtire cŭanahca mŭsa.

Paulo Galacia macainare Jesu yainare cuisăha

8 Panopŭ Cohamacŭre mŭsa masierasiniina jina “Cohamacŭ jira”, mŭsa nia masŭrine űo payona tí masŭrine dahra cohtaina jiri jimare mŭsa. Mŭsa ă űo payoina potocăta cohamana waro jierari jire. 9 ă jirina cjiri jipanahta mipŭre Cohamacŭ warore masina mŭsa. Jierara. Tiro pinihta mŭsa sehere masina. ă To ă masipachŭta dohse yoana ahri yahpa macaina ya buhea sehere cahmajari mŭsa tjoa? Ti ya buhea mehne noano yŭhdŭ dua-panahta ne yŭhdŭsi mŭsa. ă yoa baharo Cohamacŭ jipihtia dachoripe mŭsare to wahtire cŭasi mŭsa. ă yoana tí buhea mehne yŭhdŭ duana, pari turi ti ya dutiare dahra cohtaina yoaro sehe wahana nica mŭsa. 10 Căa dachorire, căa sŭrine, căa puhibŭcŭre, căa cŭhmarine bose nŭmŭrine dahre dutira

musa. “Mari ã yoaa mehne dutia mehne yuhdunahca”, ni tuhutumana musa. ¹¹ Musa ã ni tuhotuchu musare tuaro yu buheri cjiri yaba cjihti jieraboca, yu tuhotuchu.

¹² Yu coyea ahrire tuaro dutiitja musare: Cristore yu tuhoturiro seheta musa cãhu tirore tuhotuga. Panopu dutia yoaa mehne yuhdu duaina jierari jimare musa judio masa jieraina jina. Mipure sehene yuhu cãhu musa yoaro seheta wahai dutia yoaa mehne yuhdu duaeracu. ã jina Cristore yu tuhoturiro seheta musa cãhu ãta tirore tuhotuga. Musa mehne yu jichu ne ñano yoerare musa yuhure. ¹³ Ahrire masina musa. Tõpu dohatiriro jicu, pa seheru waha masieracu noaa buheare musare buhe ducai. ¹⁴ Yu ã dohatiriro jipachuta, yuhure pumeborina musa jipanahta, yuhure yabierare musa. ã jina yuhure “Waharisa”, nierare musa. ã jina Cohamacu yairo anjore, Jesucristo cãhure musa piti bocaboriro seheta yuhure noano piti bocare musa. ¹⁵ ¿Mipure dohse wahari yuhu mehne musa wahchea? Musare ahrire niitja: Cãno pjana musa caparire orewe na yuhure waboa musa. ¹⁶ ¿Yuhu mehne macaina jipanahta mipure quihõno musare yu yahuchu ñu tuhtijari musa yuhure?

¹⁷ Sohõ jina soro ni buheina musare tuaro cahmasãana. Ti tuhotua soro jira. Noaa jierara. Tina

musare yuhure yuhdurucachu cahmana, tina sehene musa cahmahto sehe. ¹⁸ Noano mehne musa noano wahahto sehe musare ti cahmasãachu noa niboa. ã yoa tõpurre yu mariachu cãhure ti ã cahmasãachu noa niboa. ¹⁹ Yu pohna, niji wahcõricoro to ñano yuhuro seheta musare ñano wacũ tuhoutuja yuhu. Pu Cristo yoaro sehe musa jichuru musare wacũ duhuihca. ²⁰ Michapucacã musa mehne jicu tuhtiro marieno wahchea mehne musa mehne yu sãhduchu noaboa yuhure. Musare pjoro tuhoutuja nija yuhu.

Agar Sara mehne ti jiri cjirire yahuha Paulo

²¹ Tuhoga musa yuhure. Cohamacu to dutiare yoaa mehne yuhdu duaina jipanahta to dutia sehene noano masierara musa. ²² Õ sehe nia tiha Cohamacu yare ti joari pui: Abrahã puaro puuro jia tiha. Tirore dahra cohtaricoro Agar wama tiricoro mehne cãiro pohna tia tiha. ã yoa to namono poto Sara wama tiricoro mehne cãiro pohna tia tiha. ²³ Wiho mejeta tirore dahra cohtaricoro macano masa mari yoaro seheta masa bajuaa tiha tiro. To namono poto macano sehe Cohamacu “Cãirocã pohna tinahca musa”, to niriro seheta masa bajuaa tiha tiro sehe. ²⁴ Ahri quiti marine noano piti dahre yahura: Cohamacu puaha taha masare “Musare yoadohoihtja”, to

nia yoaro seheta jira ahri numia p̄aro numia. C̄coro Sinaí wama tid̄p̄u to dutiare wari yoaro sehe jira. Ticoro Agar jira. Ticoro mehne mari piti dahre buhech̄u judio masa c̄h̄u dutiare yoarucua mehnet̄a ȳhd̄u duaina ticoro yoaro sehe jira. Tina dahra cohtaina yoaro sehe jira. ²⁵ Ticoro Sinaí wama tid̄u Arabiap̄u jid̄u yoaro sehe jiricoro jira. Mip̄are Jerusalē macaina judio masa dutia yoaa mehne ȳhd̄u duaina dutiare dahra cohtaina yoaro sehe jira. Ā jia mari piti dahre buhech̄u tina ticoro yoaro sehe jira dahra cohtaricoro to jia tiriro sehe. Tina Cohamac̄u pohna jierara. ²⁶ Pacoro sehe Abrahā namono poto m̄anop̄u jiri maca Jerusalē wama tiri maca yoaro sehe jira, mari piti dahre buhech̄u. Ticoro dahra cohtaricoro jieraro, to mac̄no c̄h̄u dahra cohtariro jierari jire. (Ā yoa Jesucristore wacū tuaina mari jina, Sara mac̄no yoaro sehe jija. Mari c̄h̄u Cohamac̄u Moise cjirore to c̄uri dutia mehne ȳhd̄u duaina jieraina jina, dahra cohtaina yoaro sehe jieraja.) ²⁷ Cohamac̄u yare ti joari p̄i ō sehe ni joaa tiha Cohamac̄u pohna warore, Sara yoaro sehe jiricorore yahuro:

“Pohna marienicoro,
wahchega.

Ā yoa wahchea mehne sañurucuga, niji wahc̄no pur̄inore masieraricoro jico.

M̄h̄u sehe man̄u tiricoro ȳhd̄oro paȳu pohna ticohca.

Ā jico wahchega”,
ni joaa tiha panop̄are to pohna tihto pano Sara yoaro sehe jiricorore yahuro.

²⁸ Ȳu coyeya, Cohamac̄u to niriro seheta Isaa masa bajuaa tiha. Mari c̄h̄u tiro yoaro sehe Cohamac̄u to niriro seheta to pohna jija mari. ²⁹ Wiho mejeta tí p̄jap̄are masa yoaro sehe masa bajariro ñano yoaa tiha pairore Esp̄iritu Santo to niriro seheta masa bajarirore. Mip̄u c̄h̄ure āta jira to jiriro seheta. ³⁰ Wiho mejeta ō sehe nina Cohamac̄u yare ti joari p̄i: “Dahra cohtaricoro mac̄no to p̄c̄uro yare cj̄ua masierara. To namono poto mac̄no sehe to p̄c̄uro yare cj̄ua masina. Ā yoa ticorore dahra cohtaricoro cjirore to mac̄no mehnet̄a cohānocahga”, ni joaa tiha. ³¹ Ȳu coyeya, ne dahra cohtaricoro pohna yoaro sehe jieraja mari. Wiho mejeta to namono poto pohna yoaro sehe jija mari.

5

Jesucristo yare noano t̄ho ñahana, tíre duhuena tjiga

¹ Dutia yoaa mehne ȳhd̄u duaina tí dutiare dahra cohtaina ti dutipeina yoaro sehe jira. Cristo yaina wahana ti dutipeina mari jiare wijaana, Cristo mehne ȳhd̄u ja mari. Ā to ȳhd̄uch̄u yoarina jina, to yare ā yoarucuga, “Tí dutia yoaa mehne

yuhdunahca”, ni tãhoturo marieno.

² Mipure yuh Paulo ahrire yahuihtja musare: “Circuncisiõre mari yoari mehne yuhdunahca”, musa ni tãhotuna, Cristo musare to yoadohore yaba cjihti jierach yoaana nina musa.

³ Jipihina circuncisiõre musa yoari mehne yuhdu duainare pari turi õ sehe ni yahuihtja yuh: Circuncisiõre musa yoari mehne yuhdu duana, paye Cohamac dutiare yoa pahnoerana, yuhdu si musa.

⁴ Dutia yoaa mehne yuhdu duaina jina Cristo sehere cohãre musa. ã yoaina jina, Cohamac musare to cahõre, musare to yuhduch yoa duaire cahmaerara musa.

⁵ Wiho mejeta mari sehe Espõritu Santo to tuaa mehne Cohamacre wacũ tuaja. Mari ã wacũ tuach “Noaina, ñaa buhiri marieina jira”, ni ñna Cohamac marine. To ã ni ñch marine to yuhduch yoahtore masija mari.

⁶ Cristo Jesu yaina jina circuncisiõre mari yoach ne yaba cjihti jierara. Circuncisiõre mari yoerach cãhure ne yaba cjihti jierara. Wiho mejeta Cristo pinire wacũ tuana painare cahõnahca mari. Tõ wacũ tuaa sehe wiho waro jia nierara. Tõ waro jia nina.

⁷ Musa Cristore noano wacũ tuasinimare. ¿Dina baro noaa buheare yuhduca dutiari musare?

⁸ Tõ ya buhea Cohamac musare to pohnare cõriro to ya buhea jierara. ⁹ Ahri

y nihtire wacũga musa: Mahanocã pão bucaro trigo yuhure noano sahseruch sãra. (To ã sahseruch sãriro seheta y coyeya judio masa ya buhea sehere musa cahmarucuch ñna pay masa musa mehne macaina cãh tõ buheare cahmaboca tina cãh.) ¹⁰ Mari pãhtoro Cristore wacũ tuaja mari. ã jic ahri y nihtire masija yuh. Cristo to yoadohoa mehne paye buheare baharopure cahmasi musa. Tõre masija yuh. Musare dojomehne cohtaina dohse jina jica. Tinare Cohamacu buhiri dahrerohca.

¹¹ Y coyeya, “Dutia yoaa mehne yuhdunahca”, ti nia buheare y buheriro jich judio masa yuhure ñano yoeraboa. Cristo crusai to yariari buheare y buheri buhiri tina ñano yoara yuhure. Cristo ya buhea mehne judio masa ya buheare y buhe morech yuhure ñano yoeraboa tina. ¹² Musare dojomehne cohtaina musare mahanocã musa pjacu macari cahsarocãre yihso dutiina ti basi dihta yihsojaro.

¹³ Y coyeya, “Dutia mehne yuhdunahca”, ni tãhotu dutierara Cohamac musare. Wiho mejeta “Dutia mehne yuhdunahca”, ni tãhotuina jierapanahca “To dutiare yuhducajihna”, ni wacũena tjiga. ã yoa musa mehne macainare cahma cahõna, tinare dahra cohtaina yoaro seheta yoadohoga tinare.

14 Cãnota dutiare noano yoana, Cohamacu dutiare yoa pahõona nija mari. Õ sehe jira tí dutia: “Mũ basi mũ cahĩno seheta mũ cahai jiina cãhũre cahĩga”, ni dutia tiha. 15 ã jina wahiquina suaina yoaro sehe mũsa basi cahma sayoena tjiga. Tuhsũ, cahmachena tjiga. Mũsa mehne macaina jipihtinare “Dojomehneri”, nina noano yoaga mũsa.

Masa ñaare ti goa pjaare, Espíritu Santo to cahmaa cãhũre yahuha Paulo

16 Espíritu Santo to cahmariro seheta jirucuga mũsa. ã jina mũsa ñaare mũsa goa pjaare yoaena tjiga. 17 Ñaare mũsa goa pjachu tíre mũsa yoachu, Espíritu Santo ñũ yabira. To ã ñũ yabichũ tí ñaare duhunahca mũsa. ã jina ñaare mũsa goa pjana, tíre yoana, Espíritu Santore ñũ tuhtira mũsa. ã ñũ tuhtina to cahmano sehe yoaerara mũsa. ã jina mũsa goa pjaare mũsa yoa duaro seheta yoa masierara mũsa. 18 ã yoa Espíritu Santo to cahmaare yoaina jina “Dutia mehne mari yũhdũnahca”, ni tũhotuerara mũsa.

19 Masa ñaare ti yoare mari noano masi tuhsũja. Õ sehe jira tí: Numino mehne ñano yoaa, mũno mehne ñano yoaa, wũana tia, tó sehe jia ñaare bũo tiro marieno yoaa, 20-21 “Cohamacu jira” ti nia masũrine ño payoa, puti sitea, paye yaya ti yoaa, ñũ tuhtia, cahma sayoa, doaa,

suua, to basi dihta cjũa duaa, ñũ tuhti cahma tju waa, cã curua macaina pa curuare ñũ tuhtia, paina yare tuaro cahmaa, cahaa, cahaa bose mũmũrine dahrea, tó sehe jia jira ñaare yoaa. Panopũ mũsare cuaro mehne yũ niriro seheta mipũ cãhũre nihtja: Tí barore yoaina pũhtoro Cohamacu to sũho jiropũre mũpanopũre ne sũsi.

22-23 Espíritu Santo sehe marine õ sehe yoaina jichũ yoara: Masare cahĩina, wahcheina, cuiro marieina, so suaeraina, painare noano yoaina, noaina, duhuro marieno Cohamacu cahmaare yoaina, painare yũhdũũca duaeraina, noano mehne yoaina, ti ñaa goa pjaare yoaeraina jichũ yoara marine tiro. Tó sehe yoainare “ã yoaena tjiga”, ne cãiro nierara. 24 Cristo Jesu yaina jina mari ñaa goa pjaare yoa namoeraja. 25 Espíritu Santo marine Cohamacu mehne ã jirucuchũ yoarohca. ã jina to cahmano seheta yoarucuina jijihna mari.

26 “Painare masi yũhdũũcaja sã”, ni tũhotuina jiena tji-jihna mari. ã jina mari mehne suachũ yoaena tjijihna painare. ã yoana mari mehne macaina noano ti wahachũ ñũna tinare sua tũhotuena tjijihna.

6

Mũsa mehne macainare yoadohoga

1 Yu coyea, cūiro mūsa mehne macariro to ñaare yoachū ñūna, Cristore noano wacū tuaina jina niji siaroca dero tirore yoadohoga noaare pari turi to yoahito cjihto sehe. Ā yoana mūsa cūhū “Ñaare goa pjarī”, nina noano yoaga. 2 Mūsa mehne macaina ti ñano yūhdūchū cūhūre yoadohoga tinare. Mūsa ā yoana Cristo to dutiro seheta yoana nina mūsa.

3 Cūiro wiho jiriho jiparota “Painare yūhdūrcāja”, ni tūhoturo, to basi mahñoa dihtare tūhoturiho jira. 4 Cāina mūsa sahsero mūsa yoarire “Ahri noaa jira. Ahri ñaa jira”, ni masiga. Ā masina mūsa yoari noaa jichū mūsa basi wahchenahca. Ā jina “Painare yūhdūrcāja”, nisi mūsa. Ā nierana painare mūsa yūhdūrcari mehne wahchesi mūsa. 5 Ā jiro Jesu yairo to mū sūro Cohamacū yare yoara. Pairo masūno tirore tíre yoadoho masierara.

6 Ā jina noaa buheare buherirore paye baro mūsa cūaare tirore waga mūsa to yahuare tūhoina.

7 Toari masūno ñaa yaparire toaro ñaa dichare cūarohca. Noaa yaparire toaro noaa dichare cūarohca. (Tó seheta mari cūhū ñaare yoana ñaare cūanahca. Ā jiro mari ñari buhiri buhiri dahrerohca. Noaare yoana noaare cūanahca. Ā jina noano jinahca.) Ā jina

“Sā ñaare yoachū Cohamacū sāre buhiri dahresi”, ni tūhotuena tjiga. Ñaare yoaina Cohamacūre būjūpeina jira. Cohamacūre būjūpeinare buhiri dahrerohca tiro. 8 Mari ñaare goa pjana, tíre yoana, tí mehnetā yari-anahca. Ā jina pichacapū wahanahca. Espiritu Santo sehe to cahmaare mari yoachū tiro marine jipihtia dachoripe mūanopū jirucuchū yoarohca. 9 Ā jina noaare yoana tíre pumena tjijihna mari. Cohamacū to quihōri pja jichū noaare cūanahca mari pumerana. 10 Ā jina jipihtinare mari ñūinape noano yoajihna mari. Mari coyea Jesu yaina pinihtare paina yūhdoro noano yoajihna.

Paulo yahu batoaro, noa duti batoaha

11 Būjūa letrari mehne yū wamomaca waro mehne mū sare yū joarocarire ñūga mūsa. 12 Mū sare circuncisiōre yoa dutiina masa tinare ño payochū cahmana. Cristo crusai to yariari buheare mari buheri buhiri masa ñano yoara marine. Ti ā yoachū ñūa ahrina mū sare circuncisiōre yoa dutira “Judio masa ya buhea sehere yoaja”, nia. Ā ti yoa dutichū judio masa tinare ñano yoaeraboca. Ā jia circuncisiōre yoa dutira. 13 Mū sare circuncisiōre yoa dutiina sehe Cohamacū to dutiri cjirore yoa pahñoerara. Ā jia circuncisiōre mū sare ti yoa dutiri

baharo m̄sa ȳhtich̄ ñ̄a,
judio masa tinare m̄sare
dutiinare ño payoboca. Ti ã
ño payohti cjihtire m̄sare
circuncisiõre yoa dutira tina.

¹⁴ Mari p̄htoro Jesucristo
crusai yariariro ya buhea
dihtare jipihtinare wahchea
mehne yahu duaaja. Ne paye
buheare ã ni yahu duaeraja.
Ã crusai to yariach̄ ahri
yahpa macaa ñ̄aare wat̄no
ȳh̄re yoa dutiro bihoerara.

Ã yariaro tí ñ̄aare ȳh̄re
cahmaerach̄ yoare tiro.

¹⁵ To ã yoach̄ Cristo Jesu
yaina mari jich̄ circun-
cisiõre mari yoach̄ ne yaba
cjihti jierara. Circuncisiõre
mari yoaerach̄ c̄h̄re ne
yaba cjihti jierara marine.
Wiho mejeta pari turi masa
bajuaina yoaro sehe, Co-
hamac̄ cahmano seheta
yoaina, marine to cohtotach̄
pinihta wiho waro jierara.

¹⁶ Jipihtina ahri ȳ buherire
yoaina, Cohamac̄ yaina
waro jina, cuiro marieno
noano jiga m̄sa. ã jina
Cohamac̄ to p̄ja ñ̄a mehne
jiga m̄sa.

¹⁷ Mari p̄htoro Jesure
dahra cohtariro ȳ jiri buhiri
ȳ p̄jac̄re camí tija ȳh̄. Ȳ
ã jiriro jich̄ mip̄re paina
ȳh̄re cariboea tjjjaro.

¹⁸ Ȳ coyea mari p̄htoro
Jesucristo m̄sare jipihtinare
to cah̄a mehne noano yoa-
jaro. Æta yoajaro.

Efesios

Efeso macainare joarocaha Paulo

¹ Y_hh_u Paulo m_usare Efeso macainare joarocaja. Y_hh_u Jesucristo yare buhe dutiro to c_uriro jija. Cohamac_u to cahmano seheta Jesu y_hh_ure to yare buhehtirore c_ure. Ā jic_u m_usare Cohamac_u yainare Jesucristore ā wac_u tuarucuinare joarocaja y_hh_u.

² Ā joarocac_u y_hh_u m_usare noa dutija. Cohamac_u mari P_uc_u, ā yoa mari p_uhtoro Jesucristo c_uh_u m_usare noano yoa, noano jich_u yoajaro.

Cristo yaina mari jich_u ñ_uno Cohamac_u noano yoara marine

³ Cohamac_u, mari p_uhtoro Jesucristo P_uc_uro marine noano yoarucura Cristo yaina mari jich_u ñ_uno. Jipih_utia to ya m_uano macaa noaa mehne tiro marine noano yoarucura. Esp_uritu Santo mehne marine ā noano yoarucura. To ā yoariro jich_u ñ_una noano ño payoa mehne tirore noano wahche payojih_u. ⁴ Ō sehe yoaa tiri jire tiro marine to yainare: Ahri yahpare to bajuamehnehto pano mip_ure to yaina jihinare beseyu tuhs_ua tiri jire tiro marine. Ā besea tiri jire marine ñaa buhir_u marieina mari jihto sehe. Ā yoana ñaa buhiri marieina jija mari, Cohamac_u to ñ_uch_u. Ā jiro marine “Ñaa buhiri tiina

jira”, nisi tiro. ⁵ Panop_u ō sehe nia tiri jire tiro marine: “Y_u mac_u Cristo tinare to yoabasari mehne tina y_u pohna jiahca”, ni c_ua tiri jire marine panop_u. To ji coariro seheta to cahmariro seheta ā wahach_u yoaa tiri jire tiro marine. ⁶ Wiho jiina mari jipach_uta marine to ā noano yoach_u ñ_una ño payoa mehne tirore noano durucujih_u. To mac_uno to cah_uriro yaina mari jich_u ñ_uno noano marine yoara tiro. Ā jina tirore noano durucujih_u. ⁷⁻⁸ Cristota jira marine pichacap_u waha-borinare y_hd_uch_u yoariro. Cristo mari ñaa buhirire yariabasaro, to dire coh_u, mari ñaa yoari buhirire coh_uri jire. Mari ñaa yoari buhirire to coh_uch_u ñ_uno, Cohamac_u sehe mari ñaa buhirire bonocah_u. Marine ñaa dihtare yoaborinare ā cahmano marine noaputiaro yoari jire Cohamac_u. Ā yoa marine to ā yoainare noano waro t_uho masiina wahach_u yoari jire. ⁹⁻¹⁰ T_uho masiina wahach_u yoa, baharop_u to yoah_uto marine masich_u yoare. Panop_u painare t_ure masich_u yoaerari jire tiro. Ō sehe jira baharop_u to yoah_uto: Tiro to cahmariro seheta to t_uhoturiro seheta jipihinare c_u curuata Cristo yaina jich_u yoarohca. Ā jiro jipih_utiare to ya jich_u yoarohca. To quih_uri pja m_u s_uch_u m_uano macainare, ahri yahpa macaina c_uh_ure, c_u curuata to yaina jich_u

yoarohca tiro. Æ yoa m̄ano macaare, ahri yahpa macaa c̄hure to ya jich̄u yoarohca. Æ jiro Cristo sehe jipihtina bui p̄htoro jirohca. Æ yoa jipihtia p̄aro jirohca. Æ jihtiro ji dutia tiha Cohamac̄u tire.

11 Æ yoaro Cristo yaina mari jhtore masino panop̄u Cohamac̄u marine bese tuhs̄ua tiha to yaina mari jhtinare. Ahri jipihtiare to yoarire, baharop̄u to yoahto c̄hure, “Æ waharohca”, ni c̄yua tiha tiro to t̄hoturiro seheta, to cahmariro seheta yoaro taro. Æ yoaa tiha tiro to yare s̄a yoahto c̄jhtore. 12 S̄a sehe judio masa Cristore cahma m̄htaina jina s̄are to ȳhd̄uch̄u yoahtore cohta m̄htaina jija. Cohamac̄u s̄are besea tiha to yare s̄a yoahto c̄jhtore. Cohamac̄u yare s̄a Æ yoach̄u ñ̄ua, paina tireore ño payo, “Tuariro jira”, ti nihto sehe Cohamac̄u s̄are besea tiha. 13 M̄sa c̄h̄u quihōno durucuaireta noaa buheare t̄hore. Tí buhea “Cohamac̄u cahap̄u m̄sa waha duach̄u, õ sehe jira”, ni yahura marine. Tíre t̄hona tireore wac̄u tua, noano t̄hona to yaina wahare m̄sa. To yainare õ sehe niri jire Cristo: “M̄sare Esp̄ritu Santore warocaihtja”, ni yahu c̄uri jire. 14 Æ jiro tireore m̄sa wac̄u tua, noano t̄hoch̄u ñ̄uno to yairo Esp̄ritu Santore ware m̄sare. Æ jiro Esp̄ritu Santo mari mehne jiro Cohamac̄u yaina mari jia tiare masich̄u yoara tiro sehe. Æ yoa Esp̄ritu Santo parore

masich̄u yoara. Cohamac̄u mari ñ̄aa buhirire bore marine ȳhd̄uch̄u yoaro. Æ jiro baharo to cahap̄u naanohca marine to yainare. Marine to naahto pano Esp̄ritu Santo sehe Cohamac̄u cahap̄u mari s̄ari baharo to yare mari c̄j̄ahtore masich̄u yoara marine. Cohamac̄u marine Æ yoara tireore ño payoa mehne “Noariro jira”, mari nihto c̄jhtore.

Paulo Cohamac̄ure sini payoha Jesu yainare

15-16 Cristore wac̄u tuaina m̄sa jich̄u t̄horocac̄u Cohamac̄ure Æ sini payorucuja m̄sare. Mari p̄htoro Jesucristore m̄sa wac̄u tuarire, jipihtina to yainare m̄sa cah̄ire t̄horocac̄u Cohamac̄ure “Noana”, nija. 17 Õ seheta tireore sini payoja m̄sare: Cohamac̄u m̄ano macariro mari p̄htoro Jesucristo P̄c̄aro, noa ȳhd̄ariro to yare m̄sa noano masihto sehe sini payoja. Æ yoaro tireore m̄sa noano masihto sehe sini payoja m̄sare. 18 Æ jic̄u paye ȳ nihti c̄hure m̄sa noano masihto sehe m̄sare sini payoja Cohamac̄ure. Tiro m̄sare ȳhd̄uch̄u yoaro, to yaina c̄jhtire yoare. To Æ yoach̄u noa ȳhd̄ara marine. Tíre m̄sa masihto sehe sini payoja m̄sare Cohamac̄ure. Æ yoa marine to wahtire noa ȳhd̄ua tí waro ti jich̄u c̄hure m̄sa masiyuhto sehe sini payoja m̄sare Cohamac̄ure. 19 Õ sehe c̄hure m̄sa masihto

sehe sini payoja musare Cohamacure. Cohamacure wacũ tuaina mari jichũ ñũno to tuaa mehne marine yoadohora tiro. Tiro sehe paina bui tua yũdũariro jira. Tí cãhare musa masihtõ sehe sini payoja Cohamacure. ²⁰ Tí to masia mehne, to tuaa mehne tiro Cristo yariarirore masori jire. ã maso tuhsũro, mũanopũ to poto buhũsehei Cristore dujichũ yoari jire Cohamacũ, jipihtinare dutihtiro to jihto sehe. ²¹ Tõ dujiro jipihtina mũano macaina pũhtoa bui, ã yoa jipihtina ahri yahpa macaina dutiina bui jiro jira Cristo. Mipũre jipihtina ahri dacho macaina bui pũhoro jira. Baharopũ jipihtina pa tjuru macaina cãhare ti bui pũhoro jihtiro cjihtota jira tiro. ²² ã yoa jipihina bui cũri jire Cohamacũ Cristore. ã yoaro jipihtiare pũ tichũ yoari jire tirore. ã jiro Cristo yaina cã curua jiina bui pũhoro sõri jire tirore. Ti dapu jira tiro sehe. ²³ Cristo yaina cã curuata jina, to pjacũ yoaro sehe jija mari. Cristo jipihitropũ ã jirucura. ã jina mari to yaina mehne to jirucuchũ, to jiro seheta wahana nija. ã wahana to jia tiare ñona nija.

2

Cohamacũ marine cahĩno, pja ñũno yũdũchũ yoaha marine

¹ Cohamacũ yũdũũcaina, ñaa buhiri tiina yariaina

cjiri yoaro sehe jiri jimarẽ musa, Cohamacũ to ñũchũ. ² Panopũre ahri yahpa macaina Cohamacure yũdũũcaina yoaro sehe yoarucuri jimare musa cãhũ. ã yoana watĩno to dutiro seheta yoarucuri jimare musa. Tiro watĩno ahri yahpai dutiriro Cohamacure yũdũũcaina pũhoro jira. Watĩa pũhoro cãhũ jira tiro. ³ Panopũre jipihtina mari ã dihta yoarina jimai. Mari ñaa dihtare goa pjamai. Mari mũ sũro, mari tuhõtu, mari cahmano seheta yoamai. ã yoaina jina jipihtina paina yoaro seheta, mari cãhũ ñaa buhiri tiina jirucumai. Mari ã jiina jiri buhiri, Cohamacũ to buhiri dahreborina jimai. ⁴ Mari ã jiina jipachũta, Cohamacũ marine tuaro pja ñũno, noano cahĩri jire marine. ⁵ ã cahĩ yũdũũro, Cohamacure yũdũũcaina, yariaina yoaro seheta mari jipachũta Cristo mehne marine catichũ yoari jire. ⁶ ã jiro Cristo yaina mari wahachũ, Cohamacũ Cristo mehne marine maso, ã yoa mũanopũ Cristo mehne dujhtinare marine sõ daporĩ jire, tiro mehne dutihtina cjihti mari jihto sehe. Cristo yaina jina, ãta wahaina baro jija mari, Cohamacũ to ñũchũ. ⁷ Õ seheta noano yoara tiro marine to pja ñũrĩre, to tuaro cahĩrĩre baharopũ jhtinare masichũ yoaro taro. Cristo yaina mari jichũ ñũno ã yũdũchũ yoara tiro marine. ⁸ Cristore wacũ tua, mari noano tuhõchũ

ñuno Cohamacu marine pichacapu wahaborinare yuhduchu yoara. Marine pja ñuno, marine cahino marine yuhduchu yoara. Mari mu suro mari noano yoaa mehne Cohamacu cahapu waha masieraja mari. Cohamacu sehe marine yuhduchu yoara. Ñ jiro tiro mehne mari ñ jirucuhtore cuna marine. ⁹ To ñ cuchi mari mu suro noaare mari yoari wapa jierara ti.

“ ‘Sã mu suro yuhduhi’, niboca”, nino õ sehe dutiri jire tiro: Mari mu suro yuhdu dutierara marine. ¹⁰ Cristo yaina jichu yoare marine Cohamacu sehe noaa dihtare yoahina mari jшто sehe. Panopu noaare mari yoahire cõ tuhsu tiri jire tiro marine.

Cristore cjana mari noano jija

¹¹ Ñ jina panopu masa jia tirire mipu cõhure wacõga masa. Cristo yaina jierasina judio masa jieraina jina masa coyea yoaro sehe yoarina jiri jimare masa. Circuncisiõre yoaeraina jire masa mipu masa jiro seheta. Masa ñ yoaeraina jichu ñuna sã judio masa sehe circuncisiõ yoaina sehe musare õ sehe nia tii. “Circuncisiõre yoaeraina jia, Cohamacu yaina jierara”, nia tii musare. Circuncisiõre yoaina mu pjacurire mahanocã cahsarocãre yihso narina jira. ¹² Panopu Cristo yaina jierari jimare masa. Sã judio masa sehe Cohamacu to beseina jia tii. Sã ñ jichu “Musare yuhduchu yoaihtja”, ni cõa

tiha Cohamacu sãre. Masa sehe to ñ ni cõrina jierari jimare. Ñ yoa Cohamacu to beserinare ñ tuhtiina jisniri jimare masa. Masa ñaa buhirire pichacapu wahahtina jiri jimare masa. Cohamacu maeraina jina pichacapu butiborina jia tiri jimare masa. ¹³ Mipu sehene Cristo Jesu yaina jira masa. Panopu Cohacure ñ tuhtiina jipanahta, mipure to yaina jira masa. Cristo masa ñaa buhiri crusapu to di cohãri mehne Cohamacu yaina jichu yoare musare. ¹⁴ Sã judio masare cahma ñ tuhtiina masa jichu ñuno Cristo marine “Masa basi cahma ñ tuhtiena tjiga”, ni yahure. Masare noano yahuriro jira tiro. Sã judio masa, judio masa jieraina mehne pu curua mari jichu ñuno, tiro cõ curuata yoare marine. Ducatari sahrinore ti tju site cohãno yoaro sehe mari cahma ñ tuhtirire duhuchu yoare tiro. ¹⁵⁻¹⁶ Õ sehe tãre yoare tiro: Mari ñaa buhirire crusapu yariaro marine pichacapu wahaborinare yuhduchu yoare. Ñ yuhduchu yoaro to yaina jichu yoare marine. Ñ yoaro pu curua mari jimaritore cõ curuata wahma curua jichu yoare marine. Ñ yoaro panopu mari cahma ñ tuhtiina mari jimaritore marine cõnoi noano jichu yoare. Ñ yoaro judio masa sã dutia cjirire cohãre tiro. Tã dutia marine pu curua ji dutiri jimare. Mipure cõ

curuata jija mari. Cristo Cohamacu yaina jichu yoare marine.

17 ã yoa Cristo noaa buheare marine yahuro tari jire. Musa judio masa jieraina Cohamacu yare cjuæraina jiri jimare. Musa ã jichu ñno musare yahuro tari jire tiro. Sã judio masa sehe Cohamacu yare cjuai. Sã cãhure yahuro tari jire. ã yahuro taro jipihtina marine cã curuata noano mehne ji dutiro tari jire tiro. 18 Mipure jipihtina mari judio masa, judio masa jieraina cãh Cohamacu mari Pucã mehne noano ji masija mari. Espiritu Santo to yoadohoa mehne mari Pucã mehne noano ji masija mari. Cristo sehe marine ã noano jichu yoari jire. 19 ã jina mipure pa dihta macaina yoaro sehe jierara musa. Mipure Cohamacu yainare ñ tuhtiina jierara musa. Cohamacu yaina mehne macaina jira musa. To ya curua macaina jira musa. 20 Cohamacu ya durucuare yahu turiaina, sã cãh to yare buhe dutiro to cãrina jina to ya durucuare musare yahu ducã sã, wahma wãhure Cohamacu ya wãhure ti dahre ducariro seheta. Tí wãhã ti cã mãhtari tãca yoaro sehe jiro Cristo sehe marine yãhdũchũ yoariro mariachũ mari ne yãhdũeraboa. 21 ã jiro to tuaa mehne marine to yainare cã curuata jichu yoare tiro, Cohamacu wãhure ñaa marieni wãhure ti dahreboriro seheta. To ã yoachũ to

tuaa mehne noaina wahaja mari, Cohamacu to ñũchũ. Mari ã jichu ñno, tirota mari mehne jirucura. 22 ã jina Cristo yaina jina jipihtina paina to yaina mehne cã curua wahare musa cãh. Musa ã wahachũ Cohamacu to Espiritu Santo musa mehne jiro nina, Cohamacu ya wãhũ to jiboro seheta.

3

Judio masa jierainare noaa buheare yahuriro jiha Paulo

1 ã to ya curua macaina musa jichu ñcũ yũhũ Paulo musare sini payoja Cohamacure. Cristo Jesu yare musare jipihtina judio masa jierainare yũ yahuri buhiri peresupũ jija yũhũ. 2 Cohamacu wiho jiina mari jipachũta, marine cahĩno, noaa buheare musare judio masa jierainare yũhure yahu dutiro cãre. Tíre masi tuhsure musa. 3 Panopũ masare to yahuerari cjirire Cohamacu baharopure yũhure masichũ yoare. Ahrire mahanocã yahu musare joaroca tuhsũhi. 4 Yũ ã joarocarire buhena Cristo to yare yũhure to masichũ yoarire masinahca musa. 5 Tí to yahuri cjirire panopũ macainare tiro yahuera tiha. Mipũ sehere sãre Jesu to cãrinare Cohamacu yare yahu mãhtaina cãhure sã jipihtina tirore dahra cohtainare to yahuri cjirire masichũ yoare Cohamacu. To yairo Espiritu Santo sehe sãre masichũ to

yoabasare Cohamacu. ⁶ Õ sehe jira to yahuri cjiri: Sã judio masa dihtare Cohamacu yuhduchu yoaerara. Judio masa jieraina cãhure yuhduchu yoarohca tiro. Æ jina sã judio masa, mûsa judio masa jieraina mehne Cristo yaina jina, cã pjacu yoaro sehe cã curuata jija mari. Æ jina mari jipihtina Cristo Jesu yaina jina cãno potori Cohamacu “Mûsare yuhduchu yoaihtja”, ni to yuhduchu yoaina jija mari.

⁷ Cohamacu yuhure pja ñano, yuhure cahino ahri noaa buheare yahuhtiore yuhure cûre. To tuaa mehne ã cûre yuhure tiro. ⁸ Jipihtina Jesu yaina ti doca macariro waro jija yuh. Yu ã jipachuta judio masa jierainare noaa buheare yahuhtiore cûre Cohamacu yuhure. Tí buhea Cristo noa yuhduariro to jiare, noa yuhdu to cjaare to wahtire yahura marine. ⁹ Yuhure ã cûno Cohamacu “Õ sehe yuhduchu yoaihtja masare”, nino to yuhduchu yoahtore noano yahu pahñohtiore cûre yuhure tiro. Æ jiro panopu macainare tí buheare ne yahu pahñoerasinia tiha Cohamacu. Jipihtiare bajuamehneriro jira tiro. ¹⁰ Mipure noaa buheare yahu dutiro cûre marine to yainare tiro to noano masi pahñoare masichu yoaro taro. Masi pahñoriro to jia tiare mûano macaina puhtoare masichu yoa duari jire. Æ yoaro taro

noaa buheare buhe dutire marine Jesu yainare. ¹¹ Ahri yahpa to jihto panoputa “Masare pichacapu waha-borinare yuhduchu yoaihtja”, nia tiha Cohamacu. Æ niriro jiro mipure mari puhtoro Cristo Jesu yaria to masa mûjano mehne to niriro se-heta marine yuhduchu yoara Cohamacu. ¹² To ã yuhduchu yoachu mipure Cristore wacû tuana to yaina wahaja mari. To yaina jina wacû tuaa mehne, cuiro marieno Cohamacu mehne durucu masija mari. ¹³ Noaa buheare mûsare yu buheri buhiri mipure peresupu jicu yu ñano yuhduchu ñana cahyaena tjiga. Noaa buheare yu yahuchu tuhona Cohamacu yaina wahare mûsa. Yu ã yoari buhiri peresui jija. Æ jicu mûsare yu yoadohori buhiri ñano yuhduhi nija. Mûsa noano yuhduhto sehe ã wahaja yuh. Tíre masina wahchega mûsa. Tíre tuaro wahche dutija mûsare.

Cristo masare tuaro cahina

¹⁴ Æ jicu ahri jipihtia Cohamacu mari Pucu to yoarire wacûcu tiro pano na tuhcuca caha sucu sini payoja mûsare. ¹⁵ Tiro jipihtia curuari macaina mûanopu jiina, ahri yahpai jiina cãhu ti Pucuro jira. Jipihtinare bajuamehneriro jira tiro. ¹⁶ Tirore õ sehe ni sini payoja mûsare: Tiro masi pahñoriro jira. Tua yuhduariro jira. Æ jicu to tuaa mehne mûsare noano to wacû tuachu yoahito sehe

sini payoja. Espíritu Santo to yoadohoa mehne ã yoarohca.

17 Æ sini payocm Cristore msa wacũ tua namohto sehe tiro msa mehne to noano jihto sehe sini payoja msare. Æ jicm painare noano cahina msa jihto sehe sini payoja msare. 18-19 Jipihtina paina Cohamacm yaina cãm msa mehne Cristo masare to tuaro cahiare msa masihto sehe sini payoja. Tiro jipihtina masare cahĩ yuhdariro jira. To ã cahĩ yuhdarire noano masi pahnohto basioerara. Æ jipachuta to ã cahĩro to jia tiare msa noano masihto sehe sini payoja msare. Æ yoa to cahiare msa masichm cahmaja Cohamacm msa mehne to noano jihto sehe. Noa yuhdariro, ñaa mari-eriro to jiro seheta msa wahahto sehe to cahiare msa masichm cahmaja. Æ jicm to cahiare msa masihto sehe sini payoja msare Cohamacmre.

20-21 Æ yoa Cohamacmre pjíro ño payoa mehne “Tiro tuariro jira”, nijihna. To tuaa mehne noaa sehere cohtota masina marine tiro. Marine noaina jichm yoa masina. Mari siniri yuhdoro yoa masina tiro. Mari cahmaare mari tuhaturi yuhdoro yoa masina tiro. Cristo Jesu yaina to ya curua macaina jina jipihtia dachoripe jipihtina Cohamacmre ño payojihna. Æta yojihna.

4

Cristo yaina jina cã curu-ata jija mari

1 Æ jicm yuhm, mari puhtoro Cristo to cahmaare ym yoari buhiri peresupm jiro jicm, msare õ sehe ni tuaro dutija: Cohamacm to yaina cjihtire msare besea tiri jire. Æ to beserina jina to cahmano seheta yoaina jiga msa. 2 “Sã pinihta masi yuhdumcaina jija”, ni tuhutuina jiena tjiga. Painare noano mehne yoaga suaro marieno. Msa mehne macaina msare ti ñano yoapachuta tinare cahia mehne noano yoaga. 3 Æ jina Espíritu Santo to yoadohoa mehne noano mehne cãno mehne jirucuga msa. Æ yoana cahmachea marieno jinahca msa. 4 Cã pjacm yoaro seheta cã curuaihta jija mari. Æ yoa Espíritu Santo cãirota jira. Cohamacm to yaina cjihti msare besea tiha msare yuhdum yoaaro taro. Æ jina to yuhdum yoahtore cohtasinina msa. Cãnota jira msa cohtaro. 5 Mari puhtoro Cristo cãirota jira. To yahua, mari wacũ tuaa cãm cãnota jira. To yainare bautisarire yahua cãm cãnota jira. 6 Æ jiro Cohamacm cãirota jira. Tiro jipihtina Pcmro jira. Æ jiro jipihtina mari puhtoro jira. Jipihtinare marine to cahmano seheta yoachm yoa masina tiro. Jipihtina mari mehne jira. Æ yoa jipihtiropm jira tiro.

7 Cã curua mari jipachuta jipihtina marine cãinare mari

yoa masihtire cūre marine Cristo. Tiro to cūriro seheta yoa masija mari. Tiro marine ã cūno paye barore to ã wanocaboriro seheta yoaro nire tiro. ⁸ Āta nina Cohamacu yare ti joari pūpu:

“Cohamacure ñu tuhtiinare to yuhduꝛucari baharo tiro tinare naa mɔjaa wahare.

Ā naa mɔjano tiro payu ã wanocare ahri yahpa macaina sehere”,
ni joaa tiha panopure.

⁹ “Tiro mɔjaa wahare”, to nichu wahmanore mɔanopu jiro ahri yahpare to tari cūhure mari masija. Ahri yahpare to duji tarire mari masija. ¹⁰ Ā jiro õpore duji tariro tirota jira mɔjaa wahariro. Jipihtiro bui mɔjaa wahari jire tiro, jipihtiroru jiro taro. ¹¹ Tiro jira “Ahri yahpa macainare payu ã wanocariro”, ti niriro.

Masare to ã wanocano seheta tiro payu ti yoa masihtire cūri jire masare. Ō sehe cūri jire tiro: Cāinare Cristo to yare yahu duti to warocahtinare cūri jire. Painare Cohamacu ya durucuaire yahu turihtinare cūri jire. Noaa buheare buhe tinihtinare painare cūri jire. Cristo yaina cahmachuinare ñu wihboina cjihtire, noano buhehtina cjihtire cūri jire painare. ¹² Tó sehe yoa, dahrahtina cjihtire cūri jire marine painare to yainare mari yoadohohto sehe Cohamacure mari masi noano namohto sehe. Ā cūri jire marine to yainare tirore mari wacū tua namohto

sehe. ¹³ Ā jina mari jipihtina noano mehne cāno mehne jinahca. Āta jiro cahmana marine Cristore wacū tuaina jina. Ā jina mari jipihtina Cohamacu macunore noano masinahca. Ā yoana Cristo tuariro, noano masiro to jiro seheta mari cūhu noano masiina, Cohamacure noano wacū tuaina wahanahca.

¹⁴ Mari ã wahana macanacā yoaro sehe jisi mari. Macanacā noano tuho masierasinica. Paina ti buhechu “Ahri potocā jira”, ni ti mahño mihnia mehne ti mahñochu tinacā yoaro sehe jiina soro jia buheare cahmana. Ā yoa paina ti soro buhechu ti buhea sehere cahmana tjoa. Pjiri ma macaa pahcōri ti ã cohtotarucuro seheta tó sehe ã cohtotarucuina jira tinacā yoaro sehe jiina. Tina yoaro sehe jisi mari. ¹⁵ Ō seheta yoanahca mari: Mari mehne macainare cahma cahina, potocā noaa buheare cahma yahunahca mari basi. Ā yoana macanacā bucuu tuho masiina ti wahariro seheta mari cūhu tuaina, Cohamacu yare noano masiina wahanahca. Cristo to jiro sehe wahanahca. Tiro jira mari dapu. ¹⁶ To yaina jina to pjacu yoaro sehe cū curuaihta jija mari. Ā jina mari capari, mari cahmori, mari dahpori cū pjacu ti noano jiro seheta mari cūhu payu jipanahta cūno potori noano jija. Mari ã cūno potori mari jihto sehe Cristo yoadohora. Ā jina mari

wamomaca mari pjacure to noano yoadohoriro seheta mari noano yoadohoja paina Cristo yainare. Mari mehne macainare Cristo yainare noano cahina, tinare noano yoadohona, tuaina Cristore wacū tua namoina wahanahca mari.

Cristo yaina wahana mari ñaa yoare duhu, noa sehere cohtotaja mari

17 Æ yoa mari puhtoro Cristo to dutiro mehne õ sehe nihtja musare: Cohamacure cahmaeraina waro yoaro sehe yoena tjiga musa. Tina ti tuhotua sehe ñaa dihta jira. Æ jia ti tuhotua yaba cjihti jierara. 18 Æ jia nahitiano i ti ñu masieraro seheta tina Cohamacu yare ne masieraputiara. To yare ne tuhoeraputiara. Tuho du-aerara tina. Æ jia Cohamacu to noano ji dutiriro seheta jierara tina. 19 Æ jia tina ñaare yoaa ne buo tieraputiara. Æ yoa ne cahyaerara. Ñaare ti goa pjaa dihtare yoarucura. Jipihtia ti ñaare yoare duhu duaerara. 20 Musa sehe ã yoerare, Jesure masi ducana. 21 Potocã to yare tuhoina musa jichu, Jesu yare noano masiina musa jichu musa sehere tina yoaro sehe yoa dutierara tiro. 22 Æ jina ñano wete tia suhtire musa tjuwe cohãno seheta panopu musa yoari cjirire duhunocahga. Tí pjare ñaare yoarucuina musa jichu tí ñaa sehe musare dojomehneno niri jimare. “Ñaare yoana,

noano wahchenahca”, ni tuhotuina jipanahta ne potocã wahcherare musa. 23 Æ yoa musa tuhotuare noaa sehere Cohamacu to cahmano seheta cohtotaro cahmana musare. 24 Æ jina noaa sehere cohtotaina jiga musa. Tó sehe jiina Cohamacu yoaro seheta jira. Musa ã jiina jina, noaare yoarucunahca. Æ yoana ñaare ñu yabinahca.

25 Æ jina mahño namoena tjiga musa. Musa mehne macainare quihõno yahuga, mahõno marieno. Mari cū pjacu yoaro sehe cū curua macainata jina nija. Æ jina musa mehne macainare mahõoena tjiga.

26 Paina mehne suana, ñaano yoena tjiga. Æ jina suana, cū dacho waro noano suarucuena tjiga. 27 Yoari pja suana, watino to cahmano sehe yoana nica. Æ yoena tjiga watino musare “Dojomehneri”, nina.

28 Musa mehne macaina Jesu yaina musa jihto pano yacaina jirina cjiri pari turi yacaena tjiga. Æ yoana mipu sehere noano dahraga musa wapataa mehne pjacuoinare musa yoadohohto sehe.

29 Ne ñano durucuena tjiga “Painare dojomehneri”, nina. Noaare durucuna painare yoadohora Cohamacu cahmaare musa masi namohto sehe. Æ jina noaa dihtare durucuga. 30 Ñaare yoana Espiritu Santore cahyachu yoana nica musa. Æ yoena tjiga. Mipure pihtiri dacho pano

Cristo marine to naahto pano Cohamacu to Espiritu Santo marine ñu wihbora ñaare mari yoaerahto sehe. Ñ jiro Cohamacu yaina mari jiare masichu yoara tiro marine. Ñ jina tirore cahyachu yoaena tjiga.

³¹ Ñ jina ne painare ñano yoa namoena tjiga. Cahma sayo namoena tjiga. Painare sua, ñano ni sañurucu namoena tjiga. Painare ñano quiti dahre namoena tjiga. Ne painare ñano ni tãhotu namoena tjiga. ³² Ñ yoa musa mehne macainare noano mehne noano yoaga. Cristo yaina musa jichu ñano musa ñaa buhirire bonocahre Cohamacu. Tó seheta musa cãhu paina musare ti ñano yoachu ñana ti ñaa yoarire bonocahga.

5

“Cohamacu pohñare õ sehe jiro cahmana”, niyahuha Paulo

¹ Ñ yoa Cohamacu pohna to cahina jina Cohamacu to jiro sehe jiga musa. ² Ñ jina painare ã cahrucuga. Cristo marine cahno, mari ñaa buhiri yariari jire. Ñ yariaro Cohamacure ji coachu yoari jire tiro. Ñ jina marine to cahiro seheta musa cãhu painare cahiga.

³ Ñ jina Cohamacu yaina jina ne numia mehne ñano yoaena tjiga. Numia cãhu mna mehne ñano yoaena tjiga. Paye ñaare tó sehe jia ñaare yoaena tjiga. Paye

barore cahma yuhduracaena tjiga. Ne ã yoaeraro cahmana musare, Cohamacu yaina jina. ⁴ Ñ yoana buoro durucueraro cahmana musare. Tũho masieraina yoaro sehe durucueraro cahmana musare. Ñ jina ñano ni bujuperaro cahmana musare. Ahri sehene yoaro cahmana musare. Cohamacu mehne durucuga musa. Ñ durucuna tirore “Noano yoahre mũhu sãre”, nino cahmana. ⁵ Paye barore goa pjana, tíre tuaro cahmana, “Cohamacu jira”, ti nia masarine ti ño payoro seheta yoana nija mari tíre. Ñ yoa numia mehne ñano yoaina, ñaa dihtare tãhotuina, paye barore goa pjaina Cohamacu Cristo mehne pãhtoro ti saho jiropu ne wahasi tina. Tíre noano masija mari. ⁶ Õ sehe yoaina ti yoari buhiri buhiri dahrerohca Cohamacu tirore yuhduracainare. Ñ jina paina musare “Ahri ñaa jierara”, ti ni mahnochu tãhoena tjiga. ⁷ Ñ jina tó sehe yoa yuhduracainare ne piti tiena tjiga.

⁸ Cristo yaina musa jihto pano ã jirina cjirita jire musa cãhu nahitianoï jiina yoaro seheta. Mipu sehene to yaina jina buhriaroi jiina ti ñu masino seheta, Cohamacure noano masina musa. Cohamacu yaina noaare yoara. Ñ jina tó seheta yoaga musa cãhu. ⁹ Ñ jina Cristo yaina jina buhriaroi jiina yoaro seheta noaare, Cohamacu cahmaare, mahno

marieno yoarucunahca m_{USA}.¹⁰ Noaare mari yoach_U ñano mari p_Uhtoro Cristo wahchera. Tó sehe jiare, mari p_Uhtoro wahchech_U yoaa sehere masi wahcāga m_{USA}. Ā masina tíre yoaga.

¹¹ Cristore cahmaeraina nahitianoi jiina yoaro seheta ñaa ti yoaa, ñaa waro jira. Ā jina tina yoaro seheta m_{USA} sehe yoaena tjiga. Noaa buheare Cristo yare yahuga tinare. Ā yoa ti ñaa yoare tinare masich_U yoaga buhriaroi mari ñ_U masino seheta.¹² Masa ti ñ_Uenoi tina ñano yoa cohtara. Ti ã yoirire durucuna mari b_Uo tiboaa. Ā yoaa ñaputiario yoara tina.

¹³ Ā jina tinare noaa buheare mari yahuna ñaputiina ti jia tiare masich_U yoana nija mari tinare buhriaroi mari ñ_U masino seheta.¹⁴ Tó seheta noaa buheare tinare yahuna, ñaina ti jia tiare masi pahñoch_U yoana nija tinare. Ā jia ò sehe ni yahura paina:

“Ne, carīina ti t_Uhoeraro seheta y_Uh_Ure t_Uho du-aeraina, t_Uhoga m_{USA} carīina ti wahcāno seheta.

Ā yoana yariaina t_Uhoeraina ti jiro seheta Cohamac_U yare t_Uhoeraina ji namoena tjiga.

M_{USA} ã yoach_U ñano, Cristo buhriario yoaro sehe jiro m_{USA}re noano masich_U yorohca”,

ni yahura.

¹⁵ Ā jina dachoripe noano yoaga m_{USA}. T_Uho masieraina yoaro sehe jiena

tjiga. T_Uho masiina jiga.¹⁶ Mip_U macaina masa ñabiario yoarucura. Ā jina m_{USA} sehe noaare, Cristo yare m_{USA} yoa masino seheta ã yoarucuga m_{USA}.¹⁷ Ā yoana t_Uho masieraina jiena tjiga. Cohamac_U to cahmaa sehere noano masiga. Ā masina tíre yoaga.¹⁸ Ā yoa cahaena tjiga. Cahainare ñano wahahto cua y_Uhd_Uara. Ā jina pahmoa core p_Uiro cahmaena tjiga. Espíritu Santo sehere p_Uiro cahmaga m_{USA} mehne to noano jihto sehe. Tirore noano y_Uhtiina jiga.¹⁹ M_{USA} basi Cohamac_Ure ño payoa basaare cahma durucuga. Ā yoa Salmore Cohamac_U yare basaare, paye tirore ño payoa basaa c_Uh_Ure tirore basa payoga m_{USA}. Noano wac_U ño payoa mehne basa payoga. Ā yoana mari p_Uhtoro Cristore wahche payoga.²⁰ Cohamac_U mari P_Uc_U jipihtiare m_{USA}re to warire, to yoari c_Uh_Ure wahchena, “Noana”, ã nirucuga m_{USA} tirore. Mari p_Uhtoro Jesucristo yaina jina mari P_Uc_Ure “Noana”, ã nirucuga m_{USA}.

“M_{USA} c_Uh_U w_Uh_U macaina Jesu yaina jina, ò sehe yoaga”, ni yahuha Paulo

²¹ Ā yoa m_{USA} mehne macainare noano ño payoa mehne cahma y_Uhtiina jiga Cristore noano ño payoina jina.

²² M_{USA} namosānumiare yahuihtja mip_Ure. Mari p_Uhtoro Cristore mari y_Utiriro seheta m_{USA}

manusumare noano mehne yuhtia numia jiga.²³ Jesucristo marine yuhduchu yoare to pjacu yoaro sehe jiina to ya curua macaina mari jihto sehe. ã yoa mari to ya curua macaina mari puhtoro to jiro seheta musa manusuma musa namosãnumia bui puhtoia jira.²⁴ Cristo yaina jina tirore ã yuhtirucuja mari. Tó seheta musa manũ tia numia musa manusumare noano yuhtirucua numia jiga.

²⁵ Musa manusumare yahuihtja tjoa mipure. Cristo marine to yaina jichu yoaro taro, marine cahĩno, mari yaro jiborirore yariari jire. ã jina marine to cahĩro seheta musa cãhu musa namosãnumiare noano cahĩrucuga.²⁶ Cristo ya

buheare tuhona Cohamacu yaina wahahi mari. ã jina to ya buheare “Quihõno jira”, ni mari tuhoturi baharo, mari ñaa buhirire cosawere tí buhea mehne. Co mehne marine tí bautisachu cãhure mari ñaa buhirire Cristo to cosawerire ñona nija mari.²⁷ ã cosawere tiro marine to yaina cjihti yoaro taro. To ã cosawechu ne ñaa buhiri marieina jinahca, Cohamacu to ñuchũ.²⁸ Musa namosãnumiare cahĩna, musa basi musa pjacũre musa cahĩno seheta tí numiare cahĩga. Mari namore cahĩina jina mari pjacũre cahĩina jija.

²⁹⁻³⁰ Ne mari pjacũre ñano wahachu cahmaeraja. Mari chũare chũna noano yoana nija mari pjacũre. Cristo yaina jina to pjacu yoaro sehe to ya curua macaina jiga

mari. ã jiro marine noano yoara tiro. Cristo marine to noano yoariro seheta mari cãhu mari pjacũre noano yoaja. (ã jina mari namosãnumia cãhure ãta noano yoaro cahmana marine.)³¹ ãta nina Cohamacu yare ti joari pũi: “ã yoa muno to pũcusumare wijaaro to namono mehne jirohca. ã jia tina puaro jipahta cãiro yoaro sehe jahca”, ni joaa tiri jire panopure.³² Ahri to joari cjirire paina noano tuhoerari jire. Tíre õ sehe ni yahuihtja musare. Õ sehe ni yahuro nica: “Cristo to yaina mehne cã pjacu yoaro seheta cã curuata jira”, ni yahuro nica.³³ ã jicu musare õ sehe ni yahu namoihtja tjoa: Musa pjacũre musa cahĩno seheta musa namosãnumiare cahĩga. ã yoa musa manusumare noano ño payoga musa.

6

¹ Mipure musa pohnare yahuihtja. Mari puhtoro Cristo yaina jina musa pũcusumare noano yuhtiina jiga. Musa ã yoana, quihõno yoana nina.²⁻³ Õ sehe nia tiri jire Cohamacu dutia: “Musa pũcusumare noano ño payoga”, ni dutia tiri jire tiro. Ahri dutia mehne Cohamacu yahu namoa tiri jire. Õ sehe nia tiri jire: “Musa pũcusumare ño payona, ahri yahpamu yoari pja wahchea mehne jinahca musa”, ni yahua tiri jire. ã ni yahuro ahri dutiare

mari yuhtichu mari noano wahahtore coã cūno nia tiri jire. Ā jina to niriro seheta mūsa pūcūsumare ño payoga.

4 Mipure ti pūcūsumare yahuihtja: Mūsa pohnare ā tuhtirucuena tjiga, “Suachu yoari”, nina. Mari pūhtoro Cristo to cahña mehne to yoadohoa mehne tinare noano bucuoga. Ā yoa quihōno ti yoaerachu ñana tinare noano yahuga.

5 Mipure dahra cohtainare yahuihtja: Cua pisaro mehne, ño payoa mehne ahri yahpa macainare mūsa pūhtoare, mūsa dahra dutiinare noano yuhtiina jiga. Mahñono marieno noano yuhtiina jiga. Cristore mūsa yuhtiro seheta tinare yuhtiga mūsa.

6 Ti ñarocarō dihtare yuhtiina jiena tjiga. Tó sehe yoaina masa dihtare tinare ñu jicoachu cahmana. Mūsa sehe Cristore dahra cohtaina mūsa jiro seheta mūsa pūhtoa cūhure ā yuhtirucuga. Cohamacu to cahmano seheta noano wahchea mehne yuhtiina jiga. 7 Ā jina Cristore yuhtiina mūsa jiro seheta wahchea mehne yuhtiga mūsa pūhtoa cūhure. Masa dihtare yuhtiina jierara mūsa. 8 Ā yoana ahrire wacūga mūsa: Mari jipihtina noaare mari yoachu ñano mari pūhtoro Cristo noano yorohca marine. Dahra cohtainare, dahra cohtaina jieraina cūhure noano yorohca.

9 Mipure pūhtoare dahra dutiinare yahuihtja: Mūsa dahra cohtainare noano yoaga. Tinare noano yu yoa dutiro seheta yoaga mūsa cūhu tinare. Tinare noano mehne dutiga, tuhtiro marieno. Mūano macariro Cohamacu potocāta ti pūhtoro jira. Mūsa yairo pūhtoro jira tiro cūhu. Ā jina jipihtina mūsa tirore dahra cohtaina dihta jira. Ā jiro tiro cūno potori ñana mūsa jipihtinare. Ā jina mūsa dahra cohtainare noano mehne dutiga, tuhtiro marieno.

Cristo yaina watñore ti ducataare yahuha Paulo

10 Ahrire yahu batoihtja mūsa: Cristore noano wacū tuaina jiga mūsa. Mari pūhtoro Cristo mūsa mehne jira. Ā jina tua yuhtiro to jia mehne wacū tuaina jiga. 11 Watño marine mahñono, ñano yoa dutira marine. Cohamacu marine ducatare ñaare mari yoaerahto sehe. Marine to ducataa surara to ducatari suhtiro, comaa suhtiro yoaro sehe jira. Ā jina tí suhtirore mūsa sāno seheta Cohamacu to ducataare noano cjuā pahñoga. 12 Jesu yaina mari jichu, marine ñu tuhtiina masa waro jierara. Mūano macaina ñaina, tuaina, tina sehe jira marine ñu tuhtiina. Watña ahri yahpa macaina pūhtoa jira. Ā jia tina cūhu jira marine Jesu yainare ñu tuhtiina. 13 Ā jina mipure ducatari suhtirore mūsa sāno seheta Cohamacu

m̄sare to d̄catahto sehe to yare noano c̄j̄a pah̄noga. Ā yoana wat̄ino m̄sare to ñano yoa dutich̄a, m̄sare to ñano yoa duach̄a, tirore d̄catanahca. Ā yoa tirore ȳhd̄ūcanahca. ¹⁴ Ā yoana tuaina jiga. Cohamac̄a m̄sare to d̄catahto c̄j̄ihtore ō sehe yoaga m̄sa: Surara to comaa suhtirore to t̄h̄ā dihori dare sari dare noano t̄h̄ā diho to d̄catariro seheta, Cohamac̄a yare potoca yahuare noano wac̄ūga m̄sa, wat̄inore m̄sa d̄catahto sehe. Ā yoa, surara to comaa suhtiro mehne to yajeripohnare to d̄catariro seheta Cristo to yoadohoa mehne quih̄ōno yoaina jiga m̄sa, wat̄inore m̄sa noano d̄catahto sehe. ¹⁵ Surara to dahpo suhti mehne to dahporire to noano d̄catariro seheta noaa buheare noano masiga m̄sa, wat̄inore m̄sa d̄catahto sehe. Tí buhea marine noano jich̄a yoara. ¹⁶ Surara to d̄catarī t̄u mehne to d̄catariro seheta Cristore noano wac̄ū tuarucuga m̄sa, wat̄inore m̄sa d̄catahto sehe. B̄uea yuc̄a mehne m̄sare to b̄ueboro seheta wat̄ino m̄sare ñano yoach̄a yoa duara. Ā jina Cristore noano wac̄ū tuana, wat̄inore d̄catanahca m̄sa. ¹⁷ Surara to comaa chapea mehne to dapure to d̄catariro seheta m̄sare pichacap̄a wahaborinare Cristo to ȳhd̄uch̄a yoarina jiga m̄sa, wat̄inore m̄sa d̄catahto sehe. Surara to ñosari p̄j̄ī mehne to d̄catariro seheta Cohamac̄a ya buheare

noano masiga m̄sa, noano m̄sa d̄catahto sehe. Ā jina painare noano yahuga to yare. Tí Cohamac̄a ya buheare Esp̄ritu Santo marine yahura. ¹⁸ Ā wat̄inore m̄sa d̄catana Cohamac̄are dachoripe ā sinirucuga. Esp̄ritu Santo to yoadohoa mehne ā sinirucuga. Ā yoana noano wac̄ū masiga. Ā sinina, pumena tjiga. Jipihtina Cohamac̄a yainare ā sini payorucuga. ¹⁹ Ā yoana ȳh̄u c̄h̄ure sini payoga Cohamac̄are. Ō sehe ni sini payoga: Noaa buheare, panop̄a t̄i masierari c̄j̄irire noano ȳa yahuhto sehe sini payoga ȳh̄ure. Ā jina cuiro marieno ȳa yahuhto sehe sini payoga ȳh̄ure. ²⁰ Cristo to yare yahu dutiro ȳh̄ure warocare. Ȳa ā yahuri buhiri peresup̄a jija mip̄ure. Ōi jipac̄ata cuiro marieno to yare ȳa yahuhto sehe sini payoga ȳh̄ure. To yare yahuhtiro j̄iita nija ȳh̄u.

Paulo noa duti batoaha

²¹ Mip̄ure Tíquico m̄sa cahap̄a saro ȳa jia tiare m̄sare yahu pah̄ñonohca. Tiro mari coyeiro mari cah̄iro jira. Ā jiro mari p̄h̄toro Cristore dahra cohtariro ā jirucura. ²² S̄ā jia tiare m̄sare yahu dutic̄a tirore warocai nija m̄sa noano wahchehto sehe.

²³ Cohamac̄a mari P̄uc̄a mari p̄h̄toro Jesucristo c̄h̄u m̄sare Jesu yainare tirore wac̄ū tuainare noano jich̄a yoajaro. Ā jiro m̄sare

noano cahma cahĩchũ yoa-
jaro. ²⁴ Jipihtina mari
pũhtoro Jesucristore cohto-
taro marieno cahrucuinare
mũsare noano jichũ yojaro.

Filipenses

Peresup_u jiro ahri tjure joarocaha Paulo

¹ Y_uh_u Paulo, Timoteo mehne Jesucristore dahra cohtaina jija sã. ã jina jipihtinare m_usare Jesucristo to noaina wahach_u yoainare Filipo macainare joarocaja sã. M_usa p_uh_utoa cãh_ure, m_usare yoadohoina cãh_ure joarocaja. ² Cohamac_u mari P_uc_u, mari p_uh_utoro Jesucristo mehne m_usare noa dutija. Cohamac_u to yoadohoa mehne noano jiga m_usa.

Paulo Jesu yainare Cohamac_ure sini payoha

³⁻⁶ Cohamac_u m_usare noaa sehere cohtotach_u yoaro nina. ã jiro m_usare to ã yoa d_ucariro seheta sohtori dahrerohca tiro. ã jina Jesucristo ahri yahpap_ure to wihich_up_ure ñaa marieina jinahca m_usa. Wahmanop_ure Jesu yaina m_usa jiri baharo, mip_u cãh_ure yoadohora m_usa y_uh_ure noaa buheare y_u buhech_u. M_usa ã yoaina jich_uta Cohamac_ure “Noana”, nija y_uh_u. M_usare wac_uc_u õ sehe dihta nija y_uh_u. M_usare Cohamac_ure sini payoc_u, wahchea mehne sini payoja. ⁷ M_usare y_u ã t_uhotuch_u noa nina. Noaa buheare “Potocã tjira”, p_uh_utoare y_u ni tua y_uh_ud_uh_uacach_u m_usa y_uh_ure yoadohore. Tí buheare potocã ti jiare tinare y_uyahuch_u yoadohore m_usa. Peresui

y_u jich_u cãh_ure m_usa y_uh_ure yoadohore. Cohamac_u marine noano yoaro, to yare c_ure marine. M_usa y_uh_ure yoadohore. ã jina to c_urire mari c_uno potori yoana nija. ã jic_u y_u yajeripohna mehne tuaro wac_uja y_uh_u m_usare. ⁸ Jesucristo to cah_uã mehne tuaro m_usare wac_uja y_uh_u. Y_u ã wac_uch_u Cohamac_u t_ure masina. ⁹ M_usare õ sehe ni sini payoja y_uh_u Cohamac_ure: Cohamac_u yare noano masia mehne, t_uho masi pah_uoa mehne painare m_usa cah_u namohto cjihtore sini payoja y_uh_u m_usare Cohamac_ure. ¹⁰ Noa y_uh_ud_uh_uare m_usa masich_u cãh_ure sini payoja m_usare. M_usa ã masina Cristo ahri yahpap_u to tjua tach_u noaare yoaina, ñaa buhiri marieina jinahca m_usa. ¹¹ ã jiina jina noaare, Cohamac_u cahmaare yoanahca m_usa. M_usare ã yoch_u yoarohca Jesucristo sehe. Cohamac_u noabiariro tuariro to jiare ñono taro, jipihtina tirore ti ño payohto cjihtore to cahmaare m_usare yoch_u yoarohca.

Paulo Cristo yairo to jia tiare yahuha

¹² Y_u coy_uea, ahrire m_usa noano masich_u cahmaja y_uh_u. Mip_ure peresui jiro y_ujiro watoi noaa buhea sehe ã m_u tãrucuro nina. Paina masa tí buheare cahmaina waha namoa nina. ¹³ ã yoa Cristo yairo y_u jiri buhiri peresui y_u jirire masi pihtira p_uh_utoro ya w_uh_u macaina surara. Jipihtina paina cãh_u

õi jiina tíre masina. ¹⁴ Å jia peresui y_u jich_u ñ_ua, pay_u mari coy_ea Jesu yaina mari p_uhtoro Jesure wac_u tua namoa nina. Å wac_u tuaa, cuiro marieno noaa buheare painare buhera tina.

¹⁵ Cãina Cristo yare buheraborina jipahta y_uh_ure ñ_u tuhtia, Cristo yare buhera paina tina sehere ñ_u wahãch_u cahmaa. Paina sehe noano mehne Cristo yare buhera.

¹⁶ Noaa buheare y_u ni tua d_ucatahti cjihtire Cohamac_u y_uh_ure to c_urire noano masina ahrina sehe. Å masia tina cah_ua mehne Cristo yare buhera. ¹⁷ Paina sehe y_uh_ure ñ_u tuhtia, masa tina sehere ti ñ_u wahãch_u cahmaa, Cristo yare buhera. Å yoaa peresui y_u jich_u tina y_uh_ure ñ_uano y_uhd_uch_u yoa duara. ¹⁸ Noanohca. Cristo yareta buhea nina. Tina Cristore potocã cah_uerapahta Cristo yareta buhera. Paina sehe noano mehne buhera. Jipihtina tina to yare ti buhech_u wahcheja. Å jic_u wahche namoihca y_uh_u.

¹⁹ Cohamac_ure m_usa sini payori mehne Jesucristo Esp_uritu to yoadohoa mehne Cohamac_u to wioriro jiihca y_uh_u peresup_u jiro. Tíre masija. Å jic_u ã wahcherucuihca y_uh_u. ²⁰ Õ sehet_u yoaihca y_uh_u. Dachoripe y_u yoariro sehet_u mip_u c_uh_ure cuiro marieno Cristo yare buheja masa tirore noano ti ño payohto sehe. Õ sehet_u yoa duaja y_u yoarire y_u buheri c_uh_ure y_u b_uoro y_uhd_uerahto sehe.

Catisinic_u waro ò sehet_u yoa duaja. Tina y_uh_ure ti wajã duapach_uta ò sehet_u yoa duaja. ²¹ Catisinic_u Cristo yare yoasinihca. Yariac_up_u pinihta tí y_uhdoro noano tjuaihca y_uh_u. ²² Å nipac_uta catisinic_u Cristo yare y_u yoa namohto sehe cati namosini duaja. Å nipaihta yariaa c_uh_ure cahmaja. ¿Di baro sehere y_uh_u cahmabocari? Masieraja y_uh_u. ²³ Y_u ò sehe ni durucuch_u mijo nina y_uh_ure. Cristo mehne tuaro ji duaja. Å jic_u mip_ure tiro cahap_u waha duaja. Catia y_uhdoro ahri sehe noa y_uhd_uucara. ²⁴ To ã jipach_uta m_usare y_u yoadohohto cjihto sehe catisinino cahmana y_uh_ure. ²⁵ Tíre masic_u õi m_usa mehne y_u jisinihtore masija y_uh_u. Å jisinihca m_usa Cristore wac_u tua namohto cjihtore tí wac_u tuaa mehne m_usa wahchehto cjihtore. ²⁶ Ahri yahpai jisinic_u m_usa cahap_u pari turi y_u wahach_u m_usa wahchenahca. Cristo Jesu y_uh_ure to yoadohoch_u masina, “Tuariro jira tiro”, ni ño payonahca m_usa tirore.

²⁷ Mip_ure ahri dihtare yahuihtja m_usare. Cristo ya buhea ti niriro sehet_u jirucuga m_usa. Wac_u tuaina jiga. Å yoa cahma tju waro marieno noaa buheare ni tuaga. Õ sehet_u y_u mariach_u c_uh_ure y_u jich_u c_uh_ure m_usa yoach_u cahmaja. Å jiina m_usa jich_u t_uhoroca duaja y_uh_u. ²⁸ M_usare ñ_u

tuhtiinare cuiena tjiga. MUSA ã cuierachũ ñũ Cohamacũ yaina mUSA jichũ masiahca tina. Ñ masia tina pichacapũ ti wahahto cũhũre masiahca. Cohamacũ mUSARE to yũhdũchũ yoahto cũhũre masiahca. Õ sehetã masichũ yoara Cohamacũ masare. ²⁹ Cristore mUSA wacũ tuah-tore Cohamacũ cũha mUSARE. Ahri cũhũre cũha tiro. Cristo yare mUSA yoari buhiri mUSA ñãno yũhdũhto cjihto cũhũre cũha Cohamacũ. ³⁰ Õ sehe jira tí. Cristo yaina mUSA jiri buhiri paina mUSARE ñãno yoara. MUSARE ti yoariro sehetã yũhũ cũhũre ñãno yoara tina. MUSA mehne yũ jichũ yũhũre ti ã yoachũ ñũre mUSA. Mipũ cũhũre yũhũre ti ã yoachũ tũhorocayuhti mUSA. Ñ jina mari cãno potori ñãno yũhdũja.

2

Cristo wiho jiro to sãari baharo, jipihtina bui pũhtoro cjihto wahaha

¹⁻² Cristo mUSARE noano yajeripohna tichũ to yoachũ Cristo to cahĩã mehne mUSA wahchena, yũhũre noano wahchechũ yoaga mUSA. Ñ yoa Espĩritu Santo jipihtina mUSA mehne to jichũ painare cahĩina, pja ñũina jina, yũhũre noano wahchechũ yoaga mUSA. Ahri yũ nihtire mUSA yoachũ wahcheihca: Cãno potori noano yajeripohna tiga mUSA. Tuhsũ, cãno potori tũhotuina ji, mUSA basi cahma cahĩga. Ñ yoa cãno mehne noano jiga. ³ MUSA

ya dihtare tũhotuina, painare yũhdũrũca duaina jiena tjiga. Ñ tũhotunocaina jiga mUSA. Ñ jina painare noano ño payo, õ sehe ni tũhotuga: “Tina sehe yũ yũhdoro noaina jira”, ni tũhotuga. ⁴ Cãiro painare yoadoho duaeraboca. To ya cjihti dihtare tũhoturiro jiboca. Tiro yoaro sehe yoarena tjiga. Paina cũhũre yoadohoga.

⁵ Cristo Jesu painare yũhdũrũca duaerariro to jiro sehetã mUSA cũhũ painare yũhdũrũca duaeraina jiga. ⁶ Tiro sehe Cohamacũ waro jiparota “Cohamacũ mehne cãno potori yũ jiare ne wijaasi yũhũ”, ni tũhotuerari jire tiro. ⁷ Ñ ni tũhotueraro tiro Cohamacũ mehne cãno potori to jiare wijaa, õpũ taro, masũnota masa bajuaro, tiro dahra cohtariro yoaro sehe ji dũcari jire. ⁸ Ñ jiro tiro masũno cãno potori pjacũ tiriro jiro, wiho jiro waro sãari jire. Ñ sãano “Crusapũ wajãga tirore”, ti nichũ tiro yũhdũrũcaerari jire. Crusapũta yariahtiro jiparota tiro yũhdũrũcaerari jire. ⁹ Ñ jiro Cohamacũ jipihtina ti ño payohtirore cũri jire Jesure. Ñ jiro jipihtina bui pũhtoro sõri jire Cohamacũ tirore, ¹⁰ jipihtina mũano macaina, ahri yahpa macaina, yariaina cjiri yahpa puhichapũ jiina cũhũ Jesu wamare tũhoina ti na tuhcuca caha sũ ti ño payohto sehe. ¹¹ Ñ pũhtoro sõri jire tirore Cohamacũ jipihtina “Jesu-

cristo mari puhtoro jira”, ti nihtiro cjihtore. Æ nia Cohamacuare mari Pucure ño payoa nina.

Cristo yaina buhriaro yoaro sehe jia, noaare masare yahu, masichu yoara

¹² Æ jina yu cahina yu coyea Jesu yaina musa mehne yu jichu musa yuhtirucuriro seheta, mipu yu yoaropu jichu cãhure pano musa yuhtiriro yuhdoro yuhtiga yuhure. Æ jina pichacapu wahaborina to yuhduchu yoarina jina, Cristo yoaro sehe wahana tana, Cristo to yoadohoro mehne ñaa marieina jiga. Æ jina ño payoa mehne papero marieno Cohamacu yare yoaga. ¹³ Cohamacu noaa sehere musare cahmachu yoaro nina to cahmano seheta musa yoahito sehe. Æ jiro tãre musa yoahitore yoadohoro nina Cohamacu. (To Æ yoachu tí yu niriro seheta Cohamacu yare yoaga musa.)

¹⁴ Jipihtiare yoana nureno marieno, musa basi jiape ni durucuro marieno yoaga. ¹⁵ Cohamacu pohna jira musa. Æ jina nureno marieno jipihtiare yoaga musa ñaa buhiri marieina, ñaare yoeraina musa jihto cjihto sehe. Æ yoaga musa masa mahñoina, ñaina watoi dojomehnenno marieno musa jihto cjihto sehe. Tina ñaina watoi jina buhriaro to ñu masichu yoaro seheta noaa buheare buhena masichu yoara musa ahri yahpa

macainare. ¹⁶ Tí buheare musa tuho ñahari baharo Cohamacu mehne Æ jirucuhina wahare musa. Tí buheare ahri yahpa macainare musa Æ buhechu ñuchu musa mehne wahcheihca. Æ jicu musare yu buherire “Wiho waro buherari jica yuhhu”, niihca yuhhu. Æ jicu Cristo ahri yahpau to tjua tachu musa mehne wahcheihca. Æ jicu buoro yuhdusi yuhhu. ¹⁷⁻¹⁸ Cristore musa wacũ tuachu Cohamacu musare ñu jicoarohca. To Æ ñu jicoachu masicu musare Cristo yare yu buheri buhiri yuhure ti wajã duapachata wahcheihtja. Æ jina mari jipihtina cãno potori wahchenahca. Tó seheta musa cãhure cahyaro marieno wahchero cahmana yuhhu mehne, yu yariari baharo.

Timoteore, Epafrodito cãhure yahuha Paulo

¹⁹ Mari puhtoro Jesu to cahmachu soaro mehne Timoteore musa cahapu waroca duaja yuhhu musa jia tiare masicu tacu. Æ masiiputa wahcheihca. ²⁰ Tiro Timoteo yu yoaro seheta musa noano jihto cjihtore potocãta pjíro tuhotura musare. Pairo to yoaro sehe jiro mariahna yuhhu mehne. ²¹ Paina sehe jipihtina ti cahmaa dihtare yoa duaa, Cristo Jesu to cahmaa sehere yoa duaerara. ²² Timoteo sehe noano yoariro to jiare masina musa. Yu macu yoaro seheta tiro yuhhu mehne noaa buheare yahua tihre. ²³ Æ jicu puhtoahure ti dohse yoahitore

masicuta, Timoteore m_{usa} cahap_u waroca duaja. ²⁴ Ā yoac_u mari p_uhtoro Jesu to yoadohoa mehne soaro mehne y_uh_u c_uh_u m_{usa} cahap_u wahaihtja.

²⁵⁻²⁶ Y_uh_ure yoadoho dutina m_{usa} Epafroditore warocari jire y_u cahap_u. Tiro y_u coyeiro Jesu yairo y_uh_u mehne dahrariro, y_u piti, Cohamac_u yare buhe tuariro jira. Tiro m_{us}are tuaro wac_urocaru. Ā jiro to dohatirire m_{usa} t_uhoch_u masino tiro sehe p_uj_uro cahya t_uhotuhre. Ā p_uj_uro to t_uhotuch_u ñ_uch_u “Tirore m_{usa} cahap_u waroca t_ujuro cahmana y_uh_ure”, ni t_uhotuja y_uh_u m_up_ure. ²⁷ Potoc_uta tiro tuaro dohatihre. Mahano yariabiho y_uhd_ure. To Ā tuaro dohatipach_uta Cohamac_u tirore p_uja ñ_uno, y_uhd_uch_u yoahre. Tiro to yariach_u y_uh_u sehe pano y_u cahyariro y_uh_uoro tuaro cahyaboa. Ā jiro Cohamac_u y_uh_u c_uh_ure p_uja ñ_uh_ure tirore y_uhd_uch_u yoaro. ²⁸ Ā jic_u m_up_u pinihtare soaro mehne tirore m_{usa} cahap_u waroca duaja pari turi m_{usa} tirore ñ_u, m_{usa} yajeri s_uah_uto sehe. M_{usa} Ā wahchech_u ñ_uch_u y_uh_u c_uh_u wahcheihtja. ²⁹ Ā jina tirore Epafroditore mari p_uhtoro yairore mari coyeirore noano wahchea mehne piti bocaga. Ā yoana painare tiro yoaro sehe j_uinare ño payoa mehne ñ_uga. ³⁰ Tiro Cristo yare yoadohomahno mahano yariabiho y_uhd_ure.

M_{usa} sehe y_uh_ure yoadoho masierach_u tiro sehe y_uh_ure yoadohomahre. Ā yoaro yariamahre tiro.

3

Noano yoaa warore yahuha Paulo

¹ M_up_u pinihtare ahrire yahu batoihtja. Mari p_uhtoro yaina m_{usa} jina wahchega. Ahri buheare pano y_u yahurire pari turi m_{us}are yahu joarocac_u j_u coaja y_uh_u. Ā jic_u m_{us}are ahrire yahuc_u yoadohoi nija m_{us}are. ² Noano yoaga m_{usa}. Ñaare yoarucuina, dieya yoaro sehe j_uina ñaina circuncisi_ure yoa dutia, m_{usa} p_ujac_urire y_uh_uso duara. Noano yoaga m_{usa} Ā yoa dutiina sehe “Soro ni buheri”, nina. ³ Tina circuncisi_ure yoapahta Cohamac_u dutiare noano yoaerara. Mari sehe potoc_uta Cohamac_u dutiare noano yoaina j_uja mari. Espiritu Santo to yoadohoa mehne Cohamac_ure ño payoja mari. Ā jina Jesu yaina mari j_uiare wahchea mehne painare mari yahuja. “S_u m_u s_uro Cohamac_u dutiare bihoja”, ne ni t_uhotueraja. ⁴ Ā ni t_uhotuerariro j_upaihta “Tinare doca dahrenocaja”, ti yoaro sehe niriro jic_u Ā t_uj_uboa y_uh_u c_uh_u. Pairo “Tinare doca dahrenocaja”, ni y_uhd_ug_uca duara. Y_uh_u sehe tiro y_uh_uoro Ā niboaa y_uh_u. ⁵ Ō sehe yoariro j_umai y_uh_u: Ocho dachori y_u masa bajuari baharo circuncisi_ure

yoari jire yuhure. Israe masano jicu Benjami ya curua macariro jija yuhu. Yu pucsuma hebreo masa ti jichu potocata hebreo masano warota masa bajuai. Cohamacu dutiare quihono pahno duacu fariseo curua mehne samai yuhu. ⁶ “Cohamacu ya jipucu”, nicu noano yoamai. A yoacu Jesu yaina sehere nano yoaa timai yuhu. Potocata Cohamacu dutiare yoacu tere yuhdugcaro marieno yoa pahnoi. ⁷ Panopure “Ti noaa jipucu”, ni tshotumai. “Ti yu a ni tshoturi cjiri panopu yu jia tiri yaba cjihti jierari jira”, ni tshotuja mipure. O sehetu ni tshotu ducal yuhu Cristore wacu tuacu tacu. ⁸ Cristo Jesu yu patorore yu masichu pinihta noa yuhduara. A jicu paye sehere masa “Noaa jira”, ti nire “Ti jipihtia yaba cjihti jierari jira”, ni tshotuja yuhu. Ti jipihtiare duhunocai Cristo ya sehere yoai tai. A jicu tere yu duhurire “Wiho jia waro jiri jira”, ni tshotui Cristore noano masicu tacu tiro mehne macariro jicu tacu. ⁹ A jiro yu mu saro noano yu yoari wapa “Noariro jira”, ni nerara Cohamacu yuhure. A jiro Cohamacu dutia Moise cjirore to cure yu yoari wapa cuhure “Noariro jira”, ni nerara. Cristore yu wacu tulari baharo “Noariro jira”, ni nana tiro yuhure. Cohamacu sehe marine buhiri marieina jichu yoara, tirore mari wacu tuachu. ¹⁰ A jicu pano yu

ni tshotu mhtamari cjirire duhunocaja Cristore noano masicu tacu. Cohamacu tuaa mehne Cristo masa mujari jire. Ti tuaa mehne ji duaja. A yoa ti tuaa mehne noaare yoa duaja. Cristo crusapu yariari jire mari naa yoari buhirire cohano taro. A jicu to yare yu yoari buhiri tiro yoaro sehetu nano yuhdu duaja yuhu cuhu. ¹¹ A jicu Cristo to masa mujariro sehetu masa mujahitiro jiihca yuhu cuhu. Cristo yuhure to a masa mujachu yoahore wacu cohtaja yuhu.

¹² Ahri jipihtiare a nicu, “Cristo yare yoa pahnonocaja yuhu”, ni tshotueraja. Yu a ni tshotuerapachuta Cristo sehetu to yairo yoa tuhsare yuhure. A jicu to yare tiro cuhure noano masi namo duacu tuaro mehne to yare yoaja yuhu. A yoahitiro cjihtore besere tiro yuhure. ¹³ Yu coyey, “Cristo yare noano yoa pahnonocaja”, ni tshotueraja. A tshotuerapaihta ahri pinihtare yoaja: Pano yu yoari cjirire a nhnocaja. Tere pjiro tshotueraja. A yoacu Cristo yare noano yoa pahnonoca duacu, tere tuaro yoaja mipure. ¹⁴ Marocaperiro to wapata duariro sehetu Cristo yare tuaro yoaja yuhu yu wapatahtore yu nahahto sehetu. Cristo yairo yu jichu nano Cohamacu ti yu wapatahtore yuhure waro taro manopu pjirocara yuhure to catia mehne yu catirucuhto sehetu.

¹⁵ O sehetu yu tshoturiro

seheta tuhhotuga masa cãhu Cristore noano masiina jina. Wiho mejeta, ahri musare yu yahurire masa tuhoh duaerachu, soro masa tuhhotuchu Cohamacu musare noano masichu yoarohca. ¹⁶ ã jina to yare mari masirire noano yoa sohtori tijihna.

¹⁷ Yu coyega, masa jipihtina yuhure nu cãga. ã jina paina sã yoaro sehe yoainare noano ñuga masa tinare masa nu cũhto sehe. ¹⁸ Payu tahari painare yahui yuhu musare. Mipu cãhure tuaro cahyacu tinareta yahuja musare. Payu tina Cristo crusai to yariari buheare nu yabiina jira. ¹⁹ Tina pichacapu wahahtina jira. Ti ñaa goa pjaã sehere tuaro cahmana tina. Tuhsu, ti buho tiboare yoaa, tíre “Noaa jira”, nina tina. Ahri yahpa macaa dihtare noano tuhhotura tina. ²⁰ Mari sehere mari ya maca manopu jira. ã jiro tóputa marine yuhduchu yoah tiro, mari puhtoro Jesucristo tarohca. ã jina to tahtore cohtana nija mari. ²¹ Tiro taro mari pjacurire wiho jia pjacurire soro sehe jia pjacuri dihta cohtotarohca tiro. ã yoaro to ya pjacu yoaro sehe noa yuhduari pjacure si siteri pjacure warohca marine to tuaa mehne. Jipihtina bui puhtoro sãari jire tiro tí to tuaa mehne. ã jiro jipihtia puho jira tiro tí tuaa mehne.

4

Dachoripe mari puhtoro

mehne wahchega

¹ ã jina yu coyega, yu cahina, tuaro yu wacũina, yuhure wahchechu yoaina, pano masa wacũ tuariro seheta mipure musare yu yahu joariro seheta mari puhtoro Jesure tuaro wacũ tuana, to yare ne duhuena tjiga masa.

² Ahrire yahuihtja musare Evodiare, Síntique cãhure: Jesu yaina numia jira masa. ã jina cahma sayoro marieno noano mehne jirucuga masa. ³ Muhu sehe potocãta yu piti warota jira. Muhu cãhure yahuihtja: Tí numia yuhu mehne, Clemente mehne, paina yu piti tiina mehne dahrare noaa buheare sã buhechu. Cohamacu tina jipihtina wamare joa õha to ya tjui. Jipihtia dachoripe catiare to warina wamare to joa õri tjui joa õha. ã jicu tí numiare “Cãno mehne noano jiga”, ni yahuga muhu.

⁴ Dachoripe mari puhtoro mehne wahchega. Pari turita yahuihtja tjoga: Wahchega. ⁵ Noano yoaga jipihtinare masa yoaro seheta. Mari puhtoro Cristo to tahto mahanoã duhsara.

⁶ Ne cahya pjiro tuhhotuena tjiga. Cohamacure noano yahu pahõoga. ã yoana tirore siniga. ã sinina, “Noana”, niga tirore. ⁷ MUSA ã yoachu noano jichu yoarohca musare Cohamacu. To ã yoachu noa yuhduara. Ahri mari noano jia noa yuhduara. Masa jina, marine to ã noano jichu yoarire noano tuhoh ñaha masieraja mari.

Cristo Jesu yaina mari jichu marine noano jichu yoaro, Cohamacu marine noano yajeripohna tichu yoarohca. Ā yoaro cahya tuhhotuerachu yoarohca marine.

Noaare tuhhotuga

⁸ Ahrire yahu batoi tai nija musare, yu coyea. Quihōno jiare, masa ti ño payoare, noano yoaaare, ñaa mariare, ji coaare, masa “Noaa jira”, ti niare tuhhotuga musa. Noa yuhduha ti jichu tíreta tuhhotuga. Masa noaare ñha ti wahchea sehere musa cūhu wahche tuhhotuga.

⁹ Musare yu buheriro seheta ā yoarucuga musa. Ā yoana, yuhure ñu cūga musa. Musa ā yoachu Cohamacu musare noano jichu yoariro musa mehne jirohca.

Filipo macaina Paulore ti wari cjirire yahuha tiro

¹⁰ Miru pinihta yoari pja baharo musa pari turi yuhure wacūna musa yoadohoare wahcheja. Ā wahchecu mari puhtoro Cristore “Noana”, nija. “Yuhure boaa wahare musa”, nieraja yuh. Panopure yuhure yoadoho duapanahta yoadoho masierare musa. ¹¹ Yuhure musa yoadohore yahucu yuhure duhsarire musare yahui tai nieraja. Musare paye barore cahmacu ā nii nieraja. Yu cjuaa mehne ji masija yuh. ¹² Paye baro cjueracu cūhu noano ji masija yuh. Ā yoa pjiro cjuacu cūhu noano ji masija. Dachoripe jusa baacu cūhu

jipoaja. Yapiriro jicu cūhu jipoaja. Pjiro cjuacu cūhu jipoaja. Yuhure paye baro mariachu cūhure jipoaja. ¹³ Cristo yuhure tuachu yoariro mehne jipihtiare Cohamacu to cahmaare yoaa masi pahñoja yuh. ¹⁴ Yu ā jipoariro yu jipachuta yu ñano yuhduchu musa yoadohona yuhure noano yoare musa.

¹⁵ Noaa buheare yu buhe duhcachu Macedonia yahpai jiro cjiro yu wahachu musa dihta yuhure yoadohore. Tíre masina musa. ¹⁶ Ā yoa Tesalónicai yu jisinchu ñana yuhure yoadohona cāa tahari warocari jire musa. ¹⁷ Paye barore sinicu ā nicu nieraja. Painare musa yoadohochu Cohamacu musare noano yoarohca. Musa ā yoadohori wapa Cohamacu musare to noano yoachu cahmaja yuh. ¹⁸ Miru yuhure noano wa pahñohre musa. Yu cahmari yuhdoro wahre musa yuhure. Yuhure Epafrodito mehne musa warocari baharo paye baro ne duhsaerara yuhure. Cohamacu wuhuru inciensore jū muo Cohamacure ti noano ji coachu yoariro seheta yuhure musa wari cūhu Cohamacure noano ji coachu yoara. ¹⁹ Cristo yaina jira musa. Ā jiro jipihtiare musare duhsarire warohca Cohamacu musare, noa yuhduha to cjuaaare. ²⁰ Jipihtia dachoripe mari Pucure Cohamacure ño payojihna. Āta yoajihna.

Paulo noa dutiha

²¹ Jipihtina Cohamacu yaina, tórpu jiina, Jesucristo yaina noajaro. Mari coyea cãhu Jesu yaina yahhu mehne macaina musare noa dutira.

²² Jipihtina Cohamacu yaina, õ macaina, Jesu yaina noa dutira. Roma macaina bui puhtoro ya wãhu macaina pinihta tuaro noa dutira.

²³ Mari puhtoro Jesucristo musare to cahã mehne noano yoajaro.

Colosenses

*Colosa macainare joaroc-
aha Paulo cūh*

¹⁻² Y_h Paulo mari coyeyiro Timoteo mehne m_sare Colosa macainare joarocaja sã. Y_h Jesucristo to yare buhe dutiro to cūriro jija. Cohamac_u to cahmano seheta Jesu y_hre to yare buhehtirore cūre. ã jina m_sare sã coyeyia Cristore wacū tuarucuinare joarocaja. ã jina Cohamac_u mari P_hc_u mehne m_sare noa dutija. ã jina tiro mehne noano jiga m_sa.

*Jesu yainare Paulo sini
payoha Cohamac_ure*

³ M_sa ya cjihtire Cohamac_ure sini payona “Noana”, ã nirucuja sã. Tiro sehe mari p_htoro Jesucristo P_hc_uro jira. ⁴⁻⁵ Tirore “Noana”, nirucuja sã m_sa jia tiare t_hhorocana. To ya buhea potocã jia buheare m_sa t_hhoriro seheta jipihtia dachoripe m_hanop_h m_sare jich_u yoarohca Cristo sehe. To ã yoah tiro jich_u tíre m_sa ã cohtarucu wama tira. ã jina Cristo Jesure wacū tua wama tira m_sa. Tuhs_u, to yainare cahĩ wama tira m_sa. M_sa ã jiina jich_u Cohamac_u mehne wahche tirore “Noana”, nija sã. ⁶ Jipihtirop_hre Jesu yaina potocã jia buheare noaa buheare ti yahuch_u t_hhoa masa Cohamac_u yare cahmaa, noaa sehere cohtota namoa nina. M_sa cūh

noaa buheare Cohamac_u m_sare to cahĩare quihõno m_sa t_hho d_hcari baharo tina yoaro sehe Cohamac_u yare cahmana, noaa sehere cohtota wama tira m_sa. ⁷ Ahrireta m_sa cūh_ure Epafra noaa buheare yahuri jire. Tiro sã tuaro cahĩriro sã mehne Cristore dahra cohtariro, Cristo yare ne duhuerariro jira. M_sare sã buhe masierach_u tiro sehe sãre cohtotariro jiro, m_sare buheri jire. ⁸ Tiro jira m_sa jia tiare sãre yahuriro. Espíritu Santo to yoadohoa mehne Jesu yainare m_sa cahĩire yahure sãre.

⁹ ã jina m_sare t_hhorocana m_sare sã t_hhorocari dachoihta dóihta ã sini payorucuja sã Cohamac_ure. Cohamac_u to cahmaare m_sa masi pahõohto sehe tirore sini payoja sã. Espíritu Santo yoadohoro mehne Cohamac_u yare noano masiina m_sa jihto sehe sini payoja sã. ¹⁰ Õ seheta sini payoja sã mari p_htoro Cristo to cahmano seheta noano m_sa yoah ti cjihtire. M_sa ã yoach_u ñ_hno tiro wahcherohca. ã jina jipihtia noaare m_sa yoah to sehe sini payoja. Cohamac_ure m_sa masi namohto sehe sini payoja. ¹¹ Ahri y_h yahuhti cūh_ure sini payoja sã. Cohamac_u ya tuaa noa y_hd_hara. Cohamac_u tí tuaa mehne m_sa tuahtore m_sare sini payoja. Õ seheta sini payoja m_sa ñ_hno y_hd_hpanahta wahchea mehne m_sa cãno pjahto sehe. ¹² Cohamac_u to yaina cjihtire marine

jichu yoari jire. Ñ yoaro to waare cjuahntina cãhure yoari jire marine tiro. To jiropu buhriaropu mari cjuahntire warohca tiro. To ã yoachu ñuna tirore mûsa “Noana”, nihto cjihtore sini payoja sã mûsare. ¹³ Tirota marine pichacapu wahaborinare yuhduchu yoari jire. Tô panore ñaare yoa duhu masieramai mari. Ñariro sehe nahitianoi jiriro marine dutiriro jisiniri jimare. Cohamacu sehe to macunore to cahñirire puhtoro sõno muanopu marine jichu yoari jire. Ñ jina to macuno mehne jinahca. ¹⁴ To macuno mehne marine yuhdora Cohamacu. To macuno to yariaro mehne mari ñaa yoari buhirire bori jire Cohamacu.

Masa Cohamacu mehne ti cahma ti pu buhuseheri ti ñu tuhtichu ñuno Cristo bosaha

¹⁵ Jesu Pucurore ñumahnoerara.

To macuno sehe to Pucuro to dohse jia tiare ñona masare. Tiro to macuno jipihtina pano jipihtia pano ji tuhsari jire. Ñ jiro jipihtia puo, jipihtina bui puhtoro jira tiro. ¹⁶ Cohamacu to dutichu to macuno sehe to Pucuro mehne jipihtinare, jipihtiare bajuamehneri jire. Muanopu jiare ahri yahrapu jia cãhure bajuamehneri jire. Mari ñurire mari ñerari cãhure bajuamehneri jire. Mûano macaina ñumahnoerainare puhtoare, dutinare, jipihtinare bajuamehneri jire. Ñ jia jipihtina to yaina cjihti jimari jire. Jipihtia cãhu to ya

cjihti jimari jire. ¹⁷ Jipihtina pano jipihtia pano Cristo ji tuhsari jire. Ñ yoa to tuaa mehne jipihtia cãhu jipihtina cãhu mipure jia nina. ¹⁸ Mari to yaina jipihtina to pjacu yoaro seheta to ya curua macaina jija. Ñ jiro tiro mari dapu mari puhtoro jira. Tiro yariaro masa mûja mahtariro jira jipihtina bui puhtoro, jipihtia puo jiro taro. ¹⁹ Cristo to Pucuro mehne cãno potori to jiro seheta jira. To ã jichuta cahmana Cohamacu sehe. ²⁰ Jipihtina to Pucurore cahma ñu tuhtia tiri jire. Ñ ti cahma ñu tuhtichu ñuno Cristo tinare “Ñu tuhtiena tjiga”, ni yahuri jire. Mûano macinare ahri yahpa macaina cãhure to Pucurore “Ñu tuhtiena tjiga”, ni yahuri jire Cristo. Ñ yoa mûano macaa ahri yahpa macaa cãhu noano ti jichu cahmari jire tiro. Ñ mari ñu tuhtirire duhuchu yoa duari jire tiro crusapu yariaro to di cohãno. To Pucuro to cahmariro seheta ã yoari jire Cristo.

²¹ Mûsa cãhure ãta yoari jire tiro. To Pucurore ñu tuhtiina tiro mehne jieraina jimari jire mûsa cãhu. Ñaare yoari jimare mûsa. ²² Ñ jimarina mûsa jipachuta tiro to yariaro mehne to Pucurore mûsare ñu tuhtierachu yoari jire tiro. Ñ yoari jire tiro noaina ñaa buhiri marieina mûsare to yoahto cjihtore. Mûsa ã jichu tiro mûsare tô sehe jinarure to Pucurore

warohca. ²³ Āta warohca tiro m̄sa tirore wacū tarucuch̄. Āta yoarohca tiro noaa buheare m̄sa tuh̄ore m̄sa boerach̄ ti buheare m̄sa ā yuh̄tirucuch̄. Tí buheare noaa buheare jipihtina ahri yahpap̄re jiina tuh̄ori jire. Ā jic̄ yuh̄ c̄h̄ Paulo Cristore dahra cohtariro jic̄, ti buheareta yahuriro jija.

Jesu yainare tina mehne macainare yoadohohtinare c̄ha Paulo

²⁴ Cristo mari ñano yoari buhirire ñano yuh̄d̄ri jire. Ā jic̄ yuh̄ c̄h̄ m̄sare yu buheri buhiri ñano yuh̄d̄c̄ wahcheja. Ā ñano yuh̄d̄c̄ Cristo marine to c̄r̄ire yoa sohtori tii nija. Ā jic̄ wahcheja. Cristo yare mari yoari buhiri mari ñano yuh̄d̄ namohto d̄hsasinina mini. Ā jic̄ tirore m̄sa wacū tuahtore ñano yuh̄d̄c̄, wahcheja yuh̄. To pjac̄ yoaro sehe jiina to ya curua macaina jira m̄sa. ²⁵ Jesu yainare yoadohohtirore c̄re Cohamac̄ yuh̄re. M̄sa ya c̄jhtire yoah̄tirore yuh̄re c̄re tiro. To yare jipihtirore yahu pah̄nohtirore c̄re yuh̄re. ²⁶ Tí to yare panop̄re payu t̄jururi macainare yahu pah̄noera tiri jire Cohamac̄. Mip̄re ahri t̄juru macainare to yainare t̄re noano yahu pah̄nocare j̄na. ²⁷ “Judio masa jieraina ya c̄jhtire yu ya buhea noa yuh̄d̄ara”, ni to yainare t̄re yahuri jire. Pano to yahuerari c̄jirire yahuri jire. Ō sehe jira to

ya: Cristo to yaina mehne jira. To ā jich̄ to yaina m̄anop̄ Cohamac̄ cahap̄ noa yuh̄d̄arop̄ jahca. Tí jira panop̄ ti masierari c̄jiri Cohamac̄ ya.

²⁸ Cristoreta yahuja. Jipih̄tinare cuis̄ana tinare buheja s̄. Noano masia mehne buheja s̄ noano Cristore masare masich̄ yoana tana. Ā buheja s̄ to yare noano yoaina ñaa buhiri marieina tinare jich̄ yoana tana. ²⁹ Ahri jira yu dahraa. Cohamac̄ to ya tuaa mehne yuh̄re to wari tuaa mehne tuaro dahraja yuh̄, to yare buhes̄.

2

¹ Ahrire m̄sa masich̄ cahmaja yuh̄. M̄sa ya c̄jhtire, Laodicea macaina ya c̄jhtire, jipihtina paina ya c̄jhti c̄h̄re tuaro dahraja yuh̄. Jipihtina m̄sa yuh̄re ñ̄eraina ya c̄jhti c̄h̄re tuaro dahrac̄ m̄sare tuaro yoadohoja yuh̄. ² Ō sehta m̄sare yoadohoja yuh̄ m̄sa noano yajeripohna tihto c̄jhtore. M̄sa mehne macainare m̄sa cahma cah̄to c̄jhti c̄h̄re ā m̄sare yoadohoja yuh̄. Cohamac̄ ya panop̄ to yahuerari c̄jiri Cristore masich̄ yoaa jira. To yare m̄sa masich̄ noa yuh̄d̄ara. Cristore m̄sa noano masihto c̄jhtore, tiro mehne m̄sa noano jihto c̄jhti c̄h̄re tuaro yoadohoja m̄sare. ³ Paina ti masierari c̄jirire, noa yuh̄d̄are Cohamac̄ to masiare Cristo dihta noano masich̄ yoara marine.

⁴ Ahrire nija m̄sare “Paina m̄sare t̄ho wisiach̄u yoaa durucua mehne mahñori”, nic̄u. ⁵ Ȳh̄u m̄sa wato ijerapac̄uta ȳh̄ wac̄ũno mehne m̄sa watoi jiriro yoaro seheta t̄hotuja. Ā jic̄u Cristore m̄sa noano wac̄ũ tuarucurire, quih̄õno m̄sa yoari c̄ũh̄re masic̄u wahcheja ȳh̄u.

⁶ Ā jina Cristore m̄sa wac̄ũ tua d̄ucariro seheta āta tirore wac̄ũ tuaa mehne dachoripe noano jirucuga. ⁷ Tirore noano masiina jiga m̄sa. Ā yoa dachoripe tirore masi namoga pano m̄sare paina ti buheriro seheta. Ā yoa Cristore wahche, “Noana”, nirucuina jiga m̄sa.

Cristo yaina jina noaa sehere cahmajamari

⁸⁻¹⁰ Noano yoaga m̄sa. Masa ti m̄ s̄uro ti mahñõ buheare t̄hoena tjiga m̄sa. Tina panop̄u macaina ti m̄ s̄uro ti niare buhera. Ti ā nia yaba cijhti jierara. Ahri yahpa macaina ti m̄ s̄uro ti t̄hotuare buhe, Cristo ya sehere buherara. Cristo Cohamac̄u to jiro seheta jiriro jiro, ahri yahpap̄u pjac̄u tiro, Cohamac̄u warota jirota nina. To yaina jina Cohamac̄u mehne noano jija mari. Tirota jira jipihtina anjoa p̄h̄toa bui paina bajueraina bui p̄h̄toro jiriro. T̄re masina mahñõare buheinare t̄hoena tjiga. ¹¹ Circuncisiõre ti yoariro seheta mahanoc̄ã pjac̄u cahsaroc̄ãre ti yihso cohãriro

seheta Cristo ñaa buhiri tiina m̄sa jia tiare cohã, duhuch̄u yoari jire. Ahri circuncisiõ masa ti pjac̄urire mahanoc̄ã cahsaroc̄ãre ti cohãri jierara. Ahri circuncisiõ yoaro sehe yoaro, Cohamac̄u sehe ñaa buhiri tiina mari jia tiare cohãna Cristore mari wac̄ũ tuach̄u ñano. ¹² To yaina jina bautisarina wahari jire m̄sa. To bautisarina wahana õ sehe ñona niri jire m̄sa: Panop̄u macaa m̄sa ñaa yoarire m̄sa duhurire ñona niri jire m̄sa. Tí m̄sa ñaa yoari buhirire m̄sa ya c̄ũboro seheta t̄re duhuri jire m̄sa. Cristo masa m̄jano noanop̄u wahari jire. To ā waharo seheta Cohamac̄ure wac̄ũ tuana “Tiro tuariro jira”, niina jina noaa sehere cohtotari jire m̄sa. Tiro Cohamac̄u sehe Cristore masoriro jira. To bautisarina wahana noaa sehere m̄sa cohtotarire ñona nina m̄sa. ¹³ Panop̄ure ñaa buhiri cj̄uarina m̄sa jiri buhiri pichac̄ap̄u wahaborina jimari jire m̄sa. Ā wahaborina jimari jire m̄sa Cohamac̄u yaina jierasinina. To dutiare cj̄aeraina jimari jire m̄sa. Mip̄ure Cohamac̄u marine tiro mehne ā jirucuh̄tinare yoari jire. Cristo to yariaro mehne ā yoari jipihtina mari ñaa yoari buhirire bonocari jire tiro. ¹⁴ Cohamac̄u to dutiare ti joari cj̄irire ȳhd̄urucaina mari jipach̄uta Cristore mari wac̄ũ tuach̄u ñano tiro marine buhiri ti du-

tierare. Cristo crusapu to yariaro mehne Cohamacu sehe mari ñaa buhirire cohānocahna panopu to dutiare, marine buhiri ti dutiare to cohānocaboriro seheta. Crusapu yariaro tí tañopu panopu macaa dutiare ti joari püre to cjä puha öboro seheta tí dutiare cohānocahna. ¹⁵ Masa ti ñurocaroi watia puhtoare Cohamacu yuhduruari jire. Wiho jiina, tuaeraina tjuanocari jire tina sehe. Ä yoaro tinare buoro wahachu yoari jire, surara ti yuhduruainare masare ti naa ño ti buoro wahachu yoaro seheta. Crusapu yariaro Cristo watiare yuhduruari jire.

Muano macaare Cohamacu yare cahmaga

¹⁶ Ä yoa paina musa chüare musa sihnia cühure ñaa musare “Buhiri tiina jira”, ni ñaboca. Ti ä ni ñuchü ä ñunocahga tinare. Süripe jia dachorire, somanaripe jia dachorire, bose namuri musa yuhdoerachu ñaa musare “Buhiri tiina jira”, ni ñaboca tina. Ti ä ni ñuchü ä ñunocahga tinare. ¹⁷ Panopu tí chüa dutiare, bose namurine yuhdo dutiare, paye dutia cühure cüri jire Cohamacu marine buhero taro. Tí dutia mehne baharopu to dohse yoahore Cohamacu yoa ñono niri jire. Cristo to jia tia cjihtire yoa ño curero niri jire masare. “Tiro ö sehe waharohca”, nino ä yoa ñono niri jire. Ä yoa ñohti cjiti jiri jimare tí dutia.

¹⁸ Ö sehe nimana tí dutiare yoa dutiina. “Soro jiare bajuachu ñuhi sä” nia, tina Cohamacure ti ño payoboro sehe anjoare ño payomana. Ä jiina jia “Masi pahñocaja sä”, ni tūhotumana tina masa ti mü sūro ti tūhoturiro seheta. Ä jia tina painare yuhdurucaeraina, noaina yoaro sehe yoa ñomana musare. Ä yoa “Quihōno yoerara musa”, ni yahusāna musare. Ti ä ni yahusāchü, tinare ä ñunocahga. ¹⁹ Tó sehe yoapahta musare yahusāina Cristo to dutiro sehe yoaa nierara. Cristo sehe to yaina dapu ti puhtoro jira. To yaina sehe to pjacu yoaro sehe jiina to ya curua macaina jira. Mari cohāri dohsaa mari wa dari cūhu mari pjacure cū pjacu jichü yoara. Tó seheta Cristo sehe to yainare cūnoi noano mehne jichü yoara. Ä yoa marine yoadohora Cohamacu cahmaare mari noano yoahore sehe. ²⁰ Ä yoa Cristo yaina jina tiro mehne yariarina yoaro sehe jira musa, Cohamacu to ñuchü. Ä jina ñaare musa yoarire duhurina jira musa. Ä jina ahri yahpa macaa ñaa buheare, masa ti mü sūro ti buheare cahmaeraborina jira musa. ¿Ä jiborina jipanahta dohse yoana masa ti mü sūro ti dutiare yūhtijari musa? ²¹ Ö sehe ni dutira ti mü sūro dutiina: Ahri barore chüena tjiga. Ahri barore ne chü ñüena tjiga. Ahri barore pihäna tjiga. Tó

sehe ni dutira tina. ²² Mari paye barore ch_uch_u dói pihtia wahara. Tó sehe jia barore pihtia barore t_uhotua nina ã dutiina. Ti ã dutich_u ahri yahpa macaa dutia dihta jira tí dutia. Masa ti m_usaro ti buhea dihta jira ahri buhea. ã jia yaba cjihti jierara. ²³ Tí dutiare yoaina Cohamac_ure ño payoina yoaro sehe jimana. ã yoa painare y_uhd_ur_ucaeraina yoaro sehe yoa ñomana. Ti p_ujac_urire ñano yoa Cohamac_ure ño payoina seheta yoa ñomana tina. Ti ã yoach_u ti ya dutia sehe masi pahñoina ya dutia yoaro sehe jimana. ã jierara. Tí dutiare yoapahta ti ñaare goa pjaare duhuerara. ã jia tí dutia sehe yaba cjihti jierara.

3

¹ ã yoa Cristo yaina jira m_usa. ã jina Cohamac_u tuaa mehne Cristo to masa m_ujariro seheta tí tuaa mehne pano m_usa ñaa yoarire duhu, noaa sehere cohtotare m_usa. ã cohtotaina jina m_uano macaare Cristo yare cahmaga m_usa. Tó_ure m_uanop_u Cohamac_u potu buh_usehei dujira tiro. ² M_uano macaa Cohamac_u yare noano t_uhotuga m_usa. Ahri yahpa macaare ne wac_uñ_uena tjiga m_usa. ³ Cristo yaina jina tiro mehne yariaborina seheta m_usa wahana ahri yahpa macaare p_uj_uro t_uhotuena tjiga. ã jiro Cristo mehne m_usa jiruc_uhtore cahno tuhs_uri jire Cohamac_u. ⁴ ã yoa Cristo m_uanop_u

marine ã jiruc_uhtinare yoariro si sitea mehne to tach_u tiro mehne wahanahca mari. ã wahana tiro mehne m_uanop_u Cohamac_u yare c_ujanahca.

Cristo yaina jierasinina ñaare yoamai mari

⁵ ã yoa ahri yahpa macaa ñaa m_usa yoaare duhunocahga m_usa: Numino mehne ñano yoaare, m_uno mehne ñano yoaare, ñaa y_uhd_uaro yoaare, paio namonore goa pjaare, pacoro man_uore goa pjaare, ñaa goa pjaare duhunocahga m_usa. Paye barore tuaro cahmaina jiena tjiga. Paye barore c_uona, tíre tuaro cahmana “Cohamac_u jira”, ti nia mas_urine ti ño payoro seheta yoana nija mari tíre. ⁶ Tí ñaare yoaina Cohamac_ure y_uhd_ur_ucaeraina jira. Ti ã yoa y_uhd_ur_ucach_u ñano tinare buhiri dahrerohca. ⁷ Panop_ure m_usa sehe tí ñaare yoarina jina tina mehne macaina jiri jimare m_usa. ⁸ Wiho mejeta mip_ure ahri ñaare duhu pihtinocahga m_usa: Suaare, sua y_uhd_uare, painare ñano ni t_uhotuare, painare ñano quiti dahreare, ñano duruc_uare tí jipihtiare duhunocahga. ⁹⁻¹⁰ M_usa sehe Jesu yaina wahana tí ñaa yoaare duhu tuhs_uri jire. ã jina m_usa t_uhotuare cohtotaina jira m_usa. M_usare noaa sehere cahmach_u yoaro nina Cohamac_u to yoaro sehe m_usa jihto sehe. Õ seheta yoara tiro noano tire m_usa masi namohto sehe.

Ã jiina jina m̄sa mehne macainare mah̄noena tjiga. ¹¹ Cristo yaina jina judio masa, judio masa jieraina c̄h̄ c̄no potorita jira m̄sa, Cohamac̄ to ñ̄ch̄. Circuncisiõre yoaina, yoeraina c̄h̄ Cristo yaina jia c̄no potorita jira, Cohamac̄ to ñ̄ch̄. Pa yahpa macaina, masieraina, m̄sa ya yahpa macaina c̄h̄ Cristo yaina jia c̄no potorita jira, Cohamac̄ to ñ̄ch̄. Dahra cohtaina, dahra cohtaina jieraina c̄h̄ Cristo yaina jia c̄no potorita jira, Cohamac̄ to ñ̄ch̄. Jesu jipihtina to yaina mehne jira. Wiho jiriro jierara tiro, to yaina ti ñ̄ch̄.

¹² Ã yoa Cohamac̄ to beserina, noaina, to cah̄ina jina õ sehe jiga m̄sa: Painare pja ñ̄ina, painare noano yoaina, painare ȳhd̄r̄ca duaeraina, painare niji siaro dero yoaina, m̄sare ti ñ̄ano yoapach̄ta ã t̄hotunocaina jiga m̄sa. ¹³ M̄sa mehne macaina mehne suana, dõihta m̄sa basi m̄sa suarire pjãga. Mari p̄htoro m̄sa ñ̄aa yoari buhirire bohre. Ã to boriro seheta m̄sa c̄h̄ m̄sa mehne macaina m̄sare ti ñ̄aa yoarire boga. ¹⁴ Ahri dutia mehne õ sehe ni dutija m̄sare: Painare cah̄iga. M̄sa ã yoana noano jipihtina mehne c̄no mehne jinahca. ¹⁵ Cristo marine noano jich̄ yoara jiape ni durucueraina mari jihto sehe. To ã yoach̄ noano jiga m̄sa, m̄sa basi. Õ seheta jihtina cjihtire to

yaina cjihtire bese c̄uri jire Cohamac̄ m̄sare. Ã jina to pjac̄ yoaro seheta c̄u curuata jira m̄sa. Ã yoa Cohamac̄re “Noana”, ni wahcheina jiga m̄sa Cohamac̄ mehne.

¹⁶ Cristo ya buheare noano wac̄rucuga m̄sa. Noano masi buhega to yare. Cua pisaro mehne t̄ire yahuga. Ã yoa tuhs̄, Salmore, Cohamac̄ yare basaare, paye tirore ño payoa basaare tirore basa payoga. Noano wac̄ ño payoa mehne basa payoga. Ã basana to yare noano wac̄ga m̄sa. Ã yoana Cohamac̄re “Noana”, ni wahcheina jiga m̄sa Cohamac̄ mehne. ¹⁷ Jipihtia dohse jia m̄sa yoare noano yajeripohna ti yoaga mari p̄htoro Jesu to wahchehto sehe. Cristore ño payora m̄sa. Ã yoa tirore ño payoa mehne noaa dihtare durucuga. Ã yoana Cristo to yoadohoa mehne Cohamac̄ mari P̄c̄re “Noana”, ni wahche payo siniga tirore.

Jesu yainare noano mehne ti jikti dutia õ sehe jira

¹⁸ M̄sa man̄ tia numia, m̄sa man̄sm̄are noano ȳhtiga m̄sa. Ãta yoaro cahmana mari p̄htoro Cristo ya numia jina. ¹⁹ M̄sa namo tiina sehe, m̄sa namosãnumiare cah̄iga. Ã yoa tí numiare ne tuhtiena tjiga. ²⁰ M̄sa ti pohna c̄h̄, m̄sa p̄c̄sm̄are ȳhd̄r̄caeraina jiga. M̄sa ã yoach̄ ñ̄ano mari p̄htoro noano ji coara. ²¹ M̄sa ti p̄c̄s̄ma c̄h̄ m̄sa

pohnare suachu yoaena tjiga “Cahyachu yoari”, nina.
²² MUSA tinare dahra cohtaina, musa puhtoare ahri yahpa macainare noano yuhtirucuga. Ti ñurocaro dihtare yuhtiina jiena tjiga. Ti mariachu cãhare yuhtiina jiga. Mari puhtoro Cristore cua pisaro musa ñuriro seheta noano mehne yuhtiga musa puhtoa cãhare.
²³ Potocãta Cristo yaina jina noano yuhtira musa tirore. Æ jina musa puhtoare ahri yahpa macainare yuhtina, tina dihtare yuhtina nierara. Cristo cãhare musa yuhtiboro sehe yuhtinata nina musa. Æ yoana musa puhtoa ti dutiro seheta tuaro mehne dahraga, Cristo ya dutia ti jiboriro seheta. ²⁴ MUSA ã yoachu Cristo musare noano yorohca. “Musare waihtja”, to niare musare warohca mari puhtoro. Tíre masina musa. Mari puhtoro Cristore dahra cohtaina jira musa. Æ jiro tiro sehe musa puhtoro waro jira. ²⁵ Ñaare yoainare buhiri dahrerohca mari puhtoro. Æ yoainare cãiro dũsaro marieno cãno potori buhiri dahrerohca tiro.

4

¹ MUSA puhtoa sehe, musare dahra cohtainare potocãta noano yoaga tinare. MUSA cãhu puhtoro cãara. MUSA puhtoro musa cãariro sehe musano macariro jira.

² Dachoripe Cohamacure siniga musa. Noano wacũ tuhotu siniga. Æ yoana

“Noana”, niga Cohamacure.
³ Sã ya cjihti cãhare sini payoga tjoa. Cristo yare paina pano ti masierari cjirire buhena nija sã. Tinare sã noano masichu yoahito sehe sini payoga Cohamacure. Cristo yare yu buheri buhiri yuhu mipure peresupu jija. ⁴ Æ jicu musa ã sini payochu cahmaja to yare yu noano yahuhto cjihto sehe. Cristo to dutiriro seheta yu yahuhto cjihto sehe sini payoga.

⁵ Jesu yaina jieraina mehne jina noano yoaga musa. Cristo yare yahuga tinare. Tina mehne musa jiro puro ãta noano yoaga. ⁶ Paina mehne sãhuduna noano ji coaro mehne sãhuduga. Noaa dihtare durucuga. Paina musare ti sinituchu noano masi yuhtiga tinare.

Noa duti batoaha Paulo

⁷ Tíquico mari coyeiro Jesu yairo jira. Tiro mari cahĩro, Cristo yare buhero, sã mehne dahrariro jira. Æ jiro Cristo yare ne duhuerara tiro. Tiro yu jia tiare musare yahurohca. ⁸ MUSA cahapu tirore warocai nija yuhu sã jia tiare musa masihto sehe, musare wahchechu yoahitiro cjihtore. ⁹ Onésimo mari coyeiro mari cahĩro mehne piti dahre warocai nija. Tiro cãhu Cristo yare ne duhuerara. MUSA mehne macariro jira. Tina puaro sã õre dohse sã yuhtũgire yahuahca musare.

¹⁰ Aristarco peresupu jiriro yuhu mehne macariro

m̄sare noa dutira. Marco c̄h̄u noa dutira. Tiro Bernabé tañno jira. Tirore yahuroca tuhs̄u m̄sare. M̄sa cahap̄u to s̄ch̄u ñ̄na noano mehne tirore piti bocaga. ¹¹ Jesu “Justo” ti ni pisuriro c̄h̄u noa dutira m̄sare. Ahrina tiarota ȳh̄u mehne dahraina judio masa waro jira. Judio masa waro tina dihta Cohamac̄u yare ȳh̄u mehne buhera. Ō sehe buheja s̄a Cohamac̄u yaina masa ti wahahto sehe, Cohamac̄u ti p̄h̄toro to jihto sehe. Tina ȳh̄ure noano yoadohoina jira. ¹² Epafra m̄sa mehne jiro c̄jro m̄sare noa dutira. Tiro Cristore dahra cohtariro jira. Cohamac̄ure sinino, m̄sa ya c̄jhtire tuaro sini payorucura tiro. Cohamac̄ure noano wac̄u tuarucuhtina, to cahmano sehe yoah̄tina m̄sa jihto sehe ã sini payorucura tiro Cohamac̄ure. ¹³ Tiro m̄sa ya c̄jhtire tuaro sini payore m̄sare p̄j̄ro t̄hoturo. Laodicea macaina ya c̄jhtire, Hierapoli macaina ya c̄jhti c̄h̄ure tiro tuaro sini payore. To ã yoariro jich̄u ñ̄nc̄u m̄sare yahurocai nija. ¹⁴ Duhturu Luca mari cah̄īro m̄sare noa dutira. Dema c̄h̄u noa dutira.

¹⁵ Noajaro mari coyey Jesu yaina Laodicea macaina. Ninfa c̄h̄u noajaro. Jesu yaina ticoro ya w̄h̄u cahmachuina c̄h̄u noajaro. ¹⁶ Ahri p̄re ȳ joarocari p̄re m̄sa mehne macainare m̄sa buhe tuhs̄u baharo

Laodicea macaina c̄h̄ure warocaga. ã yoa tinare Laodicea macainare ȳ joarocari p̄re m̄sa c̄h̄u buhega. ¹⁷ ã yoa ō sehe niga Arquipore: “Mari p̄h̄toro Jesu yairo m̄ jich̄u to yare buhehtiro c̄re m̄h̄ure. To ã c̄ch̄u noano buhe sohtori tiga m̄h̄u”, niga tirore.

¹⁸ Ȳh̄u Paulo, ȳ wamomaca mehne ahrire joaja. M̄sare noa dutija ȳh̄u. Peresui ȳ jiare wac̄u, sini payoga m̄sa Cohamac̄ure. Noano jiga m̄sa. Cohamac̄u to cah̄a mehne m̄sare noano yoajaro. ãta yoajaro.

1 Tesalonicenses

Paulo cãh̃ joarocaha Jesu yainare Tesalónica macainare

¹ Ỹh̃ Paulo, Silvano, Timoteo sã tiaro ahri pũ mehne m̃sare noa dutija. M̃sa sehe Tesalónica macaina mari P̃c̃ Cohamac̃ yaina jira. Mari p̃h̃toro Jesucristo yaina cãh̃ jira m̃sa. ã jina Cohamac̃ mari P̃c̃, mari p̃h̃toro Jesucristo ti cah̃a mehne m̃sare noa dutija. Cohamac̃ yoadohoa mehne noano jiga m̃sa.

Jesu yaina Tesalónica macaina sehe Jesure noano wacũ tuaha

² Cohamac̃re sinina, jipih̃tina Jesure m̃sa wacũ tuaare wacũna “Noabiara sãre”, nirucuja sã m̃sare. Cohamac̃re sinina, m̃sa ya cjihtire ã sini payorucuna nija sã. ³ M̃sa sehe Jesucristore noano wacũ tuayuhca. ã wacũ tuana, Jesu yare yoayuhca m̃sa. Jesucristore, paina cãh̃re cah̃yuhca m̃sa. ã cah̃ina, Jesu yare tuaro yoana niyuhca m̃sa. Jesucristore mari p̃h̃torore wacũ tuarucuyuhca m̃sa. ã wacũ tuarucuna m̃sare to ỹh̃dohtore masina, tíre cohtana niyuhca m̃sa. ã yoa tirore wacũ tua duhuerayuhca m̃sa ñano ỹh̃d̃panahta. Cohamac̃ mari P̃c̃re sinina, tíre m̃sa ã yoarire wacũja sã. ⁴⁻⁵ Sã coyea, Cohamac̃ to

cah̃ina jira m̃sa. M̃sare to beserire masija sã. Sohõ jiri pja m̃sare noaa buheare buhena ã yahunocana nierahi m̃sare. Espiritu Santo to tuaa mehne noaa buheare buhena nii m̃sare. ã buhena tí buhea quihõno jich̃ noano masii sã. ã jina m̃sa watoi sã jina, sã yoarire masina m̃sa. M̃sare yoadohona ã yoai sã. M̃sare buheina jina Cohamac̃ to beserina m̃sa jich̃ masija sã.

⁶ Sohõ jiri p̃jap̃re m̃sa ñano ỹh̃d̃ina jina, noaa buheare cah̃mare m̃sa. M̃sa ã cah̃mach̃, Espiritu Santo sehe m̃sare noano wahchech̃ yoare. To ã yoach̃ m̃sa sehe sãre ñ̃ cũ, sã yoariro seheta yoare. ã yoana Jesu cãh̃re ñ̃ cũre m̃sa. ⁷ ã jia Jesu yaina Macedonia yahpa macaina, Acaya yahpa macaina cãh̃ Jesu yare m̃sa yoarire masire. ã masia tina cãh̃ m̃sare ñ̃ cũ, m̃sa yoariro seheta yoara. ⁸ Macedonia yahpa macaina Acaya yahpa macaina cãh̃ mari p̃h̃toro yare m̃sa buhech̃ t̃horocare. Cohamac̃re m̃sa wacũ tuarire t̃horina sehe tina dihta jierare. Jipihtiro macaina m̃sa wacũ tuarire t̃hoyuhti. ã jia sã tinare yahuera-pach̃ta tíre masi tuhs̃re tina. ⁹ ã jia m̃sa cah̃i sã tinirire, sãre m̃sa noano piti bocarire yahure tina jipihtiro macainare. ã yoa Cohamac̃ sehere wacũ tuana, “Cohamac̃ jira”, m̃sa nia

masurine m̄usa cohānocarire, Cohamac̄u ya sehere m̄usa yoarire yahure tina jipihtiro macainare. Tiro Cohamac̄u sehe catiriro, Cohamac̄u waro jira. ¹⁰ Ā yoaa “Cohamac̄u mac̄unore m̄uanop̄u tahtirore Tesalónica macaina cohtaa nina”, ni yahura masa m̄usare. To mac̄unore yariariro cjirore Cohamac̄u masori jire. To ā masoch̄u to mac̄uno Jesu sehe marine ñabiaro to buhiri dahreborinare ȳhdori jire.

2

Tesalónica wama tiri macap̄u to dahrarire yahuha Paulo

¹ M̄usa cahai jina sã ā jinocana niera tii. M̄usare noano yoadohoina jia tii sã. Tíre noano masina m̄usa, sã coyey. ² Ā yoa Filipoi jina ñano sã ȳhdarire, sãre ñano ti yoarire potocãta masina m̄usa. Sãre ti ā yoapach̄uta Cohamac̄u to yoadohoa mehne cuiro marieno Cohamac̄u yare noaa buheare buhei sã m̄usa c̄uh̄ure. Sãre masa paȳu ti ñ̄u tuhtipach̄uta noaa buheare buhei sã m̄usare. ³ M̄usare buhena noano sã masirire buhei sã m̄usare. Ā buhena m̄usare dojomehne duana nierahi. Ā yoa mahñoerahi. ⁴ Cohamac̄u to cahmano seheta buheja sã. Noa buheare buhehtina cjihtire Cohamac̄u besere sãre. To ā beserina sã jich̄u to ya buheare sã buhech̄u noa nina, Cohamac̄u to ñ̄uch̄u. Ā jina õ seheta buheja sã. Masa ti t̄ho ji cohtire buhena nieraja sã. Cohamac̄u sehe

sãre to ñ̄u ji coahto cjihtore to yare buheja sã. Tiro sehe mari t̄hotuare, dohse mari yoa duaare noano masina. ⁵ Noa buheare buhena t̄ho ji coaa d̄useri mehne buhena nierahi. Ahrire masina m̄usa. Ā yoa sã buhena, m̄usare paye barore wapa cahmana nierahi sã. Ahrire Cohamac̄u masina. Potocã nii nija. ⁶ Ā buhena masa sãre ti ñ̄u wahãhti cjihtire yoana nierahi sã. M̄usare paina c̄uh̄ure sãre ñ̄u wahã dutina tana nierahi. ⁷ Ā ñ̄u wahã dutierapanah̄ta Cristo to c̄urina jija. Ā jina m̄usare wapa cahmaboa sã. Ā yoa p̄h̄toa yoaro sehe m̄usare dutiina jiboa sã. Wiho mejeta numino wihãrirocãre to noano buc̄oriro seheta noano niji siaroca dero yoai sã m̄usare. ⁸ Ā jina m̄usare noano cahmana, Cohamac̄u yare noaa buheare buhei sã m̄usare. Ā yoana tí dihtare yoeraí m̄usare. M̄usare noano yoadohoi sã catisinina waro. Sã cah̄ina m̄usa jich̄u m̄usare ā yoadohoi sã. ⁹ Ā m̄usare cah̄ina tuaro yoadohoi sã m̄usare. Tíre wac̄una m̄usa, sã coyey. Cohamac̄u yare noaa buheare buhena m̄usa cj̄aaare sini cariboeraí m̄usare. Ā jina dachop̄u, ñ̄amip̄u c̄uh̄ure dahrai sã.

¹⁰ Noano, m̄usare ñ̄ano papero marieno, mahñoono marieno m̄usare Jesu yainare sã yoarire masina m̄usa. Cohamac̄u c̄uh̄u tíre masina. ¹¹ Ā jina ti p̄uc̄uro to pohnare to noano yahu to wahchech̄u

yoariro seheta m̄sa c̄hure yahuna wahchech̄u yoai m̄sare. Tíre masina m̄sa. ¹² P̄h̄toro Cohamac̄u to s̄ho jirōp̄u, noa ȳhd̄arop̄u m̄sare p̄jirocare. Ā jina to yaina m̄sa jich̄u Cohamac̄u to cahmariro seheta m̄sare ji dutii s̄a.

¹³ Cohamac̄u yare m̄sare s̄a yahuri c̄jirire m̄sa t̄hona, ō sehe ni t̄hoture m̄sa: “Masa ti m̄ s̄ro ti buhea jierara. Cohamac̄u ya buheata jira”, ni t̄hoture m̄sa. Tíre m̄sa t̄hotuch̄u masina wahcheja s̄a. Ā jina Cohamac̄ure sinina “Noana”, nirucuja s̄a tirore. Tóih̄ta jira. M̄sare s̄a buhea Cohamac̄u durucua potoc̄a jiata nina. Ā jiro Cohamac̄u m̄sa Jesure wac̄u tuaina jich̄u to ya buhea mehne m̄sare noaa seh̄ere cohtotach̄u yoaro nina. ¹⁴ Jesucristore wac̄u tuainare Judea yahpa macainare ti yoariro seheta m̄sa c̄hure yoare paina. Judea yahpa macainare Jesu yaina seh̄ere judio masa ñano ȳhd̄uch̄u yoare. M̄sa c̄hure m̄sa ya dihta macaina āta ñano ȳhd̄uch̄u yoare. ¹⁵⁻¹⁶ Judio masa sehe Cohamac̄u yare yahu m̄htaina c̄jirire panop̄u macainare waj̄a tiri jire. Ā jia mari p̄h̄toro Jesu c̄hure waj̄ari jire tina. Tuhs̄u, tina s̄are coh̄are. Cohamac̄ure tina cahyach̄u yoahre. Ā yoaina jia, paȳu masare ñu tuhtira tina. Judio masa jierainare Cohamac̄u yare s̄a yahu duamai tina c̄hure

pichacap̄u wahaborinare “Cohamac̄u ȳhdojaro”, nina. S̄a ã yahu duapach̄ata judio masa sehe s̄are ne Cohamac̄u yare painare yahu dutierare. Ā yahu dutieraa p̄jiro buhiri ti namoa nina tina. Mip̄ure tinare tuaro Cohamac̄u buhiri dahrerohca j̄ana.

Paulo Tesalónica macaina cahap̄u pari turi tini duamaha

¹⁷ S̄a coȳea, mip̄ure mahanc̄a m̄sa mehne jierana m̄sare wac̄una nija. Ā jina m̄sare tuaro ñu duana, m̄sa cahai waha duamai. ¹⁸⁻¹⁹ C̄a tahari ȳh̄u Paulo m̄sare ñ̄i waha duamai. Ȳu ã waha duapach̄ata Sata sehe s̄a wahaborir̄ore d̄ucatare. Ā jina wahaerahi s̄a. S̄are wahchech̄u yoaina m̄sa jich̄u m̄sare ñu duamai. Mari p̄h̄toro Jesu ahri yahpap̄u to tjua tach̄u m̄sa sehe s̄are wahchech̄u yoanahca. Ā jina wahchea mehne m̄sa mehne Jesu panoi ducunahca. ²⁰ Āta jira. M̄sare ñ̄no Jesu sehe “Noano buheri jira m̄sa”, ninohca s̄are. Ā jina noano wahcheja s̄a.

3

¹⁻² Ā yoa m̄sare yoari p̄ja ñ̄erana m̄sare tuaro t̄ho duana tíre wac̄una, Timoteore m̄sa cahap̄u warocai. Tiro mari coȳeiro Jesu yairo Cohamac̄ure dahra cohtar̄iro jiro, s̄a mehne noaa buheare buheriro jira. Ā jina tirore warocai Jesucristore noano m̄sa wac̄u tuah̄ti c̄j̄htire, m̄sa

wahchehti cjihti cãhure. Tirore warocana sã sahsero Atena wama tiri macai tjuai. ³ Mõsa ñano yãhdõpanahta Jesu yare mõsa cohãerahto cjihtore warocai sã Timoteore. Jesu yaina jina ñano yãhdõnahca mari. Tíre masina mõsa. ⁴ Mõsa mehne tó panopure jisnina mari ñano yãhdõhtoreta yahu tuhsõi mõsare. Æ jina sã niriro seheta mari ñano yãhdõi. Tíre mõsa noano masina. ⁵ Æ jicõ mõsare yoari pja ñõeracõ mõsare tuaro tuho duai. Æ jicõ Jesure mõsa wacõ tuarire masii tai Timoteore warocai yãhõ. “Watõno mõsare ñano yoa dutiri” nicõ, “Mõsare sã buheri cjirire mõsapõ duhuri” nicõ, tirore warocai yãhõ.

⁶ Æ yoa mipõre Timoteo mõsa cahapõ jiriro sã cahapõ tju wihihre. Æ tju wihiro noaa quitire sãre yahure tiro. Jesure mõsa noano wacõ tuaare, painare mõsa cahõa cãhure tiro yahure sãre. Æ ni tuhsõ sãre mõsa noano wacõrre, mõsare sã ñõ duariro seheta mõsa cãhõ tuaro sãre mõsa ñõ duarire yahure sãre tiro. ⁷ Æ jina sã coyeyã, mipõre sã ñano yãhdõpanahta mõsa Jesure noano wacõ tuachõ tuhõna sã wahcheja. ⁸ Jesure mõsa noano wacõ tuarire to yare mõsa cohãerarire tuhõna noano yajeri sãaja sã. ⁹ Mõsare Æ ni tuhõtuna, Cohamacõ to ñõrocaroi sã tuaro wahcheja. Æ wahchena

Cohamacõre “Noana”, nija sã. ¹⁰ Dacho cãhure, ñamipõ cãhure Cohamacõre sinija sã mõsare sã ñõhti cjihtire. Jesu yare mõsa noano masi pahõochõ yoa duaja sã noano mõsa tirore wacõ tua namõhto sehe.

¹¹ Cohamacõ mari Põcõ to basi, mari põhtoro Jesu cãhõ sãre ti yoadõhochõ cahmaja sã mõsa cahapõ sã wahahto sehe. ¹² Æ yoa mari põhtoro Jesu jipihtina mõsa mehne macainare, jipihtina paina cãhure cahõ namochõ yoajaro mõsare. Mõsare sã cahõrro seheta tuaro cahõ namochõ yoajaro mõsare. ¹³ Mõsare noano to yoadõhochõ, buhiri marieina, ñaa marieina jinahca mõsa, Cohamacõ mari Põcõ to ñõchõ. Mari põhtoro Jesu jipihtina to yaina buhiri marieina mehne ahri yahpapõ tjuã taro Æ jiina jichõ yoajaro mõsare.

4

“Cohamacõre ji coachõ yoa duana õ sehe yoaga”, ni yahuha Paulo

¹ Mipõre Jesu mari põhtoro to dutiro mehne mõsare õ sehe ni yahu batoaja: “Cohamacõre ji coachõ yoa duana õ sehe yoaga”, ni buhei sã mõsare. Sã Æ buheri baharo sã buheriro seheta yoayuhti mõsa. Mõsa Æ yoariro seheta yoa namoga. Tíre tuaro yoa dutija mõsare.

² Jesu mari põhtoro to buhe dutiro mehne mõsare sã buherire noano masina mõsa. ³ Ahrire mõsare yahu namõihtja: Mõsa õ sehe

jichu cahmana Cohamacu: Ñaare yoaeraina, Cohamacu yare yoaina jiga. Ñ jina numia mehne ñano yoaena tjiga. MUSA cūhu numia mUA mehne ñano yoaena tjiga.

⁴ Ñano yoapero marieno, ño payoro mehne mUSA namosānumiare cjuaga. Cohamacu mUSA tīre masichu cahmana. ⁵ Cohamacure cahmaeraina Cohamacure masieraina ñaare goa pja, numia mehne ñano ti yoariro seheta yoaena tjiga mUSA cūhu. ⁶ MUSA ã yoachu

cahmaerara Cohamacu to yairore mUSA coyeirore mUSA ñano yoaerahto sehe. MUSA ã ñano yoana mUSA coyeirore yūhdurucana nica. Mari puhtoro Cohamacu tí ñaare ti yoachu ñano buhiri dahrehtiro jinocanota nina. Ñ jina tīre yahu tuhsui mUSA "Tí buhirire buhiri tiri", nina.

⁷ Ñaare yoahntina cjihtire beserari jire marine Cohamacu. Ñaare yoaeraina cjihtire beseri jire marine. ⁸ Ñ jina jipihntina mUSA ahri sã buherire yūhdurucana, masa ya buhea sehene yūhdurucana nierara mUSA. Cohamacu ya sehene yūhdurucana nina. Tiro mUSA Espiritu Santore wariro jira.

⁹⁻¹⁰ MUSA coyeare Jesu yainare mUSA cahīhtire Cohamacu mUSA buhe tuhsuri jire. To ã buhechu potocāta Jesu yainare Macedonia macainare jipihtinare noano cahina mUSA. MUSA ã cahīchu ñuna "MUSA coyeare cahīga", ni buheraja mUSA. Tinare

cahī tuhsura mUSA. Ñ ni buhe namoerapanahta ahri sehene mUSA dutija. Mipure painare mUSA cahino seheta cahī namoga mUSA. ¹¹ Ñ yoa mUSA basi cahma ñu tuhtiro marieno jiga mUSA. Painare soro ni durucuena tjiga. Ñ ñnocahga tinare. Ñ jina mUSA ya dahraa sehene noano dahraga. Panoputa mUSA ã yoa dutii. ¹² Ñta yoaga mUSA, paina mUSA ti ño payohto sehe, paina yare mUSA cariboerahto sehe.

Ahri yahpapure Jesu to tjua tahtore yahuha Paulo

¹³ Coyea, mipure yariarina cjiire yahuihtja mUSA: Jesure cahmaeraina Cohamacu cahapū wahasi. Ñ jia tina mehne macaina ti yariachu ñua tuaro cahyara. Yariarina cjiri ti wahah-tore quihōno noano mUSA masichu cahmaja sã, paina ti cahyariro seheta mUSA cahyaerahto sehe. ¹⁴ Jesu to yariari baharo masa mujari jire. "Ti potocāta jira", nija mari. Ñ niina jina ahri cūhure "Potocāta jira", nija mari. Cohamacu sehe to yaina cjiire yariarina cjiire masa mujachu yoaro, baharopū Jesu mehne na tarohca. Tí cūhure "Potocāta jira", nija mari.

¹⁵ Jesu to tjua tachū to yaina yariarina cjiri catiina pano masa mUja mūhtaahca. Mari puhtoro Cohamacu ya yahua tjira ahri. ¹⁶ Ñ sehe jirohca Jesu to tjua tachū: Mari puhtoro to basi tuaro

sañurucu m̄h̄tanohca. ã jiro to anjoa p̄h̄toro tuaro pisurohca. ã to pisuch̄ Cohamac̄u to corneta bisiro coa tarohca. Ti ã yoach̄u Jesu yaina yariarina cjiri masa m̄ja m̄htaahca. ¹⁷ Baharo catiinare, yariarina cjiri mehne Cohamac̄u m̄hanop̄u me yehsea cururip̄u m̄jach̄u yoarohca. To ã yoach̄u mari p̄h̄toro Jesure piti bocanahca mari. ã piti bocana jipihtia dachoripe mari p̄h̄toro Jesu mehne jirucunahca mari. ¹⁸ Ahri ȳu yahurire m̄sa mehne macainare yahuga. ã ni yahuna wahchenahca m̄sa jipihtina.

5

¹ Ȳu coyeya, Jesu to tjua tahti dachore “Ahri dachoi tjua tarohca” ni, m̄sare yahu joarocarohca cahmaerara. ² Mip̄u m̄sa masino seheta to tjua tahti dachore marine masihtohca basioerara. Yacariro ñamip̄u wac̄uenoca to yacaro taro seheta ahri yahp̄ure mari p̄h̄toro wac̄uenoca tjua tarohca. Ahrire m̄sa basita noano masina. ³ “Mip̄ure mari noano jinocaja. Cuaro mariahna marine”, masa ti ni wac̄uch̄u dóicãta ñano waharohca tinare. To ã wahach̄u tina duhti masisi. Niji wahc̄oricoro wac̄uenoca to pur̄ino t̄hoturo seheta wac̄uenoca ã waharohca masare. ⁴ Ȳu coyeya, m̄sa sehere ã wahasi. Yacariro w̄h̄u p̄rore to c̄oriro seheta m̄sa sehere ã wahasi. Jesu taro m̄sare c̄osi.

Nahitianoi jiina ti ñ̄u masieraro seheta paina Jesure ne masierara. M̄sa sehe tina yoaro sehe jierara. ⁵ M̄sa jip̄ihtina Jesu yaina jira. ã jina buhriaroi ti ñ̄u masino seheta Jesu to tahtore masina m̄sa. Paina nahitianoi jiina seheta tirore masieraina yoaro sehe jieraja mari. ⁶ ã jina car̄ina yoaro sehe Cohamac̄ure t̄ho n̄n̄eraina jiena tjijihna mari. Paina ãta yoara. Tina yoaro sehe yoarena tjijihna mari. Car̄eraina yoaro sehe quih̄no yoaina, noano wac̄u masiina jijihna mari. ⁷ Car̄ina ñamip̄u car̄ina. ã jia cahaina ñamip̄u cahara. ⁸ Mari sehe buhriaroi jiina yoaro sehe Jesure masiina jina, noano wac̄u masiina jijihna. ã yoa surara comaa suhtiro mehne to cutirore to s̄a d̄c̄atariro seheta Cohamac̄ure wac̄u tuaga m̄sa, wat̄nore to d̄c̄atahto sehe. ã yoana Cohamac̄ure, paina c̄h̄ure cah̄ga. M̄sa ã yoach̄uta Cohamac̄u m̄sare ñ̄u wihborohca. ã jina m̄sare pichac̄ap̄u waha-borinare Jesu to ȳh̄dohtore “Potocã tjira”, niga m̄sa. M̄sa ã niina jich̄u surara to dapure comaa chapea mehne to pisa d̄c̄atariro seheta wat̄no m̄sare to ñ̄ano yoa duach̄u Cohamac̄u tirore d̄c̄atarohca. ⁹ To buhiri dahrehtinare marine beserari jire Cohamac̄u. Jesucristo mari p̄h̄toro pichac̄ap̄u wahaborinare to ȳh̄dohtina cjih̄tire marine beseri jire tiro. ¹⁰ Jesu mari ya cjih̄tireta

yariari jire tiro mehne mari jihto sehe. Catiina, yariaina cãhũ tiro mehnetã jiahca. ã jina jipihtina tiro mehne jinahca mari to yaina jina. ¹¹ ã jina m̃sa mehne macainare mipũ m̃sa wahchechũ yoariro seheta m̃sa basita wahchechũ yoaga tjoa. ã yoana m̃sa basita Cohamacũre wacũ tua namochũ yoaga m̃sa mehne macainare.

Jesu yainare Paulo yahu batoaha

¹² M̃sare buheinare, Cohamacũ dutiare m̃sare yahuhtinare mari pũhtoro buhe dutiro taro beseri jire. To ã ni beserinare noano ño payoga m̃sa. M̃sa ã ño payochũ cahmacũ tuaro dutija m̃sare. ¹³ Ti dahraare ti yoachũ tinare cahĩa mehne noano ño payoga. ã yoa m̃sa mehne macaina mehne cahmacheno marieno jiga.

¹⁴ M̃sare sã coyeare, ahrire tuaro dutija: Dahra duaerainare dahra dutiga m̃sa. Cahyainare wahchechũ yoaga m̃sa. Jesure wacũ tuaera cureinare yoadohoga. Tina jipihtina mehne noano suaro marieno ji coaro jiga m̃sa.

¹⁵ Cãiro m̃sare to ñano yoachũ ñana tirore ñano yoa cahmaena tjiga. ã jina m̃sa mehne macainare, jipihtina paina cãhũre noano yoaga.

¹⁶ ã yoana dachoripe ã wahcherucuga m̃sa. ¹⁷ ã jina Cohamacũre ã sinirucuga dachoripe. ¹⁸ M̃sa ñano yãhdũpanahta Cohamacũre

wahche, “Noana”, niga. M̃sa noano yãhdũri pja cãhũre “Noana”, niga tirore. ã nina Cohamacũ to cahmano seheta yoana nica m̃sa. Cristo Jesu yaina m̃sa jichũ ñũno m̃sa ã nichũ cahmana tiro.

¹⁹ Espĩritu Santore yãhti duaeraina jiena tjiga. ²⁰ Espĩritu Santo to masia mehne paina sehe m̃sare buhera. Ti ã buhechũ tí buheare cahmaeraina jiena tjiga. ²¹ Paina m̃sare soro ti ni buhechũ tí Cohamacũ ya jierachũ masiga m̃sa. ã jina Cohamacũ ya buhea ti jichũ cãhũre masiga m̃sa. ã masina noaa buhea dihtare cahmaga. ²² ã yoana jipihtina ñaare cahmaena tjiga m̃sa.

²³ Cohamacũ marine noano jichũ yoariro jira. Tiro to basi m̃sare to yainare noaina ñaa marieina jichũ yoa namojarõ m̃sare. M̃sa pjacũri cãhũre m̃sa catia cãhũre noano ñũ wihbojarõ. Mari pũhtoro Jesucristo ahri yahpapũre to tjua tahto pano m̃sare Cohamacũ noano ñũ wihbojarõ ñaare m̃sa yoerahto sehe. To ã yoachũ Cristo to tachũ ñaa marieina jinahca m̃sa. ²⁴ ãta jichũ yoarõhca Cohamacũ. Tiro m̃sare beseriro to niriro seheta yoara.

Paulo cãhũ noa dutirocaha

²⁵ Sã ya cjihtire Cohamacũre sini payoga m̃sa, sã coyea.

²⁶ M̃sa mehne macainare noano mehne piti bo-casiniga.

²⁷ Jipihtina Jesu yainare ahri tjure buhega m̄sa. Jesu mari p̄htoro to dutia mehne ahrire m̄sare dutija yah̄u.

²⁸ Jesucristo mari p̄htoro to cah̄a mehne m̄sare noano yoajaro.

2 Tesalonicenses

Paulo cãhũ joarocaha Jesu yainare Tesalónica macainare

¹ Yũhũ Paulo, Silvano, Timoteo cãhũ ahrire m̃sare joarocaja tjoa. M̃sa sehe Tesalónica macaina mari Pũcũ Cohamacũ yaina jira. Mari pũhtoro Jesucristo yaina cãhũ jira m̃sa. ² ã jina Cohamacũ mari Pũcũ, mari pũhtoro Jesucristo mehne m̃sare noa dutija. Cohamacũ yoadohoa mehne noano jiga m̃sa.

Ahri yahpapũre Cristo tjua taro buhiri dahrerohca

³ Cohamacũre sinina Jesure m̃sa wacũ tuaare wacũna “Noabiara sãre”, nirucuja sã Cohamacũre. Sã ã nichũ noa nina. Dachoripe Cohamacũre m̃sa noano wacũ tua namona niyuhca. ã yoana dachoripe m̃sa mehne macainare cahĩ namona niyuhca m̃sa. ã jichũ Cohamacũre “Noabiara sãre”, sã nichũ noa nina. ⁴ Paina m̃sare ñano tí yoapachũta Jesure wacũ tuarucuyuhca m̃sa mipũ cãhũre. ã yoa tirore wacũ duhuerayuhca. M̃sa ã yoachũ ñũna tíre m̃sa yoarire paina Cohamacũ yainare wahchea mehne yahuja sã. ⁵ ã wacũ tuarucuna Cohamacũ mari pũhtoro yaina m̃sa jiri buhiri ñano yũhdũna niyuhca m̃sa. ã jiro pũhtoro Cohamacũ to sũho jiropũre waha dutira m̃sare. To ã

dutichũ to quihõno yoariro jichũ masija mari.

⁶ ã yoa Cohamacũ quihõno yoariro jira. ã jiro m̃sare ñano yũhdũchũ yoaina sehere ñano yũhdũchũ yoarohca tiro. ⁷ ã yoa m̃sa ñano yũhdũrina cjiri jichũ tiro m̃sare noano jichũ yoarohca. Sã cãhũre noano jichũ yoarohca. Mari pũhtoro Jesu to yaina anjoa tuaina mehne, picha pohna mehne m̃sanopũ ba-juaro noano jichũ yoarohca marine, ñano yũhdũrina cjirire. ⁸ ã yoa Cohamacũre masierainare, mari pũhtoro Jesu to buheare noaa buheare yũhdũrcarinare Cohamacũ buhiri dahrerohca. ⁹ Cohamacũ tinare õ sehe buhiri dahrerohca: Pichacapũ tina ñano yũhdũrucuahca. ã jia tina tuariro mari pũhtoro Jesu cahai ne ji masierara. ã jia tua yũhdũariro to jiare ñũsi tina. ¹⁰ ãta waharohca tí dachoi Jesu to tjua tahti dachoi. Tí dachoihta tiro tarohca noaina tirore wacũ tuaina “Noariro, tuariro jira Jesu”, ni wahchea mehne tí ño payohto cjihtore. M̃sare sã buherire m̃sa noano tũhore. (ã jina m̃sa cãhũ tiro mehne jinahca.)

¹¹ ã jina Cohamacũre ã sini payorucuja sã m̃sa ya cjihtire. Õ sehe ni Cohamacũre sini payoja sã: To cahmano seheta yoahtinare m̃sare to cũriro seheta m̃sa jihtina cjihtire sini payorucuja sã m̃sare.

Musa noaina ji duanata niyuhca. Ñ jina Cohamacu to tuaa mehne noaina musa ji duariro seheta musa jhti cjihtire sini payorucuja sã. Musa Cohamacure wacũ tuayuhca. Ñ wacũ tuana to yare yoayuhca musa. Tíre musa noano yoa namohti cjihtire Cohamacure sini payorucuja sã musare. ¹² Ñ yoana mari puhtoro Jesucristore painare ño payochu yoanahca musa. Musa ã yoachu Jesucristo yaina musa jichu ñua paina ño payoahca musare. Cohamacu to cahña mehne, mari puhtoro Jesucristo cãhu to cahña mehne ã waharohca.

2

Ñano yoarucurirore yahuha Paulo

¹ Mipure mari puhtoro Jesucristo ahri yahpapore to tjua tahtore, tirore mari cahmachu mari piti bocahatore yahu namo duaja yuhu. Ñ seheta tuaro yahu duaja musare, sã coyea: ² Paina musare ño sehe niboca: “Mari puhtoro to tjua tahti dacho, pihtiri dacho jiropu nina”, niboca musare. Ti ã nichu tuhona, tuho cnaena tjiga. Ñ yoa tuho wisiena tjiga. “Cohamacu yuhure ãta niri jire”, niboca musare paio. Pairo cãhu musare buhero ãta niboca. Pairo cãhu ãta ni joarocaboca, “Yuhu Paulo tjija”, ni mahño joarocaró. ³ Paina musare ti ã mahñochu tuhoena tjiga musa. Tí dachoi ahri yahpa to pihtho panocã

payu masa Cohamacure duhuahca. Ñ jiro tí dachoi ñano yoarucuriro pichacapu wahahtiro bajuarohca jipihitina ti ñuhtiro cjihtore. ⁴ Tiro Cohamacu warore, paina bajueraina masa ti ño payoina cãhure jipihtina masare ño payo dutisi ñano yoarucuriro. Tiro ño sehe ni tuhuturohca. “Ahrina jipihtina bui puhtoro jija yuhu”, ni tuhuturohca. Ñ jiro Cohamacu wuhui dujiro “Yuhu sehe Cohamacu jija”, ninohca.

⁵ Musa mehne jisinicu tíreta yahui. ¿Tíre wacũerajari musa? ⁶ Mipure paio sehe ñano yoarucurirore ne ji dutierasinina. Ñ yoa tirore ji dutierarirore masina musa. Tiro sehe to dutichu to quihõri dacho jichu ñano yoarucuriro bajuarohca. ⁷ Mipure masa ti ñuenoi tiro yoaro seheta paina ñaare yoa tuhsara. Ti ã yoapachuta ñaare yoa dutierariro to wahahto pano tiro ñano yoarucuriro sehe jisi. ⁸ To wahari baharo pinihtare ñano yoarucurirota bajuarohca. Baharo mari puhtoro Jesucristo tirore yuhduhcarohca. Ahri yahpapore to si sitea mehne tjua taro, to dusero mehne putirocaro, tirore wajã boarohca. ⁹ Ñano yoarucuriro sehe wafino tuaa mehne taro, payu bajuamehnerire, mahñoa bajuamehnerire yoa ñonohca. ¹⁰ Payu ñaa to yoa ñoa mehne to ã mahñochu pichacapu wahahtina sehe tirore tuhoahca.

Tina sehe noaa buheare cahmaerare. Ti ã cahmaerachũ Cohamacũ tinare pichacapũ wahahtinare yũhdosi. Tina pinihta ñano yoarucuriro mahñoriro to yoarire “Potocã tjira”, niahca. ¹¹ Æ jiro noaa buheare ti cahmaerari buhiri Cohamacũ tinare wisiomehnenohca. Æ wisiaa mahñoare cahmaahca tina. ¹² Æ jiro jipihtina noaa buheare tuho duaerainare, ñaa dihtare yoa ji coainare tirota buhiri dahrerohca.

“Cohamacũ mʉsare beseha to yaina jichũ yoaro taro”, ni yahuha Paulo

¹³ Mʉsa sã coyeya, mari puhtoro Jesu to cahĩina jira mʉsa. Dóiputa wahmanopureta mʉsare pichacapũ wahaborinare to yũhdohtina cjihtire Cohamacũ beseri jire mʉsare. Mʉsare beseri jire Espíritu Santo to tuaa mehne to yaina ñaa marieina mʉsare jichũ yoaro taro. Æ jiro noaa buheare “Potocã tjira”, nihtina mʉsa jichũ ñũno mʉsare beseri jire. To Æ beserina mʉsa jichũ ñũna Cohamacũre wahche, “Noana”, nirucuja sã. ¹⁴ Noa buheare mʉsare sã buhechũ Cohamacũ mʉsare beseri jire mari puhtoro Jesucristo to masa mʉjariro seheta mʉsa cãhũ mʉsa masa mʉjahto cjihtore.

¹⁵ Æ jina yũ coyeya, noano wacũ tuaina jiga mʉsa. Æ jina sã durucua mehne sã joarocaa pũri mehne mʉsare sã buherire noano wacũga mʉsa. Æ yoa tí buheare

yũhdũcaena tjiga. ¹⁶ Mari puhtoro Jesucristo to basi, Cohamacũ mari Pũcũ cãhũ marine cahĩa, jipihtia dachoripe marine wahchechũ yoare. Marine cahĩa marine pichacapũ wahaborinare yũhdoahca. Æ jina Cohamacũ to yũhdohtore noano masina wahcheja mari. ¹⁷ Jesucristo, mari Pũcũ mehne mʉsare noano yoajaro pjiro mʉsa wahchehto sehe. Æ yoa jipihtia noaare mʉsa yoahito sehe, mʉsa noano durucuhto sehe Cohamacũre mʉsare sini payoja.

3

“Sãya cjihtire Cohamacũre sini payoga”, ni joaha Paulo cãhũ

¹ Mipũ sã coyeya, sã ya cjihtire Cohamacũre sini payoga mari puhtoro Jesu to buhea payũ masare sã buhehto sehe. To buheare mʉsa noano cahmariro seheta paina cãhũ tí buheare ño payoa mehne ti cahmahto sehe sini payoga mʉsa Cohamacũre. ² Cãinata Jesure wacũ tuara. Paina sehe to yare tuho duaeraa, Jesure wacũ tuaerara. Æ jina ñaina masa sãre ti ñano yoa duachũ Cohamacũre sini payoga mʉsa sãre to yoadohohto sehe. ³ Mari puhtoro Jesu to niriro seheta yoariro jira. Æ jiro mʉsare tirore wacũ tuachũ yoarohca. Æ yoa tuhsũ, wafĩno mʉsare to ñano yoa dutichũ tiro mʉsare yoadohorohca.

⁴ Cohamacu musare to yoad-ohorire masija sã. ã jina musare sã dutiro sehta musa yoachu cãhure masija sã. ã yoa äta yoarucunahca musa. Tí cãhure masija sã.

⁵ Cohamacu musare to cahiare musare masichu yoajaro. ã jina Cristo yoaro sehe ñano yuhdũpanahta cãno pjaina jichu yoajaro musare mari puhtoro.

Marine tuaro dahraro cahmana

⁶ Jesucristo mari puhtoro to dutiro mehne õ sehe ni dutija musare: Jesu yainare dahra duaerainare, musare sã buheriro sehta yoerainare, tinare piti tiena tjiga. ã ñunocahga tinare. ⁷ Sohõ jiri pja musa mehne sã jichu tuaro sã dahrachu ñure musa. ã jina sã yoariro sehta musa cãhure dahraro cahmana. Tire noano masina musa. ⁸ ã jina musa chũare wapa marieno chũerahi sã. ã yoa dachopũre, ñamipũ cãhure tuaro dahrai sã “Musa chũare sã siniri”, nina. ⁹ Sã buheri wapa musare wapa cahmaboa sã. ã wapa cahmaborina jipanahta wapa cahmaerana tuaro dahrai sã, musa sehe sãre musa ñũ cũhto sehe. ¹⁰ Musa mehne jina, õ sehe ni buhei musare: “Dahraeraina chũea tjijaro”, ni buhei sã musare. ¹¹ Cãina musa mehne macaina ne dahra duaerayuhca. ã dahra duaeraa, painare ã yahu wajamacanoca, caribobiaro yoayuhca tina. ¹² Mari

puhtoro Jesucristo to dutiro mehne ã dahra duaerainare õ sehe nija: Noano wahchea mehne dahrajo tina ti noano jihto sehe, ti ya chũare ti chũhto sehe.

¹³ Sã coyea, musa sehe noare yoarucuna pumena tjiga. ¹⁴ Cãina tó macaina ahrire sã joarocarire yuhdũrucaboca. Ti ã yoachu ti yoarire noano ñũga. ã ñũna tinare piti tiena tjiga ti buoro wahahto sehe. ¹⁵ ã piti ti duhupanahta tinare ñũ tuhtiena tjiga. Tina musa coyea, Jesu yaina tjira. Ti ã jichu ti yuhdũrucarire yahuga tinare tire ti yoerahto sehe.

Paulo tinare noa duti batoaha

¹⁶ Mari puhtoro Jesu marine noano jichu yoariro mehne dachoripe noano jirucuga musa. ã jichu “Mari puhtoro musa jipihtina mehne jirucujaro”, nicu musare noa dutija.

¹⁷ Yũhũ Paulo, yũ wamomaca mehmeta mipũre yũ batoa joa batoai nija: ã joacu musare noa dutija. Jipihtia yũ joarocaa pũrine õ sehe dihta yũ wamomaca mehne joa batoaja yũhũ. Yũ õ sehe dihta yũ joa batoachu ñũna yũ joarocari pũ to jichu masinahca musa. ¹⁸ Mari puhtoro Jesucristo to cahã mehne noano yoajaro musare jipihtinare.

1 Timoteo

Paulo Timoteore joaroc-aha

¹⁻² Yuhū Paulo ahrire mūhure Timoteore joarocaja. Cohamacū marine pichacapū wahaborinare yūhdoriro jira. Jesucristo yare buhe dutiro to cūriro jija yuhū. To Pucuro, to Macano Jesu mehne ti dutiriro seheta ti cūriro jija yuhū. Jesuta marine yūhdora. Ā jina marine to yūhdohtore masina, tíre cohtaja mari. Mūhure Timoteore Jesu yare buhei. Yū ā ni buhechū tuhocū Jesure wacū tua ducare mūhū. Ā jicu mūhū potocāta yū macū yoaro sehe jicūta nina. Cohamacū mari Pucū mehne, mari pūhtoro Jesucristo mehne mūhure noa dutija. Ā yoa mūhure cahīa, pja űna ti yoadohoa mehne noano jiga mūhū.

Paulo mahñoa buheare buhe dutieraha

³ Sohō jiri pjare Macedonia yahrapū wahacū mūhure Efesoī cū yūhdū wahcāi. Tóī cāina ti ya buheare mahñoa buheare buheina jire. Tí buheare mū buhe dutierahiro cjihtore cūi yuhū mūhure. ⁴ Tina ti mū sūro ā buhemacanocahna. Ā yoa ti coyea panopū macaina cjiri ti mū sūro ti buherire ā buherucura. Tí buhea mehne paina mehne cahma sayorucura. Cohamacū marine to dutirire noano yoachū yoerara tina ā buhea. Cohamacū ya

sehene yoana tirore wacū tuaja. Ā jicu ti mū sūro ti buherire buhe dutierahiro cjihtore cūi mūhure.

⁵ Ā cūi mūhure Jesu yaina painare ti cahīhti cjihtire. űna buhiri mariea mehne, noaa wacūa mehne, potocā Cohamacure wacū tuaa mehne painare ti cahīhti cjihtire ā cūi mūhure. ⁶ Cāina ahri noaa buheare cohā tuhsū paye buhea sehene cahmana tjoa. Ā ti cahmachū, tí buhea sehene ti cahma sayochū tó wahaerara. Tí buheare ti cahma sayoa yaba cjihti jierara. ⁷ Tina Cohamacū dutiare buheina ji duamana. Ā buhe duapahta tí buheare tina ti basi noano masierara. Tí buheare masiina yoaro sehe buhepahta tí buheare ne masierara tina.

⁸ Cohamacū dutiare Moise cjiro marine to cūri cjirire quihōno mari buhechū noaa dutia jira. Tíre mari noano masija. ⁹⁻¹⁰ Tí dutiare buhena ahrire masino cahmana: Tí dutia noaare yoainare ti buhehti cjihti jierara. Ahrina sehene ti buhehti cjihti jira. Pūhtoare cohā duainare, dutiare yūhduracainare, űna dihtare yoainare, űna buhiri tiinare, Cohamacure űno payoerainare, Cohamacū yare cahmaerainare, ti pucūsumare wajāinare, ti pocosānumia cūhure wajāinare, paina masare wajāinare, numia mehne űna yoainare, mūa mehne űna yoaa numiare, cahma numia mehne ti űna yoariro seheta mūa sahsero o numia

sahsero jipahta ti pjacuri mehne ñano yoainare, masa pohnare paina cãhure duhti yacainare, mahñoinare, painare mahñoa mehne yahusãinare Cohamacu dutia Moise cjiro marine to cãri cjiro sehe tinare buhehti cjihti jira. ã yoa paina jipihtinare noaa buheare yuhduacainare buhehti cjihti jira Cohamacu to dutia. ¹¹ Tí buhea noaa buhea sehe noariro Cohamacu to ya buheata jira. Tí buhea sehere yuhure Cohamacu buhe dutire.

Cohamacu Paulore to pja ñhare yahuha tiro

¹² ã yu buhechu Jesucristo mari pãhtoro yuhure tuaare waro yuhure yoadohora. “Paulo noano buherohca yu yare”, ni tãhoture Jesu yuhure. ã jiro yuhure besero tirore yoadohohtiro cjihtore cãre yuhure. To ã yoachu “Noana”, nija yuhu tirore. ¹³ Tó panopure Cristore yu ñano durucupachuta, to yainare ñano yu yoapachuta, tiro yuhure beseri jire. Tirore masierasinicu tirore ñano yoacu “Ñano yoai nica yuhu”, ni tãhotueracuru. Yu ã masierasinicu ñano tiro pja ñure yuhure. ¹⁴ ã pja ñano, Cohamacu mari pãhtoro yuhure tuaro cahño, noano yoare yuhure. ã yoa Cristo Jesure wacũ tuachu yoare yuhure tiro. ã yoaro painare cahichu yoare yuhure Cohamacu.

¹⁵ Yuhu sehe paina yuhdoro ñaa yuhduariro jimai. Ñaina mari jipachuta Jesucristo ahri yahpau tari jire ñainare pichacaru wahaborinare yuhdohtiro cjihto. Tí potocã tjira. To ã jiro jichu jipihtina tíre masijaro. ¹⁶ Ñaa yuhduariro yu jipachuta tiro yuhure pja ñure. ã pja ñano Jesucristo suaro marieno yuhure to noano yoarire masichu yoaro nire painare baharo tirore wacũ tuahhtinare masichu yoaro taro. ã wacũ tuahtina manopu ã jirucuahca. ¹⁷ Cohamacu jipihtia dachoripe masa bui pãhtoro jira. Tiro ne yariaerara. Mari mehne to jipachuta tirore ñeraja mari. Tiro dihta Cohamacu waro jira. “Potocãta noariro, tuariro jira tiro”, nijihna tirore. Jipihtia dachoripe tirore ño payojihna. ãta yoajihna.

¹⁸ Timoteo, yu macu yoaro sehe jira mahu. ã jicu mipure ahrire mähure dutija: Mari coyea Jesu yaina Cohamacu yare yahu mähaina baharo mu yoahhtire ti ni mähтары sehetu mähure dutija. Cristo yare noano yahurucuga. ã yoa ñano yuhdupaihta tirore wacũ tua duhui tjiga mahu. Tuhsu, to yare quihõno buherainare poto yahuga duhuro marieno. ¹⁹ Jesure ã wacũ tuarucuga. Ñaa buhiri marieriro jiga. Noaa dihtare yoaga. Cãina tíre yoaeraa Jesu yare cohãna. ã cohãa tirore wacũ tua duhure. ²⁰ ãta

yoare Himeneo, Alejandro mehne. “Watño to cahmano seheta yoawahnojaro mʘsare”, ni cūi tinare, ñano Cohamacʘre ti durucu namo-
erahto sehe.

2

Cohamacʘre sini payoare yahuha Paulo

¹ Mipʘre õ sehe ni dutija mʘsare. Ahri wiho waro jierara: Jipihtina ya cjihtire Cohamacʘre sini payoga. ã sini payona “Noana. Wahcheja”, niga Cohamacʘre. ² Pʘhtoa, paina masa bui dutiina cʘhʘ ti ya cjihti cʘhʘre Cohamacʘre sini payoga, cahmacheno marieno Cohamacʘre ño payoina mari noano jihto cjihtore. ã sini payona mari Cohamacʘ cahmaare, quihõno yoaina noano ji masija. ³⁻⁴ Tõ sehe paina ya cjihtire mari sini payochʘ noa nina. Tíre mari yoachʘ ñano Cohamacʘ marine yʘhdohtiro sehe marine noano ñʘ jicoara. Jipihtina pichacapʘ wahaborinare to yʘhdoina jichʘ cahmana Cohamacʘ. ã yoa noaa buheare ti masichʘ cahmana tiro. ã jiro paina ya cjihtire mari sini payochʘ wahchera tiro. ⁵ Cãirota jira Cohamacʘ. ã yoa Cohamacʘre mari ñʘ tuhtichʘ Cohamacʘ cʘhʘ marine to ñʘ tuhtichʘ bosariro cãirota jira. Tiro masʘnota jiriro, Jesucristota jira. ⁶ Wapamonore waparo seheta jipihtina ti ñaa yoari buhirire variari jire tiro.

Cohamacʘ to quihõri pjai tíre masare masichʘ yoari jire. ⁷ Tíre yahuhtiro cjihtore, Jesu to cūhtiro cjihtore tiro yʘhʘre beseri jire. Judio masa jierainare Jesure wacū tuaare, noaa buheare buhehtiro cjihtore beseri jire yʘhʘre. Potocãta mʘsare yahui nija yʘhʘ. Mahñoeraja.

⁸ Cohamacʘ yare noano yoaina jipihtiro macaina sehe Cohamacʘre ti sinichʘ cahmaja. ã yoa tina suaro marieno, cahma sayoro marieno tiro mehne ti durucuchʘ cahmaja. ⁹ ã yoa, numia sehere carera numia yoaro seheta ti suhti tiina jichʘ cahmaja. ã jia soro bajua pjoari ti pjoarire yoaea tjijaro. Uru dari busaa darire perla yapari dari cʘhʘre busaea tjijaro tí numia painare “Goa pjachʘ yoari”, nia. ã yoa wapa bujʘa suhtire sãaea tjijaro tina Jesu ya numia. Painare goa pjachʘ yoaa numia jiea tjijaro. ¹⁰ ã yoa tí numia noaa sehere yoajaro. ãta yoaro cahmana “Cohamacʘ ya numia jija”, nia numiare. ¹¹ Dihta marieno ño payoa mehne buheare tʘhojaro tí numia. ¹²⁻¹⁴ ã jia numia mʘare buhea tjijaro. ã yoa mʘare dutiea tjijaro. Tí numia sehe dihta mariea numia jijaro. Adãore Cohamacʘ bajuamehne mʘhtari jire. To baharo Evare bajuamehneri jire. ã yoa watño to mahñochʘ tʘhoriro Adão jierari jire. To mahñochʘ

tuhoricoro sehe Eva jiri jire. Ā to mahñochu tuhoro, Cohamacure yuhdurucaricoro wahari jire ticoro. Ā jia numia sehe mure dutiea tjijaro. ¹⁵ Numino ji mhtaricoro to yuhdurucapachuyaina numia ti pohna tichu ñano tinare Cohamacu yoadohorohca. Tí numia pohna tia numia sehe Cohamacure ti wacū tuarucuchu tiro yoadohorohca tinare. Ā yoa masare, Cohamacu cūhure ti cahīrucuchu, noaa numia ti jirucuchu, quihōno yoaa numia ti jichu Cohamacu tinare yoadohorohca.

3

Jesu yaina puhtoa ti yoahire yahuha Paulo

¹ Masa Jesu yaina puhtoa ji duaa, noaare yoa duaa nica tina. Tí potocāta jira.

² Jesu yaina puhtoare besecu ō sehe jinare besega: Buhiri marieinare besega “Paina tinare ñano ni yahusāri”, nicu.

Ā yoa cāa numiata namo tinare, noano tuho masiinare, quihōno yoainare, paina ti ño payoina, masare wahchea mehne ti wuhure sāa ta dutiinare, painare noano buhe mihniinare besega mahu.

³ Ā besecu cahaerainare, cahmacherainare, masare noano yoainare, cahma sayoerainare, niñerure cahīrainare besega mahu.

⁴ Ā yoa mu beseina ti ya wuhu macainare noano yahuina, ti pohna noano ño payoa mehne yuhtichu yoaina, noano yahuina

jijaro. ⁵ Tinare yuhtichu yoa masieraa, noano yahu masieraa, Jesu yaina cūhure noano yahu, yuhtichu yoa masieraboca tina. ⁶ Jesu

yaina puhtoa ji duaina Jesu yaina wahma sāaina jia, tina puhtoa ji masierara. Wahma sāainare Jesu yaina puhtoa masa cūchu tina “Noa yuhduaina jija”, ni tuhotuboca. Ti ā ni tuhotuchu Cohamacu tinare buhiri dahre dutirohca watīnore to yoariro seheta. Watīno cūhu āta ni tuhotua timaha Cohamacure yuhduruca duaro.

⁷ Ā yoa puhtoa ji duaina Jesu yaina jieraina ti ño payoina jiro cahmana tinare. Noano yoaina ti jichu ñaa paina ño payoahca tinare. Ā jia masa tinare ñano quiti dahresi. Ā jiro watīno tinare dojomehne masisi.

Jesu yainare yoadohoina ti yoahire yahuha Paulo

⁸ Ā yoa Jesu yainare yoadohotina sehere besecu ō sehe jinare besega: Tina masa ti ño payoinare, noano potocāta durucuinare, cahaerainare, niñerure cahīrainare, mahñoa mehne wapata duaerainare,

⁹ Cohamacu to yahuri buhea to nino seheta yoainare, ñaa buhiri marieinare besega mahu. ¹⁰ Tinare mu

besehto pano Jesu yainare yoadohoina ji duainare ti yoarire ñuga mahu. Tinare mu ā ñuri baharo tina sehe ñaa buhiri marieina, ñaare yoeraina jia, Jesu yainare yoadohoina sāajaro tina.

¹¹ Ā yoa ti namosānumia

õ sehe ti jichu cahmaja mari. Masa ti ño payoa numia, masa noaa numia, ñano quiti dahrera numia, taho masia numia, jipihtiare noaare yoarucua numia ti jichu cahmaja mari. ¹² Jesu yainare yoadohohtinare besecu cãa numiata namo tiinare, ti pohnare paina ti wuhu macaina cãhure noano yuhtichu yoainare besega. ¹³ ã jia mu beseina Jesu yainare ti yoadohochu paina tinare noano ñu ji coahca. ã jia tina yoadohoina sehe noaa buheare, Jesucristore ti wacũ tuaa cãhure cuiro marieno buheahca tina.

Cohamacu ya buheare yahuha Paulo

¹⁴⁻¹⁵ Mipure mu cahapu waha duai nimaja. ã waha duapaihta mipure wahaerasinicu ahri pui yahu, muhure joarocai nija. Jesu yaina cahmachuina watoi musa dohse yoah-tore muhure yahu joarocai nija, "Michapucaca yuhu wahaerasiniboca", nicu. Jesu yaina Cohamacu catiri-ro yaina jira. To yaina potocã jia buheare Cohamacu ya buheare cjuara. ã cjuaa, tíre buherucura. ¹⁶ Ahri potocã tjira. Marine Cohamacu to buheri cjiri, panoru mari noano masierari cjiri noa yuhdu buhea jira. Ahri buhea õ sehe jira:

Tiro Cristo mari pjacu seheta
pjacu tiri-ro masa ba-
juari jire.

Noariro, ñaa marieriro to jichu ñore Espiritu Santo sehe.

Anjoa cãhu tirore ñuri jire.

ã yoa buhe duti to cãrina paye yahpari macainare to yare buhei sã.

ã jia ahri yahpai masa payu tirore wacũ tuare.

Baharo manopu Cohamacu naahre tirore.

Tí jira noaa buhea.

4

Noa buheare cohãrina cjirire yahuha Paulo Timoteore

¹ Espiritu Santo ahrire noano yahura: Pihtiri dacho panocã cãina masa Jesu ya buheare cohãahca. ã cohãa mahñoa buheare watia ya buhea sehère taho nunahca tina. ² Tí buheare mahñorucuina yahuahca masare. Tina mahñorucuina sehe "Ñaa buhiri mariahna sãre", ni tãhotuina jira. ã jia tina ti ñaa yoaare ne tãhotuerara. ³ Õ sehe ni buheahca tina: "Namo tiena tjiga. Ahri chũare chũena tjiga", ni buheahca tina. Tí ã chu dutiera-pachuta Cohamacu chũare bajuamehnenno mari chũhti cjih-tire noaare cãri jire tiro. Mari Cristore wacũ tuaina jichu noaa buheare mari masiina jichu, mari ya cjih-tire tí chũare bajuamehnea tiri jire tiro. Tí chũare cjuana tirore "Noana", mari nichu cahmana tiro. ⁴ Jipihtia Cohamacu to bajuamehneri

cjiri noaa jira. Ā jina to bajamehneri chũare nana, Cohamacũre “Noana” nina, tíre marine cohãeraro cahmana. Tíre marine chũ ji coaro cahmana. Ā jicũ paina ti chũ dutierachũ tũhoecũ tjigatinare. ⁵ To bajamehnea noaa ti jichũ yahu tuhsũa tiri jire Cohamacũ. Ā jia tirore “Noana”, mari ni wahcheri baharo tí chũa to yoari chũa noaa waro jia nina.

Jesucristore dahra cohtarirore noarirore yahuha Paulo Timoteore

⁶ Ahri yũ yahurire Jesu yainare mari coyeare buhecũ Jesucristore dahra cohtariro noariro jira mũhũ. Ā buhecũ noaa buheare, quihõno mũ tũhori cjirire mũhũre ti yahuriro seheta noano mũ masirire yahuriro jiihca mũhũ. ⁷ Ā jicũ ti mũ sũro ti buherire, Cohamacũ ya jieraare tũhoi tjiga. Cohamacũ cahmaa sehẽre yoaporiro jiga mũhũ. ⁸ Mũ mũrocaporichũ noa curera. Mũ mũrocaporiro yũhgoro Cohamacũ cahmaare mũ yoapochũ noa yũhdũara mũhũre. Cohamacũ cahmaare yoapocũ mipũre noano jiihca mũhũ. Mũ yariari baharopũ cũhũre masa mũjacũ noano jiihca mũhũ. ⁹ Tí potocãta jira. Jipihtina tíre yũ nirire masiinare “Potocãta jira”, nino cahmana tinare. ¹⁰ Jipihtina tíre ti nihti cjihũtũre Cohamacũ cahmaare ti yoahũti cjihũtũre mari tuaro dahraja. Ā jina ñano yũhdũja

mari, paina marine ñano ti yoachũ. Cohamacũ catiriro, jipihtinare pichacapũ wahaborinare yũhdoriro jira. Tirore wacũ tuaina pinihtare tiro yũhdorohca. Ā jina to yũhdohũto cjihũtũre masina, cohtaja mari.

¹¹ Ahri jipihtia yũ nirire dutiga Jesu yainare. Ā yoa tíre buhega mũhũ. ¹² Wahmũno mũ jichũ ñhũa paina Jesu yaina mũhũre yũhdũrũca duaboca. Tĩ ģ yoaeraho sehe õ sehe yoa ñoga tinare. Masare cahĩga. Ā yoa Jesure wacũ tuarucu, buhiri marieriro jiga. Wahmũno jipaihta mũ ģ yoachũ ñhũa mũhũre yũhdũrũcasi tina. Ā jia mũ durucurire tũhoa, mũ yoarire ñhũa mũhũre ñhũ cũahca. ¹³ Ā jicũ mũ cahapũ yũ sũhto pano Jesu yainare Cohamacũ yare ti joari pũre buhe tuhsũ, mũsa cahmachupe tahari tinare ģ yahurucuga. ¹⁴ Jesu yaina mehne macaina pũhũto Cohamacũ yare yahu tuhsũ mũ bui ti wamomacarine duhu payore. Tĩ ģ duhu payochũ Cohamacũ ya cjihũtũre mũ yoa masihto sehe cũre mũhũre Cohamacũ. To ģ cũrũre boecũ tjiga. Ā yoa tíre ģ yoarucuga.

¹⁵ Ahri dutiare tuaro cahmaga. Ā cahmacũ ahri dutiare ģ yoarucuga mũhũ. Mũ ģ yoari baharo noaare mũ yoa namochũ jipihtina ñhũahca. ¹⁶ Mũhũ sehe noano yoaga, “Soro yoari”, nicũ. Ā yoa noano buhega mũhũ, “Soro buheri”, nicũ. Ā jicũ mũ

basita pichacapur̃ wahaboriro yuhdoriro jiihca. ã jia m̃h̃h̃are t̃h̃horina c̃h̃h̃ pichacapur̃ wahaborina yuhdurina jiahca.

5

“Paina Jesu yainare õ sehe yoaga m̃h̃h̃”, niha Paulo Timoteore

¹ Ne b̃h̃c̃h̃ore tuhtiecu tjiga. M̃h̃ p̃h̃c̃h̃re m̃h̃ noano yoariro seheta b̃h̃c̃h̃ro c̃h̃h̃re noano mehne yahuga. ã yoa m̃h̃ bahanare m̃h̃ noano yoariro seheta wahma yapia c̃h̃h̃re noano ño payoro mehne tinare yahuga. ² ã yoac̃h̃ m̃h̃ pocore m̃h̃ noano yoariro seheta b̃h̃c̃h̃ numia c̃h̃h̃re noano ño payoa mehne yahuga. M̃h̃ bahana numiare m̃h̃ noano ño payoriro seheta nuhmia c̃h̃h̃re ñano goa pjaro marieno, noano ño payoa mehne yahuga tina numiare.

³ ã jicu wapewahyaa numiare potoc̃ãta pjac̃h̃oa numiare ño payoa mehne yoadohoga tí numiare. ⁴ Wapewahyoro pohna tircoro to jich̃h̃, o panamana tircoro to jich̃h̃ c̃h̃h̃re tina sehe ticorore yoadohojaro. ã yoadohoa Cohamac̃h̃ masare ti coyeare to yoa dutirire yoaa nina tina. ã yoaa tina ticorore ti wapamonore wapaa nica ticoro to b̃h̃c̃h̃ori wapa. Ti ã yoach̃h̃ ñh̃no Cohamac̃h̃ noano wahchera. ⁵ Pjac̃h̃oricoro, wapewahyoro coyea marienicooro jiro, Cohamac̃h̃ ticorore to yoadohohto cjihtore cohtara ticoro.

ã jiro ñaminipe, dachoripe ticoro Cohamac̃h̃ mehne ã durucurucura. ⁶ Pacoro sehe wapewahyoro ã yoamacanocaricooro carericoro jiro, ticoro catiricooro jiparota pichacapur̃ butihticoro ji tuhs̃h̃ra. ⁷ Ahri jipihtia yuh yahurire Jesu yaina c̃h̃h̃re yoa dutiga m̃h̃h̃, noaa dihtare ti yoah̃ti cjihtire. Ti ã yoach̃h̃ ñh̃a paina tinare “Ñano yoaa nina”, ni masierara. ⁸ C̃ãiro to coyeare ñh̃ wihboeraro, to pohna, ti pocoro c̃h̃h̃re noano ñh̃ wihboeraro “Jesu yairo jija”, ni masierara. ã jiro Jesure cahmaeraina yuhdoro ña yuhdurario jira tiro.

⁹ Wapewahyaa numiare yoadohonahca m̃h̃sa. Õ sehe besega m̃h̃sa yoadohohti numiare. Ti wamare joa õhti p̃ũi joai tai õ sehe besega tí numiare: Sesenta c̃h̃hmari s̃h̃eraricorore to wamare joa õi tjiga. Tuhs̃h̃, tó pano p̃h̃aro cjirore mañh̃ tircoro wape wahyoro to wamare joa õi tjiga. C̃ãirota mañh̃ tircoro wapewahyoro wamare joa õga. ¹⁰ Tí numiare, “Noaare yoaa numia jira”, masa ti nia numiare, ti poh̃nare noano b̃h̃c̃h̃oa numiare besega. ã yoa tuhs̃h̃, ti wuh̃h̃sei painare noano s̃ãa ta dutia numiare, dahra cohtaina yoaro sehe Jesu yainare yoadohoa numiare, ñano yuhdurinare yoadohoa numiare, noaa dihtare yoaa numiare besega. Tí numiare m̃h̃sa yoadohohti numiare bese tuhs̃h̃h̃, ti wamare joa

õga muhũ.

11 Wiho mejeta wape-wahya numia nuhmia curero ti jichũ tí numia sehere besei tjiga. ã jichũ tí pũi ti wamare joa õi tjiga. Baharo tina muhare goa pja, Cristore cohã, pari turi manũ tiboca. 12 Tina Cristore “Pari turi manũ tisi sã. Mũ yainare yoadohonahtja”, niri numia jipahta baharopũre ti niriro seheta yoaeraboca tí numia. Ti ã yoaerari buhiri buhiri tiahca. 13 Tí numia õ sehe yoaa numia jira: Dahraera numia jipora. ã jia paina ya wuhũsepũ waharucu, ñaa quti dahre, tí numiare mari sinituerapachũta ti mũ sũro mari jia tiare ã yahurucura. Tuhsũ, ti yahu dutierari cjirire yahura tí numia. 14 ã jichũ ti õ sehe yoachũ cahmaja yuhũ: Wapewahya numia nuhmia curero jia numia manũ tijaro. ã manũ tia, pohna tijaro. Ti ya wuhũ macainare noano ñũ wihbojaro. Mari ya numia wapewahyaa numia ti ã yoachũ marine ñũ tuhtiina marine “Ñaaare yoaa nina”, ni tuhti masierara. 15 Mipũ pinihtare cãa numia wapewahya numia Cristo yare duhu, watĩno cahmaa sehere yoa tuhsũra. ã jichũ ã ni yahuja muhũre.

16 Jesu yaina ti coyecoro wapewahyoro to jichũ tina to coyeya ticorore yoadohojaro. Paina Jesu yaina sehe ticorore yoadohoea tjijaro. ã jia tina paina

Jesu yaina ticorore coyeya cjuaricorore yoadohoeraa, paye numia wapewahya numia coyeya mariea numia sehere yoadoho masina.

17 Jesu yaina puhtoare muhare ti noano buhechũ ti dahraare ti noano yoachũ ñũna ji coaro mehne ñũga tinare. ã yoa noano wapaga tinare. Cãina tina mehne macaina Cohamacũ yare yahuina, muhare buheina cũhũ jira. Tina pinihtare paina yuhũdoro ji coaro mehne ñũga. 18 Cohamacũ yare ti joari pũi õ sehe nina, dahrarirore ti wapahtore yahuro: “Wachũ trigo yaparire to dahpori mehne suhti werirore to chũ duachũ to dũserore dũcataena tjiga”, ni joaa tiri jire. ã yoa pa pũi õ sehe nina: “Dahrarirore to dahrari wapare waro cahmana”, nina Cohamacũ yare ti joari pũi. (To ã nichũ tuhona Jesu yaina puhtoare ji coaro mehne ñũ, noano wapaga tinare.)

19 Jesu yaina puhtoro to ñano yoachũ ñũno cãirota paina Jesu yaina cahmachuinare yahusã masierara. Puhtoro to ñaaare yahusãhtina tiaro jia, tirore yahusã masina. Tiaro mariachũ puaro yahusã masina. 20 ã yoa ñaaare yoarucurirore jipihtina mũsa watoi to jichũ tirore tuhtiga, cuia, paina ñaaare ti yoaerahto cjihtore. 21 ã jichũ Cohamacũ, Jesu-cristo, to beserina anjoa cũhũ ti ñũrocaroi ahrire dutija muhũre: Mipũ muhũre yũ

dutiri cjrيره yoa pahñoga. ã yoariro jichu jipihtinare Jesu yainare cãno potori yoaga. Pairore soro, pairore soro yoi tjiga. ²² Painare Cohamacu dahraare mu cũhti cjihire ti bui mu wamomacarine mu duhu payohto pano soaro marieno noano tuhutu pahño, tinare besega. Tina ñaina jiboca. ã jinare Cohamacu dahraare cũi tjiga. ã cũcu muhu cũhu mu beseina ti ñaare yoaro seheta yoi nica. Tó sehe yoi tjiga. ã yoa ñaa marieriro jiga muhu.

²³ Suroca pjaro cariro jira muhu. Mipure co dihtare sihnimana muhu. ã jichu mahanicã vino cũhure sihniga muhu. Co jira ti.

²⁴ Cãina ti ñaare yoachu mari ñuja. ã jina Cohamacu tinare to buhiri dahrehtore masija mari. Paina sehere ti ñaa yoarire mari masieraja. Ti ñaa yoarire baharo masinahca. ²⁵ Tó seheta cãina noaare ti yoachu tíre mari masija. Paye ti noaa ti yoerarire mari masierapanahca baharo masinahca mari. Tíre nuohito basierara.

6

¹ Dahra cohtaina Jesu yaina sehe ti puhtoare noano ño payojaro. Ti ã ño payochu ñua paina Cohamacure, mari buhea cũhure ne ni dojomehne masierara. ² Ti puhtoa Jesu yaina ti jichu ñua tinare dahra cohtaina sehe Jesu yaina jia, tinare ñupoa ño payoeraboca. ã yoeraro cahmana. Ti puhtoa Jesu

yaina ti jichu pinihtare tinare dahra cohtaina noano ño payojaro tinare. ã ño payoa dahra cohtaina sehe Jesu yainare, ti cahĩnare ti coyeare yoadohoa nina. Ti puhtoare Jesu yainare dahra cohtaina jia, Jesure cahmaerainare ti ño payoriro yuhdoro Jesu yaina sehere ño payojaro puhtoa ti cahĩna ti jichu. Ahri yu yahurire buhega. ã jichu ahrire dutiga.

Cohamacure ño payoa cũhure noano jia cũhure yahuha Paulo

³ Soro jia buheare buheriro mari puhtoro Jesucristo ya buheare noaa buheare “Potocã tjira”, ni tuhutu duaerara. ã tuhutu duaeraro, mari ya buheare Cohamacure ño payoa buheare cahmaerara. ⁴ ã jiro tiro “Masi pahñoriro jija”, niparota tíre ne masierara. ã masieraro, tuhutu masierariro yoaro seheta tuaro cahma sayo duara tiro. ã yoa Cohamacu yare ã nimacanoca sayorucuriro tjira. Masa tiro yoaro sehe jiina cahma sayoa, paina ti noano wahachu ñu tuhtia, cahma ñu duaeraa, noano mehne jierara. Tuhsu, painare ñano quitu dahre, masierapahta masare ñano ni tuhutura tina. ⁵ Tina ñaa dihtare tuhutuina, potocã jiare ne masieraina ã cahma sayorucuina jira. ã yoa “Cohamacu yare buhena niñerure wapatanahca mari”, ni tuhutura tina. ⁶ Mari ya mahanocã mari cjuaa mehne wahchena, Cohamacure ño

payona, to cahmano seheta yoana, potocāta noano jina nija. ⁷ Ahri yahparure masa bajuana ne paye barore na taerahi mari. Ā yoa mari yariari baharo wahana ne paye barore naa masieraja mari. ⁸ Ā jina mari chure mari suhti cūhure cūhana payere cahma namoena tjiijhna. Mari cūhuro purota wahchejihna mari. ⁹ Pache pua ji duainare watino űaare to yoa dutichu tina sehe jiape űaare yoarucuina jiboca. Ā yoaa tina payu tahari tuho masieraina seheta paye barore tuaro cahmaa, űaa yoaaare duhueraa, ti basita űano yūhdura. Ā duhueraa pichacapu wahaahca tina. ¹⁰ Niñerure tuaro cahmaa, jiape űaare yoa ducara masa. Cāina niñerure cahīa, tuaro cahmaa, Jesure wacū tua duhua, payu tahari űano yūhdura tina.

Cohamacu yare yoana űaare duhuga

¹¹ Mūhu pini Cohamacu yairota jira. Ā jicu ahri űaare yoi tjiga. Noaa sehere cahmaga. Cohamacu yare yoaga. Ā yoacu Jesure wacū tuaga. Painare cahīga. űano yūhdūpaihta cūno pjaga. Ā yoa painare noano dero yoaga. ¹² Surara cahmachero tuaro to yoiro sehetā, mūhu cūhu Cohamacure wacū tuacu to yare tuaro yoaga. Mūanopu ā jirucuhitiro cjihtore Cohamacu beseri jire mūhure. Ā jicu

Cohamacure mu wacū tu-aare payu masare noano yahuhre mūhu. Ā jicu űano yūhdūpaihta tirore wacū tua duhui tjiga. Mūanopu ā jirucuhitiro jiga. ¹³ Cohamacu jipihtinare, jipihtiare jichu yoiro jira. Jesucristo sehe Poncio Pilatore Cohamacu yare noano yahuriro jira. Ā jicu tina Cohamacu, Jesucristo cūhu ti űurocaroi ahrire mūhure yoa dutiitja: ¹⁴ Mūhure Cohamacu to dutirire yoa pahñonocahga. Jesucristo to tjua tahto pano masa mūhure űaare ti ne yahusāerahto cjihtore to dutirireta yoirocuga. ¹⁵ To quihōrioihta Cohamacu Cristore tjua tachu yoirohca. Cohamacu noiro, tiro dihta masare dutiro jira. Ā jiro jipihtina paina pūhtoa ti bui pūhtoro jiro jira tiro. ¹⁶ Tiro dihta ne yariaeriro jira. To si sitea mehne jiro jira. To si sitea cahapu waha masierara masa. Ā yoa tirore masa ne űerare. Mipū cūhure tirore űerara. Tiro sehere űo payojihna. Ā jina “Jipihtia dachoripe tuairo jira tiro”, nijihna tirore. Āta yoijihna.

¹⁷ Ahri yahpa macaina pache pūare ō sehe ni dutiga mūhu: “Painare yūhdūhūcaja”, ni ti basi tuhotuea tjiaro tina. Ti pache ti cūhaa pihtia wahaahca. Ā jia ti cūhaa dihtare wahchea tjiaro. Cohamacu sehere tuaro wahchejaro. Jipihtia pototi mari cahmaare woiro jira tiro. Tiro sehere wacū

tuajaro tina pache рѣа. ¹⁸ ã jia tina noaa sehere yoajaro pјíro noaare yoaina ti јihto sehe. ã yoa ti сјѣаare waina јјјaro. ¹⁹ Ti ã yoachѣ mѣanopѣ Cohamacѣ cahai ti ya јiahca. Ti ya tóрѣ јia, ne butisi. ã јia tóрѣ ã јirucuahca tina.

Paulo Timoteore duti ba-toaha

²⁰ Timoteo, mѣhѣre Cohamacѣ to cѣrre to buhe dutirre noano yoanohѣ. Voi ninohѣ mѣhѣ. Cãina masa Cohamacѣre cahmaeraina yoaro sehetá mahñoare, tѣho masieraina ya buheare durucurucura. ã durucua “Noano masiina ya buhea јira”, nimana tina. ã ti ni durucuaare tѣho nѣnѣi tјјiga. ²¹ Cãina tí durucuaare tѣho nѣnѣina Cristo yare cohãnocare. Cohamacѣ to cahĭa mehne mѣsare noano yoajaro.

2 Timoteo

Paulo Timoteore pari turi joarocaha

¹ Yũhũ Paulo, ahrire mũhũre Timoteore joarocaja tjoa. “Jipihtina Jesucristore wacũ tuaina mũanopũ ã jirucuahca” ni, cũre marine Cohamacũ marine yũhdũchũ yoariro. To ã ni cũrire yahuiltiro cjihtore yũhũre bese cũre Jesu. ã cũno Cohamacũ to cahmano seheta yoaro nire yũhũre. ² Mũhũ Timoteo yũ cahĩiro jira. Mũhũre Jesu yare yũ buhechũ tũhocũ tirore noano wacũ tua dũcare mũhũ. ã jicũ yũ macũ yoaro sehe jira mũhũ. ã jicũ Cohamacũ mari Pũca, mari pũhtoro Jesucristo mehne mũhũre noa dutija. ã yoa mũhũre pja ñna, cahĩa tina ti yoadohoa mehne noano jiga mũhũ.

Masare Cristo yare ti yahurire yahuha Paulo

³ Ñamirũ dachopũ cũhũre Cohamacũ mehne durucucũ mũ ya cjihtire sini payocũ mũhũ mehne wahcheja. ã wahchecũ Cohamacũre “Noana”, nija yũhũ. Panopũ macaina yũ coyea Cohamacũ yare ti yoariro seheta yũhũ cũhũ “Buhiri tija”, ni tũhoturo marieno mipũre to yare yoaja. ⁴ Sohõ jiri pjare yũ wahachũ mũ tii nũnũ tirire wacũcũ mũhũre tuaro ñũ duaja mũhũ mehne noano wahche duacũ. ⁵ ã jicũ Jesure potocãta mũ wacũ tuarire

wacũja yũhũ. Mũ ñũchocoro Loida, mũ poco Eunice cũhũ Jesure wacũ tua mũhtare mũ pano. ã yoa mipũre mũhũ cũhũ tirore mũ wacũ tuachũ noano masija yũhũ.

⁶ ã jicũ ahrire mũhũre wacũchũ yoa duaja. Mũ bui yũ wamomacarine yũ duhu payochũ Cohamacũ yare mũ yoahiti cjihtire tuaare ware mũhũre. Tĩ tuaa mehne yoa namoga mũhũ. ⁷ Cohamacũ marine Espĩritu Santore wari jire. ã jiro masare marine cuierachũ yoara Espĩritu Santo. ã yoaro tuaina, masare cahĩna, tũho masiina marine jichũ yoara tiro. ⁸ ã jicũ mari pũhtoro ya cjihtire painare yahucũ, bũo tiesũ tjiga mũhũ. Yũhũ to yare yũ yoari buhiri peresui jiri jija. Peresui yũ jichũ yũhũre bũo tisãi tjiga mũhũ. Wiho mejeta noaa buheare mũ buheri buhiri ñano yũhdũcũ “Noanohca”, niga mũhũ cũhũ. Mũ ã ñano yũhdũchũ Cohamacũ mũhũre yoadohorohca. ⁹ Cohamacũ sehe marine pichacapũ wahaborinare yũhdũchũ yoare. ã yoa noaina to yaina jihtina cjihtire tiro besea tiri jire marine. Mari noano yoari mehne besera tiri jire marine Cohamacũ. To mũ sũro to cahmariro seheta yoaro ahri yahpare to bajuamehnehto pano marine cahĩno, tiro marine besea tiri jire. Marine ã cahĩno marine yũhdũchũ yoahitirore Jesucristore warocari jire Cohamacũ. ¹⁰ Mipũre Jesucristore ma-

rine yuhduchu yoah tirore warocaro, marine potocãta to cahãare noano masichu yoaro niri jire Cohamacu. Jesu marine to yainare pichacaru wahaerachu yoare. Æ yoaro “Yuhure wacũ tuana Cohamacu mehne ã jirucunahca” nino, buhriaro marine to ñu masichu yoaro seheta noaa buheare marine masichu yoaro tari jire tiro.

¹¹ Tí buhea noaa buheare yahutiro cjihtore to cũhtiro cjihtore besea tiri jire yuhure. ¹² Æ to beseriro jicu mipure ñano yuhduja yuhu. Õ sehe ñano yuhdupacuta yuhu buo tieraja. Yu wacũ tuarirore Jesure masija yuhu. Tuariro jira tiro. Æ jiro yuhure to yare buhe duti cũno noano yoadohorohca yuhure. Æ yoa ahri yahpamu to tjua tahto pano, “Muhure yuhduchu yoaihtja”, to niriro seheta sohtori tiarohca yuhure. Yuhure yuhduchu yoarohca tiro. Tíre noano masija.

¹³ Muhure noano yu yahurire yoa pahõoga. Cristo Jesu yaina jina tirore noano wacũ tuaja mari. Æ yoa painare noano cahãja. Æ jicu tirore ã wacũ tuarucuga mahu. Tuhsu, painare noano cahãrucuga. ¹⁴ Espiritu Santo mari mehne jiriro to yoadohoro mehne noaa buheare noano yoaga. Quihõno buhega. Soro ni buhecu tjiga.

¹⁵ Jipihtina Asia yahpa macaina Jesu yaina yuhure yoadoho duaeraa cohã wahcãa wahare. Tina mehne macaina pãaro Figelo,

Hermógenes ãta yoare tina cũhu. Ti ã cohã wahcãrire masi tuhsura mahu. ¹⁶⁻¹⁷ Ti ã cohãpachuta Onesíforo sehe payu tahari yuhure yoadohoro noano yajeri sãachu yoare. Æ yoaro peresui yu jichu tiro yuhure buo tisãaerare. Æ jiro Romai yu jichu ã macarucuri jire yuhure. Æ macarucuro yuhure bocare. Æ jiro tirore, jipihtina to ya wuhu macaina cũhure pja ñanohca Jesu mari puhtoro. To ã yoah to sehe tirore sini payoja. ¹⁸ Æ yoa ahri yahpamu Jesu mari puhtoro to tjua tahti dachoi tirore pja ñanohca. To ã yoah to sehe tirore sini payoja. Efesoi payu tahari yuhure to yoadohorire noano masina mahu.

2

Ñano yuhduparota Jesu yairore cãno pjaro cahmana

¹ Muhu sehe yu macu yoaro sehe jiriro, Jesucristo marine noano yoariro to yoadohoro mehne tirore wacũ tuarucuga. ² Æ yoacu payu masare yu buherire mu tuhõore paina cũhure buhega mahu. Tina mu buheina Cohamacu yare yoarucaina jijaro. Æ jia painare buhe turaina jijaro.

³ Surara ñano yuhduparota to cãno pjariro seheta mahu cũhu Jesu yairo jicu ñano yuhducu cãno pjaga mahu. ⁴ Surara to puhtoro dutia sehere yoara tirore wahchechu yoaro taro. Æ yoaro tiro surara jieraina yoaro sehe

wiho jiare yoerara tiro. (Muhu cūhu tó seheta Cohamacu dutia dihtare yoaga.)
 5 Murocaperiro muroca dutiina ti dutiare quihōno yoeraro to muroca yuhdari wapare na masierara. (Ā jicu murocaperiro ti dutiare quihōno to yoariro seheta Cohamacu dutiare quihōno yoa pahñoga muhu.)
 6 Ā yoa wese dahrariro wapu tiro mehne noano dahrariro sehe ti wese maca dichare noano na mahta, noano wapatarā. (Ā jicu muhu cūhu tiro yoaro sehe Cohamacu yare mu noano yoachu tiro mahure noano yoarohca.)
 7 Jipihtiare noano masichu yoarohca Jesu mari puhtoro mahure. Ā jicu mipure mahure yu nirire noano wacū tūhotuga.

8 Ā jicu Jesucristore wacūga. Tiro puhtoro Davi cjiro panopu macariro to panamino ji turiariro jia tiri jire. Ā jiro yariaro masa mujari jire tiro. Noaa buheare buhecu to ā waharireta buhei nija.
 9 To yare buhecu ñano yuhduja yuhu. Ā jicu tīre yu buheri buhiri ñaare yoariro yoaro sehe peresupu jija yuhu. Yu ā jipachuta Cohamacu ya durucuaire buhe duhuchu yoa masierara masa.
 10 Ā yoa Cohamacu to beserinare buhecu payu tahari ñano yuhduja yuhu, tina cūhu Jesucristo yaina ti jihti cjihtire. To yaina jia tina pichacapu wahaborina sehe to yuhduchu yoahcina jahca. Ā jia tina Cohamacu mehne ā

jirucuahca.

11 Ahri yu yahuhti potocā tjira: Cristo crusapu to yariariro seheta wahana, yariaina ti yoaare ti duhuriro seheta mari ñaa yoarire mari duhuna, Cristo mari mehne macariro ā jirucurohca.

12 Ā yoa to yare mari yoari buhiri ñano yuhdupanahta cāno pjana puhtoro to saho jiropure tiro mehne puhtoata jinahca mari cūhu.

“Cristore sã masieraja”, mari nichu, tiro cūhu marine āta ninohca.

13 Tirore mari yuhduwacachu ñano to niriro seheta marine yoarohca.

To niriro seheta yoariro jira tiro.

Ne mahñoerara tiro.

Cohamacu to ñu ji coainare, to yare buheinare yahuha Paulo Timoteore

14 Ahrire muhu mehne macainare wacūchu yoaga. Ti mu sūro durucu ti yuhduwaca yaba cjihti jierara. Ā jia tinare tūhoinare ñano yoachu yoaa, tinare dojomehnena. Ā jicu mari puhtoro to ñurocaroi ō sehe ni yahuga tinare. “Ā ni durucuena tjiga musa”, niga tinare.
 15 Muhu sehe Cohamacu yare noano buhega. Ā yoa Cohamacu yare tuaro yoaga. Mu ā yoachu ñano “Noano yoare muhu”, ninohca Cohamacu mahure. Ā jicu mu buherire

to ñachũ buo tisi mũhũ. Ā jicũ to buheare noano masiga mũhũ. Tíre quihõno buhega. ¹⁶ Ti mũ sũro durucu yũdũrũcaina ñaare ā yoarucu, Cohamacũ yare yoerara. Ā jicũ ti ā ni durucuaire ā ñũnocahga. Tinare tũhoi tjiga mũhũ. ¹⁷ Tina ti durucua sehe camino to ñano baa mũjano yoaro sehe jira. Camino to ñano baa mũjano sehetu ti durucua cũhũ paina Jesu yainare ñaina wahachũ yoahca. Ā durucuina mehne macaina Himeneo, Fileto cũhũ jira. ¹⁸ Tina “Jesu yaina masa mũja tuhsũhre”, ni buhea, noaa buheare duhunocahre tina. Ā soro buhea cãina Jesu yainare tirore wacũ tua duhuchũ yoahre tina. ¹⁹ Ti ā ñano buhepachũta Cohamacũ ya buhea sehe ne cohtotaerara. Ō sehe nina to buhea: “Mari pũhtoro Jesu to yainare masina”, nina. Ā yoa ō cũhũre nina: “Jipihtina, ‘Jesu yaina jija’, niina ñaare duhunocajaro”, ni yahura Cohamacũ ya buhea.

²⁰ Mari piti dahre buhechũ masa pja wahwari yoaro sehe jira. Pjiri wũhũi uru, plata mehne ti yoaa wahwari jira. Tuhsũ, tí wũhũi paye wahwari yucũca mehne, dihi mehne ti yoaa wahwari jira. Uru, plata mehne ti yoaa wahwari noaare ti posahti jira. Paye wahwari wiho jiare ti posahti jira. ²¹ Ā yoa ñaare yoerariro uru wahwa noari wahwa yoaro sehe jirohca. Ā jiro

tiro sehe Jesu ya dihtare yoarucuriro jirohca. Wũhũ pũro noari wahwa mehne noaare to yariro sehetu, ñaare yoerariro Jesu ya cjihtire noaare yaroahca.

²² Wahmũno jira mũhũ. Ā jicũ wahma yapia ñaare goa pja ti yariro sehetu yoai tjiga mũhũ. Ā jicũ noaare yoaga. Jesure wacũ tuarucuga. Tuhsũ, tirore, masa cũhũre cahĩga. Ā yoa mũhũ mehne macaina Jesu yaina mehne jicũ cahmacheno marieno noano jiga mũhũ. Tina Cohamacũre yũhtiina tirore sinirucuina cũhũ āta yojaro. ²³ Ā jicũ tũhoturo marieno ti durucu yũdũrũcaare mũhũ cũhũ tũho nũnũi tjiga. Tuhsũ, mũhũ cũhũ durucu yũdũrũcai tjiga. Ā durucu yũdũrũcaa masa ti basi cahma suara. ²⁴ Cohamacũre dahra cohtarirore durucu yũdũrũcaeraro cahmana. Ā yoa jipihtinare noano yariro, buhe mihniro, dóicãta suaerariro tirore jiro cahmana. ²⁵ Ā jiro paina tiro mehne ti durucu yũdũrũcachũ tiro tinare yahuro noano mehne suaro marieno yũhtiro cahmana tirore. To ā yũhtichũ ñũa Cohamacũ to yoadohoa mehne tina sehe ti ñaa yoaare cahyaboca. Ā jia noaa buheare masi dũcaboca. ²⁶ Tinare watĩno sehe peresu yoaro sehe jiinare cjuamare to cahmaare yoahina cjihtire. Ā jia quihõno ti tũhoturi baharo noaa

buheare masia, watĩnore
cohãnocaaħca.

3

*Pihtiri dacho cjihtore
yahuha Paulo Timoteore*

¹ Pihtiri dacho panocãre
ñano yũhdũahca masa. Tĩre
noano masiga mũhũ. ² Tĩ
pjare masa painare wacũ
payoeraina, niñerure cahma
yũhdũũcaina, “Painare
yũhdũũcaja”, ni ti basi
tũhotuina, tĩre painare
ã ni yahurucuina, Co-
hamacũre ñano durucuina,
ti pũcũsmare yũhdũũcaina,
ti wapachũta “Noana”,
nieraina, Cohamacũre ño
payoeraina jiahca. ³⁻⁴ ã
jia masare cahĩeraina, paina
mehne sua, tĩre bo duaeraina,
ñaa quiti dahreina, ti mũ sũro
ñano yoarucuina, masare ã
cjãrucuina, noaare ñũ yabiina,
tina mehne macainare ñano
yoaina, tũhotua marieina,
“Masi pahñoina jija”, ni
tũhotuina jiahca masa. Tina
ñaare ti goa pjaare yoa ji
coaina jia Cohamacũ sehere
cahmaeraina jiahca. ⁵ ã
jia tina masa ti ñũrocaroi
Cohamacũre ño payopahta
“Cohamacũ wiho jiro jira”,
ni tũhotumana tina. ã
niinare piti tii tjiga mũhũ.

⁶ Tina mehne macaina tũho
masieraa numia ya wũhũsei
sãa, tĩ numiare mahñoare
buhera. Tĩ numia sehe
ã ñaare yoarucua numia,
tuaro ñaare yoa duara. ⁷ Tĩ
numia wiho jia buheare ã
buherucua numia jia, soro
jia buheare tũhoa numia jia,

Cohamacũ ya buhea sehere
ne masierara. ⁸ Panopũ Jane,
Jambre yaya jirina Moise
cjirore ti ñũ tuhtiro sehera
pihtiri dacho panocã jiina
masa noaa buhea sehere ñũ
yabiahca. Tina ñaa dihtare
tũhotuina jiahca. ã jia
Jesure wacũ tuaina waro
jierara. ⁹ Tó sehe yoaina
mahñoa bihosi. Baharo ti
mahñoare tũho masieraina
ti jia cũhũre jipihtina masi-
ahca. Jane, Jambre mehne
ti mahñoare panopũ masa ti
masiro sehera ãta masiahca
pihtiri dacho panocã jiina ti
mahñoare.

*Paulo Timoteore duti ba-
toaha*

¹⁰ Yũ buheare, yũ yoaa
tiare, yũ jia tiare, Jesure
yũ wacũ tuaare masina
mũhũ. Yũ ã jiro jichũ, suaro
marieno yaro yũ jichũ,
masare cahĩro yũ jichũ,
ñano yũhdũpaihta yũ cũno
pjachũ masina mũhũ. ¹¹ ã
yoa yũhũre ti ñano yoare,
yũ ñano yũhdũare masina
mũhũ. Antioquai, Iconioi,
Listrai yũhũre ñabiaro ti yoi
cũhũre masina mũhũ. Yũ ã
wahachũ ñũno mari pũhtoro
Jesu sehe yũhũre yoadohore.
¹² Jipihtina Jesucristo yaina
ti ji duachũ Cohamacũ to
dutihiro sehera ti yoi
duachũ paina tinare ñano
yoaahca. Tĩ potocã tjira.
¹³ Ñaina sehe mahño buheina
cũhũ ñabiaina wahaahca.
Painare mahñoa, ti basi cũhũ
mahñoare tũhoa, ãta ñabiaina
wahaahca.

¹⁴ Mũhũ sehe mũhũre
yũ buherire, noano mũ

tuhorire ã wacũrucuga. Æ jicu yu buheriro seheta yoaga. Mũhũre buherinare masina mũhũ. ¹⁵ Mũhũ wihãriro jicũputa Cohamacũ yare ti joari pũre masi dũcari jire. To yare ti joari pũi õ sehe ni yahura mũhũre: “Jesucristore wacũ tuaina dihtare pichacũ waha-borinare yũhdũchũ yoara Cohamacũ”, ni yahura mũhũre. ¹⁶ Cohamacũ yare ti joari pũi jipihtiare Cohamacũ sehe joa dutia tiri jire. Æ jina tí pũre buhena mari masi namoja. Tí pũre buhena Cohamacũ dutiare mari yoahire masija. Æ buhena mari ñaa yoirire “Ahri ñaa jica”, ni tuhutuja mari. Æ jiro tí pũ marine noaa sehene cohtota dutira. Æ jiro dachoripe mari noaare yoirucuti cjihtire yahura tí pũ. ¹⁷ Cohamacũ yairo to ya pũre buhero, masi pahñonohca. Æ masino jipihthia noaare yoa masinohca tiro.

4

¹ Jesucristo jipihtina bui pũhoro, tjua tahtiro, catinare, yariaina cũhũre buhiri dahre dutihtiro to ñũrocaroi mũhũre õ sehe ni yahuihtja. Cohamacũ cũhũ to ñũrocaroi õ sehe ni yahuihtja mũhũre. ² Dachoripe masa ti tũho duachũ ti tũho duaerachũ cũhũre Cohamacũ yare yahuga. Æ yahucũ masa ti ñaa yoiri buhirire masichũ yoaga tinare. Æ yoa ti ñaa yoirire “Yoa namoena tjiga”, ni yahuga tinare. Noaa

sehene yoa dutiga. Æ buhecũ ne suaerariro, pumerariro jiga mũhũ. Æ jicu ne painare buhe duhui tjiga. ³⁻⁴ Baharo, pa tehepũre masa noaa buheare tũho duasi. Æ tũho duaeraa ti cahmano seheta yoaa, ti tũho ji coaa dihtare buheinare cahmaahca tina. Æ jia mahñoa buheare payũ buheinare cjuahca. Tina Æ yoaa noaa buhea sehene cohã, Æ ti buhemacanocarire tũho nũnũahca. Æ jicu noaa buheare buhe duhui tjiga mũhũ. ⁵ Mũhũ cũhũ Æ jicu dachoripe tũho masiriro jiga. Ñano yũhdũpaihta cãno pjaga. Æ yoacũ noaa buheare Æ buherucuga. Cohamacũ mũhũre to yoa dutirire yoa pahñonocahga mũhũ.

⁶ Yũhũ Cohamacũ yare yu yoiri buhiri yu yariahto mahanocã dũhsara. Æ jicu mahaa dachoricã catisinihca. Æ jicu mipũre mũhũre dutija. ⁷ Yũ yariahto panocã ahire yahuihtja: Jesu noaa buheare yũhũre buhe dutiro to cũrre noano buhe sohtori tihĩ. To dutiare noano yoa pahñonocahi. Æ jicu ñano yũhdũpaihta tirore ne wacũ tua duhuerahi. ⁸ Mipũre Cohamacũ yare yu yoiri wapare mũanopũ wihboronica. Æ jiro mari pũhoro buhiri dahre dutiro quihõno yahuriro to tjua tahti dachoi to yare yu yoiri wapare warohca yũhũre pũhoro to pisari soro uru mehne ti yoiri sorore yũhũre to waboriro seheta. Paina cũhũre

to tjua tahtore cohtainare tirore cahĩnare to yare ti yoari wapare warohca Jesu.

Paulo yahu namoha Timoteore

⁹ Y_H cahap_H cjero ñhi taga m_HH_H. ¹⁰ Dema ahri yahpa macaa jipihtiare tuaro cahmano y_HH_Hre yoadoho du-aeraro y_HH_Hre cohã wahcãa wahahre Tesalónicap_H. Crescente cãh_H Galacia yahpap_H wahahre. ã yoa Tito Dalma-ciap_H wahahre. ¹¹ Luca dihta y_HH_H mehne jira. Marco y_HH_Hre noano yoadohohtiro jira Cristo yare y_H buhech_H. ã jic_H tirore na tahga m_HH_H. ¹² ã yoa Tíquicore Efesop_H warocahi. ¹³ Õp_H tac_H, y_H bui sãari suhtirore, Troai Carpo ya w_HH_H y_H cãri suhtirore na tahga. ã yoa sohõ jia tjuri joaa tjuri cãh_Hre na tahga. Sohõ jia cahsari joaa cahsari pinihtare tuaro cahmaja y_HH_H. ã jic_H tí cahsari cãh_Hre na tahga.

¹⁴ Alejandro comaare dahrariro y_HH_Hre ñabiaro yoare. ã jiro to ã yoari buhiri Cohamac_H tirore buhiri dahrerohca. ¹⁵ Tiro Alejandro mari buheare tuaro ñ_H yabire. ã jic_H tiro m_HH_Hre “Ñano yoari” nic_H, tirore ñ_Hc_H noano wacũ masiga.

¹⁶ Masare beserirore peresu yoa dutirirore y_H yoarire, y_H buheri cãh_Hre tirore y_H coã yahuch_H ne cãiro baro Jesu yairo y_HH_Hre yoadohoerare. Jipihtina y_HH_Hre yoadohoeraa cohã

wahcãa wahahre. Ti ã cohãpach_Hta y_HH_Hre ti cohãri buhiri Cohamac_H buhiri dahrero tjijaro. ¹⁷ Y_H ã wahapach_Hta Cohamac_H y_HH_Hre yoadohohre. ã jiro to buheare y_H noano yahuhti cjihtire to tuaare wahre y_HH_Hre, jipihtina judio masa jieraina tí buheare ti tãhohti cjihtire. ã jiro y_HH_Hre ñano ti yoa duapach_Hta y_HH_Hre ti wajãborirore y_HH_Hch_H yoare mari p_Hhtoro suaina yayare y_HH_Hre to y_HH_Hch_H yoaboriro seheta. ¹⁸ Jipihtina y_HH_Hre ñano yoainare y_HH_Hrcaro, y_HH_Hre yoadohorohca mari p_Hhtoro. ã jiro m_Hanop_H p_Hhtoro to saho jiro p_H y_HH_Hre ji dutiro y_HH_Hre y_HH_Hch_H yoarohca tiro. ã jina “Tiro noa y_HH_Hariro, tua y_HH_Hariro jira”, nijihna mari jipihtia dachoripe. ãta nijihna.

Paulo noa dutiha Timoteo cahaijinare

¹⁹ Prisca, Aquila, Onesíforo ya w_HH_H macaina cãh_H noajaro. ²⁰ Erasto Corintoi tjuahre. Tróximo Miletoi dohatia wahahre. ã jic_H tirore tói cãhi y_HH_H. ²¹ Puhiro pano cjero taga m_HH_H. Eubulo, Pudente, Lino, Claudia cãh_H, jipihtina paina Jesu yaina mehne m_HH_Hre noa dutira.

²² Mari p_Hhtoro Jesucristo m_HH_H mehne jirohca. ã jiro Cohamac_H to cahã mehne m_Hsare jipihtinare noano yoajaro.

Tito

Paulo Titore joarocaha

¹ Yuhũ Paulo Cohamacũre dahra cohtariro, Jesucristo yare buhe dutiro to cũriro jija. Cohamacũ to beserina Jesure ti wacũ tuahti cjihtire noaa buheare ti masihti cjihtire Jesu buhe dutiro yuhũre cũre. Tí buhea Cohamacũ to dutiro seheta mari yoah tire yahura.

² Ā jicũ jipihtia dachoripe Cohamacũ yaina mũanopũ ti jirucuhto cãhũre buheja tinare. Cohamacũ ne mahñoa marieriro ahri yahpare to bajuamehnehto pano õ sehe ni cũa tiri jire marine: “Mũanopũ ã jirucunahca”, ni cũa tiri jire marine. ³ Ā jiro to quihõri pjai Cohamacũ to ni cũrire yahu dutire masare. Tó seheta yuhũre ni yahu dutire tiro. Marine pichacapũ wahaborinare yuhdoriro jira tiro. ⁴ Mũhũre Titore Jesu yare buhei. Yũ ã buhechũ tãhocũ Jesure wacũ tua dũcare mũhũ. Ā jicũ mũhũ potocãta yũ macũ yoaro sehe jicũta nina. Mũhũre ahrire joarocai nija. Cohamacũ mari Pũcũ mehne, Jesucristo marine yuhdoriro mehne mũhũre noa dutija. Mũhũre pja ñua, cahña ti yoadohoa mehne noano jiga mũhũ.

Creta wama tiri nũcoi Tito to yoah tire yahu quihõha Paulo

⁵ Creta wama tiri nũcoi mũhũre yũ cũchũ Jesu yaina ti buhehto cijhto dũhsasinire

tí pjare. Ā jicũ ti yoah tire yahuh tiro cjihtore cũi yuhũ mũhũre. Ā yoa macaripe macaina Jesu yaina pũh toa cjihtire bese duticũ cũi mũhũre. ⁶⁻⁸ Tina pũh toa Cohamacũre dahra cohtaina jira. Ā jicũ tinare besecũ noainare besega soro yoerainare. Ā besecũ, cãa numiata namo tiinare, “Painare yuhdũrucaja”, ni tãhotuerainare, suaerainare, cahaerainare, cahmacherainare, paina yare mahñoa mehne tuaro ña duaerainare besega. Ā besecũ ti wuhũsere sãa sũinare noano ñũ wi-hboinare, noaa sehere noano ji coainare, tãho masiinare, noaare yoarucuinare, ñaa marieinare, ñaare yoerainare, caparo marieno dahrainare besega. Ā yoa mũ besehtina pohnare õ sehe jiina jiro cahmana: Jesure wacũ tuaina, noano yoarucuina, jipihtinare noano yũhtiina jiro cahmana pũh toa pohnare. ⁹⁻¹⁰ Ā yoa noaa buheare quihõno mari buherucuriro seheta ne duhueraina jijaro pũh toa mũ besehtina. Ā jia tina noaa buheare yahuina jiahca paina tí buhea mehne ti wahchehto sehe. Ā yoaa noaa buheare ñũ yabiinare buhea, ti ya mahñoa ti jichũ masichũ yoaaahca tina. Ā jicũ noano besega Jesu yaina bui pũh toa jihtinare.

Payũ ti pũh toare yuhdũrucaina, noano tãhotu durucueraina, mahñoina jira mipũre. Ā

yoaina judio masa pinihta ñabiaro yoaa nina. Ti ya buhea ti potocã jierachũ tinare masichũ yoaro cahmana. ¹¹ Tina judio masa sehe niñerure wapata duaa mahño buhera. Ñ yoaeraro cahmana tinare. Ñ buhea cãa wuhũse macainare jipih-tinare Cohamacũ ya sehere cohãchũ yoaa nica tinare. Ti ã yoachũ tinare ã yoa dutieraro cahmana.

¹² Ti yare panopũ yahuriro tina mehne macariro jiparota õ sehe ni yahuri jire: “Creta nũco macaina ã mahñorucuina jira. Tina nũcu macaina wahiquina yoaro sehe suaina jira. Ñ yoa ã chũrucuina jia ne dahra duaeraa, capa bujuina jira”, niri jire tiro to ya nũco macainare. ¹³ To ã nia potocã tjira. Ti ã jichũ ñũcu tinare tuaro tuhtiga Jesu ya buhea sehere noano ti masihtõ cjihtore. ¹⁴ Ñ jicu judio masa panopũ macaina ti mũ sũro ti nimacanocari cjiire, Jesu yare potocã jiare cahmaeraina ti dutia cũhũre Creto macaina ti tũho nunũerahtõ cjihtore tuhtiga tinare.

¹⁵ Buhiri marieina noa dihtare tũhotura. Ñaare yoarucuina, Jesure wacũ tuaeraina sehe ñaa dihtare tũhotura. Tina ti tũhotua sehe ñaa yũhdũara. Ñ jia noa sehere bese masierara.

¹⁶ Tina “Cohamacũre masija sã” nipahta, ñaare yoara. Ñ yoaina ti jichũ ñũna Cohamacũre masieraina ti jichũ masija mari. Ñ jia tina

ñaa yũhdũaina, Cohamacũ yare yũhdũũcaina jira. Ne noaare yoaa masierara.

2

Noa buheare quihõno yahu dutiha Paulo Titore

¹ Mũhũ sehe buhecũ noaa buhea ti nino sehetã noano buhega. ² Bũcũnare õ sehe ni yahuga: Cua pisaina, masa ti ño payoina, tũho masiina, Jesure noano wacũ tuaina, Jesure, masa cũhũre cahũina, ñano yũhdũpahta cãno pjaina jijaro tina. ³ Bũcũ numia cũhũre ãta ni yahuga: Cua pisaa numia, Cohamacũre ño payoa numia, ñaa quiti dahrera numia, cahaera numia jijaro tí numia cũhũ. Ñ jia numia jia, noaare buhejaro paye numiare. ⁴⁻⁵ Paye numiare õ sehe ni buhejaro bũcũ numia: Ti manũsumare, ti pohna cũhũre ti cahũhtore, tũho masia numia, paina mũa mehne ñano yoaeraa numia, cũ wuhũ macaina jiina noano ñũ wihboa numia, masa noaa numia, ti manũsumare noano yũhtia numia ti jihtore buhejaro tí numia Cohamacũ ya buheare paina ti dojomehnerahtõ sehe.

⁶ Ñ yoa wahma yapia cũhũre õ sehe ni yahuga: Tũho masiina jijaro tina. ⁷ Mũhũ sehe noaa dihtare yoarucuga mũhũre ti ñũ cũhtõ sehe. Buhecũ ne mahñõno marieno buhega. Ñ buhecũ cua pisaro mehne buhega mũhũ. ⁸ Ñ buhecũ noano tũho masino mehne

noano buhega ne paina “Ahriro ñano yoaro nina” ni, m̄h̄are ti yahus̄erahto sehe. M̄ ã buhech̄ ñ̄a marine ñ̄ tuhtiina jipahta marine wiho warota yahus̄ã masierara. Marine wiho waro ã yahus̄ãmacanoca buoro wahaahca tina.

⁹ ã yoa dahra cohtainare õ sehe ni yahuga: Ti p̄htoare noano ȳhtiina jijaro. ã jia ti p̄htoare noano wahchech̄ yoajaro. ã dihta yoajaro. ã jia ti p̄htoare pur̄no ȳhtiea tjijaro. ¹⁰ ã yoa ti p̄htoa yare yacaea tjijaro. Tuhs̄, noaina, ti p̄htoa dutiare quih̄no yoarucuina jijaro. ã noano ȳhtiina ti jich̄ ñ̄a Cohamac̄ marine ȳhdoriro to buheare t̄ho ji coahca paina.

¹¹ Masare to cah̄are Cohamac̄ masare ño tuhs̄are. ã cah̄no jipihtina pichac̄p̄ wahaborinare Cohamac̄ tuaro ȳhdo duara. ¹²⁻¹³ Masare ã cah̄no Cohamac̄ marine õ sehe ni buhera: Cohamac̄ ñ̄ yabiare, ñ̄a goa pjaare duhunoca dutira marine. Cohamac̄ tuariro, Jesucristo marine ȳhdoriro to si siteare mari ñ̄hti dachore, noari dachore mari cohtana nija. ã jiro mari cohtari dacho panoi t̄ho masiina, noare yoarucuina, Cohamac̄ cahmaare yoarucuina, marine ji dutira Cohamac̄. ¹⁴ Tiro Jesucristo mari ya cjihtireta yariari jire jipihtia mari ñ̄a yoare duhuch̄ yoaro taro marine to yaina wahach̄ yoaro

taro. Mari ñ̄a yoari cjirire to ã coh̄ch̄ mari ñ̄a yoari buhiri marieina jinahca. ã jina tuaro noare yoa duaina jinahca.

¹⁵ Ahri jipihtiare tí n̄co macainare Jesu yainare buhega m̄h̄. Ti p̄htoro jinocaita nina m̄h̄. ã jic̄ tinare yahuga. Ti ñ̄are yoach̄ ñ̄ch̄ yahuga tinare. Jipihtina paina m̄h̄are ño payoa mehne ȳhtijaro.

3

Jesu yaina ti yoahiti cjihtire yahuha Paulo

¹ Õ sehe ni yahuga tó macaina Jesu yainare: Ti p̄htoare paina tinare dutiina c̄h̄are noano ȳhtiina jijaro. Jipihtia noare yoahitina jijaro. ² ã yoa painare ne ñ̄ano quiti dahrea tjijaro. ã jia masa noaina, jipihtinare ño payoina jijaro.

³ Panop̄are mari c̄h̄ t̄ho masieraina, ȳhd̄uc̄aina, mah̄noare t̄ho n̄n̄ina, ñ̄are yoa ji coaina, t̄re goa pja duhu masieraina, dachoripe ñ̄are yoarucuina, paina ti c̄h̄are cjoina jia timai mari c̄h̄. ã yoa marine paina ñ̄ tuhtire. Mari c̄h̄ tinare ñ̄ tuhtimai. ⁴⁻⁵ ã jirina cjiri mari jipach̄ta Cohamac̄ marine pichac̄p̄ wahaborinare ȳhd̄uch̄ yoare. ã ȳhd̄uch̄ yoaro to noariro jiare, masare to cah̄a c̄h̄are marine ñono nire tiro. Noano mari yoari mehne ȳhd̄uch̄ yoerare marine. Marine pja ñ̄no mari ñ̄a yoari buhirire

cosaro, Espíritu Santo mehne marine yúhdúchú yoare. ã yoaro marine to pohna wahachú yoare. ã to yoachú Espíritu Santo sehe noaina mari jihtina cjihtire cohtotachú yoare marine. ⁶ Jesucristo marine yúhdúchú yoariro to yaria masa mújaa mehne Cohamacú to yairo Espíritu Santore ware marine pjíro to tuaa mehne marine yúhdúchú yoah tiro cjihto. ⁷ Marine cahíno, marine noano yoa duare. ã yoa duaro tiro to yairo Espíritu Santore marine ware ñaa buhiri marieina mari jihto cjihtore, múanopú mari ã jirucuhto cjihtore. Mari ã jirucuhtore masina, tíre cohtana nija.

⁸ Tí yú niri potocáta jira. ã jicú tíre yú ní joariro seheta masare buhecú tí dutiare yoa pahño dutiga múhú. ã jicú Cohamacúre wacú tuainare tíre buhega noaare tí noano yoah to cjihtore. Ahri yú ní buheri noaa buhea jira. ã jia jipihtina masa ahri buheare tí túho núnúchú wího waro jierara. ⁹ Paina tí durucua sehe yaba cjihti jierara. ã jia masierapahta tí ní yúhdúrcáare mú túho núnúchú yaba cjihti jierara. ã jia tí coyea panopú macaina tí jia tiare tí ní yúhdúrcáare, Cohamacú Moise cjirore to dutirire tí ní yúhdúrcáare tí jipihtiare noano mú túho núnúchú yaba cjihti jierara. ã jicú tíre túho núnú tíjiga.

¹⁰ Músa mehne macariro

ã ní yúhdúrcariro músare cahma tíj wachú to yoachú ñúcú “Yoai tíjiga”, níga tírore. Púta taha tíre tírore mú yoa dutierari baharo to yúhtierachú ñúcú tírore píti tiecú tíjiga. ¹¹ Tó sehe yoariro ñaa dihtare goa pjarucuriro jira. To ã jichú ñúna to ñariro to jichú masija mari.

Paulo duti batoaha

¹² Nicopolipú puhiro puro jíi tai nija. ã jicú Artemare o Tíquicore mú cahapú yú waroca múhtachú yú warocahtiro tópuré to súchú, Nicopolipú yúhúre píti bocaga múhú tiro mehne. ¹³ ã yoa dutiare noano mihnírore Zena wama tírore, Apolo cúhúre noano yoadohoga tí wahahto cjihtore. ã yoacú tí cahmaare jipihtiro tinare waga “Paye baro dúhsari”, nícú. ¹⁴ ã jia Jesu yaina mari mehne macaina noaare yoapojaro paye barore dúhsainare tí yoadohohto sehe noaare yoarucuina tí jihto sehe.

Paulo noa dutirocaha Jesu yainare

¹⁵ Jipihtina yúhú mehne macaina múhúre noa dutira. Tóí jíina Jesu yaina sáre cahína noajaro. Cohamacú to cahía mehne músare jipihtinare noano yoajaro.

Filemón

Paulo Filemo wama tirirore joarocaha

¹ Yuhũ Paulo, Jesucristo yairo yũ jiri buhiri peresupũ jija. Yuhũ, mari coyeiro Jesu yairo Timoteo mehne mũhare Filemore joarocaja sã. Mũhũ sã cahĩriro Cristo yare sã mehne dahradohoriro jira mũhũ. ² ã jina Jesu yaina mũ ya wũhũ cahmachuina cũhare joarocaja sã. Mari coyeacoro Jesu yacoro Apia cũhare joarocaja sã. Arquipo cũhare joarocaja sã. Arquipo sehe sã yoaro sehe Cristo yare yahuriro jira. ³ ã jina Cohamacũ mari Pũcũ, mari pũtoro Jesucristo mehne mũsare noa dutija. Cohamacũ to macũno mehne ti cahĩa mehne, ti yoadohoa mehne noano jiga mũsa.

Filemo painare to cahĩare, Cristore to wacũ tuaare yahuha Paulo

⁴⁻⁵ Yũ coyeiro Jesu yairo Filemo, Cohamacũre mũhare sini payocũ mũhare wacũcũ “Noana”, nija tire. Cristore mũ cahĩchũ, tire mũ wacũ tuachũ, paina Cohamacũ yainare mũ cahĩchũ tũhorocahi yũhũ. ã jicũ Cohamacũre “Noana”, ni wahcheja. ⁶ Cristore mari wacũ tuana cũno potori to yaina jina nija mari. ã wacũ tuaina jina, Cristore mari noano cahĩna, pjĩro noaare cũanahca mari. Tĩre mũsa noano masihto sehe

sini payoja Cohamacũre. ⁷ Coyeiro, mipũre painare mũ cahĩchũ tũhocũ wahcheja yũhũ. Jipihtina Cohamacũ yainare noano wahchechũ yoayuhti mũhũ. Mũ ã yoachũ tũhocũ wahcheja yũhũ.

Paulo Onésimo ya cjihtire sini payoha Filemore

⁸⁻¹⁰ ã jicũ mipũre Onésimore mũhare dahra cohtarirore mũ yohtire mũhare sini payo duaja. Peresupũ yũhũ mehne to jichũ Cristo yare yahuri yũhũ tire. Tĩre tũhorũ Cristore cahmahre tiro. ã yoaro tiro Cohamacũ yairo wahahre. ã waharo yũ macũ yoaro sehe jiriro jira. ã jicũ yũhũ Paulo bũcũro jicũ Cristo yare yũ buheri buhiri peresui jicũ mũhare yahurocaihtja Onesimore mũ yohtire. Cristo buhe dutiro to cũriro jija yũhũ. ã jiriro jicũ tire mũ yohtire dutiboa yũhũ. ã jiriro jipaihta mũhare dutisi yũhũ. Cahĩa mehne mũhare yahurocaihtja tó purota.

¹¹ Cristo yairo to jihto pano Onésimo mũhare dahra cohtariro jiro yaba cjihti jierasini jire. Mũhare noano yoadoho masierasini jire. Mipũ pinihtare tiro mũhare, yũhũ cũhare noano yoadoho masiriro jirohca. Mipũre Cristo yairo jiro wiho jiriro waro jierara. ¹² ã jicũ mipũre tire mũhare waroca tjiu nija. ã jicũ tire noano piti bocaga mũhũ. Tire

tuaro cahija. ¹³ Noaa buheare yu buheri buhiri peresupu yu jiro watoi tirore yuhare yoadoho dutiboa yuhu tirore warocaeracu. Yuhu mehne tjua dutiboa yuhu. Muhu sehe yuhare mu yoadoho masierachu tiro sehe yuhare yoadohoriro tjuaboa, tirore warocaeracu. ¹⁴ Yuhare yoadohoriro to jipachuta tirore mähare waroca tjua. Muhu sehe tirore “Paulo mehne tjuasiniga”, mu nichu masicu yuhu mehne tirore tjua dutiboa yuhu. Yuhu sehe “Yuhu mehne cūga tirore”, ni duaeraja mähare. Ā jicu tirore waroca tjui nija. ¹⁵ Tiro Onésimo mahaa numaricā mähare to duhti wahcāri baharo pari turi muhu mehne jira. Cohamacu to cahmariro sehetā mähare duhti wahcāri jire tiro Cohamacu yairo to wahahto sehe, yu tūhotuchu. Ā jiro pari turi muhu mehne jiro ā jirucurohca muhu mehne. ¹⁶ Ā jiro tiro mipure dahra cohtariro jierara. Dahra cohtariro bui curero jiriro jira tiro, yu űachu. Mipure tiro mu coyeiro Jesu yairo jira. Ā jicu tirore tuaro cahija. Muhu sehe yu yūhdoro tirore cahihca. Mu ā cahīro jiro dahra cohtariro jisiniaparota mipure dahra cohtariro to jiriro sehe jierara tiro. Tiro mu coyeiro Jesucristo yairo jira.

¹⁷ Ā jicu yuhare mu piti bocaboriro sehetā Onésimo cūhare noano piti bocaga. Muhu mehne macariro yu

jichu tūhotuca tiro cūhare noano piti bocaga muhu. ¹⁸ Ā jicu mähare soro to yoariro jichu mähare to wapamoriro jichu yuhu sehe tīre wapaihtja. ¹⁹ Yuhu Paulo yu basi ahrire mähare yahu joaihtja: Yuhu sehe wapaihtja mähare. Mähare yu buheri baharo Cristo yairo wahacu jipihtia dachoripe Cohamacu mehne jirucuhtiro jira muhu. Mähare yu ā buheri baharo muhu cūhu yuhare pjīro wapamoriro jiboca. Mu ā jipachuta mähare wapaihtja to wapamonore. ²⁰ Yu coyeiro yu cahīro mari pūhtoro Cristo yairo jira muhu. Cristo yairo jicu yu coyeiro jira muhu. Ā jiriro jicu yuhare noano wahchechu yoaga. (Ā jiriro jicu Onesimore noano piti bocaga.)

²¹ Ahri yu yahurire noano yoaihca muhu. Yu yahuri yūhdoro yoaihca muhu. Tīre masicu mähare joarocai nija. ²² Ahri cūhare yahuihtja mähare. Mūsa cahapu yu wahahto sehe Cohamacure sini payoyuhti mūsa yuhare. Mūsa ā sini payorire tiro yūhtiboca. “Jai” to nichu cahmaja yuhu. Ā jicu mūsa cahapu yu sūhti tahtiare cahnoyuga muhu.

Paulo noa duti batoaha Filemore

²³ Epafra mähare noa dutira. Tiro sehe Cristo yare to yoari buhiri yuhu mehne peresupu jiriro jira. ²⁴ Ā jia Marco, Aristarco, Dema, Luca mehne mähare

noa dutira. Cristo yare
y_u buhech_u tina sehe y_uh_u
mehne buheina jira.

²⁵ Mari p_uhtoro Jesucristo
to cah_u mehne m_usare
noano yoajaro.

Hebreos

Cohamacu macuno to Pucurore yahubasaha masare

¹ Panopu Cohamacu payu tahari mari coyeare panopu macaina cjrيره to yare yahua tiri jire. Payu to beserina to yare yahu turiaa tiri jire. To yare yahu mautaina cjrيره yahu dutiro, a yahua tiri jire tiro mari coyeare. ² Mipure pihtiri dacho panocai jia dachorire to macunore to yare to yahu dutichu tiro sehe marine yahua tire. Tiro to Pucuro to yoa dutiro mehne ahri yahpare, manano cuhure yoariro jira. To Pucuro sehe pihtiri dacho panocai jipihtiare cjahtirore cua tiri jire tirore. ³ A jiro to macuno sehe to Pucuro si siteare cjariro jiro, cano potori to Pucuro yoaro seheta jiro, to Pucuro to jia tiare marine nona. A yoa to macuno to tuaa mehne to dutichu ahri yahpa, manano cuhu a jirucura. A yoa mari nano yoari buhirire to cosari baharo manopu to Pucuro tua yuhdhariro potu buhusehei dujiri jire tiro, to pughtoro jiare nono.

Cohamacu macuno anjoa bui jira

⁴ Tiro Cohamacu macuno wama tira. Ti wamare curi jire Cohamacu tirore. A wama tiro paina bui pughtoro jira. A jiro tiro anjoa yuhdoro tua yuhdharicariro jira. ⁵ To yaina anjoa sehere

Cohamacu ne o sehe ni yahuerari jire:

“Yu macu jira mahu.

Michare yu macu mu jiare masichu yoaihca”,

niri jire Cohamacu to macunore. Anjoa sehere ne o sehe ni yahuerari jire. Tinare ahri cuhure ne yahuerari jire: “To pucuro jia yuhu.

A yoa tiro yu macu jira”,

niri jire Cohamacu to macunore. Anjoa sehere ne o sehe ni yahuerari jire. (A jiro to macuno tina yuhdoro tua yuhdharicariro jira.) ⁶ Pa tehe to macunore wahma masa bajuarirore ahri yahpai cuno o sehe niri jire Cohamacu tirore:

“Jipihtina yu yaina anjoa na tuhca caha su, no payoahca tina yu macure”,

niri jire tiro. ⁷ A yoa to yaina anjoa sehere yahuro taro o sehe niri jire tiro:

“Yu yaina anjoare wihnono yoaro sehe pjacu tichu yoaja yuhu.

Tina yuhure dahra cohtaina jira.

Tinare pichaca yoaro sehe pjacu tichu yoaja yuhu”,

ni yahuri jire Cohamacu.

⁸ Tinare a niparota to macuno sehere o sehe niri jire:

“Mahu Cohamacu jipihtina bui pughtoro a jirucuihca.

Quihono dutiuhca mahu mu yainare.

⁹ Mahnono marieno yoare, noano yoare tuaro cahmana mahu.

Ã jicũ ñaa yoaare ñũ yabira
mũhũ.

Mũ ã jiriŕo jichũ ñũcũ yũhũ
mũ Pũcũ jipihtina
paina yũhdoro mũhũre
wahchechũ yoahi”,

niri jire Cohamacũ to
macũnore. ¹⁰ Ahri cũhũre
niri jire tiro to macũnore
“Pũhtoro”, ni pisuro:

“Pũhtoro, wahmanopũre
ahri yahpare, mũano
cũhũre bajuamehnere
mũhũ mũ basi.

¹¹ Tí jipihtia cohtota pihtia
wahaahca.

Mũhũ sehe ne cohtotasi.

Ã jirucuihca mũhũ.

Tí jipihtia suhtiro to baa bo-
raro seheta pihtia wa-
haahca.

¹² Tí jipihtia mũanore ahri
yahpa cũhũre cohto-
tachũ yoaihca mũhũ.

Mũnano suhtirore mũ
cohãboro seheta tí
jipihtiare cohtotachũ
yoaihca mũhũ.

Suhtirore tjuwe na mũ cohto-
taro seheta tí jipihtia
cohtotaahca.

Mũhũ sehe ne cohtotasi.

Ã jirucuihca mũhũ”,

niri jire Cohamacũ to
macũnore. ¹³ Ne anjoa
sehene ahrire yahuerari jire
Cohamacũ:

“Yũ poto bũhũsehei dujiga
mũhũ.

Pũhtoro jira mũhũ.

Ã jicũ mũhũre ñũ tuhti-
inare doca dahre,
yũhdũrcabasaihtja.

Tina bui pũhtoro jiihca
mũhũ”,

niri jire Cohamacũ to
macũnore. ¹⁴ Jipihtina anjoa

sehe Cohamacũre dahra co-
htaina jira. Ã jiro Cohamacũ
warocara tinare to yaina
anjoare Cristo to yũhdũchũ
yoahinare yoadoho dutiro.

2

*Cohamacũ yare noaa bu-
heare marine ã tũhotunocano
cahmaerara*

¹ Ã yoa Cohamacũ macũno
waro marine yahuriro to
jichũ masina to yahuare
mari tũhorire noano wacũno
cahmana marine, “Tíre
bori”, nina. ² Anjoa masare
Cohamacũ dutia cjirire ti
yahu cũ turiariro seheta tí
dutiare yũhdũrcaca dutierari
jire. Ã jia masa sehe anjoa
ti yahurire ti yũhdũrcachũ
ñũno Cohamacũ tinare
quihõno buhiri dahreri jire.

³ Anjoa ti yahurire mari
yũhtiri yũhdoro Cristo sehene
yũhtiro cahmana. Tiro
mari pũhtoro marine to
yũhdũchũ yoahire yahu
mũhtari jire. Ã jia tirore
tũhorina sehe to yahurire
marine yahu turiare marine
noano masichũ yoa taa. Ã
jiro tí buheare marine to
yũhdũchũ yoahire buheare
mari ã tũhotunocachũ Co-
hamacũ tuaro marine buhiri
dahrerohca. Tíre duhti
masieraja mari. ⁴ Tí buheare
tũho mũhtaina painare ti
buhero watoj Cohamacũ sehe
tí buhea quihõnota ti jichũ
ñõno nire. To tuua mehne
ñõno nire. Ã yoa payũ tahari
to tuua mehne yoa ñõno, tí
buheare quihõno ti jichũ ñõno
nire. Ã yoaro to yainare ti

yoahtire to cahmano seheta cūri jire to buhea quihōno ti jiare ti masihti. Espiritu Santo sehe jira marine ā yoa masichu yoariro.

Jesucristo mari yoaro seheta pjacu tiro masa bajuaha

⁵ Pihtiri dacho baharoi jiina Cohamacu cahai jiina michapucacā yu yahurina cjiri bui puhtoā jisi anjoa sehe. Tina anjoare puhtoā sōsi Cohamacu. ⁶ Wiho mejeta cūiro Cohamacure to durucurire ō sehe ni joari jire panopu:

“Masa wiho jiina ti jipachuta tinare wacūna mahu. Masare noano yoara mahu.

⁷ Mahaa numericā anjoa docai masare cūri jire mahu.

Ā cūpacuta mipure tinare tuaare wacu puhtoā sōri jire mahu.

⁸ Mu ā sōchu ahri yahpa macaa bui jipihtia bui jira masa”,

niri jire panopu macariro Cohamacure. Ā cūno ahri yahpa macaina wahiquina jipihtina bui, jipihtia bui cūri jire Cohamacu. Masare to ā puhtoā sōpachuta jipihtina ahri yahpa macaina, ahri yahpa macaa bui jierasínica masa. ⁹ Ā tina bui jierasínipanahta, Jesu sehere masija mari. Mahaa numericā anjoa docai Cohamacu to macuno cūhure cūri jire, mari yaro jiborirore yariahtirore. Cohamacu marine cahño Jesure mari yariaborirore

to yariachu cahmari jire. Ā jiro to ā yariachu ñuno tirore tuaare waro, puhtoro sōri jire tirore.

¹⁰ Cohamacu jipihtiare bajuamehneriro jira. Ā yoa jipihtia to ya dihta jira. Ā jiro Jesure to yaria dutichu, tiro sehe mari ñaa yoari buhirire cohāri jire. Ā cohāri jire tiro masa payu to yaina jihtinare manopu naano taro. Jesu to ñano yuhduchu masare yuhduchu yoahtiro Cohamacu to waha dutiro seheta yoaro niri jire tirore. To ā yoachu pinihta noa nina. Ā jiro Jesu sehe marine yuhduchu yoariro waro, mari puhtorota jira. ¹¹ Jipihtina masare ti ñaa yoari buhirire Jesu, to cosawerina mehne puču tira Cohamacure. Ā jiro mari puču cūirota jira. Mari puču to jichu Jesu marine to yainare to cosawerinare “Yu coyea jira”, ni pisuro ne buo tierara. To ā ni pisurire masare yahuihtja. ¹² Ō sehe nino niri jire tiro:

“Cohamacu, mu jia tiare yahuihtja yu coyeapure. Jipihtina yu yaina panoi mahure ño payocu ‘Tu-ariro jira’, ni yahuihtja yahu tinare”,

niri jire tiro to pučurore. ¹³ Ahri cūhure niri jire tiro:

“Cohamacure wacū tuaihca yahu”,

niri jire tiro. Ahri cūhure niri jire tiro:

“ Ōi jija yuhu.

Cohamacu pohna mehne ōi jija.

Yuhure to cūrina yu coyea mehne òi jija', niri jire tiro to yainare 'Yu coyea' ", ni pisuro.

¹⁴ "Cohamacu pohna", to niina pjacu tiina mari jichu ñuno, Jesu sehe mari ya pjacu yoaro sehe jiro tari jire. Ñ jiro tari jire tiro crusapu yariaro taro, watĩnore butichu yoaro taro. Tiro watĩno sehe yariachu yoariro jira.

¹⁵ Ñ yoa watĩnore butichu yoaro, marine yuhduchu yoare. Mari sehe dachoripe mari yariahtore cuimai. Ñ cuiina jina pichacapu wahaborina jimai mari. Ñ jiina mari jichu ñuno tiro marine yuhduchu yoare.

¹⁶ Ñ yuhduchu yoaro anjoa sehere yoadohoro taerari jire tiro. Abrahã panamanare Cohamacu yainare mari sehere yoadohoro tari jire. ¹⁷ Ñ taro tiro mari coyeiro warota tari jire. Cãno potori mari yoaro sehe pjacu tiro tari jire. Ñ taro mari yuhduhtire mari ñaa yoari buhirire Cohamacure cohã dutiro taro niri jire. Ñ yoaro mari sacerdotia puhto bui puhtoro to yoariro sehe yoaro taro niri jire. Mari yoaro sehe jiro marine noano pja ñuna. Ñ yoa marine noano yoadohora. Ñ jiro tiro mari sacerdotia puhto ti bui puhtoro jiro nina Cohamacure dahra cohtariro jiro. ¹⁸ Tiro ñano yuhduhri jire. Ñ jiro watĩno tirore ñano yoa dutimari jire. Yoerari

jire tiro. Ñ ñaare yoerari jiro, tiro sehe mari cūhure ñaare yoerachu yoa masina. Watĩno to ñaare to yoa dutichu ñuno marine ñaare yoerachu yoa masina Jesu.

3

Jesu Moise cjiro bui jiro jira

¹ Jesu to ñ jiro jichu ñuna tirore noano wacūga musa. Yu coyea Jesu yaina, Cohamacu to beseina jira musa. Tiro Jesu sehe Cohamacu to warocariro jiro mari sacerdotia puhto ti bui puhtoro jira. To buheare noaa buheare mari quihõno tũho, buheja. Tiro sehe Cohamacu warocariro, mari sacerdotia bui puhtoro to jia tiare noano wacūga musa. ² Cohamacu tirore marine to yuhduchu yoahore to cūchu tiro sehe to cūriro seheta yoari jire. Ne yuhduhcaerari jire. Moise cjiro cūhu Cohamacu yaina Israe masare yoadohoro ne yuhduhcaerari jire. Ñta yoari jire Jesu cūhu. ³ Moise cjirore ti ño payoriro yuhdoro Jesu sehere ño payoro cahmana marine. Ñ sehe jira ti mari piti dahre buhechu: Wuhure mari ño payoriro yuhdoro wuhu dahreriro sehere ño payoro cahmana marine. Ñ jiro Jesu sehe wuhu dahreriro yoaro sehe jiro to jichu Moise cjirore mari ño payoriro yuhdoro tiro sehere ño payoro cahmana marine.

⁴⁻⁶ Ñ sehe jira ti: Mari Cristo

yaina Cohamacu ya curua macaina jija. Cristo sehe wuhure to cūboriro seheta marine to ya curua macaina cjihtire cūno nina. Masa sehe wuhuse yoaina jira. Cohamacu sehe jipihtiare yoariro jira. Moise cjiro sehe Cohamacu ya curua macainare yoadohorucuriro jiro, baharopu Cohamacu to yahuhtore yahua tiri jire masare. Cristo sehe Cohamacu macuño jiro, Cohamacu yare yoarucuriro jiro, Cohamacu ya curua macaina bui puhtoro jira. To ã jiri jichu ñuna Moise cjirore mari ño payoriro yuhdoro Cristo sehere ño payoro cahmana marine. Ñ jina mari sehe Cristore wacū tua duhuerana, marine to yuhdichu yoahore ã wahcherucuna to ya curua macaina jija mari.

Cohamacu to yainare tiro mehne ti noano sochu cahmana

7 Ñ jina Cristore mari wacū tua duhuerahore ò sehe yoaro cahmana marine. Ò sehe nina Espiritu Santo:

“Michare yuhu Cohamacu musare yu yahuchu, yuhti duaeraina jiena tjiga.

8 Noano yuhtiga musa yuhure. Panopu Israe masa masa marienopu jia, ãta yuhdugucarucure yuhure.

Ñ jina tina yoaro sehe yoarena tjiga musa yuhure.

9 Tópure cuarenta cūhmari waro tinare yu tuaa mehne yoa ñomai.

Yu ã yoa ñopachuta tina sehe ò sehe ni tuhotua timare: ‘¿Ñaaare mari yoachu ñano Cohamacu marine buhiri dahrebocari?’ ni tuhotua timare.

Ñ ni tuhotua ñano yoa ñua tire.

10 Ti ã yoachu ñucu tina mehne suai.

Ñ suacu ò sehe nii: ‘Tina yu durucuaru tuho duaeraa, soro jia buheare ã wacūmacarucua nina. Ya sehere ne yuhti duaerara’, nii tinare.

11 Ñ jichu tina mehne suacu ò sehe ni yahui: ‘Tina yuhu mehne macaina ne jisi.

Ñ jia wapu tiro marieno jisi tina’, ni yahuri jire Cohamacu”, niri jire Espiritu Santo sehe.

12 Ñ jina yu coyea, noano yoaga musa, “Cohamacure cohāri”, nina. Musa ñaaare tuhotuna, Cohamacure catirirore wacū tuaerana, tirore cohāboca musa. Ne cūiro musa mehne macariro ã yoaero tjijaro. 13 Ñ jina ahri sehere yoaro cahmana musare: Musa mehne macainare dachoripe Cohamacu yare musa basi cahma durucuga “Ñaaare yoari”, nina. Ñaaare yoana, “Tí mehne wahcheja” nina, mahñoare tuhotuna nija mari. Ñ ni tuhotuena tjiga. Ñaaare yoarucuna Cohamacu ya sehere ji coeraja mari.

Ã yoana ñaare duhu du-aeraja. “Ã yoari” nina, m_{usa} mehne macainare Cohamac_u yare m_{usa} basi cahma durucuga. Cristo to tahto pano dachoripe t_{ire} ã cahma durucurucuga. 14 Wahmanore Cristore mari wac_u tua d_ucariro seheta t_o seheta mari wac_u tuarucuna, mari catiro puro to yare duhuerana, tiro mehne macaina jija.

15 Õ sehe nina Cohamac_u yare ti joari p_{ui}:

“Michare y_h Cohamac_u m_{us}are y_u dutich_u noano y_uhtiga m_{usa} y_hre.

Panop_u macaina Israe masa y_u yahupach_uta ño payo duaeraa, y_hre y_uhti duaerare.

Ã jina tina yoaro sehe yoaena tjiga m_{usa}, niri jire Cohamac_u”,

ni joaa tiri jire panop_ure. 16 ã yoa Cohamac_u to yahurire t_uhomarina jipahta tina tirore y_uhtierari jire. Tina jipihtina Egiptop_u jiina Moise to na wiorina jipahta tirore ne y_uhtierari jire. 17 ã jia ã ñano yoarucua, cuarenta c_umari waro Cohamac_ure suach_u yoa m_ujaa tiri jire. Ti ã yoari buhiri masa marienop_u yariari jire tina.

18 Tirore ti ã y_uhti duaerach_u ñ_uno õ sehe cua pisaro mehne niri jire tiro: “Tina y_h mehne macaina ne jisi. ã jia wap_u tiro marieno ne jisi tina”, niri jire tiro. 19 To ã nich_u t_uhona ahri sehere masinahca mari: Tina

Cohamac_ure ti wac_u tuaerari buhiri tiro mehne macaina j_i masierari jire. ã jia tiro mehne noano so masierari jire.

4

1 ã jiro panop_u macainare tiro mehne ti noano sohtore cahmano, tinare “Y_h mehne wap_u tiro marieno sonahca”, ni c_uri jire Cohamac_u. Mari

c_uh_ure ãta ni c_uri jire tiro.

ã jina cuaro mehne Cohamac_ure y_uhd_ucaena tjijihna mari, “Cohamac_u yare yoa moñori”, nina. ã yoa moñona tiro mehne noano sosi mari. 2 Panop_u

macaina cjiri Cohamac_u yare ti t_uhoriro seheta mari c_uh_u noaa buheare t_uhohi. Tina t_uho m_uhtaina cjiri sehe t_uhoa, “Cohamac_u ya waro jira”, ni t_uhotuerari jire. ã jia ti t_uhori cjiri yaba cjihti jierari jire. 3 Mari sehe

tirore wac_u tuana Cohamac_u mehne macaina jija. ã jina tiro mehne noano jinocahna, tiro mehne sonahca. Wap_u tiro marieno jinahca. Cohamac_u to niriro seheta jira tí. Õ sehe niri jire tiro tirore y_uhtieraina cjirire:

“Tina mehne suac_u cuaro mehne õ sehe ni yahui: “Tina y_h mehne macaina ne jisi.

ã jia wap_u tiro marieno ne jisi’, ni yahui”,

niri jire Cohamac_u yare ti joari p_{ui}. Ahri yahpare to yoari baharo dahra duhusiniri jire tiro. Yoari pja dahra duhuparota tina

sehère tiro mehne so dutier-
ari jire tiro. ⁴ Ahrire mari
masija. Seis dachori ahri
yahpare to yoari baharo to
dahra duhurire yahuro ò
sehe niri jire Cohamacu ya
durucua ti joari pui:

“Seis dachori baharo jip-
ihtiare to dahraare
pahõono, Cohamacu
dahra duhuri jire”,

niri jire to yare ti joari pui. ⁵ Æ
yoa pari turi Cohamacu yare
ti joari pui ò sehe ni yahura
tiro mehne noano jierainare:
“Tina yahu mehne macaina
ne jisi.

Æ jia wapu tiro marieno
ne jisi, niri jire Co-
hamacu”,

nina to yare ti joari
pui. ⁶ Noaa buheare

taho muhtaina tirore ti
yahducari buhiri tiro
mehne macaina jisi tina. Æ
jia tiro mehne wapu tiro
marieno jisi tina. Paina sehe
tiro mehne macaina jiahca.

Æ jia tiro mehne wapu tiro
marieno soina jiahca. ⁷ Æ jiro
masare to yahducu yohti
dachori paye dachorire cõri
jire pari turi Cohamacu. Tí
dachorita mipure jira. Payu
cuhmari baharo Israe masa
cjiri Cohamacure ti taho
muhtari baharo tí dachorire
yahuri jire Davi cjiro sehe.
Cohamacu tirore to yahu
dutichu yahuri jire tiro.
Cohamacu ya durucua ti
joarire musare yu yahua
dachorire ò sehe ni joari jire
Davi cjiro:

“Ahri dachorire yahu Co-
hamacu musare yu

yahuchu yahducuro
marieno noano
yuhtiga musa yuhure”,

ni joari jire panopure. ⁸ Tí
pjarure Josué cjiro Israe
masare Cohamacu to wari
yahpai na sari jire. “Yahu
mehne wapu tiro marieno
soina jiahca” nino, tí yahpai
ti sohtore nino nierari jire
Cohamacu. Tí yahpai so
dutiuro, paye dachori to
yahducu yohti dachorire
cõeraboa tiro. ⁹ Wiho mejeta
seis dachori baharo ahri
yahpare to yoari baharo
Cohamacu to dahra duhuriro
seheta mari to yaina cõhu tiro
mehne wapu tiro marieno
mari sohto jirohca. Tiro
mehne mari noano jihto
jirohca. ¹⁰ Cohamacu sehe
to dahrarire duhunocasiniri
jire. Tó seheta tiro mehne
soina cõhu mari wapu tirire
duhunocanahca. ¹¹ Æ jina
mari to yaina noano yoaji-
hna. Cohamacu yare noano
yuhtijihna tiro mehne mari
noano sohto sehe. Panopu
macaina mari coyea cjiri
ti yahducari baharo Co-
hamacu mehne macaina ji
masierari jire tina. Tina
yoaro sehe yoarena tjijihna
mari.

¹² Cohamacu ya durucua
marine catichu yoara. Noaa
sehère marine cohtotachu
yoara. Æ jia to ya durucua
wiho jia jierara. Æ yoa
nosari pjí pu buhuseheri siori
pjí mehne dihirore ti yihso
ñu ti masirore seheta to ya
durucua cõhu mari jia tiare
noano masichu yoara. To

durucuare mari tuhochu, tíre mari buhechu mari jia tiare, mari tuhotua cūhure noano masi pahñoochu yoara marine. ¹³ Ne Cohamacure mari jia tiare mari dohse yoarire nuo masieraja mari. Jipihtiare to bajuamehnerire, to bajuamehnerina cūhure ñuna tiro. Ñ jina mari yoarire tirore yahu yahdaro cahmana marine.

Jesu tuariro mari sacerdotea pũtoa bui pũtoro jira

¹⁴ Jesu Cohamacu macuno to Pũcuro cahapu tjuariro jira. Tiro tuariro mari sacerdotea pũtoa bui pũtoro jira. Ñ jiro marine Cohamacure sini payora. To ã jiro jichu ñuna mari sehe to yare noano yũtijihna. Tirore noano wacũ tuarucujihna. ¹⁵ Tiro mari sacerdotea pũtoa bui pũtoro mari ñano yahdũchu ñuno noano pja ñuriro jira. Mari ñaa goa pjaare masina tiro. Watĩno jipihtiare ñaaare marine to yoa dutiro sehetã tiro cūhure ñaaare yoa dutimari jire. To ã yoa dutipachata tiro ñaaare yoerari jire. Ñ ñaaare to yoa dutimariro jiro, marine pja ñuno tiro yoadoho masina marine. ¹⁶ Ñ jina cuirio marieno Cohamacure sinijihna. Tiro marine cahĩna. Ñ jiro tirore mari sinichu tiro sehe pja ñuno, marine yoadohorohca. Watĩno marine to ñaaare yoa dutichu, mari ñano yahdũchu cūhure tiro marine yoadohorohca.

5

¹ Sacerdotea pũtoa bui pũtorore besero, masunore besera Cohamacu. Ñ to beseriro jiro sacerdotea pũtoa bui pũtoro sehe tiro mehne macainare yoadohoro taro, Cohamacure dahra cohtariro jira. Ñ jiro ti ñaaare ti yoari buhiri Cohamacure sinibasara tiro mehne macainare. Wahiquirore wajã jũ mũono, Cohamacure sinibasara. ² Sacerdotea pũtoa bui pũtoro paina masa yoaro sehe noano masi pahñoerariro jira. Ñ masi pahñoerariro jiro paina masierainare yoadoho masina. Ñ jiro noano yoeraina cūhure noano yoadoho masina. ³ Ñ jia sacerdotea noano yoa pahñoeraina jia ñaa buhiri tiina jira tina cūhu. Ñ jia ti basi ti ñaaare ti yoari buhiri wahiquirore wajã jũ mũo, Cohamacure sinina. Paina masare yoadohoa taa, ti ñaa buhiri ti sinibasariro sehetã ti basi ti ñaa buhiri cūhure sinina Cohamacure. ⁴ To basi to mũ sũro sacerdotea pũtoa bui pũtoro sãaerara. Cohamacu sehe tirore besero, sacerdotea pũtoa bui pũtoro sõna. Panopũ macariro Aarõ cijirore to cũriro sehetã paina sacerdotea pũtoa bui pũtoro cūhure cũna tiro. ⁵ Tõ sehetã Cristo cūhu to basi to mũ sũro sacerdotea pũtoa bui pũtoro sãaerari jire. Cohamacu sehe tirore pũto sõno, õ sehe niri jire: “Yũ macu jira mũhu.

Michare yu macu mu jiare
masichu yoaihca”,
niri jire Cohamacu. ⁶ Pa tehe
õ sehe niri jire Cohamacu Cri-
store:

“Jipihtia dachoripe sacerdote
jirucuihca muhu”.

Melquisede to jiro sehetu
sacerdote jirucuihca
muhu”,

niri jire to macunore. ⁷ Cristo
ahri yahpai jiro sañurucua
mehne, yahco mehne Co-
hamacure tuaro siniri jire
tiro “Yuhure masoga”, nino.
Cohamacu sehe tirore yari-
arore maso masiro jira. To
ã sinichu Cohamacu tuhori
jire tirore. Cohamacu cah-
maa dihtare to yoachu ñano
Cohamacu sehe to sinirire
tuhoro, tirore yuhtiri jire.
⁸ Cristo Cohamacu macuno
jiparota ñano yuhduri jire
tiro. Æ ñano yuhdaro
yuhtiri jire Cohamacure.

Æ yuhtiro noano yuhtiare
masiri jire. ⁹ Æ ñano yuhdaro,
crusapu yariaro jipihtina
tirore yuhtihtinare yuhduchu
yohtiro wahari jire. ¹⁰ Æ jiro
Cohamacu sehe tirore sac-
erdotea puhtoa bui puhtoro
cûri jire. Æ jiro Melquisede
sacerdotea puhtoro to jiro
sehetu jira Cristo.

*Cristo yaina tirore wacû
tua duhuchu cua nina*

¹¹ Payu õ sehe jiare musare
yahu namo duaja sã. Sã Æ
yahu namo duapachuta musa
sehe dapu butiina jira. Æ
jina musare sã yahuchu mijo
nina sãre. ¹² Yoari pja Cristo
yaina jimana musa. Æ jina

mipure painare buheinapu
ji tuhsuboa musa. Musa Æ
jiinapu jiborina jipachuta
paina musa sehere buheahca
tjoa. Cohamacu yare mi-
joera curea buhea dihtare
tuhora musa. Wihãinacã
pẽcho dihtare ti sihni masino
sehetu musa cûhu mijoera
curea dihtare noano tuhora.
Wahma buhe ducaina yoaro
sehe jira musa. ¹³ Pẽcho
sihniina wihãinacã jisina.
Tina yoaro sehetu musa cûhu
jira mijo cureare tuhoerana.
“Ahri ñaa jira. Ahri noaa
jira”, ni bese masierara musa.
¹⁴ Chure chûina sehe bucuna
jira. Tina yoaro sehe jiina
noano tuho masiina noano
buheina jira. “Ahri ñaa
jira. Ahri noaa jira”, ni bese
masina tina sehe.

6

¹⁻² Æ jina Cohamacu yare
noano masiina, noano
yuhtiina jijihna. Cristo
yare wahmanore mari buhe
ducana õ sehe masi ducai:
Mari mu saro mari yoaa yaba
cjihti jierara. Mari noano
yoaa mehne yuhdusi mari.
Cohamacure wacû tuaro
cahmana marine. Ahrire
wahmanopure buhe ducare
marine. Æ jia bautisaare,
wamomacarire marine ti
duhu payoare, yariaina ti
masa mujaare, ahri dacho
to pihtiri baharo Cohamacu
to buhiri dahrehtore, to
buhiri dahrehtina ti ñano
yuhdurucho cûhure ahri
cûhure wahmanopure ma-
rine buhe ducare. Õ sehe
jia buheare masi tuhsu,
paye sehere noano buhe

namojihna tjoa. ³ Ā jina Cohamacu to cahmachu āta yoanahca mari.

⁴ Mari ā yoaerana Cohamacu yare duhuboca mari. Cohamacu yare masiina jipahta tíre duhuinare ne pari turi pano ti űaa tuhotumarire cohtotachu yoa masierara. Tó sehe jiina Cohamacu tinare to noano yoahtore masia, Espíritu Santo to yoaa tiare mahanocā masimare. ⁵ Ā yoa Cohamacu ya durucua tūhoa noaa durucua ti jichu masimare. Tuhsu, pihtiri dacho baharopu Cohamacu to tuaa mehne mari ā jirucuhore, masare to buhiri dahrehto cūhure tina masimare. ⁶ Ā jiinapure Cristo yare duhurinare pari turi ti űaa tuhotumarire tinare cohtotachu yoa masierara. Tó sehe yoaina Cohamacu macunore pari turi crusapu ti cjā puharo seheta tirore yoaa nina. Ti ā yoachu űua paina masa Cristore bujupera. Ti ā yoachu tinare ti űaa tuhotumarire tinare cohtotachu yoa masierara. ⁷ Ō sehe jira tí mari piti dahre buhechu: Noari yahpare pjíro coro tachu tí toaa noano du, dicha tira. Ā jiro tí wese pūro dichare cjūara to chūhtire. Tí yahpa Cohamacu noano to yoari yahpa jira. (Tó seheta noano yoara tiro to yaina cūhure.) ⁸ Wiho mejeta agā pota mehne, tja mehne tí yahpa diaro yaba cjihti jierara. Ā jiri yahpa Cohamacu to jū cohāhti yahpa jira. Ā jiro tí yahpare

jānocanohca. (Tó seheta yoara tiro tirore duhuinare.)

Cristore ā űo payorucuinare yūhdūchu yoara Cohamacu

⁹ Yū cahīina, mūsare ā ni yahupaihta mūsa sehere “Cristore duhuina jira”, nii nieraja. Mūsa sehe Cristo to yūhdūchu yoaina jira. Ā jina noaare yoana nica mūsa. Tíre masija yūhu. ¹⁰ Noano mari yoari wapa quihōno marine noano yoariro jira Cohamacu. Ā jiro to yare mūsa tuaro dahrari wapare bosí tiro. Tirore cahīina noano yoadohore mūsa tirore. Paina Cristo yaina cūhure yoadohore mūsa. Ā yoa tinare yoadohosinina nica mūsa. Ā yoaina mūsa jichu űūno bosí tiro. ¹¹ Mūsa catisinino puro painare mūsa cahīrucuchū, mūsa yoadohorucuchū cūhure cahmaja sā, baharopu Cohamacu yare mūsa duhuri nina. Mūsa ā noano yoachu űūno noano yoarohca Cohamacu mūsare. ¹² Ā jina mūsa capa bujūina mūsa jichū cahmaeraja sā. Paina Cristo yaina űano yūhdūpahta to yare ne duhuerara. Ti ā yoachu űūno Cohamacu “Mūsare waihtja”, to nirire tinare wa pahñonohca. Ā jina mūsa cūhu tina yoaro seheta yoarucuga.

¹³⁻¹⁴ Panopu Cohamacu Abrahā cjirore ō sehe ni cūa tiri jire: “Yū wama mehne ahrire potocā nii nija mūhure. Mūhure noano yoaihtja. Ā yoacu mū panamana

ji turiainapure payu masa jichu yoaihtja”, ni yahu cūa tiri jire Cohamacu Abrahã cjirore. ã ni yahu cūno to ya wama mehne ã ni yahuro niri jire. Pairo tiro bui jiriro ne mariachu to ya wama mehne to basita ã ni yahua tiri jire. ¹⁵ “Muhure noano yoaihtja”, Cohamacu to ni cūrire Abrahã cjiro sehere noano to cohtachu ñano to niriro seheta tirore noano yoaa tiri jire. ¹⁶ “Cohamacu mehne potocã nina nija”, masa sehe nia, tina ti bui jiriro wama mehne ã ni yahua nina. “Cohamacu mehne potocã nii nija”, cūiro to nichu tuhoro tiro pairo mehne cahma sayoriro “Potocã tjira”, ninohca. ã jia cahma sayo duhuahca tina. ¹⁷ Cohamacu Abrahãre “Muhure noano yoaihtja”, ni cūno to ya wama mehne ã ni yahua tiri jire. To ã ni yahurire tuhona “Potocã tjira tí. ã yoa to niri ne cohtotasi” ni, masija mari. Tíre mari masihtu sehe to ni cūiri mehne “Yuh wama mehne potocã nii nija”, ni yahua tiri jire Cohamacu. ¹⁸ ã jiro puaro to ni durucuri mehne potocãta to nirire masichu yoari jire Cohamacu marine: To ni cūiri cūhu “Yuh wama mehne potocã nii nija”, to ni yahuri cūhu tí puaro mehne to ni durucurire yahua tiri jire tiro. To ni cūiri cūhu, “Yuh wama mehne potocã nii nija”, to ni yahuri cūhu ne cohtotaerara. Cohamacu ne mahñoerara. To ã jiriro jichu masina, marine to yoadoho-

htore macana, tirore noano wacū tuana, wahchea mehne marine to yuhduchu yoahtore cohtanahca mari. ¹⁹⁻²⁰ ã to yuhduchu yoahtore cohtana, wacū tuaina jija mari. ã jina cuieraja. Sacerdotea puhto bui puhtoro Cohamacu to jiri tahtia waropu sãano, ducatarí suhtirore yuhdu sãahna. ã sãano masa ya cjihtire sini payobasara Cohamacure. To ã yoariro seheta Jesu cūhu baharo mari wahahto seheta manopu Cohamacu cahapu waharo, mari ya cjihtire sini payobasara Cohamacure. Tópu mari wahahto pano tiro sehe wahari jire. ã jiro jipihtia dachoripe sacerdotea puhto bui puhtoro jira tiro. Melquisede sacerdote to jiriro seheta sacerdotea puhtoro jirucura tiro cūhu.

7

Melquisede sacerdote to jiriro seheta Jesu sacerdote jira

¹ Melquisede cjiro sehe Salē wama tiri maca macaina bui puhtoro jia tiri jire. Sacerdote jiro Cohamacu tuarirore, manano macarirore sini payobasariro jia tiri jire. ã jiro paina puhtoare Abrahã cjiro cahma wajã yuhduruca tuhsu, to tjua tachu waro Melquisede cjiro to ya macai jiriro Abrahã cjirore piti bocaro sua tiri jire. ã piti bocaro tirore sini payobasaa tiri jire Cohamacure: “Noano yoaga ahrirore”, ni sini payobasaa tiri jire Cohamacure

Abrahã cjirore. ² To ã piti bocahto pano Abrahã cjiro sehe tirore ñu tuhtiinare wajã tuhsu to wajãrina cjiri puhtoia yare naa tiri jire. To ã nari cjirore mahanocã waa tiri jire Melquisede cjirore. Cohamacu to dutiuro purocãta mahanocã waa tiri jire Melquisede cjirore. Melquisede cjiro to wama sehe “Bui puhtoro noano yoariro jira”, nino nina. Tiro cjiro Salẽ wama tiri maca macaina puhtoro to jichu to wama õ sehe nino nina: “Bui puhtoro noano jichu yoariro”, nino nina. “Salẽ” nino, “Noano jia”, nino nina. ³ Ne Melquisede cjiro pucsumare, to pano ji mahtainare to coyeare ti yahu joa õri mariahna. To masa bajarire, to yariari cãhure yahu joa õri mariahna. ã jiro ã jirucuriro yoaro sehe jira tiro cjiro. To ã jiro jichu Cohamacu tiro mehne marine piti dahre buhera. Cohamacu to macano to sacerdote to jirore marine buhera. Melquisede cjiro sacerdote ã jirucuriro yoaro sehe jira. Tiro yoaro sehetã Cristo cãhu sacerdote ã jirucuriro jira.

⁴ ã jiro Melquisede ne wiho jirore jiera tiri jire. Abrahã mari ñuchu cjiro puhtoro waro jiparota mahanocã to tjua narire tiro sehere waa tiri jire. Mahanocã waa tiri jire Melquisedere. ⁵ ã jia Cohamacu dutia Moise cjirore to cãri dutia jipihtina paina Israe masare tã purota

wapa dutira. ã dutiro Leví panamana ji turiainare ti coyea waparire ñaha dutiro, cãa tiri jire. Leví panamana sacerdotia wahaa tiri jire. ã jia Israe masa Abrahã panamana ji turiaina jipahta ti sacerdotiare wapa tiri jire. ⁶ Melquisede sehe Leví panamino ji turiaro jieraparota wapa naa tiri jire Abrahãre. Cohamacu “Mũhure noano yoaihtja”, to ni cãriro jiparota Abrahã sehe Melquisedere wapa tiri jire. ã jiro Melquisede sehe Cohamacure Abrahãre sini payobasaro noano yoa dutia tiri jire. ⁷ Noano yoa dutiuro Melquisede cjiro sehe to noano yoa dutiuro bui Abrahã bui jira. Tãre mari noano masija. ⁸ Mari mehne macaina sacerdotia marine mahanocã wapa naina mari yoaro sehetã masa jira. ã jia yariahtinata jira tina cãhu. Ahriro Melquisede sehe Abrahãre mahanocã wapa nariro cjiro ã catirucuriro yoaro sehe jira, mari piti dahre buhechu. To yariarore yahueraro, ãta nino nia tiri jire Cohamacu yare ti joari pũ. ⁹ Mipũ macaina Leví panamana ji turiaina sacerdotia jia, mahanocã wapa nana. ã jiina ti jipachuta Abrahã Melquisedere mahanocã waparõ jipihtina Leví panamana ji turiaina ya cãhti cãhure wabasaro sehe yoaro nia tiri jire. ã jia tina cãhu Melquisedere mahanocã wapaina yoaro

sehe jira. ¹⁰ Melquisedere Abrahã to wapari pjare Leví sehe masa bajuerasinia tiri jire. ã masa bajuerasini-parota to ñuchũno cjiro Abrahã pjacũpũ to jiboriro seheta Leví sehe ji tuhsũro nia tiri jire. ã jiro Melquisede Abrahãre to piti bocachũ Leví cãhũ to ñuchũno cjiro mehne jiro sehe jiro nia tiri jire. ã jia Leví, to panamana ji turina mehne Melquisedere mahanocã wapaina yoaro sehe jia, tina to docai jia nia tiri jire.

¹¹ To dutiare cũno Cohamacũ Levíre to coyea cãhũre sacerdotea ji dutia tiri jire. ã jia to dutia ti niriro seheta tina sacerdotea wahiquinare wajã jũ mũo, sinibasaa tiri jire Cohamacũre masa ya cjihtire. Ti ã yoari mehne mari yũhdũna, paio sacerdotere soro sehe jiriro sacerdotere cahma namoeraboa mari. ã jina paio sacerdotere cahmaja mari mipũre, Melquisede yoaro sehe jirirore. Leví ya curua macariro Aarõ cjiro yoaro sehe jiina sacerdoteara mipũre mari cahmaeraja.

¹² ã jina sacerdotere mari cohtotana, marine dutia cãhũre cohtotaro cahmana marine. (Sacerdotea ti yoadohoa mehne mari yũhdũeraro seheta tí dutia mehne mari yũhdũeraja. ã yoana tí dutiare cohtota pahũono cahmana marine.)

¹³ Aarõ, Leví cãhũ ti ya curua macaina dihtare sacerdotea

sãa duti mãhtaa tiri jimare Cohamacũ to dutiare cũno. To ã dutipachũta mipũre mari pũhtoro sacerdoti to sõiro pa curua macariro jira. Tí curua macariro ne sacerdoti jierasinire. ¹⁴ Tiro Cristo Juda ya curua macariro masa bajuari jire. Tíre mari noano masija. Moise cjiro sehe sacerdotea sõno, Juda ya curua macainare ne cãiro sacerdoti sõera tiri jire.

¹⁵ Ahrire masina, õ sehe mari noano masija: Mipũre wahma to sõiro sacerdoti Cristo Melquisede yoaro sehe jiriro jira. ¹⁶ Panopũ macaa dutia ti niriro seheta Leví ya curua macaina dihta sacerdotea sãari jire. Mipũre to sõiro sacerdoti ti yoaro sehe jiriro sacerdoti sãaerari jire. Tiro Cohamacũ tuua mehne jipihtia dachoripe jiriro jira. ã jiro tí tuua mehne sacerdoti sãari jire tiro. ¹⁷ Õ sehe nina Cohamacũ yare ti joari pũi:

“Jipihtia dachoripe sacerdoti jirucuihca mũhũ.

Melquisede sacerdoti to jiriro seheta sacerdoti jirucuihca mũhũ, nia tiri jire Cohamacũ to macũnore”,

ni joaa tiri jire panopũ. ¹⁸ To dutia to cũ mãhtari dutiare masa ti bihoerachũ yaba cjihti jierari jire. ã jiro tí dutiare duti namoerari jire Cohamacũ. ¹⁹ Moise cjirore to cũri dutia mehne ne yũhdũerara masa. ã jiro mipũ sehere Cohamacũ marine to yũhdũchũ yoahore marine cũre. To ã yoachũ

mipare tiro cahap̄ waha masija mari. ã yoa tiro mehne durucu masija.

²⁰ ã yoa Cristore sacerdote s̄no, “Ȳh wama mehne potocã nii nija”, nino tirore s̄ori jire to P̄uc̄ro. Paina sacerdotearo tirore to yoiroro sehe wama payo s̄erari jire.

²¹ Cristo sehe Cohamac̄ tuaro to yahuri mehne sacerdotē s̄ari jire. Ô sehe nia tiri jire to P̄uc̄ro Cristore:

“Ȳh̄ m̄ p̄h̄toro ȳh wama mehne m̄h̄re potocã yahuihtja.

Ahrire ne duhu c̄no marieno yahuja m̄h̄re.

Jipihtia dachoripe sacerdotē jirucuihca m̄h̄”,

ni c̄a tiri jire Cohamac̄ to mac̄nore. ²² ã “Ȳh wama mehne potocã nii nija”, to nino mehne c̄no, wahma buheare noaa buheare marine c̄no, marine to ȳhd̄ch̄ yoah̄tire c̄no nia tiri jire.

P̄anop̄ macaa dutia ȳhd̄oro mari noano jihtore c̄no nia tiri jire. ã c̄no Cohamac̄ “M̄sare ȳhd̄ch̄ yoaihtja”, to niriro seheta yoaro taro, Jesure warocari jire marine ȳhd̄ch̄ yoah̄tiro c̄jhtore.

²³ Ji m̄htaina sacerdotē ti yariach̄ ñ̄a paina cohtota s̄ana tjoa. ã jia tina payu sacerdotē wahara. ²⁴ Jesu sehe ã jirucura. ã jia tirore cohtotaina mariahna sacerdotē. ²⁵ ã jiro tiro ã jirucuro, Cohamac̄re ã sini payobasarucura to yaina ya c̄jhtire. ã yoa Cohamac̄ mehne ti ã jirucuhto

sehe masare ȳhd̄ch̄ yoa masina tiro. Jipihtina tirore wac̄ tuaina Cohamac̄ cahap̄ wahaahca. ã jiro Jesu jira pototi tinare ȳhd̄ch̄ yoiroro.

²⁶ ã jiro Jesu jira mari sacerdotē p̄h̄toa bui p̄h̄toro. Tiro pinihtare tuaro cahmaja mari. Ne ñ̄aa buhiri marieriro jira tiro. Masa yoaro sehe ne ñ̄aare yoerare. ã jiro Cohamac̄ tirore ñ̄aina cahai jirirore naahno, m̄hanop̄ c̄, jipihtina paina bui p̄h̄toro s̄ori jire. ²⁷ Paina sacerdotē yoaro sehe jierara tiro. Tina sehe dachoripe wahiquinare wajã, j̄ m̄oa, Cohamac̄re sinia tihre. Ti basi ti ñ̄aa yoari buhirire sini m̄htaa tihre. Baharo paina masa ti ñ̄aa buhiri c̄h̄re sinibasaa tihre tina. ã jia payu tahari tina Cohamac̄re sinia tihre. Jesu sehe sacerdotē jiro, c̄ tahata to yariaa mehne siniri jire Cohamac̄re masa ti ñ̄aa buhirire coh̄no taro. ã yariaro to basi to p̄jac̄re to catia c̄h̄re Cohamac̄re to waboriro seheta yoaro niri jire. ²⁸ Cohamac̄ dutia Moise c̄jrore to c̄ri c̄jri sacerdotē p̄h̄toare s̄a dutira. ã s̄apahta ñ̄aa marieina jierara ã sacerdotē s̄a. Tí dutia baharo jia buhea mehne Cohamac̄ “Ȳh wama mehne potocã nii nija”, to nino mehne to yahuri buhea mehne to mac̄no sacerdotē p̄h̄toro s̄ari jire. Tiro sehe ñ̄aa marieriro ã jirucura.

8

Cohamac̄

“M̄sare

yuhduchu yoaihtja”, ni cūha tjoa Moise cjirore to cūrire cohtotaro. Tíre yahubasariro jira Jesu

¹ Tí jipihtiare yahuna, ahri pinihtare mūsare yahuna nija: Mūsare sã yahuriro sacerdotea pũtoa bui pũtoro tiro pini mari yairo waro jira. Muanopũ Cohamacũ tua yuhduariro to pũtoro dujiro cahai to potu buhusehei dujira Cristo mari sacerdotea pũtoro. ² ã jiro ahri yahpa macari wũhũi, masa ti yoari wũhũi sacerdotea dahraare yoaerara tiro. Muanopũ jiri wũhũpũre mari pũtoro to yoari wũhũpũre sacerdotea dahraare yoara tiro. Tí wũhũ pinihta Cohamacũ waro ya wũhũ jira.

³ Jipihtina ahri yahpa macaina sacerdotea pũtoa wahiquinare wajã jũ mũoa, wara, Cohamacũre ño payoa. ãta yoa dutia tiri jire tinare. Mari yairo sacerdote cũhũre wa dutia tiri jire Cohamacũre mari ño payohto sehe. Mari ñaa buhirire tirore wa dutia tiri jire. ã jiro Cristo mari ñaa buhiri yariaro wahchechu yoari jire Cohamacũre sacerdotea pũtoa Cohamacũre waa ti wahcheriro seheta. ⁴ Mari judio masa mari dutia ti niriro seheta ahri yahpapũ sacerdotea masa ti ñaa buhirire wara Cohamacũre sinia. Ahri yahpapũ sacerdotea ji tuhsũra. ã jiro Jesu sehe mari yairo sacerdote ahri yahpapũ jisninino, sacerdote jieraboa tiro sehe. ⁵ Ahri yahpa macaina sacerdotea

ti dahraare ahri yahpa macari wũhũihta dahrara. Tí wũhũi Cohamacũre ti ño payorire ñũna mũano macari wũhũpũre tirore mari ño payohtore masi cureja. “Tí wũhũ yoaro sehe jira”, nino nia tiri jire Cohamacũ tũcũi Moise cjirore to wũhũre dahre dutiro. To ã dahrehto panocã Cohamacũ õ sehe nia tiri jire tirore: “Tũcũi mũhũre yũ ñoriro seheta tí wũhũ to jirore seheta yũ ya wũhũre quihõno dahrega”, nia tiri jire Cohamacũ tirore. ⁶ Mipũ sehere Jesu sacerdote jiro to dahraa paina sacerdotea ya dahraa yũdoro jira. Wiho waro jierara. Cohamacũ marine “Mūsare yuhduchu yoaihtja”, to ni yahuri cjiri panopũ macaa dutia Moise cjirore to cūri dutia yũdoro jira. Marine to yahuri cjiri tí dutia yũdoro marine noano jichũ yoahca. ã jiro marine Cohamacũre yuhduchu yoabasariro jiro, Cristo sehe paina sacerdotea yũdoro jira.

⁷ Wahmanopũre to dutiri cjiri mehne mari yuhdueraja. Tí dutia mehne mari yuhduchu, paye buheare cũeraboa Cohamacũ. ⁸ Wiho mejeta tí dutiare ti yoa pahũo masierarire yahuro õ sehe nia tiri jire to yainare Israe masare:

“Õ sehe nina mari pũtoro:
‘Noano tũhoga.

Baharopũ paye buheare “Õ sehe yoadohoihtja mūsare”, ni yahuihtja yũ yainare Israe

masare, Juda ya curua macaina cãhure.

9 Tí buhea ti ñuchusuma cjirire yu yahu cãri cjiri yoaro sehe ne jisi.

Yu basi tinare Egipto yahpai jiiinare na wiocu tinare yahumai.

Yu ã ni yahurire yãhdurucare tina.

Ti ã yoachu ñucu tinare ã ñanocahi.

10 ã jicu baharopu Israe masare õ sehe ni yahuihtja: Yu dutiare tinare wacũchu yoaihtja.

Ã jia yu dutiare yãhtiahca.

Ã jicu yãhu Cohamacu ti puhtoro, tinare ñu wihboriro jiihtja.

Tina sehe yu yaina masa jiahca.

11 ã jia tí pjare tina mehne macainare ne tina õ sehe cahma nisi: “Mari puhtorore Cohamacure masiga musa”, ne ni cahma buhesi.

Tina jipihtina yãhure masi tuhsãhca.

Wihãinacã, bucuna cãhu yãhure masiina dihta jiahca.

12 ã jicu ti ñaa yoari buhirire boihca yãhu.

Tinare buhiri dahresi yãhu.

Ti ñaa yoari buhirire pari turi wacũsi yãhu’, nia tiri jire mari puhtoro”,

nina Cohamacu yare ti joari pui. 13 Mipure marine wahma buheare cãno, panopu macaa dutiare duhuro nire. ã yoa muna dutia cjirire mahanocã to

duhuri baharo tí dutia cjiri cohtotaa wahara.

9

Ahri yahpa macari tahtiare mano macari tahtia cãhure Cohamacure ño payori tahtiare yahuha

1 Wahmanore Cohamacu to dutiare Moise cjiroro cãno masa tirore dohse ti ño payohto cãhure cãa tiri jire. ã yoa Cohamacure ti ño payohti wãhu cãhure yoa dutiro cãa tiri jire. 2 Tí wãhu wahiquina cahsari wãhu jia tiri jire. Pua tahtia cãaa tiri jire. Pjiwacũri tahtia ti sãa su muhtari tahtia Cohamacu ya tahtia wama tia tiri jire. Tí tahtiai ti sihã buhriadu jia tiri jire. ã jiro mesa cãhu jia tiri jire. Tí mesa bui Cohamacure ti wari pão pisaa tiri jire. 3 Pa tahtia suhti cahsari mehne ti ducataru tahtia jia tiri jire. Tí tahtia Cohamacu to jiri tahtia waro wama tia tiri jire. 4 Tí tahtiai uru mehne ti yoari altar, inciensore ti jã mũori altar jia tiri jire. ã yoa uru noaa mehne ti duhu õri caro tói coãa tiri jire. Tí caro puhichapu uru wahwa maná wama tia chãa posa tiri wahwa jia tiri jire. ã jiro tí caro puhichapu Aarõ to tjuadu cãro pũri tidu jia tiri jire. ã yoa pua pjĩ tãa pjĩni Cohamacu to dutiare to joa õa pjĩni cãhu tí caro puhichapu sãa tiri jire. 5 Tí caro bui puaro anjoa masu jia tiri jire. Tí masu Cohamacu to si siteare, tí tahtiai to jiare ñoa nia tiri jire. Tí caro

mohano bui ti w_ha d_up_uri mehne mohaa tiri jire. Tí caro mohano bui masa ñaa buhirire ti warire wajã site payoa tia tiri jire sacerdotea p_uhtoro. Tó purota yahuihtja ahri w_hh_u macaare mip_ure.

6 ã yoa tí w_hh_ure ti noano cahnorí baharo sacerdotea dachoripe ti sãa s_u m_uhtari tahtiai sãa s_u, ti dahraare yoaa tia tiri jire. 7 Sacerdotea p_uhtoa bui p_uhtoro dihta pa tahtiap_u sãa tiri jire. C_uhmaripe cã tahata to sãari dacho baroihta sãa tiri jire tiro. ã sãano ti wajãriro wahiquiro ti wariro dire na sãano, Cohamac_ure ño payoa tiri jire. Di marieno ne sãaera tiri jire. To basi wac_uenoca to yoari buhirire, to ñaa buhirire, jipihtina paina Israe masa wac_uenoca ti yoari buhirire, ti ñaa buhirire dire na sãa tiri jire tiro Cohamac_ure sini payoro taro. 8 Jipihtia ahri mehne Espíritu Santo õ sehe ni marine buhero nina: Tí w_hh_ui Moise cjirore to c_uri w_hh_ui mari ño payosinina, to c_uri dutiare yoah_tina jis_inina, wiho jiina Cohamac_ure ño payona wahaeraboa mari. Sacerdotea p_uhtoa bui p_uhtoro dihta Cohamac_u to jiri tahtia warop_u sãa masina. ã jina wiho jiina ti ño payoa wahaeraro seheta ãta jiboa mari c_uh_u Moise cjirore to c_uri dutiare c_uh_uasinina. 9 Ahri jipihtiare Cohamac_ure ño payori w_hh_up_u jiare marine c_uno, marine mip_u macainare buhero niri jire

Cohamac_u. Wahiquinare wajã jã m_uoa, masa Cohamac_ure ti ño payori mehne ne Cohamac_u cahap_u wahasi. Ti ã yoari mehne ti ñaa yoari buhirire cosawerara. 10 ã wahiquinare waa, ti ch_ua, ti sihnia, ti pjac_u cosaa, ti õ sehe yoaa mehne Cohamac_ure ño payoa timari jire. Ahri ti ã yoari wiho warota jira mip_ure. ã yoa tí dutia Moise cjirore to c_uri dutia marine noaina wahach_u yoaerari jire. Tí dutiare yoapanah_ta m_unanota jirucunocaja mari. Mari tahotuare cohtotaeraja mari. ã jia wahma buheare Cohamac_u to c_uri baharo m_una dutia sehe yaba cjihti jierara.

11 Cristo sehe mari sacerdotea p_uhtoro jiro ta tuhs_uri jire. ã jiro marine noaare c_u tuhs_uri jire. Cohamac_ure ño payori w_hh_u m_uanop_u sacerdotea p_uhtoro to dahrari w_hh_u paina sacerdotea ti dahraa w_hh_use y_uhdoro noari w_hh_u jira. M_uano macari w_hh_u jira. Tí w_hh_u ahri yahpa macari w_hh_u jierara. ã yoa masa ti yoari w_hh_u jierara.

12 Cristo m_uanop_u Cohamac_u to jiro warop_u cã tahata sãari jire mari ñaare yoari buhirire Cohamac_ure waro sehe yoaro taro. Tórp_u m_uanop_u õp_u to jiri tahtia waro yoaro sehe jira mari piti dahre buhech_u. ã yoaro cabritoa dire, wach_uacã dire na sãa, waerari jire tiro. Tiro sehe to ya di warore Co-

hamacure to waro sehe yoaro niri jire yariaro. Jipihtia dachoripe Cohamacu mehne mari jirucuhto sehe to dire cohãri jire. Mari ñaa buhirire yariari jire. ¹³ “Yariainare pihana musa pjacu wete tiina jira”, ni cãa tiri jire Cohamacu Moise cjirore. Tó sehe jia ñaare wete tiare cosawea tiri jire cabritoa dire ti wari mehne. Wachua dire ti wari mehne, wachuacãre ti jãri nitine ti wari mehne tó sehe jia ñaare cosawea tiri jire. ¹⁴ Tó sehe jia ñaare wahiquina dire ti wari mehne, nitine ti wari mehne ti cosaweriro seheta tí yãdoro Cristo sehe to dire to cohãno mehne mari ñaare yoarire noano cosawe pahñonocahna. Tiro ñaa marieriro jiro, crusapu yariaro to basita to pjacu to catia mehne Cohamacure waro sehe yoari jire. Espiritu Santo ã jirucuriro to yoad-ohoa mehne ã yoari jire tiro. ã yoa mari ñaa yoari buhirire Cristo to cosawechu ñuno mari ñaa buhirire Cohamacu bonocahno, mari ñaa yoarire duhuchu yoara. Tí ñaa buhirire cjuasinina pichacapu wahahtina jimai mari. To cosawerina jina, Cohamacu catiriro yare yoaina jija mari.

¹⁵ ã jiro “Õ sehe musare yãhdũchu yoaihtja”, masare Cohamacu to ni yahu cũchu Cristo sehe to yahuare yahubasariro jira. ã yahubasara tiro Cohamacu to beserinare yãhdũchu yoaro taro. To ã yãhdũchu yoachu jipihtia dachoripe

tiro mehne jirucunahca mari to yaina. ã jina mari to yainare Cohamacu to wahtire cjuanahca mari. Moise cjirore to cãri dutia dihta jichu masa ti ñaa buhiri jisinia tiri jire. ã yoa crusapu yariaro tí pjata ti ñaa yoari buhirire yãhdũchu yoari jire tiro to yainare. ¹⁶⁻¹⁷ Masano baharo to coyeare to wahtire joa õyura papera pũ. To wahtire yahuro taro joa õyura. Tí pũre joa õyuriro to yariaerasinichu tí pũ yaba cjihti jierara. To coyea to cjuarire na masierasinina. Wiho mejeta, to yariachu ñua tí pũ to ni joariro seheta to yare naahca tina. ¹⁸ To yariahto pano tí pũ to yaba cjihti jieraro seheta yariaro marieno di wijaro marieno Cohamacu Moise cjirore to cãri dutia cũhu ne yaba cjihti jieraboã. ã jiro wahiquiro dire sacerdote to wajã siteri baharo to dutiare quihõnota yoaro nia tiri jire. ¹⁹ ã yoaro õ sehe yoa muhtaa tiri jire Moise cjiro: Cohamacu to cãri dutiare masare yahu pahñoã tiri jire. Baharo wachuacã dire, cabritoa dire co mehne morea tiri jire. Tuhsu, hisopo wama tidu dupu mehne oveja pjoari sohãã mehne ti ñimiori pjoarire torãã tiri jire. Tí dupu mehne dire soharo, Cohamacu dutiare to joari tju bui wajã site payoa tiri jire. Jipihtina masa bui cãhure wajã site payoa tiri jire. ²⁰ ã yoaro õ sehe nia tiri jire tiro: “Cohamacu marine to

yahuri cjiri to dutiri cjiri ahri di mehne ti potocã jichu masija mari. Ahri dire ñana to niriro seheta marine to yoahrire masija mari. Tí dutiri cjirire yuhti dutiri jire tiro marine”, nia tiri jire Moise cjiro. ²¹ Ñ yoaro masare to yoariro seheta Cohamacure ti ño payori wuhu wahiquina cahsari wuhure, jipihtia tí wuhui jia cãhure wajã sitea tiri jire. ²² Ñ tjira. To dutia ti niriro seheta payu ñaare di cohãno mehne cosawero cahmana. Mahanocã duhsaa ñaare paye baro mehne ti cosawechu noana. Ñ jiro Cohamacu mari ñaa yoari buhirire ne bosu to di cohãerachu.

Cristo to dire cohãno, to yaina ti ñaa yoari buhirire cosaweha

²³ Tí jipihtia Cohamacure ti ño payori wuhu, tí wuhui jia cãhu manano macari wuhui jia yoaro seheta jiri jire mari piti dahre buhechu. Manano macari wuhu sehe potocãta Cohamacu ya wuhu waro jira. Ñ jia ahri yahpa macari wuhure, tí wuhui jia cãhure wahiquina dire to wajã siteri mehne cosawero cahmari jire. Tí yuhdoro manopu wahahtinare ti ñaa buhiri cjainare cosawero cahmana. Ñ jiro wahiquina yuhdoro jiriro ya di to cohãno mehne tinare ti ñaa yoari buhirire cosawero cahmana. ²⁴ Ñ yoa Cohamacure ti ño payori wuhu masa ti yoari wuhu jira. Manano macari wuhu yoaro seheta jira tí

wuhu cãhu, mari piti dahre buhechu. Ñ jiro Cristo sacerdote jiro marine sini payobasaro taro ahri yahpa macari wuhure sãaerari jire. Potota manopu wahari jire tiro Cohamacu panoi marine sini payobasaro taro. ²⁵ Mari judio masa mari sacerdotea puhto bui puhtoro cãhmaripe Cohamacu to jiri tahtia waropu sãa tiri jire wahiquina dire waro taro. Cristo sehe to dire Cohamacure waro sehe yoaro taro, yariaro payu tahari sãaerari jire. ²⁶ Payu tahari yariaro jiro, ahri yahpa to jiro puro payu tahari yariaboa tiro. Payu tahari tiro mari ñaa buhirire yariarucuriro jiboa. Wiho mejeta pihtiri dacho panocã mipure marine jipihtinare yuhduchu yoaro taro cã tahata bajuari jire tiro ahri yahpai. Ñ bajuari jire to yariaa mehne mari ñaa buhirire cohãno taro. ²⁷ Jipihtina masa cã tahata yariaahca. Ti ñ yariari baharo masa noinare, ñaina cãhure beserohca Cohamacu. ²⁸ Cã tahata mari yariaro seheta Cristo cãhu cã tahata yariari jire payu masa ti ñaa yoari buhirire cohãno taro. Baharo pari turi tarohca. Mari ñaa yoari buhirire cohã tuhsariropu jirohca. Ñ jiro pari turi mari ñaa yoari buhirire cohãno taro nisi. Ñ taro tirore cohtainare wahchea mehne tirore ñu duainare yuhduchu yoaro tarohca.

10

¹ Cohamacu to dutia Moise cjirore to cūri cjiri noaa buhea yoaro seheta jipahta, cāno potori jierara. Tí dutia ti yoa dutiro sehta cūhmaripe wahiquinare wajā, jū mho, Cohamacure ño payorucura. Ti ā yoaa mehne masa ti ñaa yoari buhirire cohāerara. ² Tí mehne ti ñaa yoari buhirire cohāa, cū tahata Cohamacure ti ño payori baharo “Mipure ñaa buhiri mariaha sāre”, ni tuhutuboa masa. Ā jia pari turi wahiquinare wajā jū mho Cohamacure ño payoeraboa. Ti ā yoiri duhuncaboa. ³ Cūhmaripe wahiquinare wajā jū mho, Cohamacure ti ño payochu tí tinare ti ñaa yoari buhirire wacūchu yoara. Tó purocāta yoadoho duara tí tinare. ⁴ Wachua di mehne mari ño payori mehne, cabritoa di mehne mari ño payori mehne ne mari ñaa yoari buhirire cohāerara.

⁵ Tí potocāta jira. Ti ā jichu ñuno Cristo ahri yahpāre to tahto pano ō sehe nia tiri jire Cohamacure:

“Wahiquinare jū mho ti wachu, trigo pohcare ti wachu cūhure mahu ñu ji coerara mahu.

Ā jicu yu pjacure yoare mahu yu ya pjacu cjihtore.

⁶ Ñaa yoari buhirire ti cohāhtore wahiquinare wajā ti jū mhochu ñu ji coerara mahu.

⁷ Mu ā ñu ji coerachu ñu ō sehe nihi mahure:

“Ōi jija. Mu cahmano seheta yahpāre yoai wahaihtja.

Āta yahure ni yahura mu ya tjupe, nihi yahū”,

nia tiri jire Cristo to Pucurore.

⁸ “Wahiquinare jū mho ti wachu ñu, trigo pohcare ti wachu cūhure ñu ñu ji coerara mahu”, ni yahu mahāta tiri jire tiro. Wahmanopure to dutia wahiquinare, trigo pohca cūhure ti waa mehne ti ño payo dutipachata ā nia tiri jire tiro. ⁹ Ā ni tuhsu ō sehe ni namoa tiri jire: “Ōi jija. Mu cahmano seheta yahpāre yoai wahaihtja”, nia tiri jire. To ā nichu ō sehe masija mari. Panopu wahiquinare wajā jū mhoa mehne ti ño payori cjirore duhuchu yoaro paye buhea sehere cūno niri jire Cohamacu. Ā cūno mipure Cristo to yariaro mehne masare yuhdūchu yoarohca Cohamacu. ¹⁰ Jesucristo to pjacure waro, yariaro, jipihtina mari to yainare mari ñaa buhirire cohāri jire. Cū tahata to pjacure wari jire mari ñaa yoari buhirire cohāno taro. Ā yoaro Cohamacu to cahmano seheta yoaro niri jire.

¹¹ Jipihtina mari judio masa mari yaina sacerdotia dachoripe Cohamacure ño payori wahu dahrarucura.

Ā dahrarucua dachoripe mananota wahiquinare wajā, jū mho, Cohamacure sinirucura. Ti ā wajā jū

m̄opachuta tí mari ñano yoari buhirire ne cohãerara. ¹² Cristo sehe cã tahata mari ñaa yoari buhirire yariaro, mari ñaa yoari buhirire noano cohã pahñonocari jire. Tíre cohã tuhsu wahaahaa wahari jire to P̄uc̄aro cahap̄u to poto buh̄usehei dujiro waharo. P̄uhtoro jiro tórp̄u dujira. ¹³ Tórp̄u dujiro cohtaro nina. Tirore ñu tuhtiinare Cohamac̄u sehe to yuh̄d̄ur̄ucabasah̄tore cohtaro nina Cristo. ¹⁴ ã jiro cã tahata to yariaro mehne ti ñaa yoari buhirire to cohãbasarinare ñaa buhiri marieina tí ã jirucuch̄u yoara tiro. ¹⁵ Tí potocã tjira. Áta ni yahura Espíritu Santo marine. Õ sehe ni yahura tiro:

¹⁶ “Õ sehe nina Cohamac̄u: ‘Baharop̄ure õ sehe ni yahuihtja Israe masare, “Ȳu dutiare ti wac̄ur̄ap̄u c̄uihtja”, ni yahuihtja”,

nina tiro. ¹⁷ Õ sehe ni namona Cohamac̄u:

“ Tí ñaa yoari buhirire yu dutiare ti yuh̄d̄ur̄ucari c̄uh̄are pari turi wac̄u namosi yuh̄u’, nina tiro”,

ni yahura Espíritu Santo.

¹⁸ Mari ñaa yoari buhirire to ã boch̄u pari turi mari ñaa yoari buhiri yariahtirore cahmaeraja mari.

Cohamac̄u cahai s̄una cuiro marieno tiro mehne mari durucuboriro seheta tiro mehne durucu masija mip̄ure

¹⁹ ã jina yu coyea Cristo to yariaro mehne to di cohãno

mehne mip̄ure mari c̄uh̄u cuiro marieno Cohamac̄u to jiri tahtia warop̄u s̄ana, tiro mehne durucu masija. ã yoana tirore sini masija. ²⁰ Mari catirucuhto cjihtore Cohamac̄u marine ã coã yoaro niri jire. Cristo sehe mari ñaare yoari buhirire yariaro to di cohãri mehne Cohamac̄u mehne durucu masija mari. Sacerdotea p̄uhtoa bui p̄uhtoro tí tahtiap̄u to s̄ariro seheta Cristo sehe Cohamac̄u cahap̄u s̄uri jire mari ñaa yoari buhirire bo dutiro waharo. Tí tahtia macari suhtirore d̄ucataru suhtirore to t̄uhr̄e cohãboro seheta Cristo to p̄jac̄ure cohãri jire Cohamac̄u mehne mari jirucuhto sehe. ²¹ ã jiro Cohamac̄u ya w̄uh̄ui dahrariro mari Yairo Sacerdote tua yuh̄d̄ur̄ariro jira tiro. ²² ã jina Cohamac̄ure sinijihna mahñono marieno. Tirore noano wac̄u tuua mehne, cuiro marieno tirore sinijihna. Cristo mari ñaa yoari buhirire to cosaweinap̄u jija. ã jina “Buhiri tiina jija mari”, ni t̄uhotuina jieraja mari. ã yoa wete mariea co mehne mari cosawero seheta Cristo to cosaweinap̄u jija. ã jiina jina Cohamac̄ure sinijihna. ²³ “M̄usare yuh̄d̄uch̄u yoaihtja”, to niriro seheta yorohca. ã jina tiro marine to yuh̄d̄uch̄u yoah̄tore noano masija mari. Tíre masina, ne boena t̄jijihna. Cohamac̄ure ã wac̄u tuarucujihna. ²⁴ Mari mehne macainare cah̄ina,

tinare yoadohojihna mari jipihtina mari cahma cahĩ yoadohohto sehe. ²⁵ Ā jina noano cahmachurucujihna Cohamacu yare yoana tana. Paina sehe ti cahmachumarirore duhua nina. Tina yoaro sehe yoarena tjijihna. Mari mehne macainare wahchechu yojihna. Ahri yahpapure mari puhtoro to tahto mahanocã duhsara. Tĩre masina tuaro wahchechu yojihna mari mehne macainare Jesu yainare.

²⁶ Potocã jia buheare noaa buheare mari masipanahta ñaare mari pari turi ã yorarucuchu mari ñaa yoari buhirire cosawe namohto basioerara. ²⁷ Ā jiro tó sehe yoainare cua nina. Jipihtina tirore ñu tuhtiinare buhiri dahrero, tuaro jãnoi cohãnohca Cohamacu tinare. Ā jia to buhiri dahrehtore cuiina dihta jimana tirore duhuina. ²⁸ Cohamacu dutia Moise cjirore to cūri cjirore yuhduhcainare buhiri dahrea, mari coyea judio masa wajãna tinare. Ne pja ñuno marieno wajãna tinare. Tiaro ti yahusãchu tuhoro beseriro ti yuhduhcarire masino tinare buhiri dahre dutira. Tiaro mariachu puaro ti yahusãchu tinare buhiri dahre dutira. To ã dutichu tinare wajãna. ²⁹ Tĩ yuhdoro Cohamacu macanore ñu yabiina to buhiri dahrehtina jiahca. Cohamacu Cristo to di cohãno mehne mari ñaa yoari buhirire cohãna. To ã cohãntore yahuri jire tiro

marine. Ā jia tina ti ñaa yoari buhirire cohãrina jipahta baharo pari turi ñaare yoarucua ti ñaa yoari buhirire to cohãrire to di cãhure “Wiho waro jira”, nia nina. Ā niina, to buhiri dahrehtina waro jia niahca. Ā niina Espĩritu Santore ñano ni durucuina jira. Tiro tinare cahĩro jira. Ti ã ñano durucuchu ñano tuaro buhiri dahrerohca Cohamacu tinare. ³⁰ Ahrire mari noano masija. Cohamacu to basita õ sehe nia tiri jire: “Yuhu jija buhiri dahrehtiro. Ti ñaare yoari buhiri buhiri dahrehtija yuhu”, nia tiri jire tiro. Ā sehe ni namoa tiri jire: “Yuhu ñano yoainare yu yainare buhiri dahrehtija”, nia tiri jire tiro. ³¹ Cohamacu catiriro marine to buhiri dahrechua yuhduhara.

³² Panopu musa jirire wacũga musa. Tĩ pjare Cohamacu yare wahma masi ducana payu tahari ñano yuhduhpanahta to yare duhuerare musa. ³³ Cãa tahari masa ti ñurocaroi paina musare ñano ni, ñano yoapere musare. Paina Jesu yainare ti ñano yoachu ñuna, tinare pja ñu, tinare piti tire. ³⁴ Ti peresu yoainare pja ñure musa. Tuhsu, musa yare ti mapachuta wahchea mehne, “Noanohca”, nire musa. Ahri yahpa macaa yuhdoro noaare cjuara musa manopu. Tĩ noaa ã jiru-cuahca. Tĩre masina, musa cjuare ti machu cahyaerare musa. ³⁵ Ā jina cuiena tjiga. Cohamacure ã wacũ tuaru-

cuga. M̄sa ã yoach̄ũ ñ̄no tiro noano yoarohca m̄sare.

³⁶ Cohamac̄ũ “M̄sare õ sehe yoadohoihtja”, to ni c̄ũrire noano cohtaga m̄sa ñ̄ano ȳhd̄ũpanahta. ã cohtaina jina to cahmaare yoanahca m̄sa. ã yoana to ni c̄ũrire c̄ũanahca. ³⁷ Õ sehe nina Cohamac̄ũ yare ti joari p̄ũ:

“Mahanoçã d̄hsara Cristo to wihito.

ã taro dói wihi bahrañonohca.

³⁸ Ȳũ yaina noaina sehe ȳh̄ũre wacũ tuarucuahca.

ã yoaa yaina jirucuahca.

Ȳh̄ũ mehne ã jirucuahca.

Ȳũ yare cohãina sehere ñ̄ũ yabija ȳh̄ũ”,

nia tiri jire to ya durucua ti joari p̄ũ. ³⁹ Mari sehe

Cohamac̄ũ yare cohãina jieraja mari. ã jina pichacap̄ũ wahahtina jieraja mari. Cohamac̄ũre wacũ tuaja mari. ã jina to ȳhd̄ũch̄ũ yoaina jija.

11

Wacũ tuaare yahuha

¹ Õ sehe jira wacũ tuaa: Cohamac̄ũre wacũ tuana, marine to noano yoahtore noano masija mari. Cohamac̄ũ to ñ̄ĩro seheta to yoerasinipach̄ũta to yahuare “Potocã tjira”, ni t̄hotuja mari tiore wacũ tuana. Tiore ñ̄ũerapanahta, tiore wacũ tuana, “Potocã tjira”, ni t̄hotuja mari to yahuare t̄hona. ² Panop̄ũ macaina Cohamac̄ũre ti wacũ tuach̄ũ ñ̄no ñ̄ũ ji coaa tiri jire tiro sehe.

³ Cohamac̄ũ to durucua mehne jipihtiare ba juamehnea tiri jire. ã jiro tiro mari ñ̄ũerari mehne jipihtia mari m̄ip̄ũ ñ̄ũare ba juamehnea tiri jire. T̄ĩre mari noano masija Cohamac̄ũre wacũ tuana pinihta.

⁴ Cohamac̄ũre wacũ tuaro Abe sehe corderore wajã, j̄ũ m̄ũo, Cohamac̄ũre ñ̄o payoro “Noana”, nia tiri jire. To wahmino Caĩ ȳhd̄oro noanore waro, ñ̄o payoa tiri jire tiro Cohamac̄ũre. ã jiro Cohamac̄ũ to warire wahchea tiri jire. ã wahchero “Noariro jira”, ni ñ̄ũa tiri jire tiro Abere. ã Cohamac̄ũre to wacũ tuach̄ũ ñ̄ũna mari tiore ñ̄ũ c̄ũja. To yariari baharo jipach̄ũta to wacũ tuarire ñ̄ũ c̄ũja mari.

⁵ Enoco Cohamac̄ũre to wacũ tuach̄ũ ñ̄no wahchea tiri jire Cohamac̄ũ. ã wahchero tiore to cahap̄ũ na m̄ũoa tiri jire. ãta nina Cohamac̄ũ yare ti joari p̄ũ. To na m̄ũori baharo ñ̄e masa tiore bocaera tiri jire. To na m̄ũoriro jiro ñ̄e yariaera tiri jire. ⁶ Cohamac̄ũre wacũ tuaerana, tiore wahchech̄ũ yoa masieraja mari. Cohamac̄ũre wacũ tuaerana, tiore ñ̄o payo masieraja mari. “Potocãta tiro Cohamac̄ũ warota jira. ã jiro tiore mari ñ̄o payoch̄ũ marine noano yoara tiro”, mari ni t̄hotuerana tiore sini masieraja mari.

⁷ Noé Cohamac̄ũre wacũ tuaro, tiore to yahurire noano ȳh̄tia tiri jire. Baharop̄ũ ti ñ̄no wahahtore to yahuch̄ũ

tuhoro noano yuhtia tiri jire tiro. Æ yuhtiro, pjiria dohoriare yoaa tiri jire. Æ yoaa tia dohoria mehne tiro to coyee mehne dia miniore yuhtia tiri jire. Æ wacū tuariro jiro ahri yahpa macaina ñaina ti wacū tuaerare ti pichacaru ti wahahto cūhare ñono nia tiri jire. Æ jiro to wacū tuachū ñono “Noariro jira”, ni ñaa tiri jire Cohamacu tirore.

8 Abrahā cjiro cūhu Cohamacu wacū tuaro tirore yuhtia tiri jire. Pa dihtapure tirore to wahti dihtapure Cohamacu to waha dutichū tuhoro Abrahā yuhtia tiri jire. To ya dihtai jiro wijaa waharo, to masierari dihtapure sūa tiri jire. 9 “Ahri dihtare mūhare waihtja”, Cohamacu to nichū tuhoro tirore wacū tuaro ti dihtaihta tjuaa tiri jire tiro. Tó jiro pa dihta macariro jiparota tóihata tjuanocaa tiri jire. Tirore, to macano Isaa cūhare to panamino Jacobo cūhare tina cañare “Ahri dihtare musare waihtja”, ni yahua tiri jire Cohamacu sehe. Æ jia tina tí dihtai jia, wahiquina cahsari wuhusei jia tiri jire mūnana jieraina jia. 10 Tó jisinia tiri jire Abrahā Cohamacu mehne to jihtore cohtaro. Pa macaru Cohamacu to jiri macaru mūanoru to wahahtore cohtaro nia tiri jire tiro. Tí macare dahrea tiri jire Cohamacu. Æ jiro tí maca ne pihtisi.

11 Cohamacu wacū tuaro Abrahā cjiro bucuro waro jiparota, to namono Sara

mehne pohna tia tiri jire. To namono pohna marienico to jipachata, “To niriro sehetā yoarohca”, Cohamacu nino, tirore wacū tuaro pohna tia tiri jire Abrahā. 12 Æ jiro Abrahā bucuro waro jiparota pohna tia tiri jire. Æ jia to panamana jii turianaru payu wahanocari jire. Æ nahpichoha perire, padu pohcaricā cūhare mari quihōna bihoeraro sehetā to panamana jii turiana cūhare quihōna bihoeraja mari.

13 Jipihtina ahrina yu yahuina cjiropu Cohamacu wacū tua tuhsinaru yariaa tiri jire. Cohamacu tinare “Musare waihtja”, to ni quihō cūrirore sūerapahta yariaa tiri jire. Tíre ñahaerapahta Cohamacu to niriro sehetā yoari pja baharopu ti cūahtire masia tiri jire. Æ masia wahchea tiri jire. Æ jia ō sehe nia tiri jire tina: “Ahri yahpai tiniina jija. Pa yahpa macaina jija”, nia tiri jire tina. 14 Tó sehe niina pa yahpare ti ya yahpa cjihtore cohtaa nina. Tíre mari noano masija. 15 “Pa yahpa macaina jira”, nicu panopu ti cohāri yahpare nicu nieraja. Pa yahparu ti jii mūhtari yahparu waha duaa, wahaboa. 16 Noa yuhtuari yahpa sehere cahmaa nia tiri jire. Tí yahpa mūanoru jira. Tí ã cahmachū ñono “Cohamacu sã puhtoro jira”, ti nichū tuhoro buo tierara Cohamacu. Tí ya maca cjihtore dahrebasa tuhsua tiri jire tiro.

17-18 Cohamacu Abrahãre to macunore Isaare wajã jũ mno dutia tiri jire. Tirore ñu duaro ã dutia tiri jire, “¿Potocãta yuhure wacũ tuajari?” nino. Cohamacure wacũ tuaro to niriro seheta yoaa tiri jimare Abrahã. “Mu macu Isaa mehne mu panamana ji turianare payu cjuaihca mũhu”, Cohamacu to niriro jipachuta to macunore wajãno taro nia tiri jimare Cohamacure ño payoro taro. ¹⁹ “Yu macu Isaare yu wajãchu Cohamacu tirore masonohca”, ni tãhoturo tirore wajãno taro nia tiri jimare. ã niriro jiparota Cohamacu tirore ducata, wajã dutiera tiri jire. To pucuro to ã wajãboriro jiro, masariro yoaro sehe jia tiri jire Isaa, Abrahã to ñuchu. ã jiro Abrahã tirore catirirore pari turi cjuaa tiri jire.

²⁰ Isaa Cohamacure wacũ tuaro, to pohñare Jacobore, Esaú cãhure “Baharopu Cohamacu musare pjiro noano yoarohca”, nia tiri jire. ²¹ Cohamacure wacũ tuaro Jacobo to yariahto panocã José pohñare, mũare “Cohamacu musare pjiro noano yoarohca”, nia tiri jire Jacobo. Na tuhcuca caha su, to tjuadu mehne tjua ñaha caha su, Cohamacure ño payoro, “Cohamacu musare noano yoarohca”, ni cãa tiri jire. ²² Cohamacure wacũ tuaro José to yariahto panocã Israe masa Egiptoï jiina ti wijahtore yahuyua tiri jire. ã ti wijahtore masiyuro

to yariari baharo to pjacu cjirore naa dutia tiri jire to pohñare.

²³ Cohamacure wacũ tuaa, Moiscãre tia sũ waro mno cjuaa tiri jire to pucsuma, to masa bajuari baharo. Noarirocã to jichu ñua tirocãre mnoa tiri jire. Tí yahpa macaina bui pãhtoro ti pohñare to wajã dutirore yuhdũgucanocaa tiri jire tina. Tirore cuiera tiri jire.

²⁴ Moise cjirore bucõoricoro Egipto yahpa macaina bui pãhtoro macono jia tiri jire. ã to bucõoriro jiro Cohamacure wacũ tuaro “Ticoro macuno”, tirore ti ni pisuchu cahmaera tiri jire Moise. ²⁵ Cohamacure yuhdũgucariro jiro tirore bucõoricoro caharu mahaa numuricã noano jiboa. ã jiboriro jiparota tí yãhdoro tiro Cohamacu yaina mehne ñano yuhdu duaa tiri jire.

²⁶ ã ñano yuhdũro Cristore ti bujũpehto seheta ti bujũperiro jia tiri jire. Baharopu to noano yoari wapa Cohamacu tirore to noano yoahore masino ñano yuhdu duaa tiri jire Cristo to ñano yuhduhto seheta. Jipihtina Egipto macaina ti noaare ti cjuaro yãhdoro tiro Cohamacu sehere tuaro cahmaa tiri jire. Ñano yuhdũparota, Cohamacure cahmaa tiri jire.

²⁷ Cohamacure wacũ tuaro, Egipto macaina bui pãhtoro tiro mehne to suachu cuieraa tiri jire Moise. ã cuieraro tí yahpai jiriro tí yahpare cohã wahcãa wahaa tiri

jire. Ā waharo Cohamacure bajuerarirore to ñaboriro seheta cuierariro jia tiri jire. Cohamacu tirore to yoa dutirire ne duhuera tiri jire Moise cjiro.

²⁸ Cohamacure wacū tuaro Moise cjiro Israe masare Cohamacu to yuhduchu yoah-tore masia tiri jire. Ā masino Cohamacu to dutiriro seheta Israe masa ti sopacarire ōa pñine di mehne wajā site dutia tiri jire tiro. Ti ā yoachū ñuno anjo masare wajāriro ti masa wahmisumare wajāboriro Israe masa ti wahmisumare wajāera tiri jire. ²⁹ Cohamacure wacū tuaa, Israe masa “Sohāri ma”, ti niri mapu co watoi jiri wahsai co marieni wahsai wahaa wahaa tiri jire. Ti ā wahachu ñua Egipto macaina cūhu tinare ñu cū, nūnu ti wahcāmaa, mini yariaa wahaa tiri jire.

³⁰ Cohamacure wacū tuaa Israe masa Jericó wama tiri maca macari sahrīno tāa mehne ti yoari sahrīno sē bātiri sahrīno baharo buhusehei soroa majarea tiri jire. Siete dachori waro tí macare soroa tinia tiri jire. Tópe dachori ti soroa tiniri baharo tí sahrīno sehte bora pihtia wahaa tiri jire.

³¹ Cohamacure wacū tuaro tó pano mña mehne ñano yoarucuricoro cjiro Rahab wama tricoro, tí maca macaricoro Israe masare yoadohoa tiri jire. Tí macare ti cohāhto pano mahainacā Israe masa tópu sāa ti duhti ñuchū ticoro tinare yoadohoa tiri jire. To ā yoadohochū ñua

Israe masa wajāera tiri jire ticorore. Tí maca macainare Cohamacure yuhduhcainare wajāpahta ticoro sehene wajāera tiri jire.

³² Painare Cohamacure wacū tuainare yahu namoboa yuhū. Ā yahu duapaihta payure ā Cohamacure wacū tuainare yahu joa pahño masieraca yuhū. Payu jira tina. Gedeō, Baraca, Sansō, Jefe, Davi, Samue, Cohamacu yare yahu mūhtaina cūhu ahrina jipihtina yu yahuborina jira.

³³ Cohamacure wacū tuaina cāina paye yahparipu jia, tí yahpari macainare cahma wajā yuhduhcaaa tiri jire. Ā yoa paina noano dutiina jia tiri jire. Cohamacu tinare “Mūsare yoadohoihtja”, to niriro seheta tinare yoadohoa tiri jire. Tirore ti wacū tuachu ñuno ā tinare yoadohoa tiri jire. Ā wacū tuaa, yaya tinare ti chu duachu ti duserire bihachu yoaa tiri jire tina. ³⁴ Tuaro jūri pichacapu jipahta jūera tiri jire tina Cohamacure wacū tuaa. Paina tinare ti ñosa wajā duachu duhti wahcāa wahaa tiri jire Cohamacure wacū tuaa. Tuaraina jipahta Cohamacure wacū tuaa, tuaina wahaa tiri jire. Cohamacure wacū tuaina jia, cahma wajā tuaina jia tiri jire. Ā jia paye yahpari macaina surara tinare wajāa taina ne cūno pjaera tiri jire tinare. ³⁵ Cāa numia Cohamacure ti wacū tuachu ñuno ti coyera ti yariachu

ñano Cohamacu sehe tinare masobasaa tiri jire.

Paina “Cohamacure cahmaena tjiga”, ti ni peresu yoaina ti ñabiaro yoapeina Cohamacure wacũ duhuera tiri jire. “Cohamacure musa wacũ duhuchu musare wionahca”, nia tiri jimare tinare peresu yoaina Cohamacu yainare. Ti ã nipachuta tinare yuhtiera tiri jire Cohamacu caharu tuaro waha duaa. ã jia tinare ñabiaro ti yoapechu yariaa waha tiri jire. ³⁶ Painare Cohamacure wacũ tuainare ñano ni bujape tinare tjana mujaa tiri jire. ã yoa painare dahporire, yachurire dautenoca peresu yoaa tiri jire. ³⁷ Cohamacure wacũ tuainare ñaina tãa mehne doca wajãa tiri jire. Painare ti pjacurire seroti mehne yihso ta mujaa tiri jire. Painare ñosaa pjini mehne ñosa wajãa tiri jire tina. Ti ã ñano yoapeina oveja cahsari mehne, cabra cahsari mehne suhti tiina pjacuoina jia tiri jire. ã jia paina tinare ñano yoapea tiri jire. ³⁸ Tina Cohamacure wacũ tuaina peri yu yahuina noa yuhduaina ti jichu ahri yahpa macaina ñaina tina mehne jiborina jierara. Ahrina Cohamacure wacũ tuaina wuhuse marieina jia, masa marienoru, tãyucaru ji sitotaa tiri jire. ã ji sitotaa, tãyucaru jia copariru, yahpai jia copariru cãhure carĩ sitotaa tiri jire. ³⁹ Ahrina jipihtina Cohamacure ti wacũ tuachu ñano wahchea tiri jire

tiro. Ti ã wacũ tuapachuta Cohamacu tinare “Musare yuhduchu yoaihtja”, to niriro mu sãerasinia tiri jire. ⁴⁰ To yuhduchu yoerasinirire yahuro õ sehe ni tuhotua tiri jire Cohamacu. “Ahrina yu yainare baharoru jiina yu yaina mehne cãno portori yuhduchu yoaihtja”, ni tuhotua tiri jire. ã ni tuhoturo to niriro seheta yoarohca. To ã yoachu noa yuhduara to pano yoariro yuhdoro.

12

Jesure ã wacũrucujihna mari

¹ ã jina ahrina yu yahurinare payu Cohamacure wacũ tuainare masina, jipihtia ñaa yoare duhunocajihna mari cãhu. Õ sehe jira mari piti dahre buhechu: Murocaperirore tirore muroca tuachu dojomehnea jira paye. To dahpo suhti nusua suhti tirore muroca tuaerachu yoaboca. Ti yoaro seheta Cohamacu cahmaare mari yoa duachu dojomehnea cãhu jira. Ahri cãhure duhujihna mari. ã yoana murocapeina soro marieno ti murocaro seheta mari cãhu Cohamacu to cahmano seheta soro marieno yoajihna. ² ã jina Jesure ã wacũrucujihna mari. Tirota jira marine wacũ tua ducachu yoariro. ã yoa marine wacũ tua namochu cãhure yoara tiro. Crusaru yariaro cãno pjari jire. Baharo to wahchehtore masino crusaru yariari jire. ã

yariaro bho tiboriro jiparota bho tierari jire tiro. ã yoaro mipere Cohamacu to puhtoro dujiro poto bhusehei dujtijãhno tiro dutiriro jira.

³ Ñaina masa tirore ti ñabiaro yoapachuta cãno pjari jire tiro. Tíre wacũga msa, msa cũhu ñano yhduna, “Cãno pjaerari”, nina. Tíre wacũga msa “Tirore wacũ tua duhuri”, nina. ⁴ Jesu to ñano yhduriro sehe ñaare yoaerapanahta ñabiaro waro yhdherasinica msa. Ñaina msare wajãerasinica.

⁵ ¿Cohamacu msare to pohmare to yahurire bonocajari msa? Msa ñano yhdutire to yahurire wacũga msa. Õ sehe nia tiri jire tiro:

“Yu macu, mhure yu yahuchu mhure ã ñnocai tjiga ñano yhdurpaita.

Mhure yu tuhtichu tuhocu cahyai tjiga.

⁶ Jipihtina yu cahĩnare yahuja.

ã yoa jipihtina ‘Yu pohna jira msa’, yu ni ñinare yhdurca dutieraja.

ã jicu ti yhdurcachu ñhu tinare buhiri dahreja”, nia tiri jire Cohamacu.

⁷ Ñano yhduna Cohamacu yare duhuena tjiga. Cohamacu msare to pohmare buhero nina. Ti pucsuma ti pohmare ã yahurucura. ã yoa tinare buherucura. Tó seheta yoara Cohamacu cãhu marine to pohmare.

⁸ Cohamacu jipihtina to

pohmare ã yahurucura. ã jina msare to yahuerachu to pohna waro jierara msa. Pucsuma marieina yoaro sehe jira msa to yahueraina. ã jina “Sã Pucu waro jira”, ni masierara msa Cohamacure, msare to yahuerachu. ⁹ Mari pucsuma marine ti yahuchu tuhona tinare ño payoja mari.

Mari pucsumare mari ño payoriro yhdoro ño payoro cahmana mari Pucure Cohamacure to yahuchu. ã jina tirore yuhtiro cahmana marine. ã yuhtiina jina jipihitia dachoripe tiro mehne jinahca. ¹⁰ Mahaa numericã ahri yahpai mari jisinchu mari pucsuma marine yahua, buhiri dahrera. Ti msuro ti masino purocãta marine yahua, buhiri dahrera. Cohamacu sehe marine noano yahura. ã jiro to masia mehne marine buhiri dahrera marine noaina bucua dutiro. ãta yoara tiro marine tiro yoaro sehe noaina mari jihto sehe.

¹¹ Marine to buhiri dahrechuh wahcheraja mari. Wiho mari cahyaja. ã cahyapanahta to ã buhiri dahreri baharo noaina bucuanahca mari. ã jina soro yoaro marieno noano jinahca.

Cohamacu marine to dutiare mari yuhtierachu cua nina marine

¹² ã jina wacũ tuaera cureina jipanahta Cohamacure wacũ tuaina jiga. Tirore duhuena tjiga. ¹³ Noano potori mahare msa

wahaboro seheta noano potocã yoaga mûsa. Mûsa ã yoachũ ñũ cûa, paina Jesu yaina soro jiare yoasi. Mûsa noano yoachũ ñũ cûa, noano wacũ tuera cureina cãhũ wacũ tuaina wahaahca.

14 Jipihitina masa mehne noano jiga, cahmacheno marieno. A yoa ñano yoarucuenta tjiga. Ñaa buhiri marieina dihta mari pãhtoro Cristore ñãhca.

15 Noano yoaga mûsa. Cohamacũ mûsare to yoadohochũ tirore noano yãhtiga. Ñaa diaa ti toare ti dojomehnenno seheta mûsa cãhũ Cristo yare duhuena tjiga, "Painare dojomehneri", nina. 16 Ne numia mehne ñano yoina jiena tjiga. A yoa Cohamacũ yare cahmaeraina jiena tjiga. Cohamacũre cahmaerariro jia tiri jire Esaú cjiro. Tiro masa wahmino jia tiri jimare. A jiro to pũcũro to yariari baharo to pũcũro yare cãhãhtiro jisinia tiri jimare. Cohamacũ to pũcũrore to ni cũri cãhũre cãhãhtiro jisinia tiri jimare. A jiriro jiro cã dacho cã wapaihta chũare cahmano, tí wapa mehne to bahũro sehere to wahmino yoaro taro cohtotaa tiri jire. 17 To ã yoari baharo to dohse waharire masina mûsa. To pũcũro tirore to wahtire tuaro cahmaa tiri jimare Esaú. To ã cahmapachũta to bahũrore to wahmino to yoari buhiri, baharo to cãhãborire waera tiri jire to pũcũro Esaúre. Tíre yahco mehne to sinipachũta tirore

waera tiri jire to pũcũro.

18 Cohamacũ to dutiare Moise cjirore to cũchũ mari coyera Israe masa cjiri Cohamacũ mehne jia tiri jire. Tina tiro mehne ti jiriro seheta mûsa sehe jierare. O sehe yoaa tiri jire tina sehe. Tũcũpũ Cohamacũ mehne jia taa, sũa tiri jire. Tũ sehe Sinaí wama tidũ jira. Tũpũ ti sũchũ tuaro pichaca jãa tiri jire. A jiro nahitiano, buiri, tuaro wihnono cãhũ jia tiri jire tũ tãcũi. 19 Tópũ ti sũchũ corneta bisiro coa taa tiri jire. A yoa durucua bisiro coa taa tiri jire. To ã durucua bisiro coa tachũ tãhoa, masa cãno pjaeraa, "A durucu namoeno tjijaro", tuaro ni sinia tiri jire. 20 Cohamacũ cuaro mehne õ sehe ni, dutia tiri jire tinare: "Jipihitina ahdũ tũcũre pihainare tãa mehne doca wajãga tinare. Ahdũre pihariro wahiquiro waro to jipachũta tiro cãhũre tãa mehne doca wajãga tirore. O ñosadu mehne ñosa wajãga tirore", nia tiri jire Cohamacũ. To ã nichũ tãhoa to ã ni dutiare cãno pjaera tiri jire tina. 21 Jipihitia tũ tãcũi jiro to ñãrĩre ñũ cuiro, õ sehe nia tiri jire Moise cjiro: "Cuicũ teterei nija", nia tiri jire tiro.

22 Tó seheta Cohamacũ mehne ti ji dũcãriro seheta jierara mûsa sehe. Cohamacũ mehne jina wahana, Siõ wama tidũpũ mũano macadũpũ mûsa sũboro seheta potota Cohamacũ mehne durucure mûsa. Co-

hamacũ catiriro to ya macapũ mũsa sũboro seheta potota tiro mehne durucure mũsa. Tĩ maca pa maca wahma maca Jerusalẽ mũano macari maca jira. Tõpũre payũ anjoa peri jira. ²³ Tina Cohamacũ mehne wahchea taa cahmachuina jira. ã jina mũsa sehe to ya maca macaina jina, tõpũ Cohamacũ pohna jĩ mũhtaina mehne mũsa cahmachuboriro seheta jira. Tina to pohna wamare to joa õri pũi mũanopũ ti wamare to joa õina jira. Tiro Cohamacũ sehe jipihtinare besehtiro jira. Tiro mehne macaina jira mũsa sehe. ã jina paina noaina Cohamacũ yaina mehne cahmachuina seheta jira mũsa cũhũ. Tinareta ñaa marieina jichũ yoa tuhsũri jire Cohamacũ. ²⁴ ã jina Jesu mehne macaina jira mũsa sehe. Wahmanopũ Moise cjirore to duti cũri cjirore cohtotaro “Mũsare yũhdũchũ yoaihtja yũhũ”, ni cũa tiri jire Cohamacũ marine. To ã ni cũriro seheta yoariro jira Jesu. To dire cohã to yariaro mehne ã marine yũhdũchũ yoara. Abe cjiro to di cohãchũ ñũno Cohamacũ Abere wajãrirore buhiri dahrea tiri jire. Jesu sehe to dire cohã to yariaro mehne noano yũhdũja mari. ã jiro Abe to di cohãri wiho warota jia tiri jire. Cristo sehe to di cohãri baharo noa yũhdũaro yoari jire Cohamacũ marine. ã jia to di cohãri wiho warota jierara.

²⁵ ã jina noano yoaga mũsa.

Cohamacũ yare mũsare yahurirore noano yũhtiina jiga. Panopũ ahri yahpai jiro Moise cjiro Cohamacũ yare to yahuchũ tũhoa, payũ tíre tũho duaera tiri jire. ã ti tũhoerari buhirire buhiri dahrea tiri jire Cohamacũ tinare. Cristo sehe mũanopũ jiro Cohamacũ yare yahuriro jira. ã jiro panopũ macainare to buhiri dahreriro yũhdoro buhiri dahrerohca Cohamacũ Cristore cahmaerainare. Cristo sehe mũanopũ jiro Cohamacũ yare yahuriro jira. ²⁶ Tĩ pjare Moise cjirore to dutiare to cũri pjare Cohamacũ to durucuro mehne yahpa ñũhmichũ yoaa tiri jire. Mipũ sehere õ sehe ni yahuri jire tiro: “Ahri yahpa to ñũhmichũ cũ taha yoa namoihtja. Ahri yahpa dihtare ñũhmichũ yoasi yũhũ. Mũanopũ cũhũre ñũhmichũ yoaihtja”, ni yahuri jire tiro. ²⁷ “Ahri yahpa to ñũhmichũ cũ taha yoa namoihtja”, nino jipihtiare to bajuamehnerire to cohãhtore masichũ yoaro niri jire. Pũhtoro Cohamacũ to sũho jirore cohãhto basioerara. ã jiro to bajuamehneri cjirore to cohãchũ pũhtoro to sũho jiro dihta tjuarohca. ²⁸ Pũhtoro to sũho jirore wahanahca mari. ã jina pũhtoro to sũho jirore to cohãerachũ ñũna, Cohamacũre “Noana”, nijihna mari. ã jina tirore ño payoa mehne, cua pisaro mehne to yare yoajihna mari tirore wahchechũ yoana

tana. ²⁹ Pichaca jãno to cuaro to jiro seheta Cohamacu cuaro choro buhiri dahreriro jira.

13

Õ sehe Cohamacure wahchech#yoaga

¹ M#sa mehne macainare cahĩ duhuena tjiga. ² Masa m#sa masieraina ti jipach#ta tinare m#sa w#h#sep# noano mehne sãa ta dutiga. Paina ã yoaa, masierapahta anjoare ti w#h#sep# sãa ta dutiri jire. Æ jina ti yoaro seheta yoaga m#sa c#h#.

³ Peresui jinare pja ñ#ga. M#sa sehe tina mehne peresui jiina m#sa jiboro seheta tinare pja ñ#ga. Paina ti ñano yoaina c#h#re pja ñ#ga. Tina yoaro sehe m#sa c#h# m#sa ñano y#h#d#boro seheta tinare pja ñ#ga.

⁴ Wamomaca d#hteina jipihtina m#sa basi noano cahma ño payoga. Æ yoa paina mehne ñano yoaena tjiga. Jipihtina numia mehne ñano yoainare, m#sa mehne ñano yoaa numia c#h#re buhiri dahrerohca Cohamacu.

⁵ Ni#erure cahĩna ne jiena tjiga. Õ sehe nia tiri jire Cohamacu: “M#sare ne cohãsi. Æ yoadohorucuihtja m#sare”, nia tiri jire tiro. Noho puro m#sa c#j#aa mehne tó purota wahchega. Pj#ro cahma namoena tjiga. ⁶ Æ jina cuiro marieno õ sehe ni t#hotunahca mari: “Mari p#htoro Cohamacu marine yoadohoriro jira.

Ne cuisu mari.

Masa marine ti ñano yoah-tore cuisu mari”, ni t#hotunahca mari.

⁷ Cohamacu yare m#sare yahurinare m#sare dutirinare wac#ga m#sa. Æ yoa noano ti jia tirire noano ti yoaa tirire wac#ga. Æ wac#na, Cristore ti wac# tuariro seheta yoaga m#sa c#h#.

⁸ Jesucristo ne cohto-taerara. Panop#, mip# c#h#re, baharop# c#h#re to jiro seheta j#rucurohca tiro. ⁹ Pay# buheare soro jia buheare t#hoena tjiga m#sa “Noa buheare sãp# cohãri”, nina. “Ahrire ch#ga. Ahrire ch#ena tjiga”, ni buhera cãina. Æ ni ti nia buheare mari y#htich# ti marine yoadohoerara. Æ jiro tó sehe jia buheare mari yoach# wiho warota jira. Tí marine wac# tuaina jich# yoaerara. Cohamacu sehe marine pja ñ#no wac# tuaina jich# yoara. Æ jina to ya tuaa mehne tirore wac# tuaina jiga m#sa c#h#.

¹⁰ Cristo mari ñaa buhirire yariari jire mari ñaare cohãno taro. Sacerdotea sehe õ sehe niina jira: “Wahiquina mari wajã j# m#oina, mari waina mehne y#h#d#nahca”, niina jira sacerdotea. Æ niina ti ñaa yoari buhirire cohãina ne ji masierara. Cristo to crusai to yariaro mehne y#h#d#ina ji masierara tina Æ ni t#hotuina. ¹¹ Mari judio masa mari sacerdotea p#htoro Cohamacu to jiri

tahtia waropu dire na sãano wajã sitea tiri jire, masa ti ñaa yoari buhirire cosawero taro. ã yoa to wajãriro wahiquiro to pjacure tí maca duhtu cahapu jũ cohãnocahna. ¹² To yoariro seheta Jesu cãhu maca duhtu cahapu yariari jire, masa ti ñaa buhirire to di cohãno mehne cosawero taro. ¹³ Maca duhtu cahapu to yariachu ñua, ti ya buheare to cohãchu ñua judio masa puhtoa tirore ñu tuhtiri jire. ã jina mari cãhu tiro mehne macaina jijihna. Mari ã jichu ñua, masa mari cãhure ñu tuhtiahca. ¹⁴ Ahri yahpapu mari ji dojoahti maca ne mariahna. ã jina mipure mari baharopu jihti macare cohtana nija mari. ¹⁵ ã jina Jesu to yoadohoro mehne Cohamacu mehne durucuja mari. ã jina tirore noano sinijihna. Sacerdote wahiquirore jũ muo, Cohamacure to ño payoriro seheta Cohamacure mari duseri mehne noano durucu ño payojihna mari. “Cohamacu tuariro jira”, ni ño payorucujihna. Mari ã nichu tiro wahcherohca. ¹⁶ MUSA mehne macainare noano yoaga. ã yoa tinare yoadohoga. Tíre boena tjiga. MUSA ã noano yoana Cohamacure ño payona nica MUSA. ã yoana tirore wahchechu yoana nica.

¹⁷ MUSA puhtoare noano yuhtiga. Ti dutiro seheta yoaga. Cohamacu musare ñu wihbo, buhe dutiro cüre tinare. To ã cürina jia musare

ã ñu wihborucua nina “Cohamacure yuhdurucari”, nia. ã jina tinare noano yuhtiga MUSA. MUSA ã yuhtichu ñua wahchea mehne musare yoadohoahca tina. MUSA yuhtierachu ñua tina cahyaahca. ã yuhtierana noano jisi MUSA.

¹⁸ Sãre sini payorucuga Cohamacure. Dachoripe noaa dihtare yoa duaaja sã. ã jina “Ñaaare yoana nija”, ni tuhotueraja sã. ¹⁹ Ahri pinihtare tuaro sini payoga Cohamacure yuhure: Soaro mehne MUSA cahapu yu wahtore tirore sini payoga.

Ahri püre joariro noa duti batoaha

²⁰ Cohamacu mari puhtoro Jesure yariarirore masori jire. Marine noano jichu yoariro jira. Tiro “Musare yuhdurucu yoaihtja”, ni cãa tiri jire Cohamacu marine. To ã ni cürire yoariro marine yuhdurucu yoariro Jesu sehe jira. Mari ñaa buhirire yariari jire tiro. ã jiro tiro tuariro ovejare ñu wihboriro yoaro sehe jiro, marine to yainare noano ñu wihbora. ²¹ ã jiro Cohamacu tirore masoriro MUSA cãhure yoadohojaro jipihtia noaare to cahmaare MUSA yoahito sehe. ã jiro Jesucristo to yoadohoro mehne Cohamacu to cahmano seheta jipihtinare marine noaa sehere cohtotachu yoajaro. Jipihtia dachoripe Cristore ño payojihna. ãta yoajihna.

²² Yu coyea, ahrire tuaro musare dutihtja: Ahri püi

y_u yahurire noano mehne t_uhoga m_usa. Ahri m_usare y_u joarocari p_u p_uj_uri tju jierara. Ā jina ahrire noano t_uhoga. ²³ Ahri c_uh_ure m_usare yahuihtja: Mari coyeirore Timoteore peresu jirore wioyuhti. Soaro mehne to wihich_u m_usare ñ_ui wahac_u tirore naaihtja. Y_uh_u mehne waharohca.

²⁴ M_usa p_uh_utoare, jipihtina painare Cohamac_u yainare t_ui j_uinare noa dutija. Italia macaina Jesu yaina c_uh_u m_usare noa dutira.

²⁵ Cohamac_u to cah_uã mehne m_usare jipihtinare noano yoajaro.

Santiago

Santiago Israe masare macari waharinare joarocaha

¹ Y_hh, Santiago ahri pūi m_ssare noa duti joarocai nija. Cohamac_{re}, mari p_hthoro Jesucristo, c_hhure dahra cohtariro tjija y_hh. Ā jic_u Israe masa ya curuari macainare doce curuari macainare Jesu yainare macari waharinare y_h coyeya m_ssare joarocai nija.

Cohamac_u sehe noano mäsich_u yoara

² Y_h coyeya, pay_u jiahca m_sa ñano y_hhd_uhti. Ā ñano y_hhd_una noano wahchea mehne t_hhotuga. ³ Ā ñano y_hhd_una, potoc_āta Jesure m_sa wacū tuaare ñona ninahca m_sa. Ā jina ñano y_hhd_upanahta Jesure m_sa noano wacū tuaina jina, tirere wacū tua namoina wahanahca. Ā wahana m_sa ñano y_hhd_uare c_hno pjanahca. ⁴ Ā yoana duhuro marieno ā c_hno pjarucuina jiga m_sa, t_hho masiina, Cohamac_u cahmaare noano masiina m_sa jihto sehe. Ā jina d_hsaro marieno to yare yoarucuina jinahca m_sa.

⁵ Cohamac_u d_hsaro marieno jipihtinare wara. Ā waro tirere siniinare soro nino marieno wara tiro. To ā jiro jich_u masina, m_sa masihti d_hsach_u t_hhotuna, tirere siniga. M_sa ā sinich_u m_ssare masi namoch_u

yoarohca tiro. ⁶ Ā sinina Cohamac_{re} noano wacū tuatji_āhna siniga m_sa. “S_ā sinich_u Cohamac_u waer-aboca s_āre”, ni t_hhotuena tjiga. Tó sehe ni t_hhotuina pjiri ma macaa pahcōri yoaro sehe jira. Pahcōri ti s_uroca cohtotaro seheta tina c_hh_u ti wacūap_ure s_uroca cohtotara. C_hno potori yoaerara tina. Ā jia Cohamac_{re} wacū tuaerara. ⁷ Tó sehe ni t_hhotuinare ti sinipach_uta ne mahanoc_ā ti siniare tinare wasi mari p_hthoro Cohamac_u. ⁸ Michare ahrire cahmariro jiparota ñamichac_ure soro t_hhotura tjoa. Ā yoarirore tó wahaerara.

⁹ Jesu yainare wiho jinare Cohamac_u sehe p_hthoa sōnohca. To ā yoah_tina jia wahchejaro tina. ¹⁰ Ā jia Jesu yaina pache p_ha jia ti ya pache pihtit_ure masia wahchejaro. Tí pache wiho warota jira, Cohamac_u to ñ_hch_u. Cohori ti dōi baa boraah waharo seheta tí pache pihtia wahaahca. Ā jia tina c_hh_u wahchejaro. ¹¹ S_u m_uja taro to tuaro sich_u tja sehe ñaia wahara. Ā yoa cohor_i c_hh_u ñai boraah waha, noaah cohor_i ti jia cjiri pihtia wahara. Āta waharohca pache p_hare ti pachere ti na cahmachuno watoi. Tina ti pache mehneta butia wahaahca.

Ñano yoa dutiare yoaerariro wahcheriro jira

¹² Ñano y_hhd_uriro c_hno pjar_o, ñano yoa dutiare

yoaeraro wahcheriro jirohca. To ã cãno pjachũ, to ñaare yoaerachũ jipihtia dachoripe mũano macaa catiare tirore warohca Cohamacũ. “Tí catiare waihca”, ni cũa tiri jire Cohamacũ jipihtina tirore cahĩinare. ¹³ Mũsare ti ñano yoa dutichũ “Cohamacũ yũhare ñano yoa dutiro nina”, ni tũhotuena tjiga. Ñano yoaare tũhotuerariro jira Cohamacũ. ã jiro tiro sehe masare ñano yoa dutiriro jierara. ¹⁴ Masa tuaro ñaare tí goa pjaata tita tinare ñano yoachũ yoara. ¹⁵ ã jia ñaare goa pjara masa. ã goa pjaa, tí sehere tũhotura. ã tũhotua, tí ñaare yoarucura tina. Tí ã yoarucuri buhiri Cohamacũ tinare pichacapũ cohãnohca.

¹⁶ ã jina yũ coyeyã yũ cahĩina, “Cohamacũ yũhare to dutichũ ñano yoahi”, ni tũhotuena tjiga. Potocã jierara tí. ¹⁷ Cohamacũ mũano macariro marine noaa dihtare wara. Tiro pinihta sũ dacho macarirore, ñami macarirore, ñahpichoha poca cãhare bajuamehneriro jiro, tiro sehe to jiriro seheta ã jirucunocahna. Ne cohtotaerara. ¹⁸ To cahmariro seheta tiro noaa buhea mehne marine to pohna wahachũ yoare. ã yoare tiro to pohna ji mũhtaina mari jihto sehe.

Potocãta Cohamacũre ño payoa õ sehe jira

¹⁹ Yũ cahĩina, yũ coyeyã ahrire noano tũhoga mũsa. Cohamacũ yare noano tũhoga mũsa. ã tũhona,

noano tũhoturo marieno durucuena tjiga. ã yoa suaena tjiga. ²⁰ Cãiro suariro jiro, Cohamacũ to cahmano seheta quihõno yoariro jierara. ²¹ ã jina jipihtia mũsa ñaa yoarire, mũsa ñaare goa pjarire duhuga mũsa. ã jina Cohamacũre noano yũhtiina jina to buheare tuaro cahmaga mũsa. To ya buheare mũsa tuaro cahmachũ Cohamacũ sehe mũsare pichacapũ wahaborinare yũhdũchũ yoarohca.

²² To yare tũhopenahta to nino sehe yoaerana mahõoare tũhotuna nica mũsa. “To nino sehe yũ yoaerachũ noanohca”, ni tũhotuna mahõoare tũhotuna nica mũsa. ã jina to yare tũhona tí sehere yoaga. ²³ Cohamacũ yare tũhopenahta, to nino sehe yoaerana, to wũhdũare ñõno mehne ñariro yoaro seheta jira mũsa. ²⁴ Tiro to wũhdũare to ñuri baharo waha, to ñarire boa wahara. ²⁵ Pairo sehe to ñarire to boerariro seheta Cristo to dutirire tũhorõ tíre yoaro, wahcheriro jirohca. Tí dutia Cristo to cahĩã mehne masare to yũhdũchũ yoahti buhea jira. Tí buheare ne cohãerariro wahcheriro jirohca. Tiro pinihta to tũhorire yoariro jira. ã yoarirore noano yoarohca Cohamacũ.

²⁶ Cãiro to ã durucumacancarire duhu masieraro, potocãta Cohamacũre ño payoerara. “Cohamacũre noano ño payoja”, ni tũhoturiro jiparota

mahñoare tũhotura tiro. “Cohamacure ño payoja”, niriro to jipachuta to ño payoa ne yaba cjihti jierara. ²⁷ Potocãta Cohamacure mari Pucure mari ño payona, to cahmano seheta ño payona, õ sehe yoaja mari: Pucsuma marieinare, wapewahya numia cũhure ñano ti yũhdũchũ ñuna, tinare yoadohoja mari. ã jina ahri yahpa macaina ñaare ti yoaa barore ne yoa duaeraja mari. ã yoana potocãta Cohamacure ño payoina jija mari.

2

Masare cãno potori noano yoaro cahmana marine

¹ Yũ coyega, noa yũhdũarirore Jesucristore mari pũhtorore tũhona, tirore wacũ tuaina jira mũsa. ã wacũ tuaina jina masare cãno potori noano yoaro cahmana mũsare. ²⁻³ ã yoa uru sororire, wamomaca sãa sororire cũariro, wapa tia suhtire sãariro mũsa Jesu yaina cahmachuno cahpũ to tachũ ñuna tirore noano mehne piti bocaboca. “Õi dujiro jira”, niboca mũsa tirore. ã nipanahta tí pjata pjacũoriro cũhũ ñano suhti tiriro mũsa cahai to tachũ ñuna tiro sehere noano piti bocaeraboca. “Õi ducuga. O yahpai dujiga”, niboca mũsa tirore. ⁴ Mũsa ã yoana masare cãno potori yoerana nica mũsa. ã yoana ñaare tũhotuina masare beseina yoaro sehe jina nica mũsa. “Ahriro sehe noariro jira.

Ahriro ñariro jira”, ni bese-manamũsa.

⁵ Yũ coyega, yũ cahĩina, yũhũre tũhoga. Payũ pjacũoina sehere Cohamacure noano wacũ tuahina cjihtire, pũhtoro to sũho jiropũre jihtina cjihtire besea tiri jire Cohamacũ. “Tõpũre wahanahca mũsa”, ni cũa tiri jire Cohamacũ tirore cahĩinare. ⁶ Tinare to ã besepachuta mũsa sehe pjacũoinare noano yoerare. Pache pũa sehe mũsare ñano yoara. ã yoaa tina masare beseriro cahapũ mũsare naahna mũsare yahusãa taa. ⁷ Mũsa sehe “Cristo yaina”, masa ti niina jira. Payũ pache pũa sehe Cristore ñano ni durucuina jira. (ã jiro pjacũoinare mũsa ño payoriro yũdoro pache pũare mũsa ño payochũ sehere ñaa nina.) ⁸ Cohamacũ dutia mehne macaa dutiare paye dutia bui curero jia dutiare õ sehe ni joaa tiri jire: “Mũ basi mũ cahĩno seheta mũ cahai jiina cũhũre cahĩga”, nina Cohamacũ dutia. Ahri dutiare yoana, noare yoara mũsa. ⁹ Wiho mejeta masare cãno potori yoerana ñano yoana nina mũsa. ã jina Cohamacũ dutiare yũhdũũcaina jira mũsa. ãta nina Cohamacũ yare ti joari pũi. ¹⁰ Cohamacũ dutiare yoaina jipanahta cũnotare mũsa yoerachũ paye dutiare mũsa yoa pahũopachuta yaba cjihti jierara. Ñaa buhiri tiina jisnina mũsa. ¹¹ “Pairo namono mehne ñano yoena tjiga” ni,

m̄sare dutiro Cohamac̄ta jira. “Masare wajāena tjiga”, niriro tirota jira Cohamac̄. Pairo namono mehne ñano yoerapanahta mas̄nore wajāna Cohamac̄ to dutiare ȳhd̄uc̄aina jira m̄sa. ¹² Cristo marine tuaro cah̄no, marine dutira marine ȳhd̄uch̄ yoaro taro. To dutiare mari yoare, mari yoerari c̄h̄re ñano marine besero tarohca. To ā besehtina jina to dutiare noano yoajihna. Ā yoa to cah̄mano seheta durucujihna mari. ¹³ Mip̄re painare mari pja ñ̄erach̄ Cohamac̄ sehe masare to beseri pja jich̄ marine pja ñ̄si. Wiho mejeta painare mari pja ñ̄ch̄ Cohamac̄ sehe pja ñ̄no, marine buhiri dahresi.

Cristore wacū tuaina sehe noaare yoara

¹⁴ Ȳ coyera t̄hoga m̄sa. “Cristore wacū tuaja ȳh̄”, c̄iro to nipach̄ta painare to noano yoadohoerach̄ to ā nimari cjiri sehe ne yaba cjihti jierara. Tó sehe ni wacū tuamacanocarirore Cohamac̄ ȳhd̄uch̄ yoasi. ¹⁵⁻¹⁶ Jesu yairo, Jesu yacoro ñaa suhti dihta ti c̄ach̄ ñ̄na ti ch̄hti mariach̄ ñ̄na dohse yoajari m̄sa tinare paye baro c̄aina jina? “Noano jiga m̄sa. Ā yoana noano suhti tiga. Ā jina noano ch̄a mehne yapi wahc̄ga”, nipanahta ti cah̄maare m̄sa waerach̄ m̄sa ā nimari cjiri ne yaba cjihti jierara. ¹⁷ Ā yoa “Cristore wacū tuaja”, m̄sa nipach̄ta

noaare m̄sa yoerach̄ Cristore m̄sa wacū tuaa ne yaba cjihti jierara.

¹⁸ M̄sa mehne macariro ahri ȳ buherire t̄ho duaeraro ō sehe masijaro. Noaare yoeraparota “Cristore wacū tuaja”, niboca tiro. Noaare yoeraro Cristore to wacū tuaare painare masich̄ yoa masierara. Noaare yoariro pinihta noaare to yoaa mehne Cristore to wacū tuaare masich̄ yoa masina. ¹⁹ “Cohamac̄ c̄irota jira”, ni t̄hotura m̄sa. M̄sa ā ni t̄hotuch̄ noa nina. Ā jipach̄ta tó purota Cohamac̄re ȳhtiro marieno tirore m̄sa masich̄ tí yaba cjihti jierara. Wat̄a c̄h̄ m̄sa t̄hoturo seheta t̄hotura. Ā yoa Cohamac̄ to jia tiare masina tina. Ā masia, cuia, teterera.

²⁰ C̄iro noano yoeraparota “Cristore wacū tuaja”, ni t̄hoturiro jiro t̄ho masierariro jira. Cristore wacū tuamariro painare noano yoeraro potoc̄ta Cristore wacū tuaerara. Ō sehe ni yahuihtja m̄sare ahri: ²¹ Abrah̄a mari ñ̄ch̄ c̄iro to mac̄no Isaa wama tirore c̄irore wajābasaa tiri jimare Cohamac̄re. Ā yoaro tirore t̄a mehne ti yoari tuhu bui duhu payoa tiri jimare. Ā duhu payoro Cohamac̄ to dutiro seheta to mac̄nore wajāno taro nia tiri jimare Cohamac̄re ño payoro taro. To ā yoach̄ ñ̄no potoc̄ta Cohamac̄re to wacū tuarire masia tiri jire Cohamac̄. To ā wacū tuariro to jich̄ masino,

“Potocãta noariro jira”, ni ñña tiri jire Cohamacu tirore. ²²To ã ni ñuchu ahrire masina mûsa: Abrahã Cohamacure wacû tuaro tirore yuhtia tiri jire. Æ yuhtiro Cohamacure to wacû tuarire masichu yoaro nia tiri jire. ²³Æ jiro Cohamacu yare ti joari pûi to niriro seheta ã wahaa tiri jire: “Abrahã Cohamacure wacû tuaa tiri jire. To ã yoachu ñño ‘Noariro jira tiro’, ni ñña tiri jire Cohamacu tirore”, ni joaa tiri jire Cohamacu yare ti joari pûi. To ã ni ñuchu masia “Abrahã Cohamacu mehne macariro jira”, nina masa tirore.

²⁴Æ jina ahri yu yahuhtire masina mûsa: “Cohamacure wacû tuaja” niriro, to noano yoerachu ñño Cohamacu sehe tirore “Noariro jira”, ni ñnerara. Cohamacure wacû tuariro sehere potocãta to noano yoachu ñño “Noariro jira”, ni ñña Cohamacu tiro sehere. ²⁵Æta ni ñña tiri jire Cohamacu Rahab wama tiricorore mûa mehne ñano yoarucuricoro cjirore. Josué cjiro to warocarinare noano piti boca “Noano sãa tahga”, nia tiri jire ticoro. Æ yoaro tina ti tjuaa duachu ticoro sehe pa maha sehere ñoa tiri jire tinare “Tinare ñu tuhtina wajãri”, nino. To ã yoachu ñño “Noaricoro jira”, ni ñña tiri jire Cohamacu ticorore. ²⁶Æ tjira. Mari pjacure catia mariachu ji masieraja mari. Æ jiro catia marieno mari pjacu yaba cjihti jierara.

Tó seheta “Cohamacure wacû tuaja”, nipanahta painare mari noano yoerachu potocã jierara mari wacû tuaa. Æ jiro mari noano yoaa mariachu mari wacû tuaa yaba cjihti jierara, catia marieni pjacu to yaba cjihti jieraro seheta.

3

Mari duseroi wijaare yahuha

¹Cohamacu yare masare buheina to yare ti noano yoerachu ñño tina pinihtare masare buheraina yuhdoro Cohamacu buhiri dahrerohca. Tíre masina mûsa, yu coyea. Æ jina mûsa mehne macaina masare buheina payu jiena tjiga. ²Jipihtina payu tahari mari ñaare yoaja. Cãiro ñaare durucuerariro Cohamacu cahmaare noano yoariro jira tiro. Æ jiro paye ñaa cûhure yoerara. ³Õ sehe jira ahri mari piti dahre buhechu: Cawalo to duseroi comaa pjï to ñahmanore ña dihohti pjïne mari cûja, tirore mari majarerucachu yoana tana. Æ yoana tí pjï comaa pjï mehne tirore to wahahto mari waja majareruca dapoja. Tí pjïca mahari pjïca to jipachuta tí pjï mehne tirore wahachu yoaja mari. (Õ seheta mari dusero mahanocã to jipachuta tí dusero mehne pjïro ñano yoaja mari.) ⁴Dohoria quitu mehne piti dahre yahu namoihtja mûsare: Busoca pjiria to jipachuta tiare wihnono to tuaro wãrocachuta

oturiro sehe mahari p̄jica mehne tia nohoi to waha duaroi oturocara. ⁵ Tó seheta jira mari duseroi wijaa. Mari dusero mahanocã to jipachuta tí dusero mehne p̄jiro yoaja mari. Mahari pichacacã p̄jiro to jã wahcãno seheta mari dusero mehne p̄jiro ñaare yoa masija. ⁶ ã jiro mari dusero pichaca yoaro sehe jira. Mari duseroi wijaa jipihtia ñaare yoachũ yoara marine. Pichaca to jã ducarõ seheta mari duseroi wijaa mehne mari noano jiborirore ñabiaro yoaja mari. Ñaare durucuna watĩno to dutiro seheta mari yoana nija. ⁷ Jipihtinare nũcũ macainare wahiquinare, minichahcare, chihchõ wahcãinare, wahire mari masa sitichũ yoa masija. Mari payũ tina barore masa sitichũ yoa tuhsũja. ã jia tina noano tũho masina. ⁸ Tinare mari yũhtichũ yoapachuta mari dusero sehe ñaare durucuro ne tjueraputiara. ã jiro nuina ti niji siariro seheta mari dusero sehe ne niji siaeraputiara. Mari duseroi wijaa ñabiaa jira. ã jiro ñima painare to wajãno seheta marine paina cũhũre ñabiaro wahachũ yoara mari duseroi wijaa. ⁹ Mari dusero mehne Cohamacũ mari pũhtoro mehne mari noano durucuja. ã durucupanahta masa Cohamacũ yoaro sehe jĩinare to bajuamehnerina ti jipachuta tinare ñabiaro ni durucuja mari. ¹⁰ Cũ duseroihta noaa durucua cũhũ, ñaa durucua cũhũ wijara. Yũ coyeya, ã ni durucueraro cahmana.

¹¹ Máca pohtai mũ wiori copai noaa co, ñaa co cũhũ ne wijaerara. ¹² Yũ coyeya, higuera cũ olivo pocare dicha tierara. Tuhsũ, secũ higuera pocare dicha tierara. ã yoa máca pohtai mũ wiori copai moa tia co to wijaachũ moa mariea co wijaerara. (Tó seheta mari duseroi noaa durucua, ñaa durucua mehne wijaachũ yoeraro cahmana. ã ni durucuaeraro cahmana.)

Noano masia waro õ sehe jira

¹³ Cãina mũsa mehne macaina noano masiina jira. Noano masiina mũsa jia tiare õ sehe yoa ñonahca mũsa. “Paina yũhdoro noano masija sã”, niena tjiga. ã nienata noaare yoaga mũsa. ã noaare yoana potocãta noano masiina jira mũsa. ¹⁴ Wiho mejeta paio paye barore to cjuachũ ñũna tíre tuaro cahmaina jina, paina mehne suarucuina jina, painare yũhdũrcũ duaina jina, “Noano masiina jija sã”, niena tjiga mũsa. Mũsa ã niina jina mahñoina jira mũsa. ¹⁵ ã yoaina ti tũhotua ne Cohamacũ ya tũhotua jierara. Ti tũhotua Cohamacũre yũhdũrcũcaina ti ñano tũhotua jira. Tí tũhotua sehe watĩno ya jira. ¹⁶ Masa ti cjuare tuaro cahmaina, painare yũhdũrcũ duaina ã cahma sayorucura. ã yoaina jia jipihtia ñaare yoarucura. ¹⁷ Paina sehe Cohamacũ yare noano masiina sehe tina pinihta ã yoamacanocaa

nierara. Æ yoa tina ne cahma sayoerara. Æ jia masa noaina, painare noano yuhtiina, pja ñuina, masare yoadohoina, masare cãno potori yoaina jira tina. Tíre yoaa, mahñoño marieno yoara tina. ¹⁸ Æ yoana cahmachea marieno jina, painare “Cahmachena tjiga”, mari ni yahuna, noaina wahachu yoana nija mari masare.

4

Ahri yahpa macaa ñaare cahmana, Cohamacure cahmaeraina jira musa

¹ ¿Dohse jiro baro musa cahma sayojari? ¿Æ jina dohse jiro baro cahmachejari musa? Ñaare goa pjana, cahmache duara musa. Noaare yoa duapanahta ñaare yoara musa. ² Paye barore musa cahmana. Æ cahmana masare wajãna musa ti yare nana tana. Pairo paye barore to cjachu ñna tíre musa tuaro cahmana. Æ cahmapanahta tíre na masierara musa. Æ yoa tíre cahma sayorucura musa. Cohamacure sinierana, musa cahmaare ne bocaerara. ³ Æ yoa sinina, musa ya cjihti dihtare sinimana musa, musa cahmano seheta yoarucuna tana. Paina ya cjihti sehère sini payoerara musa. Æ jiro musa sinichu Cohamacu musa siniare waerara. ⁴ Cohamacure cohãina jira musa. Ahri yahpa macaa ñaare cahmana, Cohamacure cahmaeraina jira musa. Ahri yahpa macaa

ñaare cahmaina Cohamacure cahmaeraina ji tuhsura. ¿Tíre masierajari musa? ⁵ Õ sehe nia tiri jire Cohamacu yare ti joari pui: “Cohamacu Espiritu Santore mari mehne jhtirore cùhre. Æ jiro Espiritu Santo sehe marine cahño, ñaare mari tuaro cahmapachuta cahmasãerara tiro. To manño to namonore to cahñ doaro seheta marine tuaro cahña Espiritu Santo”, ni joaa tiri jire panopure. To ã ni joari wiho warota jierara. Potocãta jirota nina. ⁶ Æ yoa Cohamacu marine noano yoadohora tirore mari noano yuhtihto cjihtore. Õ sehe nina Cohamacu yare ti joari pui: “Yuhu pinihta painare masi yuhdurucaja’ nirirore, Cohamacu ñu tuhtira. Pairo sehère ‘Ñariro, wiho jiriro jija’, niriro sehère Cohamacu yoadohora”, nina to yare ti joari pui. ⁷ Æ jina Cohamacure noano yuhtiina jiga musa. Æ yoa watínore yuhtiena tjiga. Musa ã yuhtierachu ñno tiro sehe musare duhti wahcã murocaa waharohca. ⁸ Cohamacure noano yuhtiga musa. Musa ã yoachu tiro sehe musare yoadohoro-hca. Ñaina jira musa. Æ jina ñaare yoa namoena tjiga. Ñaa cùhure cahmana, noaa cùhure cahmaina jira musa. Æ jina musa ñaa tuhotumarire cohtotaga. Musa ã yoachu ñno Cohamacu musa ñaa yoari buhirire cohãnohca. ⁹ Musa ñaa yoarire tuaro cahyana,

bujua witiga. Ñ yoana musa ñaare yoari buhirire tiiga. Tíre wahcheina jiena tjiga. Ñ jina musa ñaa yoarire ñano yajeripohna tiga. ¹⁰ “Ñariro, wiho jiriro jija yuhh”, nina Cohamacure ño payoga. MUSA ã yoachh ñano tiro sehe ño payoa mehne noano yoarohca musare.

Ti coyeare Jesu yainare ti basi ñano quti dahre dutieraha

¹¹ Yu coyea Jesu yaina jina, mUSA basi ñano quti dahrena tjiga. MUSA coyeirore ñano quti dahrena, tirore buhiri dahre duti duaina jina nica mUSA. Cristo ya dutia sehe masare buhiri dahrehti dutia ji tuhsura. Ñ jina masare ñano quti dahrena Cristo ya dutiare õ sehe nina nica mUSA: “Marine noano dutierara Cristo ya. Ñ jina mari mu suro buhiri dahre dutijihna”, nina nica mUSA masare ñano quti dahrena. Ñ nina Cristo ya dutiare ñano ni durucuina tjuara mUSA. Ñ jina tí dutiare yoaeraina tjuara. ¹² Masare dutiare wariro, masare beseriro Cohamacuta jira. Masare pichacaru wahaborinare tirota yuhdunchh yoa masina. Ñ yoa tirota masare pichacaru cohã masina. Ñ jina mari sehe masare “Ñaina jira”, ni masieraja. Cohamacu dihta mari coyeare besehtiro jira.

Ñamichacature dohse mari jhtore masieraja mari

¹³ Mipure yuhare tuhoga mUSA. Õ sehe niina tuhoga yuhare: “Michare, ñamichacare pa macaru jina wahanahca. Tópure cã cãhma jina, paye baro dua, nuchnahca. Ñ yoana wap-atanahca mari”, nina cãina mUSA mehne macaina Cohamacure wacũno marieno. Ñ niina jina, yuhh sehere tuhoga mUSA. Tó sehe niinare ahrire yahui tai nija: ¹⁴ Ñamichacaru dohse mUSA jhtore masierara mUSA. Me ti ji, dói pihti muano seheta jira mari jia tia. Me mahanocã jiro, pihtia wahara. Tó seheta mari cãhã mahanocã jina, yarianahca. ¹⁵ Ñ jina õ seheta ni tuhuro cahmana musare: “Cohamacu to cahmachh jinahca mari. Ñ jina õ sehe yoanahca mari”, ni tuhuro cahmana musare. ¹⁶ Ñ jipanahta mipure “Mari mu suro õ sehe yoanahca”, nirucumana mUSA Cohamacure wacũno marieno. Tó sehe nirucuna painare yuhdũrcaina jina, ñaare yoara mUSA. ¹⁷ Ñ jina noaare mari yoahire masipanahta tíre yoerana ñaare yoana nija mari.

5

Pache pure yahuha Santiago

¹ Pache pura mUSA mipure tuhoga yuhare. Baharopure mUSA ñano yuhdũnahca. Ñ jina tii sañurucuga mUSA. ² MUSA pache ba pihtia wahaahca. Ñ yoa mUSA suhtire casipoca cãhã chh

pahñoahca. ³ Ahri dachorire, pihtiri dacho pano niñerure m̄sa pjíro wihboch̄u ne tí yaba cjihti jierara. M̄sa ã wihboch̄u ñano niñerure m̄sa cah̄ich̄u masina Cohamac̄u. Tí niñeru to wapo wijboriro seheta tí niñeru pihtia waharohca. ã jina niñerure m̄sa cah̄iri buhiri ñano yuhd̄unahca pichacap̄u m̄sa j̄uch̄u m̄sa pjac̄ure j̄u pjaro seheta. ⁴ M̄sa weserire dahra cohtainare wapaerare m̄sa. Tinare mahñore m̄sa. ã jiro tinare m̄sa wapaerari niñerure ñano, m̄sa mahñorire masina Cohamac̄u. M̄sare dahra cohtaina wapa na duaa, sañurucura tina. Tí ã ni sañurucuch̄u mari p̄htoro Cohamac̄u tinare t̄hora. ⁵ Ahri yahrap̄ure paȳu pache mehne jia tira m̄sa. ã jina m̄sa ji coa dihtare yoaa tira m̄sa. ã jina pjiriro wach̄u ti noano nuriro yoaro sehe jira m̄sa. Pjiriro wach̄u pjíro to ch̄ari baharo tirore ti waj̄hti cuhtup̄u na wahc̄ana. Tó seheta m̄sa c̄uh̄ure pjíro m̄sa cj̄ari baharo m̄sare to buhiri dahrehtop̄u na wahc̄anohca Cohamac̄u. ⁶ Noainare ñano ti yoerapach̄uta peresu yoa waj̄ dutire m̄sa tinare. M̄sa ã yoach̄u tina sehe m̄sare yuhd̄ur̄ca masierare.

Cristo to tjua tahtore noano cohta dutiha marine Santiago

⁷ ã jina ȳu coyeya, mari p̄htoro Cristo ahri yahrap̄ure to tjua tahtore noano cohtaga. Wese p̄ro to

toaa dicha tihti pjare noano to cohtaro seheta noano cohtaga. Puhiro to d̄ucach̄u. baharop̄u coro to ta namoch̄u c̄uh̄ure to toaap̄ure “Coro ta s̄ajaro” nino, to wesere to noano duhtore noano cohtara tiro. ⁸ To ã cohtariro seheta m̄sa c̄uh̄u noano cohtaga. Mari p̄htoro to tjua tahto mahanoc̄ã d̄hsara. ã jina Cohamac̄ure ã wac̄u tuarucuna to tahtore ã cohtarucuga m̄sa.

⁹ Ȳu coyeya m̄sa basi nurena tjiga Cohamac̄u m̄sare to buhiri dahrehta sehe. ã yoa ahrire wac̄uga m̄sa. Buhiri dahrehtiro to tahto mahanoc̄ã d̄hsara. ¹⁰ Ȳu coyeya, ñano yuhd̄upanahta mari p̄htoro noano cohtaga Cohamac̄u yare yahu m̄htaina cjiri ti yoariro seheta. Tina ti c̄ano pjariro seheta c̄ano pjaga m̄sa c̄uh̄u tinare ñu c̄una. ¹¹ ã yoa ahri ȳu yahutire wac̄uga m̄sa. Ñano yuhd̄upahta Cohamac̄ure duhueraina wahcheina jira. Panop̄u macarirore Job wama tirore cjiroro t̄hore m̄sa. Tiro ñano yuhd̄uparota Cohamac̄ure duhuerari jire. ã jiro to ñano yuhd̄uri baharo Cohamac̄u tirore noano yoari jire. Cohamac̄u mari p̄htoro noano pja ñariro jiro ãta yoari jire tiro. Tí jipihtiare masina m̄sa.

¹² Ȳu coyeya ahrire noano t̄hoga tjoa. Õ sehe ni wama payora masa: “M̄ano macariro mehne potoc̄ã nina nija”, nina masare t̄ho dutia.

Tuhsu, “Ahri yahpa mehne potocã nina nija”, nina masa. Paye mehne cãhure wama payora tina. Tina yoaro sehe ã ni wama payoena tjiga. Ahrire musare tuaro dutija. MUSA painare yahuna, noano potota yahuga tinare. Wama payoro marieno ni yahuga tinare. Æ musa potocã yahuchu ñano Cohamacu soro musa niri buhirire buhiri dahresi.

¹³ MUSA mehne macariro ñano yuhduro jiro, Cohamacure sinijaro tiro. Pairo wahcheriro jiro Cohamacure wahchea mehne basajaro.

¹⁴ MUSA dohatina, Jesu yaina puhtoare pjrocaga musa. MUSA ã pjrocachu tina sehe musare se mehne wisõahca mari puhtoro Jesu wama mehne to tuaa mehne. Æ wisõ tuhsu, mari puhtoro Cohamacure musare sini payoahca tina.

¹⁵ Æ ti sini payochu “Mari sinino seheta tiro yoarohca”, ti ni tuhutchu Cohamacu musare dohatiinare musa dohatiare yuhduchu yoarohca.

Æ yoa musa ñaa yoari buhiri musa dohatiina jichu ñaa musare sini payoahca. Ti ã sini payochu ñano musa ñaa yoari buhirire borohca Cohamacu.

¹⁶ Æ yoa musa mehne macaina mehne musa ñaa yoarire cahma pu buhuseheri yahuga. Æ ni tuhsu, musa basi Cohamacure cahma sini payoga. MUSA ã sini payochu musa sini payoinare Cohamacu yuhduchu yoarohca. Noare yoaina musa jichu Cohamacure

tuaro musa sini payoriro seheta yoarohca tiro. Æ jia musa sini payoa tua nica. Wiho jia jierara. ¹⁷ Cohamacu yare yahu muhtariro cjiro Elia wama tiro mari yoaro seheta masuno jia tiri jimare. Æ jiro “Coro taero tjijaro” ni, tuaro sinia tiri jire Cohamacure. To ã ni sinichu tia cãhma noano pa cãhma dacho macai ahri yahpapore ne coro taera tiri jire. ¹⁸ Pari turi tjoa Cohamacure corore to sinichu coro taa tiri jire. Æ jiro pari turi ahri yahpai yuchri bucu, dicha tia tiri jire. (Æ jia Cohamacure mari sinia wiho jia jierara.)

¹⁹ Yu coyea, musa mehne macariro Cohamacu yare duhuriro cjiro Cohamacu yare pari turi to cahmahto cjihtore tirore yahuna, noano yoana nina musa.

²⁰ Æ yoa ahrire masiga musa: Cohamacure duhuriro cjirore Cohamacure pari turi cahmachu yoana, pichacapu wahaborirore yuhduchu yoana nica musa. Æ jiro payu to ñaa yoari buhirire Cohamacu bo pahõonohca.

1 San Pedro

Jesu yainare macari waharinare joarocaha Pedro

¹ Уһһ, Pedro, Jesucristo buhe dutiro to cūrirota jija. Ā jich mʉsare yoaro macaa macaripʉ waha siterinare Ponto yahparʉ, Galacia yahparʉ, Capadocia yahparʉ, Asia yahparʉ, Bitinia yahparʉ tʉ yahparipʉ waharinare mʉsare jipihinare joarocaja yʉhʉ. Mʉsare noa duti joarocaja yʉhʉ.

² Wahmanopʉre Cohamacʉ mari Pʉcʉ “Ō sehe yoaihtja”, to ni wacūyuriro seheta mʉsare besea tiri jire. To ā beseri baharo to yairo Espʉritu Santo sehe mʉsare Cohamacʉ yaina cjihtire sōri jire. Ō seheta sōri jire tiro Jesucristore noano yʉhtihtina mʉsa jihto sehe, to di cohāri mehne mʉsa űaa buhirire cosarina mʉsa jihto sehe. Cohamacʉ to cahġa mehne mʉsare noano jichʉ yoajaro.

Jesu yaina jina marine mʉanopʉ to naahtore cohtana nija mari

³⁻⁵ Cohamacʉ marine tuaro pja űno, Jesucristo yariaro to masa mʉjari mehne marine pichacapʉ waha-borinare yʉhdʉchʉ yoare tiro. Ā marine yʉhdʉchʉ to yoachʉ pari turi mari masa bajaruro seheta Cohamacʉ to pohnata wahaja mari. Ā wahana tiro mehne mari ā

jirucutore noano masija mari. Ā jiro mʉsare noano yoaro taro mʉsare cohtaro nina. Tiro mehne mʉsa ā jirucutire cūnohca tiro. Ā jina ā jirucunahca mʉsa. Tōpʉ Cohamacʉ mʉsare to wahto ne baasi. Ahri yahparʉ mari ya ti wete wahāno seheta, ti űaia waharo seheta Cohamacʉ mʉsare to wahto ne ā wahasi. Ā jia ne pihtisi. Ā jiro tirore mʉsa wacū tuachʉ, Cohamacʉ to tuaa mehne mʉsare űʉ wihboro, yʉhdʉchʉ yoarohca. Pihtiri dacho jichʉ mʉsare to yʉhdʉchʉ yoarire masichʉ yoarohca tiro. Marine to ā pja űchʉ űna, Cohamacʉre mari pʉhtoro Jesucristo pʉcʉrore űo payo, “Noana”, nijihna tirore.

⁶ Ā to yʉhdʉchʉ yoahtina jina, mahano ahri yahpai mʉsa jiro puro payʉ tahari mʉsa űano yʉhdʉpanahta wahchera mʉsa. ⁷ Ā űano yʉhdʉpanahta Cohamacʉre duhuerana mʉsa tirore noano wacū tuarire masichʉ yoana nica mʉsa. Uru ahri yahpa macaa pini pihtia wahaahca. Uru yʉhdoro mʉsa wacū tuaa sehe wiho waro jierara. Ā jia masa uru to jiare masi duaa doha űna. Urure ti doha űano seheta mʉsa wacū tuare Cohamacʉ űʉ duaro “űano yʉhdʉjaro”, nibuaca mʉsare. Mʉsa ā űano yʉhdʉri baharo potocāta tirore mʉsa noano wacū tuarucuchʉ, Cristo űo payoa mehne mʉsare “Noano yoahre mʉsa”, ninohca. Ahri yahparʉ tjua taro ā ninohca.

8-9 Tirore Jesucristore m̄sa ñ̄erapanahta cah̄ina m̄sa. ã yoa mip̄re tirore ñ̄erapanahta tirore wacũ tuara. ã wacũ tuana, tuaro wahchera m̄sa. Cohamacũ ã m̄sare to wahchechũ yoachũ pj̄ro wahchera m̄sa. Tí wahchea noa yuhd̄ara. Cohamacũ m̄sare pichacapũ wahaborinare yuhd̄achũ yoarohca m̄sa tirore noano wacũ tuachũ. ã jina pj̄ro wahchera m̄sa.

10 Cohamacũ m̄sare to ã yuhd̄achũ yoah̄tore, m̄sare to tuaro cah̄are panopũ macaina Cohamacũ yare yahu m̄htaina cjiri tíre masi duaa, buhe, sinitu ñ̄a tiri jire. ã jia tíre yahuyu joaa tiri jire. 11 Cristo to ñ̄ano yuhd̄ah̄tore, to masa m̄jah̄tore, jipihtina bui p̄h̄toro to s̄ho jih̄tore tina to masa bajuahto panopũta yahuyu tuhs̄a tiri jire. Jesucristo to yairo Esp̄ritu Santo to yoadohoa mehne ã yahuyua tiri jire tina. ã yahuyua tina Cohamacũ yare yahu m̄htaina cjiri ti yahurire noano masi duaa sinitu ñ̄a tiri jire tina Cohamacũre. Esp̄ritu Santo “Cristo wihroh̄ca”, to nirirore “¿Dohse jichũ wihroh̄cari?” ni sinitu ñ̄a tiri jire tina. “¿To wihichũ dohse waharoh̄cari?” nia, tó c̄h̄ure sinitu ñ̄a tiri jire. 12 Tí ti yahuyuri cjiri ti basi ti masihti cjihti jiera tiri jire. Tíre tinare masichũ yoaa tiri jire Cohamacũ. Mari sehe mari masihti cjihti jiri jire Co-

hamacũ yare yahu m̄htaina cjiri ti joari cjiri. M̄hanopũ tariro Esp̄ritu Santo to yoadohoa mehne mip̄re noaa buheare m̄sare s̄a yahuja. Panopũ m̄sa masihti cjihtire ti yahuyuri cjiri títa jinocaata nina mip̄re m̄sare s̄a yahua. Tí buheare anjoa c̄h̄u tuaro masi duaa tiri jire.

Cohamacũ marine ñ̄aa marieina ji dutira

13 ã jina noano wacũ masitjiãh̄na jiyuga m̄sa. ã yoana noano t̄ho masiina jiga. Cristo to tjua tachũ Cohamacũ m̄sare noano to yoah̄tore wacũga. ã yoa tíre noano cohtaga. 14 Panopũ Cohamacũre masieras̄inina ñ̄aare goa pj̄aina jimare m̄sa. Mip̄re tíre yoaena tjiga. ã yoaerana ti pohna ti p̄ch̄sm̄are noano ti yuh̄tiro sehta Cohamacũre yuh̄tiga m̄sa. 15 ã yoana to yaina cjihtire m̄sare beseriro ñ̄aa marieriro to jiro sehta m̄sa c̄h̄u ñ̄aa marieinata jiga. ã jina noaa dihtare yoaina jiga. 16 ãta ni joaa tiri jire Cohamacũ yare ti joari p̄i: “Ñ̄aa marieriro jija yuh̄. Ȳ ã jichũ m̄sa c̄h̄u ñ̄aa marieina jiga”, ni joaa tiri jire.

17 Tiro Cohamacũ jipihtina c̄inare ti yoarire ñ̄no c̄no potori besera tinare. Ñ̄ainare, noainare besera. To ã beseriro jichũ tirore “Ȳ P̄ch̄” ni duana noano yoaga. Ahri yahpai m̄sa jiro puro cua pisaro mehne Cohamacũre ñ̄o payoro mehne noano

jirucuga m̄sa jiape nino marieno. ¹⁸ M̄sa ñuch̄suma cjiri ti yoari cjiri ne yaba cjihti jierari jire. M̄sa c̄h̄u ti yoariro sehe yoaina m̄sa jipach̄ta Cristo m̄sare to yaina cjihti yoare. Wapamoinare ti wapamorire ti boriro seheta tiro sehe m̄sa ñaa yoari buhirire potota bonocare. Tíre noano masina m̄sa. M̄sare ã yoaro plata mehne, uru mehne wapa wioerare tiro m̄sare ã yoaro. Plata, uru butia wahaahca. ¹⁹ Tiro sehe oveja noariro, wete marieriro yoaro seheta jiriro Cristo to di mehne to yariari mehne m̄sa ñaa yoari buhirire cohã, m̄sare ȳhd̄ch̄u yoare. To di mehne marine ã yoaro wiho waro ã yoaro nierare. ²⁰ Panop̄re ahri yahpare to bajuamehnehto pano Cristo to ã wahahto cjihtore masi tuhs̄a tiri jire Cohamac̄u. Mip̄u sehere pihtiri dacho panocã to jich̄u, Cristore noano masich̄u yoare Cohamac̄u m̄sare. ²¹ Cristo to yoadohoro mehne Cohamac̄ure wacũ tuara m̄sa. Cohamac̄u sehe Cristore yariarirore masori jire. Æ yoaro tirore m̄anop̄u c̄no jipihtinare tirore ño payoch̄u yoari jire Cohamac̄u. To ã yoach̄u tirore Cohamac̄ure wacũ tuara m̄sa. M̄sa ã wacũ tuach̄u tiro noano yoara m̄sare. Æ jina m̄sare to ȳhd̄ch̄u yoah̄tore noano masi, cohtara m̄sa.

²² Noaa buhea ti niriro seheta yoaina jina, m̄sa ñaa yoari buhirire coh̄arina jira

m̄sa. Æ jiina jina potocãta mari coyeare Jesu yainare cah̄i masina m̄sa. Æ jina m̄sa mehne macainare m̄sa yajeripohnari mehne tuaro cah̄iga. ²³ Æ yoa pari turi wahma masa bajuaina yoaro sehe jiina Cohamac̄u pohna wahare m̄sa. Mari p̄uch̄suma ti pohna tirina jina baharo yarianahca. Tí yoaro sehe jierara Cohamac̄u pohna m̄sa wahach̄u. Cohamac̄u to buhea mehne to catich̄u yoaa buhea mehne to pohna wahare m̄sa. Tí buhea mehne Cohamac̄u mehne ã jirucunahca mari. ²⁴ Õ sehe nina Cohamac̄u yare ti joari p̄i:

“Jipihtina masa tja yoaro sehe jira.

Æ yoa noaa ti cj̄aa, tja cohoru yoaro sehe jira.

Tja ñaia wahara. Cohori c̄h̄u buru bora, baa wahara.

Tí yoaro seheta yariara masa c̄h̄u.

²⁵ Mari p̄h̄toro ya buhea sehe ne pihtisi.

To niriro seheta ã waharohca”,

ni joaa tiri jire. Tí buhea m̄sare ti yahuri cjiri noa buheata jira.

2

¹ Æ Cohamac̄u pohna jina jipihtia ñaa yoare, mah̄noare, ti baharo buh̄usehei ñano yoa cohtaare, paina ti cj̄aare cjoare, painare ñaa quitu dahreare tíre duhuga m̄sa. ² Æ yoa wahma masa bajuaina

pẽchore ti tuaro cahmano se-
heta m̄sa c̄h̄u noa buheare
Cohamac̄u yare tuaro cahma
namoga. ã cahma namoga
m̄sa tirore m̄sa wac̄u tua
namohto sehe, to ȳhd̄ch̄u
yoaina m̄sa wahahto sehe.
³ ã yoaga m̄sa mari p̄htoro
m̄sare to noano yoare
masiina jina.

*Cristo catich̄u yoiriro tãca
yoaro sehe jiriro jira*

⁴ Cristo catich̄u yoiriro tãca
yoaro sehe jiriro jira. W̄h̄u
dahreina c̄ria tãcare ti cah-
maeraro seheta masa tirore
cahmaerare. Cohamac̄u sehe
tirore to ñ̄ch̄u to beseriro
noa ȳhd̄ariro jira. To ã
jiriro jich̄u tirore wac̄u tu-
aga. ⁵ M̄sa c̄h̄u w̄h̄u macaa
tãa yoaro sehe jira. M̄sa
ã jina Cohamac̄u ya w̄h̄u
macaa tãare noano ti c̄riro
seheta m̄sa to yaina c̄h̄u
noano mehne jinahca m̄sa.
Ã yoana Cohamac̄u ya w̄h̄u
macaina noaina sacerdotēa
jinhca m̄sa. ã jina sac-
erdotēa wahiquinare wajã j̄
m̄oa Cohamac̄u ti wariro
seheta Jesucristo to yoado-
hoa mehne Cohamac̄u yare
noano yoanahca m̄sa. M̄sa
ã yoach̄u ñ̄ j̄ coarohca Co-
hamac̄u. ⁶ Õ sehe nina Co-
hamac̄u yare ti joari p̄i:

“Tãca w̄h̄u ti c̄u m̄htari tãca
marieno w̄h̄u yoa
d̄ca masierara.

Tó seheta Cristo marieno ȳ
yaina waha masierara
masa.

Ã jiro tiro wiho jiriro jierara.

Ã jic̄u tirore Jerusalēp̄
mip̄re c̄u nija.

Tiro ȳ beseriro noa
ȳhd̄ariro jira.

Ã jia tirore wac̄u tuaina
wahche, ne b̄o tisi”,
ni joaa tiri jire Cohamac̄u
yare ti joari p̄i. ⁷ Tirore
wac̄u tuaina sehe noa
ȳhd̄aro wahaahca. ã
jiro wiho jiriro jierara tiro.
Tirore wac̄u tuaeraina sehe
soro wahaahca. Tinare ò
sehe nina Cohamac̄u yare ti
joari p̄i:

“Ahr̄iro Cristo tãca yoaro se-
heta jira.

Tãcare w̄h̄u dahreina ti
coh̄no seheta masa
tirore coh̄ahca.

Ti ã yoapach̄uta mip̄re w̄h̄u
dahreina w̄h̄u yoaa
ti c̄u m̄htari tãcare ti
c̄no seheta Cohamac̄u
tirore p̄htoro s̄re”,

ni joaa tiri jire. ⁸ Õ c̄h̄u
nina Cohamac̄u yare ti joari
p̄i:

“M̄rocariro tãcare doca
wahã s̄ro to wac̄u
wahc̄nore ne s̄erara.

Tó seheta tãca yoaro sehe
jirirore Cristore
cahmaerana, tirore
ȳhd̄ucana, Co-
hamac̄u cahap̄ s̄si
mari”,

ni joaa tiri jire panop̄.
Tina Cohamac̄u ya buheare
ȳhtierare. Cohamac̄u

panop̄ “Ã waharohca”, to
niriro seheta Cristore cah-
maerare tina. ã yoah̄inare
c̄u tiri jire Cohamac̄u tinare.

Õ sehe jira Cohamac̄u
yaina

⁹ M̄sa sehe Cohamac̄u
to beserina jira. Tiro mari
p̄htoro to yaina sacerdotēa

tirore dahra cohtaina jira m̄sa. Ā jina to ya curua macaina ñaa marieina Cohamacu yainata jira m̄sa. Āta jira m̄sa. Cohamacu noa yuhd̄ur̄cainare buhiri dahre dutiro, warocara tiro tirore yoadohinare. Ā yoa noano yoainare “Noano yoare m̄sa”, ni dutiro warocara tiro. To ā warocachu, tina cūhure yuhtiga m̄sa. ¹⁵ M̄sa noano yoachu ñaa tuho masieraina ti m̄suro m̄sare quitu dahre duapahta quitu dahre masierara. M̄sa āta yoachu cahmana Cohamacu. Ā jina m̄sa puhtoare yuhtiga.

¹⁶ Cohamacu m̄sa puhtoro jira. Painare dahra cohtaina jierara m̄sa. Ā jipanahta “Sāre dutiriro mariahna. Ā jina ñaare yoanahca”, ni tuhotuena tjiga “Ñaare yoari”, nina. Cohamacure dahra cohtaina jira m̄sa. Ā jina tirore noano yuhtiina jiga m̄sa. ¹⁷ Jipihtina masare ño payoga. Mari coyea Jesu yainare cahiga. Cohamacure cua pisaro mehne ñuga. Ahri yahpa macaina jipihtina ti bui puhtoro jiriro cūhure ño payoga.

Cohamacu yare yoaina jiga m̄sa

¹¹ Ȳu cahina, ahri yahpai ji dojoahtina jierara m̄sa. Cohamacu yaina jira m̄sa. M̄sa ā jiina jichu ahrire tuaro yahuja m̄sare: M̄sa ñaare goa pjaare ne yoena tjiga. Tí ñaare yoana, Cohamacure ña tuhtiina, ñaina wahana nica m̄sa. ¹² Cohamacure cahmaeraina watoi jina noano yoaina jiga m̄sa, m̄sare “Yahusāari”, nina. M̄sa ā yoaina jichu tina mipare m̄sare ñano yahusā duapahta, m̄sa noano yoare masiahca tina. Ā masia, tina Cohamacure “Noariro, tuariro jira”, ni ahca. Ō sehta niahca Cristo ahri yahpau to tjua tachu.

¹³ Mari puhtoro yuhti duana ahri yahpa macaina puhto cūhure yuhd̄ur̄caina

jiena tjiga m̄sa. Ahri yahpa macarirore m̄sa jipihtina bui puhtoro jirirore tiro cūhure yuhtiga. ¹⁴ Puhtoare yuhd̄ur̄cainare buhiri dahre dutiro, warocara tiro tirore yoadohinare. Ā yoa noano yoainare “Noano yoare m̄sa”, ni dutiro warocara tiro. To ā warocachu, tina cūhure yuhtiga m̄sa. ¹⁵ M̄sa noano yoachu ñaa tuho masieraina ti m̄suro m̄sare quitu dahre duapahta quitu dahre masierara. M̄sa āta yoachu cahmana Cohamacu. Ā jina m̄sa puhtoare yuhtiga.

¹⁶ Cohamacu m̄sa puhtoro jira. Painare dahra cohtaina jierara m̄sa. Ā jipanahta “Sāre dutiriro mariahna. Ā jina ñaare yoanahca”, ni tuhotuena tjiga “Ñaare yoari”, nina. Cohamacure dahra cohtaina jira m̄sa. Ā jina tirore noano yuhtiina jiga m̄sa. ¹⁷ Jipihtina masare ño payoga. Mari coyea Jesu yainare cahiga. Cohamacure cua pisaro mehne ñuga. Ahri yahpa macaina jipihtina ti bui puhtoro jiriro cūhure ño payoga.

Cristo ñano yuhd̄uro to cāno pjariro sehta cāno pjaga m̄sa cūhu

¹⁸ Dahra cohtaina, cua pisaro mehne m̄sa puhtoare yuhtiina jiga. Noaina, m̄sare noano yoaina dihtare yuhtiina jiena tjiga. M̄sa mehne suaina cūhure yuhtiga m̄sa. ¹⁹ M̄sa ñano yoerapachata m̄sare ti buhiri dahrech̄u Cohamacu to cahmano sehta t̄ire m̄sa

cãno pjach_u “Noano yoare m_usa”, ninohca Cohamac_u m_usare. ²⁰ M_usa ñano yoari buhiri tina m_usare ti buhiri dahrech_u tíre m_usa, cãno pjach_u tí yaba cjihti jierara. Tí yaba cjihti jierapach_uta noano m_usa yoapach_u ti buhiri dahrech_u tíre noano mehne m_usa cãno pjach_u Cohamac_u “Noano yoare m_usa”, ninohca m_usare. ²¹ ã ñano y_uhd_uhtinare ji dutire Cohamac_u m_usare to yainare. Cristo m_usa ya cjihtire ñano y_uhd_ure tirore m_usa ñ_u c_uhto sehe. ²² Tiro ne ñano yoaerare. ã yoa ne mah_uoerare. ²³ Tirore tí tuhtich_u, tiro sehe tinare tuhti cahmaerare. Tirore tí ñano yoapach_uta “Cj_uih_utja m_usare”, ne nierare tiro. Tí ã yoapach_uta tinare Cohamac_u to buhiri dahrehtore quih_uño to yoah_utore masino, “Y_u P_usc_up_u tinare buhiri dahrerohca”, ni t_uhoture tiro. ²⁴ Tiro to basi crusap_u mari ñaa buhirire yariare. ã waha yariare pari turi mari ñaare yoaerahto sehe, Cohamac_u cahmaa sehere mari yoah_utore sehe. Tiro ñano camí tíre marine pichacap_u wahaborinare y_uhd_uch_u yoaro taro. ²⁵ Oveja wisia tí butiro seheta mari c_uh_u pichacap_u butihtina jimai. Mip_u sehere Cristore ovejare ñ_u wihboriro yoaro sehe jirirore, marine ñ_u wihborirore wac_u tuaja mari. ã wac_u tuana, to yaina wahai mari.

3

*Wamomaca duhteinare ò
sehe yoaro cahmana tinare*

1 ã yoa dahra cohtainare y_u dutirore seheta m_usa namos_unumiare dutihtja. M_usa man_us_umare y_uhd_ug_ucaena tjiga tina Cohamac_u ya buheare ti cahmahto sehe. Cãina tina to ya buheare cahmaeraina jia, tinare m_usa y_uhd_ug_ucaerach_u ñ_u Cohamac_u ya buheare cahmaboca tina. Tí buheare m_usa yahuerapach_uta to yare cahmaboca tina. ² ãta cahmaboca tina m_usa noano yoare, m_usa ño payoa c_uh_ure ñ_u. ³ M_usa numia, carea numia yoaro sehe yoaena tjiga. ã yoa m_usa pjoarire w_uhawe sapahtaa numia, uru darire busaa numia, wapa tí y_uhd_u suhtire sãa numia jiena tjiga m_usa, m_usare “Goa pjach_u yoari”, nina. ⁴ ã yoa m_usa cua pisaro mehne painare niji siaroca mehne yoaa numia jina, noano s_uh_udua numia jina, ahrireta ñ_u ji coach_u yoaga. Ahrire m_usa yoach_u wiho waro jierara, Cohamac_u to ñ_uch_u. ⁵ Ò seheta yoaa tiri jire panop_u macaa numia Cohamac_u ya numia cjiri. Tí numia Cohamac_ure wac_u tuaa numia jia, tí man_us_umare y_uhd_ug_ucaera tiri jire. ⁶ Tó seheta Sara cjiro to man_uno Abrahã cjirore noano mehne y_uhtia tiri jire. ã jiro tirore “P_uhtoro”, ni pisua tiri jire. ã jina m_usa noano yoaa numia jina, cuiro mariea numia

jina, Sara cjiro pohna numia yoaro sehe jira m̄sa c̄h̄u.

7 To noano yoariro se-heta m̄sa c̄h̄u m̄sa m̄sa namos̄anumiare noano yoaga. Tí numia mari m̄sa yoaro sehe tua numia jierara. Ā jina ño payoa mehne noano yoaga tí numiare. Cohamac̄u jipihtia dachoripe tiro mehne mari jihtore marine to wariro seheta tí numia c̄h̄ure warohca tiro. Ti ā jiina jich̄u tí numiare noano yoaga. Cohamac̄ure m̄sa siniare m̄sa dojomehnerahto sehe tí numiare noano yoaga.

Noano tiyoapach̄u tapaina tinare ti ñano yoaare yahuha Pedro

8 Ahri mehne yahu ba-toihtja: M̄sa jipihtina c̄no mehne noano mehne jiga. Ā jina m̄sa mehne macinare noano pja ñ̄ina jiga. M̄sa coyea Jesu yainare p̄u bah̄useheri cahma cah̄iga. Ā jina noano yoaga tinare. Ā yoa “Wiho jiina jija”, ni t̄hotuga. 9 Paina m̄sare ñ̄ano ti yoach̄u tinare ñ̄ano yoa cahmaena tjiga. M̄sare ti tuhtich̄u tinare tuhti cahmaena tjiga. M̄sare ti ā yoapach̄u noano yoaga tinare. Ā yoana “Noano jiga”, niga tinare. Tíre yoah̄tina cjihtireta to yaina c̄ure m̄sare Cohamac̄u sehe m̄sare noano yoaro taro.

10 Āta nina Cohamac̄u yare ti joari p̄ui:

“M̄sa noano wahchea mehne ji duana ne

ñ̄ano ni durucuena tjiga.

Painare mah̄noena tjiga.

11 Ñ̄aa yoaare duhunocahga.

Noaa sehere yoaga.

Cahma m̄sa basi ñ̄u tuhtiro marieno jiga.

M̄sa noano jihtore tuaro cahmaga.

12 Cohamac̄u cahmaare yoaina mari p̄h̄toro ā ñ̄u wihborucuro nina.

Tirore ti siniare ā t̄horucuro nina.

Ñ̄ano yoaina sehere tiro ñ̄u tuhtira”,

ni joaa tiri jire.

13 Noare m̄sa tuaro yoach̄u paina sehe m̄sare ñ̄ano ȳhd̄ch̄u yoa dua bihosi tina. 14 Noano m̄sa yoapach̄u m̄sare ñ̄ano ȳhd̄ch̄u ti yoach̄u ñ̄ano Cohamac̄u m̄sare noano yoarohca. Ā jina painare cuiena tjiga. Ā yoa p̄j̄iro t̄hotuena tjiga. 15 Cristore

“S̄a p̄h̄toro jira” ni, m̄sa t̄hotuna, ño payoga tirore. Ā yoana Cristore m̄sa wac̄u tu-aare, Cohamac̄u mehne m̄sa jihtore paina ti sinituhto pano tinare m̄sa ȳhtih̄tore noano masiyuga. Ā ȳhtina niji siaro mehne, noano ño payoa mehne yahuga tinare.

16 Noaina jiga. Ā jina “Ñ̄aare yoaja”, ni t̄hotusi m̄sa. Ā jia Cristo yare noano yoaina m̄sa jich̄u paina m̄sare ñ̄aa quiti dahrea, b̄oro wahaahca tina. 17 Ñ̄aare

m̄sa yoari buhiri m̄sa ñ̄ano ȳhd̄ch̄u noaerara. Ā yoa Cohamac̄u cahmach̄u noaare

musa yoapachuta musa ñano yuhdũchũ noa nina tí pinihta.

18 Õ seheta yuhdũre Cristo. Cũ tahata jipihtina ti ñaa buhirire yariare tiro. Noariro jire. ã jiro ñaina mari jichũ mari yaro jiborirore ñano yuhdũre tiro. Ñano yuhdũre tiro marine Cohamacũ yaina wahachũ yoaro taro. To pjacũ yariaa wahare. ã yariaparota to catia mehne masari jire. 19 ã masariro jiro tiro ti buhiri dahrehtore cohtaina cjiri presu jiina cjiri yariarina cjirire buheri jire. 20 Tina cohtaina panopũ Cohamacũre yuhtieraina cjiri jia tiri jire. Tí pjarũre Noé cjiro to jiri pjarũre, pjiria dohoriare dohoro nia tiri jire. Tiare to dohoro watoj Cohamacũre yuhtieraina cjirire ti yuhtichũ cahmano yoari pja cohtaa tiri jimare Cohamacũ. ã yoa mahainacã ochota dia miniore yuhdũa tiri jire. 21 Minia ti yuhdũriro seheta bautisaa mehne yuhdũra masa. Mari pjacũre mari wete tju cosaro sehe jierara bautisaa. Soro sehe jira bautisaa. “Ñaa buhiri marieina jija”, mari ni masihto cjihtore Cohamacũre “Mũhũre wacũ tuaja”, mari ni yahua jira ahri bautisaa. ã yoa Jesucristo to masa mũjari mehne yuhdũja mari. 22 Tiro Jesucristo mũanopũ wahari jire Cohamacũ potu buhũsehei jiro, tiro mehne dutiro taro. ã jiro tiro anjoa bui, mũano macaina pũthoa

bui, dutiina bui ti pũthoro jira.

4

Cristo yaina jina noa sehere cohtotainajinahca

1 Mari ñano yuhdũna ñano yoare duhunocaja mari. Cristo ñano yuhdũri jire. ã jina tiro ñano yuhdũro to cuierariro seheta to suaerariro seheta musa cũhũ to yoariro seheta yoaga. 2 Õ seheta yoaga musa ñaare musa goa pjaare pari turi musa yoerahto sehe, Cohamacũ cahmaa sehere musa yoarucuhto sehe. 3 Panopũ Cohamacũre cahmaeraina ñaare goa pjaare ti yoariro seheta yoarucuri jimare musa cũhũ. Bũo tiro marieno ñano yoana, ñaare goa pjaare yoana, cahana, cahaa bose numũrine yoana, “Cohamacũ jira”, musa nia masũrine, Cohamacũ to ñũ yabia masũrine ño payona ahri sehereta yoari jimare musa. ã jina tó purota yoa batoaga. 4 ã jia tí ñaputiare yoaina mehne musa jisnichũ mipũre musa tíre yoerachũ ñũa tina sehe ñũ cũaa wahara. ã yoa musare ñano quiti dojomehnena. 5 Ti ã yoachũ ñũno ti ñaa yoarire Cohamacũre sehe sinitu ñũno, yahu yuhdũ dutirohca tinare. Tiro catiinare, yariaina cũhũre besehtiro buhiri dahrehtiro jira. 6 To ã besehtiro jichũ jipihtina masa sehe mipũ yariarina cjirire noa buheare yahure Cristo ti yariahto pano. Õ seheta ni yahure ti

pjacurire Cohamacu to yaria dutipachuta. Ñ yahure tiro Cohamacu jipihtia dachoripe to jiro seheta tiro mehne ti jirucuhto cjihtore.

7 Pihtiri dacho cjihto mahanocã dũhsara. Ñ jina noano tuho masiina jiga, mipare Cohamacu mehne m̄sa durucuhto noano. 8 Painare cahĩna payu tahari ñaare ti yoapachuta ã ñnocaja mari. Ñ jina m̄sa mehne macainare ã cahĩrucuga. Paye dutia yũdoro tíreta yoaga. 9 M̄sa mehne macainare ne nureno marieno m̄sa wũhusepũ sãa ta dutiga tinare. 10 Cohamacu m̄sare cãinare m̄sa yoa masihtipe cũri jire. To ã cũchũ, m̄sa yoa masiro se-heta m̄sa mehne macainare tíre noano yoaga. To cũriro seheta painare noano yoad-ohona, Cohamacu to cũriro seheta noano yoana nica m̄sa. 11 M̄sa Cohamacu yare noano yahuina jina, Cohamacu to yahuboriro seheta noano yahuga m̄sa cãhũ. Masare yoadohoina jina Cohamacu to cũri tuaa mehne painare yoadohoga. Tí jipihtiare yoana Cohamacure masa ti ño payohto sehe ã yoarucuga. Jesucristo sehe tíre m̄sa yoachũ yoad-ohorohca. Tirore jipihtia dachoripe ño payoa, “Tuariro jira”, nino cahmana jipihtinare. Ña nijaro.

Jesu yaina ti jiri buhiri ti ñano yũhdũare yahuha Pedro

12 Yũ cahĩna, mipare ñaputiaro yũdũna, “Cue, soro

jiro wahaca yũhũre” ni, wacũ c̄aena tjiga. M̄sa ñano yũhdũchũ Cohamacu m̄sa tirore wacũ tua namochũ yoa duaro, “Ñano yũhdũjaro”, nino nica tiro. 13 Cristo to ñano yũhdũriro seheta m̄sa cãhũ ã wahana, wahchega m̄sa. Ñ wahchena Cristo to si sitea mehne to tjua tachũ m̄sa noano wahchenahca. 14 Cristo yaina m̄sa jiri buhiri paina m̄sare ti tuhtichũ Cohamacu to yairo Espĩritu Santo to si siteriro m̄sa mehne jiro nina. Ñ jina wahchega m̄sa. 15 Ñ yoa masare m̄sa wajãri buhiri, m̄sa yacari buhiri, paina ti yoarire ñana tinare m̄sa soro ni dojomehneri buhiri m̄sa ñano yũhdũchũ ñaa nina. 16 Ñ jipachuta Cristo yaina m̄sa jiri buhiri ñano yũhdũna, b̄ho tiena tjiga. Ñano yũhdũpanahta Cristo yaina m̄sa jiare wahchena, Cohamacure “Noana” ni, ño payoga m̄sa.

17 Cohamacu to yaina ti yoarire ñano to besehti pja jiro nina mipare. Jipihtina mari to yaina mari yoarire ñano bese m̄htanohca “Ahri ñaa jira. Ahri noaa jira”, nino. ¿Ñ bese m̄htano dohse yoarohcari to yaina jieraina sehere? Tirore yũhtieraina sehere tuaro buhiri dahrerohca. 18 Ñ sehe nina Cohamacu yare ti joari pũ: “Noaina yũhdũahca. Tí ã yũhdũhto mijo cure- era. To ã mijo curechũ Cohamacure cahmaeraina sehe ne yũhdũsi. Basioerara

tinare”, nina Cohamacu yare ti joari pũ. ¹⁹ Æ jina Cohamacu to cahmachu m̄usa ñano yuhd̄uina jina, noaare m̄usa yoarire ne duhuena tjiga. Æ yoa m̄sare ba-juamehnerirore m̄sare ne duhuerarirore tirore wacũ tuarucuga m̄usa.

5

Jesu yaina ti yoahore yahuha Pedro

¹ Mip̄ure Jesu yaina cahmachuina p̄htoare yahuihtja. Yuh̄u Jesu yaina p̄htoro jija. M̄usa c̄uh̄u ti p̄htoa tjira. M̄sare yu yoaro sehe p̄htoa jinare ahrire yahui tai nija yuh̄u. Cristo to ñano yuhd̄urire ñ̄riro cjiro jic̄u, m̄uanop̄u Cristo mehne yuhd̄uhtiro jic̄u ahrire m̄sare yahuihtja:

² Cohamacu yaina oveja yoaro sehe jira. M̄usa sehe ovejare ñ̄u wihboina yoaro sehe jira. Tinare Cohamacu m̄sare to c̄urinare m̄usa yaina masare noano ñ̄u wihboga. Æ yoana Cohamacu to cahmariro seheta noano yajeripohna tia mehne tinare ñ̄u wihboga. Æ tinare ñ̄u wihbona, “Sã ñ̄u wihbori wapa niñerure wapatanahca”, niena tjiga m̄usa. Wahchea mehne tinare ñ̄u wihboga. Wahchea mehne tinare ñ̄u wihboga. ³ Æ ñ̄u wihbona tinare ñ̄ano dutipena tjiga.

Æ jina noano yoaga m̄usa Jesu yaina m̄sare ti ñ̄u c̄uhto sehe. ⁴ M̄usa ã yoana Cristo jipihtinare marine ñ̄u wihboriro to tjua tach̄u p̄htoro

to pisari soro noano si siteri sorore m̄sare to waboriro seheta tiro m̄sare noaare to wahtore c̄j̄anahca. Tí m̄usa c̄j̄ahti ne pihtisi. Æ jina tiro mehne yuhd̄unahca m̄usa.

⁵ Tinare yu dutiro se-heta m̄usa wahma yapia c̄uh̄u tinare m̄usa p̄htoare yuhtiina jiga. Æ yoa m̄usa mehne macainare jipihtinare ñ̄o payoa mehne yoadohoga. Õ sehe nina Cohamacu yare ti joari pũ:

“Masare yuhd̄ur̄ca duainare Cohamacu ñ̄u tuhtira. Painare ñ̄o payoina sehere ‘Wiho jiina jija’, ni t̄hotuina sehere noano yoara tiro”,

nina to yare ti joari pũ.

⁶ Æ jina Cohamacu tuariro m̄sare to dutich̄u “Wiho jiina jija” ni, tirore ñ̄o payoga. M̄usa ã yoach̄u to quih̄ori pja jich̄u m̄sare paina ñ̄o payoahca to dutiro mehne.

⁷ Tiro m̄sare p̄j̄iro t̄hotu ñ̄u wihbora. Æ jina ne p̄j̄iro t̄hotuena tjiga m̄usa sehe.

⁸ Æ yoa wacũ masi jinoh̄u. M̄sare ñ̄u tuhtiroro wat̄ino yairo suariro to maca ch̄uro seheta m̄sare ñ̄ano yuhd̄uch̄u yoa duara. Æ yoa m̄sare ñ̄ano yoa dutira.

⁹ Jipihtirop̄u ahri yahp̄ure paina Jesu yainare ñ̄ano yuhd̄uch̄u yoa, ñ̄ano yoa dutira wat̄ino. Tíre masina, tirore yuhtiena tjiga. Æ jina Cristore tuaro wacũ tuaga m̄usa.

¹⁰ Æ yoa mahanocã m̄usa ñ̄ano yuhd̄uri baharo Cohamacu m̄sare yoadohorohca. M̄sare noaina

jichu yoarohca. Tirore musa wacũ tua namochu, tirore musa ne duhuerachu yoarohca musare. Tiro jipihitia dachoripe manopu Cristo mehne musa jhtore musare cũriro jira. Tiro Cohamacu jira jipihinare pja ñariro. ¹¹ “Jipihitia dachoripe tiro tuariro jira”, ni ño payojihna tirore. Āta yoarucujihna.

Noa duti batoaha Pedro

¹² Ahri pũcãre mahari pũcãre musare yu waroca duachu Silvano sehe yuhure joabasahre. Tiro Jesu yairo yu coyeiro, Jesu yare ã yoarucuriro jira, yu tũhotuchu. Musare noano yahu duaja. Ā jichu “Ahri buhea potocãta Cohamacu musare to cahã buhea jira”, ni yahucu musare ahri pũre joarocaja. Ā jina ahri buheare ne duhuena tjiga musa.

¹³ Musare to yaina cjihtire to beseriro seheta Jesu yaina Babilonia macaina cũhure besea tiri jire Cohamacu. Tina sehe musare noa dutira. Marco yu macu yoaro sehe jiro cũhu musare noa dutira. ¹⁴ Musa mehne macainare noano mehne piti bocasiniga.

Jipihitina Jesucristo yaina noano jiga musa.

2 San Pedro

Jesu yainare joarocaha Pedro

¹ YHHH Simo Pedro Jesu-cristo buhe dutiro to cūrirota jija. Tirore dahra cohtariro jija. Jesucristo, Cohamacu waro jiro, ñaa buhiri marieriro jiro marine cāno poritorita yuhdychu yoariro jira. Ñ jiro tirore mUSA wacū tuachu, to yaina wahachu yoare mUSAre. MUSA ã wacū tuachu wiho waro jierara, Cohamacu to ñuchu. Ñ to yaina mUSA wahachu mari cāno poritorita to yaina jija. Ñ jicu mUSAre joarocaja.

² Ñ yoa Cohamacu cūhure mari puhtoro Jesu cūhure masi namona ti cahña mehne noano jirucunahca mUSA. Ñ noano mUSA jihto sehe mUSAre sini payoja. Ñ nicu mUSAre noa dutija. Cohamacu mUSAre pjiro noano yoa namojaro.

Õ sehe jira Cristo yaina

³ Cohamacu ñaa marieriro jiro, to tuaa mehne marine to yaina jihinare bese cū tuhsua tiri jire. To ã bese cūchu tūhona, tirore masina to yaina wahaja mari. Ñ wahana Cohamacure masi namona, to tuaa mehne to cahmano seheta noaina jinahca mari. ⁴Tí to tuaa mehne marine noa yuhdharo yoare. “Õ seheta mUSAre noano yoaihtja”, to niriro seheta marine noa yuhdharo yoara. Marine

to ã yoachu ñana Cohamacu to jiro seheta waha namonahca mari. Ñ jina ahri yahpa macaa ñaare, mari ñaare goa pjaare mari duhunocaja. Tí ñaa sehe marine dojomehne yuhdhamahre.

⁵ Cristore noano wacū tuaina ji tuhsura mUSA. Ñ jina õ sehe yoa namoga tjoa: Noaare yoaina jiga mUSA. Ñ jina Cohamacu cahmaare noano masiina jiga mUSA.

⁶ Ñano yoa duapanahta Cohamacu cahmaa sehere yoarucuina jiga mUSA. Ñ yoa Cristo yaina mUSA jiri buhiri ñano yuhdpanahta ã cāno pjarucuga mUSA. Ñ jina Cohamacure ño payoina, to cahmaare yoaina jiga mUSA. ⁷ Ñ yoa mUSA mehne macainare cahma ño payoina, tinare noano yoadohoina jiga mUSA. Ñ yoa jipihtina paina cūhure cahña jiga.

⁸ MUSA õ sehe yoa namochuta noa yuhdpara. MUSA ã yoa namona, noano yoaina jirucunahca. Ñ jina Cristo to cahmaare noano yoarucuina jinahca mUSA. Wiho waro jiina jisi mUSA. Ñ yoa Cristore mUSA wacū tuari wiho waro jisi. YH niriro seheta mUSA yoa namochu pinihtare noa yuhdpara. ⁹ MUSA ã yoa namoerana Cohamacu yare ne masieraputiara mUSA. Ñ yoa namoeraina jina capari ñueraina o capari noano ñu bocaeraina yoaro sehe jina, Cohamacu cahmaare

ne masierara m̄sa. Ā yoa namoerana Cristo m̄sa ñaa yoari buhirire to cohāri cjirire ne wacū payoerara m̄sa. Āta bonoca duara m̄sa. ¹⁰ Ā jina, ȳ coyea, Cohamac̄u to yaina cjihtire m̄sare to ji dutich̄u ȳhtire m̄sa. Ā ȳhtiina jina, to yare ne wacū duhuerana to cahmaare tuaro yoarucuga. M̄sa ã yoarucuna potocāta Cohamac̄u mehne jinahca m̄sa. Ā yoa potocāta to beserina jinahca m̄sa. Ā yoana to yare duhuina jisi m̄sa. ¹¹ M̄sa ã to cahmano sehe yoaina jina mari p̄htoro marine ȳhd̄uch̄u yoariro Jesucristo to s̄ho jirop̄u noano wahanahca m̄sa. Tópu tiro mari p̄htoro ã jirucurohca. Potocā to yaina waro m̄sa jich̄u ñano “Noano mehne ȳh̄u mehne jiga m̄sa”, ninohca Jesu m̄sare.

¹² Ā yoa ahrire m̄sare ã wacūch̄u yoarucuihtja. Ahri m̄sare ȳ yahurire masi tuhs̄hre m̄sa. Ā masina Cohamac̄u yare m̄sa t̄horo seheta noano yoana nina m̄sa. Ā yoaina m̄sa jipach̄uta ahri m̄sare ȳ yahurire ã wacūch̄u yoarucuihtja m̄sare. ¹³⁻¹⁴ Mahanocā d̄hsara ȳ variahto. Tíre noano yahure mari p̄htoro Jesucristo ȳh̄re. Ā jicu catisinic̄u waro ahri ȳ yahurire m̄sare ã wacūch̄u yoarucuihtja. Ȳ ã yoach̄u noa nina. ¹⁵ Ā jicu ahri ȳ yahu joari cjirire m̄sare

joa cū pahñoihca ȳ yariari baharo m̄sa noano masihtō sehe. Ā jina ahri ȳ yahurire ã wacūrucunahca m̄sa.

Cristo to tuariro to jia tiare ñ̄h̄ha Pedro c̄h̄u

¹⁶ Ā yoa Cristo to tuaa c̄h̄ure to tahto c̄h̄ure m̄sare yahuna, s̄a m̄ s̄uro yahuna nieraja. Masa ti m̄ s̄uro ti masia mehne ti yahua jierara m̄sare s̄a yahua. Tuariro to jiare s̄a basita ñ̄i. ¹⁷ Cristo to tua ȳhd̄uaro to jiare s̄are ñore Cohamac̄u mari P̄ch̄u. To ã ñoch̄u tiro sehe noano si siteriro jire. To ã si sitech̄u õ sehe nino coa tare to si sitero watoi: “Ahriro ȳ mac̄u, ȳ cah̄iro jira. Tiro mehne tuaro wahcheja”, nino coa tare Cohamac̄u tua ȳhd̄uaro. ¹⁸ M̄anop̄u to ã nino coa tach̄u t̄hoi s̄a. T̄cu buip̄u Cohamac̄u to jiri t̄cu Cristo mehne jii s̄a.

¹⁹ Tíre ñ̄rina jina, Cohamac̄u yare yahu m̄htaina cjiri panop̄u macaina ti joari cjiri potocā ti jich̄u noano masija s̄a. Ti joari cjirire noano ñ̄u buherucuna noano yoana nina m̄sa. Tí ti joari cjiri Cohamac̄u yare marine noano masich̄u yoara. Ahri yahpai ñaare ti yoari yahpai nahitianoi mari jiboro seheta buhriaro marine to noano ñ̄u masich̄u yoaro seheta Cohamac̄u noano masich̄u yoara marine. Ā jina Cohamac̄u yare ti joarire ã buherucuga. Ā buherucuna Cristo to tjua tach̄up̄u buhe duhunahca. Ā tjua taro

to yare mari masierarire marine noano masi pahñochu yoarohca. ²⁰ Jipihtia ahri yu yahuri yuhdoro ahri sehere noano masiga musa: Cohamacu yare yahu muhtaina cjiri panopu ti joari cjirire mari mu suro tìre buhena, “Õ sehe nino nica”, ni masieraja. ²¹ Ne masa ti mu suro Cohamacu yare joaera tiri jire. Panopu macaina cjiri Cohamacu yare ti joachu Espiritu Santo sehe ti joahtore tinare masichu yoaa tiri jire.

2

Cohamacu yare potocã buherainare yahuha Pedro

¹ Panopu mari coyea judio masa mehne macaina “Cohamacu yare yahu muhtaina jija”, ni mahñoina jia tiri jire. Ti yoaro seheta mipu cùhure musa mehne macaina ã ni mahñoina jahca. Tina potocã ti buheboro seheta mahñoa sehere buheahca. Æ buhea Cristo ya sehere dojomehneahca. Æ yoa Cristo to yuhduchu yoaborina jipahta tirore “Sã puhtoro jira”, ni tuhotuerara. Tí jipihtiare ti ã yoari buhiri dóihta Cohamacu tinare tuaro buhiri dahrerohca. ² Æ mahño ti buhechu tuhoa tina ti ñaare goa pjariro seheta payu masa tinare ñu cù ñano yoahca. Ti ã ñano yoachu ñua paina masa cùhu noaa buheare ñano quiti dahreahca. ³ Æ jia tina mahñoina niñerure wapa cahmaa, mahñoa, ti mu suro ti yahua buheare buheahca musare. Ti ã buheri buhiri

Cohamacu tinare tuaro buhiri dahrerohca yuhduro marieno. Panoputa ã yoainare buhiri dahre duti tuhsua tiri jire tiro.

⁴ Tó seheta panoputa Cohamacu ñaina anjoa cùhure to buhiri dahrehtore cù tuhsua tiri jire. Tinare pichacpu nahitianopu peresu yoaa tiri jire. Æ yoaro pihtiri dacho baharo tinare buhiri dahrerohca. ⁵ Tó seheta panopu macainare Cohamacure cahmaerainare tiro buhiri dahrea tiri jire. Æ yoaro jipihtiro ahri yahpare miono, jipihtina masa ñainare mio wajãa tiri jire. To ã miohto pano Noe cjiro sehe tí pja macaina cjirire noaare yoa dutiro yahua tiri jimare. To ã yoaro watoi Cohamacu ahri yahpare miono, Noéne tiro mehne macaina cùhure yuhduchu yoaa tiri jire. Tina jipihtina to yuhduchu yoarina ocho masa jia tiri jire. ⁶ Tó seheta Sodoma wama tiri maca macaina cjirire Gomorra wama tiri maca macaina cjiri cùhure Cohamacu buhiri dahrea tiri jire. Tí macarine pichaca mehne noano jù pahñonocaa tiri jire. Æ yoaro baharopu jihtinare tirore cahmaerainare ñono nia tiri jire. Ñainare to buhiri dahrehtore ñono nia tiri jire tinare. ⁷ Æ yoaro Lote wama tiro cjiro sehere yuhduchu yoaa tiri jire. Lote sehe noariro jia tiri jire. Æ jiro jiro Sodoma macaina Cohamacu dutiare yuhduhcaina ñabiaro ti yoachu ñano pomea waha,

ñano tãhotua tiri jire. ⁸ Tiro noariro ñaina watoi jiro, dachoripe ñabiaro ti yoachũ ñano, ñano ti durucuchũ tãhoro ñano yajeripohna tia tiri jire.

⁹ Tirore to yãhdũchũ yoachũ ñana ahri yũ yahuiltire masija mari. Cohamacũ mari pũhtoro tirore cahmainare ti ñano yãhdũchũ ñano tinare yoad-ohorohca. ã jiro ñaina sehere peresu yoaro tinare cãara pihtiri dacho jichũ to buhiri dahrehto sehe. ¹⁰ Ñaare tuaro goa pjainare Cohamacũre yãhdũrũcainare tina pinihtare ñano buhiri dahrerohca tiro. Ahrina mũsa mehne macaina mahño buheina ñaare yoaa, ne cuierara. ã yoa bũo tier-ara tina. “Painare masi yãhdũrũcaja”, ni tãhotuina jira tina. ã jiina jia mũano macaina tuainare ne ño payoeraa, cuiro marieno ñano ni bujũpera tinare. ¹¹ Anjoa sehe ne ti yoaro sehe yoaerara. Tina sehe mahño buheina yãhgoro tuaina jira. ã jipahta tina ne bujũpea mehne mũano macaina tuainare ñano yahusãerara Cohamacũre, “Painare yãhdũrũcaja”, nieraina jia.

¹² Wiho mejeta ahrina mahño buheina sehe nũcũ macaina wãhiquina yoaro sehe tãho masieraina jira. Nũcũpũ boca sũa ti wajãhtina yoaro sehe jira tina. Ti cahmano seheta yoara tina. ã jia ti masierainare bujũpe,

ñano ni durucu cohtara. ã yoaina jia wãhiquina yariahtina ti jiro seheta tina cũhũ to buhiri dahrehtina jirucuahca. ¹³ Tinare ti ñano yoari buhiri buhiri dahrerohca Cohamacũ. Tina ñaare goa pja yãhdũara. ã yoaa dachopũ masa ti ñũrocaroi to jipachũta ñano yoarucura. Mũsa mehne bose nũmũ yoaa, tí bose nũmũ ñaare yoa yãhdũara. ã jia mũsa bose nũmũre ti wete dahrero seheta tinare mũsa ñũ cũchũ ti ñaa pihara mũsare.

¹⁴ ã yoaa numiare ñna, ñaha duara tina. Tuhsũ, ñaare ã yoarucu duara. Cohamacũre wacũ tuaera cureinare ñaare yoa dutia, tó sehe jiinare tinare ñũ cũchũ yoara. ã yoa ti sahsero paye barore, niñeru cũhũre mahño ma mihniina jira. Tina Cohamacũ to buhiri dahrehtina jira. ¹⁵ Tina Cohamacũ yare buheraa, soro jia buhea sehere buhera. ã yoaa Balãa yoaro sehe yoaa nina. Balãa, Beor macũno jia tiri jire. Tiro sehe panopũ to ñaa yoari mehne niñerure wapata duaa tiri jimare. ¹⁶ To ã yoachũ ñano Cohamacũ tuhtia tiri jire tirore. To burro durucueraricoro jiparota masũno yoaro sehe to pãrore durucu tuhtia tiri jire. To ã tuhtichũ tãhoro Balãa tuaro to ñaare yoa duamarire duhunocaa tiri jire. Tãho masierariro to yoa duamarire duhunocaa tiri jire.

¹⁷ Ahrina mahñoina mári

pohtarip_u co marieno yoaro sehe jira. Co mariea mári pohtari ti yaba cjihti jieraro seheta tina mahñoina ne yaba cjihti jierara. ã yoa me curuari m_uano macaa core waboa curuarire wihnono to wãrocach_u ti curuari yaba cjihti jierara. ã ti yaba cjihti jieraro seheta, tina mahñoina cãh_u masare yoadohoera, ne yaba cjihti jierara. ã jiro nahitiano warore yoa tuhs_ua tiri jire Cohamac_u tó_u tinare buhiri dahrero taro. ¹⁸ Tina mahñoina ti durucua yaba cjihti jierara. Masiina yoaro sehe masare ã buhemacanocahna. Õ sehe ni buhera tina: “Mari cahmano seheta mari yoach_u noa nina”, ni buhemana tina. Ti ã ni buhech_u masa tuh_uoa ñaare goa pjaa, ti ya buheare cahmana. Paina masa Cohamac_ure potocãta wahma cahma d_ucaina mahanocãta wahara ti ñaare ti duhuri baharo, quihõno yoaeraina mehne macaina ti jiri baharo. Tinare mahñoina ti buhech_u tuh_uoa ñaare cahmana tjoa Cohamac_u yaina jiborina jipahta. ¹⁹ Tinare õ sehe ni buhera mahñoina; “Mari cahmano seheta mari yoach_u noa nina”, ni buhemana tina. Ti ã ni buhepach_uta ti niriro sehe wahaerara tinare. Ñaare duhu duaeraa, tíre duhu masieraputiara. Ti ã duhu masierach_u, tí ñaa ti pãhtoro yoaro sehe jira. ²⁰ Mari pãhtoro Jesucristore marine yãhd_uch_u yoariro wahma cahma d_ucaina sehe ahri yahpa macaa ñaare duhunocamare. Ti ã duhuri

baharo pari turi ñaare yoaa tjoa, ñabiario waro tjuara tina. Cristore ti masihto pano ti ji mãhtariro yãhdoro ñabiario tjuara juna, pari turi ñaare yoaa tjoa. ²¹ ã ñabiario tjuaa, Cohamac_u tinare to dutiare yãhd_ug_ucaa, noaa buhea sehere ti ne masi mãhtaerach_u noabiaboa tinare. ²² ã jia pari turi ñaare yoaa, masape ti ni durucurucuriro seheta yoaa nina tina. Õ sehe ni durucura masa: “Diero toa tuhs_u pari turi to toa cãri cjirire chãra. ã yoa yesere ti cosari baharo pari turi tiro ñari sahbai cuhs_ura tjoa. (Tó seheta yoara noaa buheare cahmamarina cãh_u pari turi ñaare cahmaa tjoa)”, ni durucura masa.

3

Cristo ahri yahpap_u to tjuatahtore yahuha Pedro

¹ Y_u cahñina, m_usare cã pũ joaroca tuhs_ui. ã jic_u ahri pũre mip_ure m_usare joarocai nija tjoa. Tuhs_u p_ua taha joarocac_u ahri jipihtiare m_usare wacũch_u yoa duai nija noaa dihtare m_usa tuh_uotuhto sehe. ² Panop_u macaina noaina Cohamac_u yare yahu mãhtaina cjiri ti yahu joari cjirire wacũga m_usa. Mari pãhtoro marine yãhd_uch_u yoariro Cristo to dutia cãh_ure wacũga. Tí dutiare sã to cãrina m_usare buhei.

³ Ahrire m_usa mãsich_u tuaro cahmaja. ã jina wahmanore ahrire wacũ mãhtaga: Pihtiri dacho panocã Cohamac_u yare

bujapeina jahca. Tina ñaare goa pjarucuina jahca. Õ sehe ni bujapeahca: ⁴“Cristo ‘Tjua taihtja’, niparota ne tjua tasi. ¿Tjua ta duaparota dohsearo ne bajuerajari tiro? Ahri yahpa to ji ducari baharo mari ñuchusuma mana ti yariari baharo jipihtiro soro sehe waharo marieno ã jirucura. Æ jiro ahri yahpare tahtiro manopure mari-ahna”, ni bujapeina jahca. ⁵ Æ ni bujapea ahri sehere ne wacũerara tina: Panopure Cohamacu to dutiro mehne ahri yahpare, manano cãhure bajuamehnea tiri jire. Æ yoa tuhsu ahri yahpai co dihta jirore yahpa jichu yoaa tiri jire tiro. Æ yoaro co mehne ahri yahpa mipu to jiro seheta ahri yahpare yoaa tiri jire tiro. ⁶ Æ yoa baharopu ahri yahpare miono, cohã pahña tiri jire ahri yahpa macaare ahri yahpa macaina cãhure. (Æ jiro ahri yahpare cã tahata soro wahachu yoa tuhsua tiri jire Cohamacu.) ⁷ Æ soro wahachu yoaparota mipure manore, ahri yahpa cãhure pari turi cohtotachu yoerasinire tiro. Tiro to dutiro mehne ahri yahpare manano cãhure mipure ti jiro seheta jirucu namochu yoaro nina. Æ jiro cohtaro nina baharo jipihtropure jãno taro. Æ cohtaro nina Cohamacu tirore cahmaerainare buhiri dahrero taro. Æ buhiri dahrero tinare pichacapu cohãnohca.

⁸ Yu cahĩina ahrire wacũga

masa: Mil cãhmarine “Yoabiari pja jira”, mari ni tãhotupachuta cã dachota jira Cohamacu to ñuchu sehere. ⁹“Cohamacu to niriro sehe ne so yoeraputiara”, nina masa. Æ jierara. Masare noano yoa duaro cohtasinino nina. Ne cãiro masanore pichacapu cohã duaerara tiro. Æ jiro jipihtina pano ti ñaare tãhotumarire ti duhuchu, Cohamacure ti cahmachu cahmasinina tiro.

¹⁰ Ñamipure yaca bucuro to wacũenoca yacaro sãariro seheta Cristo ahri yahpare wacũenoca tarohca. To tachu to tuaro bisichuta manano macaa pihtia wahaahca. Jũ pihtia wahaahca. Æ yoa ahri yahpa, ahri yahpa macaa cãhu jũ pihtia wahaahca. Cohamacu ahri yahpa macainare buhiri dahrero taro nina.

¹¹ “Ahri jipihtia pihtia wahaahca”, Cohamacu to nichu tãhona ñaare duhuina, Cohamacu cahmaare yoaina jiro cahmana marine. ¹² Mari puhtoro Cristo ahri yahpare to tahtore cohtaina jina, soaro mehne to tachu yoaga masa. Tí dachoi manano macaa jũ pihtia wahaahca. Jipihtia jũ sipia wahaahca. ¹³ To ã cuaro wahahto to jipachuta mari sehe Cohamacu to ni cũriro seheta jipihtiare to cohtotahtire cohtaja mari. Jipihtia ti jũ pihtiaro baharo õ sehe jirohca. Manopu cãhu ahri yahpare cãhu wahma jahca. Æ yoa tí pjarure noaa dihtare yoahca jipihtina. Ahrieta cohtaja mari.

¹⁴ Æ yoa yu cahĩina, mari puhtoro to tahtore cohtaina jina Cohamacu to ñurocaroi noano yoina jiga musa ñaa buhiri marieina musa jihto sehe. Æ noano yoina jiga musa Cohamacu musa mehne to wahchehto sehe. ¹⁵ Yoa cureri pja to bajuerachu ñuna ahrire masiga musa. Masa tirore cahmaina to yuhduchu yoahcina duhsasinina mini. Æ jiro tinare cohtasinino nina Cohamacu. Æta ni musare joarocari jire mari coyeiro mari cahĩiro Paulo. Cohamacu to masia mehne tĩre joarocari jire tiro. ¹⁶ Æ dihta ni joarocara Paulo to joarocaa taharipe. Cristo to tahtore, ñaare yoaeraina mari jihto cūhure yahuro õ sehe dihta ni joarocari jire tiro. Cāa tahari mijo cureare tiro yahu joarocari jire. Paina ne masieraina, tuho masieraina mahĩoa mehne to ã nirire cohtota mujana. To ã niri jipachuta soro ni cohtota yahura tina. Paye Cohamacu yare ti joaa pũri cūhure tó seheta yoara tina. Ti ã yoachu ñuno Cohamacu tinare tuaro buhiri dahrerohca.

¹⁷ Yu coyea, yu cahĩina ahri jipihtiare ti ã wahahto pano yahuyui nija musare. Æ jina ahrire masina, noano yoaga musa. Ñaina musare soro ni ti buhechu ne tuhoena tjiga tinare, “Cristore wacũ tua duhuri”, nina. ¹⁸ Æ jina mari puhtoro marine yuhduchu yoaroro Cristore noano wacũ tua namoga musa. Tirore, marine to cahĩa

cūhure noano masi namoga musa. Mipure, jipihtia dachoripe tirore noano wahche payojihna mari. “Noariro, tuariro jira”, nijihna mari tirore. Æta nijihna.

1 San Juan

Jesucristo catiare wariro jira

¹ Jesu Cohamacu ya duserore yahuriro jira. Dóipata wahmanopata jiriro tiro masare Cohamacu mehne ã jirucuchu yoariro jia tiri jire. Mipare sã tirore yahu joana nija. Tirore tuhona, catiriro warore tirore ñui sã. Ñã tjira. Tirore ñuna, sã wamomacari mehne tirore dahra ñui sã. ² Ahriro Cohamacu mehne ã jirucuchu yoariro ahri yahpachu to masa bajuari baharo tirore sã ñui. Ñã jina tirore yahuja sã musare. Tiro jipihtia dachoripe to Puchuro mehne jirucuriro to jichu, mipare Cohamacu tirore ñore sãre. Tíre yahuja sã musare. ³ Cohamacu mehne macaina jija sã. To macuno mehne macaina cūhu jija sã. Ñã jina musa cūhu sã mehne macaina, Cohamacu mehne macaina, to macuno mehne macaina musa jihto cjihtore sã ñurire, sã tuhore musa cūhure sã yahuja. ⁴ Ahrireta sã joaja noano mari wahchehti cjihtire.

Buhriaro to wetē marieno seheta Cohamacure ñaa yoaa ne mariahna

⁵ Ahri buhea Cohamacu macuno sãre to yahuri cjiri jia nina. Mipata ahrire yahunahca sã musare: Cohamacu buhriaro yoaro sehe jira. Buhriaro wetē marieno to

jiro seheta tirore ne ñaa yoaa mariahna. Ñaa sehe nahitiano yoaro sehe jira. Cohamacure ne ñaa yoaa mariahna. To ã jia tiare yahuja musare. ⁶ Ñã jina nahitianoji jina yoaro seheta mari ñaaare yoaina jipanahta “Cohamacu mehne macaina jija” nina, mari mahñona nija. Ñã yoa Cohamacu yare quihõno yoeraja. ⁷ Ñã yoa buhriarochu jina yoaro seheta Cohamacu to yoariro seheta mari noaa sehere yoana, paina Jesu yaina mehne noano jina nija. Mari ã yoaina jichu Cohamacu macuno Jesu to di cohãno mehne, crusai to yariari mehne jipihtia mari ñaa yoari buhirire cohãna.

⁸ “Yuhu pini ne ñaaare yoeraja”, ni wacūna, mahñoare tuhutuna nija mari. Mari ã ni tuhutuna Cristo yare potocã jiare ne masieraja. ⁹ Wiho mejeta Cohamacure mari ñaa yoarire mari yahuchu tiro quihõno yoariro jiro, mari ñaaare borohca. Ñã boro jipihtia mari ñaa buhirire cosawerohca tiro. To niriro seheta yoariro jira tiro. ¹⁰ “Ñaaare yoeraja” nina, “Cohamacu mahñoriro jira”, nina nija mari. Õ seheta niina to buheare cahmaerara.

2

Cristo marine yoadohora

¹ Yu pohna, musa ñaaare yoerahto sehe ahrire joai nija. Yu ã ni joapachuta ñaaare yoaboca musa. Musã ã yoachu ñuno Jesucristo

noariro m̄sa ya cjihtire to Puc̄urore õ sehe ni sini payorohca: “Ahrina ti ñaare yoari buhirire buhiri dahrei tjiga”, ni sini payorohca to Puc̄urore. ² Cristo mari ñaa yoari buhirire coh̄airo jira. Mari ñaa yoari buhirire mari dihtare coh̄aerara. Jipihtiro macainap̄u c̄uh̄ure ti ñaa yoari buhirire coh̄a masina tiro.

³ Cohamac̄u to dutiare yoana, tirore potoc̄ata noano masija mari. ⁴ C̄airo Cohamac̄u dutiare yoaeraparota “Yuh̄u Cohamac̄ure masija” nino, tiro mah̄oriro jira. Ñ jiro Cristo yare potoc̄a jiare ne masierara. ⁵ Pairo sehe Cohamac̄u dutiare yoariro Cohamac̄ure tuaro cah̄iro jira. “¿Cohamac̄u mehne macaina jijari mari?” ni masi duana, õ sehe mari masinahca: ⁶ “Cohamac̄u mehne macariro jija”, niriro Jesucristo yoaro seheta noaare yoariro jiro cahmana tirore. To ã yoariro jich̄u ñuna “Cohamac̄u mehne macariro jija”, ni masija mari.

Wahma dutiare yahu d̄ucaha

⁷ Ȳu cah̄ina, ahri dutia mip̄ure m̄sare ȳu yahuhto wahma dutia jierara. Ahri dutia m̄sa wahmanop̄ure c̄uariro c̄jiro m̄na dutia tjira. Tí dutiare m̄sa tuh̄u tuhs̄are. ⁸ Mip̄u sehere m̄sare ȳu yahuhto m̄na dutia jiparota wahma dutia c̄uh̄u jira. Cristo, m̄sa c̄uh̄u tí dutiare yoara. Mip̄uta nahitiano to pihti wahc̄ach̄u

mari ñu masino seheta mari masierarire masi d̄uca wahc̄ana nija mari. Ñ jiro buhriaro mehne mari ñu masino seheta Cristo m̄sare potoc̄a jiare masich̄u yoaro ta tuhs̄are.

⁹ “Yuh̄u buhriarop̄u jiriro yoaro seheta Cohamac̄u dutiare yoariro jija”, c̄airo ni-parota, painare ñu tuhtiriro jiro, tiro Cohamac̄u dutiare yoaerara. ¹⁰ Ñ yoa pairore cah̄iro pinihta buhriarop̄u jiriro yoaro seheta Cohamac̄u dutiare yoariro jira tiro. Ñ jiro ñaare pari turi yoa duaerara. ¹¹ Pairore ñu tuhtiriro sehe nahitianop̄u jiriro yoaro seheta jiro nina. Tiro capari ñ̄erariro yoaro seheta jira. To wahahtore ñu masierara tiro.

¹² Ȳu pohna, Cristo to yariaro mehne m̄sa ñaa yoari buhirire coh̄ari jire. Ñ jich̄u m̄sare yahu joai nija. ¹³ M̄sa p̄c̄us̄uma c̄uh̄u, m̄sa Cristore wahmanop̄ure jirirore masina m̄sa. M̄sa ã masiina jich̄u m̄sa c̄uh̄ure yahu joai nija. M̄sa wahma yapia ñariro wat̄inore yuh̄d̄ur̄ucare m̄sa. M̄sa ã yuh̄d̄ur̄ucaina jich̄u m̄sa c̄uh̄ure yahu joai nija.

¹⁴ Ȳu pohna, Cohamac̄u mari Puc̄ure m̄sa masina. M̄sa ã masiina jich̄u m̄sare mip̄ure yahu joai nija. M̄sa p̄c̄us̄uma, m̄sa Cristore wahmanop̄ure jirirore masina m̄sa. M̄sa ã masiina jich̄u m̄sare yahu joai nija. M̄sa wahma yapia potoc̄ata m̄sa Cohamac̄ure wac̄u tuaina jira. Ñ jina m̄sa

Cohamacu yare yoara. Ña yoana, musa ñariro watĩnore yuhduhucare. Ña jicu musare yahu joai nija.

¹⁵ Ahri yahpare ahri yahpa macaa ñaare cahmaena tjiga. Ahri yahpa macaa ñaare cahmaina jina Cohamacu mari Pucu sehere cahmaerara musa. ¹⁶ Ñaina ti basi ñaare ti goa pjari, ñaare ti ñu duari mari Pucu Cohamacu ya jierara. “Noano cjuu pahñoriro, masi pahñoriro jija yuhu. Ne cãiro masuno yuhure yuhduhucarara”, masa ti ni tuhutua mari Pucu Cohamacu ya jierara. Tí jipihtia ahri yahpa macaa jira. ¹⁷ Ahri yahpa, ahri yahpa macaa cãhu masa ti cahmari cjiri pihtia wahaahca. Cohamacu cahmaare yoariro sehe jipihtia dachoripe Cohamacu mehne jirucurohca.

Cristore ñu tuhtiriro sehere yahuha João

¹⁸ Yu pohna, ahri dacho to pihtihto mahanocã duhsara. “Cristore ñu tuhtiriro tarohca” ni, Jesu yaina musare yahu tuhsure. Mipure Cristore ñu tuhtiina payu ji tuhsure. Ti ã jichu ñuna mipure pihtihti dacho cjihto mahanocã to duhsachu masija mari. ¹⁹ Ahrina Cristore ñu tuhtiina sehe mari mehne jipahta potocã mari mehne macaina jierare. Ña jia tina marine cohãnocare. Tina mari mehne macaina jia, mari mehne jiboa. Marine cohãnocare. Ti ã cohãchu mari mehne macaina ti jierachu masija mari.

²⁰ Cristo Espiritu Santore musa sehere ware. Ña jiro Espiritu Santo musa mehne jira. Ña jina musa jipihtina Cristo yare potocã jiare masi tuhsura. ²¹ Musare yahucu “Cristo yare masierara musa”, ni tuhutueraja yuhu. Musa Cristo yare masiina jichu ñucu musare yahuja. Cristo ya ne mahñoa jierara. Tí cãhure masiina musa jichu masija yuhu.

²² Ahriro jira mahñoriro: “Jesu Cohamacu masare yuhduchu yoa duti to warocariro Cristo waro jierara”, niriro sehe mahñoriro jira. Potocãta Cristore ñu tuhtiriro jira tiro. Cohamacure, to macuno cãhure cahmaerariro jira Cristore ñu tuhtiriro. ²³ Õ sehe tjira: Jesure cahmaerariro sehe to Pucuro cãhure cahmaerariro tjira. Jesure cahmariro sehe to Pucuro cãhure cahmariro jira.

²⁴ Wahmanopare Cohamacure musa tuhori cjirire noano wacũga. Tíre wacũna, Jesu mehne macaina jinahca musa. Ña yoa to Pucuro mehne macaina jinahca. ²⁵ Tíreta Jesu marine yahure. Õ sehe jira to yahuri cjiri: “Musa jipihtia dachoripe Cohamacu mehne jirucunahca”, ni cãre Jesu marine.

²⁶ Paina musare mahñoa nina. Ti ã mahñoare masicu musare yahu joai nija. ²⁷ Ña ti mahñoina musa jipachuta musa sehere Cristo Espiritu Santore wa tuhsure. Espiritu Santo musa mehne jira. Musa

mehne jiro m̄sare buheriro jira. Ā jiro tiro jipihtiare m̄sare yahura. To yahua potocāta jira. Mahñoare yahuerara tiro. Ā jina paio m̄sare buhehtirore cahmaerara m̄sa. Espiritu Santo to niriro seheta yoaga m̄sa mip̄re. Ā yoana m̄sa Cristo yare t̄hona, tiro mehne macaina jiga.

28 Ā tjira. Ȳ pohna, Cristo mehne macaina jiga m̄sa. Ā jina Cristo to tahti dachore m̄sa cuis̄i. Ā jina tiro to tahti dachore m̄sa b̄ho ti duhtisi. 29 Cristo noaare yoariro to jich̄ m̄sa masina. Tíre masina ahri c̄h̄re masiga m̄sa. Jipihtina noaare yoaina Cohamac̄ pohmata jira. Ahri c̄h̄re masiga m̄sa.

3

M̄sata Cohamac̄ pohna jira

1 “M̄sa ȳ pohna jira” nino, tuacaro cah̄i ȳhd̄rc̄ajari Cohamac̄ marine. To ā cah̄ina jinata to pohna jija mari. Ahri yahpa macaina ñaina Cohamac̄re masierara. Ā jia Cohamac̄ pohna mari jich̄ ñ̄a tina mari c̄h̄re masierara. 2 Ȳ cah̄ina, mip̄re Cohamac̄ pohna jija mari. Ā jipanahta baharo mari jihti cjihtire mari noano masierasiniija. Ā masierapanahta ahri sehere masija. Cristore mari ñ̄na, dóihta mari tirore ñ̄ masinahca. Ā jina Cristo marine to bajuach̄ tiro to jiro

seheta mari cohtotanaħca. 3 Jipihtina ahrire masiina Cristo to tahtore cohtaina tirore ñ̄ c̄ua ñ̄aare yoa duaerara.

4 Ñ̄aare yoana to dutiare ȳhd̄rc̄cana nija. Ā jia jipihtina ñ̄aare yoaina Cohamac̄ dutiare ȳhd̄rc̄caina jira. 5 Cristo masare ti ñ̄aa buhirire cohãhtiro cjihto bajuari jire. Tiro ne ñ̄aare yoaerara. Tíre masina m̄sa. 6 Ā jia jipihtina Cristo yaina ñ̄aare yoarucuerara. Pairo sehe ñ̄aare ā yoarucuriro Cristore wac̄u tuaeraro, ne tirore masierara. Ā jiro Cristo yairo jierara. 7 Ȳ pohna, m̄sare mahñoinare ne t̄hoena tjiga. Jipihtina noaare yoaina Cristo yoaro sehe noaina jira. 8 Pairo sehe ñ̄aare ā yoarucuriro wat̄no yairo jira. Wat̄no pinihta dóihta ñ̄aare yoariro jia tiri jire. Ā jiro wat̄no to ñ̄aare yoare, to ñ̄aare yoa dutia c̄h̄re duhuch̄ yoah tiro cjihto Cohamac̄ mac̄no bajuari jire.

9 Cohamac̄ pohna jina Cohamac̄ yoaro seheta jiina jija. Ā jinata ñ̄aare yoarucueraja. Cohamac̄ mari P̄rc̄ to jich̄ mari sehe ñ̄aare yoarucu masieraja. 10 Ō sehe jiinare Cohamac̄ pohmare masinahca: Cohamac̄ pohna wat̄no pohna yoaro sehe jierara. Ñ̄aare yoarucuina, painare cah̄eraina Cohamac̄ pohna jierara.

M̄sa mehne macainare cah̄iga

¹¹ “Mari mehne macainare cah̄ijihna”, ni buheare wahmanopure taho tuhsure m̄usa. ¹² Mari Caī to ñano yoariro seheta yoaena tji-jihna. Tiro watino yairo jiro, to bahurore wajāa tiri jire. ¿Dohse yoaro tirore wajāri, m̄usa t̄hotuch̄a? Tíre yahuihtja m̄sare: Caī to yoari cjiri ñaa jia tiri jire. To bahuro sehe to noaare yoariro jich̄a ñ̄a tuhtiro to wahmino sehe tirore wajāa tiri jire.

¹³ Ñ̄a jina ȳa coyea, ahri yahpa macaina m̄sare ti ñ̄a tuhtich̄a “¿Dohse jiro baro marine ñ̄a tuhtijari tina?”, ni t̄hotuena tjiga. ¹⁴ Mari pichacap̄u wahaborina jimai. Mip̄ure m̄anop̄u ã jirucuhtina cohtotarinap̄u jina nija mari. Jesu yainare cah̄ina, Cohamac̄u marine to cohtotach̄a yoarire masija mari. Masare cah̄erario pichacap̄u wahahtiro jira. ¹⁵ To coyeroire ñ̄a tuhtiriro masare wajāriro jira, Cohamac̄u to ñ̄uch̄a. Masare wajāina ne m̄anop̄u Cohamac̄u mehne jirucusi. Tíre noano masina m̄usa. ¹⁶ Masare cah̄iare õ sehe masinahca. Jipih̄tia dachoripe Cohamac̄u mehne mari jihto cjih̄tore Cristo yariaro marine tuaro cah̄ire. Ñ̄a yariaro marine to ã cah̄irucurire masich̄a yoaro nire. Ñ̄a jina Cohamac̄u to cahmach̄a mari c̄h̄ure Jesu yaina yaro jiborirore yariaro cahmaboca. ¹⁷ Paȳa cj̄ariro Jesu yairore pjac̄orirore

ñ̄aparota tirore pja ñ̄eraro, Cohamac̄ure cah̄erara tiro. ¹⁸ Ȳa pohna, mari cah̄ia sehe mari d̄sero dihta wijaero tjijaro. Masare mari cah̄ina, potoc̄ata tinare yoadohoro cahmana marine.

Cuiro marieno Cohamac̄u cahai ji masija mari

¹⁹ Tõ seheta cah̄ina mari potoc̄a Cohamac̄u yaina mari jia tia c̄h̄ure masinahca. Ñ̄a jina Cohamac̄u cahai ne cuiro marieno mari ji masija. ²⁰ Ñ̄a jina “Ñ̄aa buhiri jica ȳh̄are”, mari ni t̄hotupanahta, Cohamac̄u cahai cuiro marieno ji masija. Tiro sehe mari ȳhdoro tuariro jiro jipih̄tiare masi pah̄oriro jira. ²¹ Ȳa cah̄ina, noaare yoana, “Noaa sehere yoana nija”, ni t̄hotuna, Cohamac̄u cahai mari cuiro marieno ji masija. ²² Cohamac̄u to dutiare, to cahmaa c̄h̄ure mari yoach̄a, tirore mari sinino purota tiro warohca. ²³ Õ sehe dutira tiro marine: “Cohamac̄u mac̄nore Jesucristore wac̄u tuaga. Ñ̄a yoa Cristo marine to dutiriro seheta m̄usa mehne macainare cah̄iga m̄usa”, ninota dutira marine. ²⁴ Cohamac̄u dutiare yoariro Cohamac̄u mehne macariro jiro nina. To ã jiriro jich̄a, Cohamac̄u tiro mehne macariro jira. Cohamac̄u mari mehne macariro to jiare mari masi duach̄a marine to wariro Espiritu Santo tíre marine masich̄a yoarohca.

4

Mah̄noare ti buhech̄a,

Cohamacu yare ti buhechu cãhure noano ñu masi dutiha

¹ Yu cahina, paina “Cohamacu yairo Espiritu cãaja”, niina ti jipachuta ti buhea mahnoa jira. Paina sehe Espiritu Santo warore cãaina ne mahnoo marieno buhera tina. Payu “Cohamacu yare yahu mũhtaina jija”, nipahta mahnoina jira mipure. Jipihtiropu jira tina. Ñ jina paina musare ti buhea sehe mahnoa buhea jichu ñu masiga musa. Cohamacu ya ti jichu cãhure ñu masiga musa. ² Cohamacu yairo Espiritu Santore cãainare musa ñu masi duana, õ sehe masinahca: “Jesucristo ahri yahpapu mari yoaro sehe pjacu tiriyo bajuari jire” ni, buheina Cohamacu yairo Espiritu Santore cãaina jira tina. Ñ jina ã ni buheinare ñu masinahca musa. ³ Paina sehe “Jesu ahri yahpapu mari yoaro sehe pjacu tiriyo bajuari jire” ni, buheina Cohamacu yairo Espiritu Santore cãaeraina jira. Ti ya tãhotua Cristore ñu tuhtiriyo to tãhoturo seheta jira. “Cristore ñu tuhtiriyo tarohca”, ti nirire tãho tuhsure musa. Ñ yoa to ya buhea ahri yahpapore wihi tuhsure.

⁴ Musa sehe yu pohna, Cohamacu yaina jira musa. Ñ jina “Cohamacu yare yahu mũhtaina jija sã” ni, mahnoinare yãhdũca tuhsure musa. Musa mehne jiriyo Espiritu Santo sehe tua yãhdũcara. Ñ jiro ahri yahpa macaina yairo

watino yãhgoro tuara. Ñ jina mahnoinare yãhdũcare musa. Ñ jina ti buheare cahmaerare musa. ⁵ Mahnoina sehe ahri yahpa macaina ñaina jira. Ñ jia tina ahri yahpa macaa ñaare ti buhechu ahri yahpa macaina ñaina sehe tinare noano tãhora. ⁶ Mari sehe Cohamacu yaina jija. Ñ jia Cohamacure masiina marine noano tãhora. Paina sehe Cohamacu yaina jieraa, marine ne tãho duaerara. Ti ã tãho duaerachu ñuna ti ya buhea Cohamacu ya buhea ti jierachu masinahca mari. Paina sehe marine ti tãhochu ti ya buhea noaa buhea ti jichu cãhure masija mari.

Cohamacu painare tuaro cahũrucuro jira

⁷ Yu cahina, Cohamacu marine painare cahichu yoariyo jira. To ã yoariyo jichu ñuna mari mehne macainare cahijihna mari. Masare noano cahina sehe Cohamacu pohna jira. Ñ jia tina Cohamacure noano masina. ⁸ Cohamacu jipihtinare tuaro cahũrucuro jira. To ã cahũrucuro to jichu masare cahieraina sehe Cohamacure masierara. ⁹ Cohamacu marine to cahiare mari masi duana, õ sehe masinahca: Cohamacu sehe to macunore cãirota jiriore marine yãhdũchu yoah tiro cjihtore ahri yahpapore warocari jire. Ñ warocaro marine to cahiare marine masichu yoaro niri jire. ¹⁰ Cahia waro õ sehe jira: Cohamacure mari cahiri

cjiri sehe potocã cahña waro jierara. Marine Cohamacu to cahña sehe potocãta cahña waro jira. Ñ yoa to macunore mari ñaa buhirire cohãhtiro cjihore warocaró marine tuaro cahña tiro.

11 Yũ cahña, Cohamacu ã tuaro marine to cahñchũ ñũna mari cãhũ mari mehne macainare cahñjihna.

12 Masa sehe ne Cohamacure ñuerare. Tirore ñueraina

mari jipachũta mari mehne macainare mari cahñchũ, Cohamacu sehe mari mehne ã jirucuro nina. Ñ jiro potocãta marine cahñ namorucuchũ yoara tiro. 13 Cohamacu

sehe marine to yairo Espiritu Santore ware. Ñ jina Espiritu Santore cjũana, Cohamacu mehne mari noano jia tiare, tiro sehe mari mehne to noano jia tia cãhũre masija mari. 14 Ñ yoa Cohamacu

mari Pũcu to macunore ahri yahpa macainare yuhdũchũ yoahiro cjihore to warocarire sã ñũi. Tíre ñũna painapũre tíre yahuja sã. 15 Cohamacu mehne macariro õ sehe niriro jira: “Jesu Cohamacu macuno jira”, niriro tiro pini Cohamacu mehne macariro jiro nina. Ñ yoa Cohamacu cãhũ tiro mehne macariro jiro nina.

16 Ñ yoa marine Cohamacu to cahñare masija mari. Cohamacu jipihtinare tuaro cahñrucuriro jira. Ñ jiro cãiro masare cahñrucuriro jiro, Cohamacu mehne macariro jira. Ñ jiro Cohamacu cãhũ tiro mehne macariro jira.

17 Ñ jina mari noano cahñ namorucuja Cohamacure, paina cãhũre, buhiri dahreri dacho jichũ mari cuiro marieno mari jihito cjihore.

Ñ jina cuisu mari ahri yahpai Cristo yoaro sehe jina.

18 Painare cahña mehne ne cuiro mariahna. Cohamacu marine to cahñare masina mari ñano wahahtore ne cuieraja. Masa cuia tinare buhiri dahrehtore cuiina jira. Ñ jiro cuiriro sehe Cohamacu cahñare masierariro jira.

19 Marine Cohamacu cahñ mũhtari jire. Ñ jina mari cãhũ tirore cahñja. 20 Cãiro “Cohamacure cahñja”, niriro jiparota pairore ñũ tuhtiriro jiro, mahñoriro jira tiro. Tiro to ñũriore cahñeraro, Cohamacure cahñ masierara tiro, tirore ñueraro. 21 Ñ jiro õi jira marine Cristo to dutia: Cohamacure cahñiro jicũ mũ cahai jiriro cãhũre cahñga.

5

Cohamacu pohna ahri yahpa macaa ñaare yoa duaerara

1 Jipihtina Jesure “Cohamacu masare yuhdũchũ yoa duti to warocariro Cristo jira” niina, Cohamacu pohna jira. Paina pũcũrore cahña, to pohna cãhũre cahñja mari.

2 Tõ sehetã Cohamacure cahña, to dutiare noano yoana to pohna cãhũre mari cahña nija. 3 To dutiare noano yoana Cohamacure cahña nija. Cohamacu to dutiare mari yoachũ marine wapũoerara. Mari jipihtina

Cohamacu pohna jina, ahri yahpa macaa ñaare cahmaeraja mari. Ñ jia to dutiare mari yoachu waruhoerara. ⁴ Cohamacure wacū tuana ne ahri yahpa macaa ñaare cahmaeraja. Ñ jina tirore mari wacū tuari baharo ñano yoa duaeraja. ⁵ Ñaare cahmaerana õ sehe niina jija mari: “Jesu Cohamacu macuno jira”, niina jina ahri yahpa macaa ñaare cahmaeraina jija mari.

Cohamacu macunore yahuha João

⁶ Jesucristo ahri yahpau to tachu tirore João co mehne to bautisarire masina, crusapu to di cohãri cãhure masina, Cohamacu macuno to jiare masija mari. To bautisari dihta Cohamacu macuno to jiare marine masichu yoaerara. To di cohãri cãhu marine tíre masichu yoara. Espíritu Santo “Jesucristo Cohamacu macuno jira”, ni yahura marine. Tiro potocã ni yahuriro jira. ⁷ Ñ jia Jesu Cohamacu macuno to jiare tiaro marine yahura: ⁸ To macuno to jiare Espíritu Santo sehe marine yahura. Ñ yoa Jesure co mehne to bautisari cãhure masina, Cohamacu macuno to jiare masija mari. Ñ jina mari ya cjihtire to yariarire to di to cohãrire masina, Cohamacu macuno to jiare masija mari. Ñ jia tí sehe cãno potori marine masichu yoara Jesu Cohamacu macuno to jiare. ⁹ Masa ti yahuare tãhona

“Potocã tjira”, nija mari. Ñ niina jipanahta Cohamacu to macunore to yahuchu masa ti yahua yãhdoro tiro sehere noano tãhoro cahmana marine. Cohamacu waro to jichu to macunore to yahuare tãhoro cahmana marine. ¹⁰ Ñ jia jipihtina Cohamacu macunore wacū tuaina Jesure yahua buheare noano tãhora. “Potocã tjira”, ni tãhotura tina Jesure yahua buheare. Cohamacu to macunore to yahuare tãhoerariro “Cohamacu mahñoriro jira”, niriro jira tiro. ¹¹ Cohamacu marine jipihtia dachoripe to catia mehne ã jirucuchu yoaeraha. Cohamacu macuno yaina mari jichu ñhno ã jirucuchu yoaeraha marine. Ahri jira Cohamacu marine to yahua. ¹² Cohamacu macuno yaina jia to catia mehne ã jirucuahca. Paina tirore cahmaeraina sehe to catia mehne ne ã jirucusi.

Yahu to joa batoa jira

¹³ Musa Cohamacu macunore wacū tuaina Cohamacu catia mehne ã jirucunahca. Tíre musa masihti cjihtire musare yahu joai nija.

¹⁴ Cohamacu to cahmariro sehetã mari tirore dohse jiare mari sinichu tiro marine noano tãho nãnãnohca. Ñ mari sinina “Potocãta noano tãhora tiro”, ni masija mari. ¹⁵ Tirore mari sinichu, tiro marine tãhora. To ã tãhorire masina, tirore mari sinino purota to wahtiro jichu cãhure masija mari.

16 MUSA coyeiro to ñaare yoach_u ñ_una, tí ñaa Cohamac_u pichacap_u to waha dutia ñaa jierach_u, tirore sini payobasaga Cohamac_ure.

Ã jiro Cohamac_u tirore yoadohoro to catia mehne ã jirucuch_u yoarohca tirore. Cohamac_u pichacap_u to waha dutieraina dihtare sini payobasaga m_usa. Paye ñaa sehe Cohamac_u pichacap_u to waha dutia ñaa waro jira. Cãiro tí ñaa warore to yoach_u “Tirore sini payobasaga m_usa”, nieraja y_uh_u.

17 Jipihtia ñaa yoaa ñaa warota jira, Cohamac_u to ñ_uch_u. Ti ã jipachuta paye ñaa Cohamac_u pichacap_u to waha dutia ñaa jierara.

18 Cohamac_u mac_uno Jesu sehe Cohamac_u poh_unare noano ñ_u wihbora. To ã ñ_u wihboch_u watĩno sehe Cohamac_u poh_unare ne ñano yoa masierara. Ã jia Cohamac_u poh_una sehe ñaare ã yoarucuerara. Ahrire mari masija.

19 Mari sehe Cohamac_u yaina jija. Watĩno sehe ahri yahpa macaina p_uhtoro jira. Ahri cãh_ure mari masija.

20 Cohamac_u mac_uno ahri yahpap_ure taro marine noano masich_u yoare tiro. To ã yoach_u potocãta Cohamac_u waroreta mari noano masija. Ahri cãh_ure mari masija. Cohamac_u mac_uno Jesucristo yaina jija mari. Ã jina potocãta Cohamac_u waro mehne macaina jina nija. Ahriro y_u niriro potocãta Cohamac_u waro jira. Ã yoa

ahriro to mac_uno to catia mehne ã jirucuch_u yoariro jira. 21 Y_u poh_una, “Cohamac_u jira”, ti nia mas_urine ño payoena tjiga.

2 San Juan

Jesucristo yare, potocã cahña cãhure yahuha

¹⁻² Yñhñ bñsñro mähure Cohamacñ to besericorore mñ pohna cãhure ahri pñre joarocaja. Jesucristo yare yuhtiina jija mari. Tiro to buhea cãhñ mari mehne jipihtia dachoripe ã jiru-cuahca. ã jicñ potocãta mñsare cahña yñhñ. Yñhñ dihta cahñcñ nieraja mñsare. Paina Jesu yare masiina tina cãhñ potocãta cahña mñsare. ³ Cohamacñ mari Pñcñ, Jesucristo to macñno cãhñ potocãta ti cahña mehne marine noano yoaahca. ã jia pja ñña mehne marine noano jichñ yoajaro tina.

⁴ Cohamacñ mari Pñcñ marine to dutiro sehta cãina mñ pohna to yare yuhtiina ti jichñ masicñ wahcheja yñhñ. ⁵ Yñ cahñricoro, mipñre mähure yñ dutihtto wahma dutia jierara. Wahmanopñre ahri dutia marine dóiputa ji tuhsari jire. Õ sehe dutira marine. Mari mehne macainare cahñjihña. ⁶ To dutiare yoa pahñona mari tirore cahña. Wahmanopñre mñsa tñhoriro sehta mipñ cãhure ñ sehe dutira mñsare. Painare ã cahñrucuina jiga.

Payñ mahñoina jira

⁷ Payñ mahñoina “Potocã Jesucristo ahri yahpapñ mari yoaro sehe pjacñ tñro masa bajuerari jire”, niina cãhñ ahri yahpa macainare

buhea wahare. Tó sehe niina mahñoriro, Cristore ññ tuhtiro yoaro sehe jiina jira. ⁸ Noano yoaga mñsa. Cohamacñ ya wapare mñsa noano yoari wapare boena tjiga. Mñsa ã boerachñ Cohamacñ noa yñdñaro yoarohca mñsare.

⁹ Jipihtina Cristo yare yñdñucaina, Cristo yare quihñno buheraina Cohamacñ yaina jierara. ã yoa Cristo yare ne cohñeraina Cohamacñ mari Pñcñ, to macñno mehne macaina jira tina. ¹⁰ Cristo ya buheare ne cahmaerariro, paye buheare yahuriro mñsa cahai to tachñ, tirore mñsa wñhñi sãa ta dutiena tjiga. Tirore piti bocaena tjiga. ¹¹ Paye buheare yahuriro Cristo yare cahmaerariro ñano yoara. ã jiro tirore piti bocariro sehe ñano yoarirore yoadohoro nina.

Yahu joa batoa jira

¹² Payñ mñsare yahu du-apaihta tñre joa duaeraja. Mñsare ññi waha duaja. Mñsare ññcñ mñsa mehne sñhñduihtja mari noano wahchehti cjihtire.

¹³ Cohamacñ to besericoro mñ baho pohna sehe mähure noa dutira.

3 San Juan

*João Gayo wama tirirore
“Noariro jira”, niha*

¹ Y_uh_u b_uc_uro m_uh_ure Gay-
ore potocã y_u cahĩr_urore ahri
pũre joarocaja.

² Y_u cahĩr_uro, Cohamac_u
mehne macariro m_u jich_u
masija y_uh_u. Tiro mehne
m_u noano jiriro seheta m_u
noano y_uhd_uhti cjihtire, m_u
pjac_u dohatiro marieno m_u
jihti cjihtire Cohamac_ure sini
payoja m_uh_ure. ³ Mahainacã
Jesu yaina y_u cahai wihia
m_u jia tiare yahuhre y_uh_ure.
“Cristo to cahmano seheta
potocãta yoa namono nihre
Gayo”, ni yahuhre tina
y_uh_ure. Ti ã ni yahuch_u
t_uhoc_u tuaro wahchehi y_uh_u.

⁴ M_usa Jesu yare y_u buherina
cjiri to cahmano seheta
m_usa yoach_u t_uhoc_u tuaro
wahcheja.

⁵ Y_u cahĩr_uro, Jesu yainare
yoadohoc_u noano yoara
m_uh_u. M_u ñ_u masieraina
ti jipach_uta, tinare yoado-
hoc_u noa y_uhd_uaro yoara
m_uh_u. ⁶ Tina panop_u m_u
ñ_u masieraina sehe Jesu
yainare õi cahmachuinare
sãre õ sehe ni yahuhre:
“Gayo Jesu yainare noano
cahĩna”, ni yahuhre panop_u
m_u ñ_u masieraina sehe.
Baharo m_u ya macare ti
y_uhd_u wahcãch_u ñ_uc_u tinare
noano yoadohoga Cohamac_u
to wahchehto sehe. ⁷ Tina
Jesu yare buhe tinia wahaa,
Cohamac_ure cahmaeraina

ti yoadohoch_u cahmaerara.
⁸ Æ jina tinare Jesu yare
buhe tiniinare yoadohojihna
mari. Tinare ã yoadohona
nija potocã jiare ti yahuhti
cjihtire.

*Diotrefe to ñaa yoirire
yahuha João*

⁹ Tó macainare Jesu
yainare mahanocã joaro-
camahi. Y_u ã joaroca-
pach_uta Diotrefe to basi ti
p_uhtoro yoaro sehe ji duaro,
y_uh_ure t_uho duaerayuhca.

¹⁰ M_usa cahai y_u s_uri baharo
to yoirire m_usare yahu
pahñoihtja. Sãre ñano du-
rucuyuhca tiro. Mahñoa
pay_uriro jira tiro. Æ yoa paye
ñaa cãh_ure yoayuhca tiro.
Jesu yainare to yare buhe
tiniinare ne tiro to w_uh_ure
sãa ta dutierayuhca. Æ yoa
paina tó macaina Jesu yaina
sehe buhe tiniinare ti sãa ta
dutich_u ñ_uno tiro sehe “Buhe
tiniinare sãa ta dutiena tjiga
m_usa ya wah_usep_ure”, ni
yahusãyuhca tinare. “M_usa
ya wah_usep_u buhe tiniinare
m_usa sã ta dutiri buhiri mari
Jesu yaina mari cahmachuri
w_uh_up_ure sãaena tjiga m_usa
sehe”, niyuhca Diotrefe tó
macainare Jesu yainare.

¹¹ Y_u cahĩr_uro ñainare ñ_u c_ui
tjiga. Noano yoaina sehere
ñ_u c_uga. Noare yoaina Co-
hamac_u yaina jira. Æaare
yoaina Cohamac_ure masier-
ara.

*Demetrio noaa to yoirire
yahuha João*

¹² Jipihtina noano duru-
cura Demetrio sehere. Æ

yoa to yoarire ñua noano to
 yoariro jichu masina masa.
 Sã cãhu tirore ãta ni yahuja.
 Sã yahua sehere potocã jichu
 masina masa.

Yahu batoaha João

¹³ Mũhũre payu yahu
 duamahi. ã yahu duapaihta
 tíre joaeraja. ¹⁴ Mahanocã
 baharota mũhũre ñu du-
 aja. ã jina tórũ mari basi
 sũhũdunahca.

¹⁵ Noano jiga mũhu. Mari
 mehne macaina õ macaina
 Jesu yaina cãhu mũhũre noa
 dutira. Tó macaina mari
 mehne macaina jipihtina
 noajaro.

buhiri Cohamacu tinare jũ pahñonocaa tiri jire. Tinare jũno Cohamacu jipihtina tirore yuhduacainare to buhiri dahrehtore masare ñono nia tiri jire. Tinare to buhiri dahreri pichaca ne yatisi.

⁸ Tina Cohamacu to buhiri dahrerina cjiri yoaro seheta mipu cãhare ãta yoarucura mahñoare buheina. Tina tuho masieraina yoaro seheta ti pjacuri mehne ñano yoara. ã yoa Cohamacu dutiare ne cahmaerara tina. ã yoa m̃ano macaina si siteinare tina sehe ñano durucu cohtara. ⁹ Noaina anjoa sehe tuaina jipahta ã ni durucuerara. Miguel wama tiriro anjoa puhtoro sehe Moise pjacu cjirore cahmano, watino mehne cahma sayoa tiri jire. Tua yuhduariro jiparota tiro “Watino yuhdoro yuhu pinihta tuaja”, ni tuhotuera tiri jire. ã jiro to mu sũro watinore ñano durucuera, tirore tuhtiera tiri jire. ã jiro õ sehe nia tiri jire watinore. “Cohamacupu mahure tuhtijaro”, nia tiri jire Miguel watinore. ¹⁰ To ã yoiriro jipachuta ahrina mahñoina sehe ti masierainare ñano durucu cohtara. ã yoa wahiquina tuho masieraina ti mu sũro ti yoaro seheta tina mahñoina cãhu yoara. ã yoaina jia, pichacapu wahaahca.

¹¹ Tinata ñano yuhduahca. Caĩ cjiro to yoiriro seheta ñano yoara tina cãhu. ã jia Balãa to yoiriro seheta tina niñerure na duaa, mahñoare

buhera. ã yoa Coré to puhtorore cohã duariro cjiro yoaro seheta tina cãhu tó seheta yoara. ã jia tiro yoaro seheta tina cãhu pichacapu wahaahca. ¹² Tina mahñoina sehe m̃asa cahma cahĩhti bose numurine chua, ño payoa marieno mehne tina ti cahmano pape, ti sahserota chũare bora painare waro marieno. Wete yoaro sehe tina m̃asa bose numurine noaa dachori jiborirore dojomehne cohtara. Me curuari wihnono to wãrocaa curuari, co mariea me curuari ti yaba cjihti jieraro seheta tina mahñoina ne yaba cjihti jierara. ã yoa dicha tiri pja jichu dicha tieraa yucuri yoaro sehe jira tina. Tí yucuri puu tahapu yariaa wahara. Cã taha dicha tieraa yucu, yariaa yucuri yoaro sehe waha tuhsura. Tí yucurire ti duhari baharo pari turi yariaa wahara tjoa. Tí yucuri yoaro seheta jia yaba cjihti jierara tina mahñoina. ¹³ ã yoa pjiri ma macaa pahcõri bujua pahcõri yoaro sehe jira tina. Tí pahcõri ti cjãruca õchu, wete tia sahpo wahara. Dohse jiare tina mahñoina ti yoachu pahcõri macaa sahpo wete tia sahpo ti waharo seheta mahñoina ti ñaa yoaa jira. ã yoa si mu wahcãa poca ñahpichoha poca yoaro sehe jira tina. Tí ñahpichoha poca ti wahahti mahare duhunoca, ti ã cohtotarucuro seheta tina cãhu quihõno buheraa, ã cohtotarucura. Ti ã yoiri buhiri nahitianopu, ñanopu ã

jirucuahca tina mahñoina.

14-15 Enoco panopu macariro cjiro Adão panamana seis baharo to panami tiri o sehe nia tiri jire tinare mahñoinare: “Tuhoga yuhure. Cohamacu payu to yaina anjoa noaina mehne jipihtina ñainare ti ñaa buhiri buhiri dahrero tarohca. Ñ yoaro jipihtina Cohamacure ñu tuhtiinare ti ñaa yoari buhirire tinare buhiri dahrero tarohca Cohamacu. Cohamacure ñano ti durucuri buhiri cãhare tinare buhiri dahrero tarohca”, ni yahuyua tiri jire Enoco. 16 Tina mahñoina painare tuhtiina, nurerucuina ti ñano wacũa dihtare yoara tina. Ñ yoa “Painare masi yuhduhcaja sã”, nirucura tina. Ñ jia ti cahmano sehe yoa duaa, paina ti cjaare na duaa, mahño cũ durucura tuho ji coaroputa.

Jesu yainare yahu namoha Juda

17 Mari puhtoro Jesucristo buhe duti to cõrina ti buherire wacũga m̄sa, yu cahĩina. 18 O sehe ni buhere tina marine. “Ahri yahpa to pihtihto panocã Cohamacure, m̄sa to yaina cãhare ñano durucu bujpeina jiahca. Tina Cohamacure cahmaeraa, ñaare ti goa pjaare yoahca”, ni yahure Jesu to cõrina m̄sare. 19 Jesu yainare ti basi ti cahma ñu tuhtichu yoara tina mahñoina sehe. Ñ yoa tina ñaina ti m̄ sũro yoaina jia, Espĩritu Santore ne cjaerara

tina. Ti ñaa goa pjaa dihtare yoara tina.

20 M̄sa sehe yu cahĩina, Jesucristo ya buheare noano tuho namoga, noano wacũ tuaina m̄sa jihto sehe. Tĩ buhea sehe ñaa mariea buhea noa yuhduhara. Espĩritu Santo yoadohoa mehne Cohamacu mehne durucuga m̄sa. 21 Cohamacu m̄sare tuaro cahĩina. Tĩre masina tirore noano yuhtiina jiga m̄sa. Ñ yuhtiina jiga, Jesucristo mehne m̄sa ã jirucuhure m̄sa cohtaro watoi. Tiro marine pja ñano m̄anopu ã jirucuchu yoarohca.

22 Cristo yare “Quihõno jieraboca”, ni tuhotuinare pja ñuga. 23 Painare yoadohoga pichacapu ti wahaerahto sehe. Ñ jina painare pja ñuga m̄sa. Tinare yoadohona m̄sa cãhu ti ñaa yoare ñu cũena tjiga. Wete tiri suhtirore m̄sa cahmaeraro seheta, paina ti ñaa yoare cahmaena tjiga m̄sa, “Tĩ ñaa yoare ñu cũ yoari”, nina.

Juda Cohamacure to ño payoa jira

24 Cohamacu mari puhtoro marine ñu wihbo masina ñaare mari yoaerahto sehe. Ñ jiro tiro si siteriro marine ñaa buhiri marieinare m̄anopu to cahapu cũ masina. Ñ marine tõpu to cũchu mari wahchenahca. 25 Tiro Cohamacu cãirota jira. Pairo mariahna. Pichacapu wahaborinare marine yuhduchu yoariro jira. Tiro sehe panopu, mipure, jipihtia dachoripe

cãhure noa yãhdãariro,
mari bui pãhtoro jiro,
tua yãhdãariro, jipihinare
dutiro jira. To ã jiro jichã
mari pãhtoro Jesucristo to
yoadohoa mehne tirore ño
payoa mehne wahchejihna.
Ãta yoajihna.

Apocalipsis

Baharopure ahri dacho to dohse wahahtore marine masichu yoaha Jesucristo

¹ Ahri pui Jesucristo marine to masichu yoarire yahu joarocai nija. Cohamacu sehe tire yahu dutiro cūri jire tire, to yainare tire dahra cohtainare masichu yoa dutiro. Ā jiro michapucacāta to dohse wahahtore masichu yoari jire tiro. Mahanocā dahsa mujano nina to ā wahahto. Jesucristore to ā cūchu tiro sehe anjore tire yuhure Joāore yahu dutiro warocari jire. ² Ā jicu yuhu Joāo jipihtiare yu űurire yahu joarocai nija. Cohamacu ya durucuarē Jesucristo ya buheare yahu joarocai nija.

³ Ahri pui baharopu to dohse wahahtore yahu joai nija. Mahanocā dahsa mujano nina ahri jipihitia ti ā wahahto. Ā jia jipihitia ahri pūre buheina, yu yahuaire noano tūhoina yu yahuriro sehe yoaina wahcheina jahca.

Siete curuari macainare Jesu yaina cahmachuinare joarocaha Joāo

⁴ Yuhu, Joāo musare siete curuari macainare Jesu yainare Asia yahpa macainare joarocaja: Cohamacu to cahia mehne musare noa dutija. Ā yoa to yoadohoa mehne noano jiga musa. Tiro panoputa ā

jirucuriro jia tiri jire. Mipu cūhure ā jirucura. Baharopu tarohca. To puhtoro dujiro panoi jiina siete pjacu bajúeraina jira. Tina ti cahia mehne noano jiga musa tjoa. ⁵ Jesucristo to cahia mehne noano jiga musa tjoa. Cohamacu yare mahūono marieno yahuriro jira tiro. Ā jiro to yariari baharo to masa mujari baharo ne pari turi yariasi tiro. “Ō sehe masa mujahca yu yaina”, ni űu quihō mūhtariro jira tiro. Ā jiro jiro jipihitia ahri yahpa macaina puhto ti bui puhtoro jira tiro. Marine cahino to di cohāri mehne mari űaare cosawere tiro. ⁶ Ā cosawero marine puhto sōre tiro. Sacerdotea marine wahachu yoare tjoa. Cohamacu Jesu Puchero to yare yoahinare marine sacerdotea sōre tiro. Jipihitia dachoripe “Tuariro jira”, ni wahche payorucunahca mari jipihitia tire. Jipihitia bui puhtoro ā jirucura tiro. Āta jirucujaro.

⁷ Noano wacū masi cohtaga musa. Me curuari watoi duji tarohca Cristo. To ā tachu űuahca jipihitia. Tire cja puha wajarina cjiri cūhu tire űuahca. To ā tachu űua ahri yahpa macaina tire cahmaeraina jipihitia curuari macaina tuaro cahya, tiiahca. Āta yoajaro.

⁸ Ō sehe nina mari puhtoro Cohamacu: “Yuhu jipihtiare bajuamehneriro jija. Ā yoa jipihtiare pihitchu yoahiro

jija. Tua yuhdurucariro jija yuhũ. Panopũ ã jirucua tii. Mipũ cãhũre ã jirucuja. Baharopũ taihtja”, nina Cohamacũ tua yuhdurucariro.

Cristore si siterirore to ñurire yahuha João

⁹ Yuhũ João mũsa coyeiro Jesu yairo jija. ã jicũ mũsa yoaro seheta yuhũ cãhũ Jesu yare yũ yoari buhiri ñano yuhdũhi. ã yoa mũsa yoaro seheta yuhũre ti ã ñano yoapachũta Jesu yoadohoa mehne Jesure cohãerahi. Mari cãno potori pũhtoro to sũho jiro macaina cjihti jija. Yũ ya dihta macaina ti cohãriro jicũ Patmo wama tiri nũcopũ jihĩ. Cohamacũ yare, Jesucristo to buheri cãhũre painare yũ buheri buhiri tópu ti cohãriro jihĩ. ¹⁰ Tói yũ jichũ cã dacho domingo jichũ Espĩritu Santo yuhũre cahãnopũ ñono nihre. To ã ñochũ yũ baharo buhũsehei tuaro durucua bisiro coa tahre. Corneta to tuaro bisiro seheta tó seheta bisiro coa tahre to durucua. ¹¹ Ó sehe nino coa tahre yũ tũhochũ:

—Mipũ mũ ñũhtire joari pũi joa õga. Mũ ã joa õri baharo siete curuari macainare Cohamacũ yainare warocaga tí pũre. Tina siete curuari Asia yahpai jia macari macaina jira. Efeso macainare, Esmirna macainare, Pẽrgamo macainare, Tiatira macainare, Sardis macainare, Filadelfia macainare, Laodicea macainare mũ ñũhtire joarocaga —nino coa tahre yuhũre.

¹² To ã nichũ tũhocũ majarerũcahi yuhũre durucurirore ñũi tai. ã majarerũcacũ siete sihãa pocare ti duhu payoa yucũre uru mehne ti yoari yucũre ñũhi. ¹³ Tĩ yucũ watoi ducurirore masano yoaro sehe bajurirore ñũhi. Tiro yoari suhtiro to dahporipũ sũri suhtirore sãariro jihre. ã jiro uru mehne ti yoari cahsaro mehne to pẽbuhu bui tũã dihoriro jihre. ¹⁴ ã yoa to pjoa yaja pjoari yoaro sehe noano yehsehre. To capari pichaca pohna yoaro sehe sihre. ¹⁵ To dahpori bronca wama tiri comaa siri comaa yoaro sehe si sitehre. Broncere pichaca mehne ti noano jũweri baharo tíre wahtara noano si pa dutia. Ti noano wahtariro yoaro sehe to dahpori noano si sitehre. ã yoa to durucua payũ poayeri yoaro sehe tuaro bisiro coa tahre. ¹⁶ To wamomaca poto buhũsehei siete ñãhpichoha pocare cjuhãre. ã yoa to dũseroi ñosari pjĩ pũ buhũseheri siori pjĩne cuhcũhre. ã yoa sũ dacho macariro to tuaro minoano seheta to wãhdũã tuaro si sitehre.

¹⁷ ã jicũ tirore ñũcũ to dahpori cahai doca caha sũhi yariariro yoaro sehe. Yũ ã doca caha sũchũ ñũno tiro to wamomaca poto buhũsehe mehne yuhũre duhu payo õ sehe nihre:

—Cuii tjiga. Yuhũ jipihtiare bajuamehneriro jija. ã yoa jipihtiare pihlichũ yoah tiro

jija. ¹⁸ Catiriro jija yuhũ. Yariariro jimai. Mipũre ñũga. Jipihtia dachoripe ã catirucuriro jija yuhũ. ã yoa yariaina ti jiroi pũhtoro jija. Yariaina ti jiro macari sopaca sawire yũ cjuaboriro seheta tópu jinare na wio, pari turi catichũ yoa masija yuhũ. ¹⁹ ã jicu mipũ wahahtore ñũcu, joa õga. Baharopũ to dohse wahahto cũhũre ñũcu joa õga mũhũ. ²⁰ Ahri siete ñahpichoha pocare yũ poto bũhũsehei yũ cjuaa pocare yahuihtja mũhũre. Siete sihãa pocare ti duhu payoa yucũ uru yucũ cũhũre yahuihtja. Õ sehe jia yahuare panopũ masare ne yahuera tii. Õ sehe jira tí: Siete ñahpichoha poca siete curuari macaina yũ yaina cahmachuina pũhtoa jia nina mari piti dahre buhechũ. ã jia siete sihãa pocare ti duhu payoa yucũ siete curuari macaina yũ yaina jia nina mari piti dahre buhechũ — nihre yuhũre.

2

Efeso macainare Jesu yainare joa dũca dutiha Joãore

¹ ã ni tuhsũ õ sehe ni namohre yuhũre joa dutiriro:

—Efeso macaina yũ yaina, ti pũhtoro cũhũre õ sehe ni joarocaga mũhũ: “Yũ wamomaca poto bũhũsehei siete ñahpichoha pocare cjuariro jija. ã jicu siete sihãa dapoa yucũ uru mehne ti yoaa yucũ watoi tiniriro jija. ã tiniriro jicu mũsare õ sehe ni yahuja:

² Jipihtia mũsa yoarire masi pahñõja. Yũ ya cjihire tuaro mũsa dahrarire, yuhũre mũsa wacũ tua duhuerari cũhũre noano masija. Ñaare yoainare mũsa ñũ yabichũ cũhũre masija. ã yoa ‘Jesu buhe dutiro to cũrina jija’, nimirinare quihõno ti buherachũ, quihõno ti yoerachũ ñũna, mahñõina ti jichũ masire mũsa. ³ Yũ yare mũsa yoari buhiri mũsa ñano yuhũpanahta yuhũre ne duhuerare mũsa. ⁴ ã noano yoina jipanahta cãnore tó yoerare mũsa. Ahri jira tí: Yuhũre mũsa noano cahĩ mũhtariro seheta mipũre yoerara mũsa. ⁵ Yuhũre mũsa cahĩ mũhtarire wacũga mũsa tjoa. Mipũre yuhũre mũsa cahĩera curerire wacũga. ã yoa Cohamacũ yare tuaro cahmaga tjoa. ã cahmana, yũ yare mũsa yoa mũhtariro seheta yoaga tjoa. Mũsa ã yoerachũ sihãiare yũ duhu payodũ mũsa ya dũre yũ dapodũre mũsare nanocaihtja. (ã nicũ õ sehe ni yahui nija mũsare. Mũsa tó macaina yuhũre cohãboca. ã cohãna tó purota pihtinahca mũsa ñaa yoare duhuerana.) ⁶ Yuhũre cahĩera cureina jipanahta ahrire noano yoare mũsa: Nicolaita wama tiina ti ñaa yoarire ñũ yabira mũsa. Yuhũ cũhũ ti yoarire ñũ yabija. ⁷ Cahmori tiina jira mũsa. ã jina mũsa ya curuari macainare yũ yainare Espĩritu Santo to yahurire tuhoga mũsa. Õ sehe nina

tiro: 'Jipihtinare Jesure wacũ tua duhuerainare Cohamacu masare to cũno paraíso wama tiro macadu dichare chu dutiichtja. Tu dicha caticu yoaa jira', nina Espíritu Santo", ni yahu joarocaga Efeso macaina yu yainare, ti puhtoro cãhure.

Esmirna macainare Jesu yainare joaroca dutiha Joãore

⁸ 'Esmirna macaina yu yainare, ti puhtoro cãhure õ sehe ni joarocaga muhu: "Yuhu jipihtiare bajuamehneriro jija. ã yoa jipihtiare pichtichu yoahitiro jija. Yariaa wahai. Pari turi catija tjoa. ã jicu õ sehe ni yahuja musare: ⁹ Mũsa ñano yuhũrere masija. Pjacooina musa jichu cãhure masija. ã jipanahta Cohamacu yare noaare pjiro cjuara musa. Paina sehe 'Judio masa jija', nimarina mahñoina jira. Tina musare ti ñano quitidahrerere masija. Tina Satana yaina jira. ¹⁰ Mipure musa ñano yuhũhtire cuiena tjiga. Tuhoga musa. Watino musare Cohamacure duhu dutiro cãina musa mehne macainare peresu yoa dutirohca. Diez dachori waro ñano yuhũnahca musa. Ti ã ñano yoachu musare ti ã wajãmoñopachuta yuhure yu ya cãhure cohãena tjiga. Mũsa ã yuhure cohãerachu ñucu jipihtia dachoripe Cohamacu cahapu musare ã jirucuchu yoaihtja. ¹¹ Cahmori tiina jira musa. ã jina musa ya curuari macainare yu yainare Espíritu Santo to yahirere

tuhoga musa. Õ sehe nina tiro: 'Jipihtina Jesure wacũ tua duhueraina pichacapu wahasi. Ti yariari baharo pichacapu wahasi', nina Espíritu Santo", ni joarocaga Esmirna macaina yu yainare, ti puhtoro cãhure.

Pérgamo macainare Jesu yainare joaroca dutiha Joãore

¹² 'Pérgamo macaina yu yainare, ti puhtoro cãhure õ sehe ni joarocaga muhu: "Yuhu ñosari pjĩ pu buhuseheri siori pjĩne cjuariro jija. Musare õ sehe ni yahuihtja: ¹³ Mũsa yoarire, musa ya maca macaina ti yoari cãhure masija. Tó macaina puhtoro Satana jira. Tó macaina Satanare ño payoina Antipare yu yare noano yahiriro cjirore wajãre. Tirore ti ã wajãchu ñupanahta yu yare yoarucuna yuhure ne wacũ tua duhuerare musa. ¹⁴ Mũsa ã wacũ tua duhuerapanahta mahanocã yuhure yuhũrucare musa. Cãina musa mehne macaina Balãa ya buheare cahmana. Panopu Balãa puhtoro Balac wama tirirore õ sehe ni buheare tire: 'Israe masare yuhũrucaca duacu "Cohamacu jira", musa nia masurine ño payo musa duhu payoa chũare chu dutiga tinare. ã yoa numia mehne ñano yoachu yoaga tinare', ni buheare tire Balãa cjiro. Cãina musa mehne macaina to buheare cahmana. ¹⁵ ã yoa paina musa mehne macaina Nicolaita wama tiina ya buheare sehere duhu

duaerara. ¹⁶ Æ jina m̄sa ñaa t̄hotumari cjirire t̄hotu cohtota, Cohamac̄u yare tuaro cahmaga tjoa. M̄sa ã cahmaerach̄u ñ̄nc̄u soaro mehne m̄sa cahap̄u wahac̄u, ã ñ̄ano yoaina mehne cahmacheihca ȳu d̄userop̄u jiri pj̄i ñ̄osari pj̄i mehne. ¹⁷ Cahmori tiina jira m̄sa. Æ jina m̄sa ya curuari macainare ȳu yainare Esp̄iritu Santo to yahurire t̄hoga m̄sa. Õ sehe nina tiro: 'Jipihtinare Jesure wac̄u tua duhuerainare maná wama tiri ch̄uare to n̄ori ch̄uare waihtja. Yehsea t̄ã c̄h̄ure waihtja tinare. Tí t̄ãare wahma wamare ȳu joa ða t̄ã jiahca. Paina tí wamare ne masisi. Tí t̄ãare naina dihta tí wamare masiahca', nina Esp̄iritu Santo", ni joarocaga Pérgamo macaina ȳu yainare, ti p̄htoro c̄h̄ure.

Tiatira macainare Jesu yainare joaroca dutiha Joãore

¹⁸ 'Tiatira macaina ȳu yainare, ti p̄htoro c̄h̄ure ð sehe ni joarocaga m̄h̄u: "Ȳh̄u Cohamac̄u mac̄no ȳu capari picha pohna yoaro sehe sira. Æ jia ȳu dahpori bronze wama tiri comaa ti wahtari comaa yoaro sehe si sitera. M̄sare ð sehe ni yahuja: ¹⁹ M̄sa yoarire masija ȳh̄u. Cohamac̄ure paina c̄h̄ure m̄sa cah̄irire, ȳh̄ure m̄sa coh̄erare, painare m̄sa yoadohorire, ñ̄ano ȳhd̄panahta ȳh̄ure m̄sa duhuerare masija. Wahmanop̄u m̄sa yoariro ȳhd̄oro mip̄u sehere noano yoa namona nina m̄sa.

Tí c̄h̄ure masija ȳh̄u. ²⁰ M̄sa ã noano yoaina jipanahta ð sehe ȳh̄ure ȳhd̄ur̄c̄ahre m̄sa: Jezabe wama tiricoro 'Cohamac̄u yare yahu m̄htaricoro jija', ni mah̄oricoro m̄sare to ñ̄ano buhech̄u t̄hona ticorore tuhtierare m̄sa. Mah̄no buhero ȳu yainare ȳh̄ure dahra cohtainare numia mehne ñ̄ano yoach̄u yoara. Æ jiro 'Cohamac̄u jira', ti nia mas̄rine paina ñ̄o payo ti duhu payoa ch̄uare ch̄u dutira ticoro ȳu yainare. ²¹ To ñ̄aare to cahyahtore cohtasinimai. Ȳu ã cohtapach̄uta m̄a mehne to ñ̄ano yoaare duhu duaerare. ²² Ȳh̄ure t̄hoga m̄sa. Ticorore dohatic̄u yoaihtja. Ticoro mehne ñ̄ano yoaina c̄h̄ure dohatic̄u yoaihtja. Æ jia tina pj̄iro ñ̄ano ȳhd̄uach̄a. Æta yoaihca tinare ticoro mehne ti ñ̄ano yoaare ti cahyaerach̄u, tíre ti duhuerach̄u. ²³ Æ yoa ticoro ya buheare cahmainare waj̄ihtja. Ȳu ã yoach̄u ñ̄aa jipihtina ȳu yaina ȳu noano masiriro jich̄u masiahca. Masa ti t̄hotuare ti goa p̄jaa c̄h̄ure masija. Ȳu ã masiriro jich̄u masiahca tina ticorore ȳu buhiri dahrech̄u ñ̄aa. Jipihtina m̄sa ñ̄aare yoari buhirire buhiri dahrehtja m̄sare. Æ yoa m̄sa noaare yoari wapa sehere noano yoaihtja m̄sare. ²⁴ Paina m̄sa mehne macaina Tiatira macaina ticoro ya buheare cahmaerare. M̄sa sehe Satana ya buheare 'Pano to yahuerari cjiri', ti nia

buheare cahmaerare m̄sa. Ā jic̄u m̄sa sehere duti namosi ȳh̄h̄. ²⁵ Ahri dihtare yoa duti namoihtja m̄sare: M̄sa cahap̄u ȳu tahto pano ȳu buheare m̄sa masirire ne mahanoc̄a duhuena tjiga. ²⁶⁻²⁷ Jipihtina ñaare duhuinare ȳu yare ã yoarucuinare p̄h̄toa s̄oihtja. Ȳu P̄c̄u ȳuh̄re to p̄h̄to s̄oīro seheta m̄sa c̄uh̄re p̄h̄toa s̄oihtja. Jipihtia yahpari macaina bui p̄h̄toa s̄oihtja m̄sare. Ā p̄h̄toa s̄āna, m̄sa docai j̄inare jipihtia yahpari macainare tuaro dutinahca m̄sa. Dihi biatore mari yuc̄c̄u mehne pohach̄u d̄oi to wahtiaro seheta Cohamac̄ure ȳuh̄d̄ur̄ucainare āta yoanahca m̄sa. ²⁸ Ā jic̄u m̄sare ȳu yare ne duhuerainare bohrea m̄ja tach̄u m̄ja tariare waihtja m̄sare. ²⁹ Cahmori tiina jira m̄sa. Ā jina m̄sa ya curuari macainare ȳu yainare Esp̄iritu Santo to yahurire t̄hoga m̄sa”, ni joarocaga Tiatira macaina ȳu yainare, ti p̄h̄toro c̄uh̄re.

3

Sardis macainare Jesu yainare joaroca dutiha Joãore

¹ 'Sardis macaina ȳu yainare, ti p̄h̄toro c̄uh̄re õ sehe ni joarocaga m̄h̄h̄: “Ȳh̄h̄ siete pjac̄u bajuerainare Cohamac̄u yainare dutiriro jija. Ā yoa siete ñahpichoha pocare c̄h̄ariro jija. M̄sare õ sehe ni yahuja: M̄sa yoarire masija.

Õ sehe ni t̄hotumana paina m̄sare: ‘Tina Cohamac̄u yare noano yoa pah̄ñoina jira’, ni t̄hotumana m̄sare paina. Ti ã ni t̄hotupach̄uta Cohamac̄u yare noano yoaerara m̄sa. ² Ā jina noano yoaga m̄sa ‘Ñaare yoari’, nina. Cohamac̄u yare m̄sa masirire noano wac̄uga, ‘To yare duhuri’, nina. Cohamac̄u to ñ̄ch̄u noano yoa pah̄ñoerasinire m̄sa. ³ Ā jina ȳu yare m̄sa t̄ho m̄htarire noano wac̄uga m̄sa. Ā wac̄una ȳu yare yoaga t̄joa. Cohamac̄u yare pari turi cahmaga t̄joa. Ȳu nino sehe m̄sa yoerach̄u wac̄ūenoca m̄sare buhiri dahreih̄tja. Yacariro wac̄ūenoca to yacaro s̄āriro seheta m̄sare wac̄ūenoca buhiri dahreih̄tja. ⁴ C̄aina m̄sa mehne macaina Sardis macaina ñaare yoarucaina jierara. Wete marieni suhtirore m̄sa s̄āboriro seheta tí suhtirore m̄sa wete piho duaeraro seheta ti ñaa yoare piha duaerare m̄sa. Ā noaina jina, yehseri suhtiro s̄āina ȳh̄h̄ mehne tininahca m̄sa sehe. Ā yoah̄tina c̄jihti jira m̄sa. ⁵ Jipihtina ȳu yare duhueraina āta yehsea suhti s̄āina jiahca. Ā yoa ȳh̄h̄ mehne ã jirucuhtina ti wamare to joa õri p̄ui tina c̄uh̄ ti wamare joa õina jiahca. Ti wamare to joa õrire pah̄ã coh̄si ȳh̄h̄. Ȳu P̄c̄u to ñ̄rocaroi, anjoa c̄uh̄ ti ñ̄rocaroi ȳu yaina m̄sa jirire yahuihtja tinare. ⁶ Cahmori tiina jira m̄sa. Ā jina m̄sa

ya curuari macainare yu yainare Espíritu Santo to yahurire tuhoga m̄sa”, ni joarocaga Sardis macaina yu yainare, ti p̄htoro c̄hure.

Filadelfia macainare Jesu yainare joaroca dutiha Joãore

7 'Filadelfia macaina yu yaina, ti p̄htoro c̄hure õ sehe ni joarocaga m̄h̄: “Yuh̄ ñaa marieriro jija. Yu nino sehetã yoariro jija. Davi cjiro panop̄ macariro p̄htoro dutiriro waro sawire c̄hariro jiro masare to dutiriro sehetã tuã mehne dutiit̄ja yuh̄ c̄h̄. Tí tuã mehne yu yoa dutich̄ ne paina tíre d̄cata masierara. Yu yoa dutierach̄ ne paina tíre yoa masierara. 8 Jipihtiare m̄sa yoaare masija yuh̄. Wac̄ tuaera cureina jipanahta yu buheare noano tuh̄, tíre ne duhuerare m̄sa. ã jic̄ yu yare c̄i m̄sare tíre buhe dutic̄. ã jia paina ‘Tíre buhena tjiga’, ni d̄cata masierara m̄sare. 9 ã jic̄ õ sehe yoiht̄ja: Paina m̄sa cah̄i jiina Satana yaina jira. ‘Judio masa jija’, nipahta judio masa waro jierara. Tinare m̄sa panoi na tuh̄cua cah̄a s̄ m̄sare ño payoch̄ yoiht̄ja tinare. Yu ã yoach̄ ñaa m̄sare yu cah̄ãre masiah̄cã tina. 10 M̄sare yu yare yu duhu dutierach̄ tuh̄ona noano yuh̄tire m̄sa. M̄sa ã yoach̄ ñ̄c̄ ah̄ri yahpa macaina jipihtina ti ñano yuh̄d̄hti p̄ja jich̄ m̄sare d̄cataiht̄ja m̄sa ñano yuh̄d̄erahto sehe. Tí

p̄ja jipihtina ti ñano yuh̄d̄hti p̄ja jiroh̄cã. 11 Mahanoc̄ã d̄hsara ah̄ri yahpap̄ yu tjua tahto. Yu yare m̄sa masirire boena tjiga. ã yoa yuh̄re ã yuh̄tirucuga, m̄sa noano yoari wapare ‘Butiri’, nina. 12 ã jic̄ yu yare ã yoarucuinare yu P̄c̄ yu wuh̄ macaina c̄iht̄ire c̄iht̄ja tinare. To ya wuh̄ macãã botari ti yoari p̄ja ti jirucuro sehetã Cohamac̄ mehne jirucuch̄ yoiht̄ja tinare. ã jia Cohamac̄ mehne macaina ã jirucuah̄cã. ã jic̄ Cohamac̄ wuh̄ macãã botarip̄ yu joã õno sehetã tinare ti p̄jac̄rip̄ õ sehe ni joã õiht̄ja: Cohamac̄ yu P̄c̄ wamare, to ya macãã wama c̄hure joã õiht̄ja. To ya macãã wahma macãã Jerusalẽ jiroh̄cã. Tí macãã m̄anop̄ Cohamac̄ cah̄ap̄ tari macãã jiroh̄cã. Yuh̄ wahma wama c̄h̄ih̄cã. Tí wama c̄hure joã õiht̄ja ti p̄jac̄rip̄. 13 Cah̄mori tiina jira m̄sa. ã jina m̄sa ya curuari macainare yu yainare Espíritu Santo to yahurire tuhoga m̄sa”, ni joarocaga Filadelfia macaina yu yainare, ti p̄htoro c̄hure.

Laodicea macainare Jesu yainare joaroca dutiha Joãore

14 'Laodicea macaina yu yainare, ti p̄htoro c̄hure õ sehe ni joarocaga m̄h̄: “Yuh̄ Cohamac̄ jipih̄tia to yoarire, to yoahti c̄hure yoa sohtori tiriyo jija. Yuh̄ potocã yoariro jija. ã jic̄ mah̄ñoño marieno

y_u ñarire ã yahurucuriro jija. Jipihtiare y_u P_uc_u to yoarire yoabasariro jija y_uh_u.¹⁵ Jipihtia m_usa dohse yoarire masija y_uh_u. Y_uh_ure wac_u tuaina jipanahta mahanocã wac_u tuaina jira m_usa. Ô sehe jira tí: Co y_us_uera co sã mehne pjiroca si putia co yoaro sehe jira m_usa. Tó sehe jia core mari ji coaeraro seheta y_uh_ure wac_u tuaera cureina m_usa jich_u y_uh_u cãh_u m_usare ji coaeraja. Y_uh_ure m_usa noano wac_u tuach_u noaboa y_uh_ure. Y_uh_ure m_usa wac_u tuaerach_u ña niboá y_uh_ure. Y_uh_ure m_usa wac_u tuaerari y_uhdoro mahanocã wac_u tuaina m_usa jich_u ña y_uhd_uara.¹⁶ M_usa ã jich_u ñ_uc_u ñ_u yabi y_uhd_uaja y_uh_u. Ñaa core y_u cho cohãno seheta y_uh_ure mahanocã wac_u tuainare ñ_u yabi y_uhd_uaja y_uh_u.¹⁷ Á jina ô sehe ni tãhotumana m_usa: 'Jipihtiare c_uaja. Ne yaba d_uhsaerara marine', ni tãhotumana m_usa. Á nipanahta p_uac_uoina yoaro sehe jira m_usa. Á jina capari ñ_ueraina ti ñ_u duaare ti masieraro seheta Cohamac_u yare ne masierara m_usa. Á jina suhti marieina ti b_uo tiro seheta Cohamac_u to ñ_urocaroi m_usa ñaa yoarire b_uo tihtina jira m_usa.¹⁸ M_usa ã jiina jich_u ñ_uc_u ô sehe ni yahuihtja m_usare: Uru warore m_usa nuch_uboro seheta noaare y_u c_uaaare naga m_usa. M_usare y_uh_ure wac_u tuach_u yoaihtja. Á jina potocãta Cohamac_u ya

mehne pjíro c_uuanahca. Á yoa yehseri suhtirore m_usa nuch_u m_usa sãano seheta y_u di cohãri mehne y_u yariaro mehne m_usa ñaa yoare co-sawerina jiga. Á yoana noaa suhti sãaina ti b_uo tieraro seheta m_usa ñaaare cosawerina jina b_uo tisi m_usa cãh_u. Á yoa m_usa caparire m_usa co tiri baharo noano m_usare bajuro seheta Cohamac_u yare noano tãhoga, m_usa noano masihto sehe.¹⁹ Jipihtina y_u cahĩinare yahuja. Á jic_u y_u cahĩina ti jich_u ñ_uc_u, ti tãhoerach_u tinare quihõno yoa dutija, tinare yoadohoc_u tac_u. Á jina y_u ya sehere tuaro cahmaga. Á yoa m_usa ñaaare tãhotumari cjirire cohtota, tí ñaaare duhuga.²⁰ Tãhoga y_uh_ure. M_usa wãh_ure bihari wãh_ure y_u sãr_uca y_u sãa dua y_u pisurucuboro seheta, m_usa mehne macariro ji duai nija. Y_u ã ji duach_u tãhoina jina y_uh_ure m_usa mehne ji dutiga. Y_u yaina jiga. M_usa ã ji dutich_u m_usa mehne jiihtja. Á jic_u mari sãho chãro seheta m_usa mehne noano jiihtja. Á jina y_uh_u mehne macaina jinahca m_usa.²¹ Watĩnore y_u y_uhd_uur_ucari baharo y_u P_uc_u pũhtoro to dujiro cahai dujija, y_uh_u cãh_u dutic_u tac_u. Tó seheta m_usa cãh_u ñaa yoarire m_usa y_uhd_uur_ucari baharo y_u pũhtoro dujiro cahai dujinahca, m_usa cãh_u dutina tana. M_usare y_u cahai dujich_u yoaihtja.²² Cahmori tiina jira m_usa. Á jina m_usa ya curuari macainare y_u

yainare Espíritu Santo to yahurire tãhoga m̄sa”, ni joarocaga Laodicea macaina yu yainare, ti p̄h̄toro c̄h̄ure —nihre yu h̄ure joa dutiriro.

4

M̄anop̄u Cohamac̄ure na tuhcuca caha su ti ño payoare ñuha João

1 Yu h̄ure to ã ni yahuri baharo m̄anop̄u p̄j̄ari sopacare ñuhi. Pari turi corneta to tuaro bisiro seheta tuaro durucua bisiro coa tahre yu tãhochu. Õ sehe nihre yu tãhochu:

—Õpu m̄ja taga. Ahri yu yahuhti c̄j̄hti baharop̄ure wahahtore m̄h̄ure ñoihtja. Yu niriro seheta ã waharohca —nino coa tahre m̄anop̄u.

2 To ã ni yahuchuta t̄op̄u m̄ja s̄cu Espíritu Santo tuaa mehne ñuhi nihi. ã jicu p̄h̄toro dujirore m̄anop̄u ñuhi. T̄oi c̄airo dujihre.

3 Noano si siteriro dujihre. Diamante wama tia tãa yoaro seheta, rubí wama tia tãa yoaro seheta noano si siteriro dujihre tiro. ã jiro buhini soro esmeralda yoaro sehe si siteri soro dacho macai dujihre tiro. 4 ã yoa to dujiro cahai veinticuatro dujiare ñuhi. Tí dujia p̄h̄toa dujia yu ñu m̄htarirore duji soroahre. Tí dujiap̄u veinticuatro Jesu yaina p̄h̄toa dujihre. Yehsea suhti tiina jihre. ã yoa p̄h̄toa ti pisaa sorori uru sororire pisaina jihre tina. 5 Yu ñu m̄htariro dujiroi orocasitehre. ã yoa

soro sehe jiro choro bisiro coa tahre. W̄po c̄hu bisiro coa tahre. Tí dujiro panoi siete sihãa poca jihre. Siete sihãa poca mehne to piti dahre buhechu Cohamac̄u yaina siete p̄jac̄u bajueraína jihre. 6 ã yoa to dujiro panoi p̄jiri ma yoaro sehe vidro yoaro sehe sipari ma jihre. Noano co sitiri ma yoaro sehe jihre.

Ti dujiro cahai pititiaro soro sehe bajuina jihre. Ti p̄jac̄u panoi ti baharo buh̄usehe c̄h̄ure payu capari tiina jihre tina. 7 Yu ñu m̄htariro soro bajuriro yairo sohãriro yoaro sehe bajuhre. To baharo jiriro wachu yoaro sehe bajuhre. Ti baharo jiriro masano wãhd̄ua sehe wãhd̄ua tiri jihre. Tina tiaro baharo jiriro cja to c̄j̄am̄ad̄up̄urire saño dujiriro yoaro sehe bajuhre. 8 Tina seis d̄ap̄uri wã d̄ap̄uri tiina jihre. ã jia ti wã d̄ap̄uri pu buh̄useherip̄ta payu capari tia d̄ap̄uri jihre. ã yoa dachoripe, ñaminipe ã dururucua nihre. Ne durucu duhuerare. Õ sehe ni durucuhre:

“Noariro, noariro, noariro
Cohamac̄u mari
p̄h̄toro tua yu h̄uariro
jira.

Tiro panop̄ta ã jirucua tiri jire.

Mip̄u c̄h̄ure ã jirucura.
Baharop̄u tarohca”,
ni durucurucua nihre.

9 ã ni durucua tina pititiaro soro bajuina to tuare durucua nihre p̄h̄toro dujiroi

dujirirore. Ñ durucua, tirore jipihtia dachoripe jirucurirore wahche payoa “Noana”, nia nihre. ¹⁰ Ti ã yoa payochu ñha veinticuatro Jesu yaina pãtoa sehe pãhtoro dujiroi dujiriro panoi na tuhcuca caha su, tirore ño payohre. Tiro jipihtia dachoripe jirucuriro jira. Ñ ño payoa ti pãtoa pisaa sororire to dujiro panoi doca payohre. Ñ doca payoa ñ sehe nihre tina:

¹¹ “Mũhũ Cohamacũ sã pãhtoro waro jira.

Tuariro, noariro jira mũhũ. Mũhũ sã ño payoriro jii nina. Mũhũre ã ño payorucuro cahmana sãre.

Jipihtiare bajuamehneriro jira mũhũ.

Mũ cahmariro seheta tí jipih-tiare bajuamehnea tiri jire mũhũ”,

nihre tina Cohamacũre, tói dujirirore.

5

Joari pũre turẽri tiare cordero cãhũre yahuha Joã

¹ Baharo tói dujiriro to wamomaca poto bũhũsehei to cãhari pũre joari pũre ñhũhi. Tí pũ pũ bũhũseheri to joari pũ to turẽri tia jihre. Ñ yoa siete wihtã ñahaa mehne to wihtã ñahari tia jihre. ² Tí tiare turẽri tiare ñhũ tuhsũ, tuariro anjore ñhũhi. Tiro tuaro durucua mehne ñ sehe ni yahuhre:

—¿Ahri tiare wihtã ñahaare pãhrẽboriro ñaa buhiri marieriro diro sehe jijari, mũsa tãhotuchũ? —nihre tiro anjo.

³ Ñ niparota tí tiare pãhrẽhtirore bocaerare. Mũanopũ, ahri yahpapũ, catiina watoi, yaria tuhsũina watoi ne tí tiare ñahaare pãhrẽhtiro mariahere. Ñ jiro tí tiare buhehtiro mariahere. ⁴ Ñ jicũ pãhrẽhtirore, tí pũre ñhũhtirore ti bocaerachũ ñhũcũ tuaro tiihi yũhũ. ⁵ Yũ ã tiichũ ñhũno cãiro Jesu yaina pãtoa mehne macariro ñ sehe nihre yũhũre:

—Tiiecũ tjiga. Tí tiare ñahaare cãiro pãhrẽ masina. Tiro Juda ya curua macariro tuariro jira. Tuariro jiro “Yairo sohãriro”, ti ni pisuriro jira. Tiro pãhtoro Davi panamino ji turiariro jira. Watĩnore yũhdũgũcariro jira tiro. Ñ jiro tiro tí tiare siete ñahaare pãhrẽ masiriro jira —nihre tiro yũhũre.

⁶ To ã nichũ tãhocũ pãhtoro dujiro panoi cordero to ducuchũ ñhũhi. Cuatro soro bajuina, Jesu yaina pãtoa tina watoi ducuhre tiro cordero. Tiro ti wajãriro cjiro sehe bajuhre. Siete sahari tiriro, siete capari tiriro jihre. Tí siete sahari ã yoa siete capari mehne to piti dahre buhechũ Cohamacũ yaina pãcũ bajueraina siete bajueraina yoaro sehe jira. Tina to yaina pãcũ bajueraina jipihtiro ahri yahpapũ Cohamacũ to warocarina jihre. ⁷ Ñ jiro cordero sehe pãhtoro dujiro cahapũ sãro, tirore to poto bũhũsehei to cãhari tiare tũãwe nahre. ⁸ To ã tũãwe nachũ ñha cuatro soro bajuina, veinticuatro

pũtoa cãhũ cordero panoi na tuhcuca caha sũ, tirore ño payohre. Tina pũtoa jipihtina arpa wama tia buaputẽare, uru wahwari cãhũre cjũahre. Tĩ wahwari incienso noano wahpaa posa tia wahwari jihre. Tĩ incienso mehne to piti dahre buhechũ Cohamacũ yaina tirore ti sini payori yoaro sehe jihre. ⁹⁻¹⁰ Æ tirore ño payoa õ sehe ni wahmaa basaare tina basa payohre tirore:

“Mũhũ ti wajãriro cjiro jira.

Æ jicũ mũ di cohãri mehne sã ñaa yoari buhirire cohãre mũhũ Cohamacũ yaina sã jihto sehe.

Æ jicũ jipihtia curuari macainare cãinare, jipihtia dũseri durucuinare cãinare, jipih-tia yahpari macainare cãinare sã ñaa yoari buhirire mũ di cohãri mehne cosawere mũhũ Cohamacũ yaina sã jihto sehe.

Sãre jipihtinare Cohamacũ yaina cjihtire cũre mũhũ.

Æ jicũ sacerdotea cũhre mũhũ sãre Cohamacũre dahra cohtaina sã jihto sehe.

Æ yoacũ ahri yahpa macaina bui pũtoa sõhre mũhũ sãre.

Æ yoariro jicũ tí tiare wihtã ñahaare pahrẽhtiro jira mũhũ”,
ni basa payohre tina corderore.

¹¹ Pari turi ñũcũ mil-lones anjoa perire ñũhi.

Pũtoro dujirore cuatro soro bajuinare, veinticuatro pũtoare anjoa sehe tinare soroa dũcũ sũhre. Tina anjoa peri tuaro ti sañurucu payochũ ñũhi. ¹² Õ sehe ni tuaro sañurucu payohre tina:

“Cordero ti wajãriro mũhũ jipihtinare dutiriro, jipihtiare cjũariro, masi pahñoriro, tua yũhdũariro jira mũhũ.

Masa ti ñaa buhiri ti wajãriro mũ jichũ ñũna ã ni ño payoja mũhũre.

‘Noabiariro jira’, ninahca mũhũre.

Mũhũre noano durucunahca”,

ni sañurucu payohre anjoa peri.

¹³ Æ jicũ paina cũhũre ti sañurucu payoa coa tachũ tũhohi. Jipihtina mũano macaina, ahri yahpa macaina, catiina, yariaina cahapũ jiina cãhũ, pjiri ma macaina, jipihtiropũ jiina õ sehe ni durucu payoa coa tahre:

“Cohamacũre to dujiropũ dujirirore, Cordero cũhũre mũsare pũarore noano durucunahca.

Mũsare wahche payonahca.

‘Noa Yũhdũaina, Tua Yũhdũaina jira’ nina, jipihtia dachoripe ã nirucunahca mũsare”,
ni durucu payoa coa tahre.

¹⁴ Æ jia tina cuatro soro bajuina ti ã durucu payochũ tũhoa “Æta ni durucu payo-jaro”, nihre. Æ jia Jesu yaina pũtoa sehe na tuhcuca caha

s_u Cohamac_ure, Cordero
c_uh_ure ño payohre.

6

*Papera tiare to nari
tiare wihtã ñaharire pahrēna
Cordero*

¹ Baharo papera tiare to
nari tiare Cordero wihtã
ñaha m_uhtanore pahrēhre.
To ã pahrēch_u ñ_uhi. To ã
pahrēri baharo c_uiro soro
bajuina mehne macariro,
“Ñ_una taga”, nihre. ã nino
w_upo yoaro sehe bisihre tiro.

² To ã niri baharo ñ_uhi
y_uh_u. Yehseriro cawalore
ñ_uhi. Tiro bui pisariro
b_ued_ure c_uh_uhre. Tirore
p_uhtoro pisari sorore wahre
pairo sehe. To ã wari baharo
tiro sehe tirore ñ_u tuhtiinare
y_uhd_ur_ucaro wahahre.

³ Baharo c_u wihtã ñahanore
pahrē tuhs_u Cordero pa
wihtã ñahanore pahrēhre
tjoa. To ã pahrēri baharo
pairo soro bajuina mehne
macariro “Ñ_una taga”, to
nich_u t_uhohi tjoa.

⁴ ã jic_u pairo cawalore
soh_uriore ñ_uhi tjoa. Tiro
bui pisarirore tuaare wahre
pairo sehe. Ahri yahpa
macainare cahma wajã
dutihtirore c_uhre tirore. ã
jia jipihitiro macaina cahma
wajãahca ahri yahpap_u. ã
y_ua pjiri pjĩ ñosari pjĩne wahre
tirore.

⁵ Baharo p_uarore pahrē
tuhs_u Cordero parore
pahrēhre tjoa. ã jic_u p_uaro ti
durucuri baharo pairo soro
bajuina mehne macariro
“Ñ_una taga”, to nich_u t_uhohi.

To ã niri baharo ñ_uriro
cawalore ñ_uhi. Tiro bui
pisariro balanza quihōnore
c_uh_uhre. ⁶ Tirore y_u ñ_uri
baharo soro bajuina watoi ò
sehe nino coa tahre:

—C_u dacho dahrari wapa
mehne trigore c_u kilota
nuch_uahca masa. C_u da-
cho dahrari wapa mehne
cebada wama tia yaparire
tia kilota nuch_uahca masa.
(Trigo, cebada c_uh_u pihtia
wahaahca. ã jia tí wapa b_uj_u
niahca.) Wiho mejeta ch_ua
dahrea sere, vino c_uh_ure
dojoch_u yoarena tjiga —nino
coa tahre.

⁷ Baharo tiarore pahrē
tuhs_u Cordero parore
pahrēhre tjoa. To ã pahrēri
baharo pairo soro bajuina
mehne macariro ji bato tiri
“Ñ_una taga”, nihre tjoa.

⁸ To ã nich_u t_uhohi
wapoariro cawalore ñ_uhi.
Tiro bui pisariro “Yariach_u
yoariro” wama tihre. ã y_ua
to baharo tariro “Yariaina
ti jiro” wama tihre. ã jiro
tinare tuaare wahre pairo
sehe. Ahri yahpap_ure cuarta
parte masare wajã dutihre.
Cahma wajãa mehne, j_uca
baa mehne, dohatia mehne,
wahiquina n_uc_uri macaina
suaina mehne tópeina masare
ti wajãhtore c_uhre tinare.

⁹ Baharo pititiaro wihtã
ñahaare pahrē tuhs_u Cordero
paro ñahanore pahrēhre tjoa.
To ã pahrēch_u altar docai
Jesu yaina ti wajãrina ti
catiri yajeripohnarine ñ_uhi.
Cohamac_u yare ti yahuri
buhiri, “Jesu yaina jija”, ti ni
yahuri buhiri tinare wajãri

jire. ¹⁰ Tina sañurucua ò sehe nihre Cohamacre:

—Mũhũ sã pũhtoro, ñaa marieriro, mahñono marieno, mũ niriro seheta yoariro jira mũhũ. ¿Ahri yahpa macainare, sãre wajãrinare dohse jichũ buhiri dahreihcari mũhũ? —ni sañurucuhre tina.

¹¹ ã jiro tinare yehsea suhti yoaa suhtire wahre. Tinare ã waro ò sehe nihre tinare:

—Sosiniga. Paina mũsa coyea Jesu yaina mũsa yoariro seheta mipũ cũhũre noaa buheare buhesinia nina. Mũsare ti wajãriro seheta tina cũhũre ti wajã pahñohto dahsasina. ã jina tinare jipihtinare ti wajãhto pano mahanocã sosiniga mũsa —nihre tinare.

¹² Baharo cinco wihtã ñahaare pahrẽ tuhsũ Cordero paro wihtã ñahanore pahrẽhre tjoa. Tóre to ã pahrẽchũta tuaro yahpa ñuhmihre. To ñuhmini baharo sũ dacho macariro ñiriro choro wahahre. Ñiri suhtiro yoaro seheta ñiriro choro wahahre. ã yoa sũ ñami macariro di yoaro sehe sohãriro wahahre.

¹³ ã yoa ñahpichoha poca yahpapũ boraahahre. Yucũcũ dicha yahsaare wiñono to wã bure bororo seheta ñahpichoha poca boraahahre. ¹⁴ Ti ã wahari baharo mũano butia wahahre. Papera tiare mari turẽchũ to bajueraro seheta bajuerare mũano. ã yoa jipihtia tũyucũ cũhũ nũcopo cũhũ pa seherũ sũgũcahre. ¹⁵ To ã wahachũ ñũa, ahri

yahpa macaina bui pũhtoa coparipũ tũyucũ macaa tãa docapũ cũhũre duhtihre. Paina pũhtoa, surara pũhtoa, pache pũa, tuaina, jipihtina tinare dahra cohtaina, dahra cohtaina jieraina cũhũ tóihta duhtimahre. ¹⁶ ã duhtia tũyucũre, tãa cũhũre ò sehe nihre:

—Sã bui bora pjaga. Sãre nũoga. Siro pũhtorore to dujiroi dujirirore cui yũhdũaja. Cordero suaro, sãre ñano buhiri dahrerohca. “ã buhiri dahreri”, nina nũoga sãre. ¹⁷ Jipihtinare tuaro ti buhiri dahrehti dacho ji tuhsũra. ã jia ti buhiri dahrehtore ne cãiro duhtiro bihoeraro, cũno pjasi —nihre tina jipihtina.

7

Israe masa pjacũrre Cohamacũ to wama ña õhtore yahuha Joã

¹ Baharo pititiaro anjoare ñũhi. Tina jipihtiropũ wahahre. Cãiro nortepũ waharo tópu tari wiñnonore taerachũ yoahre. Pairo surpũ, paio sũ mũja taropũ, paio sũ sãanopũ wahahre. Nortepũ wahariro yoaro seheta yoahre tina cũhũ. ã jiro ahri yahpapũ, pjiri mapũ cũhũre ne wiñnono taerare. Ne cãdũ yucũcũre wiñnono wã ñuhmichũ yoerare. ² ã yoa paio anjore ñũhi tjoa. Sũ mũja taropũ taro nihre tiro. Cohamacũ catiriro to wama ña õnore na taro nihre tiro. ã na taro paina pititiaro anjoare tiro sañurucuhre. Tina

anjoa sehe ahri yahpare, pjiri ma cūhure Cohamacu to dojomehne dutiina jihre. ³ Tinare sañurucuro ò sehe nihre anjo:

—Cohtasiniga. Cohamacure dahra cohtaina ti wūhdūa pocare to wamare òna tana nija. Sã ã òhto pano ahri yahpare, pjiri mare, yucari cūhure dojomehnesiniena tjiga masa —nihre tiro paina pititiaro anjoare.

⁴ ã jiro Cohamacu to wama mehne ti wūhdūa pocare ti òhtinare “Õpeina jira”, ni yahuhre yūhure cāiro. Israe masa doce curuari macaina ciento cuarenta y cuatro mil masa ti òhtina jiyuhti. ⁵ Ahrina jiyuhti ti òhtina: Doce mil masa Juda panamana ji turiaina ti òhtina jihre. Paina doce mil masa Rubē panamana ji turiaina ti òhtina jihre. Paina doce mil masa Gad panamana ji turiaina ti òhtina jihre. ⁶ Paina doce mil masa Aser panamana ji turiaina, paina doce mil masa Neftalí panamana ji turiaina, paina doce mil masa Manase panamana ji turiaina ti òhtina jihre. ⁷ Paina doce mil masa Simeo panamana ji turiaina, paina doce mil masa Leví panamana ji turiaina, paina doce mil masa Isacar panamana ji turiaina ti òhtina jihre. ⁸ Paina doce mil masa Zabulō panamana ji turiaina, paina doce mil masa José panamana ji turiaina, paina doce mil masa Benjami

panamana ji turiaina ti òhtina jihre. Tópeinata jipihtina masa ciento cuarenta y cuatro mil to wama mehne ti òhtina jihre.

Payu yehsea suhti tiinare yahuha João marine

⁹ Baharo payu masare ñūhi. Jipihtia yahpari macainare, jipihtia curuari macainare, jipihtia dūseri durucuinare, jipihtia macari macainare cāinare Cristore cahmaina dihtare tói ducuinare ñūhi. Pūhtoro to dujiro panoi, Cordero panoi ducuhre tina masa. Payu masa jihre. ã jia quihō bihoina jierare. Yehsea suhti tiina jihre tina. ã yoa pjaá pō pūrīne cjuhre. ¹⁰ ã jia tina jipihtina ò sehe ni tuaro sañurucuhre:

“Cohamacu jira sãre yūhdūchu yoariro. Tiro to dujiroi dujiriro jira. Cordero cūhu sãre yūhdūchu yoariro jira”,

ni sañurucuhre tina. ¹¹ ã jia jipihtina anjoa, Jesu yaina pūhtoa cūhu, soro bajuina mehne pūhtoro to dujiro cahai ducuhre. ã ducua to dujiro panoi doca caha sū, Cohamacure wahche payohre. ¹² Ò sehe ni wahche payohre tina:

“ã tjira. Cohamacu sã pūhtoro mūhare noano durucuja.

Noa yūhdūariro, masi pahñoriro jira mūhu.

Mūhare ‘Noana’, nija.

Mūhare ño payoja.

Tua yūhdūariro jira mūhu.

Mu tuaa mehne yoariro jira
muhu.

Tó seheta jirucuriro jira
muhu jipihtia da-
choripe.

“Á tjira”,
ni wahche payohre tina.

¹³ Ti á nichu tuhoro cáiro
Jesu yaina puhtoá mehne
macariro yuhure ó sehe ni
sinituhre:

—¿Ahrina yehsea suhti ti-
inare masijari muhu? ¿Ti
tarirore masijari muhu? —ni
sinitu ñuhre yuhure.

¹⁴ To á nichu tuhocu:

—Masieraja —ni yuhtihi.

—¿Noa jijari tina? —ni sini-
tuhitirore.

Yu á nichu tuhoro ó sehe
nihre yuhure:

—Ahrina ñabiaro yuhdari
dacho jichu cáno pjaina
jira. Ti suhti cosawerina
ti jiro seheta Cordero to di
coháno mehne ti ñaa buhirire
cosawerina jira. Á jia noano
yehsea suhti tiina jira. ¹⁵ Á
to cosawerina jia Cohamacu
to dujiro panoi tirore á ño
payorucura. Dachoripe,

ñaminipe tirore á ño payoru-
cura, sacerdotea Cohamacu
wuhhi ti yoariro seheta. Á jiro
tina mehne á jirucuro, tinare
yoadohorohca Cohamacu
“Soro wahari”, nino. ¹⁶ Ne
pari turi juca baasi tina.
Á jia ñahma yapiosi tina.
Ne sū dacho macariro siro
tinare ne jū pjasi. Tuaro
sia tinare ñano yuhduchu
yoasi. ¹⁷ Puhtoro dujiro potoi
ducuriro Cordero tinare ñu
wihborohca. Ovejare ñu wi-
hboriro yoaro sehe tinare ñu

wihborohca. Á ñu wihboro
mári pohtaripu catichu yoaa
mári pohtaripu tinare mu
tā wahcānohca, ovejare ñu
wihboriro to mu tāno seheta.
Á yoaro á wahcherucuchu
yoarohca tinare. Á jia ne pari
turi tiisi tina —ni yahuhre
Jesu yaina puhtoá mehne
macariro yuhure.

8

*Seis papera ti wihtā ñahaare
pahrē tuhsuro parore pahrēha
Cordero*

¹ Seis papera ti wihtā
ñahaare pahrē tuhsuro parore
pahrēhre tjoa Cordero. To
á pahrē tuhsuchu cū hora
dacho macai tópu manopu
noano dihta marieaa wa-
hahre. ² To á wahari baharo
siete anjoare Cohamacu
panoi ducuinare ñahi.
Tinare siete cornetarire
wahre paio. ³ Paio anjo
uru wahware inciensore
posa tihti wahware cjuariro
altar cahapu su, ducuhre. Tó
to ducuchu payu inciensore
tirore wahre, jipihtina Co-
hamacu yaina tirore ti siniri
mehne morehtire. Á jiro uru
altarpu Cohamacu to dujiro
panoi jiri altarpu tí incien-
sore jū muohre Cohamacure.
⁴ Á jia anjo to cjuari wahwa
macaa inciensore altarpu to
poho siteri baharo tí incienso
macaa me Cohamacu yaina
tirore ti siniri mehne mujaa
wahahre. ⁵ Á wahari baharo
altar macaa niti mehne tí
wahwa wahpa wahachu,
yahpai poho cūnocahre. To
á poho cūnocachuta wupo

pja, soro sehe jiro bisi m̄ua, oroca site m̄ua, yahpa ñuhmi m̄uahre.

Cornetarire yahuha João

⁶ Baharo siete anjoa cãina ti cornetarire putia taa nihre.

⁷ Cũiro anjo to yariare puti m̄ah̄tare. To ã putich̄u co poca ȳs̄ua poca pichaca mehne, di mehne morea poca yahp̄ap̄u bora s̄u cah̄ahre. Ti bora s̄u cah̄ach̄uta yahpa j̄ua wahahre. Ó puro j̄ahre: Ahri yahpa dacho maca s̄uro caharoi j̄ua wahahre. ã jiro tó puro posata yuc̄uri c̄uh̄u j̄ua wahahre. Tó puro posata tja c̄uh̄u j̄ua wahahre.

⁸ Anjo cãiro to ã puti m̄ah̄tari baharo paio anjo to yaria cornetare putihre tjoa. To ã putich̄u pjid̄u t̄c̄u yoaro sehe bajud̄u noano j̄urucud̄u pjiri map̄re waharoca ñojaa wahahre. ã jiro yahpa to j̄ariro puro tó purota pjiri ma di ma dojoo wahahre. ⁹ ã jia pjiri ma macaina wahi dacho maca mahano s̄uboro waroi yariaa wahahre. Tópe b̄usota dohoa b̄uso c̄uh̄u minia wahahre pjiri map̄re.

¹⁰ P̄uaro anjoa ti putiri baharo paio anjo c̄uh̄u to yaria cornetare putihre tjoa. To ã putich̄u pjiria ñahpichohaca, sihãria yoaro sehe siria yahp̄ap̄u bora s̄u cahaa wahahre. Ahri yahpa macaa mári dacho macabo cureroi tópe mári bui bora s̄u cahaa wahahre ñahpichohaca. Tópe co wijaa copari bui c̄uh̄ure bora s̄u cahaa wahahre. ¹¹ Tópe márita s̄uêa mári wahahre. To ã

wahach̄u paȳu masa tí mári macaa core, tí copari macaa co c̄uh̄ure sihnimaa, yariaa wahahre. Tia ñahpichohaca “S̄uênia”, wama tihre.

¹² Tiaro anjoa ti putiri baharo paio anjo c̄uh̄u to yaria cornetare putihre tjoa. To ã putich̄u s̄u dacho macariro, ñami macariro c̄uh̄u dacho maca s̄uboro waroi dojoo wahahre. Ñahpichoha peri c̄uh̄u dacho maca s̄uboro waroi jia poca tópe pocata dojoo wahahre. Tópe poca m̄uano macaa poca nõano buhrierare. Dachop̄u pititia horari waro s̄u dacho macariro ne buhrierare. Ñamine pititia horari waro s̄u ñami macariro, ñahpichoha poca c̄uh̄u ne buhrierare.

¹³ Baharo ñuroca m̄uohi tjoa. M̄uanop̄u warirore cjare ñuh̄i. ã jic̄u to sañurucuch̄u t̄uhohi. Ó sehe nihre tiro:

—Ñabiara. Ñabiara. Tiaro anjoa mip̄u putierasiniina ti putiri baharo pinihtare ñabiario waharohca. To ã wahach̄u ahri yahpai jiina ñabiario ȳh̄duahca —nihre tiro.

9

¹ Baharo pititiaro anjoa ti putiri baharo paio anjo to yaria cornetare putihre tjoa. To ã putich̄u ñahpichohaca yoaro sehe jiro anjo m̄uanop̄u bora tarirore ñuh̄i. Ȳu ã ñano watoi tirore c̄uãri copa macari sawire wahre. ² ã jiro tiro tí copare to pj̄och̄u pichaca me wijaaahre. Pjiri pichaca macaa me yoaro seheta pj̄iro me wijaaahre tí

copare. Æ wijaaro tí me dóihta sũ dacho macarirore, mũano cãhũre butia wahachu yoahre. ³ Æ yoa tí me puhichai jiina poreroa yahpapũ tahre. Pichõno soroa ti tuaro purĩno seheta tina cãhũ tuaro purĩhre. ⁴ Æ jiro tjare, yucũre, paye toaare ñano yoa dutierare tinare. Masa dihtare ñano yoa dutihre tinare. Cohamacũ to wamare ti wãhdũa pocare õmahnoeraina dihtare ñano yoa dutihre tinare poreroare. ⁵ Æ ñano yoa dutiparota tinare wajã dutierare. Tinare wajã dutieraparota cinco sãri waro tinare ñano purĩchũ yoa dutihre. Pichõno soroa tjoaa ti purĩno seheta purĩchũ yoaina jihre poreroa cãhũ. ⁶ Tinare ti ã purĩchũ yoachũ masa yariaa waha duaahca. Ti ã yaria duapachũta tinare yaria dutisi.

⁷ Poreroa sehe cawaloa yoaro sehe bajuhre. Ti cahma wajãhto pano cawaloare ti suhti sãariro seheta tó seheta bajuina jihre tina poreroa cãhũ. Ti dapu pocali pũtoa ti pisaa sorori uru sorori yoaro sehe bajuhre. Ti wãhdũa poca masa yoaro sehe bajuhre. ⁸ Ti pjoari numia pjoari yoaro sehe jihre. Æ yoa ti piri yaya piri yoaro sehe jihre. ⁹ Pẽ buhu dũcatari cahsaro comaa cahsaro yoaro sehe bajuhre ti cutiro. Æ yoa tina ti wãchũ payũ cawaloa mũrocaina ti mũrocaro sehe ti wã dũpũri bisihre. Cawaloa tunua

bũsore wajaina ti cahma wajãnopũ wahaa, ti bisiro seheta bisihre poreroa wãa dũpũri. ¹⁰ Æ yoa pichõno soroa ti pichõno tiro seheta, tjoariaca ti cãaro seheta jihre tina poreroa. Ti pichõri mehne tjoaa, cinco sãri waro masare purĩchũ yoahre. ¹¹ Tina pũhtoro cãaina jihre. Cũãri copa pũro jihre ti pũhtoro. Tiro anjo jihre. Hebreo ya mehne Abadón wama tihre tiro. Griego ya mehne Apolión wama tihre. (Apoliõn “Pihitichũ yoariro”, nino nina.)

¹² Poreroa masare ñano ti purĩno yoari baharo ahri ti ñano yãhdũ mũhtariro cjiro pihitia wahahre. Tó baharo pũa taha pari turi ñano yãhdũsiniahca masa.

¹³ Baharo cã wamomaca pihitiina anjoa ti putiri baharo paio anjo to yaria cornetare putihre tjoa. To ã putichũ Cohamacũ panoi ducuri altarpũ uru altarpũ durucua bisi wijaro coa tahre. Ti altar macaa sahari pititia saharipũ durucua bisi wijaro coa tahre. ¹⁴ Æ durucuro cornetare putiri anjore yahuhre:

—Eufrates wama tiri ma pjiri mapũ peresupũ jiinare anjoare wioga. Tina pititiaro anjoa jira —nino coa tahre.

¹⁵ Æ nino coa tachũ tũhoro anjo sehe tinare pititiarore wiohre, payũ masare wajãhtinare. Ahri horare, ahri dachore, ahri sũre, ahri cãmare quihõno cohtaa nihre tina pititiaro anjoa. Ti cohtariro mũ sũra.

Ā jia wajāa taa nina. Jipihtina dacho maca doca curero masare wajāahca. ¹⁶ Ā yoa ti surarare “Ōpeina jira”, ti nichu tuhohi. Tina cawaloa bui pisaina jihre. Doscientos millones surara jihre.

¹⁷ Ā yoa cawaloare tina bui pisaina cūhure ñuhi. Tina cawaloa bui pisaina ti pē buhure ducataa suhti, comaa suhti, sohāa suhti, yahsaa suhti, ewu sehe bajua suhti jihre. Ā jia cawaloa ti dapu poca yaya sohāina yoaro sehe bajuhre. Ti duseripu pichaca, me, azufre wama tia me cūhu wijaahre. ¹⁸ Ā jia cawaloa duseri wijaa masare wajāhre. Jipihtina dacho maca mahano suboro waroi tōpeina masare wajāhre. Pichaca mehne, me mehne, azufre mehne payu masare wajāhre. ¹⁹ Tina cawaloa ti duseri mehne wajāhre. Ā yoa ti pichōri mehne wajāhre tjoa. Ti pichōri sohtoapu agāa dapu poca yoaro sehe bajuhre. Ā jia ti pichōri mehne ñano yoahre tina masare.

²⁰ Payu masa yariaeraina ti wajā dūharina sehe ti ñaa yoarire ne duhuerare. Watīare ño payo duhuerare. “Cohamacu jira”, ti nia masuri cūhure ño payo duhuerare. Tí masuri uru mehne, plata mehne, bronce wama tiri comaa mehne, tāa mehne, yucuri mehne ti yoari masuri jihre. Tí masuri sehe ñuerare. Tūhoerare. Tinierare. ²¹ Paye ñaa cūhure tina ne cahyaerare. Masare ti wajāire, numia mehne ti

ñano yoarire, ti yacari cūhure ne cahyaerare tina. Ā jia yaya ti yoaro sehe yoaa, ti cūhure ne cahyaerare tina.

10

Mahari tiacāre papera tiacāre na taha anjo

¹ Baharo paio tuariro anjo manopu to duji tachu ñuhi. Me curua watoi tahre. Ā yoa buhini soro to dapu bui pisahre. To wūhdūa sū dacho macariro yoaro sehe si sitehre. To ñuchūa pichaca yoaro sehe bajuhre. ² Ā yoa mahari tiacā papera tiacāre to pjāri tiacāre cjuhahre tiro. To dahporo poto bāhusehe macari dahporo mehne pjiri mārpu tu cūhre. To dahporo cō bāhusehe macari dahporo sehe macarocai tu cūhre. ³ Ā ducuro yaya ti sañurucuro seheta tiro tuaro sañurucuhre. To ā sañurucuri baharo siete wāpoa yahua coa tamahre. ⁴ Tí ā yahuchū tuhocu joa dūcamahi. Yu ā joa dūcapachuta manopu yūhure ō sehe ni durucuro coa tahre:

—Siete wāpoa ti nirire painare yahui tjiga. Ā jicu tīre joa nai tjiga —nino coa tahre yūhure.

⁵ To ā niri baharo pjiri mapu ducuriro, macarocai ducuriro anjo to wamomaca poto bāhusehe siōroca mūohre manopu. ⁶ Ā siōroca mūono Cohamacu ā catirucuriro wama mehne wama payohre. Tiro Cohamacu sehe jipihtiare manore,

m̄ano macaare, ahri yahpare, ahri yahpa macaare, pjiri mare, pjiri ma macaare yoariro jira. ã wama payoro ò sehe nihre anjo:

—Cohamacu mehne potocã nii nija. Tó purota cohtanahca. ⁷Seis anjoa corne-tarire ti putiri baharo paio anjo to putichu Cohamacu panopu “Õ sehe yoaihtja”, to niriro seheta ã yoarohca. Panopu masare tîre noano yahuera tiri jire. Baharo tirore dahra cohtainare, to yare yahu m̄htaina sehere noano yahu pahña tiri jire tiro. Tí to yahu cûrire mipure yoarohca tiro —nihre anjo.

⁸To ã niri baharo m̄anopu yuhure durucuro coa tariro pari turi durucuro coa tahre tjoa. Ò sehe nino coa tahre yuhure:

—Pjiri mápu ducuriro macarocai ducuriro sirò anjo cahapu wahaga. Æ wahacu papera tiacãre to c̄uari tiacãre naga —nino coa tahre yuhure.

⁹To ã nino coa tachu tuhocu anjo cahapu wahahi. Tirore papera tiacãre yu sinichu tuhoro ò sehe ni yuhthre yuhure:

—Naga. Æ jicu ahri tia papera tiacãre chuga. M̄u wahma chuchu mi yoaro sehe noano bisirohca. M̄u pjaropu m̄u burori baharo suẽa waharohca —nihre yuhure.

¹⁰To ã nichu tuhocu tí tiacãre anjore yu nari baharo chuhi. Yu wahma chuchu mi yoaro sehe bisihre. Yu chu burori baharo yu pjaropu

suẽa wahahre. ¹¹Yu ã churi baharo ò sehe nihre yuhure:

—Pari turi macari macaina, yahpari macaina, payu duseri durucuina, tina bui puhtoã c̄uhu baharo ti dohse wahahtore, Cohamacu tinare to dohse yoahto c̄uhure yahuyuga m̄uhu —nihre yuhure.

11

P̄h̄aro Cohamacu yare yahuhtinare yahu joaha João marine

¹Baharo yuhure quihõdure wahre Cohamacu. Tjuadu puro yoadu jihre tu. Ture waro ò sehe nihre yuhure:

—Yu ya wuhure quihõi wahaga. Tí wuhu macari altar c̄uhure quihõga. Æ yoa tuhsu, tí wuhui yuhure ño payoinare quihõga. ²Sopaca wija sarucari wapare noari wapare quihõi tjiga. Tí wapa yuhure cahmaerainare ti cûri wapa jira. Tina cuarenta y dos s̄uri waro Cohamacu ya macare tí maca macaina c̄uhure ñano yoahca. Æ jicu quihõi tjiga ti ya wapare noari wapare. ³Æ jicu yu yare yahuinare puarore warocaihtja. Mil doscientos sesenta dachori waro yu yare yahuahca. Masa ti coyeyã ti yariari baharo ti s̄ãa suhti barore s̄aina jahca tina yu yahu dutiina —ni yahuhre yuhure.

⁴Ahri yahpa macaina bui puhtoro Cohamacu panoi puadu Olivo wama tia yucu ducura. Puadu sihã payoa yucu c̄uhu tí yucu cahai

ducura. Tí yuc̄u mehne piti dahre to buhech̄u ahrina p̄aro to yare yahuina tí yuc̄u yoaro sehe jira. ⁵ Ā jia tinare ñu tuhtiina tinare ti ñano yoa duach̄u tina sehe ti d̄usero macaa picha pohna mehne j̄u pahñoahca tinare ñu tuhtiinare. Ō sehetā tinare ñano yoainare wajãahca tina p̄aro Cohamac̄u yare yahuina. ⁶ Ā yoa tina p̄aro ti coro ta dutierach̄u coro tasi. Ā jiro Cohamac̄u yare ti yahuro puro coro tasi. Ā jia m̄arine di m̄ari wahach̄u yoaahca tina. Ā jia ahri yahpare ñano wahach̄u yoaahca. Jipihtia dohse jiare, jipihtina dohse j̄inare masare ñano wahach̄u yoaahca. Ti dohse yoa duaro puro ā ñano wahach̄u yoaahca ahri yahpare. ⁷ Ti ā yoa pahñoach̄u waro c̄ari copap̄u j̄ihiro ñariro n̄c̄u macariro wijaarohca. Ā wijaaro Cohamac̄u yare yahuina mehne cahmachenohca. Ā cahmacheno tua ȳhd̄ur̄ucaro tinare wajãnohca. ⁸ To ā wajãri baharo ti p̄ac̄uri cjiri pjiri maca macari mahap̄u coãahca. Yahuina p̄htorore ti c̄jã puha wajãri maca jira tí maca. Tí maca macaina ñaina jia Sodoma macaina, Egipto macaina yoaro sehetā jia, tí p̄jare Sodoma, Egipto c̄uh̄u wama tirohca tí maca mari piti dahre buhech̄u. ⁹ Ā coãa tia n̄m̄u noano coãa, pa n̄m̄u dacho macai ti p̄ac̄uri tí mahai coãahca. Ā jia jipihtia yahpari macaina, jipihtia curuari macaina, jipihtia d̄useri

durucuina tópe n̄m̄ari waro ti p̄ac̄urire ñ̄rucuahca. Ā ñ̄rucua tópe n̄m̄ari waro ti p̄ac̄urire ya dutisi. ¹⁰ Ti ā yariarina jich̄u ñ̄u ahri yahpa macaina wahcheahca. Ā wahchea bose n̄m̄ure yoaa, ti basi paye barore ā wanocaahca. Tina p̄aro Cohamac̄u yare yahuina masare ñano ȳhd̄uch̄u yoarina jiri jire. Ā jia ti ā yariach̄u ñ̄u wahche ȳhd̄uahca ahri yahpa macaina. ¹¹ Ā jiro tia n̄m̄u baharoi pa n̄m̄u dacho macai Cohamac̄u ti p̄ac̄urire masonohca. To ā masoch̄u tina pari turi wahc̄ar̄uc̄u s̄uahca. Ti ā wahc̄ar̄uc̄u s̄uch̄u ñ̄u jipihtina cui ȳhd̄uahca tinare. ¹² Baharo tina p̄aro m̄anop̄u tuaro durucuro coa tach̄u t̄hoahca. Ō sehe ninohca tinare:

—Ōp̄u m̄ja taga m̄sa —
nino coa tarohca.

To ā nich̄u t̄hoa me curua watoi m̄jaa wahaahca. Ti yabirina cjiri ti m̄jach̄u ñ̄uahca. ¹³ Ti ā m̄jach̄uta yahpa tuaro ñuhminohca. To ā ñuhmich̄u tí maca macaa w̄h̄use décima parte boraa wahaahca. Ā jia yahpa ñuhmino mehne siete mil masa yariaa wahaahca. Paina d̄hsaina sehe c̄aa wahaa, Cohamac̄ure m̄ano macarimore “Tuariro jira”, ni ño payoahca tirore.

¹⁴ Ahri jipihtia ti ā wahari baharo p̄a taha masa ñano ȳhd̄u tuhs̄ina jiahca. Ti ā ȳhd̄uri baharoc̄ata pari turi dóihta masa ñano ȳhd̄uahca

tjoa.

Seis cornetarire ti putiri baharo paior putiha

¹⁵ Baharo seis cornetarire ti putiri baharo paior anjo to yariare putihre. To ã putichu muanorhu tuaro durucua coa tahre. Õ sehe nia coa tahre: “Miphu Cohamacu Cristo mehne ahri yahpa macaina bui pãtoa jahca.

Ã jia jipihtina bui pãtoa ã jirucuahca”,

nia coa tahre. ¹⁶ Ã yoa Cohamacu panoi pãtoa dujiarhu dujiina veinticuatro Jesu yaina pãtoa Cohamacu panoi caha sh, tirore ño payohre. ¹⁷ Ã ño payoa õ sehe nihre:

“Sã pãthoro Cohamacu, tua yãhduariro jira mũhu.

Mũhu panorhu ã jirucua tiri jire.

Miphu cãhure ã jirucua mũhu.

Mu tuaa mehne masa ti pãthoro mu jirucachu ‘Noana’, nija mũhure.

¹⁸ Jipihtina ahri yahpa macaina mũhure cahmaeraina mũhu mehne suamare.

Mipure tinae mu buhiri dahrehti pja jira.

Yariaina cãhure mu buhiri dahrehti pja jira.

Ã jiro mu yaina sehere noaare ti yoari wapare mu wahti pja jira.

Cãina tina mũhure dahra cohtaina mu yare yahu mũhtaina jira.

Ã yoa tina, paina mu yaina mehne jipihtina

mũhure ño payoina jira.

Ã jichu pãthoare, wiho jiina cãhure mu yaina ti jiri wapa noano yoaihca mũhu.

Ã jiro ahri yahpa macainare dojomehne cohtainare mu cohãhti pja jira mipure”,

ni ño payohre pãtoa Cohamacure.

¹⁹ Ti ã yoari baharo mũano macari wũhu Cohamacu ya wũhu to pjõori wũhu jihre.

Ã jina tí wũhi jiri carore ñhi sã. Tí caro puhicharhu Cohamacu masare to dutiare joa õa pjini tãa pjini sãahre. Sã ã ñchuta orocasite mua, wapo pja mua, soro jiro bisi mua, yahpa ñuhmi mua, co poca yũha poca muanorhu payu bora tahre.

12

Numinore pinono cãhure yahuha Joã

¹ Baharo ahri yahpa to dohse wahahtore muanorhu ñohre. To ã ñori wiho waro jierara. Õ sehe ñu mũhtahi: Muanorhu numinore ñhi. Ticoro to suhtiro sã dacho macariro yoaro sehe si sitehre. Sũ ñami macariro bui ducuhre. Pãthoro to pisari soro barore doce ñahpichoha poca cjuari sorore pisaricoro ducuhre. ² Ã ducuro mahanocã dũshahre to pohna tihto. ã jiro

ticoro sañurucuhre. ³ Baharo pari turi ñhi muanorhu: Pjiriro pinonore sohãrirono ñhi. Siete dapu poca tiroro jihre. Jipihtia to dapu

poca p̄h̄toa ti pisaa sorori barore pisaa dapupoca jihre. ã jiro diez sahari tiri tirohre. 4 To pichõno mehne ñahpichoha pocare wahba siteroca borohre. Jipihtia ñahpichohare dacho macabo cureroi wahba siteroca borohre. ã jiro numino pohna tihticoro panoi ducuhre pinono. To mac̄nocã to bajuach̄ ch̄uro taro nimahre. 5 Baharocãta c̄h̄ua tuhs̄ahre wihãrirocãre. Jipihtia yahpari macaina ti p̄h̄toro c̄jihto jihre tirocã. To ã p̄h̄toro tuariro jich̄, masa tirore ȳhd̄r̄uca cãno pjasi. To ã masa bajuach̄ta Cohamac̄ to dujiro cahap̄ tirocãre naa wahcãa wahahre. 6 To ã yoach̄ numino sehe masa marienop̄ duhti wahcãa wahahre. Cohamac̄ to cahnoyurirop̄ duhti wahcãhre ticoro. Tõp̄re mil doscientos sesenta dachori waro Cohamac̄ ticorore ñ̄ wihborohca.

7 Wahmanore m̄anop̄ cahma wajã d̄uca tiri jire. Miguel wama tiroro anjo to yaina anjoa c̄h̄u pinono mehne cahmachea tiri jire. Ti ã cahmachech̄ pinono to yaina anjoa mehne Miguere cahmachea tiri jire. 8 ã yoa Miguel c̄h̄u pinonore ȳhd̄r̄uca tiri jire. ã jiro pinono yaina anjoa c̄h̄ure m̄anop̄ ji namo dutiera tiri jire. 9 ã jiro pjiriro pinonore cohãnocaa tiri jire Cohamac̄. Tiro pinono wat̄nota jiro nina. Satana wama tiroro jira. Panop̄ tiro pinono pjac̄ tiroro jia tiri jire. Tiro

jipihtiro yahpa macainare mahñoriro jira. Tirore to yaina anjoa mehne m̄anop̄ jirirore yahpap̄ cohã boroa tiri jire.

10 Baharo m̄anop̄ sañurucuro coa tach̄ t̄hohi:

—Mip̄re Cohamac̄ masare ȳhd̄ch̄ yoahre j̄na. Mip̄ pinihtare Cohamac̄ mari p̄h̄toro jiro tahre to tuaare ñono taro. To warocariro Cristo c̄h̄u to p̄h̄toro jiare to tuaare ñohre jipihtinare. Wat̄nore m̄anop̄ jirirore yahpap̄ cohã borohre. ã cohã bororo to tuaare ñohre Cohamac̄. Tiro wat̄no sehe dachoripe, ñaminipe Jesu yainare “Ah-rina ñaina jira”, ni yahusãno niri jire Cohamac̄re. ã jiro mari coyeare Jesu yainare yahusãriro jiri jire. 11 Cristo Cordero wama tiroro to di cohãri mehne mari coyea Jesu yaina tirore wac̄u tuaina ti ñaa yoari buhirire cohãre tiro. ã wac̄u tuaina jia wat̄nore ȳhd̄r̄ucare. ã yoa Cohamac̄ yare yahua, wat̄nore ȳhd̄r̄ucare. To yare ti yahuri buhiri paina tinare ti wajã duapach̄ta, tina cuieraa, Cristo yare duhuerare. 12 ã jina m̄usa m̄ano macaina wahchega. Wat̄nore yahpap̄ to cohã boroch̄ ñ̄na wahchega. Wiho mejeta ahri yahpa macaina, pjiri ma macaina c̄h̄u pjac̄oina wahanahca m̄usa sehe. Ahri yahpap̄ tirore to cohã borori baharo m̄usa cahap̄ jira wat̄no. Tirore to buhiri dahrehto

mahanocã dũhsara. ã jiro sua yãhdũara tiro. Mũsa cahapũ sũro, pjacũoina mũsare tjuachũ yoarohca tiro —ni saũurucuro coa tachũ tũhohi.

¹³ Pinonore yahpapũ to cohã borochũ ñũno, pinono sehe numinore, wihãrirocã pocorore nũnũ ti wahcãhre.

¹⁴ ã jiro ticorore pjiriro cja to wũa dũpũrire wahre Cohamacũ, masa marienopũ to wũ duhti wahcãhto sehe. Tõpũ to sũri baharo tia cũhma noano pa cũhma dacho maca waroi ticorore ñũ wihbohre Cohamacũ. To ã ñũ wihbochũ pinono ticorore ñãno yoa masierare.

¹⁵ Tõi to jichũ ñũno pinono pjĩro core cho cohãhre ticorore mũroca bũrochũ yoaro taro. ¹⁶ To ã yoachũ yahpa sehe ticorore yoadohohre. Pinono to dũseroi wijaa core yahpa sehe wihmi na pahñonocahre.

¹⁷ To ã wahachũ ñũno pinono sua yãhdũahre. ã suaro cãina ticoro panamana ji turiaina mehne cahmacheno wahahre pinono. Tina sehe Cohamacũ dutiare yoaina jia, Jesu ya buheare noaa buheare ne duhueraina jihre.

¹⁸ ã yoa pinono pjiri ma dũhtũ cahai ducuhre.

13

Pũaro nũcũ macainare yahuha Joã

¹ ã yoa nũcũ macarirore tí mai jirirore to wahcã wihichũ ñũhi. Tiro sehe siete dapu poca, diez sahari tiriho jihre. To sahari pũhtoa ti pisaa sorori barore pisahre. To dapu pocare to wamare

joa õri dapu poca jihre. Tí wama to ñari wama jichũ ñũ yabira Cohamacũ. ² Tiro nũcũ macariro yairo dohroriro yoaro sehe bajuhre. ã jiro oso yoaro sehe dahpori tiriho jihre. Yairo sohãriro pjiriro wũrũ yoaro sehe dũsero tiriho jihre. ã yoa pinono sehe to tuaare wahre nũcũ macarirore. ã waro tirore to pũhtoro dujiroi cũno, tiro yoaro sehe payũ masare dutichũ yoahre pinono nũcũ macarirore. ³ Cũ dapu nũcũ macariro dapu ti wajãmariro dapu yoaro sehe bajuhre. To ã bajupachũta to camino sehe yatia wahahre. Tí dapu to catichũ ñũa, cũaa wahahre jipihtina ahri yahpa macaina. ã cũaa, nũcũ macarirore ño payohre. ã jia tiro mehne macaina wahahre masa. ⁴ ã yoa nũcũ macarirore pinono to tuaare to wachũ ñũa masa sehe tirore pinonore na tuhcuca caha sũ, ño payohre. ã jia nũcũ macariro cũhũre na tuhcuca caha sũ, tirore ño payohre. ã ño payoa õ sehe nihre:

—Ne paio mũ yoaro sehe tuariro mariaha. Pairo mũhũre ne yãhdũũca masierara —ni ño payohre masa nũcũ macarirore.

⁵ ã yoa tiro nũcũ macariro “Tua yãhdũũcariro jija”, to nipachũta Cohamacũre to ñãno durucupachũta ã tũhotunocãsinihre Cohamacũ sehe. ã jiro cuarenta y dos sũri waro tiro nũcũ macariro masare dutisin-

imahre. Tó purota to pũhtoro jihtore cũre Cohamacũ. ⁶ Ā jiro tiro Cohamacũre ñano durucuhre. To wamare, to wũhũre, mũanopũ to jiro macaina cũhũre ñano durucuhre nũcũ macariro. ⁷ Ā yoaro Cohamacũ yainare cahma wajãno tinare yũhdũrcahre. To ã yoa-pachũta ã ñũnocasinihre Cohamacũ. Cohamacũ to ã yoa dutierachũ yoaer-aboa. Ā jiro jipihtina ahri yahpa macaina bui pũhtoro sãasinimahre nũcũ macariro. Jipihtina yahpari macaina bui, macari macaina bui, jipihtia dũseri durucuina bui pũhtoro sãasinimahre tiro. ⁸ Ā jia jipihtina ahri yahpa macaina tiro nũcũ macariro panoi na tuhcuca caha sũ tirore ño payohre. Ahri yahpare Cohamacũ to bajuamehnehto pano to yaina cjihtire ã jirucuhtinare ti wamare joa õ tuhsũa tiri jire. Tí tju to ã joa õri tju Cordero ti wajãriro ya tju jira. Tí tjui ti wamare joa õeraina dihta nũcũ macarirore ño payohre.

⁹ Cahmori tiina jira mũsa. Ā jina tũhoga. ¹⁰ Jipihtina Cohamacũ yaina peresu wahahtina, baharo peresu wahaahca. Jipihtina tina ñosari pji mehne ti ñosa wajãhtina, baharo tí pji mehne yariaahca. Tĩre masina mari Cohamacũ yaina ñano yũhdũpanahta tirore cohãena tjijihna. Ā yoa tirore wacũ tuarucujihna.

¹¹ Baharo paio nũcũ

macarirore ñũhi tjoa. Yahpa puhichapũ jiriro to wi-jaachũ ñũhi. Pũa saharo oveja sahari yoaro sehe bajua sahari sahari tiro jihre. Ā yoa pinono yoaro sehe durucuhre. ¹² Ā jiro nũcũ macariro ji mũhtariro sehe baharo jiriro sehere pũhtoro sõhre. To ã pũhtoro sõriro sehe jipihtia yahpari macainare ji mũhtarirore ño payochũ yoahre. Ji mũhtariro nũcũ macariro ti wajãmariro camino yatiriro jihre. ¹³ Ā yoa baharo jiriro nũcũ macariro bajuamehne-eare yoahre masa ti ñũcũhahto sehe. Ā yoaro masa ti ñũrocaroi pichaca pjiri pichaca mũanopũ bora tachũ yoahre. ¹⁴ Ā yoa ji mũhtariro to ñũrocaroi paio nũcũ macariro sehe bajuamehnea mehne masare mahñohre "Ahriro mũsa ño payohtiro jira", nino. Tiro masare mahñono, ji mũhtariro masũre masare yoa dutihre tirore ti ño payohto sehe. Tiro ji mũhtariro ñosari pji mehne ti ñosariro jiparota catiriro jihre. Tiro yoaro sehe bajuri masũreta yoa dutihre paio nũcũ macariro masare. ¹⁵ Ā yoa baharo jiriro nũcũ macariro sehe ji mũhtariro masũre catichũ yoahre masare to dutihtõ sehe. Ā jiro tí masũre ño payoerainare wajã dutihre masare masũ sehe. ¹⁶ Ā yoaro jipihtinare ti wamomacari poto bũhũsehei ti wũhdũa poca cũhũre joa õ dutihre

nuc̄u macariro baharo jiriro. Wiho jinare, p̄h̄toare, pache p̄are, p̄jac̄uoinare, dahra cohtainare, dahra cohtaina jierainare, jipih̄tinare ti wamomacarine ti w̄hd̄ua poca c̄h̄are joa õ dutihre. ¹⁷ Tiro ji m̄htariro nuc̄u macariro to wamare, to n̄merore joa ðerainare ne nuch̄u dutierare. Tuhs̄u, tinare dua dutierare. ¹⁸ Tíre noano wac̄u masiga m̄sa. T̄ho masiina jina nuc̄u macariro to n̄merore noano ñ̄u masiga. Tí n̄mero m̄no wama yoaro sehe jira. Tí n̄mero seis cientos sesenta y seis jira.

14

Cohamac̄u to ȳhd̄uch̄u yoaina c̄n̄ota wahma basaare basaha

¹ Baharo Siõ wama tid̄u t̄ch̄u bui ducurirore Corderore ñ̄hi. Tiro mehne ciento cuarenta y cuatro mil masa jihre. Tina to ya wamare to P̄uc̄uro ya wama c̄h̄are ti w̄hd̄ua pocare ti joa ðrina jihre. ² Tinare ȳ ñ̄ch̄uta m̄anop̄u durucuro coa tahre. Pjiri poaye to bisiro seheta w̄po pj̄iro to bisiro seheta bisiro coa tahre to durucua. ã yoa arpa wama tiare ti b̄ap̄t̄ẽno seheta bisiro coa tahre to durucua. ³ Tóí p̄htoro to dujiro cahai pititiaro soro bajuina, Jesu yaina p̄h̄toa c̄h̄u paina jihre. ã jia tina panoi ciento cuarenta y cuatro mil masa ducuhre. Tóí ducua c̄n̄ota wahma basaare basaa nihre. Tí basaare tina dihta masihre. Ahri yahpai

jiina ciento cuarenta y cuatro mil Cristo to ȳhd̄uch̄u yoaina dihta tí basaare masihre. ⁴ Ne tina c̄u tahac̄a numino mehne ñ̄ano yoaerare. ã yoa Corderore ñ̄u c̄uina jia, to yare ã yoarucuina jihre. ã jiro tinare ñ̄aina mehne jinare to ȳhd̄uch̄u yoah̄tinare ñ̄ahre Cohamac̄u sehe. ã to ȳhd̄uch̄u yoarina jia, Cohamac̄u yaina c̄j̄hti, Cordero yaina c̄j̄hti c̄h̄u ji m̄htaina jihre. ⁵ Tina mehne macaina ne c̄īro mah̄ñ̄oriro mariahna. ã jia Cohamac̄u to t̄hotuch̄u ñ̄aa buhiri marieina jihre tina.

Tiaro anjoa yahuroca boroha

⁶ Baharo m̄anop̄u w̄rirore anjore ñ̄hi. Tiro ahri yahpa macainare jipih̄tia curuari macainare, jipih̄tia d̄seri durucuinare, jipih̄tia yahpari macainare noaa buheare yahutiro jihre. Tí buhea ne cohtotaeraa, ã jirucura. ⁷ ã jiro anjo sañurucuro õ sehe niroca borohre:

—Cohamac̄ure cui, ñ̄o payoga. “Tua ȳhd̄uariro, noa ȳhd̄uariro jira”, niga tirore. Mip̄ure tiro masare to buhiri dahrehti p̄a jiro nina. Tiro m̄anore, yahpare, pjiri mare, mári pohtari c̄h̄are yoariro jira. ã jina tirore na tuhcuca caha s̄u, wahche payoga —ni sañurucuhre anjo.

⁸ To ã niri baharo paio anjo m̄anop̄u w̄riro õ sehe niroca borohre:

—Tinare coh̄anocahre. Pjiri maca Babilonia wama tiri

maca macainare cohãnocahre Cohamacu. Tina to cohãrina sehe jipihtina painare ñano yoachu yoare. Masa tinare ñu cãa ñaare goa pja, tire yoare. Cahaina vinore ti tuaro goa pjaro seheta tina ñaare tuaro goa pjare Babilonia macainare ñu cãa —ni yahuroca borohre paio anjo.

⁹⁻¹⁰ Tina puaro anjoa ti ã niri baharo paio anjo ti baharo wãriro õ sehe tuaro niroca borohre:

—Jipihtina nucu macarirore ño payoinare, to masure ño payoinare, ti wãhdna pocare, ti wamomacarine to wamare joa õrina cãhure buhiri dahrerohca Cohamacu. Tina mehne suaro, tina pinine tuaro waro buhiri dahrerucurohca Cohamacu. Nucu macarirore ño payoina jipihtina pichacaru wahaahca. Tõru tuaro purĩnohca tinare pichaca mehne, azufre wama tia mehne ti wijãri pichaca mehne. Noaina anjoa, Cordero cãhu ti ñurocaroi ñano yãhdnahca tina. ¹¹ Tí pichaca ã me tirucurohca. Ne yatisi. Tinare ã purĩrucuchu yoara. Jipihtina nucu macarirore na tuhcuca caha su ño payoinare ã purĩrucurohca. Dachoripe, ñaminipe ã purĩrucunocanoahca. To masure ño payoina, to wamare ti joarina cãhu tó seheta ñano yãhdnahca —niroca borohre anjo.

¹² Ti ã ñano yãhdnachu ñuna Cohamacu yaina to dutiare yoaina, Jesure cohãeraina jina, to yare duhuena tjiga.

Ñano yãhdpanahta Cohamacu yare cohãena tjiga.

¹³ Baharo manopu yãhure durucuro coa tachu tahohi. Õ sehe nihre yãhure:

—Ahrire joaga muhu. Cohamacu yaina tirore cohãeraina jina mipure musa yariari baharopu cãhure wahcheina jira musa —niroca borohre yãhure.

To ã niri baharo Espiritu Santo sehe õ sehe ni namohre tjoa:

—Ã tjira. Potocã tjira. Tina tuaro ti dahraare duhu, soahca. Manopu ti wahachu noano ti yoarire wacũnohca Cohamacu. ã yoa ti ã yoiari wapa tinare noano yaoahca. ã jia tina wahcheina jira —ni namohre Espiritu Santo.

Wese macaa toaa dichare mari bese nano seheta Cohamacu to yainare bese nanohca. Ñaina sehere soro bese daporohca

¹⁴ Baharo me curua yehseri curuare ñuhi. Tí curua bui masano yoaro sehe bajuriro dujihre. Tiro uru soro puhtoro to pisari soro barore pisahre. ã yoa yoiari pjí siori pjíne cjãhure tiro. ¹⁵ Baharo paio anjo Cohamacu wãhwi jiriro wijaa tahre. ã wijaa taro tuaro sañurucuhre me curua bui dujirirore:

—Mu yoiari pjí mehne wese macaa dichare ahri yahpa macaa dichare date naa pahñoga. Mipure to quihõri pja sãra. Mipru dica sehe sohã tuhsãhure —nihre anjo.

¹⁶ To ã nichu tahoro to yoiari pjí mehne ahri yahpa macaa

dichare naa dꜥahre me curua bui dujiriro.

¹⁷ Baharo paio anjo cꜥhꜥ mꜥano macari wꜥhꜥi Cohamacꜥ wꜥhꜥi jiriro wijaa tahre. Tiro cꜥhꜥ yoari pjĩ siori pjĩne cꜥhꜥhꜥ. ¹⁸ Ā yoa paio anjo altar cahapꜥ jiriro wijaa tahre. Tiro sehe altar macari pichacare ñꜥ wihboriro jihre. Ā wijaa taro yoari pjĩ siori pjĩne cꜥhꜥarirore õ sehe ni sañurucuhre:

—Mꜥ yoari pjĩ mehne ahri yahpai jiri wese, se wese macaa dichare naaga. Se sehe ñi tuhsꜥhꜥre —ni sañurucuhre.

¹⁹ To ā nichꜥ tꜥhoro anjo to yoari pjĩ mehne ahri yahpa macaa se tōhorine yihso nahre. To ā yoari baharo tí tōhorine se tōhorine to tꜥ tihãhtoĩ cohãhꜥre. To ā cohãriro seheta Cohamacꜥ tirore cahmaerainare tuaro suaro, cohãnohca. ²⁰ Tí maca dꜥhtꜥ cahai tí tꜥ tihãhtoĩ tí se tōhorine tꜥ tihãhꜥre. Tóĩ tí tꜥ tihãchꜥ di wijaahre. Di ma yoaro sehe jihre tí di. Trescientos kilómetros yoari ma, cꜥ metro noano pa metro dacho macai cꜥãri ma jihre.

15

Masa ti ñano yꜥhdꜥhtore anjoa cꜥ batoaha masare

¹ Baharo mꜥanopꜥ soro jirore ñꜥhi. Tíre ñꜥa masa cꜥaa wahaca. Ahri yahpapꜥre to dohse wahahtore marine ñohre. Ā jiro tí wiho waro jia nierara. Ā sehe ñꜥhi: Siete anjoa jihre. Cohamacꜥ suaro, siete tahari masare buhiri dahre batoaro taro

nihre. Ā jia tina siete anjoa sehe buhiri dahre dutiro to cꜥhtina jihre.

² Anjoare yꜥ ñꜥri baharo pjiri mare noano co sitiri ma yoaro sehe jiri mare ñꜥhi. Tí ma pichaca mehne jiri ma jihre. Ā yoa nꜥcꜥ macarirore to masꜥ cꜥhꜥre yꜥhdꜥrꜥcainare ñꜥhi. Tina to wamare to nꜥmerore cꜥhꜥeraina jihre. Tina yꜥ ñꜥchꜥ pjiri ma co sitiri ma dꜥhtꜥ cahai ducuhre. Tóĩ ducuina arpa wama tiare bꜥarꜥtẽare cꜥhꜥhꜥre. Tí bꜥarꜥtẽa Cohamacꜥ to wari jihre. ³ Ā jia Cohamacꜥre dahra cohtariro Moise cꜥjro ya basaare cꜥnota basaa nihre tina. Cordero ya basaa cꜥhꜥre basaa nihre. Ā sehe ni basahre:

“Sã pꜥhtoro mꜥhꜥ Cohamacꜥ tua yꜥhdꜥariro jira.

Mꜥ yoarire ñꜥna ñꜥ cꜥaa wahaja sã.

Mꜥ yoari noa yꜥhdꜥara.

Mꜥhꜥ jipihtia yahpari macaina bui pꜥhtoro jira.

Noano mahñoño marieno, quihõño yoarucura mꜥhꜥ.

⁴ Jipihtina mꜥhꜥre wahche payoahca.

Jipihtina mꜥhꜥre ‘Tuariro jira’, niahca.

Mꜥhꜥ dihta ñaa marieriro jira.

Jipihtia yahpari macaina mꜥ cahapꜥ sꜥa, na tuhꜥua caha sꜥ, mꜥhꜥre wahche payoahca.

Āta yoahca tina jipihtina noano mꜥ yoarire ñꜥa”,

ni basaa nihre tina.

⁵ Baharo m̄anop̄m̄ ñuroca m̄noc̄m̄, Cohamac̄m̄ w̄h̄ure p̄j̄ōori w̄h̄ure ñ̄hi. Tói Cohamac̄m̄ to ya tahtia waroi to dutia to joaa p̄j̄īni t̄aa p̄j̄īni ti wihbori p̄j̄īni jihre. ⁶ Tí w̄h̄ure ȳm̄ ñ̄ch̄ata siete anjoa tí w̄h̄m̄ puhichap̄m̄ jirina wijaa tahre. Tina Cohamac̄m̄ to buhiri dahre dutiro to cūhtina jihre. Tinape ti buhiri dahrehtire c̄j̄ah̄re tina siete anjoa. Noaa suhti, wete maria suhti, si sitea suhti tiina jihre. Ā jia ti cutiro bui uru cahsaro mehne t̄h̄ā dihorina jihre. ⁷ Tí

w̄h̄up̄m̄ jirina ti wijaa tach̄m̄ pititiaro soro bajuina mehne macariro tinare siete anjoare siete uru wahwarire wahre. Tí wahwari Cohamac̄m̄ suaa to buhiri dahrehti mehne noano wahpaa wahwari jihre tí wahwari. Tiro Cohamac̄m̄ ā jirucuriro jira.

⁸ To ā wach̄m̄ Cohamac̄m̄ w̄h̄m̄ puhichap̄m̄ to si sitea mehne to tuaa mehne me ti sahsea wahahre. To ā me w̄h̄m̄ wahach̄m̄ ne masa tí w̄h̄ure s̄aa masierare. Siete anjoare Cohamac̄m̄ buhiri dahre dutiro to cūriro seheta masare ti buhiri dahre batoari baharo pari turi tí w̄h̄up̄m̄ s̄aa masina tjoa. To buhiri dahrehto pano s̄aa masierare.

16

Cohamac̄m̄ masare to buhiri dahrehtore yahuha

¹ Baharo Cohamac̄m̄ w̄h̄m̄i tuaro durucuro coa tahre. Siete anjoare yahuro nihre:

—Siete wahwarihi posa tiare yahpap̄m̄ pio siteroca borona wahaga. Yahpa macainare Cohamac̄m̄ to niriro seheta buhiri dahresiniga mip̄ure —ni durucuro coa tahre.

² To ā nino coa tach̄m̄ t̄ahoro ji m̄htariro anjo to c̄j̄ari wahwai posa tiare yahpap̄m̄ pio siteroca borohre. To ā pio sitech̄m̄ n̄uc̄m̄ macariro wamare joa ōrina, to mas̄ure ño payoina ñano cami tihre. Tí cami tuaro pur̄ihre tinare.

³ To ā pio siteri baharo paio anjo tjoa to c̄j̄ari wahwai posa tiare pio siteroca borohre tjoa p̄j̄iri map̄m̄. To ā pio sitech̄m̄ tā ma di ma wahahre. Yariariro di yoaro sehe jihre tí di. Ā wahach̄m̄ tí ma puhichap̄m̄ j̄iina yaria pihtia wahahre.

⁴ P̄h̄aro ti ā pio siteri baharo paio anjo tjoa to c̄j̄ari wahwai posa tiare pio siteroca borohre tjoa m̄arip̄m̄, tí m̄ari pohtarip̄m̄ c̄h̄ure. To ā pio sitech̄m̄ m̄ari di m̄ari dihta wahahre. ⁵ To ā wahach̄m̄ ñ̄no paio anjo m̄arire cohtariro ō sehe nihre:

—Cohamac̄m̄ m̄h̄m̄ ñ̄aa marieriro jira. Mip̄m̄ c̄h̄ure ā jirucuriro jira m̄h̄m̄. Panop̄m̄ c̄h̄ure ā jirucua tíre m̄h̄m̄. Ā jic̄m̄ masa ti ñ̄ano yoach̄m̄ ñ̄uc̄m̄ quihōno tinare buhiri dahrehre m̄h̄m̄. Di m̄arine yoac̄m̄ noano yoahre m̄h̄m̄.

⁶ N̄uc̄m̄ macariro yaina sehe m̄m̄ yainare waj̄ā, di coh̄ach̄m̄ yoahre. M̄m̄ yare yahuina c̄h̄ure waj̄ā, di coh̄ach̄m̄ yoahre. Tí ā waj̄ari buhiri m̄ari di m̄ari wahahre. Ā

yoa tinare dire m_u ã sihnich_u yoach_u noa nina. Õ seheta m_u yoach_u cahmahre tina — nihre márine cohtariro anjo.

7 To ã niri baharo altarp_u durucuro coa tahre:

—Ã tjira. Cohamac_u sã puhtoro tua yuhduariro jira mah_u. Mahñono marieno, quihõno masare bese, buhiri dahrera mah_u —ni durucuro coa tahre.

8 Tiaro anjoa ti pio siteri baharo paio anjo to cjuari wahwai posa tiare pio siteroca borohre tjoa sũ dacho macariro bui. To ã pio sitechuta sãre masare tuaro sich_u yoahre Cohamac_u.

9 Æ jiro sũ dacho macariro masare tuaro sihre. Æ jia Cohamac_u tinare to buhiri dahre dutich_u masia, tireore ñano durucuhre masa. Æ ñano yuhdupahta Cohamacure maca duaerare. Cohamacure “Tuariro jira”, ni wahche payo duaerare.

10 Pititiaro anjoa ti pio siteri baharo paio anjo tjoa to cjuari wahwai posa tiare pio siteroca borohre tjoa n_uc_u macariro to dujiro bui. Puhtoro dujiro jihre to dujiro. To ã pio siteri baharo n_uc_u macariro to yaina ti jiri yahpap_u nahitiano wahahre. Æ jia to yaina masa ñano purich_u bahca dihohre. 11 Tinare ñano puripachuta, ñano cami tipahta, ne ti ñaa yoarire cahyaerare. Æ yoa tíre duhuerare. Æ jia Cohamac_u tinare to cami dahrech_u masia tireore m_uano macarirore ñano durucuhre.

12 Cã wamomaca pihtiina anjoa ti pio siteri baharo paio anjo tjoa to cjuari wahwai posa tiare pio siteroca borohre tjoa Eufrates wama tiri ma pjiri map_u. To ã pio sitechuta tí ma sihbi cahaa wahahre. Sã m_uja taro macaina puhtoa ti yaina masa mehne tí máre ti pahã tahto sehe ã yoahre.

13 Baharo tiaro watíare taharo b_uc_una yoaro sehe bajuinare ñahi. Cãiro pinono puhichap_u jiro to duserop_u wijaa tahre. Pairo watíno n_uc_u macariro duserop_u wijaa tahre. Pairo watíno “Cohamac_u yare yahuriro jia”, ni mahñoriro duserop_u wijaa tahre. 14 Tina tiaro watía bajuamehneare yoaina jihre. Jipihtiro macaina puhtoare cahmachuch_u yoahre tina cahma wajã dutia taa. Ti ã cahma wajãhti dacho Cohamac_u tua yuhduariro jipihtinare to dutihti dacho, pihtihti dacho jira. 15 Õ sehe nihre Jesu: “Ñuga m_usa. Yacariro wacūenoca to yacaro taro seheta yuh_u cūh_u wacūenoca taihtja. Y_u tahtore noano cohtariro wahcheriro jirohca. To yare noano cahnoriro, to suhti sãariro jira wahcheriro. Æ yoariro jiro y_u tach_u b_uo tisi tiro suhti marieriro yoaro sehe jieraro”, nihre Jesu. 16 Baharo tiaro watía yahpari macaina bui puhtoare cahmachuch_u yoahre tinare. Ti cahmachuno Hebreo ya dusero mehne “Armagedon” wama tihre.

17 Seis anjoa ti pio siteri baharo paio anjo tjoa to cɟuari wahwai posa tiare me curuari cahapɟu pio siteroca borohre tjoa. To ã pio siteri baharo pɟhtoro dujiropɟu Cohamacɟu wɟhɟi jiri dujiropɟu tuaro durucuro coa tahre:

—Tó puro tjica —nino coa tahre.

18 To ã nichɟta orocasite mɟa, wɟpo pja mɟa, soro jiro bisi mɟa, cuaro yahpa ñuhmihre. Ahri yahpai masa ti ji dɟcari baharo ne tó sehe ñaca yahpa ñuhmiera tihre. Paye ñuhmia yɟhdoro cuaro yahpa ñuhmihre. 19 Æ to ñuhmichɟu pjiri macare tia maha yihti mɟaa wahahre. Æ jia bɟjɟa macari ahri yahpai jia macari bora wahahre. Æ jiro Babilonia wama tiri maca pjiri maca macainare wacɟhre Cohamacɟu tinare buhiri dahrero taro. Ti ñaare yoari buhiri tina mehne tuaro suahre. Æ suaro tinare tuaro buhiri dahrehre. 20 To ã yoachɟu jipihtia nɟcɟpo, tɟyucɟu cɟhɟu cohõ pihtia wahahre. Æ jia ne mariahre. 21 Æ yoa bɟjɟa poca co poca yɟsɟa poca yahpɟu masa bui bora tahre. Jipihtia poca co poca cuarenta kilos nɟcɟa poca jihre. Tina bui ti ã bora tachɟu Cohamacɟu masare to tuaro buhiri dahrechɟu masia ñano durucuhre masa Cohamacɟure.

17

Mɟa mehne ñano yoarucuricorore ñabiaro yoaricorore buhiri dahre dutirohca

1 Baharo siete wahwarire cɟuaina anjoa mehne macariro yɟ cahapɟu wihiro õ sehe nihre yɟhɟre:

—Ñɟi taga. Payɟu mári bui dujiricorore mɟa mehne ñano yoarucuricorore ñabiaro yoaricorore Cohamacɟu to buhiri dahrehre ñɟihca mɟhɟu. 2 Ahri yahpa macaina pɟhtoa ticoro mehne ti ñano yoaboro seheta ticoro yoaro seheta yoare tina. Cohamacɟu ya sehere cahmaerare. Ahri yahpa macainare to cahachɟu yoaboro seheta tina mehne to ñano yoaboro seheta ticoro masare ñaare goa pjachɟu yoare. Æ yoaro ñaare yoachɟu yoare masare —ni yahuhre anjo yɟhɟre.

3 To ã niri baharo Espiritu Santo sehe to bajuamehn-eare yɟhɟre ñohre. Anjo sehe masa marienopɟu naahre yɟhɟre. Tói numinore ñɟhi. Ticoro nɟcɟu macariro sohãriro bui pisaricoro jihre. Nɟcɟu macariro sehe to pjacɟi payɟu wama ti joa õriro jihre. Tí wama ñaa wama Cohamacɟu to ñɟ yabia wama jihre. Æ yoa siete dapu poca tiri, diez sahari tiri jihre nɟcɟu macariro. 4 Tuhsɟu, numino sehe noano yahsaa suhti pɟhtoa ti sãa suhti sehe jiare sãaricoro jihre. Sohãa suhti cɟhɟre sãaricoro jihre. Payɟu urure, wapa tia tãare, perla yapari cɟhɟre õa suhtire sãaricoro jihre ticoro. Uru wahware cɟhahre ticoro. Tí wahwai posa tia ñaa to yoari jihre. Mɟa mehne ñano yoaro pjíro ñano yoahre

ticoro. Tí ñaare ñu yabira Cohamacu. ⁵ To wuhduai to wama ti joa òricoro jihre. Tí wamare noano masieraja mari. Tí wama piti dahre buheri wama jira. Ahri jira tí wama: “Pjiri maca Babilonia wama tiri maca jira. Jipihtia ñaa yoaare goa pjaare yoa ducaricoro, Cohamacure cahmaerachu yoaricoro jira” ni, to wuhduai ti joa òricoro jihre. ⁶ Á jicu ticoro payu Cohamacu yainare wajáricoro to jichu masihi. Cahaare to wahchero seheta tinare wajáno ti di coháchu wahchehre ticoro. Jesu yare ti yahuri buhiri ticoro wajáhre tinare. Ticorore ñucu, ñu cuaa wahahi.

⁷ —¿Dohseacu mahu ñu cuaa waharide? —nihre anjo yuhure —. Mu masierarire mahure yahuihtja. Numinore mahure yahuihtja. To pisariro cãhure yahuihtja. Tiro nucu macariro, siete dapu poca tiriro, diez sahari tiriro jihre. ⁸ Tiro panopu jiro jire. Mipure mariahna tiro. Baharo tiro cuári copapu jiro wijaa tarohca. To á wijaa tari baharo pichacapu waharohca. Ahri yahpa macaina tirore ñu cu, ño payore tirore. Ahri yahpa to jihto pano Cohamacu to yaina cjihtire á jirucuhtinare ti wamare joa òa tiri jire. To joa òeraina jire nucu macarirore ño payoina. Tiro sehe panopu jia tiri jire. Mipu sehere mariahna. Baharo pari turi bajarohca tjoa. Á jia to bajuachu ñu masa tirore ñu

cuaa wahaahca.

⁹ Mipure yu yahuhtire masi duana, noano tãhonahca masa. Á yoana noano masiina jiga. Nucu macariro dapu poca siete dapu poca siete tãyucu jira, mari piti dahre buhechu. Tí tãyucu bui pisara ticoro mha mehne ñano yoarucuricoro. Tí dapu poca siete puhto yaro sehe jira, mari piti dahre buhechu. Payu masa bui puhto jira. ¹⁰ Cinco puhtoare cohã tuhsure. Pairo tina baharo jiro puhtoro jira mipure. Pairo sehe baharo puhtoro sãanohca. Á sãano mahanocã puhtoro jirohca tiro. ¹¹ Á jiro nucu macariro panopu ji mhtariro, mipu marieriro tina siete puhto baharo puhtoro jirohca. Siete puhto mehne macariro jira. Baharo pichacapu waharohca.

¹² Nucu macariro sahari diez sahari diez puhto yaro sehe jira mari piti dahre buhechu. Payu masa bui puhto jira. Tina puhto sãaerasihi. Baharopu puhto sãa mahanocã puhto jahca. Yoari pja ji dutisi tinare. Á puhto jia nucu macariro mehne puhto jahca. ¹³ Tina diez puhto cãno potori tãhotuina jira. Tina nucu macarirore ti ya yahpari macaina bui puhtoro sãahca. ¹⁴ Á jia Cordero mehne cahma wajãahca. Ti á cahma wajãpachuta Cordero to beseina mehne tirore ne cohãeraina mehne tinare yuhducaahca. Tiro jipihtina paina puhto

bui p̄h̄toro jira. ã jiro tinare ȳhd̄ur̄carohca —ni yahuhre ȳh̄ure anjo.

15 Ahrire ȳh̄ure yahu namohre anjo:

—M̄ua mehne ñano yoarucuricoro mári bui dujire. Tí mári ahri yoaro sehe jira mari piti dahre buhech̄u: Yahpari macaina, paȳu curuari macaina, paȳu d̄userire durucuina yoaro sehe jira tí mári. 16 N̄uc̄u macariro, diez p̄h̄toa mehne m̄ua mehne ñano yoarucuricoro ñu yabiahca. Tina diez p̄h̄toa n̄uc̄u macariro mehne ticoro yare ma pah̄ño, suhti marienicoro coh̄ãhca ticorore. ã yoaa to p̄jac̄ure ch̄uahca. Ti ã yoari baharo ticorore j̄u pah̄ñoahca. 17 Tina diez p̄h̄toa c̄ũno potori t̄ahotua n̄uc̄u macarirore tí ya yahpari macaina bui p̄h̄toro s̄õahca. Tinare ã yoach̄u yoare Cohamac̄u, to cahmano seheta yoaro taro. ã jiro n̄uc̄u macariro sehe p̄h̄toro jirohca. Jipih̄tia Cohamac̄u panop̄u to yahuriro seheta to yoari baharo n̄uc̄u macarirore coh̄ãnohca. 18 Ticoro m̄u ñ̄ur̄icoro mehne õ sehe ni piti dahre buhera: Ticoro pjiri maca Babilonia wama tiri maca yoaro sehe jira. Jipih̄tina paina p̄h̄toa bui jira tí maca macaina —nihre anjo ȳh̄ure.

18

Babilonia wama tiri maca to coh̄ari maca jira

1 Baharo paio anjo m̄uanop̄u dujiarirore ñ̄ahi. Tiro p̄h̄toro waro jihre. To si sitea jipih̄tirop̄u noano buhria sahsea wahahre. 2 To ã dujiari baharo õ sehe ni tuaro sañurucu yahuhre:

—Coh̄ari jihre. Babilonia wama tiri maca pjiri maca macainare coh̄ari jihre. Mip̄ure wat̄ia, paȳu ñaina pjac̄u bajueraina c̄ũh̄u tí macai jia nina. Ñaina baro wahiquina w̄ina peri c̄ũh̄u masa ti ñ̄u yabiina tí macai jia nina. 3 Jipih̄tia yahpari macaina tí maca macainare ñainare ñ̄u c̄ũa, tina c̄ũh̄u ñano yoare. ã yoa yahpari macaina bui p̄h̄toa tí maca macaina numia mehne ñano yoare. Ticoro ã m̄ua mehne ñano yoarucuricoro jiro wapa tiare nuch̄ua tire. P̄j̄iro to ã nuch̄uch̄u ahri yahpa macaina pache duaina p̄j̄iro wapatare —ni yahuhre anjo.

4 Baharo pari turi m̄uanop̄u durucuro coa tahre. Õ sehe nihre:

—Ȳu yaina ahricoro m̄ua mehne ñano yoarucuricoro mehne jiena t̄jiga m̄usa. Ticoro mehne m̄usa jich̄u m̄usa c̄ũh̄ure buhiri dahrerohca. ã jina to ñano yoare ñ̄u c̄ũena t̄jiga. 5 To ñano yoari paȳu jinocahna. To ñano yoarire pari t̄ju mari duhu payo m̄uoch̄u tí t̄ju sehe m̄uanop̄u wahã s̄unocaboa. ã jia to ñano yoari paȳu jinocahna. ã jiro to ñano yoarire wac̄ũna Cohamac̄u. ã wac̄ũno ticorore buhiri dahre dutirohca. 6 Ticoro

tuaro to buhiri dahrehticoro jijaro. Masare to ñano yoachũ yoariro seheta ticoro cãhũre ñano yũhdũchũ yoajaro. Masare ã ñano to yoariro seheta tí yũdoro ticorore ñano buhiri dahrejaro. ⁷ Ticoro “Noaricoro jija”, ni tãhotumare. ã ni tãhoturo, wapa bũjũare pjĩro cjuare ticoro. To wapa bũjũare pjĩro to cjuaro purota ticorore pjĩro ñano yũhdũchũ yoajaro. Tó purota ticorore cahyachũ yoajaro. To basi õ sehe ni tãhotumana ticoro: “Õi pũhtorocoro yoaro sehe jiricoro dujija. Wapewahyoro jieraja. ã jico ne ñano yũhdũsi yũhũ”, ni tãhotumana ticoro. ⁸ ã ni tãhoturicoro to jichũ wacũenoca ticorore buhiri dahrehto jirohca. Ticoro dohati, yariainare yahco tii, jũca barohca. Tuhsũ, ticorore jũ borohca. Mũsa pũhtoro Cohamacũ ticorore buhiri dahre dutiriro tua yũhdũariro jira. ã jiro tó seheta yũ niriro seheta ticorore buhiri dahre dutirohca — nino coa tahre mũanopũ.

⁹ ã jia ticoro yoaro sehe jiri macare Babiloniare Cohamacũ to buhiri dahreri baharo ahri yahpa macaina pũhtoa tuaro cahya, tiiahca. Tí maca macaina mehne ñano yoaina jire. ã jia tí maca to jũchũ ñũa tiiahca tina. ¹⁰ To ã jũchũ ñũa tina pũhtoa yoaropũ ñũrocarucuahca, “Mari cãhũre buhiri dahreri”, nia. Tói ñũrocarucua õ sehe niahca:

—Cue, pjacũori maca jira, Babilonia. Sí maca pjiri maca tuari maca jimahre. Wacũenoca sí macare buhiri dahrehre — niahca tina.

¹¹ Jipihtiropũ macaina pache duaina tí macare ñũa tuaro cahya tiiahca. Tí maca to pihtichũ ñũa, ti pachere nuchũina mariachũ ñũa cahyaahca tina. ã jia tiiahca. ¹² Ti na tarire urure, platare, wapa bũjũa tãare, perla wama tia poca cãhũre nuchũina mariahca. ã yoa paye ti na tari cjirire suhti noaa suhtire, yahsaa suhti pũhtoa ti sãa suhti yoaro sehe jia suhtire, seda wama tia suhtire, sohãa suhtire nuchũina mariahca. ã yoa paye ti na tarire yucũri me sitia yucũrire nuchũina mariahca. ã yoa paye ti na tarire marfil wama tiro mehne ti yoarire, wapa bũjũa yucũri mehne ti yoarire, bronce wama tiri comaa mehne ti yoarire, comaa mehne ti yoarire, marmol wama tiro mehne ti yoarire nuchũina ne mariahca. ¹³ ã yoa paye ti na tarire canela wama tiare ti chũare coachũ yoaare, paye ti chũare coachũ yoaare, inciensore, mirra wama tia me sitiare, paye me sitiare nuchũina mariahca. ã yoa paye ti na tarire vinore, chũa wajaa sere, trigo pohcare noano ti sũhaweri pohcare, trigo yaparire, wachũare, corderoare, cawaloare, tunua bũso cawaloa ti wajaa bũsore nuchũina mariahca. Dahra cohtainare nuchũ

tinare cjuaina cūhu mari-
ahca. Masa ti jipachuta tinare
nuchaina jimahre. Mipure
mariahca. ã jia cahyaahca
pache duaina. ¹⁴ ã jia õ sehe
niahca tina tí maca macaina
cjirire:

—Ade, ñacaro wahajari. Jip-
ihtia m̄sa cahĩri cjiri pihtia
wahahre. ã yoa jipihtia noaa
m̄sa cjuari cjiri pihtia wa-
hahre. ã ti pihtia wahachu
tĩre pari turi bocasi m̄sa —
niahca pache duaina.

¹⁵ Tina tí macare pachere
duaa, pjĩro wapatamare. ã
jia tina tí macare yoaropu
ñurocarucuahca, “Mari
cūhure buhiri dahreri”, nia.
ã ñurocarucua tí macare
tuaro cahya, tiiahca. ¹⁶ Õ
sehe niahca tí macare:

—Cue, pjacuoina jira sí
maca pjiri maca noari maca
macaina cjiri. Sí maca
numino yoaro seheta noaare
cjuhahre. Numino sehe noaa
suhtire, yahsaa suhti puhtoa
ti sãa suhti yoaro sehe jia
suhtire, sohãa suhti cūhure
sãahre. ã yoa uru, wapa bujua
tãa, perla wama tia poca õa
suhtire sãahre. Tó seheta
yoahre sí maca macaina. ¹⁷ ã
jia wacūenoca sí maca buti
pihtia wahahre —niahca tí
macare.

ã yoa jipihtina dohoa b̄so
mehne tiniina, tí b̄so puha, ti
m̄sa, paina pjiri mapu dahra
wapataina cūhu tí macare
yoaropu ñurocarucuahca.
¹⁸ Tói ñurocarucua tí macare
to jūchu ñua õ sehe ni
sañurucuahca:

—Noaa macari sí maca
yoaro sehe jia macari ne
paye macari mariahna —ni
sañurucuahca tina.

¹⁹ ã cahyaina jia ti
dapu poca bui dihtare orẽ
payoahca. ã jia tuaro yahco
tiia õ sehe niahca:

—Cue, pjacuoina jira sí
maca macaina cjiri. Noari
maca jimare. Jipihtina dohoa
b̄so cjuaina pjiri mapu
tiniina sí maca macaa pache
mehne noano wapatamahi
mari. ã yoa dóih̄ta sí maca
macaa buti pihtia wahahre
—niahca b̄so macaina.

²⁰ Tí macare to cohāchu
ñuna wahchega m̄sa m̄ano
macaina. Cohamacu yaina,
Jesu to cūrina, to yare yahu
m̄htaina jipihtina m̄sa
wahchega. Tí maca macaina
m̄sare ñano yuhdūchu yoare.
Ti ã yoiari buhiri buhiri
dahrehre Cohamacu. ã jina
wahchega m̄sa.

²¹ ã yoa tuariro anjo pjiria
tācare arēni soro puro jiria
tācare na wahcõ, pjiri mapu
doca ñohre. ã doca ñono õ
sehe nihre:

—Ahria tāca to bora ñojariro
seheta pjiri maca Babilonia
wama tiri maca tuaro boraro
bisirohca. To ã borari baharo
tí macare pari turi ñusi masa.

²² Tí macare butia wahachu
yoarohca. ã jia tí macai
basaare m̄sa basarucuriro
sehe ne coa tasi. Arpa wama
tiare m̄sa buaputērucuriro
sehe, flauta wama tia pocare,
corneta cūhure m̄sa putiru-
curiuro sehe pari turi tí
macai coa tasi. ã yoa tí
maca mariachu pari turi

tí macai dahraina dahrasi. Á yoa tãca mehne m̃sa soari cãhure tãhomahnosi. ²³ Ne tí maca to buhria coãriro sehe ne jisi. Á yoa wamomaca dãhteina m̃sa bose ñm̃re m̃sa dahreriro sehe pari turi ne coa tasi. Tí maca macaina pache duaina nuchina mehne paina yãhdoro cãahre m̃sa. Á jina yaya wijõ wijina yoaro sehe yoana jipihtiro macainare mahñohre m̃sa. M̃sa ã yoarire ñu cãaa, Cohamacu sehere cahmaerare masa — nihre tuariro anjo.

²⁴ Tí maca macaina Cohamacu yare yahu m̃htainare paina to yaina cãhure jipihtiro macainare wajãri jire.

19

¹ Babilonia to dohse wahahtore yu ñari baharo m̃anopu payu masa sañurucua coa tahre yu tãhochu. Õ sehe ni sañurucuhre: “Aleluya.

Cohamacu noano durucujihna.

Cohamacu marine yãhdũchu yoariro jira.

Tirote noano ño payojihna.

Tua yãhdũariro jira tiro.

² Mahñono marieno quihõno masare buhiri dahrera tiro.

Ñaricorore m̃a mehne ñano yoarucuricorore ñu cãa jipihtiro macaina, ahri yahpa macaina ñano yoahre.

Ticoro sehere buhiri dahrehre Cohamacu.

Á jiro tirote dahra cohtainare ticoro to wajãri buhiri buhiri dahrehre tiro”, ni sañurucua coa tahre.

³ Pari turi sañurucua coa tahre:

“Aleluya. Cohamacu noano durucujihna. Tí maca ñari maca to jãri maca ã me tirucurohca”,

ni sañurucua coa tahre.

⁴ Á yoa veinticuatro Jesu yaina pãtoa, pititiaro soro bajuina mehne na tuhcuca caha su, Cohamacu to dujiroi dujirirore wahche payohre. Õ sehe ni wahche payohre tina: “Amén. Aleluya. Á tjira. Cohamacu noano durucujihna”, nihre tina.

⁵ Baharo pãhtoro dujiropu õ sehe nino coa tahre:

“Mari pãhtoro Cohamacu wahche payoga.

Tirote dahra cohtaina, tirote ño payoina, wiho jina, pãtoa cãhu jipihtina m̃sa tirote noano durucuga”,

nino coa tahre.

Cordero to wamomaca dãhtehti ñm̃u bose ñm̃re yahuha João

⁶ Baharo payu masa ti durucuchu tãhohi. Pjiri poaye, wãpo mehne to bisiro coa taro seheta durucua coa tahre yu tãhochu:

“Aleluya.

Cohamacu noano durucujihna.

Tiro mari pãhtoro sehe pãhtoro sãa tuhsare.

Tua yãhdũariro jira tiro.

⁷⁻⁸ Cordero to wamomaca dãhtehti pja jira mipare.

To wamomaca duhtehticoro
noano ti cahno
tuhsericoropu jira.

Ticorore noari suhtiro wetē
marieni suhtirore
wahre.

Tí suhtiro Cohamacu yaina
noaare ti yoari yoaro
sehe jira, mari piti
dahre buhechu.

Ā jina ti wamomaca duhtehti
pja to jichu wahcheji-
hna mari.

Cohamacure "Tua yuhduariro
jira", nijihna",

ni durucua coa tahre.

⁹ Ti ā niri baharo anjo ō
sehe nihre yuhure:

—Ahrire joa naga:
"Cordero to wamomaca
duhteri namu bose numare
to pjrocarina wahcheina
jira", ni joa naga —nihre anjo
yuhure.

Ā ninota ō sehe ni
namohre:

—Potocā tjira ahri yu
yahuri. Cohamacu ya du-
rucua jira —ni namohre
yuhure.

¹⁰ To ā nichu tuhocuta tiro
panoi na tuhcuca caha su,
tirore ño payoi tai nimahi. Yu
ā yoai cahachu waro ō sehe
nihre tiro yuhure:

—Tíre yoai tjiga. Mu
yoaro seheta yuhu cahu Co-
hamacure dahra cohtarirota
jija. Mu coyea Jesu yaina
jipihtina to ya buheare
duhueraina yoaro sehe yuhu
cahu Cohamacure dahra
cohtarirota jija. Ā jicu
Cohamacure na tuhcuca caha
su, tiro sehere ño payoga —
nihre anjo yuhure.

Cohamacu yare yahu
muhaina cjiri panopu

macaina Espiritu Santo to
yoadohoro mehne Jesu ya
buheareta yahuyua tiri jire.

*Cawalo yehseriro bui pis-
arirore yahuha João*

¹¹ Baharo muano pari
mu wahachu ñhi. Tói
cawalo yehseriro jihre. Tiro
bui pisariro ō sehe wama
tihre: To niro sehetā
yoariro potocā yoariro wama
tihre tiro. Quihōno masare
ñaina, noinare bese, tirore
ñu tuhtiina mehne cahma
wajāna. ¹² To capari picha
pohna yoaro sehe jihre. Ā
yoa to dapui payu puhtoā
pisaa sorori jihre. Ā jiro to
pjacui wama joa ōriro jihre. Tí
wamare tiro dihta masihre.
Paina masierare. ¹³ To sāari
suhtiro yoari suhtiro di
wahāri suhtiro jihre. Tiro ō
sehe wama tihre: Cohamacu
ya duserore yahuriro wama
tihre tiro. ¹⁴ Ā jia to yaina
surara muano macaina tiro
baharo wahare. Yehseina
cawalo bui pisaina noano
yehsea suhtire, wete mariea
suhtire sāaina jihre. ¹⁵ To
duseroi ñosari pjine siori pjine
cuhcūhre. Tí pjī yahpari
macainare to yuhducahti
pjī jihre. Ā jiro to tuā mehne
to dutichu ne cūiro tirore
yuhducaro bihosi. Co-
hamacu tuā yuhduariro payu
yahpari macaina mehne
sua yuhduara. To ā suachu
cawalo bui pisariro tinare
tuaro buhiri dahrerohca.
¹⁶ To suhtiroi, to ñuchacu
cūhure ahri wamare joa ōri
jihre: "Jipihtina paina puhtoā
bui puhtoro", ni joa ōri jihre.

17 Baharo sũ siroi ducurirore anjore ñhi. Jipihitina manopu wainare yuca perire sañurucu mohre tiro. Õ sehe ni tuaro sañurucu mohre:

—Cahmachuna taga. Cohamacu to bõse namai chuna taga. 18 Payu yahpari macaina bui puhtoare, surara puhtoare, surara perire, cawaloare, tina bui pisainare, jipihtina paina masare, dahra cohtainare, dahra cohtaina jierainare, paina puhtoare, wiho jainare tina jipihtina ti pjacuri cjirire chuna taga —nihre anjo yucaare.

19 Baharo nucu macarirore, ahri yahpa macaina bui puhto ti surara peri cõhure ñhi. Tina cahmachuhre cawalo bui pisariro mehne to yaina surara peri mehne cahma wajãa taa. 20 Ti ã cahma wajãchu cawalo bui pisariro nucu macarirore peresu yoahre. Pairo “Cohamacu yare yahu mahitariro jija”, ni mahñoriro cõhure peresu yoahre. Tiro mahñoriro sehe nucu macariro to ñurocaroi bajamehneare yoariro jihre. To bajamehnea mehne nucu macariro to wamare wahainare to masare ño payoinare mahñohre “Ahri Cohamacu ya jira”, nino. Tina puarore to peresu yoari baharo tinare catiinareta pichacapu cohãhre. Tí pichaca pjiri ma puro jiri pichaca pjiri pichaca azufre mehne jari pichaca jihre. 21 Æ jiro dõhsainare ti surara

peri cjirire ñosari pjí mehne to dõseroi jiri pjí mehne wajãhre cawalo bui pisariro sehe. Æ to wajãri baharo yuca peri ti pjacuri cjirire chu, yapi yãhdu wahahre.

20

Mil cõhmari waro Cristo to yaina mehne masare dutirohca

1 Baharo paio anjo manopu to dujia tachu ñhi. Cõari copa macari sawire, pjiri da, comaa da cõhure cjãhure tiro. 2 Æ duji wihiro pinonore ñahahre tiro. Tiro pinono panopu pinono sehe pjacu tiri jiro, watño Satana wama tiri jihre. Tirore ñahano tirore dõhtehre mil cõhmari waro peresu yoaro taro. 3 Æ dõhte tuhsu, cõari copapu cohãhre tirore jipihtia yahpari macainare mil cõhmari waro to mahñorahto sehe. Æ cohã tuhsuro tí copare biha, wihtã ñahanocahre. Æ jiro mil cõhmari baharo pari turi mahaa dachoricã tirore wiosininohca.

4 Baharo puhto dujiare ñhi. Tí dujai dujiina cõhure ñhi. Tinare masa bui dutihtinare cõhure Cristo. Paina cõhure ñhi. Tina sehe Jesu yare Cohamacu yare ti yahuri buhiri ti dapu pocare dõte cohãrina cjiri jihre. Nucu macarirore to masu cõhure ne na tuhcuca caha su ño payoerare. Æ yoa ti wãhdu pocare ti wamomacari cõhure to wamare joa õ dutierare tina. Æ jia paina

tinare ti wajāri baharo masaa wahahre tjoa. Masahre tina mil cūhmari waro Cristo mehne pūhtoa jia taa. ⁵ Paina Cristo yaina yariaina cjiri sehe masaerasinire. Ti wajārina ti masari baharo mil cūhmari pūhtoa ti jiri baharo paina cūhū masaa wahaahca. Ā jia ti wajārina cjiri Cristo yaina to baharo masa mūhtaina jihre. ⁶ To maso mūhtaina sehe tuaro wahcheina jiahca. Nāa marieina jiahca tina. Ā jia pichacapū wahasi tina. Masa pichacapū waha, pari turi ti yariaro sehe wahara. Ā jia tina to maso mūhtaina pichacapū wahaerara. Tina yaria masa mūhtaina sacerdotea jiahca, Cohamacūre, Cristo cūhure ño payoa taa. Ā jia mil cūhmari waro Cristo mehne masa bui pūhtoa jiahca.

⁷ Mil cūhmari baharo Satanare peresui jirirore wiorohca. ⁸ To ā wiori baharo ahri yahpa macainare mahñono waharohca tiro. Gog wama tiinare, Magog wama tiina cūhure mahñono waharohca. Ā jia tina to mahñoare tūhoa, ti surara perire cahmachuahca cahma wajāa taa. Tina surara peri payū jiahca. Pjiri ma macaa padū pohcaricā payū ti jiro sehetā payū surara jiahca. ⁹ Tina ahri yahpapūre waha sitea, Cohamacū yaina ti jiri macare Cohamacū to cahīri macare soroa wahaahca. Ti ā soroari baharo Cohamacū tinare mūano macari pichaca mehne jūroca bororohca. ¹⁰ Ā wahari baharo

watīnore tinare mahñorirore pichacapū cohānohca. Tí pichaca pjiri ma puro jiri pichaca azufre mehne jāri pichaca jira. Tóru nūcu macarirore “Cohamacū yare yahu mūhtariro jija”, ni mahñorirore cohā tuhsūhre. Tóí ti jichū dacho, ñamipū cūhure ā ñano purīrucurohca tinare.

Cohamacū masare buhiri dahre batoara

¹¹ Baharo pjīro pūhtoro to dujirore noano yehserore ñūhi. Tí dujiro bui dujiriro cūhure ñūhi. Tóí to dujichū, ahri yahpa macaa cūhū mūano macaa cūhū pihtia wahahre. Ā pihtia waha pari turi ji namoerare. ¹² Ā yoa pūhtoro panoi yariaina cjiri ti ducuchū ñūhi. Tina wiho jiina, pūhtoa cjiri cūhū jihre. Tóí ti ducuchū joa ōa tjurire pjōohre. Tí tjuri masa ti yoarire ti joa ōa tjuri jihre. Ā jiro beseriro tí tjurire ñū tuhsū ti yoarire masihre. Tíre masino yariainare besehre ñaina, noainare. Baharo pa tju cūhure pjōohre. Tí tju Cohamacū mehne ā jirucuhtinare ti wamare joa ōri tju jihre. ¹³ Baharo pjiri mapū yaria miniina, diapū ti cohārina cūhū wahcā mūjaa wahahre. Ā yoa yahpa puhichapū jiina, yariaina ti jiropū jiina cūhū mūjaa wahahre. Ti ā mūja sūchū tóí dujiriro ti yoarire masi pahñono, tinare besehre ñaina, noainare. ¹⁴ Baharo yariarore, yariaina ti jiro cūhure cohānocahre

Cohamacu pari turi mari yariaerahto sehe. Pichacapu cohānocahre. Tí pichaca pjiri ma puro jiri pichaca pjiri pichaca jihre. Pichacapu wahaina sehe pari turi yariaina seheta wahara. ¹⁵ Ā jiro ā jirucuhtina ti wamare Cohamacu to joa ōri tjuí jipihtina ti wamare joa ōmahnoeraina sehere pichacapu cohāhre tiro.

21

*Muano, yahpa cūhure
wahmaare cohtotarohca
Cohamacu*

¹ Baharo muano, ahri yahpa cūhure wahmaare to cohtotarire űhi. Manopu ji muhtari, yahparu ji muhtari, pjiri mapu ji muhtari cūhu pihtia wahahre. Mariahre. ² Ā yoa yuhu Joāo noari macare, wahma macare Jerusalēne űhi. Tí maca manopu Cohamacu cahapu to duji tachu űhi. Womaca duhtehticorore noaa suhti mehne wahma sora wamomaca duhtehtirore wahchecu yoaro taro. Tó seheta tí macare cahnoyure Cohamacu, to yainare wahchecu yoaro taro. ³ Tíre yu űri baharo puhtoro dujiropu to sañurucuro coa tachu tahohi:

—Ñuga. Mipure masa watoi jiro nina Cohamacu. Tina mehne jirohca tiro. Ā jia to yaina jiahca tina. Ā yoa Cohamacu to basi tina mehne macariro jiro, ti yairo Cohamacu jirohca. ⁴ Ā jiro ā wahcherucuhu yoarohca

tiro tinare. Ā jia pari turi cahyasi tina. Ā jia ne pari turi yariasí tina. Ne űano yajeripohna tia, yahco tia, puria cūhu mariahca tinare. Ahri jipihtia panopu macaa cjiri pihtia wahaahca —ni sañurucuro coa tahre.

⁵ Baharo puhtoro dujiropu dujiriro ō sehe nihre:

—Ñuga. Jipihtiare wahma cohtotachu yoaihca —nihre.

To ā niri baharo yuhure ō sehe nihre tjoa:

—Ahri yu niare joa naga. Yu nia potocā tjira. Ā jiro yu niriro seheta ā waharohca. Ā jicu yu niare joa naga —nihre yuhure.

⁶ Baharo ō sehe nihre tjoa yuhure:

—Tó puro tjica. Yuhu jipihtiare bajuamehneriro jija. Ā yoa jipihtiare pihtichu yoah tiro jija tjoa. űahma yapioina tuaro ti core cahmano seheta yu cahapu waha duaina Jesure cahmaahca. Ā jia Jesure yuhtiahca. Tiro catichu yoaa co yoaro sehe jira. Tirore cahmainare wapa cahmano marieno yuhu mehne ā jirucuhu yoaihtja tinare.

⁷ Jipihtina yuhure wacū tua duhuerainare ō sehe yoaihtja: Ti yairo Cohamacu jiihtja. Ā jia tina sehe yu pohna jiahca. ⁸ Wiho mejeta cuia yu yare duhuina, yuhure cahmaeraina, űabiare yoaina, masare wajaina, numia mehne űano yoaina, muu mehne űano yoaa numia, yaya, “Cohamacu jira”, ti

nia masurine ño payoína, jipihtina mahñoína pichacapurɩ wahaahca. Tóí pjiri ma puro jiri pichaca pjiri pichaca azufre mehne jũno nina. Tóɩɩ wahaina pari turi ti yariaro sehe wahaa nina —nihre yuhure.

Wahma maca Jerusalēne yahuha

⁹ Baharo cãiro anjo yɩ cahapurɩ wihihre. Tiro siete wahwari cjuaina, to buhiri dahre dutiro to cũina anjoa mehne macariro jihre. Ā wihiro, õ sehe nihre yuhure:

—Ñhi taga. Cordero to wamomaca dũhtericorore ñoihca mũhure —nihre anjo yuhure.

¹⁰ To ā nini baharo Espiritu Santo yuhure Cohamacɩ ya macare ñohre. Ō sehe bajuro ñohre yuhure: Mũadɩ tũcɩ buipɩ yuhure na mũjahre. Tóɩɩ Jerusalēne Cohamacɩ ya macare noari macare ñohre yuhure. Cohamacɩ cahapurɩ mũanopɩ jiri maca duji taro nihre ahri yahparɩ.

¹¹ Cohamacɩ to si sitea mehne si siteri maca jihre tí maca. Wapa tia tãa yoaro sehe si sitehre. Diamante wama tia tãa yoaro sehe si sitehre. Ā yoa vidro yoaro sehe noano co sitiri maca jihre tí maca.

¹² Pjiri sahrĩno mũari sahrĩno ti sahrĩ sãari maca jihre tí maca. Doce sopacari tihre tí sahrĩno. Tí sopacaripe cohtahre anjoa. Tí maca macaa sopa pahmaripɩ Israe masa curuari doce curuaripe ti wama wahãhre. ¹³ Sũ

mũja taro sehe tí sahrĩno cjuahre tia sopaca. Norte sehe tia sopaca jihre. Sur sehe tia sopaca jihre. Sũ sãano sehe cũhure tia sopaca jihre. Jipihtiro doce sopacari waro cjuahre tí sahrĩno. ¹⁴ Tí sahrĩno doce tãa bui pisahre. Tí tãape Cordero to cũrina doce to cũrina sã cãina wama wahãhre.

¹⁵ Ā yoa anjo yuhure yahuriro quihõdɩ uru mehne ti yoadure cjuahre. Tí macare, tí maca macaa sopacarire, sahrĩno cũhure quihõno taro nihre. ¹⁶ Tí maca to yoaro purota sahre. Mũano cũhɩ tó purota mũahre. Ā yoa anjo to quihõdɩ mehne tí macare quihõhre. Tí maca dos mil doscientos kilómetros yoari maca jihre. Tó purota sari maca jihre. Tó purota mũari maca jihre. ¹⁷ Ā jiro tí maca macari sahrĩnore quihõhre anjo. Sesenta y cinco metros mũari sahrĩno jihre. Masa mari quihõno seheta quihõno nihre tiro anjo.

¹⁸ Tí sahrĩno diamante wama tia tãa mehne to yoari sahrĩno jihre. Ā yoa tí maca sehe uru mehne to yoari maca jihre. Tí uru wete mariea jia vidro yoaro sehe noano co sitihre. ¹⁹ Tí sahrĩno docai jia tãare payɩ soro jia wapa tia tãa wahãhre. Tí tãa sahrĩnoi pisaa tãa doce tãa jihre. Ji mũhtaria tãcare diamante wama tia tãa wahãhre. To baharo jiria tãcare zafiro wama tia tãa wahãhre. Pũaria baharo

jiria tãcare ágata wama tia tãa wahãhre. Tiaria baharo jiria tãcare esmeralda wama tia tãa wahãhre. ²⁰ Pititia poca baharo jiria tãcare ónice wama tia tãa wahãhre. Cũ wamomaca pihtia poca baharo jiria tãcare rubí wama tia tãa wahãhre. Seis poca baharo jiria tãcare crisólito wama tia tãa wahãhre. Siete poca baharo jiria tãcare berilo wama tia tãa wahãhre. Ocho poca baharo jiria tãcare topacio wama tia tãa wahãhre. Nueve poca baharo jiria tãcare crisoprasa wama tia tãa wahãhre. Diez poca baharo jiria tãcare jacinto wama tia tãa wahãhre. Once poca baharo jiria tãcare amatista wama tia tãa wahã batoahre. ²¹ ã yoa doce sopa pahmari doce perla mehne to yoa pahmari jihre. Tí pahmaripe cũ yapa perla yapa mehne to yoa pahmari jihre. ã jiro tí maca macari maha uru mehne to yoari maha jihre. Tí uru wete marieni uru jihre. ã jiro vidro yoaro sehe noano co sitiri maha jihre tí maha.

²² Tí macai Cohamacũ wãhũre ñãerahi. Mari-ahre. Tí macai jipihtiropũ mari pũhtorore Cohamacũ tua yũhdũarigore, Cordero cũhũre ño payora masa. ã jiro tí maca jipihtiro Cohamacũ wãhũ yoaro sehe jihre. ²³ Tí macai Cohamacũ to si sitea noano buhriahre. Cordero cũhũ sihãria yoaro sehe buhriahre. ã jia sũ dacho macariro cũhũre ñami macariro cũhũre tói ti buhri-

achũ cahmaerare. ²⁴ ã yoa ahri yahpai ti buhria mehne jiahca jipihtiro macaina. ã jia jipihitia yahpari macaina pũhtoa tí macapũ noa yũhdũa ti cãaare na wihiahca. ²⁵ ã yoa dachore tí maca macaa sopacari pjõori sopacari jiahca. Tópũ ne ñami mari-anohca. ã jia ti sopacarire ne bihasi. ã susurucuahca. ²⁶ ã yoa jipihtia yahpari macaina noaare ti cãaare tí macapũ naa wihiahca. ²⁷ Ñaa sehere tí macapũ ne naa wihisi. Bũo tichũ yoaina, ñaare yoaina cũhũ tí macapũ ne wahasi. Mahñõina cũhũ wahasi. Cordero to joari tjuí ti wama wahãina dihta tí macapũ wahaahca. Tí tju to yũhdũchũ yoaina ti wamare to joa õri tju jira. Tí tjuí ti wama wahãina ã jirucuahca.

22

¹ Baharo noari mare catichũ yoari mare ñohre yũhũre anjo. Tí ma noano co sitiri ma Cohamacũ, Cordero cũhũ ti dujiropũ tari ma jihre. ² ã yoa tí maca macari maha dacho macai bũhũahre tí ma. Tí ma pũ bũhũseheri dũhtũ चाह catichũ yoa yucũ ducuhre. Tí yucũ sãripe dicha tihre. Cũ cũhmare doce tahari dicha tihre. ã yoa tí yucũ macaa pũri mehne noano co tiahca jipihitia yahpari macaina. ³ Tí macare ne ñaa mari-anohca. Tí macai Cohamacũ to dujiro jirohca. Cordero to dujiro cũhũ jirohca tói. ã jia jipihitina masa tói jiina

tinare dahra cohtaina tina pano na tuhcuca caha s_u, tinare wahche payoahca. ã jiro tói ñaa marianohca. ⁴ Tina Cohamac_ure ñ_u piti boca dujiahca. ã yoa ti w_uhd_ua pocai to wama wahãina jiahca. ⁵ Tó_up_ure ñami marianohca. ã jia sihãa pocare cahmasi tói jiina. S_u to buhriach_u c_uh_ure cahmasi. Mari p_uhtoro Cohamac_u to buhriaro jirohca. ã jia tí macai jiina pa sehe macaina bui p_uhtoa ã jirucuahca.

Jesucristo ahri yahpap_u to tjua tahto mahanocã d_uhsara

⁶ Baharo anjo y_uh_ure õ sehe nihre:

—Jipihtia ahri ti yahuri cjiri potocã tjira. ã jia ti niriro seheta waharohca. Mari p_uhtoro Cohamac_u to yare yahu m_uhtainare masich_u yoariro jira. Tiro sehe mip_ure to yairo anjore warocahre tirore dahra cohtainare masich_u yoaro taro. Baharocã to dohse wahahtore masich_u yoaro taro to yairo anjore warocahre — nihre anjo y_uh_ure.

⁷ Jesu sehe õ sehe nihre:

—T_uhoga m_usa. Mahanocã d_uhsara y_u tjua tahto. Ahri tju macaa yahuare y_uhd_ur_ucaeraina wahcheina jiahca —nihre Jesu.

⁸ Y_uh_u João ahri jipihtiare y_u joa narire t_uhohi. ã yoa tíre ñ_uhi. ã jic_u y_u t_uhori baharo, y_u ñ_uri baharo y_uh_ure ñoriro anjo panoi na tuhcuca caha s_umahi. Tirore ño payoi

tai nimahi. ⁹ Y_u ã yoach_u ñ_uno õ sehe nihre y_uh_ure:

—Tíre yoai tjiga. M_u jiro seheta jiriro y_uh_u c_uh_u Cohamac_ure dahra cohtarirota jija. M_u coyea Cohamac_u yare yahu m_uhtaina, jipih_utina ahri tju macaa dutiare yoaina c_uh_u ti jiro seheta y_uh_u c_uh_u Cohamac_ure dahra cohtarirota jija. ã jic_u Cohamac_u panoi na tuhcuca caha s_u, tiro sehere ño payoga —nihre anjo y_uh_ure.

¹⁰ ã yoa õ sehe ni yahu namohre y_uh_ure:

—Ahri tju baharo to dohse wahahtore yahura. To ã wahahto mahanocã d_uhsara. To ã mahanocã d_uhsach_u ahri tju yahurire n_uoi tjiga m_uh_u. ¹¹ Tí p_u y_u yahuri pjare ñaina sehe ã yoarucuwahnojaro ñaare. Ñaputiina c_uh_u ñabiaro yoarucuwahnojaro. Noaina sehe noano yoarucujaro. ã yoaga ñaa marieina ã ñaa marieina jirucujaro tí pjare —nihre anjo y_uh_ure.

¹² Õ sehe nihre Jesu:

—T_uhoga m_usa. Mahanocã d_uhsara y_u tjua tahto. M_usare y_u yainare y_u wahtore na tai tai nija. ã jic_u noaare m_usa yoari wapa m_usare noano yoaihtja. ¹³ Y_uh_u jipihtiare bajuamehneriro jija. ã yoa jipihtiare pih_utich_u yoah_utiro jija tjoa.

¹⁴ Jipihtina wete mariea suhtire sãaina ti jiro seheta ti ñaa yoari buhirire co-saweina tí macap_u s_uahca. ã s_ua, tí maca macaa yuc_u

catiare waa yuc_u dichare ch_uahca. ã jia wahcheina jiahca tina. ¹⁵ Tí macap_u s_ueraina sehe ahrina jira: Ñabiaina, yaya, numia mehne ñano yoaina, m_ua mehne ñano yoaa numia, masare wajãina, “Cohamac_u jira”, ti nia mas_urine ño payoina, mahño ji coaina, mahñoa pay_uina cã_u jira tí macap_u s_ueraina —nihre Jesu.

¹⁶ Æ yoa õ sehe ni yahu namohre Jesu:

—Y_uh_u, Jesu y_u yairo anjore warocahi m_usare y_u yainare ahri tju macaare yahui tai. P_uhtoro Davi panamino ji turiariro jija y_uh_u. Y_uh_u bohrea m_uja tach_u m_uja taria noano si siteria ñahpichoca yoaro sehe jiro jira —ni yahu namohre Jesu.

¹⁷ Espíritu Santo Jesure “Tjua taga”, nina. Jesu yaina to wamomaca d_uhtehticoro yoaro sehe jiina cã_u “Tjua taga”, nina. Jipihtina ti “Tjua taga”, nirire t_uhoina cã_u “Tjua taga”, nijaro Jesure.

Ñahma yapioina core tuaro ti cahmano seheta Cohamac_u cahap_u waha duana Jesure tuaro cahmaga. Tiro catic_u yoaa co yoaro sehe jira. Tirore cahmainare wapa

cahmano marieno ã jiru-cuch_u yoarohca Cohamac_u.

¹⁸ Y_uh_u João, jipihtina ahri tju macaare Cohamac_u yare t_uhorinare m_usare õ sehe ni cua pisaro mehne yahuihtja. Ahri buhea mehne paye buhea mehne more suhu yahu namoina

Cohamac_ure y_uhd_ur_uc_ucaa nina. Ti ã y_uhd_ur_uc_uch_u ñ_uno jipihtia ahri tjui to buhiri dahrehtore to yahuriro seheta c_unohca tina cã_ure. Æ jiro tó seheta tina cã_ure buhiri dahrerohca. ¹⁹ Æ yoa ahri tju macaa yahuare

yahu d_uhaina Cohamac_ure y_uhd_ur_uc_ucaina jira. Ti ã y_uhd_ur_uc_uch_u ñ_uno catic_u yoaa yuc_u dichare tinare ch_u dutisi. Æ jia ã jirucusi tina. Tuhs_u, to ya macap_u noari macap_u waha dutisi. Tí yuc_u, tí maca cã_u ahri tjui ti yahurip_u jira.

²⁰ Jipihtia ahri tju macaare yahuriro õ sehe nina:

—Æ tjira. Mahanocã d_uhsara yahpap_u y_u tjua tahto —nina tiro.

Æ tjia. Sã p_uhtoro Jesu tjua tahga.

²¹ Mari p_uhtoro Jesu to cahña mehne jipihtina m_usa noano jiga.